


《續修四庫全書》編纂委員會編

續修四庫全書



上海古籍出版社

六六八·史部·地理類

〔光緒〕湖南通志二百八十八卷首八卷末十九卷（卷二百五十六至卷二百八十八）〔清〕卞寶第

李瀚章等修 曾國荃 郭嵩燾等纂

245/03

張鳴珂撰 ○甯遠堂詩集一卷 甯鄉朱成點撰 四庫全書存

此集其所自編自序有云選從流離至庚子疾中閉門卻軌始

多什詩以自述而集中又有己酉下第詩蓋老於諸生者也

冠山堂文集八卷 甯鄉余愷撰 志 ○虛白齋詩集 甯鄉

周治輅撰 志 ○介三子詩草六卷 甯鄉黃遇隆撰 縣志

三子不能詩然其遇日月雷雨風雲木石禽魚之屬皆如故人

乃已其為文大都致力於苦取譬之閒有時氣象流行則

不樂其或滯抑阻身作罪人則伏案上器物多遭毀折家中人甚

堂集 幾希窩集 甯鄉丁節撰 志 ○笙月軒遺稿一卷 甯

鄉鄧廷松撰 縣志 顏檢序鄧南坡同年出其尊人丈山先生

政事暇則讀海一帙幽芬古豔冷吟人先生出牧吾粵不

泉齋存稿 南北紀游詩草 甯鄉王忻撰 志 ○麓莊詩集

甯鄉劉邦屏撰 志 ○尋樂堂全集四卷 甯鄉周增瑞撰 縣志

海粟園詩稿八卷 濼溪存稿一卷 甯鄉鄧枝麟撰 縣志

枝麟著有治喪存粵香親之燕南伶韻江櫻鳴晚晴諸草詩

萬二千餘首詞三百七十五首文五百三十餘首嘉慶壬申選

六首分爲三集刊於乾州縣學署 ○大瀉山房遺稿八卷 甯

鄉黃湘南撰 縣志 法善序黃君花松奉其詩人石橋先生

首其之燕游粵三游蓉江諸草吟賦續續之作府見出蓋先

生守蘇長沙時繼母章恭人旅寓京邸望雲生慕結爲哀響是

以詩文自寫其孝思也古本孝經二十二章強半皆引詩爲斷

詩故教孝之經也讀先生遺稿益信 案此爲三長物齋書

述聖表并秦恭人雲嶼山莊遺草十首卷首有題瑤王金策法

諸序 ○白雲山房古文二卷 龐盈詩稿四卷 蠡堂尺牘雜

著四卷 甯鄉胡澤匯撰 志 ○紀行吟 甯鄉姜義和撰 志 ○

錄微集 甯鄉劉基鎮撰 志 ○劉氏詩集雜著三卷 甯鄉劉

序拔撰 志 ○葆真詩集四卷 甯鄉劉起宇撰 志 ○羅峰書屋

詩集四卷 甯鄉李四青撰 志 ○無與居詩文四卷 甯鄉李

世漢撰 志 ○言吾言集 甯鄉黃逢治撰 志 ○三十六灣草廬

稿十卷 甯鄉黃本賦撰 都詩九百八十二首卷首有王金策

華胡士珩陶澍唐 ○三長物齋文略六卷 三長物齋書之一

林序王金策舊序 三長物齋詩略五卷 古三長物齋書之一

稿序也自先兄棄世後不忍復稱是名易齋爲三長物稿名雖

刻在嘉慶中猶有傳本以其久廢故茲不錄 甯鄉黃本賦撰

湘嵐詩草 湘嵐雜著 甯鄉許心源撰 志 ○嘉樹堂詩鈔

八卷 甯鄉陶章瀉撰 卷首有鄧顯鶴序集亦經其編定蓋章

光壬午仲秋詩凡 ○吾吾廬草存五卷 甯鄉袁名曜撰 志 ○

晚翠閣文集 復園詩集 甯鄉劉基定撰 志 ○蘇庵詩集

甯鄉黃思藻撰 志 ○鮮花巖館詩存 甯鄉梅鍾澍撰 卷首有

兆鏞李鴻章二序同治九年 ○企石山房詩存 甯鄉童輩撰

梓於其子海新安官署 ○盤山堂詩集 甯鄉

志 ○栝麓堂詩稿 甯鄉賀峻上撰 志 ○盤山堂詩集 甯鄉

志 ○栝麓堂詩稿 甯鄉賀峻上撰 志 ○盤山堂詩集 甯鄉

志 ○栝麓堂詩稿 甯鄉賀峻上撰 志 ○盤山堂詩集 甯鄉

志 ○栝麓堂詩稿 甯鄉賀峻上撰 志 ○盤山堂詩集 甯鄉

鄧光禹撰縣志○一花草堂詩集 甯鄉周瑞英撰縣志○靜樂齋詩存 甯鄉傅端瀨撰縣志○點春齋詩集 點春齋雜著 甯鄉丁炳良撰縣志○瀉湘小草 甯鄉崔榮世撰縣志○猗菴山房小草 述先訓詩 甯鄉潘世珩撰縣志○一鶴山房文集 一鶴山房詩集 甯鄉趙璠撰縣志○慕韓堂文集 甯鄉劉光潤撰縣志○嶽游草 北征草 楊州草 甯鄉周錫瑜撰縣志○蝸寄山房詩稿 甯鄉姜盛時撰縣志○漱芳軒詩集 甯鄉邊煥撰縣志○雙松堂全集 甯鄉羅彝鈞撰縣志○槐雲軒稿 甯鄉楊公迪撰縣志○小淇園文集 小淇園詩集 甯鄉楊業勤撰縣志○活雲廬集 罕公宴餘吟 粵游草 還湘草 甯鄉周誌勳撰縣志○養恬山房詩文集 甯鄉周封萬撰縣志○一硯齋詩文集縣志○迪貽堂文集 甯鄉程惠吉撰縣志○祇園詩文集 野耘詩集 甯鄉張毅瑞撰縣志○蜀游草 甯鄉周洛瑛撰縣志○南楚詩紀 甯鄉彭開勳撰縣志○小桃源草 甯鄉劉允文撰縣志○晚香遺草 甯鄉潘夢寬撰縣志○愛餘堂詩草 甯鄉賀容照撰縣志○養拙山房詩草 甯鄉周家相撰縣志○菊芳軒詩鈔 甯鄉王運榮撰縣志○務實堂集 甯鄉周和極撰縣志○寄湘吟詩草 甯鄉楊光進撰縣志○半壁齋詩集 甯鄉趙絨撰縣志○介亭文集 介亭詩集 甯鄉趙世景撰縣志○半舫詩草 甯鄉廖鴻兆撰縣志○序樂軒詩草 醉月軒集 甯鄉

李慶玉撰縣志○粟界園全集 甯鄉袁淑撰縣志○澹吟齋詩文集 甯鄉周含萬撰縣志○竹間樓詩集 甯鄉張思信撰縣志○課餘詩草 甯鄉劉星閣撰縣志○無價軒詩集 甯鄉黃懋偉撰縣志○采思草堂詩集四卷 甯鄉隆觀易撰縣志○序有義甯陳賈千餘首而此集祇四百○望嵇草堂詩 甯鄉周瑞松撰縣志○玉沙詩刻 益陽郭良史撰縣志○楓香亭草 益陽羅賢曾撰縣志○寒帷寫趣 望雲軒集 益陽夏漢大撰縣志○復遠齋詩集 益陽陳載華撰縣志○徐大本序稱仙掌陳先生復遠齋近稿既竣復徵余言以余之稍知其詩而又妄擬園草 北游草 粵夢游草 益陽趙明鼎撰縣志○聽濤園文集四卷 卷首有乾嘉序目錄後自識云十五年前妄以百首開雕癸丑病後取閱多釋蕪不足存之篇商友人汰去大半近作復夥合前刻者乞胡君芝藍張君湘門王君廷鑑等論定三年來主講撤董警校改刪凡五易稿合訂得一百三十首有奇案益陽志載陳恪勤鵬年序稱歲丙寅識曹子鳴佩纒十六食餘有聲聽濤園詩集云云此編無之又志載有詩集雜著今亦未見 聽濤園詩集四卷 聽濤園雜著 益陽曹耀珩撰○葛廬遺集 益陽徐大本撰 益陽志載有○望麓軒集 癡吟 益陽温其訓撰縣志○自娛集 益陽潘序賢撰縣志○愚齋文稿 益陽徐日宏撰縣志○九山詩集 益陽汪公詮撰縣志○雲鶴集 益陽夏所大撰縣志○柳園詩草二卷 益陽羅逸撰縣志○澹園遺詠 益陽夏光斐撰 張燦序甲辰長沙寓中澹園夏光斐同學示題其卷首今澹園歸道山已數歲矣詰詞典虞○晉園古文存 各達斐奉先人道詩付梓索余一言并其首

陽莫宗蔭撰 對峰樓集 益陽蔡燦撰

兄二然於衡郡學署出其古文數十篇促席商推且日余作以
子論而然之越六年余任衡陽教諭與二然尺聯接每有所作
笑而然之可謂於安適蓋密邇如同室者一尺蓋自始而
無不共證之林院典簿乞假歸里中開至衡者一尺蓋自始而
然以摧翰離而復暗十年之內欣感慨之情往復進退而
聚而離離而復暗十年之內欣感慨之情往復進退而
著之疑信相疑殆無虛矣幸冬忽聞二然捐館舍時余病
臥九原不期而自勝因之於死於九原而二然捐館舍時
以古原不期而自勝因之於死於九原而二然捐館舍時
局要必期於平正不作時藝雖汎濫百家出入經史而植志
其鄉會投為之文以訓家塾蓋取正也夫路本平而崎嶇之
謂文章之妖而雲霧之絕幽鬱險思以震盪人之耳目此先
慮其揀擇而傳者蓋寡矣然二然之所深戒也始二然以時
文其詞君丹崖已集十篇以問世繼以豈石早世不果今豈
以付梓今二然少君巨南兄弟復欲梓其先人遺稿而索序於
余惟半覆之文其詞子良輯與否尚未及知余勸三公皆成宿
草而余以刻之意存思得盡取三公之文手定而言於簡端以
終二然合刻之意存思得盡取三公之文手定而言於簡端以
未見半覆之文其詞子良輯與否尚未及知余勸三公皆成宿
清水為九江之一余以癸丑秋游任斯邑聽政之暇於邑乘閒
先覽其邑進士鄧古山洞庭秋賦詩詩意沈鬱不減懷麓堂
次誦勝國進士鄧古山洞庭秋賦詩詩意沈鬱不減懷麓堂
山諸老風味及觀曹暢庵聽秋詩詩意沈鬱不減懷麓堂
又以不得窺其全豹為憾感者久之顧余治益之時正長
鳴張之後里豆序為不煨燬兵燹恨無廣廈萬間大庇邑中
駿因設義塾六堂為不能自行者作秋風破屋中主人而
蔡玉壇攜其邑孝廉文敘洲詩古文集及尺牘以示余且
哲嗣生範西序之意余又以問俗俸科數月於於於於於於
未道展讀今夏四月歸君始轍而論之因歎鄧郭羅諸
固有一文敘洲馳騁夫翰墨之場何以南登賢書不得
萊而老死潦灑亦足悲矣迹其南浮吳越北走燕雲東涉
西遊秦隴凡所過山川危曲而橋與夫荒城野戍古木寒
沙空亭廢榭之流連蔓草豐碑之憑弔及一切鳥獸魚人
鬼神之狀一一於詩文尺牘間發之其思清如咽流泉其
如盤健鷗其氣壯如吹曉角其芒寒如拭湛盧因其文其詩思

〔光緒〕湖南通志 卷二一五六

見其人可不必以李北平不得侯閣內為紋洲借也余有以塞
文生之請矣駢體班駘不必非鄧古山之陸離光怪也詩意激
昂不非郭天門之蒼涼沈鬱也文品之幽雋亦非黃山谷之
羅禹鐘之古意盎然也尺牘之簡而峭清而曠倘亦兵刑錢
穀籍報循良凡微文考獻與有責焉序既成遂書以畀之且使
曹諸集并重不刊云爾 ○南湖古文三卷 益陽湯昭弼撰凡
三卷為論辨序傳記跋誌銘之屬未為南湖詩易自乾訖未濟
各取前史故事證之前有自序及跋易七條又有解二篇卷首
稱自訂時年七十有二刻於西冠峰煙中是 ○雲槎遺集 益
陽謝最濶撰 ○遵溪前集 益陽胡民猷撰 ○書圃古文
四卷 益陽張謙撰 ○叢桂山齋詩草 益陽何熙朝撰
○娛雲草 益陽羅助撰 ○夾鏡堂文集 益陽孫璜撰
○養慵堂詩鈔 益陽夏鼎撰 ○松風詩集 益陽李繩捷
撰 ○芸餘文草 芸餘詩草 益陽彭紹封撰 ○守約軒
集 益陽王琦撰 ○一枝園草 鄂游草 益陽王助修撰
○靜觀園遺集 益陽曾德教撰 ○求我堂集 益陽曾
德治撰 ○含真詩集 益陽溫筆隆撰 ○梧枝亭小草
益陽夏世珊撰 ○紫筠園詩文集 益陽胡顯韶撰 ○佩
葦集 益陽薛嗣昌撰 ○鶴田全集 益陽阮芝撰 ○桂
馥軒文集 益陽胡顯璋撰 ○趙侍御文集 益陽趙先雅
撰 ○聞妙香軒詩文集 益陽胡達源撰 ○益陽趙先雅
助始為刊行平江 ○遜訥齋詩文集 益陽胡達源撰 ○種
李元度為之序 ○益陽蔡用錫撰 ○石嶺詩草 益陽彭
梅道人遺稿二卷

引撰志 ○泉湖詩存 益陽姚國士撰志 ○雲廬山房詩集
 益陽黎光地撰志 ○石塘書屋詩草 益陽蔡青邁撰志 ○灌
 餘吟 益陽何中春撰志 ○闕嶺村齋文集 益陽賀光徽撰
 志 ○海粟山房詩集 益陽劉瀾撰志 ○海秋詩集 益陽湯
 鵬撰志 ○悟梅詩草六卷 益陽劉高望撰志 ○鏡渠詩草
 益陽楊成憲撰志 ○夢親樓雜著 益陽周代炳撰志 ○胡文
 忠公全集八十六卷 益陽胡林翼撰志 ○益陽周代炳撰志 ○胡文
 漢時武昌兵事方餘與前中丞益陽文忠胡公皆即軍中受
 事文忠專辦武漢之賊而余自荆襄下規安德相為角凡竭
 軍府三年之財力得之誠而余上威德下規安德相為角凡竭
 九江披太湖聖安慶公常駐節行開指揮所定功莫與京而
 尤拳拳於吏治人才以是幕府之中網羅獨盛所特薦於
 者先後秉鏡鏡典封圻皆能無愧公言呼公之德業於是為
 不朽矣其歲曾哀公文獻之存者刊成若干卷乙丑丙寅之交
 長沙鄧公湘鄉曾公先後撫鄂復取官私所藏皮者勒為遺集
 入十六卷為文若干首凡整軍經武察吏安民諸大政羅列備
 舉瞭如指掌讀是編者可以知公之勤與公之志矣軍興以來
 東南數省機阻不安者屢矣鄂居天下水陸之衝更無載無兵
 事自公視事後規畫措置如沛如流於今取書而通觀之
 則法美意粹然後規畫措置如沛如流於今取書而通觀之
 共事久樂是編之成而益念公之意不遠於後之賢者然
 之德業之盛而不能已於言也 ○雙梧詩草 益陽習藩撰志
 ○鶴皆詩集 益陽陳夢錫撰志 ○蛻園詩集 益陽郭凱撰
 志 ○飄中小草 益陽周悅撰志 ○愛梅山人詩集 益陽段
 其倫撰志 ○雲麓文集 益陽楊世驥撰志 ○復初堂遺集
 益陽晏祖鳳撰志 ○棣華堂詩集 益陽朱遠嗣撰志 ○劍花
 樓遺草 益陽李載陽撰志 ○劫餘詩草 益陽許毓藻撰志

○寄梅草堂詩集 益陽羅惟寅撰志 ○研農詩草 益陽徐
 廉玉撰志 ○補天樓詩草二卷 益陽譚定澍撰志 ○益陽周開錫撰
 然序刊之時光 ○汾湖草堂詩集二卷 益陽周開錫撰志 ○益陽周開錫撰
 緒已卯三月 ○汾湖草堂詩集二卷 益陽周開錫撰志 ○益陽周開錫撰
 南旋感懷而詩止百二十首蓋頗有剛雄 ○愛日堂集 楚詩
 松堂詩集 益陽易貞言撰 ○書院藏稿 嶽麓大社集 廣
 資社集 懷新閣詩刪 擬古樂府 北游草 朗溪草 均
 種竹亭稿 益陽湘鄉簡徐芳撰 ○百梅詩一卷 湘鄉龍鏞撰
 縣志 簡語序子延公錫葛君於家塾見其案上兩帙各著梅
 花百詠一人為前哲馮海粟先生作一為龍君日章和韻因問
 日唱何如人公錫曰此吾邑宿學也為一人天資樸茂澹交洽
 詠後附錄 ○補庵詩集 湘鄉王嗣芳撰 湘鄉王嗣芳撰
 所著詩錄 ○補庵詩集 湘鄉王嗣芳撰 湘鄉王嗣芳撰
 扶輿清淑之氣於是為聚其山多欹崎水多噴激鐘其氣者往
 往多才多壽又其地山水迴環居民鮮少葉風霜月黃冠羽客
 時託而游焉振公王先生者偶寓落有奇士風生平原晚來
 冕吐棄一切不屑肩輿里中兒輩黃估畢有奇士風生平原晚來
 一吟十詠益自放於山巔水涯今且年八十有四醜貌鶴髮狀
 如四十許人讀其詩於山巔水涯今且年八十有四醜貌鶴髮狀
 有道者余固疑其非常人敘談間方知其總角時受異人真訣
 幅以環英紺雪之丹固宜其收視返聽腐鼠視世物異人真訣
 幅數十年後方當雲湘南山水去故就新向闢風三島從先生
 許我 ○友竹野人詩集 湘鄉洪仙年撰 沅湘香 ○杏園集
 湘鄉易最撰 楚詩 ○山居吟一卷 葆光亭集一卷 湘鄉
 簡待芳撰志 ○松嶺草六卷 湘鄉廖虬撰志 ○帶江堂詩文
 集 湘鄉簡能撰志 ○如山堂詩集 湘鄉李可城撰志 ○天
 聽樓詩文集十三卷 湘鄉李嗣亮撰 博極羣書著述皆古奧

自成一家言今按其集分論古五卷副時三卷書啟二卷和馮
 氏百梅詩一卷仙佛問各一卷都十三卷統名之日天聽樓偶
 與○株園雜著二十卷 嶽游草一卷 彤管吟 湘鄉易宗
 洛撰楚詩 ○留雲閣詩集 湘鄉傅惟肖撰志 ○樵軒詩文集
 湘鄉楊芳撰志 ○易水亭詩文集 湘鄉易宗洪撰志 ○韶
 山書屋詩文集 湘鄉楊大鼎撰志 ○味香堂詩草 蓮花山
 房文集 湘鄉董尚志撰志 ○夢草亭集百卷 湘鄉謝天墀
 撰志 李中素序帝賜為名諸生然數奇試轉關屢蹶所撰
 撰草亭集詩不一家文無專體而機杼組織行以我法讀之
 覺聖狂仙佛走靈囊中漢魏晉唐奔馳麾下故捐管抽思不期
 工而自工此昔人所謂楚語人游恨語人駢快語人舞韻語人
 香附語人情雉語人為之騰張連 ○平樂吟 湘鄉王應泰撰
 語人為之肉飛者也吁亦異矣哉 ○湘鄉易宗瀛撰志 ○
 志 ○翠濤書屋集二卷 昨非集二卷 湘鄉易宗瀛撰志 ○
 半霞樓詩文集 湘鄉易宗瀛撰志 ○聽鵬軒詩文集
 湘鄉易宗海撰志 ○我峯雜稿 湘鄉朱石麗撰志 ○介庵詩
 文集十卷 湘鄉陳堯昌撰志 ○蕉軒詩文集 湘鄉黃宜中
 撰志 ○安齋詩草四卷 湘鄉黃宜誠撰志 ○品園詩草 湘
 鄉黃宜清撰志 ○濯漣樓詩集 湘鄉黃宜醇撰志 謝家
 園形清神潔子史百家靡不淹貫工草草詩歌其生平所居
 游歷諸名往來盡皆構思婉曲遺詞清麗別具襟抱無一語寄
 人難下海擅廣覽之長 ○出耕堂詩稿 湘鄉黃宜發撰志 ○
 而得元白之意者也 ○湘鄉丁中撰志 向廷序序丁子至性純篤
 一時咸欲以孝揚之輒辭不敢居成寅歲無隔宿而母極滋味
 門見一竹一石一草一花皆位置有倫接其人古貌蒼顏精神
 矍鑠真粹然有養者頃之出指山園詩一帙余讀之體雖不一
 美無弗備信口吟來無非自發性靈余既味不置而信其為人

性真也 ○梅溪詩文集 湘鄉謝天錦撰志 ○主一齋文集
 湘鄉陳德辨撰志 ○南窗稿一卷 湘鄉王永泗撰志 自種編文集
 於京師人發其篋得南窗 ○祇囊集四卷 湘鄉鄭守條撰志 評
 詩一帙皆懷母之作也 ○蛭鳴集十卷 湘鄉鄭守條撰志 評
 湘鄉張正笏撰志 ○蛭鳴集十卷 湘鄉鄭守條撰志 評
 商書周書一卷評歷代子書一卷評傳記大序小序一卷評二
 十一史一卷雜說一卷讀四書詩一卷讀春秋詩一卷游覽一
 卷詞賦一卷 ○清川詩文稿 湘鄉彭宗禹撰志 ○嗜古軒文
 集 湘鄉劉煥撰志 ○衍墨莊文集 湘鄉劉天玉撰志 ○侶
 石軒詩集 湘鄉劉朝暉撰志 龍之孫通志以爲兆龍著說 ○師
 儉堂文集 師儉堂詩鈔十卷 凡十種首載音韻次帶血脈思
 日草間景編信天吟假學集此集最多獨爲一冊詩起康熙壬
 辰乾乾隆丙戌卷首有陳浩張天如周鈺諸序各集又各有序
 則張正笏而宜中 湘鄉蕭衍守撰 ○荆花書屋詩文集 湘鄉
 周昭佩撰志 ○夾鏡亭詩文集 湘鄉易祖槐撰志 ○退學齋
 羅國綱撰志 ○詩集 連林草堂集 湘鄉易祖槐撰志 ○退學齋
 詩集 連林草堂集 湘鄉易祖槐撰志 ○退學齋
 湘鄉周憬撰志 ○槐蔭堂稿二卷 湘鄉王辰亨撰志 ○雪香
 書屋詩稿 湘鄉廖錦豐撰志 ○淑南賦詩兩稿 嘯溪詩稿
 湘鄉易祖杖撰志 ○館閣存餘集 湘鄉羅國俊撰志 湘
 鄉 ○蘭香集一卷 湘鄉譚卓撰志 ○元泉遺草一卷 湘
 鄉鄉輝桐撰志 ○安仁詩草一卷 湘鄉黃齊雲撰志 ○石渠
 堂雜著一卷 詩草一卷 湘鄉蕭智湖撰志 ○滇南紀行詩
 湘鄉張眉大撰 沅湘耆 ○知恥齋詩文集八卷 湘鄉謝振

定撰縣志○登拙詩集一卷 湘鄉羅愚撰縣志○種德堂詩稿一卷 湘鄉章敬典撰縣志○竹溪詩草 湘鄉成賢洵撰沅湘耆

○深柳堂文集 湘鄉彭宗虎撰縣志○梅齋詩草一卷 湘鄉謝墀撰縣志○青箱樓詩文稿 湘鄉王孝身撰縣志○台峯文稿 湘鄉李本敏撰縣志○覆瓿編 湘鄉王孝悌撰縣志○么螺草 詩文集 湘鄉彭興馥撰縣志○梅雪雙詠集 湘鄉陳德愉撰縣志○薪桂堂集 湘鄉蕭冠撰縣志○止怒詩草二卷 湘鄉丁南撰縣志○東夢樓詩集 湘鄉彭閻撰縣志○西園詩文集 湘鄉李本尊撰縣志○乃塢廬草 湘鄉聶汝康撰縣志○青芬山房文集一卷 史首有嘉慶六年葛樹蕃序稱南洋受知姚雪門太西彭洋中序稱姚學使得先生奇其才日為怪物名藉甚已游京師卒業太學以廣文需次歸里工書畫嗜酒晚歲傷感感逝著夢史以奇微初有巨集巨宿遷舟中是集乃晚歲手定今沒已三十八年諸孫翰謀付梓今案序記書傳之屬三十餘篇刊於道光詩集一卷 湘鄉舒東撰縣志○小綠石齋雜著三卷 有彭三十年詩集一卷 湘鄉舒東撰縣志○小綠石齋雜著三卷 有彭洋中道光丁未序稱筠僑先生詩洋中既編次序翻悟文復以雜著評說先生雅有深癖家世多藏書手自丹黃皆一一有部署無少遺損雖其子必秉命乃敢取讀生平不輕許可一為賦詞笑而於師友風義扶掖後進情見乎詞今案是編卷一為賦詞記序卷二為傳銘辨書事跋啟卷三詩集二卷 湘鄉蔡世瑣撰縣志○雙漪堂文存縣志詩集二卷 湘鄉蔡世瑣撰縣志○春和堂詩鈔三卷 湘鄉程大閻撰縣志○蟲吟草 湘鄉龍章撰縣志○醉月山房一卷 湘鄉譚家紱撰縣志○秋樵遺草 湘鄉鄧鵬齡撰沅湘耆○桂園詩草一卷 湘鄉徐秘撰縣志

寄園詩鈔八卷 湘鄉羅昌際撰縣志○耕雲詩草八卷 湘鄉張興濬撰縣志○百梅詩一卷 湘鄉羅智撰縣志○消閒草三卷 湘鄉龍獻琛撰縣志○古香山館存稿十二卷 湘鄉彭洋中撰縣志○羅山遺集八卷 湘鄉羅澤南撰縣志○我齋文存八卷 湘鄉成毅撰縣志○竹軒文稿一卷 湘鄉王本撰縣志○潛室居牘稿三卷 湘鄉陳維鵬撰縣志○秋浦遺草一卷 湘鄉曹光輔撰縣志○望樓遺集五卷 湘鄉劉翔舉撰縣志○白鷺灣草堂詩存十二卷 湘鄉羅信南撰縣志○曾文正文集八卷 書牘十八卷 詩集二卷 湘鄉曾國藩撰縣志○養晦堂文集十卷 詩集二卷 湘鄉劉蓉撰縣志○九峯文集四卷 湘鄉賀雍撰縣志○左伯子文集二卷 湘鄉左樞撰縣志○雪杭詩存四卷 駢文二卷 湘鄉陳良燧撰縣志○鴻濛老屋文存二卷 詩存二卷 湘鄉洪彭述撰縣志○賴頭村人詩八卷 湘鄉周牧撰縣志○絳英草堂詩一卷 湘鄉洪昌期撰縣志○香山草堂文集 香山草堂詩集 香山草堂續集 南園雜述 攸縣劉友光撰縣志○依縣舊志云俱存載胥鈔自序南州朱徵愬堂詩略序略云杜三早受知余友吳梅村文名藉甚而行誼甚高至性純孝事其母終身孺慕海內鴻儒祝嘏述意熊漢陽清江劉文節之文俱在即杜三擇交信友反身而誠以事其親者可知也尤篤於友誼讀無不道入傳拳拳以旅櫬為念所著古文○環甚富今此詩略不過緒餘云耳序作於康熙戊申季冬

山文集

攸縣蔡來蘇撰 攸縣舊志云伏載陳枕文之言曰眉

雅入室眉人別腐之又有履涉四韻婆娑詩賦之堂壁際蟻

攸縣蔡來徵撰 攸縣舊志云存又云原本已佚後學杰採輯成編又載

文集 攸縣舊志云存又云原本已佚後學杰採輯成編又載

不羸強不足以 島孫別錄 攸縣舊志云佚其略具邑人陳

陳之駮撰 攸縣舊志云存又云原本已佚後學杰採輯成編又載

其瀾撰 攸縣舊志云存又云原本已佚後學杰採輯成編又載

攸縣洪加切撰 攸縣舊志云存又云原本已佚後學杰採輯成編又載

攸縣譚祖紹撰 攸縣舊志云存又云原本已佚後學杰採輯成編又載

野園詩文集八卷 攸縣劉洪球撰 攸縣余家駒撰 攸縣

集 攸縣陳五玉撰 攸縣劉起光撰 攸縣劉詢撰 攸縣

○望白堂集 攸縣劉起光撰 攸縣劉詢撰 攸縣

○墨香齋文稿 攸縣劉傳松撰 攸縣梅軒集 攸縣陳兆璠

撰 攸縣二柳草堂詩集 攸縣洪圖南撰 攸縣一峯詩集 攸

縣劉光鈺撰 攸縣澹谷詩鈔 攸縣廖夢麟撰 攸縣亦翠文集

卒 攸縣風亭詩集 攸縣蔡奇生撰 攸縣雪齋詩集 攸縣譚

世 攸縣樊玉集 攸縣劉鼎鉉撰 攸縣魯游草 攸縣譚

撰 攸縣玉峯集 攸縣虞榮撰 攸縣羅浮山房詩集 攸縣張文鑑

攸縣嗜古編 攸縣歐陽士泓撰 攸縣山澤吟 攸縣文承

賦撰 攸縣螺溪草堂集 攸縣劉自燧撰 攸縣步麓詩集 攸

縣蔡上枚撰 攸縣碧山堂詩 攸縣蔡上泗撰 攸縣梅邨詩

攸縣蔡方亨撰 攸縣蝶園集 攸縣劉銓撰 攸縣舫笑齋集

攸縣陳治章撰 攸縣澹園詩集 攸縣龍起田撰 攸縣雪航集

攸縣蔡而偉撰 攸縣晚香園集 攸縣劉魯初撰 攸縣志游

詩草 攸縣蔡上萬撰 攸縣西郊吟 攸縣吳雲際撰 攸縣

亭文稿 攸縣蔡上萬撰 攸縣西郊吟 攸縣吳雲際撰 攸縣

杜詩 攸縣易生龍撰 攸縣雙清堂集 攸縣元閣集 攸縣

世坡撰 攸縣綠塘集 攸縣張之蓮撰 攸縣獨秀軒詩集 攸

縣胡作傳撰 攸縣擊空吟詩集 攸縣彭廷梅撰 攸縣怡文堂

文集 攸縣蔡合天撰 攸縣蘭洲雜編 攸縣陳葵撰 攸縣

撰 攸縣望瀛軒詩集 攸縣陳述選撰 攸縣繪經堂詩集 攸

縣陳述祥撰 攸縣春江文集四卷 攸縣春江詩集四卷 攸

卷 雙江別稿 攸縣春江文集四卷 攸縣春江詩集四卷 攸

且與之俱 攸縣陳夢元撰 攸縣天放山人文集 攸

因致 攸縣陳履謙撰 攸縣瑞雪百咏 攸縣蔡上舉撰 攸

詩集 攸縣陳圭撰 攸縣清暑吟詩集 攸縣劉大章

金書屋詩集 攸縣陳惠撰 攸縣清暑吟詩集 攸縣劉大章

攸縣劉大章

詩文集 茶陵尹夢齡撰州志○曠如集 茶陵譚步雲撰州志○曉園存稿 茶陵譚毅撰州志○愛日堂牘稿 茶陵陳顯珪撰州志○江樓文集 茶陵劉淇撰州志○四知堂集 茶陵譚又新撰州志○時敏堂擬古三集 茶陵劉虞生撰州志○鵬抱山房集 茶陵彭友和撰州志○好遜詩文全集 茶陵尹士朝撰州志○存辛草 茶陵譚大鎬撰州志○陶陶集 茶陵尹學周撰州志○玉照堂詩古文集 茶陵譚為坊撰州志○皋園集 茶陵陳一鶴撰州志○愛廬詩草 茶陵譚青耀撰州志○詠史詩 茶陵譚琬撰州志○北行吟 茶陵譚良治撰州志○秋川山房集 茶陵尹績垂撰州志○白石山房詩草 茶陵譚夢鼈撰州志○奇傲軒詩草 茶陵譚兆鴻撰州志○虛室律陶 茶陵譚中鈞撰州志○湘游隨草 茶陵謝上海撰州志○平湖春舫集 茶陵譚應持撰州志○香生草堂詩稿 茶陵陳德祥撰州志○學梅軒詠史詩 茶陵劉搏萬撰州志○松濤書屋詩鈔 茶陵彭肇基撰州志○孺廬集 茶陵蕭錦忠撰

湖南通志卷二百五十六

〔光緒〕湖南通志 卷二五七

湖南通志卷二百五十七
藝文志十三
集部 別集類
國朝○蕪齋文集十卷 澹濤園初集 蕪齋五十自定彙一卷 六十自定彙一卷 七十自定彙一卷 買核彙 嶽餘集一卷 做體詩一卷 落花詩一卷 遣興詩一卷 和梅花百詠一卷 船山詩牘彙一卷 衡陽王夫之撰船山通書○綠野園集 衡陽廖聯翼撰州志○晴江草堂集八十卷 衡陽李穩撰州志○蕉畦存彙州志○雲草沅湘耆集 衡陽王啟撰州志○南屏詩鈔 衡陽劉宗珙撰州志○湘浦吟二卷 衡陽杜岐松撰州志○杏園詩集 衡陽蕭子石撰州志○耕心堂文集 衡陽米蔚齡撰州志○霜桐文集 衡陽宋士莊撰州志○寶門集 衡陽陳廣治撰州志○芸者韻語一卷 芸者古文一卷 衡陽王生荃撰沅湘耆集○小山谷文 衡陽王霍撰州志○東樓集 衡陽王世詰撰州志○在璞堂詩文集二卷 衡陽王東之撰州志○上溪集三卷 衡陽王嘉績撰州志○玉堂文集 竹浦會心 衡陽賀珩撰州志○山居詩 衡陽唐崇勳撰州志○虞門牘彙 衡陽王啟聰撰州志○擬古樂府二卷 衡陽王洞撰州志○蘭溪詩集 衡陽劉中撰州志○噴泉詩集 衡陽劉隆諄撰州志○春洋詩鈔 衡陽沈洋撰州志○志堂詩草一卷 衡陽李材讓撰州志○刪

一一

餘小草 衡陽劉定題撰 〇璇璣碎錦 春吟回文 衡陽
 李賜撰 〇回文月賦 衡陽李曉撰 〇耶蘆山房詩文集
 十三卷 衡陽魏瀚撰 〇也居山房詩文集 衡陽魏承祝
 撰 〇珍旭堂詩草 詠史百篇 清泉唐傳毅撰 〇澹筠
 詩鈔 清泉丁一鵬撰 〇萍湘集 閩中草 東和藏藥
 清泉鄧文起撰 〇政餘書屋文鈔二十卷 清泉王泉之撰
 〇崇本堂詩文集 清泉譚鵬霄撰 〇竹村文存 清泉
 席珍撰 〇鹿山詩鈔 清泉歐陽鈺撰 〇芝城疊詠 清
 泉唐慎五撰 〇漢皋吟 清泉羅洪廣撰 〇臥雲集八卷
 清泉蔣廷昌撰 〇月到山房詩鈔四卷 清泉歐陽軒撰
 〇嶽蔭堂集 衡山唐崇勳撰 〇聚東集 衡
 山之理撰 〇敦本堂集 嶽麓詩文集 衡山羅登選撰
 〇恆農堂文集 六篇 卷首有乾隆己未涇川夏力恕序
 吟一卷 卷首有夏力恕序 凡四十葉 合後集三十餘葉 爲
 鞭後集一卷 增 衡山彭士商撰 〇駭園詩集 衡山彭齡撰
 刻本三十餘冊 前有靖道謨序 後有夏力恕并男士
 商跋 力恕序 乾隆元年版 刻於士商黃州教授署 〇刪餘文
 草 卷首有大學士蔡新序 次自序 稱文數災黎 每錄版後人
 有論 酒禁白沙井記 二 刪餘詩草 卷首有乾隆辛巳臘月同門
 篇 借文徵 僅采記文 刪餘詩草 卷首有乾隆辛巳臘月同門
 時年八十有九 小行書 入行十六 格似親筆 序稱于與均
 同爲竹君許 師所得 士而崎嶇 爲前輩 雖自合今而生平性
 情之曠 學問之博 文章之根 樞深 厚許師 時爲于言云 云次自
 序 亦均 錄自書 凡崎嶇 自序 皆自書 也 卷末 載孫 估繕 寫都百

十二葉 沈序稱六卷 而書未標卷數 做古吟 卷首有新建館侍
 但葉首 屢標書名 是即其分卷 歟 〇衡山曠敏本
 書凡六十一葉 韻語 卷首有原序 有增訂序 乃纂輯 格言
 如萬物 第一 凡教 第二 豪傑 第三 天高 第四 之類 衡山曠敏本
 取首 節首 二字 爲名 也 凡六十二 葉 後附 跋語 〇環溪草堂文集四
 卷 〇樂庵集 衡山聶繼模撰 經史文編 〇環溪草堂文集四
 卷 衡山聶濤撰 〇荷田文章 衡山劉德濬撰 〇竹
 沅 衡山歐陽正煥撰 〇墨君吟詩一卷 衡山歐
 陽旺撰 〇步耕山房集 衡山彭陸撰 〇瓦厄集六
 卷 衡山彭坊撰 卷首有乾隆乙未曠敏本序 自書 後至 啟 爲
 都 爲 二 冊 〇亦步所詩文集 衡山彭階撰 〇仁原堂集
 〇衡山劉桂撰 〇綠野漫吟 衡山趙嗣卓撰 〇亦
 耕書屋集 衡山李宗棟撰 〇白雲篇四卷 衡山彭李
 撰 第一 冊 爲 試 草 新 言 試 草 乃 歷 試 受 之 文 宗 之 作 新 言 取 昌
 撰 新 志 於 古 之 立 言 者 之 義 爲 論 序 傳 碑 文 啟 記 各 體 前 有
 自 序 第 二 冊 爲 曠 敏 本 序 記 之 作 自 序 言 或 爲 古 人 說 過 則 刪
 去 故 謂 之 廢 三 冊 四 冊 爲 曠 敏 本 語 皆 古 近 體 詩 自 序 謂 曠 敏 本 言
 也 人 有 不 得 已 之 事 賦 於 口 而 禁 於 心 乃 形 於 夢 而 成 寐 言
 之 無 知 覺 者 也 後 序 謂 計 自 丁 丑 至 甲 申 數 年 間 初 入 夢 迄 今
 取 老 杜 詩 尚 點 檢 白 雲 篇 之 句 名 其 全 冊 云 〇向嶽山房詩集
 衡山陳世柱撰 〇霧巖小草 衡山陳思濂撰 〇
 展思堂詩彙 衡山李昭述撰 〇此山小草 衡山周開
 雲撰 〇雨巖詩集 衡山彭歲撰 〇芥圃詩彙 湘
 環草堂文集 衡山鄒薪植撰 〇湘雲集 衡山文彩 〇軒渠集
 撰 上 卷 五 絕 七 絕 五 古 七 古 下 卷 五 律 七 律 都 三 〇軒渠集
 百 餘 首 卷 首 有 丙 寅 彭 字 序 至 嘉 慶 甲 戌 梓 行

衡山彭仍璞撰縣志○泃陽詩草 衡山彭仍理撰縣志○南
湖詩草 衡山彭仍珣撰縣志○星巖文集 粵游詩草 曉
嶽山房編年詩 衡山聶肇奎撰縣志○閒吟草 衡山彭傳
章撰縣志○心圃文集 衡山彭傳敬撰縣志○萬壽詩冊 賜硯
堂詩文集 集刻本一冊分榮花紀游時遇疾心閣觀海觀槐七
年閩軼吟 賜硯堂進呈錄 政各摺總四冊試策大授官謝捐學
也 聖駕東巡恭紀一篇十二葉係任奉天府 衡山彭浚撰○
承兼學政時擬進外律賦試帖時文各一冊 衡山彭浚撰○
賜書堂經進初藁 衡山聶鎬敏撰縣志○聽漏吟 五臺遊草
衡山聶鏡敏撰縣志○寄嶽雲齋初藁二十卷 近光經進初
藁六卷 玉堂存藁 奏御藁 衡山聶鏡敏撰縣志○守身堂
文章 丙午秋卷末有自作墓誌銘稱生於乾隆三十七年壬辰
晚補湘潭教諭年八十餘慶祝告休歸當是歲豐元辛亥又
有東海受業俞鳳翰題辭二簡稱辛酉九秋適承牙白茹文孫
世兄以遺集見示則守身堂詩草寫本二冊上冊之首有書紳
距辛亥又已十年矣 衡山聶鏡敏撰縣志○守身堂
稱年五十餘以邑宰試二東詩草之存自充始時江左馮晏梅
先生暨其弟集軒明府選迓充郡陳蓮史三元守充俱品評獎
借晏翁會著金石索一書精核典確者也運河徐古梅觀察湖
之蕭山人再三稱善左杏莊中丞摘句朗誦極口贊揚夙昔情
而後及文彙也卷首列試帖百餘道光丙午中元此則先編詩彙
於乙卯冬時年入十有三則丙午以後 衡山會傳新撰○湘洲
續錄其詩初名學農吟草有自序續序 衡山會傳新撰○湘洲
詩草 衡山羅廷彥撰沅湘耆○玉峰樓集 安仁龍際時撰
縣志○愁夢吟 安仁歐陽天傑撰縣志○山居吟 安仁唐接任
撰縣志○就日堂遺文 安仁歐陽炎撰縣志○竹塹詩存 安仁

謝翔撰縣志○忠愛堂集 安仁周惠鎔撰縣志○啣啣吟 安仁
謝如瓏撰縣志○拾餘藁一卷 安仁張必昌撰縣志○燕游草一
卷 滇南游草一卷 吳游草一卷 學稼齋存草一卷 學
稼齋文集 安仁張翼軫撰縣志○柳涓居士文集二卷 詩集
四卷 安仁張廷良撰縣志○香山堂集 安仁盧山撰縣志○是
亦堂集 安仁陳瑞龍撰縣志○蒐新詩草 安仁李鼎撰縣志○
賞雨山房詩 安仁張粹餘撰縣志○北遊草 南旋草 安仁
謝世琛撰縣志○素位草 安仁謝鏡三撰縣志○疑山詩藁 安
仁李宅欽撰縣志○五經室詩草 安仁周建鎬撰縣志○培性齋
詩文 安仁侯振煥撰縣志○坦齋全集三十四卷 安仁歐陽
厚均撰縣志○祇適堂詩藁 安仁侯襄朝撰縣志○擬陶集 未
陽楊兆昇撰縣志○坦然集 未陽楊景行撰縣志○浴日文彙
常甯殷銘撰宜陽詩○塵餘集 縣志 自斥路居嶽麓一峰遺
草二卷 經史諸子百家兼綜條貫一時名勳公卿所著嶽麓
半山草長沙吟桑陰晚晴荆游唱和洞庭雜詠 常甯王祚梓撰
不至於殘缺者命飲章清兒重校付梓 增 常甯王祚梓撰
○粵游草 常甯劉嗣沅撰縣志○菊園詩集 常甯周玠撰
縣志○對山賡技 深造樓集選 常甯江漣撰縣志○南莊
詩集 常甯劉禹智撰沅湘耆 策竹園文集 縣志 策竹園詩集 沅
者舊 相山文集 衡州志 常甯段嗽生撰 卷首有乾隆五年庚申丁
德補輯卷一為論辨傳凡十六篇卷二為記志銘凡四十餘篇
卷三為序祭文雜著凡二十八篇未附鄭方坤所作墓誌銘卷

張西林撰縣志○真吾子文草二卷縣志詩草二卷沅湘者常甯張
 際雲撰○學古編 嶽麓草 集唐詩沅湘者集杜詩 集陶
 詩 回文集句縣志常甯王啟絢撰○汲泉古文二卷 詩集三
 卷 常甯吳山祥撰縣志○日雲詩草 常甯段永益撰縣志○炳
 燭草三卷 常甯唐純撰縣志○竹蔭山齋遺草一卷沅湘者
 鶴堂詩集四卷縣志常甯賀嘉齡撰○菊溪集六卷 常甯王白
 齡撰縣志○靜安軒詩草一卷 常甯吳成楚撰沅湘者○問壇
 文彙三卷 常甯李德壽撰縣志○快於是齋遺集二卷 常甯
 賀齡炳撰縣志○如心堂詩鈔四卷 常甯易兼三撰縣志○星江
 古文 常甯吳觀光撰縣志○小有天詩鈔五卷 常甯吳奎撰
 志○湘東草堂詩鈔 常甯王晉撰縣志○貢玉堂集 常甯張
 獻廷撰縣志○寄癡山房全集十卷 常甯賀嘉齡撰縣志○可乎
 可軒詩文合編六卷 常甯劉晴川撰縣志○石塘文集十卷
 詩集六卷 常甯李孝經撰縣志○小瀛洲詩集二卷 常甯郭
 憲章撰縣志○適吟一卷 其行役之詩曰適吟者示余夫三湘七
 澤洞庭衡嶽吾楚之勝境天下之鉅觀也生其地者足不越疆
 而山川雲物早濤盪其心胸又何必行遊他鄉謂有以興懷觸
 境哉雖然司馬周覽其文益豪則得力於游者又似不少令公
 所至有作所必工豈非以平日之所得於鄉者為未足賦炎
 雲在天夏日正烈披瀟湘之下不覺忘杭游雜詠一卷左觀序周
 揮汗之勢而清風徐來拂人衿袖也杭游雜詠一卷左觀序周
 以著史之暇而清風徐來拂人衿袖也杭游雜詠一卷左觀序周
 已山高而水長遊望玲瓏山黃昏青冪見月下之魂英雄
 餘欲紅粉春花停車古百感橫生每得佳句輒扣壁譚呼幾
 有大攻之偏而余但堅壘自守工部再游何將軍園林詩至十

〔光緒〕湖南通志 卷二五七

五首而借游之鄭廣文無一秋感篇一卷朱儀徵序周子秋感
 半謝答余竊有以自處矣賦秋感篇一卷朱儀徵序周子秋感
 之作也昔屈子行吟隋煬作賦秋感篇一卷朱儀徵序周子秋感
 所感略同雖然烈士悲秋悲其將然也若夫離下之銅駝塵
 上林之白雁難遇情亦何能已周子感賦秋感篇一卷朱儀徵序周子秋感
 古今興亡得失之故都寓之於史貫一書大哉感賦秋感篇一卷朱儀徵序周子秋感
 二章見南行句紀徐銓序周子令公挾策走河洛燕趙之墟窮
 之哉河上斯宮騰仰企之意與焉及鐘吾息馬則又買舟揚州
 邗城道河上斯宮騰仰企之意與焉及鐘吾息馬則又買舟揚州
 感不一情紅亭沽酒綠岸維舟非詩料令公家瀟湘獨冷孤
 泊於湖山之上將古所謂勞人者非邪宜其堅眉不平之氣一
 發於詩乎鄱縣周士儀撰○胎嶽堂集 鄱縣鄒世任撰沅湘者
 ○蛩響集 焚餘草 柏遺草 鄱縣鄒章周撰縣志○西園集
 鄱縣羅世瑛撰縣志○擬亭集 鄱縣劉啟紹撰縣志○鶴潭詩
 集 鄱縣段德璋撰縣志○李氏詩文彙 鄱縣李杜伯撰縣志
 古農研文 零陵周紹邦撰縣志○翠庵遺集 零陵高懋柏撰
 志○一餘齋文集二卷 零陵張光會撰縣志○孟衡遺彙 零
 陵蔣銓撰縣志○愛梅堂詩草 零陵盧學全撰縣志○聽月樓遺
 草 零陵王植本撰縣志○愛綠山房彙 零陵王金貢撰縣志
 ○石園詩彙 豐樂樓集 粵閩雜詠 零陵王盛德撰縣志
 集古三百篇 有恆堂詩彙 零陵左文科撰縣志○長庵詩文
 全集五十卷 零陵周廷高撰縣志○石峰詩彙 零陵劉煊
 撰縣志○荆山詩草 零陵雷輝鄧撰縣志○心竹軒詩草十
 二卷 續集一卷 零陵蔣濂撰縣志○我堂詩集 零陵王

一五

心撰永州志○補曠集四卷 零陵王日照撰永州志○聰訓堂集
 零陵劉方瑚撰沅湘耆舊集○友蘭堂詩彙 零陵王勳撰永州志
 ○羣玉山樵詩草永州志 零陵唐助克撰永州志○養拙堂詩文集二卷
 詩鈔十二卷 零陵唐助克撰永州志○零陵譚光鼎撰志○介
 亭遺彙 零陵高懷祺撰志○青園詩草 零陵楊靈撰志○
 雲莊詩集二卷 零陵陳楷撰增志○淡山集 零陵李長芬
 撰永州志○浴月堂集 零陵蔣本厚撰永州府志○竹實齋詩
 零陵蔣鳳色撰增志○讀書林文集 零陵唐國典撰志○枕
 石堂詩 零陵周之統撰志○石巖詩存一卷 零陵湯錫鏗
 撰縣志○醒人雜著詩文六卷 零陵王鐸撰志○東軒詩彙
 零陵湯相尹撰增志○星棧詩草 零陵楊斗南撰志○拾遺
 集七卷 零陵高懷禮撰志○敦詩堂吟草 零陵高誼撰志
 ○秋香山房道文二卷 零陵高虹撰志○柑園文二卷 零
 陵高焯撰志○梧岡遺文六卷 零陵高壽撰志○漢昭文集
 四卷 零陵高倬撰志○傾液集四卷 零陵高懷祐撰志○
 月山文集六卷 零陵高愛祖撰志○醒吾遺彙二卷 零陵
 高悅穎撰志○竹園隨草十卷 零陵高恆詳撰志○醒皮集
 三卷 零陵高錫珪撰志○春風堂彙 祁陽陽院撰志○湘
 流遺響永州志碧溪遺草增志祁陽曹應成撰○聽雨樓集 祁

陽申大年撰縣志○藕花書屋詩彙 祁陽鄧獻璋撰增志○幽
 風月令詩 祁陽鄧奇逢撰志○敬庵詩集 祁陽汪恕撰志
 ○竹逸子文集 竹逸子詩集 祁陽周溪清撰志 蒼溪游
 草 素園詩集 祁陽陳繩祖撰沅湘耆舊集○讀我書齋詩集
 四卷 祁陽唐李杜撰志○知素堂集 東安席際雲撰志○
 養和齋詩集二十卷 文集二十卷 東安羅澍昀撰志○翠
 叢詩草 道州魏希范撰州志○雲谷集 道州常杜撰增志
 詩集二十七卷 道州何紹基撰志○毅齋集 甯遠李春麗
 撰增志○澹軒詩草 甯遠李大斌撰增志○扣柴
 草 甯遠李際可撰增志○敬樹堂詩鈔 甯遠李承膺撰
 甯遠李承膺撰增志○瑞柏堂遺編 甯遠李承綱撰增志○補山詩文集
 甯遠駱孔僕撰增志○正橋詩鈔 甯遠楊象細撰增志○春
 星閣詩鈔十二卷 甯遠楊季鸞撰增志○止齋文鈔 甯遠
 李家麒撰增志○秀野堂集 永明陳毓新撰增志○暢園集
 永明蔣士昌撰增志○醉古堂文集 永明周兆龍撰增志
 ○靖山文集 永明楊廷獻撰增志○鶴隱山房文鈔
 ○永明唐志汪撰增志○瑤川集 永明蔣元紹撰增志
 ○藕花書屋詩彙 永明鄧獻璋撰增志○十友齋文集
 兩聲書屋詩集增志瑞尊堂集 永明蔣雲寬撰增志○勉

不足齋集四卷 永明周易奎撰 ○高霞堂詩文正集續集
 邵陽車以遵撰 ○心先堂集 邵陽車必書撰
 懷園雜著詩文二十四卷 邵陽車萬育撰
 邵陽車萬藻撰 ○一方園集 邵陽陳公祿撰
 邵陽陳憲道撰 ○恭壽堂遺詩一
 卷 邵陽車萬啟撰 ○借園彙 得園彙 邵陽車萬
 有撰 ○兩石齋詩集十卷 邵陽車萬期撰
 ○絲聲園集 邵陽唐懋載撰 ○丹溪集 知上園
 詩 邵陽劉忠詒撰 ○停雲堂詩集 邵陽唐時都撰
 陽劉節詒撰 ○雪村詩草五卷 邵陽胡從
 樞園遺集 邵陽王元復撰 ○詩文博彙錄 邵陽胡從
 佑撰 ○鼎塘文集二卷 邵陽蔣桂撰 ○天竹山房
 詩集十卷 邵陽蔣來撰 ○承雅堂集 邵陽車无咎撰
 邵陽車敏來撰 ○小歇處殘彙 自課方輪集 邵陽
 邵陽車鼎豐撰 ○貯景瓢草 邵陽吳伯夔撰
 車鼎貴撰 ○知非編 適意吟 邵陽陳所迪撰
 風宿草 休休集 邵陽簡允元撰 ○柳庵文集
 邵陽蔣舒惠撰 ○蓮池偶草 邵陽歐陽潮撰
 ○讀耕亭詩文集 邵陽歐陽潮撰

庸節文鈔 邵陽敬菴撰 ○棠會詩文四卷 邵陽龔
 實撰 ○柳園集 邵陽龔杰敘撰 ○鼓吹軒集
 邵陽會榮銜撰 ○竹簞詩鈔一卷 邵陽歐陽傑撰
 邵陽歐陽傑撰 ○邵陽歐陽傑撰 ○憩耕堂文集
 邵陽歐陽傑撰 ○邵東詩草二卷 邵陽朱臻撰
 ○春聖詩集二十卷 邵陽唐方耀撰 ○廣益齋詩
 草 邵陽劉艾江撰 ○半學齋免焚草 邵陽龔立葵
 撰 ○斗南詩草 邵陽陳先魁撰 ○九巖詩錄四卷
 邵陽黃紹英撰 ○湘蘭草 邵陽黃文奎撰
 閩詩草 邵陽何炳煌撰 ○又一草堂詩草 邵陽魏大名
 撰 ○雲鶴山人詩草二卷 邵陽盧鎮雅撰 ○懶窗韻語
 三卷 邵陽孫嗣愈撰 ○夢覺道人詩 邵陽周學靈撰
 ○筠谷未定草 邵陽魏顯達撰 ○勸餘草四卷 邵陽楊
 館撰 ○蕉窗詩草 邵陽郭賜金撰 ○惜陰別墅詩鈔
 邵陽會開灼撰 ○古微堂文鈔十四卷 古微堂詩鈔十
 卷 邵陽魏源撰 ○全齋詩草四卷 邵陽會宗孝撰
 ○柳潭詩鈔四卷 邵陽黃達道撰 ○映星室詩草 邵
 陽李仲芳撰 ○少春遺集 邵陽何樹年撰
 歷者達邨二縣故多灌口金川牛頭山美諾松州雪山之作
 弗過居近彙四卷 新化李天任撰 ○雲樹遺文一

卷 新化李殿樞撰縣志 ○居易齋文集 新化楊如炯撰縣志
 ○譚廣文遺集二卷 新化譚紹程撰縣志 ○田心廬詩集
 新化鄧可策撰縣志 ○鱣堂文集 新化楊可震撰慶府志 ○
 岐陽遺草四卷 新化陳錫周撰縣志 ○易峰文集 新
 化楊河撰縣志 ○觀瀾文集 新化杜要撰縣志 ○白沙遺詩
 四卷 新化孫起棟撰沅湘耆舊 ○松鄰文集四卷 新化毛
 學古撰沅湘耆舊 ○蝸廬詩存一卷 新化歐陽基文撰沅湘耆舊
 增 ○松堂詩存一卷 文存一卷 新化鄧勝遠撰縣志 ○
 松虛文集四卷 新化段起玲撰沅湘耆舊 ○嘯竹編 游湘
 草 新化劉蕙蘭撰縣志 ○青來詩草 新化楊如正撰縣志 ○
 石翁集 新化張麒撰縣志 ○素翁詩集四卷 新化周恭先
 撰沅湘耆舊 ○建軒遺文四卷 新化吳思樹撰沅湘耆舊 ○
 萬斛源樓文鈔 新化曾昌福撰縣志 ○蘭柴詩存四卷 新
 化吳樞撰慶府志 ○穹廬詩集 新化孫瀉撰沅湘耆舊 ○芷
 齋遺集 新化羅楚望撰縣志 ○經訓堂詩集四卷 新化孫
 起相撰縣志 ○庚三遺詩一卷 新化鄒洪葵撰縣志 ○孫甫詩
 鈔四卷 新化楊興植撰沅湘耆舊 ○肇齋詩草 新化鄒學
 相撰縣志 ○懷碧堂遺草 新化劉嗣再撰沅湘耆舊 ○醉春
 道草一卷 新化彭思煌撰縣志 ○然餘詩草 新化聶景台撰
 志 ○礪東詩鈔十卷 新化歐陽駱撰沅湘耆舊 ○聽雨山房文

鈔八卷 新化鄒顯鵬撰沅湘耆舊 ○惜分陰詩集 新化鄒
 繁撰沅湘耆舊 ○景山遺集二卷 新化鄒文蘇撰縣志 ○樗寮初
 稟二卷 新化譚大鎬撰沅湘耆舊 ○梅堂漫稿四卷 新化李
 仕進撰沅湘耆舊 ○栗陽殘稿二卷 新化曾瑤撰沅湘耆舊 ○半
 日間詩鈔二卷 新化晏啟鳳撰縣志 ○古柏亭遺稿二卷 新
 化楊源昌撰縣志 ○過且過齋遺詩四卷 新化晏貽琮撰縣志 ○
 霍君遺詩二卷 新化唐世倜撰沅湘耆舊 ○授經堂詩鈔二卷
 新化譚瑞撰沅湘耆舊 ○逝溪遺稿四卷 新化鄧正符撰縣志
 ○松園詩草四卷 新化曾承謙撰縣志 ○正則文鈔一卷 新
 化馬幕范撰縣志 ○季起遺文一卷 新化馬興撰縣志 ○診癡集
 新化彭知謀撰縣志 ○詩畫八卷 新化彭魁春撰沅湘耆舊 ○
 螺黛環生樓詩鈔 新化楊瑞撰縣志 ○迪來遺詩四卷 新化
 歐陽棻撰沅湘耆舊 ○齡篠詩鈔二卷 新化鄒漢紀撰沅湘耆舊 ○
 ○蘭翠詩鈔 新化楊繼觀撰縣志 ○東軒詩一卷 新化張如
 厚撰縣志 ○空谷音草一卷 新化杜蘭撰縣志 ○石塘遺詩一卷
 新化李克柱撰沅湘耆舊 ○閒廬詩鈔四卷 新化劉振齋撰
 舊集 ○聚雲居草 新化劉建明撰縣志 ○瓣香遺稿 新化
 曾泮撰縣志 ○傳香草堂詩草一卷 新化鄒馥撰縣志 ○筠塘焚
 餘草 新化晏啟林撰縣志 ○溪里詩草一卷 新化孫宗資撰
 志 ○臨湖草二卷 新化張穎撰縣志 ○梧莊小草四卷 新化

李宗藍撰縣志○蜀游小草 新化余可翥撰縣志○適其適園文
 鈔四卷 新化曾毓芳撰縣志○玉山詩草 新化王者瑞撰縣志
 ○同江文鈔 新化楊源漢撰縣志○南村草堂文鈔二十四卷
 南村草堂詩鈔二十四卷 新化鄧顯鶴撰○芝圃詩鈔一
 卷 新化李宗蔚撰縣志○夢墨山人集 新化鄧鴻撰縣志○西
 山草一卷 筠莊詩鈔一卷 新化楊業湘撰縣志○補軒草
 新化楊坦撰縣志○半子草堂文鈔二卷 新化唐敦謙撰縣志○
 延綠山莊全集 新化楊士傑撰縣志○黃竹山房詩草二卷
 新化鄒漢池撰縣志○遊子吟二卷 新化鄧瑛撰縣志○粵游詩
 草二卷 新化曾毓芳撰縣志○蘿谷詩鈔二卷 新化鄒漢濱
 撰縣志○學藝齋文鈔四卷 詩鈔一卷 新化鄒漢勳撰縣志○
 鄒叔子文鈔四卷 新化鄒漢章撰縣志○雙梧山館文鈔六卷
 詩鈔一卷 新化鄧瑤撰○小渠文鈔四卷 新化鄧瑒撰
縣志○小九華山樓詩鈔四卷 新化鄧琮撰縣志○舜卿詩鈔二
 卷 新化李洽撰縣志○繡玉堂詩文案 新化羅金鑑撰縣志○
 叔明文鈔二卷 詩鈔一卷 新化鄒漢章撰縣志○莘耕遺詩
 四卷 新甯鄒道聘撰縣志○雲箋集 新甯李世楨撰縣志○
 滋園集 新甯傅相高撰縣志○江忠烈公遺集八卷 新甯江
 忠源撰縣志○瑞堂詩草 城步尹登雲撰縣志○蘭園詩草
 城步彭璇撰縣志○欽子詩草五卷 武岡唐時鄰撰縣志○荷

池詩草一卷 雜著一卷 武岡劉文徵撰州志○石村遺集二
 卷 武岡唐永飛撰州志○澹長園詩集 武岡楊旭撰州志○
 南村集 武岡許國煥撰州志○歸真詩草四卷 武岡
 李璞撰州志○今是草二卷 武岡曾家棋撰州志○遺讀堂詩
 草 武岡劉紀廉撰州志○菊逸山房文集二卷 詩集二卷
 武岡鄧仁堃撰州志○春園詩草一卷 武岡陳學典撰州志○
 聽松齋詩草一卷 武岡舒作楫撰州志○大雲山房集州志○
 益青閣詩集州志○巴陵鄧堅撰縣志○事三堂文集 巴陵許
 更正縣志○道山文集 巴陵黃秀撰縣志○巴陵費應泰撰縣志○
 伯政撰縣志○五溪偶存 含翠軒詩文 巴陵費應泰撰縣志○
 寫廢通志誤以費志學所著誤列應泰名下今據縣志更正○曲水園詩集 巴陵傅大綬
 撰縣志○草草吟 野興錄 巴陵郭士穎撰縣志○蘭谷詩鈔
 觀本堂古文 巴陵費志學撰縣志○新莊偶存彙十二卷
 巴陵方捷昌撰縣志○雪浦存彙 巴陵方應綸撰縣志○二知堂
 詩文集 巴陵彭昌運撰縣志○過成詩文集 巴陵尉伊盛撰
縣志○塞上吟 巴陵方聯甲撰縣志○雪濤詩草 巴陵龔立海
 撰縣志○荆蕪集 巴陵方宗朝撰縣志○梓湖文錄八卷 詩錄
 七卷 釣者風一卷 巴陵吳敏樹撰縣志○布帆集 夢綠集
 破草鞵集 盧游草 蔣游草 蔣府存彙 五視居士集
 楊臺集 鮑園集 鴻橋集 平江李晉之撰縣志○續騷詩

集 北都門集 嶽麓山集 平江李長標撰 增○嫺雲集
 平江魏爵筠撰 增○沔游草 傲松詩文集 平江魏時
 魁撰 增○松林詩草 平江蘇惟邦撰 增○梅軒詩集
 平江鍾正章撰 增○西園文集二卷 詩集二卷 平江李承
 篤撰 增○雙峰詩彙 平江魏自嘉撰 增○衡湘詩彙 史餘
 散草 湘山續彙 平江鍾靈撰 增○醉月亭草 平江唐良
 知撰 增○澹軒文草 筆山草堂詩集 塗鴉集 平江唐允
 是撰 增○自得軒詩集 平江彭其位撰 增○丹峰文集 丹
 峰詩集 平江彭昌鳳撰 增○北道吟 平江鍾聖芳撰 增○
 天階存彙 平江李文龍撰 增○不禁思詩集 蜀游草 梅
 溪詩草 平江童先及撰 增○魯山堂詩文集五卷 平江黃
 大成撰 增○根心草五卷 平江楊大錫撰 增○生生草二卷
 平江王宏遊撰 增○滄溟詩草 平江彭昌鵬撰 增○雁隱
 詩鈔 平江童大禮撰 增○鈍庵詩鈔 平江凌起純撰 增○
 雍亭草 平江童聖琮撰 增○侍鄉詩集 平江李巨鶴撰 增○
 ○巨川詩集 平江李巨川撰 增○渥水詩彙 卜東鈔存
 平江向顏賢撰 增○響翠山莊詩鈔 平江余興瑞撰 增○晦
 齋草略二卷 平江楊懋佐撰 增○愛古堂文集一卷 有附錄
 道光丁亥文 平江向會賢撰 增○石溪初集三卷 平
 凡三十餘篇 詩彙 平江向會賢撰 增○行樂詩鈔
 江向阮賢撰 增○入關吟 平江黃德觀撰 增○行樂詩鈔

平江陳青撰 增○四勿齋遺彙 平江李任撰 增○觀瀾堂詩
 鈔 平江余有烈撰 增○燼餘詩鈔 平江鍾聖壽撰 增○小
 魚山人雜著 福來堂文集 平江向貴鐸撰 增○琴餘詩鈔
 平江向貴醜撰 增○義山詩鈔 平江向貴德撰 增○得雨
 軒詩集 平江向貴鏡撰 增○畫樓詩草五卷 平江黃修煦
 撰 增○醉餘草 平江鍾宗階撰 增○寤園集 平江鍾宗憲
 撰 增○清閒草 平江朱旭陽撰 增○通達草二卷 平江李
 世彥撰 增○梨花吟館遺詩一卷 平江胡澤濤撰 增○早慧
 其兄澤湘為刻其遺業 增○惕先堂文集 臨湘沈以曦撰 增○
 同縣李元度為之序 增○塔峰文集 臨湘余作綬撰 增○秋橘集 臨湘方同煦
 撰 增○筆秋堂集 臨湘楊柱朝撰 增○鶴歸園詩 澧浦
 吟 臨湘花國枚撰 增○辰廳半學草 臨湘張家彪撰 增○
 ○頤園詩四卷 臨湘李中涵撰 增○劬園集 華容黎孝枝
 撰 增○半酣詩草 華容黎忠煒撰 增○四勿軒詩文集 華
 容劉望撰 增○石喬詩草 華容嚴立銘撰 增○藍園集 日
 怡草 華容慕璧撰 增○川上逸韻 華容賀盛煥撰 增○青
 山集 華容孫枝撰 增○見山堂詩文集 荔溪草 華容王
 祚對撰 增○芝鹿山房彙 華容張德泰撰 增○居易堂詩鈔
 華容張德安撰 增○明善堂集十六卷 武陵胡統虞撰 增○
 增○涉園詩草二卷 武陵屠希綱撰 增○思補堂集

四卷 武陵劉昌臣撰 沅湘耆舊 ○**廬來草堂集二卷** 武陵石鯨撰 常德府志 徐昌夏序 橫海先生少遭勝國之亂 隱於力游覽 燕秦齊魯以及夜郎 嶺表 叩羊峴 皆有足跡 故其詩其細已甚 而元音高響 遂為一代應運之符 彼刻畫蟲魚 花草生之詩 而驚詫也哉 ○**樂餘草堂集** 武陵陳觀聖撰 縣志 ○**坦山人集** 武陵陳維國撰 常德府志 ○**松月堂詩集** 武陵沈可選撰 縣志 ○**東瀾文集** 武陵汪浩撰 縣志 ○**鐵香詩集二卷** 武陵陳思育撰 縣志 ○**鹿山詩文集九卷** 武陵陳養元撰 常德府志 王為垣序 康熙癸酉 正濱舉鄉薦 往回京洛 走天下 奇山水既而西旅 夜郎 東游 廬山 借過 有得 必錄 之使 出 發 之 使 通 有 不 可 其 意 者 輒 火 之 己 丑 出 宰 甯 陽 南 固 山 國 也 寒 山 流 水 觸 日 即 是 子 過 之 出 篋 中 數 冊 為 質 自 後 舟 車 所 至 正 濱 詩 境 豁 如 在 襟 袖 今 年 春 子 復 過 之 昔 十 數 冊 又 火 其 半 大 幸 鹿 山 集 凡 三 變 燕 歌 慷慨 秦 聲 悲 涼 閒 有 麗 者 或 疑 其 體 近 西 崑 余 獨 許 為 綠 情 綺 靡 一 洗 詩 人 窮 餓 酸 辛 之 狀 正 濱 猶 日 是 不 足 成 我 名 將 盡 火 之 噫 半 生 小 技 精 相 無 多 余 終 不 免 一 炷 若 鹿 山 不 火 矣 ○**仍柱堂詩一卷** 武陵楊緒撰 常德府志 ○**成趣園詩集** 武陵楊紹撰 沅湘耆舊 ○**梯霞堂集** 武陵唐待徵撰 縣志 ○**蕪城集** 武陵胡觀徵撰 縣志 ○**鑑湖集** 武陵余演撰 縣志 ○**鴻軒詩文集** 武陵徐昌夏撰 縣志 ○**佷山詩鈔二卷** 武陵徐昌支撰 常德府志 ○**滄螺草** 武陵陳應元撰 縣志 ○**蜀道集二卷** 武陵胡期恆撰 沅湘耆舊 ○**南湖居士詩集二卷** 武陵胡期真撰 縣志 ○**楊文敏集十六卷** 武陵楊超會撰 常德府志 ○**滋蘭堂集一卷** 武陵楊景會撰 縣志 ○**白雲山房詩集十卷** 文集六卷 四六一卷 武陵陳長鎮撰 常德府志 郭毓序 今夏五月 取道武陵 陳其山 與其仲青 邱雷 余

鶴鳴出其先人廷漢先生遺棄見示大舍細入無所不有 一段性真流露正大不可磨滅之氣尤益溢楮墨箕山兄弟表章之 志常若不及屬余董校譽之 ○**妙泉集** 縣志 梅冶集十六卷 沅湘 役焉正其傳寫之訛而歸之 ○**武陵楊植秉撰** 奮經堂文集八卷 景英文集自序 景英幼 漢入家文法與波瀾意度之所自然 罕所津逮 已而窮史 深甫及近代 亭林竹垞之書 頗究心 穿穴 解駁 之學 雅不欲以 文名 其僅存者 又不足存 尚敢 惻然 以作者 自命 邪 半生 作史 垂老 無聞 存者 又不足存 尚敢 惻然 以作者 自命 邪 半生 作史 若 略 為 整齊 卷 帙 得 文 奮經堂初集六卷 自然之聲 啼笑是也 若 人 人 殊 而 啼 笑 聲 不 殊 者 哀 樂 難 強 也 不 哀 而 啼 不 樂 而 笑 謂 之 不 祥 三 代 以 下 篇 什 日 繁 而 苟 啼 笑 者 十 常 入 九 朱 君 幼 漢 魏 也 若 何 初 唐 盛 唐 也 古 今 真 性 情 當 必 有 詩 聲 而 辨 者 何 續集四卷 三集四卷 汪師韓序 詩難於清 清堂一杯 一澀 之 博 浦 其 質 清 也 黃 河 出 崑 崙 墟 所 渠 水 深 五 六 丈 照 見 底 石 如 海 涇 泡 泡 而 不 覺 其 濁 者 其 氣 清 也 朱 解 元 幼 芝 來 自 湘 中 北 渡 黃 河 哀 所 為 詩 詞 余 每 誦 一 篇 輒 歎 其 清 或 以 清 未 足 盡 其 所 至 故 於 其 官 閣 越 也 就 幼 芝 所 見 湘 水 之 清 與 黃 河 之 不 清 而 為 清 之 至 武陵朱景英撰 ○**柱山詩文集三卷** 武陵陳 者 為 說 以 贈 武陵朱景英撰 ○**長鈞撰** 縣志 ○**朗門詩賦集** 武陵陳長槐撰 縣志 ○**茶仙草堂詩 文集** 洗研集 武陵龍昇明撰 縣志 ○**萬吹樓集** 武陵胡蔚 撰 縣志 ○**滄山詩集** 武陵劉樵撰 沅湘耆舊 ○**賜扇樓詩集** 武 陵 龔 大 萬 撰 縣 志 ○**鼎南詩鈔八卷** 武陵姚定益撰 縣志 ○**詩教 堂集六卷** 賦鈔一卷 武陵王敬禧撰 常德府志 紀昀序 試得武陵趙子慎吟自言幼而孤 露 賴 舅 氏 王 君 孝 承 以 成 立 因 以 王 君 所 著 詩 乞 序 凡 六 卷 曰 研 農 草 曰 郵 儀 集 曰 闕 海 二 集 曰 庫 蓬 獨 倡 集 曰 松 園 草 曰 南 陔 書 屋 鈔 曰 夫 江 草 而 附 以 詩 餘 蓋 暮 年 精 自 沙 汰 之 本 故 其 中 可 傳 者 多 其 間 清 空 標 緻 之 詞 沈 博 絕 麗 之 作 亦 有 解 景 寄 懷 溢 為 奇 幅 ○**沃齋詩集** 之 氣 者 而 自 標 全 集 之 名 則 統 謂 之 詩 教 云

武陵胡啟文撰縣志○酌堂詩集 武陵裴廷撰沅湘耆舊集○蕺心園草 武陵梅鼎撰縣志○陳箕仲集 武陵陳詩澐撰沅湘耆舊集○酌堂遺稿 武陵唐世皞撰縣志○敦倫堂詩文集 武陵伍鼎撰縣志○卷山詩集 武陵陳楷禮撰縣志○敬堂詩集 武陵蔣維光撰縣志○芷岡園集 武陵陳惠鈞撰沅湘耆舊集○雙柏齋詩賦彙 武陵阮方旗撰府志○古香園詩草一卷 武陵吳炯撰沅湘耆舊集○蜀游草 祇紫山房集 武陵王寅撰府志○俠野草堂詩草 武陵唐開韶撰縣志○太霞遺草 武陵陳樂光撰縣志○楚頌齋詩集 東都南海紀行詩 武陵胡焯撰縣志○鷲池硯齋詩鈔 武陵許鈞撰沅湘耆舊集○親雅堂詩文集 武陵陳世昌撰陶澍印心石屋集世昌嘉慶六年鄉試行榜而遺疾卒年四十一有八臨卒前手編所著親雅堂詩文集若干卷後致書其姑丈唐竹谷以徵選湖南詩文集為言且寄以刻符若自知其將不起云按竹谷名開韶武陵諸生於嘉慶末徵選湖南詩集日久未成臨老及於此編殆附波臣矣

○招鶴園詩集 桃源關閣撰縣志○紫蘿山人集楚詩最古園初編二十四卷桃源羅人琮撰四庫全書存目提要曰是二編詩文漫衍縱橫大抵以才氣用事○鐵鹿草 桃源關士琳撰縣志○潛庵近草 桃源關士登撰楚詩○寶鑑堂詩文集 桃源文志餘撰縣志○黔游集 裴雪齋詩文集 桃源文志餘撰縣志○石圃詩集沅湘耆舊集○洞鄉草 桃源陳煊撰縣志○滋桂園詩文集 桃源程煥撰縣志○燕山草 粵游篇 桃源謝如式撰縣志○繩愚堂詩集

桃源高壘撰縣志○腐草光集 桃源龍德驥撰縣志○聚奎堂集 桃源高階撰縣志○醉古園詩集 桃源余世清撰縣志○滄浪集 西津瓢餘詩 馭餘文集 龍陽陳一揆撰縣志○青原餘集二卷 龍陽王為壤撰常德府志為壤弟為垣序餘集有咫揚愈三宗五棟遺彙中評識者錄之僅得若干首如日之有夜月之有間以是為餘云耳臨沅煙水相依如昨追念昔遊蘇氏夜雨其傷○謔測集 蕉皮集 龍陽吳伯肇撰縣志○六淵堂集二卷 感秋集一卷 龍陽王為垣撰縣志○洞庭詩集 浪山集 龍陽王為城撰縣志○竹廣逸編 龍陽李礎先撰縣志○志齋文集 龍陽王元世撰縣志○洞庭秋草一卷 龍陽百道謙撰縣志○風帆小草 淞江吟草 湘巖詩鈔 小盤谷詩集 龍陽楊瑞撰縣志○臥樵草 龍陽陳德沛撰縣志○鯉堂文集 詩集 龍陽張學庭撰縣志○閒閒詩草 龍陽高梧亭撰縣志○閒山詩集 龍陽高崧撰縣志○紅蘭詩草 龍陽鄭少英撰縣志○松竹山房詩集 龍陽鄭光美撰縣志○半舫詩集 半舫雜組 龍陽彭近道撰縣志○說約堂文集 詩集 龍陽劉定範撰縣志○憩林雅韻 龍陽黎學錦撰縣志○醒園集 龍陽饒明詡撰縣志○小隱山房詩草 龍陽黎崧壽撰縣志○挹翠山房詩草 龍陽黎子壽撰縣志○聊園詩草 龍陽彭元音撰縣志○竹鳴吟草 龍陽張克家撰縣志○退省書屋集 龍陽饒明謙撰縣志○芷泉詩集 沅江吳俊升撰縣志○愛山詩集二卷

沅江伍宏贊撰縣志○友石山房詩集三卷 沅江張棟撰縣志○
 月山堂集 沅陵潘亮淵撰府志○汗游集四卷 西漢集
 沅陵魏繩德撰府志○鶴鹿堂小草 沅陵黃道恆撰府志○
 鐸湘集 永奇集 水陸所見集 鄂行集 沅陵向廷柱撰
府志○梅岑詩存 沅陵龔元變撰縣志○西映山館詩集 沅
 陵李沅訓撰縣志○小自在山房詩文集 沅陵王友恭撰縣志○
 小西映山館詩集四卷 文集二卷 沅陵吳大廷撰縣志○萬
 邨文集 瀘溪李治撰府志○江園吟 瀘溪鄧國珍撰府志○
 紹衣堂古文二卷 詩集二卷 辰谿劉恂撰縣志○于隅
 集三卷 辰谿唐效堯撰辰州府志 注由教序唐爵尊效堯
 士分赴各省學習政事爵尊得陝西瀕行出晉江先生詩次諸進
 古文請序衡尊生長野處錯趾之鄉不以學老文富自多奮然
 思同道於古斯其才固已奇矣關中名勝地多漢唐文古跡
 尊之恢擴見問發德才力者吾不能量其所至即以此股股請
 益之意施諸簿書會計問諸大吏之○敬志堂古文二卷 詩
 許可衡尊當不啻余與晉江先生也○
 集一卷 辰谿余子恂撰辰州府志○滿竹園集 辰谿米元侗撰
辰州府志 元侗兄元侗序吾弟讀書十年僻處尋賢轉轉極
 矣當與亡賴異之際欲默以偷安則不合於義欲伴狂無忌則
 禍且及身與家故咨嗟之歌詠之曲引而旁擊之若有若無
 意若在有意中若在意外對影獨飲使觀者自悟是亦昔人貧窮
 呼天疾痛呼○蘆坡集 辰谿米云方撰縣志○約古堂集
 辰谿米云秀撰縣志○保愚堂集 辰谿米云蕤撰縣志○西
 瞻詩集二卷 辰谿劉岷德撰縣志○臥雲集 辰谿米云堅
 撰縣志○叢桂山房文集二卷 詩集八卷 辰谿劉家橋撰

○開山詩集二卷 辰谿高崧撰縣志○望遠樓集 瀘浦湛
 梅撰沅湘耆舊○漱六堂集 瀘浦向淑俊撰辰州府志○
 古文八卷 瀘浦向德一撰辰州府志○友雲堂集沅湘耆舊 仁育堂
 草辰州府志瀘浦舒宏訓撰○輪臺偶拾草 瀘浦劉紹濂撰縣志
 ○約齋信手拈 瀘浦舒才博撰縣志○是亦編詩文集 瀘
 浦向兆隆撰沅湘耆舊○竹根齋詩集 瀘浦舒正載撰縣志○聖
 常詩文集 瀘浦向德常撰縣志○夏柯堂詩文集 瀘浦舒
 正增撰縣志○求心軒詩文集二十卷 瀘浦舒日璋撰縣志
 ○石門詩文集 瀘浦鄧大猷撰縣志○鄜西詩文集 瀘浦舒
 其錫撰縣志○松桂軒詩文 瀘浦李世璧撰縣志○粵西游草
 瀘浦舒寶元撰縣志○顧齋詩文集 瀘浦李慥品撰縣志○葵園
 雜著 鸞橋詩文 瀘浦舒其鏜撰縣志○託竹筠堂詩草 瀘
 浦湛厚姚撰縣志○不自欺齋文集 瀘浦劉璧璧撰縣志○樂園
 文鈔八卷 樂園詩鈔八卷 瀘浦嚴如煜撰縣志○仙舫詩文
 集 憫忠草 瀘浦嚴正基撰縣志○蘇橋文集二卷 瀘浦舒
 夢齡撰縣志○筠峯詩存 瀘浦舒其鏜撰縣志○綠倚軒古文一
 卷 駢體文一卷 詩鈔二卷 瀘浦舒燾撰縣志○受庵詩文
 集 瀘浦嚴威撰縣志○淡如也園詩鈔 瀘浦劉士先撰縣志○
 敬簡堂集 永順土司田甘霖撰縣志○白虎堂集 歡餘吟
 清江紀行詩 永順土司田舜年撰縣志○退一步軒集十卷

龍山黃大鉞撰縣志○一松山房詩集 龍山饒琳撰縣志○月坡詩草一卷 保靖胡嵩齡撰沅湘者○補拙軒小草一卷 保靖胡興仁撰縣志○煙海吟 桑植彭仕傑撰縣志○鑑堂詩彙 桑植沙翊清撰縣志○蔭嘉園小彙 芷江龔明遠撰縣志○慎修集 芷江鄧友超撰沅湘者○脫穎詩彙 芷江毛永前撰縣志○蘭湖詩鈔 芷江向芝芳撰縣志○巴溪文集 芷江陳應湘撰縣志○芋庵遺詩 芷江楊鴻烈撰縣志○懷古堂詩文 黔陽周尚義撰縣志○孤雲亭集四卷 黔陽向文煥撰縣志○子元集 黔陽粟養元撰縣志○椒麓堂集六卷 黔陽黃飛遠撰縣志○慶雲箋 黔陽危穉撰縣志○蔭嘉園小彙 黔陽龔明撰縣志○桐蔭山房文集 印月山房詩彙 麻陽鄧萬湛撰縣志○聽濤軒詩集 乾州向宗乾撰縣志○優耕堂詩草 乾州胡啟文撰縣志○慎六堂詩集 乾州鄧仕儼撰縣志○小聽濤軒詩集 乾州向昕撰縣志○湘游吟 北游小草 乾州張家寶撰縣志○潭月閣古文二卷 駢文四卷 古今體詩十卷 鳳凰楊兆嘯撰縣志○臨堂古近體詩 鳳凰包安容撰縣志○秋河古文 鳳凰包明漢撰縣志○雙堂詩彙 鳳凰田興梅撰縣志○更生詩草 鳳凰田興恕撰縣志○松亭集 鳳凰滕家正撰縣志○秋湄詩文內外集 鳳凰曾世昌撰縣志○質存遺彙 鳳凰胡學文撰縣志○心齋遺文 鳳凰熊朝簡撰縣志○笠亭遺

詩 鳳凰楊昌拔撰縣志○蓉山詩草 永綏高登雲撰縣志○嘯谷遺詩 永綏張聲宏撰縣志○石莊詩集 永綏張開壽撰縣志○煙霞詩鈔 晃州楊家桂撰縣志○濠溪詩彙 晃州羅汝亮撰縣志○莊檢堂文集 郴州首永清撰縣志○劍溪文彙 郴州陳昭謀撰縣志○集堂文彙六卷 詩集二卷 郴州陳振玉撰縣志○筠心遺彙 郴州陳起詩撰沅湘者○撼山草堂遺彙 卷 郴州陳起書撰縣志○詩一卷 古文一卷 宜章彭必現撰縣志○嶺雲集三卷 宜章吳先致撰縣志○黃岑詩集 宜章曾榮春撰縣志○愛弧集 宜章李惟成撰縣志○東山彙 宜章吳國瑤撰縣志○南莊詩文 宜章李冕撰縣志○雲亭草 宜章胡國篇撰縣志○松濤閣集 永興李樸大撰沅湘者○燕游草 永興李宗德撰縣志○硯耕草 永興李良佐撰縣志○醉蘇堂學古集 永興鄧林芷撰縣志○春雪堂詩草 永興曾宗泌撰縣志○梅軒吟 永興楚以道撰縣志○來鹿堂詩草 永興曾獻瑞撰縣志○錦山堂集 永興李繼體撰縣志○聽石齋集 永興曾幹撰縣志○紀勝集 永興李名歐撰縣志○枕湘吟 省齋遺草 永興曾維撰縣志○宛在軒詩文 粵游草 永興楚光華撰縣志○青來文集六卷 桂陽郭遠撰舊志 儲大文序郭子青來既沒余為志其墓後三年其子思齊復集其詩文雜著索序子謂自古立言者兼擅為

難斯琴者不能製笛刻玉者不能鑲金彼其所得各有偏長獨到之處青來生湖湘上游困於諸生者三十年乃大肆力於詩古之氣婉婉而工雖其學力之優亦扶與清也吐珠亭古文二卷 桂陽何祖億撰 增志 ○梧村文彙 桂陽范宗全撰 增志 ○歸田吟 桂陽周璣撰 增志 ○東水詩集 乃吾廬文集 桂陽朱穀撰 增志 ○蘇溪詩集 桂陽范秉秀撰 增志 ○龍標芳躅吟 桂陽袁淑先撰 增志 ○曉堂文彙三卷 桂陽范宗裕撰 增志 ○鶴巖存彙二卷 翠園詩草 桂陽范孟蘭撰 增志 ○鹿餘草 桂陽朱蓮撰 增志 ○桐陰草 桂陽葉岐鳳撰 增志 ○仙鄰文集 羽餘詩草 桂陽朱大必撰 增志 ○養園詩鈔 桂陽周世錦撰 增志 ○橘園詩集 桂陽周光祖撰 增志 ○詠史詩 嶺南雜詠 桂陽歐陽驥撰 增志 ○知新閣散體文二卷 駢文一卷 桂陽何慶元撰 增志 ○寬閒堂文集一卷 桂陽歐陽泳撰 增志 ○菊甫遺文 桂陽李延芳撰 增志 ○雨溪家言 桂東周思兼撰 增志 ○黃教諭詩彙 桂東黃立成撰 增志 ○拙園詩集 桂東周藩撰 增志 ○青藜詩集 桂東黃卷撰 增志 ○來青閣詩集二卷 桂東周世德撰 增志 ○何高雲序申屠而鑄之淬以奇藥穴地藏之者三年土與藥交蝕持獻貴人貴人贊賞而玩之數偶在坐日教有鼎其形肖是貴人請觀之良久日非真也取實成日非真也教辨不已眾共辱之歸而歎曰吾今而知勢之足以變易是非也龍門子笑曰敦何見之晚也士之於詩亦然詩有真偽真者發於心性本於學問偽者矜其詞而矜其貌風雅既逸流弊日深良可慨矣周子元伯雅好詩無他嗜慕出來青集索序子俗吏也不知詩至於漢鼎真廣則古光陸離異采雖發申屠氏之寶識者自能辨之 ○

梅齋詩集 桂東黃立成撰 增志 ○學吟草一卷 桂東何啟雲撰 增志 ○香巖詩集 桂東黃體瓚撰 增志 ○霞川集 桂東李如琪撰 增志 ○桂溪全集 桂東羅萬卷撰 增志 ○百梅詩 桂東黃體瓚撰 增志 ○黃進士遺集 桂東黃昭著撰 增志 ○黃照人遺詩 桂東黃瑩性撰 增志 ○震省堂遺文一卷 桂東李克鈿撰 增志 ○介圃文集 桂東郭大基撰 增志 ○聽雨菴詩集 桂東郭孔嵐撰 增志 ○季巖文集二卷 詩集三卷 桂東傅凌雲撰 增志 ○松塢山房文集二卷 儲英館文集二卷 靖州儲政躬撰 增志 ○活潑堂文集 靖州唐仕道撰 增志 ○青餘詩存 通道彭仕琛撰 增志 ○與善堂文集 會同唐仲濟撰 增志 ○活來齋詩集 會同唐德運撰 增志 ○澹園文集 會同梁嘉瑜撰 增志 ○半畝園詩文彙 會同張榮榜撰 增志 ○蜀道吟 采芷吟 會同張華琳撰 增志 ○覺覺廬詩彙 會同梁之材撰 增志 ○水月山房詩彙 會同梁華宗撰 增志 ○藏家集 會同粟榮訓撰 增志 ○王澗池集 澧州王積中撰 增志 ○燕游草 粵游草 關中游草 澧州王大業撰 增志 ○可石軒詩集 澧州黃瓊撰 增志 ○燕游草 集蘇詩 海上吟 拙存齋詩文 澧州彭祖訓撰 增志 ○蓮溪吟 雁字詩 洞庭秋詩 澧州李承佑撰 增志 ○可園詩集 澧州崔啟迪撰 增志 ○燕臺游草 芷鄰詩文 澧州孫承恩撰 增志 ○谷音堂詩文存 澧州戴方寸

湖南通志卷二百五十七

桂陽州盧世昌撰州志 邵紀序曩在歸愚沈先生座次論列
 逸稱賞久之并述先生宰豐沛時惠政益信儒林循吏相馬表
 裏今至桂陽先生出一編示余其學自經史而外旁及百家無
 不究其源委固不得以詩人目之然就詩而論抒寫性情感弔
 今古亦豈淺學所能窺見萬一故詳述歸愚先生傾倒之言以
 綴於後 ○石笏山房文集十六卷 桂陽州雷樹萬撰州志 ○竹埭
 樓詩集十卷 桂陽州吳鯨撰州志 ○窳經堂詩文集十二卷
 桂陽州曹德贊撰州志 ○補拙齋詩文集二卷 桂陽州陳士元
 撰州志 ○平山堂集 臨武劉靖忠撰州志 ○泉山集二十四卷
 臨武李晉興撰州志 ○梅溪草一卷 藍山陳文徵撰州志
 ○燼餘詩彙一卷 嘉禾李國榮撰州志

湖南通志卷二百五十八

藝文志十四

集部 別集類六

國朝 ○效顰集一卷 長沙李人參妻羅淑芳撰沅湘耆舊集 ○續
 餘吟一卷 長沙楊世懷妻吳家相撰縣志 ○松筠閣詩集三卷
 長沙張江源妻熊蕙媛撰縣志 ○梨香閣詩草一卷 長沙程
 學海妻熊蓉卿撰縣志 ○霜月吟一卷 長沙劉廷冕妻錢衡齡
 撰縣志 ○澹香閣詩集一卷 長沙楊詩增妻湘陰李星池撰縣志
 ○吟秋閣集 長沙陳萼樓妻李佩蘭撰縣志 ○漱雲山房詩草
 長沙張延珂妻羅彥珩撰縣志 ○月移齋詩存 長沙鄒翰妻
 善化勞文桂撰縣志 ○鑑古集二卷 長沙劉培元妻楊淑鳳撰
縣志 ○敏求齋集 長沙劉森妻王繼藻撰湖南女詩鈔 ○井心詩集
 長沙鄒繼賜妻龍井心撰縣志 ○綠窗集 長沙廖某妻吳又
 仙撰縣志 ○畫菊窗殘稿 長沙鄭業鴻妻蕭友竹撰縣志 ○冷香
 齋詩一卷 長沙徐樹錄妻湘潭周翼柁撰縣志 ○竹居稿 善
 化王文羽撰沅湘耆舊集 ○招翠樓詩牘 善化王忠傑妻李湘鸞
 撰沅湘耆舊集 ○聽雨樓集 善化熊傳誠妻長沙彭蓮仙撰長沙
 耆舊集 ○砥餘詩鈔 善化熊寶臣妻劉伯琪撰縣志 ○浣塵詩草 湘
 陰陳介泉妻長沙郭文瑛撰縣志 ○簪花閣詩集 湘陰李星沅
 妻湘潭郭潤玉撰沅湘耆舊集 ○碧芙蓉館遺草 湘陰鄒藻妻善

化羅金淑撰沅湘耆舊集○紅薇館吟稿一卷 湘陰李杭妻湘潭
 郭秉慧撰沅湘耆舊集○養梅室詩集 湘陰伏宗錫妻李氏撰縣志
 ○飭性齋詩一卷 湘陰左宗棠妻湘潭周詒端撰縣志○猗蘭
 室詩一卷 湘陰左宗棠女孝琪撰縣志○張昭姑詩集 瀏陽
 陳某妻長沙張昭姑撰縣志○茶香閣詩詞二卷 瀏陽歐陽道
 濟妻甯鄉黃婉孀撰沅湘耆舊集○梅花閣繡餘詩草二卷 瀏陽
 周亮儕妻歐秀松撰沅湘耆舊集○爐餘詩草 瀏陽鄒得賢妻熊
 兆蘭撰縣志○廡下吟詩二卷 湘潭梁傳紫妻錢塘戴珊撰縣志
張九錫○獨吟樓詩鈔一卷 湘潭邵某妻郭步蘊撰縣志
馬之序○繪水月軒詩鈔二卷 湘潭袁士彪妻石承相撰沅湘耆舊集○慈
 雲閣詩草一卷 湘潭周系與妻王氏撰縣志○吟香閣詩鈔一
 卷 湘潭翁錚妻尹作芳撰沅湘耆舊集○半吟樓詩存 湘潭何
 官麥妻澧州雷玉映撰沅湘耆舊集○吉劭閣詩詞二卷 天啓宮
 詞一卷 湘潭羅汝懷妻周絮撰縣志○靜一齋詩一卷 湘潭
 張聲玠妻周詒聲撰縣志○蘊香閣遺稿一卷 湘潭萬昌韓妻
 周雅宜撰縣志○壽柏軒詩鈔一卷 湘潭文字尊妻李玉音撰
縣志○秋水芙蓉集二卷 湘潭李□妻衡山曩有儀撰縣志
 瓊華閣詩一卷 湘潭黎福升妻湘陰左孝琳撰縣志○淡如齋
 詩一卷 湘潭周翼標妻湘陰左孝瑣撰縣志○芸香館遺詩一
 卷 湘潭黃泰申妻王淑宜撰縣志○蕩香齋詩一卷 湘潭周

真杓撰縣志○雙槐堂詩集 甯鄉胡本泰妻采德松撰縣志○雲
 嶺山莊遺草 甯鄉黃立隆妻秦邦淑撰沅湘耆舊集○雲
賦性幽貞解吟詠每脫稿輒自燬棄雅不欲人知人亦無知者
屬後黃君壽齋於願詩中得詩若干首序而刊之同時董邦
昭熊去疾曹錫寶備載並胡○鳳池研室詩草 甯鄉王暨妻
 長沙劉照撰縣志○塵奩遺草 甯鄉王開璋妻文先謚撰縣志
 ○霜餘小草 益陽吳竹邨撰縣志○學荻樓吟草二卷 益陽
 曾某妻陳若梅撰縣志○剪燈吟 湘鄉王鼂妻善化唐慧儀撰
沅湘耆舊集○蘭芬詩草 湘鄉王演妻黃庭淑撰沅湘耆舊集○宜樓
 小草二卷 湘鄉趙昌緒妻陳道縉撰縣志○印月樓詩詞賸一
 卷 攸縣夏恒妻湘潭王瑞撰沅湘耆舊集○景勃集三卷 攸縣
 蔡遇唐妻長沙王宥簡撰縣志○小石屋詩一卷 安化陶桃妻左
 孝慎撰縣志○星鍾詩草 茶陵陳綺若妻李源撰縣志○清湘樓
 詩集一卷 衡陽譚積林妻凌興鳳撰湖南女志○劉世坤集一
 卷 衡陽劉世坤撰縣志○梅谷詩 衡陽羅某妻江氏撰縣志
 湘吟草 散花集 衡陽羅小鳳撰縣志○芷香閣詩鈔一卷
 衡陽魏棟妻長沙謝慧貞撰縣志○性怡齋詩草一卷 衡陽魏
 承樾妻王氏撰縣志○繡珠軒集一卷 衡山羅亨鼎妻湘潭郭
 漱玉撰沅湘耆舊集○柏心室詩草四卷 衡山陳源妻湘陰張夢
 龍撰縣志○寒英詩稿 鄧縣朱梅英撰沅湘耆舊集○玉容遺稿
 一卷 新化吳承棠妻李玉容撰沅湘耆舊集○惜餘齋小草一

一卷 熊惟簡撰 宋史藝文志 ○湘江集十卷 失撰人名氏 宋史藝文志

宋○湘潭集 甯國章撰 宋詩紀事 隔野 ○南嶽稿 蕭

田劉克莊撰 起瀨奎律 方回曰寶慶初史彌遠廢立之際陳

詩於江集板二人皆坐 ○湘中類稿三卷 長安楊叔虎撰

讀書附志 趙希弁曰叔虎嘗為陰平 ○道州昔衣集 柴望

太守得罪論 長沙環瀾 王容為之序 ○郴江百詠

撰宋史藝文志 ○春陵小雅 臨川曾極撰 四庫全

舒城阮閱撰 宋詩紀事 自序云郴古桂陽郡陳述故事盡載

入郴州類退之也山川柳子厚登北樓沈佺期望仙山戴叔倫過

多亦州之類是也山川柳子厚登北樓沈佺期望仙山戴叔倫過

然因暇時強作一官於小詩三年常欲補其闕愧無大筆雅思可為

未到湖湘者觀之一佳部也 ○南征詩一卷 郴江前集十卷

後集五卷 續集九卷 晉江丁達撰 宋史藝文志 陳傅良

都官余以太學諸生識之別二十年余承乏桂陽而端叔適守

入湖嶽各少三四歲然其官達久矣之官適同時由浙東西

次舍願見一妻孥如無人在中及讀南征集余浩然歎曰將母

起居飲食一不得如安在也及讀南征集余浩然歎曰將母

今要地非有氣力者不能安也及讀南征集余浩然歎曰將母

不釋先達以余幸甚得而官自承三山起家為桂陽視同年進士

母適數千外乃所過山州仙隱之居皆為賦詩和此且將

不自其詩知其外乃所過山州仙隱之居皆為賦詩和此且將

如何以其遠過余不能知其甚樂也至於忠憤悲壯亦皆有為

擬其後而及終不自滿余數數為賓客僚友言端叔才可任大

官世未有知之者余知之願言語不能動人 ○澧陽集四卷

王仁撰 宋史藝文志

明○浮湘稿四卷 上元顧璘撰 浙江遺書總錄 ○謫湘稿

上元廖文光撰 通志 ○南嶽集 蕪湖崔涓撰 通志 ○永州集

五卷 海鹽錢芹撰 文志 ○武陵集 無錫施漸撰 明詩

踏花篇 黃岡王某撰 天備子集 艾南英曰此孟侯居桃源

宦不事獨來窮山中豈神仙之說惑之耶抑有大儒棄妻子婚

故託而逃焉耳夫是山以靖節之文而重非以桃源重也則謂

以孟侯重 ○酉陽集 六合孫可久撰 通志 ○沅芷集 崑山

周廣撰 官竹案時作

國朝○橘洲詩集六卷 定興范士楫撰 四庫全 ○沅湘草

南豐湯斯祚撰 亦廬 ○南游草二卷 湖南吟稿二卷 星沙

奉使集二卷 上虞倪國瓌撰 湖南學政時作 ○湘中草二卷

吳縣石韞玉撰 獨學廬稿 凡詩二百餘 ○蠻笑集二卷

嘉定張修府撰

集部 總集類

五代○蜀國文英八卷 分門詩集十卷 桂陽劉贊編 宋史

宋○樂府集十卷 長沙劉次莊編 宋史藝文志 ○文選補

遺四十卷 趙文序 吾友陳同甫少講學家庭閱文選即以網漏

美新何如存更生封事存魏公九錫文何如存天人三策存劇秦

師表不當刪去後表充厥不當止存少司命山鬼九章不當止

存涉江漢詔令載武帝不載高文論贊取班范不取司馬遷
 其所以後取之意附於下方凡四卷此書傳非特蕭統忠臣
 而三代之後君臣出治之典章輔治之方皆存焉其為世
 教民彝之助豈細人云乎哉四庫全書存焉其為世
 公九錫文何如存人云乎哉四庫全書存焉其為世
 不當止存少何如存人云乎哉四庫全書存焉其為世
 取高文論贊取班范不取司馬遷
 排又蕭統以詩賦取班范不取司馬遷
 正宗此非通方之論也且所補論文皆私淑文章正先失宜其
 彼六經魯仲連遺燕將書則蔡琰胡笳十八拍高帝鴻鵠歌情鍾
 於揚雄反歌直事異忠貞蔡琰胡笳十八拍高帝鴻鵠歌情鍾
 愛李延年歌直事異忠貞蔡琰胡笳十八拍高帝鴻鵠歌情鍾
 舒火格守真氏者至於宋王微詠賦為宋玉徵詠賦則其姓名
 非能格守真氏者至於宋王微詠賦為宋玉徵詠賦則其姓名
 時代並重引佛氏者至於宋王微詠賦為宋玉徵詠賦則其姓名
 歌與文選重出佛氏者至於宋王微詠賦為宋玉徵詠賦則其姓名
 律向未分則排斥古不檢觀所著枚乘賦語於古文時文之格
 選不云竟以廢則排斥古不檢觀所著枚乘賦語於古文時文之格
 之偏亦不可謂之無功較諸續文選補遺十二卷傳是樓書目
 遺外別錄是書計訂正文選六十卷跋文選補遺十二卷傳是樓書目
 四本蓋兩書也

○西蜀文選 江華胡良富編 志縣

○唐詩玉林 聽雨堂詩選 長沙陳壽競編 志縣 ○明試錄

六百四十卷 華容黎澹編 明史藝文志 志縣 ○續玉臺文苑四卷

玉臺文苑八卷 醴陵江元禧編 浙江遺志 志縣 ○續玉臺文苑四卷

浙江遺書總錄 總錄曰 ○宋元詩歸 湘潭周侯編 志縣 ○石

二書皆輯古今 關詩文 ○文藝四卷 增唐詩快十

才奇絕三十卷 湘潭周聖楷編 志縣 ○文藝四卷 增唐詩快十

六卷 有自湘潭周星編 長沙志 ○邵陵風雅集 邵陽車鼎黃編

增志 ○古今詩選 古今文選 邵陽王嗣翰編 增志 ○詩文

醒耳吹二十卷 衡陽陳宗契編 志縣 ○十二代文壘 十二代

詩壘 衡陽伍定相編 志縣 ○衡山釋真定編 南嶽志 志縣 ○衡山釋真定編

志 衡山釋真定編 南嶽志 志縣 ○衡山釋真定編 南嶽志 志縣 ○衡山釋真定編

以為高客款也 余曰高祝融深蓮花嶽之勝也 高覽而深

探可以資德矣 山僧款客矣 止於茗其蔬 盤清泉白石 尺

續紀畧 武陵胡謂仁編 志縣 ○詩壘 武陵楊嗣昌編 志縣

○明十六朝詩選 武陵唐訪編 常德志 ○垂世名章八十卷

風雅遺音六十卷 興甯陳元旦編 志縣 ○古今詩選 州

詩刪補 澧州劉瑄編 ○唐詩類編十卷 九溪衛周敘

編 澧州劉瑄編 ○古文評解十二卷 臨武曾朝節編 志縣 ○左史

評議 清泉劉堯海編 志縣

國朝 ○楚風補五十卷 四庫全書存日 金德嘉序 楚之先

唐貞元間 柳伯存所 謂子書起於雅 怨非也 三關大夫乃作

騷 太史公曰 國風好色 而子書起於雅 怨非也 三關大夫乃作

宋玉唐勒景差皆 三閭弟子也 而子書起於雅 怨非也 三關大夫乃作

稱於世 攷此 朱文公集 注之 離騷 名經 賦 獨傳 是以 屈宋

風當年 如此 薛據 茶母 潛朱 放 崔 道 融 華 或 任 浩 然 皮 日 休 席 豫

羣玉 鮑防 薛據 茶母 潛朱 放 崔 道 融 華 或 任 浩 然 皮 日 休 席 豫

不廢 若 工 部 以 詩 史 稱 論 者 直 謂 三 百 篇 或 任 浩 然 皮 日 休 席 豫

亦系 出 襄 陽 楚 九 夫 自 准 北 陳 汝 南 南 郡 史 稱 章 以 東 皖 霍 城 東

海 吳 廣 陵 楚 九 夫 自 准 北 陳 汝 南 南 郡 史 稱 章 以 東 皖 霍 城 東

既 以 北 不 復 名 楚 然 湖 廣 一 境 幅 員 至 廣 故 代 有 閩 人 卽 有 明

三 百 年 以 迄 今 日 內 自 三 公 九 卿 翰 苑 臺 諫 曹 郎 中 書 行 人 外

至 中 丞 藩 臬 郡 縣 大 夫 暨 章 羅 楚 岩 壑 隱 人 操 觚 握 管 自 名

一家 者 不 勝 數 也 長 沙 廖 備 客 網 羅 楚 岩 壑 隱 人 操 觚 握 管 自 名

成 編 局 胡 康 成 學 博 涉 湘 陰 漢 徵 言 以 助 簡 端 康 成 書 信 備 客

承世父黃門家學為涇州知名士楓窗篝火草心警校郵筒招
拾幾至充棟竊謂楚無風而以是補之賦離騷先之也至若橫
子鵲熊先之也漢魏六朝四唐人之詩賦離騷先之也至若橫
渠二程致亭諸先生之微言大義則又太極通書先之也至若
開張敬字往為其難者則子向矣藉令屈宋生當聖人之世
及聖人之門受經請益未親多視卜子夏何如濂溪推一理二
五之乎天下生才不一時人之輩出警諸參衡之氣蒸為雲霞
已乎天故上才不數千載人輩出警諸參衡之氣蒸為雲霞而
少之是故上才不數千載人輩出警諸參衡之氣蒸為雲霞而
江漢之水流行於地中也當明世宗時有學士廖公楚雲霞而
補云乎哉到如稱地中之是也當明世宗時有學士廖公楚雲霞而
又疏於考證知府呂肅高重為剛定刻之然意主多穴雜特甚
因蒼梧之巡而收其南風詩甚以楚為高陽之苗裔而收其詞
書郡國志附注者不一而足而羅含湘中記所載禹玉騰詞見後
楚詞乃無與楚事亦至戴凱之竹譜石乞諸口語靡不濫入而
歌之類無與楚事亦至戴凱之竹譜石乞諸口語靡不濫入而
志書率多附會先賢借為光耀而元度楚詩紀二十二卷蓋州
乃據志書而為之宜其至於如是也楚詩紀二十二卷蓋州
錄補江昱曰長沙之詩曰楚詩紀皇古迄明代之詩曰楚詩紀
風補復取本朝之詩曰楚詩紀皇古迄明代之詩曰楚詩紀
度編○古文柯棣 長沙周宣猷編 十六種文類 長沙
周宣猷編 楚詩貫解 長沙陳价英編 詩義標準
六十卷 長沙王錫光編 序畧云詩之道不一人盡之矣人
感事雜詩虛之矣詠古詠物其旁出者也人不能外倫紀而別
求所為正人即不能外倫紀而別求所為正人即不能外倫紀而
廷言志一語所謂不能外倫紀而別求所為正人即不能外倫紀而
夫何地皆當思有以自盡一命之士存君國憂社稷也人無
仁義無節俗之念無願外之思發而為言曰有安雅恬愉之致
粹得若于首正而能為詩人者今取自漢迄明諸家詩採其精
區分于目附綴評論切已身命曰詩義標準示兒輩俾知
詩之為道與立身相表裏為之者皆有扶世翼教之責毋徒以

風雲月露樓山 ○古文醕 恆齋文集 自序梁之文選專主
識高而謙當願所取者或失之泛而所去者又未免於有遺是
以忘其固陋精擇其尤而開或補其未備勒成一編名之曰醕
若醕醕之養生參尤之疾疾 續古文醕 恆齋文集 自序
不徒適口腹之欲而已也 續古文醕 恆齋文集 自序
之日醕醕之養生參尤之疾疾 續古文醕 恆齋文集 自序
如咀甘蔗中邊皆甜此初代之文也如嚼橄欖復復備一代之
代之文也知其言可以論其世矣 善化李文炤編 ○古文要
一卷 湘陰楊茂醇編 增 ○歷朝詩選 湘陰張坤溶編
增 ○羅湘驥雅集 湘陰周貺祥編 增 ○白雲集 湘潭王岱
編 浪石近詩 陳長瑞有復得王山長選刻白雲集 增 ○存人
錄二十四卷 湘潭秦文超編 增 ○岸花亭詩選 湘潭周鍾
秀等編 縣志 志曰鍾秀字麓起同作者有唐世越字卓三李
際謝景字方升謝顯字方中郭鄧字子文謝周字次暉夏惟和
字萬協郭式毅字無黍石麟字切于王禹書字大夏唐青箱字
傳人曾士琪字凝東張瑞字廷石李標宗字漢汲劉授易字五
原唐青蓮字白卿凡二十人俱 國朝湘潭人岸花亭在縣城
外取杜甫發湘潭詩 ○唐詩選 廣麗句集 湘潭曾用璜編
志 ○唐詩解頤四卷 湘潭曾鈞編 增 ○先儒文略十六卷
湘潭張九鐔編 縣志 志曰自序總錄周漢晉唐宋諸儒之
端臨得三十有七人其時先後而論次之自荀卿而下至馬
明王道述禮樂凡古今為學為治之禮要略具焉 ○湖南文徵
二百卷 是書因新化鄧顯鶴沅湘耆舊集僅采詩辭而不及古
五十四卷 國朝文徵 以宋文七卷首冠以姓氏傳四卷并目
六卷合為二百卷前有相繼國藩合泥李鴻章序四卷并目
例言謂是書蒐采上非一故不 七律流別集十二卷 明七律
自題名而但稱湖湘後學編云 七律流別集十二卷 明七律
逸選而評其 潭雅集四卷 以選七律流別集之餘力為之故
得失首有序例 潭雅集四卷 以選七律流別集之餘力為之故

未兼取也 湘潭羅汝懷編 ○ 國朝詩的 南鄉陶煊編 ○ 歷代詩匯一百卷 縣典制大文
 二百卷 增 古今梓玉 增 南鄉王文清編 ○ 唐詩
 說法約三卷 古文分體彙編八卷 南鄉黃道恩編 縣志
 恩書選有明制藝名明文說法學使李汪度 ○ 列朝詩鈔 南
 序而刻之故是選仍以說法名便整課也 ○ 經史
 鄉劉光潤編 ○ 唐詩會選六卷 益陽毛正藩編 ○ 經史
 百家雜鈔二十六卷 門以古文源本經史諸子故取經史冠於各
 類分經史百家簡編二卷 前首有緒以諸子之文後列漢文
 初學之鳴原堂論文二卷 前首有緒以諸子之文後列漢文
 瀋編 ○ 萃珍樓拾遺文十二卷 湘鄉朱名宜編 ○ 歷朝古文選
 國朝詩選十二卷 攸縣彭廷梅編 增 攸縣劉昌祚編 ○
 攸縣陳之駉編 增 ○ 攸詩拾殘 攸縣劉昌祚編 ○
 攸與詩鈔四卷 攸縣賀德宗編 ○ 唐音集鼓 茶陵彭維
 新編 增 ○ 古逸詩歌謠銘集 茶陵彭維銘編 增 ○
 夕堂永日八代文選 夕堂永日八代詩選六卷 夕堂永日
 明詩選七卷 衡陽王夫之編 增 ○ 易堂十三子文選
 清泉王泉之編 ○ 類選古文修齊錄十卷 衡山楊景周編
 縣志 ○ 古文通選編年 衡山賈立達編 ○ 斯文精華補
 衡山聶鏡敏編 ○ 漢文選要 安仁周元編 增 ○ 古文家
 訓十卷 唐詩家訓一卷 安仁周必昌編 增 ○ 宜陽詩選

八卷 常甯吳山岱編 ○ 重訂後村千家詩 邵陽車鼎豐編 府志
 編 增 ○ 重訂宋詩鈔一百二十卷 邵陽車鼎豐編 府志
 增 ○ 南州文範十卷 邵陽雷澤編 ○ 資湘耆舊集六十卷
 裕泰序起自明代至近日為卷六十為 沅湘耆舊集二百卷 裕
 人四百十有一為詩四百五十為 沅湘耆舊集二百卷 裕
 以資江各名人按朝代編入統為沅湘耆舊集 新化鄧顯鶴
 編 ○ 沅湘耆舊集前編四十卷 新化鄧顯鶴
 因取兒孫歷年所輯洪承前諸類綜詮次始自晉宋暨於元
 代上而公卿下逮布衣及閭閻釋道之流與夫仙鬼謠諺之
 說皆附凡得三百三十家奇詩二千 ○ 優曇集畧十卷 新
 化釋虛心編 增 ○ 唐詩韻彙六十四卷 巴陵方聯甲編 沅
 集 增 ○ 唐詩矩矱 巴陵方應和編 文徵 ○ 汨水餘韻初集七
 卷 平江彭其位編 縣志 志曰錄詩四百七十首作者九十
 非專選詩故自宋至今編次成帙題曰汨水餘韻初集
 集近今作者姑置集外以俟後起之續編云 增 ○ 昌江詩
 集六卷 平江胡元桂編 縣志 七百二十首作者二百七十一人
 較汨水餘韻為富刻於乾隆 ○ 栗園詩選二卷 武陵夏大春
 元年李不羈為之序 增 ○ 栗園詩選二卷 武陵夏大春
 編 縣志 楊緒序武陵為荆楚大邑山川風景之秀婉
 不求名於世故傳集甚少先太傅曾手輯武陵前人題詠自漢
 至宋無不於世故傳集甚少先太傅曾手輯武陵前人題詠自漢
 其溼沒於寒煙荒草冷風涼月問者又可勝數則吾武陵不啻
 按博采台前賢題詠於啟山林 ○ 常德文徵四十八卷 武陵陳
 若嘉其意因題數語於簡端 ○ 常德文徵四十八卷 武陵陳
 楷禮編 縣志 ○ 古文選要八卷 平江張岳齡編 縣志 ○ 湖南詩
 徵 武陵唐開韶編 縣志 志曰嘉慶丙子開韶分修通志輯

存詩 ○唐詩摘句分韻編二十六卷 保靖胡嵩齡編志 ○唐詩選 郴州陳起詩編文徵 ○文選內篇十六卷 文選外篇六卷 古文備法四卷 興甯曹亨時編 增 ○秦漢文選 澧州翟啟迪編州志

五代 ○廖氏家集一卷 長沙廖光圖編唐書藝文志 ○武康四先生集 武陵楊鶴編湖錄 鄭元慶曰四先生也 增

國朝 ○同懷文集 長沙周宣智宣武宣猷宣徽宣命編志 ○高塘龍眠集四卷 湘潭李光瑩編志 ○莫如樓詩選六卷 湘鄉蔣湘培湘壩湘城湘垣編凡湘培二卷湘壩一卷湘城一卷湘垣一卷 ○左氏二忠集十二卷 湘鄉左仁編志 ○松竹合集 零陵王丕承黃樹棠編志 載王金掌序蓋其甥也宗緒名芥舟堂皆冷 ○楓社聯珠集 甯遠李承裘承第家簡家麒家瑞編府志 ○費氏一門詩集 巴陵費氏編沅湘者 ○米氏一門詩集十二卷 辰谿米其鳴編志

右彙集

宋 ○同文館唱和詩十卷 湘陰鄧忠臣撰 浙江道憲錄 ○幹耿南仲商倚張耒晁補之曹輔蔡肇柳子文李公麟孔武仲諸人同在試院同文館校士時倡和諸作又有名向名益者各

附一首 ○拙齋唱和集一卷 長沙孫頌撰宋史藝文志

元 ○圭塘欵乃集二卷 安仁馬熙等撰四庫全書總目

明 ○聯句錄五卷 茶陵李東陽編四庫全書存目 提要曰東陽有東祀錄已著錄此其官翰林時與同年進士及同遊士大夫聯句之作東陽自為序而丹徒知縣江夏于溥刊行之侍讀學士蒲田吳希賢復輯題名通冠於前凡六十有九人詩不盡工然其時館閣儒臣過從唱和以文章交相切劘說者謂明之風會稱成宏為極 ○桃源洞天草一卷 桃源江盈科撰 增

衡嶽倡和詩 長沙釋明照撰 縣志 ○荆堂倡和集 桃源田鐸撰 縣志 ○衡嶽倡和詩 長沙釋明照撰 縣志 ○荆堂倡和集 桃源田鐸撰 縣志 ○桃源江盈科撰 增

國朝 ○銅仁唱和詩鈔二卷 長沙陳亮等撰縣志 ○梧笙館聯吟初集二卷 湘陰李星沅暨妻郭潤玉撰縣志 ○羅湘唱和集

湘陰陳隆鈞武陵張世緯撰縣志 ○紅梅唱和詩 湘潭陳鵬年等撰刻本有郭金臺序無年月詩為臨川汪秉乾柳公首

世越周鍾秀周毓奇唐世起謝履李鯤同謝周石嵩森殷白新

周日永張維藩石建章凡十七人而郭式毅楊升楊芳遠劉授

易李虎宗石詒陳鵬年石謙等八人則有目無詩外有醴陵曹

之瑛竟陵釋高超豐城游懋鳳攸譯撰采釋智校凡五人案

卷首標石村東刻則當日板存郭氏其時當在康熙初年 ○周

又案張文炳南麓掌詩亦有此題此韻五首未入此編 ○周

梧岡輓詩一卷 湘潭人士撰縣志 ○世傳輓歌之作如建醮

蓋里起於漢初然黃鳥之詠已先此矣蓋思其賢而哀其逝此

白有歌詠以至今茲大較然也周君梧岡敦行誼喜施子宗族

鄉黨翕然稱之云云未嘗乾隆四十年乙未冬某拜 ○雨湖聯

書蓋手書也未有孫昭照詩四首即著錄洲詩稿者 ○雨湖聯

吟集 湘潭人士撰縣志 ○除夕吟蘇詩 湘潭羅汝懷等撰縣志 ○歷下唱和詩鈔一卷 湘潭梁文鈺等撰縣志 ○會合聯吟集

湘鄉曾國藩等撰 湘鄉縣志 ○ 禧冰圖詩錄一卷 雲臺唱和詩

卷五 安化陶澍編 湘鄉縣志 ○ 杉湖酬和詩畧二卷 臨川李宗翰

卷六 東湖酬和詩畧二卷 鄧顯鶴詩一卷 北湖酬和詩畧二

卷七 鄧顯鶴詩一卷 新化鄧顯鶴編 深柳堂唱和集 常

甯阮鄂撰 同聲集十六卷 邵陽禹星編 志

右酬和

明 ○ 訂補涪溪集二卷 祁陽陳斗編 明史藝文志 四庫全

書 補前代詩 補前代詩 補前代詩 補前代詩 補前代詩

遺芳集五卷 道州周冕編 補前代詩 補前代詩 補前代詩

吟詠有作及古今人之贊頌而及其後裔者乃其芳之餘也

也初非自多其一二世孫翰林博士錄一冊名曰遺芳是也

下後世有所攷正博士君之用心豈不深且遠哉 ○ 洞庭君

山集三卷 巴陵胥文相編 原而後歷代題詠 楊山及岳陽樓

者其為 ○ 武陵題詠二十卷 武陵楊嗣昌編 楊山及岳陽樓

今亦僅存殘卷一冊 藏於徐鴻軒先生家 增 ○ 花塢聯吟

二卷 善化唐仲冕編 和之編 附花塢詩八首 同人

○ 張氏垂範堂集十一卷 湘潭張力行編 凡五冊 卷首

為追錄四五卷 為表前錄八九卷 為壽萱錄十卷 十一卷

慎終錄附錄記四篇 餘姚邵晉瀾為之序 羅源漢為

山汪輝祖梁溪鄒方錫餘姚邵晉瀾為之序 羅源漢為

之紀事詩者錫山嵇瑛光山胡季堂大興朱珪秀水汪如洋汪

如藻錢唐章照嘜城李文章和程瀾為之像費者同縣余瑜

胡正笏石觀羅升為之墓誌者張元凱張瓊唐世徵李天龍胡

真繼馬思石觀羅升為之墓誌者張元凱張瓊唐世徵李天龍胡

不符未得請旌故力行為追遠表節關孝諸錄以表揚之壽萱

則為其母七十乞言而慎終繼作矣諸錄博求當世名公哲士

為之題詠如錫山嵇瑛光山胡季堂大興朱珪秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

陸燿發唐金姓袁枚秀水鄭文虎文鎮洋舉沈秀水汪如洋汪

成於嘉靖戊子輯元結以下至明代諸人
題詠碑銘前列語溪小志紀其山水之勝
○岳陽紀勝彙編四卷 錢唐張振先撰
為湖南道書總錄總錄曰自序云以下凡
騷賦詩歌序記碑傳等作所采畧備○岳陽紀勝彙編四卷

書修於萬曆乙酉今本崇禎間重刊○岳陽紀勝彙編四卷
當塗梅清撰四庫全書○桃花源集三卷 錢唐馮子京撰
存日 姚宏撰序存目○桃花源集三卷 錢唐馮子京撰
也余則謂桃源非方壺之迹果為神仙窟宅之
闕其歲時者豈靈異之迹果為神仙窟宅之
子孫於明亦非食六氣而飲沆瀣者流也彼
使上則里居之輔以資公卿而飲沆瀣者流也彼
死則下承平之利不若深巖故夫為桃源賦者
今則里居之輔以資公卿而飲沆瀣者流也彼
花源當為坦途非復復時之窮與矣觀於政暇
斯提其亦欲存其故以儆有位而勤於政暇
書提其亦欲存其故以儆有位而勤於政暇
逸更為鈴次又增○郴州文志七卷 天長王心撰
以元明人之作○郴州文志七卷 天長王心撰

要曰嘉靖間心官郴州同知時作原序稱既輯郡志六卷又與
柳諸生袁大邦等集古今之文為郴州而作者勒成此集以輔柳
志其以命制紀載議論詠歌四類
分編畧仿真德秀文章正宗之例

唐○風騷旨格一卷 流類手鑑一卷 益陽釋齊己撰
直齋

宋○樂府題解一卷 長沙劉次莊撰 直齋書錄解題
孫曰取歷代樂府分爲

其命題之意○雪磯詩評 甯遠樂雷發撰 永州府
增○懷麓堂詩話一卷

明○詩學正蒙 攸縣王偉撰 四庫全書
增○懷麓堂詩話一卷

茶陵李東陽撰 明史藝文志 四庫全書
日錄 提要曰李

其論詩主於法度音調而極論剽竊摹擬之非當時奉以爲宗
至李何既出始變其體然廣古之病適中其所詠河故後多抑

彼而伸此此編所論多得古人之意雖詩
家三昧不盡於是要亦深知甘苦之言矣○瀨園詩話三卷
華容嚴首昇撰 文淵閣○雪濤詩評一卷 閩秀詩評一卷 桃

源江盈科撰 補說○餘冬詩話三卷 郴州何孟春撰 四庫全
中摘其論詩者說題此名也所論多作俚語如謂蘇氏之文無
見於道莊謂書耳又謂故教乞食歌姬院用韓熙載事非君子
所宜皆所謂膠柱而鼓瑟謂杜詩呈吳郎題桃樹二律其費解
以謂與他律不同亦殊不解得古人用意之致至以講學之見論詩益
去之千里矣則何如不

國朝○斯馨室詩話 長沙劉暉潭撰 遠觀堂詩話
說一卷 長沙鄭先樸撰 達觀堂詩話八卷 善化張晉

本撰 善化張光泰撰 硯農詩話四卷
湘陰周耀祥撰 湘帆詩話二冊 湘潭張坊撰 舊志九

跋吾叔湘帆所著詩話一編蓋就學山觀海二集中摘錄爲本
事詩者也叔之言曰余乙卯以前學於游丙辰以後學於政今
老矣居

錫錦之樓回思舊游如夢如塵不可尋其迹然故人偶來酒酣
耳熱以疑義相質有素稿者則錄其原委以贈至於感舊懷人
稍而進述昆李學從時相酬答亦紀以爲樂積盈篋衍送附鈔
畧亦具見於此○歷代詩話四卷 蘇華詩話 增湘潭

張九鉞撰 增訂聲調譜一卷 湘潭吳登鴻撰 石樵詩
話八卷 湘潭李樹滋撰 企活廬詩說一卷 湘潭唐祖

價撰 詩文話八卷 甯鄉王文清撰 海粟園
詩話四卷 甯鄉鄧枝麟撰 詩譯一卷 夕陽永日緒論

二卷 衡陽王夫之撰 船山遺稿○截肪詩話一卷 衡陽王河

衡陽王河

衡陽王河

撰縣志 ○ 韓峯詩話 衡山縣 銑敏撰 ○ 詩文正論 常甯唐
 成珀撰 ○ 古詩攷異四卷 常甯李德鸞撰 ○ 詩話類長
 六卷 邵陽周思仁撰 ○ 奎堂詩話 邵陽禹星撰
 ○ 息園詩話一卷 新化楊瓊撰 ○ 譚詩追錄一卷 新
 化李洽撰 ○ 詩學啟蒙四卷 律體譜法一卷 武岡曾
 家模撰 ○ 梓湖詩話 巴陵吳敏樹撰 ○ 東坪詩評四
 卷 平江李昌邁撰 ○ 庚樓詩話 平江鍾顯五撰 ○ 嫺
 宮詩話 臨湘楊柱朝撰 ○ 湘漁詩話四卷 黔陽邱開來
 撰 ○ 詩法輯要 永興鄧松撰 ○ 墓銘舉例 澧州馬宗
 良撰

右評論

宋 ○ 杜詩注二十卷 湘陰鄧忠臣撰 中州集元好問曰
 不注杜詩予識其孫彥朝而誤有可歎今見吳彥高朝
 不學見流俗皆讀舊注因誤有可歎今見吳彥高朝
 山集元好問曰不注杜詩予識其孫彥朝而誤有可歎今見吳彥高朝
 今世所注杜詩乃慎思平對黃本鄧忠臣力而為之者鑿所家標題之夫
 以託名王叔原叔近歲得浙本杜詩是原叔之孫祖甫所得前
 序備言其大父未嘗注杜詩廉夫彥高益可信併記於此

○ 李太白詩注二十五卷 甯遠楊齊賢撰 四庫全書總目
 集注而元蕭士贊所補也杜甫集自北宋以來注者不下數
 十家李太白集注宋元人所撰者今惟此本行世而已康熙中
 吳縣李日芭翻宋本李翰林集前二十三卷為歌詩後六卷為
 雜著此本前二十五卷為古賦樂府歌詩後五卷為雜文且分
 標門類與本前目次不同其為齊賢改編或士贊改編原書無
 序跋已不可考惟所輯注中多徵引故實及意義卷帙浩博不
 別之故猶可辨識注中多徵引故實及意義卷帙浩博不
 無失唐觀延州華記當士贊注寄遠詩第七首滅燭解羅衣

向不知出史記滑稽傳淳于髡語乃泛引謝瞻曹植諸詩又如
 臨江王節士歌齊賢以爲史失其名士贊則引樂府遊俠曲證
 之不知漢書藝文志臨江王及愁思節士歌原各爲一篇自南
 齊陸厥始併作臨江王節士歌後來史信杜南俱承其誤白詩
 亦屬沿謬齊賢等不爲辨析而轉以爲史失名此類俱未爲精
 核然其大政詳贖足資檢閱中如虞武戰場懷古一首士贊謂
 非太白之詩蓋贖卷末亦具有所見其於白集固不爲無功焉
 子篤學工詩與吳澄相友善所著詩評二十餘 ○ 胡安定詠
 篇及冰崖集俱已久佚獨此本爲世所共傳云

史詩注三卷 邵陽陳益撰 賦注

明 ○ 批選王陽明文集 湘潭李騰芳撰 楚風 ○ 陶靖節集注
 餘冬效錄 孟春白記陶潛集蕭統陽休之輩或題陶淵明或
 題陶潛陶淵明作陶泉明集以潛易淵唐爲神堯諱淵自趙宋來
 傳本題陶淵明卷數目諸家不同世傳李公煥是宋承紹所記江
 節集云集分卷數目諸家不同世傳李公煥是宋承紹所記江
 左傳書所記最倫買書春今改諸家移卷六賦二篇併入卷五
 移卷五五柳先生傳孟府君傳同卷七傳贊爲卷六史述九章
 移桃源記前加卷八與子儼等疏上爲卷七四八目舊自甄表
 狀杜喬以下分之爲卷九卷十今中分自鄧禹以下爲卷八卷
 九而錄傳序錄記歐諸爲陶作泊先輩議論及陶有不可附類
 尤覺得宜謹記批點李太白集 李文正擬古樂府注二卷
 於此以備攷焉 批點李太白集 李文正擬古樂府注二卷
 附刊之 郴州何孟春撰 ○ 杜詩摭髓二卷 藍山李文華撰 陽

國朝 ○ 韓詩編年箋注集成十一卷 長沙陳价英撰 縣志 ○ 杜
 詩選注 善化李芳華撰 縣志 李文正序詩以道性情三百
 人亦其性情足以永之耳自注杜詩歷序千古豈僅以才力過
 以淺狹之義挽古人而從之使忠孝至情反爲怨怒之橫議是
 非以解之實誣之耳吾弟實掩有感於此爲注一編臆詞綺語
 悉從刪削惟有關於人倫物理國政民風者則取之不啻如陶
 淵明之自選其詩 ○ 杜詩分體 湘潭曾用璜編 縣志 ○ 李義山

許評三卷 湘潭周貽樸撰縣志 ○儀鄭堂駢文箋二卷 湘潭

羅萱撰湖南哀 ○尤良齋駢文箋釋 甯鄉周封萬撰縣志 ○杜

詩箋注 益陽温其訓撰縣志 ○批點韓昌黎集四十卷 湘鄉

曾國藩撰縣志 ○批注李文正樂府二卷 攸縣劉友光撰楚詩

○批點杜少陵集 批點韓昌黎集 安化陶必銓撰縣志 ○陶

淵明集輯注十卷 安化陶澍撰縣志 ○所安遺集注二卷 茶

陵陳源究撰州志 ○杜詩編年 邵陽周思仁編費慶府志 ○潤東

詩鈔注要十六卷 新化李洽撰府志 ○震川文別鈔二卷

巴陵吳敏樹編縣志 ○纂訂庚子山集箋注六冊 纂訂杜少陵

集箋注八冊 纂訂李義山集箋注二冊 武陵陳長鎮撰縣志

○杜詩插句 會同唐仲濟撰縣志

右箋注

集部 詞曲類

宋○王周士詞一卷 湘潭王以甯撰直齋書錄解題 四庫

字周士湘潭人由太學生仕鼎澧帥幕靖康初徵天下兵以甯

走鼎州乞兵解太原圍建炎中以宣撫司參謀制置襄陽是

依毛晉汲古閣書鈔過錄凡三十一首以甯詞句法精壯如

虞彥恭寄錢遜升鷗山溪 閱重午登午登霞樓滿庭芳一

綴舟洪步下浣溪紗一 絕無南 〇岫雲詞一卷 湘潭鍾

宋浮豔虛薄之習其他作 多類是 〇岫雲詞一卷 湘潭鍾

將之撰直齋書錄解題 振孫曰嘗為編修官 按將之子

也震見人物而書錄解題稱 〇省齋詩餘一卷 衡陽廖行之

長沙鍾將之益舉其郡言之 〇衡山侯延慶撰直齋書錄解題

撰直齋書錄解題 〇退齋詞一卷 衡山侯延慶撰直齋書錄解題

天南節萬年歌又有庚寅 〇後湖詞一卷 澧州蘇庠撰直齋

明○麓堂詞一卷 茶陵李東陽撰州志 ○下里小聲 衡陽吳

國瑞撰縣志 ○羅峯詞二卷 辰溪米元偶撰縣志 ○滿竹園詩餘

二卷 辰溪米元偶撰縣志

國朝○糜園詞二卷 長沙毛國翰撰縣志 ○紅梨館詞二卷

長沙黃其恕撰縣志 ○三生石館詞鈔一卷 長沙何元撰縣志

舉庵詞 善化皮旭撰縣志 ○紅梨花館詞二卷 善化唐仲冕

撰縣志 ○餐玉詞一卷 善化湯燮撰縣志 ○竹婢娟室詞一卷

善化湯燮撰縣志 ○花雨軒倚聲一卷 善化湯燮撰縣志 ○金粟

詞鈔 善化吳紱榮撰縣志 ○湘夢詞一卷 善化沈樸撰縣志

樂府新聲 醴陵曹之瑣撰縣志 ○了庵詞一卷 湘潭王岱撰

志○喝月詞五卷 湘潭陳鵬年撰縣志 ○秋蓬詞二卷 湘潭

張九鉞撰縣志 ○楓江詩餘 湘潭夏大觀撰縣志 ○研華館詞二

卷 湘潭羅汝懷撰縣志 ○蓉谷詩餘一卷 湘潭曾旭撰縣志 ○夢

花齋詩餘一卷 湘潭羅萱撰縣志 ○衣仙詞二卷 湘潭女士

戴珊撰縣志 ○冬餘詞 甯鄉宋寶逢撰縣志 ○壯心未已齋詞一

卷 甯鄉鄧枝麟撰縣志 ○紅雪詞二卷 甯鄉黃湘南撰縣志

癡情詩餘 茶陵陳安兆撰州志 ○鼓棹初集一卷 二集一卷

瀟湘怨一卷 衡陽王夫之撰船山遺稿 ○坦然詞鈔 耒陽

增

楊景行撰縣志○炎癸詞一卷 新化鄒漢濱撰縣志○水雲居

詞一卷 新化鄒漢勳撰府志○烏柏山房詞鈔一卷 新化

鄧琮撰府志○雲芬小詞一卷 新化女士鄒湘撰縣志○東洲

草堂詩餘一卷 道州何紹基撰州志○鶴茗詞鈔一卷 巴陵

吳敏樹撰縣志○花雨山房詞集一卷 平江凌大壽撰縣志○研

北詩餘一卷 武陵朱景英撰縣志○洞庭詩餘 龍陽王為城

撰縣志○珥彤詩餘 龍陽女士陳長壽撰縣志

右填詞

明○太和元氣記 靖州許潮撰州志

國朝○楓江詞餘 湘潭夏大觀撰縣志○梨雲山房詞餘一卷

新化李洽撰府志

右南北曲

明○製曲枝語一卷 湘潭周星撰昭代叢書

國朝○填詞圖譜 武岡劉青葵撰州志

右圖譜

宋○百家詞百二十七卷 長沙失名氏編直齋書錄解題

笑詞集下云自南唐二左詞而下皆長沙書坊所刻諸家詞其前數十家皆名公之作其末亦有濫竽者市人射利欲富其部帙不暇擇也今百家不可得見阮元從古閣鈔得王周士約益從是編錄出意毛氏嘗有款本其所刻宋六十宗印從此主後主二主詞一卷馮延巳陽春錄一卷宋亡名氏家真集五卷晏殊珠玉集一卷張先張子野詞一卷杜安世杜壽域詞一卷歐陽修六一詞一卷柳永樂章集九卷蘇軾東坡詞二卷黃

庭堅山谷詞一卷 秦觀淮海詞一卷 晁補之無咎詞一卷 陳師

道小山集一卷 晁補之東坡詞一卷 蘇軾東坡詞一卷 蘇軾東坡詞一卷

三冠柳集一卷 李之儀姑蘇集一卷 蘇軾東坡詞一卷 蘇軾東坡詞一卷

詞一柳集一卷 李之儀姑蘇集一卷 蘇軾東坡詞一卷 蘇軾東坡詞一卷

川詞一卷 陳克赤城詞一卷 蘇軾東坡詞一卷 蘇軾東坡詞一卷

簡詞一卷 康與之順陽詞一卷 蘇軾東坡詞一卷 蘇軾東坡詞一卷

卷一范成石湖詞一卷 蘇軾東坡詞一卷 蘇軾東坡詞一卷

卷一蔡相浩歌集一卷 蘇軾東坡詞一卷 蘇軾東坡詞一卷

卷一鳳城詞一卷 蘇軾東坡詞一卷 蘇軾東坡詞一卷

卷一蘇軾東坡詞一卷 蘇軾東坡詞一卷 蘇軾東坡詞一卷

卷一蘇軾東坡詞一卷 蘇軾東坡詞一卷 蘇軾東坡詞一卷

卷一蘇軾東坡詞一卷 蘇軾東坡詞一卷 蘇軾東坡詞一卷

卷一蘇軾東坡詞一卷 蘇軾東坡詞一卷 蘇軾東坡詞一卷

卷一蘇軾東坡詞一卷 蘇軾東坡詞一卷 蘇軾東坡詞一卷

卷一蘇軾東坡詞一卷 蘇軾東坡詞一卷 蘇軾東坡詞一卷

國朝○金縷酬春詞一卷 湘潭羅汝懷編縣志○詞選一卷

衡陽王夫之編船山著述○嶽麓詞鈔一卷 安仁歐陽厚均

編進行

右詞選

不可以秦皇嶧山會稽刻石之詞擬之也明楊慎等釋文大抵敘行役之勞刊旅之績淺矣今仍舊志悉錄于後

楊慎釋文承帝曰咨一作翼輔佐卿洲清與登鳥獸之門參身洪流而明發爾興久旅忘家宿嶽麓庭智營形折心罔弗辰往求平定華嶽秦衡宗疏事哀勞餘伸禮鬱塞昏徙南濱衍享衣制食備萬國其甯竄舞永奔

沈鎰釋文承帝曰咨一作翼輔佐卿水處與登鳥獸之門參身魚池而明發爾興以此忘家宿嶽麓庭一作智營形折心罔弗辰往求一作平定華嶽秦衡宗疏事哀勞餘伸禮羸塞昏徙一作南暴昌言衣制食備萬國其甯鼠舞蒸奔

楊時喬釋文承帝令翼為援二句四欽塗一作陸登二句馮端鄉邑三句三仔籠流船暗歇遲眠即夙一作迄冬次嶽麓展音陌裂嶽析詭罔墮一作往求出竄華恆秦衡嵩陸事哀獻杼挺禮鬱潛墊徙南暴幅員節別界聯魁魁變虺竄舞蒸十五句

郎瑛釋文承帝曰嗟翼輔佐卿水降輿發鳥獸交行參身若流祁明癸酉興以此忘家宿嶽麓庭智營形折心罔不辰往來平定華岳秦衡宗疏事哀勞錫伸禮鬱塞昏徙南濱衍享衣制食備萬國首甯鼠舞永奔
吳越春秋禹傷父功不成循江沂河蓋濟甄淮乃勞身焦思

以行七年聞樂不聽過門不入冠挂不願履遺不躡功未及成愁然沈思乃案黃帝中經歷蓋聖人所記曰在於九山東

南天柱號曰宛委赤帝在闕其巖之顛承以文玉覆以磐石其書金簡青玉為字編以白銀皆瑑其文禹乃東巡登衡嶽血白馬以祭不幸所求禹乃登山仰天而嘯因夢見赤繡衣男子自稱元夷蒼水使者聞帝使文命于斯故來候之非厥

歲月將告以期無為戲吟故倚歌覆釜之山東顧謂禹曰欲得我山神書者齊於黃帝巖嶽之下三月庚子登山發石金簡之書存矣禹退又齊三月庚子登宛委山發金簡之書案金簡玉字得通水之理復返歸嶽

水經注湘水又北逕衡山縣山在西南有三峰一名紫蓋一名峇峰峇峰最為竦傑山經謂之响屨山為南嶽也山下有舜廟南有祝融冢楚靈王之世山崩毀其墳得管邱九頭圖禹治洪水血馬祭山得金簡玉字之書案今本水經注無禹字今據揚升菴外集補

湘中記衡山有玉牒禹案其文以治水後漢書郡國志引南嶽總勝集上清宮吳人徐靈期真人修行之所采訪山洞巖谷作術錄記敘其洞府靈異云雲密峰有禹治水碑皆蝌蚪文字 白馬峰案山海經云昔夏禹於此殺白馬祭天仰天而嘯夢繡衣童子自稱蒼水元夷使者授金簡玉文因而

名焉又曰仰天臺案山海經並無其文金簡峰昔黃帝受

戒經於此東有大禹巖禹王致齊夢蒼水使者南上帝君授

金簡玉書因而記之 岫嶽峰下有法輪寺後有道人亭韓

愈詠禹碑略云道人獨上偶見之者是也傳云昔有道人見

之於岫嶽峰後韓文公有是句 雲密峰西有大禹巖峰半

有禹碑禹王至此量之高四千一十丈皆蝌蚪之書覆有樵

者見石壁有兩蚪相交碑上雙睛電字石光瑩目不可正視

怖畏走之不已此後了無見者亦猶天台之金銀橋北岳之

玉梁古今皆一見也

遊宦紀聞何賢良名致字子一嘉定壬申遊南嶽至祝融峰

下案嶽山圖禹碑在岫嶽山詢樵者謂采樵其上見石壁有

數十字何意其必此碑俾之前導過隱真屏復渡一二小澗

攀蘿捫葛至碑所為苔蘚封剝讀之得古篆五十餘外癸酉

二字俱難識韓昌黎所謂科斗拳身蕪葉披鸞鳳泊擊蛟

螭而其形模果為奇特字高闊約五寸許取隨行市買歷碎

而模之每摹二雖墨濃淡不勻體畫卻不甚模糊歸旅舍方

湊成本何過長沙以一獻連帥曹彥約并柳子厚所作及書

般舟和尚第二碑以一揭座右自為寶玩曹喜甚牒衡山令

搜訪柳碑本在上封寺僧法圓申以去冬雪多凍裂之禹碑

自昔人罕見之反疑何取之他處以誑曹何遂刻之嶽麓書

院後巨石但令解柳碑來匣之郡庠而已

輿地紀勝禹碑在岫嶽峰又傳在衡山縣雲密峰昔樵人曾

見之自後無有見者宋嘉定蜀士因樵夫引至其所以紙打

其碑七十二字刻於夔門觀中後俱亡

天下金石志岫嶽峰神禹碑科斗文字或云在雲密峰或曰

在夔門宋嘉定初蜀士因樵者引至見損得七十二字尋失

所在今摹本存

楊升菴文集徐靈期衡山記云夏禹導水通瀆刻石書名山

之高劉禹錫寄呂衡州詩云傳聞祝融峰上有神禹銘古石

琅玕姿秘文龍虎形崔融云於鑠大禹顯允天德龍畫傍分

螺書扁刻韓退之詩岫嶽山尖神禹碑字青石赤形模奇又

云千搜萬索何處有森森綠樹猿猴悲古今文士稱述禹碑

者不一然劉禹錫蓋徒聞其名矣未至其地也韓退之至其

地矣未見其碑也崔融所云則似見之蓋所謂螺書扁刻非

目睹之不能道也宋朱晦翁張南軒遊南嶽尋訪不獲其後

晦翁作韓文考異遂謂退之詩為傳聞之誤蓋以耳目所限

為斷也近張季文僉憲自長沙得之 是宋嘉定中何致于

一模刻於嶽麓書院者斯文顯晦信有神物護持哉余生又

後三公乃得見三公所未見一奇矣禹碑凡七十七字輿地

紀勝云七十二字誤也

湛若水禹碑敘余來爲南禮部尙書之明年傳聞衡山有神
 禹碑發於地中卽欲往觀而未能又明年爲嘉靖乙未之秋
 楚士有摹神禹碑來遺者快觀而諦觀之字畫奇古與後來
 篆籀手筆迥別而碑石復剝落雖習於古者僅能辨其一二
 字旣不可識其中所云獨於碑末有小楷書右帝禹刻四字
 意者必後來漢唐人因見此碑別有所攷據而題之及考韓
 昌黎峒嶼山詩云云而劉禹錫寄呂衡州詩亦曰嘗聞云云
 盛宏之荊州記云南嶽周迴數百里昔禹登而祭之徐靈期
 南嶽記云夏禹導水通瀆刻石書名山之高南嶽文云高四
 千一十丈由數說合禹貢而觀之則大禹因岷山導江歷湖
 入海過南嶽登祭而刻石此山卽此碑無可疑者然韓劉二
 公蓋皆聞而不及見今余幸見之而所謂科斗拳荊倒披
 鸞鳳飄拏虎螭悉如此碑字畫之形狀豈所謂道人之偶見
 者所流傳而碑末四字或卽此時題之歟至於二公所云祕
 文祕迹則理固有然者夫宇宙內神物固當天寶而地藏之
 歲久則必復見而余幸當其數千載復見之會又獲觀之則
 是二公之不得見而悲詫涕洟者顧不幸歟
 嶽麓舊志禹碑嘉靖九年太守潘公別土搨傳三十九年太
 守張公覆之以亭崇禎三年兵道石公維嶽重修亭臺圍以
 石牆南北設門司叩閉

〔光緒〕湖南通志 卷二五九

吳玉搢金石存此碑雖載於吳越春秋及徐靈期南嶽記王
 象之輿地紀勝陳田夫南嶽總勝集諸書然皆傳聞未嘗實
 有所見卽劉夢得寄呂衡州詩韓昌黎峒嶼山詩亦但云傳
 聞祝融峰上有神禹銘及道人獨上偶見之千搜萬索何處
 有森森綠樹猿猴悲而已歷載數千寶未出世逮宋嘉定中
 而後賢良何致得見之始有摹本逮明嘉靖中而後長沙太
 守潘鑑得宋刻於榛莽中摹拓始廣於是靖陽沈鑑爲作釋
 文楊用修在滇南亦爲之注且作長歌鋪張揚厲碑乃大著
 然沈鑑謂始得是碑夜夢神禹授以古瓶下有篆文類碑字
 及早起誦若素識不勞思慮遂作釋文用修亦曰釋文第十
 六句舊作南暴昌言余疑文義不貫字形亦不類思之不得
 是夕夢一魚首黃衣指謂曰此南瀆衍亭四字也寤而觀之
 形義兩協昌黎云古書得所依據蓋可讀此碑字體奇怪絕
 無偏旁義理可尋不知二家竟何所依據而確知爲某字某
 字至不得已託諸鬼神夢寐以爲徵無乃英雄欺人乎故顧
 亭林輩皆嘗以爲僞作余謂碑何必僞神禹奇迹至多玉書
 金簡理所應有但於古旣無傳文後人斷難臆識與其支離
 附會穿鑿失真不但來識者之譏反足貽古物之累何如闕
 而不識畱以俟靈威丈人於後世乎
 王昶金石萃編考虞夏帝王皆嘗南巡故舜葬蒼梧二妃沈

於瀟湘洞庭間而今辰州大西山為夏禹藏書之所水經注亦謂禹得玉簡於衡山證之昌黎道人登山偶見之句是岫嶠禹碑無可疑者蓋唐虞時去古結繩未遠周禮所載三皇五帝之書其形制已不可考即較之科斗籀文亦當有異以四千餘年後之人欲辨四千餘年以上摧殘剝落之字豈能別識而好古者或附會穿鑿或塗改竄點致失本真自所不免

江昱瀟湘聽雨錄今嶽麓石壁七十七字凡九行行九字末行空四字處有徑寸楷書刻於字下者二行三十二字刻於幅外者一行十三字共四十五字云右帝禹刻南嶽碧雲峰□□□似謂夏之書刻之於此詳記在山下是嘉靖以來升菴輩所見者即此磨崖之刻非碑也

李繼聖禹碑辨岫嶠峰禹王碑明世一刻於金陵新泉精舍一刻於揚州甘泉書院一刻於滇之安甯州法華山俱本嶽麓碑而翻刻之者後惟新泉精舍本有三家釋文楊升菴沈鑑楊少宰時喬也梁劉顯粹錄蕭齊高祖子鐸封桂陽王時有山人成醫遊衡嶽得禹碑摹獻之王王寶之爰采佳石翻刻始見於世而徐彥五宗禪林觀空錄則云六祖慧能法徒行思思傳希遷於湖南遷徒永曇上衡山岫嶠峰一夕起

溺忽見光芒徹窗壁如火驚出視其光發自峰椒林草石皆赤邈時乃滅翌日率徒眾負鋤攀援陟覽得石洞蒙茸翳蔽斬棘而入洞壁有蝌蚪書字大如拳不可識因憶峰故傳禹碑復環覽無之疑此是也曩默溯上古未有碑名皆云立石益信大禹紀績非碑乃鐫巖石耳

嘉慶通志案禹登衡嶽發金簡玉書事見於漢人所撰吳越春秋厥後羅含湘中記盛宏之荊州記徐靈期衡山記俱載之則衡山之有禹碑其來尚矣顧南宋嘉定以前士大夫未有見而知之確言其所在者唐韓愈詩集有岫嶠山尖神禹碑句考山海經云衡山一名岫嶠山則岫嶠即衡山之別稱也劉禹錫詩云傳聞祝融峰上有神禹銘案水經注云衡山南有祝融冢又南嶽記及荊州記云南嶽衡山赤帝館其嶺祝融託其陽又上真記云祝融氏為赤帝治衡霍即衡嶽則祝融峰亦可作衡山之總稱詩人隨意題詠原無定名猶之韓詩云神禹碑劉詩則易碑為銘亦無不可也自後人勛為七十二峰之說遂以岫嶠祝融各名其一峰而執岫嶠祝融之峰以求禹碑矣或以岫嶠為禹碑之名矣韓愈謂道人偶見之及陳田夫謂樵者見於石壁然尚無模拓其文之語宋時接輯金石家如歐陽修趙明誠鄭樵及薛尚功王休章皆未著錄至張世南始言嘉定間何致遊祝融峰下樵者引

至碑所手摸其文刻於嶽麓王象之亦有在响嶼峰雲密峰之說而後禹碑始有摹本然張王同爲南宋人其說互異張云刻於嶽麓書院後而王云刻於夔門觀中張云古篆五十餘而王云七十二字又自宋歷元以至明之嘉靖癸巳遙遙四百餘年後而始有潘鑑於嶽麓投出之因見賞於湛若水顧璘林巽峰輩同時新都楊慎靖陽沈鑑仁和郎瑛南昌楊時喬四家又各逞臆說爲之注釋是以王世貞季彭山顧炎武諸家皆有疑議近時吳氏之金石存謂碑何必偽但金簡玉書於古說既無傳後人斷難臆識與其附會穿鑿何如闕而不釋持論最爲明通今仿其例錄楊慎釋文於首而博采諸書以證之碑凡七十七字二楊與郎沈所釋各有異同而楊與沈異者十一字郎與沈異者又二十二字至時喬所釋同者僅十六字且以第三四五句爲三字一讀音義俱別郎瑛復因張世南有癸酉二字難識之語謂用修與沈皆未釋之故更其釋中發爾二字爲癸酉是皆不足深辨者李繼聖禹碑辨引梁劉顯粹璣錄謂蕭齊桂陽王時山人成騎得禹碑於衡嶽獻之王采嘉石翻刻云云及徐彥五宗禪林觀空錄云僧永曇於响嶼峰洞壁見蝌蚪書兩事他書所未見劉顯粹璣錄王伯綏禹碑考作劉世彥世說補似誤又徐彥五宗禪林觀空錄伯綏考作七宗禪林謂永曇乃唐僧云今禹

碑盛行於世傳摹之本甚多所知者新泉精舍係張襄刻甘泉書院係容瑞刻楊慎刻於雲南安甯州又刻於四川成都楊時喬刻於江南棲霞山之天開巖張應吉刻於湯陰縣安如山等又以楊時喬本翻刻於紹興府之禹陵又河南汲縣有刻本云是萬曆中潞藩所立國朝康熙中毛會建刻於西安府大別山李藩刻於黃縣又墨林快事載有高氏本又濟南長山及西安學歸德府署俱有重摹本至湖南見存嶽麓本王伯綏考謂順治末彭而述以宋何致本重鑄此外則衡山石鼓書院有萬曆間副使管大勳本已毀知府李拔重摹康熙初僧道重又以管本翻刻於响嶼峰雷祖殿而祝融峰觀日臺又有副使鄧以詰於萬曆丙午以棲霞本重翻之本亦有跋語并識於此以資博考焉案禹碑在衡山响嶼峰自吳越春秋水經注諸書所紀下逮劉禹錫崔融韓昌黎諸吟咏皆非憑虛臆撰昔人論之詳矣至梁劉顯粹璣錄及徐彥五宗禪林觀空錄所云則衡嶽禹碑尤爲確鑿唐以前早有見而知之者迄宋嘉定壬申賢良何致因樵者導至碑所始摹其文刻之嶽麓書院後巨石遠明嘉靖間太守潘鑑剔土搨傳盛行於世此吳越秦豫滇蜀之禹碑所自昉要皆本嶽麓碑而翻刻之者及觀王伯綏禹碑考謂何刻毀於明季順治末年觀察

彭禹峰而述據原文原楷復鐫嶽麓之屋石且謂善化縣志誤以屋刻為何刻而非笑之適足滋考古者之疑不得
 不明辨也夫古蹟之源委必稽諸地志地志之紀錄必訂於鄉耆嶽麓志自攸水陳論善化吳道行編輯之後至康熙丁卯馮山陶之典續之同治丁卯清泉丁善慶復續之凡古蹟與廢鉅細畢詳其於禹碑則載嘉靖九年婺源潘鎰得禹碑於山頂三十九年知府濱州張西銘修禹碑亭崇禎三年兵道灤州石維嶽增建石亭於禹碑逮
 國朝康熙間偏撫周召南丁思孔重修書院亭堂燬而復新紀錄甚悉而禹碑亭未嘗一言其毀則謂何刻之毀其不足據一也碑考云嘉靖甲午發碑於地中今案嘉靖九年歲在庚寅固非甲午且係石上剔土非從地中發碑其悞顯然捐傳之後屢經築亭覆護而凡官斯土及楚南士大夫談禹碑者載諸志乘時時聞作至閩中劉汝楠讀禹碑歌則於嘉靖十九年鐫諸碑左右壁尤明確可稽則謂何刻之毀其不足據二也遊宦紀聞謂何子一刻之於嶽麓書院後巨石瀟湘聽雨錄亦云嶽麓石壁七十七字升菴輩所見即齋屋之刻非碑也夫碑碣猶有剝落若殿殿石壁亘古如新安見其毀如伯綏所云是以何刻為別有石碑至禹峰始刻諸屋石考之不詳其不足據三也考

四庫全書總目云而述字禹峰鄧州人前明崇禎庚辰進士授陽曲縣知縣入
 國朝官至貴州巡撫終於雲南布政使又嶽麓詩鈔云而述官楚時在順治初年湖南甫入版圖厥後遷粵西貴州至順治末年任雲南右布政使則謂順治之末觀察彭而述重鐫其不足據四也碑末小楷四十五字共三行前二行每行十六字末行十三字云右帝禹刻南岳碧石閣水邊石壇之上何致子一以禹國幽得之眾謂虞夏之書刊之詳記在山下手捐審視其闕八字瀟湘聽雨錄多得之碑考則碧雲作雲密遠作繞眾謂作象譯其未親見嶽麓禹碑確然無疑又碑右石壁楷書二十八字云嘉定壬申秋用七十二工長沙匠何興李曾西川監王興勒字青止三字漫漶據此與遊宦紀聞實符而碑考曾未之及則謂何刻旋毀全憑臆揣其不足據五也伯綏稱禹峰為博洽故不附名於後且以戲俗流之龔贖夫舉古聖遺蹟而重新之以垂不朽附名其後正所以取信將來不得謂之沽名也願以不附名為博洽亦迂甚矣况曰戲俗流之龔贖是不以神物為重但欲新遊覽之耳目已耳曾謂禹峰而有是乎其不足據六也故舊志錄伯綏禹碑考今特削之手捐碑文華諸簡首以見蝌蚪奇文

本漢至二楊與沈郎釋文姑並錄之以廣異聞非謂是果能得禹碑之真也

天岳山篆文

以下岳州府

方輿勝覽天岳山在洞庭湖一名幕阜前有培塿曰巴蛇冢高一萬八千丈周互五百餘里昔有真人艾君居之石崖壁立飛鳥莫息壁有篆文夏禹治水嘗至此東隅有溫泉三穴嘉慶通志案名勝志云在平江縣昌江山東南二里明統志云幕阜山在平江縣北九十里一名天岳山考幕阜篆文始見於宋祝穆方輿勝覽其後明統志名勝志皆本之竝未詳其文字而明孫克宏碑目云幕阜山石崖篆六字于奕正天下金石志云夏禹幕阜石篆文計六字至周宏祖古今書刻則云有夏禹治水至此六字此皆後人望文生義之言不足信也

案義甯州志引葛洪幕阜山記云山有石壁禹治水刻銘其上又引畢沅金石遺編云禹碑在葛仙翁石室之上其刻銘曰帝曰吁汝民艱哉敷乃蛇龍咨爾童律逞西逞東天維即止翼欽厥功餘數十字不可識平江縣志謂不知其何所本

周孟叔匾銘

孟叔亡寶匾其萬口子、孫、永寶用

陸增祥金石補正石匾漢尺長一尺九分強腹寬六寸深三寸八分有半底有銘二行蝕一字其鑿在右長二寸六分深一寸六分口寬二寸高七寸二分左高三寸七分有半鑿在其上作獸首銜之蓋長七寸七分圓折下鑿內微拗手持之處也四足高二寸三分弱後二差低作器者孟叔南公鼎作者名孟此非人名未可牽合按春秋左氏傳公廿一年經秋宋公楚子陳侯蔡侯鄭伯許男曹伯會于孟杜注孟宋地今河南歸德府睢州有孟亭又前漢地理志後漢郡國志孟縣隸太原郡云晉大夫孟丙邑後書作那毛本前書作孟是有兩孟邑也在宋之孟公羊作孟穀梁作鄆互相歧異此非地名可無深究廣韻孟又姓左傳晉有孟丙姓氏急就篇注云孟術晉邑名左傳術有孟屬晉孟丙為孟大夫廣韻作孟丙通志氏族略云孟氏晉大夫食采孟邑因氏焉其地今為太原孟縣晉有孟丙術有孟屬此作器之孟叔其即晉大夫之族歟魯伯服匾距伯匾匾字末筆向右此作左曳似異而實同同治癸酉冬岳郡花橋港浚河掘出張文心得之持以贈余今藏余家出土時役夫以為金製惡其銹蝕烈火而刮磨之腹外鼓處大損幸腹內青綠無恙也

釣洲石刻

述異記洞庭湖中有釣洲昔范蠡乘扁舟至此遇風止釣於

王□和平□季

金石補正石磚僅存漢尺七寸許廣四寸八分厚二寸九分弱文在磚端側作蕉葉紋極爲樸茂考漢桓帝北魏文成帝均號和平文成時長沙屬宋近出大明年磚不少故可定爲漢物也磚出不詳何年在郊外民舍牆壁同治癸酉爲莊氏所得亟以佗磚易之年上所款當是元字王下所款似是氏字

漢建安黃氏獸洗

黃氏 建安元季六月乙未朔四日戊戌作此器大口直錢七千重十五斤長沙安成黃□字彥□

補漢金石文編石銅洗得自長沙市肆似新出土者不知出於何地以漢尺度之高六寸口徑一尺四寸底徑八寸五分底內模一獸形似羊蓋取吉祥之意羊之一黃字下一氏字俱篆書徑七八分氏字末筆下屈曲拖長寸許結構甚有古致口上周圍隱隱有文俱爲青綠銹蝕洗剔出之陰款共三十三字不可辨者三字隸書徑三四分筆畫細不可拓而瘦勁秀媚頗類武梁祠石刻畫象旁題字真漢製也惜黃氏名字已漫滅不可辨考後漢書獻帝紀興平三年正月癸酉改元建安夏六月乙未帝幸聞喜秋七月甲子車駕至洛陽司馬溫公通鑑據長歷推是年四月乙未朔七月甲子朔而

五月六月皆缺今驗洗文知六月乙未朔則五月必乙丑朔矣黃氏自署郡縣云長沙安成考兩漢長沙屬縣皆有安成失竄鼎元年置安成郡縣名如故晉太康初更名安復縣隋廢郡縣改屬廬陵郡唐武德七年更名安福屬吉州至今仍之卽江西吉安府所屬之安福縣也太平寰宇記謂安成故城在安福縣西七十里郡國志作安城據此當從地理志作成漢器往往識重與所直如此洗文有直錢七千重十五斤之語可以考見當時銅價及權衡大小一器之微有裨於學不抄洵可寶矣

漢定王臺博文

長樂未央在富貴在上端均篆書

陸增祥金石記長沙故家舊藏有是磚相傳爲漢長沙定王時物出定王臺故址同治癸酉復出此磚篆體不一文字皆同在瀏陽門外掘得之考其地爲定王廟舊基雖佗無確證以爲漢物尙非影響之談也磚長漢尺一尺四寸五分廣七寸厚二寸三分各種微有參差凡八種背有麻布紋

案同時出磚極多有常宜侯王宜子孫常宜子孫常樂子孫承佑子孫大吉昌宜侯王宜子孫宜孫子宜子等皆漢人習用語又有題兩未央者又有題宜子孫四年作宜子孫四年六月十八日作宜子孫似年者或以爲西

漢未有建元時所造茲不具錄錄此以存舊說

漢中平獸洗

中平三八月造作用圖

隸釋石中平獸洗款識一行云中平三八月造作用富最下兩字甚野蓋鑄冶小夫所書者獸在其左若駝非駝若麟非麟紹興中長沙攸縣劉氏浚塘獲十六器家弟景盧得其一

案舊志云三下當有年字是也而曰中平乃東漢順帝紀年則誤中平東漢靈帝紀年也

漢壽亭侯銅印

雲谷雜記紹興中洞庭漁人獲一印方僅二寸制甚古以為金競而訟於官辨其文乃漢壽亭侯四字疑關羽物也遂留長沙官庫守庫吏見印上時有光燄白於官乃遣人送荆門軍羽祠中光怪遂絕

容齋四筆荆門玉泉關將軍廟中有壽亭侯印一鈕其上大環徑四寸下連四環皆系於印上相傳云紹興中洞庭漁者得之入於潭府以為關雲長漢壽亭侯此其故物也故以歸之廟中南雄守黃兒見臨川興聖院信惠通印圖形為作記而復州寶相院又以建炎二年因伐木於三門大樹下土中深四尺餘得此印其環并背俱有文云漢建安二十年壽亭侯印今留於左藏庫邵州守黃沃叔啟慶元二年復買一鈕

於郡人張氏其文正同只欠五系環耳予以謂皆非真漢物且漢壽乃亭名既以封雲長不應去漢字又其大比它漢印幾倍之聞嘉興王仲言亦有一侯印一而已安得有四雲長以四年受封當即刻印不應在二十年尤非也是特後人為之以奉廟祭其數必多今留落人間者尚如此也予為黃叔啟作辯跋一篇見贅棄

瞿中浴古官印錄漢制列侯功大者食縣小者食鄉亭縣十里一亭十亭一鄉鄉六千六百二十二亭二萬九千六百三十五愚謂鄉亭之有名見於史漢及說文等書者乃沿舊時古蹟為稱其餘眾多未必一一立名故食亭之侯有名者謂之某亭侯其無名者即系以縣名第加亭字以別於縣侯耳史傳所言如高祖封許負為鳴雌亭侯靈帝以解濟亭侯入繼之類乃以亭名者也曹休封東陽亭侯曹操封費亭侯之類乃以縣名者也予所見漢魏亭侯印往往如此關雲長封漢壽亭侯見蜀志本傳考郡國志武陵郡漢壽故索縣順帝陽嘉三年更名則漢壽本武陵郡之縣名宋洪咨齋云漢壽乃亭名又熊方後漢書補表云武陵縣亭似皆未深考也嘉慶通志案張洪邁皆宋人所紀紹興中洞庭漁人所獲之印歸之荆門關廟者實即一事而張云漢壽亭侯洪云壽亭侯印其文不同未審孰是

屈原廟碑

水經注汨水又西為屈潭即羅淵也屈原懷沙自沈於此故

淵潭以屈為名淵北有屈原廟前有碑

通典羅江有屈原冢今有石碑文曰楚放臣屈大夫之碑其餘字滅矣

明統志屈原廟在湘陰縣北六十里墓在汨羅江與廟相對碑額題曰三閭墓

嘉慶通志案明統志汨羅江在湘陰縣北七十里所載碑額與通典碑文異似非一碑恐後人所立非水經注所記之古碑也

漢南太守程堅碑

水經注漢南太守程堅碑寄在屈原廟

漢羅訓墓志

天下碑錄在衡州耒陽南六十里

嘉慶通志案通志略作羅訓碑

漢荆州刺史劉焉碑

天下碑錄在耒陽縣十五里墓下

嘉慶通志案通志略作劉君碑考後漢書劉焉傳竟陵人官監軍使者領益州牧獻帝興平中卒於成都未嘗官荆州刺史當別是一人

以下衡州府

漢谷昕碑

輿地碑目在耒陽縣云延康五年葬此去縣北五十里

天下碑錄漢南昌太守谷所碑在耒陽縣東北

嘉慶通志案此碑歐趙二家俱未收錄天下碑錄作漢南昌太守谷所碑通志略作南昌太守谷君墓碑俱無年月考漢

以南昌名縣屬豫章郡至南唐交泰元年始改豫章郡為南昌郡治南昌縣唐以前但有縣而無郡安得漢有南昌太守

之稱輿地碑目但云漢谷昕碑又未詳其官且云延康五年葬此考延康係東漢獻帝之末年即魏文帝黃初元年祇有一年其餘兩漢紀年下一字作康者有三西漢宣帝曰元康

東漢順帝曰建康桓帝曰永康而已然元康止於四年建康

永康亦皆祇一年至以延為上一字者惟桓帝之延熹耳延

熹止於九年其稱五年則前於延康元年五十八年矣竊疑

輿地碑目此文非延康為延熹之譌即五年為元年之譌也

漢紀功碑

孫克宏碑目在耒陽縣治諸葛武侯新雍園禽孟獲經此立

石

古今書刻漢諸葛亮紀功碑歲久不可辨在耒陽縣東

天下金石志誓蠻碑文已盡滅在耒陽縣

明統志石碑在耒陽縣東五里三國時諸葛亮斬雍園禽孟

獲回軍經此立石紀功歲久字不可辨又相傳武侯立石晉
贊云後有功在吾上者宜立石於右至宋狄青破儂智高回
立碑其右後為雷所轟惟存斷碑頗小其側

瀟湘聽雨錄碑在大路旁田中高八尺許闊三尺許厚按尺
之半稍縮有跌碑在跌右偏跌左空尺許跌上嵌碑處周圍
有凹有空處凹亦完好似是碑缺尺許者碑制迥異他碑中
幅刻下四邊及中間皆起稜如格眼然但有直行而非方郢
爾見存者為二稜以左空處合尺許計之當是四稜前後兩
面皆同止起二稜左側二稜止刻至半截當是後人因殘缺
欲依仿石式鑿而未竣也碑石質本堅而殘剝如魚鱗折裂
如稿木非唐宋以下物特字迹蝕盡波磔皆無可尋惟向路
一面中稜上隱隱見漢丞相武□□功□□碑十字字徑三
寸許筆勢似是行楷亦難別其優劣矣右邊稜上有天寶二
字甚明下一字似壬字餘皆缺落大抵皆後人所刻或即唐
人題識之書亦未可知土人皆呼孔明先生碑相戒勿犯鋤
掘其下輒雷動

案未陽舊志云邑令張應星認出漢丞相武侯紀功誓蠻
碑十字餘皆模糊然考武侯禽孟獲至滇池而南中平在
後主建興三年是時荊州郡縣盡屬孫吳武侯安得越數
千里回軍駐鄰國而紀功哉豈先主領荊州龐統令未陽

之曰武侯嘗別有勒石紀功之事而後人題曰漢丞相某
某碑乎若明統志謂武侯誓云後有功在吾上者宜立石
其右殊屬誣誕又云狄青立碑為雷所轟俚俗不經不足
辨也

漢胡騰碑

天下碑錄在未陽縣西四里

嘉慶通志案騰字子升桂陽人官至尚書事蹟詳後漢寶武
傳通志略作胡騰墓碑明統志云墓在縣南六十里

漢陶陵通款

以下永州府

墊屋供陶陵通具重四斤□兩鑄工李常

金石補正右器前平後軒背半上削柄末也中空口圍漢尺
一尺八分面廣五寸邊右高六分長二寸四分左高七分長
二寸三分自邊後角至末斜銳長三寸五分內坳中有脊微
偏于右前高一寸二分長四寸亦微坳後高一寸七分強背
廣四寸八分弱前平長一寸六分後斜削至銳末長二寸五
分疆款識十六字蝕其一隸法古勁制作精良洵漢器也漢
書禮器祕器無名通者隋書音樂志言梁武帝制定禮樂又
立四器名之為通通受聲廣九寸宣聲長九尺臨岳高一寸
二分每通皆施三絃一曰元英通二曰青陽通三曰朱明通
四曰白臧通因以通聲轉推月氣悉無差違而還相得中據

此知通乃樂器也是器前高一寸二分與志所言脗合又知其名岳矣通之名漢已有之非始於梁武長孫氏故云素善鍾律詳悉舊事焉蓋屋漢縣屬右扶風此作墊形似而考正字通云山曲曰盤水曲曰屋因以名縣說文盤引擊也無曲義墊下也疑縣名本作墊取卑下之意與墊江同屋从至凡从至之字皆有下義縣地隘下故以墊屋名之墊變爲蓋今以爲蓋又誤爲蓋耳然諸書無作墊屋者別無他證未可武斷陶陵定陶其王之陵也與陶陵鼎銘同封定陶其王爲共皇帝改置陵寢事在哀帝二年此器當造於是時具者物全謂之一具也齊安宮熏鑪上林鼎皆以具言與此正同李常名見羊鏡銘宣帝黃龍至哀帝建平初相距四十餘年此鑄工李常或即其人歟器藏何子貞前輩處云得自長安同治六年假觀三日因審釋而考證之

漢平都侯相蔣君碑
君諱字其先出自二后稷之一至於成王光有天下錫地關饒俾侯于蔣因而九秦二諸夏三恥捐二土三叔曰關遐阻關居來南適彼荆四漢君之祖考四爲交州刺史從父交趾太守關能輸力王室以篤臣節功列天府令問不已君續厥緒載德不三山之八秉二之芳刑膺顏夏之殊行孝友著於閭門弟順稱於鄉黨敦書說禮二好

仁字事三學優則仕歷郡五官掾功曹正色立於朝有孔父三前後收以禮辟命委質承九行成於內名播於外再爲計掾光光橋橋與三乃時京師百郡觀會莫不十中昭五之則夙夜惟寅三翼天二禮朝遷明德出宰豫章平十季文之清約二豹之政布愷悌之化經國以禮二以義異郡黔首緇負歸九君文不犯順武不違敵賞善罰否寬猛協中四濟清瑛遵五進四仁慈春夏威若九臧囹圄空虛路靡怨四睦宇宙稱平三載考績功業顯明當據符關受福無疆關天不弔降災賢良關六十有五元嘉二年三月甲午卒遺疾不豫關卒於官國喪惠君朝失楨幹百關悲恨若鄭亡產遐邇三女增歎關曹怛二罔極二愛敬終以哀感禮畢祥除餘悲憑億瞻望墳塋循墓徘徊松柏關冥涕泣愴悽感慕詩人蓼蓼者儀追頌遺訓刊之元珪其辭曰於穆林丞實乾所生二挺出關性純清文爲儒宗武則干城顯昂昂臨朝有光宿衛紫微虔恪在勤典國治化其化若三州郡二龜銀皇矣上帝賦命不均喪漢良輔社稷之鎮淑人君子胡不萬年改世不朽關流後昆二

金石錄右漢平都侯相蔣君碑文字殘缺其名字官闕皆不可考惟其題額稱故平都侯相蔣君之碑而碑云年六十有五元嘉二年三月甲午卒爾

隸釋石漢故平都侯相蔣君之碑篆額今在道州碑石漫滅不得其名字平都侯國屬豫章郡碑首有出宰豫章平五字其下闕文即平都也蔣君以威宗元嘉二年卒其文有云禮畢祥除瞻望墳塋則此碑乃後來所立學記蛾子時述左傳蛾析皆讀蛾為蟻史記索隱讀滄化鳥獸蟲蛾亦作蟻漢碑書藝菽皆作藝儀亦有作藝義者詩人以儀與河阿叶韻則是讀儀為俄也此以藝藝者儀叶涕泣愴悽刊之元珪則又讀如本字大學云遊諸四夷釋遊為屏後漢傳有遵五遊四之文此碑亦然蓋漢人傳魯論有如此者碑以芳刑為芳形橋橋為矯矯憑億為憑臆清瑛為清英 篆額三行文十六行行四十字後餘五行

名勝志晉平都侯蔣嵩碑在道州三十里荆山宋嘉定中太守方信孺與至至拙堂今佚一統志以為蔣琬碑按晉平都侯當

都侯相嘉慶通志案此碑趙洪二家俱未見其名字明統志載蔣琬墓於道州南三十里雖不云有碑而未收蔣嵩墓其即誤以此碑為琬碑可知名勝志駁之是也道州新志載漢丞相蔣琬墓在州南三十里荆山又載平都侯蔣嵩墓在州南四十里蔣居山有碑而據魏鍾會答琬子斌書謂琬卒葬於涪正之甚是然但以此存疑又謂或曰即平都侯蔣嵩墓州志又

別載蔣嵩墓未知孰是云云蓋本名勝志駁明統志以為蔣琬之謬而尙未能考定其是否故兩存之耳今考蜀志琬本傳官至益州刺史大將軍錄尚書事加大司馬封安陽亭侯卒葬於涪所敘歷官並無為郡五官掾功曹及宰豫章平都侯相之事且琬卒於蜀漢後主延熙九年上距此碑所記蔣君卒於漢桓帝元嘉二年後至九十五年之久其非琬碑明矣又案江華縣志蔣琛重修東植廟碑其略云宋時建有東植廟為始祖平都侯蔣公香火公諱嵩字崇泰生漢章帝元和二年乙酉六月二十日終桓帝永興元年三月十二日葬荆山之陽厥後生枝繁衍散居州縣俱立廟宇在道州蔣居鄉者曰麒麟廟在甯遠大陽永明馬河者名曰總管廟云云今考蔣君碑云六十有五元嘉二年三月卒以元嘉二年上推至六十五年乃章帝之章和二年而據琛碑所述卒永興元年乃元嘉之三年是年四月始改永興較漢碑已遲一年又上距元和二年乙酉實六十八年而非六十五年亦多不合以意揣之元和二年當是章和二年之謬因譌章和為元和則云乙酉矣不然當云戊子而不當云乙酉又譌元嘉二年為三年因三年改為永興故又譌為永興元年耳不然四月改元豈三月即可稱永興元年乎琛為蔣君後裔文雖有錯誤處其自述先世名與字應必有所依據當從作嵩為

是又案州志云荆山在州南三十里蔣居山在州南四十里又謂蔣墓在州南四十里蔣居山有碑而於蔣居鄉下止云州東南未言去州里數琛碑以蔣君墓在荆山陽而以蔣居鄉為子孫散居之所其語明甚鄉之所包者廣二山雖相距十里或當時同為一鄉之地亦未可定疑州志誤鄉為山以致歧載失實耳

漢綏民校尉熊君碑

君諱字子其先蓋帝顓頊高陽氏之苗裔周有天下成王建國熊繹封楚慶祚於亦世載德卅餘代君高祖父壽自汝南吳子靈王元孫大漢龍興舉鄉拜議郎南巡郡國封龍平祖父曼舉大司馬妃隧曾祖父範督郵守長州辟元君應上計祖父師上計掾君喬字漢舉吏督郵主簿五官三奏辟頤志皓首不官應就君立迹唯仁與祖父治歐羊尚書六日七分少仕州郡臨朝饗鄂孔甫之操以忠孝稱更諸曹賊曹主記史督郵主簿五官功曹州舉孝廉上計掾與平元年八月廿八日壬寅詔書除補桂陽曲紅長既敦文武為政果達臨化宣惠所去遺績視事六載荆奔掩迫之害罹災致寇郡潰亂鎮南將軍荆州牧侯山陽劉君諱表字景升以君稟純履正出自帝字緬榮輕舉厲志疾邪牧侯弄為民所安命

還拜綏民校尉領曲紅長復莅五年政隆上古流移歸懷繼負而至吏民作誦曰彼熊父兮解我患害安我移遭母憂去官陽九應會王室威君功顯宿著海內諮美拜騎都尉受命立灌陽縣督長六載無為而治稽則先民附容無怨曠聲君春秋七十有一以廿一年三月廿七日丙寅卒官吏懷慕官屬五徙黃郭奚湯扶送靈哀如彫傷願見農夫泣淚路竭皆懷悽愴哀我惠君君同產弟望季公質性忼慷史魚之直更功曹列掾督郵都梁長早終君長子再孝存姿操敦良眈志好學博覽雅藝曹列三奏辟召於州終昔周文公作頌宋成考父公子安斯追羨遺績紀述前勳於是刊碑以示後緝其詞曰赫赫熊君遷基宇漢興伐項巡行南土顯封受爵遂爾延祖顯葉休隆君允其緒克明盛德字牧城社所在有績龜銀之祚河雒挺錄為國毗輔懿懿其操穆穆其姿光光其行桓桓其威清虛澹泊後嗣式序冠秩之應實賴厥後昊天忽然枕榮終枯喪我良則國失良輔其存也榮其亡也哀銘勒金石沒而不朽靈也有知祐福子孫支干相生吉而無咎詩云嘉樂君子顯顯令德延于無極追敘君兮懷純精名稱於州里兮樞機發動執忠貞兮溷亂而不惑不枉身事汗君兮捐土尉而進退崇禮約行兮舉動而不跌遭濁而自靖兮泥而不滓穢烏呼君兮匪石是為州郡禮遇兮名貫於四表德稱並宣

光兮賢比於前列邵舉之歎岐兮束脩稷由文武兮興後葉子孫殖兮世享祿龍潛體於枯木兮就生存是以刊石兮為君立碑攬瑛雄之迹兮關來詰嗣長基而廣宇兮後世無廢遠故長沙茶陵長文春字季秋質操貞良慈仁汜愛治天官日度風角列宿明知聖述在官修德民歌遺風春秋七十以道殞遷宗允不紀故為宜昭故桂陽陰山豫章關長重安侯相杜暉字慈明體質宏亮敦仁好道治易梁邱春秋公羊氏綜覽百家無所不甄典歷三城居官清惠遺愛在民春秋六十終族後關術故因顯德以示來允建安廿一年十月丙寅朔一日丙寅太歲丙申碑師春陵程福造釋

集古錄跋石漢熊君碑云君諱喬字舉舉上滅一字其官闕不可詳考其僅可知者劉表時為綏民校尉後遷騎都尉建安二十一年卒享年七十有一其辭有云治歐羊尚書其字非諱闕而以陽為羊蓋古文字少故須假借至漢字已備而猶假用何哉後云太歲在申申上滅一字以歷推之當是丙申又云碑師春陵福造福上滅一字當是其姓其書顯字皆為顯案許慎說文顯從羸聲而轉為累其失遠矣莫曉其義也

集古錄目右隸書不著書撰人名氏熊君名喬字舉舉上一字缺不可識後漢末為桂陽曲紅長拜綏民校尉遷騎都尉

灌陽長而卒其銘辭之後又曰長沙茶陵長文春字季秋重安侯相杜暉字慈明皆略有所敘述碑以建安二十一年立金石錄目漢綏民校尉熊君碑并碑陰建安二十一年金石錄跋石漢熊君碑其名字皆殘缺其額題漢綏民校尉騎都尉桂陽曲紅灌陽長熊君之碑初余得桂陽太守周君碑陰據水經注以為曲江漢時本名曲紅今此碑及額亦皆作紅乃知酈道元為有據也

蘇釋石漢故綏民校尉騎都尉桂陽曲紅灌陽長熊君之碑篆額今在道州獻帝建安二十一年造漢人書墓關及神道則有盡列其平生所歷官者及銘志則舉其所終或所歷之清高者題之其敘先世但云某君之孫某君之子既不名其父祖亦不著其德美此碑獨異於他刻高曾之閒又有祖父具其上關蓋伯叔祖也祖之下云君喬字漢舉喬上亦闕一字必父也碑首熊君名字皆殘缺歐陽公以喬為綏民非也後漢志荆部無灌陽晉志零陵始有觀陽水經云湘水北徑觀陽與觀水合唐上元中呂誼奏用蕭詵舊名復置灌陽今隸全州碑云受命立灌陽縣則是劉表初命熊君置此邑也綏民校尉亦表所初者與高頤喪義校尉相類漢末王政不綱始建牧伯諸劉在荆益擅權專恣無尊獎王室之心名官置縣皆不以告故史氏逸而不書碑後載茶陵長文春重安

侯相杜暉二人官壽行事各數十言似是同郡盛德之士作文者惜其無所記錄故附之左方也碑以歐羊爲歐陽以審鄂爲審諤後緄爲後昆瑛雄爲英雄堦卽隅字射卽爵字質卽質字風卽風字篆額二十字作五行文十七行行五十五字財及碑之半其後空數行書文春事又空一行書杜暉事末行書年月及碑師姓名與杜暉相隔亦數行許銘之後追敘君兮別作行

名勝志漢綏民校尉熊君碑在道州北四十里龍村碑首曰君諱尚字子高末云嗣長基而廣字兮後嗣無廢遺案碑高九尺寬五尺厚八寸螭首轟跌立於獻帝二十一年宋刺史王繼助與至郡寇萊公樓下淳熙五年太守趙汝誼命博士章穎考釋之其釋并鐫諸石後久湮沒矣國朝壬子年分守湖南卜公佚其名求得諸土中今存按廢遺之遺錄釋作遠志作明嘉靖年

瀟湘聽雨錄熊尚碑明末經兵燹斷爲二康熙間書後發地得其上截因置之壁今屢更守者亦不知失於何時嘉慶通志案金石錄載此碑有碑陰惜隸釋未錄熊君名字在宋時已漫滅趙洪二家皆不能審識矣集古錄誤以熊君父之名字當之隸釋已辨其非不知名勝志又何從知其名尚字子高也又碑後附載茶陵長文春官壽行事隸釋已詳

言之矣而與地碑目載有茶陵長文春德頌碑云在茶陵州後漢文春字季秋爲長沙茶陵長質操貞良慈仁汎愛明知聖術在官修德民歌遺風春秋七十以道殞遷延安二十一年綏民校尉熊君率吏民立碑云云似卽此碑也而誤以爲熊君爲文春立且因文云茶陵長卽謂碑在茶陵州皆非是又案道州新志載熊君墓因碑文中敘其先世官爵有封龍平字遂誤題爲漢龍平侯熊君碑其所錄碑文以隸釋證之亦多舛謬至記輿碑至郡等事始末大率本之名勝志而於以章穎釋文鐫石下又云嘉定六年郡侯方信孺見而奇之龜於至拙堂之前後隱沒不著考名勝志信孺與至至拙堂之漢碑乃蔣君碑而非熊君碑也作志者誤合爲一事因疑前王繼助已與至郡寇萊公樓下矣何以此時又云與至至拙堂故改前郡寇萊公樓下爲郡西以滅牽合之迹其誤顯然惟張大成道州新志作於康熙六年并未言此碑已斷及發地得上截之事可知康熙初年此碑尚無恙江昱所記明末云云係詢諸老吏之言恐亦俗語不實流爲丹青耳

漢蔡邕含暉殿題字
道州舊志道州南四里含暉殿最高處鐫水天一色四大字相傳爲蔡邕書
漢九疑山舜廟碑

水經注九疑山南有舜廟前有石碑文字缺落不可復識

漢泠道縣舜廟碑

水經注九疑山東北泠道縣界又有舜廟縣南有舜碑碑是

零陵太守徐儉立

名勝志漢舜祠碑在甯遠縣祠去舜峰四十里漢零陵太守

徐儉立碑祠後

吳繩祖九疑志舜峰去舜祠四十里即三峰石也其間有冢

以銅為碑字不可識或疑為舜冢西南下即廣西蒼梧縣界

舜祠在玉瑄巖前秦漢以來祭舜於此其龜趺文礎磊磊猶

存

漢蔡邕九疑山碑

九疑山碑 漢蔡邕 巖巖九疑峻極于天觸石膚合與播建

雲時風嘉雨漫潤下民芒芒南土實賴厥勳逮于虞舜聖德光

明克諧頑傲以孝烝烝師錫帝世堯而授徵受終文祖璇璣是

承太階以平人以有終遂葬九疑解體而昇登此崔嵬託靈神

仙隸書

九疑名昉離騷祠廟古矣乃無漢以來碑刻閱歐陽藝文類

聚有蔡邕碑銘然僅載銘詞而碑文不著惜也它所遺逸多

矣龔之既考新宮遂屬郡人李挺祖書於玉瑄巖以補千載

之闕云淳祐六年秋八月郡守李龔之題隸書五行較小列於銘文之後

字一

龔中溶金石文編石九疑山銘漢蔡邕撰宋李挺祖八分書

李龔之刻在九疑山玉瑄巖之左中郎此銘歐趙洪諸家書

俱未著錄當時不知曾否勒石今惟見於歐陽率更藝文類

聚中甯遠縣志載李龔之於寓賢云潼川人謁舜廟有碑

記今讀其跋云龔之既考新宮遂屬郡人李挺祖書於玉瑄

巖則龔之似嘗修建舜廟有政績者矣縣志名宦當為列傳

其謁舜廟碑文志亦未錄李挺祖書取法漢隸結構有體在

宋人中已不可多得而縣志亦無傳其事蹟不可考

漢春陵節侯故城碑

水經注漢武帝元朔五年封長沙定王中子買為春陵節侯

春陵縣故城東又有一城節侯故邑也城東角有一碑文字

缺落不可復識東南三十里有節侯廟

明統志春陵城在甯遠縣北五十里

漢蔡邕秦巖二大字

江華縣舊志在江華縣南五十里吳望山下舊志云秦人避

亂於此故名刻有秦巖二大字筆力蒼古相傳漢蔡邕所書

漢太傅胡廣碑

水經注夏水又逕交阯太守胡寵墓北漢太傅廣身陪陵而

此墓側有廣碑其文是蔡伯喈之詞故世謂廣冢非也

岳州府

嘉慶通志案後漢書胡廣傳廣華容人熹平元年薨賜冢塋於原陵竝未歸葬華容故酈道元非之寵乃廣之父也見章懷太子後漢書注

漢青陵館碑

以下常德府

輿地碑目在武陵縣城西西明寺有臺云漢李陵為臨沅令遊息於此有古碑漫滅不可讀又云青波館方輿為青陵館以後人思陵以陵為是

嘉慶通志案明統志載李陵為臨沅令後沒匈奴邑人思之為立青陵館考元豐類稿歸老橋記云柳侯圖其青陵之居屬予為序又云吾之先人青陵之田又考方輿勝覽云柳拱辰其先青州人五季避地荆楚為武陵之青陵人年六十即有挂冠之志初亭於青陵館名橋曰歸老清陵之清皆作青明統志作清非是

三雅銘

武陵記昔有鑿池得三銅器其下有銘曰伯雅仲雅季雅蓋

漢末劉表所製器

漢交趾刺史石羊五字

以下郴州

關 趾刺史 君羊

隸續右刺史羊五字今在郴州二十里外荆榛中第一行有趾刺史三字上滅其一當是交字第二行有君羊二字上滅

其一土人謂之鄧君冢關文乃其姓也此蓋墓上石羊膊上所刻如州輔天祿辟邪之比漢武帝置交趾刺史在十三州散中東都因之杜佑通典云獻帝時以交趾刺史張津交趾太守士燮有請改刺史為州牧至建安十八年復禹貢九州省交州入荆益帝紀自靈帝以前屢書交趾刺史事迹傳中載交趾事卻多作交州蓋是要其終而言之但郡國志自中興以來直云交州不載廢置本末可謂闕文此獸乃建安以前之物

嘉慶通志案晉書地理志西漢以涼益荆揚青豫兗徐幽并冀十一州交趾朔方二刺史合十三部又宋書州郡志云漢武帝元鼎六年開百越交趾刺史治龍編漢獻帝建安八年改曰交州治蒼梧廣信縣據晉宋二志西漢但有交趾刺史而無交州東漢建安八年以前亦止有交趾刺史八年以後方改刺史曰交州而交趾則稱太守矣然考漢平都侯相蔣君碑蔣君卒於桓帝元嘉二年文中序其先世已云交州刺史及交趾太守矣則宋志建安八年始改之說未確章懷補後漢志直云交州刺史應必有據此石羊恐不僅止建安以前物也郴州志載鄧刺史墓在州南十里官路傍其冢巍然如羊銘其肋曰交州刺史鄧君羊隸文甚古云云改趾為州既非原文又鑿言其姓為鄧殆因隸續有土人謂鄧君冢之

語而云然否則君上一字南宋初已殘闕豈又經五六百年後轉可辨識耶且云其冢巖然如羊則竟是冢形似羊矣謬甚

漢義帝碑

天下金石志在郴州

漢蔡孝婦墓碑

天下金石志在永興縣

古今書刻蔡孝婦家碑在永興縣西北

明統志孝婦家在永興縣西北孝婦姓蔡漢桂陽郴人為宜章區端妻舅姑既歿蔡哀戚盡禮柩未殯鄰里失火蔡抱棺號慟不已而風回火息人謂孝感所致冢碑尚存

嘉慶通志案沈維基永興縣志區作歐陽端作士端且謂各志俱作歐端今案祠前碑文作歐陽士端故改考廣韻十九

侯歐區二字皆烏侯切歐字注云歐陽複姓出長沙郡區字注云姓也古善劍區治子之後今郴州有之然則郴人蔡孝

婦之夫係區治子後當從明一統志作區縣志作歐陽非是

韓文公有送區册序係廣州人宋時有宜州人區革與黃山谷遊為瓊州掾山谷贈以青玉案可見區姓在唐宋時猶有聞人至端與士端現無拓本可證未知孰是姑仍明一統志文作端

漢桂陽太守許荆碑

天下金石志在桂陽縣碑目

嘉慶通志案此碑明以前金石家俱未著錄縣志亦不載考後漢書循吏傳許荆字少張會稽陽羨人舉孝廉和帝時遷桂陽太守在事十二年父老稱歌以病自上徵拜諫議大夫卒於官桂陽人為立廟樹碑則孫克宏于奕正載此碑未為無據第不知其何見拓本否耳又案漢有桂陽太守周憬碑并碑陰文載隸釋乃在樂昌縣即漢之曲江縣今隸廣東韶州府皆漢桂陽郡地也天下金石志列入桂陽縣非是于氏又載漢靈帝時義井銘於道州考隸釋有舜子巷義井碑文有光和三年字光和即靈帝紀元其卽一碑無疑洪氏云碑在隨之舜子巷元祐丁卯年郡守許登之始徙於後圃然則碑當在今湖北德安府之隨州其列於道州亦誤也今皆不錄

湖南通志卷二百六十

湖南通志卷二百六十一

藝文志十七 金石三

吳銅柱

以下衡州府

玉海衡山縣有銅柱吳黃武二年程普與蜀將關羽分界

志

明統志在衡山西北一百二十里

嘉慶通志案三國志程普關羽傳俱無立銅柱事黃武二年係吳大帝孫權即位之二年孫權傳亦未載此事衡山縣志又云建安二十年考是時孫權遣呂蒙等督兵取長沙零陵桂陽三郡使魯肅屯巴邱以禦關羽進拒羽於益陽未戰會曹操入漢中劉備懼失益州使使求和孫權使諸葛瑾報更尋盟好遂分荆州長沙江夏桂陽以東屬權南郡零陵武陵以西屬備則吳蜀分界當在是時並非黃武二年事又考程普傳普先領江夏太守後改領南郡權分荆州與劉備普復還領江夏則程普到官已在分界之後分界並非程普事謂柱立於黃武二年則可謂普與羽分界則不可孫志以分界在建安改為建安恐非其實當從玉海作黃武二年為是又案瀟湘聽雨錄云柱今無字不知縣志何据豈舊有字而今磨滅不存耶又案荆州記又以程普關羽於長沙之銅官渚分界鑄銅棺為誓故名其說不同

吳九真太守谷明碑

府君諱朗字義先桂陽耒陽人豫章府君之曾孫公府君之孫郎中君之子也其先出自顓頊益為舜虞賜姓嬴氏至于罪子封於秦谷因而氏焉君承洪原之清流稟奕世之高素履道思順德行純備三歲喪母十一亡父獨與弟居承奉繼親和顏悅色孝友溫恭曾閔之操君其蹈焉弱冠仕郡歷右職守陽安長淑問宣深遂升王府除郎中尚書令史郡中正遷長沙劉陽令播渥惠以育物垂仁恩以布化莅政末期徵拜立忠都尉尚書郎靖密樞機名冠眾僚遷部廣州督軍校尉正身率下不畏疆禦濟清瀉濁萬里肅齊功成辭退拜五官郎中遷大中正平衡清格彝倫攸敘于時交州竊邑叛國戎車襲駕于艾未敢帝思俾又訓咨羣司僉以君任部南州威恩素著遷九真太守君稟明德所歷垂勳宜延遐紀光讚皇家如何不永春秋三十有四鳳皇元年四月乙未寢疾而卒嗚呼哀哉凡百君子莫不嗟痛乃立碑作頌以顯行績其詞曰 於爍府君稟性元通積行闡闡九族陸陸羽儀上京德與雲騰入蹈丹墀夙夜靖恭出撫黎民風移俗興名臬豹產勳齊往縱當承黃耆翼佐帝庸昊天不弔哲人其終濟濟縉紳靡瞻靡宗勒茲元石永光無窮 集古錄跋右谷明者事吳為九真太守碑無書撰人名氏其序云府君諱朗字義先桂陽耒陽人豫章府君之曾孫公府

君之孫郎中君之子也其先出自顓頊益為舜虞賜姓嬴氏至于扉子封於秦谷因而氏焉谷氏在吳不顯史傳無所見所謂豫章府君而下三世皆莫知其名字案秦本紀非子邑於秦而此與朗子永甯侯相碑皆為扉子莫詳其義也

金石錄目吳九真太守谷府君碑孫皓鳳皇元年

輿地碑目在耒陽縣不注人氏但云鳳皇元年立

翁方綱兩漢金石記谷朗碑在湖南耒陽十八行行廿四字隸書以慎為順旁色為色劉陽為瀏陽衛為禦訓為隣

為顯梨為黎縱為蹤蓋猶泐漢碑之遺其字遺勁亦有漢分隸法

近日葉九來奕苞金石錄補題曰吳秦朗碑云吳志建衡三年陶演破交阯禽殺晉所置守將九真曰南皆還屬

朗必以是年守九真明年改元鳳皇而卒史不立傳其三世皆仕吳為牧守而志亦無考也愚按葉氏引吳志是矣但以

為秦朗者乃誤讀賜姓嬴氏後封秦谷之句而致訛耳不特

歐趙書皆作谷朗為可據而今所見拓本之末有興業鄉大

義鄉嗣孫谷起鳳谷尚志諸姓名皆谷氏之後裔其為谷朗

愈無可疑矣秦翁氏未見碑額故有是語

洪頤煊平津讀碑記碑云公府君之孫公府君當是三公府

之屬官他碑未見此稱朗弱冠歷右職守陽安長其守陽安

長非授陽安長也故升王府除郎中尚書令史郡中正遷長

沙劉陽令與調任之制異矣遷部廣州督軍校尉吳志黃武五年分交州置廣州俄復舊永安五年復置廣州朗為督軍校尉當在永安以後碑云獨與弟居翁氏釋居作展誤

在衡州府耒陽縣耒陽漢縣屬桂陽郡碑敘谷君歷官初仕郡歷右職守陽安長升王府除郎中尚書令史郡中正遷劉陽令徵拜立忠都尉尚書郎遷部廣州督軍校尉拜五官郎中遷大中正又遷九真太守鳳皇元年四月卒考鳳皇元年

乃歸命侯孫皓在位之九年也九真太守置自漢武帝元鼎六年後漢隸交州刺史部吳仍之碑云于時交州竊邑叛國

戎車襲駕干戈未戢帝思俾乂訓咨羣司命以君任部南州

威恩素著遷九真太守考吳志孫亮永安六年五月交阯郡

吏呂興等反殺太守孫諸遣使如魏請太守及兵七年分交

州置廣州孫皓元興元年魏置交阯太守之郡寶鼎元年遣

交阯刺史劉俊前部督修則等入擊交阯為晉將毛晃等所

破皆死兵散還合浦建衡元年十一月遣監軍虞汜等就合

浦擊交阯三年破交阯禽殺晉所置守將九真曰南皆還屬

朗為九真太守當在是時即鳳皇元年之前一年也碑敘其

先出自顓頊益為舜虞賜姓嬴氏與史記秦本紀略同惟云

扉子封於秦谷因而氏焉本紀並無其文考漢書地理志云

非子爲周孝王養馬汧渭之間孝王曰昔伯益知禽獸子孫不絕迺封爲附庸邑之於秦今隴西秦亭秦谷是也亦不云以谷爲氏此蓋谷氏譜牒之語未知何本益爲舜虞見虞書而漢書古今人表地理志及列子皆作伯益秦本紀作柏翳小司馬索隱作伯翳云尙書謂之伯益伯柏古字通翳益聲之轉耳扉子班馬二史並作非子惟路史後紀注與碑同扉從非得聲古書可通用也劉陽今作瀏陽考吳分臨湘縣地置劉陽三國志潘潛傳及晉書地理志俱與碑同可知水旁爲後人所增時咨之疇作訓考說文引虞書作鬪而言部有訓字訓誥也漢魏元丕碑劉寬碑鄭烈碑俱用此字碑銘詞有云名臬豹產者豹謂西門豹產謂鄭子產也漢人習用此語劉寬碑云○踰產豹魯峻碑云比縱豹產與此同意臬字說文訓鳥羣鳴也從品在木上後人又加口旁作噪非是碑以往縱爲往蹤與漢夏承郭仲奇趙圍令魯峻高彪諸碑同考說文無蹤字古人皆用縱字也又流作涿黎作梨見於漢碑者甚多皆隸變通用字此碑文詞古雅隸體端勁有漢其時去東京未遠尙多漢人遺意當與漢碑同爲墨林寶藏自歐公以後諸家罕有考跋予曩於外舅潛研堂見舊拓本手錄其文內有數字殘缺比來湘南徧託友朋訪搨未獲昨徐星伯學使按試衡郡回以副本見貽重爲校錄一過并題其

後以識之

嘉慶通志案碑舊在縣東五里又五里爲谷府君祠卽祀明者今在縣北杜工部祠內不知何人所移碑文凡十八行行二十四字八分書張應星縣志載其文脫誤甚多賴碑尙在可據以補正之又考通志略秦氏注云蜚廉生二子一曰惡來其後爲秦二曰季勝其後爲趙惡來之後五世曰非子初封於秦谷爲秦氏秦谷故隴西秦亭是也後徙封平陽復遷岐豐之間又遷於犬邱又遷於雍及櫟陽咸陽皆本於秦谷故號秦馬鄭氏所述大略本之漢書地理志但以秦谷爲秦氏得姓之始而不知谷氏亦出於秦廣韻一書於姓氏郡望載之最詳獨於谷下亦未及此皆可據以補之金石補正碑經刻鑿精采大損惟額字尙仍其舊比校之顯然也出京三等字痕迹尤著湖南舊通志三十作五十年見集古聞閩作閩閩往縱作往蹤均誤谷明名見於廣西舊志云未陽人事繼母以孝聞建武中仕至大中大夫值交趾叛遣朗征討之經番禺祥柯威聲大著事平遷九真太守案碑有承奉繼親和顏悅色等語與志所言者合其征討交趾當卽碑所謂任部南州威恩素著也建武蓋建衡之誤大中大夫蓋大中正之誤方志之書錯謬若是不讀此碑無由知其誤矣又翁氏云碑上方有後人所刻重修字然或碑是

重立耳非重修碑刻也今以拓本細審之重修二字在十四
十五行之上僅一重字可辨翁氏謂非重修者未見碑額耳
至謂未有興業鄉大義鄉嗣孫谷起鳳谷尚志諸姓名當合
十數拓本審之漫滅殆盡惟稍舊之一本尚見谷起二字又
一谷字一達字不相連屬餘無見矣瞿氏謂五行者亦約略
之詞碑末餘地不足相容翁氏所錄辭退作辭退三十作五
十名棠作名慕不獨居誤為展也公府君者公或封爵洪筠
軒以為三公府屬官殆未必然陽安長或是亭長

吳永甯侯相谷府君碑
扉子啟封秦谷因為氏著於史氏君豫章府君之元孫公府
君之曾孫郎中君之孫九真府君之仲子也吸精粹吐氣濁煉
金堅而碎鋒鏘明瑩純潔英敏特達仕郡歷右職上計史舉孝
廉除郎中不枉道以求進不希世以苟合再屈中正清淵源以
濯穢整銓衡以品物性潔於冰鑑氣厲於秋霜威勢不能動其
心寵利不能移其操京邑知名鄉黨稱焉除臨海永甯侯相享
年三十有五遁疾不祿君氣識環璋不究榮位家喪備哲國失
英賢嗚呼哀哉乃建石表德其詞曰明明我君稟性之純元鑒
丙景行歸於真大命不永早失其禮嗚呼哀哉俾世無聞式鑄
後芳以垂後昆未陽縣志
嘉慶通志案此碑集古錄無跋而附見九真太守谷朗碑跋

中云案秦本紀非子邑於秦而此與朗子永甯侯相碑皆為
扉子莫詳其義金石錄亦無跋惟目錄有之作吳臨海侯相
谷府君碑云無年月附於其父碑之次通志略亦載之題與
趙氏同考永甯係漢縣東漢順帝永和三年以會稽郡章安
縣之東甌鄉分置并屬會稽郡吳孫亮太平二年分會稽郡
立臨海郡始以永甯屬臨海據晉宋二史臨海郡下復有臨
海縣亦吳分章安縣立晉時二縣俱隸臨海郡至宋明帝太
甯元年又分臨海郡為永嘉郡始以永甯屬之永嘉此碑云
臨海永甯侯相蓋為臨海郡永甯縣侯之相非為臨海永甯
二縣侯之相也金石錄通志略去永甯二字皆非是當從集
古錄稱永甯侯相方合漢置縣萬戶以上為令不滿萬戶為
長侯國為相三國晉宋皆仍之後人不明古制如前平都侯
相及此永甯侯相或去相字稱之則大謬矣此碑未見年月
而谷君官於吳為朗之仲子卒年又止三十五計朗卒於鳳
皇元年後七年而吳即亡於晉則其子為相當亦在孫皓時
可約略知之也考三國時惟公孫度及其子恭封永甯鄉侯
見於魏志乃在建安十二年以前非此碑所云之永甯侯也
此碑近代金石家俱未見縣志載其文而未詳碑之所在文
之首似有殘缺中亦有脫譌之處因原碑一時無從訪拓姑
依縣志錄其全文以備參考金石錄謂附於父碑之次今朗

碑移於杜祠未知此碑存否

吳呂蒙宅故印文

永州府

宋榮懷素書跋永州龍興寺乃吳軍司馬蒙之故宅素師沒并得軍司馬印每作書用以爲誌

晉永和博文

以下長沙府

永和四

永和六季

在博

大吉

富貴

在兩端均

永和六年

在博

宜孫子

大吉

在兩端均

永和七年

在側八

辰宜

在博端

金石補正四年一種辛未冬在長沙河西出土下截斷缺僅存四寸許四下年字尚有一二筆可辨廣四寸三分厚一寸

八分其堅如鐵琢爲研細潤可愛同時掘得者或題陽字或題長壽字余未收獲六年二種癸酉夏在小吳門外陶家隴

出土七年磚出南門外麻石巷七字作七與鮑宅山鳳皇畫象題字同紀年下作兩規連珠疑是日月再下有半規重暈

左右相背形

晉尹氏磚文

天康八年六月尹氏

金石補正磚長一尺一寸四分廣四寸二分厚一寸二分題字在右側土蝕酥甚首一字約略可辨有得其半截者尙明

顯也兩端花紋朴雅與蜀師磚相似同治甲戌夏出長沙北

郊

晉虞帝二妃碑

水經注湘水又北徑黃陵亭西又合黃陵水口其上承太湖湖水西流徑二妃廟南世謂之黃陵廟大舜陟方二妃從征溺於湘江神遊洞庭之淵出入瀟湘之浦故民爲立祠於水側荆州牧劉表刊石立碑樹之於廟以旌不朽之傳云

韓昌黎黃陵廟碑湘旁有廟曰黃陵自前古立以祠堯之二女舜二妃者庭有石碑斷裂分散在地其文剝缺考圖記言

漢荆州牧劉表景升所立題曰湘夫人碑今驗其文乃晉太

康九年又其額曰虞帝二妃之碑非景升立者

嘉慶通志案水經注謂二妃廟有碑係劉表立又後漢書郡

國志長沙郡羅下章懷太子注引帝王世紀曰有黃陵亭湘

中記亦云二妃之廟劉表爲之立碑據韓愈黃陵廟碑自言

目驗其文知爲晉太康九年虞帝二妃之碑則此碑並非劉

表所立羅含及鄒道元皆誤也愈祭湘君夫人文有舊碑斷

折云云及欲重刻後因其文字剝落未果者亦即指此碑而

言並非太康另有一碑今湘陰縣志分其題爲漢晉二碑非

是

晉羅含墓碑

以下衡州府

天下碑錄在未陽縣南四里

古今書刻晉羅含墓碑文多譌缺

明統志羅含墓在未陽縣南四里碑文譌缺

秉陽縣志張晉中散大夫羅含墓在縣南四里有碑記

嘉慶通志案通志略作羅含碑天下金石志作晉羅含殘碑

諸家稱題各異今據明統志縣志碑在墓上故定從周宏祖

古今書刻作晉羅含墓碑天下碑錄作漢羅含墓誌稱誌既

未妥以晉為漢更謬羅含未陽人見晉書文苑傳本傳云官

至侍中轉廷尉長沙相年老致仕加中散大夫卒年七十七

不言其卒於何年考桓温傳太和四年温領兵北伐為慕容

暉所敗帝遣侍中羅含以牛酒犒温則含於太和中猶為侍

中其卒當在東晉廢帝以後

晉尚書歐陽啟墓碑

鄆縣志在縣西一都紫荆園冢墓埋沒數百年乾隆二十年

大風拔樹見碑字迹猶存

晉太甯碑文

太甯三年八月口日魯豐口

金石補正碑長一尺九分厚一寸三分在永州出土不詳時

地楊海琴前輩得之末一字不可辨識考晉明帝北齊武成

帝均以太甯紀元武成只一年永州亦非高齊所有其為晉

永州府

碑無疑矣後趙石虎亦號太甯尤可決其非

晉西戎令范君墓碑

承經注夏水歷范西戎墓南王隱晉書地道記曰陶朱冢在

華容縣樹碑云是越之范蠡晉太康地記盛宏之荊州記劉

澂之記並言在縣之西南郭仲產言在縣東十里檢其碑題

云故西戎令范君之墓碑文缺落不詳其人稱蠡是其先也

碑是永嘉二年立觀其所述最為究悉似親經其地故違眾

說從而正之

嘉慶通志案據鄆道元所言是王隱以此碑文中有范蠡字

因誤為陶朱冢太康地記及盛宏之劉澂之皆襲其謬惟郭

仲產檢碑題額方知是西戎令范君墓乃蠡之後裔又碑立

於晉永嘉二年故道元定為西戎令墓而正之也考劉澂之

齊都官尚書撰有永隋志初古今山川記二十卷及司州古

書藝文志

晉徵士龔元之墓銘

承經注臨沅縣南有晉徵士漢壽詩宋本龔元之墓銘太元

中車武子立

名勝志在武陵縣南太元中車武子書

楊嗣昌臨沅縣詩序今不知墓所在晉書本傳元之字道元

常德府

岳州府

武陵漢壽人父登歷長沙相弟子元嘉亦有德操高尚不仕
宋書龔祈傳祈字孟道武陵漢壽人從祖元之父黎民并不
應徵辟祈時或賦詩言不及世事然則龔氏世有隱德兼擅
詩名今本水經注詩一作人疑當併作漢壽詩人

嘉慶通志案明統志載道元墓在武陵縣南又晉書本傳謂
孝武帝下詔與譙國戴逵同辟為散騎常侍領國子博士郡
縣敦偏辭疾不行尋卒年五十八則道元乃孝武時人也又
案水經注作車武子立而名勝志謂是車武子書銘太元即
晉孝武紀年考晉書武子傳云太元中領國子博士又遷驃
騎長史太常進爵臨湘侯以疾去職則武子與道元本同時
人道元或即卒於太元時而武子適引疾家居為之書銘也
龔祈南史亦有傳亦云漢壽人從祖元之惟父名作黎人蓋
李延壽避唐太宗諱改也

蘭亭敘常德本

蘭亭考乾道閒所刻具三體仍載坡谷諸跋在其後有殺胡
林一事尤佳

嘉慶通志案宋葛立方跋洪慶善蘭亭本云書家得楷庭誨
所臨恨太肥洛人張景元得闕石本又恨太瘦惟定武肥瘠
得中此云具三體蓋參用此三本之體也坡謂蘇軾谷謂黃
庭堅軾有題范文度模本跋庭堅則有重刻定武天字不全

本及唐本棠梨本諸跋并見蘭亭考宋人記定武蘭亭始末
謂唐太宗以歐陽率更模本勒石禁中石晉之亂契丹自中
原輦寶貨圖書以北至殺虎林棄石而歸後辭師正帥定武
得石於殺虎林殺虎林蓋定州地名也趙桎袁說友俱作虎
惟曾惇及此作胡續通典云唐天后時龔突厥羣胡死於此
故以名之而困學紀聞引紀異錄云林內射殺狐因以名之
則殺虎林又作殺狐林

蘭亭敘南嶽本

蘭亭考後有定武仍孫伯傑六字篆印

蘭亭敘武陵本

蘭亭考在第九卷帖中無僧字

嘉慶通志案桑氏所云第九卷蓋謂武陵帖之第九卷也然
宋人紀武陵帖並未言有蘭亭敘考蘭亭帖始刻於元祐續
閣帖中武陵帖或取以重模攬入諸家偶未細考失載耳据
此亦可以備考武陵帖之一說輟耕錄載鼎州本後有武陵
二字者疑即此

蘭亭敘永興本

輟耕錄蘭亭一百一十七刻裝櫝作十冊乃宋理宗內府所
藏每版有內府圖書鈐縫玉池上後歸賈平章至國朝有江
南八十餘年之閒凡又易數主矣往在錢塘謝氏處見之後

陸國瑞攜至松江因得再三披閱併錄其目真傳世之寶也
嘉慶通志案此本即輟耕錄載宋內府所藏一百一十七刻
丙甲集十二刻之一

蘭亭敘鼎州本

嘉慶通志案此本後有武陵二字輟耕錄載宋內府所藏乙
集十三刻之一疑即前桑世昌所云在第九卷帖中無僧字
者

蘭亭敘古潭本

嘉慶通志案此本亦輟耕錄載宋內府所藏乙集十三刻之
一

蘭亭敘道州本

嘉慶通志案此本亦輟耕錄載宋內府所藏丙集十刻之一

蘭亭敘郴州本

嘉慶通志案此本亦輟耕錄載宋內府所藏丙集十刻之一

蘭亭敘長沙本

案宋拓真定武五字不損蘭亭敘為海內第三本道光乙
未南海吳榮光精摹一本嵌置長沙城南書院麗澤堂壁
云此本自紹興御府賜出其流傳原委悉詳於跋云

蘭亭敘新化本

新化縣志羅洪鄒漢勛家藏本為唐搨九本之一道光戊申

縣人袁玉田重摹上石

宋元嘉博文

以下長沙府

宋元嘉十七年五月作

在博側○博出南門外雨花亭毛坡

宋元嘉十八年

在上 徐在側○博出瀏陽門外圭塘長衝營

宋元嘉廿年李作

在右 太歲親未李作在左側○博出瀏陽

宋元嘉廿六年

在博 冀在博端○博出南門外黃土崗

宋元嘉廿六年

在側博端無字

金石補正癸酉夏秋收獲元嘉博五種皆正書第一博酥脫

較甚宋字僅存數筆然決非漢桓帝時物第二博上薄下厚

紀年題在薄處余收得數出而側文徐字惟一枚為顯著第

三博最精兩側均有題字元嘉廿年歲直癸未此作親未者

蓋用舊范為之陽湖呂氏藏永初元年博下方有延平年字

會稽趙氏藏咸安元年博側有升平五年字余所藏太康八

年博左側有泰歲戊申戊申是九年字一顛一倒皆用舊范也

未可執此以疑其偽幸作親見孝文弔比干墓文碑黃民博

辛未字亦作親偽造者必不敢如此作也第四第五種最長

而巨字亦特大虞字少一撇六朝書體往往隨意損益耳

宋虞氏博文

宋大明五年太歲辛丑七月

在博

虞在博

真在博 宋大□□

在側

虞氏墓在博 宋大明五年在側

虞

金石補正石虞氏磚五種亦出長沙南門外黃土嶺皆正書
第一磚最為完善左側作二錢形各以四繩繫之中有間隔
第二磚僅存半截虞字少一撇側文刻修惟宋大二字可辨
第三磚亦祇半截虞氏墓三字特小第四五磚虞字書體與
前三種皆不同側無文字當亦同時所造

宋仁和坑博文

大明七年六月甲辰朔廿一日桂氏作在博側

大明七年太歲癸卯六月廿八日茹氏造在博側

大明七年六月在博側

金石補正辛未秋湘陰仁和坑鄉民修隄取土掘得古博數

十凶郭筠僊前輩得其三枚以桂氏博見贈以其二博屬為
製研云此黃華故城博也按湖南通志載湘陰劉宋故城在
縣西北五十里今仁和坑在縣南志載恐誤筠僊稱為黃華
故城者坑隄東北稍高如阜土人呼黃華嶺謂即城之遺址
也宋元徽二年始分益陽羅湘西置湘陰縣大明間尚未立
縣今坑或是羅故城耶然不能確考其地當以出土所在題
為仁和坑博以俟博雅博出一坑月日相去不遠而文字各

異其非墟墓中物無疑也博左側作三錢形各以雙線四

出而交繫之三博皆同第二博兩端亦有一錢形郭內四出
第三博上端作魚藻紋歷落有古致長一尺一寸餘廣五寸

許厚一寸六七分三博微有參差

宋何氏墓博文

秦始皇六年立在博 何氏墓在上端

金石補正石博出長沙南城外麻石巷長一尺三分廣五寸

厚一寸五分下端作錢形四出考晉武帝宋明帝俱號秦

始晉武帝太康元年鎮南大將軍杜預進逼江陵於是沅湘

以南至於交廣州郡皆望風歸命是秦始皇年間長沙尚非

有此所題秦始皇為宋明帝年號無疑或以為晉博者非更有

以此博仿造者改秦為秦以為秦始皇時物偽妄不足辨

案舊志載宋昭潭銅甌銘語多恍惚殊無確證據太平御

覽云昔有舟人則亦未必是宋物茲刪之

齊桓氏墓博文

齊永明三年在博 桓幽州八世孫之墓在側

金石補正博出長沙南郊羅家街藕塘坡以今工部製造尺

度之長一尺一寸廣五寸四分厚一寸五分博有三範文字

皆同惟字之大小有異耳文稱桓幽州當是都督刺史之類

官亦顯矣徧檢漢魏吳晉諸史傳桓氏籍長沙者無任幽州

其人殆歿後贈官史不致詳歟又按桓階傳云祖超父勝皆
歷典州郡豈所謂桓幽州者即階之祖若父邪墓中人位不
甚顯以先代官職系之誌銘中所恆見南齊金石自妙相寺
佛背題字外絕無流傳天壤聞者得此良可喜也

齊永明鐵磬款識

以下永州府

九疑山志文云齊永明十年四月五日國主為一切舍識造
鐵磬十二枚在甯遠麓牀山修真第二壇南齊武帝時鑄
明統志修真四壇在九疑山下第二壇有齊永明中所鑄鐵
磬十二枚

齊報恩寺碑

九疑山志永福寺在九疑山舊舜祠之右舊名無為寺又名
報恩寺南齊時敕建以衛舜祠有斷碑可識宋太平興國五
年易今名

梁天監塋文

以下長沙府

梁天監八年虞氏

梁天監八年虞氏

天監八年虞氏均在塋側正書

金石補正右塋三種出長沙南城外登天廟東里許皆虞氏
墓中物長一尺一寸廣五寸五分厚一寸六分三種無甚參
差也聞出土時有石版一方書丹未刻磨洗不損繼為土人

爭取遂捶碎而仍納諸壙惜不得一見以知其人之名字矣
詢諸鄉人云但識天監等字而已

梁樂氏墓甄文

梁普通元年在甄端反
文正書

樂記室墓在甄端
正書

金石補正右二塋在一壙出長沙瀏陽門外圭塘北街月亮
坡王氏民居之後長一尺一寸一分廣五寸厚一寸四分側
紋作虯龍形考蕭業以天監二年襲爵長沙郡王普通中薨
樂君蓋其屬官言記室不言參軍古人文字省簡也又有一
塋上厚下薄薄處亦題梁普通元年五字通字中畫橫貫徹
邊并識

梁丹陽尹湘東王善政碑

長沙府志裴子野撰

梁殷氏墓塋文

大梁太歲癸丑殷氏墓在塋側
正書

金石補正塋出長沙南門外石馬坡南牛角塘長一尺一寸
廣五寸三分厚一寸六分土蝕酥脫全塋極少紀年書于支
不書年號後代有之齊梁間無無故不書之習梁代惟中大
通五年歲值癸丑其時並無事故不應不書年號以肌度之
此癸丑為隋開皇十三年蕭氏已亡六載殷氏生於梁仕於

梁有不願臣隋之意故仍以大梁冠之如邊敏墓銘文內但書庚申而蓋題以唐石暎墓銘文內但書甲子而蓋題大漢卽此例也

梁南嶽九真觀記

寶刻類編蕭繹撰□整書唐貞觀七年七月立在潭州

總勝集在衡嶽觀

案碑以貞觀年立則是重立之碑也其為唐人重書與否佚不可考矣

湖南通志卷二百六十一

湖南通志卷二百六十二

藝文志十八 金石四

唐歐陽詢書九歌

以下長沙府

孫承澤庚子銷夏記率更有小楷千文及九歌予未見千文至九歌昔府所藏上有其印乃宋搨之精者昔董元宰先生見於朱御醫家謂世無二本迴環胸中二十餘年誠希世之珍世人豈稱化度碑政未見此耳率更九歌宋時刻於長沙至南渡石已不存精妙宛如手書昔山谷謂唐彥猷得率更真跡數行精思學之遂以名世人能於此帖致精思焉不患不名世矣予恨相見之晚也

吳榮光筠清館金石記九歌石刻拓本藏漢陽葉氏無年月凡三石第二石已佚

唐張謂長沙風土記

嘉慶通志案張謂字正言大歷開官禮部侍郎見懷素自敘帖全唐詩云謂河南人天寶二年登進士第乾元中為尚書郎大歷開官至禮部侍郎三典貢舉獨未言其為潭州刺史今據此碑文有巨唐八葉元聖六載正言待罪湘東之語則其官源當在代宗大歷三年懷素自敘帖作於大歷十二年而云今禮部侍郎張公謂則在此後九年矣

唐李異遺愛碑銘

長沙府志李巽趙州人湖南觀察兼刺史銳於為治持下以法明察無私有遺愛碑銘云公下車而安已日乃乎期月政成德風所偃協氣旁流

嘉慶通志碑文權德輿撰

唐道林寺碑

寶刻類編道林之寺歐陽詢書

通志略歐陽詢書道林之寺在潭州

寶章待訪錄右在潭州道林寺筆力險勁勾勒而成有刻板

東皋雜錄潭州道林寺有歐陽詢書道林之寺四大字額筆勢欲飛動

唐李邕麓山寺碑

麓山寺碑夫天之道也東仁而首西義而成故清泰所居指於成事者已地之德也川浮而動岳鎮而安故者闢所臨取

於安定者已茲寺大極厥旨元同是以迴向度門麗於郭右仰

止淨域列乎巖巖寶堂爰業於太虛道樹森梢於曾渚無風而

林壑肅穆不月而相重澄明化境未真梵天猶俗名稱殆絕地

位嘗高者不其盛歟麓山寺者晉太始四年之所立也有若法

崇禪師者振錫江左除結湖作陰靈與漢太宗長沙清廟

棟宇接近雲霧晦冥赤豹文狸女羅薛帶山祇見於法眼寶后

依於佛光至於善居特為新寺禪師消堯日宏聚謀介版表之

何許人也默受智印深入證源不壞外緣而見心本無作真性

而注福河大起前功重啟靈應神僧銀色化身丈餘指定全模

標建方面法物增備檀供益崇廣以凌雲之臺疏以布金之地

有若法慈禪師者江夏人也空慧雙銓寂寂用同鸞慈目相視淨

心相續綜聚萬法安住一歸注大道經究上乘理承託茲嶺克

終厥生逮宋元徽中尚書令湘州刺史王公諱僧虔右軍之孫

也信尚敬田作為塔廟追存寶相加名寶山效乎弓冶筆精陶

甄意匠留書藏石緘妙俟時候法宇之傾任期珍價以興豈遠

慮將久遠事未彰梁天監三年刺史夏侯公諱詳了義重元別

構正殿紹泰二年刺史王公諱琳律師法賢或在家出家或聞

見眼見建涅槃像開甘露門長沙內史蕭沈振起法鼓宏演梵

音繼捷捷於景鍾納貝葉於曾閣陳司空吳明徹隨侍中鎮南

晉安王樂陽王竝佛性森然國禎秀者壯迴廊以雲構蔚懸居

以天覆開皇九年天台大禪師守護法庭作溼清悲海嚴幢

標聳智火融明襲如來堂坐法華定四行樂而不取三賢登而

更遷有若曇捷法師者伐林及樹築法與衣不墜一滴之油有

霜大根之兩總管大將軍齊郡公權公諱武福德莊嚴喜慧方

便疏寫四部鎮重百城有若智謙法師者願廣於天心細於氣

奔州山人彙余友俞仲蔚為子言李北海嶽麓寺碑勝雲應
余亟購得之題名稱前陳州刺史案邕謁上泰山還獻辭賦
上悅會有仇人發其賊者張說忌之下獄論死許昌男子孔
璋救之得免謫尉遵化此其赴謫時道中書也碑文頗庸陋
又於杜拾遺集見其一詩釋語殆不可曉何以負于將莫邪
稱於世邪邕以織文獲名以虛名獲死以佳書獲皆皆所不
虞者因附識之

庚子銷夏記嶽麓碑雖已殘剝然其鋒穎尚凌厲不可一世
北海奇人故所書爾爾昔俞仲蔚謂此碑勝雲應必有所見
也北海書宋初人不甚重之至蘇米而稍襲其法又至趙文
敏每作大書一意擬之矣北海諸碑皆手自鐫所云黃仙鶴
伏苓芝無其人而託名也歐陽公云李邕書余始甚不好好
之最晚嘗猶結交其始也雖則其合也必久全

嶽麓志李邕麓山寺碑在嶽麓書院右世稱三絕碑以邕撰
文并書及江夏黃仙鶴刻或云仙鶴即邕託名也至今摹傳
碑後米芾鐫題十餘字云襄陽米黻同廣惠道人來元豐庚
申元日明知府錢澍砌亭覆之

蒼潤軒碑跋是碑筆勢雄健刻字亦出公手大凡李公書言
黃仙鶴伏靈芝元省己者皆託名也

錢大昕金石跋尾續右麓山寺碑在長沙府城外嶽麓山乃

李北海書之極有名者文云元徽中尚書令湘州刺史王公
僧虔右軍之孫也以晉宋齊史考之僧虔為丞相導之元孫
於義之為族曾孫不當云孫也又云梁天監二年刺史夏侯
公諱祥案梁書南史俱作詳古書詳詳二文恆通用
金石萃編案碑在嶽麓書院昶數過長沙渡湘江詣書院親
至碑下見是碑上多裂文土人作亭碑嵌亭壁甚周碑陰所
題今不可復見矣碑為李邕書李邕自開元十三年十一月
後獲罪貶遵化尉至是蓋五年矣奔州山人謂此碑是邕赴
謫時道中所書然則當時謫貶卑官竟可遷延不赴觀其題
銜作前陳州刺史而不云遵化尉又可見謫官亦不必入之
題署矣東林寺碑與此同碑云紹泰二年刺史王公諱琳梁
書王份傳份長子琳字孝章舉南徐州秀才累出為明威將
軍東陽太守不云其為湘州刺史則非碑所稱王琳碑所稱
者當是北齊書所載王琳字子珩會稽山陰人少好武為將
帥遷岳陽內史以軍功封建甯縣侯拜湘州刺史事在隨王
僧辯破侯景之後與碑稱紹泰年相符碑云陳司空吳明徹
陳書明徹傳載其為司空在太建八年碑云隨侍中鎮南晉
安王樂陽王竝佛性森然國楨秀者隋書諸王傳無晉安樂
陽二王惟陳書有世祖第六子伯恭立為晉安王而樂陽亦
無考碑云總管大將軍齊郡公權公諱武福德莊嚴喜慧方

便疏寫四部鎮重百城隋書權武傳武字武孺以忠臣子起
家拜開府襲爵齊郡公高祖受禪拜浙州刺史伐陳之役以
行軍總管從晉王出六合後以勦業之舊進位大將軍檢校
潭州總管碑所載當在此時王弇州謂碑文庸陋并論豈詩
多釋語詩附見杜少陵集即登歷下古城員外孫新亭詩
金石文編李北海麓山寺碑最爲藝林所重其筆力雄健渾
厚固能深入魏晉諸名家室然於六書之學頗有乖繆者如
究竟之究從宀而碑從宀與姦宄之宄無別又模標檀等字
本从木旁與手旁之字音義俱殊而碑皆從手又藏作藏搜
作搜闕作闕皆繆體之不經見者矧本作欵北海作效又誤
欠爲文大抵書家隨手結構不諳形聲之指雖顏魯公亦所
不免耳此碑久已斷碎不全今僅存九百九十六字近人以
甄圍之碑陰及兩側題名俱不可見矣予先見一舊搨整表
本文二十六行行五十六字又銜名一行年月一行共存一
千二百三十一字碑末黃仙鶴姓名已缺去而銘辭其五之
下石亦殘缺其後一行有英英披霧其德允燦卓立雋才標
□□□四句可辨者十三字後又見一裁裝表本似是舊
翻刻棗木本不知在何處首尾完善後有江夏黃仙鶴刻六
字共一千四百十三字較前本又多一百八十二字其文僅
磨滅六字可稱足本銘後英英披霧四句下又多四句標字

下乃舉明略三字其下則雄辯縱橫神情照灼備聞政理深
悟禪樂十六字也且於英英披霧前又有祖上計於京不偶
茲會贊曰十一字則又整表本所缺也觀此始知此銘乃別
是一人所作非北海文而皆北海書也祖蓋其人之名惜姓
已殘缺不可考矣前輩金石家未錄此碑全文今長沙府呂
志載此文多譌舛又刪去銜名年月刻人姓名及後銘辭蓋
其所見已非完本以意補全者也其譌字如岳鎮之岳作麓
森捐之捐作峭曾清之曾作層湖陰之湖作澗寶后之寶作
瀆法道之道作導證源之證作澄寶相之寶作寶曾閣之曾
作層秀者之者作著大根之大作六疏寫之疏作流慧性之
性作鏡固習之固作顧不證之證作澄是以之以作浮發慧
之慧作惠觀者之觀作觀高閣之閣作闕形於作刑於至道
竝若作志道不若入謀之入作爰衡麓之麓作嶽幽巖之巖
作谷與山之與作惟又佛乘上二字作模範今舊翻刻本左
旁皆漫漶下一字右旁作十不類範字又所臨之臨當與之
嘗器字之字及乃命下寮命下二字皆模糊不可辨則未審
志所錄是否矣

嘉慶通志案嘉慶七年此碑斷裂左方一角長沙府知府沈
廷瑛以零星殘石嵌立小碑乃巖成道西域後代作則安土
靈化度堂重鎮牧伯上游侯王光昭法侶大啟禪房臺隨足

天樂盈耳其三人與地靈心將法滅往在此比明齊宏和合是請佐貳是膺政敷大郡信發廣乘願言有述以訪前陳州刺史李邕文并書大唐開元十八年共九十四字於舊碑之左按察使秦瀛為之記云碑字為廷瑛撰刊誤也

平津讀碑記陳書高祖第十六子叔慎封岳陽王禎明元年出為湘州刺史碑所稱樂陽王者當即其人以樂為岳蓋史誤

案麓山寺碑在嶽麓書院半學齋後覆之以亭碑右近跌處殘缺縱約八寸橫約三寸左方斷裂尤甚上半截隻字不存下半截尚存九十字原無大唐開元四字缺裂處猶存德允二字之半蓋祖上計於京以下四十三字列於年月後也沈廷瑛以殘石嵌立小碑列於碑左方之前此碑共一千四百十三字斷裂漫漶者二百七十一字道光乙未安化陶文毅澍以家藏完整搨本摹勒上石橫列如帖式殘缺止數字舊志謄字得據此正之但字法神勢稍減今嵌於書院後復建陶桓公杉庵之壁間亦藝林韻事也

麓山寺碑陰

錄事參軍□守□功曹參軍□仙隱功曹員外同正□□功曹員外同正□□曹參軍□□倉曹員外同正李□戶曹參軍□良□曹參軍□土曹參軍□永亨參軍趙挹參

軍劉利器參軍沈□參軍尔朱紱錄事王敬琛李公□博士張長卿博士王元禮市令程□□贊曰 禮樂仕門賢才君子同官比能鄰德為美坦坦雅懷謙謙虛己□功豐碑□□□□

長沙宰苗理□□□□員外康楚元□□員外同正成麟

尉楊□晉尉上柱國□懷靖尉盧元庭尉員外同正皇甫□尉員外同正劉思義前主簿伍思□贊曰 名家□意君子德

心□□城□□木繁林階下無訟堂上有琴大絃既雅小絃不

醴陵令李仁□丞張道主簿張思己□員外尉李靈□尉張光

庭尉□□衡山令劉威之丞劉□外□之尉□□員外尉王光

大尉周待微湘鄉令王武信主簿□□尉□□陽令孟□

政震雷和風□□主簿張□贊曰 華宗舊德利器良工□□播

朝請大夫□城宰張守脊睦州新安主簿盛□□老□鄧洪敏

宗楊庭訓羅元楷王冕王曷□齊物以上第三□桓嗣

武億授堂金石跋李北海碑舊為集錄者所收僅見碑陽而已其陰則自予遊長沙始得之者也此碑為世所重然惟題

曰嶽麓寺碑今證以題額作方篆陽文凸起蓋爲麓山寺碑再證之文內亦云麓山寺者晉太始四年之所作也而杜工部詩又稱麓山之南則向所名嶽麓寺碑非是又石墨鐫華云在岳州府金石文字記云今在寺中皆得之傳聞予以目驗觀是碑在書院之右十餘步碑陰列銜書名爲妄庸人題名交午橫貫以致損蝕不可次第予稍就其可辨者志之第一層有功曹參軍字倉部員外同正李字戶曹參軍士曹參軍參軍趙參軍劉利器字又錄事王敬撰博士張長卿可見者三人又下博士王獨存姓而已又邴令姓名闕贊尙可尋讀成句有曰禮樂仕門君子同官比能隣爲美坦坦爲懷謙謙虛己有功豐碑下漫滅第二層首行長沙字可辨三行康楚元名四行成麟字五行上柱國懷靖字皆彷彿可辨下數行并有尉員外同正字間行亦有贊名家意君子德心木繁林階下無訟堂上有琴大絃以雅小絃不淫又有醴陵令李仁丞張道主簿張思已尉李靈尉張光庭衡山令劉咸之丞劉員外尉王光大尉周待微湘鄉令王武信下闕不全者陽令孟瀏陽令主簿張字又贊華宗舊德利器播政震雷有典有則字可見第三層有鄧洪敏石泰桓嗣宗張輝楊庭訓朱封禪祝仁期姓名悉存此以予攷之碑陰諸列名者皆不顯於唐世而所見又剝蝕無餘然喜由于而收

錄使後世知有其名者必自此發之也坦字闕畫以避睿宗諱且故書之如此地理志衡州下衡山本隸潭州神龍三年來屬今碑在開元十八年則衡山隸衡州久矣然衡山令猶列讀於此何也豈與守潭者有舊識與今守潭者名在碑陽獨彥澄字存百餘有政和題名一瀉題名一牛元若題名一其大書橫勒者則前明提學郭登庸也

瀟湘聽雨錄舊志稱麓山碑後有襄陽米黻同廣惠道人來元豐庚申元日十六字案碑題刻文多不全諦視字迹凡十餘家疊爲三重其最先一重爲北海所書題名自軍曹至於尉凡三十餘行上下空不盈尺字畫俱介隱顯閒左有不圖二字類唐人書又稍左有政和淳熙年月則宋刻也中間草隸互見題識多闕右草書三行亦沒其名以筆意揣之爲明中丞顧璘題詩其左最上一層爲嘉靖癸巳學使單北郭登庸八分書字迹甚完碑之左偏有慶元戊午王容陳扈等題名右偏有皇慶初兵部郎中梁泉杜與可題名下有集賢侍講學士題名名裂去不可考書法類米氏以官證之殆元刻也而襄陽十六字終未之見

金石文編麓山寺碑陰刻銜名贊大略分三截第一截錄事參軍功曹參軍倉曹參軍戶曹參軍士曹參軍及參軍錄事博士市令等十七人銜名各爲一行惟王敬琛下

又有李公口共十八人後贊八句作四行行九字其前贊曰
二字另爲一行贊之後石皆空第二截長沙宰尉前主簿等
十人銜名各一行後贊亦八句作三行行十一字贊曰二字
亦另爲行贊之後又列醴陵衡山湘鄉陽劉陽令丞主簿
尉等銜名十四行字畫多漫漶不全可辨者第五行下又列
丞姓名第三第四第七第八四行下又列尉之姓名後亦有
贊八句行款同前以上兩截之前十餘行爲明嘉靖中提學
副使郭登庸加刻隸書題名大字三行於上故字蹟多殘滅
難辨第三截居中六行則朝請大夫口城宰陸州新安主簿
二人爲二行老口鄧洪敏等五人爲一行石泰等四人爲一
行桓嗣宗等三人爲一行王晁等三人爲一行下已磨滅不
可辨此截之右刻宋政和癸巳通義程暉等大字題名七行
後半殘缺其左亦刻有題名復爲後人刻草書大字四行於
上并不可審別矣其下又有王口口等牛元若題名六行紀
年處漫滅又下有隸書計臺掾沈時瀆熙題名四行後亦殘
缺此皆宋人所續刻也案碑陰三贊蓋皆爲寶彥澄作彥澄
時以潭州司馬攝刺史事故北海碑文有師長閣官攝行隨
手之語上截同贊之錄事參軍等皆其幕僚次截同贊者乃
長沙一縣屬官後同贊者則皆隸潭州各邑之令丞簿尉碑
文所云入謀羣吏乃命下僚是也又下一截所列之人則皆

似郡之紳士矣但有銜名而無贊語或其前後爲宋以後人
題名時磨去亦未可定字皆正書徑六七分較碑面文爲小
然楷法端勁其亦出北海同時手筆無疑考唐六典上州刺
史下有司馬一人錄事參軍一人錄事二人功曹參軍一人
倉曹參軍一人戶曹參軍二人兵曹參軍一人法曹參軍二
人土曹參軍一人參軍四人市令一人經學博士一人醫學
博士一人其中下州錄事及戶曹參軍法曹參軍皆止一人
中州無土曹而以法曹兼掌下州無功曹兵曹而以倉曹兼
功曹戶曹兼兵曹又參軍中州止三人下州止二人又中下
州皆無市令唐書百官志又有田曹參軍云景龍三年初置
唐隆元年省上元二年復置又云武德初置經學博士助教
學生德宗卽位改博士曰文學元和六年廢中州下州文學
今以碑陰證之戶曹之後土曹之前止有一官曹上一字似
法則有土曹而無兵曹矣博士二人不分經學醫學之目又
考唐制上縣令丞主簿各一人尉二人中下縣尉亦一人今
碑載長沙宰後三行漫漶處當是丞主簿姓名而尉似有三
人又有前主簿一人蓋以其去任之官而列於後也醴陵有
令丞主簿各一人而尉無正員衡山有令丞尉而主簿石缺
不能辨其有無湘鄉有令主簿尉而不見丞口陽當是益陽
而令之後一行未辨何官劉陽僅見令主簿而丞尉皆不可



考或其時官制本有不同或字文缺蝕耳銜中有云員外及員外同正者唐初官制有員外置又有同正員猶今之額外人員故無定數也尉有稱上柱國者乃勳級也凡十有二轉而至上柱國其勳級為最高朝請大夫係隋之散官唐制為從五品官階唐縣令上縣從六品上中縣正七品上下縣從七品上此以令宰而階五品蓋亦當時制也漢時縣置令長王莽曾改稱為宰後代仍稱令長唐止稱令而不稱長此碑醴陵以下各屬縣稱令而獨於長沙下及第三截有階朝請大夫者竝稱宰可見當時又有此制而史所未詳也其所列縣以唐書地理志考之潭州縣六此無湘潭者湘潭時隸衡州元和後始改隸潭州也而有衡山者據地理志衡州衡山下云本隸潭州神龍三年來屬今此碑立於開元之十八年其時猶隸潭可證史志之言未確也睦州唐屬江南道其屬縣有雉山文明元年改曰新安至開元二十年始改還淳故此碑尚稱新安耳政和正書題名第二行梁國虞王□□□下有男閻積三字獨隸書較大蓋後來續題者至舊志云有米襄陽元豐庚申元日題名則在碑之側近人皆言在碑陰誤也瀏陽之瀏作劉可見唐時尚無水旁武氏投堂金石跋市令誤作柳令江氏瀟湘聽雨錄謂最先一層為北海書題名三十餘行又云不圖二字類唐人書皆讀之未審並未

細考耳

筠清館金石記碑陰題名亦北海所書萃編引武投堂跋載其略於碑後茲據舊拓本按行細審較投堂所記為詳碑在今善化縣嶽麓書院之右萃編標題下誤作在長沙衡山縣而跋內不誤何也

金石補正萃編未見碑陰故未錄入碑嵌置牆內不得拓故碑陰字傳於世同治戊辰重葺書院屬董其役者毀垣而洗拓之上無善手不甚精到取五六本交相勘訂並參以吳氏所載錄之如石全身畢現矣湖南通志所載闕謬甚多

案麓山寺碑陰安化陶氏亦摹勒上石嵌於陶桓公杉庵之壁但字畫完整者僅二百五字其宋人題名刻之碑側者別有拓本摹刻悉詳於宋代云

唐沈傳師嶽麓寺詩

承明年老輒自論乞得湘守東南奔為聞楚國富山水青障邈迤邐家園含香珥筆皆眷舊謙抑自忘臺省尊不令執簡候亭館直許攜手游山樊忽驚列岫曉來徧朔雪洗盡煙嵐昏碧海迴嶼三山轉丹檻縹郭千艘屯華鑣蹀躞約沙步大旆采錯輝松門樛枝競鶯龍蛇勢折幹不滅風霆痕相重古殿倚巖腹別引新徑紫雲根目傷平楚虞帝魂情多思遠聊開尊危絃細管逐歌飄畫鼓繡靴隨節翻鏘金七言凌老杜入木八法蟠高軒



嗟余潦倒久不利忍復感激論元元

葉古錄跋右嶽麓寺詩沈傳師撰并書題云酬唐侍御姚員

外而二人之詩不見不知為何人也獨此詩以字畫傳於世

而詩亦自佳傳師書非一體此尤放逸可愛也

金石錄目唐沈傳師嶽麓寺詩行書文宗時作

碑文考遊道林嶽麓寺詩沈傳師并書長慶中

通志略沈傳師酬侍御姚員外遊道林嶽麓寺詩在潭州唐字

山谷論書沈傳師道林嶽麓寺詩字勢豪逸真復奇倔所恨

工巧太深耳少令巧拙相半使子敬復生不過如此

東學雜錄潭州道林寺沈傳師親書詩版遒勁妙絕與今石

本遠矣

漁隱叢話蔡寬夫詩話云子美題道林嶽麓寺詩云宋公放

逐登臨後物色分畱與老夫宋公之問也此語句法清新故

為傑出其後唐扶題詩復云兩祠物色采拾盡壁間杜甫真

少恩意雖相反而語亦秀拔乃知文章變態初無窮盡惟能

者得之扶即沈傳師所謂唐侍御也其詩他語亦稱此

寶章待訪錄右在潭州道林寺四絕堂以杉版簿略布粉不

益紋故歲久不脫裝休書杜甫詩只存一甫字某嘗為杜版

行以紀其事沈碑某官潭借畱書齋半歲搨得其石本為楹

石僧希白務於勁快多改落筆端直無復縹緲滌飛動之

勢

鐵圍山叢談長沙之湘西有道林嶽麓二寺名利也唐沈傳

師有道林詩大字猶掌書於牌藏其寺中嘗以一小閣置之

米老元章為微官時遊宦過其下艤舟湘江就寺主僧借觀

一夕張帆攜之遁寺僧亟訟於官遣健步追取還世以為口

實也政和中上命取詩牌內諸禁中亦做道林而刻之石徧

賜羣臣然終不若道林舊碑要不失真

周益公題跋道林以四絕名堂沈居其一歲久堂壞葺而扁

之又得沈碑於公帑移置堂上別刻本畱郡齋

嘉慶通志此詩据宋人題跋道林寺既有版本又有石本其

後政和中又刻石於禁中周必大又別刻本於郡齋共有四

本今皆不存

案道林寺唐馬燧所建精舍有堂曰四絕周益公又衍為

六絕其遺蹟無復存者今嶽麓山左屈子祠為道林遺址

而憩春原北有道林小庵蓋明正德四年守道吳世忠毀

其寺以木石修書院逮

本朝順治十五年僧果如復重建於麓峰之北非其舊也

唐斷際禪師傳心法要序

周益公道林寺六絕堂題跋唐乾符中袁浩作道林寺四絕

年姓氏尚不得見差可考證矣文云其先安定臨涇人也其下見晉右僕射四字射下似是壯字考元和姓纂胡梁皇甫牛鄧席六姓郡望皆出安定梁出安定烏氏皇甫出安定朝那非臨涇也鄧攸為晉右僕射乃平陽鄧氏非安定鄧氏也安定鄧氏有名羌者為符秦左僕射非仕於晉姓纂亦不言臨涇牛允仕後周工部尚書封臨涇公宰相世系表作臨淮或係表誤要為封邑而非里貫且在晉後亦未為僕射然則出自安定臨涇者惟席與胡耳席氏無官僕射者晉胡奮官至左僕射諡曰壯與誌所稱籍望官階諡法正合惟史稱左僕射誌稱右僕射小有不符然官職左右之分碑與史異者不可勝數高士蓋胡奮之後裔姓胡無疑矣又案唐避太宗諱改世用代文云代與我違則誌作於太宗以後可知敬宗名湛凡从甚之字皆避偏旁鄭茂諱改名茂休高士嗣子以湛為名則在敬宗以前又可知文有果毅生字下有生試懷州武德丞字下又有高士則武德字蓋言武德之子也武德為高士之父則果毅為高士之曾祖貞觀十年改別將為果毅都尉是其官果毅在貞觀十年後也文又云貴室朱氏自佐高士五十年是高士之卒年在七十上下高士為果毅之曾孫以三十年一世約計之自貞觀間至高士之卒在百年內外不出元肅代三宗時也惟首行元年之上依稀似是寶

字又似應字麻字未可妄定仍當以不避諱字系於敬宗前長慶之末可耳皇朝為長下缺五字當是沙果毅都尉或是沙府左果毅右果毅故下云遂居長沙又云果毅生也甘泉鄉甘泉里無考今南關外有白沙泉泉清而冽味較醱厚鄉里之名或即以此葬地殘缺山原上頗似青字湖南通志青山在縣東北八十里誌出縣南與志不符殆別一山也

唐祭湘君夫人文

韓文類譜湘人祭文刻於黃陵廟碑陰今在湘陰縣北八十里趙德父云碑四面皆有字今其兩面字多處已磨滅不可讀德父嘗得七八十年前本完好可寶今所謂凡三年者實作凡三十年然趙德父之疑亦如洪之疑也余案公文云退思往昔實發夢寐凡三十年於今乃合公蓋記疇昔之夢耳非謂自貶所歸朝也其義甚明况於今亦不為斷句余嘗疑公以剛正自許而乃若眷眷於一黃陵廟宇以私錢十萬新其廟宇又為文以祭之句石以銘之意其必有所感召今乃得於祭文洪不細考耳焚本載石又作累年蓋字益磨滅從而意之耳

壘中溶金石文跋韓文公祭湘君夫人文作於元和十五年十月其黃陵廟碑則在後一年長慶元年考韓文類譜謂祭文即刻於碑陰而集於祭文後依石本附四十二字云始將

既修樹舊碑仍刻其文於新石因銘其陰舊碑石既多破落文不可盡識移之於新或失其真遂不復刻方崧卿韓文舉正云此蓋後人以碑本附入朱文公考異云此必公所自記故石本有之案公所稱舊碑即晉太康時碑圖記誤爲漢劉景升立者公先作祭文有將求玉石仍刻舊文之語其後不果故復題記於後然則祭文與此四十二字當並是長慶元年後刻也

唐黃陵廟碑

集古錄跋石黃陵廟碑韓愈撰沈傳師書昌黎集今大行於世而患本不真余家所藏最號善本世多取以爲正然時時得刻石校之猶不勝其舛謬是知刻石之文可貴也不獨爲翫好而已黃陵碑以家本校之不同者二十餘字如家本言降小君爲夫人而碑云降小水之類皆當以碑爲正也

金石錄跋石唐黃陵廟碑碑四面皆有字今其兩面字多處已磨滅不可讀此本蓋七八十年前舊物字畫完好可寶也今世所傳退之集多爲人妄加雋校而此碑人家尙時有之故譌謬爲少然退之自潮移袁入爲國子祭酒蓋三年而碑云三十年蓋書者誤耳

金石錄目唐黃陵廟碑韓愈撰沈傳師正書長慶元年廣川書跋黃陵碑世以其書爲重石久缺刻字滅幾半矣近

人以其完本售至數萬謂傳師此書特謹重有法不與他石並也歐陽承叔嘗得其碑謂降小君爲夫人据碑爲定其餘猶有可證於書者今考於禮如夫人之爲小君自不失正豈書猶可疑也又若陟方等語大不合於書矣退之於文嚴整密緻故語妙天下余於黃陵碑疑之詞不整比而辨事謬誤不知何爲至是其謂張愉曰且使後世知有子名加此於人其誰受之耶穆宗詔曰張愉學古人仕甚修飾河西有政聲次於李諒則愉之名不待愈而後世知之矣 博士王持國得韓愈撰黃陵廟碑甚完其字無論軸而藏之屬余書其後余謂黃陵文見昌黎集人皆可得惟碑以沈傳師書爲貴久則字剝缺不可讀故其完本難得余嘗考昌黎之文闕深浩博不與世人同機軸卓然自成一家獨於此碑無統紀文氣亦不純而格韻不類蓋其辨湘君已失故其言亦自辟不得經意湘君即舜妃夫人爲女英以楚詞可得知之古者天子建后其以娣姒從者雖皆同姓自當爲夫人此禮也郭璞疑帝舜之后不當降小君夫人愈謂有小君故正得稱君夫所謂君即小君也后夫人配君故天子國人稱之謂君則后謂小君降天子也舜不立正妃二女以長幼爲序不言后豈后之下復爲小君以稱此非禮也惟諸侯之妃天子封之曰夫人故國亦以小君稱之對諸侯以自稱於國也書稱舜曰五

十陟方乃死禮曰天子登遐釋詁曰隳假格陟躋登升也則登遐升遐同文舜為陟方自是南巡狩凡行必謂陟蕤往而升也不謂地有高下而陟降異詞周公稱成湯曰禮陟配天自是殷禮能升配天享國不宜遂以為陟而死也今日陟文句為盡而謂方乃死者此不成語愈書誤以竹書雖以陟為升謂升遐也不得於此取之觀愈於此碑時用工深故博考而詳取益求之太過牽強取合固宜忘失本意

東觀餘論黃陵碑引山海經云洞庭之山帝之二女居之郭璞疑二女舜后不當降小水為其夫人因以二女為天帝之女退之遂以璞為失殊不知山海經凡言帝者皆謂天帝如所謂帝之密都帝之下都帝之平圃與帝之二女皆謂天帝也至言帝俊帝顓則各兼稱其號不但曰帝也其論二女一篇最為詳確據列仙傳江斐二女與九歌湘夫人稱帝子者是矣退之難之非也余頃在道山與翁養源論此亦以為然翁於江湘圖志論中其說益與余合

天下金石志黃陵廟碑韓愈撰沈傳師書在湘陰縣

古今書刻黃陵廟碑韓愈撰在湘陰縣北

金石文跋朱子韓文考異附載石本與諸本異同於黃陵廟碑下云此篇方從石本所稱方者方崧卿韓文舉正也予家有元刻朱文公校昌黎集併附王伯大音釋本所載與石本

與者數字予生後歐趙諸公又數百年石本已不可得見據元集猶可約略知之

唐汨羅廟碑記

長沙府呂志蔣防撰大和二年春

唐李靖遺像石刻

方輿勝覽醴陵西山石壁上有唐李靖遺像以靖曾駐兵於此

唐大中記及詩

張拭詩自注在湘潭唐興寺南宋兵火沈於潭中

唐龍身山先大師塔銘

寶刻類編楊玕撰并篆額大和中立在潭州

嘉慶通志案碑文考題作潭州益陽縣龍身山先生大師塔銘

唐龍身禪院記

寶刻類編邱暉撰并篆額馮曙書在潭州

嘉慶通志案通志略題作龍身禪師記曙字誤作曉

唐太宗文皇帝製三藏聖教序

湘鄉縣張志在湘鄉縣洗筆池永徽四年褚遂良書

金石文編湘鄉縣褚公洗筆池有褚河南書聖教序前一碑

行款字數與西安本同而筆法已非真面蓋好事者以西安

本重摹也文中受真教於上賢之教誤改作趙蓮出綠波之
蓮誤刻作蓮桂質本貞之貞筆畫舛繆幾不成字良由誤刻
緣由不緣慶三字空而未刻皆因今西安石刻此五字已模
糊不清故也此刻必是近時不學者所為殊無足觀
湘鄉縣新志褚河南臨聖教序碑永徽四年癸丑□月十五
日癸巳刻石然褚公實六年始來潭州或以四年所書上石
耳今字多剝落

唐褚公洗筆池斷碣

名勝志湘鄉縣北有洗筆池褚遂良貶潭州都督時洗筆於
此宋咸淳間邑宰趙必槐於地中得斷碑上刻褚公湘潭偶
題詩云遠山崑翠凝煙爛漫桐花二月天游徧九衢燈火
夜歸來月挂海棠前餘字莫辨
天下金石志唐洗筆池斷碑褚遂良湘潭偶題詩宋淳熙中
邑宰趙必槐得之地中在湘鄉縣
嘉慶通志案趙必槐府縣志俱作趙必稷縣志職官表列於
咸淳間與名勝志同天下金石志作淳熙未知孰是
湘鄉縣新志舊志作趙必稷誤按必稷乃宋度宗時縣令在

魏了翁作修祠記後今考記內已有斷碑所勒榜曰凝煙之
語若得自必稷了翁安得豫知而豫敘之

唐司空碑

全唐文潭州刺史上柱國開國公蘇師道記天寶十四年冬
十月

唐陳處士穆和碑

茶陵州趙志在潞溪北陳文帝時穆和爲太常博士及北隋
繼統隱居教學開皇三年屢徵不起遂以鎔鐵錮其門歲餘
猶聞朗誦聲唐武德二年少詹事杜淹勒碑志其事

湖南通志卷二百六十三

藝文志十九 金石五

唐衡州瑞石

以下衡州府

李嶠為姚瑋進賀表衡州所進瑞石其形似龜頂上有文曰大周竝為乾坤卦字左邊有王武九千字又有水火金木土字各依其方北邊兼有井字

嘉慶通志案姚瑋於則天臨朝時為夏官侍郎坐從弟敬節同徐敬業之亂貶桂州長史時則天雅好符瑞瑋至嶺南訪諸山川草樹名有武字者以為上應國姓列奏其事則天大悅召拜天官侍郎後則天封嵩嶽命瑋總知撰儀注為封禪副使新舊唐書傳所紀略同新唐書李嶠傳云武后時汜水獲瑞石嶠為御史上皇符一篇為世譏薄據此知衡州亦曾進瑞石嶠亦為瑋撰表而傳未之及

案瑞石出於人為與晉武石馬天成而大討曹之文無異蓋小人藉為獻媚之具也李嶠姚瑋側媚取榮固無足錄然存此亦足補正史之所略

唐舉廢功述

金石錄目王仲舒撰韋固正書貞元二十年八月

寶刻類編在衡州

嘉慶通志案王仲舒由禮部考功員外郎坐累為連州司戶

參軍再徙荆南節度參謀見新唐書本傳傳云元和初召為吏部員外郎則在此後第二年事此刻正仲舒官荆南時也唐龐蘊故居記

天下金石志在衡州府能仁寺

嘉慶通志案龐蘊係衡陽人參禪修道元和六年北遊襄漢隨處而居後刺史于頔過訪言訖枕其膝而化見傳燈錄龐居士傳

唐衡州門記

廣川書跋大中四年李侗為刺史因治郡署立通門刻石記其封域所本不見書撰人名蓋侗所為也其言衡陽當五領門考於書蓋古文嶺字為領五領皆在今廣南以衡嶽為五領門昔鄧德明作南康記其五嶺甚辨然皆謂在南康則非也裴潛記以大庾始安臨賀桂陽揭陽為五嶺今考於古可信二子之論雖異獨無以衡陽為五嶺者或侗自有據而衡山又有五嶺不可知也

東巖二字

清泉縣江志在石鼓山東巖上

西谿二字

清泉縣江志在石鼓山西溪石壁字大徑八寸與東巖字皆貞觀中刺史宇文炫書今東巖字無存

金石補正石鼓山東巖西谿字久經煙沒同治壬申始搜剔出之無年月亦無書人名不知清泉志何据東巖字已砌入園垣今始以佗石易出之江志以為無存也

唐李吉甫西溪題名

寶刻類編在衡州

唐齊映西溪題名

范成大遊石鼓山記西溪有李吉甫齊映諸題名

嘉慶通志案齊映貞元初貶夔州刺史徙衡州新唐書有傳

案清泉縣志云李吉甫齊映題名今不可考

唐韓愈合江亭詩碑

題合江亭寄刺史鄒君 江亭枕湘江蒸水會其左瞰臨渺空
閣綠淨不可唾羅晉經營初邦君實王佐鶴林遷神祠買地費
家貨梁棟固可愛隨創麗匪過伊人去軒騰茲宇遂頽挫老郎
來何真高唱久乃和樹蘭盈九畹栽竹逾萬箇長綆汲滄浪幽
蹊下坎河波瀾夜俯聽雲樹朝對臥初如遺宦情終乃最都課
人生誠無幾事在悲豈那蕭條歲時契閣繼庸懦勝事誰復
論麗聲日已播中丞黜凶邪天子閔窮餓君侯至之初聞里自
相賀滯樂閑曠勤苦勤慵惰為子埽塵階命樂墜眾座窮秋
感平分新月憐半破願書巖上石勿使塵泥隨右唐昌黎韓公
詩張枻書

金石文編昌黎合江亭詩碑在合江亭壁間係宋張南軒正書十一行每行二十三字碑已斷缺止存上截十六字以元

板朱文公校昌黎先生文集校之集本渺空闊之渺誤脫水

傍結創麗匠過誤作結構麗匪過其江亭作紅亭萬箇作萬

个那作柰塵泥作泥塵俱當時傳本有不同也据韓文類譜

昌黎此詩乃永貞元年自陽山移江陵法曹由郴至衡時作

也南軒書此碑不紀年月以其時考之當在孝宗乾道間

金石補正合江亭始建於齊映詩云維昔經營初邦君實王

佐蓋謂映也映南陽人貞元三年貶夔州刺史徙衡州此詩

寄刺史鄒君而通志職官順憲兩朝均無鄒姓其人名字不

可考矣全唐詩載此作與集本同惟予作余為小異匪字與

上句可字對石稍剝蝕瞿氏誤讀作匠反以集本為誤非也

右唐之右通志誤刊作有

唐蔣防題合江亭詩

寶刻類編賀拔基書大和元年前六月在上旬在衡州

嘉慶通志案蔣防義興人官右拾遺元和中李紳薦為司封

郎中知制誥進翰林學士李逢吉逐紳因出防為汀州刺史

全唐詩錄其詩十二首而合江亭詩未收此詩蓋其官衡州

刺史時所題也

唐裴□等西溪題名

衡州刺史裴□監察御史陳越石郡從事閻斯琴客張贊大和九年九月十日同遊

金石文編右裴□等題名正書七行左行在衡州府城外石鼓山崖壁裴下亂其名案裴刺史衡州府志職官未載無可考

金石補正郡從事湖南通志誤郡為部石鼓題刻屢經搜訪僉謂無蹤閱八年矣同治壬申復浼張蕙泉金已生再往剔抉乃得唐宋人題字九段皆皆封寸許拂拭之乃可施蠟蠟蓋數十年無人過問矣李吉甫齊映題名見於范石湖石鼓山記寶刻類編已僅載吉甫一種或已漫滅淨盡耶窪尊鈞臺合江勝□等字均渺不知所在其介崖二字則前人所未見者茲以此刻及東巖西谿字列唐餘皆列宋而統識於此窪尊二字

金石文編石鼓山西谿崖下赤水岸邊有巨石一四方約二尺強一面刻正書窪尊二字徑尺許筆法古勁疑是唐人手筆其一面為宋治平乙巳河東薛休題名考窪尊二字並見說文元次山所銘之尊本在道州係我家令問公篆書至今尚存其字作窳然趙德甫金石錄目載唐李氏窪尊銘及東坡武昌西山詩序云鄧聖求刻元次山窪尊銘又山谷詩江南石上對窪尊之句並作窪則令問公作籀篆書用窳字安

知元公非本用窪字耶又案范石湖游石鼓山記云石鼓書院合江亭今綠淨閣西廊外石磴緣山謂之西谿有窪尊及唐李吉甫齊映諸題名石湖所謂窪尊者疑即指此二字也鈞臺二字

清泉縣江志在石鼓山東崖之北水中一石正方高四尺字刻於石面大徑尺餘相傳為唐人書磨泐殆甚水涸始見合江勝□四大字

清泉縣江志在石鼓山東巖半山閒題識漫滅結體嚴密非唐以後書

朱陵後洞四字

清泉縣江志在石鼓山洞左右壁下字大徑尺唐人書

金石補正四字橫列亦癸酉所搜出者無年月書人名清泉志以為唐人書或是傳聞之說耳

唐南嶽觀碑

衡嶽志案舊碑晉太康八年建梁天監二年修武帝賜莊田三百戶唐貞觀元年太宗重書額觀中碑文學士曹憲撰今存

嘉慶通志案曹憲見新唐書儒學傳

唐招仙觀銅鐘

南嶽總勝集貞觀六年壬辰廬陵蕭法師靈護於桂州鑄銅

鐘一口重五百斤歸觀凡五更不敢扣擊蓋驚地府陰神之故也端拱末五更初忽聞鐘聲眾皆驚訝曉而視之鐘破裂不旬日有一道人布衣縷縷自言能補鐘但需數千斤火於是燒炭燬鐘道人以掌心鎔銅汁就其裂處摸之其紅焰自暗眾視之而憚道人入溪洗手忽失所在其鐘至今有手摸之迹

唐雲龍寺記

南嶽總勝集岑文本撰在岫巖峯下法輪禪寺

法輪寺古碑跋大明本名惠遠思大禪師之孫與虞世南李百藥岑文本為方外之交三人皆為作碑銘幸岑中書之文僅存又為不解事僧傳於石刻敗剝之後幾不可讀矣而法輪寺住持禪師景齊來求予刊定且乞書而刊之師金陵蔣山中人嘗入予方外之師晦堂心公之室謂我為同門蓋嘗參字說於王荆公其人通達辨識欲有所立人不能傾也故欣然為之書法輪寺自晉至唐貞觀中雖既廢復興皆號龍雲寺中間改號金輪而無文記可尋意武后時所改耳其號法輪則太平興國五年敕書也崇甯三年二月修水黃庭堅書按雲龍此跋作龍雲未詳孰是

唐保生天尊銅像

南嶽總勝集咸亨年鑄在衡嶽觀白雲堂內

嘉慶通志案此像總勝集作晉考晉無咸亨年號故附此

唐南嶽真君觀玉匕玉冊玉印

南嶽總勝集開元六年上帝降賜真君驅邪玉匕一張其狀類劍長三尺闊四寸玉文如雲霞其端微有鋒刃玉冊一道長一尺餘闊六寸其篆文曰道君之玉冊有兩印文曰三天太上之印皆篆文或曰舊本玉冊壞在真君臂間檀香刻此以傳於世玉璽一枚方闊五寸八角其文曰注生真君玉印亦篆文今悉存焉或云是司馬天師篆文也

唐南嶽真君碑

金石錄目趙頤貞撰蕭誠正書開元二十年十月碑文考寶下金石志並同

金石錄跋石唐南嶽真君碑有別駕賞紫金魚袋光大撰歐陽公云賞紫蓋今借紫之比余案唐制自有借紫而又有賞紫賞緋蓋以軍功被賞者耳

容齋隨筆衡山有唐開元二十年所建南嶽真君碑衡州司馬趙頤正撰荆州兵曹蕭誠書末云別駕賞魚袋上柱國光大睡賞魚袋之名不可曉他處未之見也

魏郊錄洪文敏容齋四筆載衡山唐碑別駕賞魚袋之名不

可曉今案唐職林魚袋帶門敘金玉銀帶及金銀魚袋云開元敕非灼然有戰功餘不得輒賞魚袋珂案以魚袋充賞蘇氏記新舊史皆有賞緋紫例兼魚袋之文會要開元二年閏二月敕承前諸軍人多有借緋及魚袋者無功借賞深非道理宜敕收取即將以上先借後奏其靈武和戎天武幽州鎮軍赤水河源瀚海安西定遠等軍既臨賊衝事藉垂賞量軍大小各賜金魚袋一二十枚銀魚袋五十枚並委軍將臨時行賞則賞魚袋出處亦可與職林參見也

南嶽總勝集在銓德觀

嘉慶通志案趙頤貞容齋隨筆作趙頤正當是避宋仁宗嫌名改也寶刻類編頤作頤總勝集貞作真天下金石志頤貞作順真皆誤又金石錄云光大撰容齋隨筆作光大晧未知孰是

唐南嶽投龍告文

大唐開元神武皇帝李隆基本命乙酉八月五日降誕夙好道真願蒙神仙長生之法謹依上清靈文投刺紫蓋仙洞位忝君臨不獲朝拜謹令道士孫智涼賁信簡以聞惟金龍驛傳

大歲戊寅六月戊戌朔廿七日甲子告文

碑陰

丙使朝散大夫行內侍省掖庭局令上柱國張奉國本命甲午

八月十八日生道士涂處道判官王越寶壬寅八月七日僂人秦延恩

金石補正右南嶽投龍告文銅質堅好純綠似瓜皮文五行行十九字背面三行行字不齊俱正書道光間出衡山縣土中為易大令所得今藏長沙唐蔭雲方伯處考衡山縣以南嶽得名漢武以潛之天柱山為南嶽北周以慈利之天門山為南嶽至唐貞觀中始定祀衡山於衡州開元十三年封司天王歲時告祭南嶽七十二峰峰之尊者五紫蓋其一也形似磨盤故名志稱七十二峰皆環抱祝融獨此峰與之爭雄掉頭北去杜詩故有紫蓋獨不朝爭長業相望之句其下有朱陵洞相傳與羅浮通為道家第三洞天有石刻題曰朱陵太虛洞天杜光庭記云朱陵洞天七百里洞有泉懸若簾亦名水簾洞此記云紫蓋仙洞者即指其地其為投告南嶽無疑矣東齋記事云道家有金龍玉簡學士院撰文具一歲齋醮投於名山洞府金龍以銅制玉簡以階石制此制以銅是為金龍故曰金龍驛傳惟文云賁信簡以聞則當別有一簡聞初出土時尚有一物黏著其上當即簡也惜不可得見矣岱嶽觀碑言龍壁者三言金龍玉壁者一言投龍薦壁陳金薦壁者各一趙居貞雲門山投龍詩序亦有投龍環壁之語龍簡本兩物或以壁代簡近多統言之曰投龍簡者未分晰

矣太歲戊寅是開元廿六年以本命乙酉推之是年五十有四實錄云元宗以垂拱元年八月五日生於東都十七年八月命爲千秋節御花萼樓宴羣臣歲以爲常此以本命祈福亦歲以爲常也岱嶽觀碑言本命鎮綵者三本命紋繒者一此不言鎮綵者儀從簡或文從略均未可知六月之六字似初刻作七後改作六者考元宗本紀是年九月丙申朔日有食之御注道德經碑後云開元廿六年十月乙丑朔是年閏八月見任城縣志以此逆推之戊戌朔當是六月也本紀是年六月庚子立忠王嶼爲皇太子庚子乃六月三日七月己巳大赦己巳非七月五日即四日亦無不合背鑄張奉國題記亦以本命祈福者壬寅後戊寅已廿四年不知何由附刻豈所謂投龍者存置道觀非真投澗歟儻從也唐書封常清傳奏儻從三十人通雅唐制大使副使皆有儻人千年故物出土廿餘年矣戊辰夏余始假拓而審錄之可見吉金貞石湮沒孔多未顯者固晦已顯者亦猶之晦也顯晦固自有時可慨也夫

唐南臺禪寺碑

南嶽總勝集御史劉軻撰在廟北十里

嘉慶通志案此碑爲希遷禪師居南臺作也總勝集謂在天寶初

唐何尊師得道碑

南嶽總勝集衡陽太守蘇務廉撰天寶二年在銓德觀
嘉慶通志案蘇務廉係高宗朝相良嗣之孫見唐書宰相世系表

唐九真觀銅鐘

南嶽總勝集天寶十二年復令衡州鑄銅鐘一口降賜觀中音韻振遠徹於霄漢重四千斤上刻明皇御製銘曰鑄於郡懸於觀天長地久福無算驃騎大將軍高力士監鑄乾元三年值兵火焚蕩金鐵罄然此鐘獨存元祐間鐘忽不見數日得於觀前塘中苔蘚凝漬頂上盤龍折其右足復致於樓上傳云與青草渡龍關今觀後有龍寶嶺

唐五寺碑

南嶽總勝集李巽撰羅中立八分書五寺即般若南臺萬壽華嚴彌陀在嶽廟西北一里集賢峰下衡嶽禪寺前

嘉慶通志案李巽新唐書有傳由給事中出爲湖南觀察使貞元五年徙江西考權德輿遺愛碑云貞元八年由給事中遷湖南觀察使則史傳五年徙江西之語似誤

唐韓愈宿衡嶽寺門樓詩

南嶽總勝集在衡嶽禪寺

嘉慶通志案此詩昌黎集題作謁衡嶽遂宿嶽寺題門樓洪

興祖年譜列之於永貞元年乃愈自陽山北還移江陵法曹參軍過衡州遊嶽時作也詩有我來正逢秋雨節之句蓋在七八月間

唐韓愈岫嶽山詩碑

南嶽總勝集在法輪禪寺

唐般舟和尚碑

集古錄跋右般舟和尚碑柳宗元撰并書子厚所書碑世頗多有書既非工而字畫多不同疑喜子厚者竊借其名以為重子厚與退之皆以文章知名一時而後世稱為韓柳者蓋流俗之相傳也其為道不同猶夷夏也然退之於文章每極稱子厚者豈以其名並顯於世不欲有所貶毀以避爭名之嫌而其為道不同雖不言願後世當自知歟不然退之以力排釋老為己任於子厚不得無言也

金石錄跋右唐般舟和尚碑柳宗元撰并書子厚自矜其書然亦不甚工今見於世者惟此與彌陀和尚碑爾雖字畫大小不同然筆法煞相似歐公以為不類又疑他人借子厚之名者非也

寶刻類編永州司馬柳宗元撰并書篆額元和三年立在潭

州

彌陀寺碑陰題名

元憲集寶曆元年陳續題九十三人姓名凡三百四十字宋劉摯記柳碑詩略云碑陰三百四十字疏瘦勁麗何精奇九十三人姓名具陳續寶曆元年題云此柳書一碑者元和三年刊厥辭至是一月始建立都其事者楊與倪塵蒙壁礙世未見自我訪尋初愛之嗟物晦顯似有數恨不從事既與槌嘉慶通志案宗元彌陀寺有二碑此云元和三年刊厥辭乃其集題彌陀和尚碑而歐趙諸家所稱之般舟和尚碑也宋劉摯據陳續題知此碑立於寶曆元年二月乃在宗元撰碑後十有五年歐趙俱未見碑陰故未及之

案元和憲宗年號凡十五年穆宗嗣立改元長慶凡四年敬宗嗣立改元寶曆則十五年當是十七年

唐彌陀和尚碑

集古錄唐南嶽彌陀和尚碑柳宗元撰并書元和五年

金石錄跋右唐彌陀和尚碑柳宗元撰并書以集本校之不同者十餘字皆當以碑為正

寶刻類編永州司馬柳宗元撰并書元和五年七月在潭州南嶽總勝集彌陀和尚第二碑柳子厚撰并書在嶽廟東掖勝業寺

漁隱叢話柳子厚書迹湖湘間多有其碑刻而體不一或疑有假託其名者惟南嶽彌陀和尚碑最善大底規模虞永興

矣然不知所謂柳家新樣元和脚者如何也

游宦紀聞彌陀和尚第二碑本在上封寺以雪多凍裂嘉定壬辰何賢良致以搨本授曹連帥燦寺僧法圓解來長沙匣之郡庠

嘉慶通志案柳宗元本集有彌陀和尚碑又有南嶽般舟和尚第二碑皆為僧日晤作也般舟乃日晤道場彌陀所居之寺其稱第二碑者蓋因前元和三年撰有一碑故指此五年所撰者為第二碑耳歐趙諸家前碑題作般舟此碑題作彌陀以別之實與柳集元題相反

唐大明和尚碑

南嶽總勝集柳子厚撰在嶽廟二十五里煙霞峰側大明禪寺

嘉慶通志案河東集此碑作於元和九年正月

唐隱真巖田先生記

南嶽總勝集在衡嶽觀

嘉慶通志案此記當為田良逸作也良逸隱居衡嶽修道於元和中東入天台不復出憲宗詔不起後羽化亦見總勝集

唐靜福山石刻

衡山圖記靜福山在衡山縣北五十里梁慶冲者守清虛為本郡主簿西曹祭酒湘東王國常侍大同三年家於此山先

天二年飛昇於此山後刺史蔣防敬慕高風刻石為

寰宇記在桂陽縣北五十里梁有慶冲者家於此山先天二年飛昇刺史蔣防仰慕高風刻石為碑

嘉慶通志案寰宇記桂陽縣必是衡山縣之譌桂陽縣唐名義昌縣至宋太平興國初始更名唐宋其地皆隸郴州不在衡州刺史管內

唐衡嶽寺大德瑗公碑

金石錄且皇甫湜撰王詡正書大和三年正月實刻類編作日在潭州

南嶽總勝集唐皇甫湜撰瑗律師碑連州刺史王詡書在

衡嶽禪寺前

唐廣成先生劉元靖神道碑

寶刻類編蕭鄴撰盧宏宣分書大中五年在潭州

南嶽總勝集翰林承旨蕭鄴撰太子少傅致仕盧璠書大中

五年在隱真巖銓德觀

嘉慶通志案蕭鄴唐相新唐書本傳言由翰林學士出為衡州刺史大中中召還此碑蓋其官衡時作也又盧宏宣總勝集作盧璠考新唐書循吏傳盧宏宣歷官工部尚書祕書監以太子少傅致仕正與總勝集題衡合至盧璠名僅見於宰相世系表並未官太子少傅恐總勝集誤也當從寶刻類編

後石室銘亦作太子少傅盧璠恐皆誤

廣成先生傳

寶刻類編趙構撰朱玘書大中七年在潭州

南嶽總勝集吏部侍郎趙構撰在銓德觀

嘉慶通志案新唐書宰相世系表有朱玘官著作太子膳郎

未知即其人否

廣成先生內傳

南嶽總勝集道士張堅白撰在銓德觀

廣成先生石室銘

南嶽總勝集太子少傅盧璠撰在銓德觀

唐無際禪師見相塔二碑

南嶽總勝集裴休書字畫道勁或云非裴書乃裴相國建在

嶽廟西十五里楚甯寺

唐石頭和尚著草鞋歌參同契

南嶽總勝集善圓師刻於石在南臺禪寺

嘉慶通志案石頭和尚即希遷禪師也總勝集謂其於天寶

初遊南嶽築菴以居號曰南臺考龐居士於貞元初謁之歿

後諡曰無際裴相為書見相二碑乃宣宗大中年間

唐應天萬壽禪寺額

南嶽總勝集懿宗書題記皆玉刻也在嶽廟北十五里

唐咸通紀異碑

南嶽總勝集在南嶽廟

唐南嶽修金錄齋壇碑

寶刻類編道士盛翻撰冠元京正書章抱元篆額皆道中和

四年六月五日立在潭州

國家金錄道場齋醮記

南嶽總勝集在招仙觀

嘉慶通志案此刻總勝集不標時代疑即前寶刻類編所載

中和四年碑也故附此

唐李義山題刻

顧璘遊衡嶽前記經觀音巖至絕頂見石上唐宋人刻石甚

多略知李義山陳從古數公刻書餘不悉記

嘉慶通志案新唐書李商隱曾依桂管觀察使鄭亞為判官

則此刻或即道出衡湘遊南嶽題也

唐觀音大師碑

楚寶張正甫撰在衡嶽為僧懷讓作觀音者懷讓道場也

南嶽總勝集擲鉢峰下有觀音菴隸福嚴寺陳太初中惠思

和尚般若寺太平興國中改賜福嚴禪寺有唐懷讓禪師結

菴於思之故基

洞真瀑布碑

兩嶽總勝集在嶽廟東八里招仙觀

嘉慶通志案總勝集不標時代似是唐刻

南嶽蓮花峰題刻

彭警方廣記略方廣寺在蓮花峰心寺前石壁題刻皆唐宋時人姓名

唐石柱文

天下金石志惟天寶十一年五字可識餘皆磨滅在未陽縣

古今書刻云在未陽縣東

名勝志在未陽縣西五十里高五六尺尚存天寶十年四月

嘉慶通志案此刻諸書記載年數不符衡州府饒志誤作在

衡陽縣西五十里又云可識者天寶十五年五字考唐自天

寶三年改年稱載柱文不應仍用年字恐諸書傳寫或誤也

唐湘山寺碑

常甯縣志湘山俗名蟠龍嶺半在城內有湘山寺唐古碑

記黃帝駐蹕於此古為祠主寺湘山

學歲題刻

嘉慶通志楚潭東岸石壁數仞昔人題刻皆隸書隱隱可認

者十餘字如桓侯建安年游等筆類唐宋人手書其餘漫滅

不可識

唐賈賈王詩碑

鄱縣林志瓜壘 在縣東六十里賈賈王至此賦詩其上鄉

人尹樸鐫之石歷年既久剝蝕殆盡明末吉水李司馬陳玉

過此猶識有小八荒三字

嘉慶通志案新唐書文藝傳賈王為徐敬業傳檄天下斥武

后罪敬業敗後亡命不知所之則其足迹或曾至楚故有此

詩縣志瓜壘下空一字衡州府饒志作瓜寮山

湖南通志卷二百六十三

湖南通志卷二百六十四

藝文志二十 金石六

唐丹崖翁宅銘

以下永州府

天下金石志元結撰在永州府

明統志在府城南一百里零陵瀧下其崖色如丹唐永泰中

有瀧水令唐節去官家於崖下自稱丹崖翁元結刺道州路

出崖下見節墓重之因為作宅刻銘

嘉慶通志案名勝志與明統志略同零陵縣志載此銘文

並云丹崖在城南四十里一名赤石洞丹崖翁宅在縣南五

十里巖峯下與明統志里數不合

永州府舊志案此以縣志為確彼謂百里者乃誤以瀧水為

即零道同瀧泊故也

唐朝陽巖銘

唐元次山朝陽巖口 永泰丙午中自春陵至零陵愛其郭中

有水石之異泊舟尋之得巖與洞於巖巖洞此邦之形勝也自

古蒙之亦無名稱以其東向遂以命之焉以攝刺史獨孤恂為

吾窮關榛莽復攝刺史竇必為吾創制茆閣於是朝陽水石始

為勝絕之名也而刻銘巖下以眎來世銘曰 於戲朝陽怪異

難狀蒼蒼半山如在水上朝陽水石可謂幽奇巖下洞口洞中

泉垂彼高巖絕厓深洞寒泉縱僻口幽遠猶宜往焉况郡城井

邑巖洞相對無人修賞竟使蕪穢刻銘巖下問我何為欲零陵
水石世人不知

金石文編右元次山朝陽巖八分書十一行後題時甲寅中

秋零邑後學田山玉書攷山玉係

國朝康熙間零陵文學金石萃編誤為次山同時人此銘乃近

日重摹非原刻也

楊翰重刻巖銘跋昔元次山愛此巖搜奇表異摩石勒銘歲

戊午余來典郡尋次山銘已不可見因念次山當中興時得

以蕭閒文字寄託山川今則干戈擾擾一切皆如浮雲獨深

谷高巖壽足千古因屬古皖鄧守之作篆補刻巖上以還舊

觀後之覽者當快然於扶筇蠟屐時也

金石補正田刻已佚近楊海琴前輩重刻之鄧傳密篆書鄧

字守之完白山人之子工篆隸能世其家學惟高岳絕厓田

刻作厓今作崖雖亦說文所收不若厓字為古然萃編缺字

足據以補矣田刻有標題一行本非原刻今無之田刻無銜

名今有之次山進容管觀察使唐書本傳不詳何年此屬諸

永泰年不知何据次山浯溪銘在大歷三年未署此銜也田

刻此邦之形勝也今無之字勝絕之名也今作絕勝之名已

自古蒙之今蒙作荒創制茆閣今作柶制茅閣皆其不同者

也又獨孤刺史之名萃編作恂湖南通志作恂此亦作恂案

獨孤恠見宰相世系表官至左司郎中獨孤恠無攷通志職
官失載府志官表作獨孤恠而於此碑文作恠前後不符又
永志官表載實必云世系表有必必二人恐譌案表必必二
人俱不言官位通志亦失載萃編以後題甲寅字系諸大歷
九年今移次於永泰二年

唐懷素自敘帖

懷素家長沙幼而事佛經禪之暇頗好筆翰然恨未能遠覩古
人之奇迹所見甚淺遂擔筇杖錫西遊上國謁見當代名公錯
綜其事遺編絕簡往往遇之豁然心胸略無凝滯魚腹素絹多
所點塵士大夫不以爲怪焉顏刑部書家者流精極筆法水鏡
之辨許在末行又以尙書司勳郎盧象小宗伯張正言曾爲歌
詩故敘之曰開士懷素僧中之英氣概通疏性靈豁暢精心草
聖積有歲時江嶺之間其名大著故吏部侍郎韋公陟觀其筆
力勗以有成今禮部侍郎張公謂賞其不羈引以遊處兼好事
者同作歌以贊之動盈卷軸夫草彙之作起於漢代杜度崔瑗
始以妙聞殆乎伯英尤擅其美義獻茲降虞陸相承口訣手授
以至於吳郡張旭長史雖姿性顛逸超絕古今而楷精法詳
特爲真正真卿早歲常接遊居屢蒙激昂教以筆法資質劣弱
又嬰物務不能懇習迄以無成追思一言何可復得忽見師作
縱橫不羣迅疾駭人若還舊觀向使師得親承善誘亟挹規模

則入室之寶舍子奚適嗟歎不足聊書此以冠諸篇首其後繼
作不絕溢乎箱篋其述形似則有張禮部云奔蛇走虺勢入座
驟雨旋風聲滿堂盧員外云初疑輕煙瀟古松又似山開萬仞
峯王永州邕曰寒後飲水撼枯藤壯士拔山伸勁鐵朱處士蓬
云筆下唯看激電流字成只畏盤龍走敘機格則有李御史舟
云昔張旭之作也時人謂之張顛今懷素之爲也余實謂之狂
僧以狂繼顛誰曰不可張公又云稽山賀老癡知名吳郡張顛
會不易許御史瑤云志在新奇無定則古瘦離羣半無墨醉來
信手兩三行醒後卻書書不得戴御史叔倫云心手相師勢轉
奇詭形怪狀觀合宜人人欲問此中妙懷素自言初不知語疾
速則有寶御史翼云粉壁長廊數十間興來小豁胸中氣忽然
絕叫三五聲滿壁縱橫千萬字戴公又云馳豪驟墨列奔駟滿
座失身看不及目愚劣則有從父司勳員外郎吳興錢起詩云
遠錫無前侶孤雲寄太虛狂來輕世界醉裏得真如皆辭旨激
切理識元奧固非虛蕩之所敢當徒增愧畏耳時大歷丁巳冬
十月廿有八日

嘉慶通志案自敘帖在零陵縣東門外綠天庵似是近代人
重模本不及文氏釋文版本之精且綠天庵石刻首題綠天
庵懷素自敘七篆字末題唐大歷元年六月既望懷素書與
文本全不合而案其所刻千字文後亦題此十二字未知何

据

唐李舟等朝陽殿詩

金石錄目李舟撰并正書大曆十三年九月李當牛撰詩附

嘉慶通志案懷素自敘帖有李御史舟想即其人也

唐懷素聖母帖

唐釋懷素書正 聖母閣主似言不全疾釋遂奉上

清之教旋登列聖之位仙階崇者靈感遠豐功邁者神應速乃

有真人劉君擁節乘麟降于庭內劉君名綱貴真也以聖母道

應寶錄才合上仙授之秘府餌以珍藥遂神儀爽變膚體纖妍

脫異俗流鄙遠塵愛杜氏初怒責我婦禮聖母傍然不經聽慮

久之生訟至于幽圜拘同羨里候字霓裳仙駕降空卿云上

輝耀莫倫異樂殊香字空方字康帝以為中興之瑞

詔於其所置仙宮觀慶殊祥也因號曰東陵聖母家于廣陵仙

于東土曰東陵焉二女從升曰聖母焉窈窕字既崇真儀麗復似

遠近歸赴傾市江淮水旱札瘥無不禱請神貺昭答人用太

康發盜之徒或未弘引是谷則有烏禽翔其廬上靈徵既降罪

必斯獲閭井之閒無隱懸焉自昔暨隨年將三百都鄙精奉車

徒奔屬及煬帝東遷運終多忌苛禁道侶元元空九聖不承慕

揚至道真宮秘府罔不字建况靈縱可道道化在人

雖蕪野荒須疑是而與禱雲集棟宇未復書艾銜悲誰其

興之夷因碩德從叔父淮南節度觀察使禮部尚書監原使

太原郭公道冠方隅勳崇南服淮沂既作而不朽存乎頌

聲貞元九年歲在癸酉巳月廿八行下截廿四行元祐戊辰

仲春模勒上石一行左拾遺裴休試大理評事柳乘鄉貢進

士柳榮太和四年十月十二日同登正書五行

嘉慶通志案綠天庵有聖母帖石刻首題綠天庵瑞石帖六

篆字審其字蹟蓋亦近人取西安元祐石刻本重模者不獨

行款字數更易并誤以脫異俗流下鄙遠塵愛杜氏初怒責

我婦禮聖母傍然十六字刻於後則有烏禽下錯繆殊甚推

求其故此十六字西安本作二行蓋從表本鈎摹因此一行

表本誤裝於後未經更正耳後去元祐題記一行而太和題

名仍模刻且不知古人文字有從後讀起如此題名者所謂

左行也而以同登二字移在首行裴休姓名下更為不學可

笑故今据西安元本著錄而辨正之

唐懷素千字文

千字文 僧懷素 敕員外散騎侍郎周興嗣韻

嘉慶通志案綠天庵有懷素千字文石刻似是西安石刻之臨

本也後有年月日名首尾共一百三十六行不獨行款俱不

符并脫去黍稷之黍而誤出於後誅斬盜賊之誅字下致停

雲館帖絹本千文後題貞元十五年西安石刻後無年月此
題云唐大曆元年六月既望懷素書與自敘帖尾一字不異
未知此十二字從何得之石首亦題綠天葶瑞石帖六篆字
後有藏真二字陽文長印又長沙懷素書印六字大陽文方
印卷首又摹宋元明諸名家鑒藏大小長方印十五六印蓋
骨董家作偽所為未可信為善本也

永州府舊志案此刻賞鑑諸印惟袁忠徹溫如玉錢唐石某
可辨大都明初人為多其刻時當在中明之世篇內凌摩之
摩幾不可識此外馳縱亦多異元本模手刻工皆遠不逮陝
也

唐懷素書杜詩秋興八首

秋興八首草書 唐懷素書正書 玉露凋傷楓樹林巫山巫峽氣
蕭森江間波浪兼天湧塞上風雲接地陰叢菊兩開他日淚孤
舟一繫故園心寒衣處處催刀尺白帝城高急暮砧 夔府孤
城落日斜每依北斗望京華聽猿實下三聲淚奉使虛隨八月
槎畫省香鑪違伏枕山樓粉堞隱悲笳請看石上藤蘿月已映
州前蘆荻花 千家山郭靜朝暉日日江樓坐草書 微信宿漁人
還泛泛清秋燕子故飛飛匡衡抗疏功名薄劉向傳經心事違
同學少年多不賤五陵裘馬自輕肥 聞道長安似奕碁百年
世事不勝悲王侯第宅皆新主文武衣冠異昔時直北關山金

鼓振征西車馬羽書馳魚龍寂寞秋江冷故國平居有所思
蓬萊宮闕對南山承露金莖霄漢間西望瑤池降王母東來紫
氣滿函關雲移雉尾開宮扇日繞龍鱗識聖顏一臥滄江鷺歲
晚幾回青瑣點朝班 瞿唐峽口曲江頭萬里風煙接素秋花
萼夾城通御氣芙蓉小苑入邊愁珠簾繡柱圍黃鵠錦纜身檣
起白鷗回首可憐歌舞地秦中自古帝王洲 昆明池水漢時
功武帝旌旗在眼中織女機絲虛夜月石鯨鱗甲動秋風波漂
菰米沈雲黑露冷蓮房墜粉紅關塞極天唯鳥道江湖滿地一
漁翁 昆吾御宿自逶迤紫閣峯陰入漢陂香稻啄餘鸚鵡粒
碧梧棲老鳳凰枝佳人拾翠春相問僊侶同舟晚更移綵筆昔
曾干氣象白頭吟望苦低垂 右壬辰三月二日懷素書草書

年月日題款
共八十一行

嘉慶通志案懷素書秋興八首石刻在綠天庵今本杜工部
集泛泛作汎汎裘馬作衣馬奕碁之碁作碁碁乃碁之俗字
作碁為正奕字當從亦從升與奕世之奕有別此帖下從大
非是洲前之洲當有水旁而此作州帝王州之州不當有水
旁而此反作洲皆非是此帖亦近人臨摹不知本所出前
題唐懷素書四字下有陽文長圓印刻墨池飛出北溟魚七
字後亦有陽文藏真二字長方印又後題後裔孫通浩五正
書皆近人手筆也帖尾有壬辰三月云云而無紀年案懷素

絹本千文書於貞元十五年自署年六十有三又東書堂帖載其貞元十二年一帖自注時六十所紀年歲與千文合則懷素生於開元二十五年丁丑至天寶十一載壬辰年止十六其後壬辰則為憲宗元和之七年懷素年已七十有六矣唐懷素論書帖

僧懷素書正 右軍云吾真書過鍾而草故不減張僕以為真不如鍾草不及張所為世之所重以其能懷素書之不足以為道其言當不虛也

嘉慶通志案此帖草書七行刻在澧化閣帖第五卷末題僧素書攷宣和書譜載御府所藏懷素草書一百有二內有論書帖疑即此又米芾謂是帖與章帝草書千文同是偽作案其筆法與懷素諸帖不類綠天庵有此石刻乃近人從閣帖轉模更無可取未有陽文圖章二方一云本庵一云山人未知即重刻之庵僧之名號否

永州府舊志案各帖後刻庵僧榜寂輝所繪墨梅蘭竹同嵌於壁其上亦有山人章詢此僧乃□□間人此帖必榜手所續模也

唐馮敘等華嚴巖題名

永州刺史馮敘 永州員外司馬柳宗元 永州員外司戶參軍柴察 進士盧宏禮 進士柳宗直 元和元年三月八日

宗直題

金石萃編正書十一行左行案題名柳宗直柳宗元唐書宰相世系表但有宗元而無宗直柳河東文集有從父弟宗直殯志知宗直為宗元之從父弟也殯志稱宗直字正夫善操觚牘今題名是宗直書宗直雙名而題名單舉直字他石刻未見永貞元年宗元貶永州司馬此題名在元和元年三月蓋官永州未久也

嘉慶通志宗直題脫宗字金石萃編謂單舉直字誤也 永州府舊志王昶誤以宏禮作元禮宗直題作直題此刻之左尚有四行可辨第一行一明字第二行一公字第三行一判字第四行有刑部員外郎字其上一字似李下一字似蓮或即肅宗時為永州司馬者乎王述庵所見殆模本有脫落處故致論異耳前四行零陵補志亦未審出

金石補正萃編但注 廟諱並非以為元字作元字者通志初本亦已校正矣宗氏謂前有四行余所見者只兩行判字不知所在刑部員外郎字僅存邑旁郎下似馬不似李其下不可辨柳文惠集有祭弟宗直文有云汝墨法絕代識者尚稀觀此題名信不誣也聞此刻經近人重刊未作直題者為原本作宗直題者為模本茲就所見錄之其實雙名單舉一字石刻亦有之不必補耳

唐零陵三亭記

零陵縣志柳宗元撰在東山之麓

唐永州法華寺新作西亭記

零陵縣志柳宗元撰在法華寺側即今高山寺故址上多古今名人詩紀

唐柳宗元朝陽巖詩

遊朝陽巖遂登西亭二十韻 唐永州司馬河東柳宗元

謫棄殊隱淪登涉非遠郊所懷緩伊鬱詎欲肩夷巢高巖瞰清

江幽窟潛神蛟開曠延陽景迴薄攢林稍西亭構其巔反宇臨

呀庠背瞻星辰與下見雲雨交惜非吾鄉土得以蔭葑茹羈貫

去江介世仕尚函嶠故墅即澧川數畝均肥境臺館葺荒邱池

塘疏沈坳會有圭組戀遂貽山林嘲薄軀信無庸瑣屑劇斗筲

囚居固其宜厚羞久已苞庭除植蓬艾隙牖懸蠨蛸所賴山水

客扁舟枉長梢挹流敵清觴撥野代嘉肴適道有高言取樂非

茲匏道遙屏幽味澹薄辭喧呶晨雞不予欺風雨聞嗷嗷再期

元日間提挈移中庖

永州府舊志案此碑字迹飄忽而無精神刻又庸劣且具銜

不稱員外司馬與華巖巖異斷為模勒無疑其旁有明嘉靖

開通判蕭幹詩刻與此極相類則必幹所為也

金石補正右詩為明人所勒此詩之右有題朝陽巖等字其

下有書字及正德辛巳九月等字意即書刻之年月姓名特不知是蕭幹否也詩見柳集全唐詩與此小異林梢之梢石本誤作稍蓋以兩押梢韻肥改之耳疑或作梢通志山川志名勝俱載此詩舛錯甚多永志改長梢為見招蓋亦以重韻之故然專輒矣

唐鈞潭西小邱亭記

零陵縣志柳宗元撰

唐冉溪八愚詩

天下金石志柳宗元撰在永州府

明統志愚溪在府城西一里舊冉溪唐柳宗元改今名其詩之序云作八愚詩紀於溪石上

湘僑聞見偶記柳集中八愚詩不全此真缺陷余僑永十餘

年求其殘碑片石而不可得一日偶於古砌之側見方石二

三竝列撫之隱隱有柳子厚姓氏殆其刻詩處也

唐鈞潭三字并詩

鈞潭

常聞南郭智未識北山愚試問溪中水潺潺只自如 癸酉中

冬既望日□□□過永州□□

錢邦芭遊記愚溪在永城西問鈞潭所在僧指曰上行

二百步即是石上勒字可據余竊疑焉上人引至溪邊有危

石斜立果勒鈷鉞潭三大字讀柳子厚記西山西北道二百步得鈷鉞潭西山去此尚二里之遙况山水形勢與柳文俱不合意鈷鉞潭當別有所在或因陵谷變遷失其故處俗流不學妄為傳會遂指此當之邪

許虬游記巨石色如鷲鑿鈷鉞潭三字斗大柳河東先生所製也厓旁有詩剝落隱存癸酉二字里老劉國樑前白能記此詩嘗聞南郭智未識北山愚試問溪中水潺潺即自如河東信手拈句不拘韻脚邪勒於唐時之癸酉無疑因和之而更其末韻

瀟湘聽雨錄案詩果為河東作未可知但五言絕句乃古體不應繩以近體詩韻竹隱豈未深究邪

嘉慶通志案河東集不見此詩又宋汪藻柳先生祠堂記云先生以永貞元年自尚書郎貶永州司馬至元和九年詔追赴都復出為柳州刺史蓋先生居零陵者十年考永貞元年乙酉至元和九年甲午其中竝無癸酉則此詩殆後人所題也

金石補正石鈷鉞潭三字字徑八寸許詩四行款三行但書癸酉不書紀元湖南通志以為唐刻蓋以許虬言指為河東作也攷柳文惠年譜貞元九年癸酉登進士第無由至永縣志謂俗流傳會誠非無見以筆意審之當是宋人所題題字

與詩亦不似一人手筆詩句頗似邢恕疑是元祐癸酉然無可證姑系諸宋末俟攷

唐柳宗元柳巖題刻

名勝志零陵縣柳崖愚溪等處多有柳題刻者

零陵縣志柳崖在愚溪右柳侯祠西里許柳侯所常遊也故名亦因之崖可容數十人宋邑宰王淮搜得之為之記

唐柳宗元詩碑

嘉慶通志案零陵縣志云城內大街譙樓上即古花月樓

宋陶弼詩額名舊載零陵志碑字新鐫子厚詩縣志又載此

詩於瑞蓮池云瑞蓮池府志載在城東即南池晉時產苳蒂

蓮於此故名舊縣志則二池各別又云廢為總鋪查大街有

瑞蓮橋似池在此與總鋪相合南池或另一處云云今案弼

詩首一聯云五月紅蓮繁盛時隼旗同賞郡南池則瑞蓮池

南池似即一地攷柳宗元集中有陪永州崔使君游譙南池

序而無南池詩未知碑所刻何詩又考宋章惇亦字子厚熙

甯中奉使荆南平蠻獠開安化梅山城沅州然未聞其至零

陵且弼與同時官荆南往還贈答豈有詩中用其事作南池

典故者乎此碑恐是宋人重刻宗元詩也

唐羅池廟享神詞碑

荔子丹兮蕉黃雜肴兮進侯之堂侯之舩兮兩旗渡中流兮風

汨之待侯不來兮不知我悲侯乘白駒兮入廟慰我民兮下嘯
兮以笑驚之山兮柳之水桂樹團團兮白石齒齒侯朝出游兮
莫來歸春與後吟兮秋與鶴飛北山之人兮謂侯是非千秋萬
歲兮侯無我違願侯福我兮壽我驅厲鬼兮山之左下無苦溼
兮高無乾杭私充羨兮蛇蛟結蟠我民報事兮無忘其始自今
兮欽於世世 宰相進退百官賢之遇否係焉柳侯名重一世
竟老遐陬繫誰之責嘉定丁丑春庚赴柳幕道長沙謁帥相安
公先生臨別授坡仙大書韓昌黎享神詩俾刻之廟傷其不遇
也庚甫到官攝邑柳城繼易僉賓州回白郡太守桂公慨然從
與於戲侯賢而口誠獲遇先生必始終光顯於朝奚至一擯不
復用韓之文得蘇而益妙蘇之書待先生而後傳邦人聚觀咸
歎謂若昔不遇疇非遇於今邪先生察百官之進退有賢如柳
尚何憾如韓如蘇蓋同一際遇大慶也重陽門生從政郎柳州
軍事推官權僉判天台關庚謹跋立石朝奉郎權知柳州軍州
事借紫永興桂如箴命迪功郎柳州州學教授豫章廖口書丹
魏紹芳重刊跋右柳州柳侯廟享神詩昌黎韓公作之東坡
蘇公書之與柳河東之德政世稱三絕先宋時柳州僉判關
公庚等刻于羅池廟明時永州司李劉公克勤刻于愚溪廟
中兵燹之後復經焚燬字已湮口今芳謹將元本重勒上石
以復舊觀順治己亥歲孟秋月永州府知府文安後學魏紹

芳重刻

零陵縣志武柳子厚祠內舊摹刻柳州羅池廟荔子丹分蔗
黃詩

嘉慶通志案此祠先有唐沈傳師書碑見集古錄今廣西馬
平縣蘇軾所書碑係宋嘉定中摹石此刻蓋以馬平蘇書本
重翻也

金石補正萃編載馬平本有譌闕處今據此本校之從之作
從史是此本之誤王氏跋云重陽門生所未詳也案重陽蓋
立石之時前云丁丑春嗣云攝邑柳城繼易僉賓州回則中
歷數月春得之秋刻之可意度也屬吏稱門生宋已有是陋
習矣關庚嘗建雲錦亭於柳州朝京門外見廣西通志劉克
勤新繁人萬歷廿四年任永州推官見永州府志歷城濟南
書院亦有明人重模本未見近廷芳字復刻之亦在永州

唐李坦華嚴巖題名

永州刺史李坦衡州員外司馬韓益開成五年九月二十九日

金石文編李坦題名正書四行零陵縣志坦誤垣

宗續辰金石齋零陵補志始采此刻續辰細審實乃李垣省
志以垣字恐即會昌題名坦字之誤非也惟九月作十月則
補志刻誤

金石補正李君之名瞿宗兩家互異以所得拓本審之右旁

上一畫竝無所見巨字似作足避睿宗諱改則非垣矣豈滌
樓所見獨得明顯抑為乃翁曲護之邪以垣為垣并朝陽題
名而改之武斷已甚惜不得會昌一刻證之韓益宗氏作馮
韓大謬其書之不足據亦可概見宰相世系表有李坦不詳
官職是別一人亦有李垣官至隰州刺史約計時代不符不
得據以牽合亦有韓益官至金部員外郎時代相近或即其
人

唐李坦朝陽巖題名

永州刺史李坦會昌元年三月五日游題

零陵縣志在巖絕頂揚袁枚朝陽巖詩

永州府舊志案開成五年正月武宗即位次歲改元華嚴巖
題名為五年九月此為次年三月相去數月則為一人無疑
袁詩作李坦官表尙兩存今斷從垣

案此刻未見仍據袁詩作李坦

唐李當朝陽洞詩

題朝陽洞 義陽守李當 江上朝陽洞無人肯暫過今來愜

心賞迴首戀煙蘿 奉和左丞八舅題朝陽洞 從甥前口高似

字州軍事推官鄉貢進士魏深 北闕飛新詔東山喜更過文

星動巖夢章句別松蘿

公嘗自中書舍人乘廉車問俗湖南他日宣皇帝注意急徵值

公南風中足不克見久之乃有金貂之拜泊足力如常除戶部
侍郎尋出尹河南移宣口鎮襄斜藹然襲黃之理為天下最士
君子莫不延頸企踵日望霽然為口霖雨先帝知之拜天官
氏歲餘除尙書左丞于時奸臣竊國柄凡以直道事主不附于
己者悉去之由是出牧于道道人比歲陽九之災山民熾聚為
賊且起三州之兵以翦之於是公以書先諭而招之泊到郡之
日則遣使以逆順之理告之禍福之門納之不瑩尺刃而山賊
革面皆得保生生之福耕於野而歲再稔道人由是不口口
夜吠之犬今則四凶已去八元口用之口請書其事敢為前賀
時自道移申及此拜口得歸西掖咸通十四年十一月廿五日
魏深題進士崔鵬書零陵縣令李琪鑄口處士唐元真看題口
口似判陳楚

金石審石李當詩石崔鵬正書在朝陽洞西巖絕壁上道光
丁亥始搜得之楷法遒渾有鍾王古意自來金石家未見論
及隱晦之迹久而一彰良足重矣魏深所述道州民變及當
諭降一事史志皆佚賴此得以傳之

永州府舊志案李當事無可攷其所述奸臣竊柄直道不附
者悉去之蓋指路巖章保衡諸人新唐書路巖傳云王政柅
辟宰相得用事巖顧天子荒闕以政委己乃通賂遺者肆不
法與章保衡同當國二人勢淪天下時目其黨為牛頭阿秀

言如鬼陰惡可畏也保衡恃恩據權所悅卽擢不悅擠之僖宗立爲怨家白發陰罪貶死此書事在十一月僖宗立以七月與史正合魏深雖當私親所言不妄則其諡賊之功亦可信徵矣第其書公字必空三而主字反祇空二案石本實空三格此語誤殊失倫序耳

金石補正右李當等詩并書事詩其九行行十二字書事十四行行廿一字又鐫石人名二行左行永志所載多誤茲据石本錄之金石錄目錄李舟朝陽巖詩大歷十三年九月李當牛提詩附此題詩者別一李當相距九十餘年矣唐書宰相世系表姑臧大房有李當官至刑部尙書時代相近疑卽其人申州義陽郡屬淮南道今信陽州地

火星巖石壁題刻

天下金石志唐宋名賢題識甚多在永州府

田山玉記洞門外石壁矗起鐫刻宋明遊人題識苔蘚剝蝕艱於摩認

湘僑聞見偶記火星巖在朝陽之背其地稍僻巖石削直易受風雨有六七處古刻洗剔再三不能盡識所存者宋刻而已

零虛山題刻

零陵縣志丁懋儒記卽朝陽巖次山以其東向因名朝陽遠

宋有名賢題刻巖洞右側石上得泉澗二字又其南爲聽泉亭爲小有洞爲疊翠爲聳碧爲崆峒爲淵潛洞爲卷潮峯爲石門爲芳泉亭皆勒諸石或皆唐宋之題識而姓名不聞

湖南通志卷二百六十四

湖南通志卷二百六十五

藝文志二十一 金石七

唐晤臺銘

晤臺銘有序 河南元結字次山撰 浯溪東北廿餘丈得怪

石焉周行三四百步從未申至丑寅涯壁斗絕左屬同鮮前有

磴道高八九十尺下當洞潭其勢崑嶒半出水底蒼蒼然泛泛

若在波上石顛勝異之處悉為亭堂小峯嵌竇宜閒松竹掩映

軒戶畢皆幽奇於戲古人有畜憤悶與病於時俗者力不能築

高臺以瞻眺則必山顛海畔伸頸歌吟以自暢達今取茲石將

為晤臺蓋非愁怨乃所好也銘曰 湘淵清深晤臺階峻登臨

長望無遠不盡誰厭朝市羈牽局促借君此臺壹縱心目陽崖

躡球如瑾如珉作銘刻之彰示後人 有唐大曆二年歲次丁

未六月十五日刻

集古錄跋石斯人之作非好古者不知為可愛也然來者安

知無同好邪

金石錄目晤臺銘元結撰篆書無姓名大曆二年六月

通志略晤臺銘李庾篆書在永州

弇州山人四部堂元結次山撰晤臺銘見歐陽永叔集古錄

中次山凡文多從顏尚書真卿李學士陽冰索書此篆書不

知陽冰作者或自作之次山於文爾雅然不能高而愛身後

名其銘亦類是昔杜襄陽碑峴首一絕頂一深淵曰吾懼于

秋後之陵谷也嗚呼古人之名如此

錢邦芑古蹟記晤臺之南峻厓臺起得次山晤臺銘二百一

十餘字篆書無書者姓名字闊一寸七分長二寸八分古體

清迥實為罕觀今人徒知浯溪有魯公碑蓋未覩茲刻之奇

俊也

王士禎浯溪攷案集古錄止載晤臺一銘無浯溪唐亭二銘

金石錄止載晤臺唐亭二銘亭銘注瞿令問書臺銘篆書無

名氏近日于奕正司直又僅載浯溪一銘云李康篆浯溪志

云浯溪唐亭二銘乃黃山谷與陶豫同遊按得之意歐陽作

集古錄時二銘尚幽翳荒僻未之見邪然趙明誠既錄唐亭

而遺浯溪奕正亦錄浯溪而復遺唐亭又何也又案豫章集

答長老新公書云浯溪銘筆意甚佳以字法觀之晤臺銘亦

季康篆也知金石志李乃季字之譌書又云又有袁滋篆唐

亭銘三十六行凡唐亭東厓石上刻次山文合袁滋季康篆

共七十一行山谷題壁又云唐亭東厓銘刻數百字皆江華

令瞿令問玉筋篆更不云袁滋與書語矛盾金石錄後出蓋

以題壁為據略無辨證凡此數端皆不可解聊跋次山文編

後質之博雅君子云爾

潘耒金石文字記晤臺銘刻在臺之背甚完整溪銘亭銘刻

於東厓石上隨石欹斜辭厚難搨而篆筆特佳視臺銘更勝
金石跋尾續石嵒臺銘後題大厯二年歲次丁未六月十五
日刻次山尙有浯溪唐頤二銘皆瞿令問篆書以地僻辭厚
難搨惟此銘世多有之雖不著書人姓名當亦令問筆也說
文只有浯字嵒唐則次山自出新意名之書家以其形聲相
應卽依偏旁而爲之篆所謂自我作古也李少溫名陽冰本
取木華海賦陽冰不冶之義其兄澥字堅冰皆冰雪之冰也
而少溫書名亦從俗作冰蓋由楷書借冰爲久相承已久章
奏告身既用冰字篆書不便更易故爾

金石萃編案嵒臺之嵒字與唐亭之唐字皆不見於說文臺
與亭似因浯溪得名則字體亦出次山新意爲之凡水之以
浯字得名者有三說文浯水出琅邪靈門壺山東北入淮此
別是山左之浯水若浯溪則在今湖南永州府祁陽縣在唐
時屬江南西道永州零陵郡又今福建泉州府有浯江見陳
懋仁泉南雜志蓋同一浯字地分三處異其名也方輿紀要
浯溪在祁陽縣南五里山溪諸水匯流於此稱爲奇勝流入
湘江唐元結自道州歸愛其山川家於此今浯溪磨厓碑結
所撰中興碑也而獨不及嵒臺銘及浯溪唐亭二銘殆惟搨
者所不易到耶碑題河南元結字次山撰舊唐書無元結傳
新唐書有之其官道州刺史不詳何年玩傳語是代宗卽位

後之事自宋吳曾以下多言次山愛祁陽山水遂寓居焉顧
祖禹則云自道州歸愛其山水家於此傳不言結寓居浯溪
而未云罷還京師且此碑銘序亦無家居之語則非家於浯
溪者顯然据次山集次山嘗僦居瑞昌之瀼溪上因自號瀼
溪居士有詩云尤愛一溪水而能存讓名則次山所居者瀼
溪也溪在今江西九江府之瑞昌縣與永州隔遠惟其官道
州時或是愛浯溪山水常來登眺因而刻銘刻頌蓋道與永
相距不遠也顧氏諸說殆沿舊志之譌銘文篆書無姓名銘
中書體不合六書者如涯嵌銘三字皆徐鉉說文新附字涯
當作厓嵌當作嵌見集韻銘當作名春官小祝注今書銘或
作名既夕禮大喪禮注並云今文銘皆作名是其證也峯借
二字亦徐氏所補鈕布衣樹玉云峯疑封之俗字漢書司馬
相如傳云歷封巒又云論以封巒義雖不同或後人本此作
峯耳封亦有高義漢書西域傳出封牛師古曰封牛頂上隆
起者也集韻峯或作峯又與封之古文圭形相似也借當作
藉抑詩借曰未知漢書霍光傳引作藉曰又趙充國傳遣使
至匈奴藉兵師古曰藉借也司馬相如傳乃著書藉易父老
爲辭師古曰藉假也溪磴礪礪皆俗字又銘文云三四百步
百字竟書作自亦所未詳案百字作自字
平津讀碑記文云左屬回鮮爾雅小山別大山鮮釋文引李

巡云大山少故曰鮮毛詩公劉傳嶽小山別於大山也古與嶽字通用

金石文編嶽臺銘首尾共十五行文首二行十五字餘行皆十七字因就厓石高低鑄鑿故二行獨參差不齊篆書無姓名結體頗類涪溪銘或如山谷所云一人之筆也書多俗體不合六書之旨王述尙少司寇據說文等書正之是也而云百竟作自今細審石文似自上有一畫作百亦百字之謬體也厓字從水從山皆係俗體而此刻序既作涪銘又作厓至暢達之暢說文作暢乃從田旁後代書家於田字中豎偶出頭尾作申因相沿從申旁與未申之申從曰從一者不同而此序暢字偏旁竟似從申之古文作厓則又謬之尤甚者祁陽縣志載此文廿餘文誤作三十餘丈三四百步誤作三百餘步蒼蒼然脫蒼字重文宜開松竹誤作其間松竹古人有齋憤悶脫去有字湘淵清深之深誤作溪壹縱心目之壹誤作以賴石刻無恙可據以正之也王阮亭尚書謂金石錄止載嶽臺唐亭二銘亭銘注瞿令問書臺銘篆書無名氏予案家藏舊鈔本金石錄目錄第一千四百一唐亭銘之唐作容下注元結撰瞿令問篆永泰二年十一月今唐亭銘石刻後題大歷二年歲次戊申閏口月亭名年月俱不相符又案輿地紀勝引圖經云江華令瞿君善篆籀元次山陽華巖等銘

窳尊銘舜廟狀舜祠表寒亭記皆其所書集古錄云並永泰二年刻云云獨不數唐亭銘何邪外舅錢少詹先生謂唐順之順次山本用說文高字或體與亭字義別俗儒誤讀為亭予攷窳尊銘文有為亭尊上句令問公書亭作宿其字下亦從俱但變尸為耳又大和四年李諒湘中紀行詩有唐亭仰文哲句正書作亭字恐次山當日日本以亭字名之第篆書者用古文寫之耳攷次山所作亭文於唐亭銘之外祇有寒亭記則知金石錄所載永泰二年瞿令問書容亭銘即寒亭記之誤也鈔本誤寒為容又誤記為銘阮亭遂誤以唐亭銘當之以至議論轉難於定斷竝疑與山谷答新公書語不合矣又攷次山別有東厓銘石刻載朱長文碑文攷山谷題記所云唐亭東厓銘刻皆江華令玉筋篆者當指東厓銘而言竝非與書有矛盾處阮亭特攷之未審耳

唐唐亭銘

唐順銘有袁滋上下俱涪溪之口有異石焉高六十餘尺周回四十餘步山面在江中東望嶽臺北面臨大淵南枕涪溪唐亭當厓石上異木夾戶疎竹旁檐瀛洲言无由此可信若在亭上目所厭者遠山清川耳所厭者水聲松歛霜朝厭者寒日方暑厭者清風於厓厭不厭也厭猶愛也命曰唐亭旌獨有也銘曰功名之伍貴得茅土林楚之客所耽水石年將五十始

有唐亭恆心自適與世忘情亭旁石上篆刻此銘 有唐大歷三年歲次戊申閏八月九日 林雲刻

金石跋尾續右唐頌銘其文自左而右篆法與晤臺銘相似而字較小說文高小堂也或作頌讀去頌切與亭字音義各別次山此銘本是頌字俗儒罕通六書誤讀爲唐亭失之遠矣碑書厭爲尙蓋取省文但厭當從甘此卻從白未合六書之旨

平津讀碑記錢辛楣少詹謂厭當從甘此卻从白未合六書之旨諦視此碑冒字七見皆从甘少詹之言蓋失之或釋謂此可信作謬此可伯亦非

金石文編唐亭銘篆書其敘與銘及年月日刻人姓名共三十行又前標題爲一行唐亭銘三字徑二寸強標題之後約有五行應是次山及書人官銜姓名而第五行有袁滋二字尙可辨餘皆模糊不清卽山谷與新公書所云爲厓灑所敗也統計行數正與山谷言三十六行合其字則皆徑一寸二分此此刻歐趙二公皆未見王阮亭先生誤以金石錄所載永泰二年瞿令問所書之寒亭記當之于於晤臺銘跋中已詳之矣攷輿地紀勝謂寒亭在江華縣隔江瞿令問棧險道入洞穴作亭石上元次山大暑登之疑時將寒故云又宋蔣之奇暖谷銘序亦謂永泰中元次山爲道州刺史嘗巡行江

華登縣南之亭愛其水石之勝嘗暑而寒遂命之曰寒亭而爲之記刻石在焉蓋次山官道州刺史時令問公作江華令其銘故卽令問公篆書今道州有公所書窾尊銘石刻後題□□二年十一月紀年二字已漫漶而据歐公集古錄則此銘與陽華巖銘皆永泰二年令問公所書也寒亭記亦刻於是年十一月與窾尊銘同至涪溪諸刻有年月可攷者如晤臺銘爲大歷二年唐亭銘爲大歷三年右堂銘爲大歷六年中興頌刻於大歷六年皆非永泰二年則知趙德甫所載永泰二年令問公所書者必非唐亭銘矣又山谷謂此銘袁滋篆今審石刻袁滋二字姓名顯然可辨其非令問公書更無疑義攷唐書袁滋傳字德深蔡州朗山人彊學博記少依道州刺史元結讀書自解其義結重之歷官至中書侍郎同門下平章事後終湖南觀察使工篆隸有古法此銘書於大歷三年尙在建中元年前十三年蓋正德深依次山於道州讀書時也篆書多用古籀結構頗似石鼓文其書戶作屎遠作趙風作風與作夔從青之字作岑皆用古文申作昌用籀文竝見許氏說文將字作廌乃借用古文醬字又乃五之古文此卽借作伍字高字或作頌乃從廣頌此從厂價爲異鼓吹之吹依說文作歛此依周禮用省文作歛其餘高作意州作从由作皓若作嚳狀作冑貴作鑿多有見於汗簡及古文

四聲韻二書中者祁陽縣志載此文山面在江中句誤作西面在江口北面臨大淵句脫去面字若在亭上句在下行平

金石補正先後得拓四五本再四細審標題第一字似作水旁與前人所言者殊第三行有一泰字可辨與五行滋字齊否泰上僅存下半子字第五行袁滋上有一君字皆前人所未審出者標題後五行之右似尚有兩行以山谷所言三十六行又不應有紙幅有接縫痕或分紙推拓黏連時誤多之或有空行無字均未可定亭古作廡出碧落文又作頤出義雲章並見汗簡瞿氏謂次山本以亭名篆書者用古文寫之其說近是諸家記載瞿氏最詳亦有未盡細審者如从青之字用古文而小變之作𠄎𠄎申用籀文而小變之作𠄎𠄎吹用古文而小變之作𠄎𠄎瞿氏則以為作𠄎𠄎作𠄎𠄎也𠄎𠄎字作𠄎𠄎者二作𠄎𠄎者二瞿氏概以為从厂價也𠄎𠄎字作𠄎𠄎者三作𠄎𠄎者各二並不作𠄎𠄎瞿氏概以為作𠄎𠄎也洪氏以為皆从甘亦非謂此可信諸家或釋謂為由瞿氏云由作𠄎𠄎細審之左旁作𠄎𠄎中雖已磨滅其為𠄎𠄎字無疑右考作𠄎𠄎上不作止下巴字稍泐其為𠄎𠄎字無疑瀛洲言无之无疑非本字特不知何字之古文耳

唐右堂銘

右堂銘 元結字次山撰 大曆六年歲次辛亥閏三月

金石錄唐右堂銘元結撰篆書無姓名大曆六年閏三月

墨池編右堂銘元結撰高重明書

涪溪攷案山谷題壁有所謂右堂銘者今次山文編不載金石錄僅列其目皆無可攷而墨池編以為高重明書不知何

據 宋涪溪新志右堂銘在今勝異亭後高三尺餘廣二尺字皆漫滅僅存右堂銘篆書三字字約二寸許左有大曆六年

四字右有元結字次山撰六字尚可識

金石文編右右堂銘正書左行字多剝蝕不可讀惟右堂在

中堂之西七字可辨首尾其十六行其序及銘十四行行九

字末行約止三四字文之前二行首行低一字題右堂銘三

字次行低三字題元結字次山撰六字文之後二行皆低一

字題大曆六年歲次辛亥閏三月月下尚有數字已磨滅矣

字徑八分許文首行標右堂銘三字而當文之中六行上又

橫題篆書右堂銘三字作額字長徑三寸許橫徑二三寸亦

左行筆法絕似嵒臺銘疑出一人之手案此刻始著錄於趙

德甫金石錄云篆書無姓名朱長文墨池編則云高重明書

不言是篆是正今以石刻證之知趙氏誤也石刻年月下及

不言是篆是正今以石刻證之知趙氏誤也石刻年月下及

後行皆漫漶書人姓名有無不可辨未知朱氏之言是否攷
次山文編未載右堂銘前人又未有著錄全文者予身至涪
溪訪得於勝異亭之後亟命工人椎拓數本其文首云右堂
在中堂之西攷宋皇祐中孫適三絕堂記云東厓之嶺次山
嘗銘右堂又元至元中王榮忠重建笑峴亭記云笑峴亭者
次山元水部右堂之故基也自次山後其堂遂圯至宋熙寧
間邑侯莆田蔡君瓊作亭於其上更名曰笑峴云云今石刻
在岨臺之上勝異亭之後想即當時右堂之故址也宋以來
著錄金石家及縣志溪志從未言次山之有中堂今據此文
則有中堂明矣又見存磨厓石刻宋湖南轉運判官屯田郎
中沈紳題名云治平四年孟春丙子訪涪溪元子次山故居
讀中興頌岨臺中堂右堂三銘云云然則次山亦嘗爲中堂
作銘刻石無疑矣右堂銘之石高出地約二尺半厚不及五
寸上圓而下直其右另有一石下與此石連而稍低予細審
並無文字乃題名於上募工刻之及刻竣拓視微見楷書字
迹頗類右堂銘字小不及半而一字不可辨識爲恨且悔予
之題刻鹵莽也故并書於此以志予過予有涪溪雜詠絕句
云德甫雖然攷錄精右堂銘欠認分明後人競撰涪溪志未
爲中堂一表名非敢訾議前賢實歎讀書稽古之不易云
金石補正右右堂銘漫漶已甚諦審再四所謂首行標題右

堂銘三字者已不可見二行爲元結字次山撰六字三行見
右堂在中堂之西七字四行見南隅二字十五行見是者勒
三字十七行爲大曆六年歲次辛亥閏九月十八行見三月
高明書五字知墨池編謂高重明書其言可據也橫額三篆
字橫徑寸四五分瞿氏以爲二三分非脫一寸字即誤寸爲
二行數字數瞿氏亦均誤余覓拓此碑三年而得之惜漫漶
不能卒讀較諸瞿氏所載止多八字耳

唐中興頌

大唐中興頌

尚書水部員外郎兼殿中侍御史荆南節

度判官元結撰

金紫光祿大夫前行撫州刺史上柱國魯郡

開國公顏真卿書

天寶十四年安祿山陷洛陽明年陷長安

天子幸蜀太子卽位於靈武明年皇帝移軍鳳翔其季復兩京

上皇還京師於戲前代帝王有盛德大業者必見于歌頌若今

歌頌大業刻之金石非老於文學其誰宜爲頌曰 噫嘻前朝

孽臣姦驕爲幟爲妖邊將騁兵毒亂國經羣生失甯大駕南巡

百僚竄身奉賊稱臣天將昌唐繫睨我皇匹馬北方獨立一呼

千麾萬旗戎卒前驅我師其東儲皇撫戎蕩攘羣兇復復指期

會不逾時有國無之事有至難宗廟再安二聖重歡地闢天開

獨除秋災瑞慶大來凶徒逆僞涵濡天休死生堪羞功勞位尊

忠烈名存澤流子孫盛德之興山高日昇萬福是膺能令大君

聲容云云不在斯文湘江東西中直涪溪石崖天齊可磨可鏤刊此頌焉何千萬年 上元二年秋八月撰大曆六年夏六月刻

集古錄跋右大唐中興頌元結撰顏真卿書書字尤奇偉而文詞古雅世多模以黃絹為圖障碑在永州磨崖石而刻之模打既多石亦殘缺今世人所傳字畫完好者多是傳模補足非其真者此本得自故西京留臺御史李建中家蓋四十年前崖石真本也尤為難得爾
金石錄大唐中興頌元結撰顏真卿正書大曆六年六月磨崖刻在永州

輿地碑目在祁陽涪溪石崖上俗謂之磨崖碑又案練潛曰熙甯間作笑峴亭記曰次山文適勁魯公筆畫□□皆有以驚動人耳目故中興頌實之中州士大夫家而涪溪之名因人稱著案永明縣屬嚴有練潛夫人稱著詩此潛下缺字當是夫

廣川書跋中興頌刻永州涪溪上斷其崖石書之刺史元結撰結以能文卓然振起衰陋自以老於文學故頌國之中興頌成乞書顏大師大師以書名時而此尤瑰璋故世貴之今數百年蘇封莓固遠望雲煙外至者仰而玩之其亦天下之偉觀者邪嘗謂唐之文敝極矣結以古學為天下倡首芟擢蓬艾奮然拔出數百年外故其言危苦險絕略無時習態氣

質奇古踔厲自將嘗曰山蒼然一形水泠然一色大抵以簡潔為主韓退之評其文謂以所能鳴者余謂唐之古文自結始至愈而後大成也

容齋五筆元結作中興頌所書天子幸蜀天子即位於靈武直指其事殆與洪範云武王勝殷殺討之詞同其詞曰事有至難宗廟再安二聖重權言重權則知其不懼多矣

騷錄乾道癸卯二月十九日游涪溪涪溪近山石澗也噴薄有聲流出江中臨江石崖數壁纒高尋丈中興頌在最大一壁之上餘石無幾所謂石崖與天齊者或謂是天然整齊之義

能改齋漫錄湖南涪溪在永州北一百餘里流入湘江其溪水石奇絕唐上元中邕管經略使元結罷任居焉以其所著中興頌刻之崖石撫州刺史顏真卿書

玉堂佳話劉太保云中興頌雄偉如驅之一字若千金駿馬倚邱山而立

陵川集書至於顏魯公魯公之書又至於中興頌故為書家規矩準繩之大匠河朔嘗見三數本皆完好而森森如劍戟有不可犯之色今得此本頗為殘缺既裝楷則反得石中韻勝乃知崖角頑弊本真全露有李白所謂秋水出芙蓉天然去雕飾者尤可賞激也

石墨鐫華磨厓中興頌碑自歐陽公集古錄已謂其歲久剝裂字多缺殘好事者以墨增補之王元美最博雅乃云字畫方正平穩不露筋骨當爲魯公法書第一豈元美所見乃厓石真本耶余獲一紙恐是棗刻雖筋骨不露而神氣全亡惜不得至永州厓下一證之

金石文字記宋馬永卿曰中興頌云復復指期此兩字出漢書匡衡傳云所更或不可行而復復之注云下復扶目反又何武爲九卿時奏言宜置三公官又與翟方進共奏罷刺史更置州牧後皆復復故注云依其舊也下復扶目反

錢邦芑浯溪記磨厓碑以今尺較之高八尺五寸闊九尺許其文卽次山大唐中興頌顏魯公所書也字形大四寸七分爲平原生平第一得意書亦元公之文有以助其筆力故與山水相映發耳

潘耒遂初堂集浯溪遠望之石壁嶙峋如屏如闕近視之嵌空玲瓏疊峯而多穴石質類太湖復類靈壁面背皆奇隨步異態設窮人巧爲假山未有能髣髴者岸畔槎枒老樹交柯垂陰蒼藤倒挂瓔珞百千清溪一綫注於江觸石而墜有聲鏘然境致清絕元次山罷道州樂其幽勝遂移家焉一水一石各爲之銘又乞顏魯公書其所作中興頌鐫諸崖壁劉青黎金石續錄唐中興頌刻於永州浯溪厓上上元二年

秋八月元結撰顏真卿書大曆六年夏六月刻魯公諸碑無大於此者歐公云模打既多石亦殘缺世人所傳完好者多是傳模補足非其真者故子函疑王元美所獲恐是棗刻余所見亦完好只缺一字耳訪之曾遊此地者皆云崖石如故不知歐公何以云爾案序天子幸蜀太子卽位靈武二語据事直書而褒貶昭然後來作者惟山谷能暢其旨余嘗有靈武樂府云靈武帝苦太早胡不延侯冊寶南京使到差晚已尊上方相裴冕三十六日須與耳可惜草草作天子七寶雕鞞爲誰頌樹雞無聲日對壘牝味奪晨又一時飛龍小兒相表裏阿瞞歸來甘露閉枉著山人費身齒鶴駕雞鳴望眼穿白首拾遺痛欲死意亦相同而筆力去十舍矣

金石萃編案顏頌者元結新唐書傳史思明亂命結發軍挫賊南鋒結屯洛陽守險全十五城以討賊功遷監察御史裏行荆南節度使呂諲請益兵拒賊帝進結水部員外郎佐諲府與碑題銜合呂諲傳稱上元初拜荆州長史禮朗峽忠等五州節度使則結之爲判官亦在其時頌撰於上元二年正與兩傳合也碑題顏真卿書末云大曆六年夏六月刻顏真卿官撫州刺史亦在大曆六年則是元結撰頌後十年而後書且刻也碑頌肅宗中興卽位靈武收復兩京上皇還京等事唐書肅宗本紀至德二載十二月丙午上皇天帝至自蜀

郡則撰頌又在還京後四年頌磨厓在祁陽縣浯溪結判荆南時寓居於此其刻岵臺銘在大歷二年浯溪銘磨亭銘俱在大歷三年不知何以刻此頌獨遲至大歷六年也此碑為昶族姪宸官永州知府及小門生林崑瓊知永明縣先後以捐本見貽較之外間傳本最為精審至次山此頌竝無春秋譏刺之意山谷所言殊不足憑

國朝王文簡公士禎所作磨厓碑詩議論頗正附錄於後云有客新自湘江歸登堂示我浯溪碑芒寒色正三百字忠義之氣何淋漓白日行天破幽暗走避罔兩潛神夔憶昔天寶初喪亂漁陽突騎如飈馳二十四郡少義士平原太守獨誓師平生不識顏真卿乃能一木支傾危清河年少氣慷慨十歲作質平盧兒中興大業起靈武功成不死神扶持道州刺史昔漫叟振筆大放瓊瑤詞請公磨厓書絕壁鐫鑿千仞青雲梯蠻煙瘴雨不剝蝕萬古照曜天南陲昨者劇賊亂滇海盜據衡永為根基太平祭告徧羣望山川一洗無磷緇宜有雄詞繼前代磨厓重刻浯溪碑

舊浯溪志厓石在浯溪之東北高二十餘丈橫闊二十餘丈厓顛多老樹瘦藤其下三丈許平坦如削石色清潤元次山因安史既平作大唐中興頌請顏魯公楷書鐫於厓壁上共三百三十二字大四寸五分是魯公生平第一得意書

金石文編右顏魯公書中興頌在浯溪磨厓石刻之縱橫九尺二寸文與前後題款其二十一行行二十字正書左行孫氏星衍寶宇訪碑錄載四川劍州有此碑翻刻本案四川通志在劍州之鶴鳴山案四川有三本一在劍州鶴鳴山一在資州北岩一在資州東岩

唐浯溪銘

浯溪銘有序

道州刺史河南元結字次山撰

篆此字之上文已漫漶

浯溪在湘水之南北匯於湘愛其勝異遂家溪畔溪世無名稱者焉為自愛之故命曰浯溪銘□□□銘曰 湘水一曲淵回旁山山開石門溪流潺潺山開如何巉巖雙石臨淵斷崖隔溪絕壁山實殊怪石又尤異吾欲求退將老茲地溪古荒蕪蕪沒蓋久命曰浯溪旌吾獨有人誰遊之銘在溪口

通志略浯溪銘李庚篆書在永州碑文攷李庚作李康

黃山谷答新公書專人辱書勤懇竝惠送季康篆元中丞浯溪銘筆意甚佳以字法觀之岵臺銘亦季康篆也然猶有袁

滋唐亭銘三十六行何不見惠滋唐相也他處未嘗見篆文此獨有之可貴也凡唐亭之東厓石上刻次山文合袁滋季康篆共七十一行為厓溜檐水所敗當日不如一日矣若費三十竿大竹作廈更以吞槽走檐下其下開撤沙土見厓令走水快亦使元公房祠乾潔院門免時有聒噪也 天下金石志唐浯溪銘李康篆

菽園雜記涪溪晤臺唐亭皆在今永州府祁陽縣治南五里
唐元結次山愛其勝異遂家其處命名制字皆始於結字從
水從山從广曰吾者旌吾獨有也案晤唐字韻書無之蓋制
自次山涪本瑯琊水名古有此字湘江之溪命名涪則自次
山耳

涪溪攷案豫章集答長老新公書云涪溪銘筆意甚佳以字
法觀之晤亭銘亦季康篆也知金石志李乃季字之謬書
錢邦芑古蹟記唐亭銘猶刻在平厓涪溪銘石面凸凹字亦
大小長短橫斜不一應是厓石生長以致字形改變耳

涪溪新志案晤臺銘篆書石刻無姓名其後黃山谷趙德甫
王弁州紛紛異說王阮亭亦再三辨證無所得攷

欽定佩文齋書譜載金石略云唐永州涪溪銘晤臺銘並李庚
篆書唐書宗室世系表李庚爲襄邑恭王神符之後湖南觀
察使兼御史中丞唐書家中並無李康名亦無所爲季康者
阮亭以李字爲季字之譌今始知李字未譌而康字乃庚字
之譌耳山谷云以書法觀之晤臺銘亦季康所書則其筆意
相似固出一人手也李陽冰篆書號爲神品瞿令問袁滋亦
工篆然諸書未有言爲次山書涪溪銘者則此刻應據鄭樵
金石略屬之李庚爲確漁仲精於論古良不誣矣
平津讀碑記石涪溪銘銘後有釋文并權克謹等題名次山

集中有此文淵回集本作淵洞多石作雙石斷崖作斷岸隔
溪作夾溪於茲作茲地釋文與集本同惟斷岸作斷岑

金石文編涪溪銘首尾三十五行行四五字不等篆書無年
月首有次山銜名三行次爲篆書人銜名二行已漫漶殆盡
僅存一篆字可辨此刻集古金石二錄皆不載近代金石家
亦甚著錄因其橫鑄厓石低凹不平且爲厓酒所敗多漫漶
剝蝕故搨本難得予親至厓下用薄紙手自椎拓方能審辨
就篆體論之此刻形長而圓似李斯小篆而豎筆下尖如錐
唐亭銘則體方不尖文多用古篆至我家令問公所書窠尊
銘近類唐亭而豎筆又帶尖爲異知此銘必別是一人所書
矣晤臺銘與此字形絕相似惟結體方而不圓微有不同山
谷云晤臺銘亦季康篆其言似屬可據當從金石略及涪溪
新志以正季康爲李庚二字之譌計此銘共三十五行涪溪
銘共三十六行正合山谷所云合袁滋季康篆七十一行之
數祁陽縣志錄其文多脫誤世無名稱者焉句脫者焉二字
銘曰之上脫銘□□□句溪古荒蕪蕪沒蓋久譌作溪古地
荒蕪沒已久皆當據石刻正之攷山谷遊愚溪詩有云下入
朝陽巖次山有銘鐫辭石破篆文不辨瞿李袁陳后山注謂
李乃陽冰袁氏未詳予疑李即李庚袁即袁滋耳
金石補正銘曰上有口字可補湖南舊通志之闕山實殊怪

山誤作水亦宜校正府志與省志同

涪溪銘釋文

○水一曲淵洞旁山山開○溪流潺潺山開○何巉巖雙石
臨淵斷岑夾溪絕○實殊怪石又尤異吾欲求退○
溪古荒溪蕪沒蓋久命曰涪溪○吾○人誰遊之銘在溪○
金石文編涪溪中興頌石刻側直抗邱存節等殘題名後有
正書元次山涪溪銘釋文四行已殘缺似是舊刻隔溪誤作
夾溪荒蕪誤作荒溪

唐東厓銘并序

碑文攷元結撰

舊涪溪志元次山家涪溪作三吾及東厓寒泉諸銘皆刻於
石後人遊記只見晤臺一銘餘皆不可得付之惋惜會修志
於中宮寺銳意搜討得溪亭二銘及山谷老人書後一百九
字至東厓寒泉二銘終不可復見風雨剝蝕或後經剗削代
以己刻未可知也今三銘以藏於荆棘中幸得保全後之君
子加意珍護毋使名賢真蹟湮以消沒是好古者所三致意
已

嘉慶通志案此刻僅見於朱長文碑文攷又不著書人姓名
及年月山谷涪溪題記所云最後於唐亭東厓披荆榛穢得
次山銘刻數百字皆江華令龔令問玉筋篆筆畫深穩優於

晤臺銘者恐即指此銘而言也文載祁陽縣志

唐中堂銘

案中堂銘在涪溪見宋治平四年沈紳題名金石文編攷
之甚詳但其文已佚耳

唐寒泉銘

涪溪志元結撰

唐韋武涪溪題名

建中三年秋八月廿三日○兆章武記

金石補正右韋武題名一行在中興頌左同治甲戌秋始搜
出之字畫瘦挺將近平曼矣案韋蘇州之從祖昆弟有名武
者官至京兆尹御史中丞見宰相世系表疑即其人

唐杜傑等涪溪題名

杜傑杜例貞元十八年三月十五日時討幽奇同遊至此

孫星衍寰宇訪碑錄正書在祁陽縣

涪溪新志在磨厓右

唐覃季子墓銘

祁陽縣志柳宗元撰

唐修涪溪記竝元友讓詩

修涪溪記 元公再臨道州有燿伏亂活之恩封部歌吟旁夾
于承故去此五十年而俚俗猶知敬慕凡琴堂水齋珍植嘉卉

雖欵傾荒翳終樵采不及馬仁聲之感物也如此今年春公季子友讓以遜敏知治術爲觀察使袁公所厚用前寶鼎尉假道州長史路出亭下維舟感泣以簡書程責之不違也乃罄微資俸託所部祁陽長豆盧下字歸嘉獲私尙會余亦以恩例自道州司馬移佐江州帆風檝流相下字畢寶鼎竦然曰茲亭卅治之始旣銘於巖側矣至於水石之秀賦咏所及則家集存焉然自空闕時餘四紀士林經過翰相屬今圻壤移舊手筆亡矣將編於左方用存此亭故事旣適相會盍爲志焉余嘉其損約貧寓而能以章復舊志爲急思有以白之故不得用質俚辭命元和十三年十二月六日江州員外司馬韋詞記

余自朗州刺史以奉法不謹謫佐于道去年五月四日維舟於此負罪奔迫不及題記故於簡餘書之 寶歷元年五月廿三日涪溪山客元友讓建 襄陽羅洵書 隴西安政興鐫
復涪溪舊居 涪溪山客元友讓 昔到纔三歲今來鬢已蒼
剝苔看篆字雜草覓書堂引客登臺上呼童掃樹旁石渠疏擁水門逕刷蕪篁田地潛更主林園盡廢荒悲涼問耆畫疆界指垂楊

金石錄目章詞撰羅洵正書寶歷元年五月

寶刻類編在永州

金石萃編案此碑金石錄墨池編二書皆著錄撰記者韋詞

書者羅洵兩唐書皆無傳此碑題曰修涪溪記蓋涪溪爲元結所嘗居逾五十年季子友讓官道州長史重到涪溪修其舊居而韋詞記之也唐書元結傳稱結拜道州刺史請免百姓所負租稅及租庸使和市雜物十三萬緡又爲民營舍給田免徭役流亡歸者萬餘卽碑所云元公再臨道州有嫗伏亂活之恩封部歌吟去此五十年俚俗猶知敬慕也但傳未嘗有再臨道州之事又不載結有幾子賴此碑知友讓爲季子其長子友直次子友正竝見元次山集中記後刻友讓一詩見全唐詩與此同而題曰復游涪溪此刻題曰復涪溪舊居詳玩詩意云覓書堂云田地更主林園廢荒云壇界指垂楊則是經營復舊之事爲多不止於復游而已詩首云昔到纔三歲今來鬢已蒼可知友讓是時亦五十餘歲矣記云路出亭下維舟感泣殆卽唐亭也又稱友讓用前寶鼎尉假道州長史是其歷官也而年月下自署但云涪溪山客殆以此爲自號歟然以自號冠於姓名之上則始見於此
金石文編修涪溪記碑章詞撰羅洵書共十六行每行三十三字正書涪溪諸題詠俱係磨厓鐫鑿獨此係另刻碑石嵌置厓壁觀其字迹不似唐時原刻疑後代好事者爲之其章詞記後附元友讓題語題語之後始署書人羅洵姓名後又附元友讓復涪溪舊居五言律詩敘次無倫款式不雅可疑

一也豆盧下空六字及相字下畢字上空六字語氣不相屬可疑二也又据韋詞記元友讓假道州長史維舟亭下在憲宗元和十三年春而友讓題語在敬宗寶曆元年上距已逾六年而云去年五月維舟於此可疑三也其記文云士林經過篇翰相屬今坊垣移舊手筆亡矣將編於左方用存此亭故事題語云負罪奔迫不及題記故於簡餘書之細玩語意似記文為友讓編集涪溪諸名人題詠成書而作並非專為修復涪溪也種種可疑必非原刻碑後又有宋皇祐時人王仁壽篆書題名十九字亦不類為涪溪而題之語恐此碑即其所刻至王侍郎昶謂傳未嘗有再臨道州之事攷元次山於代宗永泰中為道州刺史先於肅宗上元間以水部員外郎佐荆南節度使呂諲府其時或曾經游歷涪溪亦未可定今縣志溪志俱改為元公刺道州皆非是韋詞字踐之官至湖南觀察使見唐書宰相世系表楊於陵為嶺南節度使辟詞與李翱在幕府咨訪得失見於陵傳又案舊唐書韋詞傳字踐之祖君今本誤卿洛陽丞父胡官至侍御史傳稱詞少以兩經擢第判入等為秘書省校書郎貞元末東都留守韋夏卿辟為從事後累佐使府皆以參畫稱職元和九年自藍田令入拜御史以事累出為朗州刺史再貶江州司馬長慶初韋處厚路隨素知詞有文學理行亟稱薦之擢為戶

部員外郎轉刑部郎中充京西北和糴使尋為戶部郎中兼御史中丞充鹽鐵副使轉吏部郎中文宗即位與李翱同拜中書舍人出為潭州刺史御史中丞湖南觀察使在鎮二年吏民稱治大和四年卒時年五十八贈右散騎常侍案其歷官年月約略與石刻合惟石刻云以恩例自道州司馬移佐江州則詞先為道州司馬後改江州而傳不書者蓋以再貶二字括之也攷劉禹錫撰詞父翊墓志趙德甫金石錄跋之云翊有子詞仕為湖南觀察使舊史有傳而新史無之墓志云翊父卿而傳作君卿墓志云翊官殿中侍御史而傳作侍御史皆非也中溶案新史宰相世系表詞父名缺亦書其官為侍御史又書其祖名幼卿即刻本而非君卿官洛陽令而非丞與墓志舊史又多不合然表列幼卿之兄名幼成弟一名幼奇一名幼章則似以幼字為排行者恐舊史亦未盡得實今舊史刻本章詞名誤作辭故金石萃編謂兩唐書皆無傳蓋偶未深攷耳唐制左遷謫降官授州刺史司馬者皆員外置詞以事貶為此官故自署江州員外司馬蘇子瞻謫授黃州團練副使不得簽書公事其詩有俗客不妨員外置之句可見宋時亦沿其例云

金石補正通志金石略碑文攷均作羅涓書碑非原刻未知孰誤然趙書固作涓也湖南志職官詞作辭蓋本唐書此作

詞疑是模刻之誤

唐皇甫湜浯溪詩

次山有文章可惋只在碎然長於指敘約潔多餘態心語適相應出句多分外於諸作者間拔戟成一隊中行雖富劇粹美君可益子昂感遇佳未若君雅裁退之全而神上與千年對李杜才海翻高下非可概文於一氣閒為物莫與大先王路不荒豈不仰吾輩石屏立衙衙溪口嘯素瀨我思何人知徒倚如有賴侍御史內供奉皇甫湜書新元

容齋隨筆皇甫湜李翱雖為韓門弟子而皆不能詩浯溪石

閒有湜一詩為元結而作其辭云云味此詩乃論唐人文章

耳風格殊無可采也

漁隱叢話皇甫湜浯溪頌云次山有文章可惋只在碎亦善

評文者

放翁跋皇甫文集右一詩在浯溪中興頌傍石閒持正集中無詩詩見於世者此一篇耳然自是傑作近時有容齋隨筆亦載此詩乃云風格殊無可采人之所見恐不應如此或是傳寫誤爾

金石萃編案此詩缺泐三字今檢全唐詩補注於旁標題題浯溪石四字而詩首句云次山有文章似係贊美元次山之

中興頌也然意無專指惟石屏立衙衙溪口嘯素瀨是即指

刻中興頌之石屏也此刻與全唐詩不同者二字溪口嘯素瀨徒倚如有賴全唐詩嘯作揚賴作待當是傳本有別也詩末題曰侍御史內供奉皇甫湜書新唐書傳湜字持正睦州新安人擢進士第為陸渾尉仕至工部郎中東都留守裴度辟為判官其官侍御史內供奉傳所不載其書此詩亦無歲月因附元和之末持正在元和時最有文名幾與昌黎相等觀昌黎和其陸渾山火詩其能為長篇可見然多不見於世惟石刻中有此一詩洵可寶也

金石文編浯溪屋閒有皇甫湜詩刻十二行每行十一字正書洪容齋陸放翁俱有題跋趙德甫金石錄亦載其目無年月容齋隨筆錄其全篇嘯素瀨作揚素瀨如有賴之賴作待與全唐詩同知全唐詩即以洪為藍本也石刻完好無缺中行下有小注蘇頌二字金石萃編偶遺之又末題衙名下書字已漫漶細審石刻其下尚有小注數字亦磨滅僅存新元二字可辨浯溪新志君可蓋作見冠蓋一氣閒作兩氣閒皆非是

金石補正萃編列元和末按金石錄目載皇甫湜撰衡嶽寺瑗公碑為大和三年是持正至湖南在大和閒此詩當作於是時祁陽志載此多餘態多作有餘同溪志此詩經後人修刻尚不全失真面目

唐李諒湘中紀行詩

湘中紀行 湘江永州路水碧山翠兀古木暗魚潭陰雲起龍窟峻屏夾澄澈怪石生溪渤巨艦時迴迴輕舸已超忽疾如奔羽翼清可鑿毛髮寂寞榜漁舟逶迤逗商筏我行十月杪猿嘯中夜發楓葉寒始丹菊花冬未歇凝流綠可染積翠浮堪擷峭嶠每驚新幽奇信誇絕稠峯疊玉嶂淺浪翻殘雪石鷺雨中飛霜鴻雲外別迴雁泝河已勞苦覽還愉悅鶴嶺訪胎仙志靜得仙處唐音亭仰文哲中丞大山所居元川開有漁釣山上多薇蕨無以佐雍熙何如養疵拙安人苟有績撫已行將盡此路好乘桴吾其謝鞿大和四年十月廿五日桂管都防禦觀察處置等使桂州刺史兼御史大夫李諒過此偶題并領男穎同登覽

寶刻類編湘中紀行李諒撰并書大和四年十月廿五日在永州

金石萃編案李諒兩唐書無傳全唐詩有其人小傳稱諒字復言三宰劇邑再為郡牧終京兆尹而不詳所牧何郡所載詩但有蘇州元日郡齋感懷寄越州元相公杭州白舍人詩一首題下注云時長慶四年也而不載此詩詩中缺泐無從校補此詩題曰湘中紀行是官桂州刺史道經永州題此詩於唐亭者合而觀之是諒先於長慶四年守蘇州至此時相

距七年而移守桂州所謂再為郡牧者是已蘇州元日詩句云新知四十九年非是長慶四年年五十也至此則五十六矣有一子名頴諒之可見者祇此

金石文編李諒湘中紀行詩二十行行三十字正書左行述尊侍郎金石萃編所載闕十五字又溪渤之泐誤作勒積翠之翠誤作學蓋拓本未精之故于游浯溪親督拓工椎打所謂闕泐者一一皆可辨識乃為補之中云唐亭仰文哲亭字竝不作頌此唐人手筆可見次山當時本用亭字也

唐王軒等浯溪題名 王軒 輅 李嚴 大和五年五月廿四日

金石文編王軒等題名三行篆書年月一行正書在浯溪李行修題名之下攷唐范攄雲溪友議載王軒游西江泊舟苧蘿山下題西施石事謂軒少為詩頗有才氣全唐詩采其事云大和中進士案之時代正與此合恐即其人也

金石補正李行修題名下為房魯一刻此刻更在其下瞿氏所言者誤

唐盧鈞浯溪題名

戶部侍郎盧鈞開成五年十二月十一日赴闕過此

金石文編盧鈞題名正書三行左行在浯溪王軒等題名之下案鈞字子和系出范陽徙京兆藍田舉進士第以拔萃補

祕書正字累官檢校司空太子少師封范陽公節度河東大中九年召爲左僕射罷以檢校司空守太子太師又同中書門下平章事又爲山南西道節度使俄檢校司徒爲東都留守懿宗初復節度宣武辭不拜以太保致仕卒年八十七贈太傅諡曰元見唐書本傳傳稱鈞與人交始若淡泊既久乃益固所居官必有績大抵根仁恕至誠而施於事玩服不爲鮮明將相沒而無贏財又敘其官嶺南節度使時諸善政時稱廉潔南方服其德不徵而化又除采金稅華蠻數千走關下請爲立生祠刻石頌德鈞固辭以戶部侍郎召判戶部此題名蓋其自嶺南赴關路經浯溪時筆也

唐盧鈞再題名

盧鈞子和 開成五年十二月十一日□□同遊

金石補正右刻三行未經人道同治壬申九日楊海琴前輩搜得於崑臺石上拓墨見寄函錄之同日兩題游興殊劇

唐馬植浯溪題名

黔州刺史馬植赴任黔中後戶部九日過此

金石文編馬植題名正書三行左行在浯溪盧鈞題名後案馬植唐書有傳云字存之鳳州刺史勛子也第進士又擢制策科校書郎歷官至戶部侍郎同中書門下平章事進中書侍郎又罷爲天平軍節度使貶常州刺史以太子賓客分司

東都起爲忠武宣武節度使卒傳稱其開成初爲安南都護精吏事以文雅絢飾其政清淨不煩洞夷使安羈虜諸首領皆來納款遣子請賦和約束植奏以武陵縣爲陸州卽東首領爲刺史既而州部廢池珠復生以政最檢校左散騎常侍徙黔中觀察使會昌中召拜光祿卿此蓋植自安南赴黔道經浯溪時所題傳云觀察使而題名云刺史者唐季邊郡每以節度觀察等使兼刺史也

金石補正戶部卽前刻之盧鈞也後九日爲開成五年十二月二十日

唐浯溪銘

寶刻類編盧倚撰夏中書會昌三年在永州

唐楊漢公浯溪題名

寶刻類編會昌五年十一月二日在永州

嘉慶通志案楊漢公新唐書附其父虞卿傳後史言由戶部侍郎拜荆南節度使此題名蓋其時刻也史未詳其歲月據此可以補之

永州府舊志案東觀奏紀漢公由荆南入爲工部尙書以不廉追論左遷及命刺同州又以貪殘封駁則其題名亦無足重也

唐房魯浯溪題名

房魯昌五中冬六日來

金石文編房魯題名正書三行左行在涪溪李行修題名下攷魯字詠歸係太宗朝名相房文公元齡七世孫見唐書宰相世系表題云昌五中冬者蓋會昌五年十一月也涪溪新志不知房魯昌五之義改作房州魯昌五又於來下增此字又以上王軒等題名大和五年係於其前錯謬殊甚

唐盧貞涪溪題名

寶刻類編在永州

金石文編十駕齋養新錄云盧貞字子蒙會昌五年為河南尹白樂天九老會貞年未七十亦預焉時又有內供奉盧貞見唐詩紀事是唐有兩盧貞此題名之盧貞恐是九老會中人也

唐黎埴涪溪題名

寶刻類編大中元年七月二日在永州

唐韋瓘涪溪題名

太僕卿分司東都韋瓘大中二年十二月七日過此余大和中以中書舍人謫官康州逮今田六年去冬罷楚州刺史次泗上今年三月有桂林之囿繞一千餘里桂陽纒無又蒙除置因靈川聞此官分司優閑國困官途蹇薄亦可知因困官不

丁卻歸來還是因國一男子余洛川弊廬因崇讓里有竹千竿有池曰國罷郡之日國後曰國國曰國國石國因國因國因與後鳥國因得喪之際豈足介懷

寶刻類編韋瓘涪溪題名大中二年十二月七日在永州容齋四筆永州涪溪唐人留題頗多其一云太僕卿分司東都韋瓘大中二年過此余大和中以中書舍人謫官康州逮今十六年去冬罷楚州刺史今年二月有桂林之命纒經數月又蒙除替行次靈川聞改此官分司優閑誠為忝幸案新唐書瓘屢仕中書舍人與李德裕善李宗閔惡之德裕罷相貶為明州長史終桂管觀察使以題名證之乃自中書謫康州又不終於桂史之誤如此瓘所稱十六年前正當大和七年是時德裕方在相位八年十一月始罷然則瓘之去國果不知坐何事也

涪溪新志在磨厓碑左下方字大寸許書法蒼勁但多剝落不可識幸容齋四筆記載甚詳猶可全讀也金石文編涪溪有唐韋瓘題名十八行每行十字正書容齋四筆跋此刻損其大略書之文句多有刪削且後半竟未及一語蓋其時字已漫漶不可讀矣容齋去今又數百年前半又缺十八字賴跋語可以補之然非石刻尚存亦無從知容齋有刪削也今以石刻校之二年下有十二月七日五字刺

史下尙有八字不可辨者五字桂林之命下尙有十七字不可辨者十一字縱經數月下尙有四字不可辨者三字容齋所引止於誠爲忝幸句以下尙有七十五字可辨者僅四十八字耳今據

欽定全唐文補足二十七字後半乃成完璧矣攷瓊字茂宏及進士第新唐書附韋夏卿傳後史稱其會昌末累遷楚州刺史今據其自述乃在大中元年史亦未得其實

金石補正石韋瓊題記在浯溪鏡石下自洪容齋後皆定爲大中二年余以三四本諦審之非三年卽五年以文內逮今十六年句及史稱德裕罷相韋瓊坐貶合之則可定爲三年也韋瓊爲賢良方正正卿之子宰相世系表瓊不詳官職正卿亦不言賢良方正均闕漏湖南通志載此譌兩字缺四字

唐李行修等浯溪題名

前廣州刺史李行修掌書記施肱巡官李黨大中三年四月十一日赴闕過此

金石文編右李行修等題名正書四行左行在馬植題名之下李行修署銜云廣州刺史而下有掌書記施肱巡官李黨二人姓名攷唐書百官志天下兵馬元帥其屬有掌書記又團練使防禦使皆有巡官惟節度使觀察使俱有掌書記巡官各一人至諸州刺史並無置掌書記巡官之文然攷唐武

德初邊要之地置總管後改曰都督又兼刺史又或領兼防禦團練使又其後節度觀察防禦團練等使皆兼所治州刺史據地理志云嶺南道廣州南海郡中都督府蓋廣州本係邊要之地以都督兼刺史都督亦無置掌書記巡官之制蓋因其時刺史多有以節度觀察等使兼領者皆置此二官因而都督亦置矣此亦唐末方鎮擅權之漸也

金石補正石刻在房魯題名之上瞿氏謂在馬植題名下非唐胡璠浯溪題名

寶刻類編咸通十二年七月二十五日在永州

嘉慶通志案今岢臺銘側唐人李行修等題名之後又有題名數人石已殘缺模糊似有咸通字疑卽此刻也

唐穆栖梧浯溪題名

寶刻類編在永州

唐白鶴觀鐘文

名山記祁陽縣白鶴觀唐末觀有鐘重數百斤一夕風雷忽吼躍入江後有客夜宿昭潭夢一道流曰吾祁陽白鶴觀道士欲歸久矣幸附後載客諾之遲明忽有鐘臥水次文曰祁陽白鶴觀鐘乃載以歸之

元家坊三字

浯溪新志在小晤臺南谿園東久圯舊址有大石猶存原刻

元家坊三字

浯溪谿園二字

金石文編篆書橫刻小嶧臺南石堂下小石上字徑六寸許筆法深穩唐人筆也

浯溪唐亭礎道四字唐亭銘三字

金石跋尾續於何君元錫齊見所拓磨厓大字有云唐亭礎道者有云唐亭銘者驗其筆蹤似唐人所題

浯溪石門二字

金石文編在東厓下左右上字大一尺五寸案元次山浯溪銘有山開石門之句則石門二字當是唐以前刻

案石門二字舊志唐宋兩載宗續辰跋宋志云右刻佚名旁有元字不能定其為元祐元符而不詳其所刻之處此條云在東厓下而字大與宋志略等恐非兩刻元字當是元次山所題故錄此而置彼

浯溪殘題名

直伉 邱存節 口傑 杜例 成萬 王衮 水尹海 略陽權克謨

金石文編浯溪中興頌石刻之前有正書殘題名三行第一行二人第二行四人第三行亦二人上下及前俱殘缺無字其後卽刻浯溪銘正書釋文案浯溪舊有杜傑杜例貞元十

八年三月題名今按拓未見而此刻有口傑杜例未知卽一
刻否

金石補正右題名殘刻首一字省志作直府志作邱審之似是邱末一字省志作謨府志缺洪筠軒作謹審之似謨省志系唐末今移次貞元間府志以連屬浯溪銘釋文讀為左行恐非

湖南通志卷二百六十五

後雖不盡同此文之為表祠無可疑矣其刻二年者立廟之次年也

湯煊跋案道州舜廟立守戶狀唐刺史元結撰江華令瞿令

問八分書永泰二年立鑄於元山下學署前之西大石上北

向廟久廢石塊然根地不可琢移日炙雨淋其知其為碑刻

也歲戊辰煊權州篆公餘訪得之刻落剔蘇拓視之分十八

行字蹟大半漫漶其約略可識者有置字半廟山下年代漫

遠二字盛德字已大業百王師表致祭二字奠爵字半特

望天恩字半奏聞及三月十五日使持節道州諸軍字半事

道州刺史元結奏請免字半近廟字半式兩家令歲時掃

灑字半禾為恆式中書門字半下奉敕宜字半依永泰年月

中等八十字而永州府志所載乃佚前半以中存五字行為

第一於五字上下文俱不審僅約存三十餘字且廟戶掃灑

等字俱訛別風淮雨古今同慨嗟乎漢碑尚矣唐碑今亦無

幾存此千餘年吉光片羽也石之東面刻正書一方為唐人

張吉甫和漢戴侯熊渠詩秀勁古質亦可寶玩亟築亭以護

之俾免剝蝕後有好古者知不徒宏尊陽華兩銘獨垂不朽

也

金石補正右元次山奏置舜廟廟戶狀并牒在道州元山下

自來金石家從未著錄全文已已秋湯斐齋大令權代道州

精拓見詒並示跋語亟讀之剝蝕已甚乃舉永志秩祀門所

載狀奏釋之按格推求逐細審勘前列狀奏九行年月銜名

兩行後列敕牒六行牒尾署銜五行後列書人銜名一行上

石一行凡廿四行得百七十一字較斐齋所審多至一倍有

餘並正一字其首行結謹在九疑五字均有筆蹤可辨結字

較為清晰而志載全文無臣結二字也二行古大陽處秦五

字三行字字四行令而盛三字五行役字六行山已訖三字

七行獨近廟一令灑六字八行代彰二字十三行免字十九

行黃字廿行侍字廿三行瞿字或存其半或有數筆可審合

諸志載之文罔不昭合廿二行平上第二有門字隱約可見

蓋中書門下平章事也廿三行瞿字已蝕其半下所缺是令

問二字其上則不知幾何矣六行於字九行狀奏二字皆秩

祀志所無八行廟誤祠掃灑永誤拂曬示代誤世欲誤使九

行彼誤及皆當以碑為正瞿氏未見此刻宗氏謬誤百出斐

齋已言之漁洋山人涪溪考序謂古來名蹟不遇其人鹵莽

載筆與黥劓何異然能免此者寡矣攷文獻通考云永泰二

年詔道州舜廟宜蠲近廟佃戶充掃除與碑相合又牒尾有

中書侍郎黃門侍郎者攷新唐書宰相表廣德二年王縉為

黃門侍郎杜鴻漸為中書侍郎永泰元年縉為河南副元帥

大曆元年即永泰二年二月鴻漸為黃門侍郎其時同中書門下平章事者又有元載碑已磨滅其列銜下所署之姓不審與表合否又未行之左有祠部郎中李○字敬拂○屯田外郎數字下皆漫滅又下截有小正書僅見來字敬拂字當是後來續題附識之以諗來者至所謂張吉甫詩無可辨識以偶存之字蹟對勘之悉不合恐係傳誤斐齋但据道州志言之耳案碑極漫漶茲据金石補正如式錄之

唐右溪銘

遊名山記元結撰在道州右溪石上文載道州新志

唐七泉銘

道州新志元結撰在道州東郭

唐五如石銘

道州新志元結撰

唐窠尊銘

刺史元結下磨道州城東有左湖湖東二十

窠尊銘

步有小石山山顛有窠石可以為尊乃為亭尊上刻銘為志銘

曰

片石何狀如獸之跋其背類窠可以為尊空而臨之長岑

深壑廣亭之內如見山岳滿而臨之曲浦回淵長瓢之下江湖

在安彼成全器誰為之力天地開鑿日月收拭寒暑琢磨風雨

潤色此器太璞尤宜真純勒名亭下以告後人 瞿令問書

□□二年十一月廿日刻

集古錄跋右窪尊銘元結撰瞿令問書次山喜名之士也其所有為惟恐不異於人所以自傳於後世者亦惟恐不奇而無以動人之耳目也視其詞翰可以知矣古之君子誠恥於無聞然不如是之汲汲也

碑文攷窠尊銘元結撰瞿令問書在道州永泰二年

方輿勝覽在道州城中報恩寺西

孫克宏碑目在報恩寺小石山顛有窠穴可為尊刻銘於上

金石文編窠尊銘十五行一百四十七字紀年已漫漶不可

辨据集古錄跋乃永泰二年也元結撰瞿令問篆書于奕正

天下金石志作顏真卿書誤也刻在道州下津門外江之北

岸石上次山此銘載文編志乘多采錄其石刻則著錄於歐

公集古錄及朱長文碑文攷吾家令問公時官江華令為次

山屬吏工篆籀故命書之次山陽華嚴銘亦公所書故序云

江華縣大夫瞿令問篆籀兼篆籀俾依石經刻之黃山谷遊愚

溪詩有下入朝陽殿次山有銘鐫薛石破篆文不辨瞿李袁

之句瞿即指公也公之事蹟爵里無可詳攷此外惟見諸容

州都督元公碑稱故吏江華令瞿令問云又寶刻類編載有

貞元中朗州武陵令瞿令珪墓志係其子佃撰似是公之昆

弟惜亦無從訪求質證矣籀篆古文久已失傳惟收諸許氏

說文者為信而有微然亦十不存一又多傳刻舛誤未盡可
 据其散見於經典者獨周禮為多司馬公史記班孟堅漢書
 亦間存焉以後惟玉篇廣韻所收尚為近古可信至唐惟李
 陽冰碧落碑用古文則與令問公同時矣宋初郭忠恕撰汗
 簡夏竦作古文四聲韻摻求頗廣又在令問公後數百年今
 以此碑證之尚有未采之字惜當時二公未及見也此碑結
 體遒勁篆筆在涪溪唐亭岵臺諸刻之上昔人有謂涪溪三
 銘書皆出自公手者觀此恐未必然公書此碑所用古文皆
 有依据無一字杜撰今博稽載籍一一為表出之尊作尊亦
 作尊見於鐘鼎文字及宋薛尚功款識宣和博古攷古二圖
 者甚多說文西部牆字古文作牆其西字正作百其餘見於
 說文者二作式為作式淵作因地作墜開作闢而此作闢風
 作風雨作玉篇作玉篇作玉篇作玉篇作玉篇作玉篇作玉
 又作魏義雲章作魏又作魏而此作魏宜作幽廣韻作芻而
 此作鳳真作真此作真深作深見說文廿部訓蒲弱之屬與
 深字義別然碧落文有深亦以為深其見於郭夏二家書所
 引者道作紫老子州作州古尚書城作成王庶子碑步作
 豈汗簡顛作原裴光遠集綴為作道德經又作古孝經
 而此作何作何碧落文如作馬古孝經及道德經空作空
 王存又切韻而此作岳作岳華嶽碑臨作古孝經曲作

















假義雲章又作假古老子大作古孝經尤作危王庶子碑
 以上與此刻大率相合惟筆畫微有不同因拓本不精未能
 細辨也暑作影見碧落文乃從古文旅而右旁有三攷之說
 文白部暑从門云古文旅又於部云古文旅又以為魯衛
 之魯案古文四聲韻中所收旅魯二字下俱作而無三多惟
 者字下多作影有三多則从者之字當有三也潤作隹凡古
 文从門之字多作未此作隹義通而郭夏二書未載可据補
 之唐亭銘亭作頤从厂从傾此文為亭尊上之亭又从厂从
 傾作頤攷義雲章以頤為亭而古老子傾作頤則彼从頃此
 从傾省文也蹲作跋郭夏二書不載跋字見公羊傳丁度集
 韻云祖昆切音尊蹲也高誘注淮南子云跋猶蹲也郭璞注
 山海經及陸德明莊子釋文引字林並云跋古蹲字今本史
 記貨殖傳下有蹲鴟斐駟集解引徐廣曰古蹲字作跋而婁
 機班馬字類引貨殖傳直作跋字音蹲焉作安古孝經華嶽
 碑雲臺碑並同案焉安也安焉也二字古人轉相為訓又古
 音寒先二韻字多通論語斯焉取斯劉向新序引作斯安取
 斯滿作蕙攷廣韻蕙為滿之古文說文滿盈溢也蕙煩也二
 字義別然漢書燕刺王傳及霍光傳憂蕙俱作蕙而石顯傳
 憂滿作滿蕙字既可省心滿字何不可省水从心於義亦合
 惟滿字从雨雨从甘从雨并非从艸从雨則惑於時俗楷書

之謬體矣類作隄郭夏二書所無亦可據以補之片石之片今誤爲井枚拭今誤爲拂拭真純今誤爲直繩皆當以石刻正之石刻後十一行上下皆齊其前第一行標題低四字第三行序低三字第四行低二字小石下空二字似皆石有高底凹陷故就勢鐫刻之其第二行刺史下已漫漶不可辨矣次山又有窠尊石詩又有杯尊銘其序曰廊亭西孔有叢石石臨樊水漫叟構石顛以爲亭石有窠顛者因修之以藏酒命爲杯尊作銘云云據此知在武昌者爲杯尊而非窠尊窠尊當以此在道州者爲正黃山谷次宋懋宗詩有安得風帆隨雪水江南石上對窠尊之句任淵注云元結有窠尊銘今在武昌攷東坡武昌西山詩序云元祐元年十一月二十九日翰林承旨鄧聖求會宿玉堂偶話舊事聖求嘗作元次山窪尊銘刻之巖石因爲此詩請聖求同賦云云則武昌之有窪尊銘恐卽鄧聖求所摹刻也又趙氏金石錄有唐李氏窪尊銘云篆書無姓名亦無年月前賢名蹟後人景仰其事往往轉相摩勒以爲佳話子遊衡州石鼓之西谿見河干一大方石上多宋人題名其一面亦刻正書窪尊二字亦似唐宋人手筆窪窠二字並見說文其義亦相近可通今據此刻知次山道州之原名作窠而非窪也唐代宗永泰二年卽大曆元年是年十一月甲子始改元故十一月以前猶稱永泰

二年此刻據歐公云永泰二年則當在十二月以前今石刻十下一字似弋乃古文一已漫漶不明矣

金石補正右窠尊銘在道州報恩寺西石久湮沒嘉慶甲戌州士黃如穀搜訪得之明年雷震石仆又明年游擊張大鵬力挽以上復植原處州牧張元惠建亭護之并記以文而此石乃復顯於世矣涪溪亦有窠尊石祁陽志載此銘於涪溪非實也片誤作井枚拭誤作拂拭惟江湖在焉作焉不作安爲得之耳通志又載有宋張舜民窠尊銘云在郴州此又仿爲之者序云道州城東有左湖宗氏輯永州府志謂州治東有直澗卽湖之故蹟澗以東爲報恩寺今此石得於寺西知方輿勝覽之言信而有徵疑者或指在五如石內或指在元山皆誤也左湖既廢後遂混左溪爲一舊志云左溪在下津門外其源九井所出東流與沱水合古州記云五如石在下津門外江北岸今爲東門外水涯五如石中如尊者元次山名以洞尊不得與窠尊混爲一物瞿氏謂此石在下津門外者蓋誤以左溪爲左湖以洞尊爲窠尊矣下津尙係古稱今無此名焉篆體奇古瞿氏攷證詳贍已極大備其所未及舉者更徵引之道作窠見郭顯卿字旨而內多一筆爲小異此碑如名尊亭等字皆多一筆不獨題也城作窠案王庶子碑城作窠成作窠此以成爲城者古或用成字

耳方十里曰成城之从成本取諸此左氏文十一年王子成父管子小匡篇作城父詩板無俾城壞漢書諸侯王表作毋俾成壞又漢郡國志高城阜城魯峻碑陰勃海高成河間阜成皆作成劉寬碑陰以聊成爲聊城楊君石門頌以西成爲西城皆古人城亦作成之證山顛有窻石有作又古文以爲有字儀禮鄉射禮惟君有射于園中注云古文有作又攷工記弓人有三均注云有三讀爲又參禮記內則三王有乞言注云有讀爲又易繫辭又以尙賢也釋文云又鄭本作有尊作又作上尊見華岳碑下尊見碧落文不特鍾鼎款識可爲印證也刻銘爲志銘作古無銘字本只作名名从夕此變從夕已見諸漢曹全碑長作見華岳碑岑作下从夕古今字見石經故念字亦有作者廣作从古文亮見義雲章內作凡古文从內之字多如此作清作憇爲古文憇亦見於一切經音義說文有憇字正字通云憇與憇同未有以爲滿者惟淮南子倣真訓乃始憇離離歧注云憇讀蕭蕭無逢際之憇云無逢際則於滿義爲近要亦未可据也竊意心爲氣所充塞乃致憂憇憇之从滿本取諸此於盈溢之義可相通故楚辭云惟煩憇而盈何以憇爲滿者借憇爲滿非別有一去水从心之別體滿字也至變从艸从雨由來已久史記秦本紀到滿正義

云滿或作滿莊子天地門無鬼與赤張滿稽釋文云滿本作滿又漢堯廟碑滿而不溢張公神碑蕙草生兮滿園田冀州從事郭君碑持滿不傾其滿字皆變从雨張公神碑并變从艸未可卽以時俗嘗之焉作焉安古通瞿氏所引之外又得兩證論語焉知來者之不如也劉向新序雜事作安知來者之不如今孟子爾焉能浼我哉韓詩外傳作彼安能浼我哉是也又案裴光遠集綴安作華岳碑焉作二字相似而有別此作蓋本華岳碑而微變之是焉字非安字較安字爲多一筆後人以字形相似音義亦通遂以安字釋之殆非也全作全全之本字全乃篆體見說文開作較說文所載多一筆案王存又切韻門作此蓋从之而省其一筆耳攷作从古文文暑作案古尙書諸作此蓋从諸凡古文从諸之字皆如此作瞿氏謂从者之字當有三恐未必然潤作案義雲章閏作此蓋从之後作見古尙書式作中从乙知古人乙一二字亦可通借又天地之地華岳碑作石刻此字不甚明顯右旁上半似作形則用華岳碑而多一筆也又十五行後一行似尙有字蹟十四行瞿令問書四字筆意與前不類疑瞿令問書款本在第十六行後人以其漫滅乃補刻於十四行之下然書人姓名何以列於刻石年月之後亦

殊不可解耳余獲此拓本模糊不明未能尋錄今湯斐齋大令以精拓本見詒較諸宗氏跋語所載勝於倍蓰是故權擗貴精也

唐道州刺史廳壁記

道州刺史廳壁記 唐刺史元結撰 天下太平方千里之內生植齒類刺史能存亡休戚之天下兵興方千里之內能保黎庶能攘患難在刺史爾凡刺史若無文武材略若不清廉肅下若不明惠公直則一州生類皆受災害於戲自至此州見井邑邱墟生人幾盡問其故不覺涕下前後刺史或有貪猥昏弱不分是非但以衣服飲食數年之間蒙以私欲侵奪兼之公家驅迫非姦惡強富殆無存者問之耆老前後刺史能恤養貧弱專守法令有徐公履道李公廩而已徧問諸公善或不及徐李惡有不堪說者故為此記與刺史作戒自置州以來諸公改授遷紕年月則舊記存焉 次山此記為後人所易呂刺史溫復之巧壁而書慶曆中王公贊為州始刻石道祐中李公襲之正其誤又刻之于攷得之曰是刺史箴也摹勒之石明知州漳浦王會謹識小篆書二行刻於記文未行之下

金石文編右元次山道州刺史廳壁記八分書十行明王會重摹本有跋據述是記一刻於宋慶曆中州守王贊再刻於道祐李襲之案襲之亦官郡守即刻九疑山銘者隸書端勁

有注與九疑山銘筆法頗類恐亦李挺祖所書今碑無書人姓名蓋重摹時易去道州新志載此文材作才數年之間下誤衍蒼生二字又刪去末自置州以來諸公改授遷紕年月則舊記存焉十八字皆當以石刻為正唐人避太宗諱其見於文字者民字多改作人字此記所云生人幾盡必次山原文也道州新志改人作民亦非是

金石補正右碑為明代重刻從始事之例列次山道州諸刻之後附承泰二年湖南省府志均載此碑衣服飲食下脫為事二字故為之記作此記按徐履道刺道州在中宗朝李廩在肅宗朝事蹟無攷呂溫字和叔河中人憲宗時以謀逐李吉甫由刑部郎中出為道州刺史寬刑恤役治多善政遷衡州卒嘗作廳壁後記唐書不言其轉刑部也

唐懷古亭石刻

輿地紀勝在道州懷古亭西石上有州刺史河內字又有前江華令瞿令問書石之趾有二三十字末有大曆字八分書

唐廳壁後記

名勝志在道州呂溫撰碑在天慶觀文獻道州新志嘉慶通志案廳壁後記者因元結廳壁記於前也呂溫新舊唐書俱有傳憲宗時由知雜事貶均州刺史再貶道州五年徙衡州道州新志秩官表列溫名於元和中是也名勝志呂

温撰下有永徽甲寅四字殊謬今去之又案九疑山志載温撰謁舜廟文首云唐貞元十一年歲次乙亥四月一日東平呂温敢盥沐齋潔敬謁於舜帝之神攷史言温於貞元末擢進士則貞元十一年謁舜廟時恐温尙未登科先因遊歷至道州而謁舜廟是時并未居官故文內不書銜志於文之姓名上即書唐道州刺史非是此記或與謁舜廟文同時作永州府舊志今道州已無天慶觀此碑竟莫求所在

唐陽城謁五龍祠石刻

孫公談陽陽城謫道州未行有書生五人訪城冠帶甚弊咸各以一縑與之比至道州城謁五龍祠其縑皆在神坐側今刻石載其事

嘉慶通志案晏殊類要亦載此事据新唐書循吏傳城貢道州在德宗貞元間石刻未知在何時

唐含暉洞記

天下金石志劉禹錫撰在道州

唐道州文宣王廟碑

道州新志永州刺史柳宗元撰元和九年八月

唐道州毀鼻亭神記

天下金石志柳宗元撰在道州

道州新志元和九年

唐虞山二字

湘僑聞見偶記道州學西爲唐時虞廟址今存虞山二大字剝蝕僅存形似蓋唐迹也

唐李嶠九疑山無爲洞題名

寶刻類編在道州無年月

孫克宏碑目永福寺東十餘步有貞元間李嶠篆刻

天下金石志唐李嶠碧虛洞篆刻在甯遠縣

九疑山志李嶠唐時官舍人遊九疑至碧虛洞有貞元篆刻於石

嘉慶通志案李嶠新舊唐書俱有傳其官鳳閣舍人乃在高

宗朝卒於元宗嗣位之後安得後於德宗貞元間而遊九疑

貞元或是開元之譌

唐舜祠表

輿地紀勝在道州元結撰江華令瞿令問書

嘉慶通志案表文載甯遠縣曾志文稱有唐乙巳攷乙巳當

爲永泰元年

唐元結九疑山石穴題名

方輿勝覽紫虛洞真宮在營道縣行二十里有石穴上通於

天有元次山永泰年題名天聖中寺僧雲亮於洞前百步築

隄爲塘積水溉田洞遂爲池

道州新志甯遠縣碧虛洞亦名嘉魚洞去二十里有石穴仰見天光有元次山題名

唐元結九疑山無為洞詩刻

何志偉游九疑山記永福寺旁即無為洞洞門旁刻元次山詩惜漫漶不能讀

唐元結九疑山無為洞三字

無為洞 廣德式季刺史元結因祭山名此洞曰無為洞

格古要論碧虛洞一名嘉魚洞元結改曰無為洞篆刻在焉道州新志在甯遠縣碧虛洞

嘉慶通志案道州新志又云元次山題曰無為洞据九疑山志有宋治平四年沈紳與蔣之奇取元次山無為洞天四字

正其體篆刻於巖質云云則結所題實係無為洞天四字而非無為洞三字也

金石補正題篆三字長徑一尺二寸直書款五行行四字亦篆書在甯遠洞阻於水從未有椎拓之者余屬譚仲維接訪

之今甲戌夏旱乃得施工也案方輿勝覽云紫虛洞宗條樓鵬有石穴上通於天有元次山永泰年題名天聖中寺僧雲

亮於洞前百步築隄為塘潴水溉田洞遂為池据此則洞之阻水已歷數百年無怪金石家之不得一見矣石穴題名疑

即是刻九疑山志謂洞門有次山詩刻疑亦即此何志偉未

讀之耳石本無天字湖南省府志以為無為洞天者非廣德無三年是年正月癸巳改元永泰癸巳為朔日祭山時改元之詔未至道也

唐張謂虞帝廟碑

九疑山志潭州刺史張謂為宇文宣撰

嘉慶通志此碑當在甯遠之九疑各縣志多有載之者非是碑當作於元和間

永州府舊志案一統志謂張謂元宗時刺史省志長沙風土

記下斷為大歷三年任刺史本碑條下又据邵陽縣志謂元和時作竊意九疑山志既稱潭州刺史作其在大歷中無疑

所云宇文宣攝邵陽令疑是營陽之誤其碑似當在道州近城之地惟碑銘云九疑嵯峨則又似指甯遠而言然永泰距

大歷不遠道州新建之廟豈煩更置自以在甯遠城隅為合至以御史攝令恐尙有闕文若以邵陽之官越州建廟於理

斷不合因傳異縣名竟以九疑之廟歸為邵陽則更誣矣唐孟簡九疑山無為洞題名

寶刻類編元和間人在道州

嘉慶通志案孟簡新舊唐書俱有傳簡字幾道舉進士宏詞連中累遷倉部員外郎元和中拜諫議大夫出為常州刺史

召為給事中又出為浙東觀察使以工部侍郎召還進戶部

加御史中丞又出為山南東道節度使左授太子賓客分司
東都再貶吉州司馬進睦州刺史復徙常州仍太子賓客分
司卒是簡未嘗官荆南不知何由至九疑題名然寶刻類編
云元和間人其為即唐書之簡無疑簡與韓愈交見愈集又
陝西華陰及廣西臨桂俱有元和元年題名九疑題名疑即
赴廣西時道經永州刻也

唐九疑山舜廟記

寶刻類編道士孟可再記朱介一書咸通十年九月二日在
道州

唐敕建舜廟碑

九疑山志僖宗時長沙胡曾權延唐令請立廟於玉瑄巖下
有敕建舜廟碑記

永州府舊志案宏簡錄楚寶胡曾傳以權延唐令事在事蜀
王衍之後據此則必唐莊宗時楚奉正朔之際矣明統志以
曾為天福時及第曾補甯遠令後署延唐令省志駁之良是
愚意當是昭宗景福中登第乾符中權延唐後人不知有昭
宗之後乾符遂謂是僖宗時事山志之誤殆坐此至其入蜀
而又還楚復任延唐馬氏或以故令治舊地明志恐未盡
証宏簡錄遺其先為延唐一節與山志迥異亦未可為確據
也

案昭宗懿宗之子僖宗之弟昭宗嗣僖宗即位僖宗紀年
有乾符昭宗凡七改元有景福乾甯天復無所謂後乾符
及天福也諸志多誤

紫霞巖詩刻

鄧雲霄遊九疑山記洞刻有唐宋人詩皆讀不可讀

唐周如錫月波亭詩

永明縣志亭在縣西二十里久頽惟存唐刺史周如錫月
波亭觀書詩石刻

唐陽華巖銘

陽華巖銘有序 刺史元結 道州江華縣東南六七里有圓
山南面峻秀下有巖巖當陽端故以陽華命之吾遊處山林

幾三十季所見泉石如陽華殊異而可家者未也故作銘稱之
縣大夫瞿令問藝兼篆籀俾依石經刻之巖下銘曰

九疑萬峯不如陽華陽華巖巖其下可家洞開為巖巖當陽端
巖高氣清洞深泉寒陽華旋回岑嶺如關溝澗松竹暉映水石
尤宜逸民亦宜遐士吾欲投節窮老於此懼人譏我以官矯時

名蹟彰顯醜如此為於戲陽華將去思徠前步卻望踟躕徘徊
以上三體書先古 大書永泰二年歲次丙午五月十日刻
文次小篆次八分 行小注分書

集古錄永泰二年元結撰瞿令問書元結好奇之士也其所

居山水必自名之惟恐不奇而其文章用意亦然而氣力不足故少遺韻君子之欲著於不朽者有諸其內而見於外者必得於自然顏子蕭然臥於陋巷人共見其所為而名高萬世所謂得之自然者也結之汲汲於後世之名亦已勞矣碑文攷盟令問八分書在道州裕古要論邑令盟令問以雜體篆刻之厓上在道州東南七里山下錢大昕潛研堂金石目元結撰盟令問書序八分書銘古文篆隸三體書後題年月篆書承泰二年五月平津讀碑記次山集中有此文字多譌舛當以碑為正金石補正石陽華嚴銘在江華同治己巳劉彥臣宰江華搜得拓贈數十年不施蠹蝕矣碑文攷通志略謂在道州者唐宋時江華俱隸道州也裕古要論謂在道州東南七里山下則誤矣其以為八分書雜體篆者皆未明晰瞿氏輯通志載此文於山川宗氏輯永志載此文於名勝巉巉志作巉巉石本古文作巉篆隸作巉巉巉一字而異文永志誤家為嘉未也作未有也亦非碑末小注八字或當時原刻或後來續題明統志云陽華嚴在江華縣東南六七里有回山南面峻秀下有大殿殿當陽故名唐元結撰銘盟令問書蓋即據此文記之令問所書古文恆見者居多都稍變其文王庶子碑

疑作𠄎此作𠄎王存又切韻華作𠄎此作𠄎史書家作𠄎此作𠄎華岳碑為作𠄎此作𠄎楊氏阡銘碧落文端作𠄎此作𠄎義雲章洞作𠄎此作𠄎碧落文深作𠄎此作𠄎華岳碑土作𠄎此作𠄎古尚書懼作𠄎此作𠄎古文官字作𠄎此作𠄎華岳碑名作𠄎此作𠄎皆小異也至巉書作巉廣韻巉高也巉巖高也巉巖或作巉此巉巉同字之證史記漢書巉巖字皆如此作然巉巉皆說文所無依字當作𠄎毛詩漸漸之石序釋文云亦作巉巉是巉為最古𠄎為本體巉巉皆後起之字而巉古於巉言小學者所當知也陽書作𠄎又作𠄎說文𠄎山在遼西一曰𠄎𠄎谷陽日出也虞書曰𠄎谷此𠄎𠄎古通之證諸書多作𠄎谷後漢張衡傳注云陽谷日所出也作陽谷蓋日為陽故以日出處為陽谷以其為日也故作日旁之𠄎以其為山也故作山旁之𠄎陽古只作𠄎从山从日皆合制字之義易陽古今字耳首陽山亦或作首𠄎論衡寒温云𠄎者陽也書洪範時𠄎若漢書五行志作陽禮記殷人祭其陽注云陽讀為日兩日𠄎之𠄎爾雅十月為陽釋文云陽本或作𠄎即𠄎字是陽之可作𠄎陽固不獨陽谷之陽也至其所書篆體多與說文不合前古作𠄎此作𠄎乃即𠄎字氣古只作𠄎此加从米乃古之𠄎字𠄎古只作𠄎此加从

山乃徐鼎臣新附字雖皆見於漢碑究非六書本指其餘屈伸增損不盡拘拘於點畫之間殆亦如漢人作隸隨勢為之抑亦好為奇異哉

唐寒亭記

寒亭記 刺史元結 永泰丙午中巡屬縣至江華縣大夫羅令問咨曰縣南水石相勝望之可愛相傳不可登臨俾求之得洞穴而入又棧險以通之始得構茅亭於石上及亭成也所以階檻憑空下臨長江軒楹雲端上齊絕巔若日暮景氣煙靄異色蒼蒼石壙含映水木欲名斯亭狀類不得敢請名之表示來再於是休於亭上為商之曰今大暑登之疑天時將寒炎蒸之地而清涼可安不合命之曰寒亭歟乃為寒亭作記刻之亭背博陵瞿令問書

輿地紀勝在江華縣元結撰瞿令問書永泰二年

蔣之奇暖谷銘序永泰中元次山為道州刺史嘗巡行江華登縣南之亭愛其水石之勝當暑而寒遂命之曰寒亭而為之記刻石在焉

李邦燮遊記出南門抵蔣家山至小飛來石從山盡處轉入巖腹梯磴而上得石壁數百丈上刻次山記剔去積蘚讀之金石補正右寒亭記在江華東南十里回山下今名蔣家山永州志載此多道州譔三字宗氏以意增也又誤勝為映并

脫又休時三字及書款一行

唐元結贈洞溪翁詩刻

類書在江華縣洞溪縣境四山之間代宗時有隱者王姓居於此人呼為洞溪翁元結聞而訪之贈詩刻在溪上江華縣鄭志洞溪翁太宗時人姓張名子厚家於洞溪元次山聞而就之見其容若少壯問其年已九十餘問何以能此翁對曰巖下有泉田環於左右五世居此飲食取足無求乎他乃止次山宿次山贈之詩刻於巖下後不知所終詩見藝文

嘉慶通志案縣志所載洞溪翁姓與類書不合元結贈詩云老翁八十猶能行而志乃云九十餘又云太宗時人攷結於代宗永泰大歷間刺道州即上溯九十餘年洞溪翁亦應生於高宗時若太宗末年生至此且百有十餘歲矣縣志所言不足據

唐周魯儒碑

輿地碑且在江華縣薦福寺大和六年

嘉慶通志案全唐詩劉禹錫有送周魯儒赴舉詩并序道州新志云周魯儒延唐人文宗時進士甯遠縣曾志載周魯儒於人物云明月山人大和間進士歷官員外郎知制誥博學工文通達治體今存江華雲巖寺記云云此薦福寺周魯儒

碑疑卽其所撰之雲巖寺記也而志未錄其文無從攷定
永州府舊志案江華志僅有從化鄉興福寺縣西龍巖廟久
失薦福亦殊雲巖寺址茫茫碑宜絕迹矣

湖南通志卷二百六十六

〔光緒〕湖南通志 卷二六七

湖南通志卷二百六十七

藝文志二十三 金石九

唐周源訪李真人詩刻

以下寶慶府

寶慶府鄭志高霞山明萬厯間水涵見石上有唐尙書周源

訪高霞李真人詩

湖廣通志李真人名震字三衢別號洞明先生唐顯慶間修

真高霞山白晝冲舉周尙書過訪畱詩勒碑新甲山仙宅

唐高霞山碑

寶慶府志在郡南一百里舊存唐顯慶二年碑

嘉慶通志案李真人於顯慶初入此山修道昇舉山下舊有

高霞觀碑蓋卽紀其事也

唐文公祠禱雨記

潘洎文公祠記貞元十年

嘉慶通志案太平御覽引湘川記曰耒陽文斤山上有石牀

方高一丈四面綠竹扶疏常隨風委拂此牀大旱則禱雨時

應又唐潘洎文公祠記引邵陽圖經文公名斤晉咸康中爲

高平令隱於山中得道羽化故名文仙山此碑乃州伯王高

縣宰韓謹耀祈雨有應刻石記其事也太平御覽作耒陽恐

是邵陽之誤

唐文公祠記

一三九

邵陽縣志邵陽丞潘滔撰元和三年

唐召伯祠古碑

輿地碑且在邵陽縣城東三十里甘棠渡

唐歐陽詢化度寺碑

新化縣志歐陽率更書道光戊申邑人袁玉田取臨川李氏

重摹本重鐫

唐虞世南廟堂碑殘字石刻

新化縣志虞永興廟堂碑唐石真本絕少嘉慶間北平翁方綱得見臨川李宗瀚所寶元康里氏舊藏本手摹百二十字

縣人李宗藍從宗瀚請得之道光戊申宗藍族子浚因以勒

石後有方綱自識末有陽湖孫星衍青陽王宗誠觀款宗瀚

及方綱子樹培樹崐同校款

唐顏魯公大字麻姑壇記石刻

新化縣志宋拓顏魯公大字麻姑仙壇記真本今藏道州何

紹基家道光癸巳邑人晏啟林假其藏本以油素雙鉤丙午

十月邑人李洽以啟林鈎本屬唐鈎勒石是刻凡百八十三

行計八百六字後有紹基及鄞縣沈道寬跋識

唐顏魯公放生池碑

新化縣志顏魯公書縣人晏啟林雙鉤本道光戊申縣人魏

鼎新勒石

唐武岡銘序并

古今書刻柳宗元撰在實慶府城北

名勝志在武岡州武岡山柳宗元為河東柳公綽作

武岡州許志武岡銘唐元和七年四月柳宗元撰鐫在州西

五里同保巖上

唐安鄉縣開元寺卧禪師碑

古碑攷在岳州府曾子固有跋

唐杜甫過洞庭詩刻

漁隱叢話王直方詩話云蛟室園青草龍堆隱白沙護江蟠

古木迎棹舞神雅破浪南風正收帆畏日斜雲山千萬疊何

處上仙槎此老杜過洞庭詩也李希聲云得之江心一小石

刻

潘子真詩話元豐中有人得石刻於洞庭湖中詩云蛟室園

青草云云不載姓氏以示黃山谷山谷曰此杜子美作也

嘉慶通志案方輿勝覽亦引王直方云一條隱白沙作擁白

沙蟠古木之蟠作盤南風正誤作南風止何處作底處

唐秦公墓額文

岳陽風土記巴陵縣楓橋堡有古冢歲久傾圮耕者得甎上

有文曰大唐秦公墓

唐招屈亭碑

以下常德府

輿地碑目在武陵縣龍朔間縣令蔡朝英重修刻石以紀其事

輿地紀勝招屈亭在常德府城內

唐劉禹錫招屈亭碑

天下金石志劉禹錫撰在常德府

嘉慶通志案明統志招屈亭下引劉禹錫競渡詩下云有碑尚存恐卽是刻也攷全唐詩載禹錫競渡曲末句云招屈亭前水東注自注云競渡始於武陵及今舉楫而相和之其音咸呼云何在斯招屈之義事見圖經云云此于奕正所載招屈亭碑恐卽競渡曲石刻也

唐脩陽山神祠碑

寶刻類編董挺撰劉禹錫書劉申錫篆元和四年十月立在

鼎州案挺當作任

名勝志在武陵縣城北三十里本廟

嘉慶通志案董挺字庶中武陵人由宏文館校書郎歷官大理評事終荆南節度推官元和七年四月卒劉禹錫爲撰墓志

唐陽山磨崖詩

常德府志在武陵寫字崖劉禹錫撰

嘉慶通志案方輿勝覽引劉禹錫陽山廟觀賽神詩漢家都

尉始征蠻血食於今配此山全唐詩載其全篇未知卽此刻否

唐賽陽山文碑

集古錄天和大九年

寶刻類編賽陽山文劉從素行書并篆額在鼎州名勝志唐陽山廟碑在武陵縣城北三十里本廟大和九年刺史劉瑞夫撰

嘉慶通志案集古錄有大和九年賽陽山文跋而未詳其本事及撰書人姓名里居通志略云陽山神祠二碑朗州刺史劉禹錫書又以前脩祠碑及此賽文皆誤屬禹錫書非是常德府應志引輿地碑目九年誤作元年劉瑞夫作劉端夫攷劉端夫乃劉迺次子見舊唐書劉迺傳云爲太常博士駁章綬諡議知名新唐書宰相世系表亦見端夫名注其官爲吏部員外郎則名勝志作瑞夫恐誤

唐朗州德山故先和尚塔銘

天下金石志僧元會撰文大順元年在常德府案楚寶題作宜鑿禪師塔銘

唐沈公臺碑

輿地碑且在武陵縣城西三里光福寺竹林中今猶存有古碑題額六字云重遊沈公臺記碑字已漫漶

嘉慶通志案劉禹錫武陵詩有沈約臺榭故李衡墟落存之句則沈公臺古蹟唐時已有之常德府應志誤引輿地碑目云宋建炎年間建非是

唐屈原廟詩碑

常德府龍志霍禮山撰

唐黃仙師瞿童記

常德府志引桃川宮碑符載撰

嘉慶通志案全唐詩符載字厚之蜀人初隱廬山後辟西川掌書記加授監察御史桃源縣新舊志竝載此文新志作貞元元年八月二十日

唐瞿柏庭記

輿地碑目長慶二年刺史温造刻石紀其事於桃源

嘉慶通志案温造新唐書有傳穆宗時坐與李景儉飲酒得過宰相出為朗州刺史

唐朗州刺史温造桃源宮題名

寶刻類編長慶三年在鼎州

唐桃川宮記碑

桃源洞志温造撰并書

唐瞿童述碑

江淮異人錄在桃源桃川宮長慶五年五月三日朗州刺史

温造撰并書為好事磨去重刻惟存碑側數字

嘉慶通志案唐書藝文志載瞿童述一卷温造撰大曆中辰

谿童子瞿柏庭昇仙造為朗州刺史追述其事殆即此碑也

此碑與前輿地碑目所載之瞿柏庭記似即一碑而年月不

同故另載之

唐桃源觀三洞閣來君碑

碑文攷董徒書

唐劉禹錫桃源行及八月十五夜桃源玩月詩

全唐詩注禹錫兄子兢跋云叔父元和中徵昔事為桃源行

後貶官武陵復為翫月作並題於觀壁爾來星紀再周既奉

改此郡仰見文字闕缺伏慮他年轉將塵沒故鐫在貞石以

期不朽大和四年謹記

唐桃源詩碑

金石錄目劉禹錫撰李□書大和四年

寶刻類編在鼎州

嘉慶通志案劉禹錫於憲宗元和初坐王叔文等黨貶連州

刺史未至斥朗州司馬久之召還見新唐書本傳攷元都觀

看花詩自序云元和十一年自朗州召至京又載遊元都觀

詩序云貶朗州司馬居十年召至京師則禹錫去朗乃在大

和四年之前十四年金石錄所記大和四年据全唐詩注其

兒子毓刻桃源行及詠月詩正在是年則此刻或即毓所刻
桃源行及詠月詩也因題但稱桃源詩又云李口書似與前
刻有異或係毓同時所刻別詩亦未可知故另列之

唐桃源佳致碑

桃源縣志袁中道云唐劉禹錫題明萬曆三年巡撫趙賢重

鐫

唐桃源山界記

寶刻類編狄中立撰進士徐元書并篆額開成五年立在鼎

州

唐桃源洞詩碑

桃源縣志曹唐題

唐武元衡桃源洞詩碑

武陵源在朗江東流水飛花仙洞中莫問漁郎千古事綠楊深

處翠霞空 武元衡

金石文編桃源洞有武元衡絕句一碑行書三行每行十一

字字大四寸許筆力遒勁丰神秀逸似非後代人筆而不書

年月攷武元衡字伯蒼曾祖載德則天皇后之族弟元衡舉

進士累為華原令未幾移疾去德宗欽其才召拜比部員外

郎後擢至御史中丞常對延英帝目送之曰是真宰相器憲

宗元和二年拜門下侍郎同中書門下平章事兼判戶部事

後以蜀新定詔以檢校吏部尚書兼門下侍郎同平章事為
劍南西川節度使尋兼縣伯封臨淮郡公八年召還秉政後
為怨家王承宗使盜殺害贈司徒諡曰忠愍見新唐書本傳
全唐詩載此詩漁郎誤作阮郎題作同苗郎中送嚴侍御赴
黔中因訪仙源之事

唐杜牧桃源洞詩碑

花滿西園淑景催幾多紅豔淺深開此花不逐溪流去晉客何

因入洞來 杜牧

桃源縣志行書杜牧題無年月碑高五尺一寸廣二尺四寸

唐胡曾桃源洞詩碑

一溪春水徹雲根流水桃花片片新若道長生是虛語洞中爭

得有秦人 胡曾

嘉慶通志案胡曾邵陽人咸通中舉進士不第嘗為漢南從

事有詠史詩三卷傳世全唐詩載其所作武陵溪一首即此

詩 唐李羣玉桃源洞詩碑

我到瞿童上升處山川西望使人愁紫雲白鶴去不返惟有桃

花溪水流 李羣玉

金石文編李羣玉桃源洞絕句一首刻石洞中行款字數大

小與武元衡詩同惟行書筆畫較肥少遜武碑之挺秀攷方

輿勝覽列李羣玉於澧州人物云裴休入相以詩薦之遂授校書郎全唐詩錄其詩三卷云字文山澧州人此詩在其內標題云桃源

唐桃源修壇記

寶刻類編寒宗儒撰甘從和書在鼎州通志略碑文攷甘從和並作甘從福

唐桃源山界記

桃源洞志王適書

唐赤山廟碑

輿地碑目在沅江縣東北五十里赤山唐光宅二年立以祀范蠡

唐瞿柏庭昇仙碑

以下辰州府

天下金石志温造撰在辰溪縣

案舊通志疑此碑即温造所撰瞿柏庭記刻於桃源者但記與碑俱莫詳其文而桃源辰谿地境各別姑兩存之

大酉洞唐人詩刻

辰溪縣志在縣南十里

唐路恕李吉甫等侍郎竅題名

以下郴州

清河口路恕體仁朝議大夫前守郴州刺史李吉甫貞元十九年歲次癸未拾月戊寅朔式十四日辛丑蒙恩除替歸赴闕長男紳次男緘從行鄉貢進士羅造表

金石文編右路恕李吉甫等題名八分書十行在永興縣侍郎竅恕字體仁京兆三原人大曆八年從父嗣恭討哥舒晃授檢校工部員外郎德宗朝出為懷州刺史遷鄜坊定款觀察使坐事貶吉州刺史以右散騎常侍致仕卒贈洪州都督見新唐書路嗣恭傳後吉甫字宏憲贊皇縣公李栖筠之子以蔭補左司禦率府倉曹參軍貞元初以太常博士出為忠州刺史改郴饒二州憲宗朝為相贈司空諡忠懿見新唐書李栖筠傳後此題名蓋即其官郴州刺史時也案吉甫子長名德脩史稱其亦有志操寶曆中為膳部員外郎張仲方入為諫議大夫德脩不欲同朝出為舒湖楚三州刺史附見吉甫傳次即衛國公名德裕武宗朝名相宣宗時貶崖州司戶參軍卒懿宗詔追復太子少保衛國公贈尚書左僕射史別有傳題名云長男紳次男緘攷紳乃中書令李敬元曾孫有詩名時號短李元和初第進士武宗朝為相封趙郡公後辭位以檢校右僕射平章事復節度淮南卒贈太尉諡文肅穆宗時官右拾遺翰林學士與李德裕元稹同時號為三俊德裕當國擢浙東觀察使緘乃德宗朝相義陽郡王李抱貞子官至殿中侍御史二李皆非吉甫之子疑題名所云紳者即德脩緘者即德裕殆初名本與之同後乃改易耳路恕不稱官清河非路姓郡望下又空一字不可解其題名作一行在

李吉甫銜名前文理不甚相屬然隸書結體大小及行款字數皆合似是同時所題末題進士羅造表表當即書字然於漢人碑刻未見

金石補正湖南通志脫京字表作表皆審未細也後尙有一題二字當是後人妄鑿

唐梁褒先侍郎竅題名

朝散大夫使持節郴州諸軍事守郴州刺史賜緋魚袋梁褒先因行春經此石室續勒脩口元和式年五月十日先記 西羌安常皎鐫

金石文編右梁褒先題名八分書七行後正書一行在永興

金石補正湖南通志缺修鐫之鐫字褒先單稱先字與浯溪柳宗直同

案梁褒先郴州志職官未載

唐安政興侍郎竅題名

安政口元和十三年二月六日至此阻水五日故記

金石文編右安政興題名正書四行在永興

嘉慶通志案是題據下韓泰等題名安政下缺文知是興字

又據浯溪元友讓詩刻安政興隴西人

唐楊於陵侍郎竅題名

於陵已紀題於北巖不復重備年月金丹亦同至此巖衡山大

德誠盈續來登

金石文編右楊於陵題名正書五行在永興縣侍郎竅

嘉慶通志案新唐書於陵本傳憲宗時貶郴州刺史無年月

惟舊書本傳云十一年貶桂陽郡守題名云已紀題於北巖不復重備年月今北巖題名未見

唐韓泰等侍郎竅題名

朝散大夫守睦州刺史韓泰子壻鄉貢進士斐文男師仁男懿文右泰長慶元年三月自漳州刺史授郴州四年六月轉睦州八月九日沿流之任處士嚴行立同行黃萬書安政興鐫

金石文編右韓泰題名正書九行在永興縣泰字安平順宗

朝王伍王叔文用事陰結天下名士泰與柳宗元劉禹錫等皆諧附之憲宗立皆貶謫遠州史稱泰有籌畫爲伍叔文所倚重能決大事以戶部郎中神策行營節度司馬貶虔州司

馬終湖州刺史附見新唐書王伍傳其任漳郴睦三州刺史

傳皆不載蓋略之也

金石補正斐文湖南通志作斐文

唐宋祝侍郎竅題名

前太常博士宋祝大唐光化四年五月十一日經此

金石文編右宋祝題名正書三行在永興縣

唐桂陽嚴碑

金石錄李涉撰八分書無姓名寶曆中立

嘉慶通志案唐時桂陽縣隸連州唐書地理志桂陽下云有

桂林山此銘今不知所在李涉洛陽人初與弟渤同隱廬山

後應陳許辟憲宗時官太子通事舍人尋謫岐州司倉參軍

大和中為太學博士復流康州自號清溪子有集二卷全唐

詩采其詩一卷有題蘇仙宅枯松一首則涉必曾至郴桂者

唐延壽寺銅鐘

以下靖州

明統志在靖州飛山之陽唐時山有延壽寺後寺廢而銅鐘

為夷人取歸潭洞尚存

唐王思齊碑

方輿勝覽鑿字溪在通道縣西南宋元豐中土人於溪旁得

古碑乃唐人視中將軍王思齊率兵征蠻過此山石險礙負

舟而濟鐫字以記歲月夷人因目為鑿字溪

名勝志在沅州芙蓉谿宋元豐癸亥通道於廣西溪旁得此

唐雲朝山寺碑

以下澧州

澧州志林雲朝山記在慈利縣碑記剝落惟貞觀二字猶未

泯

唐陸宣公墓碑

澧州志林清化驛旁稻羅山今為唐氏祖塋康熙末有唐開
禧卜葬穿墳得碑勒唐宰相陸宣公墓七字開禧旋瘞之
嘉慶通志案陸贄嘉興人德宗時貶忠州別駕順宗初卒於
貶所後益歸葬故今嘉興有其墓不應澧州又有墓志林已
辨之

唐李涪風樓真殿詩

以下桂陽州

桂陽州張志在州東鹿峯山後石上年久莫辨

唐龍山廟碑

嘉慶通志案李涪風見新唐書方技傳其至桂陽於傳無攷

名勝志在藍山縣莊武龍者以唐大和間知藍山縣事遂家
焉

湖南通志卷二百六十七

湖南通志卷二百六十八

藝文志二十四 金石十

後梁重脩黃陵懿節廟記

長沙府

寶刻類編蕭振撰柴嘏正書并篆額開平元年九月二十五

日建在潭州

嘉慶通志案懿節廟唐昭宗天祐二年封見唐會要

後唐符王廟鐘

以下衡州府

衡州府饒志在酃縣莊宗同光二年鑄造每值大旱祭之輒

雨

後唐楚王捨鐵盆

南嶽總勝集在鎮南殿前

後唐何仲舉墓碑

永州府

道州新志在州北二十五里

嘉慶通志案仲舉營道人後唐天成中登進士第馬殷開天

策府置十八學士仲舉其一也又出為全衡二州刺史見陶

岳五代史補等書

後唐大德寺碑

以下澧州

澧州志林在新州城北隅寺劫自唐景泰時有羅漢像十七

軸据刺史水之文碑記為吳道子遺筆

嘉慶通志案唐無景泰年號疑後唐清泰之譌故列此

後唐七姑仙女祠碑

澧州志林在慈利縣東三十里七姑山有周樸碑記

嘉慶通志案方輿勝覽天門山在慈利縣五代有道之士周

朴有題天門十六峯詩澧州志林云周樸慈利人居天門山

楚王馬殷父子開天策府擢用英賢屢徵不起又載周朴天

門靈泉院詩一首南樓詩二首又載後唐處士周樸墓在永

定縣天門山朴與樸字通用攷唐書黃巢傳有吳興周樸死

福州之亂又全唐詩云周朴字太朴吳興人避地福州黃巢

寇闖欲降之不從見害係唐末人又死於闖不應墓在永定

賞別是一人

後晉溪州銅柱文

永順府

復溪州銅柱記 天策上將軍江南諸道都統楚王希範 天

策府學士江南諸道都統奉書記通議大夫檢校尚書左僕射

兼御史大夫上柱國賜紫金魚袋李宏舉撰 粵以天福五年

歲在庚子夏五月楚王召天策府學士李宏舉謂曰我烈祖昭

靈王漢建武十八年平徵側於龍編樹銅柱於象浦其銘曰金

人汗出鐵馬蹄堅子孫相連九九百年是知吾祖宗之慶允緒

縣遠則九九百年之運昌於南夏者乎今五溪初甯羣師內附

古者天子銘德諸侯計功大夫稱伐必有刊勒垂諸簡編將立

標題式昭恩信敢繼前烈為吾紀焉宏舉承教濡毫載敘厥事

蓋聞梓柯接壤盤瓠遺風因六子以分居入五溪而聚族上古以之要服中古漸不羈縻洎師號精天相名映氏漢則宋均置吏稍靜溪山唐則楊思興師遂開辰錦邇來豪右時恣陸梁去就在心否臧由己溪州彭士愁世傳郡印家總州兵布惠立威識恩知勸故能歷三四代長千萬夫非德教之所加豈簡書而可畏亦無辜於大國亦不虐於小民多自生知因而善處無何忽承間隙俄至動搖我王每示含宏嘗加姑息漸為邊患深入郊圻剽掠耕桑侵暴辰澧壩吏告逼郡人失甯非萌作孽之心偶昧戢兵之法焉知縱火果至自焚時晉天子肇創丕基倚注雄德以文皇帝之徽號繼武穆王之令謨冊命我王開天築府天人降止備物在庭方振聲明又當昭泰眷言僻陋可俟綏懷而邊鄙上言各請効命王乃以靜江軍指揮使劉勅率諸部將付以偏師鉦鼓之聲震動谿谷彼乃弃州保嶮結寨非高惟有鳥飛謂無人到而劉勅度遵廟筭密運神機跨壑披崖臨危下瞰梯衝既合水泉無汲引之門樵採莫通糧糗乏轉輸之路固甘於甲豈暇投戈彭師果為父輸誠束身納款我王怒其通變爰降招撫崇侯感德以歸周孟獲畏威而事蜀王曰古者叛而伐之服而柔之不奪其財不貪其土前王典故後代著龜吾伐叛懷柔敢無師古奪財貪地實所不為乃依前奏授彭士愁溪州刺史就加檢校太保諸子將吏咸復職員錫賚有差俾安其

土仍領粟粟大賑貧民乃遷州城下於平岸溪之將佐銜恩向化請立柱以誓焉於戲王者之師貴謀賤戰兵不染鏑士無告勞肅清五溪震鷲百越底平壇理保父邦家爾宜無擾耕桑無焚廬舍無害樵牧無阻川塗勿矜激瀨飛湍勿恃懸崖絕壁荷君親之厚施我不徵求感天地之至仁爾懷甯撫苟違誠誓是昧神祇垂於子孫庇爾族類鐵碑可立敢忘賢哲之踪銅柱堪銘願奉祖宗之德宏臯仰遵王命謹作頌焉其詞曰 昭靈鑄柱垂英烈手執干戈征百越我王鑄柱庇黔黎指畫風雷開五溪五溪之險不足恃我旅爭登若平地五溪之眾不足憑我師輕躡如春冰溪人畏威仍感惠納質歸明求立誓誓山川兮告鬼神保子孫兮千萬春 推誠奉節宏義功臣天策府都尉武安軍節度副使判內外諸司事永州團練使光祿大夫檢校太傅使持節永州諸軍事行永州刺史兼御史大夫上柱國扶風縣開國侯食邑一千戶馬希廣奉教監臨鑄造 天福五年正月十九日溪州刺史彭士愁與五姓歸明眾具狀飲血求誓楚王略其詞鑄於柱之一隅 右據狀溪州靜邊都自古已來代無違背天福四年九月蒙王庭發軍收討不順之人當都願將本管諸團百姓軍人及父祖本分田場土產歸明王化當州大鄉三亭兩縣苦無稅課歸順之後請祇依舊額供輸不許管界團保軍人百姓亂入諸州四界劫掠盜逃走戶人凡是王

庭差綱收買溪貨并都募採伐土產不許輒有庇占其五姓主
首州縣職掌有罪本都申上科懲如別無罪名請不降官軍攻
討若有違誓約甘請准前差發大軍誅伐一心歸順王化永事
明庭上對三十三天明神下將宣祇爲證者王曰尔能恭順我
無科徭本州賦租自爲供贍本都兵士亦不抽差永無金革之
虞克保耕桑之業皇天后土山川鬼神吾之推誠可以元鑒
靜邊都指揮使金紫光祿大夫檢校太保使持節溪州諸軍事
守溪州刺史兼御史大夫上柱國隴西縣開國男食邑三百戶
彭士愁武安軍節度左押衙開江都指揮使知使防遏營金紫
光祿大夫檢校司徒前溪州諸軍事守溪州刺史兼御史大夫
上柱國彭允瑄武安軍節度左押衙充靜寂都指揮使金紫光
祿大夫檢校司徒前溪州諸軍事守溪州刺史兼御史大夫上
柱國田宏祐武安軍節度左押衙金紫光祿大夫檢校司徒前
溪州諸軍事守溪州刺史兼御史大夫上柱國彭師佐武安軍
節度左押衙金紫光祿大夫檢校司徒前溪州諸軍事守溪州
刺史兼御史大夫上柱國田倬暉武安軍節度左押衙充砂井
鎮遏使銀青光祿大夫檢校尚書左僕射兼御史大夫上柱國
彭師榘武安軍節度左押衙前砂井鎮遏使三井都管使銀青
光祿大夫檢校尚書左僕射兼御史大夫上柱國龔朗芝武安
軍節度左押衙充溪州副使銀青光祿大夫檢校尚書右僕射

守溪州三亭縣令兼御史大夫上柱國彭師俗武安軍節度左
押衙充金澗里指揮使銀青光祿大夫檢校尚書左僕射兼御
史大夫上柱國覃彥勝武安軍節度左押衙銀青光祿大夫檢
校尚書左僕射兼御史大夫上柱國田宏贊武安軍節度左押
衙左義勝第三都都將銀青光祿大夫檢校刑部尚書前守富
州別駕兼御史大夫上柱國彭師杲武安軍節度討擊副使左
歸義第三都都將銀青光祿大夫檢校左散騎常侍兼御史大
夫上柱國彭師晃武安軍節度衙前兵馬使前溪州左廂都押
衙銀青光祿大夫檢校太子賓客兼御史大夫上柱國向宗彥
武安軍節度同十將前溪州左廂都虞候銀青光祿大夫檢校
太子賓客兼監察御史上柱國龔貴前溪州大鄉縣令將仕郎
試大理評事兼監察御史賜緋魚袋彭允臻武安軍同節度副
使攝溪州司馬銀青光祿大夫檢校左散騎常侍兼御史大夫
上柱國覃彥仙武安軍同節度副使前攝大鄉縣令銀青光祿
大夫檢校左散騎常侍兼御史大夫上柱國覃彥富武安軍節
度攝押衙充靜寂都副兵馬使銀青光祿大夫檢校右散騎常
侍兼御史大夫上柱國田思道武安軍節度副將充溪州知後
官銀青光祿大夫檢校國子祭酒兼御史大夫上柱國朱彥蟬
大晉天福五年歲次庚子七月甲子朔十八日辛巳鑄八月
甲午朔九日壬寅鑄十二月壬辰朔二十日辛亥立 維天禧

元年十一月十五日移到至十六日豎立記此行在文首第一行標題下
 金紫光祿大夫檢校兵部尚書使持節溪州諸軍事溪州刺史
 兼御史大夫上柱國長沙縣開國伯食邑九伯戶五溪都團練
 使彭德此行在第二行銀青光祿大夫檢校國子祭酒知溶州軍
 州事兼監察御史武騎尉彭此行在第六行知夷州軍州事彭
 君庸知忠彭州軍州事彭文結知南州軍州事彭光明以上三行在第四五六行下並列
 當知溶州街名下知州趙文儼團練彭如遷前三亭縣令彭如
 喜三亭縣令彭文雅都監彭文威溪州都監彭如興溶州都監
 彭仕明統軍使彭如武以上一行題於都揮指使彭文仙知萬
 州軍州事田彥存高州巡檢使彭如聰以上三行在第十行下巡檢使彭如
 品在第十行下洞彭如慈統軍彭仕進排軍指揮使陳文結巡檢
 朱繼顯教練使屈思以上七行在第十行下靜邊都指揮使彭文勝在第十
 溪州軍事推官辛在二十行下湘州羅文瞻史軍羅方能在十一行
 下巡檢羅萬貴在二十行下錄事參軍寥保訓水南都指揮使羅文
 彥金唐縣田成益教練使彭進溪州知州彭君善鈐轄軍萬富
 五都彭如亮以上三行在二十五行下五溪巡檢使知向化州彭如會知保
 靜州軍州事彭光陵知來化州軍州事彭允會知感化州軍州
 事軍文綰團練向行仙古州軍萬貴以上七行在二十五行下五溪都招安
 巡檢使田思滿左衛翼貴朋知永州軍州事彭君昌以上八行在
 下溪洞巡檢知武甯州軍州事彭口口知富州軍州事軍文勇

知謂州軍州事軍允贊知州朱進通知州符彥貴鈐轄彭如權
 鈐轄軍文見以上九行在二十九行下知州田彥勝通判田彥強知州田思
 趙施西知州彭允強以上三行在三十行下銅柱高壹丈貳尺內入地
 陸尺重伍斤并石蓮花臺及下有石頰此行在四十
 舊五代史馬希範晉天福中授江南諸道都統又加天策上
 將軍谿州洞蠻彭士愁寇辰澧二州希範討平之士愁以五
 州乞盟乃銘於銅柱希範自言漢伏波將軍援之後故鑄銅
 柱以繼之
 演繁露楚王馬希範既破羣蠻自以為伏波之後以銅五千
 斤鑄柱高丈二尺入地六尺刻誓狀於上立之溪州
 方輿勝覽銅柱在會溪城晉天福五年溪州刺史彭士愁納
 土求盟楚王馬希範請於朝以立之學士李舉為之銘
 王士禎池北偶談陸游南唐書謂彭師鬻不知其世家希範
 與弟希崇爭國希範敗見執希崇避殺兄名於是命師鬻幽
 希尊於衡山使甘心焉師鬻歎曰爾後欲使我執君邪吾豈
 為是哉至衡山與廖偃護視甚謹遂築行府奉希尊為衡山
 王詳命金陵元宗為出師定楚亂希尊遂入朝偃師鬻俱從
 行馬令南唐書云希崇遣彭師鬻廖偃囚希尊於衡山師鬻
 奉希尊為衡山王臣於南唐十國春秋云希尊入府視事吳
 宏彭師鬻見希尊皆釋不殺賜希廣死彭師鬻葬之瀏陽門

外師焉疑卽師杲也然則彭氏雖溪蠻乃馬氏之忠臣與周
行逢據湖南時有謠云滿天太保滿地司空觀此碑所書蓋
自馬氏時已然矣

朱彝尊曝書亭集石銅柱記楚王馬希範與溪州刺史彭士
愁立誓范金爲柱命掌書記天策府學士李宏舉作記柱高
一丈二尺入地六尺重五千斤環以石蓮花臺在今辰州溪
蠻境上去府治百餘里以是罕有摹拓本流傳於世卽好古
如翟趙曾洪諸家亦未之著錄也予年三十讀歐陽子五代
史愛其文辭及覽觀司馬公通鑑編年敘事反詳於國史之
紀傳心竊未安因與鍾秀才淵映約分注歐陽子書旣而予
從雲中轉客太原訪沙陀北漢故蹟殘碑斷碣摩挲抄撮淵
映亦多所攷證不幸客死於燕遺棄盡失從此予無相助者
興轉闌珊矣康熙戊午崑山葉徵士奕苞相聚京師語及金
石文自言家有銅柱記拓本乃託其郵致具錄記文審定楚
世家之誤宏舉止名曰臯彭士愁易以士然其子師杲易以
師揭劉勅本靜江軍指揮使不書其官未免太略亦且失實
當以記爲正也 溪州銅柱記卷還葉氏求之三十年不得
歲在己丑七月忽獲之西吳書估舟中文字完好出於意表
檢視時跋尾於宏舉本末未之詳乃命裝潢手作冊綴舊
題於前續書其末馬希範之喪天策府都尉希廣其同母弟

武陵帥希範其庶兄宏舉主立希廣而大校張少敵憂之謂
曰希範次長負氣必不爲都尉下且與九溪蠻通好若不得
立勢將引蠻軍爲亂幸熟思之宏舉不從少敵遂辭去希廣
立未幾希範果以武陵反合九洞溪蠻分路齊進遂至長沙
縊希廣於郊外而支解宏舉此事歐陽子亦略而不書溪州
靜邊都向化立誓狀具於天福五年正月記撰於是年五月
柱鑄於七月字鑄於八月立於十二月宋天禧元年十一月
移豎今所

金石錄補希範馬殷子也殷由梁而唐而晉奄有南夏希範
以次襲爵楚王唐廢帝清泰三年賜弓矢冠劍晉高祖天福
四年加天策上將軍開府如殷故事溪州卽今湖廣永順軍
民府西接梓潼兩林南通桂林象郡五溪諸蠻彭氏最大史
稱希範遺劉勅全明以步卒五千攻彭士然士然遣子師
喬降於勅乃立銅柱爲表命學士李舉記之案碑曰士愁而
非士然曰宏舉而非舉曰師杲而非師揭有勅而無全明史
云南甯莫彥殊都雲尹懷昌梓潼張萬溶率其本部共三十
七州附於希範合彭氏爲四而碑云五姓歸明碑中具彭氏
誓詞及希範答語後列彭氏子姓從臣之名字殊醜惡以其
與史互異錄之吳任臣十國春秋云通鑑作彭仕愁五代史
作彭仕然而以此銅柱作士然爲可信予所得拓本爲士愁

字畫顯著為無可疑未知志伊所見又與子異何也

錢大昕十駕齋養新錄溪州銅柱記馬希範據湖南時所立其誓文首云天福五年正月十九日而不題大誓其誓詞云蒙王庭發軍收討又云歸明王化又云凡是王庭差綱收買溪貨竝都募采伐土產不許輒有庇占蓋其時知有潘鎮不知有朝廷久矣記後列銜名吳氏十國春秋竝不載吾友武虛谷授堂題跋始具錄之記文空處多攙入宋人題名字迹較劣而知州通判都監鈴轄皆宋時官名斷非天福元刻虛谷未及別白也宋史西南溪峒諸蠻傳彭氏有文綰者知中彭州即忠順州也此刻有知忠彭州軍州事彭文綰蓋即其人中忠字互異當依此刻為正傳稱文綰以景德二年知忠彭州天聖三年為彭儒猛所殺則題名當在天聖以前也吳志伊未見此刻所載記文多誤又不錄誓文予所藏本乃畢尚書總制楚中時所貽此柱今在永順府境人迹罕至椎拓頗不易

授堂金石跋銅柱記李宏皋撰皋即馬希範依其父殷所置學士十八人之一也宏皋史皆作皋避宣祖諱刪之舊五代史希範傳希範自言漢伏波將軍援之後故鑄銅柱以繼之今記文稱我烈祖昭靈王漢建武十八年平徵側於龍編樹銅柱於象浦是其事也記文吳任臣十國春秋全見宏皋傳

案記文五溪初甯傳作初輯式昭恩信傳作式昭恩德載敘厥事傳作敬載厥事盤瓠遺風傳作五溪遺風泊師號精天傳作師號消服漢則宋均置吏稍靜溪山唐則楊思興師遂開辰錦傳作宋均甫肇靖溪山楊興師遂開展境溪州彭士愁傳作彭士然故能歷三四代長千萬夫傳歷作立千作百亦不虐於小民傳亦作必剽掠耕桑傳剽作擾肇創丕基傳肇作大方振聲明傳明作名各請効命傳作各効命土付以偏師傳付作士結寨馮高傳寨作阻固甘於甲豈暇投戈傳脫豈暇投戈惟作因甘於恤彭師果作馮崇侯感德以歸周傳作崇虎就加檢校太保傳無就字底平堰理傳作居平荷君親之厚施傳作厚德垂于子孫傳于作子敢忘賢哲之踪傳敢作可我王鑄柱庇黔黎傳我王作誕今五溪之眾不足馮傳馮作平溪人畏威仍感惠傳作思納質歸明求立誓傳作棄污歸口求立誓案任臣依記文為傳蓋未收銅柱元文所据名山記及廖道南楚紀或近方志所載是以脫謬至此也記後勒誓詞與彭氏官屬銜名任臣亦未收案題名中馬希廣彭師果二人竝見歐史希廣字德丕希範同母弟師果即士愁子史以愁為然杲為鬻非也十國春秋廢王世家書希廣當文昭王時不著其官師果傳官亦略證之此碑題銜皆足補遺又州名夷州忠彭州南州高州湘州向化州保靜

州來化州感化州古州謂州縣名如金唐官制其職事者大理評事錄事參軍知軍州事別駕鈐轄團練都監巡檢司馬左義勝第三都都將左歸義第三都都將靜寇都指揮使副兵馬使靜邊都指揮使節度副將知後官知使防遏營節度衙前兵馬使節度左押衙溪州左廂都押衙左廂都虞候金澗里指揮使砂井鎮遏使三井都管使巡檢使排軍指揮使教練使討擊副使都招安巡檢使統軍使同十將知軍州諸名地用表百官表未收

金石萃編案五代馬氏王楚時彭士愁引錦溪州蠻入寇在天福四年八月及其子師杲納印請降在五年正月銅柱之立即當是時此事正史所書頗略薛氏及通鑑僅較歐史爲詳然此記文共五千餘字又誓狀二百餘字於構亂歸化始末班班可見其中如士愁作士然師杲作師嵩李宏舉作李舉皆足以正諸史之誤詳前人跋中吳任臣撰十國春秋據名山記及廖道南楚紀得有銅柱記文錄入李宏舉傳實則未見拓本故所載譌漏頗多且以彭士然銅柱亦作仕然斷從歐史而辨通鑑之誤不知記文愁字顯然正與薛氏史合是非倒置殊未然是刻前後題名者七十四人彭氏適居其半惟士愁師杲二人稍可攷見餘皆不得而知矣記述希範之言曰我烈祖昭靈王漢建武十八年平徵側於龍編樹

銅柱於象浦昭靈王卽漢伏波將軍馬援也希範自以爲援後故因伏波故事仿鑄銅柱耳後漢書及通鑑皆不載鑄柱之事據寰宇記嶺南道九德縣古越裳國後漢遣馬援討林邑蠻自交趾循海隅隨山刊木開陸路至日南郡又南行四百餘里至林邑國又南行二千餘里有西屠夷國援至其國鑄二銅柱於象林日南界與屠夷分境以紀漢德之盛後漢書但云緣海而進隨山刊道千餘里而已卽西南夷傳亦未之詳也此記竝載銅柱銘金人汗出四語大足以裨史鑑之缺再攷唐武德初諸蠻歸附始置巫錦溪富敘等州旋置麻陽縣錦州大姓彭氏舒氏向氏因彭氏處以上下溪及保靖等州至楚衡陽王時彭師杲以錦溪獎三州歸附立銅柱於下溪州爲界在今辰州府西北一百十里至宋建隆三年慕容延釗平湖湘知溪州彭允殊偕前溪州刺史田宏斌名中題等列狀歸順乾德五年溪酋彭允足入朝授濮州牢城都指揮使以其據險持兩端因置內地羈之景德三年辰州蠻攻下溪州刺史彭儒猛擊走之溪州刺史彭文慶率溪州蠻來朝大中祥符六年辰州溪崗都指揮使彭進武數寇邊降詔招諭進武詣吏請罪復勞之天禧元年辰州都巡檢使李守元攻白霧團斬蠻級降其酋三百人而彭儒猛叛知辰州錢絳等斬降千餘人儒猛亡執其子仕漢歸京師未幾傷

猛降詔至明灘歃血盟而遣之授仕漢殿直處之西京後遭歸引羣蠻爲亂儒猛以聞詔嘉其忠天聖七年下溪州刺史彭仕端使其弟仕義貢方物明道初仕端死命仕義爲刺史仕義有子師寶景祐中知忠順州後以罪絕其貢自咸平後始聽二十州納貢歲有常賜蠻人以其科有罪則絕之後師寶數自訴請知上溪州皇祐二年始從之朝貢如故寶元二年辰州結獠三千款附彭仕義邀擊之有其地自號如意大王補置官屬將爲亂其子師寶攜妻至辰訴父不法知辰州宋守信率兵深入仕義遁其官軍戰死者十六七守信坐貶蠻遂數寇邊吏不能制朝廷遣吏論許改過裁省五六七州貢奉久之仕義仍歸所掠兵丁率蠻七百飲血就降卽辰州界喏溪據守其姪師晏攻殺之納誓表於朝歸喏溪地竝獻皮向洞地界詔以爲下溪州刺史熙甯初湖北提刑趙鼎言蠻眾欲內附辰州辰州布衣張翹亦上書請先招下富峽二州則餘州皆可郡縣詔下知辰州商度請如翹言因遣章惇爲察訪河北經制諸蠻事以石鑑爲湖北鈐轄兼知辰州助惇經制乃置羈縻州三十六而下溪州大彭氏居之時江北提點刑獄李平招納彭師晏誓下州同諸蠻各以其地歸版籍詔脩築下溪城竝置砦於茶灘南岸名曰黔安戍以兵隸辰州出租賦如漢民遣師晏詣闕投京東州都監彭氏於五

代後反覆不靖如此至元初下溪州彭萬潛改其州爲永順軍民安撫司及明嘉靖中苗大叛永順宣尉彭宗舜保靖宣尉彭璽臣尙助官兵征討悉士愁之後至今猶爲土司焉蠻人極重銅柱故太平興國七年詔辰州不得移馬氏銅柱而本朝辰州府知府王某以銅柱立千有餘年其文可攷今各崗土司不遵前約妄搆難端或焚廬舍或擾耕桑或掠人民或行竊盜竝非其祖歸命定盟垂示永久之意請將墨搨記文飭示各土司官苗俾各如約遵行永安邊土督撫從之具著辰州府志蓋是記之重於蠻陬又如此百餘年來尙蠻反側不時屢有抄掠致勞軍旅故詳載其始末以告大吏之善爲撫馭者嶺表錄稱伏波銅柱舊有刺史章公幹刺愛州其柱在境公幹利其財欲椎銘之土人不知援所鑄以爲神物訴於都督都督移書辱之公幹乃止然則援鑄之柱久已不顯而五季所鑄猶能使苗民懾服金石傳流蓋非偶然而官知府者尙知拓文示眾其視公幹賢不肖相去何如也記文乃遷州城於平岸之下作乃遷州城下於平岸後之題名都指揮使彭文仙作都指揮使皆鑄造時錯誤

金石文編右晉天福五年銅柱今在永順縣之會溪乃沅陵永順二縣交界處上刻記文竝標題街名共二十五行每行五十六字微有參差正書字徑五六分第二行李宏皋街名

一行低八字次馬希廣監造街名二行低三字次天福五年云云二行後列誓詞五行低一字次彭士愁等十九人街名七行亦低三字次鑄立年月日一行低四字共四十二行天禧移登年月一行續刻於記文首標題一行下又有彭德口等五十三人街名散題各行之下空處字蹟俱不端正大小亦不齊恐皆後人續刻故另列於後文首不題書人街名字亦不足取竝多譌繆如諸侯紀功之紀作計忽乘間隙之乘作六常如姑息之常作嘗天神降祉誤神爲人譌祉作止又街名內如榭榭等字俱不可識文云烈祖昭靈王漢建武十八年平徵側於龍編樹銅柱於象浦乃用馬援征交趾事交趾女子名徵側及其妹徵貳反攻郡徵側者麓洽縣雜將之女也嫁爲朱載人詩索妻甚雄勇交趾太守蘇定以法繩之側忿故反建武十九年遣伏波將軍馬援等發兵討之明年四月援破交趾斬之事見後漢書南蠻傳及援本傳援沒後追諡忠成侯竝無昭靈王之封疑係馬氏子孫私自追尊其祖之稱耳文又有盤瓠遺風因六子以分居等語攷南蠻傳高辛氏患犬戎欲募能得其將吳將軍頭者願以女妻之帝有畜狗名曰槃瓠遂銜吳將軍頭至闕下帝以女配槃瓠走止南山石室中三年生六男六女後自相夫婦子孫繁衍卽長沙武陵蠻是也而干寶搜神記曰槃瓠者本高辛氏宮中

老婦人有耳病醫者挑治之有物大如繭以瓠離盛之以漿覆之有頃化爲犬其文五色因名槃瓠太平御覽則與史傳卷九百五異而與劉昭注所引魏略略同文又云師號精天相名姚氏者蠻人名渠帥曰精夫相爲姚徒亦見南蠻傳槃作盤古字通用帥作師夫作天恐刻工之譌又云漢則宋均置吏唐則楊思與師者漢建武二十四年羣蠻入寇遣伏波將軍馬援等擊破之乞降會援病卒謁者宋均矯制受降爲置吏司羣蠻遂平亦見南蠻傳及宋均本傳其云唐之楊思者當是官者楊思勗也唐開元十二年五溪首領章亂詔思勗爲黔中招討使率兵六萬往執行章斬之事見唐書本紀及思勗傳楊思勗但稱楊思似不成文然古人往往有之也攷唐志辰州本沅陵郡天寶元年更名又錦州垂拱二年以辰州麻陽縣地及開山洞置溪州天授二年隸辰州李宏舉方輿勝覽五代史補三楚新錄皆避諱作李皋其馬希範題街江南諸道都統及馬希廣李宏舉劉勗等各銜竝官名地名人名五代史都不載俱可據以補之李宏舉後以馬希範卒立嫡弟希廣而不立希萼爲希萼所殺大鄉三亭二縣本唐舊置竝隸溪州冊與策古字通策又策之別體字子嘗得馬殷所鑄乾封泉寶鐵錢背穿上有策字者正與此柱文同體史改作冊其義雖通非是空處銜名必是後人續刻錢曆事金

石文跋尾定爲宋人所題因知州通判都監鈐轄皆宋時官名又有知忠彭州軍州事彭文綰見宋史西南溪侗諸蠻傳謂文綰於景德二年知忠彭州天聖三年爲彭儒猛所殺題名當在天聖以前予案記後題靜邊都指揮諸衙名大約宋初其人尙有存者西南溪侗諸蠻傳云溪州彭士愁等以溪錦獎州歸馬氏立銅柱爲界建隆四年知溪州彭允林前溪州刺史田洪贊等列狀歸順詔以允林爲溪州刺史洪贊爲萬州刺史此田洪贊疑卽題名所列檢校尙書左僕射之人當亦作史者避諱改爲洪耳又案景德二年十二月荆湖北路言溪侗團練使彭文綰送還先陷漢口五千人詔授文綰檢校太子賓客知中彭州大中祥符八年詔中彭州彭文綰歲賜錦袍彭文綰之姓名屢見宋史其卽一人無疑史又言咸平六年七月南高州義軍指揮使田彥強來貢疑卽此所題之通判田彥強也又言元祐三年知藍州彭士明等各同其州押案副使進奉與龍節及冬至正旦溪布有差云云亦與此溶州都監同名計元祐上距宋初已百餘年宜非一人恐題名陸續所鑄未必僅止天聖以前也彭氏世有溪州之地分上中下三溪總二十州皆置刺史在宋初猶然空處續題金紫光祿大夫等銜名有富州溶州南州萬州高州古州謂州施州保靜州感化州諸地名具見宋史記文後刻彭士

愁誓詞與楚相約歸順王化無輕攻討迨馬氏亡入宋後溪蠻依舊順逆不常惟銅柱一物被人奉爲故事似甚寶愛故宋史載太平興國七年詔辰州不得移步內馬氏所鑄銅柱又至和二年知辰州宋守信等討彭仕義俘其孥及銅柱嘉祐二年仕義率蠻眾就降辰州亦還其孥及銅柱記文首行標題下續題天禧元年十一月十五日移到至十六日豎立記云者攷史稱天禧元年溪州蠻寇擾遣兵討之或因是年兵亂彼人移此重立或宋令人移其柱於此豎立俱未可知題銜末又有銅柱高壹丈貳尺內入地陸尺重伍斤竝石蓮花臺及下有石頤云云一行頤字不可識字迹與天禧元年一行相類恐卽其移立後同記也王貽上池北偶談載此文所錄銜名多脫誤至記文乃遷州城下於平岸似以四字爲句金石萃編謂係乃遷州城於平岸之下之誤恐未必然永順府志溪州銅柱見在永順縣東會溪對岸其柱出土高可六七尺周圍約三四尺六稜中空厚可寸餘鑄字方整如顏柳體深入數分銅質清濶光潤歷久不磨字亦完整毫無剝蝕相傳埋土八尺外露七尺中空者其下鎔錫灌之上皆以錢築實錢爲人盜盡又聞柱上另有銅頂爲蓋亦爲人盜去重不可致棄入水中

案舊志所載有誤字今據石本正之

後晉精果字鐘及碑

沅州府

輿地碑且在沅州羅城內有天福鐘及豎碑

南唐袁石題字

澧州

寶刻類編徐延祚篆書保大五年在澧州

南嶽福嚴寺吳越七寶塔

衡州府

南嶽總勝集太平興國中賜額般若寺政和六年被回祿後

七年修建昔忠懿王在吳越時嘗以七寶造阿育王塔八萬

四千銅鑄八萬四千鐵鑄八萬四千紙絹印福嚴有七寶塔

舊置於方丈他日既經煨燼巨鐘大石皆鎔裂獨此塔不變

眾謂忠懿願力也

嘉慶通志案吳越王錢宏俶造銅塔四板合成外繪梵夾故

事下各有一保字或人字以區別之嘗以五百塔遣使頒日

本其他皆瘞藏於十三州一軍之內近日錢泳金塗塔攷記

載甚詳而總勝集所載福嚴寺一條竟未之及觀此知瘞藏

之處不僅在吳越州軍管內其言銅鐵鑄紙絹印各若干云

云均足補泳書所未備

南漢崇福寺銅鐘款

桂陽州

大漢桂陽監敬鑄造鐘壹口重二百五十斤謹捨於崇福寺永

充供奉特冀殊因上資國祚次及坑鑪民庶普獲利饒大寶四

年太歲辛酉十一月二十四日設齋慶讚訖謹記

金石文編南漢大寶四年鐘在桂陽州城隍廟中其文陰款

正書六行字徑四五分學使徐星伯編修訪得之以拓本貽

予以史攷之桂陽郡本漢置唐改為郴州屬江南道地理志

云郴州桂陽郡有桂陽監食貨志謂唐自武德四年諸州始

置監鑄錢至天寶中役用減而鼓鑄多天下鑪九十九而郴

有五至貞元二十年李巽以郴州平陽銅坑二百八十餘復

置桂陽監以兩鑪日鑄錢二十萬此桂陽監之所由昉也以

今地理言之郴與桂陽二州自漢置唐皆郴州桂陽郡之地

昭宗乾甯三年馬殷為潭州刺史遣其將秦彥暉等攻下連

邵郴衡道永六州自是郴始屬馬殷為楚地三傳至馬希廣

為其兄希萼所殺自立南漢劉晟先遣使聘楚求婚不許遂

乘亂攻之乾和九年遣內侍潘崇徹攻取郴州自後郴又屬

之南漢至宋太祖開寶四年始得其地後以郴桂陽宜章永

興興甯桂東六縣為郴州分平陽藍山臨武三縣即桂陽監

置桂陽軍即今之桂陽州也今之湖南省惟郴與桂陽二州

會隸南漢版圖所謂嶺南北十州之一耳餘皆楚馬氏之地

後為周行逢所據於建隆四年歸併於宋者此鐘今在桂陽

州其款不稱郴州桂陽郡而稱桂陽監并有次及坑鑪民庶

之詞可知其地即係當時設監之所矣大寶四年即宋太祖

建隆二年係劉晟之子張卽位改元之四年距攻取郴州已

隔十年又十年而南漢始亡於宋星伯聞之士人云此鐘自他處移來崇福寺今已不知其遺址矣

金石補正石銅鐘在桂陽州城隍廟同治戊辰六月吳春谷太守權州篆為予拓致之湖南通志所載誤設為投年月二行誤列於前宜改正也攷桂陽州漢郴縣地至唐置桂陽監隸郴州屬江南西道又置平陽縣五代晉省入桂陽監周時為南漢所有劉鋹大寶四年周已先一年亡矣唐書地理志云郴州有桂陽監元和志云郴州桂陽監在城內每年鑄錢五萬貫又云郴州平陽縣出銅礦供桂陽監鼓鑄又攷會昌中敕鑄錢之所各以本州郡名為背文桂陽監錢用桂字在穿右咸通十一年桂陽監鑄錢官王彤進新鑄錢文曰咸通元寶是郴州銅產唐代甚饒故於此置監鼓鑄南漢仍唐之舊故云坑鑪民庶普獲利饒也

國初設有銅廠乾隆間桂陽州綠紫坳等處歲出砂銅渣銅幾及四十萬斤嘉慶間所出不逮什一今并無之矣餘詳瞿跋文共五行前三行分刻上下區瞿氏以為六行非

後蜀應天萬壽禪寺銅佛像

衡州府

南嶽總勝集寺有蜀王孟氏所捨藏經并銅佛像製作皆精

微可觀

君山寺古鐵器文

岳州府

巴陵縣志張元怵巴陵遊覽記略云僧引予觀寺中古鐵器攷之年月多五代時物或云西蜀孟昶所遺

徽州印符

靖州

一統志綏甯縣廢徽州城輿地紀勝云溪崗曾收得古徽州印及虎符

嘉慶通志案綏甯縣五代時為洞蠻徽州地此印及符乃五代時物

湖南通志卷二百六十八

湖南通志卷二百六十九

藝文志二十五 金石十一

宋儀制令碑

以下長沙府

儀制令大陽堠

賤避貴少避長輕避重去避來

縣尉 縣尉吳

長沙府呂志長沙霧陽鄉古大陽市舊官道有石碑高六七

尺上刻儀制令大陽堠六字傍刻賤避貴少避長輕避重

去避來十二小字故事物紀原宋太平興國中大理孔承恭

奏令各處要路皆刻石揭榜俾民興禮遜厚風俗也

金石文編長沙縣霧陽鄉田間有一碑上刻儀制令大陽堠

正書六大字作二行字徑七八寸下刻小正書約五行字徑

七八分前二行云賤避貴少避長輕避重去避來每行六字

後有一行磨滅不可辨又後一行下存縣尉二字又後一行

下存縣尉吳三字餘皆漫漶未見年月攷宋史孔承恭傳云

嘗疏請令州縣長吏詢訪耆老求知民間疾苦吏治得失及

舉令文賤避貴少避長輕避重去避來請詔京邑并諸州於

要害處設木牌刻其字違者論如律上皆為行之則賤避貴

云云四句本係宋初令文碑所題儀制令是也惟傳言設木

牌刻其字而據事物紀原則云刻石其說互異今石碑見存

豈史傳有誤歟

金石補正石大陽堠石刻距嘉慶末未及周甲而賤避貴

行絕無一字可見石固剝蝕殆拓工率劣故耶姑就所見錄

之案陝西略陽有此刻係清熙辛丑立石武授堂有跋云東

都事略太宗紀太平興國八年正月甲申詔曰傳云能以禮

讓為國平何有宜令開封府及諸州於衝要處設榜刻儀制

令論如律宋史孔承恭傳書上疏舉令賤避貴少避長輕避

重去避來請詔京兆并諸州於要害處設木牌刻其字違者

論如律然則此令為宋律舊文起於上旨榜之要衝固當宋

初已有此制然當時未刻於石也癸辛雜誌載律云去避來

之文太宗嘗問孔承恭曰令文宗貴賤長輕各有相避何必

又云去避來此義安在承恭曰此必戒於去來者互相避耳

蓋承恭又申上問為申律意如此但如宗貴賤長輕於義不

相屬皆傳刻脫誤之過非周氏故書也詳案余所見本長輕

均作承承是別一本也金石續編亦有跋云此令為宋律舊

亦非周氏之原書矣文榜諸要害通衢始設木牌後因刻石詳見武授堂金石文

字跋然則此制始於宋初太宗之詔因承恭疏請也予見唐

六典禮部載凡行路之間賤避貴少避老輕避重去避來宋

制實仿於此武氏未之攷耳祥案癸辛雜誌又云余嘗扣之

棘市老吏云所謂去避來蓋避自我後來者以其人自後奔

走而來此必有急事故耳故當避之也此語亦甚有理

宋鐵佛寺塔內鐵柱文

上生三皈依發願文 南無兜率天宮慈氏如來應正等覺願
 與合識速奉慈顏 南無兜率天宮慈氏如來應正等覺所居
 內眾願捨命已得生其中 南無兜率天宮慈氏如來應正等
 覺願以上第一截隨彌勒下閻浮提龍華三會先得授記 往
 生內院真言 □□□□ 哩你 娑嚩訶 潭州管内觀
 察判官李思明發心鑄寫於塔普願一切有情同生慈氏內院
 以上第一截 千臂千眼觀世音菩薩隨羅尼大身真言 那摩
 薩婆若耶 那謨喝囉怛那多囉夜也 那謨阿弭陁婆耶怛
 他羯多耶 阿囉訶抵三以上第二截 犍三善陁耶 那謨阿
 喇耶跋路枳帝 設嚩囉耶 菩提薩埵耶 訶薩埵耶 摩
 訶迦嚩尼迦耶 那謨摩訶薩他摩波囉鉢跢耶 菩提薩埵
 耶以上第二截 摩訶薩埵耶 摩訶迦嚩尼迦耶 那謨毗捕
 羅毗摩那 素鉢喇底瑟恥多僧弃耶 素喇耶舍多娑阿薩
 囉阿剌迦 鉢囉婆阿縛婆悉多慕唎恒曳以上第三截 摩
 訶末尼摩 吒軍荼羅唎唎呢 薄伽伐底鉢頭摩波拏 曳
 薩囉婆路迦 阿跋耶 奢摩那耶 毗毗陁毒佉三摩鞞舍
 吠瑟吒 薩婆薩埵跢睡慕以上第三截 者那耶 恒姪他
 唵 勃部幡 摩訶□□□ 赦 哆摩悉底□囉 鉢吒囉
 毗那舍那伽囉耶 囉迦你吠沙摩訶慕訶閣 □囉迦

奢婆迦以上第四截囉訖叉迦 薩婆波耶突喇揭底 鉢囉
 舍摩那羯囉耶 薩婆恒他揭□ 三摩嚩駝那羯囉 □醜
 □訶菩提薩埵嚩囉駝 鉢頭摩路迦三步陁以上第四截
 摩訶迦嚩尼迦 折吒摩矩吒楞訖唎多 舍喇□□□羯囉
 迦囉閣多跋折囉 住嚩耶 楞訖唎多舍喇□□□羯囉
 迦囉閣多跋折囉 住嚩耶 楞訖唎多舍喇□□□羯囉
 摩訶社那那囉那利 多娑訶薩囉阿毗囉□多迦耶 摩訶
 菩提薩埵毗駝□毗駝 □那舍耶毗那舍耶 摩訶 都嚩
 訖唎奢以上第五截 迦囉吒囉囉囉遮囉迦波囉摩他
 那 布嚩沙鉢頭 布嚩沙那伽 布嚩沙娑伽囉毗囉毗囉
 閣 素誕跢素誕跢鉢囉後哩哆 駝麼麼 摩娑摩
 度嚩度嚩 鉢囉以上第六截 奢薩耶 鉢囉奢薩 那離
 那離 婢犁婢犁 只離只離姥嚩姥嚩 姥麼姥麼 悶遮
 悶遮 度那度那 婢度那 婢度那 觀摩觀摩 伽耶□
 伽馱耶伽馱耶 喝娑喝娑以上第六截 鉢囉 訶娑鉢囉訶
 娑 毗毗駝 羯唎奢 嚩薩那 麼麼寫 荷囉荷囉荷囉
 僧荷囉僧荷囉 度嚩微度嚩微 摩訶曼荼囉 迦囉拏
 舍哆鉢囉細迦 幡婆娑 毗沙那舍以上第七截 摩迦
 摩訶菩提薩埵 幡囉娜娑訶 進士董叢書開福禪寺傳法
 沙門道崧鑄經所有上件功德願國泰民安風調雨順法界含

靈俱登彼岸 宋淳化元年庚寅歲 李昇鑄字以上第七截
 金石跋尾續石鐵佛寺塔柱文上鑄上生皈依發願文乃往
 生內院真言潭州管内觀察判官李思明發心鑄寫下鑄千
 臂千眼觀世音菩薩陀羅尼大身真言末題進士董護書開
 福禪寺傳法沙門道崧鑄經宋淳化元年庚寅歲李昇鑄字
 在長沙府鐵佛寺金石家未有著錄考今春錢塘梁侍講山
 舟以家藏本見貽蓋其弟冲泉侍郎為湖南按察使日適有
 修塔之役拂拭得之并賦詩紀其事五金惟鐵易壞鑄刻深
 入匪易古鐵文之存於今者唯南漢二塔及此柱皆陰識深
 刻點畫有法非近代鑄工所及若楊吳之大安寺香鑪則陽
 文隱起字亦欹斜難楷模後世矣
 覺羅敦福重修鐵佛寺塔詩序鐵柱如幢貫塔中長丈有四
 尺圍圓尺有七寸首微銳有穿下砥平如截頂刻蟠螭重約
 百鈞一鼓鎔成完好無缺爰命工剔抉繡繡環而文字悉露
 上為宋潭州判官李思明皈依慈氏發願文下為觀音大士
 陀羅尼咒皆進士董護書寺僧日道崧鑄工日李昇計字七
 百六十有奇
 嘉慶通志案乾隆乙未布政使覺羅敦福重修寺塔相傳塔
 頂有鐵壺蘆貯木匣內載唐尉遲敬德督修蓋塔為貞觀時
 建柱文則宋淳化修塔時鑄也重修時木匣仍置塔頂惟以

〔光緒〕湖南通志 卷二六九

塔內揭諦佛像大鐵板四移於塔側彌陀殿前蓋以甄石高
 八尺許四方各嵌鐵板一今竝存
 案鐵佛寺塔在長沙城湘春門外咸豐壬子粵賊寇郡城
 凭高俯矚當事因毀寺塔鐵柱遺擲荒煙蔓草中者久之
 今移至長沙學宮矣
 宋慶曆長沙帖
 集古錄跋晉賢法帖太宗皇帝萬幾之餘畱情翰墨嘗詔天
 下購募鍾王真蹟集為法帖十卷模刻以賜羣臣往時故相
 劉公沆在長沙以官法帖鏤版遂布於人間後有尚書郎潘
 師旦者又擇其尤妙者別為卷第與劉氏本竝行至余集古
 錄古文不敢輒以官本參入私集遂於師旦所傳又取其尤
 者散入錄中俾夫啟卷者時一得之把翫欣然所以忘勸也
 秦觀法帖通解序太宗皇帝時遣使購募前代法書集為十
 卷摹刻於板藏之禁中大臣初登二府詔以一本賜之其後
 不復賜世號官帖故丞相劉公沆守長沙日以賜帖摹刻二
 本一置郡帑一藏於家自此法帖盛行於世士大夫好事者
 又往往自為別本矣今可見者潭絳二郡劉丞相家潘尚書
 師旦家劉御史次莊家宗將世章家凡六本雖有精麗然大
 抵皆官帖之苗裔
 法帖譜系丞相劉公沆帥潭日以淳化官帖命慧照大師希

一六一

白模刻於石置之郡齋增入霜寒十七日王濛顏真卿等諸帖而字行頗高與淳化閣本差不同逐卷各有歲月第一卷題云慶歷五年季夏慧照大師希白模勒第二卷慶歷八年重冬月慧照大師希白模勒第三卷則五年六月第四卷八年重冬月第五卷戊子歲孟冬第六卷五年季夏第七卷五年重秋月第八卷五年季夏月模勒上石第九卷八年重冬月第十卷五年重秋月每卷各有慶歷及慧照大師希白重模字不復贅錄

容齋隨筆潭州石刻法帖十卷蓋錢希白所鐫最為善本吾鄉程欽之待制以元符三年帥桂林東坡自僂耳移合浦得觀其藏帖每冊各題其末第二卷云唐太宗作詩至多亦有徐庾風氣而世不傳獨於初學記時時見之第四卷云吳道子始見張僧繇畫曰浪得名耳已而坐臥其下三日不能去庾征西初不服逸少有家雞野鷲之論後乃以為伯英再生今觀其書乃不逮子敬遠甚正可比羊欣耳第六卷云宰相安和殷生無恙宰相當是簡文帝殷生則淵源也第八卷云希白作字自有江左風味故長沙法帖比淳化待詔所模為勝世俗不察爭訪閣下本誤矣此逸少一卷尤妙庚辰七夕合浦官舍借觀第九卷云謝安問獻之君書何如尊公答曰故自不同安曰外人不爾曰人那得知已上所書今麻沙

所刊大全集志林中或有之案庾亮及弟翼俱為征西將軍坡所引者翼也坡又有詩曰暮年卻得庾安西自厭家雞題六紙蓋指翼前所歷官云此帖今藏余家

石刻鋪敘長沙帖十卷實秘閣前帖翻本內義獻帖略有增入慶歷間慧照師錢希白摹鐫自五年乙酉至八年戊子訖事嘗觀雜文中載東坡自僂耳移合浦見桂帥程欽之潭帖冊各題其後案此下與前容齋隨筆第二卷云同故不錄今皆不曾以坡書添入逐卷要是當時題於程所藏碑刻潭無真蹟故闕如也但二卷却惜書第三卷帖何以斷當字分兩行希白善書者於此殆不可曉又有山谷評釋今長沙帖間不存希白臨摹歲月或云土人又私翻木版有叙可辨容齋謂坡僂遺墨今藏其家有數字差異

劉後邨題跋舊潭帖尤為坡公所賞以為希白作字自有江左風味比淳化待詔所模為勝世俗不察爭求閣下本誤矣以余所見潭帖凡有數本有絕佳者有稍殘缺者有行數不同者有漏落數行者時謂劉相刊二本一畱郡一藏家而後翻開於黔和等州者又不知幾本也於十卷之末或題云慶歷五年或云八年或云六月或云季夏或云模勒上石或無上石二字或云重模若以八年為重模則五年下亦有重模字不應一年內已模而復模也內第三卷□□山嶽帖

未有風筆惻感之語容齋隨筆已歎其不成文容齋知其一爾此卷謝發帖云執筆惻感今至執筆止濤帖云風尚所勸云云今至風字止卻移筆惻感三字在濤帖之後移尚所勸以下十九字在欣帖之後又第六卷右軍字先後失次尤甚帖字屢經臨摹固已失真劉次莊釋文雖有未盡亦十得五六加以陳去非黃長睿施武子更迭攷辨十得八九若潭帖迺悉顛倒而錯亂之幾成異域神咒矣往往刊帖之時不敢比擬尚方欲自爲帖但異其行數可也亂其文理不可也豈劉公本非博雅或貴重不暇參校或希白雖工於模字而拙於尋行數墨歟鐫刻雖工如不可讀何坡既推潭勝閣近時陳師復善書亦於閣帖有異論余恐蘇陳所見非真閣本爾真者或七八行爲一版或十六七行爲一版皆李廷珪墨模印其墨如漆字尤豐豔有精神蓋熙陵八法既高王著輩亦精其技標題可見非希白敢望舊臨江非不善失之險薄刻削去閣本遠矣帖家故當以閣爲祖絳次之舊臨江次之潭又次之武岡又次之臨江佳者可亂閣武岡佳者可亂絳汝鼎拙野無以議爲也余晚得一本乃以舊潭煎碎案釋文排比裝表歷歷可讀必一老士人舊物惜不令希白見之

稽古要論清化帖頒行潭州模刻一本與絳帖雁行宋慶歷間長沙僧希白重模本亦佳紹興間第三次重摹者失其真

矣元陳繹曾云希白模刻潭帖風韻和雅骨肉停勻但形勢俱圓頗乏峭健之氣蓋清化之子也在潭之郡齋

附錄長沙帖翻刻別本

廬陵蕭氏本 法帖譜系右法帖十卷用十干爲號崇甯五年蕭公綸紀其略云皇祐中先伯父太博作邑和州之含山得墨帖於丞相克國劉公攀刻未畢先君殿丞繼之始終六年乃獲成就迄今五十餘年刻缺大半今續完之以藏於家蓋用潭帖刻也慶元間已損失二十餘段其少三百四十餘行 石刻鋪敘廬陵帖十卷亦秘閣前帖翻本皇祐中郡人蕭太傅汝器暨其弟殿丞汝智相繼宰和之含山得丞相劉楚公被賜閣帖翻摹入石攜歸鄉居後五十年崇甯丙戌殿丞之子綸又自修補闕中不知何事乃歸郡齋今又百四十年碑石散失不可模榻間有存者蓋數十年舊本蕭之族今盛於吉水之九江

三山木板本 法帖譜系三山帥司書庫有歷代帖板本蓋好事者以長沙舊帖刊勒卷帙規模皆同今已散失不全矣嘉熙庚子備員帥幕尚及見之 閣帖攷正案此則孫北海以長沙新本卽三山木板本蓋誤

蜀本 法帖譜系余頃得一帖凡數卷於蜀中次序先後高低皆與長沙古帖同初亦疑爲黔江帖今見秦氏真本則顯

然二物矣大率此帖全同長沙古本模刻而字行亦間有增減處既不知所出未敢臆說姑附見於此

嘉慶通志案長沙乃漢郡唐宋皆稱潭州以長沙名帖用古稱其名潭帖則從當時稱也潭帖與長沙帖並非二刻希白模刻始於慶曆五年訖於八年逐卷各有歲月題識可攷無可疑議曹士冕謂至慶曆八年石已殘闕永州僧希白重摹其說與趙希鵠洞天清錄略同語甚含混王澐即据以定潭與長沙為兩帖恐未必然

長沙帖劉丞相私第本

法帖譜系劉丞相既刻法帖於郡齋復依倣前本刻石十卷以歸私第余頃在九江得見故家所藏一本與長沙本絕相似而小異後人有跋云此先丞相私第本也疑即劉氏子弟所跋後復見一本於姑蘇與九江所見同紙墨皆與南碑不類而慶曆等題字止三兩卷有之蓋即劉氏本也
嘉慶通志案此本以卷尾題慶曆摹刻年月只有兩三卷為別於長沙舊本

長沙帖碑匠家本

法帖譜系舊傳長沙官本局鑰不可常得碑匠家別刻一本以應求者余頃收一本與長沙古本首尾略無小異而字體小小不同疑為碑匠家本頃又收一本凡舊刻損闕者皆別

刻數行以易之其餘卻只是舊石此必碑匠所為也

嘉慶通志案此本以凡舊刻損闕者皆別刻數行以易之為別於長沙他本

長沙帖南宋新刻本

法帖譜系舊刻燬於鬱攸之變中興以後復刻新石其間凡遇舊刻損闕處並不復刻字亦無卷尾歲月刻手甚繆殊不足觀

嘉慶通志案此刻以損闕處無補刻又無卷尾歲月為別

長沙帖碑房斷石本

法帖譜系嘉定間先君帥長沙余隨侍焉時碑房中有斷石一片乃法帖第一卷尾段字行高低正與淳化帖同而絕不類古潭末後亦有淳化篆字此石實不知所從來近歲三山林鳳伯重刻於家直指為古潭帖余未敢臆斷也

嘉慶通志案此帖以卷尾仍題淳化年月為別而云三山林鳳伯重刻於家指為潭帖則是三山另一刻本不止帥庫一本版本矣

長沙帖劉御史次莊家本

嘉慶通志案此帖見前秦觀法帖通解序

長沙帖湯正臣重摹本

山谷題跋秦氏法帖巴蜀自古多奇士學問文章德慧權略

落落可稱道者兩漢以來蓋多而獨不聞解書至於諸葛孔明拔全蜀之士略無遺材亦不聞以善書名世者此時方右武人不得雍容筆硯亦無足怪唐承晉宋之俗君臣相與論書以為能事比前世為盛亦不聞蜀人有善書者何哉東坡居士出於眉山震輝中州蔚為翰墨之冠於是兩川稍稍能書然其風流不被於巴東黔安又斗絕入蠻夷中頗有以武功顯者天下一統蓋百餘年而文士終不競黔人秦子明魁梧喜攻伐其自許不肯出趙國珍下不可謂黔中無奇士也子明常以里中兒不能書為病其將兵於長沙也買石摹刻長沙僧寶月古法帖十卷謀舟載入黔中壁之黔江之紹聖院將以驚動里中子弟耳目他日有以書顯者蓋自我發之子觀子明欲變里中之俗其意甚美書字蓋其小小者耳他日當買國子監書使子弟之學務實求是置大經論使桑門道人皆知經禪則風俗以道術為根源其波瀾枝葉乃有所依而建立古之能書者多矣磨滅不可勝紀其傳者必有大過於人者耳子明名世章今為左藏庫副使東南第八將紹聖院者子明以軍功得請於朝為陣亡戰士追福作佛祠也刻石者潭人湯正臣父子皆善摹刻得於手而應於心近古

法帖譜系秦子明嘗以里中兒不能書為病其將兵長沙也

人用筆意云

〔光緒〕湖南通志 卷二六九

買石摹刻僧寶月古法帖十卷舟載入黔江壁之黔江紹聖院刻石潭人湯正臣父子詳見山谷集中其卷帙之多寡次第之先後字行之長短悉同渣化開帖其所以異者第一卷有篆書三行其後有楷書一行云降授供備庫副使充東南第八副將訓練潭州諸軍潭州駐劄秦世章家本其後又二行云長沙湯正臣重摹男仙芝靈芝鐫第二卷至八卷尾各題長沙湯正臣重摹七字卻無渣化篆書及世章銜位又第八卷取卿女婿帖內第二行休字立人作兩點第二卷鍾繇宣示帖再世榮名作榮名正與戲魚帖同第九卷尾題長沙湯正臣摹勒七字第十卷題長沙湯正臣重摹男仙芝為一行

格古要論宋秦子明於長沙模刻僧寶月希白古法帖十卷載入黔江紹聖院乃潭人湯正臣父子刻石

嘉慶通志案此帖雖載赴黔江實刻於長沙亦長沙帖之本也

宋蘇東坡答張厚之帖

容齋四筆東坡為張文定公作墓志銘有答其子厚之一書云志文路中已作得大半到此百冗未絕筆計得十日半月乃成然書大事略小節已有六千餘字若綴悉盡書萬字不了古無此例也知之知之蓋當時恕之意但欲務多耳又一

帖云志文調告數日方寫得了謹遵持納衰病眼眩詞翰皆不佳不知可用否今志文正本凡七千一百字銘詩百六十字云子鄉士作一列大夫小郡守行狀九千言衡州士人語闕上書二萬言使讀之者豈不厭倦作文者宜戒之坡帖藏梁氏竹齋趙晉臣鐫石於湖南憲司楚觀

宋諫議大夫龔夫墓石

天下金石志在長沙府

古今書刻宋龔墓石刻在長沙縣北

孫克宏碑目龔夫墓碑在長沙縣北二里

明統志龔夫墓在長沙縣北三里夫長沙人仕宋為諫議大夫與兄奉議明俱以直言斥居嶺表墓石刻曰季子十字碑龔氏二昆志不在繁詞多自可識其意乾道間諫議子瑤等

迎二柩歸葬於此仍取刻石立於墓

長沙縣王志趙汝謙任提舉表其墓

金石文跋龔夫見元祐黨籍碑又宋史傳云徽宗立召拜殿中侍御史抗疏論章惇蔡卞之惡又論蔡京治文及甫獄於

是三人皆去又上疏乞正元祐后四位號及元符后不當竝立書報聞已而元祐后冊再廢言者論夫首尾建言詔削籍

編管房州繼徙象又徙化徒步適貶所持扇乞錢以自給逢赦令得歸政和元年卒紹興元年贈直龍圖閣六年再贈右

諫議大夫則史竝未卒於嶺外何以有子等迎柩歸葬之事又傳首言夫進士第三簽書河陽判官從會布於瀘後云弟大壯少有重名清介自立從兄官河陽會布欲見之不可得乃往謁夫邀之出從容竟日題詩壁間有得見兩龔之語夫為御史大壯勸使早去夫以為畏友不幸早卒則夫有弟而無兄又名大壯而非名明且早卒竝未有官奉議言事之文更非俱以直言貶死明統志之言多不可信縣志云趙汝謙提舉表其墓汝謙宋史有傳傳言登嘉定元年進士第為大社令遷將作監簿大理司農丞與史彌遠不合請外改湖南提舉常平易江西等提點刑獄徙湖南既至表直臣龔夫墓則汝謙表墓乃後徙湖南提刑時事而非先官提舉時事也縣志亦誤

宋安撫會從龍碑

長沙府志會從龍晉江人慶元五年進士任湖南安撫使撫綏嶺獠威惠竝著湘人刻石立祠祀之

嘉慶通志案會從龍字君錫甯宗理宗兩朝參知政事詳宋史本傳傳言其在甯宗朝參政以言者劾罷提舉洞霄宮起

知建甯府丁內艱服除為湖南安撫使撫安嶺獠威惠竝行興學養士湘人紀之石改知隆興府以本紀及宰輔表攷之

從龍於嘉定十二年三月除參知政事四月即罷則安撫湖

南當在甯宗末理宗初年

宋四絕堂記

天下金石志沈傳師歐陽詢書杜甫宋之間詩蔣之奇刻在長沙府

嘉慶通志案周必大六絕堂跋此記乃治平四年作詳前道林寺刻下

案道林四絕据周益國文信國二記則唐袁浩所稱四絕謂沈傳師裴休筆札宋之間杜甫詩篇也宋蔣之奇所稱四絕謂沈傳師歐陽詢書杜甫韓愈詩而黜裴宋也益國乃衍四為六耳于奕正以蔣之奇所刻四絕有宋之間詩而不列韓愈誤矣

宋米黻嶽麓寺碑側題名

元豐庚申元日同廣惠道人來襄陽米黻

金石文編米襄陽題名三行正書左行在麓山寺碑側

嘉慶通志案黻涪溪詩題於熙甯八年此題名乃元豐三年又在後五年蓋其時尚便養官長沙也

案襄陽題名十六字金石文編以為題於碑側近人誤云在碑陰自嘉慶七年碑左方斷裂襄陽題名遂不復見馮山黃本驥游關中得米黻題名並襄陽會思等題名舊拓本遂於咸豐四年上石嶽麓書院御書樓壁間

宋程皞等麓山寺碑陰題名

通義程皞明迪稽山石彥子惠梁國虞王西同遊鹿苑道林晚下不圖

和癸巳歲四月十一日渡西同遊鹿苑道林晚下不圖金石文編右程皞等題名正書七行左行在李北海碑陰第三截右

金石補正程皞官荆湖南路提點坑冶鑄錢見陽升觀碑湖南通志載此缺和伯湘者四字脫景德二字下有男閱積來四分書瞿氏謂是後來續刻而於此處仍入男閱積二字亦疏矣

宋襄陽會思等嶽麓寺碑側題名

襄陽會思譙國盛木東平呂美問錢唐吳諮同遊岳麓訪光老為竟日爾紹興八年三月晦

金石文編右會思等題名八分書五行在麓山寺碑側米襄陽題名下

宋王仁甫等嶽麓寺碑陰題名

王仁甫自道林拉宗室巖起偕弟明甫濟甫欽甫勤甫嘉甫宏甫文甫同遊嶽麓觀李北海碑歎賞良久歲在庚申五月望日牛元若題

寶宇訪碑錄正書紹興十年在長沙

金石補正石題名不書建元据訪碑錄知為紹興十年湖南

通志於此處未載其文而別錄王口口題名於宋末云在李北海碑陰第三截左下蓋卽此刻也未審出仁甫二字耳訪碑錄又載有咸淳六年王仁甫嶽麓寺碑陰題名通志據以列入今碑無之自紹興十年至咸淳六年相距百三十年疑孫氏既載此刻復據他人錄寄之本誤庚申爲庚午遂列於宋代最後之庚午未檢石墨一勘致涉舛錯憾不得起九原而質之

宋張浚城南書院四大字

榕古論城南書院四大字張紫巖得意之筆

善化縣舊志古城南書院在妙高峯之陽張南軒隨父紫巖

家潭州時建紫巖書城南書院四字今存

案張魏公名浚字德遠號紫巖所書有永州新學門銘宗

績辰稱其字體似北海而有縱逸之勢與城南書院扁榜

相類則此四字相傳出自公手非誣也

宋朱文公城南詩

奉同敬夫兄城南之作 納湖 詩筒連畫卷坐看復行吟想

像南湖水秋來幾許淡 東渚 小山幽桂葉歲暮請佳色花

落洞庭波秋風渺何極 詠歸橋 綠漲平橋水朱欄跨小橋

舞雩千載事歷歷在今朝 船齋 考槃雖有陸澗瀆水雲淡

正爾滄洲趣難忘魏闕心 麗澤堂 堂後林陰密堂前湖水

淡感君懷我意千里夢相尋 蘭澗 光風浮碧澗蘭杜日倚

倚竟歲無人采含薰祇自知 書樓 君家一編書不自圮上

得石室寄林端時來玩幽蹟 山齋 藏書樓上頭讀書樓下

屋懷哉千載心俯仰數椽足 蒙軒 先生湖海姿蒙養今自

闕銘坐仰先賢點畫存彖繫 石瀨 疏此竹下渠漱彼澗中

石莫館繞寒聲秋空動澄碧 卷雲亭 西山雲氣淡徒倚一

舒繡浩蕩忽襄開爲君展遐眺 柳堤 渚華初出水堤樹亦

成行吟罷天津句薰風拂面涼 月榭 月色三秋白湖光四

面平與君臨倒景上下極空明 濯清亭 涉江采芙蓉十反

心無數不遇無極翁淡衷竟誰識 西嶼 朝吟東嶼風夕弄

西嶼月人境諒非遙湖山自幽絕 淙 一作瑤谷 湖光湛不

流嵌巖亦潛注倚杖忽琮琤竹淡無覓處 梅堤 仙人冰雪

姿貞秀絕倫擬驛使詎知聞尋香問煙水 聽雨舫 絲舟停

畫槳容與得欲眠夢破蓬窗雨寒聲動一川 采菱舟 湖平

秋水碧桂棹木蘭舟一曲菱歌晚驚飛欲下鷗 南阜 高邱

復層觀何日去登臨一目長空盡寒江列莫岑

宋張宣公城南詩

納湖 原原錫潭水匯此南城陰岸花有開落水盈無淺淡

東渚 團團凌風桂苑在水之東月色穿林影卻下碧波中

詠歸橋 四序有佳趣今古蓋其茲橋邊獨微吟回首忘所之

船齋 窗低葦葦秋更有江湖思久已倦垂綸游魚不須避
 麗澤堂 長哦伐木篇伫立以望子日暮飛鳥歸門前長春
 水 蘭澗 藝蘭北礪側礪曲風紆餘願言植根固芬芳長慰
 子 山齋 疊石小崢嶸脩篁高下生地偏人蹟罕古井轆轤
 鳴 書樓 高樓出林杪中有千載書昔人不可見倚檻竟何
 如 蒙軒 開軒僅尋丈水竹亦蕭疏客來須起敬題榜了翁
 書 石瀨 流泉自清瀉一作觸石短長鳴窮年竹根底和我
 讀書聲 卷雲亭 雲生山氣佳雲卷山色靜隱几亦何心此
 意相與永 柳堤 前年種垂柳已復如許長長條莫攀折畱
 待映滄浪 月榭 危欄明倒景面面湧金波何處無佳月惟
 應此地多 濯清亭 夫容本芙蓉豈不好濯濯清漣漪采之不
 盈把惆悵暮忘飢 西嶼 繫舟西岸邊幅巾自來去島嶼花
 木淡蟬鳴不知處 琮琤谷 幽谷竹成陰縣流著石清不妨
 風月夕來此聽琮琤 梅堤 亭亭堤上梅歷歷波間影歲晚
 憶夫君寂寞煙渚靜 聽雨舫 風吟渡頭雨撼撼蓬上聲忻
 然會心處端復與誰評 采菱舟 散策下亭阿水清魚可數
 卻上采菱舟乘風過南浦 南阜 湘水接洞庭秋山見遙碧
 南阜時一登搔首意無數
 右張宣公城南雜詠廿首子朱子嘗所屬和者也南沙虞子
 賢氏受朱子詩翰於其眷棣錢廣而宣公真蹟逸矣余來婁

賢介其友王師衛持弓來徵余言余適於宣公集中得其元
 唱賢且躬至余邸次請余追和未及先為補書宣公詩時至
 正壬寅冬十二月東維叟楊楨謹再拜書
 按長沙城南張魏公故宅其子南軒讀書處有納湖南阜
 等號為十景朱子於乾道三年訪南軒於長沙有城南倡
 和諸詩延及 國朝以城內東南隅為長沙諸生肄業之
 地顏之曰城南書院從其朔也道光初中丞左輔復書院
 於妙高峯故地十七年丁酉院長賀熙齡得鎮海胡鈞所
 藏朱子二十詠手蹟行書刻而傳諸南沙虞子賢者及元
 楊廉夫補書南軒二十詠并跋文章書刻入經訓堂帖中
 者鈎摹上石嵌城南書院麗澤堂壁以為士人觀法甚盛
 事也咸豐壬子粵匪寇長沙盤踞書院朱子詩石無恙而
 南軒詩詠歸橋船齋二首其石不存僅餘游魚不須避五
 字若得拓本摹泐而補之以完前哲遺蹟詎非好古者之
 幸歟
 宋朱考亭張南軒定王臺題詩
 寂寞番君後光華帝子來千年餘故國萬事祇空臺日月東西
 見湖山表裏開從知爽鳩樂莫作雍門哀考亭珍重南山路驅
 羸幾度來未登喬嶽頂空說妙高臺曉霧層層斂奇峯面面開
 山間原自樂澤畔不須哀南軒

案定王臺漢景帝子長沙定王發望母之處舊志云其母程唐二姬墓在東門外定王築此望之臺在今長沙城內東隅朱張題詩當在乾道間近人追刻甚劣存此以見前賢遊迹之所至而斯臺亦歷劫不磨也

宋赫曦臺三字

朱子雲谷記余嘗名湘西嶽麓之頂曰赫曦臺張伯和父爲大書甚壯偉

嘉慶通志案朱子年譜云乾道三年九月抵長沙留止兩月而行又大全集登嶽麓赫曦臺聯句注云乾道丁亥冬九日宋嶽麓書院記

天下金石志張栻撰在長沙府文見府志

古今書刻在善化縣嶽麓山

宋朱文公書道鄉臺三字

古今書刻在嶽麓山寺

嘉慶通志案本傳朱子先於紹興十八年登第釋褐泉州同安簿罷歸請祠監潭州南嶽廟後於光宗紹熙中差知潭州又據年譜乾道三年留止長沙兩月則朱子宦遊楚南日久宜今各縣相傳書刻遺蹟頗多

案道鄉臺今在嶽麓赫曦山下道中庸亭左前有道鄉祠古今書刻云在嶽麓山寺攷嶽麓志宋邵浩號道鄉謫衡

過長沙守臣溫益下逐客令遂風雨渡湘嶽麓山僧列炬迎之後張南軒爲築臺朱子刻石曰道鄉以表之在嶽麓寺畔明萬歷丁巳學道鄉志隆道鄉十三世孫也始於赫曦山下改建臺祠奉祀

國朝康熙四十九年巡撫趙申喬改建臺碑重鑄道鄉臺三大字朱子遺蹟不存

宋朱文公書忠孝廉節四字

長沙府志在府學明倫堂

案忠孝廉節四字今府學不存道光丁亥嶽麓書院院長侍御歐陽厚均重摹於書院講堂字大約五尺前列宋晦庵朱子書六字旁列泐石諸生姓名

宋忠節祠碑

嶽麓志紫陽遺蹟朱文公於城隍廟內創立祠堂祀東晉南宋以忠節沒王事者五人竝塑其像碑記其官職姓名

案忠節祠東晉一人湘州刺史譙閔王司馬承起兵討王處仲不克而死南宋四人通判潭州事孟彥卿趙民彥督兵禦金遇害將官劉玠兵官趙聿之金人陷城不屈而死詳見嶽麓舊志

宋沈時等麓山寺碑陰題名

計臺掾保慶沈時子麟合肥王灝□源高□□□□來遊□

宋清熙口口口志

金石文編石沈時等題名八分書四行在李北海碑陰第四
截下保慶即寶慶攷漢石經春秋左氏傳盜竊寶玉大弓之
寶作保乃古文也

宋王容等嶽麓寺碑側題名

王容陳邕同遊慶元戊午十一月廿一日

金石文編石王容等題名正書二行在嶽麓寺碑側

金石補正王容字南強湘鄉人淳熙十四年進士禮部侍郎

陳邕字和父長沙人秘書省正字乾道間官靜江府教授見

廣西通志

宋理宗仙巢吹香亭扁

天下金石志在長沙府嶽麓滄浪谷

嶽麓志吹香亭簷簷谷上仙巢鍾尙書建宋理宗親書仙巢

吹香亭五字

宋潭州大成殿記碑

長沙府志真德秀撰寶慶四年夏

嘉慶通志案宋史真德秀本傳嘉定十五年以寶謨閣待制

湖南安撫使知潭州理宗即位召爲中書舍人則寶慶元年

已去潭此記不應作於其時且寶慶止於三年恐志誤

宋真西山論屬詩碑

西山真先生論屬詩 從來官吏與斯民本是同胞一體親既
以居魯爾爾須知痛痒切吾身此那爾爾爾爾我爾當如
爾爾今日湘亭一盃酒爾爾爾爾田分春

案右刻在長沙南城壁陰距文忠公祠約二十步前詩大
字八行字多剝蝕唐風或云當作唐朝或又作潭州未知

孰是後跋文小字其十三行僅辨右真先生國恤民之等
廿餘字後有大明成化庚寅中憲大夫錢澍銜名及淮陽

陳瑛書款又有嘉靖甲子及賜進士第中憲大夫等三行
攷宋史真德秀字景元後更景爲希浦城人登慶元五

年進士第授南劍州判官嘉定元年遷博士累官遷起居
舍人又兼太常少卿時史彌遠用事力請去除秘閣修撰

江東轉運副使又以右文殿修撰知泉州十二年以集英
殿修撰知隆興府十五年以寶謨閣待制湖南安撫使知

潭州以廉仁公勤四字勳僚屬罷推酌除斛面米申免和
糴以甦其民復立惠民倉五萬石使歲出糴又置社倉別

立慈幼倉立義阡惠政畢舉理宗即位擢禮部侍郎直學
士院尋以主濟王贈典落職去國十年復起爲資政殿學

士以疾卒諡文忠今讀此詩慈祥愷惻之意流溢行間及
攷安撫潭州諸善政固非口惠而實不至者故雖後人追

刻殘碑猶令人珍惜也近又重刻一本矣

宋僉判凌登龍墓志

善化縣王志凌氏世居本邑十都石塘金牌嶺自明迄今已為舊族而子姓相傳但知自明洪武間卜居於此族中有祖山冢纍纍矣下有小茅坪附葬者昇棺至其處掘土數尺遇石封藏甚固啟而視之則志也長約二尺餘闊尺七八寸志額八分書凡十字有宋僉判承議凌公之墓考其文蓋自宋紹熙以前居潭之善化其來久矣僉判諱登龍曾祖暉祖煥子斯忠炳炎凡四代凌氏子孫至今繁衍未離石塘故居然但知有明而不知有宋其家譜蓋亡於元末明初而僉判之墓晦而復顯斯亦奇也

宋朱文公書清泉二大字

湘陰縣陳志清熙四年題在縣東三十里石壁上

嘉慶通志案宋史本傳時朱子當在閩主管武夷山冲佑觀明年除知南康軍不應到此題刻

宋石涵山記

長沙府呂志在醴陵縣南六十里元豐中徐剛中撰

宋醴陵淥水池志

長沙府呂志楊大異撰大異醴陵人嘉定間進士理宗時以

大理寺丞出知澧州

宋修築師院佛殿記

湘潭縣張志歐陽修撰景祐三年九月十六日

宋張天覺草衣巖詩刻

天下金石志巖上有張天覺詩在湘潭縣古今書

嘉慶通志案張商英字天覺相徽宗朝考宋史神宗本紀熙甯五年十一月丁卯貶權監察御史裏行張商英監荆南稅此詩蓋其時作也然据商英傳云責監荆南稅更十年乃得館閣校勘檢正刑房則未知草衣巖詩何年所刻

宋米芾書懷杜處三字

湘潭縣志唐杜文貞公往來衡湘間艤舟宿此有詩宋米芾書懷杜處三字鑄鑿石巖崖上潭人士為建少陵草堂

宋劉錡資福寺詩

湘潭縣張志劉錡知潭州六年軍民安輯築室昭山之下居焉張南軒有詩錡嘗遊株州之資福寺題詩壁間云迅掃妖氛六合清匣中寶劍氣猶橫夜觀星斗鬼神泣晝會風雲龍虎驚重整山河歸北地兩扶聖主到南京山僧不識英雄漢只管滔滔問姓名後人勒諸石今在寺中

嘉慶通志案宋史劉錡傳云罷宣撫判官知荆南府岳飛奏雷錡掌兵不許詔以武泰之節提舉江州太平觀鎮荆南凡六年軍民安之魏良臣言錡名將不當久閑乃命知潭州加太尉復帥荆南府攻本紀紹興十一年七月甲寅罷劉錡兵

命知荆南府二十五年十二月丙戌以劉錡知潭州二十七年二月加太尉三十年五月初置荆南府御前諸軍都統制以劉錡兼領之則錡至潭州乃紹興二十五年十二月事至三十年五月復往荆南領兵在潭止四年餘耳荆南府乃江陵建炎二年升帥府傳云鎮荆南六年非知潭州也

宋義井碑

長沙府呂志路太常故宅在湘潭縣南二十里官路側旁有義井明末掘得古碑志路公義井始末旁鐫宋咸淳庚午季冬韋仁甫重修

宋張南軒瀉山詩碑

陶汝簡遊瀉山記長橋畔一穹碑巋然觀之是宋南軒張公過此橋之詩刻於石有徘徊念今昔領略到漁樵之句

宋張南軒神道碑

甯鄉縣志朱晦翁撰在瀉山南碑久仆於塗邑令蔣公植之嘉慶通志案嘉靖間蜀楊廷和重修張魏公父子祠堂記略云魏公癡疾諭南軒兄弟曰吾不恢復中原以雪祖宗之恥死不當歸葬先人墓左葬我衡山下足矣乃葬之甯鄉瀉山之南後南軒卒亦附葬焉至是蓋三百餘年矣墳墓所在鞠為萊莽土人亦鮮有知之者鳳陽胡侯明善以名進士令甯鄉居一年政通人和訪而得之又云亟取責贖之餘建專祠

其右則南軒書院又買田四十畝以備時享之用會衡山劉侍御徽持節按蜀過家見而悅之既之蜀以告予謂子魏公鄉後學也屬為文刻於神道之右且檄下廣漢訪其遺裔云云則張浚及枳俱葬今甯鄉縣界矣然攷朱子大全集南軒神道碑文卻云葬於衡山未審其故

案李文炤龍塘張氏昭茲錄序略云張氏之先系出曲江相公弟九皋至宋而篤生社稷臣魏公公之元子實為南軒其裔孫鏗當文丞相勤王時起兵相應卒以身殉至明代時習出守延平討寇於尤溪力竭戰死賜冠英坊於縣東今永康邑侯我開諱啟攜其家乘而求志述敢紀其大概如此云云攷張啟禹康熙乙酉鄉科龍塘甯鄉縣地則魏公之裔有居甯鄉者墳墓必不在衡山也

宋慕嚴臺三字

長沙府呂志在甯鄉縣西九十里石立水涯高可四丈廣十餘丈宋隱士謝英一日至其下忽憶子陵高風命鐫三字於石曰慕嚴臺今存

宋周太師題清修寺詩

周益公題跋靖康丁未五月一日高宗即位改元於南京八月四日先公太師以前太學博士被旨使荆湖南北路與提點刑獄官徧行所部會計金穀事載日曆時年三十有六明

年戊申六月由長沙歷益陽如武陵郡道游清修寺留詩一篇遺長老宗元而不著姓名因康君跋語始知大略後六十四年當紹熙辛亥冬某叨鎮湘楚適天子新見上帝恩及諸臣之家而先公已封莒鄒邠漢魏唐六國矣即具奏願以此邦賜先臣履光乘傳之舊優詔從之遂昨潭國惟是歲月悠遠其在所部獨道州白石洞有八月二十五日題名蓋自湖北回長沙而過春陵也遺事則不可推矣他日偶為諸邑言離騷文章之祖既發端此地蓋哀古今詩文刻以傳遠使學者知源流之有自於是益陽宰黃談首摹雜碑數通來此詩在焉初未知為先公也覽之瞿然讀之潸然殆天誘其衷使心聲手澤久晦復彰以明示神靈來燕來甯之意乎夫生而將命歿而胙土且幸不肖之孤攝官承乏表而出之是皆宜書會主僧善信求敘本末敬書其後四年歲在癸丑十二月一日嗣子某謹記

嘉慶通志案益公父名利建官太學博士見宋史本傳据題跋知利建嘗被旨至荆南故有此題

宋芭蕉橋記

筠清館金石記在湘鄉殘泐存嘉定七年甲戌歲數字餘無可辨不能錄矣

宋石人鐫字

湘鄉縣新志在三十七都易家衝石人二隔溪峙立蓋當時之翁仲也背鐫有文惟甲寅寶祐二年易元治九字可辨按寶祐宋理宗年號

宋楮公祠堂記

唐永徽六年楮公以尚書左僕射諫立武后妃幾為所殺賴長孫太尉一言以免猶坐貶潭州都督一日行縣至湘鄉距縣治之北數百步有僧寺曰感應寺側有池公嘗滌筆若有浮雲滄然人異之即其地祠公歲久弗治藩拔碑仆紹定二年邵君自信為宰即故堤遺址封略而濬治焉更為祠堂其上斷碑所勒有遠山嶠嶂翠凝煙之詩又為亭榜曰凝煙為大門榜曰唐都督楮公洗筆池更為堤以環之灌木修葺蒙茸蔽虧漣水衝陳鳳山對峙實為是邦勝處書來命記成事子惟咸以無心為感民以不獲其身為見蓋感於所不係感以虛也止於所不見見以理也此人心之良感而實見也方公之待罪長沙也臬婦之勢如燎方揚而轍蹟所繇豪端所沾民之愛也與屈潭賈井儷芳齊榮况筆非有靈也水非有雲也即思而成致愛而存世之相後六百餘載尚懷乎如在也是又奚感奚見而然哉許敬宗李義府擠善逢惡固無足言李勣何為者亦遷延獨對故陳喪邦之言自一忤一合升沈立判升者信乎其得志歲月滔邁時與事逝浮雲急景何啻朝菌暮蕀而是心之昭昭可以建諸天

地質諸鬼神者億萬人而一本千百載而一日著在史冊寓諸陳迹是非邪正瞭如目睫所謂得者初無毫髮加益徒起穢以自臭而忠臣良士流風所漸則雖殘碑斷碣過其下者屏營彷徨周流太息莫敢前拜甚則尸祝而社祠之嗚呼是所謂良感而實見者非可幸而致也敬宗既陷忠良復專史筆變亂白黑類非敬播之舊如謂劉泊之死楮公有力且泊子訟冤之事義府助之而敬宗書之公之大節如此人將公之信乎抑許李之信乎然則士大夫以萬物皆備之身而不以古人自任不以干載自期亦自過其躬耳矣邵君金華名閩也習聞詩書之訓故為政知所先後其必謂予言然也紹定三年庚寅三月辛丑臨邛魏了翁記并書篆至治元年辛酉九月甲戌錄之鏡於新祠金石文編魏鶴山楮公祠堂記在湘鄉縣東門外楮公祠文十三行行五十字末題紹定三年庚寅三月辛丑臨邛魏了翁記并書篆至治元年辛酉九月甲戌錄之鏡於新祠蓋元人重刻也攷宋史魏鶴山本傳理宗即位遷起居郎俄權尙書工部侍郎以疾辭乃以集英殿修撰知常德府越二日爲朱端常所劾詔降三官靖州居住紹定四年復職主管建甯府武夷山冲佑觀則作此記時正謫居靖州日也文中云斷碑所勒有遠山嶠翠凝煙之詩卽天下金石志所載洗筆池斷碑乃楮公湘潭偶題詩末瀉熙中邑宰趙必槐得之池

中者也長沙府志載此文縣治之北脫之字而瀋治爲馬作之又脫斷碑所勒一句連水衡陳之衡作橫感於所不係止於所不見二句於下俱有其字轍蹟所繇之繇作由棄端所沾之沾誤治升者之升作合朝茵之茵誤茵前拜之拜誤煎而社祠之脫之字亦自過其躬耳矣無矣字詩書誤作詩禮庚寅上多歲字皆當以碑爲正惟劉泊之泊据唐書當作泊蓋翻刻之誤也戊辰夏五予遊此祠親至碑下碑係四方其一面刻此記其三面則刻元至治初元九月張圖南重修楮公祠記讀其文知祠與碑俱毀壞判官彭致堯復興修之圖南爲之記并重刻此文於前也

金石補正据碑祠在縣治之北湖南通志亦云洗筆池在縣北今祠在東門外則非舊址矣文云連水衡陳鳳山對峙攷一統志連水在縣西百八十里源出邵陽龍山東流徑縣南入湘潭縣西南注於湘一名湘鄉又云東臺山在縣東十里一名鳳皇山一名望嶽峯南連華蓋下瞰連水宋王汾東臺山詩有未必龍山勝鳳山之句知鳳山卽鳳皇山東臺之別名也碑書朝茵作茵重刻時所誤邵自信爲湘鄉令通志職官列入時次失考宜据此碑改列理宗朝

宋陽升觀記

陽升觀記 口奉大夫權荆湖南路計度轉運副使兼勸農使

南陽縣開國男食邑三百戶借紫金魚袋臣程元佐撰 奉議
郎充江淮荆浙福建廣南路提點坑冶鑄錢司句當公事臣程
緯書 朝請郎權發遣提點荆湖南路刑獄兼提舉河渠公事
借紫金魚袋臣王澤題額 臣元佐伏奉御前處分專一管句
修完司空山朱陽觀繼蒙聖恩寵錫名額賜經加號禮盛文綉
寶一時之熙事非刻之金石懼無以揚德意之美而永萬世之
傳官吏父老冠褐之眾謂臣親奉睿旨董治真祠宜有敘述以
紀本末臣不敢辭謹按長沙屬邑攸縣之東五十里連山峻極
澗谷通流自谷口涉澗而東十數里山青水碧重巒疊嶂盤薄
回環峯然拔翠者十有二峯青煙白雲蚤暮舒卷信靈異之境
也按舊記所載自周漢以來如蘇隱者九人皆得道於此其後
南齊張昌相口帝官為司空棄官遊世舉室遊瀟湘至蘇隱舊
山欣然卜居司空有道之士也既山居遂性清心恬澹日誦大
洞真經三十九章得其妙旨養神育氣凡三十有七年而道成
梁天監二年秋八月既望之夕遂有仙衣玉冊之授至陳天嘉
初其徒章馬二士繼隱其舊居閱四年而亦有跨鶴輕舉之異
唐天寶七年雖即其居肇建祠宇而地勢宏缺規制猥陋絲歲
既久棟宇摧爛口口口口谷粗存基構之餘政和二年聖上覽圖
籍異其事聞其風之皆廢而晦匿於無聞乃詔漕臣程元佐相
視弊陋葺而新之於是鵜度僧之符以儲金因採山之民以市

材斷蕪蕪荒補補增增踞巨厚而臨臨流飛觀列峙脩廡環翼
有名者皆有籍有籍者皆有祠不費於公不擾於民不諉於有
司而宏做奐麗凡一百有十楹經始於春三月至秋九月而落
成詔易名陽升以資國體加號神功以崇其道賜大洞真經以
顯其迹於是境內冠褐小大官吏與夫都邑之民扶老攜少爭
先奔走填噎山谷歡呼踴躍瞻歎欣賀遂相與涓潔壇場設慶
成之醮醮首拜天子之壽而亦惟喜感激知聖主所以為
民祈福之地也夫自梁天監三年司空得道至唐天寶七年凡
二百四十有六年而始建祠以興其靈迹自唐建祠逮今又三
百六十有六年而聖主一更而新之以闡其真風夫大道之不
行也久矣豈天膺以陰贊聖意振揚幽側昭明大道以為至治
之本歟臣嘗謂至道之精自本自根不將不迎而真靈妙理相
會於窈冥之境及其動而接物感而遂通則不可以理詰不可
以數推要其歸則真與氣而已二氣之會兆於元精鍵以閉之
真之全也六齋之澤滋溉五華抱一歸根氣之全也氣固真存
至道之根寂然不動神之全也道至於神則至矣故靜而神凝
動而神隨出入變化妙用無窮至有蹈火不熱入水不溺御風
而行此一氣之真至精至變以達於至道之妙也而世之所謂
神仙者歟聖上恭己南面以道蒞天下以孝通神明考禮文正
祀典雖山川神祇罔不登秩簞篚珪幣罔不時飭故萬靈受記

百神儲休而諸福之物莫不畢至此皆國之感所以昭昭
正下者備矣而况乎會真之都集釐之庭受上清之符存靈應
之迹而邇邇溷濁是宜上心憫惻發德音下明詔飾真館錫嘉
號以昭褒異之意而非以其神僊為可慕也蓋以謂清樸之行
足以厚俗清靜之風足以化民無為之事行不言之教則道
化行俗習美而其治遂至於無欲而民自樸好靜而民自正端
拱而視天民之阜矣此上之所以尊道崇真之意其於治道不
曰小補方海內又安蠻夷懷服休符紹至嘉瑞荐臻狂獄久虛
年穀屢稔上於斯時又豈特尊道崇真而已哉固將稽大典講
盛儀封泰山勒嵩岳詩大澤之博遠闢休烈之□□臣卑遠之
迹尚能鼓舞回國固巴歛之聲而國國之□□以國國國□□
□□今親被上旨宣布異恩頌述一時之盛而貽之無窮臣之
職也謹拜手稽首而獻頌曰 二氣合德百真大混氣固真全
至道之本國國今其中有精國國不搖國國國神沖清司空
棄榮離俗恬澹虚心溫池之曲妙國國國國三十九章國國之厚
翼國國朝斗霜壇風清月白雲步逍遙霞衣玉冊章馬國國
羽馭騰猿驚鶴怨爐冷丹葦妙道寢聞真祠肇建禱祀響答
靈休式顯寥寥奕世幾六百年摧敗堙廢高風莫傳睿主在宥
道貴清靜輝耀希夷振揚幽隱肆命濟臣革故鼎新琳宮華啟
碧瓦朱楹龍寶徽名褒隆美號奎畫雲章崇真顯道金鸞燦榜

玉積函經物情改觀幽谷生春羣真來歸上帝俯泣風馬雲車
徘徊福地椒漿桂酒列陳瑤席上真欣娛百神悅懌儲禧薦祥
保佑我皇天子萬年受福無疆既受帝祉施于孫子璿圖玉牒
天地終始 九月二十八日奉御寶批依此刊石 政和三年
歲癸巳十月戊申朔二十五日壬申朝請大夫直秘閣權發遣
潭州軍州管句學事兼管內勸農事兼荆湖南路安撫充本路
兵馬鈐轄借紫金魚袋臣張為立石
攸縣志在司空山政和二年九月程元佐撰
金石補正石陽升觀碑在攸縣司空真人祠從未推拓屢屬
攸縣廣文張季農邵澤募工打本至今甲戌七月始攜此見
貽文三十六行行七十二字真人頗著靈異邑有旱潦輒昇
以入城官吏建壇祈禱迭驗是亦有功德於民者而如此豐
碑通志僅据邑乘列目云政和二年九月不知碑之立於三
年十月也亦失於搜剔矣猶幸志有此條乃得尋踪訪獲修
志固不宜輕刪也寺觀附載此文外諱不少而石有剝泐据
以補之志据全唐文載蘇師道司空山碑系於天寶十四年
十月此碑稱舊祠頽廢粗存基構之餘絕不言及古碑知蘇
碑在爾時已亡無怪今茲之徧搜不得也按明一統志司空
山在攸縣東四十五里南接雲陽連山峻拔左右有三十六
峯舊名麒麟山亦名溫泉山南齊司空張岳棄官隱此因改

今名而明史地理志云縣南有司空山南疑東字之譌陽升
親通志升作昇一統志亦作昇云在縣東四十五里舊名朱
陽觀祀南齊司空張岳勗自唐天寶間宋政和間重建易今
名與碑所述悉合蘇碑敘述甚詳其略曰按梁任彥昇述異
記云司空姓張名岳字伯玉清河郡人也齊明帝時仕至司
空及東昏侯嗣位攜家去闕欲希長生以避世歷壽山人朱
陵洞浮屠舍宇環壘左右乃歎曰身心清淨安能與世營營
乎遽聞洞南有麒麟山者漢代蘇隱隱此得道駕麟車而冲
天以是得名於是傾家居焉旦夕誦大洞真經三十九章梁
天監二年八月全家八十餘口白日冲天陳天嘉初有丹陽
章馬二先生來曰我二人乃司空弟子也同入此山精修道
行至四年二月亦跨鶴登仙矣今本述異記無張岳事此碑
所述大約本於蘇碑蘇碑又云司空山去縣四十五里東西
廣一百二十里南北一百八十里高二千六百丈下有溫水
源故名溫泉山亦名紫麟山及司空隱此得道遂名司空山
焉中有大觀一所天寶七載建造標額為朱陽觀蓋取南嶽
朱陵洞當此山之南故也文云非以其神仙為可慕可謂立
言有則惜無以格君心之非也是時崇尚道教詔天下訪求
道教仙經至繆言玉帝憫中華被金狄之教令帝主天下悉
歸正道道錄院上章冊帝為教主道君皇帝不久而金人內

犯二帝蒙塵良可哀已碑文呈進勅刊故程元佐諸人皆書
臣字碑尾題奉御寶批依此刊石它碑未見此式程元佐諸
人不見於通志職官可据此補之程碑字明迪通義人見麓
山寺碑陰

宋隱士皮文通詩

彼縣趙志水頭洞在東江鄉鸞山皮文通號楚水神仙卜居

洞側遺詩猶在

宋開梅山歌出梅山歌二石刻

長沙府呂志章惇撰熙寧時

金石文跋史傳言惇以三路兵平賊治州以蠻方據潭之
梅山遂乘勢而南轉運使蔡煜言是役不可亟成神宗以為
然專委於煜安石主惇爭之不已既而煜得蠻地安石憾煜
沮惇乃薄其賞進惇修起居注則開梅山之功實蔡煜也惇
既冒其功并作此二歌以自誇小人之無忌憚也如此其地
即今安化新化二縣二歌必磨崖石刻之今不知所在

宋梅山頌

安化縣志著作郎毛漸撰

長沙府呂志毛著作開梅山頌縣尉劉次莊書立石刻於安
化縣東三十里八里潭磨崖上後經兵火石燬著作孫毛恕
知衡陽刻於石

金石文跋毛漸字正仲衢州江山人第進士知甯鄉縣熙甯
經理五溪漸條利害以上察訪使者委以區畫遂建新化安
化二縣漸用是得著作佐郎知安化縣召爲司農丞提舉京
西南路常平元祐初知高郵軍遷廣東轉運判官渠陽蠻擾
邊近臣言漸習知蠻事徙荆湖北路轉運判官時朝廷議棄
地漸曰蠻搖畔服不常非稍威以兵未易懷德今一犯邊卽
棄地非計也不報渠陽既棄蠻復大入抄略覆官軍荆土爲
大擾竝見宋史本傳漸歷官至直龍圖閣知渭州命下卒贈
待制嘗爲江東兩浙轉運副使時患水溢乃疏開浦港悉以
入海自後水不爲害其攝帥涇原夏人犯邊亦治兵遣將破
砦漸蓋有才略經濟之士也劉次莊於元祐中嘗爲清化閣
帖釋文刻石臨江殆亦善書者据秦少游法帖通解序知其
歷官至御史

宋雲亭宴集詩

寰宇訪碑錄黃庭堅行書無年月在安化

案山谷澹巖題詩在崇甯三年則此刻當亦在崇甯間

宋安化藏書閣銘

長沙府志熊棕撰開禧丁卯

宋安化縣學增養士田記碑

長沙府志王申七月望日中奉大夫龍圖閣待制提舉龍

興府玉隆萬壽宮奏甯縣開國子食邑五百戶賜金魚袋鄒
應隆撰

嘉慶通志案鄒應隆宋史有傳不詳其貫傳言以敷文閣學
士提舉玉隆萬壽宮拜禮部尚書兼侍讀嘉熙元年拜端明
殿學士簽書樞密院事此碑作龍圖閣待制與傳不合恐史
誤碑無紀年但記干支云王申以其時考之當是嘉定五年
宋仙人橋石刻詩

安化縣志無名氏

宋陳康國等會仙峯題名

茶陵州志會仙峯在州東二十里上有宋宣和合肥陳康國
思忠桂林蔣炳文仲虎廣德倪濤巨濟同遊題名石刻
嘉慶通志案倪濤見宋史文苑傳云字巨濟廣德軍人擢進
士調廬陵尉歷官司勳左司員外郎貶監朝臣縣酒稅再徙
茶陵船塢卒年二十九死之明年金人犯關朝廷官其一子
此題名蓋卽濤貶官茶陵時也又案周志又作月到巖題刻
云在州東二十里唐陳光問讀書處月到巖額字大三尺許
鐫數仞峭壁上宋陳思忠蔣仲虎倪巨濟及歷代文士各題
詠勒巖內云云似卽此會仙峯題名而云月到巖未知是否
一刻

宋福濟廟記

茶陵州志尹謙孫撰淳祐十一年
嘉慶通志秦州志作寶祐寶祐止六年當是淳祐之謄今改
正

湖南通志卷二百六十九

Table with 10 empty columns and 10 empty rows.

湖南通志卷二百七十

藝文志二十六 金石十二

宋陳日嚴墓誌

以下衡州府

穎川學究陳君墓誌銘

昌撰

誌哉善父母曰孝善兄

□□惟孝與友人倫□□□諱日嚴字孝先孝友之人□

□□皇宋故汝州□□□□□福州福清縣修仁

鄉修仁里君之母榮陽鄭氏夫人□□□□□霞之

女也始夫嘉耦族三星之會和鳴分百里之□□□□

□□絲字物倡□宦塗生二男二女長曰君也次曰日新令

修居謹養□□□□□之韻黃琮蒼璧俱六瑞之珍經明行

洗馬樊公諱沼次男嗣宗對雪贈芳於風雅□□□蒸嘗

魯山府君先夫人即世君與日新哀毀從制偏侍北堂色養寫

懷□□弗果始則承家以襲慶終則持生以自強居衡州衡陽

縣承昌坊積資財巨於人治物產腴於眾噫於親倍甘旨之歡

得非孝乎於弟無財產之異得非友乎既孝且友全之於身與

夫虛譽之徒不可同日而語夫生也若浮脩知必求諸道死且

不朽名賢存乎其人洪範五福我得一也虞書五典我得二矣

無何遭疾弗瘳餌藥無應泣伯瑜之杖喜懼空多著萊子之衣

晨昏遠爽身先風樹命遂隙駒大中祥符八年乙卯歲二月二

十一日奄辭孝養享年五十有三吉兆口求佳城乃卜以當年八月七日葬于縣之清化鄉玉對里禮也君之齊體故章州潘府君諱軫之女也美厚柔德貞令婦儀移天堪憾於終天臨穴更傷於同穴一男二女君之嗣續也令弟日新情追讓果義切分形應昌早歷門庭因承旨命無慙率爾乃著銘云孝親友弟爲人大端既孝且友爲世可觀辭毫期溫清之養棄稚鞠育之歡何光沈兮響絕使芝焚兮蕙歎嗚呼白楊多悲風蕭蕭邱壠寒

金石補正右陳日嚴墓誌同治十一年在衡陽鄉間出土撰人姓氏已泐据文知名應昌莫攷其姓日嚴父名亦缺前見皇宋故汝州五字又有和鳴分百里之口句後云魯山府君蓋官汝州魯山縣令者其下又言福州福清縣修仁鄉修仁里者殆其所占籍耶日嚴行蹟無甚表見文敘孝友亦第云倍甘旨之歡無財產之異而已乃於八百五十餘年之後誌石出土得表其人以傳諸後顯晦固有幸不幸也應昌非善文者而事求其實不泛作諛墓之詞是足取已次男嗣宗四字添注於旁鞠育書作鞠誤對即剛字永昌坊清化鄉玉對里可備志乘所采

宋薛休等石鼓山題名

河東薛休肅口清河張公紀仲綱高平過勛彥博會稽夏噩公

西瞻會口口口衡陽石鼓學宮治平乙巳中元後一日記石

清泉縣江志在西溪熙甯題名厓背楷書徑三寸案李師尹所撰王幼玉記有張紀夏公酉二人稱郡侯張郎中紀賢良夏公酉今郡秩官志無張紀而師尹記無年月致郡志遺事類列於唐末宋初得此可資攷證

金石文編右薛休題名正書八行在西溪下河濱一方石上其一面即刻窪尊二字志云在厓背誤也据澹山巖題名侏時官荆南轉運使當是按部至此也夏噩池州人曾以試光祿寺丞知長洲見姑蘇志官績傳此題名自署會稽未知即其人否張公紀係二名清泉縣志作張紀似誤又中元誤作上元未脫石字据石刻瞻會下尙有三字磨滅不可辨矣金石補正石鼓題刻搜剔數四宋刻之有年月者僅拓得三段偶於市肆得此舊拓本補錄之窪尊二字不可復見前年修葺書院僧父置諸礎下矣

宋劉摯等石鼓山題名

劉摯等老來遊蹟踏侍 後百八十三年六世孫震孫蒙恩來持使節拂拭舊題不勝感愴寶祐二年秋九月旦

清泉縣江志在唐大和題名巖外左側震孫題又在左摯題六字大徑寸餘爲一行跂踏侍三字另一行小字稍低一格餘震孫題四行次行自恩字至拂拭止末行自舊題起至秋

字止九月旦三字為一行字小半寸俱楷書案宋史劉摯傳
摯論衡無年月以震孫題推之當屬神宗熙甯五年壬子也
跋為摯子後摯貶新州卒跋請於朝得歸葬進秩加諡蹈末
有見考摯有孫孝昌貧不自立清之買田以給見劉清之傳
清之衡守似摯有裔畱衡或為蹈後亦未可知然不可考矣
瀟湘聽雨錄華老與跋俱見宋史震孫號朔齋清祐中知宛
陵吳丞相潛方開居震孫日陪午橋之遊震孫後以召還有
詞畱別詳見齊東野語

宋陸□等石鼓山題名

知郡事陸□□州鈐轄何次公通□□□照甯監吳□前
辰州簽判梁立□從事沈卞同遊石鼓山登臨蒸朱陵閣至西
谿東崑合江亭題名石壁而還熙甯十年丁巳五月廿七日□
記

金石文編石知郡事陸□等題名正書九行字徑二寸許在
西谿崖前

宋王定民石鼓山題名

元祐三年戊辰秋八月十有六日提點刑獄朝散郎張公綬拜
宣聖孔子於石鼓之學遂登文會閣燕太守大□□公仲孫宣
德郎衡陽令王定民檢法官王詢新息主簿陳知元知元以
是年自學徒登科張公欲策激諸生招□席未定民時兼教職

□□焉既飲與賓客下合江亭觀韓伯畱題□□□水環□
湯湯以下

金石跋尾續案元祐三年禮部試蘇子瞻實知舉是科省元
章援狀元李常甯知元蓋亦蘇公門下士矣新息主簿蓋其
官階乃選人七資之最卑者熙豐間大興學校然諸路設教
授者僅五十三員荆湖南路僅潭州一員元祐初諸州相繼
增教授而衡猶未預故定民得以縣令兼教職也文獻通攷
載崇甯詔諸州生員不及八十人罷置教授官以在州有科
名官兼拉學事則定民必有出身者

金石文編石王定民題名正書可見者十四行後尚有五六
行已磨滅僅存磐石二字可辨在西溪崖壁

金石補正右刻僅見十一行剝蝕已甚據通志補註之潛研
所載與志歧異數字皆在缺泐處未審孰是一統志云王定
民毫人知衡陽縣兼權教授修葺學宮撰勸學文以告多士
亦嘗知湘陰縣無學因勸學宮明統志云元祐間知衡陽
縣與此正合通志職官失載王詢名亦未見官志有陳仲孫
知邵州此太守之姓疑是陳矣

宋柳韶等石鼓山題名

左朝奉大夫知衡州柳韶右宣德郎權通判衡州鄭猛右宣德
郎衡陽令張鈞湖南提刑司檢法官耿良能前永州祁陽令蔡

觀同遊時學正洪世範預焉元祐七年六月初十日鈞奉命書
金石文編右柳韶等題名八分書十二行字徑二寸許在西
溪大和題名下

宋程傳文等石鼓山題名

鄱陽程傳文敏叔行部湘東陽若政□□洪世範天賦同登合
江亭遊西谿遂行元祐九年十月

清泉縣江志石題名在西谿懸崖面南極高可望無磴道以
上

案舊志朝陽巖題名云鄱陽程博文敏叔書此名傳文未
詳孰是又據行部湘東一語敏叔必官荆南提刑轉運者
惜職官失載無可攷

宋向公祠碑

清泉縣江志在祠內胡寅撰今祠廢碑在開福寺

瀟湘聽雨錄開福寺內舊有祠祀向公子恣今木主亦無惟
碑尙存

嘉慶通志案胡寅字仁仲號致堂安國弟之子中宣和進士

甲科從楊時受學居衡州嘗一知邵州兩知永州紹興二十
一年卒見宋史儒林傳向子恣大梁人紹興元年嘗知道州
見道州新志

宋王光祖石鼓山燕新進士題名

乾道八年冬十月二十有五知衡陽縣淮陽王光祖仲顯適
攝郡事燕新進士王居仁鄧友龍友齡於石鼓州學是年三人
皆自郡庠登科用以策激諸生教授建安虞誥司戶廬陵口景
先學正劉渥學錄董正之預焉酒半下合江亭遊西谿觀石間
元祐三年王公定民題適與今日同符仲顯喜曰今日之事
盡書之因勒之巖石以示異日之三五字以後約缺

金石跋尾續案范致能合江亭詩序云合江亭即石鼓書院
今爲衡州學宮韓文公所謂潔淨不可唾者即此處故碑有
石鼓州學之稱也范集中與王仲顯唱和之作甚多其題仲
顯讀書樓詩云使君青箱家文史裝懷抱平生名教樂雙旌
不滿笑忽乘雪溪興來棹秦淮邱亭客漂泊夜夜短檠照
人云大癡絕我自斷輪妙今朝檣竿起昨夢繞閣阜云有百
尺樓歸寄北窗傲滴露細朱黃拂塵靜細縹意仲顯家於江
西者歟此與元祐王定民兩刻皆在衡陽石鼓山之西谿儀
徵江于九合清泉爲予拓致之

清泉縣江志石題名在元祐三年王定民題名崖背

瀟湘聽雨錄案王居仁南軒張子門人常甯人與同里龔益
卿齊名益卿朱子門人也常甯志載居仁登清熙十四年王
容榜進士蓋誤也應以石刻爲正

案益卿當作益卿詳見後

宋重修諸葛亮廟記

諸葛武侯祠堂記 自五霸功利之說興謀國者不知先王仁義之為貴而競於末塗秦遂以勢力得天下然亦口以亡漢高帝起布衣一時豪傑翕然從之而其所以建立基本卒滅項氏者乃三老董公仁不以勇義不以力之說也相傳四百餘年而曹氏篡漢諸葛忠武侯當此時間關百為左右昭烈父子立國於蜀明討賊之義不以強弱利害貳其心蓋懷懷乎三代之佐也侯之言曰漢賊不兩立王業不偏安又曰臣鞠躬盡力死而後已至於成敗利鈍非臣之明所能逆觀誦味斯言則侯之心可見矣雖不幸功業未竟中道而隕然其扶皇極正人心挽回先王仁義之風垂之萬世與日月同其光明可也夫有天地則有三綱中國之所以異於夷狄人類之所以異於庶物者以是故耳若奮於利害之中而忘夫天理之正則雖有天下不能一朝居此侯之所以不敢斯須而忘討賊之義盡其心力至死不悔者也方天下雲擾之初侯獨高臥昭烈以帝室之胄三顧其廬而後起從之則夫出處之際固已有過人者其治國立綱陳紀而不為近圖其用兵正義明律而不以詭計凡其所為悉本大公曾無纖毫姑息之意願皆非後世所可及至讀其將上表之辭則知天下之物欲舉不足以動之所養者深斯所發者大理固然也曾子曰士不可以不宏毅若侯者所謂宏且毅者歟

孟子曰富貴不能淫貧賤不能移威武不能屈此之謂大丈夫若侯者所謂大丈夫者耶侯既沒蜀人追思時節祭於道後主用廷臣之議立廟沔陽使得申其敬去今于有餘歲蜀漢間往往有祠奉祀不替侯之澤在人者深矣衡州石鼓山舊亦有祠按蜀志昭烈牧荊州時使以軍師中郎將駐兵臨蒸以督零陵桂陽長沙三郡調賦以充軍實今衡陽是也丞水出縣境經石鼓山之左會于湘江則其廟食於此固宜考昌黎韓愈及刺史蔣防詩碑祠之立有來矣宋乾道戊子之歲湖南路提舉常平范君成象始以圖志搜訪舊蹟得廢宇於榛莽中乃率提點刑獄鄭君思恭知衡州趙君徙于高明而一新之移書俾棧為記棧惟侯之名不待祠而顯而侯之心亦不待記而明然而仁賢昔時經履之地山川草木光猶在表而出之以詔來世使見聞者竦然知所敬仰思慕當道術衰微之際其為有益益非淺也惟棧不敏不足以推本侯胸中所存萬一是則愧且懼焉乾道五年春二月左丞務郎直秘閣新權發遣撫州軍州主管學事賜紫金魚袋廣漢張棧記

天下金石志張棧撰在衡州府

清泉縣志在石鼓山

衡陽縣志成化九年太守徐孚重勒一面重刻朱子石鼓

書院記

金石補正右碑在衡州石鼓山据志謂明代重刻而碑末並無年月姓名碑書宏敬字皆不避蓋徐孚所重書耳范成象提舉常平見通志職官提點刑獄鄭思恭則志所失載知衡州趙君文內獨不書其名而通志職官高孝光三朝知衡州者均無趙姓其人亦見志之漏載不乏也張子初蔭直秘閣以劉琪薦除知撫州見宋史本傳

宋張南軒書禮義廉恥四大字

金石文字目錄八分書在衡州府學

衡陽縣陶志明嘉靖間知府李循義重刻

宋石鼓書院記

石鼓書院記 石鼓據烝湘之會江流環帶最爲一郡佳處故有書院起唐元和間州人李寬之所圖至國初嘗賜勅額其後仍復稍徙而東以爲州所則院之迹於此遂廢而不復修矣圖熙十三年部使者潘侯時德夫始因舊址列屋數間榜以故額將以俟四方之士有志於學而不圖罔圖試因業者居之未竟而去今使者成都侯若水子淵又因其故益廢之別建重屋以奉先聖罔師之像且羣國子監及本道諸州印書若干卷而俾郡縣擇道秀士以充入之蓋連帥林侯栗諸使者蘇侯詡管侯鑑衡守辭侯伯宣皆奉金齋割公田以佐其役逾年而後落其成焉於是宋侯以書來曰願記其實以詔後人且有以幸教

其學者則所望也予惟前代庠序之教不脩士病無所學往往擇勝地立精舍以爲羣居講習之所而爲政者乃或就而褒表之若此山若嶽麓若白鹿洞之類是也逮至本朝慶曆熙寧之盛學校之官遂徧天下而前日處士之廬無所用則其舊迹之蕪廢亦其勢然也不有好古圖舊之賢孰能謹而存之哉抑今郡縣之學宮圖博士弟子員皆未嘗考德行道藝之素其所授受又皆世俗之書進取之業使人見利而不見義士之有志爲己者蓋羞言之是以嘗欲別求燕閒清曠之地以其講其所聞而不可得此二公所以慨然發憤於斯役而不敢憚其煩蓋非獨不忍其舊迹之蕪廢而已也故特爲之記其本末以告來者使知二公之志所以然者而無以今日學校科舉之意亂焉又以國圖在位使知今日學校科舉之害將有不可勝言者不可謂則昔吾友張子敬夫所以記夫嶽麓者語之詳矣願於下學之功有所未究是以講其言者不知所以從事之方而無以蹈其實然今亦何以他求爲哉易曰養其全於未發之前察其幾於將發之際善則擴而充之惡則克而去之其亦如此而已又何俟於予言哉 寰區之內奇山勝水固多矣而得播天下者必有大賢君子圖眺畱文字爲之標表焉否則直天壤間一培塿爾衡州城北石鼓山據烝湘之會奇秀甲湖南然晉隋以

前無聞也至唐元和間郡人李寬中者結廬讀書其上繼而韓文公登覽賦詩畱詠宋景祐中賜書院額名與四大書院相埒矣後南軒張先生過之親寫韓詩刻之合江亭而文公朱子為書院記去書院南僅百武有漢諸葛武侯祠侯以中郎將督賦駐此者囚之時人立祠祀焉南軒為之記夫以此山無岩巖因之高□□大地之廣若衡嶽而其名直與之齊者得非有二不世出彙傑登覽著文字標表為之□重也與今□□無刻韓詩歸然獨存而朱張二夫子之記□□毀矣乎漢園立德立言之文使之磨滅無以教後人且二先生志同道同□□□□□□□□書院之左不惟使此山益□增重而使游觀之士庶或有所觀感而益加進脩云成化九圍歲在□□三月清明日後學黃巖徐孚□書 衡州府同知海韓通判羅□□□□□□同立石

天下金石志朱熹撰在衡州府

清泉縣江志明末火燬今有二碑俱重刻

衡陽縣陶志成化九年太守徐孚重勒一面重刻張子武侯祠堂記在石鼓書院

金石補正石石鼓書院記在衡陽湖南通志金石門未錄其文未見墨拓也學校門附載之而字句微異當以碑為正碑所缺泐仍據以補注之按玉海衡州石鼓山有書院唐元和

中州人李寬所為云云即此碑之文也惟原石已毀明代重刊耳碑云故有書院起唐元和間州人李寬之所為一統志云石鼓書院舊為尋真觀李寬讀書其中刺史呂溫嘗訪之有過尋真觀訪李秀才書院詩按呂集詩題作李寬中碑後徐孚跋亦作李寬中或謂李景儉字寬中登進士第元和間與呂溫同貶湖南刺衡州溫所贈詩者非即衡陽之李寬然呂集明稱秀才詩云願君此地攻文字如鍊仙家九轉丹則未第進士非為刺史可知呂集又有道州春日感興與李景儉聯句詩稱景儉不稱寬中然則呂集作寬中者後人以溫與景儉交好誤以為景儉因增中字而徐孚遂沿其誤耳碑又云至國初嘗賜勅額衡嶽志云石鼓書院宋景祐二年集賢校理劉沆請額賜名元黃清老石鼓學田記云宋景祐丙子始賜額丙子為景祐三年與衡嶽志不合碑述潘時興復書院宋若水踵成其事林栗蘇詡管鑑薛伯宣皆佐其役潘熙十下磨泐一字通志引此文作十二年據玉海乃十三年也又玉海嶽麓書院條下云潘熙十五年帥臣潘時廣二齋益額十人是潘熙十五年潘時尚未去湘迨宋若水替代之又逾年而落成乃以書乞朱子為之記計當在紹熙初矣姑列於潘熙之末通志次於五年之前未淡考矣潘時金華人提舉荆湖北路常平茶鹽事改南路提點刑獄以除知廣州

而去見朱子所撰墓志通志引此記文云東陽潘侯時誤矣
宋若水成都人其墓志亦朱子所撰言其為湖南提點刑獄
時石鼓書院廢久前使者潘時營之若水成其終為增置弟
子員以戴溪為之師割田置書教養如法較此記為詳林栗
字黃中福清人宋史有傳由廣南西路轉運判官改提點刑
獄又改知潭州栗與朱子論西銘不合遂極力排擠之至稱
為亂人之首得罪名教甚矣雖助修書院不足掩瑕焉蘇詡
管鑑不見於通志職官管鑑括蒼人見前蒙巖題名又萬姓
統譜云管鑑字明仲以父澤補官再調江西常平提幹官至
廣東提刑權知廣州兼經略安撫使又江西通志管鑑字明
仲臨川人以父澤補官佐湖南帥劉琪平劇盜以功累遷至
廣東提刑經略安撫使在湖南勸民浚陂池溉田萬六千頃
獨郴州和羅新石鼓書院在廣東減潮惠七郡丁租置廣安
宅買田以給士大夫南遷不能還者所載較詳括蒼臨川不
同疑江西志有誤至書院舊為尋真觀及至道三年邑人李
士真即合江亭故址重建見一統志碑記所未詳也

宋朱文公書敬以直內義以方外八字

金石文字目錄行書在衡州府學

宋朱文公書周子拙賦

寶字訪碑錄行書無年月在衡陽縣

宋朱文公書斷碑

衡陽縣陶志未著晦翁二字旁注四明六峯李循義重刻在
衡州府學

宋朱文公書上蔡先生語錄碑

脫去凡近以進高明勿為嬰兒之態而有大人之志勿為終身
之謀而有天下之慮勿求人知而求天知勿求同俗而求同理
晦翁

案右碑在石鼓書院行楷書字大約四寸五行行十字乃
乾隆戊子郡守劔南我峯李拔所重刻碑首分書題詞略
云紫陽曾講學石鼓有此手書明嘉靖間四明六峯李循
義重刻學宮兵燹埋沒乾隆辛巳修學掘地得之剝落數
字因覓舊本摹刻書院以為入道之權輿以今考之所謂
李循義重刻者疑即陶志所云未署晦翁二字之斷碑也
宋朱文公書上帝臨汝母貳爾心八大字碑

衡州府志在衡陽縣學

宋張孝祥石鼓山題名

清泉縣江志右題名在西谿磨厓字大三寸漶漫不可讀朋
於丞水乾隆二十五年知縣江恂昇置合江亭後
瀟湘聽雨錄乾隆己卯臘月二日時丞湘江水大落偕友人
於石鼓山麓尋釣臺二大字已磨滅僅存不勝惋惜緣麓而

西崩石臥水際有張安國題名安國為宋張孝祥字號于湖
官粵西經略又嘗知潭州其到衡宜也急命工鑿去其背輕
之昇置合江亭與南軒書並蓋南軒于湖友使兩賢遺墨不
孤是日適命僮子往學宮搨于湖書杜黃裳語兩刻彰於一
日殆非偶然

嘉慶通志案宋史張孝祥傳以集賢殿修撰知靜江府廣南
西路經略安撫使復以言者罷俄起知潭州復待制徙知荆
湖南北路安撫使是于湖兩官楚南當俱在孝宗朝

宋張孝祥書盧坦對杜黃裳語

金石跋尾續右張安國書盧坦對杜黃裳語石刻在衡州府
學昔蔡行夫問朱子云張于湖字何故人皆重之答云也是
好但是不把持愛放縱此帖卻以不放縱而益工也此帖亦
刻於蘇州學但蘇州橫行此則直耳

衡陽縣志明嘉靖中知府李循義重刻

宋 衡陽縣志明嘉靖中知府李循義重刻

衡陽縣志知州事劉清之撰

嘉慶通志案宋史劉清之有傳嘗知衡多惠政蓋在孝宗朝
末

宋東都石鼓山題刻

金石文編西溪有行書題刻十餘行行約五六字字徑二寸

許殘蝕難辨可識者第六行有湘蒸之會及後東都等數字
耳當是宋人所題江州清泉縣志失載

宋陳安道石鼓山詩

金石文編石鼓之西溪厓間有石刻詩十一行正書字徑寸
二三分漫漶不可卒讀惟首二行近看安知石鼓口遠觀方
十餘字及末行陳安道等字似其人之姓名尚可辨而江州
清泉縣志遺之雖未見年月的是宋人手筆前人未錄

宋石鼓山介崖二字

介崖

金石補正同治癸酉在石鼓山搜獲介崖二字字徑尺許無
年月題款審其字蹟非宋以後人手筆茲與朱陵後洞並附
宋末

宋合江亭後巖詩刻

瀟湘聽雨錄合江亭後巖壁有寸許大字漫滅不可盡識年
月姓名又為俗間記名者刊去錢稹石太史于次公比部由
粵西歸而過此摩挲不忍去因共讀之得不全七律云□□
□來□此州□□偶到合江遊□□雨過□□□□□□□□
□□油韓愈詩奇封碧蘚朱陵洞古枕寒流肩輿歸去日將
暮號鳥一聲山更幽擇石以為必宋人作

宋潭州修廟記碑

南嶽總勝集鎮南殿西有乾德三年潭州修廟記碑兵部郎中賈玘撰帥臣潘美立

嘉慶通志案潘美時為潭州防禦使見宋史本傳

宋中書舍人王祐贈道士率子廉詩

南嶽總勝集詩石本在縣之江亭熙甯間碑為火所焚今銓德觀復刻石紀之

嘉慶通志案總勝集記率子廉於開寶年中又云禮部詔帥臣王公祐禱南嶽致宋史王祐傳祐於太祖乾德六年後由戶部員外郎出知潞州徙襄州移潭州其知潭州應在開寶中即贈率子廉詩時也其拜中書舍人則在太宗太平興國中矣此題中書舍人者蓋後人舉其官之清顯者稱之耳唐宋州有節度防禦團練觀察之分而以知州兼軍政謂之知軍州故知州亦呼為帥臣

宋重修南嶽司天王廟碑

南嶽總勝集翰林學士蘇易簡奉敕撰待詔黃識篆碑陰有楷書在嶽廟西北碑樓

嘉慶通志案蘇易簡於雍熙三年充翰林學士宋史有傳言其在翰林八年歷官至參知政事復以禮部侍郎出知鄧州移陳州至道二年卒

宋新修南嶽司夫廟碑

南嶽總勝集右司諫晁迥奉敕撰景德二年七月六日立在嶽廟西南碑樓

嘉慶通志案宋史晁迥傳真宗即位用宰相呂端參知政事李沆薦擢右正言直史館獻咸平新書五十篇又獻理樞一篇召試除右司諫知制誥判尚書刑部帝北征雍王元份畱守京師加右諫議大夫為判官進翰林學士又真宗本紀景德元年十月丁未以雍王元份為東京畱守十二月癸巳雍王元份疾命參知政事王旦權東京畱守二年八月丁亥翰林學士晁迥先為鄆當作雍王元份畱守官屬坐輔導無狀責授右司郎中則迥於景德元年十月以前已官刑部尚書十二月以前已加右諫議大夫為判官矣其奉敕撰此碑官稱右司諫必非二年之事云二年七月六日者蓋記立碑之年月也

宋新修南嶽司天王廟碑

南嶽總勝集翰林學士李昉奉敕撰景德三年二月二十五日立在嶽廟東北碑樓

宋南嶽司天昭聖帝碑

南嶽總勝集翰林學士李宗諤奉敕撰大中祥符八年九月一日立在嶽廟東南碑樓

嘉慶通志案李宗諤昉子宋史有傳傳言宗諤於景德二年

召為翰林學士大中祥符初從封泰山改工部郎中二年副
丁謂為同修宮使三年知審官院為經度制置副使同權河
中府事優拜右諫議大夫五年迎真州聖像副丁謂為迎奉
使五月以疾卒則宗諤此碑當作於大中祥符元年至八年
九月始立石耳

宋奉神述

南嶽總勝集鎮南殿東有真宗皇帝大中祥符四年御製書
奉神述

嘉慶通志案宋史本紀真宗大中祥符四年五月乙未加上
五嶽帝號作奉神述此其事也

宋南嶽廟玉冊文

南嶽總勝集禮部侍郎丁謂撰本朝真宗皇帝祥符中始封
崇五嶽乃命工部侍郎薛公映給事中錢公惟仍齋玉冊加
號司天昭聖帝其妃景明皇后今玉簡尺有五文以金字聯
以金繩覆以錦囊

嘉慶通志案宋史丁謂傳謂於大中祥符初由樞密直學士
遷尚書禮部侍郎進戶部參知政事攷宰輔表列謂進戶部
參知政事於大中祥符五年則此文必是五年以前所作也
又薛映傳未載齋玉冊事可以補史之缺略

案五嶽加號曰帝而又有妃號殆始於此歷代因之三代

以前有柴望有方望第曰五嶽視三公而已

宋御製醮告汾陰禮畢文

南嶽總勝集鎮南殿東有天禧三年御製醮告汾陰禮畢文
宋朝賢送單大師詩石

南嶽總勝集在銓德觀

嘉慶通志案總勝集載宰相王欽若送單大師歸嶽詩七律
一首又云真宗朝敕差冲靖天師單惟嶽來住持提舉嶽門
宮觀則單大師名惟嶽所謂朝賢者當即王欽若也而宋史
本紀及欽若傳皆不載此事

宋修藏記

南嶽總勝集陳堯咨撰在勝業禪寺

嘉慶通志案陳堯咨曾以知制誥知潭州見宋史本傳當在
真宗時

宋集賢章岷記

南嶽總勝集案書乃記景祐乙亥樞密學士孫沔貶永州夢
南岳中宮王靈輿真人事也在中宮

金石文跋案章岷字伯鎮登天聖五年進士嘗為平江軍推
官文聲甚著范文正公有和章岷從事鬥茶歌及同登承天
寺竹閣詩見中吳紀聞孫沔字元規會稽人以秘書丞為監
察御史襄行景祐元年冬至日冊后沔奏非制又同安縣尉

李安世上書指切朝政被劾奏請勿治黜知衡山縣又上書言時事再貶永州監酒見宋史本傳

宋宋宣獻詩

南嶽總勝集在銓德觀

金石文跋宋宣獻宋綬也宋史有傳大中祥符元年賜同進士出身仁宗朝官至參知政事卒贈司徒兼侍中諡宣獻攷宋人推當代書家每以綬與李西臺並稱又史傳稱其幼聰警額有奇骨爲外祖楊徽之所器愛徽之無子家藏書悉與綬綬母亦知書每躬自訓教以故博通經史百家文章爲一時所尙徽之卒遺奏補太常寺太祝年十五召試中書眞宗愛其文遷大理評事聽於秘閣讀書又云綬性孝謹清介言動有常爲兒童時手不執錢家藏書萬餘卷親自校讐其筆札尤精妙朝廷大議論多所裁定楊億稱其文沈壯瀟灑及卒帝多取其書字藏禁中則此刻其亦金石中之特健藥歟傳不詳其卒年以宰輔表攷之當在康定中

宋釋迦文佛四大字

南嶽總勝集石曼卿書在南臺禪寺前石崖上

金石文跋曼卿與范文正公歐陽文忠公文忠公稱其工於書筆畫遒勁體兼顏柳又王直方詩話云曼卿以書名世然大字愈妙嘗讀龜山寺三佛名榜最爲雄偉張文潛有詩

云煌煌三佛榜鐵貫全石鈕開張宮室正渾實山岳厚井水駭龍蹕蟻封觀驥驟真能道盡其妙予攷曼卿書惟長城棟光等題名刻於汴都者今廣西龍隱洞有慶元中重摹本不知何以得至南嶽有此書也曼卿名延年卒於康定二年宋史作州人蓋本歐陽公所撰墓表東都事略則云宋城人宋南嶽沖退醉石

南嶽志在朱陵洞刻沖退醉石字

嘉慶通志案章警字隱之成都人注太元經與邵康節友善神宗時上其書錫爵不受封爲沖退處士後至南嶽尸解成道事載南嶽總勝集攷宋史章警列於隱逸傳云成都雙流人博通經史尤長易太元著發隱三卷明用著宗道之法知以數寓道之用三摯九據始終之變蜀守蔣堂楊察張方平何鄭趙抃咸以逸民薦一賜粟帛再命州助教不就嘉祐中賜號沖退處士王素時爲州因更其所居鄉曰處士里曰通儒坊曰沖退由是益以道自裕尊生養氣憂喜是非亦不以撓其心形嘗訪里人范百祿謂日子辟穀二十餘年今強力尚足子亦當知以氣治疾之說乎百祿因從扣太元警爲解述大旨熙甯元年卒年七十六

宋修廟碑

南嶽總勝集嶽廟嘉應門外修廟碑熙甯三年諫議大夫燕

度所立節度推官吳居厚撰
宋玉冊碑

南嶽總勝集鎮南殿西真宗皇帝上帝徽號冊文玉冊金貫
寶匣紹興元年三月內孔彥舟盜毀不存此文元祐元年六
月十日監官黃安期刊石

嘉慶通志案孔彥舟焚掠潭州趨衡州事詳宋史紀傳

宋蘇軾南嶽道士率子廉記

南嶽總勝集中書舍人王祐贈道士率子廉詩東坡居士蘇
軾作記並書在銓德觀紹興中住持黃庭觀道士陳子常再
刻之於本觀閣下

金石文跋東坡於元符二年自昌化移廉州又移舒州節度
副使永州居住行至英州復朝奉郎提舉成都府玉局觀則
游跡並未至南嶽不知何時書此記

宋壽嶽二大字

顧璘遊衡嶽前記度飛來船石觀宋徽宗壽嶽大書

衡州府志刻在祝融峯下巨石上

宋蓮花峯天下名山四大字

衡州府饒志在嶽廟西宋徽宗題

嘉慶通志案顧璘遊衡嶽後記云方廣寺有宋徽宗金書榜
曰天下名山懸正殿額此嶽廟西石刻恐近人所摹也又案

南嶽志云天下南嶽四字見圖攷志傳為宋徽宗筆未知即
此刻否

宋重刻雲龍寺記

南嶽志唐岑文本撰黃庭堅書崇甯二年二月在法輪寺前
唐雲龍寺記下

宋陳瓘嶽山壽甯觀題

閣前千頃碧琅玕喬嶽蒼松苦歲寒此是萬年峯上竹何須更
待雪中看 了齋陳公以元豐己未擢進士三名後數年為博
士校書郎以鯁直不得久居中徽廟初政召為諫官忤蔡京謫
揚州管庫欽聖持其事故知無為軍明年又自署庭宰掾官瑣
闕坐忤曾布出守海陵崇甯元年蔡京相除名勒停編隸袁州
移廉移郴五年春正月以彗星卜碑而京罷相凡黨人皆得歸
故今嶽山壽甯題所謂丙戌四月益公東歸道所從出也後
元豐一百二十年當慶元己未臨邛魏某始以進士起家又二
十有八年當寶慶丙戌某得罪南遷四月七日渡湘即公題
之日會壽甯道士唐從善以是日掘地得公石刻介郡人張南
仲杞求一語記歲月嗚呼人嘗涉於憂患則見似而自動聞名
而心惕故於公之忠孝大節所願學也若夫出處歲月之適相
似則吾甚懼焉 鶴山題跋

嘉慶通志案陳瓘字瑩中了齋其號也考宋史本傳事蹟與

鶴山跋語大略正同其移郴州後稍復宣德郎又以其子正彙告蔡京事下獄併逮權安置通州又徙台州五年復承事郎卜居江州有譜之者令居南康纔至又移楚宣和六年卒靖康初詔贈諫議大夫召官正彙紹興丙子高宗特賜諡忠肅以表之

宋御製八行八刑條碑

衡山縣志宋大觀元年學士鄭居中奏乞御筆八行刻石立之碑今尙存

金石跋尾續宋史徽宗大觀元年三月甲辰立八行取士所謂八行者蓋取周禮大司徒之六行而益以忠和謂知君臣之義爲忠達義利之分爲和也八行之中以孝悌忠和爲上睦嫻爲中任恤爲下是歲六月庚午令諸州學以御製八行八刑刻石從江東轉運副使家柰奏請也八月庚午資政殿學士中太一宮使兼侍讀鄭居中乞以所賜御書八行八刑模刻於石立之學宮從之

嘉慶通志案寰宇訪碑錄載八行八刑碑九一在山東觀城一在陝西興平皆大觀元年六月一在陝西淳化一在河南臨潁皆二年四月一在陝西高陵二年五月一在臨潼二年十月一在河南滎陽一在某縣皆三年八月一在江蘇崑山政和三年七月刻此碑縣志但紀鄭居中乞刻學宮之年未

知立於何時

宋集福殿碑

南嶽志大觀二年立

宋移建皇帝本命殿碑

南嶽總勝集通直郎權潭州通判兼軍州事趙岍撰并書立

在銓德觀

金石文編廣西臨桂屏風山有大觀四年侯彭老程公慶記

爲趙岍書自號梵仙山人當卽撰此碑者岍時通判潭州而

長沙府志未載

宋朱陵宮記

南嶽總勝集在招仙觀政和二年轉運使建安張徽撰

宋修玉冊文

南嶽總勝集鎮南殿東有政和丙申修玉冊文轉運副使聶山立

宋修聖像記碑

南嶽總勝集鎮南殿東序有政和七年轉運副使聶山修聖像記碑

宋南嶽上清宮石碑

南嶽總勝集去廟東七里吳人徐靈期真人修行之所政和

元年徽宗皇帝賜號明真洞微真人今宮基見存石碑傳云

舊有仙難報曉因喫仙草不死間有樵人見而不能捕大曆七年元和先生張太空者李泌之師居之得道後入元陽宮尸解大中元年韓威儀慕其風而居之修符亦得道

宋嶽廟祭告文

南嶽總勝集紹興元年十月二十四日帥臣向子諲祭告文在鎮南殿側

金石文跋向子諲字伯恭臨江人建炎中知潭州金人移兵湖南率軍民以死守紹興元年移鄂州主管荆湖東路安撫使詳宋史本傳傳又言子諲以徽猷閣直學士知平江府金使議和忤秦檜意致仕退閒十五年號所居曰薜林卒年六十八攷樓大防薜林居士文集序云公卜居臨江多植巖桂又素慕香山自號曰薜林有船曰泛宅高宗親書大字及企疏堂以寵其歸

宋祭顯助侯廟文

南嶽總勝集嶽廟有北廟侍郎廟紹興五年四月一日准敕封顯助侯廟湖南安撫向子諲修祭文碑

宋折參政謁南廟詩碑

南嶽總勝集在嶽廟勝業禪寺

嘉慶通志案總勝集又載其詩題作葆真居士樞密折公彥質留題攷折彥質於紹興六年三月自左朝議大夫試兵部

尚書諸路軍馬事都督府參謀遷端明殿學士簽書樞密院事十二月罷見宋史宰輔表

宋奉安青記

南嶽總勝集紹興三十年資政殿學士知潭州魏良臣撰在嶽廟

嘉慶通志案魏良臣見宋史

宋陳從古南嶽題名

顧璘遊衡嶽前記在絕頂

宋彌明碑

金石林時地考端平二年七月立道士軒轅彌明隱居南嶽水簾洞

南嶽志字多磨滅不可讀

嘉慶通志案衡山道士軒轅彌明見昌黎石鼎聯句或云韓文公以文滑稽自寓姓名耳洪慶善年譜謂必有是人朱子攷異云軒轅反切近韓字彌字之義又與愈字相類或者之言近是仙傳拾遺有彌明傳及南嶽總勝集謂軒轅彌明隱居嶽麓抱黃洞恐皆因昌黎之文實其事也此碑立於宋時僅見趙靈均書及南嶽志未知何人所作

案嶽麓志云禹碑北石山修曠古有道家者流於巖下修鍊丹成飛昇遂名為抱黃洞土人建崇真觀此不詳年代

而在蟒患之前則漢魏間事其非彌明固矣又云衡山志稱西晉初年鄧郁靜息崇真觀中羽化未幾而觀頽亦非彌明也至東晉洞有蟒患自是以來榛莽蕪安所得隱居之所總勝集所云未知所據則謂軒轅彌明爲韓文公自寓姓名理或然也

宋御製化道文

南嶽總勝集在銓德觀

宋奏復中宮額記

南嶽總勝集張覲撰八分書

宋忠靖王碑

南嶽總勝集嶽廟有忠靖王殿王姓張氏案吳致堯碑云王諱抃唐天寶間家於滑之白馬一云鄧州南陽任俠尚氣置金鎚袖中以擊不平者安史之難張巡許遠提孤軍守睢陽築臺募死士得南霽雲以爲將因乞師於賀蘭進明進明弗許二人誓云以斷指爲信死爲岳瀆厲鬼不放進明逾月皆死王夢其家曰吾得請於帝矣命輔南嶽爲司徒王諱傳記不一或諱翼或父或軫或巡或稱五代時人今止取臨淮棄指亭爲寶本朝政和二年樞人黃安俊作亂辰州祈禱感應申奏敕封靈祐侯八年因沅州賊潘宗巖作亂奏請加封祐順靈顯公建炎初潭州奏請特封忠靖王告在本廟昭烈廟

額在衡山行宮近又封威顯王

嘉慶通志案萬歷沅州志載有政和六年十月封祐順靈顯公尙書省劄中有樞賊黃安俊作亂云云而未及先封靈祐侯加封之語則政和八年以前已封祐順靈顯公矣與南嶽總勝集所載不合又王諱抃南嶽志作抃或又作扞恐皆誤

南嶽雜詩

南嶽總勝集在銓德觀

岳山圖碑

南嶽總勝集在嶽廟

衡州府饒志舊有碑刻七十二峯圖久裂草莽中吉水鄧淮取而彌完之覆以亭在祝融頂上

祭儀碑

南嶽總勝集在嶽廟

禁斫山碑

南嶽總勝集在嶽廟

宋南嶽大壽字

衡州府饒志刻在祝融峯下字大徑丈三山黃桂書

金石劄記於南嶽拓得福壽二大字無年月題款檢閱湖南通志僅載壽字云三山黃桂書蓋卽此刻也南嶽名勝絕無古刻或云風雪凍裂石不久畱或云繕修祠廟多爲匠石刷

取矣

宋朱陵洞題刻

張元忭遊南嶽記朱陵洞旁巨石率可跌臥宋元人多題刻其上

南嶽志朱陵洞有泉懸若挂簾亦名水簾洞有石刻朱陵太虛洞天字水濺處刻天下第一泉字又飛瓊灑雪偉哉奇觀字

宋南嶽九仙飛昇之壇六字

衡州府饒志王靈輿修真九仙觀觀前有石方廣數丈鐫九仙飛昇之壇六大字尙宋時遺迹

宋杜工部墓碑

宋陽縣張志淳化元年九月望

嘉慶通志案衡州府志作趙師古撰題作題末陽杜工部祠記攷碑文云因爲志於墓前則當作墓碑爲是

宋義塾碑

宋陽縣張志在隱靜寺龍圖閣學士王秀爲谷司農撰記

金石文編攷宋有兩王秀十駕齋養新錄云一字元澤安石之子附安石傳一澤州人雲之弟官右奉議郎見繫年錄子案宋史王安石傳安石於熙寧八年二月復相因進三經義成加尙書左僕射兼門下侍郎以秀爲龍圖閣直學士辭則

撰此碑者安石子也惟據史言秀遷此官卽以病辭不拜呂惠卿勸帝允其請則秀實未爲此官豈撰碑時正命下之日邪

宋靈顯廟額碑記

宋陽縣張志邑人進士羅諤撰文林郎知衡州府宋陽州主管學校勸農營田公事侯書進武校尉權韶州仁化縣尉秦允修鐫石乾道四年十二月朔

宋紫陽觀碑

宋陽縣張志在縣北淳熙九年建推官蕭世記

宋杜工部墓門題字

有唐工部杜公之墓 景定癸亥夏孟 縣令王禾立石

宋陽縣張志景定間縣令王和立

金石補正石杜甫墓門題字在宋陽湖南通志題作杜工部墓碑禾作和均非王禾宜章人淳熙十四年進士舊唐書杜甫傳云甫游衡山寓居耒陽啗牛肉白酒一夕而卒於耒陽元和志云宗武子嗣業自耒陽遷甫柩歸葬於偃師縣元微之撰墓志亦云子美歸葬偃師是杜墓不在耒陽也然韓昌黎題杜墳詩云今春偶客耒陽路悽慘去尋江上碑則耒陽自有杜墓證以此刻益信矣杜工部祠堂記云子美出瞿塘下江陵登岳陽樓覽衡嶽抵耒陽適江水暴漲爲驚濤所漂

僅得遺韉因墨土築虛冢瘞之一統志云唐工部員外郎左拾遺襄陽杜甫墓在縣北鞞洲上鞞洲之名當即因此未陽志云杜甫墓在縣治北二里解縉有詩云蔡倫池上霧如紙杜老祠前秋日黃為問鞞洲江上水流傳三日到衡陽是杜之有墓相傳久矣若溪漁隱云大抵賢者所在人各引以為重不妨未陽自葬子美之遺韉而嗣業所葬元稹所志乃在鞞縣首陽斯言近之矣湖南通志謂柩雖遷而冢未嘗毀亦自有理若如祠堂記所云僅得遺韉則安得有柩耶不足據

宋衡州進士題名記碑

耒陽縣張志文天祥撰自祥符詒嘉定

嘉慶通志案宋史文天祥傳咸淳九年起為湖南提刑十年改知贛州則此記應作於是時

宋金廂橋記

耒陽縣張志承議郎通判衡州軍州兼管內勸農營田公事田事淡撰進議校尉瓊州瓊山縣尉李說立石德祐改元正月望日

宋李芮直鈞巖詩刻

瀟湘聽雨錄直鈞巖無械仙翁隱處在耒江上游九十里舊名鋤雲洞今洞門有國初人題曰飛龍洞近水一石刻洞壘源三字署為漢佐張良書未暇淡考又浦南佳處四字元

至正六年李從善書又一詩為宋進士李芮字秀穎號夷白作詩云無械仙翁去巖垂直鈞名重開茅葦塞仰見斗山明便覺天光近從教俗眼驚登臨試一覽心目得雙清乾隆壬午春兩過之因記其概

嘉慶通志案衡州府志列李芮於宋進士云太常丞耒陽縣張志引邑諸生譚可嘉小記謂舊志所載唐李使君詩乃宋李史君之謫史君蓋翰苑之稱耳李史君名芮字秀穎號夷門宋之進士從善即其從姪孫

宋宣蹟碑

耒陽縣張志在鬱衝鋪為徐宣義撰記

嘉慶通志案宣義必是其人之官階宣義郎也未知何名宋人雙蹲左巖題名

瀟湘聽雨錄常甯縣城外雙蹲書院左為學宮舊基面臨宣水際水有岩因土名不雅馴康熙間縣令張菊人芳為易名曰學巖相傳岩穴深不可測磨崖為宋人題名大約五寸多漫滅可識者令丞巡嘉祐三年放舟同遊云云巖上舊有亭基蔗畦為書學巖二字碑立於上

宋昭武侯德政碑

襲蓋卿撰文常甯自數十年來令之得遂始終者蓋不多見矧戊戌煨燼之餘更代尤為不常或半載而去或數月而去獄

濫而不知決年凶而不知牧民將安賴自昭武侯來宰是邦聽獄甚寬惜民甚切人無桎梏之虐吏絕舞文之奸消一時爭競之習邇三代禮儀之風百里之民咸樂其政果誰安之耶自春徂夏人以艱食為病侯夙夜不遑加意賑給仁恩浸孚此又惠政之大也歷五載之久始終如一如侯者甯多見耶是誠不可不記也侯名閑字誠夫時慶元二禩七月初吉書

衡州府饒志宗室昭武侯閑紹熙三年任常甯縣居官五年寬厚愛民民勒石頌德

案嘉慶通志職官名宦皆載趙閑而碑文無姓蓋宗室例不書姓也湖廣總志以為李閑誤矣

宋景星寺修路記

常甯縣葛志寺在縣東三十里寺前路砌一小刻有云咸淳壬申歲費砌

宋承節郎何邦維碑

常甯縣志何氏記幾田有巉巖幽奇宋有何邦維者為耆長以捍邊獠有功官承節郎所立碑篆猶存

雙蹲二字

瀟湘聽雨錄雙蹲書院距城南里許院後兩石對峙若蹲踞然石上八分書題刻雙蹲二字宋王居正襲益卿讀書處王師南軒製師朱子皆常甯人明時建書院其地蔗畦至為之

捐給膏火延師課士稱盛

衡州府舊志在常甯縣舊學後奇石對峙如蹲踞狀上鐫雙蹲二字結構遒勁類晉人筆意有詩

案襲益卿朱子語錄姓氏作襲蓋卿字夢錫即誤昭武侯德政碑者益字當誤考語錄所載問答數十條皆甲寅所聞蓋光宗紹熙五年朱子差知潭州荆湖南路安撫時也王居正據前石鼓題名當作居仁

宋大理寺評事段昇墓碑

鄱縣林志在縣西炎陵前一里許昇寄籍江西致仕後徙居康樂鄉檢田洲歿葬於此冢墓巋然有碑可識

湖南通志卷二百七十

湖南通志卷二百七十一

藝文志二十七 金石十三

宋李建中澹山殿詩

以下永州府

漁隱叢話零陵郡澹山殿秦周貞實之舊居余往歲嘗遊之
 見李西臺黃太史詩刻愛其詞翰雙美因搨本以歸真佳玩
 也西臺詩石刻漫滅九字不可辨因闕之詩云常思羽衣人
 宅此岩崖傍口口通大道元關掩中黃古朴宮殿口偃亞松
 桂香洞戶漏夕月木罅生口陽疊齒上層巔露井連曲房斷
 壁橫廣幕盡石排吟口蟄痕燕穴空乳涵蚪鱗張清泉弄春
 口靈草經冬芳自笑老倒容誰口刀圭霜金版佩上籍玉音
 歌洞章口口夜森立絳節朝飛揚咫尺仙路南喧騰機世忙
 浮埃走車馬奔迸多事場真地擁煙霞根本無為鄉不到久
 歎息一來徒悲傷但聽鏗華鐘所得心耳涼 宋朝能書者
 李西臺宋宣猷東坡謂李俗而宋寒殆是浪得名又謂建中
 書雖可愛終可鄙終不可棄余於西臺書不多見獨見其永
 州澹山殿詩清勁簡遠不減晉唐閒人書則東坡之論有不
 然者矣惟六一居士云五代之際有楊少師建隆以後稱李
 西臺二人筆法不同而書名為一世之絕山谷云李西臺出
 羣拔萃肥不臞肉如世閒美女豐肥而神氣清秀者則二公
 之論得之矣山谷因李君貺借示其祖西臺草聖并書賦詩

云當時高蹈翰墨場江南李氏洛下楊二人沒後數來者西
 臺惟有尙書郎篆科草聖凡幾家奄有漢魏跨兩唐紙摹石
 鏤多彷彿會未得似君家藏側理數幅冰不及字體欲傾墨
 猶溼明窗棊几開卷看坐客失牀皆起立新春一聲雷未聞
 何得龍蛇已驚蟄仲將伯英無後塵邇來此公下筆親使之
 早出見李衛不見右軍能偏人山谷此詩許可如此真不虛
 美矣

寶真齋法書贊清化工部郎中李公建中字得中國初自熙
 陵右文尙古時有二臣曰李得中蘇太簡亦篤好焉得中自
 西臺御史踐奉常網羅放失其書滿家太簡以參預部彙中
 秘書萃諸僭偽國所藏天香甚溼錫于寶章無算然得中翰
 墨入神品世所珍秘太簡無傳焉今觀其書良然
 金石文跋李建中京兆人見宋史文苑傳太宗太平興國八
 年進士甲科釋褐大理評事歷官至工部郎中判太府寺真
 宗大中祥符六年卒年六十九傳稱其幼好學蜀平侍母居
 洛陽聚學以自給攜文遊京師為王祐所延譽性簡靜風神
 雅秀恬於榮利前後三求掌西京國司御史臺尤愛洛中風
 土就構園池號曰靜居好吟詠每遊山水多題自稱嚴夫
 民伯善書札行筆尤工多構新體草隸篆籀八分亦妙人多
 摹習爭取以為楷法當手寫郭忠恕汗簡集以獻皆科斗文

字有詔嘉獎好古勤學多藏古器名畫有集三十卷傳又言建中以大理評事出為岳州錄事參軍再遷著作佐郎監潭州茶場改殿中丞歷通判道郢二州轉太常博士攷其時當俱在太宗朝得中久宦荆南官涪溪亦有詩刻惜予遊涪溪搜求未得耳

宋賈黃中送潘守詩

七言四韻詩一章送新知永州潘宮贊若冲赴任 翰林學士賈黃中上 鴛鴦行中已著名頰條暫慰遠民情道途行去乘輶貴鄉里過時畫錦榮鈴閣曉開江月滿戟枝寒照雪峯明知君遊刃多餘暇莫忘新詩寄鳳城 軍事推官將仕郎兼秘書省校書郎潘孝孫奉命書 大宋雍熙四年中元日鐫

金石叢石正言先零陵輯補零時拓手誤遺下二行失其時

次遂疑卽是潘衢今補拓改正詩寄刻朝陽巖

金石補正賈黃中字媧民史有傳雍熙初掌吏部選除官吏品藻精當史又稱其多所薦引然未嘗自言人亦莫之知潘若冲或亦所薦引也潘若冲知永州通志職官誤冲為仲永志載此刻誤試為兼

宋郭昭符朝陽巖詩

秋日同知州潘贊善朝陽巖閑望歸郡中書事 宋太僕寺丞通判軍州事郭昭符 白帝呼龍駕雲旌西上天調玉燭九

○字似晉 鸞黛凝不乾二水飛藍健相續紫皇詔換魚須竹皂蓋朱杉來作牧波神一夜收風湍烈缺先秋靜林麓會巖照水明朝旭○衝崖擁奇木山閣吟煙薄暮鐘酒旗拂雨臨○字屋二放詞身外光景促短續人閒片時緣金刀莫○長嘯○祿梨梅漿酸○才熟○新味○笋○樵素絲○明○青玉○情日去無羈束逸思涼飄繞煙谷言涉淥水紗裳輕朱鞅追風桃花速迴看山下多麋鹿浩歎○鴻鵠○來刁斗轉分明永夜公堂守幽獨○金液○

金石叢石行楷書十五行字體圓渾猶宋初體格惜佚其時

次案官表昭符為宋真宗咸平初通判所云潘守贊善卽潘若冲乃雍熙時出守舊官表列之太平興國闕誤也

金石補正永志所載闕論甚多十八行作十五行亦非末行第五格隱約似熙字永志謂在雍熙時者可信也傾美祿祿字當是祿之誤

宋宣撫記

宣撫記并序 宣德郎守秘書丞知永州軍州事騎都尉借緋陳瞻述 聖上以萬寓清夷九有邐稔明德率踰於古道至仁允被於羣生爰命近臣特行巡撫勸官守奉詔條以臨涖勤恪諭耆老教子孫以忠孝農桑仍示優恩並加宴設零陵古郡湘水

通川有齒危髮秀之徒凡四百人相與歌詠進而稱曰我后恤
養衰老化洽黔黎雖代厯義軒理稱堯舜未有念及遐僻惠加
疲羸存問之旨若今日之盛也思欲明示子孫刻之琬琰俾永
遵德教垂聖朝無疆之休豈不同快餘年哉瞻任忝親民敢不
從眾乃於郡之西偏巖曰朝陽直紀皇猷就刊貞石 侍禁閣
門祇候權管三司大將軍將荆湖南北路同巡撫郭威朝奉大
夫尚書司封郎中權勾當三班院兼同權判刑部荆湖北路巡
撫上

嘉慶通志案零陵縣志云咸平初年記石刻見存

金石審右行書十五行蓋有十六行後佚一行耳寄刻朝陽
巖壁先零陵始摻得之

金石補正永志三司上脫轄字末兩行巡撫字俱作巡檢按
巡撫之稱見於列傳者不少大智禪師碑陰呂文仲題名結
銜稱巡撫使則又有石刻可据也此文亦云特行巡撫宋時
固有巡撫之稱特不常置耳宗氏疑宋無是官改為巡檢齒
危髮秀見王文憲集序猶言秀眉也宗氏凡改為髮禿均誤

宋陳瞻朝陽巖詩

題朝陽巖秘書丞陳瞻 巖面郡樓前巖崖瀑布懸曙光分海
日碧影轉江天向暖盤樓鶴迎寒簇釣船次山題紀處千古與
人傳

金石審右正書六行不著年月零陵補志作咸平三年据官
表也

金石補正永志脫知州事三字陳瞻湘陰人雍熙二年梁灝
榜進士官至大理寺丞

宋朱昂等送新知永州陳秘丞詩

送新知永州陳秘丞赴任 翰林學士知制誥判史館事朱昂
赴郡逢秋節晨征思爽然過橋猶見月臨水忽聞蟬野色藏溪
樹香風撼渚蓮此行君得意千里獨搖鞭 尚書比部員外郎
直史館洪湛 零陵古郡枕湘川太守南歸得意年茶味欲過
衡岳寺橋香先上洞庭船錦衣照耀維桑地同年家於衡山今出其下石齋
翻飛欲雨天若到浯溪須熾棹次山遺頌思依然 秘書丞直
集賢院劉騰 秋風清緊雁初飛半醉搖鞭出帝畿名郡又分
紅旆去故鄉重見錦衣歸剖符雖暫宜皇澤視草終須直紫掖
從此南軒多倚望好詩芳信莫教稀 開封府推官秘書丞直
史館孫冕 桂林南面近徵黃又愛江鄉出帝鄉新命不辭提
郡印舊山重喜過衡陽樓臺滿眼滿湘色道路迎風橘柚香知
有太平經濟術政閑時節好飛章 秘書丞李防 昔年同醉
杏園春別後花枝幾度新彼此宦遊疏翰墨等閒交面起絲綸
此至拜過榮親未必須葉子畫錦何嘗只買臣布政莫為三載
計清朝臺閣整搜人

金石叢石正書二十三行不著年月寄刻朝陽殿

金石文字目錄正書在永州府

嘉慶通志案陳秘丞即前題詩之陳瞻朱昂洪湛並詳宋史文苑傳李防史亦有傳

宋王羽朝陽殿詩二首

朝陽殿詩二章 殿中丞知郡事兼護軍王羽題 石岸盤危

磴煙和曉日濃長桐應待鳳占水必藏龍老樹藤多附層崖路

莫從平磯看浪沒峭壁任苔封蕭韻生羣嶺嵐光簇眾峯何時

有達士棲此信疏慵 東向水西阿無時物景和松陰不映戶

曉日在煙蘿人蹟如行小山禽似語多清高知隱者塵慮自消

磨 天禧戊午歲正陽月記

金石叢石正書十行字與潘陳諸刻俱相類戊午為天禧二

年

金石補正永志護軍上有兼字石本所無

宋徐陟華嚴殿題名

于客居少暇時遂勝遊聊用濡毫志其歲月天聖三年仲秋望

日朝奉郎試秘書省校書郎權永州軍事判官徐陟題

金石文編徐陟題名正書四行省縣志誤作丞

金石叢石正書四行客居原作恪居案說文恪本作憲俗作

恪此以客作恪蓋假借通用且聊用濡毫零陵補志誤釋作

得意今審正

金石補正羅氏据零陵宗志輯入致多舛譌永志仍誤二字何也以客作恪亦無左證

宋孫蒼舒等華嚴殿題名

國子博士監市征孫蒼舒江陵節推知零陵縣王務本 皇宋

景祐四年

金石萃編正書三行字數不齊左行

金石叢石係行書王氏作正書誤零陵補志以景祐作嘉祐

亦誤

宋王文思華嚴殿題名

于前授鄜延路分都監因入界破虜賊寨傷折兵甲特降斯地

於今年二月二十二日到殿閣安泊至二月二十七日受詔卻

赴西垂任使久在岳閣優游遂性清閑可知時康定元年仲秋

二十一日新授鎮威監護王文思題

嘉慶通志案右刻正書九行左行見零陵縣志考宋史是

時元昊寇鄜延故題名有破虜賊寨之語

金石補正省府志均有脫誤宋史帝紀康定元年正月元昊

寇延州執總管劉平石元孫都監黃德和坐棄軍腰斬王文

思為分都監故得從末減賈降也破虜賊寨恐是諱飾之詞

耳

十一月七日題

金石萃編正書五行

永州府舊志案零陵補志末遺題字年書丙戌則仁宗慶歷之六年也

宋潘衢等澹山巖題名

中都外郎知郡事潘衢子莊殿中丞通理郡事陳規正卿太常博士監市征李寔公實軍事判官洪實景純軍事推官李洙希真 慶歷七年十一月五日

金石萃編正書六行陳規史傳稱字元則密州安邱人靖康

末金人入侵殺鎮海軍節度使劉延慶其徒祝進王在夫為盜犯隨郢復等州規為安陸令以勤王兵赴汴至蔡州道梗而還建炎元年累知德安府與劉錡領兵同死守後移知廬州疾卒此題殿中丞通理郡事傳無一語及之不知即其人否

嘉慶通志案廣西棲霞洞慶歷四年九月題名有潘衢自署其貫稱榮陽街云尚書都官員外郎新知永州蓋其時已有知永州之命而未到官也市征金石萃編誤作市等今據零陵縣志改

金石補正五日下午尚有題字題下似是記字諸家皆未之見洪實建昌人慶曆二年楊真榜進士其任永州判官永志以

為八年任者非通志職官誤李洙為朱洙

宋潘衢等華嚴巖題名

中都外郎知郡事潘衢子莊殿中丞通理郡事陳規正卿太常博士監市征李寔公實軍事推官李洙希真 慶歷七年十一月□□

金石萃編正書五行較澹山巖獨無洪實殆以實先經題名耳

宋澹山巖奉安御書頌文見永州府舊志

零陵縣志武都官員外郎知永州王願撰皇祐三年四月

宋高滌朝陽巖題名

虞曹外郎知零陵郡事高滌子淵田曹外郎通守郡事雷儼仲容同游皇祐五年八月二十八日子淵題

潛研堂目錄正書皇祐五年八月在永州府

嘉慶通志高滌等題名正書八行在朝陽巖

金石補正通守雷儼通志職官作推官恐誤

宋沙門居一華嚴巖題名

沙門居一嘗住持是院皇祐癸巳歲重陽日齋下九字全劾

金石補正正書四行行七字字徑寸許前人未著錄

宋柳拱辰等澹山巖題名

至和二年乙未六月十九日尚書職方員外郎知永州軍州事

柳拱辰以久旱躬禱於零陵王之祠因憩此巖是日得雨時殿直齊懷德大理寺丞章詢判官李方推官蘇台文錄事參軍張服司法參軍李光序零陵縣令孫思道零陵縣主簿張拯信安進士趙揚武陵進士魏堂從行男新黃州司法參軍平奉命題

金石萃編趙揚宋詩紀事載抗揚抹二弟皇祐閒抹爲江源令抗揚與俱名勝志載引流聯句一詩有抹序云公暇事休與弟抗揚坐東軒樂然盤桓共爲詩章云是趙揚爲抹之弟史抹傳抹字閱道衢州西安人此題趙揚爲信安進士信安爲衢州江名正與抹同貫抹傳不爲附載無事蹟可攷

金石文編澹山巖至和二年六月柳拱辰題名有信安進士趙揚案王安石廣西轉運使蘇安世墓誌云女適單州魚臺縣尉江山趙揚攷衢州唐宋皆稱信安郡西安江山則皆衢之屬縣也揚後官荆湖南路轉運判官見宋史南蠻傳亦有題名見後又自稱會稽趙揚

案右題名正書十二行蘇台文之台宗志誤作臺

宋柳拱辰朝陽巖題名

尚書職方員外郎知永州柳拱辰禮賓副使湖南同提點刑獄李用和尚書比部員外郎通判永州尹瞻至和二年乙未九月四日遊此朝陽巖

金石萃編正書八行

宋柳拱辰等華嚴巖題名

知永州柳拱辰通判永州尹瞻郴州令郭震至和二年十一月二十日遊此

金石萃編正書五行左行

宋尹瞻澹山巖詩

澹山巖詩 尚書駕部員外郎監零陵郡事尹瞻 岌業元化精斬巖大塊坼駭若盤古時呀然巨靈擘狀怪嘔風雷勢遶吞山澤寒暑中外分居僧甘窟宅

金石萃編正書七行

宋柳拱辰柳子厚祠堂記

子厚謫永十餘年永之山水亭榭題詠固多矣韓退之謂衡湘以南爲進士者皆以子厚爲師其經承子厚口講指畫爲文詞者悉有法度可觀今建州學成立子厚祠堂於學舍東偏錄在永所著詞章漆於堂壁俾學者朝夕見之其無思乎至和三年丙申二月二日尚書職方員外郎知永州柳拱辰記

金石萃編正書十三行

永州府舊志案右刻今在華嚴巖側宋時祀子厚蓋在此今其西仍爲郡學子厚祠則專在愚溪矣

宋柳拱辰尹瞻火星巖聯句詩

尚書職方員外郎知永州柳拱辰同尚書比部員外郎通判永

州尹瞻暮春遊火星巖聯句詩 千里熙醇政靈巖喜訪尋
登亭雲擁座拱辰 身徑筍成林瞻 樂逐天風遠拱辰 塵隨宿霧
沈瞻 綺羅紅作隊冠蓋綠交陰瞻 下顧關河小寒知洞壑深拱
辰 松枯存舊節花老見初心拱辰 旌榮嵐光潤罇罍野氣侵瞻
朋遊敦雅契吏隱共知音拱辰 愧翁歸拙難攀子厚吟瞻 城
樓傳晚南陌騎駸駸拱辰 至和三年丙申閏三月二十五
日

金石補正右刻十二行行十五字正書至和三年即嘉祐元
年是年九月改元詩刻在閏三月故應稱至和也詩云愧
翁歸拙難攀子厚吟似子厚亦有火星巖詩抑即西亭甘韻
邪翁歸未詳何人

宋尹瞻火星巖詩 郡古時和諍訟銷使君
尚書比部員外郎通判永州事尹瞻 郡古時和諍訟銷使君
乘輿忽相招畫船載妓遊巖寺紅旆搖風過野橋就石開樽假
樹脚撥雲策杖上山腰鳴騶未許歸城去遠望寒林隔水口

金石補正右刻不著年月當與聯句同時使君即柳拱辰也
聯句詩云綺羅紅作隊此云畫船載妓詩酒風流猶有香山
眉山韻致當時未有是禁耳

宋盧臧三巖詩並序 潭州湘潭縣主簿權永州推官河內盧臧
永州三巖詩有序

撰 永之東南三巖相望穿堅貫險外峻內夷潄滿之間號為
佳絕火星巖嶄嶄亂石怪聳千傍曲紫斜通後瞰山腹往時首
冠師宅其側塑火星像為人祈福今宇壞基存緇徒構宇而居
朝陽巖後阜前江呀焉淵邃旭日始旦華粲先及小亭巋然立
于右岸澹山巖依山而上緣穴而下深入虛廣踰數十畝秦始
皇時周正實之居今為佛圖山富竹樹澹竹為多其後斜穴百
步迤邐而出捫蘿蹬石復有小巖大抵永山類多窟穴茲三者
為極勝至者賞其外塵空而移寒暑也予嘉祐丁酉二年被臺
符承幙中乏四月始到永未幾遍歷所謂三巖者且酷愛澹山
虛廣遂備其巖石惣刻三詩偶澆臺俞公按部游巖遂持詩以
丐廣屬公好奇博雅既賞會於巖下又從而繼其聲焉其從游
者題名于別石時六月六日也 火星巖 巖局瞰羣阜疇昔
道官鄰熒惑標名舊浮屠締構新石寒長滴乳地潤不生塵吾
到期深入虬蛇勿噬人 朝陽巖 瀟湘峻岸傍巖穴號朝陽
全會江雲勢先分海日光高深驚險易冬夏返溫涼誰肯弃塵
世探窮仙者鄉 澹山巖 誰聞仙窟宅非與眾巖儔樹鬱晴
翻雨嵐涼夏變秋禽靈嘯復斷雲怪吐遺收深羨羣僧住嗟予
莫少留

金石齋右正書三十行序題高下不齊其避貞作正注為御
名案仁宗名偏旁從真此蓋避嫌名也

宋俞希孟三巖和詩

范陽同年示及零陵三題率然為答甚愧妍唱 荆湖南路轉
運使尙書祠部員外郎俞希孟 火星巖 信美真靈宅呀然
洞府通皇家尊盛德南夏享陰功廟貌鄰炎帝峯名比祝融遊
人思所謂無獨愛嵌空 朝陽巖 旭日多橫照幽巖得粹華
次山名此地瀟水匯其涯峭壁生雲葉危根濺浪花終攜羨門
侶晨坐嘯東霞 澹山巖 巖腹潛雲構清涼十畝聞天閣盤
古穴人識寶陀山壞像煙嵐溼高僧歲月閑聖時無遺客佳境
付禪關

金石萃編正書十六行

金石文編澹山巖俞希孟三巖詩首有范陽同年示及零陵
三題率然為答甚愧妍唱云云十八字金石萃編脫去其云
范陽同年者即前盧臧也

宋張子諒等澹山巖題名

知軍州事張子諒率通判張德瀉同遊幙中麻延年魏景邑令
夏鈞從大理丞陶弼校書郎章望之選吏李綱盧臧實預焉嘉
祐己亥四年五月二十六日己未臧題

金石萃編正書八行陶弼史傳字商翁永州人由陽朔主簿

歷知邕州徙鼎州辰州忠州順州加東上閣門使未拜而卒
此題大理丞則傳所略傳又稱弼能為詩故其詩雜見方輿

勝覽后邨千家詩合璧事類集錦繡萬花合集粵西詩載
後邨詩話諸書中其所著邕州集宋詩紀事采之又史傳稱
章望之字表民建州浦城人由伯父得象蔭為祕書省校書
郎監杭州茶庫累光祿寺丞致仕此題校書郎蓋未監茶庫
時也傳又稱其北游齊趙南汎湖湘西至汧隴東極吳會山
水勝處無所不歷有歌詩雜文數百篇此題知軍張子諒同
遊蓋南汎湖湘時也其為詩則夏書二篇見宋文鑑
金石補正右刻在朝陽巖補元厂內萃編及湖南省府志均
作淡巖題名誤

宋吳太元等華嚴巖題名

本州軍事判官吳太元前道州軍事推官鄭平本州錄事參軍
張仲回本州司法參軍朱翔東安縣尉范沐口永州員外參軍
胡亞夫嘉祐四年八月望日題

金石萃編正書七行左行

永州府舊志案王昶鄭下缺一范下缺三嘉字剝缺三今悉
從零陵縣志惟嘉祐宗志誤作景祐今更正之

金石補正永志胡亞下有夫字石本所無殆據官表添入邪

亞字下似無餘地惟左旁似有一小夫字然亦不全不顯矣
吳太元諸人通志職官俱失載吳太元瑞州人慶曆元年張
唐卿榜進士

宋張子諒等澹山巖題名

張子諒中樂陳起輔聖麻延年偃夫魏景晦翁廬臧魯卿夏鈞播之同遊嘉祐祐享後十一日

金石文字目錄嘉祐四年十月祐享明堂此題當在是年十月

金石萃編正書六行左行

宋朝陽巖三大字

朝陽巖 嘉祐五年二月五日張子諒書盧臧題記

金石萃編朝陽巖三字正書一行高五尺七寸廣二尺小正書二行刻於大字左右

宋朝陽洞三字

朝陽洞 張子諒書盧臧題記

永州府舊志案張子諒朝陽巖三字在上巖朝陽洞三字在下洞水涯

宋宋任等澹山巖題名

皇宋嘉祐庚子六月己巳日提點刑獄度支郎中宋任仲堪同提點刑獄供備庫副使靳元翊公弼按部回游此

金石萃編正書六行

嘉慶通志案零陵縣志庚子下多歲字

宋徐大方等朝陽巖題名

徐大方冲道率曹元卿舜臣麻延年仙夫萬孝寬公南黃致適道廬臧魯卿游臧題嘉祐辛丑上元後二日

金石萃編正書六行左行

金石補正石刻亦在補元厂內萃編以為淡山巖通志因之均誤

案嘉慶通志云零陵縣志作朝陽巖題名恐金石萃編誤今詳徐大方後此一日又有澹山巖題名則此為朝陽

審矣

宋徐大方等澹山巖題名

司刑丞權郡徐大方同上幙權倖麻延年點閱御書警巡馬公弼零陵令夏鈞從奉宸前知懷遠曹元卿邵陽幙萬孝寬前荔浦令黃致前湘潭簿盧臧預游嘉祐辛丑上元後三日臧題記

金石萃編正書八行

宋蔣緯澹山巖詩

題澹山巖 郡進士蔣緯 風生崖木響靄散洞門寬幽徑盤危入青天一面看三冬僧定暖五月客游寒縱有通神筆亦應圖出難 嘉祐六年正月廿四日孫州院孔目官褒上石并書

金石萃編正書八行

宋陸訛澹山巖題名

聖宋嘉祐辛丑歲六月三日轉運使尚書刑部員外郎直集賢

院陸誥介夫按部游此攜家人與仙姑同至

金石萃編正書七行陸誥史傳稱餘杭人進士起家簽書北
京判官加集賢校理通判秦州判太常禮院吏部南曹提點
陝西刑獄徙湖南北轉運使直集賢院進集英殿修撰知桂
州至邕州集左右江四十五崗首詣麾下補置將吏更鑄印
軍營益張召為天章閣待制知諫院道除知延州知成都熙
寧三年卒此題轉運使尙書刑部員外郎為傳所略其云按
部游此者即至邕州集左右江崗首之時也

金石文編陸澹山殿題名中之仙姑當即元祐辛未高公
傑題名所云何仙姑也歐陽公劉貢父皆紀何仙姑知謝仙
火事當時信為真仙然貢父謂謝仙火乃南方賈人自刻姓
名紀其物歐公謂仙姑晚年廢瘦皺黑第一衰嫗又云死後
都無神異二公乃博達有識之儒故能不為世俗所惑而辨
其繆觀誥以轉運使按部游此攜家人與仙姑同至及高公
傑宿何氏仙姑家覽仙姑得道處之語則知今傳奇中以何
仙姑列於八洞神仙中其來有自也金石萃編以誥按部游
此為至邕州時非是

金石齋案誥先為湖南漕後帥廣西故瞿氏云唐宋世主好
道崇元士女皆習方術仙姑既超凡眾何為馳逐勢要自炫
怪蹤此題家人與仙姑同至其亦春秋之筆與

宋馮璟等澹山殿題名

馮璟唐輔會蕭固餘臣蕭注岳夫魏景晦翁何廓伯達張子山
景仁蕭澈子源辛丑秋社日遊

金石萃編正書六行左行蕭注史傳字殿夫臨江新喻人舉
進士攝廣州番禺縣以破儂智高功擢禮賓副使廣南駐泊
都監知道州拜西上閣門副使居邕數年坐貶秦州團練副
使累起為邠州都監累知桂州此題不書年號但云辛丑秋
社日稽其時為嘉祐六年蓋知邕州時便道遊此而留題也
金石文編蕭固亦新喻人見宋史李師中傳王安石為撰墓
志固凡三知桂州今廣西臨桂有嘉祐三年七月題名乃其
最後知桂州時也後值申紹泰反貶官則嘉祐五年事此題
辛丑為嘉祐六年蓋固去廣西任歸經此而題者

金石補正蕭固天聖五年王堯臣榜進士蕭注慶曆六年買
黥榜進士馬璟萃編及通志作馮璟余所見並無偏傍豈石
經磨泐邪

案馮璟永州府舊志作馬璟

宋闕河澹山殿題名

都官外郎闕河挈家遊此嘉祐壬寅正月九日記男常棠啟當
孫陽侍行

金石齋右刻正書五行荆人未見先零陵始入之補零而遺

男下八字今補正

金石補正萬姓統譜闕河尚書郎熙甫進士此刻在嘉祐七年已稱都官郎中則所謂熙甫進士者恐有舛誤省府志均脫時字省志並脫末行

宋宋迪澹山巖題名

嘉祐八年三月初八日轉運判官尚書都官員外郎宋迪遊

金石文編澹山巖有嘉祐八年宋迪題名攷迪字復古雒陽人與兄道字公達皆以進士擢第竝處曹郎悉善畫山水師李成運思高妙筆墨清潤當時以為秘重又善畫松或高或臥或孤或雙至於千萬株森然殊可駭見宋郭若虛圖畫見聞志及元夏文彥圖繪寶鑑瀟湘八景之名蓋始於唐末五代米元章謂李營邱已有圖据事實類苑云度支員外郎宋迪善為平遠山水其得意者有平沙落雁遠浦歸帆山市晴巒江天暮雪洞庭秋月瀟湘夜雨煙寺晚鐘漁村落照講之八景好事者多傳之與沈括夢溪筆談所載略同又湘山野錄謂長沙八景臺宋迪度支工畫有平沙落雁等名謂之八景僧惠洪各賦詩於左則又似此圖名目實始於迪蓋八景圖正迪官荆南轉運判官時作而湖南舊志職官無其姓名故為表而出之
金石審石刻甚小用筆極似鍾紹京迪益不獨以畫擅長也

案宋迪題名金石萃編云正書四行永州府舊志云係行楷

楷

宋解舜卿等畫玉山題名

解舜卿梁宏董乾粹馬定周均劉湛治平二帝清明笱一日同游

游以上潘景純張名之下另書

金石審石正書兩方在中山亭側潘景純熙甫時郡守益續題者

題者

金石補正馮定永志誤作馬定此題左行宗氏亦未言

宋梁庚等澹山巖題名

新賀州桂嶺令梁庚子西泊弟壽陵令宏正卿進士真隱甫陪郡幙項隨持正新清湘尉蔣忱公亮進士周錫毅甫同游治平

乙巳九月十四日題

案右刻金石萃編作正書七行左行梁庚作梁庚縣志府志審正係行楷庚實庚今從之

宋項持正等澹山巖題名

志審正係行楷庚實庚今從之

宋項持正等澹山巖題名

持正子西公亮巨卿毅甫隱甫同遊治平貳年九月十四日隱甫題

南題

金石萃編正書六行左行

宋薛侔澹山巖題名

轉運使河東薛侔步按上六州一監渡瀟湘一水歷三門崑九

龍洞至永遊朝陽澹山二巖悉非人力乃神物所造之景通判樂咸縣令梁宏共行治平二年十一月三日題石

金石萃編正書七行

金石文編宋至道三年分天下為十五路天聖中析為十八元豐又析為二十三其時荆湖又分為南北路置轉運使攷王存九域志南路為潭衡道永郴邵等州及桂陽監當即此題名所云上六州一監也

宋樂咸澹山巖詩

尚書都官郎中通判軍州事樂咸 門開巖底洞沈沈寶乳雲泉矢路深香石峭峯千載異龍潭幽穴四時陰僧居築室隨高下客到畱題見古今南出零陵一舍地清瀟堤上好追尋 治平三年正月十五日書 住持傳法沙門□□立石

金石萃編正書七行

金石補正前飛白書六字諸家未見去書作矢王氏作出瞿宗作矢均誤通志有立石一行而缺先字永志失錄樂咸署通判官志以為推官或經遷轉

宋陳藻等澹山巖題名

尚書都官部中知軍州事陳藻君章尚書虞部員外郎通判軍州事周惇頤茂叔郡從事項隨持正零陵令梁宏巨卿同遊治平三年四月六日題

金石萃編正書八行

宋梁宏等朝陽巖題名 臨江梁宏巨卿廬陵董乾粹承君東都張堯臣伯常王獻可補之治平三年季秋二日偕游

金石文編正書五行

宋程濟等朝陽巖題名 荆湖南路提點刑獄公事尚書職方郎中程濟治之尚書虞部郎中知軍州事鞠拯道濟尚書比部員外郎通判軍州事周惇頤茂叔治平三年十二月十二日同遊永州朝陽洞

金石萃編正書五行

湘僑聞見偶記周子題名在朝陽洞下西壁巖屋中不慮風雨

宋范子明等澹山巖題名

前八桂倅范子明同永幙項隨合梁宏揀董乾粹遊澹山治平丙午騰月吉誠叔題

金石萃編正書六行左行

金石補正萃編八下誤多日字案明統志云八桂其名本出仙經後人因植八桂於堂前故又以名郡潘溪董鴻道詩云二十年前八桂回八桂蓋即桂州也

宋沈神澹山巖題名

治平四年正月壬申轉運判官尚書屯田郎中會稽沈紳公儀行春陵遠瀟水還經澹山寺

金石萃編八分書五行

宋沈紳等華嚴殿題名

荆湖南路轉運判官尚書屯田郎中沈紳公儀尚書虞部郎中知軍州事鞠拯道濟尚書比部員外郎通判軍州事周惇頤茂叔治平四年正月九日同遊永州華嚴殿

金石齋正書五行字方嚴三巖相類疑即周子所書

宋周元公澹山巖題名

比部員外郎通判永州軍州事周惇頤治平四年二月一日泔牒歸春陵鄉里展墓三月十三日迴至澹山巖將家人輩遊姪立男壽壽姪孫蕃侍

金石萃編正書七行周惇頤史道學傳道州營道人東都事略作春陵人案春陵見後漢光武紀春陵節侯買注云春陵

鄉名本屬零陵在今唐興縣北唐興縣名武德四年所改天寶初改延唐縣後唐天福中改延喜縣宋乾德初改甯遠縣是春陵本唐興縣之鄉名偶見於光武紀其地本與營道為鄰觀周子自題云泔牒歸春陵鄉里展墓可知其家在營道先墓在春陵傳著其質而東都事略則用其先墓所在之古鄉名也傳又云以為分甯主簿調南安軍司理參軍移柳之

桂陽徙知南昌歷合州判官通判虔州熙甯初知郴州為廣東轉運判官以疾求知南康軍因家廬山蓮花峯下卒此題凡三見前治平三年題尚書虞部員外郎通判軍州事後治平四年二次題比部員外郎通判永州軍州事皆傳所不載又侍遊者有男壽壽姪立姪孫蕃而傳祇載男壽壽不及立蕃且但稱壽官至寶文閣待制不詳事蹟書譜引魏鶴山集稱濂溪先生帖遂甯傅氏藏則周子有書名也書錄解題載濂溪集七卷是有詩文著述也而傳皆不載惟東都事略載其南安司理之後有通判永州一語較史稍詳宋詩紀事載壽字季老一字元翁元豐五年進士初任吉州司戶次秀州知錄終司封郎中澠水志載其題金粟寺庵詩蓋官秀州時作也又元翁詞翰之妙前輩多稱之語見朱子文集紀事又載壽字次元元祐進士為貴池令官至寶文閣待制成都文類載其暑雪軒詩咸淳臨安志載其遊天竺觀澠水詩是嘗至浙至蜀矣凡此皆可廣史所未備也

金石跋尾續右周茂叔題名在永州澹山巖其文凡七行五十四字宋史道學傳敘元公歷官頗詳獨不及通判永州得此可以補史之缺史容注山谷外集云濂溪二子壽字季老後改元翁於熙甯五年黃裳榜登第終司封員外郎壽字季老老後改次元於元祐三年李常甫榜登第終徽猷閣待制本

傳但云壽終寶文閣待制而不及壽官位亦爲漏略茲因題名而牽連及之

宋鞠拯等澹山巖題名

尚書比部郎中知軍州事鞠拯道濟尚書比部員外郎通判軍州事周惇頤茂叔軍事推官項隨前錄事參軍劉璞零陵令梁宏司法參軍李茂宗縣尉周均治平四年三月十四日同遊永州澹山巖

金石萃編正書八行

宋鞠拯等朝陽巖題名

鞠拯項隨安瑜鞏固李忠輔蔣之奇治平丁未秋九月游朝陽巖

永州府舊志正書五行左行

宋鞠拯等朝陽巖題名

熙甯改元守倅浚儀鞠拯四明魏羔如上巳日瞻敬火星巖遂遊朝陽洞境趣幽絕莫名其狀徘徊盡樂因筆以紀歲月

金石齋正書六行

金石補正魏羔如倅永州通志職官不載宜據補之

宋荆延年等澹山巖題名

荆延年歐陽問趙良范成之張處厚熙甯己酉二月十七日遊

金石萃編正書五行

宋范敏求等華嚴巖題名

范敏求李唐輔曹甫胡正甫鞠字似子李輝甫熙甯二年冬十月七日同遊曹謹叔題

金石齋行書六行

金石補正永志於鞠字下注云似子字甯字審之子字不誤予下是儀非甯又云同旁多水子作子皆謬審之同字並不從水名字稱子者甚多宗氏何以爲謬耶李唐輔名公度見浯溪題名

宋曹洪叔等華嚴巖題名

熙甯六年冬十月七日曹洪叔胡正甫陳輝甫胡子發題

案上題名作李輝甫此作陳輝甫疑有一誤否則或兩人與

宋楊永節等澹山巖題名

供備庫使前知全州軍州事楊永節公操前提舉廣西常平太常丞關杞蔚宗河陽節度推官知零陵縣事楊巨卿信甫熙甯七年三月十九日同遊

金石萃編正書七行

永州府舊志案右刻似徐浩書三人分題不連屬

宋柳應辰澹山巖記

零陵多勝絕之境澹山巖爲甲觀東南二門而入廣袤可容千

人竇穴嵌空物象奇怪有不可得而狀者中貯御書歲度僧一人僧徒惟利居處之便而不顧蔽映障過之弊連葺接楹重基疊架疣贅延蔓殆將充滿甚者糞穢積聚煙爨蒸道燧陰黑非秉炬不能入太守丁公僑處事剛嚴始至大不憚悉撤羣僧之舍俾居巖外惟書閣殿像得存餘一椽一木無敢留者他日公率應辰大理寺丞楊傑河陽節度推官楊巨卿同至遊覽層構一空眾狀在目開築塞為通豁破昏暗為光明實人情之所共快若石田藥曰之處皆晴景所及客有言物理顯晦固亦繫乎時耳熙甯七年甲寅九月十五日尚書都官員外郎通判永州軍事柳應辰記

金石齋右刻正書十行近顏書近日鑿家錢孫王三家皆未見瞿氏似見之訪澹巖昏穢之狀今之視昔良同安得如丁景真者廓清而培護之邪

金石補正永志障誤漳徹誤撤共快上誤多所字又石刻廿一行宗氏以為十行大誤

宋柳應辰火星巖遊記

昭昭兄至和中以職方員外郎來守零陵宣布條詔百廢咸治建州學明教化之本作土風記盡民俗之事乘暇數為火星巖之遊磨崖題詠於此為多竊觀暮春聯句尤極佳思研鍊精切傳布人口熙甯七年應辰亦以職方通理茲郡徧覽遺蹟惻然

追感噫相去二十二年矣悠悠歲時人不可見江山風物甯有異於當年每到躊躇久不忍去武陵柳應辰明明記

金石齋右正書九行在零陵城西南一里火星巖昭昭兄即柳拱辰也李益本字說文本從木一在其下此乃從十則當時俗書也案六朝唐碑中多有之不始於宋

金石補正通志府學舊在府城外唐刺史韋宙建後遷愚溪宋至和中郡守柳拱辰遷建城東高山之麓與記所言建州學者相合土風記志乘藝文所未載書之不傳久矣宜據此存其目也記又云磨崖題詠於此為多是昭昭遺蹟不止此數即暮春聯句至今始顯可見古刻留存不乏特無人緝求之耳

宋楊巨卿等澹山巖題名

河陽節度推官知零陵縣事錢塘楊巨卿信甫率大理寺丞監沛稅泉南蘇頌潛道零陵縣尉葵邱盧綜貫道同遊澹山徧尋巖穴之勝子儼道輔有期不至熙甯七年九月戊戌謹題梓作石永洪此在前

金石萃編八分書十行楊巨卿兩度遊澹山一在正月一在九月夫以官為縣令而能題名紀遊則其居官政績從容餘暇可知而稽之浙江通志杭州府志俱不載其人蓋修志不廣采金石則人物遺漏文獻無徵積病由來已久附識以為

志乘家之勸

金石文編沛卽酒字酉字古文作𠂔故从酉之字用此其義可通

宋魏泰朝陽洞詩

題朝陽洞 七鑿混沌死萬竅從此生海水能幾何哇口下渴鯨歸期不妨晚霜日背林明 熙甯□□魏泰□□

金石齋前於楊巨卿題名見道輔二字疑是魏泰適得泰此詩審其名上剝蝕處上存臣下存丁其下似書干支而不可辨當是甲寅乙卯之閒也考宋史歐陽修傳泰嘗橫行漢南規占田園恃爲曾布婦兄布執政後又譖修之子斐於布其所作臨漢隱居詩話極詆永叔信非正人卽其論詩以有味爲主此詩安見其有味乎

金石補正右魏泰詩不見年月永志列於熙甯云名上剝蝕處上存臣下存丁今以拓本再四審之一無所見其言不敢信也案魏泰亦見於澹巖李昭輔題名係崇甯甲申所刻此詩當次於崇甯初庶幾近之朝陽洞上宗氏增一題字石刻所無不可晚誤作不妨晚

宋楊傑澹山巖題名

熙甯甲寅歲十月十一日承乏長沙局因祠零陵王迴至此華陰楊傑英甫記

金石萃編正書六行左行楊傑史傳字次公無爲人舉進士元豐中官太常者數任元祐中爲禮部員外郎出知潤州除兩浙提點刑獄卒此題華陰楊傑英甫與傳不合疑別一人嘉慶通志案楊傑官大理寺丞見涪溪題名又按迴至此零陵縣志作適至此

湖南通志卷二百七十一

湖南通志卷二百七十二

藝文志二十八 金石十四

宋李士燮等火星巖題名

都官郎中知零陵郡事李士燮和叔職方員外郎通判郡事柳應辰明 熙甯八年乙卯十二月十一日臘同遊火星巖次

遊朝陽巖

金石番右正書七行在中山亭亭舊在羣玉山之背今惟崖石而已

永州府舊志案宋史禮志建隆初以戌日為臘三年有司議以戌日為臘前七日辛卯行蜡和峴奏言蜡蠟也不宜異日卒從之是歲蓋十一日逢戌也

金石補正江西通志李士燮字和甫宜春人初名梁登慶麻六年第為人剛正不撓嘗知郴州吏民畏愛未嘗見其笑容仕至職方郎中据此題名則字和叔非和甫知永州非知郴州疑江西志誤或亦嘗知郴而志於其知永略之

宋王辟疆澹山巖詩

熙甯九年正月上旬太常博士王辟疆留題 洞府深沈別有天炳然精質碧孱巖鑿開混沌千年竅坼破蓬萊一朵山日玩嵌空僧不厭時探幽怪客愁還若教元子當初到官使朝陽播世間

金石補正強當是強字之俗訛諸家皆作疆永志舛誤甚多殆未見拓本耶詩云兩門相貫碧孱巖即柳應辰記所謂東南二門也乃作炳然精質尤謬

宋蔣之奇澹山巖詩

題澹山巖 蔣之奇字穎叔 零陵水石天下聞澹山之勝難具論初從巖口入地底始見殿閣開重門乃知滋洞最殊絕洞內金碧開祇園寬平可容萬人坐仰視有若覆盆益虛明最宜朝日照陰晦常有元雲屯盤虬天矯垂乳下異獸突兀巨石蹲香山一抹在崖壁人跡悄絕不可捫靈仙飛遊享此供常駕馭馭乘雲軒我來正逢春雨霽氛翳開廓陽景溫呀然雙穴露天半籠絡萬象將并吞只疑七竅混沌死五竅亡失兩竅存神奇遺跡未泯滅至今猶有斧鑿痕雲牀石屏極隈隩昔有居士常潛蟠避秦不出傲徵召美名遂入賢水源咸通嘗為二蛇窟元暢演法蛇輒遷從茲其中建佛刹棲隱不復聞世喧惜哉此境久埋沒但與釋子安幽禪次山子厚愛山水探索幽隱窮晨昏朝陽迫迨若就狴石角禿鬚如遭髡豪篇矜夸過其實稱譽珉石為瑱璠瓊觀珍賞欲奄有不到勝處天所慳嗟予至此駭未覩不暇稱讚徒驚歎恨無雄文壓奇怪好事略與二子班蕪詞願勒昂上石勿使歲久字滅漫熙甯九年正月廿二日過此書周甫張吉刊

金石萃編正書十八行

金石文編此詩不見姓名而金石萃編及縣志皆屬之蔣之奇史傳言穎叔於神宗時由殿中侍御史貶道州監酒稅此詩蓋其時所題也詩中云雲牀石屏極隈陝昔有居士嘗潛蟠避秦不出傲聘召美名遂入賢水源考零陵記曰周貞實零陵人居淡山石室秦始皇下詔徵之三徵皆不起遂化爲石宋零陵令王淮澹巖記略與之同周貞實作周正實避宋諱嫌名改也今縣志猶作正非是志載穎叔此詩脫去靈仙飛遊享此供以下四句餘亦多譌字當据石刻補正之

宋蔣穎叔澹山巖題名

澹山巖零陵之絕境蓋非朝陽之比也次山往來湘中爲最熟子厚居永十年爲最久二人者之於山水未有聞而不觀觀而不記者而茲巖獨無傳焉何也豈當時隱而未發耶不然使二人者見之願有夸其尋常而遺其卓犖者哉物之顯晦固有時也其餘譌字亦多

何可知也蔣穎叔題

金石萃編正書九行左行蔣穎叔名之奇常州宜興人史傳稱其以蔭得官擢進士第至太常博士又舉賢良方正英宗擢監察御史神宗立轉殿中侍御史坐貶監道州酒稅改監宣州酒稅新法行爲福建轉運判官崇寧元年累除觀文殿學士知杭州以疾告歸卒此題不著年月亦不著官位當是監道州酒稅時所題其監道州也由畔歐公之故爲清議所薄穎叔必有不得意者故題云物之顯晦固有時何可知也其大指已見乎詞矣穎叔能詩零陵縣志載其遊澹巖七古一首又載其遊朝陽巖七古一首王弇州稱其工書有蘇黃法則此題句百餘字亦足貴也

宋石角山和柳應辰詩

□□□中奉和通判明明下
□□□山麓重與□□望意無窮當時共指白□外今日□行青嶂中案牘暫休聊自適籃輿乘興若爲同九疑秋約心先到巖□□斑桂子紅□途同望之□也 尚書職方外郎通判軍州事柳應辰上石時皇宋熙寧丙辰仲秋下澣日也

金石補正石詩殘泐不知何人所作前當有明明原唱也首行所缺書之似是零陵道三字第三行當是和詩人姓名全蝕矣石既磨泐拓亦不精惘然石角題刻從未著錄已已夏

屬譚仲維搜獲四段恐尚有遺條樓在永日久其輯府志時廣搜金石乃距城數里而近卒未過訪可訝也

宋柳應辰等石角山題名

前□□□通判柳明明判官沈子瞻同遊石角亭又東遊至此愛其清曠之景缺後

金石補正右刻前後失拓神宗朝與柳應辰同時而任判官者志不載一人沈子瞻不知何名不見年月附前詩後

宋柳應辰澹山巖題記

熙寧九年十月二十七日太守李公士燮召游澹山巖巖之風物氣象真隱者之所居竊思次山子厚雅愛山水在永最為多年獨於茲巖無一言及是必當年晦塞未為人知惟大中十四年張顥有石室記略載其事是歲懿宗改元咸通追今二百一十七年矣後之游瀟湘者以不到澹山為恨幽絕奇勝實亦可觀之地通判零陵郡事柳應辰記

嘉慶通志正書十行

金石叢石室記想亦刻石柳氏猶及見之張顥大中時郡守也

宋秦日新等澹山巖題名

儀真秦日新得之嘉興潘景純和叔長沙李茂宗慶儒熙寧九年十二月中休同遊

永州府舊志行楷書四行

宋胡奕澹山巖詩

一景曲彎彎初遺號澹山崖邊煙草亂石上雨苔班客往長時望僧居永日閑幾迴將欲去心只在巖間 熙寧九年丙辰歲安定胡奕題

金石萃編正書六行

金石叢石零陵補志改一景作一徑今從元刻

金石補正萃編及省府志均失載標題三字

宋趙揚澹山巖題名

至和乙未歲予為舉子過零陵陪太守柳侯拱辰禱雨因至澹山巖於今廿三年始得再遊其間絕景勝致當日賞愛之處髣髴如舊觀石間題名緬懷柳侯久為異物使人惘然不能自己熙寧丁巳清明前二日荆湖南路轉運判官尚書屯田員外郎會稽趙揚題永州軍事判官衡陽黃鎮同來

金石萃編行書八行

金石文編案元豐三年趙揚尚為轉運判官則其在官之久可約略得之題云至和乙未云云即前題名事也

宋蒲宗孟等東湖題名

名勝志在零陵縣東山之西熙寧間蒲宗孟奉使荆南與朱思平喬執中彭次雲李士燮暨官屬來遊題名

金石文編攷宋史蒲宗孟傳宗孟於熙甯初爲集賢校理奉命察訪荆湖兩路奏罷辰沅役錢及湖南丁賦遠人賴之喬執中史亦有傳云王安石爲政引執中編修熙甯條例選提舉湖南常平蓋正與宗孟同時官此故有此題名王安石於熙甯二年參知政事此刻當在二年之後又彭次雲見廣西臨桂冷水巖有元豐二年和陳倩詩石刻題銜云權發遣提點刑獄公事秘書丞當卽其人

宋項衛等石角山題名

石角亭在零陵郡城之東五里唐柳子厚之所命名也元豐戊午中春戊辰尙書郎知州事廬陵項衛口甫率尙書外郎通判州事保定王承渥繼先尙書外郎松陵丁餗伯才郡從事黃鎮公望相與游其上適意終日遂書于石

金石補正九行正書王承渥省府志以爲推官得此足勘其誤并可補其里貫黃鎮衡陽人省志以爲推官府志據澹巖題名改爲判官此刻署郡從事或其時兼攝參軍或經遷調歟項衛丁餗不見於志丁餗不署府寮其亦謫居者耶石角亭志亦失載可據此補之

宋孫碩等澹山巖題名

長沙孫碩景博陳勣彥成衡陽黃慧由明衡山侯天麟叔祥同遊元豐二年四月題

金石文字目錄正書元豐二年四月在永州府

嘉慶通志案右刻見零陵縣志考長沙孫成象長子頎字景修咸平間進士終太常少卿次子顯官靈川令見劉摯撰成象墓志此題名之孫碩字景博當卽顯顯之族兄弟金石補正慧字見左傳說文及西京賦小爾雅云慧教也與明字之義相近又案石刻上半其字偏左疑此字未全侯天麟元祐五年鄉舉

案右刻黃下通志作惠永州府舊志作慧云攷陳逸人碑篆文慧同忌籀文則從其從心與惠異其字則行書今以府志搜攷較詳於通志改惠從慧

宋張申等澹山巖題名

凌江張申仲甫廬陵毛君卿正甫衡山侯天經元則汴陽盧綜貫道衡陽黃廣成壽翁長沙馬初平祖衡元豐己未季秋六日同遊

金石萃編正書五行

宋米芾書秀巖二字

零陵縣志朝陽巖西亭宋邑令王淮鑄米元章秀巖二字於上

永州府舊志案秀巖二字臨武亦有之亦王淮所刻蓋淮素藏此書所至模勒耳

宋朱正一澹山巖詩

祥符朱正一畱題澹山巖 秦會羽客駐真踪唐有禪翁嗣結
綠石竇宏深開洞府天門明顯逗風煙香山聳迹停危壁怪木
盤根長絕巔千古靈踪誰可問踟躕瞻想不知還

金石竇右刻行書六行漸染米體知其為宋人筆攷宋史朱
昂傳其子以正字為派行此當為其族人

金石補正永志列元豐間不足為據茲附宋末

宋陳邁等澹山巖題名

朝請大夫郡守陳邁朝請大夫通判蔣僅宣義郎前監鹽張伉
軍事判官時宥縣尉劉口章元豐八年乙丑六月十一日同遊

金石萃編正書六行陳邁史傳字亨伯自江甯徙永州登進
士第累知雍邱縣徽宗將以為御史而遭憂畢喪為廣西轉

運判官欽宗立積官至光祿大夫徙知中山金人再至受圍
為步將所害此題元豐八年為郡守傳全不載當別是一人

金石文編陳邁題名在澹山巖署銜云朝請大夫郡守而宋
史忠義傳不載金石萃編疑其別是一人攷邁為廣西運判

乃崇甯五年見臨桂龍隱巖題名在元豐八年後二十二年
宋蔣僅火星朝陽澹山三巖題名

蔣僅履遊元豐乙丑題
金石萃編正書二行

案永州府舊志三巖文並同通志作澹山縣志作朝陽特
各舉其一耳

宋李氏義莊記

侯延慶同莊記元豐中永州守吳潛撰刻於永州

宋李氏義莊後記

侯延慶同莊記吳潛撰李楷刻

宋王子京澹山巖題名

余謫居零陵踰年邂逅建安練亨甫潛夫亦有營道之行同遊
是洞且世之所謂名山洞府者雖未嘗周游而歷覽如建之武
夷溫之鴈蕩台之天台處之僊都皆天下勝絕處也余嘗為都

使者探奇索幽殆無遺矣然求是洞之聳拔峭嶠窺容昭曠風
雲含虛日月匿景蓋未之有也以四山之勝尚無有若是洞者

則天下之洞不待遍觀而後可知也元祐二年孟冬十九日遂
萊王子京碩甫題男楮榿隨之

金石補正正書十二行行十四字在巖頂同治癸酉始搜得
之王子京史無傳立朝何職遷調何事均未得悉練潛夫有

陽華巖詩得此刻知其名亨甫矣

宋張綬狄咸華巖巖題名

張綬狄咸同遊花巖巖元祐三年十月廿七日開山住持口正
進士周賁刊

襄宇訪碑錄石刻在花嚴巖康定二年盛口題名右隅

金石萃編正書四行左行

嘉慶通志案零陵縣志正上缺字作筌又以進士周賁四字係於張綬之上更以紀年月日係於進士之上尤謬

宋張綬刻蔣之奇朝陽巖西亭詩

遊朝陽巖遂登西亭詩

晉陵蔣之奇

朝陽巖在瀟江

之西去治城不遠永泰二年元次山為道州刺史詣都計兵至

零陵訪而得之以其東嚮更名曰朝陽方是時結有盛名於世

故永州之守口獨孤恤竇似為之剪荆棘建茅閣結又為之銘

與歌其後柳子厚繼為之詩而朝陽之名始大著子至永則邀

口登其巔有閣焉其名不雅予以子厚詩攷之正所謂西亭者

也遂口之為西亭而系之以詩云 口口口口口口口口口口口口

嶽岑俯瀟碧摩谿延陽明口口口口口口口口口口口口口口口口

來洞涓玉鏘鳴疑穿雲雷窟尙帶魚龍腥寒江淨瀉鏡怪石森

開屏幽鳥馴可羅潛蛟深莫督梯險接層棧冠顛聳危亭俯睨

極元窗仰攀窮青冥曠出物表高虛挹元英惜哉非吾土不

得憩此生舊業寄陽羨故園依晉陵秋風瀟湖白春色頤山青

一從紳笏去遂使猿鶴驚迂疎暗時機孱瑣叨官榮謫棄分所

宜媿惡顏已盈人生詎有幾世累吾方輕願言解羈紲上疏還

簪纓甯居召魂魄恬養休性情紛華屏外慕沖澹巖中局窮年

伴農圃畢志先疇耕 朝陽巖西亭近世相傳失真治平丁未

中穎叔由御史謫官道州始考正其名而作是詩今過零陵語

太守周處厚遂刻之巖石口異時不失其傳也元祐四年四月

二十日德興張綬題進士口齊書

金石審右正書二十四行前人罕有搜及者蓋亭北崖斷樵

拓畏阻所致今得之為至幸也

金石補正通志山川載此刻舛錯甚多永志據石刻錄之亦

復訛缺六字審未細也張綬五峯岩題名云被旨督捕邵永

蠻寇裔岩題詩署街權提點荆湖南路刑獄公事此跋正其

提刑時也通志職官以張綬為永明令恐誤張綬字文結德

興人嘉祐八年許將榜進士權將作監丞按實昭宣使宋用

臣不法事神宗直之蔡京議鑄大錢綬力諫不便自是忤權

臣久歷外任著有梅溪詩集見江西通志

宋林邵澹山巖題名

林邵才中還自春陵遊澹山巖夜宿僧舍明日再遊遂之衡陽

元祐五年季夏二十二日題 憲使按部過此題石左朝請大

夫知永州軍州事周處厚命工刊之

金石萃編前行書五行後正書二行

金石文編此題名後知軍州周處厚題有憲使按部過此題

石之語則林邵必是官荆湖提刑者而舊志未收

宋裴彥英等朝陽巖題名

江陵裴彥英俊明蘇臺許師嚴希道宜春夏侯續公愨元祐庚午七月旦同遊僧法達續來

金石審右刻正書五行前人未見

金石補正永志誤同為日誤續為隨

宋許師嚴華嚴巖題名

後五十五年師嚴口口零陵縣令恭親 先祖少卿權郡日題名不勝愴感元祐六年三月望日謹題

金石審右正書五行師字下已模糊由五十五年追溯乃景祐四年其時郡守為許瑛證以前後題名始定為許姓而嚴字乃隱然可辨矣

金石補正通志職官有許師古為零陵丞而無許師嚴朝陽澹巖題刻亦見許師嚴名均不著官宗氏所定嚴字零字均已全蝕宗氏以意度之并据以補入官表莽矣惟以景祐四年郡守許瑛合之固當定為許姓耳

宋王觀等澹山巖題名

元祐六年八月十八日王觀巨未許師嚴希衛單師惠連文縵同遊是碧江澹君題題四明鍾成亦至

金石萃編古篆六行

金石審右江澹書王觀題名純用古文變體如元作而祐作

善志闕七字從拓本致正

閣皆古文年作卯本古老子日作以本華嶽碑王古文當作

禾而此作禾則假借玉字觀偏旁作替乃舊古文惟見字古

文作肉而此作只微變已為夷字古文許字言旁作心參孫

彊集記字偏旁師作呆見戴明說篆正作呆本古孝經嚴古

孝經作巽而此作器亦微變希作打本古老子道作派本華

嶽碑道下瀾乃單字古文非唐字也惠作燈案崔希裕畧古

應作燈裴光遠集綴始作竟此蓋兩參之連作連遊作遊皆

古文連下衫當是文字古老子文作衫此少變其意文下綺

足徵信宗氏反以爲誤耶其云用碧落文而變从省書已屬
紆曲至云虫古文本作今則更不相涉之與今未
可溷淆君下瞿氏作錫瞿氏精於篆籀當有所據宗氏釋爲
邊殆非其說云走上从人則雜取過迄等字古文而附益之
已極支離且下半亦非止字也下半頗似从尼而字不可識
仍從瞿氏作錫

宋高公傑等澹山巖題名

元祐辛未歲九月因檢潦田楚人高公傑子發吳人許師嚴希
道自賢女廟下宿何氏仙姑家翌日口涉江遊龍宅覽仙姑得
道處因宿僧舍明日遂入歸德福田等鄉沙門文真男敢同來
子發書

金石萃編正書八行左行

嘉慶通志案陵縣宗志曰下涉上無缺字

宋程敏叔等火星巖題名

程敏叔劉資明邢和叔元祐七年九月二十日自朝陽洞過此
試茶

金石叢書右行楷書七行在火星巖字已蝕損

宋劉蒙等朝陽巖題名

臨川劉蒙資明原武邢恕和叔河東安惇處厚元祐七年九月
二十一日泛舟渡江同遊朝陽巖

金石跋尾續右劉蒙等題名六行在永州朝陽巖此三人者
惟蒙不見於宋史恕惇皆在姦臣之列恕本程門弟子爲溫
公所知而險伎反覆遂與章蔡爲死黨惇西蜀名士東坡送
詩有舊書不厭百回讀熟讀深思子自知之句當亦矯矯自
好者其後章惇與同文獄兩人甘心爲之鷹犬欲追廢宣仁
誣元祐諸賢以惇逆可謂喪心病狂者矣惇一入樞府恕僅
終侍從生前所得幾何乃令後人見其姓名詬罵不置小人
之無忌憚可惡亦可悲也恕坐蔡確事實監永州酒史有明
文惇傳但云哲宗初政罷爲利州路轉運判官歷夔州湖北
江東三路不知何由至永考惇廣安軍人而自署河東益舉
郡望而言恕自題原武而史作陽武恐是史誤

金石萃編正書六行邢恕安惇俱見史姦臣傳恕鄭州陽武
人哲宗立累遷右司員外郎起居舍人坐黜知隨州改汝襄
河陽再責監永州酒此題卽監酒時也安惇廣安軍人上舍
及第調成都府教授擢監察御史哲宗初罷爲利州路轉運
判官歷夔州湖北江東三路是在元祐中未嘗官知永州不
知何以得與邢恕同遊或者嘗官於此而史脫略耳

宋程博文朝陽巖題名

元祐壬申季秋庚子日同臨川劉蒙資明原武邢恕和叔來遊
朝陽洞鄱陽程博文敏叔書

嘉慶通志案右刻見零陵縣志据石鼓山題名程敏叔有行部湘東之語則敏叔必官荆南提刑轉運者

金石審石正書五行字徑數寸

金石補正通志職官劉蒙知永州不詳里貫此署臨川可以補之江西通志劉蒙字資深宜黃人治平二年彭汝礪榜進士司馬溫公薦為御史臺主簿憲官朝議大夫蒙為人清潔不可干以私居家友愛所得蔭補先二弟而後二子鄉里稱之資深與資明不同疑是志誤或有二字宜黃與臨川又不同臨川宜黃皆隸撫州當以其自署者為確邢恕監酒通志云陽武人陽蓋原字之誤程博文見江西通志云樂平人皇祐五年鄭嶰榜進士王安石當國問趙抃江南人物抃以博文對自開封戶曹擢為條例司首上參羊事歲減費十八萬緡出知南劍州有灘甚險博文請以度牒募僧鑿治妖氛起龍門博文縱囚使擊賊自效賊平囚亦如期還積官至司農少卿湖南運判此正其運判時所題也惟鄱陽與樂平岐異樂平鄱陽皆隸饒州當是志誤閩書亦作樂平人云元豐間知州事政尚寬平以僧牒募民鑿黯淡之險行舟無患歷官司農少卿所敘南劍州事較詳此題在元祐四年當由閩入湘者

宋孫覽等朝陽巖題名

高郵孫覽傳師自桂林移慶陽同臨川劉蒙資明原武邢恕和叔永豐盧約潛禮遊朝陽巖時資明守零陵元祐癸酉三月八日

金石文跋孫覽宋史有傳歷官江淮發運使進寶文閣待制由桂徙廣又廣西臨桂雉山有其元祐六年三月題名證以此題名自桂林移慶陽之語皆合

金石審石行書五行

宋劉蒙等朝陽巖題名

臨川劉蒙資明守零陵原武邢恕和叔責監鹽酒稅長沙從事南陽周玠元錫公微過郡同餞倅海陵阮之武子文揀官營道置酒滄州亭遂遊朝陽洞是夕子文宿火星巖僧舍元祐八年癸酉四月十一日記

嘉慶通志案右刻見零陵縣志倅舟下當有脫字莒道恐是營道之譌阮之武時通判永州見後澹山巖劉蒙題名金石審石行書十行倅字下當是海字莒道實營道未尚有記字

金石補正右劉蒙等再題名瞿氏未見宗氏見之仍未校改何也滄州亭在朝陽洞臨江見永宗建置興廢無攷

宋邢恕等小隱洞題記

予責官零陵歲餘不知有所謂石角者一日臨川劉蒙資明方

守郡約俸靜海阮之武子文與子偕遊既至未甚奇之問其所以得名蓋自唐柳子厚始竊怪何以得此於子厚也已而搜索
悉覽洞穴陰邃石立叢攢會未咫尺忽與塵隔爽然清冷醒入
毛骨相與睠焉有不忍去之意然後知前所以怪者為非是而
昔人所以有取焉者為不誣也洞昔未名因名之曰小隱云時
宋元祐八年癸酉十月十七日辛酉原武邢恕和叔題

金石補正正書十行明統志云在府城東北十里連屬十餘
小石峯奇峭如畫柳宗元嘗遊此賦詩此記言得名於子厚
又云石立叢攢與志正合永志云縣東北十里有石角山山
有洞曰小隱讀此記知小隱之名始於邢恕可與石角之命
名同纂入志也

宋邢恕題愚溪詩

溪流貫清江湍瀨亘百里龍蛇幾盤紆雷雨忽奔駛石渠狀穿
鑿怪力祖誰氏突如見頭角虎豹或蹲峙橫杠互枝柱小艇俄
紛委蘋藻翳泓澄松竹蔭崖淡兩山束鳥道側岸數魚屋繚然
闕深幽梵宇疊危址鍾唄雜灘聲亭臺森水底凭欄幾游目杖
策時臨履酒杓間茶鑪棋枰延晷晷放懷得天倪清嘯謝塵滓
忽忘兒女縛似接羸秦子願子拙謀身霜鬢垂耳雅意在延
齡丹砂夙充餌焉得茲結廬悵念遠桑梓 右題愚溪寄刻朝
陽巖石之左元祐八年癸酉十二月丙辰時謫零陵將去矣原

武邢恕和叔

金石補正詩十二行款四行行書此刻始見於永志未錄詩
篇名勝志誤嘯為肅通志山川亦載之譌七字其以為朝陽
洞者未知其為奇刻也魚屋屋當是尾石有泐文或以為屋
字則於義為合於韻似不甚叶

宋邢恕華嚴巖詩

題花嚴巖 一簇僧房路屈盤不踰城郭到林樹何人為假丹
青手寫入輕綃挂壁看 元祐八年邢恕和叔
金石萃編行書八行時恕方實監永州酒稅
案舊志脫標題四字今補之

宋邢恕朝陽巖獨遊偶題詩

獨遊偶題 頽然一睡足巖溜尚潺湲面兀即山郭寂無人世
喧 邢恕和叔

潛研堂目錄行書在永州府

金石齋石行書五行極似蘇書

金石補正石刻在流香洞右當與愚溪詩同時入石通志山
川所載尚有一首云濯足臨澄碧和雪臥石室浙歷天風生
披襟當呼吸石刻無之或非獨遊詩也

宋劉蒙等華嚴巖題名

臨川劉蒙資明靜海阮之武子文原武邢恕和叔同遊華嚴巖

宋元祐甲戌正月丁丑和叔題

永州府舊志案宗志脫阮之武子文五字以年月置前

金石補正元祐甲戌即紹聖元年也四月改元故正月尚稱元祐

宋劉蒙等澹山巖題名

左朝奉大夫知州事劉蒙右通直郎通判州事阮之武躬閱御書同遊管界巡檢張準知零陵縣事婁瑄祁陽縣令陳衍東安縣令徐處仁零陵尉陳寬夫與馬紹聖改元仲秋十二日徐處仁題

金石萃編正書十行徐處仁史傳字擇之應天府穀熟縣人

由進士甲科為永州東安縣令蠻人叛處仁入崗開示恩信變感泣誓不復反此其官東安之政績也後仕高宗初為大名尹北道都總管卒此題在紹聖改元正其令東安時也

宋劉用之等澹山巖題名

紹聖元年甲戌九月七日臨川劉用之行可帥永豐盧約潛禮富川吳克禮子仁同遊零陵澹山巖劉芑盧景防侍行

金石萃編正書五行

金石文編劉用之据廣西臨桂龍隱巖紹聖二年盧約題名用之署銜稱朝散郎經略按撫使司句當公事此題名在其前一年當是赴粵西任時道經零陵也

宋張詢澹山巖題名

陽翟張詢永言紹聖二年四月初二日乘輿游此以兩作遂宿於惠明院

金石補正右刻在王辟強詩之上五行行書

宋楊公實澹山巖題名

東山楊公實紹聖乙亥仲夏十八日會遊是崑

金石補正右刻在王辟強詩下方四行正書左行

宋承天思等澹山巖題名

姑蘇承天思靜之衡陽育峯口日同閻唐豐子口時紹聖乙亥仲夏十九日遊此崑可戀數口未足而返題

金石補正六行行書左行在王辟強詩下右方時上似龍字數下似各字承氏出衛大夫承成之後唐有承宮承晏宋有承敷承之承實

宋曾孝雍澹山巖題名

朝請大夫曾孝雍解江華道由寺下一遊遂行乙亥季秋晦

金石書正書四行字數不齊在曹公美之前孝雍哲宗時知

道州故知為紹聖乙亥也

宋張茂先澹山巖題名

紹聖乙亥孟冬五日陪范公瀆父曹守季明遊澹山巖郡倅張茂先題

金石萃編正書四行

金石文編范滂父名祖禹華陽人中進士甲科從司馬溫公
修通鑑在洛十五年書成溫公薦為正字元祐初擢右正言
改著作佐郎與山谷同修神宗實錄以著作郎兼侍講又召
試中書舍人擢右諫議大夫遷給事中禮部侍郎入翰林為
學士其議論皆關天下大體後以紹述事與言不見聽請外
以龍圖閣學士知陝州復為言者論修實錄詆誣與山谷同
貶其在講筵言簡而當東坡稱為講官第一自元祐間居要
路與東坡志同道合合力持國是東坡集中有贈答詩後沒於
煙瘴年五十八東坡為之墓志攷宋史本傳云元祐中為翰
林學士宣仁太后崩紹述之論已興有相章惇意祖禹力言
惇不可用言者論摭連貶武安軍節度副使昭州別駕安置
永州賀州徙賓化而卒而東都事略則云祖禹初提舉明道
宮繼責武安節度副使永州安置再貶韶州別駕賀州安置
與本傳微有不同又攷哲宗本紀公與趙彥若黃庭堅同於
紹聖元年十二月責投散官滂父永州安置至三年八月責
授昭州別駕賀州安置又黃芻山谷年譜云紹聖三年正月
范公安置永州任淵注山谷集云滂父紹聖二年坐史事安
置永州三年移賀州四年移賓州元符元年九月再移化州
十月病卒徽宗即位有旨許歸葬較史傳所記更為詳贍蓋

滂父於二年春到永至三年秋始移賀此題刻於二年十月
正其謫居永州時也新安曹季明後於三年三月復有題名
此稱曹守想其時官永州郡守耳

永州府舊志案程氏遺書外書范滂父皆作滂夫蓋本號滂
夫尊之者稱滂父耳

金石補正曹季明通志職官誤季為李

宋曹季明華嚴殿題名

新安曹季明紹聖三年三月初九日來遊男友夫及度受侍

金石萃編行書四行

宋朱養源等澹山巖題名

武陵朱養源臨江鄒德常上饒周濟叔餘杭唐欽叟宣城侍其

希聲潯陽周亨甫紹聖四年三月十二日同遊

金石行書七行金石萃編作正書誤

宋曹長倫等澹山巖題名

新安曹長倫元友弟長明德昭韓國魏中孚誠老衡陽黃元譜

長蜀郡范冲元長同遊紹聖丙子仲夏十三日江南鄒洵堯惠

常題

金石萃編正書六行左行范冲史儒林傳字元長登紹聖

進士累官翰林侍講學士以龍圖閣直學士奉祠卒史

不著冲之里貫據此題知為蜀郡人而其時為紹聖三年丙

子蓋初舉進士也宋詩紀事又稱冲為祖禹長子紹聖元年進士建炎中官翰林學士守衢州坐與趙鼎有連落職衢州府志有贈了空長老詩爛柯山洞志有遊爛柯山青霞洞天詩皆其守衢日作也可補史之略

宋唐節澹山巖題名

錦溪唐節公禮唐恪欽叟紹聖四年閏月九日

金石萃編行書五行唐恪史傳稱字欽叟杭州錢塘人以蔭登第調郴尉歷仕至靖康初累拜少宰兼中書侍郎以觀文殿大學士中太一宮使兼侍讀二年金人偏立張邦昌仰藥而死此題兩見皆在紹聖四年是其官郴尉時而不自署其官但其貫一曰餘杭一曰錦溪錦溪是茗水分流入臨安者非其貫而餘杭則貫也與傳之稱錢塘者異然傳有知潭州請往錢塘埽墓然後之官遂改杭州之語或因其先墓在錢塘故以為錢塘人歟又唐節字公禮在唐恪之前似節為恪之兄但事蹟無考

宋范正思等澹山巖題名

高平范正思子默東沂畢冲子虛吳郡富為子宜愚溪張縱純中元符元年十月十九日

金石萃編正書五行范正思仲淹之孫純仁之次子史附見其兄正平傳云正平字子夷父純仁卒詔特贈遺澤官其子

孫正平推與幼弟幼弟似即謂正思也又云蔡京當國言正平矯撰父遺表又謂李之儀所述純仁行狀妄載中使蔡克明傳二聖虛位之意遂以正平逮之儀克明同詣御史府正平將行其弟正思曰議行狀時兄方營窀穸之事參預筆削者正思也兄何為哉正平日時相意屬我且我居長我不往兄弟俱將不免不若身任之遂就獄云云此題高平范正思子默與正平之字子夷同用子字信為正平之弟惟傳稱范仲淹其先邠州人後徙蘇州吳縣此題高平吳縣無高平之稱或邠州舊名新平郡又可謂之高平耶

金石文編元氏族大全范姓下曰高平又廣韻五十五范下云姓也出南陽濟陽二望考今山東省曹州府屬魏晉時置為濟陽郡其鄆城縣周時又置為高平郡則高平即濟陽也蓋文正公望出濟陽故子默題名自標其望為高平耳古人姓名上必標所出之郡望後代僅書其見居士著者非是永州府舊志案紹聖四年二月范忠宣以武安軍節度副使安置永州聞命就道其到永州謝表有曰身繫篤疾已繁兩目之盲舟覆長江僅救全家之溺則諸子必皆隨侍貶所可知忠宣儉德避難居永州與人書但云每日閉門食餽既不知身之在遠見客但問寒暄掃榻奠枕揖客對臥其翰晦至矣宜乎溪巖間不畱名字幸有正思一題而思公者得以考

公之迹人謂公好名好名豈如此哉

宋畢君卿禱雨澹山巖題名

元符二年夏五月不雨二十有一日知軍州事朝奉大夫畢公

君卿躬禱於零陵王祠因過澹山石室行未數里甘雨隨車司

戶參軍程鄰司法參軍李師聘零陵縣尉許師古從行鄰謹書

於石

永州府舊志此刻行楷書八行若字微損亦似君字許師古

零陵補志誤作師立今改正字體極似朱巨川告身

金石補正畢公名君卿省府志均誤作若君卿亦嘗知柳州

明統志云畢君卿元祐間知柳州郡初無城君卿始築之民

賴以安通志職官哲宗朝有畢卿知永州蓋脫一君字也程

鄰名失載大觀間有程鄰為廣南西路安撫使係程節之子

當即其人李師聘官志列於徽宗朝云未陽令或是後來遷

調其為永州司法參軍則所未載

宋孫欽臣等澹山巖題名

長沙孫欽臣仲恭東都賈材彥成春陵王憲將明弟棠叔華元

符二年已卯六月初七日戊寅同遊勝境遲留累日泛舟東下

自永還潭

金石叢石行書八行左行金石萃編作正書誤

宋晉之晞仲等澹山巖題名

已卯仲夏一日晉之晞仲思道農師光道粹甫君宜遊此謹題

金石叢石行書四行左行本不著時代惟農師為陸佃號攷

佃本傳以紹聖初元祐史案斥外由海州移蔡州徽宗立召

還未知何以於元符二年嘗至永州疑史有佚文也

金石補正五日通志作二日永志作一日均誤永志列元符

二年按名姓相同尚恐別是一人僅僅字之偶同別無他證

而遽以陸佃當之并以此疑史有佚文如不知蓋闕之謂何

惟此刻確是宋人手筆次宋末俟攷

宋蔡毅等澹山巖題名

睢陽蔡毅允元眉山陳續茂訓韓城范直方師厚高郵秦湛處

度元符已卯十一月十五日遊

金石萃編正書二行左行在林邵題名之左秦湛見詞綜稱

其字處度觀子官宣教郎載其謁金門詞一闕又見宋詩紀

事嘗為韓應胄作枝巢詩先得兩句云云見詩說傳永史文

苑傳秦觀高郵人元祐初累官國史院編修官紹聖初坐削

秩徙郴州此題在元符二年已卯是侍父貶所時也

金石文編攷黃山谷有晚泊長沙示秦處度詩乃崇寧二年

作又有題秦少游詩有長眠橘州風雨寒之句任淵注處度

少游之子少游北歸至藤州卒於江上其子處度護喪葬殯

于潭

宋韓川澹山巖題名

大名韓川北歸一游弟球子意姪康世康國康伯待行道士
何守靜偶至此元符庚辰歲六月二十二日題

金石萃編正書六行左行韓川史傳稱字元伯陝人元祐初
薦為監察御史累以龍圖閣待制守穎川徙號州與孫升同

受賈由坊州鄆州貶屯田員外郎分司岷州團練副使道州
安置徽宗立復故官此題在元符三年庚辰正其安置道州

時但自署其真為大名傳則為陝人殆大名是祖貫耶

金石補正河南超化寺有韓川題名在元祐七年八月當即
其人惜未得拓本一證之

宋重刻蔣緯澹山巖詩跋

進士蔣緯 詩前昔郡守王公世則遊是崑讀此詩至青天一
面看輒驚歎曰崑中奇處此句道盡遂相與為詩友士大夫雖

傳誦此詩至今終不知其因今復易新刻竝敘其事以示觀者
建中靖國改元中春望日四世孫務敏謹識

金石萃編行書十五行字數不齊

金石補正王世則通志以為長沙人太平興國八年擢進士
第一據范石湖鹿鳴燕詩則桂林人也并敘之并省府志均

誤作並

宋張適等澹山巖題名

張適安時迪安道遊安會遠安行招陳莘子野蔣彥才之美唐
逸元道同游壬午中春十八日

潛研堂目錄壬午中春蓋崇寧元年也

金石萃編正書五行

金石補正張迪德興人大觀三年賈安宅榜進士張遵南城
人元符三年李釜榜進士

宋黃庭堅澹山巖詩

題永州澹山巖山谷老人黃庭堅 去城廿五里近天與隔盡
俗子塵春蛙秋蠅不到耳夏涼冬暖總宜人巖中清磬僧定起

洞口綠樹僊家春惜哉淡山世未顯不得雄文鏡翠珉 淡山
淡姓人安在徵君避秦亦不歸石門竹徑幾時有瑤臺瓊室至

今疑回中明潔坐十客亦可呼樂醉舞衣聞州城南果何似永
州澹巖天下稀 政和六年住持僧智口刻石

郭毓新照錄澹山巖在永州零陵縣南二十五里易山接零
陵山水記宋黃山谷始題識之今洞中一石載山谷詩七律

二首南宋王南卿阮者九江人有絕句云浯溪已借元碑顯
愚谷還因柳序稱獨有澹巖人未識故煩山谷到零陵今山

谷詩碑摹本雖剝蝕尚有可觀

金石萃編山谷老人七古詩二首豫章黃先生文集亦載此
二詩皆無歲月攷年譜崇寧二年置鄂州十一月有宜州謫

命三年自潭州歷衡州永州全州靜江府以趨貶所三月泊
浯溪十四日到永州有題澹山巖詩二首是此詩作於崇甯
三年三月也

金石文編山谷澹山巖詩正書七行字數不齊末有政和中
僧刻石一行秦漢篆隸書二十三字俱作廿卅山谷書此
詩二十五作廿五從古也然詩體以七字爲句似當作二十
爲正否則欠一字便不成句矣惜哉澹山世未顯任淵注山
谷集本作次山次山於永州有浯溪及朝陽巖銘澹巖無有
蓋是時未知名也又第二首回中明潔坐十客注云元次山
有大回小回中詩言其水之回洑也此借用今審石刻實作
淡山後人据任注磨改作次山形迹顯然又今志載此詩回
中俱誤作山中石刻本作回與集本合然此字亦有磨改痕
蓋後人轉欲据誤本改山也任注淡山曰零陵土人謂淡山
以淡竹得名或云嘗有淡姓居之予攷宋王淮記云昔有澹
姓者家焉遂名澹巖又唐張顥記云古有老人處其下以澹
氏稱因名蓋後記爲是故山谷用之淡與澹古通用字故前
人記載不一此刻末有政和住持僧名智下一字上半已漫
滅似高又似嵩姑缺之蓋山谷於崇甯三年題此詩至政和
六年寺僧始爲之勒石也

嘉慶通志案石刻首行山谷姓名下又有庭堅二字蓋近人

見石刻模糊慮人不知故重磨此二字以標識之

金石補正智下所缺是嵩字

宋黃庭堅水字橋石壁題刻

零陵縣志在城西四十五里邑人黃佳色記云水字橋旁

黃山谷有題識今剝蝕不可讀

宋黃庭堅朝陽巖題名

崇甯三年三月辛丑徐武陶豫黃庭堅及子相僧崇廣同來

零陵縣志朝陽巖洞門左右石壁如半環黃山谷題名於

壁磨石鏽之

金石補正右山谷題名分刻左右各三行行字不齊海琴在

永久迄未得見譚子仲維爲予搜出之顯晦固有時也徐武

爲永州司法參軍見通志職官陶豫見浯溪詩刻

宋李昭輔等澹山巖題名

李昭輔魏泰黃大臨姚天常蔣存會紆下缺三字甲申仲冬游澹山

巖

金石審右刻小篆四行篆法秀勁甲申八字雙行書於末行

之後不著年代案紆會布子坐黨事流永王明清揮塵錄所

謂空青蓋指紆也大臨當是山谷兄弟行其爲崇甯甲申無

疑

永州府舊志案汪浮溪撰紆墓銘云文肅公免相言者指公

嘗夜過韓儀公家議復瑤華事且受父密金請付吏詔自申
竄永州入元祐黨建炎時官紆知衢州又云公之謫永州也
黃庭堅魯直過馬得公詩愛而讀之手書於扇其篆隸行草
沈著痛快得古用筆意據此則此刻必紆所書也

宋慕容選澹山巖題名

長沙慕容選公才周伯常達夫自陝西歸里中沿幹零陵特遊
澹山口瞻禮金僊遍遊諸洞次日設僧粥浴逸邈之城下崇甯
甲申仲冬五日湘東朱炳明遠書

金石萃編行書六行字數不齊設粥飯浴殆在澹山寺也飯
僧為檀越功德次之僧粥亦飯僧之意至設僧浴則創見此
題豈僧浴不易舉亦待檀施耶

宋曹湜等澹山巖題名

開封曹湜邵陽周奇同遊澹山巖崇甯四年六月八日

金石萃編正書三行

宋朱彥明等朝陽巖題名

朱彥明宜春劉聖澤長樂韓陟明崇甯乙酉□□□□□□
同□

金石叢行書四行末一行蝕

金石補正五行永志誤乙為元末行存一同字宗氏未見宋
史忠義傳朱昭字彥明府谷人宣和年死節史未敘宣和前

事蹟此刻又泐其里貫不審即此人否

宋鞏鑿澹山巖題名

真定鞏鑿辨叔躬閱御書至此歷覽古跡愛其巖穴幽邃氣象
爽然罕所見也徘徊抵暮而歸時大觀二年三月十有七日
男庭實庭實庭老侍行庭實奉命題

金石萃編行書七行

嘉慶通志案零陵縣志見上所缺乃目字又末庭實奉命
題作庭實奉命題

宋蓋侗澹山巖題名

胸水蓋侗公原因祀靈顯行次巖下就謁住持芳師訪其古跡
歷覽而歸時大觀戊子季春晦日題

金石萃編行書五行

永州府舊志石刻極似米書零陵補志公厚作公愿今審實
愿字

宋鞏鑿澹山巖後題名

大觀庚寅閏中秋朝奉郎通判永州事鞏辨叔之題

金石叢右行書二行在李公彥詩左字超逸得楮愛州意

金石補正右刻在王栢題名之左宗氏謂在李公彥詩左者
誤

宋黃□□澹山巖題名

豫章脩水之源楚相春申之裔伯氏之亞於菟之儔有宋宣和歲在壬寅澹山之麓勞農班春則之崖壁零陵守臣爵里姓字爰告後人以字子緜樊楚孫拱辰從行並觀九兄山谷老人二詩爲之憮然以上

金石齋右刻行書銘詞五行零二字小行書二行案山谷諸昂有大臨仲堪皆以八元命名此人隱寓其文殆叔豹也官表宣和時守僅有黃同而署江夏舊望又無一言及山谷當又是一人闕以俟攷

金石補正湖南通志載麻陽同天寺碑熙甯間黃叔豹撰叔豹時爲縣尉也此刻在宣和壬寅相距三十餘年宗氏疑爲叔豹所題未知其審

湖南通志卷二百七十二

湖南通志卷二百七十三

藝文二十九 金石十五

宋黃同澹山巖詩

乘暇率僚友訪澹山祇閱御書清談久之偶成以豁其思 棠陰蕭爽訟詞稀乘暇齋莊一陟危雲漢昭回神聖畫珠璣煨燼古今詩清談習習風聲起薄暝霏霏雨腳垂它日玉堂誇勝踐畫圖應展澹山奇 同遊者爲誰譙國曹宗文元伯廬江何兒太和長沙何谷應求臨江何昌辰利見吳興沈元彥端宣和二年在庚子季冬十有七日江夏黃同學古書

金石萃編行書十行字數不齊史有何兌昭武人附見忠義馬伸傳伸依程頤門以學受中庸以歸兌復受學於伸伸歿兌嘗輯其事狀但傳不言其宣和時有官永州之事未知卽一人否也

宋襄陽盛澹山巖詩

題淡山巖□□□□襄陽盛□并□ 黃公邛壑人閱遍山水奇晚觀淡巖作獨許天下稀我初頗未信及到迺愧之偉茲過奇特驟睹心驚疑神靈蘊幽秘無乃弗許窺捫苔漸深入歎愕不自持穹窿但一石輻輳周四維廣容千人騶高建五丈旂巨勢裂地軸虛牕豁天扉森然萬幕張鬱若會雲垂危磴過別洞絕壁浮煙霏幽房瞰窈窕屏榻如磐治雲霞起坐隅翠嵐蒼

人衣頓覺從來山榛莽騎土塢化石事茫昧馳地知是非并曰
儼避處芝田畱舊畦云昔隱德宅此理固亦宜元柳蹟不到隱
顯當有時憶我半紀荆已與茲山期了然蘭臺夢宛渡瀟湘瀟
今來恍如昨始悟非人為甯嗟擯幽逸特爾足自怡無窮軒冕
客有幾能遊斯天應出此境以慰遐荒悲 予自政和五年始
校中秘書畫臥館下即嘗夢至此山事具別記

金石審石行楷書十一行後小行書一行字學北海而參米
體極為秀整時次不著案其後識政和五年在秘書而詩云
半紀前則必宣和三四年間至永也其題款襄陽盛三字以
上俱被人磨去襄上一字存其半似亦襄字案襄州襄陽郡
宣和初升州為府此云襄襄陽益謂襄州襄陽縣也盛下一
字尚存八字揣之似泰字宋史宣和時貶永未見有盛姓者
湖北通志襄陽人物類亦不載其人書闕有間遺佚者可勝
計與

金石補正永志誤三字詩云憶我半紀前以六十年為一紀
計之當在紹興十七八年然無左證仍從宗氏列於宣和四
年柳即柳之俗字

宋王資仁等澹山巖詩

遊澹山巖詩 朝奉郎通判邵州軍州權知永州軍州事王資
仁 口山之真真尋幽我來為款窮真搜嵌崑呀豁自呈露天

匠巧斲非人謀撐空突兀幾千仞奇偉萬狀不可侔羣仙祕護
人蹟絕元柳不到誰雕鏤惜無好語寫形似歎息欲去仍遲畱
維予六客信心賞一洗萬古塵中遊 宣教郎簽書道州軍事
判官廳公事陳 我聞澹山之崑深且幽巖嵌窳寶堪尋搜
禪龍剝落氣尚古龍象忽徙初誰謀神山窟宅信有口功出天
造非人侔徼礫硤駭未見石壁字隱苔侵鏤山靈疇昔莫教
秘巨蟒豈得於中畱比來珠璣重滿把我幸蠟屐欣從遊 文
林郎知永州零陵縣事主管勸農公事彭從虎 竹苞未翦山
雖幽福庭勝槩難窮搜天公念此久閉塞密召五丁詒厥謀巽
維一夕啟邃竇光圓寶牖端相侔方床翠屏廣羅列藥臼香山
深扶鏤道人振錫蟒潛遁處士化石崑中畱訓狐昨夜又鳴報
果是五馬今朝遊 建炎二年歲次戊申十二月五日澹山惠
明禪寺傳法沙門善琦磨字

金石補正右王資仁等詩各自書之王彭兩詩行書陳詩作
艸體銜名年月正書又是一人手筆則上石時所書也前後
共十七行彭從虎令零陵志系於慶元時誤王資仁不見官
志陳簽判名泐僅存左旁言字王詩云維予六客信心賞其
三人無詩

宋向用之澹山巖詩

呈琦老禪師用之謹封首建炎庚戌上春十有三日用之同文

發先輩偶遊澹山巖長老琦公接余於寺外且曰不預探知不獲遠接余笑謂之曰訓狐不相報否琦老即謂余曰提刑道力行不動塵鬼神容有不知余嘉其不以偽告而味其言之高也因成二詩以答其意借用山谷老人韻江都尚用之 我來訓狐無所聞老人戲我不動塵道愧未嘗分寸得心灰要似尋常人斷岸危絆藤蔓古殘僧靜對桃李春次山不遇遇山谷倬有妙句垂堅珉 岳深樹綠春長在岳暝雨霽雲初歸天愛護持有神物蛇去因果無狐疑石田藥曰誰與刻香山乳竇苔生衣未聞城南閩州此景自是寰中稀

金石萃編行書廿二行字數不齊宋詩紀事蒙亭唱和長句張洵倡尚用之和有序曰嘉祐中經略吳公及即伏波巖之左以爲亭名蒙漕使李公師中記而饒於巖之崖亭久埋廢記亦堙沒紹聖改元龍圖閣胡公宗回帥桂林憲使梁公出其家藏蒙亭記以觀胡公斥基而新之云云詩從粵西詩載錄出此題是建炎庚戌距紹聖改元又三十七年不知即一人否紀事不詳用之事蹟而此則著其貫爲江都人姑識以備攷

金石文編澹山巖有尚用之和山谷韻詩案用之字仲明曾官廣西提點刑獄臨桂諸巖有其宣和閒與張洵同遊題名洵字仁仲浚儀人時官廣西廉訪使者蒙亭倡和詩共五人

首爲浚儀張洵次即用之次爲晉江呂源次爲三異李昇之次爲邵武葉宗諤也用之稱江都尚用之與此題名正合紀年爲靖康改元丙午季夏乃在此前四年事石刻見存廣西臨桂縣伏波巖其爲一人無疑詩序嘉祐紹聖云云乃溯其從前蒙亭始事宋詩紀事從粵西詩載傳錄不全遺其倡和年月故金石萃編疑之今爲補正冷齋夜話載陳瑩中北歸過南昌言鄒志完北還至永州澹山巖有馴狐凡貴客至則鳴志完將至而狐輒鳴寺僧出迎志完怪之僧以狐鳴爲言志完作詩云云此尚用之謂長老琦公有訓狐不相報否語及我來訓狐無所聞之句蓋正用鄒道鄉澹巖故事也訓與馴古通用字

永州府舊志案倬字下省志缺今審實有字序味字誤刻作昧詩比字誤刻作北今改正訓狐惡鳥名與飛鳴正合瞿木夫謂馴訓通用乃致誤之由但以馴狐爲訓狐則不可借也宋善琦尚詩跋

提刑學士一日同文發先輩來遊澹巖且不預知忽爾輦鑿入寺善琦驚而復謝不獲出山遠迎台旆學士曰訓狐不相報善琦則對提刑道力行不動塵鬼神容有不知而公乃笑逸遷歷觀巖穴頗聽妙語琅琅清風習習其德可稱如周茂叔越二日詣城謝公於行衙伏承佳篇見惠一覽使人神怡氣逸磨石刻

之與山谷黃公同傳其盛美建炎中春望日住巖賜紫善琦謹跋

金石籀右刻正書七行字數不齊在尙用之詩後零陵補志刪改數字今仍依元本善琦則對下省數語從補志建炎下書仲春乃元本疏處神怡補志作神王則誤審拓本故也

永州府舊志案宋徽宗時以紫衣度牒佐宮觀費紫亦濫矣此僧守御書或得自中賜文發先輩當是老僧僧亦以先後輩稱邪

金石補正用之詩引亦稱文發先輩宗氏以為老僧殆非

宋錢伯言贈澹山一師頌并跋

戲書送澹山入院 伯口 雲本無心出岫水豈有意趨東勢或使之然者何妨巾拂談空子好逢場作戲我方置散投閑世味久如嚼蠟合向茲山往還庚戌五月二日零陵太平方丈東軒 澹山零陵古招提也復占幽巖之勝異時桑門非号宿老不可妄使棲此一師學通三昧識悟真空飛錫廬陵來遊衡嶽湖湘檀士皆信向而樂皈禮之零陵郡守吳公從眾之請遂入是利密學侍郎錢公愛師有素作頌贈行其辭溫潤粹美使人翫讀無斃蓋公之文章如良金美玉無施不可發為頌詠乃其餘事師實重德其賜願勒諸石永為是山之光云零陵從事劉在中跋 住持比丘守一立石

金石補正右刻分兩截上截十一行行書下截十三行又立石一行正書案侍郎錢公即潘正夫詩所稱遜叔侍郎者伯言也其稱密學者嘗為樞密學士也伯言有澹巖詩又有和潘正夫詩時為建炎四年此頌後題庚戌蓋亦其時所作伯下所缺當是言字可無疑矣澹巖詩云願受自耕祿和潘詩亦茨信我無三顧此頌云我方置散投閑語意正同太平方丈者太平寺之方丈也官志高宗朝知永州者並無吳姓郡守吳公莫攷其名劉在中亦不見官志又案此磨古刻為之者行間有邵獄掾韓外聲七等字而年月姓名均無所見頌詞下又有康文銓蘭谷紀游七字蓋後人所題并識

宋李公彥澹山巖詩

題澹山巖 臨川李公彥 地靈欲借一握天神剌鬼割無留堅欬然滅豁空而圓陽鳥飛景光自穿古藤繞石翠欲牽石果垂結紛如拳中有巖竇吐細泉六月客坐寒入肩昔聞修蟒何蜿蜒誅茅剌木不敢刺誰令結此殊勝緣化作寶坊可棲禪我非貴客來塵鞿訓狐挾狡聲亦先飛上巖荆枯樹巖嶼起山丁夜不眠涪翁有筆大如椽七字要與山俱傳續貂愧我不著便千古一笑夔憐蛇 地人相傳巖舊為二蟒所據故唐以荆不載之文字今置羅漢閣其中矣有訓狐巢於其巖之上夜或出飛鳴則旦必有貴客來遊故云 住持傳法沙門善琦刻石

金石審右刻題二行詩十四行後語五行皆正書不著年月必建炎時人也

金石補正石李公彥詩不著年月永志以為建炎年者以刻石之善琦見於尚用之詩跋也通志職官徽宗朝李公彥為江華令宗氏以為佚載者非永志江華官表李公彥政和元年任湛剛六年任然則此刻當在政和間也宗氏乃云必建炎時人亦自相矛盾矣江西通志李公彥臨川人字成科累官宗正卿素為朱勝非呂頤浩所知及當國引退除兩浙發運使入為吏部侍郎平居與謝溪曾挺齋相倡和有宮詞百餘首及潛堂詩話文集

宋錢伯言澹山巖詩

老眼遍四方茲焉真鮮儂室圓懸磬如天側偃蓋似誰移巨蟒宅孰受祖龍使祇以澹竹名佳哉亦少味造化其偶然剝山作深谷近壓瀟湘頭迴據九疑足千齡隔仙凡跬步變寒煖石田儻可種願受自耕祿右零陵澹山巖二首建炎四年庚戌仲冬朔會稽錢伯言遜叔題分書承奉郎權零陵縣丞楊臨上石

正書
金石審右分書每首六行題款四行零一字共十七行也末正書一行舊志鹵莽多致魯豕如祇以作祇同佳哉作佳哉近壓作迹壓迴據作過據而錢伯言字本剝蝕誤作伯吉末

行楊臨誤疑楊誠齋所臨墨木夫不錄入省志職由於此今皆一一正之

永州府舊志案此刻用唐隸多變漢法如充作六殺作殺皆變體也迴說文從回而此從迥則漢碑元譌也攷徽宗本紀宣和七年知海州錢伯言奏招降寇蓋即此人

金石補正宗氏校此仍誤二字甚矣審碑之匪易也使字湘字則石本全蝕矣楊臨名不見於官志

宋潘正夫錢伯言澹山巖和韻詩

澹巖六韻奉承遜叔侍郎兼寄惠照禪老河南潘正夫祝融之南近湘濱地出天開散翠珉金闕不關塵世路丹葩爭發洞宮春遲留杖履尋真恨望煙蘿入夢頻奕罷空懷爛柯客雲深多失避秦人高懸石棧仙風迴靜對巖扉濯色新借問詩翁與禪伯如何導往許為鄰遜叔嘗約寺僧讀書巖中次韻奉和蒙著太尉澹山見示長句伯言澹巖宛在進江濱多少篇章刻翠珉聞道鳳凰將九子恰逢花木正中春春日快遊豈為知名久歷覽縣知嘯侶頻林外鳥聲應報客溪頭梅子已生人茅茨信我無三顧物象因君遂一新試約攜筇採靈草幽嵐何必與天鄰

金石萃編草書廿三行
永州府舊志伯言二字省筆并書實似吉字以荆八分款始能斷其為伯言近人省筆連書兩字名蓋早有濫觴矣

金石補正 晉府志所誤略同而永志較多何必上省志作土
參府志作幽嵐審之均不敢信

宋孫仲益澹山巖題名

孫仲益北歸過零陵太守趙君宰置酒於澹山與時昌辰李師
武王子欽同集紹興甲寅十月廿九日

嘉慶通志案右刻見零陵縣志云大書橫巖壁極似海岳

金石補正宋詩紀事孫觀字仲益晉陵人大觀三年進士政

和四年中詞科高宗朝仕至戶部尚書提舉鴻慶宮有鴻慶

集粵西文載孫觀紹興開謫象州寓桂林喜其山水作十詠

今廣西巖洞多有其題名伏波巖一刻為去桂時所題前乎

此者八日此云北歸過零陵蓋自桂來也通志職官有趙宰

知永州此題所稱趙君宰似字而非名疑志有誤

宋董弁澹山巖題名

青社董令升罷官廣西還過零陵來觀澹山同王紹祖趙佃夫

宋傳道飯巖下思長老以其師燈禪師所書柄棟頌顯上人

懷素千文墨本相示千文真蹟余家所藏嘗刻石鄉里詢顯則

同郡人也蓋得之余家豈意兵火流離之餘乃復見此顯亦可

謂好事矣因語及鄉里相對感歎紹興乙卯歲春三月戊寅題

金石跋尾續右董令升題名首云青社董令升罷官廣西還

過零陵令升名弁微猷閑待制道之子兩世皆有文學令升

以不肯禁程氏學被黜亦南渡人士之卓卓可稱者而史不
為立傳不知其在廣西居何職也末題紹興乙卯歲春三月
戊寅依篆體卯即酉字而紹興紀號卅二年開不值乙酉歲
當是紹興五年乙卯卯篆形相似摹刻時容有差謬爾攷
李心傳繫年要錄紹興六年弁自起居舍人遷中書舍人兼
權禮部侍郎七年正月以集英殿修撰知衢州五月改題舉
江州太平觀閏十月轉徽猷閣待制知嚴州以殿中侍御史
周葵論劾落職與宮觀廿二年復以徽猷閣待制提舉台州
崇道觀尋落職廿六年以左中大夫知婺州卅二年提舉洪
州玉隆觀引年告老詔復敷文閣待制復為言者所論降集
英殿修撰然則孝宗隆興乙酉在令升告老後三年無緣遠
官嶺外此題名為紹興五年可無疑也據繫年錄紹興五年
閏二月有廣西提點刑獄事董弁名與碑稱罷官廣西相合
故定以為鐫刻之譌

金石萃編篆書十二行中敘懷素真蹟之顯晦亦書家法帖
之故實識以備攷

金石文編董令升題名有云千文真蹟余家所藏嘗刻石鄉
里攷胡仔漁隱叢話云藏真千字文真蹟舊蓄於江南李氏
紙尾有後主錯金書題云懷素僧草聖戴叔倫詩云詭形怪
狀醜合宜誠哉是言其後此真蹟又轉蓄於董令升家紹興

開歸天上矣

宋張昭遠等喜雨頌

試將丹懇口青霄還話田疇萬里焦不是湫龍解與雨元來滴
滴自心苗禱旱何妨抵死求分明在處有神湫只消一念精誠
格立使風雷布九州幽谷從來分外清那堪雨過月華新行將
高謝浮名事卜築巖旁効口真 零陵不雨澹崑長老思公率
寺僧禱於巖中獲應喜甚賦頌索僕為和之紹興戊午七月旦
日茅山居士張昭遠書 頌上澹崑長老口遠謹封 煇煇炎
威遍野飄流金燦石土山焦精誠不作軒雷轉孰與人間濟
苗救旱無方種種求老龍誰識隱崑茅山居士興慈願一叱
風雲四口州衲子相逢競喜忻應期甘雨一番新了知潤物無
窮意祇在維摩此念真 紹興八年戊午零陵夏旱公私百種
請求而陽威益熾也宮使徽猷一日避暑山口口物焦勞遂運
慈心飯僧持咒禱於崑中龍王口期而應葉苗再活遠近忻幸
是知精誠感格非偶然矣了思山林野人不量鄙陋述傷三章
以勤稱慶伏蒙召願曲垂光和詞華墨妙豈敢覆藏謹刊崖壁
庶傳悠久而了思之謬偈故無所取抑且鐫于石尾其猶蠅驥
之附也是年中秋日住口口口了思題

金石補正石刻在澹巖張昭遠稱宮使徽猷而詩云行將高
謝浮名事疑是謫居於永者宋史有張昭遠傳字持正滄州

無隸人在真宗朝別一昭遠也又有張昭本名昭遠則尤在

宋初矣

宋張公桷頌

只遮百柄破楔價值碑礪碼礪假饒天地崩壞其奈長生不老
有時聊用蒙頭萬事撲滅如火有時憑它蔽身忘卻寒暑侵惱
日用縱橫莫測俗漢怎生尋討賴有多口全公不惜眉毛傾倒
雖然句句渺廉纖軒知已踏長安道又被鹿門老作家執筆纒
然為一堵字畫首勁逼羲之展開燦爛同日杲知師端是箇中
人故將分付君宜寶 澹巖思老巖在鹿門燈禪師會下燈公
愛其疏財重義故書全大道柄楔歌遺之比因遊巖思出燈書
相示索僕為頌謬作古風以贈 紹興己未廣溪茅山居士書
宮使徽猷張公桷頌 住山傳法沙門永思上石

金石審石刻行書十八行後款二行字近聖教序鹿門燈禪

師名法燈字傳照成都人見釋惠洪所撰塔銘茅山居士深

於禪說殆無盡之流其名俟攷

金石補正永志誤謬為謬誤了為永并脫焉字茅山居士昭

遠自號也宗氏以為無盡之流者未見喜雨頌耳

宋汪藻書華嚴巖三篆字

華嚴巖篆書高四尺三寸廣一尺五寸

紹興甲子浮谿翁書 金石萃編案浮谿翁者汪藻也宋史本傳載其紹興八年上

所修日歷升顯謨閣學士知徽州逾年徙宣州為言者所論奪職居永州此題甲子為紹聖十四年殆此正藻居永時所題也

金石文編浮谿集柳先生祠堂記云紹興十四年予來秀陵則浮谿翁於甲子年到永又据明胡堯臣浮谿祠記文謂奪職居永州積十有二年更四赦不復用先生泰然處之愜不見色

宋游何澹山巖詩

渡過瀟江日已曛影和明月共三人名岳近郭別州少好事更誰如我真絕頂有天浮碧樹凌秋無暑斷紅塵終當早棄人間事來與山僧作並鄰 紹興乙丑七月幙谷游何蕭卿乘月獨遊澹巖書事兼簡零陵宰君李兄秀實

金石萃編八分書十一行

宋張浚澹山巖詩

微猷張公留題澹巖橫嶺偷閒切欲訪巖局恍若桃源洞裏春平世自無憂國患徘徊愁見避秦人昔周處士避地巖中天然一穴透融光廣闊能容萬頃篁翫念塵寰苦炎熱人人付與一襟涼 紹興十五年十月口日門生右修職郎永州零陵縣令主管學事勤農公事李發立石右朝奉郎直徽猷閣權發遣永州軍州事張浚書

金石補正張浚知永州省府志列端平年趙希林之後李發令零陵列慶元年彭從虎之後均誤李發吉水人

宋永州太平寺鐘銘

右迪功郎永州軍事推官趙溱右儒林郎永州軍事判官許顛右朝散郎權通判永州軍州主管學事劉襄左朝奉大夫權知永州軍州主管學事梁仲敏分四行起空寂中無閒斷者非露非霆登利那開徧滿大千非聲非形以悉檀成以慈悲檀以歡喜聽粵無始來如眠而寤如醉而醒九芟之函瀟湘之會梵釋之庭紹興庚午嘗再浹辰椹吏是銘

永州府志右書凡九行每行八字係小篆尚完整其鐘分三方末方之下層書前街名及銘辭上層及餘二方均鑄檀施士女姓氏錢數字似篆似真其款緣賜紫僧妙空數字尚可辨識庚午歲乃高宗紹興二十年也

金石補正右太平鐘銘共七方銘詞在末方末句云椹吏是銘未署名姓志載云顯謨閣學士汪藻撰未知所據或據舊志書之羅氏固未見拓本也宗氏見之而銜名四行前後倒置又誤趙溱為趙正許顛為許岳并補入官表而不自知其誤抑亦疏矣書用古文居多宗氏以為小篆亦未甚確考古由字宗氏誤釋為從矣古疑字見汗簡及單疑生豆寺符在太平門唐之龍興寺也元豐四年更名鐘在今城內譙樓明

嘉靖開廢寺爲宗藩別邸移置或在其時

宋稽古閣記

天下金石志汪藻撰在永州府學

宋張浚永州新學門銘

新學門銘宋張浚 宋紹興甲戌冬十二月永州學南門成太守

廬陵彭侯所建也太守視民以身以王事爲家事政治既舉又

思有以教化之得蜀文翁禮殿繪像本使工次第摹寫堂上勵

士子以儀刑之學復建斯門闢壑塞導勝氣氣象偉甚學舍廚

廡從而易新示勸之意厚矣宜銘之詞曰 人不知學莫適視

身學而不行不學爲均行之伊何惟一惟誠孝弟忠信本之於

心成之於性守之以仁日積月化粹然其醕可以格天可以感

神可以正物可以化人發爲辭章德人之文施於政事君子之

名其道甚大與天地并凡爾爲士勿替于勤欽之勉之無媿此

門 特進提舉江州太平興國宮和國公張浚撰并書 門生

右朝請大夫知永州軍州主管學事兼管內勸農營田事彭合

立石并篆額

金石叢右銘正書十二行末上石銜一行字體似北海而有

縱逸之勢與城南書院扁榜頗相類真魏公書也公以紹興

十二年封和國公十六年以特進提舉江州太平興國宮與

此正合此刻久沒土中道光元年零陵令丁煦復建府學始

掘得之完好無缺神物信不可掩與

宋張浚書忠字

忠字長三尺五寸廣二尺五寸

金石叢右刻在新學銘背乃磨荆人碑所爲內隱見點刑

等字必宋人之不足取者故當時即被踏毀也攷浚本傳紹

興七年以秘書少監分司西京居永州九年復官十六年貶

居連州二十年徙永州高宗本紀二十年八月量移張浚永

州連永比鄰則庚午冬初必已至永此刻雖不著年次然與

學門銘同刻自當列於移永之始也

金石補正右碑陰府志題曰宋張浚書忠字跋而系諸紹興

廿年案跋既云與學門銘同刻則當列於紹興廿四年乃以

意定之謂庚午冬初必已至永當列於移永之始殊非信實

碑無署款何由定爲魏公手筆竊意新學門銘本刻於舊碑

之陰後人磨削碑面摹勒此字歷時久遠遂附會爲魏公書

耳磨削古刻儻父所爲魏公不若是之滅裂乃謂舊碑爲宋

人之不足取者當時即被踏毀亦太唐突矣

宋彭合等環翠山題名

○事廬陵彭合子從同監郡長樂張登明陟新甯遠縣宰開

封李仁剛得之教授劍津袁拱欽辰東安令王牒不潛彥○前

郴陽決曹零陵郡同初○修新湘潭尉祁陽汪宏○□□□飲

賞環翠紹興乙亥二月十有二日

金石審石刻正書八行在郡治後梅孝女祠內石厓上其地本唐萬石山故址彭合更為環翠山也厓間石刻舊以在郡後圃人不得見故著錄家皆不稱自王宸蓬心為守闕門通道游觀者亦但知謁孝女未有問及古刻者先零陵輯補志時以苔蘚初剔拓本漫漶命續辰審字多所謬誤今躬率僧洗石搨墨多見二十餘字刊誤八字如以張登為張浚當時本不甚信第求魏公遺蹟結想過殷致成疑似今果於祠外別得魏公題名以慰先人之思小子之慕而此刻又已審正豈非大幸也耶

金石補正永志甯遠下多一縣字石刻實無之也又廖誤袁于誤賞玉誤王汪宏下未審出中字宗滌樓於此刻一再審之尚有譌缺知諦視石刻未可意定亦正不易也彭合紹興進士知臨江軍錫浮稅之害後為京西總領見江西通志而不言其守永州首缺二字通志作知郡當不誤然已全泐矣李仁剛有涪溪古今石刻集錄一卷見通志藝文亦書古之士惜已久佚鄧同初紹興八年進士汪宏中紹興廿四年進士李廖鄧汪職官志均失載

案石刻即嘉慶通志所載梅姑祠石厓題名也但永州府志修於道光之年其拓審為密故今從府志不潛宋宗室

時同名者不一舊志疑為武翼大夫士訥之子文林郎不潛謂之王牒蓋王室之同譜牒者否則當為玉牒也

宋彭合環翠亭題名

○紹興癸酉夏守霽國郡乙亥春開○日環翠男商

○老孫堯輔堯臣堯咨堯愈○侍野翁廬陵人

金石審正書六行野翁蓋彭合號也

金石補正永志脫夏字并誤老為少彭合子商老字仲伊官至南安通判漢老字季皓以門蔭累官直秘閣孫堯輔字道夫蔭授贛州錄事進知連州均見江西通志商下所缺是老漢二字

宋張魏公環翠亭題名

紫巖張浚同郡倅長樂張登謁太守廬陵彭公合於環翠酌泉巖○觀景物之勝俟月而返浚子姪枻机姪孫炎默炳從行紹興乙亥端午後六日浚題

金石審石刻正書七行魏公筆也十二年荆先零陵求魏公遺迹了無一得近辛巳新學銘出土丁亥秋日續辰偶過萬石婆娑其下始獲明人九巖之刻得證其譌又於孝女祠右厠涸之側恂恍見紫巖字急去穢器洗滌其舊染深喜僅缺兩字此事大慰素心因為詩紀之

宋澹山巖趙貞婦碑

勅衛共伯之婦猶有取於柏舟辟司徒之妻亦或封之石窮矧
 茲懿德廟在近支義既於有家恩豈拘於從爵從義郎不
 左監門衛大將軍士圃妻曹氏承芳后族嫺德宗盟流離兵
 革之餘確守閨門之操事姑盡其孝道賴爾安全愛子教以義
 方使之奮立是皆有古女師之盛德可以爲今宗婦之表儀嘉
 賢嗣之肖家□□□□□□□□郡遂開湯沐之封□□□
 □□資笄珈之服往承□□□□□□特封□□郡夫人奉
 勅如右□到□行 紹興二十七年四月二十四日
 湘僑聞見偶記潛山嵩中舊刻宋末宗室貞婦紀事聯文首
 四句云衛共伯之婦云云高懷祺介亭少時曾手搦其文介
 介之弟爲余追述惜忘其姓氏及後見介亭爲周之駿室節
 婦李氏請旌首聯卽用此四語也
 金石補正石趙士圃妻曹氏話詞其子不忌判永州刻之於
 潛山志未錄文按碑分三截上截橫列話詞二字中截敕話
 下截當是記刻石之由別有年月而剝蝕已甚約卅餘行行
 約十八字可辨者寥寥竟無一句成讀不能錄矣永志官表
 又未詳不忌判永之年仍以話詞內年月系之攷史不忌字
 仁仲曾祖宗暉父士圃北遷遙拜集慶軍節度使此稱左監
 門衛大將軍史所不載當在未遷拜之前史又云不忌方七
 歲每思慕泣涕旣長力學母曹氏問之對曰吾父誓未報非

敢志富貴也登進士調金華丞治豪何汝翼編配他州邑人
 惛服法當超秩請回授其母故事止封令人高宗嘉其志特
 封郡夫人此刻話詞卽其事也史又云除不忌永州通判損
 民輸米倍收之數辨靖州冤獄數百人人德之繪像以祀是
 不忌在湘亦卓有政績可傳者有賢母必有賢子信然也後
 官至招慶軍承宣使卒贈開府儀同三司封崇國公不忌爲
 太宗五世孫故曰近支其稱后族者蓋仁宗后曹氏之族也
 流離兵革者靖康之難士圃北走高宗南渡宗室隨行也永
 志未見拓本据湘僑聞見偶記以爲宋末人誤矣猶有取作
 曾見美或封之作獲封於亦誤
 案貞婦碑刻於紹興丙子湘僑聞見偶記誤作宋末由未
 見拓本之故今從拓本審出百有餘字而金石補正攷證
 特詳故著錄以表潛德云
 宋程迥等潛山巖題名
 蓮澤程迥德遠拉歷溪高祈應之魏邸趙彥佺安行開封王維
 子厚同遊男恪與同年子趙潛夫侍行紹興丙子仲冬六日記
 金石萃編正書六行史宗室世系表太祖三子廷美封魏王
 有十子長高容郡王德恭彥佺德恭之六世孫承節郎公瓌
 之子
 宋張九成亦樂堂記

亦樂堂記橫額八前缺一役於功名而缺十沈缺九適聞零

陵有屋數椽缺四日亦樂近踰鄉里云三字歌宰缺三四缺三

安字其樂云何字樂其中仰不愧字天俯不字人字耕

衛之所以樂豈不以仰不字而俯不字知耕衛未於心與

於慮缺十患也深操心也危缺五仰不愧字不字故升字丁

堂字直道缺六自今茲缺卅故缺四見缺十觀缺卅自缺十粟

興戊暨八月八日缺九也字山陽張字題

金石補正右亦樂堂記廿行行十六字分書前人未著錄惜

剝蝕已甚不能讀其全文筆意與亦樂堂銘出一手銘序云

禮部侍郎張公子韶記之即此刻也子韶名九成見宋史碑

書因作未衡作奧其作丁紹作粟寅作暨

宋胡銓亦樂堂銘

亦樂堂銘大分書揚雄有言朱丹其穀一敗則赤吾族孔子曰

雖在縲紲之中非其辜也夫丹穀榮也雄呂為憂縲紲辱也聖

適有取憂樂豈關於榮辱也哉上饒方疇耕道建炎戊申銓同

季進士也繫與戊午又同朝是季冬銓以狂瞽被譴而耕道旋

亦去國十有四年而通守武岡平溪蠻三十年之寇乙亥呂疏

直忤要臣被逮賴上恩寬謫零陵久之名其堂曰亦樂禮部侍

郎張公子韶記之戊暨與廬陵胡銓感仲尼子雲之言而申呂

銘銘曰 穀丹族赤縲紲不辱陋巷易安鬼瞰高屋赫補食前

患靡覆餗眉斧伐性妙在獨宿熟哲茲理至樂常足我思古人自反而縮

金石萃編正書二十二行案此銘胡銓所作不見於澹庵文

集周必大撰忠簡公神道碑稱公年二十試太學建炎二年

廷對行所在考官初以冠多士或畏其切直實第五即碑所

云建炎戊申銓同年進士也戊申為建炎二年紹興和議公

上書數千言大略謂王倫誘致金使欲劉豫我秦檜腹心大

臣尊陛下為石晉孫近傳會遂參政事願竿三人頭羈留金

使與問罪之師時八月十一日也辛亥有旨銓書凶悖劫持

其削爵流昭州後改監廣州都鹽倉即碑所云紹興戊午冬

銓以狂瞽被譴也方疇史無傳張子韶名九成除浙東提刑

力辭與祠以歸未幾召除宗正少卿權禮部侍郎碑書紹作

粟別體字戊字據上文耕道以乙亥被逮則此當是戊寅

為紹興十八年

金石文編朱子大全集有與方耕道書三通想即其人也今

据石刻則其名疇大全集題下注未字恐後人所注誤也武

岡州志謂方疇紹興元年前上書論時政出判武岡二十四年

謫雷州今据胡邦衡此文云紹興戊午同朝是年冬銓被譴

耕道旋亦去國十有四年而通守武岡乙亥謫零陵是耕道

於紹興二十一年至武岡二十五年乙亥謫零陵並非謫

雷州也攷宋史高宗本紀紹興二十四年十一月以通判武岡軍方疇通書胡銓及他罪除名永州編管蓋命下在二十四年冬而次年始到永耳

永州府舊志案聚字本紹古文崔希裕略古作聚此特參用之非別字也鑿字本汗簡鑿下拓本作與細審似上有一畫已隱蓋本作真夏字下不從大古老子冬字作鼻頗與此類其上不應有畫下亦不當作大耳姑俟知者

金石補正真古冬字宗氏釋作夏非所謂上有一畫已隱者石微泐耳以亦樂堂記證之尤不得作夏記作於秋銘作於冬也餘亦有誤

宋王佐澹山巖題名

金石鑑王佐宣子越中南宋名元也紹興己卯知永州軍事其遊澹山巖題名僅存呂行中書後

宋呂行中澹山巖名

右判府左史狀元王公題名下英遊勝跡與山谷先生相望而兼徽自有此山以來不知有此一段奇否行中得以職從邁挂名左方以託不腐非幸與右從口郎零陵縣令呂行中謹書

金石審右刻小真書四行爲陳梅所題名所掩乃惡僧彌昌所磨贖者此後尙有小真書僅贖張錢數字餘盡磨去王宣

子題名尙存紹興己三字依稀可辨蓋亦小真也行中良吏不腐固宜獨不爲宣子留方尺地乎

金石補正右呂行中題跋石本有殘泐處據永志補注之呂行中字聖與東平人紹興廿九年令零陵王佐爲之建種愛堂楊誠齋爲之撰記言其宰零陵時民有扞格而險健者諭以禍福使幡然徙義租賦之非常者悉蠲除之是良吏也其後內召誠齋復以詩送之判府左史狀元王公者即佐也永志云王宣子題名尙存紹興己三字余未之見容齋三筆論判府知府之別言國朝著令僕射宣徽使使相知州府者爲判今世鼓爾小壘區區一朝官承乏作守吏民稱爲判府

宋劉芮困齋銘

困齋銘 大谷山劉芮 方耕道通判武岡氣直而好義臨事不避難力平溪洞積年之寇一境安靜施及旁郡亡何忌嫉者不欲顯白其功附勢者又能文致其罪坐獄踰年賴天恩深厚姑謫零陵耕道感激修省思有以報稱於是胡邦衡名其室曰困齋張欽夫記之耕道又以銘見屬芮何敢辭銘曰 澤无水困有言不信柔能掉剛樂天弗競豈無人爲拯此困病拔本塞源遂志致命我觀聖人惟深惟幾三而陳之窮則萬微或以樂死或以憂生或明而晦或晦而明春水發源漫漫浮天霜風冽冽草枯木折六爻降升吾義則正二體變化吾心則定澤下而

谷剛得其中水上而冽惟塞必通嗚呼至哉德粹益明窮通夏
怨誰謂困中有此至善

金石萃編八分書十七行

金石文編右困齋銘在零陵縣張欽夫即南軒南宋後避翼
祖諱敬字改也

宋劉董等澹山巖題名

東平劉董子舒臨江蕭資擇可淮陽王光祖仲顯以乾道戊子
六月上休日來遊澹山巖

金石萃編正書五行左行

金石文編澹山巖乾道戊子劉董等題名有淮陽王光祖仲
顯案石鼓山題名光祖時官衡陽令外舅錢少詹跋慈恩塔

王評題名八月上澣云案漢制公卿以下皆五日一休沐唐
會要永徽三年上以天下無虞百司務簡每至旬假許不視

事以便百僚休沐則唐時十日一休沐矣休沐亦謂之休澣
唐書劉晏傳質明視事至夜分止雖休澣不廢也未時百官

旬假循唐故事故有上澣中澣下澣周益公撰光堯丁亥本
命道場滿散朱表有日踰中澣之句攷其日乃十月二十一

日又撰四月十八日丁亥本命道場朱表亦云日近中休然
則每月之二十日為中澣日上澣必月之十日矣一旬之中

止一澣日今人以上澣中澣下澣當上旬中旬下旬既失其

旨又休沐惟有官人乃可用之不當通之士庶也今據此澣
山劉董題名日上休日及後趙仲義題名日上澣日李震等
題名曰中澣日諸刻證之少詹之言益見精確

宋胡華公等萬石山題名

長樂胡華公丞郡瀟陽攝事是邦以乾道己丑六月中休日偕
西洛石長孺來遊男梓孫浚侍行

金石書正書五行在今郡治後梅孝女祠石厓上字為風雨
所漂半已漫滅前人罕有搜剔者

金石補正胡華公號邦實見寒亭題名宗氏彼跋云寶慶府
志孝宗時有知邵州胡華無公字恐即其人此云丞郡瀟陽
則非知邵州矣

宋黃彪萬石山題名

南昌黃彪彪甫乾道己丑仲秋十有一日假郡事越二年春八
日題此以紀歲時子俛棧澁榮榮楫登侍

金石書右刻八分書五行在梅孝女祠內李拔詩刻之左隸
法瘦勁年久石漸平滑就讀約略得半拓之僅見數字耳

金石補正下八永志作十有一三字既作假人日作八日此
拓本字極明顯與宗跋不合滌樓即未細審不應懸殊若此

此必近來好事者所為非重刊即剗鑿也姑就所見錄之
宋黃彪澹山巖題名

郡守黃彪禱請於順成侯廟祀事畢天宇廓然因至澹巖觀二
父遺刻感歎久之時乾道己丑十一月二日男倏棧滋榮桀桀
鑿繼來

金石窰右刻行書四行案柳昭畢君卿題名禱雨零陵王
楊英甫題名祠零陵王蓋公愿題名祀靈顯曹季明題名祀
靈顯應惠侯而此又作祀順成侯或云所祀乃龍神亦聞卽
唐刺史昌圖之祠所舉四朝封號有異同耳未知孰是
金石補正黃霽字彪甫臨川人慎於用刑子學官至大府卿
孫塢知肇慶府見江西通志文云觀二父遺刻一指山谷詩
一指宣和王寅誦詞題記也

宋黃彪朝陽巖題名

主郡吏南昌黃彪彪父暇日攜子倏棧滋榮桀桀遊朝陽巖
摩拂蒼厓觀伯父太史題刻歎慨久之表姪九江夏孝章同來
乾道辛卯百五日

金石萃編正書六行黃彪當是山谷之姪題云觀伯父太史
題刻者卽指洞門左右石壁山谷題名也今山谷題名已失
搨矣

金石補正右刻在補元厂內萃編棧作棧示志崖作厓彪父
通志並不作彪文宗氏何以言其誤邪

宋黃概澹山巖題名

武夷黃概器之乾道九年四月隨侍父以計事行郡來遊

嘉慶通志案右刻見零陵縣志

金石補正右刻在劉董題名之右文云隨侍父以計事行郡
則其父是官於湘者官志孝宗朝有黃洧爲轉運判官朱子
撰其墓誌有按行諸郡入春陵界云云疑卽其人洧籍
建甯此署武夷蓋是舊稱宋不以武夷名郡縣也

案朱子文集黃公墓碣公諱洧字清臣建甯人累官廣南
東路轉運判官改使荆湖南路多惠政被旨按行諸郡入
春陵界長子概文林郎監文思院門此題名云隨侍父以
計事行郡與墓誌合武夷建甯名山故以自署云

宋徐樞萬石山題名

西安徐樞被命假守以淳熙乙未之秋抵郡公退無事頗成園
林之趣每至七地愛其幽邃無塵俗氣燕坐常終日丁酉秋九
月因命蒔荷于池增雨中打葉之勝且記歲月於石聞男徹徹
敦敦增雎陽戚信厚侍

金石窰右刻正書六行郡後梅孝女祠前舊時緒水成池非
山泉有源之水其地本岡阜開澹難而填淤極易近則已成
平陸矣丁懋儒之疑九巖在此亦非無因但不得卽以池爲
東湖耳

金石補正徐樞知永州通志列光宗朝殊誤可据此易之

宋潘時等澹山巖題名

金華潘時開封王寅缺王遵蘭溪邵夢祥同缺瀉熙乙巳春三月下缺

金石補正

右刻三行行存八字分書下截殘泐潘時字德鄰

由提舉荆湖北路常平茶鹽改南路提點刑獄後知廣州復

知潭州安撫湖南王遵以瀉熙九年判永州乙巳為瀉熙十

二年

宋朱文公題周濂溪像贊

濂溪先生像贊 道喪千載聖遠言湮不有先覺孰開我人書

不盡言圖不盡意風月無邊庭草交翠 晦菴題

零陵縣志周子遺像在濂溪書院乃南宋時通判方疇自

九江府從先生諸孫得之前郡守魏紹芳重刻奉祀

永州府舊志案道州石刻周子像右有後學秀水卜大同刊

八字左有知州錢兌同知張鉉通判吳湯輔上石等字永州

石刻像則又 國初魏紹芳所摹刻皆非方耕道元本也瞿

中溶以魏為宋時守蓋由縣志六百年一語致誤今並刪之

宋張釜澹山巖詩

丹陽張釜以使事經從零陵同郡太守徐栢主管僊都觀口燧

來逕登借用山台先生韻紹熙壬子中爍廿有八日 澹巖類

古隱君子一見可洗千劫塵清曠信凶世間境經行如畫圖中

人山泉涓涓不礙墜靈草冉冉非關春題詩因管口逆子冷眼
閱盡惟唐珉 真僊窟宅在人境應有鸞駕乘雲歸物華初見
訝三島墜脈遠來從九疑有石可礪食槩齒有泉可濯凝塵衣
清逆未足鷄報午一尊會合人生希

金石審八分書十七行詩字俱秀勁鉗憇平子當是道士名

號也攷宋史張綱傳綱潤州丹陽人紹興二十年參知政事

以資政殿學士致仕卒諡文定汪應辰論駁之孫釜再請特

諡章簡樓攻媿外制集廣西運判張釜直秘閣知廣州制云

紹興舊弼之孫以家學登世科湖湘明敏散之宜廣右謹將

輸之要蓋釜先提舉湖南常平調廣西此稱使事殆倉政也

綱傳未附載釜慶元間為諫官力排道學諸賢累官至簽書

樞密院事則其人華而不實者矣

金石補正永志載此舛誤極多其尤甚者以燧來逕為愁平

子且為之說曰鉗愁平子當是道士名號謬矣鉗字亦未的

確墜古地字錄作墜義不可通真僊下脫窟宅二字則此句

成五言矣餘不悉舉

宋洪彥華澹山巖詩

澹巖紀遊 嚴陵洪彥華叔昉 聞說澹巖天下稀乘閑得得

叩巖扉中虛上透真奇觀□□□□悟機 右一 朝陽巖

自次山顯鉗鉗潭由子厚彰山水得人名始重不元不柳□逢

黃 右二 辟秦人去幾千年介石于今尚塊然指口載魚行
播口爭如流水亦稱賢 右三 暗巖別是洞中天石曰石某
仍石田因口巖局知命戒貪口口復言旋 右四 老僧持
鉢傍山門古寺蕭然一味清骨相山林非富貴不應曾有訓狐
鳴 右五 紹熙甲寅重九前二日住山祖傳立石
嘉慶通志詩七律五首正書十七行已為景定甲子文子璋
刻詩其上故字蹟不完不能全錄
金石審石刻五首左行字為文子璋詩所掩讀竟不能成篇
惜哉

金石補正右詩書刻俱劣故後人不甚愛惜之通志以為七
律并脫晒字永志以叔晒為題字皆未細審之故以余諦眎
之不可辨者十二字耳王俊題名內洪彥華自署教官此前
一年或已為教官矣後知武岡軍見真西山薦狀樓攻魏外
制集

宋滕瑱澹山巖題名
楚村真逸滕瑱伯真父

金石補正官志滕瑱孝宗朝令平江光宗朝令宜章今宜章
野石巖有其詩刻紹熙二年所作此題不著年月附光宗末
宋王俊等澹山巖題名

路分王俊邦傑教官洪彥華叔晒判官趙汝忱德恂推官葉天

休嘉承戶曹攝零陵縣趙不揉從朴慶元乙卯季夏十有一日
同至

金石萃編正書五行史宗室世系表太宗九子長元佐封漢
王汝忱即元佐七世孫善強之子太宗六子元偓封鎮王不
揉即元偓之五世孫乃武節郎士崱之第四子從事郎
永州府舊志案宋史職官志有路分鈐轄路分都監本征行
使職後蓋所在皆設焉

宋徐喬澹山巖題名
後二十八日臨川徐喬用之自潭如桂王臣因復載酒與洪叔
晒俱來

金石審石刻正書四行王司寇誤置嘉祐辛丑之後今始得
而正之

宋俞激澹山巖詩
吳興俞激子清以職事行都至零陵訪澹巖解后莆田翁點沂
伯金華蔣用之子先少憩觀覽因賦此詩慶元三年四月二十
有一日 傳聞此地稀來為細搜奇眩眼珠泉滴擡頭玉乳垂
虛明天廣大重疊石參差坐久衣襟潤聲翻笑語隨幽深多怪
巧高下複透迤歷覽仙君蹟難酬太史詩自然千古意形詠愧
蕪詞

金石審右行書九行學朱巨川告身而頽放過之

永州府舊志案樓鑰外制集俞徵知常德府話詞有云有公廉之操得溫厚之稱則其賢可知此云行郡則此時必已遷憲使矣

金石補正永志所載有譌俞徵知常德府在光宗朝其遷擢志不及詳此云以職事行郡則為憲司矣蔣用之時為永州推官志不言里貫據此知為金華人翁點當亦官於永者志無之

湖南通志卷二百七十三

湖南通志卷二百七十四

藝文志三十 金石十六 宋

宋澹山巖覺皇臺三字

王淮澹巖記洞外一戶下搆一佛寺上鑄覺皇臺三字

宋澹巖二篆字

澹巖 字長四尺廣三尺 慶元己未重陽永州通判徐大節篆 右零陵令

王淮上石 款左

金石文編澹山巖洞門外上鑄篆書淡巖二大字長丈許

宋王淮朝陽巖題名

零陵令君王淮伯清慶元庚申歲閏口月廿有二日招北嶽王

沈叔甫桐鄉口致祥和之過水西憩火星巖滄若石上飲朝

陽洞竟日乃還男荷侍行致祥敬題

金石萃編行書四行在黃彪題名之左宋史有王淮傳字季

海婺州金華人歷仕高孝二朝未嘗令零陵則別一人也題

云過水西憩火星巖方輿勝覽火星巖在永州西江縣地勝

景清為零陵最奇絕處零陵縣志巖在翠玉山之側明嘉靖

中改名德星巖餘俱無攷

金石補正萃編及湖南省府志俱誤沈為沈并缺朱回二字

浙中三茅觀胡桀題名內有北嶽王沈叔甫者即此人也後於此題十七年

宋王淮柳巖題刻

柳巖橫勝 伯清令男稽書旁款小

金石審右刻在柳文惠祠後里許平地石巖上巖石久為石工所侵削已失真面巖口惟存王伯清一記伯清以荆題刻久失之矣

金石補正無年月王淮題字而其子書之當與記文同時即附於後稽永志誤作稽

宋王淮柳巖記

柳巖記三小 零陵人世傳有巖在愚溪之右柳司馬嘗遊焉既而失厥所在三四百年間守令屢徧索不獲郡人常以為憾予來為邑乃得此巖谷中荆榛篠蕩楚茨葛口綢繆錯雜蒙龍其上即口剪伐芟夷烈火而焚之谷崖始突然而出崢嶸削拔委曲延袤如張屏鄣巖局豁於中巖之內爽塏寬潔可游可宴其奧窈窕巖之外竅穴如鼻如口如窗如戶透邃貫通不可悉數觀者無不駭愕歎息皆曰此巖密邇愚溪寥寥數百年莫有知者今一旦軒豁呈露豈非地靈固秘有所待而後出耶予以為柳司馬紀永之山川最詳遠至於黃溪微至於石渠皆口之記茲巖近且顯儻嘗游焉甯無一語及之若以為傳之者妄今乃果有是巖此殆不可曉也然既嘗傳其名固當藉柳以為重柳在零陵鬱堙久矣巖昔似之茲乃得披蒙昧而觀口日子誠

有力焉柳遊西山然後知向之未始游游於是乎始于於此亦云口口訪古尋勝者邑士潘立國立基嘉泰元年四月朔口門王淮伯清記黃才雲刻

金石審右行書三十四行用筆絕似蘭亭敘巖石皆黑而此石獨白質細潤惜為乞人薰燥非復本色矣丁亥伏日余始遊斯巖為廓清其地埽除亂石洗滌塵澆伯清之迹於是始彰

金石補正永志缺助予二字及夷門夷字並誤如曠之曠為窗其黃才雲刻四字余未之見此後接刻王困道題名此四字不知所在也宋史有王淮字季海金華人孝宗時相卒於淳熙十六年蓋別一人又有王沔之弟亦名淮濟州人任殿中丞謫定遠主簿亦非此王淮也記有遠至於黃溪云云案柳柳州黃溪記云北至於浯溪西至於湘之源南至於瀧泉東至於黃溪東屯其間名山水而村者以百數黃溪最善又有黃溪聞猿詩

宋趙仲義澹山巖題名

嘉泰癸亥仲春上浣日東都趙仲義來游澹巖徜徉終日男師曹師屬侍行

金石萃編正書六行史宗室世系表太祖四子次子德昭封燕王師曹師屬皆德昭七世孫師曹之父伯選師屬之父伯

道皆贈從義郎

永州府舊志案世系表師曹為伯邈子師厲刻處稍離而近伯道自應右屬為伯邈次子方與題名相合仲義蓋伯邈字也王司寇分屬二父則柄鑿矣

宋徐夔澹山巖題名

歷陽徐夔宜伯貳郡春陵被憲檄之長沙道由淡巖艤舟登覽勝業而去時嘉泰癸亥五月十有一日 寺僧致瑄上石

金石補正永志失審勝業二字徐夔名不見官志宗氏既見此刻仍未据補官表何也

宋魏子師拱秀亭題名

壽春魏子師臨川王叔弼嘉泰癸亥孟冬廿有五日同來

金石書正書四行在羣玉山背按是五行

宋孫介宗澹山巖題名

晉陵孫介宗光裔來守春陵之明年引年休官得請還家淡巖知名尚矣艤舟縱遊一覽勝業遂欲忘歸男君陳孫繼會晞會象會憲會侍行嘉泰甲子正月三日 門住山致瑄立石

金石書行書八行極似平原鹿脯帖

宋李震等澹山巖題名

開封李震亨仲汧陽段晉龍伯津鄭山王圭粹伯來游領月臺之風漱石井之泉摩抄山谷老人永州淡岳天下稀之詩徘徊

觀音岳窮幽極勝醉心溢目而后歸時嘉泰甲子季春中澣日

金石碑題正書八行

宋臧辛伯澹巖詩殘刻

嘉定甲戌 十六字以 辛伯書侍行 元柳按奇 詩傳眼看巖 明卻有天淵 藤寫壁鏤

古望斷飛鴻夕照邊

金石文編此刻正書八行行十二字其下半截為咸淳乙丑王亞夫磨刻題名故文不全其姓名并不可攷後五行七律詩一首也

金石書案省宗官表有甯宗時通判永州臧辛伯殆即此人

金石補正通志巖誤峯并缺邊字永志晴誤暗又十六字三字誤刊在小注內涵即涵字兩志均誤作滔永志并作滔滔

尤非涵與下句藤字為對也夕照二字兩志亦均缺

宋易祓澹巖詞刻并跋

祓奉陪判府府判諸丈為澹巖之游回視融之仙巖全之確巖殆相長雄使祓向不以罪斥則安知天下有此清勝謹以詞紀其實祓皇恐再拜 自古清勝地江帶與山參夸娥擘此石罅不獨嶺之南初見仙巖第一再見確巖第二今見澹巖三邱壑皆有分品第不須談 望前驅陪後乘被晴嵐出城一舍而近峭壁與天參不使塵埃涓脚忽覺煙雲對面鶴取可同驂杖屨

從歸去此樂湘潭 晉羊叔子嘗登峴山言詠終日慨然與自有宇宙便有此山之歎中郎鄒湛謂公聞望必與此山俱傳是知山川顯晦有時因人而重仙確二巖以待讀直院尚書易公發揮於陰眺之餘遂增融全之勝零陵澹巖元柳搜奇未之見也黃太史足蹟一到詩句流人間而天下稀之名始著今茲星履經從訪古歌以水調大書同遊以壯泉石太史聲名相為輝映豈偶然考耶暉輩獲陪杖屨敬鏡之翠珉以為巖洞之光云嘉定丙子夏六月下澣朝請郎權知永州軍州事沈暉跋奉議郎權通判永州軍州事呂昭亮書

金石補正右刻上截十五行行書下截十三行正書前人未搜出易被甯鄉人攷見活溪詩跋沈暉沈千之曾孫卽刻元祐黨籍碑於融者彼刻係嘉定辛未在此前五年蓋由融州量移永州者其里貫則古管也呂昭亮呂頤浩之孫嘗刻高宗手札係嘉定十四年在此後五年署銜行司農寺丞或卽由永判內擢者仙巖卽老君洞明統志云在融縣東五里詳真仙岩跋易祓有岩亭賦石刻在焉確巖明統志云在全州北十五里巖上有飛泉噴瀉如練中有觀音像蓮花臺旁有一穴深窅秉燭可入又名漱玉巖

宋雷筠澹山巖詩
起仰高山積有年忽看巖巖鎖雲煙一塵不到非凡地六月當

〔光緒〕湖南通志 卷二七四

知不暑天昔有秦人嘗穴處世從山谷始名傳品題自古因人重我漫邀僧煮石泉 清源雷筠端父嘉定丁丑杪冬八日行郡來遊與僧文思酌衡嶽茗誦山谷詩詳徇久之因識歲月

金石萃編正書七行
永州府舊志石刻係行書字徑二寸餘骨氣雄強用筆似山谷

宋呂昭遠澹山巖題名
自天地開闢而巖竇奇觀已出神剌鬼口之巧疑非因人之力也活溪石與天齊之名以元次山刻題而顯繼得山谷老人題詠而重是不人而若永州澹巖之名何以於山深甯明偉始發輝於山谷天下稀之句是綸使郎中先生雷公又篇章之妙翰墨之工光賁洞穴繇此知茲巖勝槩因山谷題品於前而名始彰復因我公題品而名益揚不其幸歟用是公之詩刻之石為巖扁重 嘉定戊寅二月之吉議郎權通判永州軍州攝州事呂昭遠謹書

金石審石小真書二十一行名用并書法幾不可辨景定劉錫八分書蓋其上幸未磨去猶可見也雷郎中當指雷筠昭遠後知武岡軍見省志官表

金石補正寶字訪碑錄載劉錫題名云舊有嘉定戊寅呂正書劉書卽刻其上此卽是也永志載此闕譌不一而足呂

君之名是昭亮不是昭遠以易枚詩跋證之尤可無疑此因刻畱詩而跋之故云以公之詩刻之石宗氏以題名標之亦未得實

宋王枏澹山巖題名

通守王枏仲方攜家來遊嘉定己卯三月二十六日

金石審右刻行書二行在鞏辨叔題名之左

金石補正王枏為通守通志職官失載石刻正書尙有唐人筆意永志以為行書非

宋董與幾澹山巖詩

厥初誰剖混沌殼光明僅透天一握龍門鑿斷工有餘剗劃巉巖開灑落我來沆碭千厓高溜雨萬丈聲蕭騷巖上風煙巖下水曉尋丹竈夜漁舸 嘉定十二年重九日鄱陽董與幾書同游開封斛逮

金石補正此亦前人所未見七行行書永志官表董與幾知道州嘉定十一年任此正知道州時也通志失載斛氏見姓氏急就篇北齊有斛子慎又宋有斛繼善紹興間知汀州見萬姓統譜

宋王子申澹山巖詩

坤靈孽罅天幻奇一到倦凡覺兩歧處士清風存萬古詩翁雅句見當時洞深不礙煙雲逸丹就那知日月遲更上層臺瞻佛

象媿無法語勘狐疑 郡丞三山王子申攜家偕臨汝董叔雲子蒲孫同游時嘉定庚辰孟冬九日男憲孫頴孫侍行因畱唐律以紀歲月云

金石審右刻行楷書十八行金石萃編作正書十四行非也宋董居誼羣玉山詩記并鍾某和作

陳叔宜印積天□與□□同訪宅仙洞洞之下舊有羣玉山漫莫省其處山中道士云罅在山之陰罅中猶有字刻可辨荒蔽為甚人蹟罕到余亟與同來二三客隨其所之極其所止而休焉徘徊四顧怪石林立峭拔透人眼成畫去東南十許步有隙如扉疑通乎山之巔而鼓篁蔓棘雜錯相拒不可著足未免俯僂攀援而升山回路轉巖竇畢露爭奇獻巧應接不暇出而舉手相賀凡一山高下妙處皆了然在吾人胷次矣繼而約副將趙聲遠循前日之所經歷命斤誅穢隨勢取蹊以達于山之趾後月餘又得翻經臺故基以據于山之會盡取當時造化融結之功貫而為一自是無入而不自得或謂此山距郡城能幾豈無前輩題品而湮沒經歲若無聞焉何邪余曰天下事久則廢廢則興如環無端不容終詰者不獨此山也余今日幸而與之相遭苟弃之而弗顧則此去興廢又未可量宜立游亭以昌厥後原囑聲遠為董其事越旬日而成因賦五言詩於其上

遂爲山中復此一段奇觀然人之好惡不同物之隱見有數更數十年後又安能保興廢何如哉煙霞痼疾不能自己度不滿識者一笑臨川董居誼仁甫 圖寓零陵過一年每憐兩腳負山川忽從榛莽窺神祕似與仙家有宿緣石刻嘉名歲月多苔封蘚蠹欲消磨天成有景無人問不著新亭奈爾何浮世囂塵不可干漫山琮璧照人寒客來莫認爲頑石具眼還須作玉看頃年曾入道山來天上圖書不受埃今日有懷羣玉府又從人世得蓬萊經臺石磴鬱深幽曲折中藏自一邱鑿破藩籬都是路從今任是永人遊嘉定十三年冬十月甲子 山有奇觀地之靈也然非經大賢題品則亦不顯永之羣玉山昔固嘗有鐫字以紀名者後復湮廢今歲□□□□陪侍郎先生披荒訪古山神拱聳爲獻奇恠遂建亭臺以□歷之爲詩章以黼黻之吾知山之勝蹟自此足以播佳名於不朽與涪溪淡岩相爲伯仲雖欲晦之而不可得□敬借嚴韻爲先生賀云門生鍾□惶恐百拜上 坤維借重屢經年咳唾珠璣散四川底事杖藜瀟水上只因泉石要攀援石涵溫潤秀峯多元費天工巧琢磨荆棘滿山煙雨暝時人不復記云何山靈有意巧相干遊賞前盟恐久寒多謝經營臺與館不將玉石混淆看主人領客渡江來車馬駢填漲霧埃祇恐榮成越後得賢將復詠臺萊□□□遍尋幽作記拳拳賀小邱若使蚤知羣玉□□□□

〔光緒〕湖南通志 卷一七四

紀清遊

金石齋右刻行書二十四行首二行全蝕記文上截爲兩漚所侵削字多隱約後半尙明顯可讀縣志僅載一詩今得五首居誼事實詳寓賢傳

金石補正右董居誼并鍾某和詩在火星岩雲洞永志未詳晰之居誼作僅錄詩篇誤竄爲刺通志載此記於山川住宅仙洞記永志載於名勝作羣玉亭記多與石本歧異要當以碑爲正鍾某和詩瞿宗皆未之見居誼記有約領衛鍾子正語此詩當卽于正所作而其名已泐其所稱侍郎先生者卽居誼也詩有咳唾珠璣散四川句居誼嘗制置四川也明統志云羣玉山在府城西巨竹清脩古木樛曲怪石萬狀地勝景清一郡之奇觀也宋嘉定間侍郎董居誼謫居於此江西通志居誼字仁夫臨川人淳熙八年進士屢遷左司諫起居舍人充金國生辰使至金會有內變悉得其國中事宜以歸除工部侍郎寶章閣待制爲四川制置使在蜀鎮靜不擾永志寓賢傳云以張福之亂責居永州

宋董鴻道羣玉山亭遊記

嘉定庚辰冬十一月日南至鴻道自臨川來省親零陵一見語鴻道日子近從榛莽中得羣玉一山之勝結亭其中將與汝落成之越二日侍嚴君由朝陽巖過宅僊洞至其地徘徊亭上怪

石環列私自臆度此邦勝處恐似是甚多猶未以為異也繼而
 由鳳石登前山之巔凭高眺遠江山城市了然在目而心始異
 之後復由石門上翻經臺屹然一石與臺相對擬名之以香鑪
 峯臺之下疊石如芝又擬名之以芝巖巖君皆然之飯已聽琴
 道庵抵暮方還越三日領衛鍾公又約遊淡巖巖中明敞固可
 喜然斷石橫道其景可一目而盡又二日再來訪是山點檢購
 昔所見觸眼逾奇此心至是始大異矣是日於萬竹蔭中又得
 一峯如列屏障左右有兩石踞立中可容小亭巖君欲榜以翠
 巖方此經理而鴻道將舉舟東歸因思此行畱僅兼旬如愚溪
 三亭諸巖前輩以殊勝名者足蹟幾徧而委蛇曲折中有不盡
 之意能令人係戀而不忍去未有若此山者也羣玉落成而鴻
 道適至口翠巖口口口口口口非於此山口尾口有宿緣
 乎因畱口口刻口口口以紀歲月云以下
 嘉慶通志行書十七行案寰宇訪碑錄有董鴻道涪溪詩此
 刻但見其名鴻道而年月皆合然涪溪並未見有董鴻詩豈
 卽此刻之誤耶
 金石叢石石在羣玉山前近青蓮臺行書十七行字法如率
 更鴻道不著姓案當時臨川董居誼關羣玉山鴻道其子也
 金石補正石刻亦在雲洞省府志均有闕誤茲据石本錄之
 一統志云羣玉山有洞曰宅僊永志謂在山南記云過宅僊

洞蓋自南來也明統志云宋郡守彭合新學舍得異石如鳳
 作亭覆之記所謂鳳石者卽此三亭在縣東山之麓一日讀
 書林亭二曰湘秀亭三曰俯清亭唐縣令薛存義建柳子厚
 有記亦見明統志翻經臺不詳其與廢居誼已云故基蓋歷
 久無攷矣文云畱僅兼旬則此刻當在十二月
 案此刻末二行文字存沒通志與府志稍異非於此山宿
 緣乎因畱刻以紀歲月云十五字通志所有也當非無据
 而意增之者今從之以俟他日拓審云
 宋羣玉亭三字
 金石叢石正書直榜姓名俱蝕疑與羣玉山三字皆董居誼
 所書
 木火星巖羣玉山三字
 零陵縣志田山玉記石壁刻羣玉山三字大二尺餘爲宋朝
 人書
 金石補正石二刻皆無年月姓名羣玉亭爲居誼所書容或
 有之要亦未足徵信羣玉山則尤屬臆測茲附宋末
 宋高惟月澹山巖題刻
 三山高惟月以慶元戊午校秋試於零陵竣事嘗遊澹巖觀山
 谷畱題後廿九年揭朱分符莫秋復游觀景物之依然歎歲月
 之逾邁歸興翩翩賦念奴嬌一闋 巖局不鎖算空洞深窈是

誰初鑿帝道六丁持月斧亂把雲根鏡刷駭目奇觀恍如崩頂
洶湧從天落謫仙何處翠珉佳句如昨 惆悵白首重遊多情
還似與青山有約且對清尊醅勝賞休想舞衣歌樂景物依然
頭顱如許何事嗟漂泊翩翩歸興故山無限林壑

嘉慶通志案是刻當是寶慶丙戌零陵縣宗志載其詞云王
昶拓本未全

金石補正慶元戊午後廿九年是寶慶三年丁亥也宗氏云
丙戌誤石本詞刻在前宗氏錄在題款後亦非

宋住山僧某澹山巖題名

乙酉季冬來戶茲山越明年秋有同道賢岳普濟上座相過數
月禪宴之餘徜徉口斯無或少厭時寶慶丙戌冬 住山不

金石補正六行行書前人失搜

宋許綸澹山巖題名

前守零陵永嘉許綸任滿東歸攜累來游妹婿鍾光大甥侯希
鍾鎡澄澄侍行時紹定庚寅正月二日題

金石萃編正書五行字書無理字似當作陸唐武后所製聖
字此仿而書之而有誤也

宋張友仁澹山巖詞

郡丞晉陵張友仁仲父自紹定庚寅二月十六日遊澹巖賦水
調歌 石屋勢平曠峭壁幾巉崑妙哉天造地設誰復謂神刻

瞻昔涪翁題品會說人寰稀有豈特冠湘南越取脚輕健相與
上高寒 避秦者君莫問意其間祖龍文密至今草木尙愁顏
贏得功成丹鼎久矣乘風而去跨鶴與驂鸞猶有白雲在鎮日
繞禪關

金石萃編正書十行

宋吳千能澹山巖詞

澹氏人安在縹緲九霄間我來惟有石屋周覽百尋寬一曲中
分夷險兩牖空光平布滿洞貯清寒高致自堪仰何必論金丹
周賢士知此意薄秦官一牀一枕依然猶伴白雲間門外俗
塵如海門裏道心如水談笑足回瀾此事無今古不信叩嶽山
伊維吳千能守瀟湘八閱月迺得遊澹巖真天下奇觀也賦
水調刻諸石弟千兒子奕侍客蔣涇曹昌佑偕行紹定庚寅清
明日

金石萃編正書十一行字數不齊

金石文編高斯得恥堂存稿永州續惠倉記云千能新鄭人
永州府舊志右刻瘦逸得褚愛州筆意雅同洛魚豢魏略云
漢五行忌水故去水而加佳賢賢古文

宋盧世甯等澹山巖題名并袁鎮詩

聖宋紹定四年辛卯歲九月中旬東陽盧世甯子安偕永陵袁
鎮安之周珣國寶因送住山臬公重領院事再遊斯崑徧覽山

谷壘公題品徜徉終日塵襟頓清臨風分袂書此以記歲月
鎮偶得二絕句併呈諸丈就煩匠者刻之斯崑同志者幸勿我
晒口鎮呈 誰道靈仙壁石開天然瓊室與瑤臺涪翁句裏會
相識料想煙霞許我來 右一 石門定與玉京連會著方壺
不老仙猶有當年丹竈在空崑寂寂鎖寒煙 右二
金石補正前後共十五行正書宋古文寶字見玉篇或即寶
之古文句裏作句裏刊刻之誤通志職官有東陽屬知常德
府疑即東陽盧世甫之誤猶王邦傑官路分而以傑路分爲
人名也

宋衛樵等澹山巖題名

紹定壬辰二月既望郡守中吳衛樵山甫通守四明魏岨居甫
偕推官權零陵縣事上饒余銳子允校官王庭簡夫以勸農來
樵謹書

金石審石刻正書七行似柳誠懸

金石補正通志職官魏岨誤作琚余銳誤作銳

宋婁續祖澹山巖詩

紹定六年歲在癸巳二月二十六日郡丞嘉興婁續祖題永州
淡崑 崑局寂寂幾經春中有神仙隔世塵不假棟梁爲大廈
盡藏今古往來人

金石萃編正書八行

宋衛樵澹山巖詩

嵌巖洞谷到會多無奈冥搜暗索何此處雲穿風月透短筇渾
不待捫蘿 慚愧州家一事無薄遊還愛小蓬壺若憑妙筆丹
青寫應勝從來八景圖 紹定癸巳五月既望郡守中吳衛樵
山甫題 石門僧住山了緣立石

金石審正書八行

宋婁續祖萬石山題名

通判永州嘉興婁續祖以紹定五年十二月二十八日到任越
明年六月二十五日被命權州事口中元日侍親來

金石審正書五行

金石補正永志缺以字題名未有所吉羊三字乃近來庸俗
所爲宗氏錄入并誤祈爲遊非也崑洞厓石間每鐫刻長命
等字及嬰孩小名者風俗然也祈吉羊亦其類耳

宋郭三聘澹山巖詩

憶昔遊澹巖文社四爲侶相逢各少年抱負俱有素訓狐聖得
知夜半叫已婁主人知客來倒屣相告語且言龍王神多有靈
異處慙慙扣科名吉兆齊確許未幾三先達陸續霄漢去轉眄
三十載獨我尙困沮行將買餘勇猶幸有孤注乘興偶重游寓
敬香一炷再拜問龍王前約何可負朱衣願點頭成就在此舉
擬欲鑿堅珉紀此一奇趣 涪溪郭三聘次尹紹定癸巳中秋

儲唐可大周衡仲重游感舊賦詩問訊龍王之神刻翠玳以彰靈蹟姑俟異日殊老證明

金石萃編行書十五行字數不齊

宋王淦澹山巖題名

嘉熙戊戌中宵十有七日襄陽卻塵王淦因衡聖家徠游萊人習隱盧汶聖絕侍行

金石萃編正書四行左行以號冠乎姓名之上則始於此題蓋在嘉熙二年南宋末之風尚矣

金石文編案王淦字淵道臨海人秦國公之望孫也紹興五年以恩補官魏了翁薦知衡陽縣多善政見浙江通志題名稱字曰困衡因古文淵衡古文道姓名與字俱合似即一人

惟據金石萃編以卻塵爲號則王淦當爲湖北之襄陽人並非浙江之臨海人又紹興五年至嘉熙二年相距百餘年時代亦不合豈浙江通志所載有誤或另是一人與

永州府舊志案此卻塵因道與習隱聖鄰皆一人上下書兩號當是祖貫襄陽南渡居浙者浙志紹興必紹熙之譌自當爲一人也淦好用古字而陽字從易則說文所非然漢韓勅碑兩用之不得謂無本矣

金石補正案兩浙金石志載有永州通判王淦墓志在臨海南鄉白巖寺其略云公諱淦字困道姓王氏會祖綱祖之望

考鈇公以紹熙五年郊霈恩補官後以舉主及格改知衡陽縣政聲既著輿誦攸歸適永口闕倅遂以公奏辟驥足方展遽得疾而卒實嘉熙丁酉六月一日也據此知浙志紹興確係紹熙之誤非別一人也此題名正在判永之時不數月而卒矣其自題襄陽者嘉定赤城志云王之望襄陽人字瞻叔紹興初寓臨海宗氏謂祖貫襄陽南渡居浙不誤矣其自題卻塵者墓志云曾次坦蕩自號卻塵暇日飲酒舒暢吟詠聯篇有卻塵集數卷是困道爲初字卻塵爲後來自號也湖南省志於神宗朝載其爲衡陽令殊誤并不及永州通志可補之墓志載其衡陽政績有平反枉獄及平高垓峒寇等事並宜據以立傳

宋王困道柳岩題名

卻塵王困道同口隱盧鄰來游戊戌三月廿六日

金石審石刻正書三行在王伯清記後前淡岩作聖鄰而此用一字作盧鄰豈又一人耶抑可單舉一字邪

金石補正紀年但書干支不著建元以淡岩題名證之知爲嘉熙二年隱上所缺是習字

宋張口之跋會宏正詩後

巖以淡名郡志謂古有不鹽食老人處其下稱淡氏因以名巖茫昧難信至云秦人周正實辟世之地理或有之意其欲深絕

人世塵故名淡耳山谷題詩云去城廿五里近天與隔盡俗
 子塵巖雖奇初無聲色臭味可以娛悅人耳目鼻口故俗子罕
 到俗子安足計自秦以來千數百年中間元次山柳子厚搜抉
 佳山水幾徧而此巖獨不及其淡可知得山谷言始顯然竟
 坐去城相遠郡雖當舟車往來通道士大夫非酷者幽趣者鮮
 有輟程訪焉今都運會公先生以湘臺易節八桂道經
 赫奕之秋乃有解轡淹辰訪於俗子罕到之地
 可與世俗異好矣古之高人勝士聞見固有不齊然皆山林
 之味勝於市朝故吐為文詞發為事業拔出俗遠甚味公兩
 詩清幽閑雅淡不華與巖相似持是以廉一道其能激濁揚
 清獎靜銷躁化俗而古之無疑矣山川以人重公江西人先
 朝忠節公子忠節慶元間以學禁去嘉定更化累詔不就天下
 高之公風節是似所以重此巖者不獨以詩也清祐壬寅良月
 既望門生從事郎知永州零陵縣主管勸農公事兼弓手寨兵
 軍正張口之謹跋 住持僧仁口監工 毛尚刊

金石補正廿五行正書會公不詳其名以湘臺易節八桂及
 江西人忠節公子二語攷之知為宏正也宏正以湖南提刑
 調廣西轉運使其父名三聘諡忠節此其入桂時經過所題
 之詩詩為明人劉養仕磨去淨盡間存一二筆蹤乃是篆文
 甚可惜也宏正又有涪溪詩即是年季秋所題此刻在十月

計是年當抵桂州瞿氏謂二年壬寅正官湖南提刑逾年去
 任誤矣廣西元岩隱山水月洞均有其題刻其曾孫天驥跋
 水月洞詞云癸卯調廣西運使想係歷年稍遠記憶微差耳
 三聘傳云侂胄指為趙汝愚腹心坐追兩官與祠跋所謂以
 學禁去者指此傳又云尋差知郴州提點廣西湖北刑獄皆
 辭不赴跋所云累詔不就者即此

宋趙與泳澹山巖詩
 玲瓏巖竅高倚空霧靄山巔氣鬱蒸征途倍喜憩美蔭石室况
 乃來清風屈曲兩門最虛敞不斤不斧誰施工眼高城郭喧轟
 外詩在煙雲縹緲中我來情思良不惡盡洗朱墨塵埃曾惜哉
 距城稍遠遶歸鞭未著心冲冲天開地闢此巖峒山谷品題名
 始穹安能廣作萬間屋震凌風雨皆幘幘 麥秋邵農隨侍郡
 侯杖履獲遂澹巖一遊浪吟古句聊誌歲月清祐乙巳八月下
 澹郡佐趙與泳題 住山元秀上石

金石齋右刻行書二十二行其文如憩上從甘蔭下從長巒
 中從貢仲冲作冲冲皆俗誤也

宋趙與泳羣玉山詩
 偶侍郡侯口遊羣玉浪吟二絕聊記歲月肯清祐乙巳菊節前
 一日郡佐趙與泳題 玲瓏奇石繞林間屈曲高低未易攀非
 斧非斤誰運巧偏來琢就此蓬山 右一 此景元來已不凡

高人那更脫塵寰清幽爽境舒情思頻賞無非吏事閒 右二

金石齋行楷書十行案宋史宗室世系表秦王九世孫有與

詠此刻水旁必史文刻誤也

宋高不傳澹山巖題名

蒙城高不傳壽卿瀟八戌冬領春陵郡瀟十戌春丐祠得俞季秋望後三日道經澹巖巖舟岸下登山入洞瞭然一鏡歷覽奇觀以快曠曠方豁然涪翁所謂澹巖天下稀之句昔聞而今見之亦自謂無負此行時領學生彥準館人合沙林揪羅夢協偕到乃慧明主人元秀為之領袖云

零陵縣志高不傳案府志表乃瀟祐時通守瀟八想是瀟祐之八年戌必歲字之譌十戌當是十歲

嘉慶通志案高不傳作蔡西山祠記乃瀟祐九年則此瀟八

戌戌字當是戌字之譌蓋謂瀟祐八年戌申也下云瀟十戌

者則謂瀟祐十年庚戌也宋末人往往有此等語惟上記天

干下記地支似更無謂宗志謂皆歲字之誤疏矣

金石補正高不傳知道州省志載之永志云瀟祐八年任亦

合舊府志以為通守恐誤或會權攝耳後恭帝時又知桂陽

軍方而豁然而當讀為如省府志均闕之瀟八戌冬戌字之

中微有石泐痕與下戌春戌字迥異宗氏乃謂瀟八下果係

戌字殆為乃翁曲護也石刻十行宗氏作八行亦疏

宋虞廷永州學釋奠詩

先君滄江守三池丁祭宿齋所賦 洙泗微言日夜行天高地

下昨猶今□□□□六經意識得皇皇萬古心宗廟百官誰不

見朱絃疏越有知音同人得似三池盛屬目冠裳儼若林 廷

假守二水秋丁釋奠宿齋靖惟湖湘理學自周公倡之五峯

南軒繼之遠有端緒因記先君舊賦和韻述懷錄呈別駕並東

僚友寶祐元年秋八月丁未會稽虞廷 正學昭昭貴力行湖

湘一派到于今好翻愚島詞拳手密察濂溪理窟心二水秋清

巖奠禮九疑雲□想韶音詠歸也覺西風好須信詩□在泮林

金石文編右刻在永州府學虞廷之廷說文解字訓極巧視

之也从四工廣韻上聲二十八獮知演切又視戰切解與說

文同展字从此字得聲也涪溪張仲題名云丞郡二水此題

名又云假守二水二水或以楷書永字拆開言之或因後人

謂瀟湘二水至永州湘口合流言之亦未可定攷水經注但

言湘水並無所謂瀟水古瀟字作瀟玉篇始作瀟說文云瀟

清深也廣韻入聲瀟下云深清也鄭道元水經注瀟湘之浦

下亦云瀟者水清深也廣雅云瀟清也高郵王給諫念孫疏

證又引湘中記曰湘水清照五六丈是納瀟湘之名矣是瀟

湘之瀟取清深之義後人以瀟湘為二水者非子案廣韻平

聲瀟下云水名又唐柳子厚愚溪詩序云灌水之陽有溪焉

東入於瀟水又云子以愚觸罪謫瀟水上蓋以瀟湘為二水名實始於唐至宋祝穆方輿勝覽遂有瀟水出九疑山之說自後瀟湘並稱無有知其非者矣

金石補正永志校補完備惟九疑雲近疑仍誤經並缺近字耳須信下頗似清字石已殘泐仍從宗氏作詩通志職官誤

案右詩刻華嚴殿行書十四行字數不齊金石萃編誤以為十三行嘉慶通志滄江下脫守字以下多缺字金石審從拓本審出齋所微言朱絃疏越有裳儼相理雲想韶好須信詩在泮二十二字今悉補正之

宋趙帥幹游澹巖詩

權府帥幹趙公題澹巖 山行 愛殺瀟湘境山行知幾重風

清秋思重雲淡曉光濃隔水時呼艇緣崖自策筇巖扁聊問訊

把酒欠從容 聞飛狐 舞毒山中誇巨蟒聞經巖下化靈狐

不知昨夜飛鳴處會報溪翁到此無 山谷碑 長記兒童膝

下時便聞山谷澹巖詩江湖老矣瀟湘過始得摩挲石罅碑

雷神廟 此洞當年本祀雷棟梁見我忽傾推寺僧為報山靈

說不用驚疑俗客來 丹鑪藥臼 巖中二子已飛仙藥臼丹

鑪尚儼然無奈故鄉心正切未由此地結清緣 石井 酌泉

石井喜無涯喜與貪泉隔嶺西況有中秋明月輕舟同載下

浯溪 實祐甲寅秋蔗谿趙立作佳山元秀上石

金石審右行書二十八行用筆洒落其署名一字獨小而帶草舊審作立零陵補志審作世而連下一字為名細視又似在字今姑仍舊書立字而題但書帥幹以闕所疑

金石補正趙帥幹名立零陵舊志不誤補志以為世永志又云似在字皆非案廣西伏波島有其題名云蔗溪趙立德成以實祐甲寅歲閏六月十有一日攜家東歸此詩云江湖老矣瀟湘過云無奈故鄉心正切云輕舟同載下浯溪正其東歸過永所題也宋史有兩趙立一為徐州人建炎四年死節一為重慶人德祐年死節此題名者疑即宋末之趙立也史附張珏傳云以上書迂賈似道被謫德祐初起為大社令湖北提刑使惟史云字德脩與立所自署之德成不同史言被謫亦不言其入桂立稱蔗溪又係自號而非里貫未可遽以為是姑識俟考緣崖之緣通志作經肆毒之肆永志作舞均形似而譌飛狐上亦是狐字當是書寫之誤舊縣志作孤補志作咏尚涉形近通志刪此一字永志以意改之云應作聞與諸詩標題殊不一律又風輕之輕永志作清曉陰之陰永志改作光專輒矣輯詩詞則可錄金石則不可

宋鍾有大澹山巖題名

景定壬戌春正月晦零陵令鍾有大以返繡使俞計院宿此巖

寺二月望再待判府邱秘丞劭農題名以紀事云

金石萃編正書六行

金石文編會計院當卽後涪溪仲春題名之俞揆也宋時有
審計院設官專司會計錢穀出入俞揆蓋由審計院官出爲
荆南提刑故有計院之稱鍾有大零陵縣志職官未載
宋文有年澹山巖詩

爲愛溪山來永州黃茅白葦使人愁驅車遙指箭峯去峯在瀟
江最上頭江轉峯回景奇絕澹山嵌竇眞天設摩抄丹竈酌石
泉髣髴曾遊今幾劫徵君徵君苦避秦一秦人又一秦人青山
踏破無扁緡何地堪逃世上塵 景定壬戌四月望郡從事眉
山文有年題於是吾宗默庵開堂之三日也 住山應遠上石

永州府舊志行書九行字極飄忽

宋張孝先等澹山巖題名
臨淮張孝先郡人卿槐錦江陳時中謁靈祠就過澹巖景定壬
戌菊節後三日書石以紀行

金石萃編正書五行卿槐卿姓見風俗通云虞卿之後然無
一人登史傳者此云郡人豈永州著族耶

宋陳宗禮澹山巖詩
永州澹巖天下稀山靈妙斲涪翁知蹲狎鳳獻穎異中有仙
佛來娛嬉我生骨相口冰雪心境相口口擇悅緣硜自笑來已

遲猶見巖前古時月 景定壬戌陳宗禮書住山應遠上石

金石萃編行書十行陳宗禮字立之涪祐四年進士累直煥
章閣遷秘書監以監察御史虞慮言追兩官送永州居住景
定四年拜侍御史此題在景定三年壬戌正居住永州時也
嘉慶通志案零陵縣宗志骨相下缺一字作全擇悅上缺二
字作符生

金石補正陳宗禮廣昌人涪祐四年留夢炎榜進士縣志骨
相下作全字擇悅上作符生二字以余審之全字僅存一捺
符字僅存上半未可遽定永志以竹頭之字爲籌云義同等
或借通傳較符字爲長錄金石而出以已意非余所知也錢
潛研云審碑爲難若事專輒則不難矣緣輕作緣硜亦誤
宋張遠猷澹山巖詩

巖竇天下奇黃詩天下稀洞明無所隱石執爭欲飛雷鼓今猶
在澹仙何未歸磨崖文斷滅苔蘚卻成衣 景定癸亥中秋二
日會稽張遠猷書

金石萃編行書六行
宋釋紹珪澹山巖詩

使君得佳句簡巖如猗那著之巖石中千古不可磨 住山僧
紹珪謹誌

金石萃編行書三行字數不齊在張遠猷詩後

金石補正右張遠猷并紹珏詩萃編及湖南省府志均分為二刻非也紹珏刻張詩因題四語使君即指遠猷耳永志執作執僧上脫門字誌作志均非其云王蘭泉載此刻末無山僧紹珏等字尤誤萃編有之惟誤珏為瑤耳且門誌二字不似永志之誤

宋華嚴巖景定癸亥詩

游華嚴巖偶得一絕漫呈口長老口口道人口口上人如泡影隨時滅巖號華嚴振古存今世摩抄前世刻晚鐘山寺口黃昏 景定癸亥中元題

金石萃編行書五行

嘉慶通志案零陵縣志載此詩為僧長修作華嚴上缺一字作巖號摩準作幸畱又中元作中冬

永州府舊志案此刻荆有三行其一書題華嚴巖二行書銘口口口長老三行有沙門字蓋僧詩也長修二字恐誤

金石補正宗氏見有前三行而仍未錄入且多闕誤茲悉正之長修蓋即長老之誤作詩者口口道人也弟一字似遁

宋文有年朝陽巖羣玉山詩

朗吟曉過瀟江曲錦色平鋪亂川綠翠屏突兀一千尋獨上高岡展遐矚不知威鳳何處鳴但見燭龍初出浴神仙洞府寄山阿中有寒泉鑄佩玉仰看峭拔俯漣漪似與幽人隔塵俗漫郎

好事破天荒此意吾儕當陸續 右朝陽巖 零陵舊有舜遺風玉帛充庭萬國同畱得琮璜滿空谷更將發磬貯當中款款躋攀緩緩歸約回徒御勿相隨鱗皴夾道皆千尺祇聽松風亦自奇 右羣玉山 景定甲子邵農日郡從事眉山文有年

案右刻見永州府舊志今據金石補正正其訛

宋文起傳澹山巖詩

拭目澹巖景鶯花三月時洞堆鐘乳石林擁梵宮基泉瑩宜烹茗崖穹好筆詩勝遊情未倦又促解舟維 果山文起傳泝流省親來觀勝景

金石審右刻行書十一行在唐可大題名下起傳父子璋官

道州佐不知其為丞為倅州志佚之

宋永州修城記

零陵縣志景定甲子夏教授吳之道撰

宋劉錫澹山巖題名

景定五年冬十有一月乙酉永嘉劉錫自道之瑞來遊子思侍濂溪友劉元禧因赴南宮偕行

金石萃編八分書七行

襄字訪碑錄舊有嘉定戊寅呂口正書劉書即刻其上

宋文子璋澹山巖詩

舟橫澹巖前巖局不計年臺高先得月石透可通天洞古依禪

刹碑殘紀昔賢勝遊回首望林麓鎖雲煙 景定甲子仲冬蜀東如齋文子璋自道之吉熾舟岸下挈家來遊男起傳道傳侍金石萃編正書十三行字數不齊

宋陳梅所澹山巖詩

陳梅所應角軒伯甲子仲冬初七日 天下人知此一巖霜清杖履雅宜閑閣峯儘有堪怡處猿鶴多時望客還 住山彌月上石

金石審右刻正書五行僧款一行即刻呂行中題名之上本不著年次因在呂後且咸淳乙丑彌昌立石者計當為景定甲子也

金石補正永志晴作清登覽作怡處均非此亦以意改者

宋杭一民澹山巖題名

汴杭一民咸淳乙丑清和時來

金石文編正書三行

宋王亞夫等澹山巖題名

襄陽王亞夫資中郭應酉石泉卷子炎咸淳乙丑夏閏六月同來僧彌昌立

嘉慶通志案右刻見尋陵縣志

金石補正王亞夫理宗朝知衡州見通志夏閏者是年閏五月也永志誤日為月并脫住持二字

宋馬德元實全器火星巖先後題名

錦城馬德元伯忱清湘實全器宗叟古洪趙時演德綸廬陵王國望介圭咸淳丙寅仲春同遊

金石審右正書六行案宗室世系表時演為魏王廷美次子廣平郡王德隆八世孫

丙寅秋社日實宗叟趙德綸王介圭重遊浚儀趙時澤德潛偕來

金石審右正書五行在巖內案宗室世系表魏王廷美長子高密郡王德恭八世孫時澤史從木作樺誤

宋中山亭三字

金石審右刻在羣玉山背橫榜下署三山王三字其名不可辨案題名有三山王熊祥甫子申殆即其所書

宋王熊等羣玉山題名

三山王熊祥甫昌元崔天覺道夫廬陵周士模叔規京兆胡興祖隆父京兆楊益孫直翁瀘南李泰孫伯和肯咸淳丙寅菊節前同登

金石審右正書五行近中山亭其間殘碑沒字者甚多未始與詢羣玉山題名

合沙趙與詢仁甫廬陵趙若訥文重長沙周起宗子高古洪趙時演德綸廬陵王國望介圭宋咸淳四年閏正月廿九日同遊

金石齋正書五行與詔秦王德芳九世孫若訥則魏王廷美
三子頴川郡王德彝之九世孫也

宋趙與澹澹山巖題名

咸淳己巳仲秋望踰浹合沙趙與詒仁甫以郡博士攝守倅出
郊勤麥偕攝令廣陵劉伯文致平行竣事就訪古迹寺僧請書
以記

金石萃編正書五行太祖第四子德芳封秦王與詒為德芳

九世孫希璫之第二子澹山巖唐張顥記云盤伏兩江之間
周迴二里有巖實可容萬夫古有老人處其下以澹氏稱
因名方輿勝覽云中有澹山寺樓殿屋宇隱隱縹緲中雖風雨
不能及四顧石壁削成旁有石竅古今莫測其遠近

金石補正末行上石人名諸家均失載

宋度宗字民銘及燕堅龍謝表

御製宸翰類 字民銘 泣事必公拊民必惠邇者有訓命既
切至咨爾令長守以勿墜宣朕實意斯為愷悌首行銜言恭

準頒賜御製字民銘口已望闕祇受銀石訖者伏以天頒一札

父母斯民地重八愚子男之國咨尔承宣之令懋哉撫字之心

口惶懼惶懼頓首頓首若稽我朝洪惟理考予告汝訓必廉

忠而公勤爾聽朕言以恭寬而體恕靈驚百里膏沐萬方垂憲

言於後人式克口口今日恭惟皇帝陛下堯仁舜德周誥商盤

念先王之惠困窮首嚴飭吏謂縣正之掌政令無易口誕渙

口於德音重巽申於明命口假為邑長祇在宅生治石磨刊口

與銘於肺腑口城保障敢不竭於懇忱口無任瞻天望聖激

切屏營之至所有銀石宸翰墨本壹軸謹隨表上進以聞口

惶懼惶懼頓首頓首謹言咸淳柒年肆月日燕口上表 當

觀先朝名臣作邑以視民如子四字置諸座右朝省夕觀至矣

哉字人者之龜鑑乎洪惟本朝以仁立國以口口以禮義廉

恥淑士大夫暨我理皇揭字民一訓做于有位于以陶四十一

年之盛治而開千百萬世之太平皇上嗣無疆大歷服念念在

民一日行天下一兩運舉康哉食幾詔小大之臣各欽乃職猶

懼弗兢咸淳庚午親製字民訓越數日游製字民銘天筆肆頒

雲漢昭回萬姓咸曰大哉王言又曰一哉王心口代匱男邦昭

受明詔厥有感於先臣龍學肅昔在天禧出宰臨卽縣削木為

檟施信於民而民信之口不肖懼不克率乃祖攸行謹拜手稽

首對揚王休陽城有言撫字心勞催科政拙此近民者所當加

之意苟違此銘天厭之天厭之咸淳柒年肆月日燕堅龍百拜

恭跋

金石齋石篆額四字銘行書五行下二層表正書四十五行

豐碑螭首環以雲龍樹零陵縣儀門燕堅龍燕肅之後燕肅
知臨卽削木為檟事見宋史本傳肅子度孫瑛俱有傳瑛死

靖康之難其家累世以忠節循良著聞觀其後跋可謂不隕家聲者矣

金石補正案史咸淳六年正月丁卯御製字民牧民二訓以戒百官而於製銘則略之表云親製字民訓越數日泐製字民銘可以補史之闕表有洪惟理考云云跋亦有暨我理皇揭字民一訓之語事在寶祐四年三月燕肅曹州人字穆之以著作佐郎知臨邛縣最後進龍圖閣直學士故表稱龍學也湖廣通志云燕堅龍知零陵縣民苦吏追攝乃刻木爲牘凡訟有連逮者書其姓名使自召之作字民銘刻石縣治則誤以此銘爲堅龍作矣刻木爲牘疑卽燕肅臨邛事而誤屬堅龍通志因之未能改正永志載此文譌缺十五六字

案燕堅龍表前一行銜名元缺嘉慶通志詳列銜款云咸淳七年四月迪功郎權永州零陵縣事燕堅龍撰或据舊志補之與

宋趙□□澹山巖詩

淡巖偶成 清江趙□□似德綸巖局二里鎖煙霏天下名山此本稀硬石穿空誰運斧寒泉滴雪欲添衣仙遊塵外杜蘿老僧住山間筍蕨肥自歎微官猶縛我儻容卜築定忘歸 咸淳壬申九月

金石萃編行書十一行

嘉慶通志案金石萃編脫首行澹巖偶成四字又以前俞希孟和盧臧詩題范陽同年示及云云十八字誤綴於此刻九月下今据零陵縣志改正

金石補正趙君名泐宗氏云似德綸二字審之未確宋永州貢院二字

貢院 文天祥書楊履順立

文信國復永州守楊履順書其嘗論一世人物紫朱其綬唱呵車塵若是者駢肩矣求其忠義貫日月處漢賊危疑之閒臨大節而不可奪至於殺賊奴取孳孽也如此事付度外豈不懷懷大丈夫哉父母講傳百年間吾見先太師一人而已某官鍾岷峨之秀嗣夔鼎之勳忠臣之門天人之所共祐國士之器君相之所簡知石崖齊天唐中興頌功處也公來其間甯不感慨今蜀道難公收拾羣人手揮天戈一節之還從甘棠刻第二頌旂常濯濯光於前聞人某何幸身親見之歸隱空山望湘雲千里不圖使者遽陟吾境仰惟明公張主斯文經始棘院以相龍飛興賢之盛大張門顏使某也得執事從君侯所以厚我不同他人小人雖無能爲役烏乎敢辭貢院二字僭易奉上進之退之惟命未諧握手往來心聲庶幾古道之概臨紙拳拳

永州府舊志案右貢院額零陵補志攷文山年譜斷係度宗

九年所書書中所稱先太師謂楊巨源也宋史本傳巨源字子淵成都人客居益昌善騎射涉獵諸子百家之書吳曦叛巨源陰有討賊志與安丙密誓又邀朱好義見丙謀決憂事泄遂以二月乙亥未明好義率其徒入僞宮巨源稱奉使有詔入內逆執殺曦丙奏功於朝以巨源第一補承事郎俄轉宣撫司參議官後以蔽功不平為安丙所殺巨源死忠義之士為之扼腕聞者流涕李珣投匭訟其冤朝廷亦念其忠賜廟贈寶謨閣待制官其二子以崔與之請官給其葬加贈寶謨閣直學士大中大夫嘉熙元年特諡忠愍此稱太師必理宗所加贈而史略之長子履正終大理卿履順蓋次子也

宋淵潛洞三字
金石齋右正書直題姓名時代俱蝕字法似出宋人手在羣玉山之尾朝陽巖之東

宋掘堂記
零陵縣志縣丞會迪建會口撰

宋石角山題刻
零陵縣志在縣東北五里許石上多宋人題識

宋澹巖佚名詩刻

口口比遊澹巖因成一詩敢用拜呈 行盡瀟湘山復山犁舟來扣澹巖關幽深雖與塵寰隔空闊猶容俗駕攀是處名山有

巖竇莫如此地最寬閑真人仙去知何在陳迹空留警世頑許真君石牀修 道處極高峻 住山致瑋立石

附嘉泰末孫介宗徐葵兩題皆是僧所刻也

宋火星岩佚名題記

前缺一字 下躬其字則荒涼望其林則翳履其涂則崎嶇口口口口有口人口口口而結廬口口洒掃以奉香火至於創建殿閣煥然一新種植林木鬱然而茂口口前達渡口昔之道路險阻口口口平缺兩行 三字 三孫侍行

金星補正右刻前人未見九行正書前後漫滅年月姓名俱已無存文云以奉香火云創建殿閣當是記火星觀之事盧臧詩序有往時黃冠師宅其側塑火星像為人祈福今宇壞基存緇徒構宇而居云云此記有結廬字疑即盧臧所謂緇徒也然觀之興廢未由攷其歲月附宋末

宋曹公美等澹山巖題名

宋江曹公美許醕老同遊 己卯仲夏望日

金星補正書二行年月書下截作三行
金星補正右刻在會孝雍題名之左永志列元符二年疑與孝雍同時人也未必非是然究無可證不若通志次宋末之為慎矣

宋淵冲子火星巖題名

尋勝閑題意歸於默不能思之觀崖之北 淵冲子

金石審正書五行字類顏清臣隱其姓名而寓言見道君子
哉若人弗可及也已

湖南通志卷二百七十四

湖南通志卷二百七十五

藝文志三十一 金石十七 宋

宋盧察題浯溪詩

留題浯溪 太子中舍知蒙州盧察 口後聲名人始貴真卿
筆札次山文二賢若使生同世口口悲不放君 天聖辛未
九年八月作嘉祐丁酉二年口月男臧上石

金石文編右盧察詩正書九行在磨厓碑之顛晤臺之左前
人未見

宋盧察再題浯溪詩

再題浯溪 殿中丞盧察字隱之 逆擊滔天亂大倫忠邪淆
雜竟何分欲知二聖巍巍力止在浯溪一首文 明道元年作
嘉祐二年十二月男臧上石

金石文編右盧察再題浯溪詩正書五行不齊在晤臺左前
人未見

永州府舊志案盧臧嘉祐中為永州司理河內人

宋陳統浯溪詩

讀元顏二公中興頌碑 提點刑獄公事尚書祠部郎中陳統
中興碑頌口崢嶸三百年來蠹不生湘水無窮流善價口山長
在聳高名文傳幼婦詞原瞻翰灑崩雲筆力精按部艤舟思訪
古拂塵珍寶眼偏明 經浯溪元次山舊隱 次山曾此隱溪

壑水清漪廢宅羣山合高名千古垂修篁森釣渚樂石聳豐碑
唯有喬林色蒼蒼似昔時 景祐五年十月二十四日 內殿
崇班□□祇候同提刑柴貽正同賞 進士鄭紘書進士周賁
刻

金石文編陳統詩正書十七行字數不齊在磨厓壁閒活溪
新志遺去前一首而以後次山舊隱一詩屬之書人鄭紘謬
甚又羣山合作羣山在皆當以石刻正之

金石齋宋史兵志有內殿直有散祇候各有都虞候指揮使
兼同提刑無攷

宋宋運判活溪題名殘字

東字十 構字九 中藏□樹□居□□□出遊則□□□□不□
□勝也僕自春陵□道過此久不能去因識歲月□厓八□三
月初九日□□□轉運判官□□□□□宋□□題

金石補正石行書為李若虛磨去改刻其詩僅存八行四十
字行字疏落筆致朗潤惜不得其全矣厓上是慶字尙有下
半又字可辨此刻未見著錄蓋皆忽過之耳

宋王志鸞活溪題刻

皇祐辛卯歲中冬廿有式日河南王志鸞因夜題

金石文編右古篆一行刻於修復活溪記元友讓詩碑後仁
古文作志从干心疇篆文作囑或作囑並見說文因古文國

古文四聲韻云出義雲章然以仁疇為名文義似不相屬或
因疇字从壽作囑竟借為壽字亦未可知

金石補正辛作三下本王存又切韻卯作非本石經日字
作△△見汗簡出諸家碑因古亦以為方字變見華岳碑而
此作△△从寸又與寸古文往往兼用也題作△△本義雲
章切韻餘詳瞿跋

宋狄青活溪題名

皇祐壬辰孟冬儂寇復邕管宣徽南院使彰化軍節度使狄青
奉詔致討明年季春朔凱旋過此 石州軍事推官掌機宜武
緯 大理寺詳斷官太子右贊善大夫掌機宜馮炳從行

金石文編右狄青題名正書五行在活溪磨厓右攷廣源州
蠻儂智高於皇祐四年四月反五月陷邕州及橫貴等八州
圍廣州嶺外騷動楊敞安撫久無功乃命孫沔余靖等討賊
仁宗猶以為憂時狄青以彰化軍節度使知延州權樞密副
使上表請行乃改宣徽南院使宣撫荆湖南北路經制廣南
盜賊事置酒垂拱殿以遣之時智高還據邕州青出奇兵大
敗智高遂遁去復為樞密副使遷護國軍節度使河中尹還
至京師帝嘉其功拜樞密使事詳宋史及東都事略今廣西
臨桂有大宋平蠻碑及平蠻三將題名皆其事也据三將題
名書以皇祐五年正月破賊二月班師至桂林詔換河中旌

節召遷樞密與此云季春朔凱旋過此正合後有武緯馮炳
二人銜名竝云掌機宜宋制招討使得奏辟隨軍書寫機宜
文字此青之從官也亦見三將題名儂智高者平蠻碑云賊
之巢穴曰廣口州交趾之附庸也父爲交趾所戮遂棄其州
奔南蠻界中僭號自名其居曰雲南道又曰南天國再名其
年曰景瑞曰啟歷云

金石補正石州上尙有兩字已泐省府志均未言之三將題
名內稱權攝諦審拓本石上似是權字亦僅存下半可辨或
係前權二字邪石州宋屬河東路今山西永甯州地

宋柳拱辰等涪溪題名

皇祐六年甲午歲正月廿一日尙書職方員外郎知永州柳拱
辰同尙書駕部郎中分司周世南祁陽縣令齊術遊此

金石文編涪溪東崖有柳拱辰等題名正書五行字徑二寸
許方與勝覽云柳拱辰其先青州人五季避地荆楚爲武陵
之青陵人年六十卽有挂冠之志初亭於青陵館名橋曰歸
老案曾鞏元豐類藁有歸老橋記爲拱辰作也洪邁容齋五
筆謂拱辰以天聖八年王拱辰榜登科殆應辰之兄明統志
載拱辰通判鄂岳州有惠愛弟應辰子平猷等相繼擢第人
號武陵五柳容齋五筆又載蔣世基述夢記云至和三年八
月知永州職方員外郎柳拱辰受代歸闕祁陽令齊術行至

白水夢一儒衣冠者曰我元結也今柳公遊涪溪無詩而去
子盍求之覺而心異之遂獻一詩柳依韻而和云云今拱辰
詩未見僅於石門西北面尙存銜名二行其前已爲後人磨
去改刻或卽詩之結尾歟皇祐六年卽至和元年是年三月
始改元題名刻於正月故稱皇祐六年拱辰尙有至和二年
六月澹山巖題名九月朝陽巖題名十一月華嚴巖題名又
三年二月建柳子厚祠堂俱在永所作則八月去官之說是
也同遊者有祁陽縣令齊術亦與述夢記合術平樂人皇祐
五年宰祁陽期月建三絕堂於涪溪孫適爲之記殆亦風雅
好事居官而知所先務者也周世南祁陽人登大中祥符元
年進士曾以虞部員外郎知郴州此題名銜云尙書駕部郎
中分司後又有詩一首署銜與題名同而改分司爲致仕攷
分司致仕者例得從便居住則分司猶致仕也時世南辭官
家居與守令同遊而列銜在邑令之上可見宋時鄉宦之重
縣志謂世南篤學有氣節以持議忤王欽若致仕又載其遺
事云少聘董氏女未婚喪明登第女父請改婚父貽書問之
世南曰人生配偶有定分始全終廢天也卒娶瞽女爲婦士
論高之則世南固亦卓然樹望於搢紳中者

金石補正萃編誤以爲岳觀題名重錄之柳拱辰知永州
永志官表以爲至和二年任者誤

宋柳拱辰涪溪殘題名

尚書職方員外郎柳拱辰書

金石文編右柳拱辰題名正書二行在石門西北面石上

金石補正省府志載此缺月日一行或失拓耳

宋周世南題涪溪詩

涪溪崖碑辭語精妍景物奇峭輒成五言四韻詩一首紀題

尚書駕部郎中致仕周世南 壁立石青蒼鄰溪復枕江刊銘

傳不朽縱筆記無雙怪□森圓□□寄□幢□□異景

金石文編右周世南詩正書十行在石門西石上後二行已

漫漶末句為人磨去改刻僅存末二行涪溪新志未載

金石補正省府志所載筆誤語文誤縱老誤記并缺樹幄奇

蹤四字府志又誤銘為名

徐彥君涪溪題刻

孫適三絕堂記東崖之嶺次山舊銘右堂頌之左皇甫湜詩

文漫滅不明濬而新之旁有徐彥君題名水發其光洞鑿百

里因并列之以示觀者

金石文跋涪溪有鏡石祁陽縣志涪溪志俱載之攷孫適三

絕堂記云旁有徐彥君題名水發其光洞鑿百里東舉雜錄

亦云中興頌刻南崖石鑑江之南北數里草木人物靈髮畢

見僧云昔人有鑿取去已行數驛夢山神追取即載還龍

崖上但方二尺許爾余偶命從者洗其旁二丈餘皆光瑩可

鑑僧驚云未見也又漁隱叢話云吾鄉乳溪有石厓亦光能

鑒物與涪溪厓石政相類人因呼為石照蘇黃門嘗題詩云

雲開石照政新磨鳥度猿攀野老過忽見塵容應笑我年來

底事白鬢多據此知涪溪鏡石在宋時已盛傳於世矣此石

上蓋有徐彥君題名作志者未及細攷而遺之也彥君不知

何時人予遊涪溪土人導予觀鏡石竝不見有彥君字蹟石

光亦不甚清透李時涪溪志謂乾隆戊寅為竊竄者損裂別

以一石補之乃知今所存者已非宋時舊物而彥君姓名手

蹟因此遺佚惜哉宋人避國諱嫌名鏡字皆改作鑑或作照

宋涪溪三絕堂記

涪溪新志皇祐六年三月推官孫適撰舊志孫碑在堂之西

北三十餘步日久碑仆

宋金鏡寺碣

祁陽縣李志在祁陽縣東一百八十里河洲後宋至和三年

七月十五日尚書職方員外郎知永州軍州事柳拱辰書碣

云祥符九年九月九天聖九年九月九其時心有此時心此

時心合其時心字甚道逸語頗難解

宋述夢記石刻

容齋五筆蔣世基撰在浯溪押字石傍

宋郭祖口浯溪題名

至和三年丙申八月二十一日遊此福昌郭祖口題

金石補正正書五行至和三年九月改元嘉祐此在八月故

猶書至和福昌宋屬京西北路河南府今宜陽縣地

宋潘夙浯溪題名

新江東提點刑獄潘夙嘉祐丙申經此

金石文編潘夙題名正書四行在浯溪厓上攷宋史潘夙字

伯恭鄭王美從孫也自天聖中上書論時政授仁壽主簿歷

知韶州擢江西轉運判官提點廣西湖北刑獄遷轉運使徙

知滑州改湖北轉運使知桂州謫監隨州酒稅起知光化軍

易端州刺史再遷鄜州召對稱旨還司封郎中直昭文館復

知桂州徙河北轉運使歷度支鹽鐵副使知河中府又嘗知

潭州再遷光祿卿知荆南鄂州卒年七十題名云新江東提

點刑獄乃新除江南東路之提點刑獄而傳未之及丙申為

嘉祐元年即至和三年也是年九月改元嘉祐夙題名不書

至和而書嘉祐當在九月以後此刻前人未見

越峴山房史信余嘗於四朝聞見錄諸書見太祖初入周宮

武士持周帝幼子將出太祖願潘美美力言不可誅太祖即

以屬美存養之冒潘姓潘夙實其所存遺允子也此事君
臣秘密故得保全於太宗之世太祖之仁至矣

宋俞洵直浯溪題名

新儀真司民俞洵直君儀侍親按永先還艤舟登此嘉祐丁酉

五月晦題

金石文編右俞洵直題名正書六行左行在嵒臺左

金石補正文云侍親按永則其親必官湖南提刑者通志職

官仁宗朝無俞姓其人不可攷矣

宋米君平等浯溪題名

米君平等盧臧吳克謹食嘉祐二年六月九日臧題

金石文編右米君平等題名正書五行在嵒臺左前人未見

宋余靖浯溪題名

嘉祐庚子再授命充廣西體量安撫使備禦蠻寇明年春已事

而旋尚書吏部侍郎集賢院學士余靖題

金石文編余靖題名正書四行左行在浯溪厓厓石庚子乃

嘉祐五年攷宋史是時交趾與甲尚蠻合兵寇邊又蘇茂州

蠻寇邕州乃以靖按撫廣西先是儂智高反靖方丁父憂即

喪次起為秘書監知潭州詔委經制廣南西路儂寇平遷給

事中御史梁稱言賞薄又遷尚書工部侍郎狄青及諸將班

師獨留靖廣西禽智高母子弟致闕下加集賢院學士故題

名云再授命也史言遷工部侍郎而此云吏部殆其後又轉官而史未詳及也廣西臨桂有靖嘉祐五年晦日題名署衙重稱廣南西路體量按撫使副此無副字殆亦後來轉官史亦未詳其廣西旋之歲月据此可以知之此刻前人未有著錄者

永州府舊志案安撫瞿木夫誤作按撫

金石補正右刻在碑樓中為橫板所隔分上下兩截拓之每行缺一字据志補之余靖字安道韶州曲江人史敘安撫事云交趾蠻申紹泰寇邕州殺五巡檢復命安撫廣西至則召其用事臣費嘉祐詰問答以近邊種落相侵誤犯官軍願悉推治還所掠及械罪人自贖靖厚賜遣去此題名已事而旋則安撫事竣靖即去桂在未知廣州以前史稱工部題名稱吏部當是史有佚文或即誤吏為工余所見本吏字適在不能拓之處抑石本不清瞿宗兩家審未細邪靖又有九龍巖題名安撫使下亦有副字宗氏謂銜稱使副蓋合賈師熊而省書必靖使而師熊副也祥案此說是矣龍隱高題名亦合師熊而省書者故師熊不署官師熊之下蕭固署經略安撫宋咸署轉運使柳涉李師中諸人皆署官也瞿氏謂後來轉官者非

宋楊翼浯溪詩

尚書職方員外郎知衡州楊翼 長安失馭頌聲沈天寶十年作者誰能刻翠岑大業盡歸文老筆次山死叛臣心天邊奎壁垂芒冷溪上龍蛇倒影深元次山作頌顏之上當日形容播金石洋洋千載有遺音 皇宋嘉祐七年九月十一日

金石文編右楊翼詩正書七行左行在浯溪屋上前人未見楊翼衡州府志遺載

金石補正右刻前五行上截近為梁恭辰剗削替以己刻而恭辰名已漫滅聞又為人磨去好名者當如是邪通志不載楊翼知衡州官志不出木老手也芒永志作茫翼縣志作異均誤

宋嘉祐八年浯溪詩

夜過浯溪 重來為賦詩 唐朝事興廢 斷案是斯碑 嘉祐八年仲冬望日 國解印橫 易 侍叔叔 殷明年泊與德寶 曉 舟 金石文編右嘉祐八年詩正書八行在唐亭東屋下方石之北面其東面即黃山谷與長老新公石刻後四行字較小上數字為一大樹傍石壓掩不可見此刻前人未收錄 金石補正第一字是夏省志作夜非餘亦有舛錯石極曼患後四行行首恐亦未全

宋施□□浯溪題名

職方員外郎施□□治平丙午十月十七日赴湖北提刑登溪

觀顏魯公中興頌石男武仲□仲和仲從行

金石文編右施□□題名正書六行在浯溪石壁前人未見

宋沈紳浯溪題名

湖南轉運判官屯官郎中沈紳治平四年孟春丙子訪浯谿元

子次山故居讀中興頌嶠臺中堂右堂三銘璿琬侍行

金石文編右沈紳題名八分書八行在浯溪厓壁

宋曼卿等浯溪題名

□□曼卿□衡權之侯續□素張續公紀鞏固道邱昉晦

之同遊熙甯戊申十二月衡題

金石文編曼卿等題名正書六行在浯溪厓上前人未見

嘉慶通志案曼卿姓名已磨滅攷石曼卿延年卒於真宗康

定二年此題名刻於神宗熙甯元年乃在其後當別是一人

廣西臨桂有宣和七年尙安國長卿題名云弟定國曼卿則

又後於此題名五十七年恐亦非

金石補正石王世延等題名省府志多缺譌據石正之瞿氏

未審出首三字故有石曼卿尙曼卿之疑

宋毛抗浯溪詩

讀中興頌 南運判尙書都官員外郎毛抗 周雅久不作楚

騷方獨鳴淫哇弄氣態汚我瀟湘清二公好奇古大節□時□

崖勒唐頌字字瓊□英□雲借體勢水石生光精浯溪僻南

地自爾聞正聲詩傳入□夏孰貴燕然銘絃歌入商魯永與人

神聽江流或可竭此文如日星 熙甯己酉秋七月零陵令權

祁陽縣事夏臬上石

金石文編右毛抗詩正書十一行在磨厓趙楷詩後毛抗浯

溪新志誤作吳抗僻南地作在僻地自爾作自是皆當正之

金石補正省府志中興上脫唐字崖上缺磨字并誤復爲作

永志外郎上多員字均非又詩傳下一字二志俱作入審之

非是縣志載此多歧異覆檢拓本細勘之惟播夷夏三字形

模具在益知入字之非而審碑之難也稍疏便誤矣

宋宋昭邈等浯溪題名

宋昭邈邈道李公度唐輔張處厚德甫徐驥及之鞏固道周

漸彥升同遊浯溪熙甯二年十月十二日

金石文編右宋昭邈等題名正書五行在磨厓左李公度浯

溪新志誤作李公波

宋柳應辰等浯溪題名

都官員外郎柳應辰明明大理寺丞楊傑英甫新福州司戶吳

斌頌道 熙甯六年十月二日同遊

金石文編右柳應辰題名正書五行在石門西

宋柳應辰浯溪題名

浯溪 熙甯六年癸丑十月十九日尙書都官員外郎通判永州柳應辰全家遊此 史

金石文編右柳應辰題名正書五行在大押字後其末亦有柳公小押字與大押字同疑後之好事者仿刻也

永州府舊志案右刻甯字心下加一畫癸字從月皆俗書宋蔚宗浯溪題名

會稽蔚宗登此 熙甯甲寅正月

金石文編蔚宗題名正書六行在浯溪磨厓左蔚宗者關杞也米南宮海岳名言云關杞嘗謂余曰昔越州一寺修佛殿於梁拱內藏一函古模數十本所可記者王右軍十七帖世南枕臥帖皆有儲氏圖書印又云關蔚宗金陵幔山樓題乃二十年前書想六朝宮殿榜皆如是又陳眉公太平清話云關蔚宗景仁弟廬州使君也平生好事多蓄書畫游官交廣則蔚宗益嗜古博雅士也攷蔚宗於熙甯六年官廣西提舉常平見臨桂龍隱巖題名乃在此題名之前一年又澹山巖有七年正月十九日題名署銜稱前提舉廣西常平太常丞則與此刻同年月蓋是時杞由廣西提舉常平內遷太常丞還朝道經此所題耳又宋史南蠻傳云元豐三年知邵州關杞請於徽誠州融嶺擇要害地築城砦以絕邊患詔湖南

按撫使謝景溫轉運使朱初平判官趙揚商度以聞景溫等以為宜如杞言則蔚宗又嘗官荆南而有政績者俱宜表而出之

宋熙甯七年浯溪詩

老如包□□□□蒼黃□□□□身雖□□□□垂髮
髦□□□力疲但為妻子謀道傍多朱門勢利交相求他寶爾
雖佳閉關如避仇敲門聲剝啄謝客語咿叻侯何所尙殊不與
茲輩伴攝職顧未久善化應已柔近嶺山更佳九疑清氣哀我
方困羈鞅侯想多長謳何當郡齋內一罇相獻酬熙甯七年甲
寅三月望日刻於浯溪心記之東

金石文編右熙甯七年詩正書在心記之後其前為近人磨去改刻姓名已無攷僅存後二十行此刻前人未見

金石補正巖二志俱誤作髦類篇云髦鬣亂貌又集韻云髦鬣白頭人也

宋柳應辰浯溪押字題記詩

史 押字起於心心之所記人不能知大宋熙甯七年甲寅歲刻於浯溪之石尙書都官員外郎武陵柳應辰明明浯溪石在大江邊心記閑將此處鐫向後有人來屈指四千六百甲寅年容齋四筆予頃因見鄂州南樓土中磨厓碑其一刻柳字下一字不可識後訪得其人名應辰而云是唐末五代時湖北

1冊 618 冊 續修四庫全書 8 頁正內

人也既載之四筆中今始究其實柳之名是已蓋以國朝寶元元年呂溱榜登甲科今浯溪石上有大押字題云押字起於心心之所記人不能知大宋熙寧七年甲寅歲刻尙書都官員外郎武陵柳應辰時爲永州通判仍有詩云浯溪石在大江邊心記閑將此地鐫自有後人來屈指四千六百甲寅年有閩中陳思者跋云右柳都官欲以怪取名所至留押字盈丈莫知其何爲押字古人書名之草者施於文記閒以字別識耳今應辰鐫刻廣博如許已怪矣好事者從而爲之說謂能祛逐不祥真大可笑予得此帖乃憾前疑之非石傍又有蔣世基述夢記云至和三年八月知永州職方員外郎柳拱辰受代歸闕祁陽令齊術送行至白水夢一儒衣冠者曰我元結也今柳公游浯溪無詩而去子盍求之覺而心異之遂獻一詩柳依韻而和其語不工拱辰以天聖八年王拱辰榜登科殆應辰兄也輒泣記之

祁陽縣甯志浯溪石在大江四句鐫頌碑之左視前押橫直大四五丈案甲寅卽所書熙寧七年甲寅也而云四千六百者攷大初歷以上元十一月甲子朔冬至推算每一千五百三十九年爲一統三統爲一元六甲盡矣又還甲子朔旦冬至若以三統計之共四千六百一十七年至於元豐七年復得闕逢攝提格之歲或熙寧之七年正值是所謂復得闕逢

攝提格也故云云姑備述以俟攷又爾雅太歲在甲曰闕逢在寅曰攝提格

金石文編右柳應辰押字并詩押字長徑八尺彊深二寸許題字及詩正書十八行在磨崖碑右容齋四筆載柳明詩此處作此地向後有人作自有後人似當以石刻爲正湘僑聞見偶記押記怪迹一稱浯溪舊有山怪應辰泊舟有巨手入牕應辰爲書押其旦字在石壁乃刻之一稱應辰守道州以押字鎮水怪降槐樹妖其說甚幻然揣其命意蓋取決判決諸心則邪惑自去道家符籙役使其理祇如此耳金石補正右刻有年無月而是年殘詩刻後云刻於浯溪心記之東則是刻必在三月前矣

宋米黻浯溪詩

胡羯自干紀唐綱竟不維可憐德業淺有愧此碑詞米黻南官五年求便養得長沙掾熙寧八年十月望經浯溪

金石跋尾續右米黻五言絕句在祁陽縣之浯溪後題米黻南官云云廿三字攷元章生於皇祐辛卯至是纔二十五歲筆力縱勁已有顏平原風格故知小技亦由天授也

金石萃編米黻史傳字元章吳人宋詩紀事以母侍宣仁后藩邸舊恩補合光尉歷知雍邱縣連水軍太常博士知無爲軍召爲書畫學博士擢禮部員外郎出知淮陽軍卒未嘗爲

長沙掾也黃潛筆記云元章自署姓名米或為羊芾或為穀
史作米芾此題作米黻無疑即一人芾年四十九宋史紀事
稱其官淮陽軍在大觀二年其母嘗侍宣仁后在仁宗末年
則芾之官長沙便養母當在神宗時此題熙寧八年正即其
時也由大觀二年逆推至熙寧八年三十餘歲則官長沙掾
不及二十歲年幼官卑史文從略又據潛研跋謂元章生於
皇祐三年辛卯則熙寧八年為二十五歲至四十九歲為元
符二年則其官淮陽軍不應在大觀二年宋史紀事恐誤史
傳但云應知雍邱縣則長沙掾槩括於應知二字中矣

金石文編右米黻詩行書九行在磨崖左韋瓘題名下恰乃
憐之俗字元章書之可見俗字有相沿已久者書家不究六
書雖顏魯公書碑尚有繆體所謂義之下筆即俗字非苛語
也

金石補正向疑此刻非襄陽原本今以麓山寺碑側題名較
之顯然矣潛研所見或是舊本

宋丁儁涪溪題名

○甯五年閏七月○五日到任八年○月初八日得替十日早
到涪溪往來攜家遊登亭臺縱觀中興頌及看柳明明心記尚
書虞部郎中前知軍州事丁儁景真題

金石文編涪溪有丁儁題名正書九行前人未著錄首題○

甯五年云云甯上一字已殘缺攷熙寧七年柳應辰澹山巖
記略云澹山巖中貯御書歲度僧一人僧惟利居處之便而
不顧蔽隱障遏之弊糞穢積聚煙薰蒸道隧陰黑非秉炬
不能入太守丁公儁處事剛嚴始至大不懌悉撤羣僧之舍
俾居巖外他日公率應辰大理寺丞楊傑河陽節度推官楊
巨卿同至遊覽層構一空眾狀在目實人情之共快云云乃
知儁亦風雅好事之賢守也題名首云五年閏七月○五日
到任八年○月初八日得替十日早到涪溪後署銜云尚書
虞部郎中前知軍州事蓋儁於熙寧八年罷知永州後遊此
甯上缺熙字

金石補正志誤還為遊末一行僅存三字志失載丁儁知永
州見通志

宋柳應辰涪溪題名

應辰皇祐五年坐僂蠻○昭謫居隨州舟次涪溪嘗刻歲月後
二十一年通判本郡徧尋舊記漫不可見亦不記所題之處比
任滿泊舟江下經五日始見於石門之東字刻平淺隱約能辨
亟令家僮依舊畫鐫深之熙寧丙辰十一月十五日記

金石文編右柳應辰題名正書十一行不齊在石門東應辰
屢過涪溪必大書深刻於石可謂好事矣此記有令家僮依
舊畫鐫深之語蓋唐宋士大夫之善書者往往能手自模勒

如李北海之託名黃仙鶴伏靈芝是也因而僕從觀摩亦能操刀從事則又康成之婢穎士之奴矣所謂耳濡目染其淵源授受之由蓋不獨子弟之於家學為美談也

〔永州府舊志〕案右刻逼真顏書宋人書真仁以荆道渾有漢晉遺意至和以後皆學唐人書近顏者尤眾及蘇黃米蔡之徒出而體格各從其變亦風氣盛衰之一證也

宋柳應辰浯溪詩
浯溪 不能歌不能吟瀟湘江頭千古心全家來遊七日而去
熙甯丙辰歲柳應辰書

〔金石文編〕右柳應辰詩正書七行在心記詩右

宋柳公臺三字
柳公臺 熙甯 丙辰

〔金石補正〕右題字在石門西北小石上臺字之右有熙甯二字左有丙辰二字下當尚有字或未拓全或已闕損不可知也永志建置門不載柳公臺莫攷其興廢矣

宋曹南張某浯溪題名

尚書屯田員外郎曹南張□□熙甯元年戊申歲以□作□□
□潭州越明年二月到任□上考□□□知永州江華□三
□□州秩滿就陞通判□州元豐元年戊午歲仲秋□八□
自□絜家來缺十月□□

〔金石補正〕右刻正書十行惜其名不可辨也永志官表江華令張檢於熙甯四年任其即此人歟

宋陶輔等浯溪題名

陶輔佐臣子遵梁立儀定國子格之同遊黃竦子莊期而未至元豐四年辛酉八月壬戌日題

〔金石文編〕右陶輔等題名正書六行左行在浯溪石壁

宋劉芾浯溪題名

〔寰宇訪碑錄〕正書元豐四年在祁陽

宋孫欽臣浯溪題名

長沙孫欽臣仲恭元祐丙寅八月十五日登此

〔金石文編〕右孫欽臣題名正書三行左行在浯溪巖壁前人未見

宋浯溪前知永州殘題名

前知永州軍州事朝請大夫缺四永□司戶參軍缺六梁□肖
□酒稅缺七長沙□□縣缺七衡州常甯縣尉□□簿事□□
□力為元祐丙寅九月初六日同遊浯溪

〔金石文編〕右前知永州殘題名正書七行左行在元祐孫欽

臣題名前文多漫漶不可辨案其所署官爵乃南宋以前制也前人未見

〔金石補正〕省府志均列宋末今審出年月乃元祐丙寅所題

瞿氏謂南宋以前信然惜諸人姓名無一可見矣

宋涪溪元祐殘題名

余嘉祐中常缺得縱遊涪溪缺零陵幙口缺事復過此缺

馬元祐三年十一月

金石齋右刻行書五行其下半被明正德時人陳斗磨去致莫知其為何人

金石補正永志載此誤焉為熙遂以意定為熙甯五年孟浪矣并缺第四行茲据石本錄之幙下永志作再審之非是

宋陳宏涪溪題名

予自上元徙運江上至是凡十過此時元祐丁卯孟夏中休頴水陳宏公遠記

金石文編右陳宏題名正書二行在熙甯六年十月柳應辰題名首涪溪二字下前人未見

宋邢恕涪溪詩

歸舟一夜泊涪溪曉雨絲絲不作泥口石蒼崖訪遺刻口口苔蘚為留題元祐九年正月原武邢恕和叔

金石齋行書六行案元祐八年九月宣仁皇后崩是年四月即改元紹聖恕於改元之前已被召命得歸女堯舜亡而共驩竊喜消長治亂之機已見於此觀乎此詩所謂曉雨絲絲不作泥者其希恩冒寵之心畢著矣

宋錢岳涪溪題名

會稽錢岳紹聖二年八月十一日過永州祁陽縣觀顏魯公所書元次山撰唐中興頌磨崖碑同明府陳行通中宮寺新禪師登磨亭晤臺游涪溪遂汎舟清湘自衡潭北歸都下識之

金石文編右錢岳題名正書九行在小晤臺北涪溪新志岳誤作岳唐上行大字

永州府舊志案右係行書瞿氏作正書誤

宋盧約等涪溪題名

元符二年七月甲子上饒盧約潛禮長沙孫欽臣仲恭莆陽吳耕深夫同遊涪溪縱觀東西峯諸亭臺遂還邑

金石文編盧約題名正書六行在磨崖壁間案約有紹聖元年九月澹山巖題名見前此蓋其自廣西罷任過涪溪時也此刻前人未見

金石補正盧約潛巖題名自署里貫曰永豐宋有兩永豐縣一隸信州一隸吉州此署上饒屬信州知前題為江南東路之永豐矣

宋黃庭堅涪溪題名并詩

崇寧三年三月己卯風雨中來泊涪溪進士陶豫李格僧伯新道遵同至中興頌崖下明日居士蔣大年石君豫太醫成權及其姪逸僧守能志觀德清義明等眾俱來又明日蕭襄及其弟

爽來三日喪回崖次請余賦詩老矣不能爲文偶作數語惜秦少游已下世不得此妙墨刻之崖石耳 春風吹船著浯溪扶藜上讀中興碑平生半世看墨本摩莎石刻鬚成絲明皇不作苞桑計顛倒四海由祿兒九廟不守乘輿西萬官已作鳥擇栖撫軍監國太子事何乃趣取大物爲事有至難天幸耳上皇跼踏還京師內閣張后色可否外間李父頤指揮南內淒涼幾苟活高將軍去事尤危臣結春秋二三策臣甫杜鵑再拜詩安知忠臣痛至骨世上但賞瓊瑀詞同來野僧六七輩亦有文士相追隨斷崖蒼蘚對立久凍雨爲洗前朝悲 宋豫章黃庭堅字魯直諸子從行相稅相楷脊陵尼悟超 缺 子發秀才家迺以私錢刻之中興頌碑之側同來相視南陽何安中得之齋令陸弁景莊浯溪伯新宣和口于十二月廿日書無諸釋可環模刻

輿地碑目山谷浯溪詩刻石後人目爲小磨崖

揮塵錄崇甯三年黃太史魯直竄宜州泊於零陵時外祖會空青坐鈎黨先徙是郡約遊浯溪觀中興碑太史賦詩書姓名於左外祖止之曰某方爲流人豈可出郊公又遠徙豈可不過爲之防太史從之詩中云亦有文士相追隨蓋爲外祖設也

漁隱叢話魯直題磨崖碑後詩云事有至難天幸耳上皇跼踏還京師內閣張后色可否外間李父頤指揮南內淒涼幾

苟活高將軍去事尤危臣結春秋二三策臣甫杜鵑再拜詩安知忠臣痛至骨後世但賞瓊瑀辭觀詩意皆是言明皇末年事余以唐史攷之明皇幸蜀還居興慶宮李輔國遷之西內居甘露殿繼流高力士於巫州詩云南內誤矣又以元結本傳及元次山集攷之但有時議三篇指陳時務而已初無一言及明皇肅宗父子間不知魯直所謂臣結春秋二三策者更別出何書也魯直以配臣甫杜鵑再拜詩子美杜鵑詩正爲明皇遷居西內而作則次山春秋二三策亦當如杜鵑詩有爲而言若以時議三篇爲是則事無交涉乃誤用也或云魯直用孟子吾於武成取二三策之語然於元結果何預焉如顏魯公湖州放生池碑載其上肅宗表仁一日三朝大明天子之孝問安視膳不改家人之禮東坡謂魯公知肅宗有愧於此乎孰謂公區區於放生哉此事若用之卻爲親切授堂金石跋黃山谷跋及書磨崖碑詩字奇偉可喜跋所云崇甯三年三月己卯今山谷集刻本脫三月字則己卯日竟無所屬又下列敘僧守能志觀德清義明等眾而刻本以等眾作崇廣不能爲文刻本作豈復能文偶強作數語惜秦少游已下世刻本亦少偶字及己字詩內鳥擇栖刻本鳥作鳥至臣結春秋二三策句刻本春秋作春陵此其尤謬不可不以石刻舉正者也攷次山春陵行自敘蓋爲諸使徵求而發

於中興碑無所寓詞惟易以此石作春秋二三策與碑云天子幸蜀太子即位靈武其中隱寓貶例此春秋之義也集刻半誤於工人而此跋及詩又寥遠為世所不見故為存錄以訂近本之疏使校勘者知有攷也

金石文編山谷題名並詩共十一行正書在涪溪磨崖之左其後有宣和閒人題語三行似記模刻緣起也其首一行為康熙閒祁陽令王某磨去改刻已之重修刊歲月姓名以故字蹟已失山谷真面且題名中惜字誤從手傍此妙墨之此筆畫有謬謬萬官下一字集本作已而右刻似也又事文類聚引此句作萬官奔竄鳥擇栖其鳥字集本作鳥任淵注云鳥字或作鳥非春秋集本作春陵任淵注云春陵或作春秋非是可見當時傳本自有不同今集本乃任淵作注時更定也進士陶豫即後刻所稱之陶介石見集中遊愚溪詩序集中有云蔣彥回者亦山谷在永所交友未知即此居士蔣大年否宣和跋所存二行上下亦多磨損不全攷涪山巖有元祐中楚人高公傑子發題名疑即此子發秀才也讀山谷自題惜秦少游已下世不得此妙墨刻崖石之語知當時此詩未及刻石而墨蹟藏於子發秀才家至宣和時乃勒石耳子上一字當是庚庚子乃宣和二年在崇甯三年後十六年少游卒於建中靖國元年乃崇甯三年之前四年也武虛谷謂

偶強作數語集本少偶字今石刻偶下並無強字誤也

宋黃庭堅書款乃曲
千里楓林煙雨深無朝無莫有猿吟停橈靜聽曲中意好是雲山韶澗音 涪陵郡北湘水東涪溪形勝滿湘中溪口石顛堪自逸誰人相伴作漁翁 右元次山款乃曲欵音媼乃音靄湘中節歌聲 厚淵父詞有款乃一聲山涑涑之句誤畫款乃少年多承誤妄用之可笑

漁隱叢話山谷云千里楓林煙雨深無朝無莫有猿吟停橈靜聽曲中意好是雲山韶澗音零陵郡北湘水東涪溪形勝滿湘中溪口石顛堪自逸誰人相伴作漁翁右元次山款乃曲欵音媼乃音靄湘中節歌聲子厚漁父詞有款乃一聲山水涑之句誤畫款乃少年多承誤妄用之可笑茗溪漁隱曰余遊涪溪讀磨崖中興頌於碑側有山谷所書款乃曲因以百錢買碑本以歸今錄入叢話又元次山集款乃曲注云欵音榘乃音靄棹船之聲洪駒父詩話謂欵音靄乃音榘遂反其音是不曾看元次山集及山谷此碑而妄為之音耳 永州府舊志案釋惠洪冷齋夜話洪駒父云斲靄一聲山水涑斲音奧後人分欵乃為二字誤矣與胡仔所引不合 金石補正右欵乃曲在磨崖碑亭下沙土壅蔽咸豐末始搜得之故永志以為已佚近代金石家均未見也碑無年月署

款審其筆意確是文節手筆漁隱叢話所言決不謬妄時當在崇甯三年與中興頌題記同時石右下方缺一角磨泐十七字据叢話補之祁陽志載此前後倒置并誤靜爲試誤濩爲護誤顛爲巔誤人爲能又志載尙有三首石本所無

宋黃庭堅書陶靖節詩

漁隱叢話涪翁晚年再遷宜州道出祁陽草書靖節詩四首清晨聞叩門倒裳往自開者其一也棲棲失羣鳥日暮猶獨飛者其二也昔欲居南邨非爲卜其宅者其三也春秋多佳日登高賦新詩其四也竝鏡石於嘉會亭余昔經由摹得墨本愛其筆法之妙自成一家涪翁嘗言元祐中與子瞻穆父飯寶梵僧舍因作草數紙子瞻賞之不已穆父無一言問其所以但云恐公未見藏真真蹟庭堅心竊不平紹聖貶黔中得藏真自序於石楊休家諦觀數日恍然自得落筆便覺超異回視前日所作可笑也然後知穆父之言不誣且憾其不及見矣今祁陽草聖正是涪翁黔州以後作誠佳絕也東坡嘗跋之云雲秀來海上見東坡出黔安居士草書一軸問此書如何東坡云張融有言不憾臣無二王法憾二王無臣法吾於黔安亦云然他日黔安見之當捧腹軒渠也

宋黃庭堅涪溪題刻

余與陶介石遠涪溪尋元次山遺跡如中興頌晤臺銘右堂銘

皆眾所共知也與介石襄徇其下想見其人實深千載尙友之心最後於唐亭東崖披翦榛穢得次山銘刻數百字皆江華令瞿令問玉筋篆筆畫深穩優於晤臺銘也故書遺長老新公俾刻之崖壁以遺後人山谷老人書

金石跋尾續石黃庭堅題名在涪溪東崖文凡十有六行不題年月以山谷年譜攷之當在崇甯三年三月蓋自鄂州赴宜州謫所道所經也介石名豫長老召伯新黃嘗撰年譜唯載磨崖碑後題名而不及此題故具錄之子鄒跋唐廡銘據說文謂廡與高同訓小堂不當作亭字今山谷題已作亭又陳衍題涪溪圖云元氏始命之意因水以爲涪溪因山以爲晤臺作屋以爲唐亭三吾之稱我所自也歐陽公集古錄亦作唐亭頃於何君元錫齋見所拓磨崖大字有云唐亭磴道者有云唐亭銘者驗其筆蹤似唐人所題則讀廡爲亭沿譌已久六書之不講豈獨近代爲然哉

宋鄒浩等涪溪題銘

晉陵鄒浩子柄構零陵張綬蔣緯祁陽成權姚逸道人文照伯新義明同遊崇甯四年正月五日

金石文編鄒浩題名正書六行在涪溪崖上攷史傳謂浩爲右正言章惇爲相每觸惇忌因詆其狂妄削官羈管新州徽宗立召還復官屢遷至兵吏二部侍郎以寶文閣待制知江

甯徙杭越州蔡京用事又疏害之再責衡州別駕尋竄昭州五年始歸其責衡州別駕及竄昭州傳皆不詳其歲月而本紀云崇甯二年正月浩與任伯雨陳瓘龔夫同竄嶺南合紀傳觀之二年以後五年以前浩當在昭州不應至此題名宋史恐有舛謬後讀高斯得恥堂存稿跋甘泉銘亦以此為疑而云四年九月移漢陽軍豈九月乃正月之誤邪又讀胡仔漁隱叢話引復齋漫錄云鄒志全元符間貶新州徽宗即位以為中書舍人未幾謫零陵別駕瀧水安置未幾徙昭則又以衡州別駕為零陵別駕與正史不合竝志之以俟知者浩字志完漁隱叢話作志全蓋避欽宗嫌名也浯溪新志伯新誤作伯許崇甯誤作熙甯成權逸道人交照伯新義明竝見前山谷題記

永州府舊志案宋史本傳無永州安置四字今省志流寓傳引宋史乃有此句其文見恥堂存稿蓋當時國史舊文非本傳也復齋所云零陵別駕瀧水安置八字當是永州安置之誤抑或由衡又改永州由永又徙瀧水姦邪禍正人朝夕易地不遺餘力亦不可知也又案零陵名勝志鄒浩道鄉謫新州經過道州有瀧水零陵指永州瀧水或指道州則過澹巖自當在元年耳

金石補正元祐間有張綬官提刑德興人此稱零陵則又一

張綬也官志神宗朝有張綬令永明或即此零陵張綬歟

湖南通志卷二百七十五

湖南通志卷二百七十六

藝文志三十二 金石十八

宋鄒浩甘泉銘

甘泉銘有序 祁陽邑城之北有泉出焉瞻足一方不知幾千年矣零陵蔣緯憾元次山居涪溪去泉纒五里許又數往來訪尋山川之勝見於文字何所不有乃無一言及此遂以語晉陵鄒浩而屬銘之銘曰山下出泉其甘如醴井冽而食大國百里莫之令而自均民到於今受其利雲行雨施自今以始水不可以終止其孰止之崇甯四年正月五日 棡得此本於郡士蔣言之家蔣君之父即諱緯者是也因摹以遺祁陽令魏君刻之泉上庶幾前賢之言不至泯沒而斯泉之美亦得表而出之來者有考焉紹興庚辰蔣春張棡謹書

恥堂存稿跋此銘之作鄒公井渫不食時也其曰水不可以終止王明竝受其福之謂也孰知其卒不食以取行制亦可悲矣夫雖然是銘歲月予竊有疑焉案國史崇甯元年閏六月蔡京為公偽疏責公衡州別駕永州安置二年正月除名勒停昭州居住四年九月移漢陽軍則四年正月公安得在永乎張宣公兄弟不以為疑而識名其末其又何也唐君更攷詳之
徐霞客游記出祁陽東北一里憩甘泉寺殿前有吾郡宋鄒

浩甘泉銘碑張南軒從郡中蔣氏得之跋而鐫此鄒大書張小楷可稱二絕

宋高衛涪溪題名

高衛措置荆湖茶事崇甯四年十二月二十八日游

金石文編右高衛題名正書四行在鄒浩題名後前人未見

宋錢蘇涪溪詩

唐室中興頌德碑元顏文字孰宜為天齊崖石磨鐫久萬世功名不可隳 會稽錢蘇岳甫大觀戊子□月廿二日雨過□□

同祁陽宰戴字中道純中宮寺伯新禪老游男壽昌侍

儒林郎知縣事約缺戴字中立石

寰宇訪碑錄行書大觀二年在祁陽

金石文編錢蘇字岳父吳越王後以孝義知名居杭州錢唐門外九里松之間建傑閣藏書甚富東坡榜之曰錢氏書藏

仕至直秘閣知荆南府其兄穆文有寄仲弟岳父詩曰東方

千騎擁朱輪衣錦歸蓬故國春莫向西湖戀風月鶴原知有

望歸人見武陵紀事此題名恐即岳父官荆南時游題也

金石補正蘇字近蝕以訪碑錄證之可無疑也過下所缺似

涪溪借三字戴字中於大觀年令祁陽見永志官表亦見蓋

士口題名內錢蘇自署會稽則其居杭州為寓公也岳甫瞿

跋作岳父

宋蓋士口涪溪題名

宛亭蓋士口罷守零陵道經涪溪因率邑令戴子中儒林同遊時大觀庚寅仲夏廿三日題

金石文編右蓋士口題名正書五行在小嵒臺北涪溪新志亭誤平蓋誤張經誤過戴誤趙廿誤二十

金石補正道過過字半泐而右旁弓形尚明顯何瞿氏反以為誤也字中作子中亦非府縣志同誤

宋李伯魚涪溪題名

口居士李伯魚自清湘北歸攜家遊涪溪大觀庚寅孟秋十八日題

金石文編右李伯魚題名正書七行在小嵒臺北涪溪新志缺首四字北歸攜家誤作攜家北歸庚寅誤為庚辰

宋劉德甫涪溪題名

穎昌劉德甫挈家遊涪溪觀磨崖之碑時大觀四年十一月十有三日男口題

金石文編右劉德甫題名正書五行在磨崖壁間前人未見宋吳少逸涪溪題名

閩中吳少逸赴永口任挈家遊此宣和王寅十月二十五日書金石文編右吳少逸題名正書四行左行在磨崖壁間前人未見

金石齋永下一字似糾字或即巡檢巡警之別稱

金石補正巴州南龔黃永之題名內張元方署官郡糾潼川府修學碑書人文彪署官充府學糾察此云永糾蓋亦同之

宋張耒涪溪詩

玉環妖血無人掃漁陽馬厭長安草潼關戰骨高於山萬里君王蜀中老金戈鐵馬從西來郭公懷懷英雄才舉旗為風偃為雨灑掃九廟無塵埃元功高名誰與紀風雅不繼騷人死水部胷中星斗文太師筆下龍蛇字天遣二子傳將來高山十丈磨蒼崖誰持此碑入我室使我一見昏眸開百年廢興增歎慨當時數子今安在君不見荒涼涪水棄不收時有游人打碑賣正德丙寅十月甲子予奉使安南國道涪溪口程銀臺德和道州李式佐一元偕觀因念 缺 宋黃張二口時李口祁陽磨崖要予書既口看文乃山谷詞也慨皆口口此心遂口別加顯惟口口文潛歌程云殆非湮張口口仍口書口口江華口參廷禧按部適至更為遠取刻手成 缺 八 口口師煜鐫

漁隱叢話余頃歲往來湘中屢遊涪溪徘徊磨崖碑下讀諸賢留題惟魯直文潛二詩傑句偉論殆為絕唱後來難復措詞矣 詩並 復齋漫錄云韓子蒼言張文潛集中載中興頌

詩疑秦少游作不惟涪溪有少游字刻兼詳味詩意亦似少游語也此詩少游號傑出第五環妖血無人掃之句為病蓋

游語也此詩少游號傑出第五環妖血無人掃之句為病蓋

李遐周詩云若逢山下鬼環上繫羅衣貴妃之死高力士以羅巾縊焉非死兵刃也然余以杜詩有血汚遊魂歸不得之語亦指妃子張蓋本杜也若溪漁隱曰余觀少游書當以刻石爲正不知子蒼亦何所據而言邪

嘉慶通志案張耒字文潛弱冠第進士紹聖初歷官至直龍圖閣知潤州坐黨籍謫監黃州酒稅徽宗立起爲通判崇寧初復坐黨籍落職又貶房州別駕安置於黃五年得自使居陳州晚監南嶽廟主管崇福宮卒年六十一建炎初贈集英殿修撰涪溪詩是文潛監南嶽廟時游題蓋在宣和時

金石補正右張耒詩原石已亡此明代重刊者近時沈栗仲又書刻之永志名勝載此詩有譌誤當以石刻爲正文案輿地碑目永州碑記內有秦少游中興頌碑秦少游詩云卽此詩之首四句也是以此詩爲少游作者不獨韓子蒼矣若溪漁隱親見原刻而定爲文潛所作自足徵信

宋南陽何安世涪溪題名

寶字訪碑錄正書宣和□年在祁陽縣

宋黃仲堪涪溪題名

靖康元年十月廿九日雙井黃仲堪覺民自零陵行縣游此子鑑攜家侍行

金石文編黃仲堪題名正書九行在涪溪磨崖下攷仲堪山

谷弟也見山谷題跋禮思大禪師題名雙井乃山谷所居鄉谷在洪州分甯縣其地產茶山谷題跋石門寺與韓城元聿同遊題名自稱雙井黃某石門乃寺名宋涪涪溪新志采作涪溪崖傍之石門題名誤矣又廿九日作二十九日黃作王民作氏皆非

宋賈時舉等涪溪題名

賈時舉李仲威王開叔同游涪溪建炎己酉二月十七日

金石文編右題名正書五行在磨崖壁間前人未見

永州府舊志案拓本乃三月係行書

金石補正石刻二月程氏不誤宗氏何以審爲三月

宋潘正夫涪溪題名

吳國長公主之荆湖駙馬都尉潘正夫侍親同來渡湘江宿涪溪寺觀唐中興碑親屬被旨從行者舅趙子珊子珮兄節夫弟堯夫男長卿粹卿端卿溫卿侍

金石文編吳國長公主題名七行正書在涪溪石門之後嶠

壑西石上吳國長公主乃宋哲宗第三女也攷宋史本傳始

封康懿公主進嘉國慶國政和二年改韓國出降潘正夫改

淑慎帝姬靖康末以先朝女留於汴建炎初復公主號改封

吳國遊地至婺州紹興四年入是真子堯卿等五人各進官

一等主奏言祖宗以來駙馬都尉石保吉等皆除使相今正

夫歷事四朝在京會建議迎陛下至杭州又言禁衛未集預宜防變乞除開府上不許八年再入又爲正夫求恩數上曰官爵豈可私與人況今日多事未暇及此時趙鼎當國方論羣臣紹述之奸頗抑正夫鼎去位正夫始得開府之命給事中劉一正言其非體恐援例者多乃詔哲宗惟正夫爲近親餘人毋得援例顯仁太后歸主同秦魯國大長公主迎於道十九年又上朝子長卿粹卿端卿皆自團練使升觀察使從所請也孝宗卽位進封秦國大長公主隆興二年薨諡康懿主在日正夫官至少傅封和國公溫卿甯國軍承宣使長卿甯江軍承宣使端卿昭信軍承宣使清卿容州觀察使墨卿才卿竝帶團練使其盛如此正夫薨於紹興二十二年贈太傅此題名不書年月而稱吳國長公主則在建炎改封之後矣据前錢遜叔題澹山巖詩爲建炎四年仲冬其與正夫唱和又在春則正夫至永乃紹興初年事傳言紹興四年入是真子堯卿等五人各進官一等此題名有弟堯夫而子無堯卿名又止四人與傳不合攷史於傳後歷敘正夫子之官階亦不及堯卿豈正夫長子先正夫而沒者歟此題名已無堯卿則又在紹興四年之後恐史文有錯誤也傳又云十九年子長卿粹卿端卿皆自團練使升觀察使而不及溫卿蓋溫卿其時猶年少也傳又有清卿墨卿才卿三人此題名所無

蓋此三人皆正夫幼子或其時尚未生耳又攷朝野雜記所載與史傳略同惟署正夫官爲少保昭化軍節度使和國公秦國康懿大長公主亦云哲宗第三女而石刻鋪敘云絳帖前後各十卷相傳駙馬潘正夫以閣帖增損翻刻潘尙哲宗第四女秦國公主云云似誤也又案史宗室世系表子珊官武翼郎子珮官武節郎皆奉化郡公令緝之子太祖次子燕王德昭之五世孫也與吳國長公主爲昆弟行故稱舅也永州府舊志案康懿公主傳入是真三字蓋亂離之後詐冒者眾有稱公主者必命內人驗之後紹興中如榮德帝姬柔福帝姬皆以詐誅則是真二字乃驗信之辭本傳是真之荆有觀上獻玉管玉山上溫辭卻之之語其時殆猶未信歟金石補正吳國長公主至湘史傳所不詳通志以正夫與錢伯言倡和詩刻爲證系諸紹興初年余嘗收得潘正夫烏石山題名其文云建炎中與天子受命吳國長公主始至睢陽明年春淮甸蕩滌向南避於錢塘車駕建康還復入觀繼適江表舍胡騎去至循口水走湘湖瀕南海而達閩川此正其入粵時道經浯溪所題也彼題名在紹興二年仲春以程計之此題名當在元年可無疑矣彼題名亦有長卿等四人與此正同並無堯卿或堯卿未隨侍行瞿氏疑其先沒並疑史紹興四年堯卿等五人此文恐有錯誤殆未必然

宋無相庵三篆字

蘇相盦 河東薛公度施于涪溪寺以奉 無相大士紹興二年二月望日

金石文編右刻在磨厓右無相庵三大字篆書河東云云一行題於右無相大士云云一行題於左正書蘇字隸變作無庵乃盦之俗字此宋人之明於六書者可貴也涪溪新志脫于字以奉作供奉誤

金石補正無相石在磨厓之左柳公押字之右縣志云然宋蔡說涪溪詩

岳陽蔡說備員邑令見磨厓碑而思魯公之忠節當時河北二十四郡獨公能以死討賊則刻石紀功之志見於是時因亂道五十六字以敘其欽慕之意 生非耀口欲爭雄發見英華口自中口乘湘東千古筆已思河北一時躬忠肝義膽平口口鐵畫銀鈎大紀功尊生口口口事晞顏志節亦顏同 紹興壬子三月望日題

金石文編右詩正書十二行左行在磨厓左涪溪新志見磨厓碑之見作讀下文口見於是時改作千載如見又五十六字作五言六韻末無題字皆誤

金石補正蔡說自題備員邑令而官志不見其名且日省府縣志俱誤作望日

宋岳飛大營寺題刻

權湖南帥岳飛被旨討賊曹成自桂嶺平蕩巢穴二廣湖湘悉皆安妥痛念二聖遠涉沙漠天下靡甯誓竭忠孝賴社稷威靈君相賢聖他日埽強虜復歸故國迎兩宮還朝寬天子宵旰之憂此所志也顧蜂蟻之羣豈足為功過此因留於壁建國二年七月初七日

按永州志云建炎二字係明永州守唐瑋誤刻當改紹興

余駐大兵宜興沿途幹王事過此陪僧僚謁金仙徘徊暫憩遂擁鐵騎千餘長驅而往俟立奇功殄醜虜復三關迎二聖使宋朝再振中國安強他日過此得勒金石不勝快哉建炎四年四月十二日河朔岳飛題此金沙寺題記附刻

唐順之立大營驛石記莊子以子之於父為命之不可解以臣之於君為義之無所逃意若以君臣為強合于當疑其不然觀岳侯所題大營驛壁其處心積慮未嘗一日不在於復中原迎二帝眷眷若赤子之於慈母然此豈無所逃而為之其亦有所不可解者乎侯之言曰君臣大倫根於天性此侯之所以自狀而吾之所謂異乎莊者邪彼高宗者乃忍於忘父兄仇其獨何心且已既已忍於忘父矣有臣焉為之急於其父如侯者亦竟殺之亦獨何心嗚呼綱常萬古事也其磨滅與不磨滅只在此心之死與不死而已高宗之為心何如也宜侯之竟以殺而中原卒不可復二帝卒不可還大營驛

故在永州侯所題字久而湮沒余父為是州乃勒之石而並
侯所題廣德金沙寺記勒之蓋侯之心尚炯乎在宇宙間未
死也固不係乎石之勒與不勒雖然使忠臣孝子英雄之士
過而讀焉其將慷慨泣下沾襟而繼之以怒髮衝冠者乎

金石文編祁陽縣北五十里有大營寺即古大營驛為宋岳
鄂王駐軍題壁處時吾鄉明唐荆川先生之父守永州日曾
以王所題記及廣德金沙寺記共勒一碑後荆川先生為之
記歲久文字殘缺近人重刻一碑於左今兩碑並存寺中案
其文題建炎二年七月建炎縣志誤作紹興

永州府舊志案宋史高宗本紀紹興元年十一月曹成執安
撫使向子諲進攻道州十二月陷道州向子恣棄城走二年
正月曹成釋向子諲又犯郴州永興縣二月命岳飛率馬友
李宏韓京吳錫等共討曹成諸盜三月曹成寇賀州清水砦
四月陷賀州閏月丙申岳飛擊破曹成于賀州丙午岳飛敗
曹成於桂嶺縣成走連州遣統制張憲追擊破之又走郴州
入邵州六月詔岳飛屯駐江州此大營寺題壁正奏捷班師
時作也岳飛本傳二年賊曹成擁眾十餘萬由江西歷湖湘
據道賀二州命飛權知潭州兼權荆湖東路安撫都總管付
金字牌黃旗招成成聞飛將至驚遁飛招之不從飛入賀州
境得成謀者示糧盡欲反茶陵謀歸成來追飛潛趨繞嶺至

太平場破其砦成走據北藏嶺上梧關飛奪二隘據之成又
自桂嶺置砦連控隘道以眾十餘萬守蓮頭嶺飛部才八千
登嶺破其眾成奔連州令張憲自賀連徐慶自邵道王貴自
郴桂招降二萬會連州進兵追成成走宣撫司降嶺表平捷
武安軍承宣使屯江州此書權湖南帥則向承舊銜似新命
未到也金陀編岳忠武年譜紹興二年壬子三十歲權荆湖
東路安撫都總管討曹成嶺表悉平又攷文集收捕奏捷諸
狀知其先由衡郴桂陽永興取道前往道州追入賀州桂嶺
則歸程始過祁陽進兵並未經由此地今土俗稱屯兵於此
遣將往平俱齊東野語不足信矣今永州所在建有忠武廟
當日威德所被一郡同受其澤而甯遠永明道州江華零陵
祁陽無不為公足迹所至故備書其事蹟俾後之人有所攷
焉荆川父子誤以紹興為建炎瞿木夫誤信之遂反以縣志
為誤是亟宜改正另刻者也

宋李若虛涪溪詩

元顏文字照涪溪神物于今常護持崖邊尚有堪磨處畱刻中
興第二碑 紹興五年五月二十四日廣平李若虛過涪溪觀
中興磨厓因成口絕

金石文編右李若虛詩正書十三行在磨厓石壁書法頗佳
乃學山谷者

金石補正省府志神誤為鬼字尙明顯不知何以致誤

宋游何涪溪題名

涪川游何□卿以紹興乙丑再□涪溪令尹趙不隳瀛卿率邑官會於僧寺錦屏□□□蒲版穆沂季淵亦相繼至薄晚淨湘而下舟中頰仰睇觀江流鏡清崖石壁立安得□此□

金石文編宋游何題名八分書七行在磨厓壁間涪州當是涪州此因隸變字形相似而譌案太宗六世孫皆以不字排行爲名此不隳名不見於宋史宗室世系表必有脫誤

金石補正通志涪州誤涪州下誤去並未審出連字府志同安得下弟二字均作此審之似是與興上似盡雖未敢遽定然決非此字無疑此刻下方有百尺□□欲昏等字正書極爲端謹蓋舊刻之磨厓者

宋太學上舍題名碑

崇甯三年太學上舍題名序

若稽古神考以聰明淵懿之資

慨然恢復成周之治以樂育人材爲先務故於熙甯紀元肇新三舍之法垂三十年于茲矣於鑠皇帝聖學日躋獨冠百王之上學業唯繼述是念即國之郊崇建辟廡又頒教化于天下郡縣所在學館一新紛袍肄業雲集響應崇甯三年十一月四日躬幸太學取論最之士十有六人官之堂下諸生恩賜有差焉禮行俄頃之間風動四海之外儒生之榮古未有也臣等

親逢聖旦得預茲選其爲幸會何可勝言輒鑄版刊石記其姓名以德上之賜且爲子孫世世之光華豈不休哉 鄭南程振

趙國劉嗣明吳揆趙熙崔珪張緯方開李會戴頌葉祖義江致平林徽之喬孝純胡尙文以上正書神宗皇帝以經術造士始於熙甯之初當時欲遂放三舍天下未暇也徽宗益新月書季考之法崇甯三年首命太學上舍生賜第者十六人蓋經術之興至是□三朝矣而得人此其選也粵是政和翰林學士劉公實

在選中後五十至公之子襄通守此州願刻之石以紀其盛於是乎書紹興廿年三月左太中大夫提舉江州太平興國宮永

州厓住臣汪藻書以上篆書

金石文編涪溪翁題銜稱提舉江州太平興國宮者宋時謂之宮觀使也宮觀使置自眞宗祥符中在京以前宰相見任

史相領之在外則少保已上始得使名史相已下提舉宮觀而已見李心傳朝野雜記提舉宮觀眞宗時以兩省兩制丞

郎官爲之天聖七年以後學士待制知制誥皆得爲提舉初設祠祿之官原以佚老優賢員數絕少王安石相欲以處異

己者遂詔無限員又在外宮觀嶽祠初須力請而後授若因責降改作管句差焉亦安石相後異己者方直除大抵非自

陳而朝廷特差者如降黜之例又熙甯二年詔宮觀五嶽廟

並置管句提舉提點官四年詔各置一官餘聽如分司致仕

例從便居住其時宮觀止十餘江州太平興國宮其一也並見文獻通考時浮溪以顯謨閣學士出知徽州徙宣州為育者所論奪職居永所謂學士得為提舉也太平興國宮在江州不赴江州而永州居住者所謂黜降及聽如分司致仕例從便居住是也今縣志溪志載其文不明宋制改舉為學官為公謬甚故為正之

金石補正石太學上舍題名碑在涪溪鏡石下瞿木老輯通志時未見此刻宗滌樓輯永志亦未之見故所載多舛錯輯金石而不見拓本僅據它書錄之謬誤且百出也又頒教法于天下又誤作大紛袍肄業袍誤作他恩賜有差差誤作光親逢聖旦親誤作新崔珪瑤誤作瑤張綽誤作緯江致平致誤作欽寶在選中選誤作其通守此州此誤作永廿年作二十年又吳揆下脫趙熙一人並誤列方開於崔珪之上葉祖義於李會之上喬孝純於江致平之上備錄諸以族續修者採焉又案永志所載胡尚文下有一朱字似尚有一人姓名以文內十六人證之不應再有石本固無之也至紛袍句疑碑有謬字縣志所載與府志略同惟紛袍之袍不作他論最之最作定為異耳宋史程振有傳字伯起樂平人少有軼材入太學徽宗幸學以諸生右職除為辟雍學錄官終開封府尹即此碑所列之程振也史又有趙滋傳以父士隆戰歿

錄三班奉職康定初除涇原儀渭鎮戎軍都巡檢則別是一人餘俱無傳劉襄見太平寺鐘銘亦紹興廿年所刻其題銜云右朝散郎權通判永州主管學事此碑敘述不言權者略之但不知其本任何職耳通志職官失載其名又攷史神宗紀熙寧四年二月更定科舉法專以經義論策試進士給諸州學田增置學官十月戊戌立太學三舍法初入外舍不限員次升內舍二百員又升上舍一百員員各治一經元豐二年八月甲寅增太學生置八十齋齋三十人外舍生二千人內舍生三百人月一私試歲一公試補內舍生閒歲試補上舍生如定制哲宗紀元祐元年三月修國子學制六年十月庚午幸國子監賜祭酒豐稷三品服學官賜帛有差紹聖元年正月班內外學制元符二年十一月乙未選監司提舉諸州學事依太學三舍法考選生徒升補徽宗紀崇寧元年作辟雍於城南諸生自縣庠升之州學分三舍貢之辟雍自辟雍登太學俟殿試命以官三年十一月甲戌幸太學並辟雍賜司業吳綱蔣靜四品服學官推恩有差與碑所敘述者悉合至其賜第十六人史例所不載顧亦見於程振傳矣案紹聖元年郭知章言元豐以來十餘年上舍生推恩惟林自一人見玉則此賜第十六人者實為異數而史不及之也碑又云徽宗益新月書季考之法史亦未詳及

宋永州學記

襄宇訪碑錄汪藻撰篆書紹興二十年在祁陽縣

宋顏元祠記

天下金石志許尹撰祠祀顏真卿元結在祁陽縣

嘉慶通志案祁陽縣李志涪溪新志並載許永顏元祠堂記中云紹興二十一年予守永州夏四月過祁陽乃始盡得所謂涪溪之勝者已而復謁二祠上兩旁風廟貌傾委懼將壓焉乃屬縣宰劉擗易而新之末書紹興二十二年十月日記則天下金石志尹字恐永字之譌然零陵縣志亦載有宋郡守許尹詩未知孰誤

宋劉蕤涪溪題名

河間劉蕤自紹興戊辰得官茲邑迄丁丑歲三來於此竟未能去十載之間奔馳往來江山如故每一登覽重增感慨云季夏七日

金石文編右劉蕤題名八分書五行在東厓石上

宋李元老涪溪題名

河內李元老被命假守清湘挈家來遊紹興戊寅仲冬十六日書男耆明耆厚耆勳壻鄭種侍行缺六赴清湘過缺八而言曰昔缺八天缺十林缺八名缺六相缺六在缺六往非缺六不在公乎忍不為漫郎一言缺六公笑曰有是哉乃缺六明年春二月

既望缺十之口

金石文編右李元老題名正書六行在磨厓石壁涪溪新志耆明耆厚耆勳六字誤作者厚勳三字又壻鄭種脫壻字種誤重

金石補正通志職官孝宗朝李元老知邵州當即其人此刻之後有題記十行行十一字字徑四分正書前人皆忽略過之惜漫漶特甚僅辨四十字

宋李逸涪溪題名

紹興辛巳盤谷李逸德舉貳郡雁峯以中秋被檄如清湘事竟既還九月二日來遊溪上觀磨厓碑偉哉男絜侍行

金石文編李逸題名正書七行在磨厓石壁自稱盤谷李逸必是唐李愿後裔其云貳郡雁峯者蓋逸時通判衡州也清湘縣在今廣西之全州係馬氏置為全州治明洪武中始省入全州宋時全州會屬荆湖南路故李逸有被檄清湘事涪溪新志脫如清湘事竟五字哉誤作蹟

宋秋隱里夏涪溪詩

讀中興碑 辭本春秋作聳翁策固長謾嗟寢貶迹孰繼老汾陽 隆興改元秋隱里夏題

襄宇訪碑錄正書隆興元年在祁陽

金石補正瞿宗二家未見拓本四行正書詩極簡嚴末句有

無限感喟

宋劉芮浯溪題名

河閒劉芮日常平茶鹽職事行部祁陽令侍其光祖監南嶽廟趙公衡寓士吳大光送別浯溪讀中興頌閱古今題字煮泉酌茶而行隆興甲申六月戊寅題

金石文編劉芮等題名八分書六行左行在嵒臺西攷宋史宗室世系表魏王廷美之六世孫皆以公字排行表列以公衡名者四人一為秉義郎公衡承議郎綽之子一為從事郎公衡左中奉大夫縱之子皆潁川郡王德彝之後一為承節郎公衡忠翊郎緒之子乃廣陵郡王德雍之後一為忠訓郎公衡忠翊郎虞之子乃申王德元之後宋制選人許乞嶽廟故朱文公嘗以左迪功郎監南嶽廟選人者進士也進士選官例得防團推官監判官元豐改官制以階易官崇甯後選階換從事郎其秉義承節忠訓等郎皆武階此公衡以選人監南嶽廟階應從事郎則必德彝之後縱之子矣

金石補正通志職官高宗朝載劉芮判永此云常平茶鹽職事或經遷陞孝宗朝載侍其光祖令武陵此云祁陽或經量移又載侍其先為祁陽令恐即光祖之誤侍其光祖有浯溪石刻後集再集漁陽浯溪攷引作棊光祖殊誤祁陽萬志載

此誤目為因而光祖字不誤聖所見殆非萬本

宋王彥清浯溪題名

乾道辛卯中秋後十日王彥清同骨肉泛舟來餞弟千乘之官象臺徘徊磨厓峯碑下終日而別侄檜男慶老侍行千乘書

嘉慶通志案右刻載浯溪新志云在鏡石下

拓本耳五行行書

宋李處端浯溪題名

李處端能伯以乾道壬辰□□□□後下

金石文編右李處端題名在磨厓壁間後半剝蝕並為後人磨去改題僅存此二行十字矣正書

宋范成大浯溪詩

浯溪新志序云乾道癸巳春二月余自西掖出守桂林九月渡湘江遊浯溪摩挲中興石刻洎唐元和至今遊客所題竊謂四詩各有定體頌者美盛德之形容以其成功告於神明者也商周魯之遺編可以概見今元子乃魯史筆法婉辭含譏蓋之而彰後來詩人復發明呈露之則夫磨厓之碑乃一罪案何頌之有竊以為未安題五十八字刻之石傍與來者共商略之此詩之出必有相詬病者謂不合題破次山碑此亦習俗固陋不能越拘攣之見耳余義正辭直不暇卹也

金石文跋范成大字致能吳郡人紹興二十四年進士第授戶曹監和劑局遷正字累遷著作佐郎除吏部郎官罷奉祠起知處州遷起居郎假資政殿大學士充金國使全節而歸除中書舍人知靜江府除敷文閣待制四川制置使除權吏部尚書拜參知政事兩月奉祠起知明州除端明殿學士尋帥金陵以病請閑進資政殿學士再領洞霄宮紹熙二年加大學士四年卒見宋史本傳傳言成大素有文名尤工於詩上嘗命陳俊卿擇文士掌內制俊卿以成大及張震對自號石湖据傳敘成大知靜江府於張說除簽書樞密院事後攷宰輔表張說除簽書樞密院事乃乾道七年辛卯此刻序云乾道癸巳在後二年正與史合靜江府即桂林也

宋陳從古浯溪詩

浯溪一股寒流碧聳起雙峯如削壁兩公文墨照溪津到今草木增顏色想當忠憤欲吐時盡挽江山供筆力我來弔古不勝情豈但登臨愛泉石漁陽舊事忍再論僅賴令公安反側書生百感夜不眠起讀新詩轉悽惻南徐陳從古希顏紹興辛巳秋過浯溪誦簡齋詩因用其韻乾道口年口月初十日右從事郎知祁陽縣主管學事范口口上石

金石文編右陳從古詩正書九行在嵒臺西北石壁筆法甚佳

金石補正范令名泐官志孝宗朝祁陽令無姓范者其名不可攷矣簡齋詩未見想已不存縣志載有陳與義詩與義號簡齋汝州人疑即其人惟此云因用其韻彼乃七律近體不相符合縣志載此欲吐時作吐詞時誤又載其重過浯溪詩云在嵒臺西北今亦未見詩云小憩唐亭上悠然倚一枝雲埋漫郎宅水落魯公碑興廢悲前古登臨記昔時重來頭已白忍看舊題詩

宋陳從古浯溪題名

陳從古來

金石補正右刻在嵒臺絕頂石上正書字徑三寸許同治壬申九月楊海琴搜得之

宋劉學雅浯溪題名

建安劉學雅以廣西帥按劾謂謗訕口政斥罵宰相臺諫姓名特降一官停轉運司主管文字見任永不與堂除缺經浯溪再題

金石文編劉學雅題名正書四行左行在余靖題名末行下空處其第三行堂除下爲後人磨去改刻缺數字矣攷學雅係從事郎監潭州南嶽廟劉玘兄子樞密琪之長子琪玘二墓志俱朱子撰見大全集琪卒於清熙五年時學雅官承務郎此云以廣西帥按劾特降一官停轉運司主管文字見任

永不與堂除者宋制轉運司屬官有主管文字一員蓋學雅時為廣西轉運屬官被劾削去不准復除他官也所謂堂除者猶今之吏部挑選耳題名末云經涪溪再題則必先已有題刻矣今未見此刻前人未著錄予按剔得之

金石補正省府志均脫仍字劉琪兩知潭州俱在清熙以前通志列此於清熙末姑從之

宋薛子法等涪溪題名

河東薛子法祁山李亨時江南夏少原東魯楮彥淵長樂陳亨仲涉江覽古過涪溪寺紹熙王子仲春中浣

嘉慶通志案右刻見涪溪新志

宋徐大節涪溪二篆字

涪溪篆書長徑四尺三寸許 慶元己未重陽永州通判徐大節篆 祁陽縣令

金石補正右刻前人未見與澹島二篆字同日所書蓋書於永郡非至祁所書也

宋趙彥楠涪溪題名

開封趙彥楠被命持節廣右道由涪溪拭目中興磨崖碑頌遐想元顏二公風烈徘徊久之三歎而退時嘉泰甲子季秋二十日客晉陵馮祖德同遊男炬夫焯夫侍住山妙應上石

金石文編趙彥楠題名正書七行在涪溪磨崖碑右書法頗

有晉人風骨攷宋史宗室傳彥楠字文長悼王七世孫登乾道二年進士第尉樂清又官福建路運幹慶元初知晉陵縣多善政擢登聞檢院時韓侂胄當國朝士悉趨其門彥楠切歎惋出知汀州遷廣西提刑侂胄死詔戶部侍郎兼樞密院檢詳遷湖廣總領又知平江府崑山縣並分置嘉定縣轉寶謨閣待制卒於官年七十一此正彥楠由汀州遷廣西提刑時道經涪溪所題朱子大全集有與趙子欽彥楠書子欽蓋其號也涪溪新志楠誤作楠脫頌字各字退誤作返焯誤作焯

宋濡須王某涪溪詩

游宦過湘山道阻十里閒奎壘自今容拂拭蒼崖從昔要躋攀掃除妖孽錄勳庸信自歎此生那從是行應得開禧改元乙丑仲冬十有三日濡須王達

金石補正右刻七行正書在磨崖右王世延題名之下涪溪有嘉定年濡須王枏題名初疑是詩為枏作細審之王下第二字是達則非枏也枏字仲方見澹巖題名

宋涪溪迪功郎殘刻

聞崇通守零陵時做次山體所作之頌也以未上入石後四十三年帥久之僅鐫

山□□□缺□□□□□□□□嘉定二年□十月□日嗣孫迪
功郎□州□□

金石補正右正書三行在磨崖下同治甲戌秋抉剔出之湮
沒塵土不知幾何年矣惜曼患不見姓氏也此拓疑未全

宋牟希元涪溪詩
牟希元來遊次張太史簡誠嘉定庚午□月□日磨

金石文編右牟希元詩約有十三行行十七字前詩漫漶已
甚不能審讀止存末二行可辨正書左行前人未見

宋趙善謚涪溪詩

善謚假守二年首尾困於供億寇穴既清諸臺撫微勞刻上而
善謚以多病丐歸矣舟次涪溪扶疾周覽風物因畱四韻以識
重遊非敢言詩也嘉定辛未暮春五日浚都趙善謚安之 兩
載真成漫浪遊豐碑重拂倍含羞空憐民力疲芻粟濫厠時賢
動冕旒病骨詎堪勝重寄歸舟喜不負清流家山屈指朝朝□
□老休勞念□□石□□楔後二日歸舟同缺詩以授希
閻行半清流之語缺也缺公之遺□□出口可不刻諸崖石
以慰邦人之思惜也堅珉未磨而公已□玉樓於天上矣雖然
其可已序昔羊叔子與涪□慨歎先達多湮沒無聞涪猶慮登
此湛輩亦謂□之涪□卒使異時見峴碑□涪敏敢於公亦□
既望族姪孫潛貢進士永涪希閻百拜敬書

寶字訪碑錄正書嘉定四年在祁陽縣

嘉慶通志案謚訪碑錄作謚攻零陵縣志景定甲子教授吳
之道永州修城記嘉定開趙侯善謚始增修裏城云云似即
此題詩之人而作謚又攷宋史宗室世系表善謚乃贈朝奉
郎不佞子善謚武節郎不迺子係兩人皆鎮王元偃後此必
官零陵之人而贈其父為朝奉者當作善謚今改正

金石補正右趙善謚詩前後共廿九行正書當時未即上石
至其族姪孫希閻官永迺跋而刻之刻石年月適在泐處永
志官表又不載希閻仍以作詩年月系諸嘉定四年謚訪碑
錄作謚瞿氏輯湖南通志改作謚永志因之皆未見石刻耳
通志職官失載永志官表列趙謚名云舊作趙善謚恐傳異
考涪溪嘉定辛未題名有假守趙善謚或又一人也宗氏未
得拓墨其所引者當是舊志不誤之本既知此刻之作謚不
據以改舊官志謚字之誤復合趙善謚趙謚為一人且於金
石內仍作謚彼此歧異亦疏舛矣宋史宗室表善謚為不佞
次子善謚之弟縣志所載永州修城記善謚恐亦是善謚之
誤耳文云假守二年困於供億寇穴既清諸臺撫微勞刻上
以史攷之是柳州黑風峒寇李元孺之亂也二年始亂三年
年事平四年二月李元孺誅賞平寇功與此正合

宋涪溪嶺表撫刑題名

子投命撫刑嶺表假道浯溪與從姪祁陽尉包□偕遊于此
嘉定四年四月初□□□識之

金石補正五行正書姓氏已泐祁陽尉包□志亦不載莫可
攷矣紀元下一字蝕尙存上半山字可辨蓋嘉定也此刻志
所未載

宋浚儀趙某浯溪詩

元頌顏書□□好風吹我過三吾倚空□□煙雲□□古興
亡草木枯讀盡□□畱缺六較錙銖缺七重見磨崖有□□
嘉定四□□月七日浚儀趙缺十通缺三媿缺六以□興缺七
以識缺入

金石補正石正書十四行在王栢題名左右既剝侈拓亦不
精後半尤難辨以數本諦審互勘之僅得四十七字前人未
著錄趙下頗似與泳二字然未可定訪碑錄載嘉定八年趙
某題名疑卽此刻之誤

宋崇椿張某浯溪詞刻

英聲初發記舍選齋驅祖鞭先著風月平分尊罍談舊各已蒼
顏白髮屈指待拚一醉祝生申嵩嶽怎知道爲清湘□潤壑移
賢傑 休說予心渴里甚爭先擬持杯階闈畢竟人閒賞心樂
事種種盡歸緣法拈取瑞香一瓣爇向湘山名刹無量壽和一
身見在兩尊菩薩 同舍臧餘庚賦喜遷鶯爲賤生壽生申之

日適□事□□用調和韻以謝先施斷不可移之他人越明年
椿□沙堤之上話□又馳□嘉定甲戌夏五月崇椿張□□
金石補正行書十一行前人未見訪碑錄有嘉定七年張某
浯溪詩當卽此刻惟誤詞爲詩耳詞後題語有越明年椿云
云似是其人名椿末云崇椿張□□又似其人之字疑不明
矣

宋臧辛伯浯溪詩

四山凝碧一江橫讀盡唐碑萬感生卻想老僊明月夜渡香橋
上聽溪聲吳興臧辛伯

金石審行書六行不紀時次荆人未之見也

案舊通志官表有甯宗時通判永州臧辛伯卽此人無疑
浯溪題詩當在嘉定間

宋趙崇憲等浯溪題名

趙崇憲洪友成同遊嘉定乙亥四月廿四日 弟崇尹同姪必
益必矩鄉人曹全目舟行越三日繼至 後十二年寶應丙戌
九月二十五日崇模被命守桂實繼先兄吏部前躅道由浯溪
敬詹題墨爲之泫然男必珂侍萬渙之陳定孫萬時偕行 缺
十一月二十一日弟崇夏 缺 兄經略親挈家還鄉□經浯溪表
回半日□ 缺 必樞必柄必爽必 缺 道隆郭朴 缺 後皆
金石文編浯溪有趙崇憲崇尹崇模崇寬四題名皆在磨崖

之左厓凹間以次續題自南而西北第一趙崇憲四行次崇
尹四行次崇模五行次崇寬五行皆正書字大小不齊攷宋
史宗室世系表崇憲崇尹俱漢王元佐之後贈太師申國公
不求之曾孫善應之孫必益乃崇憲之子必柄必爽皆崇尹
弟崇夏之子必樞乃崇尹同八世祖崇瀚之子也崇瀚兄崇
澤之子有必渠卽必矩也崇模不見於表而以必珂係於崇
憲弟崇夏之兄崇樸下非崇樸乃崇模之誤卽必珂上脫去
崇模二字崇寬名亦不見於表恐皆表之脫誤也據此可以
正之表有兩崇憲皆係漢王之後以前後四題名證之此崇
憲當是汝愚之子崇尹乃汝愚弟汝拙長子也涪溪又有趙
必愿題名必愿亦汝愚之孫崇憲之長子也史有傳崇憲史
附其父汝愚傳字履常淳熙八年對策第一越三年復以進
士對策擢甲科初仕爲保義郎監饒州贍軍酒庫換從事郎
撫州軍事推官汝愚帥蜀辟書寫機宜文字改江西轉運司
幹辦公事監西京中岳廟汝愚既死海內憤鬱崇憲闔門
自處居數年復汝愚故官職多勸以仕改奉議郎知南昌縣
事荒政所活甚多升籍田令以父冤未白上疏力辭俄改監
行在都進奏院復引陳瓘論司馬光呂公著復官事申言之
乞以所陳下三省集議辨其父之讒謗顯其父之功德乞下
史官改正誣史又請正趙師召妄貢封章之罪究蔡璉與大

臣爲仇之姦毀龔頤正續稽古錄之妄詔兩省史官考訂以
聞復以誣史未正進言復玉牒所卒重修龍飛事實未幾贈
汝愚太師封沂國公擢崇憲軍器監丞改太府監丞遷秘書
郎尋爲著作佐郎兼權考功郎又因閔雨求言上封事請外
知江州疏蠲江州民和糶又以瑞昌民負茶引錢請以新券
一償舊券以紓民困受賜者千餘家刻石以紀其事修陂塘
以廣溉灌數千所提舉江西常平兼權隆興府及帥漕司事
遷轉運判官仍兼帥事修復汝愚捐創養濟院更復社倉以
兵部郎中召尋改司封皆固辭遂直秘閣知靜江府廣西經
略安撫靜江屬邑之賦再加蠲減縣民立祠刻石勅璣守激
黎峒之變民何響父子導峒蠻爲寇繫置之法嚴民夷交通
之禁又條上復扞防溪峒之議朝廷頗採用之天性篤孝居
父喪月餘始食小祥始茹果實終喪不飲酒食肉比御猶弗
入者久之此題名蓋崇憲知靜江府經略廣西時道經涪溪
所題也又廣西臨桂有新潭州善化縣主簿張茂良廣西經
略顯謨趙公德政頌碑云紹定四年秋有詔帥廣西趙公進
直顯謨閣易鎮寶婺桂人德公之久結戀不釋又云公丞相
忠定之三子名崇模模字履規粵西文載謂崇憲弟崇模亦
知靜江有美聲蓋後崇憲二十六年今據題名則崇模知靜
江府乃寶慶二年在崇憲十二年之後又五年而易鎮婺州

去任也文載作二十六年誤此四刻前人皆未見粵西金石略載有嘉定丙子曾全洪友成趙必益必矩等題名以此刻證之曾全恐是曹全之譌

金石補正與甯有趙崇尹書天下奇觀四字鐫於厓石郴州志云嘉定七年任興甯台而通志職官甯宗朝載趙崇尹為永興令二者不同未審孰是崇夏汝拙之子省府志誤為崇寬並失審寶慶丁亥字餘亦多闕誤鐫津宋屬藤州今藤縣地避兄經略者崇模帥桂也必柄上志作樞審之非是宗室表崇夏子七人必柄必慮必竑必爽必猷必紹石刻僅辨其二矣此拓疑尚未全

宋管湛涪溪題名

管湛守桂召還乙亥五月十日摩娑石刻而去

金石補正六行正書在石門小石西北前人未見題名有干支而無年號以廣西石刻證之乃嘉定八年也管湛字定夫括蒼人廣西隱山棲霞洞白龍洞中隱山劉仙岩均有其題名嘉定辛未七月稱憲臺王申初伏稱計使癸酉九月稱經略安撫蓋由刑司轉漕司而帥桂者此云守桂召還正合又案江西志管湛字定夫臨川人鑑子累官金部郎中除廣西提刑兼經略安撫區處橫山羅甸蠻人帖服代百姓輸上供麥秋苗為緡鉅萬三遷至大理少卿有定齋類彙甲乙集志

云臨川與其自署括蒼者不同或係舊貫邪

宋劉用行涪溪詩

祿兒豈解傾唐祚獨使斯文壽兩翁蜀道至今遺舊話湘流澈底照孤忠雅風瀟雨中興字轉地回天尅復功人說蒼崖磨向盡不知磨盡幾英雄 嘉定乙亥臘月清源劉用行聖與題

金石文編右劉用行詩正書七行在磨厓左厓上趙崇憲題名後深沒土中發掘洗拓僅得其上截此刻前人未見案劉用行撰有紹定五年茶陵築城記中云予以屬郡丞詣潭白事則用行恐官永州丞者

案劉用行詩瞿氏僅得其上截故嘉慶通志仍其缺同治丁卯有嗜古者命工再掘搨審遂竝下截詩文所缺二十一字悉得之今著錄如右

湖南通志卷二百七十六

湖南通志卷二百七十七

藝文志三十三 金石十九 宋

宋林伯成涪溪詩

讀時方喜能戡亂責備猶疑過頌功歸美從來臣子事誰歌宋
德乃心同 嘉定丙子孟秋旦長樂林伯成知萬攜子元鼎元
泰同張器之令叔郡貢士唐□□卿子輝□□□賦此以識
歲月

金石文編右林伯成詩正書十二行在磨厓石壁前人未見
朝野雜記載丙寅淮漢蜀口用兵事目中有盱眙守臣施宿
正且副使林伯成皆言北方事云云乃在開禧四年正月後
疑卽此題詩之林伯成也

金石補正通志職官林伯成知桂陽軍系度宗朝恐誤
宋長沙易祓遊涪溪詩

湘江東西直涪溪上有十丈中興碑誰圖圖碑鎮山曲溪邊美
人美如玉想圖歌頌大業時圖圖星斗光陸離鷺須鬣尾更清
勁凜凜襟圖困圖困部之文魯公書兩翁寥寥千載餘後困
更有黃太史健筆題詩起翁死一派溪流徹底清溪邊鏡石圖
而明我思古人不可見水石圖作瓊瑰圖竭來名山訪遺蹟煙
雨淒迷山路溼野叟蒙頭圖圖碑君圖問諸水邊石 長沙易
祓還自清湘道出涪溪□舟崖下懷古興思輒綴數語以識我

山邱□願長沙賀廷彥始安歐陽誠同□男□侍行嘉定九年
七月且書

震宇訪碑錄行書嘉定九年七月在祁陽縣

金石補正右易祓詩十行正書題款行書在磨厓石壁下同
治丁卯始從沙土中發出之瞿宗兩家未見也訪碑錄闕其
名審之是祓字通志有易祓傳云字彥章甯鄉人淳熙十一
年上舍釋褐爲翰林學士歷禮部尙書封甯鄉男退間三十
年號山齋居士又楚寶增輯云易祓字彥祥一字彥偉初仕
文林郎昭慶軍節度使掌書記累官至禮部尙書兼翰林院
直學士以時論不合謫融州移全州得旨自便尋復原官轉
朝議大夫賜紫金魚袋封甯鄉縣男著有周易總義周易辨
疑易學舉隅禹貢疆里廣記今廣西岩洞多有其題記此云
還自清湘正自全回家得旨自便時也縣志載此詩寥寥作
寂寥竭來名山誤作偶來真仙而碑石曼患之處賴志足以
補之

宋易祓和許玠涪溪詩

讀唐中興頌 長沙易祓彥祥 唐家基業重於山甯許胡維
據九關當日人心旋□堵異時世變却循環壞分旄鉞誰能制
政出貂瑤不復還千古高崖鎖蒼蘚空甯遺蹟蹈元顏 甯謂
祿山聘兵不足以旤唐而唐祚中微正在祿山旣平之後覆車

不戒禍變相仍可勝歎哉因次襄邑許玠介之韻嘉定丙子七月三日

金石補正七行正書易被自署彥祥疑志傳作彥章者誤然

志引魏了翁云彥章周禮足補傳記所未及亦作章

宋林訪浯溪詩

訪嘉定丁丑仲夏秩滿零陵郡決曹理棹東歸過溪觀中興

頌周覽古今碑刻輒歎之勳業元顏之文章歷年雖久久

靈武儲皇識事端解將權術濟艱難當時若徇區節

宗社何由獲再安 文士相輕自古然堪嗟嘲詠費雕鐫元顏

文筆非餘子未可毛疵議昔賢 子慶孺姪起子二孫顯永侍

金石補正十四行行書在磨厓右案永志官表林訪以嘉定

九年任參軍此刻首云訪嘉定丁丑仲夏秩滿零陵郡決曹

第七行見一林字其為林訪無疑通志職官失載林訪嘗為

陰德堂銘宗氏以堂為法曹廳事與此言決曹者亦合輒歎

下似是汾陽二字姑闕之

宋方信孺浯溪題名

莆田方信孺紹熙癸丑嘉定丁丑三訪浯溪

謝啟昆粵西金石略陸放翁書詩境二字方信孺屢刻之因

自號詩境甫信孺有好菴游戲詩境集劉克莊為之序案宋

史方信孺傳無一言及其官廣西時事考吳獵方公祠堂記
言信孺為崧卿仲子幼從父宦於桂後二十年復來官提刑
兼判漕信孺詩境跋云此字始刻於韶再刻於道三刻於桂
是信孺由韶而道而桂也粵東金石略載信孺韶州刻詩境
字在嘉定辛未蓋嘉定四年也其道州太史樓記云予以嘉
定壬申春曲江拜命來守茲土冬十月經連山問津而西是
信孺於五年冬抵道州任而次年癸酉三月至桂嘉定九年
十二月信孺尚為本路運判見義前華嚴洞詩刻是信孺韶州後歷官
蹤蹟如此皆史所未載山東內附在十二年信孺以言事去
官隨自放卒文載小傳言其由廣西轉運罷歸復以提刑至
宋詩紀事謂知真州後至廣西皆誤也

金石文編右方信孺題名七行每行一二三字不等正書大
徑六寸許臥刻於浯溪石門右北小石上面向上半沒土中
予發土搜剔出之三上一字石已損闕攷宋史傳云方信孺
字季若興化軍人少有雋才為周必大楊萬里所賞以父蔭
補番禺縣尉後為朝臣所薦假朝奉郎樞密院檢詳文字充
樞密院參謀官持督師書通使於金往返三次俱以正辭折
敵還朝以金人欲得太師頭語擢韓侂胄怒奪三秩臨江軍
居住後王柟使金和議成歸奏言皆信孺備嘗險阻再三將
命之功金人見柟必問信孺安在乃詔信孺自便尋知韶州

累遷淮東轉運判官兼提刑知真州山東初內附信孺言宜
選威望重臣將精兵數萬開幕山東以主制客坐責降三秩
再奉祠稍復官信孺性豪邁輕財好客使金時年甫三十其
尉番禹有捕海盜功知真州卽山築隄後金人至決水退敵
城乃獲全旣去官歸營嚴室放於詩酒而沒案今廣西臨桂
巖洞多信孺題刻乃自嘉定六年三月訖八年八月官廣西
提點刑獄兼轉運判官時也據吳獵撰信孺父故廣西轉運
判官方崧卿祠堂記崧卿於紹熙壬子四月至桂林此題名
云紹熙癸丑者蓋信孺於壬子次年赴父任時經浯溪也攷
甯宗戊辰年改元嘉定終於十七年甲申其十年當爲丁丑
粵西金石略謂信孺嘉定九年十二月尙爲本路運判則此
丁下所缺必是丑字蓋信孺於十年去廣西任復經浯溪而
又兩游其地故云三訪耳此刻前人未著錄
金石補正右刻在柳公臺之下丁下丑字尙可辨識瞿氏之
言爲足徵信

宋留筠浯溪詩

天生一代老文詞留得高名日月垂山口猶餘元氏族溪痕幾
口魯公碑未論再造中興業却羨三吾高臥時崖石雖磨千古
在渡香橋下水空悲 清源留筠嘉定丁丑臆前行部來游
住持傳法僧法祖謹刻崖石

金石文編右留筠詩行書七行在磨厓左厓上前人未見攷
留筠係孝宗朝參政留忠宣正之次子也廣東南海蘇文忠
浴日亭詩乃其所刻跋云嘉定辛巳則在此刻後四年矣澹
山巖詩自署其字曰端父與浴日亭詩跋同此與澹山巖二
刻俱云行部來游則筠必持節官荆南者而舊志俱無其名
脩志不搜金石知缺漏者多矣浴日亭詩跋中云筠舊得此
真蹟於湘中蓋正指此題名時言之彼此可以互證筠書法
端秀似學顏清臣者

金石補正通志職官仍未補留筠名官志不出木老手也

宋留筠再題浯溪詩

爲愛浯溪風景幽重臨釣石繫歸舟不妨細讀豐碑下墨本空
看幾白頭自笑塵埃賦口忙佳山招我莫徜徉何當了卻癡兒
事來伴高人枕碧湘 筠舟還浯溪再留二絕 住持傳法僧
法祖謹刻崖石

金石文編右留筠再題浯溪詩州書七行卽在前題之後北
面前人亦未見

宋王枏浯溪題名

濡須王枏通守零陵沿檄慮囚歸涂經此雷連一夕而去時嘉
定戊寅十二月望

嘉慶通志案右刻在小嶧臺北見浯溪新志但有紀元月而

無年歲恐有脫誤

金石補正五行正書在石門西北小石上省府縣志脫歸涂
戊寅四字又酉作流未見拓墨沿溪志之誤也通志職官失
載

宋呂銓涪溪題名

嘉定己卯閏三月甲子汲郡呂銓平叔之官零陵熸舟涪溪得
訪古遍清勝是日□□□文譽德父唐汝熊子□□□
子淮壻□侍

金石補正七行行書在小岵臺東南文云之官零陵而省府
志職官均無其名

宋許綸等涪溪題名

豫章許綸行之嘉定庚辰長至日拉金陵李植直夫廣陵王瀛
彥行清江張天錫應祥錢塘夏諺華之巴陵鄭導□叔古桂頂
文子□卿艤舟於磨崖之下步自岵臺至於中堂登境下十

金石補正正書十二行在石門東南許字僅存午旁澹歲有

許綸題名在紹定三年自署永嘉與此不合永志官表許綸
任道州在寶慶三年通志亦列於理宗朝當別一許綸也又
通志甯宗朝有興甯令王瀛不詳里貫未審即此廣陵王瀛
否

宋曾煥涪溪詩

元頌顏書山谷詩還鑄我宋中興碑慙慙三讀重回首萬□□
江渺瀰 廬陵曾煥將漕廣西召還過此嘉定庚辰四月二
十三日

金石文編曾煥題名行書七行在磨崖石壁案廣西臨桂嘉
定丁丑題名煥字少卿乃在此前三年此云將漕廣西召還
則此次似未經到粵西矣丁丑題名時未知煥為粵西何官
此刻前人未見

金石補正曾煥龍隱巖題名不署官職此云將漕廣西召還
過此正合瞿氏疑其未到粵西恐誤讀將字為平聲矣
宋涪溪趙某殘詞刻

字缺四皆□□流垂□斷崖依葛橫碧□□獨有千古文章鏗
錫炳耀不與名缺字盡□□遠缺七不□□拳石舉杯相屬坐
還有此客 嘉定庚辰歲夏五月□日趙□□□書

金石補正行書十行半已磨滅

金石補正可辨者十一行宗氏僅見十行嘉定誤刻作景定
前為鄔某磨去改刻其詩五六七行之上截及末一行又為
俗子鐫刻不能全讀矣趙下似崇字

宋鍾興嗣涪溪詩

興嗣暫寓涪溪得觀古今碑刻往往議論互相矛盾其端皆由
黃太史之詩而起曾不知黃太史特以春秋之法責備肅宗初

不議次山之失且云臣結春秋二三策臣甫杜鵑再拜詩安知忠臣痛至骨世上但賞瓊瑤詞則是不譏元子之頌明矣吁至美不贖惡大醜不掩疵其唐肅宗之謂歟會未若我宋南渡二帝聖德粹然無瑕可指千萬世而下又孰得容喙耶予推明山谷不賣元子之意因降歎光堯孝宗聖明相繼之盛云時嘉定庚辰秋孟朔旦章貢鍾興嗣序 羯奴禍唐室宗社已傾危翠華幸西蜀大物執主持儲君起靈武事亦從權宜人望既有屬姦孽就誅夷次山憂國切聞此喜可知歸美頌君父隱惡義當爲滄翁仗正論凜然寓刺規指摘心中過併及宮闈微茲用春秋法肅宗其何詞會無一半語追咎元子非後來好事輩往往互詆譏或立黨同意或費解嘲詩識者具眼力理解夫奚疑盍觀我宋朝崖上中興碑光堯再造續炳若日星垂功成體天道退處志莫移神器親付授嗣皇猶懇辭數四不獲命黽勉祇受之飭躬備敬養朝夕益孳孳君不見帝典書之盛端由揖遜基二聖盡慈孝堯舜并驅馳俯視於李唐德業有醜疵惟餘尅復願天每斬其機孫支繼述責未有易今時出兵弔遺黎孰不迎王師免使讀頌者懷憤徒傷悲

金石齋右刻序五行詩十行皆正書據詩似宋亦有中興碑者抑卽作者自以此詩當之耶此刻荆人未見近亦罕有拓者續辰於十二年前過崖下得之

金石補正首行末石泐宗氏作春秋二字唐宗宗上多一肅字皆以意增補非石刻所有也

宋徐自明涪溪詩

○○○○○○奇金石相輝萬古垂論定固知名貴正時危更識禮從宜溪山不老刊長在天地重開繼者誰多少艤舟咸有紀况子畢成可無詩 嘉定庚辰中秋後四日郡守永嘉徐自明書

金石文編右徐自明詩正書十三行在磨崖石壁首行已爲後人題刻磨去前人未見攷自明字誠甫撰有宰輔編年錄

金石補正徐自明知永州通志列理宗朝恐誤

宋董鴻道涪溪詩

臨川董鴻道叔宏省親零陵偕友人邱靖夫東歸夜泊涪溪叔雲弟擊舟來餞時嘉定庚辰臘月五日 艤舟和月上唐亭風露淒寒酒易醒誰爲漫郎寫幽思度香橋下水泠泠 二十年

前八桂回摩抄蒼薛讀碑來如今再自涪溪過折得梅花伴酒杯

實字訪碑錄正書嘉定十三年十二月在祁陽縣

金石補正正書十四行瞿氏未見拓本故疑訪碑錄所載卽火星岩題刻之誤度香橋在縣南涪溪寺前

宋臨汾張某涪溪題名

臨汾張□□正公檄□□時嘉定辛巳仲春二十四日

金石補正正書四行在王栢題名之右前有綸叟亡三字字徑二寸許當是詩尾疑即張某所題

宋張潞浯溪詩

高樓巨壁立□蒼中直浯溪帶樣長黃屋朝臨蜀萬里翠珉暮刻楚三湘兩朝功罪乾坤定二子文書日月光太息斯盟誰復主代興今者得黃張 嘉定辛巳四月丙戌桂林郡丞廬陵張潞之官經遊讀碑感慨為賦七言

金石文編右張潞詩行書十三行在磨崖壁上前人未見

金石補正黃張謂山谷文潛也文潛詩僅存明刻矣

宋王子申萬石巖題名

祁陽縣志周誌勳詩注嘉定間

宋張應祥萬石巖題名

一隸書一行書皆云訪邑士郭次尹

宋趙必愿浯溪題名

趙必愿假守清湘道出浯溪拜二公之祠敬觀先君吏部遺刻整整一紀歲月易流不勝感慨竹洲洪□成同行寶慶丁亥四月三日

金石萃編史傳必愿字立夫廣西經略安撫崇憲之子丁父

憂居喪盡禮貽書問學於黃幹服除差充兩浙運司主管文字再攷特差充提領安邊所主管文字差知全州陞辭乞下道江二州訪周惇頤之後此題即其時也云敬觀先君吏部遺刻者謂其父崇憲安撫廣西時過此畱題也

金石文編攷崇憲題名見前乃嘉定乙亥四月故云整整一紀洪下缺一字据前嘉定題名當是友

宋無上宮主訪蔣暉詩

謙罷高歌海上山月瓢承露浴金丹夜深鶴透秋雲碧萬里西風一劍寒 無上宮主訪蔣暉 永州之祁西北六十里烏符山者暉先世別業於其下比歲捐家帑建玉虛上真之宮三年有成紹定己丑中秋後十日庚申有稱宮先生者貝巾黃服神采飄爽過門謂暉曰佳山水也遂相攜登殿復云可取針石當為鑿之乃歸呼茶取石登山恍然莫知其所往但見壁間翰墨光潤鮮悅照人深以為訝識者乃云純陽妙通真人呂公自言回先生亦云無心昌老昌字無其心即呂字也今謂無上宮主宮字無其上亦呂字也所到有仙跡多矣非真人其誰邪暉默而思之千一之遇敬臨仙筆刊之翠琰敢不自勉也哉清逸子蔣暉頓首稽首謹書

金石文編無上宮主訪蔣暉詩并記作兩截上刻詩州書四行下刻記正書廿四行在祁陽縣北六十里官道之左乃紹

聖中蔣暉記遇呂仙贈詩事暉記云稱宮先生又曰呂公自言回先生亦云無心昌老昌字無其心即呂字今謂無上宮主宮字無其上亦呂字也攷宋人東軒筆錄載滕宗諒守巴陵有華州回道士上謁風骨嶮秀滕知其異人口占以贈之曰華州回道士來到岳陽城別我遊何處秋空一劍橫回聞之憮然大笑而別則華州回道士云云一詩乃宗諒賦贈呂仙者今全唐詩采入呂詩中反其題曰贈滕宗諒誤矣此訪蔣暉詩全唐詩題作題全州道士蔣暉壁譙罷作醉舞月瓢作天瓢浴誤作結雲誤作空皆當以碑爲正

金石補正志載夜涼作夜深青巾作貝巾均誤家字及黃服字均有改刻之痕湖廣通志云蔣暉邵陽烏符觀道士有黃冠過訪嘗曰無上宮主暉歸知呂仙也追尋之亦飄然長往莫知所之得此碑知所謂飄然長往者誣矣湖南通志亦未更正一統志烏符山在縣北六十里元成宗時劉國傑討平禾盜相要地爲三屯衡曰清化永曰烏符武岡曰白倉卽此山也碑云西北微異

宋紫霞觀鎮蛟符石刻
玉虛師相元天上帝受天明命剪伐魔精鎮天寶符萬物聽令
安鎮國祚保世康民錫爾鴻禧其永寶之清逸子蔣暉題 符
不 雷部判吏白玉蟾書永州祁陽縣烏符山刻石

祁陽縣李志在烏符山宋逸士蔣暉以無上宮主詩與白玉蟾書鎮蛟符同勒石至今存焉

宋烏符山天篆山鈐碑

江名瀟溪名浯北去自有真仙居昔人吳明達此授烏陽符水光山色暉暉乎千古萬古奉玉虛 清逸居士蔣君吉甫余六年之先訪之矣比復過款因以古篆一紙見示怪不可識徐驗細玩參以示怪道經天書龍章鳳烝之文始可讀之夫江名瀟者此言自瀟江而下也溪名浯者祁邑也仙居云者邑之北也山水暉暉者吉甫名暉也烏陽符者山名烏符也茲正所以奉玉虛也吉甫戊寅秋有野客惠之此文今且十有二年人莫能辨及茲宮成余乃告之己丑仲夏白玉蟾書

祁陽縣舊志嘉慶辛未知縣萬在衡博采金石入志同前長沙令甘慶增經烏符蒐奇觀中得古碑鐫天篆山鈐字體怪譎狀如鳥跡旁有正書譯文下附解說亦奇詭也其文云云碑立庭階下與鎮蛟符碑並舊志未之及者喜而捐之有詩載藝文

金石補正白玉蟾湖南通志有傳云瓊山人號海瓊子博洽羣書作文未嘗起草善篆隸學道得仙術吉甫名暉者卽蔣暉也上二碑同時所刻前碑無年月此碑但書己丑以訪蔣暉詩證之皆紹定二年也其文其事誕妄不經符篆奇詭黃

冠者所為耳錄之以廣異聞

宋李伯堅涇溪題名

紹定辛卯七月既望東浙李伯堅蒙恩東歸罷邑官士饒於磨亭者張之來裴朱王制潘立功周浹唐□任□卿□三學趙師林王執中唐鴻唐大德唐夔何浩然唐模宋淇趙孟湜宋中興王森男宏遠侍行

金石文編右李伯堅題名正書八行在磨厓壁間前人未見攷宋史宗室世系表趙師林係趙伯暹子趙孟湜係趙與偕子皆燕王德助之後

永州府舊志德昭宋史誤刻作德助瞿氏引之誤矣覆審此刻較多三字

金石補正右刻在狄青題名右久為沙土所蔽甲戌秋始復撥見也省府志均有譌缺唐桂零陵人寶慶二年進士宋淇祁陽人寶祐元年進士官駕部郎遷少卿王森亦祁陽人景定三年進士見選舉志王執中東嘉人嘗官澧州教授見職官志志有武岡軍教授王之制與執中同時疑即此王之制之誤

宋衛樵涇溪詩

寄題中興頌下 鼎沸漁陽塞馬鳴中興宏業幸天成且為當世邦家計甯問他時父子情李郭功名無可減元顏文字有何

評若能銘刻燕然石方許雌黃此頌聲 紹定癸巳死日郡守中吳衛樵書 涇溪題名眾矣其間或美或刺歷數百年未有其□者是是非非迄無定說郡侯衛公以台鼎之偉器守零陵之偏 語□而□詞婉而下

金石文編右衛樵詩正書十一行後二行微小在磨厓碑左厓下前人未見衛樵乃我吳崑山衛太師文節公名涇之子宋凌萬頃玉峰志元東溪老人楊譚崑山志但言其魁銓闈又魁鎖廳終知信州而不及守永州事又零陵志載其題澹巖詩自署中吳衛樵山甫山甫蓋其字也皆可據以補之文節亦於嘉定中知潭州攷姑蘇志傳略云字清叔清熙十一年進士第一授承事郎添差鎮東軍簽判歷官至資政殿學士金紫光祿大夫致仕進封吳郡開國公寶慶二年卒理宗輟視朝一日特贈太師進封秦國公賜諡文節開禧三年自吏部尚書拜御史中丞時請誅韓侂胄論罷陳自强拜參知政事嘉定初兼太子賓客又患史彌遠有專恣之漸因欲去之彌遠知涇謀諷御史劾罷之五年出知潭州八年改知隆興府先居里中關西園取范文正公之言名其堂曰後樂後甯宗以其三世同居有堂曰友順御書二大字太子亦為書後樂堂榜賜之文節歷仕三朝出入內外四十餘年憂國忘家始終一節謀深慮遠不邀近功嘗語人曰官職自有定分

名義千古不磨故其在朝孤立自守不畏強禦薦進賢才汲汲如不及若李燔輔廣倪思陳韓皆其人也守潭時與朱文公有交誼侂胄斥文公及胄死奏召還朝而文公已卒復移文新安取諸經四書傳注刊刻以傳又請為張南軒賜諡其表章正學之功如此自號後樂居士所著文章五十卷曰後樂集廖道南楚紀雖載文節知潭州事而云齊人謬矣故今為表而正之

金石補正此刻已為妄人磨去行存四字矣余所得尚是廿餘年前所拓購諸琉璃廠者然未見後跋也省府志誤憾為減

宋婁續祖浯溪詩

嘉興婁續祖以紹定五年十二月二十日經祁陽縣浯溪有作越明年癸巳五月鑄於崖下浯溪來讀元家頌德碑遺靈武事司徒復開元詩

金石文編右婁續祖詩正書八行文多漫漶在唐亭屋下前人未見

宋趙楷浯溪詩

舟楫中興碑 南嶽趙楷端父 西風吹岸看浯溪五瀟摩空

十丈碑不開元久培植可能靈武善扶持斯文未泯今盛德之興彼一時崖下漫郎應在否流涕手題詩 端平丙申秋七月朔題湘中萬宗大宗又僧德中同游

金石文編右趙楷詩正書八行在韋瑾題名後前人未見永州府志案端父瞿氏誤審作端文吹岸二字瞿氏缺也吹岸二字僅存形模矣余獲此拓不亞十數而讀字明顯者僅得其一拓手不同如此因以知記載不符又不盡在審視之精粗推拓之新舊矣

宋施復等浯溪題名 端平丙施復孫隨節以巡視郡事迫期而及親遊沂秋漕試經由薄暮而不克詳月舟還徜徉竟日始得徧觀重陽月二日書

金石補正六行正書在唐亭下端平止三年丙下蓋是申字宋李日新浯溪題名

雲間李日新端平臘月中泮因臺嶽衡從浯溪摩挲唐刻徜徉久之始識歲月陵邁偕行

金石文編右李日新題名正書五行在唐屋壁間前人未見宋會宏正浯溪詩

開元初政傳精明歲晚色北晨胡雛若虎自遺害馬鬼

機生戰塵幸哉有子繫民志宗柘將傾猶未墜當時監國若
 避大物必歸安共史較輕量重法受惡父子至情休責備南內
 淒涼葉落時尙勝公侯中間市鏤□摹寫皆瓌詞□□以頌而
 以規我來解嘲千載後□起九京共評之 題此詩於數百載
 眾傑作之後可笑不自量然從前似未有為肅宗解嘲者則亦
 不得以鄙陋辭也淳祐二年壬寅季秋十二日臨江會宏正議
 金石文編會宏正題浯溪詩行書十五行在浯溪厓石攷宏
 正乃直龍圖閣諡忠節曾三聘之子三聘宋史有傳又廣西
 臨桂有游侶所撰神道碑係宏正書題銜稱嗣子朝奉□□
 秘閣廣南西路轉運判官云云又有宏正題隱山詩及水月
 洞詞皆淳祐二年後有元至正間會孫臨桂縣尹天驥跋云
 先會祖自宋提點湖南刑獄淳祐癸卯調廣西運使則此淳
 祐二年壬寅正宏正官湖南提刑時逾年而去任也此刻前
 人未見

金石審右刻如傳晚色等十字瞿木夫所缺今皆審出少間
 市誤作出關市案說文少古文或以為艸字讀若徹此蓋作
 艸字用也又必歸誤作一歸以頌誤作一頌今竝改正之
 金石補正通志缺字永志補之仍缺一刻字而又誤儘為傳
 誤患為害并未校改養虎之養安與史之與且書后作後茲
 悉正之史稱曾三聘為新淦人此署臨江新淦屬臨江軍也

宋曹一龍浯溪詩
 行樂乘陰好誰能困墨朱重陽邀數客盡日歎三吾煙慘江山
 古風清竹木癯漫郎如可作分酒酌菜萸 肯淳祐丙午四明
 曹一龍書 住山慧圓上石

金石補正五行行書在岵臺右路旁通志職官理宗朝有曹
 一龍知郴州當即其人

宋樂炎發等浯溪題名
 淳午冬濂溪樂炎發同阿章王應雷來

金石審右刻行書三行在柳明明心押右脇下宋末題名往
 往簡省年號甲子樂雷發理宗時人炎發必其伯仲以此定
 其為淳祐丙午也

宋朱天錫浯溪題名
 戊申孟秋遠近石壁侍郎石鼓承節郎朱天錫偕來

金石補正三行正書前人未著錄在柳明明大押記之下右
 方疑前尙未全通志職官理宗朝朱天錫知藍山令然則此
 戊申乃淳祐八年也惟承節郎為武官階不甚符合錄竝再
 考

宋楊瑾浯溪題名
 淳祐戊□□月上澣□□楊瑾被□守藤道由圖溪偕婿承圖
 倪夢鞠會遊

金石文編正書六行在摩厓石右上前三行下沒土中不可見前人未載

金石補正右刻在押記左下方戈下所缺是申字瞿氏未審出戊字竝誤由爲出涪嘉游三字未見藤今之藤縣宋爲藤州感義郡益入桂時經過所題

宋涪溪涪祐殘題名

□祐己酉秋□□□稽豐□處□□□石雙節艤舟□□□讀中興碑盤□□□偕行同里沈□□□父陳策次賈四明□

儀虛澄□□□端父□□孫子碩孫侍

金石補正正書八行首一字缺泐唐宋金元建號下一字用祐者惟涪祐直己酉歲故可定爲涪祐九年前五行下截三字爲明刻張耒詩磨去餘亦多曼患題名人名字全見者惟陳策一人陳策見粵西華景洞開慶紀功碑其里貫爲會稽然則此刻稽上當是會字尙有下半日可辨故有同里之稱四明下似是史字孫上似是嗚字姑闕之

宋林革涪溪詞

十載扁舟幾來往三吾溪上天寶事一回看一回惆悵筆畫模糊猶雅健文章衰貶添悲壯枉教人字字費沈吟評輕重西北望情無量東南氣真長王想忠臣應讀宋中興頌主聖自然皆樂土時正好儲良將笑此身老大尙奔馳知何用 右滿江

紅西皋林革涪祐己酉良月庚子自淦入桂舟溪許有感而作汲渡香橋下流泉書

金石文編石林革詞行書十行不齊在磨厓石壁前人未見金石補正右刻在晤臺右路旁萃編及省府志均遺未一書字通志誤革爲華故以爲前人未見永志因之竝脫著字文云自淦入桂當是至粵西萃編以爲荆湖南路之桂陽者非也

宋李會伯涪溪題名

河內李會伯自桂易荆來觀賓客臨川羅亨祖清湘趙奮夫管安昌清江李攀龍弟會仕子杓姪□偕來涪祐庚戌夏五十有四日

金石文編李會伯題名正書五行在涪溪厓石攷宋史本傳李會伯字長儒覃懷人後居嘉興歷官通判濠州遷軍器監主簿添差通判鄂州兼松江制置副使主管機宜文字遷度支郎官授左司郎官淮西總領尋遷右司太府少卿兼左司郎官兼敕令所刪修官遷太府卿淮東制置使兼淮西詔軍事便宜行之疏奏答天心重地勢協人謀三事又條上諸要務加華文閣待制又加寶文閣直學士進權兵部尙書涪祐六年正月朔日食應詔上言又請修復泗州城加煥章閣學士言者相繼論罷九年以舊職知靜江府廣西經略安撫使

兼廣西轉運使陳守遵之宜五事進徹猷閣學士荆湖安撫制置使知江陵府兼湖廣總領兼荆湖屯田使進龍圖閣學士本紀載其以徹猷閣學士安撫荆湖於淳祐十年三月此題名刻於是年夏五十四日蓋正會伯自廣西移任荆湖道經涪溪時也後又於寶祐中再知靜江今廣西臨桂有曾伯涪祐寶祐開慶景定諸題名可證也明通志謂曾伯於嘉熙間知岳州多善政而不及其安撫荆湖事攷史傳未云知岳州恐誤清湘趙富夫字俞仲管安昌字順甫亦見臨桂題名據臨桂西山題名有云子杓姪根侍則知此姪下磨滅一字當是根字耳史稱曾伯與賈似道同官閩帥邊事知無不言為似道所嫉卒不竟其用云此刻前人未見

金石補正今通志職官仍以李會伯為知岳州宜據史改之宋凌攀龍涪溪題名

壽沙凌攀龍因省兄宰涪溪以淳祐庚戌仲冬六日攜子斯義同藍田子九江柯鑑銓鑄鏤歷陽丁必達來游曰三吾主人慧

金石文編右凌攀龍題名正書七行在磨厓右厓下米做題名前三上闕一字涪溪新志作時案長沙本星名見史記天官書厥後唐張守節正義及甘石星經有長沙一星主人壽命明則人長壽之說故後人遂稱長沙為星沙亦曰壽沙此

題名云壽沙凌攀龍後長沙凌登龍一題名又云星沙凌登龍則知宋人已有是稱矣其云省兄宰涪溪當是後辛亥題名之凌登龍也

宋凌登龍等涪溪題名

星沙凌登龍廬山柯經新安程士甯春陵周邵虎邑事餘間聯步縱觀維時春和景明江山如畫一樽相對人境俱清真覽古之奇趣也涪祐辛亥清明日

金石文跋涪溪新志載此題名列於明代末題涪祐辛亥作宏治辛亥攷星沙凌登龍見涪祐辛亥張仲題名春陵周邵虎有涪祐辛亥小憩亭題記竝在涪溪宏治辛亥係明孝宗改元之四年事隔三朝又相距二百餘年之久斷無同貫同姓名如此之巧者其為涪祐辛亥之譌無疑今改正辛亥係涪祐十一年也予遊涪溪搨工偶遺此刻不能一審原文為憾事

金石補正行書十行在晤臺右志載誤勝為清竝脫上石六字未見拓本耳涪祐二字雖近殘泐尚可辨識祐字較顯瞿氏所改不誤矣通志人物登龍字顯夫善化人嘉定間再舉進士提刑趙汝謙延直嶽麓書院累舉授迪功郎調藍山簿轉零陵丞授祁陽令以疾辭廣西帥姚希得辟為柳州推官遷永州僉判又載其墓在石塘金牌嶺有墓志

宋凌登龍涪溪再題名

凌登龍口遊子炳炎侍

金石補正二行行書在趙善誥詩刻之左凌炳炎會隨李會伯制闖入桂見開慶紀功碑署銜為制僉據通志稱朝散郎

為登龍次子

宋張仲等涪溪題名

海陵張仲丞郡二水捧憲檄攝衡陽回舟訪古頌崖下長沙凌登龍率邑僚來會徜徉竟日塵襟洒然瀟湘辛亥夏至前一日

金石文編右張仲等題名正書六行在磨崖石壁前壽沙凌

攀龍題名云因省兄宰涪溪此云長沙凌登龍率邑僚來會

則凌登龍當即凌攀龍之兄而其時宰祁陽者縣志職官表

未載

金石補正右刻在小嵒臺東南志載誤以為捧通志職官不

載張仲

宋張仲涪溪詩

一年口檄過涪溪口上磨亭口口口口興亡千古口口口崖

石與天齊余今歲夏至後一日捧憲檄衡陽攝郡回舊會邑

僚于此冬至後二日復捧帥檄代庖桂陽繫累再游小憩半日

因書以記歲月皆瀟湘辛亥十一月初六日張仲書

金石文編右張仲詩正書詩四行跋五行字較小在磨崖壁

間前人未見案前題名末云夏至前一日此云夏至後一日後字恐記憶之誤也

金石補正志載缺兩笑二字竝脫一自字後二日下志作復

審之似又字

宋周邵虎涪溪小憩亭題記

瀟湘已酉春春陵周邵虎口重口口邑佐明季夏口昌河內李

公由桂帥制京湖道三吾駐舟崖下跨嵒臺陟笑峴徘徊半山

間得地盈數尺大江帶其前奇石圭其後脩竹古木且蔭且映

公撫詠久之載色載笑曰是可小憩何不亭之明日祖別請名

於公大書曰小憩既名矣邵虎乃出輪力復得口僧懸關相與

樂成之又明季冬邵虎得替東歸因援筆以記亭之所由作口

口觀李公之心盡會名山之真旨口發然而識將來特為

溪山駐且當為李公駐是亭也蓋此嵒臺笑峴相口口而涪溪

又添口口口云

金石文編右小憩亭記行書十六行在磨崖左石壁下前人

未見文中所云河內李公即前李曾伯也曾伯自廣西經略

安撫使移任荆湖安撫使知江陵府此云由桂帥制京湖不

云荆湖而云京湖者曾伯是時又兼京湖屯田使也京湖者

京西湖北二路也

金石補正右刻在嵒臺右道旁省府志載此闕誤不少据石

錄之笑峴亭名熙甯間縣令蔡瓊所建在漫郎亭西南嵒臺之上即右堂故址也小憩亭永志宮室內失載

宋張知復浯溪詩

讀浯碑謾成一絕蜀人張知復 開元天子樂昇平肯向華清戒履水縱有浯溪溪上石元郎何意頌中興 瀉亥嘉平六日

住山○圓上石

金石補正五行行書在嵒臺右瀉亥嘉平瀉祐十一年辛亥臘月也張知復判道州永志載之而不詳其貫得此乃知為蜀人通志失載

宋宜州司錄楊某浯溪題名

○楊○先○永州○以瀉祐戊申○○○之役遂識浯溪真面目迨辛亥○由宜州司錄赴班艤舟訪舊遊盤旋兩日乃去男航祖侍

金石補正七行正書永志官表瀉祐間府寮無楊姓其人不攷矣宜州今廣西慶遠府宋為宜州龍水郡宣和初升慶遠軍

宋王壺浯溪詩

行缺一○瀉涼八百秋入院伽藍先稽首題詩神鬼暗添愁幾章鐫石珠璣燦一帶臨江泉石幽讀罷中興碑去後山人便舉伴荃甌 春陵西山王壺漫記曾遊時寶祐丁巳仲秋上澣書

金石文編右王壺詩正書存十行在磨厓石壁首行一句為後人磨去改刻此刻前人未見

金石補正右刻在小嵒臺下久為土掩甲戌秋始復顯於世省府志誤逢為山誤茶為荃並未審出值字首行刻浯溪精舍偶成等字不知何人所為

宋莊宥節丁叔巖浯溪詩

長沙莊宥節全丁叔巖遊浯谿各成四韻而宥節並疥諸壁皆珽祐丁巳良月也 元翁作頌魯公書峭壁雲煙萬古垂三絕堂邊月浸碧兩峰亭下艸生悲英風義概有存者流水高山誰會之便使中原歸趙璧磨厓再勒中興碑 右宥節詩 相去祁陽五里餘撼江為谷斷為谿河南刺史老文學石上真卿健筆題風月滿堂無地著雲煙半壁與天齊英雄說著唐朝事淚灑長安蜀道西 右叔巖詩

金石文編右莊宥節丁叔巖詩艸書十四行在磨厓壁間前人未見珽古文寶

金石審瞿氏元缺據卿二字今審出

金石補正三絕堂皇祐初縣令齊術所建孫適為之記兩峰亭元次山所建孫適三絕堂記云次山去道州即家溪上作亭二峰垂三百年碑缺亭圯即詩所稱兩峰亭也真卿卿字宗氏以意補入石已全泐矣淚灑灑字今蝕水旁

末人已言其誤矣以此測之汝謫卽士圃之曾孫或誥詞下截有汝謫跋語宋末之說非盡無因特宋末所刻非宋末之人耳因跋此詩並附及之

宋俞揆趙與無涪溪詩

大曆有頌到涪溪翠巖蒼崖古畫垂西望函關今萬里淡煙斜日幾荒碑宋朝一統舊江山南北中分已百年壯士不須誇此頌健提椽筆上燕然 景定王戌仲春廣信俞揆呂憲節行部過此因賦兩絕檢法天台趙與無偕行 與無幸侍軺車敬贊嚴韻與無頓首百拜 男兒有志竟成事好把功名竹帛垂今日與國當混一誰能重拭□□碑細把中興唐頌看玉環遺恨記當年自從擁馬回靈武整頓乾坤豈偶然 卽事口占 生平夢不到涪溪此日欣從使耆來天放一晴舒眼界大江橫上入鐙

金石文編俞揆趙與無詩共十四行正書前後大小不齊在涪溪厓上攷與無乃集慶軍節度觀察畱後南康郡公惟能之七世孫秦王德芳之後見宋史宗室世系表此刻前人未見其云憲節行部前鍾有大澹山巖題名云繡使俞計院則揆必荆南提點刑獄之官而志皆不載趙與無自署其官曰檢法攷宋制提刑有檢法官一員則與無乃揆之屬官而隨行者也故有幸侍軺車之語

金石補正山川志誤作江山韻嚴志作嚴韻當不誤而石刻實作韻嚴當是誤刊俞揆提點刑獄見通志職官而名官傳作左王右炎蓋沿姓譜之誤亦前後不符矣揆字伯華永豐人涪祐進士知臨江軍贈朝請大夫提刑湖南當時立廉吏碑以頌其德政

宋文有年涪溪詩

題元子故宅 漫郎百事皆漫爾獨有溪山認作吾念無一物鎮泉石生怕偃蹇著吾徒靈武中興功揜德天地大義須人扶甯將善頌寓諷諫百世聞之立懦夫太師勁氣形於筆二美能兼自古無後來衮衮下注脚識者涪翁次石湖松煤狼籍楮山藉空谷雷響工傳摹徘徊熟玩長太息世道日與相流俱 宋景定王戌三月十七日眉山文有年

金石文編右文有年詩正書九行在磨厓壁上前人未見

金石補正志載有誤石刻十行瞿氏誤作九行文有年時判永州見通志職官後官桂州見咸淳元年朱禔孫龍隱題名此詩別有模本亦在涪溪厓石世道之世作玄殊不類也而原刻曼患賴以勘補識之以諗來者石湖詩今佚

宋吳文震涪溪詩

景定初元汎虜氛掀天功業掩前聞扶唐社稷郭中令造漢乾坤 吳文震軍好激涪溪瀾舊案 磨厓石紀元勳僕今已辦湘山

刻未遜蓬翁星斗文 景定王戌孟夏朔清湘郡丞南海吳文震
澗松檄長沙校文艤舟崖下讀唐宋二頌喜今日中興未幾西
復瀘川東復漣水南交修貢北狄請和此一統之機也已勒頌
于湘石因賦之

金石補正石詩九行題語五行正書在中興頌上最高處辛
未冬碑買素裕文來自白門令往按剔乃拓得之吳文震有
元石詩已錄於後彼刻自署權郡蓋以丞權守也文有西復
瀘川云云以帝紀攷之景定二年十月呂文德復瀘州外堡
擬對江壘石爲城以作持久之計三年正月改瀘州爲江安
軍獎立功參贊將士職秩犒賞有差所謂西復瀘川也三年
二月李璫以漣海三城來降竝獻山東郡縣改漣水爲安東
州升東海縣爲軍所謂東復漣水也三年六月安南陳日照
表乞傳國於其子威見詔授靜海節度觀察處置使檢校太
尉兼御史大夫上柱國安南國王賜號効忠順化功臣竝金
帶器幣鞍馬所謂南交脩貢也史系於六月而此刻已敘及
之昔國使過永尙在四月初耳至所謂北狄請和者殆即景
定元年七月忽必烈遣郝經持書申好來告即位也然二年
七月劉整反叛北降北人愈易宋矣文又云讀唐宋二頌所
謂宋頌者不知所指豈已湮沒耶自來金石家未有言及者
殊不可解

宋蔣孝忠浯溪詩

好山好水占浯溪中直磨崖一片碑試問天齊齊幾許從他元
子賸夸毗 我宋中原二百州版圖漸入掌中收只今更辦河
清頌勒向燕然最上頭 景定王戌長至日東陽蔣孝忠成滿
湘源舟行浯水領客登臨謾題二詩以識歲月許子善李公恕
許浩然偕行子佛老姪孫光大伯大侍

金石補正正書十五行亦在中興頌上高處與吳文震詩同
搜得之湘源今全州地

宋王鴻孫浯溪題名

景定癸亥中秋日邑令東萊王鴻孫佐官富水何端方耒江曾
應元敬循舊典延至父老酌以金罍勉之○麥因○閑步徧觀
溪山約而不至者宜春施浩也 住山宗紹上石

金石鑿石刻行書七行文子璋題名即刻其上幸不損字瞿
木夫亦失採也

金石補正此刻始箸錄於宗氏而誤王爲黃太疏矣種得二
字亦失審

宋趙崇○浯溪殘刻

金石補正首尾不全存三行正書惟趙崇○名獨存即以前
之此上亦有殘刻僅初王二字爲明顯下方有玉坡二分書

再下有正書二行題右桂靜山邱定應寶書雲□□□□
家□官來游二行之中又有小正書一行惟丙辰□月重來
字可辨恐皆是宋以後刻附識之

宋戴煜浯溪詩

斷崖文字是唐碑無限名賢贊頌詩其把中與□前代會須看
見太平時 景定癸亥仲冬旦君山戴煜明夫偕何翼鳳祥父
同遊口占以紀歲月云

金石補正七行正書在狄青題名旁亦辛未冬袁裕文所搜
出

宋劉錫浯溪詩

景定五年冬十有一月壬辰永嘉劉錫自濂溪來偶題子愚思
待時大雨雪偕行吳宗玉劉元禧 與廢由來只靠天三郎往
事亦堪憐湘江直下浯溪上翕霍于今五百年

金石文編右劉錫詩行書七行在磨厓石壁前人未見

金石窻此刻即在柳明明心記大押字之左肩

金石補正劉元禧道州人咸淳十年進士宋史劉仲武傳子
錫官閣門祇候是成紀人非永嘉也又景定元年褒獎賈似
道賜金器幣造國子劉錫趣召赴闕未審即此題名人否

宋文子璋浯溪詩

漫郎直筆老文□太師□字尤卓犖天然二妙刻蒼崖墨本傳

來重和璞三年流客居瀟嶽甚欲一來觀此碑盡被前賢剛說
破手磨苔刻難為辭為子從來止於考古以敝蹤匹天下□□
神武妖氛清南內淒涼淚血灑一時大業中興唐萬世□□□
虎狼從今罪案休拈起祇挹□□與元郎 歲景定甲子仲冬
王寅蜀東文子璋自濂溪來游男起傳道傳侍

金石文編右文子璋詩正書十行在柳明明大押字之左前
人未見

永州府舊志案此刻在心記左脇忠孝以下七字今始審出
其字行楷非正書也八行瞿氏誤作十行
金石補正永志補通志之缺而謬誤特甚今悉正之文下似
是詞字字上似是結字願未可遽定恐蹈宗氏覆轍然非宗
氏補此數字則亦幾忽略過之益歎審視不厭頻數也宗氏
所缺今又審得四字石刻七行通志作十行固誤永志作八
行仍不免於誤矣

宋胡起華浯溪題名

岳□□民胡起華來觀元顏之詞翰咸寅清明節題□定□侍
金石補正右行書三行在江無□詞刻之左跋語之右下咸
寅咸淳二年丙寅也

宋楊恪浯溪題名

咸淳戊辰元夕閏二日眉山楊恪□□表□子□□

金石補正三行正書王申十月海琴搜得拓贈

宋楊履順等涪溪題名

咸淳戊辰中魏京兆楊履順偕廬陵周士模寶峯胡興祖劍門黃晉孫來遊姪昔孫子益孫侍

金石文編右楊履順題名行書五行在磨崖左壁涪溪新志廬誤作零門誤作南脫孫字來誤作永益誤作如

永州府舊志案楊履順巨源之後時守永州

宋李祐孫涪溪詩

明皇何以致顛○林甫國忠成禍基妃子良心猶不悞此機惟有九齡知涪溪崖石與天齊兩刻中興大業碑北向○垂白叟百年不見漢宮儀 廣平李祐孫乙卯冬侍叔父赴零陵郡次年元旦舟泊涪溪嘗和館人韻後十五年咸淳己巳復於元旦寓宿焉感慨之餘追憶前和因書於獨有堂遺主僧宗紹以誌吾曾時偕行者相臺越芾禹 涪溪瀟湘之勝舟車之會凡登臨重感慨泉石云乎哉因舊規○葺以存古紹兄其勉之偶有餘紙併述溪聲

金石文編李祐孫詩正書十行後又有行書三行字較小似別是一人之詩敘而詩已為後人磨去並不知姓名矣在磨崖左壁前人未見

金石補正省府志有舛誤字据石本正之文云乙卯冬侍叔

父赴零陵郡叔父疑是李芾時以安撫司幕官討盜至永或在知永州之時己巳復來或在芾為提刑之時芾子名裕孫

見宋史本傳祐孫當是其昆弟行故疑為芾之從子也廣平

是郡望後三行緊接禹字之下且云偶有餘紙瞿氏以為別

一人之詩敘恐非

宋穆演祖涪溪題名

壯午秋九峯穆演祖來觀

金石補正右刻在楊冀詩右上角前人未著錄案通志職官

恭帝朝有穆演祖任衡陽尉攷一統志穆演祖天彭人為衡

陽尉元將兀良哈解自雲南大理入廣南道其先鋒破永州

衛守令聞之皆走時演祖戍石灣聞難馳入城收散亡以守

俄而兀良哈解兵大至進駐青草灣欲絕湘夾攻演祖提兵

江東岸楊林廟相拒七晝夜募死士沈所聚舟兀良哈解遁

去城賴以全棧元置永道二州安撫司則元之陷永州演祖

之守衡州當在其時此刻午上所缺當是庚字咸淳六年庚

午也題名時已尉衡陽與否不可知矣

宋江瓊涪溪詩

元水部磨崖碑為唐中興作也唐事已矣而碑崖○獨存本

朝諸賢相與題詠如張宛止詩有游人打碑賣之句○古一言

○不己况今打碑賣者壹豈漫郎宅畔零陵諸孫自

○

爲之□□□□也感天寶之駿功嘆次山之墜緒因借宛北所□□寶□□□□淒涼浯水迹如掃漫郎宅荒崖畔艸雨淋日炙山骨癯磨得人間歲月老粵從天地開闢來經濟何代無奇才若得高名爛青史底恨白骨埋黃埃孽臣邊將亂國紀郭公千載懷不死紀在中興第一功三絕甯論文與字吁嗟古往而今來插天何處無石崖兩京未復百戰罷銅駝荆棘誰能開世事輪雲可悲慨文學老生品何在君不見零落寒溪幾世孫自打元家古碑寶 咸淳六年立秋日天台江瓊彥藻因攝令祁陽書而鏡之崖石

金石文編右江瓊詩刻行書十行字多漫漶在磨崖左壁浯溪志輪雲誤作浮雲老生誤作老成

宋嚴應卯浯溪題名

咸淳庚午雀□□定□□晉陽□長□浯溪寄單中宮觀勝槩者數日闔中嚴應卯赴南宮偕行九月一日題

金石文編右刻在柳明明心記大押字左其前爲後人磨去改刻止存此行紀年無攷似是宋刻前人未見

金石審此刻在心記左肩其剝蝕處可辨者尙有浮溪子刻數字寄單爲釋子語則必僧筆也

金石補正右刻在文子璋詩之上通志缺前二行未見紀年永志補之惟浯字不誤其所謂浮溪子刻數字者在此題名

之右字形大小懸殊當是別一刻耳
宋文子璋重遊浯溪題名
東蜀文子璋時望甲子冬會遊辛未夏攝守重來眉山劉天奇少穎偕行

金石審右正書四行刻景定黃鴻孫之上按黃鴻孫作王
宋咸淳辛未浯溪殘題名

咸淳訪漫郎宅攜子庭瑞庭玉庭桂咸淳辛未八下磨
金石文編右咸淳辛未殘題名在文子璋詩前正書前後二行俱磨滅僅存此二行可辨前人未見

永州府舊志案此刻在柳明明心押之左正在史字起筆處

金石補正右刻在嚴應卯題名左瞿氏以爲文子璋詩前非也漫郎宅在浯溪東久改爲寺輿地紀勝云中宮禪寺本元

次山故居又按元初有張庭瑞爲潭州路總管此題名者疑姓張也

宋唐復浯溪題名
咸淳辛未重陽桂人唐復赴武安書記泊舟浯溪甥文益婿蔣棟琴軒唐震之同遊二子甯生庚生從子真玉次元侍

金石文編右唐復題名正書六行在磨崖右崖下浯溪新志蔣棟琴軒四字誤作蔣康琴三字

宋趙孟疏浯溪題名

春陵趙孟珣任祁與進士吳端訪次山之舊居揖浯溪之佳致與鐫相屬遊目騁懷是日之所以樂其樂者勝乎屢遊之樂因共識之咸瀉昭陽作噩端午

金石文編趙孟珣題名八行行書在浯溪磨厓下攷孟珣為楚國公七世孫朝散郎令璫之五世孫乃燕王德昭之後見宋史宗室世系表浯溪新志孟誤作益無任祁二字進士下作趙一夔同來五字揖誤作挹

宋趙崇等浯溪題名

中趙崇磨厓沙祖溪趙時進磨厓子固磨厓任來遊趙若持侍

金石文編趙崇等殘題名四行正書在浯溪厓石上已磨滅亦不見年月案其人姓名排行知為宋刻攷宋史宗室世系表魏王廷美後之九世皆以時字排行十世以若字排行表有兩時進皆鄭國公德鈞之後一為諱夫子一為堽夫字下皆不見若持名未知孰是此刻前人未見

宋趙次翁浯溪題名

東都趙次翁歲壬午仲春中泚挈家之官融水□□而遊□□

後皆磨滅

金石文編右趙次翁題名八分書在磨厓壁間漫漶不全止存四行似宋人手筆也前人未見

金石補正右刻首稱東都當是宋刻融水今融縣地宋為融

州融水郡清遠軍師庭二字志誤作而遊下師字未審出宋蘇大忠浯溪題名

山蘇大忠以職事來遊丙申四月

金石文編右蘇大忠題名正書四行在磨厓右厓下大書深刻似宋人筆山上所缺必是眉字蓋三蘇之族人也此刻前人未見

金石補正志載作蘇大忠以余審之是徐大忠也筆法深穩學魯公疑是北宋人手筆紀年有干支而無建元姑附於端平三年宋代最後之丙申

宋張表等浯溪題名

臨淮張表挈家來遊裴回厓下抵暮歸縣宇男延世堽趙之奇侍行

金石審右刻行書六行極似山谷老人南宋人筆也其稱歸縣必為令尉者而官表失徵

金石補正永志抵誤作晚

宋浯溪江無衡嶽詞并跋

使節行秋笈天也知公風力長肅缺龍煙雲盡捲□□□重

九漢峯缺黃泛酒五更泰岳缺觀日聞揚公缺去後有誰□□

朝集大華□□□今古□□陳蹟甚缺牛山□□□□

□□□嫌□缺悒薄高懷□□□□□□□□黃缺鶴□□□

□□ □□江無□ 衡□□□□□地自古名流□□勝
 不知其幾雲蔽隱不得而缺十乙亥□秋缺七中丞先生□
 臺下登舟越一日抵衡山舍舟而涂缺識銓德觀侍□使□□
 竣事庚申謁昭□祠缺入封□□也缺九宿穹林閣夜將半天
 字開□萬象森羅起而視之不覺東方之既白缺十天光□燭
 雲翳收□俯瞰重湖千里一色七十二峯瞭然在目缺廿部使
 呼酒浮菊□茶□談□□而還□□峯缺廿輪九日登响嶺峯
 □□以紀歲月翼朝□□□□回車缺七叔父先生提節湖
 湘澄清□道誠足以□□□威足以缺衡嶽之詩見之猶足□
 □來世缺七以缺先生遊親睹其感恪天地缺謹刻此以印證
 其實云是歲日南至
 金石補正右刻前後十九行詞作於衡嶽其從子刻於浯溪
 漫漶已甚不見年月僅見乙亥庚申字末由定為何時而銓
 德觀名見於宋陳田夫南岳總勝集其為宋刻無疑筆意是
 蘇黃一派當是南宋人手筆
 宋黃社菴浯溪詩
 蜀道于今似奕棊要令一着□安危朝廷獨選李會伯勳業當
 如郭子儀 雖扼咽喉□□間猶□□脉得良醫□□□□平
 成報重讀磨崖□字碑 三山社菴黃□□
 金石補正共七行正書無年月讀其詩當是宋末人所作其

在寶祐景定時耶
 宋浯溪九岩詩刻
 □曉九岩邊鴛鴦自在眠圓荷浮簇簇翠葆靜涓涓露足三春
 雨清和四月天庭空無一事真樂付詩篇 九岩卽事 風送
 鐘聲隨晚照雨添竹色薦新涼闌干□影水波靜簾捲杯深荷
 度香 九岩亭同臧子雲□□卽事書贈
 金石補正行書十七行在嘉定甲戌張某詞刻之下今甲戌
 秋始發土見之臧子雲或卽詞跋所稱之臧餘庚耶詩後尙
 有小正書十餘行蓋卽此詩跋語當有年月及作詩人名而
 漫漶已甚讀不成句首行有開罪字或亦遷謫之臣歟九岩
 亭明統志云在府治岩出池中者凡九跨池爲橋而創亭於
 池上先賢題識甚多然則此亦寄刻於浯溪也題詩者其亦
 永郡官寮歟
 宋廖應瑞浯溪題名
 庚午暮春八日臨江廖應瑞來遊浯溪刻石爲記
 金石補正二行正書在鍾興嗣詩左下角似是宋刻
 宋廖應瑞浯溪詩
 蒼崖古剎夾清泉中有元郎幾百年策杖摩挲看不足壯懷惆
 悵大江邊庚午暮□廖應瑞謾筆
 金石補正此亦甲戌秋所搜得者卽前題名之人也三行行

書

湖南通志卷二百七十七

湖南通志卷二百七十八

藝文志三十四 金石二十宋

宋王汾九龍巖詩

游龍巖精舍光祿寺丞知潭州湘鄉縣事王汾上 暫到靈巖
頃刻閒籃輿還促度前山我今吏役羞前輩勝地逢僧不得閑
嘉祐五年庚子孟秋二十八日題

金石審右正書六行

金石補正王汾令湘鄉通志失載宋史有兩王汾一為王禹
偁之曾孫鉅野人登進士甲科仕至工部侍郎後入元祐黨
籍紹聖閒落職當卽此題名之人一為王回之子侯官人熙
甯中進士王回文集始官郊社齋郎嘉祐年必未為縣令也
二十下缺一字永志作八已泐矣石刻共九行永志作六行
非

宋余靖九龍巖題名

廣西體量安撫使副余靖賈師熊嘉祐五年十月十九日再游
喜公九龍勝槩崇班張均文與供奉官以下張守約趙璞陳和
李規趙遂從游璞奉台旨書

金石審右正書六行其銜稱使副蓋合賈師熊而省書必靖
使而師熊副也喜公僧名

金石補正賈師熊見宋史溪尚諸蠻傳廣西龍隱山有其題

名字文受署銜與此正同此蓋自桂回過此所題也張守約
宋史有傳字希參濮州人嘗為廣南走馬承受公事當僂寇
之後詣闕陳南方利害皆見納用歐陽修薦其智略權知融
州此云供奉官已下正為走馬承受公事時隨余靖偕行尚
在知融之前趙璞亦見龍隱巖題名彼題名亦其所書粵西
金石略云宋史趙振子珣瑜弟璞亦知名疑即其人宋史
張即之傳趙蕃子遂不審即此趙遂否已下之已永志作以
宋陶羽九龍巖詩

古歌贈巖主喜公 潯陽陶羽上 喜公心眼如有靈善擇此
巖來構局崖根踏碎暮煙碧洞門鑿破蒼苔青交加亂石虎狼
隊縱橫怪木龍蛟形其間可以松蘿招隱雲霞放情傲復傲兮
何富貴恣復恣兮閑名利况乎龍虬勇背俟風雨靈龜垂首思
雷霆巖中有石如龍之狀我今方為年少英青山未有歸去心他時致
竟功業成與師高臥白雲深

金石叢石刻正書題三行詩六行與周子題名其一石而在
其荆不著時代總當在周子未至之荆也案喜公名已見於
仁宗時題名此詩度刻仁英二朝之際故列於此

金石補正縱橫作蹤古字假借勇疑亦湧之借字利名名字
叶韻永志作名利者非并脫小注內故有是句四字

宋章詢九龍巖詩

按宣撫偕道正訪九龍巖主喜師率成二十八字 大理寺丞
監永州市征章詢上 閒攜羽客訪靈巖巖透山光秀潑藍星
使未來郵館近為師終日絆征驂

金石叢石刻正書八行參差不齊其舉書處如二十八字及
靈巖皆無謂蓋詩本不期入石元紙短而寺僧裁接為長幅
致高下失倫也喜僧之名見重士夫如此而志皆不載其所
著亦失傳惜夫

金石補正章詢見平蠻三將題名署銜管句糧草大理寺丞
疑由永州市征隨余靖入桂者此詩之作當在余靖入桂之
前姑附於後永志既錄入金石復載此詩於名勝而詩易六
字且指章詢為元人誤矣

宋朱壽昌九龍岩題名

比部員外郎朱壽昌康叔被命寬恤本路民力過此因稅鞅遊
九龍洞時嘉祐六年辛丑夏四月二十五日也姪造□□

金石補正六行正書宋史朱壽昌天長人富弼韓琦為相遣
使四出寬恤民力擇壽昌使湖南或言邵州可置治采金有
詔興作壽昌言州近蠻治若大發蠻必爭自此邊境恐多事
且廢良田數百頃非致本抑末之道詔亟罷之此題名所稱
被命者即是事也壽昌專至湖南故稱本路
宋余藻三門洞題名

大宋天子改治平之初年祠曹郎余藻奉命提點廣西刑獄季秋下弦經此因題 文林郎守永州零陵縣令梁宏此行小字注雙行僅一命字可辨

金石補正余藻字質夫鴈門人桂林岩洞多有其題名始見於雉山時為治平元年仲冬蓋初至桂也與此正合梁宏見淡岩題名五行正書左行

宋周元公九龍巖題名 治平四年五月七日自永倅往權邵守同家屬遊春陵周惇頤記

東安縣吳志在縣北一百里唐宋名賢遊此者眾治平四年元公自永往邵刻石以志

金石窰右刻在陶羽詩之左小正書二行蓋行次促迫畱題不似諸巖之謹嚴也

宋蔣忱九龍巖記

永州九龍巖記 將仕郎試秘書省校書郎廉州軍事判官蔣忱撰 儒林郎行零陵縣主簿張處厚書 將仕郎守零陵尉

韓蒙亨篆額 永川九龍巖役文額 子尉清湘之二年零陵縣令梁君宏書抵于且夸大九龍巖泉石之勝屬于為記于為永

人尤嗜山水而足未嘗及所謂九龍巖者疑其書辭之過實方將走介以訊其是非未幾又給為圖以相寄子以事役未暇畱

意於翰墨而梁君已解去今年夏四月予用廣西帥辟就移廉嶺東歸永欲縱觀所謂九龍巖會湘水漲而巖阻大江又不得遂其願焉及赴官至桂林一日之間併得零陵主簿張君處厚二書皆以巖記為請則予之文不可斬而不發於此時也予始按圖考巖之所在自州直北百里而近有寺曰洪陵寺傍有山曰九龍山巖乃在其下山之下有池可以釣山之下有井可以汲翠峯欲活峭壁如削其間嵌空寬廣坐可容數十人巖有藤圍有松竹皆見於圖予疑古有隱君子棲焉不爾造化烏乎設此而久為荒閑無所用之地者耶至於霜晴而石乾雲蒸而雨滂夏日火烈而巖風自清冬雪滿空而巖水不冰此又非尋常所能至也予始知予之不遊為失而歎茲巖之不遇也凡零陵山水之著人耳目者尤多若涪溪朝陽洞法華寺石門最為卓然者則元次山柳子厚嘗見於文字有澹山巖者又殊絕而二子且不到晚有李西臺詩焉此其著人耳目蓋有所謂三子文章所及而得耀於今為奇觀好事者又藉以大其說獨茲巖之不得其傳可不重惜歟開山者浮圖曰元喜也治平始賜寺額曰壽聖院改洪陵也意巖寺之興自景祐歷治平餘三十年方賜名額繼又得邑令佐渠渠於文記豈非時乎世傳昔有九道士從巖而隱此又非予所能考信也姑述其舊名而為之記云 熙寧元年五月五日 新廣南東路轉運判官胡奉郎尚書

部員外郎前通判永州軍州事上騎都尉賜緋魚袋周惇頤上石

金石審右刻正書二十三行筆法謹嚴昔人未見前陶羽章詢所贈詩喜公者於此始知其名元喜也忱零陵人縣志載為治平四年許安世榜進士此云尉清湘之二年蓋登第後除尉其明年辟廉州幕與志正合周子本傳熙甯改元用趙抃呂公著薦為廣南東路轉運判官此刻於將去永州之時題銜亦與史合記為五月五日所作攷濂溪志又周子生日崑之遇合亦奇矣

金石補正永志所載微有錯誤記云治平始賜寺額曰壽聖院改洪陵也永志云洪陵寺在獅子嶺左今廢案洪陵在北獅子嶺在東南有朱陵崑古有朱陵寺殆誤以朱陵為洪陵矣壽聖院亦失載明統志九龍崑在東安北一百里山形斗起奇石錯立物象古怪相傳嘗有樵者遇黃衣九士謂曰吾九龍居此久矣語訖莫知所在宋王觀詩山寒蟄龍眠忽醒黃衣九老巖下行手持屈曲千歲藤慮驚世人藏姓名余搜獲九龍石刻四十一段較宗氏所得幾倍之而王觀詩獨未見

宋九龍崑陶輔相佛殿基題記 郡下陶輔因周運判駕漕請同崑主喜公相九龍壽聖院佛殿

基時熙甯元年季夏初二日奉遷訖輔記

金石補正正書六行左行陶輔字佐臣見潯溪題名周運判即元公也時新除廣南東路轉運判官

宋高秉九龍巖題名

提點刑獄公事高秉平叔高遵治公弼因按屬部同遊九龍巖時熙甯元年十月十七日題

金石審右刻正書五行前人未見提刑何以有二人且並行按屬二人宋史皆無傳湖南省志俱佚其名惟宋史外戚傳有高遵裕為高瓊之孫其弟曰遵讓遵治或其從舅與存以俟考

金石補正右題名為蔣式所書永志遺三字失拓耳宗氏云提刑何以有二人按龍隱崑余靖題名內有提點刑獄李師中誠之馬仲方子正華景洞宋咸題名內有提刑屯田員外郎中宋咸貫之同提刑文思副使王琚彥溫均係二人攷宋史官志提點刑獄舊制參用武臣熙甯初以武臣不足以察所部人才罷之宣和初詔江西廣東增置武提刑一員乾道六年詔諸路分置武臣提刑一員須選差公廉曉習法令民事之人如無聽闕竊意熙甯以前本有武臣提刑特不得其選不常置耳至熙甯開則專用文職一人又岩內題名有提點刑獄公事孫頌景脩朱初平仲隱龍隱崑許彥先題名內

有提點刑獄李宗儀唐輔馬化德之均在熙甯六年尙有二人是罷用武臣尙在六年後矣抑所謂盜賊未衰諸路無武臣提刑處權添置一員歟抑文職亦嘗有二人如轉運使之有副所謂同提刑也

宋高秉等三門洞題名

提點刑獄公事高秉平叔高遵治公弼因按屬部同遊三門洞時熙甯元年十月十七日題

金石補正正書五行與九龍崑同日所題

宋關杞九龍崑題名

新提舉廣西常平太子中允關杞蔚宗游因訪喜師熙甯四年二月十三日題

金石補正五行行書左行首云新提舉廣西常平益之任桂林道經所題也臨桂伏波岩龍隱崑均有其題名在熙甯五年六年澹崑亦有其題名署銜前提舉廣西常平則去桂過承所題杞官於桂三年也其後於元豐三年知邵州見宋史南蠻傳又嘗再至桂林見元祐四年白龍洞題名太平清話云關蔚宗景仁弟廬州使君也平生好事多蓄詩畫廬州當是最後之官

宋孫頎等九龍崑題名

提點本路刑獄公事孫頎景脩朱初平仲隱偕遊廬洪洞九龍

廬時熙甯癸丑孟冬旦景脩題

金石補正五行正書孫頎長沙人見劉摯集云字景修號拙翁成象子咸平間進士知桂陽軍遷湖北轉運使終太常少卿以才顯于世少孤受教於母爲賢母錄以致其思據此刻又嘗爲湖南提刑而通志職官僅於英宗朝載其爲桂陽監也桂陽監知桂陽軍二者不同未知孰是桂陽州鹿頭山有孫頎拙翁銘刻於崑石當有署銜惜未得拓本一證之咸平距熙甯六十餘年咸平進士當有舛錯朱初平嘗爲湖南路轉運使見宋史梅山尚鬱傳而此題名又似是同提刑者嘗以體量安撫至桂見冷水岩陳倩題名其署銜稱權荆湖南路轉運使朝奉郎直集賢院末云瓊筦體量安撫回歸任會此此殆卽南蠻傳所謂朱初平羈縻之未幾亦降也

宋馬玘九龍崑題名

尚書郎合肥馬玘德之按荆廣西與進士吳復無悔同游九龍洞□□□□壬子六月十四日

金石補正刻正書四行年代惟甯字略有形似以荆馬璟題名案之當爲熙甯五年也

金石補正洞字下並無字蹟宗氏云惟甯字略有形似恍惚未足信又云以前馬璟題名案之當爲熙甯五年亦不可解將以馬玘爲馬璟之昆弟邪列宋末再攷

宋楊巨卿九龍巖題名

河陽節度推官知零陵縣事楊巨卿信甫同縣尉盧綜貫道熙甯八年五月初二日嘗遊因識

金石叢正書六行

宋蒲宗孟九龍巖題記

南隆蒲宗孟自零陵按邵陽約京兆朱初平高郵喬執中游九龍巖二君皆以事不來而屬官陳瑄相遠一舍畏暑疾暈遲遲於後且未至迴視石間見王球鄒庸黃轍黃寔題名又悵四人者已先去余終日徘徊獨行危坐無朋儔相與同一時之樂盛夏大熱雖巖中瀟灑可愛然意有不足者遇此勝處殆亦不能放懷自適矣熙甯八年六月二十七日

金石補正十行正書宋史蒲宗孟有傳字傳正閬州新井人

熙甯初以集賢校理奉命察訪荆湖兩路奏罷辰沅役錢及湖南丁賦遠人賴之此題正奉使察訪時也史言新井人而自署南隆者即閬州也朱初平見前喬執中史亦有傳字希賢高郵人安石引編修熙甯條例選提舉湖南常平章惇討五溪檄執中取大田離子二峒路既險絕期且迫走一校諭其酋即相率歸錄功當遷秩請還贈父母就徙轉運判官章惇經制蠻事在熙甯五年此題名時執中為運判而通志職官第載提舉常平不載運判陳瑄別有題名見後王球四人

題名未見拓本宋史有黃寔傳字師是陳州人章惇之甥與東坡諸人友善當即其人名勝志載蒲宗孟東湖題名云熙甯間蒲宗孟奉使荆南與朱思平喬執中彭次雲李士燮暨官屬來遊題名瞿氏据以纂入通志今佚矣思平蓋即初平之誤

宋蒲宗孟九龍巖詩

虛巖蒼壁古苔斑瀟灑清深六月寒三伏流金無處避暮天將去更盤桓老僧棲息亂雲顛鑿石開山四十年投得岩成身老大更無筋力到巖前人言道士隱深山九煉丹成去不還乳瀉滴成華蓋座猶疑真相在巖間欲尋微徑到山前聞有蛟龍洞底眠歲旱密雲終不雨可能無意救荒年九龍巖在永州盧洪驛南十里熙甯八年六月二十八日察訪蒲公來遊作詩四篇屬官陳瑄以昏本貽知州事李侯侯命刻於巖石金石補正正書十九行察訪蒲公即宗孟也知州事李侯不書其名疑即李士燮也詩云鑿石開山四十年則此巖開於景祐間與勝枕記合

宋田仲方等九龍巖題名

軍事推官田仲方惇道守縣尉盧綜貫道熙甯八年歲次乙卯十月十二日檢早憩此謹誌

金石補正四行正書田仲方不見於官志案史是年夏四月

道州大水而不及永州冬旱殆不為災也

宋柳應辰三門洞題名

刻浯溪心記之明年十一月二十二日獨遊零陵之三門巖柳應辰記

金石補正浯溪心記刻於熙甯七年此蓋八年十一月所題

也其稱零陵之三門巖者時未割隸東安耳

宋柳應辰九龍巖題記

人之安適夷曠繫於內不繫於外故有居山林而躁者在朝市而靜者必若心源湛寂世累疎薄又得幽絕之境以補助之宜乎安於自得蕭然乎塵垢之外則零陵九龍巖其亦補助之一焉熙甯九年丙辰二月十九日向書職方外郎通判永州柳應辰記

金石補正九行正書記云零陵九龍巖是時屬零陵也三門

洞豐蔭題記云舊屬零陵今隸東安九龍改隸當在同時

宋李茂宗九龍巖題名

廣西軍興縣令李茂宗按視驛鋪因游九龍巖時熙甯九年六月望日題

金石補正四行正書案史是年交趾入寇詔遣郭遠討之首

云廣西軍興即其事也李茂宗見澹品鞠拯題名署衙司法參軍此刻在後九年又稱縣令亦久於永矣

宋陶弼九龍巖詩

巖有真龍臥未醒此龍於物本無情可能暫起為甘雨洗我征南十萬兵 熙甯九年秋七月五日陶弼題塔巖介孫同外孫謝甫侍行

金石審陶弼九龍巖詩拓本漏佚今東安唐秀才從巖中錄得奇門人蔣元甲未及補拓姑附錄之弼以征蠻善功具見本傳觀其詩已可知其人矣

金石補正永志訛脫据石正之陶弼字商翁史稱永州人省府志稱祁陽人雍熙二年進士此署潯陽者舊貫也雍熙至熙甯相距九十年雍熙進士恐誤詩云洗我征南十萬兵蓋在郭遠南討弼為康州團練使時也

宋陳瑄九龍巖題名

甯陽陳瑄之安南遊此覽舊題徘徊久之熙甯九年九月五日

金石審行書四行舊題一石未見為恨

金石補正宋史神宗本紀是年正月交趾再陷邕州知州蘇緘死之二月以郭遠為安南招討使趙高副之陳瑄此行殆亦以兵事去耶

宋高正端九龍巖題名

江陵高正端來遊丙辰十二月初三日題

永州府舊志案右刻正書四行不著年號其人無可攷審字

尙近顏書疑非南宋人所為姑附於此

金石補正永志誤至為正列於熙甯丙辰亦以意測也附宋末

宋趙揚九龍巖題名

荆湖南路轉運判官會稽趙揚充道按全永歸遊九龍巖熙甯

丁巳春三月甲子題 延安武舉進士曹奐同至

金石補正永書五行在東安縣盧洪岩九龍巖

金石補正永志誤作奐誤趙揚淡岩題名與此同時

宋淵冲子九龍巖觀磨崖說

淵冲子觀磨崖有言 身非百年而以姓名歲月刻於石者必知身不如刻之永也惟高才重德有聞於時者世世愛護能使幽晦之境遂亦名出不然墨蠟尙新已為錢毀磨而復刻刻而復磨其刻愈勤其磨愈敏重磨疊刻無有窮時噫名不可不貴也

金石補正永書九行字雄厚古樸懸筆正鋒必熙甯以前所

書後來佻巧之習從風而靡即有一二習顏書者皆不及其

用筆之自然書雖小學其為風氣所轉移如此斯人為誰吾

不能知盧臧張處厚之外不復多得故姑附之熙甯之末以

待攷證焉

金石補正永志遺周甫刻三字殆為拓工所誤耶周甫即刻

蔣忱九龍巖記者永志附此於熙甯末是可從已

宋畢孟陽等幽崑題名

宋元豐元年四月廿二日邑令畢孟陽尉王岳巡檢□李宗况

前江山丞劉誼遊

金石補正永書五行左行此即通志所載高山題刻也畢孟

陽令東安見永志官表王岳李宗况不見於志劉誼字宜父

長興人說詳真仙崑詩跋幽崑在五峯崑西北高山之麓一

統志云幽崑自外達內凡九門門隔一洞極深遠明余理有

記其略云初入門為第一洞窻可十餘丈廣二丈高丈有咫

有石倒懸叩作鐘聲復有乳溜若楹壁間或平或凹迴旋之

狀莫可悉記第二洞深廣減於前再折而西為第三洞尙有

初洞餘光無燭可履中有二小石門互錯而通第四洞門甚

低數武間必鞠躬行四洞至五洞微有門廣僅五六尺深約

五六丈儼然一委巷也傍記歲月游人姓名殆徧有小竅如

錢上通天光可辨五色又從一小石門匍匐入第六洞豁然

開朗有石鳳首尾畢具作舒翼將飛狀下有怒濤上有石榻

自三洞至此非燭不可其七洞至九洞緣淖溼門窄而返按

壁間所志歲月曰元豐曰嘉定曰大德或書九洞雖博望乘

槎渡漢趣莫過是是知九洞雖佳惜未一至也同治辛未八

月譚子仲維為予拓之并述崑洞奇妙與記文略同此題名

月譚子仲維為予拓之并述崑洞奇妙與記文略同此題名

在第五洞其嘉定間刻則未之見矣竊意七洞以內未必絕無古刻造物或留以有待耶雖然人蹟罕至如仲維之探幽絕險者何可多得哉畢孟陽以縣令而雅好清高優游於幽僻之區題鏤厓壁其治理之閑裕可知明有余君今有譚子均足爲此崑生色余因得以著錄而表出之山靈其亦許我乎

宋曾布九龍巖題名

龍圖閣直學士朝奉大夫曾布自廣西移師隴右元豐三年十月十三日過此男縵纒紆絢壻王良肱甥王綱縵待行

金石審石正書六行布以附王安石呂惠卿進用後復以沮新法見忤黜知饒州徙潭州改廣州元豐初以龍圖閣待制知桂州進直學士知秦州此云自廣西移帥隴右正其調秦州時所題惟帥從巾而此從市似師字攷當時並無兵事則俗書也案布一生首鼠兩端既得罪於君子復取忌於小人名傳二惇之間了無足取顧其在元豐以前覲然以逐臣自命自此一移而黨禍日熾宋轍遂東存此以志小人道長之時會也

宋劉溫九龍崑詩

雷題九龍崑三任湖湘悵移桂林元豐庚申中通判桂林劉溫續續如屏倚梵宮九龍崎昔隱崑空湖壩勝槩嬉遊遍名宦勞生西復

東

金石補正六行正書又云三任湖湘而其名不見於官志

宋馬默九龍崑題名

權廣南西路轉運副使朝奉大夫馬默同姪紀男婆壽遊九龍巖元豐四年九月二十一日處厚題

金石審石刻正書六行學顏而用側筆者也攷宋史本傳默

字處厚城武人少從石介學介謂他日必爲名臣知須城縣

張方平恆閉目不與掾屬語見默白事盡行其言治平中爲

御史裏行直言無顧神宗卽位以論歐陽修事通判懷州除

知登州徙曹州召爲三司鹽鐵判官論新法出知濟充二州

還提舉三司帳司神宗將用之大臣不悅以提點京東刑獄

改廣西轉運使終河北都轉運使此殆其赴廣西時所題惟

史云改轉運使而此作權副使與史文異默直節慷慨其書

乃鋒穎峭厲如其爲人斯可重矣

永州府舊志案默子純仕高宗朝距其題名時七十年婆壽

蓋其孩抱時小名也

宋朱或九龍巖題名

已尉大梁朱或仲文東安佐建安鄒向道原浚幹因遊此巖元豐壬戌孟夏六月丁巳記

金石審石行楷書三行不齊

金石補正孟夏六日永志誤日為月而義不協矣邑尉蓋安陵邑尉下故云東安佐也時九龍岩不隸東安

宋齊諶九龍岩題名

新江南東路轉運判官齊諶子期自廣西赴任過此因遊九龍巖元豐六年三月二日題

金石審石正書五行下刻蔣若本三字或刻工名也

金石補正齊諶歷陽人在廣西權提舉常平稱秘書丞亦稱奉議郎龍隱冷水疊采伏波水月雉山諸岩均有題字皆在元豐年此云自廣西赴任過此正合其真仙岩和詩書元豐六年七月者立石年月非作詩之時故後於此題四月也

宋鄧煥九龍岩題名

零陵邑佐長沙鄧煥用晦汾檄過境獨遊元豐甲子端午日題

金石補正通志有鄧渙湘鄉人元豐五年黃裳榜進士其字從水疑即煥字之誤登第後即除邑佐也

宋張綬五峯巖題名

德興張綬被旨督捕邵永蠻寇途次東安登五峯巖周遵同遊携侍行元祐四年己巳四月十八日題

金石審石小正書六行在東安縣五峯巖五峯石刻舊志渾列之古蹟不著其何碑今始搜求及之不過數石其書時代者以此為最先焉

金石補正邵永蠻寇於史無聞志亦不詳其事

宋黃器之五峯巖題名

蒲陽黃器之穎昌夔聖俞元祐辛未重陽日嘗同遊思純侍行

金石審石正書五行在東安縣五峯巖

金石補正淡岩題名有黃概字器之亦蒲陽人自元祐辛未至乾道癸巳相距八十餘載蓋別一人此為名彼為字也

宋方蒙五峯巖題名

桐廬方蒙被旨之廣西過此縣令徐處仁新靈川令劉覺同至元祐癸酉孟夏廿六日題

金石審正書五行宋史處仁本傳為東安縣令蠻人叛入峒

開示恩信蠻感泣誓不復反宋史溪峒諸蠻傳第於南宋時全州上言東安可直入溪峒而慶歷以後叛服皆略本紀亦不書據此刻所命使枉道之東安又檄廣西縣令同至必有公政當即會撫蠻人時也

金石補正永志官表列徐處仁於元符年據此刻元祐末已

令東安矣明年改元紹聖淡岩亦有其題名永志殊誤方蒙字逢原桐廬人與弟鼎俱登進士第而蒙尤有聲元祐中為殿中侍御史見萬姓統譜

宋阮之武九仙巖詩

野老相傳有九仙嘗遊此地忽昇天霓旌鶴馭今何往千古空

巖鎮暮煙 靜海阮之武子文倅郡零陵行縣遊盧洪九仙巖
紹聖改元甲戌歲七月七日題口以正其名

金石齋石行書六行在九龍巖九仙蓋子文所命也

宋阮之武石塘寺詩刻

洗開無用木放出自然屏一簇岡巒勢多般人物形金堅性難
壞玉潤色常青得地生禪刹休嗟在大坳 紹聖二年乙亥歲
上巳日靜海阮之武子文倅郡零陵公檄促戮蠻寇駐兵石塘
僧舍顧視立石為草木陰翳命工滌除之迺一石屏朝挹聳翠
狀若圖畫巖竇溪壑天性自然噫久被湮沈一旦出觀天日亦
猶隱德君子各有時也因榜之曰自然屏書四十字非敢云詩
姑紀歲月而已

金石補正石石塘寺自然屏詩詩四行跋六行正書在東安

沙子鋪石塘寺後壁宗氏云石壘縣志誤作石塘今審拓本

正作石塘宗氏以不誤為誤矣以為壘者或是今俗之訛耳

所載多一宋字公檄作公奉檄詩與跋前後互易皆未見拓

本故也文云促戮寇蠻與張綬所言邵永蠻寇者殆是一事

石塘寺在縣北元帳山

宋張茂先五峯巖詩

五峯巖巖倚層巒偷暇登臨到此山泉石靜中無俗客巖在縣
巖有泉
不樓臺深處鎖禪關憑高林野依稀盡望關雲天繚繞還回首

夕陽歸去路紅塵隨馬轉溪灣 紹聖丙子秋季按東安遊五
峯巖寺郡倅張茂先世京題男湜侍行

金石齋行書十一行巖寺即東安高山寺也

金石補正通志脫先字蓋公縣志之誤未見拓本也山川內

載此詩偷暇作乘興還作環歸去作歸處皆當以石為正

案東安縣吳志載永州郡倅張茂五峯巖詩嘉慶通志據

之而詩未著錄當即此張茂先題詩縣志偶脫先字也且

通志於東安金石甚略其為失攷無疑故定從府志錄此

而削彼焉

宋衡陽楊某五峯岩題名

衡陽楊□□□淵□漢臣鄱陽□□□元符元年季冬望日同

遊

金石補正五行正書人名多泐幸年月具存

宋郡幙蔣某五峯巖題名

郡幙蔣□□□東安侍其□□丹□□□來□□□

□□漢臣遊元符□年十月十七日書

金石補正正書六行剝蝕已甚就可辨者錄之元符兩刻宗

氏均未搜及

宋王觀九龍巖詩詩見名
勝志

東安縣吳志崇甯間

宋登鑿等五峯巖題名

郡倅登鑿辨叔巡警高摠持正縣令周授傅師縣尉李執中公
權同遊五峯巖登觀音閣時天澤應祈田苗茂盛可喜可慶大
觀己丑孟夏九日題

金石窰右行楷書七行字多剝蝕前人未見

金石補正永志官表列周授李執中於元豐年得此足證其
誤

宋周裕肖巖詩記

通判軍事周裕按視坑治政和五年乙未孟冬二十有五日同
靖位防守龍端來遊歷覽勝槩易名肖巖 題肖巖 宣教郎
權通判軍事周裕 萬屋藏雲造化剏仙源路在小江干三冬
洞府幽棲暖九夏星槎穩泛寒飛燕忽驚天柱過蟄龍猶向石
田蟠揭名爲報紅塵客莫把茲巖取次看 門生下班祇應權
靖位鋪兵甲防守龍端立石

金石窰石題記四行行書詩連題十行又立石者一行皆正
書

永州府舊志案肖巖宋時在武岡軍新甯界今亦在東安新
甯接壤處非裕曾守永也又案裕祁陽人元符三年李釜榜
進士武岡志蕭巖新化志蕭巖皆云有其題記恐或即東安
題刻之傳異也

金石補正一統志巖在縣西北三十五里即此肖巖也永
志三冬作三人下班作丁班均誤通志山川附錄此詩屋作
窟刻作寬莫作儘此疑後人重鑄幽栖字有改鑿痕

宋周肖巖題字

肖巖字長一尺政和五年乙未十一月二十五日 宣教郎權

通判武岡軍管句學事兼管內勸農事借緋魚袋周肖巖立

金石窰右篆書巖名二字旁年月官名二行正書在東安縣

宋黃朝散九龍巖詩

金鱗玉角照人寒何事清時此蟄蟠甘澤不辭膏品物奚慙濟

舜朝官 右行縣憩九龍巖宣和三年辛丑歲孟冬二十日

臘盡春來氣應和豐年嘉瑞作民歌一杯龍洞梅花酒口破

牢愁埒大阿 右再過九龍巖 龍巖重到臘殘天欲訪丹成

行滿仙因親曾公題刻妙氣騰忠誼拂雲煙 右親丞相曾公

爲桂帥時經過畱題 寸心憂旱隱如焚默念僖心閱雨勤得

守回簡報初六 欲到九龍巖數里霈然甘澤副油雲 右將到

巖洞油雲忽作驟雨滂霈四年七月八日 驟雨滂沱若救焚

痛瘡時暫慰勞動若教千里均霑渥多稼看看勝口雲 右得

雨移刻即止惜乎不廣 采口形相異爲仙識性誰知共一天

澤物度人均是道瑞昭千載起祥煙 右和阮倅正名九仙

不爲魚計伏藏深鳴和奚慙鶴在陰 雲從龍油然而作 千里秋

苗如普潤何妨信史一書霖 右和士曹曹文林省題九龍巖
沐雨衝風夜向晨九龍巖畔報中春行庖一供山僧飯下咽
甘口不笑貧 右五年二月朔投曉到巖寺適值亡女忌日因
而飯僧 伏承通判朝散黃公按部過九龍巖書詩八首文照
不敢秘藏謹刊于石皆宣和五年癸卯歲三月望日侍持僧文
照口記

金石補正右詩刻三十五行行書丞相曾公者布也官志宣
和年無黃姓判永者其攷其名矣

宋曹省九龍巖詩

壬寅七月二十二日子因過東口少休壽聖時秋陽炎亢大口
可愛遠題是絕以謁靈巖如其有靈一掃膏澤以慰斯民南康
曹省香曾書于寺之南軒 英靈何事臥雲深一舉曾空萬里
陰阡陌相望苗就稿蒼生應待作商霖 宣和五年癸卯三月
二十日九龍口壽聖院住持僧文照上石

金石補正前後共十二行行書曹省名不見官志黃朝散稱
爲士曹則是參軍也

宋錢懷哲九龍巖詩

題九龍巖 朝奉大夫通判永州軍州同管句神霄玉清萬壽
宮兼管內勸農事錢懷哲 瀟湘行邁遇初秋何幸因官得一
遊無異醴陵三室洞九龍羽客是吾儔 宣和五年癸卯七月

二十五日住持僧文照上石

金石審石行書五行小字署款二行九龍巖即東安九龍巖
也

金石補正錢懷哲亦見淡岩題名宗氏補入官志云省志作
機哲按通志錢機哲在太祖朝或別一人也三室洞在醴陵
王仙山一名大山後漢書五行志醴陵縣大山大鳴如牛响
荆州記縣東四十里有大山山有三石室又名王喬山隋書
地理志醴陵有王喬山明統志世傳王喬鍊丹於此上有三
室洞

宋黃仲堪九龍巖題名

雙井黃仲堪覽民自零陵行縣經此值太平進老同遊巖主照
師熱香烹茶使人灑然有倦意孫適侍行靖康元年孟冬戊午
日題

金石補正行書七行黃仲堪見潛溪題名山谷之弟也照師
即文照

宋胡寅等九龍巖題名

荊夷胡寅甯宏侍家府自邵之春陵過此門人江陵吳邪湘潭
黎明從紹興元年十二月初六日 永州東安縣九龍巖壽聖
院僧文照上石

金石補正七行又上石一行正書宋史胡寅甯宏安國子也

寅本猶子其妻取而子之題名所稱家府者即安國也紹興元年安國以中書舍人兼侍講入對獻時政論二十篇會除朱勝非同都督江淮荆浙諸軍事安國奏為不可改除侍讀復持錄黃不下呂頤浩稱勝非付湖廣聖躬特命黃龜年暫行安國自劾落職提舉仙都觀五年除徽猷閣待制知永州辭不赴詔奉祠提舉太平觀寅字明仲靖康初棄官歸建炎三年張浚薦為駕部郎官尋擢起居郎以移蹕事上書呂頤浩惡其切直除龍圖閣主管江州太平觀二年知永州紹興四年召為起居郎遷中書舍人尋除知邵州辭改嚴州又改永州甯字仁仲初蔭補官召試館職除勅令所刪定官俄遷太常丞祠部郎官出為夔路安撫司參議官尋知澧州主管台州崇道觀宏字和仲以蔭補右承務郎不附秦檜引疾去此題名在紹興元年十二月正安國落職寅督太平觀之時尚未知承故得侍父隨行也史稱崇安人此題武夷或是指貫史宏在甯前此題先甯後宏當是史未得實承志官表紹興年知永州者首列安國次即為寅以史證之安國知承在五年且未赴寅知承在二年不知宗氏何据恐誤也又按是年十一月叛寇曹成執安撫使向子趨進攻道州十二月道州陷守臣向子恣棄城走時有兵事而胡寅等正往春陵豈有薦辟之舉耶九龍岩改隸東安始見於此

宋許叔玖等五峯巖題名

貴溪許叔玖韓城宋景光洛陽陳正□延津李得□嵩陽蔡壽

□癸亥冬孟□日小集於此

金石審右篆書七行年代人名無可攷職官表紹興間有許

尹疑即其人姑附於此

金石補正延津李昇□當即九龍岩題詩之虞延李得之也

前此者數日耳彼題亦無紀元附宋末再攷許尹字覺民樂

平人與貴溪許未玠決非一人宗氏所言殊謬

宋東安孝子唐傑孝行碑

紹興丁卯□□郡守熊彥謀撰

金石審熊彥謀孝子碑道光乙酉歲東安令蒙古託渾布愛

山訪碑見示碑文蕪雜故撰傳僅錄其贊全碑鈔文久且失

去年來屢求拓本於前後縣長及邑中學子皆未有以應也

其略具在孝子本傳姑闕以俟後之有心者補焉

宋任傳道五峯巖題名

任傳道弟傳師拉唐□□同遊覺師繼至周元輔元蔽侍行紹

興己巳春

金石補正四行正書左行前人未見繼字半蝕己巳為紹興

十九年

宋魏繼先五峯巖題名

懷玉舒密智叔自永州來省其親請庵於東安縣齋歷陽魏繼
先進叔以家君之命載酒拉渠父子與柴琪伯恭同遊資福寺
就觀華嚴閣親創規模徐登五峯閣循崖而下剝苔剔蘚摩挲
石壁得見元祐大觀間舊令徐太宰十數公留題屈指歲月感
愴久之使人忘去因援筆以識庶後之視今亦猶今之視昔也
皆嘉定庚辰臘月十有一日弟繼得正叔子明祖榮祖侍行靖
庵名木字東卿云

金石齋右刻十二行似真似隸唐初人有此種體省志官表
甯宗時有東安令魏雲繼先蓋雲子也

金石補正文云元祐大觀間舊令徐太宰十數公留題今所
存者無幾矣徐太宰當即處仁也資福寺華嚴閣五峯閣均
不見於建置志載誤永明爲永州餘亦有小誤

宋艾洪九龍岩詩

九龍山高百尋開九龍之昂窗且寬可容萬馬更餘地滴凍石
乳堅莫鑽十三層崖聳擁至簷管巖翠仍檣樂六丁何年鑿地
罅驅遺造化從開端我方揚輿出塵鞍搜索異境凌霜寒一朝
登臨謁奇特肅容斂衽成三歎也知斯名本副實嚴邃豈止羣
龍蟠洞天此合居其一緬想深處儲儂官龍方龍方聽我言豈
可潛伏而久安直須起作商家霖傅昂事業斯無難君不見往
時豫章題淡山俗子驀塵了不干淡山之崑固可取九龍之崑

亦足觀 寄書九龍崑廣福院紹定戊子孟冬中泚後七日菊
坡艾洪可大當代住僧妙性上石

金石補正文書十六行詩云我方揚輿出塵鞍又云豈可潛
伏而久安似是罷職者寄託之詞廣福院志所不載中泚是
月之二十日

宋張大年九龍岩題名

東安邑令張大年奉帥檄平將寇就盧洪置司撫定鄉民公事
了暇同飛虎統軍陳德劉戴策馬觀九龍巖時淳祐壬寅十月
下泚

金石補正文書五行張大年令東安省府志均列度宗朝得
此刻足證其誤壬寅爲淳祐二年平將寇事不見於史史載
淳祐四年七月盜發永州東安縣飛虎軍正將吳龍統制鄭
存等討捕有功詔補官資殆即此事盜發於二年至四年
敘獎功之典史乃書之耳文云就盧洪置司攷唐時永州有
雷石盧洪二戍宋初永州有福田樂山零陵東安諸皆是盧
洪舊爲戍所因舊制而立皆置司則自淳祐二年始至今尙
存其名志乘家所宜知也飛虎軍勦於辛棄疾事在乾道四
年

宋劉夢符九龍巖詩

夏日遊九龍崑 迪功郎零陵縣丞衡之末江劉夢符 突兀

刻信國遺筆忠孝廉節四字於壁字大數尺

宋李孝子碑

東安縣吳志咸鴻中縣尹趙崇砮為李文珍立歲久碑仆至

大元年曾孫李覺所重立

嘉慶通志案宋史宗室世系表趙崇砮漢王元佐之後

永州府舊志案重立者非趙崇砮元文乃元時文翔伯記遠

魯花赤分列迷迭所立是又一碑矣

宋記夢碑

東安縣吳志咸鴻間郡丞一作縣令趙崇砮立石紀紹興間令

上行去任不取奉錢夢神語事

宋高山題刻

一統志在東安縣北一里五峯突出石有宋刻尚存

嘉慶通志案余理幽巖記云有元豐嘉定及元大德年號

朱朱穎叔九龍岩題名

大理寺丞朱穎叔贊監賀幕至此趙景臣同游壬子四月初五

□

金石補正五行正書宋人刻也

宋李得之九龍岩詩

癸亥之秋九月晦日同□□□東□牛兼善規田還□□□□

大名田仲平訟橄雷此□□□會小憩巖下裝回不能去聊書

短連屢延李得之 靄靄雲□爛岑岑洞穴幽黃衣無□士陳

迹□千秋本為征途憩還因爽氣留塵緣吾未斷歸路晚颺颺

金石補正十行正書諸人姓名無攷要為宋刻無疑

宋衡陽陳某九龍岩詩

留題九龍巖 權零陵縣主簿衡陽陳□□ 里俗相傳有九

龍昔年栖隱此巖中煙霄一去□□隔石戶雙開舊徑通月影

日光東北近泉聲山色古今同何當便脫卑凡累來伴僧閑論

苦空

金石補正正書八行無年月人名亦已泐永志官表零陵簿

無陳姓者元祐間有陳寬夫為零陵尉豈即其人歟姑附宋

末

湖南通志卷二百七十八

湖南通志卷二百七十九

藝文志三十五 金石二十一 宋

宋周智強墓碑

道州新志在道州營樂鄉安心寨智強即元公之祖

宋諫議大夫周輔成墓碑

道州新志在周元公故居之左輔成元公父也

嘉慶通志周輔成大中祥符蔡齊榜特奏名進士歷官賀州

桂嶺令累贈諫議大夫

宋設廳記

道州新志天聖四年丙寅仲冬六日將仕郎守司理參軍掌

禹錫撰

嘉慶通志案掌禹錫字唐卿鄆城人宋史本傳但言中進士

第為道州司理參軍而未詳其時代據此知禹錫登科在仁

宗天聖間

宋鼓角樓記

道州新志天聖四年丙寅十一月將仕郎守司理參軍掌禹

錫撰

宋知軍州題名記

道州新志天聖丁卯十二月望軍事推官將仕郎試秘書省

校書郎南宮誠撰

嘉慶通志案題名始建隆至天聖三年辛若濟等凡二十九人

宋周子含暉巖題記

周惇頤區口鄰陳賡蔣瑾歐陽麗治平四年三月六日同遊道

州含輝洞

金石審右刻二十八字未見案湯璐志治平乙未周元公通

判永州歸展親墓口鄰人並其二子同游刻名厓石省志以

治平無乙未當是丁未之誤今州志已刊正其謬周子以二

月一日歸里三月十三迴至澹巖此云三月六日游是巖為

時正合容再拓其殘字證之

金石補正六行正書瞿宗兩家皆未見近始搜拓之向來沿

襲之誤足以訂正矣鄰字乃區君之名州志以為鄰人並加

同字誤矣歸展親墓二子同遊見於澹巖題名殆因是而以

意述之耳明錢邦芑所記較詳惟陳賡蔣瑾二人互倒區口

鄰亦作同鄰人為不實也含暉巖題刻從未椎拓余得六段

宋周子拙賦碑

濂溪先生拙賦 或謂予曰人謂子拙予曰巧竊所恥也且患

在多巧也喜而賦之 巧者言拙者默巧者勞拙者逸巧者賊

拙者德巧者凶拙者吉烏乎天下拙刑政徹上安下順風清弊

絕 春陵郡西十八里曰濂溪保即□□□也郡丞聽事之

後有堂未名□□□□拙揭之且刊此賦于石豈唯見□□□
亦前賢里中故事示不忘爾淳熙戊申歲重午日坦庵趙師
俠敬書

格古要論拙賦周子作浚儀向子廓隸書宋淳熙戊申趙師
俠刻於郡丞廳後有跋碑在道州用拙堂

天下金石志宋拙賦碑周惇頤撰向子廓隸未有跋在岳州
府

金石文字目錄濂溪先生拙賦八分書淳熙戊申重午刻有
趙師俠跋正書

道州新志用拙堂有濂溪拙賦碑

金石文編道州有濂溪先生拙賦碑八分書分刻二碑各四
行以格古要論攷之當是向子廓書而無姓名亦無趙師俠
跋語及刻碑年月豈搨工遺之耶天下金石志云在岳州府
恐誤攷大全集朱子淳熙己亥守南康有書濂溪先生拙賦
後云右濂溪先生所爲賦篇聞之其曾孫直卿云近歲耕者
得之溪上之田間已斷裂然尙可讀也熹惟此邦雖陋然往
歲先生嘗辱臨之乃闢江東道院之東榜以拙齋而刻置焉
旣以自警且以告後之君子俾無蹈先生之所恥者以病其
民云是拙賦在宋時江西有兩刻矣己亥乃淳熙之六年戊
申則十五年也是趙師俠刻本最後

湘僑聞見偶記甯遠大谷巖有縮本拙賦石刻亦後人所爲
土人以大陽洞爲周氏祖居遂稱大谷爲周子讀書處則不
足信矣

金石補正志在永福寺碑亦向子廓所書署銜權知梧州前
此八年去桂後不知何職志不見其名也趙師俠燕王德昭
之後陽華岩有其題名跋語中三行首缺四字拓者於此畱
白蓋用道州官印石未必缺也空以俟補訪碑錄載有朱子
書拙賦碑云在衡陽今未見

宋周子愛蓮說碑

濂溪先生愛蓮說 水陸草木之花可愛者甚蕃晉陶淵明獨
愛菊自李唐來世人甚愛牡丹子獨愛蓮之出淤泥而不染濯
清漣而不妖中通外直不蔓不枝香遠益清亭亭淨植可遠觀
而不可褻玩焉子謂菊花之隱逸者也牡丹花之富貴者也蓮
花之君子者也噫菊之愛陶之後鮮有聞蓮之愛同予者何人
牡丹之愛宜乎眾矣

金石文編道州有愛蓮說碑八分書七行無書人姓名及刊
刻時代攷朱子愛蓮說記云先生嘗以愛蓮名其居之堂而
爲是說以刻焉又云曾先生曾孫直卿來自九江以此說之
墨本爲贈乃復寓其名於後圃臨池之館而刻其說置於間
是濂溪此文宋時一刻於九江再刻於南康道州此碑蓋近

人所尋未知出於何本

金石補正此亦明刻也後有大明嘉靖辛亥仲秋北畿任邑後學蓮洲居士謝□書廿一字瞿氏宗氏所見皆失拓

宋寇公樓碑

道州新志元祐八年五月州學教授陳純夫記

嘉慶通志案寇準貶道州司馬時州人建樓為游息之所此重修之記也

宋王安中維舟石刻字

永州府舊志在道州城西里許開元觀之西王安中履道謫居於此每乘舟游憩必維其下磨崖刻初寮維舟石五字案履道名安中中山陽曲人著初寮集七十六卷初寮蓋其別號也舊志省志作初寮王履道以字為名誤安中嘗勅蔡京欺妄有直聲後以締合王黼童貫不能制郭藥師靖康初履貶高宗即位內徙道州則在靖康二年也舊志作哲宗時亦誤

宋王安中含暉岩題名

初寮先生自開元拏舟來遊子辟章堦趙奇門人周利建寶從戊申八月二十五日

金石補正正書四行左行永州府志載初寮維舟石刻字列於哲宗時宗氏修府志謂在靖康年間据此刻題年戊申

則是建炎二年也哲宗朝不值戊申宗氏辨正之是已維舟石刻今未見初寮王安中自號省府志職官載王履道知道州以字為名且列於哲宗元祐間均誤永志何以亦未改正耶開元者觀名也在道州西南一里許辟章堦知泉州周利建益公父也

宋周利建白石洞題名

周益公題跋靖康丁未五月一日高宗即位改元於南京八月一日先公太師以前太學博士被旨使荆湖南北路與提點刑獄官徧行所部會計金穀事載日歷其在所部獨道州白石洞有建炎元年八月二十五日題名蓋自湖北回長沙而過春陵也

嘉慶通志案益公父名利建官太學博士見宋史本傳據題跋知利建嘗被旨至荆南故有此題名

宋太宗戒石銘

太宗皇帝御製 御製戒石銘 爾俸爾祿民膏民脂下民易虐上天難欺 近得黃庭堅所書太宗皇帝御製戒石銘恭味旨意是使民於今不厭宋德也因思朕異時所歷郡縣其戒石多置欄檻植以草花為守為令者鮮有知戒石之所謂也可令摹勒庭堅所書頒降天下非惟刻諸庭石且令置之座右為晨夕之念豈曰小補之哉丙 臣等竊惟太祖皇帝武定天下而

太宗皇帝受以撫之是時五代之餘遺民赤子新去湯火哀矜
擾綏寄在守令乃發大訓垂諸庭石如雲漢在天爲光昭回其
施在下則爲露爲雨民涵斯澤豈其有極而吏更歲久或不知
誦斯文矣皇帝撥亂愛民規撫祖宗乃六月癸巳詔以黃庭堅
所書刻之石將以口本賜天下使日見而知戒焉嗚呼此盛德
大業之本豈特讀正觀政要而太息哉臣等材駑不足以佐萬
分而知贊且勵蓋不獨郡邑之吏先然於茲賜也謹昧死著於
左方紹興二年七月癸酉端明殿學士左朝議大夫簽書樞密
院事權參知政事臣權邦彥左通議大夫參知政事福建江南
西路荆湖北路宣撫使臣孟庾左通奉大夫守尚書右僕射
同中書門下平章事兼知樞密院事臣秦檜特進尚書左僕射
同中書門下平章事兼知樞密院事都督江淮荆浙諸軍事臣
頤浩謹題

容齋隨筆爾俸爾祿民脂下民易虐上天難欺太宗皇
帝書此以賜郡國立於廳事之南謂之戒石銘案成都人景
煥有野人間話一書乾德三年所作其首篇頌令箴載蜀王
孟景爲文頌諸邑云朕念赤子盱食宵衣之令長撫養惠
綏政存三異道在七絲驅雞爲理雷犢爲規寬猛得所風俗
可移無令侵削無使瘡痍下民易虐上天難欺賦輿是切軍
國是資朕之賞罰固不踰時爾俸爾祿民膏民脂爲民父母

莫不仁慈勉爾爲戒體朕深思凡二十四句景區區愛民之
心在五季諸僭偽之君爲可稱也但語言皆不工唯經表出
者辭簡理盡遂成王言蓋詩家所謂奪胎換骨法也

金石文編石宋太宗戒石銘黃山谷書紹興二年七月勒石
篆額三行六字碑分三截上爲山谷正書戒石銘六行行四
字次爲高宗御書跋語及押十三行行九字行書下爲權邦
彥等記及銜名廿七行行十五字正書前人未著錄于於己
已夏四月于役道州於州治堂側羈候所壁間訪得之亟命
工拓其文攷洪容齋續筆据野人間話謂蜀王孟景爲令箴
頌諸邑其二十四句宋太宗摘其中爾俸爾祿民膏民脂下
民易虐上天難欺四句書賜郡國謂之戒石銘亦見孫奕示
兒編又元吳郡徐元瑞吏學指南中亦載此戒石銘十六字
云漢唐以來未嘗有之五代時蜀主孟景始頒令箴於諸邑
其文云凡二十四句宋朝太宗刪繁取簡摘其二聯一十
六字頒行天下至高宗紹興間復以黃庭堅所書命州縣長
吏刻石座右至今官府存焉至元癸巳浙西廉司移治錢塘
司官大使容齋徐參政改書其銘曰天有昭鑒國有明法爾
畏爾謹以中刑罰以兩書證之正與此刻合惟山谷書既稱
御製高宗跋亦稱御製絕不言四語之所本蓋不欲取法於
蜀景故諱言之耳竊歎此銘宋太宗既偏令郡國立石高宗

又以山谷書頒降天下刻石訖今於道州之外僅於粵西梧州府解尚存此刻可見金石畱傳之難今世州縣堂前牌坊上往往書此十六字罕有知其出處者矣碑之下截有紹興二年七月權邦彥等記中云皇帝撥亂愛民規撫祖宗乃六月癸巳詔以黃庭堅所書刻之石云云蓋紹興元年六月下詔至二年七月始勒石然宋史本紀皆失載此事以紀傳等輔表攷之秦檜於紹興元年八月自參知政事授通奉大夫守右僕射同中書門下平章事兼知樞密院事九月呂頤浩再相拜少保尚書左僕射同中書門下平章事兼知樞密院事與秦檜同秉政檜謀奪其柄建言二相宜分治內外乃於二年四月除頤浩都督江淮荆浙諸軍事開府鎮江與石刻題銜正合惟表及頤浩傳稱少保而此云特進自當以碑為正孟庾以紹興元年十月除參知政事十一月為福建江西荆湖宣撫司權邦彥以紹興二年五月自左朝議大夫兵部尚書遷端明殿學士除簽書樞密院事六月兼權參知政事史言兼權碑但稱權亦當以碑為正又攷建炎四年合江東西為江南路紹興初復分東西碑所云江南西路者乃江洪筠袁虔吉州興國南康南安軍也又紹興元年正月荆湖分東西二路東路於鄂州置安撫使西路於鼎州置安撫使二年二月復荆湖東西路為荆湖南北路安撫使於南路治潭

州北路治鄂州至宣撫使一官不常置以二府大臣充故孟庾以參知政事出為此官是時建安范汝為反又賊曹成劉忠等作亂荆湖間朝廷以韓世忠副孟庾於潭州皆降斬之湖南乃平正此立碑時也其題銜朝議通議通奉上皆有左字者攷紹興元年十二月詔舉行元祐之法官階繫銜復分左右至洵熙始去之碑刻正在下詔之後故皆加左字文中貞觀作正觀避仁宗諱也

宋道州帖

容齋三筆張忠定公詠為一代偉人道州所刻帖有公與潭牧書一紙王荆公跋其後云忠定公歿久矣而士大夫至今稱之豈不以剛毅正直有勞於世若公者少歟

嘉慶通志案洪邁所述道州帖未知刻於何時張詠事實詳宋史本傳

宋道州學記

道州新志紹興二十五年正月一日何麟撰并書

宋趙彥愈等含暉崑題名

趙彥愈文老吳焯伯成張公盛仲時呂行中舉叔王遠直師古鄭猶夢可郭份仲質紹興丁丑人日來遊

金石補正正書四行左行在初寮題名右趙彥愈有三一為武經大夫公彥子一為公求子一為承信郎公信子此不知

何房之後呂行中東平人零陵令澹巖有其題記郭份新淦人湖南轉運司幹辦公事通判常德軍擢守興國軍朱子爲撰墓志府志官表道州教授郭份又載春陵進士題名碑爲郡教授廬陵郭份撰汾疑皆份之誤趙彥愈七人疑皆當時職官而見於志者惟呂行中一人

宋春陵進士題名記

道州新志紹興二十七年十一月初吉郡教授廬陵郭份撰嘉慶通志案記文略云宋興至今二百餘年進士取人凡九十餘科春陵之登第者凡百餘人舊有題名記更遭兵厄不知所所在汾因復尋究哀次刻於泮宮

宋道州蓮花漏記

紹興二十九年十一月望日左朝請郎新權知賀州軍州主管學事兼管內勸農事借紫吳民先譏文見永州舊志嘉慶通志案記文謂天聖中禮部侍郎燕公肅始爲荷茄溜水蓮心出水之法謂之蓮花漏元祐間丞相蘇公頴又造水運儀象二者皆與日晷符合紹興已卯大梁向公子恣來鎮此邦用二公規法作此

宋濂溪祠記

天下金石志張栻撰在道州學古今書刻同

宋漫齋記

道州新志清熙五年十二月朔陽羨邵擬記嘉慶通志案此記爲春陵牧趙宣言作也宣言溫州人一作善言未知孰是

宋趙本一等含暉崑題名

趙本一宜言繼仲任嗣至林用之義冲遠章茂獻鄭虔任清熙已亥長至後二日同游含暉洞宜言幼子崇脩侍行

金石補正五行正書義冲遠名太初道州人清熙五年姚穎榜進士志載鼓角樓記出其手筆今已不存末題宜言幼子崇脩侍行崇脩有二一爲汝輯子一爲汝誼子此蓋汝誼之子也名誼字宜言於義正協汝誼官永見月岩題名茂獻疑章穎之字

宋朱文公題周濂溪像贊

金石文編道州周元公祠有濂溪先生像碑像高三尺餘上題朱文公像贊正書六行碑無刊刻姓名年月文公書字亦非真面攷大全集愛蓮說記朱子於清熙已亥守南康郡立濂溪祠於學刻濂溪像於石零陵縣志謂方疇於九江得之先生諸孫今審此刻並無年月姓名可攷不似舊刻必是近代人重摹者

案周子像及朱子贊在零陵者國初郡守魏紹芳重刻在道州者明知州錢兌同知張鉉等同刻嘉慶通志府志

合為一條今特分載而贊文不重出

宋朱文公書太極圖說

太極圖象額 陰靜 坤道成女六字在圖之右 陽動 乾道成男六字在圖之左

太極圖說 周子曰無極而太極太極動而生陽動極而靜靜

而生陰靜極復動一動一靜互為其根分陰分陽兩儀立焉陽

變陰合而生水火木金土五氣順布四時行焉五行一陰陽也

陰陽一太極也太極本無極也五行之生也各一其性無極之

真二五之精妙合而凝乾道成男坤道成女二氣交感化生萬

物萬物生而變化無窮焉惟人也得其秀而最靈形既生矣

神發知矣五性感動而善惡分萬事出矣聖人定之以中正仁

義而主靜立人極焉故聖人與天地合其德與日月合其明與

四時合其序與鬼神合其吉凶君子修之吉小人悖之凶故曰

立天之道曰陰與陽立地之道曰柔與剛立人之道曰仁與義

又曰原始反終故知死生之說大哉易也斯其至矣 晦庵朱

熹書二十行

稽古要論周子太極圖說在道州

道州新志味道亭有太極圖碑一通在濂溪書院左

金石文編道州有太極圖碑上為四圖下刻朱文公太極圖

說無年月攷大全集愛蓮說記此圖亦文公刻於南康者道

州本蓋近人以南康本翻刻也

永州府舊志案此刻今已佚晦庵五字其末一行署大明隆

慶庚午後學金谿劉子汾刊

金石補正石本無書人名疑即劉子汾所重書耳福慶邵武

府學亦有太極圖碑不審是文公所書否

宋月崑趙汝誼等禱雨題名

漢國趙汝誼天水趙廣南郡章穎禱雨道過穿巖方暑如坐廣

廈徧覽洞石賞其瓊異清熙己亥秋戊子

道州新志在州西四十里舊名穿巖清熙中太守直閣趙公

禱雨過其下有題名

永州府舊志案道州官表清熙初有兩趙守其一汝誼四年

任其一善言七年任證之趙廣月巖禱雨題名在王寅歲是

為清熙九年則必善言無疑也黃如毅改纂州志作直閣趙

抃甚誤攷世系表太宗次子商王元份六世孫名善言者六

一為安康郡公仲麟之曾孫一為左朝奉大夫不已之三子

一為忠訓郎不械之次子一為武節大夫不器之次子一為

武德郎不同之三子一為贈大中大夫不積之子又太宗曾

孫南康郡王宗立之元孫亦有名善言者三人未知孰是

金石補正五行行書在月岩洞口之巖從未有推拓之者故

記載多不實也宗室世系表善言善良善穎之子均以汝誼

命名以含暉洞證之當是善良子贈石奉直大夫不迷孫其
字宜言其子崇脩也章穎臨川人官道州教授永志官表兩
列之一系隆興年一系淳祐年恐皆未確

宋趙廣月巖題名

凌儀趙廣承流茲邑千二百有四日矣歲遇夏或以旱告廣侍
郡侯凡三謁於靈濟祠下其善應金僊可不勒諸巖石以紀神
之賜清熙王寅六月中泚書

金石審右刻行書七行在道州月巖前人未經按及

金石補正永志誤下為卜僊上一字永志作金審之似是至

字姑從其闕靈濟祠志所不載月岩西有龍母山上有龍母
祠歲旱禱之多應或即宋之靈濟祠歟

宋劉飛卿等含暉巖題名

括蒼劉飛卿丹邱蔡承節豫章王叔佐趙南夫永嘉鮑季實廬
陵嚴舜舉臨川饒國英朱商舉九寧湯夢良以紹熙甲寅秋載
酒徠遊悄循與鞠舊傳夢良題

金石補正分書六行與即莫字蓋節值重九也

宋駕鶴峰掾屬題名記

上缺道王辰省簽幕始置今曹缺卅闕五弗騎醫且磨亭側
駕鶴之麓以紀歷官者名氏後來繼今以書雖閱千百石崖其
有既哉慶元乙卯九月丁亥濟南王域題 趙不柔林可行屍

公億素欽敷張球王杞趙彥瑄紹熙五年王域紹熙五年趙希
聲林冠英劉澤王默嘉定三年王正大應夢武嘉定四年張洙
嘉慶四〇張凱寶慶二年十二月莊元成端平二年六月到陳
白孫景定四年二月到

金石補正右駕鶴峰峯題名記在道州斌山山在州治北駕鶴
峯在山之巔記八行前四行漫滅僅辨十字餘尚可讀題名

七行十八人先後錯綜以行款字體審之王域以前八人為

慶元時王域所題趙不柔六人不題年月當是失於傳述趙

希聲以下十人雖不盡紀年月要皆後來續題者即系於此

以其同一事也趙希聲林冠英劉澤三人為一行在趙彥瑄

王域之後王默之前當是嘉定三年以前所到者以上行格

均無甚參差王正大在林冠英之左低二格應夢武在趙不

柔之右張洙在林可行之右低一格小注缺字為張張凱在

晁公億之右低一格初刻時此行當有題字或書官名為應

夢武題名所掩宗氏謂虛右以待後來恐未必然莊元成在

王正大之左其上似尚有一人石已破損陳白孫在林可行

張球晁公億王杞四人之中聞永志分列為九種讀碑未得

其法以致素雜無章其所謂姜楷者不知何在且以誤審之

字疑史疑志則謬誤闕漏猶其次矣文云省簽幕始置今曹

攷宋史政和改簽書判官廳公事為司錄則壬辰為政和二

年似矣然建炎初已舊制且壬辰上有道字似是乾道八年乾道開史無省改簽幕之文乾道七年皇太子領尹事廢臨安府通判簽判職官置少尹判官推官推官比幕職而但言臨安府不及他州未可牽合嘉定二年諸州郡所差兼簽廳官並行住罷又在此題記之後碑文已缺泐闕疑可耳宋史室宗表士初士倪士宿士過士說士掄士侁士倚之子均名不柔師史師衛師師師師之子均名希聲此題名者不審何人之子趙彥瑄當是宗室宗室表佚名者甚多宗氏疑即彥宣之誤非所信也一統志紹興間有張球知武岡軍未審即其人否王默見陽華岩毛方平詩序署云郡掾攝邑事故知此為掾屬題名也莊元戎有寒亭題詩餘再攷文又有亭側字其即懷古亭歟

宋鼓角樓記

道州新志慶元丁巳上元日郡人義太初撰

嘉慶通志案義太初字冲遠號冰壺道州人中清熙五年進士周益公楊誠齋朱晦翁趙端明諸公皆與之遊著有冰壺詩十卷易注五卷文集十卷

宋懷古亭殘刻

嘉泰壬戌來丞春陵首訪漫郎之
如陵遷谷變不可識獨懷古羣石立瓊奇與春

雲秋月無
言諸巖隈耶塔
黃椿仲景莊裏陪杖屨
而書時甲子七夕也

金石審石正書十行行十字在道州古舜祠側石厓所謂懷古羣石則已磨滅殆盡矣

宋重建御書閣碑

道州新志開禧乙丑十一月知道州舒師舉記

宋宅生堂記

道州新志嘉定五年正月十九日從政郎道州營道縣丞張耕記

宋平易堂記

道州新志嘉定壬申正月二十六日迪功郎道州州學教授薛策記

宋方信孺刻陸游詩境二字

廣西臨桂龍隱巖石刻詩境陸游書此字始刻於韶之武漢再刻於道之宏尊三刻於桂之龍隱巖嘉定七年正月望方信孺字若

粵西金石略詩境二字真書徑七寸許橫列中題陸游書三字行書徑八分信孺跋行書徑一寸在詩境左右隱山北巖洞有詩境二字徑寸許亦信孺刻也

嘉慶通志案道州太史樓記及臨桂題名信孺於嘉定五年十月韶州移守道州次年三月至桂則此刻非五年冬即六年春也

宋蔡西山祠記

道州新志酒祐九年十一月朝請大夫差權知道州兼管內勸農營田公事蒙城高不儔撰

宋吳文震元石詩

卷石之中有道存巖巖氣象峻於天魏乎近取舜為法卓爾如瞻孔在焉跨六鼉頭觀戴極出羣龍首要承乾聖門所重非科第向上工夫合勉旃 景西峽權郡南海吳文震題 以上分書 泮宮西羣石中有嶄然特立者舊呼狀元山 之 下 春泉吳先生以州倅攝 怡然 謂 唱占鼉頭世 以是為 先生大旨以廣大為期 以為力踰顏 是 賢而聖 而 世 乎萬物之來出類拔萃 無愧 之元 謂 生江 元刺史遊右溪遊 瀨泉 詩以勸學者 狀元山而詩以刻之詔來學於不 朽 無愧古人 郡博徐權 外郡營道尉攝教曾溢 謹跋學 郭清朝直學義允之蔣寅 掌儀何元清司部 鄧 公登

金石書石詩八分書九行用唐法跋行草書九行似坐位稟

在道州元山吳文震州志佚其名

金石補正元山在州治西半里儒學後形家謂主州中人文亦名狀元山相近為虞山元次山嘗立舜廟於其地直學掌儀司部諸名目他處罕見景西景定二年辛酉也永志所載多闕譌据石本錄之石上尙有楊某五律詩恐是宋以後刻宋理宗書濂溪書院額并表記碑

皇帝御書 道州濂溪書院 緝熙殿書 濂溪書院掌御書

臣李挺祖恭摹並篆額 臣允恭言正月貳拾陸日準尙書省劄拾貳月叁日恭奉旨諭指揮降下御書道州濂溪書院額查軸給賜本州臣即已躬率闔郡官僚恭詣道左迎接望闕謝恩祇受訖者伏以星奎啟運洪儒傑出於濂源雲漢為章練字煥新於鬻宇鸞迴鳳翥飛臣允恭惶懼惶懼頓首頓首臣恭惟我宋之右文乃有臣頤之倡道接孔孟之墜緒闡圖書之正宗瞻是春陵實其鄉國田園數畝元豐之舊契尙存林壑一邱治平之題墨猶在况道郡得名之非偶而濂溪為保以至今臣曩職采芹茲叨分竹念書塾之興凡歷幾載何御扁之賜獨一九江願惟父母之邦未沐帝王之寵闕然鉅典鬱若輿情不量遠地之微臣妄覲上天之妙筆奏函朝上宸翰夕頒昭回六字之晶芒鼓舞一方之矜佩茲蓋伏遇皇帝陛下緝熙聖學表章儒先襲前朝之美諒曰元首身易名之典居天子之尊臨于

學肇加通祀之儀煥乎麗藻之文貞此維桑之里臣祇承犧畫如對龍顏結霧霏煙永作九疑之輝映光風霽月喜同多士以詠歸臣無任瞻天望聖激切屏營之至謹奉表稱謝以聞臣允恭惶懼頓首頓首謹言景定肆年貳月日朝奉郎差權知道州軍州兼管內勸農營田事充管界沿邊溪崗都巡檢使借緋臣楊允恭上表 臣伏讀國史建隆三年壬戌車駕再幸國子監詔增葺祠宇塑繪先聖先儒像上自贊孔顏又詔立十六戟於文宣王廟門倚歇休哉此千萬世立國之本原也開寶以後嵩嶽雖廬四書院相繼勅立蒙被寵綬而文風日益盛矣至於天禧間元氣胥會時則九疑之下春陵之墟有臣頤者出不絲師傳默契道體建圖著書上以繼孔孟之絕學下以啟伊洛之正傳然後數千百季俗儒之習異端之教功利權謀之說始不足以惑世而誣民我朝治體之粹所以參帝王陋漢唐者實在乎此中間雖歷艱難變故之會而人心之正理固存中國之正統固常尊安也恭惟皇帝陛下同符藝祖臨御以來崇儒重道之典視前朝為大備用能再立人極重開庚申循環之運歲壬戌冬御緝熙殿親灑道州濂溪書院六大字以旌道學之源奎畫澳頌溪山改觀益百年所望而不可得者臣不佞思以承天休而侈君賜爰建傑閣以珍藏闢臺門而摹揭勒諸琬琰貽諸億萬與天地日月同垂無極載念舊塾規制狹陋非稱乃拓

地鳩工凡祠宇講堂齋舍咸新之既成則集郡士相與勉之曰國家之建書院宸筆之表道州豈徒為觀美乎豈使之專習文詞為決科利祿計乎蓋欲成就人才將以傳斯道而濟斯民也士之由是路出入是門者蓋亦果確用工希賢希聖庶不負聖天子立道作人之意景定四年七月朔朝奉郎差權知道州軍州兼管內勸農營田事充管界沿邊溪崗都巡檢使借緋臣楊允恭謹拜手稽首恭書

金石文編景定御書道州濂溪書院額碑在道州濂溪書院前碑亭中篆額皇帝御書四字作二行下刻道州濂溪書院六大字字徑尺餘正書作二行行中書緝熙殿書四字亦正書字徑寸許字上鈐一印文曰御書之寶其上又有壬戌二字兩圖章方寸餘六大字之後小正書一行云濂溪書院掌御書臣李挺祖恭摹并篆額其下一截刻知道州楊允恭謝表四十四行又下一截刻允恭建御書閣及新祠宇記四十二行皆小正書周元公晚以疾求知南康軍因家廬山蓮華峯下前有溪合於湓江取營道所居濂溪以名之後人勅書院於其地遂名濂溪書院道州書院之名亦曰濂溪故允恭表文云念書院之興凡歷幾載何御扁之賜獨一九江又記文云用能再立人極重開庚申循環之運者理宗以開慶二年庚申改元景定與宋太祖建隆元年太歲干支同也宋初

一第 177 冊 續修四庫全書 史部 地理類

朝臣出守列郡號權知軍州事逮後止稱知某州事無權字矣此允恭題銜又云差權知道州軍州蓋又南宋末年之制也沿邊溪崗都巡檢本武職宋制沿邊州郡即兼此官故允恭銜稱充管界沿邊溪崗都巡檢使又云借緋者宋制連率職司節鎮支部卒貳服色未至而應假借者服紫止曰借紫服緋止曰借緋又云兼管內勸農營田事者乃南宋紹興以後之制也唐設度支營田使宋之營田時因兵火後民多失業官爲募人耕之量收租利初以鎮撫宣撫等使兼營田官紹興七年更令以監司兼領見繫年要錄監司者節度以下觀察團練等使也宋以其事歸於知軍州故以知軍州兼其事又真宗天禧中詔諸路提點刑獄加勸農使南宋以後蓋亦以知州兼其事故提刑無勸農使之銜矣李挺祖江華人即前書九疑山銘者自稱濂溪書院掌御書臣此官不經見恐即知州所辟未必出自朝命也道州新志謂允恭長沙人景定二年以太學博士兼國子博士出知道州治狀有聞後擢廣東提刑宋史有楊允恭傳係宋初人官武職卒於真宗咸平二年此又一人也

宋濂溪小學碑

道州新志在書院右楊允恭特立以教周氏子弟趙樞夫爲之記

宋錢寅翁等含暉岩題名

景定壬戌閏月三日清源錢寅翁臨川李聲伯衡陽羅夢文來訪濂翁題物色劉賓客舊迹將復薛亭以識詞牧欽賢之思金石補正右刻分書六行薛亭名不見於志含暉洞開於唐薛景晦劉禹錫爲文以記之是薛亭爲景晦而建劉賓客即禹錫也景晦長慶間道州刺史禹錫終於太子賓客含暉洞記刻於崑陰徧搜未獲恐舊迹不復存矣錢寅翁見楊允恭壽祠記時令營道

宋劉錫月岩詩

不比弋陽名浪傳疊空三日透山巔岳分前後兩弦缺天到中央一月圓屋擬蟾宮新學士臺存石磴舊遊仙玲瓏望處入閒近影照奇峯千口連景定三年九月永嘉劉錫作明年江華李挺祖書

金石補正分書十五行在洞內宗氏亦未搜得王會月岩圖記云其山巍聳中爲崖洞東西兩門如城闕可通往來洞之中虛其頂自東仰之如月上弦自西仰之如月下弦至中仰之如月之望隨行進退一盈一虧其形肖月此詩三四兩句正與之合

宋李挺祖五如石題名

瓠軒李挺祖景定癸亥秋中乘月遊五如石棧舟於此

金石齋石刻行楷書二行摹五如石久矣所得止此數字良為慨然

朱楊允恭壽祠記

判府提刑高峯先生壽祠之記錄 古者黨有庠術有序國有學皆以教國人至於內睦九族崇一姓則有家塾之教焉三代之盛王宮國都以及閭巷莫不有學囚生八歲自王公以下至庶人子弟皆入小學教之以洒掃應對進退之節禮樂射御書數之文十有五歲始入大學教之以窮理正心修己治人之道或小或大猶階而升不可踰也自利祿之塗開本末之莫究大學之教蹊轍既差至於小學忽而不講古道之不可復其本蓋已先失之矣扶世立國之君子安得不重有感於斯判府提刑高峯先生清祐丙午以舍選高第典教道州越十二年又以國子博士剖符竹於茲郡踰年政成化洽謂道為元公闕里既請御扁于朝因徹城西書院而鼎新之凡可教國人者規制畢備重念元公百世之師禮當有後一日謁濂溪舊宅頽垣墮壁歲久弗葺且元公之父諫議祠堂列真他所即語同列曰父子異席恐非所以明有敬命邑宰錢寅翁徹而新之合諫議元公闕里于正堂就立闕學齋於闕右求闕闕闕闕闕以上者得二十闕人選族之長主祠提其綱專教諭之責創掌膳之員因給錢闕闕闕供膳俾可子佩於此焉養於此焉就師教養分

而職任專課程嚴而工效速會未暮月習句讀辨偶者皆蔚然見頭角小學之有功於作人蓋如此凡異姓之子弟願附齋就學者亦聽焉因奏請濂溪書院宸奎皆已聞之于朝斯盛舉也昔我朝元祐盛際諸君子聚朝尊崇孔氏之後賜田百頃置教官一員仍令本州舉有行義人充教諭孔氏子弟入學者優與供給夫元公倡道上接洙泗周氏之有後猶孔氏之有後顧異之尊崇出於朝廷其規畫也易今之舉行出於州其建置也難願高峯先生所以惓惓周氏者不忘元公也為元公之後者其能忘高峯乎於是闔周之族議立祠肖像於闕學昕夕敬仰以無忘高峯之德將與元公祠宇相為無窮祠成然而闕困其顛末巽真為一日之長實有董教之責誼不得辭於是諗于眾曰故居之建小學闕私周氏也小學之建壽祠非相容悅也志元公之志學元公闕學闕闕闕門戶而造大學之闕與庸非高峯先生之所望乎昔元公年十二三志趣高遠釣游溪上吟弄風月灑落光霽之曾次已備見于此時年二十則行義名稱之有聞闕十則為二程師矣又聞二程之受學於南安也時明道年十五伊川年十四師友授受實千古理學之源妙齡志尚超卓如此今來游闕闕闕必以是立志則望元公之眸容目想二程之穎悟日拜高峯之壽像斯可無愧不然匪惟二三子之愛亦龍山身嶺之羞先生姓楊大名允恭字謙仲長

沙人道號高峯先生云昔景定癸亥良月望日門生迪功郎道州濂溪書院山長滕巽真記門生迪功郎道州學教授蕭□
□書丹門生宣教郎知道州營道縣錢寅翁篆蓋學生前衡州學諭充教諭費□慶居士充郴州□縣缺四前□州學諭元鼎孫胡世昌夢龍宗周從龍附齋前州學直學□之孫歐陽應圓應成學生周利萬日清天然天錫天澤復春元春天感天應天福天益天祥天□才□龍缺五元隆元迪缺八應月應宗應喜□□□訓缺五閩安餘富安發應餘伯秀文慶書院齋長周正雷書院主祠前宗學講書周不比百拜同立石
金石補正志楊允恭壽祠記記廿三行街名四行正書在道州濂溪故里東百餘步田畔辛未冬翟斗南兼樞大令攝州篆始爲予搜得之志載濂溪小學碑記楊允恭勅立小學以教周氏子弟而不及此碑此碑爲周氏族姓感允恭建置小學之德立生祠而滕巽真爲之記也碑所在爲祠所在亦卽小學之故址志乘家宜考詢而備載之惜小學碑未知存佚矣宋史有楊允恭傳係漢州緜竹人別一允恭錢寅翁亦見含暉岩題名書丹人名泐濂溪志載有此文大同小異於大學之闕奧下節去一句文義未足其餘寫刻之譌不具述明有敬有字遺脫補書介於明敬之間

宋濂溪大富橋記

濂溪故居大富橋記類纂道州營道縣西出郭二十里有圃曰濂園樓田保元公故居實在焉未至故居二百餘步有水縈紆隱隱如青羅帶者濂源溪流也溪之上有小石梁橫跨乎青羅帶者大富橋也世傳以爲元公年十三時釣游之所其然豈其然耶余牧春陵春秋行舍菜禮每謁故居兒童□□□□□□□□則□信乎其然也於是周覽山川徘徊左右願瞻遺像生色凜然爲之歎曰盛矣元公父子祖孫道義之尊卽夫子之宮牆闕里也然懸櫺几格龜帷服用色色弊陋殊非所以尊崇之意□前有□□□創小學以爲教育周氏子孫之地而於故居似未加詳焉余誤□□比來帑藏請益甚欲一新□□□□□□□□其一二而又不能并其橋與亭而新之是余一大欠事也一日周之子孫主祠者天□□□起而□余曰先生旣嘉賁故居之儀式矣橋則天祺將□月俸而新之矣亭□未創不可□□以□□世□垂後來天祺竊有請焉余應之曰龍山豸嶺之巖峩濂溪營水之□□鍾而生元公焉上以□□□於往聖下以開後覺於將來其功蓋不在孔子下少年釣遊於此意豈在魚耶□亦與子釣而不網者同一意余何言哉旣而思之曰元公之道無得而名然橋不名釣遊而名大富其義安在□讀易通而得之有曰天地間有至貴至富可愛可求非富乎又曰見□大則心泰非富之大乎夫富□也富貴之富小也道

湖南通志卷二百八十

藝文志三十六 金石二十二 宋

宋重修舜廟碑

九疑山志建隆初制誥張澹奉敕撰

嘉慶通志案宋史張澹傳云周恭帝初拜右司員外郎知制

誥建隆二年加祠部郎中此碑當作於建隆元年庚申即周

恭帝禪位之歲也

永州府舊志案建隆三年周行逢卒其子保權尙有衡永則

此碑自當在於四年初平湖南遣祭之始本傳稱加祠部明

係兼任制誥省志失之泥矣

宋寇準九疑山紫虛洞題名

天下金石志在甯遠縣

九疑山志紫震崖無爲洞崖間多唐宋人紀遊句寇萊公陶

公定題刻手澤尙新遊者每以尺炬寸毫不能備錄爲恨

嘉慶通志案宋史寇準本傳天禧三年由中書侍郎兼吏部

尙書同平章事進尙書右僕射兼集賢殿大學士罷爲太子

太傅封萊國公又降爲太常卿知相州徙安州貶道州司馬

乾興元年再貶雷州司戶參軍又案眞宗本紀天禧四年八

月壬寅貶道州司馬其貶雷州在乾興元年二月戊辰則此

題名年月可約略知之矣

永州府舊志案此相傳在斜巖內詢之邑人皆未有見者

宋蔣之奇碧虛巖銘

碧虛巖銘 蔣之奇 瀟水之陽九疑之口清池涵鏡亂峯插

□廟臨溪口寺在山□誰其愛之義興穎叔 缺之□奉 缺因

□□登九疑 缺爲□□無爲洞□□石室遂□□福寺憩□

茲□勒銘□□治□□午 缺

宗續辰遊疑載筆穎叔碧虛巖銘瘦筆眞書六行左行在九

疑山永福寺左後圃石壁上本不見字迹余與李家鶴于之

家麒止齋伐竹削苔刮磨而出之并得鄭安祖書於其右又

得沈公儀銘遺迹之復顯實自道光戊子始也

金石補正永志蔣之奇上多義興二字石本所無銘詞前三

行末石已缺損永志有谷芴麓三字當是據舊志補入後款

六行爲鄭安祖題刻磨去永志遺之首行尙存之字六行存

治□□午字蓋卽之奇所書時爲治平甲午也志別載有蔣

之奇九疑山題名疑卽是刻

宋九疑山無爲洞三字

無爲洞篆書長一尺 唐元結次山舊有此文沈紳蔣之奇同正之

治平四年冬十月十六日辛酉紳志

九疑山志治平四年沈紳蔣之奇游此取元次山無爲洞天

四字正其體篆刻諸巖竇而紀於石

永州府舊志案此或即重模次山舊刻今阻水不能辨其是
否也

金石補正橫列三篆字署款五行正書在斜崑內去永福寺
數里石本無天字志載均誤今始得而正之

宋蔣之奇九疑山題名

九疑山志在紫虛洞

宋蔣之奇贈黃冠何仲涓詩

九疑山志在舜祠右石壁

宋沈紳無為洞銘

南行江華出遊九疑恭欵有虞迺登无為莊嚴佛宮清冷玉池

茲子磐桓白雲相隨 口口沈紳皇宋治平四年十月十七日

口口口巖歸時將穎叔下

金石審公儀銘拓本荆人未見續辰與李千之伯仲搜剔於

叢篁薛荔之間僅缺銘文三字可為至幸公儀善篆隸此書

大徑四寸用唐人分書法縱放奇恣似當日就石上作書每

行下數字皆斜向右署款大偏其文左行銘文五行半款署

其下也

永州府舊志案款字本从素權文作疑俗書欵字實繇於此

此書作欵益用其意无篆隸皆同此加作无係誤筆槃桓經

典釋文作磐桓分書省作磐侯成碑以禮磐桓是也此竟從

舟參行書體為分書為此作為首尾參小篆法雲字連上作
雲則亦創體也

金石補正永志沈紳上誤多二格巖上誤多一格壁誤作歸
并脫是字予相二字亦未甚確

宋吳太壽碧虛巖題名

簽判秘書丞吳太壽被命同巡檢張維寧遠尉翟維康營道尉

俞唐謁舜祠吳擇中再涇侍行李領繼至熙甯戊申二月庚戌

誌

金石審右刻正書六行細挺中微有隸意在碧虛巖右石壁

辭深泥漬字畫盡隱就池汲水洗剔之乃差可讀然翟擇庚

戌等字猶難辨近僧心月往拓始見其真荆人未聞見此者

金石補正壽字未確張維諸人不見官志永志即据此刻增

補

宋陳龍圖綠華巖詩

九疑山志失其名遊九疑山有綠華巖詩刻

金石文跋宋龔明之中吳紀聞載陳龍圖使高麗云陳睦字

子雍嘉祐六年登進士科名在第二治平中詔舉館閣才行

之士子雍與劉李常甯李清臣輩首被選擢熙豐間高麗屢

航海修貢朝廷以為恭選使往諭之初命林希子中力辭更

命睦睦即日就道神宗大喜語輔臣曰林希無親堅辭不行

陳睦親在乃不憚於往因出希知池州假睦起居舍人直昭文館特賜黃金帶命七日而行涉海踰月出入驚濤中遂抵其國使還乃真拜所假官職且令服所賜金帶又賜金蓋於令式外以為寵俄直龍圖閣知潭州卒墓在南峯山二子彥文經仲嘗躋法從彥武緯叔為提舉官此九疑山題綠華巖詩者恐即子雍也當是知潭州時往遊而作攷東坡集有送陳睦知潭州詩施注謂睦字和叔神宗擢為御史元豐元年假起居舍人介安燾以聘高麗除鴻臚少卿會廣州缺人以寶文閣待制使出守給事中韓忠彥言其偶緣汎海之勞僥倖至此不足以玷侍從詔從之至是以直龍圖閣守長沙與中吳紀聞小異東坡此詩作於元祐元年春據續通鑑長編云元豐八年十一月朝散大夫鴻臚少卿陳睦為直龍圖閣知潭州蓋命下在是年十一月至次年元祐元年春始行耳游疑載筆綠華巖在九疑田心邨地偏徑荒游迹罕至殘碑剩字無由訪求矣

宋○維申等碧虛巖題名
 尙○虞部員○郎○維申被命同○秦子信陽朔尉○規
 ○○○○○○翼○○○○○至○○○○○入無為洞訪
 高士巖宿○福寺○○○○○覽勝○○○○○崖壁○○○侍行時
 熙甯二年己酉仲秋十六日

金石審右刻不知行數字畫剝蝕殆盡惟年月具存余至其下摩挲之尚多審數字心月拓本轉少於所見不能得一人名良恨其率爾從事也

金石補正十行正書永志作碧虛巖殘題名所錄多脫誤漫滅已甚審眎為艱潛心推求尚缺三十餘字永志所載辟恭等字不敢信也明統志高士岩舊名野猪亦名嘯父後改高士省府志以為邱欽若所易原引明統志說余所見本無此語案邱欽若於紹興年守郡此在熙甯初已稱高士則其說非矣不審何据

宋九疑山永福寺鐘款
 遊疑載筆元祐年間鑄鐘俗傳能為怪今鎖置密室戒勿輕撞然炬緣索始能讀其款文

永州府舊志鐘面皆稜起作直行字半篆草其文曰大宋國道州甯遠縣九疑山永福禪寺傳法沙門僧善義捨錢二十貫文製造大鐘一口永充供養不朽者伏冀三寶伽藍土地證盟大吉元祐元年丙寅六月十五日謹題岳州匠人鄧誠

直計七十三字

宋曹堯風紫霞巖題名
 元祐二年八月七日奉命躬祭舜祠宿齋永福禪室同巡檢高文德前道州錄事陳謨遊諸峯洞而還權縣事曹堯風書
 金石審右刻正書六行前人未見僧心月剔苔得字遂拓以

歸細審乃盡可辨外洞惟此刻最古

宋陳純夫永福寺後崖題名

陳純夫因祇祀舜祠偕陳逸有九疑之游遂徧歷巖谷登高探幽頗亦自適蓋暫擬簡書朱墨之勞而偶得山林泉石之趣有足樂者故書云

金石齋右刻行楷書六行字約略可識在寺後觀音閣側即

古齋雲閣也純夫道州元祐間教授見州志故附錄於此

金石補正陳純夫永興人元豐初監舉第一尋以易經魁省

試累官朝奉大夫見明統志年月一行宗氏未見年號僅存

一元字宗氏列元祐間良是也寇公樓碑記是其所撰時在

元祐八年五月

宋何誠孺齊雲閣詩

巍閣壯兮暈飛跳嶢嶢兮雲齊緩步于斯兮仰者睥睨青天不

遠兮尺五其幾 營道尉何誠孺齊雲閣題政和口午年五

月

金石齋右行書八行字數高下不齊在九疑永福寺後

金石補正誠孺缺名不知即何卜否永志營道下多一尉字

月日亦誤

宋歐陽元輝齊雲閣題名

政和丙申祇祀虞帝順至永福精舍宿齊雲閣山口環聳萬目

窗際仲秋六日攸川歐陽元輝

金石補正六行正書左行文云祇祀虞帝當是官斯土者而名不見於志乘九疑新搜各種惟此刻有年月可紀

宋何卜齊雲閣詩

登九疑齊雲閣口口何卜 崔巍口閣壓山巔下視岡陵盡窅

然雲並奇峯當盛夏小注幾因呈瑞類非煙 夜深星斗垂巖

畔雨霽虹蜺掛口邊從此青天平步上城南尺五更誰口 又

一章十二句用臧惠口禪老口口口口取齊雲挺特孤高

似法身永鎮洞天下全錄政和丙申趙羽看題

金石齋右行書十一行在永福寺後今觀音閣側石厓字多

剝蝕

金石補正永鎮洞天下尚有十八字可辨志載趙羽看題等

字絕不似也餘亦有誤

宋周公簡浸碧池題名

宋紹興九年己未季秋六日汝陽周公簡仲廉伊川劉徽之世

美建安邱欽若仲甫冒雨過玉瑄巖翌旦清霽入紫虛洞二公

先歸欽若留監修舜祠因暇磨崖於浸碧池上長老義禪道士

張師言同至

金石齋右刻正書七行在九疑無為洞外石壁俯臨深潭即

浸碧池也

金石補正据文二公先歸云云則題刻者邱欽若也永志以周公簡題之未協矣順甫亦誤爲仲甫邱欽若時爲郡守志所不載

宋陶公定等無爲洞題名

九疑山志乾道壬辰遊九疑山與汪秦二道人爲煮茗之會
在無爲洞

宋石樓巖李揆題刻

道州新志巖在甯遠縣玉瑄巖西一里上有李揆題刻古今遊咏

嘉慶通志案李揆瀏陽人乾道二年鄉舉任甯遠尉

游疑載筆僊樓巖內空洞宏敞絕無題刻其僊樓巖三字或李揆所書

宋修永福寺碑

九疑山志清熙七年歲次庚子春三月望日迪功郎道州司法參軍長樂鄭舜卿記朝奉郎權知梧州軍州事向子廓書
住山意超立石在九疑山舜祠右

蔣鎮遊九疑山記永福寺斷石齟齬青苔覆之曰宋元殘碣予熟視摹其文僅百餘字可識土人云永福古名利豐碑林立宦遊者率令墨摹搨徭人以爲擾盡椎剝雜他石築堤以扞水

宋馬大同九疑山詩

九疑山志序云提刑少卿嚴陵馬大同以職事循行過九疑謁舜祠而祠宇圯甚瞻歎乃畱錢百千屬邑尉鄒安道爲之繕葺因賦小詩十二絕序一時之勝云清熙癸卯冬至前一日

嘉慶通志案志又云其詩僅存六首餘俱殘缺

宋九疑山三大字

九疑山 權發遣道州軍州事方信孺書甯遠縣尉廬陵譚源
監視大宋嘉定六年歲次癸酉正月旦刻

徐霞客游記嘉定六年知道州方信孺筆在玉瑄巖右

九疑山志每字大方丈畫深數寸筆力遒勁

宋道州刺史趙師懿碑

九疑山志趙師懿福州人宋嘉定中刺史道州爲甯遠興利除害民歌其德以其嘗遊九疑遂立碑永福寺之齊雲閣甯遠縣曾志趙師懿宋宗室登清熙丁未進士嘉定七年由

羅池奏最遷道州刺史民歌其德建祠于舜廟西暨碑于永

福寺齊雲閣今祠廢而碑尚存

嘉慶通志案宋史宗室世系表趙師懿係秦王芳之後
宋會孝永等逍遙巖題名

紹定辛卯二月望日勞農口逍遙巖越六旬因公餘集僧寮同

遊遂紀姓字以鏡諸石廬陵曾孝永世夫漢東趙善親德鄰武
林范信誠明邑令長樂鄭安祖仁甫書

金石審右刻正書七行在甯遠縣東逍遙巖

金石補正永志作曾孝永審之似是傳字姑闕之書與羣通

永志作僧誤仁父作仁甫亦非官志曾孝序在神宗朝曾孝

永在哲宗朝距紹定百數十年乃云必其昆弟意測之而不

自覺其非矣文云勞農云公餘云窘寮是官斯土者而曾趙

范三人官志無名趙善親不夥子見宋史宗室表

宋鄭安祖碧虛崖題名

紹定壬辰夏秋七旬不雨遍禱羣口無應中秋口日口口舜祠

口攜口為口口口夜雨口口鄭安祖書

金石審右禱雨題名五行正書在永福寺東石壁其左之下

即蔣穎叔刻銘處

金石補正鄭安祖時為邑令見前書下尚有一持字可見元

永志誤作秋

宋樂雷發象巖銘

象巖銘有序 九疑之麓為地山有巖明通厥石如象予遊而

愛之遂命之名而銘曰百獸之王象寶孔偉有嵌斯石惟象是

似鼠鼠其形巉巖其齒我愛斯巖原象之美鍾奇日南遐爾荒

裔服于帝車准天子使相彼岩阿濬濟多士勗哉篤學踐履實

地任重致遠伊國之器地以人彰敢銘巖趾銘者謂誰雪磯樂
子 瀉祐乙巳季秋邑人雷發銘江華口口祖口麗口口口

應雷立石匠人鑄

九疑山志邑人樂雷發撰

金石補正右象巖銘分書十一行前人無椎搨者雷發上缺

一字据後刻及九疑山志知為樂姓下見江華口口祖字益

亦李挺祖所書也雷發樂明子字聲遠甯遠人累舉不第寶

祐元年門人姚勉登科以讓第疏上理宗召試選舉八事策

嘉納之特賜及第因數議時政不用歸隱雪磯見一統志著

有雪磯箴稿 四庫全書提要云風骨頗適調亦瀏亮

蓋淡泊無求人品本高也又有雪磯詩評見楓社藏書省府

志列此於咸淳未見之耳永志名勝載此多誤當以石本為

正

宋李挺祖象巖二字

象巖篆書 雪磯樂雷發名 江華李挺祖篆二行

金石補正無年月蓋與銘刻同時

宋李挺祖無為洞三字

無為洞瀉祐乙巳李挺祖書

游疑載筆右正書三大字橫榜款行書在洞字之下刻於無

為洞外左壁字渾樸與他處書不同

僅存元年字九疑山詩別有寄託疑是齊降之人碧虛池詩云灌溉工興古洞荒古洞者碧虛洞即無為洞也天聖中寺僧築堤為塘蓄水灌田洞遂為池此刻自在天聖後矣永福之名太平興國時所易元豐間以為禪寺語見永志此稱宮不稱寺疑在元豐以前未行有知宮口士字或是道士然治平熙甯間石刻已以寺稱則其說亦未盡確矣姑附宋末

宋碧虛洞三字

碧虛洞分書徑九寸許

金石補正直榜三字未見年月署款不審失拓否稱洞不稱池其在天聖以前即或云尚在次山未改無為之前姑附宋末

宋隱仙坡詩刻

隱仙坡橫勝字大尺餘王璠奇題 有一仙翁號隱仙要知口口又生

賢好將隱德無家意賀口仙坡萬古傳左 西鄉有山元名曰

隱自曾祖始授口而祖父始宅於田側至宣義壽過伏上自號

小仙生少口作不停復業而化後於詩口著名至孫若佐背而

居口少遺口子名克家潛心文武末口而立之年少嗣口終位

詞為別子口口口口口口隱仙家傳云高奉山武叔故口奇

之口口石顯也今之口彥口口口口人且口仙也口皆北山

口所口於是見曹名曰隱仙坡下數行更不可讀

金石書右刻橫榜大書之下凡行書十八行大半剝蝕其文義亦簡率不甚可通所謂隱仙者殆即宣義壽其人必壽其名宣義其爵也孫若佐蓋壽之孫也其姓其年代皆無考是真隱矣此刻在甯遠平田邨縣志載之其詩記皆荆人所未采也宣義宋官名故斷為宋刻而附於末

宋太常博士周堯卿墓表

邕州新志歐陽修撰皇祐五年在永明縣紫微岡

嘉慶通志聚居士集墓碑作墓表道州新志題銜誤作金紫

光祿大夫今改正堯卿永明人見宋史儒林傳卒於慶曆五

年据墓碑卒於是年六月至皇祐五年始葬耳

金石書右碑上無篆額其題銜曰宋故進士累官太常博士

歷連衡二州司理參軍桂州司錄知高安興化二縣事通判

饒州贈金紫光祿大夫周公諱堯卿神道碑并墓誌文次即

書嘉祐三年翰林院侍讀學士知制誥史館修撰廬陵歐陽

修口其下書屯田員外郎弟變立古墓碑亦有全書生平所

歷官者然碑題稱名諱則宋人所罕見又文內稱君而題稱

公且得贈不在撰碑之日而追題於上其為子孫重刻無疑

其曰神道碑并墓誌文或當日本有兩碑連刻後失去其半

耳案縣志子愈子諱官翰林誼官待制孫紳直秘閣官階恐

尚多佚載金紫光祿以何人推贈事無可攷攷宋史金紫光

祿乃正三品階封贈二代者得贈金紫光祿必官尚書始得此贈則或周紳官也

永州府舊志案周子愈墓在桃川所城外五里許紫微岡墓碑被雷擊中斷十五行各裂損一字其文後餘石五六寸亦擊碎不知更有字否

宋白鶴山題刻

永明縣志在縣西北九里陳隋開蜀僧洪衍始創草庵題咏古蹟尙存宋謫宦道州趙揚記

嘉慶通志案趙揚縣志誤作趙揚今改正揚時官永州通判云道州亦誤

宋張綬層巖詩

宋徐一鳴層巖記永明縣治西南三里層山之陰有巖焉窮洞窅豁高三十五丈廣六十步熙甯中邑廢屬營道時湖南繡衣張公綬方爲宰來遊題歲月巖石自是怪絕遊觀題咏浸多

宋練潛夫層巖詩

練潛夫遊層巖睹提刑朝請張公熙甯初令營道日題刻土人云異時山薨水怪之所憑依頗爲人所患苦自公留題無復矜矜與言感歎聊成古風一篇 朝尋白鶴山夕次層巖曲中虛谷窈窕一水流其腹澄瀟注淵齋冬夏不盈縮初疑有神物毛

骨森戚促魂驚不敢吐髮膩不敢沐跨梁恒臨深矧敢濯于足聞昔宅秘怪蒙鴻狀河濱黃昏嗥猩鼯正畫飛蝙蝠豚肩走巫覡歌舞神所欲尋幽到其趾精爽戒託宿張公熙甯初曾舒幽獨鐫題百許字煥爛奪人目譏呵護守嚴百魅不敢觸往往風雨夜啾啾鬼神哭乃知正直士所至卽蒙福往時元次山今日蔣穎叔或饒陽華銘或刻舜祠錄與公成三人萬代仰高躅因書巖石閒聊用美淇澳

金石文跋攷輿地紀勝中興頌下引練潛口熙甯閒作笑峴亭記當卽此練潛夫也祁陽浯溪志但載元至元己卯王榮忠重建笑峴亭記不知先有練記笑峴亭本熙甯閒祁陽令蔡瓊勅建潛夫爲之記惜今已不可攷矣

宋回山寺碑記

永明縣志東平王師說記在永明縣西十里

嘉慶通志案文云熙甯天子御極之十六年癸亥則此碑刻於元豐四年

宋顧氏書院碑記

永明縣志顧尙書書院在夏會墟通判零陵蔣僅撰書院碑記在寶勝寺

嘉慶通志案蔣僅縣志誤作蔣謹今改正

永州府舊志案永明縣選舉志宋政和二年莫儔榜進士顧

濤官至朝請大夫顧準顧汾顧滂皆政和元年鄉舉朝請大夫為宋制前行郎中階從五品宋時官部郎者銜必冠以尚書然則顧氏以尚書名特尚書郎耳非尚書也其書院殆少時所築請將僅記之既仕習俗以官稱其地云又疑尚書顧姓者或濤之先人攷宋史哲宗時有顧臨官至學士坐黨人斥居饒州未聞其貶道州書缺有開寺中碑久已殘佚無由證其原委矣

宋歷代帝王坐次圖碑

永明縣志紹興開邑令古溪李堯則撰暨學宮

宋劉子澄遊層巖詩

序云清熙丙午春予被旨北歸越四月辭九疑買舟瀟陽下泮溯瀟如永明訪別諸友遂遊層巖即景賦詩呈權縣岳教黃君以遺富居何訓導見永明縣志

金石叢書見彭龜年止堂集有祭寺傳劉子澄文而九疑志

稱監簿劉子澄及檢宋史儒林傳始知即劉清之也清之受

業於兄靖之登紹興二十七年進士第歷宜春建德主簿調

萬安縣承知宜黃縣召對改太常寺主簿尋通判鄂州差權

發遣常州改衡州在衡創臨蒸精舍朱陵五賢祠部使者不

悅嗾臺諫誣以勞民用財論罷主管雲臺觀歸光宗即位起

知袁州而清之疾作猶貽書執政論國事病革為書別向潛

彭龜年賦詩別朱子楊萬里周必大視疾謂曰子澄其澄慮時氣息已微曰無慮可澄遂卒案其被論當在孝宗季年此刻丙午為清熙十三年無疑永明縣志作清祐大誤九疑志稱監簿亦誤子澄之居九疑當在被論主管之後想有旨勒居道州而史略之觀其所云被旨北歸始辭瀟陽可見矣亟備錄之以正省郡諸志之失

宋層巖詩

永明縣志郡丞趙師俠作

嘉慶通志案趙師俠見拙賦碑跋乃清熙十五年攷宋史宗

室世系表師俠係燕王德昭之後

宋魏公德政碑

永明縣志在縣西二十里夏曾山為縣令魏沐作沐開封

人清熙開任

宋層巖詩

永明縣志逢慈瑞作慈瑞東萊人嘉定開任永明令

宋興化寺碑

永明縣志寺在縣北七里舊名平田太平興國間敕改今

額宋邑人唐冀碑記古刻存焉

宋仙巖寺碑記

永明縣志邑人周唐弼撰在縣西南三十里

終

湖南通志卷二百八十一

藝文志三十七 金石二十三 宋

宋將祺暖谷詩

暖谷詩 并序 太常博士知縣事蔣祺 延陵林詠書 夫古

之人不偶於時則肆意於山水閒以至放言遺口往往皆見其志元次山有之矣及其忘也幾百年所存者惟寒亭云來者以其有磨崖之誌可驗餘莫能知之丁未治平之孟春邑尉成紀李君到官始踰月登亭西相土石得岳穴命刷之前得地方丈又刷之後得周環數尺至於跂行燕坐者不知可幾人規維相通皆可愛者雖戶外峭寒其中莫能知煖如也岳成李君請余名余命之曰暖谷遂作詩云爾 縣南山水秀且清天地坯冶陶精英有唐刺史昔行縣訪尋洞穴為寒亭屈指于今幾百祀磨崖字字何圖橫相圖棧道倚空險來者無不毛骨驚我此三載迷簿領有時一到口圖情娛賓烹茗還回首孰知亭側藏岳圖成紀同僚到官始居然心匠多經營乃知物理會有數繫天通塞因人成鳩工畚築忽累日曠然疎達開光明初疑二帝鑿混沌虛空之口羅日星又若巨靈擘華嶽溪谷之響轟雷霆大岳既闢小岳出壺中之景真其口洞門春風刮人面其中安若温如蒸鬪垂石乳似刻削周環峭壁無敵傾舊梯既去小人險新徑之易君子平臨流又廣口方丈疊石締宇為軒楹于墜土

石口口口無情一旦逢時榮方今出震口大器鼎新基構園寶瀛我願天下無凍餒有如此穴安生靈不煩吹律而後暖千古宜以此為名 又成五言律詩三首 陵谷有時變茲岳不可湮神仙三島景天地一爐春鼓動龍蛇蟄疏通草木新寒亭幾百載今始得良鄰 地勝難堙沒規為假手通鑿開千古意傾出一壺空煦比鮫人室寒消朔吹風從今縣圖上此景浩無窮 客有林泉趣尋幽翦薜蘿半山無石礙此境得春多隔岸桃花塢臨溪竹箭波茲應是仙隱鶴馭幾時過

嘉慶通志琪治平開邑令詩見江華縣志案蔣琪疑即蔣之奇暖谷序所謂縣宰吾族叔祖其人也

金石補正廿四行正書祺省府志誤作琪職官內亦同無刻石年月當在暖谷銘之前序云丁未治平之孟春詩云我此三載迷簿領是蔣祺以治平二年之江華任也序又云邑尉成紀李君者伯英也而官志均以爲邑令恐誤豈後來遷轉因遺其前之曾爲尉耶通志山川永志名勝僅載此七古一章字句多誤不具述及其忘也借忘爲亡古字通相隨之隨石已半蝕姑從志載補之江華宋刻滌樓始搜之得見六種劉彥臣大令 華邦 又搜之余復屬譚仲維往搜之續得卅六種恐遺佚尚不止此然亦六倍於前矣

宋蔣之奇暖谷銘

暖谷銘有序 蔣之奇穎木 郴州進士李宏書 永泰中元

次山為道州刺史嘗巡行至江華登縣南之亭愛其水石之勝

當暑而寒遂命之曰寒亭而為之作記刻石在焉治平四年十

月余陪沈公儀至其上見其傍有暖谷者方盛寒入之而其氣

温然雖挾積熾炭不若也予甚愛之問其所以得之者本邑尉

李伯英也問其所以名之者縣宰吾族叔祺也噫是可銘也已

乃為銘曰 維時有寒寒不在夏夏而寒者茲亭之下維氣有

暖暖不在冬冬而暖者茲谷之中物理之常人不足以異維其反

之是以為貴茲亭茲谷寒暑相配寥寥千秋始遇其對名自天

得待人而彰我勒此銘萬古不忘 治平丁未十月十七日刻

道州新志暖谷在江華縣南五里寒亭之側宋邑尉成紀李

伯英始得其處治平中蔣之奇沈公儀有銘有詩雖盛寒入

谷其氣温然故名

嘉慶通志案蔣之奇宋史有傳據傳英宗擢監察御史神宗

立轉殿中侍御史貶監道州酒稅後元祐初以天章閣待制

知潭州此治平四年正其官御史時不知何以至永州也

金石補正十三行又年月一行正書前人未推拓故通志山

川永志名勝所載多脫誤永志金石據縣志錄此文而不及

銘詞皆未寓目耳上二種疑皆後人重刻非當時原石或與

寒岩銘同時林詠李宏恐非治平間人

李沈紳寒亭詩

元子始此來大暑生凍骨名亭陽崖角亭文猶仿佛我行冰雪

天際語類風物銀江走碧漲九疑抱雲窟它年名不磨至者戒

勿忽 沈紳公儀治平四年十月甲子作詩于寒亭山壁晉陵

蔣穎叔同遊

金石補正八行正書庚午夏始搜拓之

宋蔣之奇奇獸巖銘

巖崎嶇巖巖嶺在江華邑南二里蔣之奇穎叔過而愛之為

之作銘曰崎嶇之巖瑰性詭異元公次山管庶未至我陪公像

游息於此斯礪之著自裁而始勒銘石壁將告徠坡 治平丁

未同沈公儀遊書六行 惟蔣穎叔文高節奇正名茲巖作為

銘詩彼何人斯大字覆之來遊來嗟其孰與稽端平丙戌邑令

張羅思承厥傳刻此崖際俾冰壺孫李焯古隸凡百君子愛而

勿替行書十一行 刻於銘下

正合其偏旁作粵者本無極山碑異作與本楊著碑礪說文收石部所作亦本孔羨碑至作至本周公禮殿記始書省筆應作口後變台爲呂本戚伯著碑許氏謂或說我古垂字此我從土殊得古意惟見之督郵斑碑洪氏識爲我字公上八作八本說文亦有變四筆者非公字所從也

金石補正瞿氏未見拓本分爲兩種并誤怪爲壑宗氏既見之而錄其全文矣仍別列續銘於後并誤丙申爲丙戌何也端平年不值丙戌亦未一檢之耶其餘亦有脫誤茲据石正之併列於端平重刻之年又官志張澂皆誤作叔永志名勝所載舛譌更多當以石刻爲正

宋重刻蔣之奇寒巖銘

寒巖水石怪特殊異下臨銀江上接雲際公儀穎未志樂巖谷詣而得之賞愛不足爲近寒亭寒屈是名何以表之穎未作銘治平丁未十月倍沈紳公儀遊蔣之奇穎叔作 右銘園刊于寒亭之上年深字淺幾不可讀既新泉亭得沒字碑於屈左意昔爲斯銘設也乃徙刻之且以彰二公愛賞之志云後治平一百二十有四載邑尉西隆虞從龍俾邑人李挺祖下金石齋寒巖銘諸志所不及近新獲此刻欣未曾有虞令官表失載所謂後治平百二十四年乃光宗紹熙元年庚戌也分書當是穎未舊迹虞令特重刊之耳

金石補正銘六行款二行分書跋六行正書末有俾邑人李挺祖字蓋挺祖所重書者宗氏謂分書當是穎叔舊迹未見末行也邑尉虞從龍宗氏誤尉爲令且以補入官表近江華新志因之審眎不細舛錯沿襲所宜改正者也餘亦多闕譌寒巖在寒亭之下通志山川亦應補綴數語又按虞從龍見林契題名時爲瀆祐庚戌李挺祖書刻各種亦瀆祐居多相距六十年疑所謂一百二十有四載者誤差一甲子也

宋黃潛寒亭題記

寒亭始於唐瞿令問而元次山命之名其記刻存諸石壁備矣舊亭棧木朽橈至者危之元豐三季僧契宗請完之主簿趙世卿緣崖發石易穴路得逕以登于層巖取廢材作二亭曰清勝摩雲由是遠極物象一新舊觀矣上復修合宮大禮之月令黃潛記

金石補正十一行正書末題復修合宮大禮之月按史神宗本紀是年九月辛巳大饗明堂禮成蓋九月也黃潛令江華通志有之永志云元豐三年任與此正合趙世卿失載清勝亭見永志宮室而不詳其建置之始摩雲亭未載皆可据此補之

宋練潛夫陽華崑詩

賦得同江華令贊之黃兄遊陽華岩一篇 建安練□□潛夫

萬里蒼山麓陽華古洞天晨光迎海日晝暝入溪煙穴竅蛟
龍盤峯巖鬼魅鑄初筵堂半闕末勢雷孤穿玉乳垂虛竇金沙
引漫泉欄危浮絕壁皮迴跨遙川隱約燒丹竈橫斜種玉田翻
桐魚燭燭拋石鼓齋洞中有石鼓貫之製翠羽岩蕉靜元幢
石桂圓門穹騰黝糾櫛步草茵綿暫止蘇門嘯來因葉縣仙籃
舉收弱屐桂檝盪輕舫勝賞困生興尋幽最可伶奇遊陵宇宙
班坐馥蘭荃谷鳥酌新釀松風韻古絃祇應銷永晝何用蠹塵
編蔣賦初無得元銘久更妍防有詩禹連資曠士吟詠屬
高賢塵土閒中厭山林老更便臨分涼月白回首正依然
金石補正右練潛夫詩十八行正書未見年月恐是失拓練
潛夫名亨伯見澹岩王子京題名時在元祐二年江華令黃
貫之不書其名官表神宗哲宗朝邑令姓黃者三人一為黃
潛元豐三年任一為黃安中元祐元年到官一為黃炎元祐
八年到官炎字晦之黃之疑安中之字字與名義協安中於
元祐五年去任姑列於元祐五年以竅再攷詩云蔣賦初無
得注云口口防有詩所缺者是唐蔣二字蔣防太和間人有
合江亭詩而陽華所題從未經人道及今亦未見可見古刻
之湮沒者多矣蔣印藤巒印巒皆俗行閒隱隱有字蹟蓋磨
古刻而為之者無一字可辨矣

宋江華令黃炎德政碑

道州新志炎字晦之元祐間任奏減役錢有德政碑
宋唐夏等陽華崑題名
零陵唐夏良紹錦田唐開必先弟詰保之姪紹先慶長鄧赫民
瞻永明義將為當時邑西李珣德均來游拂塵閱古緬懷漫叟
宣和庚子後元銘五日

金石補正八行正書据志唐開江華人建炎二年進士通判
廉州嘗詣京訟其以父貢寃幾蹈不測邑人義之錦田里名
至今猶存其稱唐紹先開禧元年特科官洛洛令宣和距開
禧八十餘年恐志有誤李珣亦江華人紹興二年進士清遠
縣主簿此題名時均未第也次山銘刻於五月十一日後元
銘五日是十六日也

宋王肇陽華崑題名

河南王肇因按部至江華挈家遊陽華巖時建炎己酉季冬壬
寅日

金石補正五行行書王肇自言按部是官提刑者而志不見
其名巡行屬邑而挈家游山若在今時不將羣相誹議耶

宋蘭仲恭等陽華崑題名

蘭仲恭張叔叟弟元播建炎庚戌正月廿八日同遊 華巖寶
老預

金石補正六行正書左行蘭仲恭諸人無攷

宋杜季楊陽華崑題名

會稽杜季楊紹興己未九月庚子行縣暇日率令丞巡尉來遊

通判學士雷題陽華巖此在左右文林郎道州江華縣令李

直清命工刻此在右

金石補正五行正書左行杜季楊判道州志所不載志載李

直清以紹興九年令江華與此正合

宋游何空翠亭題字

空翠亭徑一尺餘

京兆游何書曹南董堦立二行

李邦燮游寒亭記迤西有洞呀然為宋尉成紀李伯英所開

暖谷復由石罅微逕而上地可十笏厓旁篆文曰空翠亭乃

紹興中邑令曹南董堦所建

金石補正右空翠亭三篆字在江華南五里蔣家山董堦時

令江華通志作董炳永志作董煥云紹興十一年任縣志作

堦得此刻知縣志不誤省府志均誤故金石不可不搜拓也

李邦燮作岫亦誤石刻無年月永志於董後列劉思永云十

五年任此刻當次於董堦去任之前游何陽華岩詩題於紹

興乙丑秋仲此刻當亦其時所書系紹興十五年八月可也

游何里貫涪溪稱滿川陽華稱滿上此刻稱京兆蓋居京兆

滴水間也益徵諸家作滿作涪之誤已

宋游何陽華崑詩

運屬游公題陽華崑詩類西風卷癡雲欲壓不墮地化作碧

屏顏融結在空際是名陽華崑造物一何異東山雨脚斷明月

招我至傍窺嵌竇深密恐鬼神閱細度沈寥風舊無卑溼氣虛

閣架其中榜以浮嵐美下有潺湲谿翻雪轟雷比閣背兩橋分

崑脇雙龍起石如纓絡垂整、翠綫委又如鼙鼓形搗擊聲頗

厲溪水相與喧鏗駘亂宮徵崑窮天忽開木杪風自靡坐久髮

毛寒興逸詩語綺無人共一尊有客自千里山僧頗慙勤相伴

亦忘寐拂石要題詩揮毫畱漢隸紹興乙丑秋仲冒雨獨游

陽華巖勝絕未讓淡山崑恨古今詩人未有奇句滿上游何臨

清流以賦之且棕鞵桐帽恨不一陪浮溪先生金華居士以徇

祥丙寅紹興十六年十月十五日住山僧口口立石

金石補正正書十四行又上石一行額稱運屬當是轉運判

官而志失載之涪溪題名舊釋作涪州游何瞿氏謂是涪州

之論余既審定為涪川此刻稱滿上知曩所勘為不謬矣浮

溪先生汪藻自稱浮溪翁也金華居士何麒自稱金華隱居

也碑書徵字缺末筆避仁宗嫌名浮嵐關見安珪陽華崑圖

宋何麒師子巖詩

師子屈詩類且為陽華遊軒豁諸素志那知此嵌崑近在回翔

地石如狡狴狀蹲伏呀可畏雖無嘯呻威尚使百獸避漫郎嗜

泉石足迹靡不至是巖端見遺定自求其備澹崑冠湘中瓌璋

傳萬耳此郎斬一言亦以山無水骨多失榮血草木咸枯悴其誰喜冥搜韻語發天秘石門何晃蕩坐久三歎喟徑欲挽銀潢淙淙滿人意 金華隱居何麒以紹興戊辰十二月三日同襄邑許顛廣川劉思永盱江劉毅淮海張擴來遊壻汪憺子洪偕從

金石審石篆額四字詩款行書十行磨刻極工刻人罕有搜及者

金石補正何麒嘗撰道州學記惜碑已不存莫攷其在永何職疑亦謫居於斯者許顛係永州判官見太平寺鐘款得此刻又知其為襄邑人劉思永係江華令見官志不詳為廣川人皆可據補劉毅張擴疑是邑僚名不見於官志

宋何麒陽華崑詩

陽華巖詩補名山固多崑茲崑擅天下屋大享千人谷深量萬馬谿衍通一水旁午飛橋跨石磔巧彫鏤松篁森繪畫古人棲遁處文字猶憑藉語妙元次山名高陶別駕瞿君三體篆殆可斯翁亞卻後累百年吾人來歎吒伊子邱壑姿嗜好若天假終焉卜真隱學道翼陶治丹成生羽翼召節青童把揮手挹霞芒竦身朝帝者 金華隱居何麒以紹興戊辰十二月三日同襄邑許顛廣川劉思永盱江劉毅淮海張擴來遊壻汪憺子洪偕從

金石補正正書十二行後失拓一行据江華新志補末四字當不誤斯翁謂李斯語本陽冰新志作欽翁大誤

宋劉慎修等陽華崑題名

劉慎修羅國華劉彥珪陳澤民己巳五月二十二日全來為盡日之歡

金石補正五行正書左行有干支而無紀元羅國華見蔡周輔題名內則己巳是紹興十九年也

宋蔡周輔等陽華崑題名

縣尹蔡周輔下車伊始遵令勸農於奉國寺親勉鄉老服田力穡為務勞之舉皆感悅晚過陽華俯空洞跨浮梁聽鳴玉薦芳醕既醉而歸同僚李仲保唐元經邑士何時澤蔣澤萬李穎士鄧致道寓客羅國華紹興庚午春七十有一日

金石補正十三行正書蔡周輔諸人均不見官志通志高宗

朝江華令有禁謫永志云紹興二十年任此題名正在其時疑周輔即謫之字也奉國寺永志失載文云舉皆感悅江華新志於皆上增一民字則以舉字屬上句讀誤矣

宋向源老等陽華崑題名

邑令向源老因暇日拉玉牒文老丞孫議臣巡檢朱晦叔尉李超然知縣呂子明同遊紹興壬申七月廿二日姪甯遠宰士鵬姪孫公岱公啓侍行

金石補正正書八行玉牒文老趙彥愈也見合暉洞題名通志高宗朝有向鼎為江華令永志作淵云紹興二十二年任此題名正值其時疑源老即其字也

宋程逖等獅子巖題名

遂澤程逖季行畢事游獅子巖縣令南陽安珪尉伊川程益同來紹興乙亥歲十月二十六日書分府判朝議程公按行下邑因暇率令尉同游獅子巖觀覽移時公乃親筆畱題以紀歲月鐫刻於石傳之不朽江華縣令安珪謹跋并立石

金石補正安珪合江華官志有之而不詳其為南陽人程逖

程益志均失載永志據此刻補程益仍不言其籍伊川殊不可解

宋程逖寒亭題名

遂澤程逖以職事行江華登寒亭窺煥谷盡得山水之勝縣令南陽安珪尉伊川程益同游紹興乙亥歲十月廿六日府判朝議程公按行下邑因暇率令尉同遊寒亭登覽臨眺無不適意公親筆畱題以紀歲月鐫刻於石傳之不朽江華縣令安珪謹跋并立石

金石補正題名五行分書跋六行正書與獅子巖同日所題宋程逖陽華巖詩并跋

平生喜偉觀泉石成膏肓流落天南陬頗覺宿念償陽華甲千巖豈特魁一方橫開造化奧不假蒸燭光涸淵泛激流闊步維飛梁草木被餘潤神龍或陰藏千歲石乳垂形似分微芒客來試擊拊聲如浮磬長緬懷永泰閒四海何披攘元子把麾符擇勝會彷彿聲韻發健筆漫浪忘故鄉別駕何如人欲挽居其旁不知果從違高詠猶鏗鏘我今見中興隨牒滿水陽官曹既清簡年穀頻豐穰不憂西原蠶免奏租庸章公餘且遲留解衣據胡床憶昔黃太史淡巖藉揄揚地有遇不遇實在名何揚賴得金華仙英辭灑琳琅紹興乙亥歲十月二十七日郡丞遂澤程逖以職事至江華因游陽華巖盤礴賦詩而歸縣令南陽安珪尉伊川程益同來分書府判朝議程公按行下邑公務之暇率令尉同遊陽華周覽水石之樂遲遲終日眷戀忘歸公乃賦詩而還其英辭妙句鏗然有擲地之聲覺前後名公大儒畱題篇章皆不足以望其藩籬也於是命工鐫刻於石俾永其傳使斯巖之名自此增重方來之士有瞻其玉畫誦其嘉什者亦可以知其人也江華縣令安珪謹跋并立石

金石補正廿六行分書跋十七行正書通志山川永志名勝載此詩字句多異當以石刻為正江華新志載此朝議下多郎字同遊上脫率令尉三字宋安珪陽華巖圖并序

道州江華縣陽華巖圖橫額 仙田浮嵐閣門思來亭陽華寺朝徹亭字六榜 子自遊宦以來所過徧歷惟春陵古多奇跡江山秀麗渾然九成如九疑萬峯乃積代聖境然皆氣象荒遠卒無清秀絕特之稱若江華之東南有陽華之巖可謂甲眾觀也乃唐元刺史名之嘗於此招陶別駕馬次山自為之銘瞿令問為之書壯其文辭嘉其字畫亦足以冠絕後世加之宗工鉅儒繼以詩章由是聲價益高遍在湘楚不其躋歟上有迴山而面南下有大巖而當朝巖高且明洞深氣爽其中石巉然可恠多不能入畫泉流之清瑩然秀澈玉漱泠泠之聲與地籟唱和不待笙磬而五音迭作前有浮嵐閣後有朝徹亭次有仙田高下數頃長虹架水縈繞如帶由外而入宛若壺中飄飄然忘軒冕之累浩浩然有遠擢之志信乎人閒別有天也後之人有為山水題評者當不藉天下之第二也予頃丞邑飽諸佳致每哦松之暇輒來往其閒似得所樂及瓜而去迄今十餘年朝夕恍然若有所失今豈意復來作邑造物者有以從人欲也予嘗公餘之暇訪於邑之耆髦乃得思來亭之故基于巖門之外云已久曠矣嗚呼廢興成敗不可得而知也彼興而成之者若何人廢而敗之者又若何人耶於是憮然悼之乃創工建亭以成前賢之志推廢興成敗之理於無窮者斯亭異日又未可知也故併以列之昔唐四明道士葉沉囊著古畫桃源圖而舒元興

尚為之錄記矧斯巖出東南之美其可不繪而圖之以傳諸好事者哉乃命丹青之士摹寫形容勒之堅珉以示無極雖未能盡臻妙亦可以見髣髴也庶往來之人不特觀覽且攜其本於外使傳者不虛矣碑成須得數語以續之言不成文聊以紀其萬一爾紹興丙子三月中澣日右從政郎江華縣令主管學事勸農營田公事安珪序并立石 豫章羅煜書

金石補正右刻分兩截上截圖并篆額下截序四十行正書据文皆為江華丞官表僅載其為令浮嵐閣朝徹亭永志宮室亦失載思來亭僅列其名不詳其建置此序云廢興成敗不可得而知是在安珪時已莫攷其初始矣次山銘云將去思來亭之命名蓋取諸此浮嵐閣圖內題云浮嵐閣開即在閣之下也碑書境字缺末筆避太祖祖諱嫌名凡竟境鏡等字均所兼避故石鏡縣改為石照崇文總目載韻海鏡源改作鑑

宋釋登陽華巖題名
焚修住持章貢釋登建 紹□□□月廿日重 缺

金石補正右刻在呂敦仁題名之右二行正書左行下截已闕首行末存一建字以意度之建炎年曾遊於此紹興年重來因題數字與字尚有形模可辨附紹興末登字不見於字書或印銜之變體

續修四庫全書 史部 地理類

宋清虛老人寒亭題名

清虛老人常來乾道丁亥七夕男蔣篋書

金石補正右刻在杜子是重游題記之左二行正書左行

宋胡華公等寒亭題名

長樂胡華公邦實行縣之暇拉陳邦慶世榮周匹休公美顏敏修子進王輪德任郭武仲元德同游獅子巖飯罷如寒亭乾道戊子下元前三日

金石窺右行書五行在江華縣暖谷之北崖其右為明楊實題名

宋胡華公等陽華崑題名

戊子孟冬十有二日邵丞胡邦實行職事來江華公餘遊寒亭暖谷獅子巖乘輿至陽華為終日之款同至者周公美顏子進王德任郭元德邑令陳世榮書

金石補正六行正書不題建元以寒亭題名證之知戊子為乾道四年邦實為華公字也永志陳邦慶以乾道四年任江華與此符合周公美諸人名俱見彼刻疑皆江華官僚

宋江朝議等陽華崑詩

府判江公畱題
飛沙窺窺路曼曼萬籟風聲重曉寒涉澗躋危任勞役服勤王事敢辭難
捨車跨馬喜新晴倍見旌旗照眼明願我未

能流美化邦人何事喜相迎
諸僚友 千里雲深處陽華小洞天千巖虛夜月萬壑瀟寒泉

石磬生何世仙田種幾年神靈自幽顯時序任流遷
寅冬十月府判朝議江公行縣公餘遊陽華畱詩并以道中二

絕示僚屬句新語妙泉石有光謹摹刻以永其傳左從政郎道

州江華縣令主管學事勸農營田公事陳邦慶跋右迪功郎江

華縣丞主管學事林豐篆 謹次府判朝議江公之韻邑令陳

邦慶 未分中原長夜曼果聞胡虜膽先寒乾坤正賴英豪整

肩賦詩人行路難別駕來臨值晚晴眼中黑白甚分明飛黃此

去騰夷路應念區區負弩迎 右道中 斷崖藏勝境別是一

壺天怪石垂雲乳飛虹跨玉泉丹青難下筆造化不知年文字

工題品漫郎優史遷 右遊陽華

江華縣鄭志永州通判

金石補正右刻分三截共三十行字體不一行正兼有之江

公名泐不可辨官志無江姓為府判者莫可攷矣林豐亦不

見於志志載此刻作江朝儀誤議為儀因誤官階為人名山

川名勝所載亦同不搜金石故耳江華近輯新志搜及此刻

而仍未更正道中二絕及陳邦慶詩亦未補入疏矣崑有石

磬僅見於此詩或即石鼓歟

宋呂敦仁陽華崑題記

宋呂敦仁陽華崑題記

呂敦仁來遊于此真仙神之洞府也第誠心生敬焉心意頓爽
塵慮遽忘清乎哉焉得靜居久處而遠世俗之萬累戀戀不已
作禮而退旨乾道七禩秋七月上旬前一日謹書 心敬肅然
啓首大仙賜我修真永脫世緣 節判呂公題于巖石右從政
郎江華縣令李元方謹刊

金石補正八行正書又上石二行永志官表李元方乾道七
年令江華與此正合後題上旬前一日他處罕見此書法今
人以上澣爲上旬此殆以上旬爲上澣也敬字缺末筆避太

祖祖諱

宋李長庚陽華崑詩

府判李公詩 乙丑仲冬自甯遠來遊陽華 松崖渡水六七
里劃見幽巖畫屏倚却躡長虹信步行下瞰淺清皆脚底漫郎
泉石之董狐妙語品題良不誣千巖萬壑果何似吾家九疑真
不如 丁卯清明約鄧致道遊陽華 我來挈、倦塵沙下馬
無心更憶家不怨客中逢熟食只知醉裏是生涯花邊頓覺春
光老柳外還驚日脚斜甚欲與君尋勝去何妨着脚到陽華
與致道約遊陽華尋以雨阻追和山谷集中岑公洞二絕句韻
垂垂雨脚幾時晴便擬扁舟乘興行想得斜川今更好勝遊
恨不繼淵明 陽華妙處吾能說泉響風搖環珮聲定是山靈
嫌俗駕雷光掣過雨如傾 己巳七月遊陽華 遙指斷崖如

削瓜碧雲一朵是陽華莫言空洞中無物須信巖巖下可家已
聽泉聲響環珮更看山色媚煙霞一邱一壑平生事不覺歸鞍
帶暝鴉 長庚紹興十九年七月十九日嘗遊陽華後十有二
年復以是月是日從鄉曲諸公再到崑下感今追昔因成十韻
陽華近七里不到餘十年乃知聲名賴能障山水緣今日與
鄰曲勝遊追斜川瘦藤穿拳確一葉弄潺湲崑局隱翠竹梵宇
淨青蓮一笑躡飛虹毛骨清欲仙婆娑寶瓔珞放浪玉壺天曲
肱臥盤石條耳聽涸泉片雲飛雨來更覺秋凜然酒盡各歸去
千林昏暝煙 次韻江府判遊陽華江丈口春間攜家再來
塵外非無境壺中自有天從來招別駕於此漱寒泉見元次山
招陶別駕
詩銘已得元結記須煩子年重遊知更好出谷越爲遷 陳士
高主簿舉似與嚴慶曾主簿鄧伯允仙尉同到陽華佳句且有
巖下弄琴舟中吹笛之樂長庚雖不奉勝遊輒繼高韻 說着
幽巖意已清那堪地近一牛鳴塵縈俗累不容到若見山靈煩
寄聲 陽華山水自雙清况弄朱絃金石鳴宗少文有
金石弄 我是行
人那敢聽恐翻別調作離聲時將赴
上都 雲水光中語更清從他
山寺晚鐘鳴滿舡載月歸來好一笛穿雲裂石聲
金石補正在何麒詩刻之右分三截共四十七行正書無刻
石年月前六首皆紹興年所作次江府判韻一首題云江丈
口春間攜家再來詩有重遊知更好句則是乾道七年也後

三絕自註云時將赴上都案冰壺於乾道間遷知賀州軍州事和詩當在其時附乾道末其紹熙年諸作別刻一石另錄於後長庚爲府判志所失載鄧致道見蔡周輔題名餘人無攷詩云從來招別駕於此漱寒泉自註云見元次山招陶別駕詩而通志以招陶別駕詩爲長庚作殊誤何麒程述詩亦均用此故實也詩又云記須煩子年子年不知何許人或卽謂江府判歟

宋李長庚空翠亭詩

亭倚晴空翠作堆峯巒奇絕畫屏開凭欄眼力不知遠歷歷水穿幽樹來 登空翠亭 冰壺李長庚

金石補正右李長庚詩亦庚午夏所搜拓者李長庚見前附乾道末

宋周煜江華減稅碑

道州新志煜字伯華金華人淳熙間知江華縣奏減一稅有祠及減稅碑

宋孟坦中陽華崑詩

路入瀟南地一隅天開洞府若爲模石扁高透雲常出澗水中通崖不枯來訪恍然驚澤國醉眠清甚在冰壺淡巖誰道眞稀有須信陽華天下無 蓬山孟坦中履道父以淳熙乙未春來遊謹題

金石補正十行行書在唐巽題名之左

宋趙師俠寒亭題名

郡丞坦巷趙師俠同邑簿舒俊卿淳熙戊申六月十三日來游

金石補正在程述題名跋語之上方六行正書趙師俠卽刻

周子拙賦者舒俊卿官表不及載

宋趙師俠陽華巖詩并跋

郡丞趙師俠介之同邑令戴翊世漢宗簿舒俊卿國英游陽華畱二絕句于巖中淳熙戊申歲六月十三日 出郭曾無十里

賒僊崑迎日號陽華雲藏奧突嵐光潤信美元郎詠可家 石

罅空明石色鮮霞舒乳滴巧雕鑄縈迴棧道泉湍響疑是僊家

小有天 九疑萬峯不如陽華一境此道之里諺也 趙公

按部之餘游 斯崑 傑 勝概併以墨妙紀之蓋自

元次山以來不可多見 繼元公題後用諗不朽云從政郎

道州江華縣令主管勸農公事戴翊世謹書

金石補正詩十行跋五行正書師俠前稱坦巷此稱介之蓋

有二字也戴翊世令江華永志云淳熙十五年任與此略合

拓本詩與跋分爲二紙以官表及師俠所題證之趙公卽師

俠也

宋陽華崑李長庚後詩

宮使李大夫詩 紹熙癸丑二月二十六日蔣助教言正招遊

陽華婆娑巖下薄暮乃歸得詩五絕以紀其事冰壺老人李長
 庚子西 春風今日肩微和觸目江山發興多如畫幽巖無十
 里輕衫短帽得婆娑 偶尋三逕到陽華碧玉玲瓏真可家追
 想舊游如夢寐摩娑石刻但咨嗟 巖下畱連且盡歡不知紅
 日半銜山歸時林壑風煙暝賴有昏鴉相伴還 我老思為漫
 浪翁暫來却恨去匆匆山頭日色赤如血是晚所見如此照映川原草
 木紅 我識陽華六十年當時面目故依然清泉白石都無恙
 華髮蒼顏只自憐長庚紹興甲寅從穎士九叔初游陽華 紹熙甲寅五月十七
 日從令尹張濟之早飯獅子巖晚飲陽華巖夜闌乘月泛舟而
 歸 朝游獅子晚陽華翫水看山樂可涯野鶴沙鷗慣看客一
 雙對立渡頭沙 到此令人憶漫郎筆端妙語發天藏泉聲漱
 玉生秋思不減湖中五月涼 雨餘山色媚晴暉無事孤雲自
 在飛坐到黃昏尤不惡載將明月滿舡歸 門生蔣大雍刻石
 孫光亨書額

金石補正兩截詩刻卅一行刻石人名一行正書案通志光
 宗朝江華令惟張康一人永志云紹熙三年任此云令尹張
 濟之蓋即康之字甲寅五月尚在江華秩未滿也書刻俱草
 率玲瓏誤作玲瓏省志山川郡志名勝邑志方域皆載此詩
 多歧異當以石本為是惟三逕作山徑或是石本之誤
 宋朝請大夫李長庚墓碑

道州新志在江華縣南五里
 嘉慶通志案志云長庚字子西甯遠人後徙居江華登紹興
 進士居官廉潔不事生產惟蓄書數千卷號讀書之室曰冰
 壺卒年八十六著有冰壺集

宋李長庚寒亭詩
 嘉泰癸亥夏陪縣尹雙湖唐仲謀飲寒亭省齋李太光中山父
 棧閣橫空杳靄閒登臨酒罷怯憑欄露零瓦瓦交光渥月挂
 千峯倒影寒谷照如春居亦易亭涼宜夏到平難垂簷星斗方
 爭席好向天門刷羽翰

金石補正十行正書亦庚午夏所搜得李太光冰壺子以淳
 熙五年特科進士嘗任新昌令志稱其工詩賦名山勝境咸
 有品題焉癸亥為嘉泰三年永志官表唐元齡以嘉泰元年
 任江華令仲謀殆即元齡字也又志於人物以大光為長庚
 次子選舉內又以為長子不相符合

宋李景莊等陽華岩題名
 武陽李景莊侍外舅歷陽徐宜伯贊治春陵以嘉泰癸亥因游
 九疑來訪陽華令君臨川唐仲謀拉丞金華宗周卿簿肝江熊
 介叔尉武夷張明伯會飲于巖之亭蓋十月七日也景莊書之
 仲謀欲刻之崖石合詞請明伯董其事丞簿正棋亦為之欣然
 金石補正八行正書徐宜伯名蔡見嘉泰三年淡岩題名唐

仲謀見前得此刻知爲臨川人矣宗周卿名強見後餘再攷
宋楊長孺等陽華崑題名

開禧元年歲在乙丑夏六月九日廬陵楊長孺伯子嚴陵洪璞
敘王金華宗強周卿南豐符敘舜工同來

金石補正五行正書楊長孺時判道州洪璞時令江華均見
官表宗強時爲江華丞見前符敘非簿卽尉官表不載

宋毛方平陽華崑詩

僕遊九疑道中得淡崑陽華之勝陽華竒而奇水經崑腹其來
涓涓而出門之勢雄甚佗狀瑰詭咫尺千變泉石之妙迺如是
暇日復陪郡掾攝邑事三山王默聲父簿臨川陳希望民曆尉
會稽董汶文卿知察河閒劉顯祖德昭尋幽道涼仿徉盡日而
猶未滿於中者環閣破流莫遂飛羽觴踏冰拱似孤真趣爾嘉
定壬申夏至文安毛方平希元書併勒所賦于左 蜂房澁、
流石乳綫寶消、細蛩語門前乃作三峽聲似與幽人商出處
何年結閣溷天真危柱下侵蛟蜃怒坐令空洞驚勃谿仙鬼不
無說帝所要須濯足跨玉淵枕石漱流滌塵務手持白蓮騎赤
鯁萬壑千崑自風雨窮荒秘穴天所靳希有中州人訪古山谷
不來次山來未可歉然懷不遇

金石補正十四行正書王默見鷓鴣峯題名云嘉定三年四
月到與此正合毛方平自署文安文安宋屬霸州尙是南渡

以前舊貫劉顯祖同王默諸人官志均未載

宋俞昌言等陽華崑題名

嘉定癸未從化民弄兵郡判官俞昌言師禹奉檄與令佐平之
理曹掾陳鞅子長亦被諸使命從師禹後二月丙申迄事還邑
令陳治平次書丞唐有仲實勞二客于斯嚴師禹之子伯同侍
次書命子長書之石

金石補正行書八行從化民弄兵事不見於宋史本紀未滋
蔓也從化屬廣南路陳治平令江華見通志永志云嘉定十
五年任正合俞昌言諸人不見官志志有余昌言爲興甯令
亦在甯宗朝疑余爲俞之誤由令遷判官而志或不及詳也
書當卽唐字

宋莊元成塞亭詩

亭當六月猶冰口谷到三冬似燄吹會得漫郎題品意愛它冷
暖不隨時 嘉熙戊戌初伏清源莊元成題

金石補正六行正書莊元成見鷓鴣峯題名冰下似是漫字
宋杜子是寒亭題記

山巔木棧自元豐間趙公世卿浚崖發石易穴路得徑以通及
嘉熙己亥熊公桂伐石以成梯級然功尙欠缺吾父子既新寒
亭自馬石穴礎以下礎者夷之隘者廣之險者安之乃以石爲
柱目竹爲闌雖八九十老翁亦得手拊而上是徑也誠唐文之

三變歟瀉祐癸卯秋正定杜子是書

金石補正石刻十行正書子是杜汪之子見後趙世卿見前熊桂衡山人字巖伯見咸瀉壬申龍隱窟題名署稱書簡省而其在江華時不知何職鄧光薦督府忠義傳以為湘潭人云咸瀉十年進士通判贛州年七十餘與趙璠張唐同起兵復衡山等縣明年文天祥兵敗元兵復陷所復諸縣桂被害并屠其家寒亭木棧之枳置與夫後來之修葺志無一語及之讀此記可得其梗概焉

宋寒亭徐銓孫杜汪詩

山水因人勝窮搜喜得君石根盟令字亭背次山文湍激堪臨渴松陰可避曛相望餘一舍猛口杖口雲草書上 徐銓孫衡石汎沅湘關九疑寄題江華杜口香重建寒亭瀉祐癸卯夏月中澣分註 韻呈徐口勘口口杜汪 規廣前畝迹相期幸有君搜奇辱佳句紀實仗高文古木風長峭陰崖日易曛何時陪勝賞舉手上霄雲草書上 桂水朱堅刊此行

金石補正石徐銓孫杜汪詩分兩截刻共十九行詩草書題

款分書刻石人又作篆書亦好奇矣癸卯為瀉祐二年卯書作卯誤取古賢字

宋楊長孺小飛來亭詩

江華縣前寒亭暖谷聞其絕勝棧道朽腐欲登弗果徘徊其下

水石崖樹清奇可喜甚似天然靈隱之闕有亭未名子以小飛來扁之併賦二詩廬陵楊萬里伯子 陰森古木石心我清澈寒溪鏡面開斗起孤峯三百尺從今喚作小飛來 拔地齊天可上不倚崑危機半空浮偶然憶得垂堂戒前猛還成新橋休東山楊先生昔為郡丞行縣臨流賦詩越四十載顛口丞于此訪諸刻未之見因冰壺孫李焯錄字輒命工勒于先生小飛來字之左瀉祐癸卯同里周顛謹書

金石補正前後共十一行正書通志職官甯宗朝楊長孺吉

水人零陵主簿見鶴林玉露永志於慶元時載其為零陵丞又於嘉泰時載其為道州通判彼此歧異殆嘗歷任各職也周顛為丞志失載長孺楊萬里長子李焯見奇獸巖銘李邦變遊寒亭記云歷仄徑有大石向人欲壓前人題云小飛來以擬靈隱之飛來峯蓋即楊長孺所題者跋云勒於小飛來字之左而小飛來三字未得搜拓永志建置亦不載小飛來亭我當即裁字

宋寒亭杜汪集杜詩

集杜工部句詠寒亭 湘雨清絕地長夏熱為情六月風日冷炎天冰雪生蓬萊如可到心迹喜雙清去郭軒楹做幽居不用名 甲辰夏杜汪題

金石補正六行行書

宋暖谷杜汪集杜詩

集工部句題暖谷 作尉窮谷僻官高何足論温温有風味憶

昔李公存 杜汪

金石補正四行正書右刻不題年月以寒亭詩證之當是瀉
祐四年宗氏跋其寒亭題名云不知為守為令讀此詩乃知
為尉可補入官志矣末句云憶昔李公存指李伯英也

宋寒亭杜子是集元刺史句詩

集元刺史句詠寒亭 杜子是題 長山繞井邑 膠、天外青
煙雲無近遠 水石何幽清 半崖磐石徑如見 小蓬瀛時節方大
暑 忽若秋氣生 高亭臨極巔 登高宜新晴 俗士誰能來 野客熙
清陰 漫歌無人聽 有酒共我傾 時復一回望 心月出四溟

金石補正行書七行不題年月當是隨侍其父而同詠者書
仿山谷而不逮遠甚瀛字中从貝俗誤永志名勝載此作云
宋人杜子美詩誤也登高作登陟亦誤

宋杜子是重遊寒亭題名

金華杜子是自瀉祐癸卯至乙己之秋方了寒亭公案於是九
日拉譚森重遊

金石補正三行正書子是前稱正定此稱金華殆先籍正定

南渡後居金華也

宋寒亭杜汪題名

元公以寶應癸卯刺道州永泰丙午巡江華為寒亭作記杜汪
以瀉祐癸卯復舊亭而益新景丙午春杪畢工時與事相符如
此考滿東歸泊舟于太平橋下登亭酌別援筆以書子是子恭
全侍

金石審右刻正書六行杜汪姓名官表失載不知其為守為
令闕以俟考

金石補正永志筆作筆太平橋無攷志所載者道州太平橋
也

宋林契陽華岩題名

瀉祐庚戌中秋朔長樂林契奉檄拯溺訖事偕邑同寅唐巖秀
歐陽元衡虞從龍子武來游

金石補正五行正書文云奉檄拯溺而是年被水不見於志
虞從龍為邑尉見重刻寒岩銘志以為令載於孝宗瀉熙年
恐誤林契三人亦不見於志

宋費天定墓碑

江華縣鄭志天定瀉祐壬子鄉貢親老不仕有墓碑在大斗
嶺

宋江華縣令題名記碑

江華縣鄭志成瀉二年縣令童碩孫撰

宋趙必馮寒亭題名

咸淳龍潭趙必淵濂伯曾游

金石補正一行正書在程迺題名之右必淵崇沅子見宗室表

宋余槐寒亭題名

咸西詔月番易若溪余槐隨侍曾游

金石補正橫列十四字正書在程迺題名之上咸西咸淳九年癸酉也詔月未詳它處亦未見

宋黃顯祖陽華亭題名

邑令黃顯祖以戊寅正月四日公餘來遊壻程奎子民表侍行

金石補正四行正書書干支不書紀元黃顯祖又不見於官志莫由定其何時要為宋刻無疑也附宋末又樂官表江華

令黃孝先以紹興二十七年任疑顯祖為孝先之字戊寅為紹興二十八年然無他證

宋黃嘉父獅子窟題名

九疑黃嘉父黃皇李景魏己亥登高

金石補正二行正書不見號年審其筆意決非宋以後人

宋寒亭更寒二字

更寒

金石補正橫列二字字徑尺許左旁隱約有字不可辨識矣

宋桂如虎陽華巖詩

江華縣鄭志道州郡丞

宋龍回寺記碑

新建龍回寺碑錄地主野勒謝宋璋立 乾道癸巳六月日

左奉義郎知賀州富州縣事李長庚撰文見永州府舊志

金石審石刻額篆六字有法文二十四行正書

案嘉慶通志本新田志作龍會寺記又云癸巳孟冬月奉

議大夫知賀州事李長庚撰皆誤今依府志正之

湖南通志卷二百八十一

湖南通志卷二百八十二

藝文志三十八 金石二十四

宋龍山廟碑

以下寶慶府

嘉熙尚書省牒祥符三年三月在寶慶府

宋李希鄭墓志

宋故邵州李大師墓志

事兼管勾常平等事騎都尉賜

知鬱林軍州兼管內勸農事武騎尉賜緋魚袋借

周惇頤書 監判官李恬篆

希鄭姓李氏邵州邵陽縣人曾大父德員大父士皆晦德

弗三子也昔中大公隱居連城太母邵氏贈清源郡太君師第

自防鄉里知其為有德君子也皆以先生稱之李公侍

士自全部郎中出為荊州安賦性剛介

與俗寡諧篤意黃老之術且曰道家清虛淡漠可以寶真余且

得潔專恪道家之書皆手鈔之日焚香誦黃庭鼓琴賦詩以自

娛嘉祐中三清殿壇生五色靈芝甚異郡將繪圖刻

章以姓名聞師曰王者尊事黃耆則芝草生此天地之和氣

事足未嘗歷官府太守藍公過見之師道貌閑

寂神宇和粹因問以衛生之術師曰寡欲以養氣以養神

壽九十有八是夕其姪進士楷前永州軍事判官樛前

潭州甯鄉縣主簿榛皆侍亂奄然而逝然後

知師所養有素雖死生之大不繫乎胸次可謂達

二年正月初四日葬公於邵陽縣龍田鄉上賢里新恩之源永

州判官與子遊於是來請銘嗟夫俗已逐物而忘返希鄭生於仕門獨異眾好豈非憤世嫉邪有

希鄭者銘曰昔者張侯隱於嵩高唐之公卿作詩以褒卓矣

寄迹老氏以奉其親糶糠利達保養遐齡曷以

嘉慶通志案李大師墓志文多缺字未見紀元以其時約之

當是治平元年志謂嘉熙十二年八月墓志忽出上賢鄉郡

人蔣毅錄之復封其墓云

宋邵州遷學記

朱子特祀濂溪記邵陽太守東陽潘侯以書來曰邵陽故有

濂溪先生周公之祠蓋治平四年先生永州通守來攝邵事

而遷其學且屬其友孔延之記而刻焉

寶慶府鄭志尚書度支郎中孔延之撰治平五年正月三日

按治平無五年必四年之誤

宋雲漢閣扁

天下金石志徽宗御書雲漢為章之閣六字在寶慶府學古

書刻

宋邵州集瑞堂記

寶慶府鄭志政和乙未夏五月將仕郎充邵州州學教授

與可撰

宋李氏同莊記

寶慶府鄭志邵陽令侯延慶撰宣和六年九月二十七日

宋張九成康濟廟石刻

寶慶府鄭志張九成知邵州有手蹟勒於廟中道士初不知

以當事苦詢之遂投於水九成字子韶紹興十年以秘閣修

撰出貶知邵州

嘉慶通志案宋史高宗本紀張九成於紹興十年八月以不

主和議降黜又本傳言除宗正少卿權禮部侍郎兼侍講兼

權刑部侍郎金人議和九成在經筵言西漢災異事素憎惡

之謫守邵州則其貶邵州時並非官秘閣修撰志誤

宋邵州遷學記

張枋復舊學記紹興二十三年武彝胡子宏之文

嘉慶通志案胡宏安國子本建甯崇安人傳其父學與兄寅

居衡州張南軒師事之詳宋史儒林傳

宋趙子洎謝賜御書表

寶慶府鄭志趙伯言以右朝請郎知邵州刻太上皇賜其先

人子洎敦敘九族四大字於州治末題紹興壬午歲十二月

初一日右朝請郎知邵州軍州兼管內勸農事營田使兼沿

邊谿同都巡檢借紫金魚袋臣趙伯言拜手稽首前列紹興

八年十二月趙子洎謝表

嘉慶通志案子洎字正之燕王五世孫父令鑠官至寶文閣

待制子洎以蔭補承務郎歷官至京畿都轉運使以疾辭卒

於家見宋史宗室傳攷世系表云累贈太師而傳無其文或

另是一人傳稱子洎幼警悟蘇軾過其家抱置膝上謂其父

曰此公家千里駒也及長善談論工詩

宋修康濟廟路記碑

修康濟廟路記 幽明之理神民之心一也天子置吏以治於

明天地命鬼神以司於幽吏為民而禱神必陰相之神為民而

應民必昭答之神民之心詎有幽明之間耶邵在楚之尾旱澇

不常民無它業歲小歉則藉食河內李侯牧邵之明年夏旱侯

齋戒禱孚澤侯之祠隨禱而雨歲以不饑郡民喜賢太守禱之

一第 冊 寶慶通志卷之五 反文下

之誠而神應之迅速謀答神庥神之廟去城六里其路欹崎磽确過甚雖稍平曠遇雨則泥淖不能容足往來病之市民軍長石諒等即舊路而修治之於是鳩工編石曾不數月坦然一新自廟達通衢長三百丈廣三尺費金百萬既告成市民軍長等請阜記之阜竊謂侯以無私而禱於神神以無私而應於侯侯之禱神之應咸在斯民今民以是報於神神將以是福於侯也必矣矧今事簡吏清政平訟理德化薰蒸和氣浹洽此雖動天地可也况於鬼神乎神之聽之介爾景福豈庸釋於賢侯乎於是乎書乾道三年正月初五日左迪功郎充邵州州學教授陳阜記右宣議郎新知臨江軍新淦縣事王延年立石

金石文編石修康濟廟路記陳阜撰八分書十八行行廿三字篆額六字在寶慶府城外雙清亭下

金石補正通志寶慶府志所載均有訛字河內李侯者元老也前此八年浯溪題名云假守清湘疑即由清湘改知邵州者府志云乾道三年任据文以牧邵之明年夏旱禱雨立碑在禱雨之次年則是元年到官志未得實矣明蔡朔修康濟廟記云有元勅賜廟額為康濟此碑已稱康濟則非元所賜額也府志云康濟廟宋祀五顯之神宣和間賜康濟額五顯者顯聰顯明顯正顯直顯德宋封五王見開禧勅書嘉熙庚子韓伯修康濟廟記云五顯五星之精也惟乎澤侯之稱不

知所始稱侯不稱王尙是開禧以前之名號其在宣和時耶陳阜為教授通志不及詳

宋大禹山慈雲寺記碑

寶慶府志乾道九年六月二十二日陳伯震撰

嘉慶通志案天下金石志寶慶府有宋修大禹廟乾道中立府志又云大禹山有大禹廟宋教授陳伯震記疑即此碑也

宋靈山寺鐘款

寶慶府志在邵陽縣梅塘鄉唐時建利有宋乾道銅鐘

宋邵州復舊學記

寶慶府志張杖撰淳熙元年三月

宋濂溪祠碑

天下金石志朱熹撰在寶慶府學

宋邵州重復舊學記

邵陽縣志慶元丙辰四月四日煥章閣待制提舉江州太平興國宮楊萬里撰

宋桃花洞趙善恭劭農題名

嘉泰元年春二月望日郡守趙善恭季温別駕鄒非熊宗望帥邑令陳敏學文之同出郊劭農禮成游□昇殿洞戶深杳秉燭行數十步或但聞兩崖間泉聲琴筑聲忽殿豁如半月石隱蔽其旁日光下澈真神僊窟宅也裝回的泉慶神寒骨不可以留

遂識石壁而退 李□刊

寶慶府鄧志案舊志趙善恭字貫均佚與鄒非熊同列於孝宗朝胡華公前今以是刻考之嘉泰元年辛酉為甯宗再改元之歲上距乾道九年相去二十八年之久方志記載顛倒錯亂往往如此陳敏學亦不見表安得此等左證為補正之邪此金石文字之可貴者也

金石補正七行分書在邵陽南五里趙善恭字作肅邵武人乾道八年黃定榜進士歷知潯邵二州入為大理司直遷寺丞倉部郎中右司郎中除直煥章閣知靜江府經略廣西改知潭州安撫湖南移江陵府拜司農少卿總領湖南錢糧兼知鄂州權宣撫司事加司農卿宗室表有兩善恭一為贈朝散大夫不愷子一為武德大夫不僊子未可強定鄒非熊宜黃人淳熙十一年衛涇榜進士令曲江平反死囚十有二人邑人刻石頌之通判邵州陳三事敷奏詳明後除廣東提刑未上而卒所著有竹巖集通志載趙善恭為安撫而不及知邵州漏也載鄒非熊於高宗朝令宜章而不及判邵州恐誤鄒非熊又有粵東九曜石題名文云游口身巖巖名不見於志當即桃花洞舊名惜泐一字

宋濂溪祠碑

天下金石志魏了翁撰在寶慶府學

邵陽縣蕭志周元公祠堂記紹定三年秋九月辛丑臨邛魏了翁撰

宋龍山廟敕賜普濟龍神額尚書省牒

邵陽縣志嘉熙元年二月

嘉慶通志案龍山宋牒文載邵陽縣及寶慶府志確係宋碑惜文中有脫誤字末云奉敕宜賜普濟龍神額牒到準敕故牒嘉熙元年二月日牒攷牒後列銜位以宋史宰相表證之其云簽書樞密院事參知政事鄒者鄒應隆也右丞相知樞密院事參知政事鄭者鄭性之也左丞相蕭國公者喬行簡也正副樞密二人但書姓下作押至左丞相則并不書姓矣宋時尚書省牒之式多如此普濟志作晉澤據淳祐五年潘忠恕龍山普濟廟記及劉應祁游龍山記當作普濟今改正

宋龍山普濟廟碑

寶慶府志嘉祐五年秋八月甲子承議郎通判寶慶軍府權府事嘉禾潘忠恕記

嘉慶通志案劉應祁遊龍山記云至禹廟徧覽舊碑得一碣於麥園半埋土中額篆普濟數字八分精雅而尚完好視文多剝落不可讀殊為憮然云云當即指此碑而言也其文今載府志不獨缺字甚多文句亦有舛誤

宋桃洞流香四字又洞陽仙境四字

賈慶府鄭志桃花洞有景定中郡守糜堯洞陽仙境並古篆
桃洞流香等字

金石文跋堯字俗書以為木器桌堯字於字書無攷此近代
市井間所用不經之字也予謂糜堯恐是糜堯之誤糜堯係
我吳人王鑿姑蘇志有傳云糜氏在宋時為吳中大姓其先
本胸山人建炎中始徙吳堯祖名師旦紹興中進士歷官顯
謨閣學士父溧亦登慶元年進士仕至秘閣修撰堯字伯
升以師旦郊恩補將仕郎端平初出監無為軍襄安鎮嘉熙
二年射策登進士第差行在豐儲西倉議察官淳祐初北兵
至通州堯條陳五事知長興縣改來安縣充淮西安撫機宜
轉朝散大夫差知廉州未行改安慶府又改無為軍開慶初
除將作監丞沿江宣撫司參議官差知處州改安慶府景定
初疏法堯舜十二事詔獎納之在官四年境有嘉穀之瑞民
為立生祠轉朝議大夫封吳縣開國男卒年七十七據此知
堯於端平初始出仕安得先於嘉定中守邵州嘉定當是景
定之譌今改正賈慶府志既於桃花洞下云嘉定中郡守糜
堯又於職官列糜堯於靖康間姓字已彼此繆異時代又復
前後矛盾且不攷其籍貫歷官皆作志者之疏也堯即登字
說文作癩云籀文登玉篇云登古文登

金石補正右桃洞流香四字橫列行書款題禮菴不詳其姓

與志言古篆者不符或志載不實或後人所為姑錄之洞陽
仙境字未見

宋古雲根三字

古雲根

景定甲子上巳日郡下

賈慶府舊志桃花洞城七里許頂上有石孤植大數圍就之
其根瘦削僅盈握宋景定間郡守篆古雲根三字左鐫景定
甲子上巳右鐫郡守中吳等字其名磨滅不可讀

金石文跋此古雲根三字旁題景定甲子上巳郡守中吳等
字而缺其名據志謂桃花洞又有桃洞流香洞陽仙境等字
俱郡守糜堯題而云嘉定中子既據姑蘇志辨正糜堯為糜
堯之譌並疑嘉定當是景定苦無確證今採此刻云景定又
云中吳必是堯同時所題而前之誤糜堯為糜堯景定為嘉
定更無可疑矣甲子乃景定五年姑蘇志糜堯傳未但云改
安慶府景定初疏上法堯舜十二事及在官四年境有嘉穀
之瑞民為立生祠而不及守賈慶事漏也据此可以補之
金石補正一統志云石在桃花洞後巍然一石中題古雲根
三字旁構寶峯亭此即是也石刻正書府志以為篆文者非
月下僅一郡字可辨就所見錄之

宋雲巖寺碑

賈慶府鄭志在邵陽縣東七十里安平鄉湖山下唐元和時

建宋紹興末李綱宣撫湖廣經此留詩後人題詠甚富咸淳中齋生蕭應聰書碑

宋清泉銘碑

寶慶府鄭志羅宗之衡州人咸淳辛未進士宋末由衡徙邵之中鄉構永慕堂厝父南海簿忠於白石建青雲觀得清泉宗之為銘其同舉進士邑人裴濟篆石

宋山谷道人書石刻

新化縣志此刻墨蹟為黃山谷書唐人五律二首末題元祐三年孟秋七夕前一日山谷道人書十六字舊藏邑中劉氏道光丁未縣人李浚以同邑彭旭雙鈎本勒石後有浚識四行旭識五行

宋周裕蕭巖詩刻

寶慶府鄭志通判軍事

案蕭巖据舊志為宋時武岡新化東安接壤處武岡志云嘯巖新化志云蕭巖東安周裕題詩題字則云肖巖肖巖裕所易名也嘉慶通志載此條後云周裕祁陽人登元符三年李釜榜進士與永州舊志同但祁陽志云官辰州通判東安肖巖題詩云權通判軍事肖巖題字云權通判武岡軍為有異同自當以石刻為正要之周裕既為一人肖巖即蕭巖所易通志於東安詩刻失考而此條詩不具錄

則此詩恐即東安題刻之傳異今姑仍其舊而存其疑

宋楊勛墓碑

新化縣舊志楊勛靖康時為新化令善政愛民卒葬舊縣東有墓碑祀名宦祠

宋招隱二字石刻

新化縣志在南村龍泉山宋張宣公書道光丙午縣人鄧顯鶴以拓本摹刻茲山石壁後有顯鶴自識

宋大凌峰鐘款

寶慶府鄭志新化縣南四十里西溪一古鐘自空飛來上勒大凌峰因以名寺

新化縣舊志大凌峰飛來鐘上刻云撞願豐稔禾黍叩鳴栖息煙霞韻調霆電雷雨聲和天地國家皇宋淳祐壬寅年潭州衡山大凌峰

金石文跋衡嶽七十二峰古無其說大約起於宋時故南宋陳田夫作南嶽總勝集已別其名與今南嶽志所載又不盡同蓋土人隨時易名原無定證也此鐘文云衡山大凌峰不特不見於陳田夫即南嶽志亦無此峰名王寅乃淳祐二年衡山時隸潭州

案新化新志所載撞願豐稔云云二十四字凡四行均大字而栖作棲霆電雷雨作電霆晴雨又云餘小字十五行

字多剝蝕其可辨者第一行潭州衡山縣五字二行以瀆
祐壬寅歲六字三行帝勅居此峰五字四行化民入山四
字五六缺七行大凌峰三字八行皇宋高祐二年六字九
行黃姓同吉日五字十行鑄匠丁需榮袁彥明八字十一
行頭主黃三字十二行副知唐三字十三行周應詰三字
十四行尙書五雷錄事主法師尊十字十五行玉虛師相
玄天上帝八字今鐘歸然下少缺銘款尙未損也

宋周惠風井詩

〔寶慶府鄭志〕在新化縣中源鋪五里風自井出昔人多題詠

鐫石

宋周惠蕭巖詩

〔新化縣志〕在縣東五十里

〔嘉慶通志〕案風井詩府志藝文門列於嘯巖詩之前俱作周

思詩而山川門周思作周惠嘯巖作蕭巖與縣志合則作蕭

巖爲正

宋張綬翁巖詩刻

權提點荆湖南路刑獄公事張綬被旨督捕邵永蠻寇師次小

巖虛嘗至巖下愛其幽深而未爲好事者所稱賞迺命名翁巖

巖而作是詩 巖口呀然向日開小橋飛入勢縈回幽深自

可逃煩暑况有寒泉石下來 通判邵州劉蒙鄱陽進士周遵

同遊元祐四年三月十二日

〔金石文跋〕攷此翁字已見廣韻上聲三十八梗云天氣清朗

烏猛切江蘇崑山縣地名有翁子元末方國珍趨翁子橋與

張士誠戰卽其地今猶書此字寶慶府鄭志雜識作喬巖誤

〔金石補正〕八行正書志載錯亂瞿鄧兩家皆未之見也小翁

虛許志作小巖墟巖口呀然向日開鄧志作崖口呀然何日

開均非張綬劉蒙已前見劉蒙判邵州志所失載翁巖在水

津團距州城百七十里虛古之墟字

宋大羅江廟碑

〔武岡州志〕在東羅江元祐六年立姓名漫漶不可識

宋知軍題名記碑

〔武岡州許志〕大梁王澈記崇甯丙戌春

宋武岡帖

〔法帖譜系〕武岡舊本二十卷不知刻於何時碑段稍長而日

月光天德等字號間於行中字法亦清勁可愛而第一卷衛

夫人宋儋無枯筆第九卷大合帖諸字皆誤信乎出於新絳

也 武岡新本二十卷帖卽舊石也中厄於庸繆之人厭其

字法清瘦頗修治遂失本真其最可鄙笑者第二卷鍾繇帖

再世榮名今名字已修作谷字矣且拓匠不工凡損剝處鑿

痕宛然呈露而字畫模糊略不可辨帖之繆者莫甚於此

格古要論武岡軍重模絳帖二十卷殊失真且石不堅易失精神後有武臣守郡嫌其字不精彩令匠者即舊畫再刻謂之洗碑遂愈不可觀其釋文尤舛誤然武岡紙類北紙今東南所見絳帖多武岡初本耳驗其殘闕處自可見同天青錄同輟耕錄淳化法帖劉後邨云閣帖為祖十卷絳帖次之二十卷臨江又次之潭又次之武岡又次之武岡佳者可亂絳臨江佳者可亂閣

石刻鋪敘武岡帖前後總二十卷乃絳帖翻本不載入石歲月後帖之九卷張旭書其藏真顛草數十字則橫鐫於石筆力勁婉挺立意本奇於絳之直行人多貴耳而賤目但以罕得為重遇絳刻大譌闕處鏡為梅紋今人多搨此碑偽作絳帖至橫刊藏真顛草剪以直背成冊雖古刻筆勢元有斷續至於剪痕則心勞而日拙 武岡帖為絳之翻本惟後九卷藏真跋則橫刊視絳之直行為勝而人反輕之

書錄解題武岡帖釋文劉次莊元祐中為官帖釋文刻石於臨江而武岡又嘗傳刻絳州民潘氏帖嘉定中汪立中取劉本分入二十卷中官帖所無者增附之

嘉慶通志案武岡帖無刊石年月因武陵帖取法武岡知武岡必刻在前故列武陵帖前係絳之翻本絳帖之異於閣帖者閣以漢章帝書為首絳以蒼頡等書為首前後分卷俱不

同並刪去漢章帝晉宣明康哀簡文帝梁高帝簡文帝及司馬王邵王廙蕭子雲僧智永李邕等帖增入王濛羊詒書又有後帖刊入唐太宗宸翰增張旭千文四十五字藏真草書跋語及顏魯公王虞高間李建中諸人書既增損改易分爲前後各十卷又易橫石為立石故殊有不同武岡則悉照絳本翻刻惟以藏真跋語仍易直為橫又絳本卷間摹淳化歲月武岡則皆無之又附入釋文以此為別故武岡帖較易審辨又案石刻鋪敘云絳帖前後各十卷相傳駙馬都尉潘正夫以閣帖增損翻刊間摹淳化被旨歲月於卷末然不見跋尾無自稽攷編次多有不同潘尚哲宗第四女秦國公主後分二子卷卷析以為二伯仲中一人最吝常苦其半不可得太守又憚於挾勢挾貴而求者不能全致始募工重刊於郡齋視舊本不差毫釐其譌缺處亦偏真但神氣微弱曹士冕云絳州法帖二十卷乃潘師旦用淳化帖重摹而參入別帖比今所見閣帖精神過之舜臣事力單微而自能鐫石雖井闌階甃皆徧刻無餘所以段數最多或有長尺餘者師旦尚哲宗秦國公主又名舜臣死二子析而為二長者負官錢沒上十卷潘師旦帖於絳州絳守重模下十卷足之即東本幼者復重模上十卷亦足成一本於是絳州有公私二本東庫本逐段分字號以日月光天德山河壯帝居太平何以報願上登封書為別據此

則東庫本又異於絳州原本矣武岡帖行中既有日月等字
 號可知武岡州又係絳州東庫之翻本曹氏所謂出於新絳
 本也是惟曾氏慎以為每卷析為二曹士冕則以為分上下
 各十卷又曾云太守以舊本重刊似止一本而曹則謂絳守
 重模下十卷其子又補模上十卷足成一部於是有公私二
 本其說不同未審孰是又曾慎以絳帖為駙馬都尉潘正夫
 刻云正夫尚秦國公主曹士冕又以為潘師旦舜臣所刻師
 旦尚秦國公主又名潘駙馬帖攷潘正夫尚秦國康懿大長
 公主見朝野雜記及宋史證以涪溪題名亦合至師旦尚公
 主於史無可攷而歐陽修集古錄云近時有尚書郎潘師旦
 者以官法帖私自模刻於家為別本行於世又據今世所傳
 絳帖內有駙馬都尉潘師旦跋語帖尾又有印章則絳帖之
 為師旦所刻似無可疑不知曾氏何以作正夫豈因其同姓
 而偶誤邪附識於此以俟博雅者

案涪溪題名潘正夫有四子據宋史又不僅四子多貴顯
 曾氏云正夫翻刻閣帖二子析以為二伯仲中一人最各
 恐誤當從曹士冕說

宋司法廳題名牌

寶慶府鄭志武岡州司法廳崇甯間置紹興間有題名記

宋武岡司理廳題名牌

〔光緒〕湖南通志 卷二八二

武岡州許志攝郡軍事許應隆記

嘉慶通志案志於職官門云許應隆涇州中以轉運使攝郡
 事而於政績門又云以漕幕攝武岡軍事漕幕乃轉運使之
 屬官則當作轉運使判官方合修志者不明官制至有歧誤
 今未知何者為是考宋史有許應隆傳言慶元中進士又
 云拜端明殿學士簽書樞密院事累辭會正言郭歸卿有論
 疏以端明殿學士提舉洞霄宮卒又攷宰輔表應隆於嘉熙
 元年二月簽書樞密院事兼參知政事三年十月罷則應隆
 於寧宗初年方登第理宗時歷官至參政不應已於涇熙中
 官荆南且傳並未言其為荆南轉運官屬非史有缺略卽州
 志之譌否則當別是一人姑附於此

宋濟川橋記碑

武岡州志許應隆撰在州治東三十里石羊渡跨資水州人
 李友直奉其父世楫命建世楫字濟川因以父字名橋

宋渠渡廟賜靈濟額牒

敕賜靈濟廟額 尙書省牒 禮部狀據太常寺申准尙書
 省劄子勘會諸路州軍保奏到靈應神祠加封有司拘以小節
 未圓行下取會遷延歲月有失褒崇之意五月九日三省同奉
 聖旨令禮部太常寺日下檢照已保奏到去處疾速擬申施行
 今檢准建炎三年正月六日勅節文神祠遇有靈應卽先賜額

次封侯每加二字至八字止次封公每加二字至八字止次封王每加二字至八字止神仙即初封真人每加二字至八字止婦人之神即初封夫人二字至八字止並本寺條節文道釋有靈應合加號者並加大師先二字每加二字本寺人續檢照下項神祠欲從前項已降指揮擬封施行伏乞省部備申朝廷指揮施行申部數內武岡軍保奏到武岡渠渡廟乞賜廟額依上件指揮合先擬賜廟額合行降勅本部所據太常寺擬申到在前伏乞朝廷指揮施行伏候指揮牒奉勅宜賜靈濟廟為額牒至準勅故牒 慶元三年六月 參知政事何 參知政事謝 右丞相

寶慶府鄧志在武岡西二十里玉屏山宋慶元二年賜靈濟廟額見清祐十一年葉夢鼎渠渡廟記

金石補正右碑在武岡渠渡團共廿二行書體大小均不一按府志禮書載葉夢鼎記文云渠渡廟在都梁北二十里土神也舊在天尊嶺祠祭者禪登陟父老有默禱願徙平地者既而風雨夜作詰朝神移於嶺址嗣是早潦禱即應宋慶元二年六月賜靈濟廟額即此牒也記又述景定癸亥歲旱禱雨及景定甲子姚巖夢渠秀才二事是記作於景定五年通志據舊府志列景定甲子四月鄧氏所記亦同而此處跋云清祐十一年葉夢鼎渠渡廟記疏於點檢矣鄧氏又載有嘉

泰牒碑搜之未得牒尾題參知政事何者何澹也自御史中丞除同知樞密院事是年四月除參知政事參知政事謝者謝深甫也是年正月自簽書樞密院事除參知政事右丞相者京鏗也自知樞密院事遷正議大夫除右丞相牒行於六月均與史合

宋渠渡廟敕封神牒碑

武岡軍武岡縣管渠渡靈濟廟廣惠顯應宣靈孚祐侯 右可特封崇福公 敕武岡軍武岡縣管龍神孚濟昭澤普潤侯等神神萬物者莫靈乎龍潤萬物者莫利乎水而有焉之以周普變化則又超然不可測矣爾廟食湘南發響綿久或以昭澤著或以靈濟稱若者舊前聞深山大澤之所鍾英奇木異石之所約像雖事近恂恍怪力然水早有禱厥應如響藉烜潤之功登豐稔之年者屢矣神之為神不信而有徵歟按迹稽功邦有彝報一肇公封之社一崇侯秩之喪尙祇明倫協心幽贊益以衍庇民之福可依前件奉勅如右牒到奉行 清祐十一年二月九日 以上 太傅左丞相魏國公清之參知政事方叔同知樞密院事兼參知政事潛兼給事中樞兼權直舍人院 三月十日午時都事趙受司農少卿兼都司饒付吏部 太傅左丞相魏國公 參知政事 同知樞密院事兼參知政事 吏部尚書 吏部侍郎 以上 告崇福公奉 此後 缺依

武岡州志在州西二十里玉屏山慶元二年賜靈濟廟額嘉
泰二年封廣惠侯淳祐十一年封崇福公景定四年封崇福
昭貺公咸淳五年封崇福昭貺益靈公

金石補正右封崇福公收救廿五行行書列銜十二行正書
末二行行書後缺據府志似一碑而刻救文三道者今得拓
本此救未全景定救僅見年月疑碑已橫斷中缺兩截然益
靈公告別題篆額又似非匯刻矣救稱龍神孚濟昭澤普潤
侯等神者不一神也府志云在城南五里古山之麓號曰昭
潭天旱祈雨立應宋賜嘉興廟額封昭潭普潤侯進封孚濟
侯此勅云一肇公封之社一崇侯秩之褒所謂侯秩者當是
加封二字疑卽孚濟之類統於一救也昭澤鄧氏誤作昭潭
清之鄭清之也是年十一月進封齊國公方叔謝方叔也是
年四月特授通議大夫永康郡公十一月除左丞相潛吳潛
也是年十一月授右丞相碑所題悉與史合

宋寶方山經偈石刻

若目色見我目音聲求我是人行邪道不得見如來一切有爲
法如夢幻泡影如露亦如電應作如是觀 開禧三年丁卯歲
長至日都梁郡幕府江吳中書 郡守吳越錢端恕命工鐫于
寶方山之平西洞口

武岡州志在寶方山平西洞口隸書金剛經四十字凡八行

前書開禧丁卯歲長至日都梁郡幕府江吳中書十九字一
行後書郡守吳越錢端恕命工鐫石於寶方山之平西二十
字一行俱隸書

金石補正八行行五字字徑一尺一寸許左右款兩行均十
九字字徑三寸餘俱分書省志州志題云寶方山金剛經以
墨本讀之並無經文因改爲經偈石刻庶得其實所載字多
舛錯並據石正之明統志寶方山在城南五里舊名資勝山
山有岩洞入所曰棲真上屏太保朝陽迎陽芙蓉隱仙花乳
此刻所稱平西洞者當卽八洞之一而不知何洞也武岡漢
爲都梁侯國晉爲都梁縣隋省入邵陽水經注云都梁縣西
有小山上有渟水既清且淺其中悉生蘭草俗謂蘭爲都梁
山因以號縣受名焉此稱都梁蓋用故名錢端恕吳中志俱
失載端恕自稱吳越殆武肅後裔也

宋姜桐法相岩題記

城南五里有寺曰法相巖洞深窈爲此邦奇觀故御書藏焉因
暇日領客來游心甚愛之意所觀不止是也迺命於山之巔斬
茅焚爵得奇石益富千態萬狀軒豁呈露夫一氣凝結而爲石
不知其凡幾季前後來游者不知其凡幾人至是始得盡觀覽
之勝豈昌黎公所謂天作而地藏之以遺其人耶其寺亦圯因
從而新之嘉定辛未長至日假守四明姜桐書

金石補正正書十行在武岡法相岩頂一統志云寶方山在州東南五里一名寶勝山亦名資勝山又名法相岩后刻即在其地碑有御書藏焉之語宋時名山寺院多有賜書見於記載者甚多武岡軍有信教九族四字趙伯言刊之此所謂御書者或非即此也姜桐名通志不載府志載之不詳里賈得此乃知為鄞人矣

宋法相岩碧玉簪三字

碧玉簪 四明樓鑰書 郡守姜桐立

金石補正三行正書樓鑰鄞人宋史有傳自號攻媿山人著有攻媿集此無年月列前刻後

宋鄭域法相岩詩

法相具諸相寶方無定方突兀虎豹立嵌空蛟龍藏入地轉輪遠透天圓寶光何人鑿混沌擲棄官路傍 嘉定癸酉至日松窓鄭域中卿

金石補正七行正書鄭域不見通志據府志則武岡軍判官也府志載其桂莊詩刻不及此作今僅得此而桂莊詩未見殆佚矣府志亦未錄其詩句也

宋寶方山詩刻

扶藤來訪古招提月壑雲天分外奇料得山靈暗相賀蒼巖今日有新詩 平生不慣俗塵榮才對雲山眼便青天與詩人張

畫本疏梅翠竹小池亭 嘉定甲戌端月黃葦雲夫

武岡州志詩存字多漫漶

宋桂莊二大字

武岡州志在州溪南里石洞村山心寺行書大徑一尺強後書新除湖南提刑張聲遠書嘉定甲戌中秋桂莊主人周昉刻於崖次二十六字楷書一行

案桂莊二字道光丙午新化鄧顯鶴摹刻於其縣之葉公山石壁跋云二字在武岡山心園宋嘉定丙戌郡人周昉刻石昉字晦叔為諫議儀後能繼先志有名於時則不獨其字可珍其人亦有足傳者但嘉定有甲戌無丙戌跋文或傳寫之誤

宋史彌甯桂莊詩刻

結屋山園得許奇崖犀環擁讀書帷阿姪定與君家厚畱下西風幾萬枝 家聲流馥紫陽鄉洗石疏泉著桂莊看到花時秋更好放開吟杖貯天香 右題周晦叔桂莊嘉定乙亥中和節友林居士四明史彌甯清叔父

武岡州志嘉定八年刻石行書十四行字數不齊

案史彌甯鄞縣人史浩之猶子彌遠之從弟浩喜揚善類彌遠專任僉王彌甯以嘉定壬申知邵州修武岡學校建周程祠待士以禮詳見王之制修學記觀其與周晦叔交

其必有同夫浩而異於彌遠者矣

宋武岡軍修學碑

武岡州許志嘉定旃蒙大淵獻二月幾望從政郎充武岡軍重學教授王之制記

宋重修武岡軍學記

寶慶府鄭志轉運判官盱江鄧均撰

宋寶方洞詩刻

武岡州志在寶方山知軍事鄭汝諧撰無年月詩云山中八洞列天巧於茲覩誰謂寶方小亦是洞天數末題知軍事

宋育齋銘履齋說

育齋銘 僉判折允升舊居倅廳剛定鄭公汝諧名其室曰育齋今室非而名存刪定詩刻尚可摩挲嘉因豎碑扁其名於所處之室探索育之旨意為之銘焉唯人之生心均赤子養而充之廣大純粹其養維何譬彼桐梓方其芽槩勿踐勿履培植既深其葉鞞鞞彼泉流涓涓自始匯而蓄之莫測涯涘載稽易經育德在蒙養得其正聖而有功中庸一書戒謹乎獨推其功用萬物以育迺知天理具于一身操則君子捨則小人毫釐之差繆以千里宜謹其趨母入于誠道德之腴詩書之味採華食實存我夜氣虛室曠然白斯生矣子作茲銘自省于己有能默識樂只樂只

履齋說 余居武攸倅廳既銘育齋矣而日周旋乎履齋之內

不能自己於言因探易而得其說履之為卦乾上兌下乾者履之始事兌者履之終事人之進修力行於其始非難安行於其終為難力者人安者天乾以健為主兌以說為義方其步趨宮庭循蹈規矩用心剛持念恪一善可行必勉於行一德可進必企而進朝夕晷晷曾不少怠非健不能也至於詣道德之闢入理義之奧造次於是動容皆中取之左右逢其原此心能無說乎惟健而後說故三以跛履言上九則視履考祥矣是以鑽堅仰高瞻前忽後顏子之乾也心齋坐忘三月不違仁則是顏子之兌也象曰君子以辨上下定民志履之功用莫先於禮觀諸聖門請問其目視聽言動無往非禮卒龜克己而天下歸仁者惟顏子有是中庸曰或安而行之或利而行之或勉強而行之及其成功一也學者踐履之間苟能審所趨嚮將之以不倦則歸顏亦顏之徒矣願與同志者事斯語 右育齋銘履齋說清祐己酉六月朔書于讀易堂

武岡州新志嘉撰佚其姓末款右育齋銘履齋說清祐己酉六月朔日書於讀易堂同治九年夏五月上梅公館平堂廳地址甫尺許得碑於中堂之左 金石補正右育齋銘履齋說五截五十四行行書同治庚午五月廿日自武岡出土撰書人名嘉不見其姓攷理宗朝有

胡壽者為湘陰令或即其人文云余居武攸倅廳疑時判武岡軍而志不載也僉判折允升志亦不載鄭汝諧知武岡軍在淳熙中折僉判亦在其時鄭汝諧有寶方山詩刻于石搜之未得讀是碑知尚有齋詩刻焉

案育齋銘履齋說所載其人實涖官斯土全文純粹以精非有得於宋儒之教者不能言乃佚其姓無由攷其生平學行之詳惜哉

宋渠渡廟記碑

寶慶府鄭志甯海葉夢鼎記景定甲子四月

宋進士題名碑

武岡州志潘應斗記周森撰咸淳乙丑

嘉慶通志案寶慶府志作淳祐七年攷乙丑乃咸淳元年而淳祐無乙丑明潘應斗題名記所言必有據府志誤也周森府志作周森恐亦字形相近之謬

宋奎文閣記

天下金石志文天祥撰王亞夫書在武岡州學

嘉慶通志案此記作於咸淳二年六月文見寶慶府武岡州諸志然据文信國傳是時尚未官湖南恐府州志所載年月有誤字

宋奎文閣三字

武岡州許志提刑王亞夫書

宋何揚祖喬巖詩刻

石室何肯霹靂開留聽繡斧凱歌同誰知二百餘年後復有旌旗笳鼓來 咸淳戊辰夏五月邵永武三境之民惑於左道弄兵潢池六月春陵何揚祖同棘陽芮大椿侯成龐南翔奉郡將牟侯洎崗臺命提師招捕殲厥渠魁脅從罔治賣刀買犢化賊為民人皆感侯德九月師次白倉游喬巖摩挲刻有元祐張綉使雷題蓋被旨討邵永蠻寇慷慨今昔王事實同因用其韻後之視咸淳猶今之視元祐也九日何揚祖題住山僧如崙石武岡州志在喬巖張綉詩刻後道州何揚祖撰咸淳四年刻

金石補正詩三行行書筆意酷摹山谷跋八行正書雷邵皆未見故所載末題云云得其大略而已案咸淳民叛及元祐蠻寇史志均無所徵所謂郡將者寶志兵書云元豐四年圍結東南路諸軍如西北法共為十三將全邵永州禁兵以應援廣西為東南第九將置將副各一人又視兵多寡置部將隊將押隊使臣別立訓練官是邵之有將始於元豐也何揚祖道州人咸淳元年阮登炳榜進士志載之而不言其後官階寶志据此刻列何揚祖三人於巡歷各官表云不知何職蓋無可攷矣白倉在武岡州東元至正間置屯田於其地

宋渠渡廟封益靈公告

崇福昭貺益靈公告錄 勅武岡軍靈濟廟崇福昭貺公朕務

民之義先成民而後致力於神有能福吾民者雖在遐壤不敢

忘爾神以公爵廟食都梁尚矣都梁之民謂比歲雨暘響答除

其疵癘誦神之功不置其何愛美號而不以慰都梁之民哉可

特封崇福昭貺益靈公奉勅如右牒到奉行咸淳五年六月十

一日以上 太傅平章軍國重事魏國公似道左丞相缺 右丞

相缺 兼權給事中缺 兼權直舍人院缺 七月九日午時都事沈

大能司農少卿右司郎中時暫書擬吏禮房文字陳缺 太傅平

章軍國重事魏國公似道左丞相缺 右丞相缺 吏部尚書缺 吏

部侍郎缺 以上 正書告崇福昭貺益靈公奉勅如右符到奉行以上

正書主事劉舉源令史葉起宗書令史吳若水主管院酋大以上

咸淳五年七月行書

金石補正前後共三十六行書體不一淳祐十一年二月封

崇福公敕見前景定四年四月加封昭貺二字僅見敕尾主

管院書令史及年月五行不錄此又增封益靈二字也敕尾

列銜大傅平章軍國重事者賈似道也左丞相江萬里右丞

相馬廷肅也

宋渠渡廟銅鼎白玉圭

武岡州志咸淳五年頒逮 國朝乾隆四十九年甲辰鼎燬

於火圭存

宋寶方山石刻

武岡州許志後書咸淳壬申季夏望日八字前書溧陽杜士

賢希聖陳漣之天台吳甯衍景文趙永清陳可畊應君定良

君寶侍霽山先生來遊喜雨也四十字筆力遒勁似學東

坡書末有住山梵溪景文刻石八字

宋蓮潭石刻

寶慶府鄭志在新甯縣治北相傳周濂溪先生權邵州軍命

石工鐫萬古提防四字於石字畫遒勁未刊古春陵周某題

并書

湖南通志卷二百八十二

湖南通志卷二百八十三

藝文志三十九 金石二十五

宋岳陽樓記

以下岳州府

方輿勝覽岳陽樓唐開元四年中書令張說出守岳州與才士登臨賦詠自爾名著滕宗諒作而新之范文正公為之記蘇子美書其丹邵餽篆其首時稱四絕

澠水燕談錄滕宗諒守巴陵治最為天下第一增城岳陽樓范文正公為記蘇子美書石邵餽篆額皆一時精筆世謂之三絕云

漁隱叢話東坡言蘇子美兄弟書俱秀俊山谷言蘇才翁兄弟皆喜作大字筆力豪壯亦近世能書者恨未盡見之獨見子美所書岳陽樓碑雖清瘦勁健然乏風韻余不甚喜之金石文跋蘇子美名鼎欽舉進士歷官集賢校理監進奏院被劾除名又得湖州長史卒宋史文苑有傳稱其少慷慨有大志狀貌怪偉當天聖中學者為文多病偶對獨舜欽與河南穆修好為古文歌詩一時豪傑多從之遊又云數上書論朝廷事在蘇州買水石作滄浪亭並讀書發憤懣於歌詩其體豪放往往驚人善草書每酣酒落筆爭為人所傳兄舜元字才翁為人精悍任氣節為歌詩亦豪健尤善草書舜欽不能及官至尚書度支員外郎三司度支判官邵餽號溪齋又

號冲素處士隱居不仕與弟龍圖閣學士鉉並以篆書名於時范文正謫守桐廬築堂於嚴子陵釣臺作客星祠記以書求餽作篆稱其篆高出四海見寶真齋法書贊滕宗諒知杭州徙岳州見宋史本傳傳不言至岳州歲月據此記知在慶曆四年

宋岳陽樓古今題詠石刻

天下金石志岳陽樓古今詩宋滕宗諒刻在岳州府古今書刻宋滕宗諒取古今題詠刻石岳陽樓上

宋白荆隄碑

岳陽風土記閣子鎮有隄曰白荆隄石壁潭在其下亦謂之釣絲潭其深莫測夏秋水漲一日之間或增或減土人以爲龍出入此潭其間多蛟蜃爲行旅之患滕子京作碑隄上戒往來者使陸行

宋崇勝寺浴鍋款

熙甯八年乙卯歲君山浴鍋壹口叁百斤住持傳法沙門顯昇誌匠人丁贊

金石補正右浴鍋款在巴陵君山圓廣未攷題字廿九正書陽識反文鍋在寺內廚下半埋土中吾友岳州太守張松坪德容過而見之拓以遺余按釋典有溫室洗浴眾僧經扶風法門寺有浴室院毛文恪靈異記云唯浴鑊器獨不漂沒此

鍋蓋即浴室之器也

宋范琮去思碑

岳州府黃志范琮字知聞延平人高宗時知岳州軍州有善政岳人立去思碑於乾明寺

宋鐵梢款

淳祐五年拾貳月吉日孟府十位鑄到鐵梢壹樣貳隻各重壹斤

巴陵縣陳志在君山崇聖寺凡二高三尺口寬三尺強三足旁有獅環識云云攷淳祐時孟珙適為荆湖安撫制使應是珙宅所遺

金石補正六行正書陽識梢即桶也今山東河南猶呼桶為梢志題為鐵桶款款不作桶字

宋崇勝寺雲版款

皇帝萬歲 日月 岳州洞庭君山崇勝禪寺本寺今鼎新命工建造雲版一面永鎮山門晨昏香火者皆歲乙丑咸淳元年上元吉日住持祖珽題 鑄士游文彬造

金石補正右雲版在巴陵君山亦張松坪所拓贈上方題四字為一行左右列日月二字左上角缺損下方題字八行正書陽識志載君山廣教寺不及崇勝據此則宋有此寺文云寺今鼎新寺之由來已久或即廣教寺而宋易名也

宋崇勝寺鐘銘記

江河往來船居算請鈔商蔡廷玉祖貫淮西路黃州黃岡縣木蘭山之東天淨港人也考君念九評事妣親柳氏太孺人家傳宦裔歷世此邦昔日紹定壬辰歲後□□□境□踐鄉閭遂挈累偕室田氏三娘寓居江上懋遷離石為資生計幾四十春荆楚江浙之間多所涉歷歲亦勞止沆可小康雖不復家山之舊幸粗置田園於天岳之邦非曰能之要皆洪濤之陰翳也癸酉夏月既望艤舟自常武而下泊於君山之濱崇勝無禱祐老一棹來訪談邊首以化緣洪鐘為請因思鐘之為物迺香火緣中之大器能力成之抑亦美事故不敢辭不虞是夕風濤暴作四舟之相載蕩然東西翌日以次尋獲略無毀失中有一舟自漂去後越三日忽得之君山西之中湖意其所載必成烏有徐啟其扁視其物歸然具存想是時也大澤之側豈無睥睨者在而終不敢發若有神物之呵護其旁危而安失而得造物之垂佑愈昭昭矣後命龜氏亟鑄以酬許心青銅六百緡之費又奚敢吝今來陰相一鼓而成揭鎮佛寺碩大聲宏宵示明鑿□及幽明上超考妣下延後人永嗣其響大叩大鳴銘勳自此祿倍其榮茲述其槩以為歲月之識云 岳州洞庭君山崇勝禪寺新鑄鐘銘 洞庭君山之勝聞天下飛昇秋月第一湖山拱揖於寺之左右水雲繚繞壁隔塵世開慶已未火于兵頑石老一新

之無禪相厥成補其處又五年乃克大備而洪鐘尚咽微撞命予疏其語以求諸檀聞見欣施而蔡叟者願一力而成之遂遣僧慧甯往鸚洲就善工鑄之謂不可無紀楞伽雲溪知祖為之銘曰 天岳形枕洞庭屹君山萬古青殿突兀樓崢嶸頑石創無禪成治洪鐘震禪局透幽宮徹太清擾蛟龍節雲英以眼聞在心聽大夢覺羣迷惺是功德難可名福檀施壽帝齡誰表之我作銘 太歲甲戌歲清拾年四月八日圓成謹題 勸緣前住當山無禪如祐當代住持傳法沙門平軒法坦法靜法安廣祐廣興法寶法雲宗珎宗忠宗詮德桂宗福宗惠宗定宗德宗隆惠坦紹鑑師榮廣洪繼口智空智深崇禮惠空善德師濟德惠善裕崇覺法源頭首寮元師吉知殿廣淨藏主妙口首座口知事典座宗成維那覺本副事德口監寺普明都寺祖鑿前住當山東堂慈浹前任持勸緣沙門如祐當代住持沙門法坦江河往來舟居周諒同室戴氏岳州巴陵縣管捨財徐安國項友諒鄂州江夏縣孟城居大制府帳前葉智造 新鐘煩待輕手撞 皇帝萬歲文武千秋風調雨順國泰民安

金石補正右崇勝寺鐘銘記四十九行又大字四行正書在巴陵君山蔡廷玉泊舟洞庭為風浪所漂散旋獲無恙乃鑄鐘酬許以紀其事而知祖為之銘其大略如此一統志君山寺在縣西南君山上即崇勝寺也舊名楚興湖南通志但稱

寺為晉建厥後無聞讀此紀知宋理宗時幾廢而復興也文云開慶己未火于兵宋史本紀不言及岳惟列女傳云開慶元年元兵至岳州韓氏女希孟被掠赴水死是寺燬于火正在其時也鐘在寺門外平地亦張松坪搜拓見道松坪著有二銘草堂金石聚與子有同嗜焉 甲戌冬湖南通志脫棄以詳嗜金石十餘年陸續搜羅積湘中金石五百餘通屬為補綴爰就未備者次第增纂間亦校正一二他非所問也無論元明碑碣向未輯存自宋以上亦復遺漏繁多徵引疏舛惟贍博匡正焉凡二百四十餘種此為最後附識之

宋紀呂洞賓事迹碑

南遷錄岳陽樓有碑前知州李觀所紀呂洞賓事迹言呂憩於岳州白鶴寺前松下有老人自松梢冉冉而下致恭於呂問之為何乃曰某松之精也見先生過禮當候見呂因書二絕句於寺門壁間其一云獨自行兮獨自坐無限世人不識我惟有城南老樹精分明知道神仙過郡人松下勅亭亭名曰呂仙

金石文跋方輿勝覽云呂巖客字洞賓河中府人唐禮部侍郎渭之孫會昌中兩舉進士不第去遊廬山遇異人得長生訣多遊湘潭岳鄂之間人莫之識岳陽風土記謂岳陽樓上有呂先生留題石刻云朝遊北嶽暮蒼梧袖有青蛇膽氣虀

三人岳陽人不識朗吟飛過洞庭湖据張舜民南遷錄載岳陽樓李觀紀呂洞賓事迹碑一詩獨自行兮獨自坐云云又非卽此詩豈舜民所云二絕句者其一卽朝遊北粵之絕句邪全唐詩以風土記所引一首列之無題諸絕句中而南遷錄一首題云閒題俱不相合未知本自何書全唐詩北粵作北越袖有作袖裏獨自行兮作獨自行來

宋黃誥葆真觀記碑

勅賜葆真觀記

篆額

岳州平江縣勅賜葆真觀記

右朝議

大夫知岳州軍州管勾學事兼管內勸農事輕車都尉借紫鞵捧奏請觀額並立石 朝請大夫直秘閣新差知江州軍州兼管勾學事兼管內勸農事兼江南東路兵馬都監上柱國黃誥撰 大觀元年秋九月天子祀神宗於明堂澤及四海乃降勅書以岳州平江縣道巖爲葆真觀此千歲一遇也去幕阜山四十里有巖石焉蟠地而大插天而高其中空虛了無一物東西透徹車馬往來其廣可以架屋百楹巖之上下流水灌注源源不絕此天池也遠巖四柱森然相望若有所獻此香鑪峯也南一峯仰視霄漢有軒昂不可屈之勢此席帽峯也北一峯深入煙霞與星斗爲鄰此雲蓋峯也有試劍石此許吳真君驪邪斬蛟之故事也有燒丹爐此葛艾先生修鍊飛升之遺迹也有井深不可測故神物蟄藏於其中每歲閏雨鄉人祈禱頃刻而應

至於名花茂草珍禽奇獸開落飛鳴千狀萬態非筆墨所能盡唯覽者自得之風俗相傳謂之道廢或謂之崇仙觀其興廢本末不可得知而其廢后蓋自天地開闢之初已融結剖判如此埋沒於當年顯煥於今日謂之千歲一遇非過論也先是洪州西山逍遙觀道士胡元周經歷巖下徘徊不忍去乃披荆棘具香火作章醮爲人祈福信善之士翕然歸向爭出財力與之修建凡十五年自門庭至於殿宇自殿宇至於堂奧莫不完備守令監司論奏朝廷以葆真爲額可謂幸矣昔者東郭順子人兒而天緣虛而葆真物無道正容以悟之使人之意也消人以言其僞天以言其真也凡人之情莫不緣物而動自緣色耳緣聲緣緣香舌緣味心緣嗜欲五者交戰則人僞長而天真滅矣此緣虛所以能葆真也德臣不足語言有餘物無道正容以悟之不待語言而自化也無意則真有意則僞使人之意也消莫不真也古之道術有在於是者多矣而南華老仙獨稱東郭順子豈非葆真之士不易得哉使郡邑之中山林之下有如東郭順子則人人舍僞而從真不煩號令之督責刑罰之驅除而內外治矣然則朝廷美意可謂深切著明而冠褐之徒安得不勉以報萬分之一乎 大觀三年五月二十日□□□記

金石補正右葆真觀記碑二十五行正書在平江同治甲戌平江令麻竹師維緒搜拓見貽湖南通志失採通志引一統

志云道巖山一名香鑪山引岳陽風土記云在縣東下有老子祠上有仙壇丹竈有池歲旱祈禱有感有許旌陽試劍石又引輿地紀勝云山在梅仙山之東四十里有兩峯南曰席帽北曰雲蓋又有巨石中竅而邃東西與馬往返容屋百楹上下流泉不竭又引明統志云山上有天池又有香鑪山又引縣志云山在縣東九十里有七星石有龍湫龍影洞巖之後有艾仙壇又引明史地理志云縣東北有幕阜山一統志云幕阜山在縣東北接江西界梅仙山在縣北三十里高二百餘丈岳陽風土記云山在幕阜之麓又寺觀門引舊志云葆真觀在縣東九十里舊名道巖宋崇甯開賜今名有葛艾二仙壇及燒丹鑪試劍石九老題名諸勝蹟記所述與志悉合惟賜額在大觀元年志以為崇甯間者約略之詞道巖一名崇仙觀為胡元周所營建則志皆未及知也擇疑即捧字輩捧知岳州志亦不載黃誥字君謨平江人通志引南畿志云熙甯三年進士為長沙簿章惇開梅山增畝稅誥力請罷之徙知益陽尋居喪廬墓芝生六十餘本紹聖三年以朝散郎知欽州朔學舍後遷湖南提刑仕至太府卿至直秘閣知江州軍則未之及也其在知欽後耶

黃左司題道巖橫題 題道巖二十韻 道士元周其姓胡朝來遺我仙宮圖一堆磐石東西向鑿破混沌中心虛欲知地面

深且廣架屋百楹端有餘天池高下相灌溉四柱卓立擎香鑪席帽近南猶仰視雲蓋一峯蟠北隅前崑後崑為表裏直過可以肩籃與吳許遺畱試劍石葛艾棄置燒丹爐當時俗眼固不識一旦脫屣朝清都至今丹井泉源湧下接三江連五湖春來桃李開錦繡宛在武陵溪上居人間酷熱不能到清風白水搖芙蓉霜飛雪落萬木死玉葉青青長不枯三清殿前拜章夜香透真儀七十軀月光射入嵌空內皎皎寒冰在玉壺老龍耽睡忽驚覺一霎萬頃霑膏腴物無疵癘年穀熟有感則通如合符本朝圖經自該說厥後荒廢成邱墟元周抵掌來必葺十四年間復古初崇甯天子降明詔廢者使興傳聖謨郡邑何時能刻奏華封之祝相離呼 崇甯五年八月十八日江夏黃誥作開巖建觀住持焚修元都三洞道士胡元周立石 左司學士崇甯五年八月十八日作此詩未幾守令監司又行論奏朝廷遂得葆真觀額豈非是詩兆歟神仙巖穴顯煥於今日與天地齊久詩亦不泯也門人羅衛謹

金石補正右黃誥道巖詩刻十四行行書在平江葆真觀碑之陰詩作於崇甯五年刻石在賜額之後記與詩蓋同時上石也黃誥為平江人自署江夏者郡望也通志山川門載此多誤要當以碑為正

宋范致虛墓石刻

都轉范公省謁觀文之坐而題 先帝龍飛第一年褒封夜半
達甘泉朝來急召明光殿議論能回不夜天遐想神口今已遠
永懷帝德浩無邊他時信史傳遺事悟主應口數百篇 贊書
寔顯下重泉嗣聖初臨建武年河洛圖書光似日商周盤詰遠
如天孤墳豈意畱空谷直道猶能禦二邊髮髯音塵如在日遺
風雅頌紀新篇

按平江縣志云墓在縣北九峰寺詩刻尙存題款稱都轉
范公不詳其名又不著年月其爲後人追刻無疑攷范致
虛字謙叔建州建陽人徽宗宣和元年自右丞進左丞時
朝廷方用師圖燕致虛謂邊釁一開必有意外之患宰相
惡之詩中議論云云殆指此其他詳宋史本傳

宋建炎石刻

平江縣志宋邑人吳潛德避寇於縣北五十里山中得免大
書摩崖曰恩光普被溪水長流至今名其地曰恩溪

宋石門山谷神二字

岳州府黃志在平江縣東三十里亦名仙廬山宋白玉蟾遊

此題谷神二大字

宋孟珙摹阜山石刻

洞天羣阜山 清祐四年 荆湖制置使孟珙書

平江縣志右五大字正書徑二尺餘左署年月右署銜名字

稍剝落在山右之鐫字崖

案右刻舊通志附載天岳山篆文條下而疑爲近代人手
筆攷之未審今正之

宋仙人橋詩刻

鄉村十里少人家手掬清泉嚼細茶洞口春深却無酒故人相
贈以桃花

平江縣舊志宋清祐間有無名氏刻詩石上世傳爲仙筆橋
尙鞏固高可數十丈無石工費鑿痕上鐫仙人橋三字體亦
古峭今考方氏譜載此詩爲連雲先生方暹作

宋崇惠廟記

臨湘縣楊志元豐中邑令王炎撰在縣東三十里
嘉慶通志案宋史有王炎乃南渡後孝宗乾道四年相未知
是一人否

宋李默堂居士墓志銘

臨湘縣楊志宣教郎知臨湘縣管勾勸農事雷抗撰迪功郎
就注臨湘縣丞梅汝弼書宣和四年正月

嘉慶通志案居士名轍字元明臨湘人葺園名養浩自號默
堂居士作歌詩偈頌碑志啟手自纂集凡五千篇號兌齋編
享年六十六卽葬散木亭之下此志未知出於何時縣志載
之頗詳確

宋閻邱氏墓碑

臨湘縣楊志清熙十四年三山進士孝子閻邱適立族姪進士閻邱適撰錫進士張謐書

嘉慶通志案志載此文碑首云有宋淳熙十一年歲在甲辰仲春月望之翌日頓邱閻邱公卒春秋六十有四越三年丙戌春乙酉葬於所居之東隅攷淳熙十一年甲辰越三年當為丙午不當云丙戌此碑文詞不雅馴恐係閻邱子姓偽託

宋謝仙火石刻

集古錄跋右謝仙火字在今岳州華容縣廢玉真宮柱上倒書而刻之不知何人書也傳云大中祥符中玉真宮為天火所焚惟留一柱有此字好事者遂模於石慶歷中衡山女子號何僊姑者絕粒輕身人皆以為僊也有以此字問之者輒曰謝僊者雷部中鬼也夫婦皆長三尺其色如玉掌行火於世間後有聞其說者於道藏中檢之云實有謝僊名字主行火而餘說則無之由是益以僊姑為真僊矣近見衡州奏云僊姑死矣都無神異客有自衡來者云僊姑晚年羸瘦面皮皺黑第一衰媪也嚮時蘇州有一丐者卧道中相傳云是得僊者也自天聖中余已聞之後二十餘年尚在其人姓沈舉世皆傳為沈卧僊云臥而飲食不漏州縣吏屢使人監守或潛伺察之皆寶臥而不起亦不漏遂相傳以為神既而亦以

病死雖素信惑其事喜為之稱說者亦不云死時有異也斯二人者皆今世人以為僊者如此故並載之

劉貢父詩話永州何仙姑不飲食無漏世傳其神異岳州天慶觀柱以震折有倒書謝仙火三字仙姑云雷部夫婦二人長闊各三尺銀色莫不駭信有熟於江湖間事曰南方賈人各以火自名一火猶一部也此賈名仙刻木記已物耳是亦不可知也嘗有道人自言隋唐間人譚黃巢事甚悉因曰黃六晚節至此張安道尚書云巢六兄弟而巢最小當第六由是推之則道人之言信然乎

岳陽風土記祥符八年春二月既望雷震華容天皇觀西北楹上倒書謝仙火入木踰分字畫遒勁人莫之測慶歷六年滕子京令摹而刻之問零陵何氏女俗謂之何仙姑者乃曰謝仙火雷部火神也兄弟二人各長三尺形質如玉好以鐵筆書字其字高下當以身等驗之皆然東南楹亦有謝仙二字逼近柱礎又不知何也其後摹刻岳陽樓上元豐二年岳陽樓災土木碑碣悉為煨燼惟此三字曾無少損至今尚存謝仙火與歐陽永叔所記大同小異永叔之說恐得之傳聞乎

宋遷復縣署記

華容縣志黃照撰至和元年秋八月刻石甬路

宋寶慈觀碑

華容縣狄志白玉蟾記寶慶二年丙戌七月朔

宋丹竈二字

華容縣狄志白玉蟾書

案二字舊志不詳所在姑仍其舊

宋鼎山廟碑

華容縣狄志理宗時縣令趙希哲記

嘉慶通志案趙希哲燕王德助之後見宋史宗室世系表

宋天王院碑

輿地碑目建隆元年范質書在武陵縣

嘉慶通志按范質時為相事實詳宋史

宋秀水斗門四字

方輿勝覽端拱元年太守龔穎嘗築秀水斗門四字熙甯中

有神仙海蟾翁劉易遊斗門曰此秀水河乃武陵郡一條玉

帶也他年必有繫玉帶之人故又謂之玉帶河

金石文跋劉易忻州人宋史有傳列於隱逸傳云治平末卒

則在熙甯之前矣傳不載海蟾之號但云性介烈博學好古

喜談兵不能屈志仕進寓居號之盧氏習辟穀術亦不言其

成神仙然祝和父書已云然可見今世所謂劉海蟾者其來

已久

宋教子堂碑

天下金石志韓琦撰蔡襄書在常德府

常德府應志教子堂在武陵縣治內宋唐介作尉時建以教

子者韓琦作記蔡襄為書

嘉慶通志案方輿勝覽云介嘗為武陵尉又為沅江令攷宋

史唐介傳沅江作平江其為武陵尉傳不言年月傳言介卒

於神宗熙甯元年据神宗本紀則熙甯二年四月也以其時

約之介尉武陵當在仁宗初年又据史言韓琦卒於熙甯八

年蓋在其後蔡襄卒於英宗治平四年又在其先此碑當在

英宗時

宋米芾書寶藏二字

常德府舊志在乾明寺

宋天慶觀碑

輿地碑目白雲先生管師復集柳公權撰字端楷人以為法

金石文跋攷方輿勝覽列管師復於常德府人物云自號白

雲先生又弟師常名號二管陳公襄以公與伊川經明行修

薦為學官攷陳述古官神宗朝有經筵薦士章彙石刻在蘇

州府學

宋御製八行八刑條碑

常德府志在常德府學

按宋史徽宗於大觀元年製八行八刑條令諸州學刻石
學士鄭居中奏乞御筆刻石立之碑詳見前衡州府八行
八刑碑下

宋武陵帖

紹興十一年正月八日以秘閣法帖合參校有無補其遺佚釐
為二十卷刻置州治以廣其傳紹興十一年十月望日 右承
議郎權發遣軍州鼎州提舉澄辰沅靖州兵馬盜賊公事張斛
勒鐫 右朝請大夫通判鼎州提舉軍州事鐫字胡寅 右承
事郎通判鼎州軍州事趙子疇 右迪功郎權簽書常德軍判
官廳公事趙麟 右迪功郎江陵縣主簿權常德軍節推王若
水 右文林郎鼎州龍陽縣丞權察推陸有勇 右承事郎鼎
州觀察推官戡校任義 右承事郎知鼎州武陵縣丞編次官
趙徑 右迪功郎鼎州武陵縣主簿編次官胡直夫俱款書每
卷尾同
法帖譜系武陵郡齋板本較諸帖增益最多博而不精殊不
足取

石刻鋪敘武陵帖二十二卷紹興十一年辛酉十月郡守張
斛集秘閣法帖合潭絳臨江汝海諸帖參校有無補其遺闕
以成此書復列郡官名銜以本朝太宗御書冠於首卷二卷
至四卷則古帝王書增隋煬帝絳閣之所無者五卷又蒼頡
夏禹書暨古鐘鼎款識六卷以後則歷代名臣帖十卷之末

創二王書五十七卷之首而止二十卷則顏魯公帖居半張
長史草書亦係橫刊視閣絳名賢帖多五之一末卷亦祖絳
帖殿以李建中字較之諸帖為詳然止木本世稱舊有石碑
前未之見且跋語亦不敘及備有舊刻安能入閣之續帖晉
武消息書唐明皇鵝鵠頌等帖 鼎帖則紹興十一年張斛
錢梓始能合諸帖而總為緒正凡二十二卷歲月近在兩渡
之後故及入閣之續帖並汝帖於帙中 絳帖九卷增入張
旭千文四十五字藏真草書乃素書跋顛旭語後云顛草之
趣貴在雄逸藏真乃云其辭又非專為此卷千文但絳初入
石定為直行岡之與鼎則為橫碑子所見絳帖陸續幾十覽
藏真草書筆勢皆有截斷處良由元係橫書絳刊入石遷就
移作直行岡以絳為祖不敢有毫髮異鼎帖紹興續刊者也
亦舍絳而取法於岡是橫刊之為當矣
郡齋讀書志武陵法帖二十二卷皇朝王若谷以秘閣法帖
合潭絳臨江汝海諸帖參校有無補其遺逸成是書鼎守張
斛刻之石

洞天青錄武陵帖二十卷雜取諸帖重摹而參以人間未見
者其間惟右軍小字黃庭最妙他帖無可用也
爾亭攷爾亭修城所得本前有薛稷書義寶過盈尺參神明
以長生匝以曜物得麒麟兩行十八字後高宗皇帝取石入

德壽宮今此兩行鼎帖中刊在辭樓書內

格古要論武陵帖二十卷較諸帖增益最多中間有右軍黃庭經他本所無博而不精殊無足取陳繹曾云鼎帖石硬而刻手不精雖博而乏古意

董其昌跋王伯谷所搨絳帖疑爲澧州帖觀其每數十行輒有武陵二字又疑爲鼎帖緡閣第一卷以宋太宗爲弁跋曰太宗皇帝御筆在絳州摹爲諸帖之首復疑名曰鼎州提舉曰沅辰判事常武爲鼎州而武陵其附城邑也乃定爲鼎帖特爲絳州二字所誤而世人只知有絳帖遂誤爲絳州帖耳嘉慶通志案武陵帖傳世已罕今據常德府志所載每卷末題識銜名錄於前以見梗槩惟云二十卷與洞天青錄格古要論同而與石刻鋪敘讀書志所載卷數不符未審孰是宋人列銜自右而左故小者居前大者居後就府志所載此帖銜名而論勒鐫者爲鼎州提舉張斛鐫字者爲通判鼎州提舉胡寅其跋校則通判鼎州趙子疇常德軍僉判趙麟節推王若水權察推陸有勇察推任幾五人其武陵縣丞趙徑主簿胡直夫二人則皆編次官也府志任幾銜觀察推官誤作觀察推察官今改正其張斛胡寅二銜中亦有誤字攷宋史胡寅傳紹興中一知邵州再知永州獨未嘗言通判鼎州未知是否又據讀書志此帖爲王若谷參校補遺而成今銜名

所列不止一人而王若谷作王若水必有一誤因無帖本可證姑仍其舊此帖南宋時刻於武陵武陵爲鼎州附郭屬縣故當時亦稱鼎帖府志既分鼎與武陵二目又誤收武岡帖於後且誤引讀書志武陵帖跋語附注其下云武岡亦名鼎帖舛謬殊甚矣董其昌謂王伯谷所藏舊本首卷以宋太宗爲弁又行間有武陵二字合之石刻鋪敘云以太宗御書冠首卷及輟耕錄記內府所藏鼎州本蘭亭敘末有武陵二字之說豈非此帖本名武陵之明證乎

宋德山乾明禪院鐘銘

天下金石志張震撰在常德府

常德府應志德山乾明寺鐘銘宋紹興辛巳年張震撰

嘉慶通志案張震見宋史范成大傳

宋朱文公書周易說卦石刻

格古要論自易有太極至是故易逆數也未有朱熹書蔡元定刻攷是書在宋乾道間書孔子易繫詞說卦三節凡八碑在明倫堂東壁依堂壁逆行至國朝正統三年戊午歷年二百五十舊刻漫滅知府周鼎重刻刊正順行教授廬陵劉慶有跋

金石跋尾續石朱文公書易有太極一段蔡元定刻在常德府學明正德乙亥吉水鄧璞爲嘉定縣儒學教諭復摹勒於

吾邑之尊經閣下今移置明倫堂西南向刻手不精遜原本遠甚海隅士大夫罕見文公書得重刻本猶珍祕之子在都門琉璃廠書市得此本益猶常德元刻筆法險勁精采四射殊可喜也

常德府志朱熹書蔡元定刻自易有太極至是故易逆數也凡八碑真行相間在常德府學明倫堂東壁明正統三年知府周鼎重刻

宋朱文公書出師表石刻

常德府志在府學

宋德山張提刑詩碑

提刑判院張公惠山題 閑來楚望着江山水閣分流又一

灣古塔經行脩徑裏孤峯環繞翠筠間昔人舊塔今雖在道價

高風不可攀因念叢林宛如舊當年有願幾時還周金剛曾有寸再為此來今果高一寸四望村深面面山臨流田舍滿江灣

餘矣若非願力安能及此

宿居樓閣翠微外人在煙波欸乃間露重天寒何太早橙黃橘

綠已堪攀風光無限吟難盡他日重來且暫還 紹熙王子重

陽日

金石文編家吾山廣文拓贈武陵德山紹興王子詩碑額題

提刑判院張公德山題篆書五行下刻詩正書十行行十

三字末書紹興王子重陽日王子乃紹興二年張公名碑不

書攷元祐中有張綬提點荆湖南路刑獄見武岡州之奇殿詩豈此題紹興王子為立碑之歲月歟常德府志誤以此詩為周必大作案益公通判鼎州在孝宗朝時代亦不合

金石補正碑立於紹熙王子王子為紹熙三年不知瞿氏何以致誤恐廣文錄奇碑文未經椎拓也詩注內亦有脫誤官

志光宗朝張演為湖南轉運使並非提刑提刑無張姓者此提刑張公不知何人豈張演曾任提刑耶抑即提舉常平之

張釜曾任提刑耶楚望亭名紹定間袁申儒記云郡有德山瞰江近城山陬有亭舊扁楚望載在圖志中更新名移楚望

於舊亭之旁非矣未幾易名雲深而楚望之名遂泯非之甚矣據此詩知光宗年尚未移易也周金剛者祖燈云宣鑑禪

師周氏子常講金剛般若時號周金剛唐咸通中武陵太守再崇德山號古德禪院請鑑居之德山志云師示寂時嘗言

七百年後鐘自鳴鼓自響塔長三寸吾當再來其墓在德山覆以鐵塔即詩注所言也德山即善德山在府東十五里原

名枉山唐書地理志武陵有枉山水經曰枉人山楚詞曰朝發枉渚渚在枉山西也元和志隋開皇中樊子蓋以善卷嘗

居此改名善德又名善卷亦名枉山劉禹錫有謁柱山會禪師詩柱常即枉之譌耳常德志武陵舊事均以此詩為周益

公作按益公有梁山詩殆因是以訛歟

公作按益公有梁山詩殆因是以訛歟

宋善卷壇碑

方輿勝覽武陵縣東一十五里枉山之上有善卷壇古傳善卷隱此山後人為之立觀國朝政和間訪天下遺跡賜號曰遁世高蹈先生郡守李燾嘗為壇記

嘉慶通志案常德府志載紹興元年九月李燾善卷先生祠堂記首云提刑兼府事建高蹈先生祠於常德之德山而為記又云淳熙五年則巽巖作善卷壇記今壇宇雖不存而碑碣尚無恙也云云攷李燾字仁甫巽巖乃其號也宋史有傳文於提刑兼府事下不言何人又作記但稱號則祠堂記似亦李燾所撰然碑中既敘淳熙五年事則祠堂之記在後不當反作於紹興元年攷史傳敘燾以禮部侍郎罷知常德府於淳熙四年之後與善卷壇記正合其後復為提刑兼府事則傳未之及恐有脫略府志既不知作壇記之巽巖即燾而以祠堂記為燾紹興元年作皆誤

宋請顯公住山碑

天下金石志淳熙七年在常德府

宋德山乾明禪院記

天下金石志淳熙十二年在常德府

宋伏波將軍廟鐘款

武陵縣志在武陵縣東北馬侯嶺下伏波將軍廟內高五尺

強口徑四寸銘文漫漶不全惟淳熙十五年字略可辨識

宋御書白鹿書院教條碑

常德府應志淳祐六年在府學

宋石壇精舍碑

常德府胡志府東一里黃龍坡上宋山長丁易東建精舍以教訓生徒捐已田以養之立碑於舍旁年久殘闕

宋康奎蔣口靈巖洞題刻

楊嗣昌靈巖洞記桃源前洞石壁刻元豐庚申五月康奎文叔蔣某子微同遊洞門刻子微詩細書兩字為一行有可惜秦人不至到句

嘉慶通志按縣志載蔣子微靈巖洞詩云一灣溪水出巖泉前洞沈沈後洞連可惜秦人不至到空留名蹟在桃川桃川者宋時有桃川宮也

宋范致冲桃源洞詩

金石文字目錄附行書大觀元年正月

宋唐績題靈巖洞詩

袁中道遊靈巖記至前洞見石竇中一小碑上額篆唐朝奉題靈巖字有分明便是桃源洞不見溪中流落花語餘書石者不悉記

楊嗣昌靈巖洞記前洞左側方磚刻詩一絕落句分明便是

桃源洞不見溪中流落花後書政和某年月日郡倅零陵唐續額篆唐朝奉題靈巖字極了了郡志譌為洛浦師不知何據

嘉慶通志案縣志載唐續靈巖寺呈銳公禪師詩云一水穿巖走碧沙沿溪樛木卧龍蛇分明便是桃源洞不見溪頭流落花中作頭未知孰是又常德府應志謂靈巖洞前積沙中有斷碑恐即此

宋桃源洞詩碑

常德府應志王十朋撰

金石文跋案宋史本傳王梅溪並未至此不知何以有桃源洞題詠梅溪當卒於紹熙三年今宋史作紹興三年字誤

宋欽山二字

桃源縣志欽山二大字在縣南六十里明龍膺於山旁隕壁榛莽中得宋嘉定間銘云從巖頭招提遊聖殊洞數語而銘左復遭匠氏之阨損其半

宋倒水巖題刻

常德府志在桃源縣西五十里聖珠洞有宋人紀遊題壁

宋墨池亭碑

常德府志宋紹定間劉子澄持檄過龍陽香積寺訪張旭墨池古蹟見池亭俱廢留私錢屬征官重闢而亭之南城郭

均錢塘戴宗紹立石紀其事

金石文跋案方輿勝覽張顛墨池在龍陽淨照寺有小池張旭學書於此又宋史有劉清之傳云字子澄曾知衡州然傳言光宗即位起知袁州而疾作遂卒則不應於理宗紹定間尚有持檄過龍陽之事且後又有遊層巖詩在淳祐丙午則此劉子澄恐另是一人

宋重修卧龍寺記

卧龍寺重修記

君臣大義與天地並自昔帝王所以維持世教為千世不窮之計者皆是物也容可以一日廢乎卯金失取孟德與仲謀輩方眈眈虎視於中原謀臣策士皆靡然歸嚮之不暇而諸葛孔明方其高臥隆中抱膝長嘯視之若將浼焉及劉公元德以帝室遺胄三枉駕而訪之則幡然而起披心腹露肝膽確然以身許之豈孔明惜於去取捨富強之國而甘心於困躓無聊之地哉特以夫漢賊不兩立王業不偏安君臣之義在此而不在彼焉耳故自漢迄今千有餘歲雖愚夫愚婦一聞孔明之名之德皆悚然起敬起愛此其義槩英風直可以摩日月而齊嵩華豈一旦所能泯滅哉沅江之西有山曰雲從有寺曰卧龍乃孔明舊游之地後之人思其德而託以是名者也厥寺之陰有水一泓復以洗墨名焉且以為孔明湔墨之池嗟夫裴公遠矣而綠野以裴公而傳少陵往矣而草堂以少陵

而著則卧龍古刹凡所謂雲從所謂洗墨亦在乎人不在乎山水之間也寺之初基止茅舍數椽有僧宗性居焉未幾厄於回祿甲申間宗警復繼之亦惟刈草建廬而已得非存昔者草廬之意乎至乾道二禩始以衣傳子温既而子温以是存之行遊慨然語諸徒曰吾寺乃孔明之舊昔人所以著其大義而傳之萬世者也苟惟因陋就簡輪奐不新龍象不設非所以崇吾法教繼吾先志也於是吹大法螺擊大法鼓以大願力現大神通又得大檀越張仁英共創三門佛殿法堂鐘閣兩廊屋宇揚徽捨塑釋迦大佛率先而為之唱故凡流水長者如曾隆金珠金璣夏友間徐安仁梅氏李邦直皆翕然捨力捨財裝塑文殊普賢九尊部落後殿觀音十八羅漢尊者善法堂上無量壽佛觀音勢至諸殿堂內各安泗州温神地藏十王護教伽藍大聖二聖已上共築十餘尊各有龕帳供臺以一洗前人之故陋易草菅而為杞梓飾粉墨而為丹青萬玉森立於四圍一碧周遭於萬頃像設巍然金碧煥然遂為沅江一邑之冠冕厥後又以餘力置買第四都地名三姑坵孟世興孟友助徐卿等田十畝洎易家山柴山田地等以贖山門以傳不朽凡昔人所欲為而未至者皆一切優為之若子温行遊者亦可謂善繼人之志善述人之事傑出於眾流者歟光發先人微與子温為方外友不啻若伯仲然一旦行遊借住持子温搆所建寺本末以示予曰本

寺係甲乙住持綿歷累代不啻百有餘年其締創艱難有如此者且欲筆此為記余喟然語之曰子温於今則有先人之友義孔明於古則有君臣之大義因今之義以紀其實攷古之義以存其迹其得已於言乎於是乎書若夫建置節目物產界隔則列於碑陰焉聖天子龍飛之歲寶慶改元季夏既望免省進士楊光發撰并書 卧龍寺創建本末茲畫一述于后一寺基一所東抵張仁英水清心南抵湖心內有放生池西抵張瑾田水清心向北尊寺僧塔土墻曲轉向東抵寺山脚而為界一處地名和尚畝地一段田三坵東抵嶺心南西抵李仕維地北抵徐選地一前住持本師宗習度到小師子温子濟一住持僧子温度到小師行遵行昌行周一住持僧行遵度到小師僧道賢道先道瑄道琮道瑯道璨道瑒一行昌度小師道英一行周度到僧道圓一僧道先度到小師僧德暖 歲次乙酉主意造碑住持僧行遵同本師子温立儒林郎知常德府沅江縣主管勸農營田公事兼義勇民兵軍正事余百簡龍牙石匠譚如震

嘉慶通志案縣志云縣西南三十里地名即保舊有諸葛武侯洗硯池名卧龍墨池乾隆乙丑池水竭里人於土中掘得此碑

金石補正右重修卧龍寺記三十行正書在沅江諸葛廟案湖南通志云卧龍墨池在縣南三里舊志又云池在縣西烏龍

寺內蜀漢諸葛亮嘗滌硯於此明統志一洗墨池而舊志謂在縣南三里明統志謂在縣西縣志謂在縣西南記載之不同如此烏龍寺蓋即卧龍寺或音近而訛或後來更名文云在乎人不在乎山水之間卧龍雲從洗墨蓋亦傳會其說耳楊光發沅江人寶慶二年王會龍榜進士撰此碑時尙未登第也雲從山可補志山川之闕沅江合余百簡可補志職官之闕碑立於寶慶元年常德府應志誤以為九年碑陰無字建置節目物產界隔即綴於碑尾以文內列于碑陰之語故志載謂有陰焉碑書劉先主字作元避宋始祖諱而敬字不缺筆何也是碑出土一百廿七年矣從未有錄其文者錄之自今始

湖南通志卷二百八十三

湖南通志卷之二百八十四

藝文志四十 金石二十六 宋

朱張綸撫諭洞蠻石刻

以下辰州府

明統志張綸知辰州沅洞蠻寇邊聞綸治郡有聲遁去綸撫諭酋長俾修貢與之盟刻石境上

嘉慶通志案天聖七年辰州溪崗彭氏入寇遣張綸為辰澧鼎州沿邊巡檢使諭蠻獠以禍福購還掠民遣與盟刻於境上見宋史張綸傳

朱神宗詔章惇制蠻事石刻

辰州府畢志在沅陵縣明溪口石壁上刻朱神宗詔章惇察訪湖北經制蠻事並提刑趙鼎辰州布衣張翹名

嘉慶通志案宋史神宗本紀熙寧五年閏七月庚戌遣中書檢正官章惇察訪荆湖北路章惇傳熙寧初王安石秉政悅其才用為編修三司條例官加集賢校理中書檢正時經制南北江羣蠻命為湖南北察訪使提點刑獄趙鼎言峽州羣蠻苦其剝刻謀內附辰州布衣張翹亦言南北江羣蠻歸化朝廷遂以事屬惇此刻蓋記其事也府縣志俱名此刻為紅字碑不可解

宋陳崇政羽化墓記

辰州府席志在沅陵縣龜山上

嘉慶通志案陳崇政沅陵人政和甲午二月遊衡嶽化去事

載府志方外傳

宋蒙坡山碑銘

沅陵縣志張溥字濟眾為人勇健紹興甲寅有常概叛溥率眾滅之以功奏補進勇副教尉後遷至進武校尉充都巡檢今碑銘存蒙坡山麓

宋洞木山村舍詩碑

辰州府志瀘溪雜識明崇禎初浦市民間登土地祠掘地得碑有洞木山村舍詩一首為考亭朱文公所題其詩云梯雲石磴羊腸繞轉壑飛流白玉斜一段輕煙春澹薄數聲雞犬野人家案公未嘗至辰不知何由得此詩

嘉慶通志案此詩大全集未見桐木山為辰州府城之主山今隸沅陵而浦市居沅陵瀘溪兩界之地故此刻瀘溪雜識載之惟縣志桐字作洞未知孰是

宋鹿子嶺墓碑

辰州府志在三台山下寨中多宋元人墓有碑記

宋口彬墓誌

宋故口公墓誌分書 公諱彬字文質世為鄱陽人高曾大父皆晦迹不仕而考出商蕪水因寓家於竹口兄師兄政和初舉饒郡鄉貢文而不耀公在宣和末居百陰効力於公建炎間天

下調發民兵公慨然奮志捐軀抵龍德之府勤勞王事其年而

歸口佐奉公守法遷邑史縣大夫多以平立無敢下也而後求

田問舍於山幽水口處好與口口口口游待人口口口之口興至則

扁舟浮宅穿煙弄月遂平生之好尚居家則禮口樂善教養子

孫乃有志慕東海之為人公再娶馮翊雷氏有子紹祖不育繼

子文經娶歐氏有男頤為進士公遊於辰陽擇助教清河公之

女為婦孫念一娘適清河公之子公享年五十有九紹興丙子

寢疾於家至明年春初以壽終是歲二月初吉葬於縣之北原

遇晉平公為介子推口節特刊貞石以紀孝思昔紹興二十八

年戊寅仲春庚戌口口

筠清館金石記石墓誌在湖南辰溪無撰書人名正書近邑人築室取土掘得此石讀之知宋人墓誌也拓數紙仍埋於壙余覓得一本文非能手書頗不俗亟著錄之借姓氏不可辨墓所亦不致詳矣

案誌石在道光間出土拓本不可得見据吳氏錄之

宋陶弼贈章惇詩刻

以下沅州府

漁隱叢話東臯雜錄熙甯中章子厚奉詔城沅州時陶弼知辰州贈詩云善戰無如新息侯漢兵纔渡綠蘿洲愛君挽我陶溪粟直到牂牁水口頭詩刻今在洪江寨正與牂牁水相直方輿勝覽同

嘉慶通志案章情時察訪荆湖北路經制蠻事據通鑑情於
熙甯六年冬平江南蠻破益州遂置沅州以益州新城為治
所則此詩當在是時作

宋雁塔題名石刻

芷江縣舊志原在盧陽縣學宋時立石一時科甲俱題名其
上

嘉慶通志案黔陽縣寶祐甲寅薛舉嚴登科題名記末云刻
勒三邑登科姓氏則自有郡庠雁塔在攷盧陽縣置於熙甯
七年即沅州治宋時稱潭陽郡則此刻殆即薛記所謂郡庠
雁塔也明洪武九年以州治盧陽縣隸入辰州府屬 國朝
乾隆初升州為府始即州治置芷江縣附郭宋之盧陽大約
即今芷江之境此刻未知何人所立當在南宋寶祐二年以
前

宋昭烈王碑記

黔陽縣志饒端學撰寶慶初元夏四月

張扶翼書碑記後修龍標邑志按金石遺文於東門外演武
場榛莽中得小石碑一拂拭久之有字可辨知為宋饒端學
所撰昭烈王唐義士張扞碑

嘉慶通志案此碑記南嶽忠靖王諱扞姓張政和間值潘宗
巖犯沅州縱火城危眾禱於王風反賊乃退州上其事特封

靈佑侯攷南嶽總勝集引吳致堯碑云王諱扞政和二年猶
人黃安俊作亂辰州祈禱感應申奏敕封靈佑侯八年因沅
州賊潘宗巖作亂奏請加封佑順靈顯公與饒記不甚相符
又扞作扞字形相似未知孰是

宋黔陽縣重修縣治記碑

沅州黔陽縣重修縣治記類 縣吏之長曰令令長之治曰寺
所以宣德意字吾民初無小大遐邇之間也黔陽秦黔中郡唐
天寶初更名黔江五季叛亂不入版圖國朝熙甯開五溪蠻平
復置隸沅州官寺草創規樞隘陋為令者視為荒僻之邦類不
屑意然山川之傑特土壤之沃美物植之滋茂率頡頏湖左諸
邑况風俗樸靜人士秀發陶染王化垂百五十餘年是亦中州
清淑之氣所旁薄者詎可以蠻荆舊習鄙夷之哉寶慶元年春
昭武饒侯敏學來以學而為政因俗以行化民既安之環睨治
所聽宇墮落椽腐敗左支右撐達于門廡乃喟然曰地雖編
百里號令之所從出誠若是過者生慢於勢訕矣其何以見吏
民邪前乎此者項背相望豈憚於改作而不屑於為與抑拘於
用資而不足於為與何朝斯夕斯而邈未之顧也或謂裨謀
野而獲宓氏彈琴而治令長之政有在此而不在彼者吁民社
重寄苟借是以自解則怠忽之念萌吾所恃以振起紀綱者皆
弛懈弗立矣尙孰從而論政哉居數月歲豐人和公家事簡究

見利病嘆工慮材成謀自我或仍其舊或撤而新鼓樓峻整門
 閣深嚴修廊繩直易茨以瓦有庫有廩吏舍獄戶各有其所高
 明爽壇一旦改觀門東西爲兩燕室榜以雙絕絃歌侯復念惟
 社有壇壇學有宮室風化所關邑之先務社委郊關之外無尺
 椽庇風雨卽邑治東置壇設主仍作齋聽以奉祀事學雖屹立
 祠廟僅存自講堂齋廡至櫺星悉力經營以厲士氣葢侯平易
 近民是役之興用其餘力豪髮無擾竹木材石無不樂與官爲
 市者乃鳩餘材糊寶山道院爲士夫往來愒息之所復立盡簪
 澄練兩亭爲迎送之地至於境內郵傳祠宇悉更新之街衢亦
 整以石縣圃榛蕪已久鉏蕪而疏理之艾製有亭通邨有徑松
 莊有廡卉木之嘉泉石之勝胸中邱壑隨所高下而區以別松
 莊之後又建社倉列規畫備先畧大抵不專爲遊觀設也閱明
 年冬潰成暇日與賓寮登覽其上顧而謂之費不侈力不勞而
 功緒沓濟者固非疆人以所不欲而遂我之所必欲向若疑沮
 於或者之說不過補苴罅漏慨歲月委之而去他奚暇恤焉
 雖然天下之事不患於難成而患於志之不立志立矣又病於
 學之不充學貴於有用仕以行其學古之人所以能大其官者
 學優而仕侯學承于家仕方再調有志立事而立而人不知一
 轉移之無廢不舉不待家撫戶曉俾民知所趨嚮是豈膠轄簿
 書期會者可與同日而語也邑人謁記不復辭因以發侯之志

云耳紹定改元夏五迪功郎沅州州學教授東嘉翁永年記鄉
 貢進士單銓書

金石文編石黔陽縣重修縣治記碑翁永年撰單銓書正書
 廿二行行三十九字篆額五行行二字在沅州府學明倫堂
 庭東壁間

金石補正案一統志饒敏學昭武人朱子弟子寶慶元年知
 黔陽縣嘗修縣治廣學宮建寶山書院士子始知向學據碑
 則是道院爲往來憩息之所非書院矣文敘饒侯百廢具舉
 而篆額獨題縣治統於大也單銓黔陽人寶慶二年王會龍
 榜進士嘗爲本邑教諭

案黔陽新志碑今存縣城學宮後寶山別館教澤堂古碑
 亭

宋饒敏學德政碑

黔陽新志紹定改元立鄉貢進士教授單銓撰并書碑存古
 碑亭

案黔陽新志又云碑陰鐫寶祐甲寅登科題名記及元至
 正八年朱守諒紀事詩今觀嘉慶通志題名記暨紀事詩
 並詳列其文而饒公碑不具錄幾疑縣志之誤及攷陳學
 奎古碑亭記首云學之明倫堂下偏左荆棘中仆一宋碑
 八百餘字爲名宦饒公敏學德政碑次云碑陰續鐫寶祐

題名記等語後云起之草莽覆之數椽竝泐石於道光三年癸未乃知嘉慶摹搨時碑猶仆地拓工僅得其陰面耳不然如饒公之學當時被其澤後世仰其賢斷未有略而不傳者也

宋黔陽縣登科題名碑

沅州黔陽縣登科題名篆 沅楚地也自春秋歷漢隋唐更置不常迫我朝熙豐間復定州立邑而黔陽屬龍標舊境山明水秀代產奇英寶興之歲其預計偕者視鄰邑尤盛至擢進士第盧則開先焉學宮在縣治西南隅昔以敷教扁講堂額文篆而刻畫不楷歲久而丹青已盡清祐壬子予以墨綬來與諸友講貫其間思以明倫堂更之籌諸眾眾曰三山林君元晉曩誕生茲邑篤敘雅好守辰陽日遠遺三大字久欲揭而未能更之亦眾志也迺於是年冬命工鐫刻壯改舊觀時捧鄉書赴南宮者二人而舒夢桂果奏凱捷遂為龍標破荒豈非學校者賢士之所關氣數既回盛事鼎至寶肇端發祥於斯額更新之後乎或曰士之達有時得有命於扁額之更不更無繫也然古今人才較之何優江山旺氣發之何奇不自先不自後恰際其逢若合符券繫云乎哉不繫云乎哉予喜而就為立石以題名于堂之側繼自今撥拾巍第拖青曳紫者楛聯袂續又當大書不一書若夫鋪揚聖朝得人之盛歸美賢侯勸薦之功刻勒三邑登科

姓字則自有郡□□□□□□甲寅郡庠雁塔在旨寶祐甲寅登高前一日邑令東嘉舉舉巖記 舒夢桂

金石文編石辭舉巖黔陽縣登科題名碑篆額三行行三字在黔陽縣學明倫堂庭東壁間上截刻記文正書廿四行下截止題舒夢桂三字姓名以後空石為元至正間人續刻詩於上玩記文語氣似以則自有郡庠雁塔在為一句末行以郡庠臺頭前行自有下似當空今石刻前行有下有郡字行末又有甲寅二字中間似有數字已磨去不可辨或係當時磨改或後人所為俱未可知

金石補正通志舒夢桂登進士第列於寶祐四年據碑則是寶祐元年姚勉榜進士也林元晉知辰州志作林元誤脫晉字盧則開第進士不詳何年黔陽縣置於咸豐三年志以為熙甯間恐未確實終宋之世黔陽第進士者舒夢桂後惟向寵孫一人耳郡甲寅三字改刻時未磨去瞿氏謂則有郡庠雁塔在為句是已下截朱守諒七言六絕元至正八年七月所題

案黔陽新志云攷今碑跡明係則自有郡庠雁塔在為一句其夾入郡字甲寅字及中空六字皆後人所為與原行不相連

宋重修同天寺記碑

麻陽縣黃志熙甯開縣尉黃叔豹撰在縣西

宋李朝林祿洞題名

□□□□麻陽縣尉李朝□□巡警同巡□四世□同天
長老希覺遊林祿洞至暮而歸大觀三年己丑歲九月十九日

題

金石文編己嘉平于役沅州至麻陽縣西五里遊林祿洞
土名蝦蟆洞洞內如屋高丈許左壁有題名七行係宋大觀
開縣尉李某所題正書字徑寸許因作詩紀之麻陽古牂牁
朗江清且泚唐時置錦州辰砂寶產此山連九疊青溪洞列
宛委傳聞有兩珠民居若塵市西北二十里髮鬚避秦人來
住桃源裏別有林祿洞官邨上五里穹然石室清金庭差可
擬土人呼蝦蟆其形頗相似仰望齊天山高祇如培塿爾遐
哉大觀閒仙尉系李耳良秋借老僧遊此題緣起壁餘蒼蘚
字石沒蠟展齒我來霜雪天摩挲生仰止千載想李君瀟洒
定雅士不受抱關束秉燭良有以堪歎今之人營營不知已
長年困簿書肉食真可鄙

宋義帝新碑

以下郴州

義帝新碑 蜀客張俞撰 將仕郎守郴縣令
陳叔獻書 文林郎權知軍書推官劉良肱篆額 戡亂之謂
武除暴之謂仁知人之謂智復讐之謂孝備四者以成大功則

千三百年惟義帝有焉昔秦□□尤暴殄諸侯誑楚誘懷
□為秦鬼遂并其國擊戮其民故楚人怨秦痛入骨髓故曰楚
雖三戶亡□□及凶亥熾虐四海沸騰羣雄號呼六國踴躍
天乃覆秦□楚力拯羣生於是陳勝得以假號項梁□□□
故義帝起而制之天地震雲雷興龍蛇起虎豹騰復六國蕩三
秦遂使殺亥望夷誅嬰軹道昔曰園□□今日楚能滅秦天
地否而泰日月晦而明亦若順乎天而應乎人也及項氏暴強
怨不已用天下之□□死生乃尊義帝徒郴遂沒不返哀哉
夫天命在已則劉項為臣僕天命既去則鯨徒為寇讐神龍□
□□入檻漁童獵婦盡為孟賈悲夫是以聖人慎名器之假
人戒威權之在下畏強臣之立側懼姦宄之□□能據勢以
臨之執權以運之求賢以治之任智以謀之修文以勸之明刑
以威之猶懼夫守而弗□□亂況義帝起于擾攘豪桀始
爭大運去來逐鹿未定勢不獨立權必授人哀哀楚心竟殞荒
報□□□義數項為詞雖非至誠亦足感動天下矣夫其
遺諸侯以誅暴亂可謂武矣出秦民於湯火之圖可謂仁矣
沛公先入關以平秦可謂智矣滅秦以復先王之誓可謂孝矣
位雖不終功亦偉烈雖少康困羿□□矣若齊襄遷紀子胥
鞭楚論德比義我無愧焉嘉祐四年冬十一月適越至郴觀廟
升冢徘徊想象□□因感秦楚之事君臣疆弱之變灑涕

勒碑明其禍敗楚人來讀能無悲乎銘曰 天地否閉聖賢吁
噫龍驤虎變必逢其時匪賢不謀匪時不為□□□庖釣為
師哀哀懷王制命強臣項稱西楚劉王三秦豺狼縱野□□□
□勝既死御帝亦殞郴故曰大運去來實天匪人君乎權乎□
□□得之為神失之為鱗亥願黔首獻非虞賓子登郴冢悲
放弑而霑巾 通直郎守國子博士通判軍州兼管內勸農同
提點銀場公事騎都尉賜緋魚袋彭舉 朝奉郎守國子博
士前知軍州兼管內勸農提點銀場公事騎都尉賜緋魚袋借
紫張兌 張廉

金石補正石義帝新碑在郴州同治甲戌郴人陳學博善書
按得之拓以見遺碑廿一行正書在元重修義帝廟碑之陰
而標題云義帝新碑是碑陽固有文字已為元人磨去矣王
象之輿地碑目有義帝碑不詳何代于奕正天下金石志有
漢義帝碑湖南通志據以列入豈碑陽是漢刻耶歐趙洪皆
未載僅見於司直之書司直於漢碑無紀註於宋元碑並未
載及闕疑可也案漢書地理志郴縣南有義陵祠水經注郴
縣南有義帝冢內有石虎因呼為白虎郡元和郡縣志義帝
祠在縣南一里墓在縣西一里明統志義帝廟在州城西舊
名義陵祠義帝冢在州治西或云在州學後一統志楚義帝
陵在州西南祠在州南元重修義帝廟記云陵在郡之西祠

庭改創於宋之咸淳年間是廟之由來久矣湖南通志不言
廟所自建固不可攷而咸淳改創可據元碑補之志載元碑
不載宋碑職官志載張兌知郴州而不及通判彭舉正推官
劉良肱縣令陳叔獻皆可據此補之張廉恐是刊石人名在
碑右方下

朱劍泉銘

天下金石志張舜民撰在郴州

古今書刻在州康泰坊

明統志劍泉在州城內康泰坊石罅間躍沙而上宋張舜民
嘗刻銘其上

金石文跋張舜民字芸安自號浮休居士邠州人中進士第
為襄樂令徽宗朝歷官至集賢殿修撰卒紹興中追贈寶文
閣直學士事實詳宋史本傳傳言其元豐中朝廷討西夏陳
留縣五路出兵環慶帥高遵裕辟掌機宜文字王師無功舜
民在靈武詩有白骨似沙沙似雪及官軍斫受降城柳為薪
之句坐謫監邕州鹽米倉又追赴鄜延詔獄改監郴州酒稅
此劍泉銘蓋即舜民在郴作也又神宗本紀元豐四年十月
環慶行營經略使高遵裕復通遠軍癸酉復鞏州十一月丁
亥諸軍合攻靈州種諤敗夏人於黑水癸卯種諤至夏州索
家平兵眾三萬人以無食而潰丙午高遵裕以師還夏人來

追遂潰則芸安謫郴當在元豐四年後攷漁隱叢話載東坡云芸安通練西事稍能詩從高遵裕西征回中作二絕一云靈州城下千株柳總被官軍斫作薪它日玉關歸去路將何攀折贈行人一云青銅峽裏韋州路十去從征九不回白骨似沙沙似雪將軍難上望鄉臺爲轉運判官李察聞奏得罪貶郴州監稅

宋窳尊銘

天下金石志張舜民撰在郴州

古今書刻窳尊石刻宋張舜民作在州江畔

名勝志郴州城西江畔石張浮休刻銘其上

舊通志在郴州魚峰山

金石文跋窳尊始於元次山作銘刻石今在道州者是任淵

注山谷詩又云在武昌据東坡武昌西山詩序其在武昌者

蓋元祐元年鄧聖求所刻也然金石錄載有唐李氏窳尊銘

今石鼓西溪岸旁石亦有窳尊二字范石湖石鼓山記已言

之此浮休所刻銘未知以次山所作重刻抑自爲之皆不可

攷矣

宋坦山巖勸農記

坦山巖勸農記筆題 建炎天子卽位之十

九年眷懷南畝無以慰其勤乃詔郡國司牧臣每歲之春奉將

德意躬行阡陌敦勸農桑以昭示務農重穀天下之本之義行
郴郡太守玉牒趙侯暨別乘盧侯欽承制旨夙夜惟寅民事之
宜率古是振當視政之明年春南至于會勝今年春考卜西疇
得此坦山焉于時原人舉趾嘉種薦陳眉鶴髮之叟接武來
會者數十輩於是債相揖進于庭對揚王之休命言喻詳復使
人人咸知君上無一念不在斯民蓋所以謹敦勸之方申歸美
之志禮也勢酒既加撫存既備以手加額者不約而齊曰孰謂
二三大平遺老復覩中興聖政之行天或假以須臾尙冀拭目
以見東都之會雖然今日之事仲叔季弟幼子童孫敢不竭力
耕田以供王民之職已而賓既醉止事協禮成秣馬巾車還轅
趣戒幕中諸公相與升階而請曰昔人或爲山林之遊或爲園
囿之賞且得託文琬琰以歆豔來世今史君此行王命也禮文
之舉政典也抗跡前聞實懼有闕况巖石甚良可磨可鐫僚多
賢其文可述敢告執事侯曰諾遂命門人綴緝其語書以代記
寄居得八人 進士曹宗度門人安世隆華亭柳大成新巡轄
李景超新辰沅巡轄曹漢新平陽令安世忠前判官萬億新桂
陽監押趙不口郴縣尉張瑜權郴縣丞梁浚郴縣令孔浩然推
官彭瀾判官李淳教授鄧深監押趙口口右承議郎通判郴州
軍州主管學事兼管內勸農事主管坑冶事務賜緋魚袋盧口

左朝奉郎權知郴州軍州主管學事兼管內勸農事提點坑冶事務借紫金魚袋趙不口

胡學夔遊記巖口讀宋人勸農文文石未經斧鑿宛然天成

郴州總志萬花巖內有宋太守趙不退勸農碑

嘉慶通志案志云趙不退於紹興十六年中朝奉郎任知州

攷宋史宗室世系表名不退者共六人四人皆不注官階其

一人乃商王元份五世孫階為成忠郎係武職惟贈正奉大

夫士清子名不退者亦商王元份之後其階為左朝請郎恐

即其人

金石補正右坦山巖勸農記廿三行正書在郴州即志所稱

萬花巖勸農文也坦山在州西南三十里見一統志萬花巖

在坦山下見州志瞿氏輯通志時未見此刻已已冬余始搜

剔得之書學誠懸結構有法文首云建炎天子即位之十九

年下有詔郡國司牧云云案高宗即位之十九年為紹興十

五年高宗本紀是年正月初置藉田十六年正月親饗先農

於東郊行藉田禮玉海云紹興十五年十一月十七日詔以

來歲之春祇祓青壇親載耒耜躬三推之禮以風示于四方

閏十一月甲申司農簿朱樸請令守令以歲仲春出郊勞農

遂為故事即此記所敘務農之詔也又云行郴郡太守玉牒

趙侯暨別乘盧侯趙侯盧侯即記末所列之通判郴州盧口

權知郴州趙不口也郴郡郴州桂陽郡也記後題名辰沅巡

轄曹漢新平陽令安世忠前判官葛億郴縣尉張瑜丞梁浚

令孔浩然推官彭瀾判官李渢教授鄧深無一見於官志者

鄧深見明統志湘陰人紹興中進士為大府丞出提舉廣東

市舶汪澈薦其才擢潼川路都運使鹽酒虛額久為民害深

請蠲除之守令貪污即劾奏虞允文貽書云不畏強禦思濟

斯民挺然之操未見近比後以朝散大夫終于家湖南志選

舉云紹興十二年陳誠之榜進士人物傳云字資道一字紳

伯試中教官餘與明統志略同正與此合新桂陽監押趙不之下似

是程字官志有趙不懋知桂陽軍無趙不程為桂陽監押仍

闕之石根為泉流所汨不得盡拓盧趙二人名皆不見官志

通判郴州者有盧械當即其人知郴州者有趙不退郴州總

志以此記為趙不退勸農碑當不誤耳十六行僚字下又一

僚字其上半數筆屢雜於上僚字之間想係匠工之誤或後

人所妄鑿十七行元上一字右旁是亥左旁似系而未得其

解不敢率定十八行戊字作戌非石泐即刊刻之譌龍集戊

辰月應夾鐘贊餘三莢者紹興十八年二月廿七日也

宋張南軒書萬花巖三大字

蔡來儀胡學夔遊記在巖頂側

宋趙昌言白鹿洞禱雨題名碑

凌儀趙昌言永嘉宋仲溫吳郡鄭處厚并門張仲處禱雨愆此
淳熙壬寅季夏四日

金石補正四行正書趙昌言以禱雨愆此是官於郴者而官
志無名宋史有趙昌言傳汾州孝義人終於真宗朝別一人
也官志孝宗朝知郴州者有趙彥操趙介趙汝亦趙不俄四
人或昌言是字而非名究不審爲何人之字也

宋天下第十八泉六大字

郴州總志宋万俟俟傳題在郴州南二十里秀才鄉會慶寺旁
有圓泉從石竇出字極道勁

嘉慶通志案郴州總志職官又載有万俟俟嘉定十一年知
郴州而無万俟俟傳恐侶即傳之謬

宋申禁坑冶記碑

郴州志景定五年三月丙子朔朝請郎知郴州軍州事兼管
內勸農營田公事節制屯戍軍馬王楠撰書

宋申禁坑冶省符碑

嘉慶通志案前申禁坑冶碑記云遂伐山石摹省符於治所
著顛末於碑陰若其觀縷已具詳郡奏并申省茲不復具列
則此碑與前碑同時所刻而州縣志俱未載

宋秦少游踏莎行詞

霧失樓臺月迷津渡桃源望斷知何處可堪孤館閉春寒杜鵑

聲裏殘陽樹 驛寄梅花魚傳尺素砌成此恨無重數郴江本
自繞郴山爲誰流下瀟湘去 秦少游辭東坡居士酷愛之云
少游已矣雖萬人何贖芾書 淮海詞東坡語元章筆素號三
絕碑騷人詞客得之寶惜余來守是邦首訪舊刻把玩不置因
謁蘇僊山少憩白鹿洞口偶披藜而上有泉出乎兩山之間於
是草創小亭環植桃栽追思唐孫會何異武陵之境之句慨悟
少游桃源望斷知何處之所詠迺命工以其詞鑱之石壁尙與
此景同傳不朽云咸淳丙寅春辛卯月邵武鄒恭跋

金石文編石秦少游詞米元章行書十一行行八字在郴州
下截爲咸淳二年二月郴州守鄒恭跋十三行行十字正書
乃記刻此詞之本末也攷黃山谷有跋秦少游踏莎行卽此
詞也云右少游發郴州回橫州多顧有所屬而作語意極妙
似劉夢得楚蜀間詩也又冷齋夜話云少游到郴州作長短
句云云東坡絕愛其尾兩句自書於扇曰少游已矣雖萬人
何贖今以石刻校兩家所引詞句有不同處如何處作無
尋處殘陽樹作斜陽暮又郴江本自繞郴山之本作幸似皆
當以石刻爲正然據漁隱叢話引詩眼謂淮海小詞云杜鵑
聲裡斜陽暮山谷曰此詞高絕但既云斜陽又云暮則重出
也欲改斜陽作簾櫳余曰旣言孤館閉春寒似無簾櫳公曰
亭傳雖未必有簾櫳有亦無害余曰此詞本模寫牢落之狀

若曰簾櫳恐損初意先生曰極難得好字當徐思之云云則此句似經後人改定者豈即出於元章之手耶又攷周益公有跋米元章書秦少游詞云借眼前之景而含萬里不盡之情因古人之法而得三昧自在之力此詞此字所以傳世似亦即指此刻而言也郴州總志云鄒恭咸淳元年由奉直大夫知郴州而不著其籍其據此刻知為邵武人

嘉慶通志案殘陽樹明浙板淮海集作斜陽暮徐渭評云王直方詩話載黃山谷惜此詞斜陽暮意重欲易之未得其字今郴州志遂作斜陽度此亦何害而病其重也李太白詩曉彼落日暮即斜陽暮也云云渭所見郴州志乃萬曆胡漢本今楊桑阿志已從淮海集改正而不知石刻作殘陽樹也郴州總志載少游此詞題作白鹿洞又載其阮郎歸一闕又云桃花流水溪自蘇仙山中觀之前下其水清瀉經白鹿洞前流入郴江古岸秦觀三詞刊石上云三詞則二詞之外豈尚有一詞俱刻於此耶

金石補正通志載此有脫誤據石本錄之跋云素號三絕碑則此詞此書先有石刻鄒恭殆重模勒之耳環植桃栽之栽或以為李於義自順而諦審拓本實是栽字

宋蘇仙山題字

郴州總志郴州蘇仙山石壁有霞旭霄霽鶴雲朝霽八字字

徑三寸甚道勁無年月相傳為宋人書

宋蘇仙嶺題名

瀟湘聽雨錄郴州蘇仙嶺有宋元人題名

宋仙母山壽字

正書含隸體字徑六尺許

古今書刻宋令徐經孫刻在永興縣東

明統志山在永興縣東二里下有蘇仙觀宋縣令徐經孫曾刻壽字碑於山之石岩

舊通志在永興東雷墳下知縣徐經孫摹漢篆刊石

嘉慶通志案宋史徐經孫傳云字子立寶慶二年進士授瀏陽主簿辟永興令知臨安縣通判潭州郴州總志謂其端平門任永興攷傳言經孫知臨安並非臨武今桂陽州張志載入臨武又以其字子立為中立恐皆誤明馮允中有壽字碑詩云斷崖古隸侵苔色聞道漢時方朔勒則竟以經孫所摹壽字為東方曼倩手筆矣

宋香明寺捨田碑

永興縣志寶祐二年朱大計記在永興縣西南十里

宋安遠院鐘款

南雄州保昌縣上朔剛謝行可全妻劉四娘男楫格等故父存日建安遠院鐘樓一座鐘一口其鐘今口行可今備錢鑄造伏

乞國泰民安次乞父健母譚宋生娘兄善通遠魂生天住持僧志逢化緣行者周實清勸緣謝公信辛思謂匠人譚富等工夫歲次宜和五年癸卯十二月日謝行可辛添奉口乞亡父母超昇

宜章縣陳志鐘高三尺許口徑一尺九寸在鎮興廟宋野石巖三大字

郴州總志湖南帥潘疇書字畫朗然

宜章縣陳志野石巖上鐫野石鋪三字徑二尺三寸有奇無年月姓名舊志作湖南帥潘疇書野石巖三字今巖字作鋪無姓氏可攷未知即潘書否旁有宋人仲權滕瑱次韻詩刻嘉慶通志案朱子石鼓書院記稱部使者潘侯時又直顯謨閣潘公墓志銘云公諱時字德鄰据墓志時先為荆湖南路提點刑獄公事後知潭州安撫湖南又稱其少喜學書得顏歐楷法勁挺嚴密如其為人則此野石巖題字者恐即潘時也時與疇或字形相近而誤

金石補正右野石鋪三字無書人名舊以為潘疇書者傳聞不足据然亦非宋以後刻若出近人手則必作舍旁之鋪云通志列清熙年今附宋末

朱管鑑蒙巖題名
括蒼管鑑將使命自湘隴領以清熙丙午登高於蒙巖臨川失

鑑三山陳英同來湛淇洪侍

宜章縣陳志七行行五字

金石補正七行正書領古嶺字通志作嶺通志職官吳鑑孝宗朝令宜章光宗朝知郴州甯宗朝提舉茶鹽此正令宜章時也一統志云吳鑑臨川人清熙中知宜章縣解除煩苛同民好惡為條教以諭民嘗建學修城陸九淵為之記江西通志云字仲權吳曾從弟崇仁人隆興元年木待問榜進士知儀章縣興建學校風俗為之一變召試除正字輪對愷切上為改容知武岡軍創社倉八十餘所復以司封郎中召入對極言御批除目之弊出為湖南轉運使以敬名齋張南軒為記有雲巖集郴州武岡軍提舉茶鹽轉運使彼此歧異恐是江西通志之誤志又載其所撰蒙巖記碑蒙巖為所命名也管鑑見石鼓書院記碑跋

宋雷深蒙巖題名

廬山雷深自武陵郡待次蒙恩易憲東廣取道舊治清熙丁未九月廿九日

宜章縣陳志七行行四字末行五字

金石補正七行正書廿通志作二十通志職官雷深令宜章在孝宗朝此故云取道舊治也人物志据姓譜云雷深長沙人清熙九年知宜章縣建學宮給廩課士士多賴其成就歷

官吏部郎中此署廬山則非長沙矣然慶元題名內有歸長沙之語豈後經遷徙耶江西通志云雷深字朝宗建昌胡銓一見大嘉賞張栻亦推重之

宋蒙巖記碑

郴州總志清熙戊申五月庚戌望臨川吳鑑記

宋題蒙巖良巖友泉亭泉槃澗介石魚淵等字

郴州總志吳鑑蒙巖記云余來宜章得石竇於道觀景星之東怪石林立其巔有巖砥平助澗可書可刊於是首得之巖命之以蒙末得之巖命之以良蒙之泉謂之友泉良之泉謂之亨泉澗曰槃澗崖壁曰介石灣碕之下則曰魚淵乃求名筆歷識其所

宜章縣陳志亨泉二字在縣南一里良巖石上徑一尺又隸書良巖二大字徑一尺五寸

宋仲權滕瓊野石巖詩

夏夜渾如秋氣清
夢回風露溼桃笙
漸忻月色分山色
所恨蛙聲亂水聲
仲權 口未五月丙寅 稻香藹藹暑風清
下馬傳觴聽水笙
父老指詩懷舊尹
為鐫崖石記心聲
身傍蓬萊近紫清
巧言一出忽如笙
祇今家食應無恙
書倩衡陽雁寄聲
紹熙辛亥六月中
伏日出郭觀稼
小休野石讀仲權
正字壁間所題詩
因次韻併刻巖石
以慰邑人去思
不忘南都滕瓊伯真

父

宜章縣陳志在宜章縣野石巖野石鋪三字側仲權姓名未見玩滕瓊和作是仲權亦曾官斯土者案紹熙二年辛亥上溯清熙二年為乙未十四年為丁未舊志作吳鑑詩攷鑑宰宜章時正在清熙丙午丁未間石刻未上闕一字疑是丁字仲權豈即鑑之字邪

金石補正前後共廿七行行書回志作迴併志作竝均非仲權為吳鑑之字見前跋通志滕瓊孝宗朝令平江光宗朝令宜章與此合惟不詳其南都人可据補之瓊又嘗為桂帥屬僚見詹儀之伏波岩隱山兩題名

宋雷深蒙巖題名

廬山雷深清熙丁未司憲東廣九月廿九日經從義章紹熙壬子自番禺守越口口就除尚書郎口出守吳門次來冬奉祠歸長沙慶元乙卯除憲廣西道中復改守番禺丁己被詔赴闕復以九月二日同縣宰臨川鄒非熊再會蒙巖上感歲月之推移喜溪山之如舊酌蒙泉拊羣玉徘徊久之

宜章縣陳志十八行

金石文跋題名在宜章縣蒙巖口攷姑蘇志守令表雷深以朝散大夫直煥章閣紹熙四年七月知蘇州五年九月主管建甯武夷冲佑觀即題名所云出守吳門來冬奉祠歸長沙

事也

宋吏部尚書郎李伯湛墓表

宜章縣陳志秘書省校書郎陶崇撰嘉定甲申三月

嘉慶通志案文云葬連州黃泥凹於墓後立祠祀之則此表似不應載入湖南因其為宜章人姑從縣志附存之

宋姚逸仲蒙巖題名

寶慶丁亥九月念乙日盱江姚逸仲偕婿饒穎未男定叔來游

宜章縣陳志四行行六字左行

金石補正通志乙作一盱誤作盱穎未之未作叔

宋趙希逾蒙巖平猿紀事題刻

紹定六年春正月湖南帥寶學侍郎余公嶸聞宜章寇警檄知
郴縣兼幹辦公事趙希逾以十日乙卯領兵招捕癸酉追戮鄧
宋二酋斬首六百有奇俘五十釋戈請降之人三千大槁師徒
破箠而東勒石僊館以志歲月

宜章縣陳志在縣蒙巖九行字徑四寸許通志蒙巖露布在

縣東一里宋紹定六年猿嶺猖獗侍郎余燦勦平之刊露布
文於蒙巖石上今尚存郴州志及縣舊志所載同攷封演聞
見詳露布捷書之別名也諸軍破賊則以布書建諸竿上兵
部謂之露布蓋自漢以來已有其名所以名露布者謂不封
檢露而宣布欲四方速知亦謂之露版魏武奏事云有驚急

輒露版插羽是也今觀壁文乃平寇紀績之詞非露布體也

且希逾奉檄而往斬俘之功當歸希逾而以勦平屬之余嶸

非是嶸字諸志皆作燦亦誤通志秩官不載嶸名宋陳振孫

直齋書錄解題載史燕錄一卷為尚書戶部郎龍游余燦景

瞻撰紹定辛未嶸使金賀生辰會有寇行至涿州定興縣而

回或即其人又趙希逾端平中曾任宜章遷建學宮入祀名

宦舊志有傳茲刻稱郴縣郴州志不載

嘉慶通志案余嶸後於端平二年十二月同簽書樞密院事

見宋史本紀又考宗室世系表希逾乃燕王德昭之後師克

長子

金石補正志載余嶸為安撫使此正其時又載趙希逾令宜

章不及郴縣文云鄧宋二酋寇警不見於史斬首至六百有

奇何以史無一語抑侈張其功耶僊館當是景星觀在蒙巖

之側道人所居也未句有小正書三行椎拓不清僅見丁卯

秋字恐亦非近人所刻識之以俟再拓

宋主善巖題刻

主善巖 太歲庚午咸淳六年九月上吉日自備財開山砌

基初立同修淨景信女劉氏男李享惠 開山巖主明庵居士

應園謹記

宜章縣陳志在縣沙市街巖中懸巨石上主善巖三字徑五

寸

寸
金石文跋躬字想即己字而加身旁字書所未見想當時俚俗所用之字也

宋關帝祠石刻

郴州總志在興甯縣城內關帝祠

興甯縣羅志石刻做好人行好事讀好書說好話十二筆字

宋儒朱晦菴為之贊今現存

宋天下奇觀四字

明統志奇觀山在興甯縣南二十里上有石刻天下奇觀四字

郴州總志在舊治後宋令趙崇尹於山麓大石鐫

嘉慶通志案宗室世系表趙崇尹係漢王元佐之後州志云

嘉定七年任興甯令

宋貢士莊碑

興甯縣羅志清祐十年朝散郎雷應春記

宋辰岡書院學莊記碑

興甯縣羅志袁文敷記咸淳九年

宋辰岡書院記碑

興甯縣羅志郴州教授沐應泰撰咸淳十年

宋虎頭寨石刻

郴州總志濂溪吟弄處在桂陽縣西桂枝嶺對岸虎頭寨脚石突臨江先生築亭吟弄字猶存今石記

宋柳宗傑修路詩刻

桂陽縣志明嘉靖初教諭翁繼榮得馬坎嶺斷碑首截郴州路三字有紹聖三年桂陽縣尉柳宗傑修路詩前二句云煙嵐深僻縣窮隅獨道難恐不如餘字皆模糊不可辨攷元時始置郴州路而紹聖為宋徽宗年號殊不可解

嘉慶通志案桂陽縣志拾遺卷既載柳宗傑一條又於藝文內載修馬坎嶺路詩云延袤山路更崎嶇蜀道雖難恐不如使者久懷謀改易海仙加意為興除盤開怪石人何憚洗出夷塗地有餘安穩不妨馳驛騎寬平惟稱走肩輿往來盡脫層崖險陟降誰憂舊棧虛旬日工夫千載利好題名姓在圖書署為宋葉通判作注曰失名見州志查州志無此詩而縣志所載一為縣尉柳宗傑一為葉通判姓氏官階皆不相符且拾遺所引煙嵐深僻之句亦與全詩起句互異惟蜀道雖難恐不如七字相合耳又拾遺云餘字皆模糊不可辨然則此詩全篇又何從得之邪至碑題郴州路者當是指修路而言也縣志以元時始改州為路疑之誤矣

宋濂溪祠碑

桂陽縣凌志邑令臨川周思誠記嘉定十五年六月

嘉慶通志案周思誠字純夫官桂陽有政績歷官至侍郎

湖南通志卷二百八十四

〔光緒〕湖南通志 卷二八五

湖南通志卷之二百八十五

藝文志四十一 金石二十七 宋

宋來威寨石刻

以下靖州

靖州呂志在城西南百里今中洞鄉宋將率逢源既平姚民
敖因遊巖洞洞中石上刻有率公至此四字

一統志宋淳熙中率逢源討平峒賊姚民敖築臺於州西南
來威皆以受降

宋觀亭記

靖州呂志紹定四年四月甲子臨邛魏了翁撰

案宋史儒林傳理宗寶慶元年以了翁權尙書工部侍郎
了翁力辭乃以集英殿修撰知常德府朱瑞常劾之詔降
三官靖州居住至靖湖湘江浙之士不遠千里負書從學
乃著九經要義百卷紹定四年六月與真德秀同敘復元
官則四月尙居靖州也

宋教授題名記

靖州呂志魏了翁撰

宋鄭瑛題名

天下金石志鄭瑛清波湖題名在會同縣 古今書

明統志在會同縣清波湖宋鄭瑛倅是州游此題刻於石

金石文跋攷明成化諸司衙門官制綏甯縣青坡巡檢司清

波作青坡又重修官制作青坡攷祝穆方輿勝覽青坡湖在會同縣則青波當作青坡為正靖州志謂鄭瑛以奉議郎知靖州据明統志當作靖州通判

宋澧陽帖

以下澧州

法帖譜系澧陽舊有法帖石本其後散失僅存者右軍數帖而已

間者軒帖考澧陽刻帖十卷甫完即播散僅存右軍書甚精嘉慶通志按此帖未知何人所模不著於石刻鋪敘而法帖譜系言之亦不詳殆亦消化閣帖翻本之一種與

宋八桂堂碑

天下金石志胡寅撰在澧州嘉慶通志案方輿勝覽云八桂堂在澧州治胡致堂記以堂之前有一桂叢生八幹故名之

宋范文正公溪東書院碑

澧州志林寶慶丁亥上元日承直郎澧州軍事推官任友龍記朝奉郎通判澧州軍事賜緋魚袋羅源書朝請郎大宗正丞兼金部官聶洙隸額

宋黃山碑

安鄉縣張志治平四年縣令鄺因撰在縣西六十里

宋重建范文正公書臺碑

安鄉縣張志慶元丙辰四月既望澧州州學教授王仁記在縣治北

宋安鄉縣重修儒學碑

安鄉縣張志慶元三年十一月望日澧州教授朱承孫記
□□□通判澧州軍兼管內勸農營田事賜緋魚袋湯況篆額從事郎澧州錄事參軍□□□書明年仲夏望日知安鄉縣胡仁榮學正祝元振立

宋李元舉思賢亭碑

澧州志林在安鄉范仲淹讀書臺側理宗時縣令李元舉建今剝落不可誦

宋太平興國觀碑

安鄉縣張志在縣北一里

宋黃庭堅書蒙泉二大字

蒙泉 申陵黃魯直書

金石文編石門縣方頂山有蒙泉二字正書大徑一尺五寸許其右有小正書申陵黃魯直書六字陽文凸起

澧州志林蒙泉在花山有二泉宋紹興初黃魯直為章惇蔡卞所忌貶涪州安置戎州黔州又改宜州經此題蒙泉二字於石壁

金石補正案總志花山在縣西十五里山下有蒙泉方頂山

在縣西一里此刻在方頂與澧州志林所言不合當是後人所爲石門志以爲明代摹勒良非無因姑錄之土人云此二字懸諸堂宇可以辟火殆神其說耳

宋夾山寺鐘款

皇帝萬歲

大觀三年己丑歲五月初四

石門縣志夾山寺鐘宋大觀三年五月鑄重萬斤

金石補正二行正書陽識上方篆文四字分列四稜案石門

志云夾山寺即普慈寺唐時建又云夾山在縣東南三十里

古靈泉寺地又云夾山本僧善會道場世傳善會未入山時

荒谷無人周野人者廬其中貌極兇惡人至輒食之師入

求宿適野人外出其妹令速去吾兄食人善會云不妨有頃

周野人歸欲加害師以水噴之遂黏壁不得脫野人告哀求

免師命回心野人皈命乃釋之今爲夾山伽藍有塑象在又

師住夾山僧問如何是夾山境師曰猿抱子歸青嶂嶺鳥銜

花落碧岩泉楚寶云善會廣州人姓廖氏中和元年示寂諡

曰傳明据此知夾山之緣起當在唐季志所謂唐時建者是

已普慈靈泉志不詳其建置廢復之由夾山之名何時改易

殆不可攷

宋清泉寺古鐘款

皇宋澧州石門縣臨澧鄉小瓊村善溪保王家谷土地分居奉

眞秘籙嗣法弟子功德主王惟慶同妻向氏七娘男子俊子卿

新婦張氏度氏孫安國安泰安智安喜安尙等謹施家財壹伯

貫鑄造洪鐘一所捨入本觀燒香祝延聖壽上所祖彌孤魂同

齊利樂鄉閭肅靜物阜時康 太歲甲子景定伍年正月上元

吉日本觀開山住持道士李夢庚謹題 勸緣存志觀住持道

士兼管內道正羅德明施錢叁貫足王子卿施錢叁貫足鑄匠

蕭興同母彭氏九娘施錢伍貫足 皇帝萬歲重臣千秋文武

官僚常居祿位

石門縣續志本存志觀鐘不知何時飛來道光五年縣令何

正機飭砌磚圍環護題曰飛來鐘款云宋景定五年正月上

元臨澧鄉小瓊村王惟慶施鑄云云一一可辨製造工緻字

迹古雅閱六百餘年臥地不鏽苔蘚不侵亦一奇也舊志作

層山寺款識點畫殘缺者誤

金石補正右存志觀鐘款正書陽識在石門清泉寺按縣志

存志觀在對河東南十餘里清泉寺在縣治城隍廟東唐時

初建鐘鑄於存志今在清泉移置何時殆無可攷何正機以

爲飛來里巷無稽之說耳臨澧鄉今猶仍其名在縣南小瓊

村善溪保王家谷皆鄉里之舊稱惜無從指證也土人云鐘

製精鍊光潤可鑑有污穢之者後遂黝黯無色何大令砌甃

環護實亦由此而推拓頗艱矣澧石間今多度姓鐘題有度氏知宋末尚不作度

宋紫雲山石柱字

〔一統志〕在慈利縣南七里一名鸞雲山宋仁宗嘗建觀於上今鐫字石柱猶存

宋秀峯嘉惠廟記碑

〔一統志〕劉子澄撰在慈利縣東南七里秀峯山廟內案宋史劉清之字子澄有傳嘉慶通志云此記稱劉子澄撰恐非劉清之作詳見常德府墨池亭碑下

宋燕子巖三字

〔一統志〕燕子巖在慈利縣東南二里宋端平間題燕子巖三字於洞

宋許恭人墓碑

澧州志林在安福縣長樂西村

宋孫頤拙翁銘

以下桂陽州

〔桂陽州志〕拙翁巖在州東鹿頭山脊宋孫頤嘗遊此以拙翁自號刻銘其上頤英宗時知桂陽監

〔嘉慶通志〕案頤字景脩長沙人劉摯忠肅集有和其闕鹿頭山詩

宋平陽令棲真巖詩

〔桂陽州志〕張志在州東鹿峯山後熙甯間平陽令有詩鐫石云蠻獠肅靜邑民安獄訟甯煩盡日閒策杖時來巖石坐片心聊共野雲閒

宋甘露堂記

天下金石志張舜民撰在桂陽州

〔明統志〕堂在桂陽州治宋元豐中甘露降故名張舜民作記金石文跋今之桂陽州唐置鑄錢監於此為桂陽監至南宋紹興三年始升為軍元豐時尚稱桂陽監宋制諸州仍係以舊郡名故郴州亦名桂陽郡其時芸安謫官郴州甘露堂恐在郴州桂陽郡治未必在今之桂陽州治也又攷宋史神宗本紀元豐元年七月夔州言甘露降九月河中府甘露降二年正月穎州壽州甘露降四月六月南康軍甘露降七月瓊州甘露降十二月桂州甘露降而獨不及桂陽

宋桂陽軍減稅碑

長沙府呂志李椿字壽翁永年人湖南運副請減桂陽軍月椿錢萬二千緡損民稅折銀之直民刻石紀之

〔嘉慶通志〕案李椿洛川永年縣人後寄居衡陽縣野塘上歷官敷文閣直學士致仕淳熙十年十一月卒葬衡州花光寺山後二里朱文公作墓志銘文見大全集攷宋史有傳其官荆湖南路轉運副使當在紹興末年長沙府呂志作永平人

平字乃年字之誤今改正

宋勅賜桂陽龍渡山神廟額記

程陽州張志清熙十四年知軍溫州陳傅良摹石竝跋

嘉慶通志案州志清熙作紹興又陳傅良作陳良傅攷宋史

儒林傳陳傅良溫州瑞安人傳言其通判福州丞相梁克家

領帥事為言者論罷後五年起知桂陽軍光宗立稍遷提舉

常平茶鹽轉運判官攷宰輔表梁克家於乾道九年罷相以

觀文殿大學士知建甯府則傅良知桂陽不應在高宗朝且

据傳言傅良卒於嘉泰二年後年六十七上距紹興十四年

有五十八年之久其時傅良年止九歲耳紹興恐是清熙之

誤今皆改正

案通志攷辨固明然考新州志敕賜在前立記在後蓋清

熙時陳傅良知桂陽軍為龍渡山廟立記而竝摹紹興十

四年敕黃於石也張志誤合為一便覺混淆通志据宋史

知傅良於清熙時知桂陽軍遂改紹興為清熙而於十四

年不合則猶未審致誤之由也

宋仁宗飛白書龍鳳千歲四字

舊通志在臨武縣學宮內

宋米芾書秀巖二字

秀巖橫榜徑一尺五寸許襄陽米芾書 嘉定五年六月望日通直郎

知桂陽軍臨武縣事夷門王淮立 李昌榮刊

王淮秀巖易名記臨武縣南十有五里有巖焉在官道之右

石崖巖然峻拔巖居其高之半予家有米南宮所書秀巖二

大字墨書乃摹而鏡諸石以為之名

臨武縣志宋縣令王淮鐫於鳳巖石壁

嘉慶通志案王淮易名記作於嘉定五年六月桂陽州志云

淮夷門人

金石補正零陵武志載朝陽崖西亭宋令王淮鐫米元章秀

巖二字今未之見疑即是刻之傳訛志載王淮令零陵不及

臨武可据補之秀字左有明洪武年桂陽府判題名其名已

泐

案米襄陽便養官長沙在熙甯元豐之間故浯溪題詩在

熙甯乙卯麓山寺碑題名在元豐庚申凡其所書必在是

時也王淮易名記通志云作於嘉定則字即刻於嘉定新

州志云紹定時王淮以米芾墨迹刻巖石按嘉定五年至

理宗改元紹定凡十七年時日懸絕而慶元時朝陽巖題

名暨嘉泰時作柳巖記之王淮當即此人距嘉定王申不

遠則州志之誤審矣

宋岳飛研題款

臨武縣張志記遺順治九年曹永國志建舊部餘卒自粵下

衡陽道臨武屯於城東越二日去有童子於屯所拾一磨稜
研歸值李君生生於路易以百錢滌而視之知為岳侯武穆
硯闊約五寸長七寸高三寸色如猪肝石質瑩澤邊痕悉剝
落面有池池上正中一血鸚眼珠為日象墨香厚積底微琢
空容一指許至池背則稍平研之邊右鐫四篆曰丹心貫日
左鐫五篆曰湯陰鵬舉識研右側旁楷書鐫曰岳少保研尚
供宸御今蒙上賜臣達此古忠臣手翫也臣何德能堪謹矢
竭忠貞無辱此研洪武二年正月朔日臣徐達謹記李君得
此藏弄甚寶後聞於邑侯吳公從謙力求之竟歸於吳吳又
以遺其門人之最嗜古董者為時相公子云

宋朱文公書枕流漱石四字

王楠碑記石四大字徵文公朱先生之遺墨公守南康復白
鹿洞書院每休閒必一至誨諸生館下雅愛泉石歌詠其間
大書深刻遂為廬山千古寶鎮過者瞻仰後學王楠得墨本
而藏之會武水譚衡即溪居為枕流亭楠因舉以為贈衡即
請傳刻以永流風俾楠識其由

段景安碑跋武水譚君衡環綠書堂之東築園為藏游修息
地有亭枕流介景安謁題扁於郴陽王侯侯貽書曰是有徵
國朱文公遺墨在藏之久矣遂以四大字命景安致諸譚且
為之跋

舊通志朱子書此四字於白鹿洞郴守王楠摹刻於臨武縣
南秀巖

桂陽州志朱子枕流漱石四大字碑樹學宮

嘉慶通志案樓攻媿集云王楠金華人光宗時知辰州

宋進士公田碑

臨武縣張志寶慶初元仲春月望日縣令新安羅源記

嘉慶通志案州志源作一源似誤後有寶慶丁亥通判澧州

羅源書溪東書院碑未知一人否

宋趙汝郭無盡藏三字并羅當世跋

無盡藏橫榜徑三尺許潛菴趙汝郭大防書 昔東坡先生泛舟赤

壁之下喜江山之勝觀風物之美壯懷英發慷慨思古凡兩遊

而賦焉一歸於造物之無盡藏是雖達人大口無有限量亦

其地之奇勝有感而然苟不極其辭之宏大有不足以稱述之

也臨武縣南十有五里之外有巖焉溪山美麗竇穴明徹誠一

邑山水之巨擘也舊名奔頭邑宰王公以其名不雅馴易為秀

巖其視舊名蓋逕庭矣寶慶丁亥中春武夷趙公率僚屬勞農

于郊因過是岩盤旋數刻幾不忍去指點勝概拂拭舊題願謂

眾曰是岩也嵯峨岬岬直倚天際亦浯溪之石崖天齊也

明之玲瓏何以異此草木森翁巖塵不至盤谷之幽阻何以異

明之玲瓏何以異此草木森翁巖塵不至盤谷之幽阻何以異

此彼得其一猶足以名世況此兼數者而有之至於景象奇怪
隱見萬狀朝暮雲煙變態百出又有不可枚舉而縷數者以秀
命名美則美矣恐未足以盡其實欲以無盡藏目之可乎眾曰
嘻佳哉公於是大書深刻以傳不朽雖然是岩之名凡三易矣
始則鄙俚而不經中則品題之未盡至是始極其瑰偉之稱以
寓其形容不盡之意豈非天造地設必有所待而地靈人傑適
遭其時耶抑嘗爲之說曰地必因名而顯名必因人而重微東
坡之賦不能表赤壁之勝微趙公之名豈能成斯岩之美哉子
故喜而書之寶慶三年良月衡陽羅當世用之謹跋

寶字訪碑錄羅當世正書寶慶三年二月在臨武

授堂金石續跋無盡藏岩跋刻爲衡陽羅當世用之所撰書
宋史地理志桂陽軍南渡後增縣一臨武中有石晉廢紹興
十年復此跋所記是也有字下當有脫文

臨武縣張志宋趙汝愐過秀巖題曰無盡藏書石扁標額之
嘉慶通志案趙汝愐商王元份之後見宋史宗室世系表桂
陽州志以無盡藏三字爲蔡中郎書謬甚趙汝愐作趙汝愐
亦誤今改正志云每字橫豎約寬五尺此記作於寶慶三年
十月訪碑錄作二月未得其實

金石補正橫榜三字款一行跋廿八行正書通志分題字跋
語爲二種茲併列之趙汝郭見萬姓統譜云字大防開禧元

年進士廣州法曹嘉定間遷淮西檢法改知臨武縣創倉以
拯飢民修學以化獷俗尋授金陵酒所司書之職秩滿倅贛
州除知韶州之官遇寇卒于道贈朝議大夫是汝郭在臨武
卓有政績而志佚其事并佚其名賴有此刻尙可攷證而知
之金石可不搜剔耶臨武志誤作汝愐汝愐寶祐間臨武令
相距且三十年矣邑宰王公者王准也有秀岩易名記不審
會入石否森翁翁卽翁字形容作刑容形刑古可通借秀岩
石刻九段唯羅當世跋見於孫武二家之書瞿氏雖列米趙
羅三種未經搜拓拓之自余始也

案新州志以無盡藏三字爲刻於咸淳時由未見羅當世
跋而誤耳

宋告龍文碑

桂陽州志在臨武縣羅城山寶慶間縣令馮夢得撰

宋徐經孫秀岩詩

風露增涼曉氣清崎嶇取路遠溝塍早田得雨秋耕近晚稻如
雲歲事登古澗蛇行泉曲折崇岡虎踞石稜層撩人野興皆詩
料自媿塵埃謝不能 右一 四山環抱似圍城石屋中閒地
砥平天隔俗塵飛不到神開寶藏畫難成岩分上下光皆透水
有往來蹤不明可惜韓張期界上當時過此未知名 右二
清祐丙午九月上澣邑令豫章徐經孫題

金石補正廿行正書志載徐經孫為瀏陽主簿不及臨武令漏也經孫宋史有傳字中立初名子柔登寶慶進士授瀏陽主簿辟永興令知臨武縣通判潭州志所失載又不獨令臨武也史不詳其里貫通志以為邵陽人此署豫章則志又誤矣詩云岩分上下光皆透水有往來蹤不明按明統志云巖東北有穴通明下有兩穴水出其左為大溪流二百餘步復入石穴經孫所賦悉與之合詩又云可惜韓張期界上當時過此未知名按一統志韓張山在臨武治北一名官山明統志云在縣學後唐韓愈張署同時遷謫韓令陽山張令臨武及北還會宿于此故名宋紹興間僉判范寅因作韓張亭詩所指者即此稜層即峻嶒字說文無峻嶒依字當作稜嶒

宋周梅叟秀岩題名

春陵周梅叟持節廣東道經臨武因登茲岩二子煇炳同郡徐夢龍莆田鄭澥官寶祐丑癸除節前五日長孺端至可續筆金石補正五行正書周梅叟道州人元公之族嘉熙二年周坦榜進士見通志選舉歷官無攷癸丑誤倒作丑癸可疑是日字

宋朱璣秀岩詩

題秀岩用蔡鍊窓韻 約山朱璣 一溪隔斷人來去岩路荆榛到者稀見石乳懸繁欲墮聽泉聲冷坐忘歸地寬飲可百人

共谷靜塵無半點飛所恨世无挾山手為子移取口柴扉 寶祐乙卯五月三日

金石補正草書十三行一統志秀岩岩石天成門奧俱備中平曠可坐數百人詩所謂地寬飲可百人共也蔡鍊窓詩未見

宋賈明道秀岩題名

山君鍾秀岬壑天開巍巍峩峩奇奇惟惟真造物之無盡藏天台賈明道假守桂陽因視帥武溪率百里金川趙汝愷郡幕河□徐豎葛溪陳宗恢友人東嘉曹國猷鄭景炎來遊時萬象寂閱煙霞□化人與景豁如也淋漓醉墨於是乎書寶五丁巳仲冬既望

金石補正五行正書趙汝愷官志誤汝愷賈明道諸人均不見於官志明道自署天台疑是賈似道之昆弟文云視師

武溪所謂視師者未詳水經注云武溪水出臨武縣西北桐柏山蓋即其地寶五寶祐五年也岬即岩字豎即監字宋枕流漱石碑記

臨武縣志郴州守王楠撰段景安跋景定甲子夏五月

宋胡純秀岩詩

陽山鳥道峯前過一谷呀然隔世埃泉落陰渠蒼海近口穿嵌室濕雲開回中百客麟堪供僊者千年鶴自來往矣張韓闕鐫

賞豎扶寒筆意生哀南昌全真胡純

金石補正九行正書不見年月胡純令臨武志載理宗朝附
理宗末張韓見前徐經孫詩跋

宋涂橋秀岩詩

何代神仙碧玉宮攀緣直上與天通拓開四壁層梯峻幻出千
形五色融後擁前遮山作衛左嘘右吸水成弓咨諏我欲呼猿
鶴一笑今誰此興同 咸七邵農日洪涂橋周士

金石補正十行行書咸七邵農日咸淳七年二月劬農日也
惟劬書作邵耳劬農當是邑宰而官志無名姓譜云涂姓出
南昌洪州橋正南昌人詩云幻出千形五色融一統志所謂
四壁璀璨如五彩也左嘘右吸水成弓亦足形容兩穴之妙
行間隱隱有字蹟是亦磨古刻為之者無一字可辨

宋曾晞顏秀岩詩

瓊樓玉宇落荒村雞犬無聲到洞門采鳳久藏丹穴羽青蓮倒
續華峯根笑談疑有宮商應刻刻渾無斧鑿痕莫訝空中能卓
立亭亭一柱拄乾坤十番春事付風埃展齒參經識翠苔野鳥
避人猶巧語山花向日儘遲開奇峯自是平地起活水不知何
處來天若便教羈馬脫甯須海上覓蓬萊廬陵曾晞顏初筮經
從後十年偕口陽何涑重遊律老口口晞岳皆咸淳癸酉上已
前一日

金石補正行書廿一行首句云瓊樓玉宇落荒村又云十番
春事付風埃又云野鳥避人猶巧語似是被譏責降者

湖南通志卷二百八十五

湖南通志卷二百八十六

藝文志四十二 金石二十八元

元潭州路銅權

以下長沙府

金石文編囊在吳門舊肆得銅權一高三寸強博寸七分厚六分形製六稜上有方鈕下平足一面潭州二字一面路造二字皆陰款己卯二月於長沙市又得一權形製大小略同二面文同前權其兩面左右次第刻云至元二十一年丁亦皆陰款銅權勒文昉於嬴秦其文載宋人鐘鼎款識博古圖等書此元權勒路名年號殆亦當時之制由官鑄給者歟其一面勒一丁字者蓋所編字號也予所見元權甚多往往如此又攷元至元十四年立行省改潭州為潭州路至文宗天歷二年以後則又改稱天臨路矣

元長沙王廟碑

天下金石志趙孟頫書在長沙府

嘉慶通志案此碑未知何人所撰

元嶽麓寺碑陰梁全等題名

寶宇訪碑錄八分書皇慶元年在長沙

瀟湘聽雨錄麓山碑右偏有皇慶初兵部郎中梁泉杜與可

題名案梁泉一作梁全未知孰是

元嶽麓寺碑側集賢侍講學士題名

瀟湘聽雨錄在右偏梁泉杜與可題名下名裂去不可攷書法類米氏以官證之殆元刻也

元瀏陽州蒙古教授印

古官印錄乾隆間有人於土中掘得舊銅官印一方背有大德年號其文係蒙古國書或以印本質予外舅錢少詹少詹譯其文曰瀏陽州蒙古教授印後以印本貽予印方寸八分作三行前二行皆三字後行二字攷元史瀏陽州屬潭州路舊為縣元貞元年陞為中州元制路府皆設儒學教授一員學正學錄各一員蒙古教授一員諸州上中州設教授一員下州設學正一員史不言諸州有蒙古教授據此印則知中州亦設蒙古教授矣可以補史志所未詳

元瀏陽縣官題名碑

長沙府呂志歐陽元撰至正四年

元孝子陳道周母墓碑

湘潭縣張志至元戊寅三月上巳日田譯撰

案元世祖以庚辰至元十七年入正統盡三十一年甲午

順帝以乙亥改元至元盡六年庚辰右碑至元戊寅乃順

帝改元之四年卷內凡以至元紀年者推之以甲子先後

自明不復詳著也

元甯鄉縣學祭器

甯鄉縣志銅尊一座乾隆間於學宮旁土內掘出底鑄元貞二年造

元李忠去思碑

長沙府呂志李忠穎州人令益陽廉能愛民去後人思立碑學旁

元褚公祠石幢

湘鄉縣新志元至治元年立其三面補刻魏了翁修祠記又刻長州路教授長沙張圖南修祠記其一面刻修祠官吏銜名其文左行

元薊泉二大字

湘鄉縣張志碑高五尺闊尺五寸鐫薊泉二大字旁鐫至治壬戌清明日里人夏天寅州判官彭志堯立石今在文昌閣湘鄉縣新志元至治壬戌立石今在治東五里銅錢灣嘉慶五年建古碑亭以覆之

元湘鄉州修學記碑

長沙府呂志孔思清撰至正辛巳

元攸縣新復黃甲洲記碑

長沙府呂志姚紱撰至元四年

元進士題名記碑

茶陵州志趙天弼撰由甲寅訖乙亥

嘉慶通志案碑立于順帝至元初

元吳公簡政績碑

長沙府呂志吳公簡至正總管時郴桂茶陵諸郡邑寇作公簡竭力捕擊保障一方所獲賊巢粟穀平價糶之以濟歲歉民刻石紀績

元史杠石鼓山題名

以下衡州府

元貞元年秋八月自郴桂戍軍迴真定史杠書

金石文編右題名正書四行左行字徑寸餘在西谿太和題名左

元衡陽縣主簿郭某石鼓山題刻

佳致嶽阜名山下磨蒸湘下磨之冠也中間下磨前輩名重品下磨言哉茲蒙下磨分司委請下磨判官

布伯承直提調鼎建下磨聖燕居輪奐一新畢工之日搆此亭鐫

石以記歲月其用心亦為日後下磨塵下磨之云耳 皆丙申元

貞孟春念二日 將仕佐郎衡陽縣主簿郭下磨

金石文編衡陽主簿郭某題記正書十一行上下多磨滅每

行約十五六字字徑六七分在石鼓山西谿厓上似記本路

分司判官等修葺石鼓書院及搆亭之事也江沅清泉縣志

未收成宗即位建元元貞丙申乃二年也

元史肅石鼓山題名

元史肅石鼓山題名

大德十年冬十月廿一日橋齋氏史兼拜觀舊題齋謹書

金石文編右史兼題名正書四行在西谿元貞題名左文云

拜觀舊題當即指前元貞史扛題名言之則齋必扛之子矣

攷圖繪寶鑑云史扛號橋齋道州人官右丞今据題名則橋

齋乃齋之氏非扛也

元湖南安撫李公祠堂記

清泉縣江志至順二年宋本撰

元廉勤公正四字碑

清泉縣江志至正開衡州路總管推官史兼彝書於廳事為

銘以自警郡人為之勒石今佚惟四字摹本猶有存者結密

勁秀人多重之

元代祀南嶽碑

南嶽志至元十九年立

元代祀南嶽碑

南嶽志至元二十五年立

元南嶽司天大化昭聖帝加封碑

南嶽志至元二十八年立

元南嶽廟碑

南嶽志泰定四年立

元重修李鄴侯書院碑

義化重修記衡山縣尹右扶允記至順庚午在衡山縣

元重修南嶽廟碑

南嶽志虞世魁記至正十年七月

元安仁縣進士題名碑

安仁縣陳志王顯字彥達號雪岩至正元年為安仁令立

元迎仙道院記

耒陽縣張志元潭州路益陽州慶州書院山長文坤撰奉議

大夫達魯花赤兼勸農事孫合謀立石延祐六年己未九月

元通濟橋碑

耒陽縣張志在南上堡市元李叔章建泰定元年十一月十

二日知州黃常記

元蘆塘華橋記

耒陽縣張志泰定丁卯高隆禮撰

元重修新亭蔡侯廟碑

耒陽縣張志廟在縣南蔡池上元知州陳宗義記至元四年

九月立

嘉慶通志案蔡侯即漢之蔡倫

元浦南佳處四字

耒陽縣張志至正六年李從善書在直釣巖西南石壁

元直釣二字

〔耒陽縣張志〕至正間李從善書在直鈞殿下路傍

元真武廟碑

〔耒陽縣張志〕廟在縣治儀門外東元至正間建有碑甚詳

元余恁毛炎午謁杜工部墓祠和韻詩

庚寅六月再過耒江謁工部墳留二十八字祠下 昭武余恁

憲使秋山余公高卧十年被召一出因廉所部而謂是詩炎午

竊謂志士仁人出處雖異而心在君民則同謹臨壘蹟壽之石

而敬和嚴韻 郡文學掾毛炎午拜手敬書 宣授敦民校尉

耒陽州達魯花赤兼勸農事天下奴立石

〔嘉慶通志〕文見耒陽縣張志

元廉政橋記碑

〔常甯縣志〕葛志皇慶癸丑進士宗道傳撰在縣城西

案常甯新志記為達魯花赤金剛奴敦武新是橋而作也

碑在縣城西門外橋東列肆中楷書篆額屢經兵燹字盡

泐所存者十餘字而已

元牛良佐禱雨詩

〔常甯段嶽生〕塔山記塔山龍潭元延祐五年庚申月州守牛

公良佐禱雨於此有詩

元塔山龍潭後記碑

〔文學掾羅仲〕撰塔山後記延祐六年己未七月日住持嗣

經立石吏目趙傑將仕郎州判何元同承務郎同知史璋篆蓋

忠胡校尉同知金昔里吉思奉議大夫知州牛良佐奉議大夫

達魯花赤愛也祖丁長沙周雲昇鐫文見常甯縣志

〔常甯縣新志〕在能仁寺十九行楷書

元常甯州何族南巖記碑

賜同進士出身將仕郎常甯州判官盧江何元同撰并書 至

治二年壬戌正月辛卯文見常甯縣志

〔常甯縣新志〕在漿田巖內二十二行楷書

案何元同嘉慶通志作何光元今據搨本改正

元管軍上百戶印

〔萬曆常甯縣志〕明千戶方政躬率軍士陶甃修城於北門外

土中得銅印洗刷視之乃蒙古篆文背上刻云管軍上百戶

印元統二年四月日中書禮部造遂收貯本所兵備庫

元儒籍碑

知州黃常誤文 儒者之業所以講先聖之道明人倫之紀其

於治國之體化民成俗非小補也故士居四民之首非有農工

商賈之勞而其道甚尊聖元肇興世祖皇帝混一疆宇崇儒重

道為政治之本凡業儒之家悉蠲其役中統至元之治憲章具

存元統二年三月忽音飛下所以尊崇學校進賢待士之禮甚

至仍俾業於儒者獨具差徭建祖制也州序舊有儒籍歲久簡

編鑑蝕莫得而攷於是羅實其故家暨後之俊秀者列其姓名一新其籍復鏡之堅珉為不朽計碑成進多士而告之曰諸生蒙聖天子莫大之惠得自異於編民復其身以及其家所以使之逸其心以習其業也其將何以報耶其必曰誦其詩讀其書切磋琢磨明夫修己治人之方無負國家作養人才之意其亦庶乎其可也于故哀其姓名而刻諸石俾來遊來歌之士視此得以自警焉元統三年乙亥三月望日

案右碑常甯縣志不詳刻於何所而其文視諸碑記為獨要故特錄其全以見元代之初政其崇儒如此

元天星寨碑

鄆縣舊志寨上有碑曰黃岡碑前數行字跡殘缺後曰嗟彼兇黨良將削平韓侯視檄勵兵破敵遠殄渠魁復推堅壁威武奮揚羶腥蕩滌宗社垂靈黎庶倚康仰憑廟算俯慰輿情千里赤子始知再生生理既得就使之活韓公之功呂公之德傳示不朽蒼崖是勒

鄆縣志天星寨在縣西三十里當邑西之衝元末流寇剽掠邑人段清遠率眾保障於此寨黃岡碑文勢此特銘詞後半耳碑中敘寇亂之作及韓呂二公削平始末必甚詳明當不如舊志所稱前數行殘缺之謂惜世代及韓呂名爵俱一時無由考云

元張玘澹山巖詩

以下永州府

漢中張玘與同袍南陽萬國良八桂王桂侍廉訪簽事按部零陵喜六月雨吏民胥慶乃因公暇游澹山巖覽古迹靈異閱前賢品題情動於中吟二律以紀歲月非敢言詩也偕行郡庠廖景誠鄧桂賢唐以直醫士胡寅孫清湘許珣春陵孟希聖二水李仁榮子鑑侍皆至元壬辰後六月旦日書 民喜甘霖澤大田公餘乘輿訪林泉離塵疑到清涼國覽勝如登小有天畫接陽和臨洞口夜邀月色照臺前巖崖誰道人辛苦心境安恬便是僊 伊誰鑿開混沌窟天造地設豈人為不到澹山得觀覽爭知閭苑非絕奇磨崖雖欠漫郎頌刻石喜存太史詩若使殷賢居此境料應版築肯他之

金石窻右刻正書十二行先零陵補志時所未接及者得此而萬國良一詩亦知為同時作矣

元萬國良澹山巖詩

初聞勝景興猶怪一到幽巖倦復還萬里俗塵紅日遠數聲僧磬碧雲間從知天上無名竅化作人間澹姓山好寄秋丹仙島客來時為我駐朱顏 壬辰歲臘八日南陽萬國良題

金石窻右刻行草書十二行字數不齊筆意似得之蘇米閒刻亦深到初疑宋迹及得張玘題名知為元世祖至元二十九年壬辰也

元小雲石海涯華嚴殿題字

風月無邊正書二行大德丁未仲冬教授夏□□刻 北庭小

雲石海涯書署名左右

金石審右刻題款舊拓不顯竟不識為何人近始審出攷元

史小雲石海涯傳祖阿里海涯父貫只哥遂以貫為氏復以

酸齋自號年十二三膂力絕人稍長折節讀書目五行下吐

辭為文不蹈襲故常初襲父官為兩淮萬戶府達魯花赤鎮

永州御軍極嚴猛行伍肅然稍暇輒投壺雅歌意所暢適不

拘形迹一日呼弟忽都海涯曰吾生宦情素薄願以讓弟語

已解所館黃金虎符佩之北從姚燧學燧見其古文峭厲歌

行慷慨激烈大奇之仁宗在東宮聞其讓爵曰將相家子弟

其有如是賢者耶仁宗踐祚上疏條六事請釋邊戍教太子

設諫官表姓氏定服色舉賢才不報拜翰林侍讀學士中奉

大夫知制誥同修國史忽喟然嘆曰辭尊居卑昔賢所尚也

禁林清選與所讓軍資孰高人將讓吾後矣乃稱疾辭還江

南賣藥於錢唐市中詭姓名易服色人無識之者過梁山傑

見漁父織蘆花為被欲易之以絢漁父曰君欲吾被當更賦

詩援筆立成人間喧傳蘆花被詩晚年為文日遼詩亦冲澹

草隸等書取古人之長變化自成一家士大夫得片言尺牘

如獲拱璧其視死生若晝夜脩脩若欲遺世而獨立云秦定

元年卒年三十九追封京兆郡公諡文靖案大德丁未至秦
定甲子凡十八年酸齋鎮永益甫弱冠其退隱時年未三十
此刻筆法秀挺寄託遙深弱歲已不可及况在從師進業之
後乎有元一朝斯人可為大隱其在承政績失傳故詳錄以
存之

元方志道高溪行石刻

高溪行有序瀟湘合流百餘里有丹崖磨崖聞兩崖之間曰高

溪父老云中有五峯雙澗二十四釣磯嘗隱高人溪因得名誠

齋楊公獨揭瑩心大字樹堂其上世殊事異廢為墟鎮及攷零

陵舊志乃載乾德間唐叟居溪操釣人以金帛贈即散施信不

誣矣余託僑寓慷慨懷舊時有蔣天錫廖立志唐銳唐鉅來從

顧瞻湘水雲帆相接豈無大人君子歷釣磯懷高節獨振清風

於前古哉今諸友將一新高風之亭請余作文以紀其實恩恩

未暇聊為賦高溪行其辭曰高溪渺在瀟湘中一絲青迥桐江

風釣磯積翠森璧玉秀合雙澗環五峯前賢高逝無人識闢幽

獨頹誠齋翁瑩心大字龍蛇活林泉煥耀光無窮琅玕一望絕

織翳玻璃萬頃浮長空恍合俗子經嚴瀨淨洗風昔塵埃胸清

高胡為混雜雜蠅頭蝸角紛爭雄我本釣臺灘上住翩然來寓

羞為容獨酌寒流倚長劍朗歌古調相磨礪凍凍高風原不斷

千山一旦開羣蒙異哉扁落二三子俱能激厲來游從劇設節

義一揮灑磨崖雲起丹崖東 至順二年二月浙人方志道廟

金石審石刻正書十八行係雲山鄧桂賢書在高溪之北黃楊市水涯土人誤稱楊公碑焉

元僉憲周公遊朝陽巖題名

至正九年歲在己丑仲春之月湖南僉憲周公從進按部春陵
賦舟二水偕掾史張仲謙馮禮卿遊郡之朝陽巖尋幽索奇慷慨弔古風日和美西洞虛明恍若僊境也因命刻石以紀勝遊且誌歲月從行者總管牛中同知野先海涯推官李讓經歷白鏞謹記府吏李次皋書

金石文字目錄白鏞撰李次皋書至正九年仲春在永州府金石文編周從進遊朝陽巖題名正書九行

元李燕口涪溪題名

至元三十年十月二十八日征交趾北李燕口正書
金石文編右刻在東厓右涪溪新志十月作十一月北作此上有到字燕下作蒙書二字

元祁陽縣重修學宮碑

祁陽縣志將天錫記大德庚子七月既望在縣學

元杜明涪溪詩

口口猶能不染塵照開萬象本口真憲官不究戕民弊着甚口

寄我身 大德庚子冬至後一日江南諸道行御史臺監察御史杜明偕御史兀都魯敦武察吏劉禎劉衍因按臨湖廣舟經涪溪書此以紀歲月 祁陽縣典史李廷揚立石

金石文編右刻杜明涪溪詩正書七行在府屋左壁

元史柱涪溪題名

大德九年乙巳歲正月既望史柱觀 從公遊者省掾許政王毅及姪史耿從事高信客謝端識

金石文編右史柱涪溪題名正書四行從公以下二行微小在湘中紀行詩後

元杜康涪溪題名

寶宇訪碑錄正書大德九年在祁陽縣

元三吾題字

唐亭嶺涪溪六字橫書三層字長尺三寸

金石審右刻正書在小嶺臺北旁款晦涪溪志亦云無姓名細審筆法與貫酸齋所書風月無邊四字極似因復就拓本凝視其右隱隱有小雲石三字下有祁陽縣三字惟年月已蝕始定為酸齋書前人所未及也

元鄭友直涪溪題名

延祐八年仲春五日湖南口口僉鄭友直同憲掾牛斗麟王傑王浩趙謙按治衡永道過涪溪讀中興頌碑徘徊三日感慨甚

已青社鄭友直記

金石文編右延祐八年鄭友直題名正書五行在涪溪厓下

元姚絳涪溪詩

轉壑飛流落碧虛，巖蓬初得野僧居。辭嚴魯史獲麟筆，義抗馬

遷金匱書萬世綱。常垂宇宙千年龍，物護儲胥懸崖鏡。石明於

水，幾與遊人照佩琚。至元丙子夏六月，予分憲隸荆郴道，諸

郡歷九疑，下瀧江，遊淡巖寺，讀涪溪碑，茲亦生平瑰偉奇觀也。

適會班文卿、繇武岡，至永弭節湘許，遂同觀磨崖文，卿掾張德

新許彥叔、馬益、速縣尉會圭、陝郡姚絳，口書。

金石文編右姚絳涪溪詩正書九行，絳時官肅政廉訪使，按

部過祁陽而題也，在磨臺左厓，上前人未見。

元姚絳再題涪溪詩

漁罾就倚崩崖曬，山茗從收落葉煎。獨對二賢成往迹，渡香橋

口聽潺湲。澄江下繞中宮寺，石磴斜穿聳叟家。映水葦蕪紅

菴亂懸崖一樹石，枏華右涪溪，即景二絕句。至元丁丑仲冬

廿又八日，陝郡姚絳同書吏卜荅達忠、陳仲信、由永州口司還

適祁陽縣尹王榮口教諭張瀛、珍僧智新同零陵尉會圭、還絳

江許遂刊溪石

金石文編右姚絳再題涪溪詩正書十行，在涪溪口崖上前

人未見。

元至元後丁丑涪溪殘詩刻

至元後丁丑冬至日子二人陪缺御史南巡嶺海道經涪溪，

舟缺以識一時之勝觀云。瀟湘江上驛船過，登眺其如感慨

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□□□□□

金石審右刻行書八行祁陽縣志誤作至元孟冬初一日但有年號而無歲數又佚其姓名瞿氏亦未審出

元重修東安縣宋李孝子碑

永州府舊志至大元年十月口縣學司諭龍口文翔伯記鄧直口書進義副尉永州路東安縣達魯花赤分列迷迭立金石審正書十八行剝蝕殆盡可辨者及半而已李文珍事詳先正行義傳又見前宋金石

案永州府志載重刻碑文殘缺不可讀其敘略云東安縣江東坊李孝子諱文珍其母病云云趙知縣旌表存石孝子曾孫李覺所請記於文翔伯今按趙知縣謂宋趙崇隆也

元重修福昌寺鐘樓記

東安縣吳志泰定間東安縣主簿劉景淵撰

元福田破衣禪師舍利塔碑文

道州新志侍讀學士元明善奉敕撰在道州宜陽縣

嘉慶通志案元明善元史有傳官至侍讀學士卒於至治二年

元濂溪故宅記

天下金石志歐陽元撰在道州

嘉慶通志案濂溪志作濂溪故名祠記末題至正八年九月

己酉記

元修道州學記并碑陰

道州新志至正八年八月閩海道肅政廉訪使冀郡歐陽元記

永州府舊志案元史本傳歐陽原功其先家廬陵會大父始遷居瀏陽此云冀郡書其古族望所出也傳又云至正五年乞致仕帝不允御史臺奏除福建道廉訪使次浙西疾作乃上休致之請作南山隱居此蓋其還山後所作也

元楊漢英玉瑄巖詩刻

播州楊宣慰相公詠九疑圖詩 湖湘巨嶽衡為奇衡山之南

指九疑千峯插立雲漢表萬壑交鎖松蘿垂真人厭世不事俗騎龍跨鳳相攀追結茅鍛口入杳渺靈跡往往傳豐碑窮奇極巧擅南服有虞祠塚宏門楣何為遠狩坐弗返天以聖真彰遐夷簫韶娥皇及女英三旬鼎拔猶鎗旗衣冠劍履亦安在雲籠靄靄猿猿悲自餘瑣細不足科茲欲挂一嗟萬遠披圖目眩瞻可通况若親履臨陔陔愛山不舍自我癖畫山遠致天工移殘年仙籍倘有分管豹或可容微窺 桂水石匠彭富口口口法圓鑄 古口進士雷聲鴻壽至大四年歲次辛亥十二月旦日軍民宜撫使司奏差雷嗣正沿邊宣慰使司奏差雷元善磨崖大元國上護軍資德大夫紹慶珍州南平等處沿邊宣慰使

行播州軍民宣撫使播州等處管軍萬戶侍衛親軍都指揮使
楊中齋

金石錄右詩行書十三行款正書九行在方信孺九疑山三
大字之下其石如元玉案元史楊賽因不花傳其先太原人
唐季南詔陷播州有楊端者以應募起竟復播州遂使領之
五代以來世襲其職五傳至昭無子以族子貴遷嗣又八傳
至繁榮生价价生文文生邦憲皆仕宋爲播州安撫使至元
十三年宋亡世祖詔諭之邦憲奉版籍內附授龍虎衛上將
軍紹慶珍州南平等處沿邊宣慰使播州安撫使卒封播國
公諡惠敏子漢英五歲父卒母田氏攜至上京見世祖命襲
父職錫金虎符賜名賽因不花二十五年再入覲奏安邊事
是年改安撫司爲宣撫司授宣撫使尋陞侍衛親軍都指揮
使成宗卽位兩入見大德五年至七年破賊宋隆濟等西南
夷悉平八年進資德大夫至大四年加勳上護軍詔許世襲
卒贈推誠秉義功臣銀青榮祿大夫平章政事柱國追封播
國公諡忠宣此詩刻於至大四年正其加上護軍之歲其所
題官銜均與史合至管軍萬戶蓋其安撫本銜元史地理志
至元二十八年播州楊賽因不花乞改宣撫司直隸四川行
省從之以播州等處管軍萬戶楊漢英爲紹慶珍州南平等
處沿邊宣慰使行播州軍民宣撫使播州等處管軍萬戶仍

虎符惟史言初名漢英字熙載而此作中齋必其別號也縣
志作中齊齊固齋字古文特其刻文實作齋也又案元史百
官志上護軍資德大夫皆正二品宣慰使司屬有奏差八人
宣撫使司屬有奏差四人皆命置之官蓋漢英合奏奏之使
便道刻詩武臣而風雅如此不愧爲蠻部大長矣

元陸星遊層巖詩刻

永明縣志序云大德辛丑仲春十有二日江陰陸星仁重
巡行永明公退之暇來遊層巖故作是詩用紀歲月時同行
者道州路同知府事大同張君斌文卿書吏耶陵李仁子安
陽朔鄧雲翼飛卿也

嘉慶通志案序文似陸名星字仁重縣志題作陸星仁誤也

元李棟層巖次韻詩刻

永明縣志序云大德辛丑仲春十有二日憲副殺齋陸公
問俗是邑政餘偕吏屬遊層巖留題勒之於石紀勝遊也越
三年甲辰余來按部乘閒同廉屬趙揆王蹤獲訪是崑適亦
仲春十有二日也天下之事大有可異者登臨感慨卽事賦
詩護步前韻可謂是崑之公案云

元永明縣儒學祭器碑

永明縣志長沙沈芑仁記延祐七年五月

元彌勒寺田記

江華縣鄭志末題至元甲午春前兩試蘭省亭山老逸李起
棊識在縣東五里彌勒寺

元江華將大士塔記

永州府舊志皇慶二年歲在癸丑五月吉日前鄉貢進士李
起棊記並書蔣發雷等立石

金石齋右江華縣南五里浪石寺塔記篆書十字奇古似响
嶼碑行書記碑十九行用筆陡勁李起棊蓋亦李長庚之後
人篆猶乃其家學與

元江華縉紳題名記碑

江華縣鄭志道州路總管知事李瑋撰碑陰識田畝鈔錠數
案李瑋舊通志作李銘誤

元天開圖畫四字

以下寶慶府

寶慶府鄭志雙清亭在邵陽縣北江心石上元貞元年郡守
三不都書

元寶慶路儒學祭器

寶慶府鄭志至正十一年罕馬魯丁任達魯花赤修郡學并
倡製銅冶祭器二百餘具

元新化贖學田記碑

新化縣志元寶慶教授方大年撰天曆開立
元福景山關侯祠記碑

寶慶府鄭志至正間達魯花赤彌爾立在新化縣

元武岡東塔寺石香爐

武岡州志在東塔寺石香爐高四寸長約六寸空腹四足製
樸野上刻元貞元年造五字

元平寇碑

寶慶府鄭志新甯令黃順翁撰大元二十九年十二月

嘉慶通志案碑文乃記至正二十七年秋寇亂寶永中書左
丞劉欽奉命討平之明年餘黨復作檄宣尉副使楊昭勇督
師又平之故黃順翁為作頌立此碑末題大元二十九年十
二月攷元順帝至正二十九年即明太祖洪武二年是時明
雖已建元元則尚稱至正此碑不書至正而書大元何邪

元張問行金城山詩

寶慶府志在新甯縣南十五里石壁

元儒林書院碑

城步縣王志學錄趙長翁記皇慶二年武岡州志亦載

元普和寺石碣題字

見聞隨筆城步縣普和寺前石碣上有泰定間寺僧名

城步縣王志在城南隅寺山門下石鼓二面光瑩如鏡照徹
對江郡圍渾如圖畫

元新生洲下鶴洲碑

以下岳州府

岳州府黃志進士承務郎岳州路總管府推官李炳記至正癸未夏五既望刻石

元九老題名詩石

平江縣陳志在平江道嚴葆真觀宋遺民魯仕能年七十三吳新魯仕行鄧希恕年七十七方采李應春年六十九張萬全年六十七羅太岳年六十二羅太亨年六十皆平江人於至元開擇山水勝處更迭主會凡歷十二年各題姓名及詩刻於石仕能句云萬劫灰中存世界千層浪裏惜儒珍新句云阮籍摩挲青眼舊鄒陽感慨白頭新應春句云象繪耆英希五老鶴歸華表認千年太岳句云素絲不改衣冠舊黃道從教日月新太亨句云且追白社為耆會縱買黃金肯少年太亨因會散悼諸友句云勢利朋儔隨處有詩章我輩逐年無郡志無二羅魯仕行增李賓管轄曹惟高疑誤

元頌文廟碑

平江縣志右刻石文廟大德十一年七月 日頌文見縣志

元李有廉勤公正恕五字石刻

岳州府黃志李有字仲芳平陽人泰定間為華容尹嘗書廉勤公正恕五字於壁又勒石東山以自警

嘉慶通志案華容縣狄志又云明邑令張宗哲刻之觀音山石壁

元譙樓碑

華容縣狄志主簿張崇德記至正三年

元加封大成至聖文宣王詔碑

以下常德府

常德府應志大德十一年七月十九日 奉訓大夫僉江南湖北道肅政廉訪司事與屯忽都錄書丹並篆額 至大三年九月口口日建亭立石

史節翁置大成樂記至大三年春郡監哈珊公拜命朝散大夫再鎮常德會憲臣建言請以加封先聖大成詔書俾天下學校刻之於石儀曹是之符下公再拜曰此曠古之盛典也僉憲與屯忽都錄奉訓敬書而鑄焉跌以穹龜覆以華棖

元請雪崖住山碑

元新置大成樂記

常德府志至大三年史節翁撰

元常德路達魯花赤哈珊政績碑

嘉慶通志案右碑見後謝應本修學記

元哈珊大中都監修學記

常德府志謝應本記其略云公自大德甲辰守是邦至大庚戌再牧延祐己丑任大中大夫丙辰冬復視篆四於斯千里受惠其為政績邦人已述其事勒之堅珉者一載餘矣路

達魯花赤糊思監中順公下車訪之邦之宿彥與學校之諸生見其威公之德頌公之政於無窮復欲勒其事於賢序嘉慶通志案延祐無己丑當是六年己未之譌而据文義揣之則又似丙辰以前乙卯未知其審

元常德路鑄造祭器題字

常德路達魯花赤哈珊黑黑鑄造祭器壹伯貳拾玖件奉王命也永昌路西涼州儒學永寶之泰定甲子四月吉日誌

十駕齋義新錄元常德路鑄造祭器題字正書四行案元史地理志永昌路唐涼州宋初為西涼府景德中陷入西夏元初仍為西涼府至元十五年以永昌王宮殿所在立永昌路降西涼府為州隸焉永昌路屬甘肅行省而常德路屬湖廣行省本不相統此西涼州之祭器乃常德守臣奉永昌王命鑄造非常例也諸王表不載永昌王名號唯世祖紀至元九年十一月諸王只必帖木兒築新城賜名永昌府然則志所云永昌王者只必帖木兒也只必帖木兒為太宗第二子闊端太子之子見於宗室世系表然自至元九年壬申至泰定甲子相距已五十二載其時嗣永昌王者不知何人史家漏略無它文可證矣食貨志闊端太子立至元十八年分撥江南戶鈔常德路四萬七千七百餘戶是常德路為永昌王分地故有奉王命鑄造祭器之事

元倪德政惠愛碑

常德府胡志郡人丁易東撰

嘉慶通志案志云倪德政於至元丁丑莅常德路總管府尹任在官六年則碑當立於至正二三年間

元丞相姚雪齋送僧歸楚詩碑

常德府志引隱秀軒集在德山詩甚雅草書有右軍筆體

元石櫃題識

桃源縣羅志在儒學前元延祐庚申常德路權儒學學錄張憲識其年月造者姓名於石

常德府胡志桃源縣學宋慶厯間建元延祐六年權學事常德路儒學學錄張憲達魯花赤禿會知縣杜獻重修因臨大

江建置石櫃高二丈餘六年當作七年

元楚貢亭碑

沅江縣志王儒真記

元辰州火星祠碑

以下辰州府

辰州府畢志延祐三年良月中泮學士左郎湖廣省提督學政武丙發記將仕郎辰州路總管府知事謝世賢承務郎辰州路總管府判官馬合馬沙明威將軍同知辰州路總管府事禿魯迷失嘉議大夫辰州路總管府達魯花赤兼管內勸農事小云失帖木兒安遠大將軍鎮守辰州路毘陽萬戶府

萬戶移刺四奴等立石總管毛亞中男希先書學正呂宣之篆

嘉慶通志案湖廣省提督學政當作湖廣行省提學上學士左郎四字亦有誤字

元盧溪縣儒學碑

盧溪縣顧志張圖南記至大四年

元盧溪縣儒學碑陰記

盧溪縣顧志延祐丁巳仲夏衡山羅辰龍撰

元盧溪縣儒學碑

盧溪縣顧志劉時懋記至順癸酉冬

元朱守諒秋夜偶成詩刻

沅州府

兩圍江水薄城闔地僻民稀俗化醕暫止熊罷消大暑秋深雲合殄妖氛 旌旗十萬壓城闔嬰鑠將軍智略新蠶爾洞猶殲滅盡捷書馳報馬揚塵 征夫鼓角定晨昏細柳嚴明令具存擒盡渠魁歸上府脅從先已宥皇恩 殘暑炎蒸苦不禁秋來伏盡尙相侵祝融何事專權甚不放新涼爽客襟 臨戰鑄兵機已晚羨魚結網知尤癡英豪若隱平蠻策特展長才莫吝爲麟足傷殘遇世衰孔宣嗟悼出非時陽消陰長皆天理一任豺狼滿路歧 近因洞賊作耗逆犯王師奉命分省剿捕余忝居其幕自辰沅東下至黔陽時維大暑軍卒疫痢故暫憩是邑秋

夜偶成七言六絕以俟同志諸君一笑云至正八年歲次戊子秋七月中旬朝散大夫湖廣等處行中書省左右司員外郎朱守諒題左右司典吏文暨書從行張政進士文鈞黔陽縣儒學教諭徐祐立

金石文編右刻正書廿三行卽刻於寶祐題名碑下截舒藝桂姓名之後在黔陽縣學

元加封大成至聖文宣王詔碑

以下郴州

郴州總志大德十一年在郴州學

元義帝祠碑

郴州總志至正乙酉八月吉日賜進士出身將仕郎天臨路長沙縣丞陳元明記

元飛鵝寨碑

元飛鵝寨碑

永興縣沈志彭若舟撰至正改元丁酉二月

嘉慶通志案丁酉乃至正十七年古人稱改元者猶云元年也此非是

元飛鵝寨碑

元飛鵝寨碑

永興縣沈志至正二十二年六月朔邑人鄉貢進士陳澥記

鄉貢進士汪雲書縣學齋論楚大俊篆額

元栖禪寺碑

永興志桃花碑記至正間

元新峰寺鐘款

宜章縣志鐘高五尺強口徑三尺強在靈龍山寺中銘文漫漶惟大德九年僧嗣方字可辨

元廣壽堂鐘文

郴州路宜章縣長甯鄉十五都儒厚村龍興山廣壽堂鐘記本堂新立圓成端為祝延聖壽今鑄洪鐘一口晨昏仰答元辰荷極恩以施財特列名而表白此世來生常逢佛會者 戊辰致和元年七月立奉香火梁覺證題

宜章縣志鐘高二尺一寸口徑一尺八寸在普化寺後殿年月後勒化緣施財姓名銀數

元鑄普陀大士像碑

自有宇宙便有山川地形景物之勝天下為不少然地不能自勝因人而勝盤谷以李愿勝東山以謝安石勝浯溪以元次山勝永州澹巖以黃山谷勝地勝景勝而高人勝士偶遇一顧山若增而高水若開而深雖在遐陬僻壤而名播今古矣嗟夫宇宙無盡天理循環人居其間汚隆興替雖山川鬼神不能違消息盈虛天之道也宜邑良巖境憇狐兔猿猴之所人無過而問焉者中有普陀大士像久為石質泉滴彫剝圯壞天厯己巳歲邑長振齋公到任首謁此山景與心會觀塑像之不堅固為久遠計於是謀改範金捐財率先邑人相與口口其傍列十八尊

者龍王諸像並以銅為之既而新牧長李羅帖木兒又能繼公之善從而潤色加以純金飾之景象一新山川草木皆有矜色仍以口則置諸田產為此巖永遠修奉之計慶成無何適值亢旱於茲祈禱一再感通應時澍雨邦人大悅振齋於此不惟發揮此巖景物之勝而又加惠此邑祈禱雨澤之利聲名惠澤垂之無窮一段勝績是可書已僕蜀瑣尾僑居郴城自邑來者每翕翕稱譽振齋撫字心勞百里蒙福而又以其餘力賁飾乎山川鬼神規模整暇不但施之一邑而已僕喜聞而樂道之於是乎書公名金金授承務郎為縣達魯花赤兼勸農事振齋其自號云前進士徐公邁記元統元年臘月吉日立儒學教諭李元奎書丹中順大夫郴州路總督府達魯花赤兼管內勸農事廉朵兒只班子篆蓋忠顯校尉郴州路宜章縣達魯花赤兼勸農事李羅帖木兒承仕郎郴州路宜章縣尉兼勸農事葛燕帖木兒將仕郎郴州路宜章縣主簿陳鵬飛典史劉煇立石

宜章縣陳志碑在縣之良巖

元僕世玉詞刻
至元戊子二月朔借憲掾戴仲治奏差劉右卿祝釐來遊時山桃爛熳煙雨冥濛恍隔塵世汲泉煮茗清話移時為賦菩薩蠻一闋云 蒙巖幾日桃花雨依稀流水章橋去只恐到天台誤通劉阮來玉堂開綺戶不隔塵寰路休認避秦人壺中別有春

通議大夫憲僉僕世玉題

宜章縣志十三行在蒙巖

元祖頭巖石壁鐫字

宜章縣志石洞高敞壁鐫元至正十年臨武賊眾侵入村
中劫掠居民歐日榮日常日華日泰等避居其內得免於難
三十五字

元觀瀾書院碑

郴州總志左元龍記大德壬寅上元日在興甯縣

嘉慶通志案興甯縣羅志作教授左元龍撰今名醴醪書院

元洞元觀鐘文

大元延祐六年歲次己未冬月吉日郴州路永興縣永興鄉干
箱里郎官保籍田坊記劉忠二王祠奉道受正一盟成寶籙嗣
法弟子前郴州路平準行用庫副使李魁春字伯奇號梅軒同
室人陳氏真秀次室朱氏男庚翁辰翁信翁女淑玉淑清淑惠
淑西男婦彭氏貴靜歐氏妙賢陳氏王貴孫福子貴子安子文
子忠子武子惠子侍妾張氏龍氏家眷等謹抽家財鼎新糊蓋
鐘樓一座鑄造洪鐘一口在于洞元觀人天供養上願聖壽無
疆國基永固下庇魁春夫婦齊眉子孫榮貴祖先脫孤爽沾恩
伏望龍天洞鑒 魁春再拜而銘之曰噫嘻洞元伊誰為先湖
南夫子創此觀焉我考桂堂囑付梅軒繼志述事建殿巍然三

清三境聖像森嚴真常至道有心募緣施經綸手木石齊全咄
嗟而辦樓閣撐天壯哉福地香火綿延千鈞重器我願鑄成永
鎮斯觀大扣大鳴晨昏擊動音韻分明上徹天府下通地局神
人交贊宗祖超昇功德所在鑿字題名流傳遠代子貴孫榮俾
子後人視此鐘銘 化緣道士陳真常蕭至道張慶雲 茶陵
鑄鐘匠人劉福之

金石文編右延祐六年鐘銘文正書三十六行行十二字在

興甯縣

興甯縣志在梵安寺傳為先代飛來者

元曹天師祠記

興甯縣志曹允億撰至正五年在郴侯山頂

元從祀塑像碑

興甯縣志邑人黃雷孫記至正六年

元興甯縣學祭器

興甯縣志乾隆三十五年土人李文常於城東里許教場

坪耕地得一銅器上下兩截上鑄興甯縣儒學祭器提調官

縣尹韓儀教諭劉尚似府委官教諭蕭元至正己丑仲夏置

凡三十三字現存學署邑州判李元祿為記

元九塘橋記

桂陽縣志至正間教諭劉義撰

元澧州路銅權文

以下澧州

金石文編辛未夏五於長沙市買得銅權形勢大小與前澧州路權略同一面有澧州路三字一面有至正口口年字其左右似皆有蒙古字皆陽款攷澧州亦於至元十四年改爲澧州路

元新洲市碑

一統志車清書院在澧州東三十里新洲市相傳爲車武子囊螢讀書處元時碑記尙存

元天門書院碑

澧州志林余闕記在慈利

嘉慶通志案余闕事蹟詳元史本傳

元黃山南禪寺記碑

一統志元至治二年在安鄉縣黃山頂

元廿七學士墓碑

澧州志林在安鄉縣東高邨有碑爲元比干德成字海溪之墓廿七或其行也

元潘尙書墓碑

安鄉縣張志字南山有墓碑在潘家圻插鼓臺楊宅畔

元天門橋碑

石門縣志張厚記

嘉慶通志案厚肩州人大德四年任石門縣教諭見澧州志林

元王元明墓碑

永定縣金志首題元故將仕郎澧州路教授王君墓誌碣銘尾署翰林修撰奉訓大夫同知制誥兼國史院編修官謝端撰文奎章閣供奉學士亞中大夫宋本書丹奎章閣侍書學士翰林直學士中奉大夫知制誥同修國史虞集題蓋

元靈順祠鐘款

永定縣金志文鐫大元荆湖北道澧州路慈姑山十三都大庸口靈順祠至治元年劉國道造信女竇妙真插銀釵一支陷入鐘面形迹尙存昔時鐘隨水沖流至白龍巷下寺僧與入廟中其鈕殘缺易之以木

元加封孔子詔碑

以下桂陽州

桂陽州志武宗頒在臨武縣學

臨武縣張志皇慶紀元正月教諭葉作圭記

元臨武縣修學記

臨武縣張志延祐丙辰冬十一月教授歐陽南撰

元學愛碑

臨武縣張志李希賢字思齊遼東人延祐間爲臨武尹愛民禮士邑人立石頌之題其額曰學愛

元劉秀詰去思碑

藍山縣志豫章人秦定閒知藍山縣有惠政民為立去思碑

祀名宦
案桂陽州新志作劉希哲未知孰是

湖南通志卷二百八十六

湖南通志卷二百八十七

藝文志四十三 金石二十九明

明建李忠烈公祠記

以下長沙府

案李忠烈公諱芾字叔章事詳宋史成化五年長沙府知府錢澍請於朝建祠於長沙府城之西偏八年壬辰李東陽記文見善化縣志東陽字賓之茶陵人天順八年進士孝宗朝累官太子少保禮部尚書兼文淵閣大學士事詳明史本傳

明重建賈太傅祠記

案太傅祠在長沙府城西偏成化閒長沙府知府錢澍建即太傅故宅有井在焉郡人李東陽為之記文見善化縣志

明重建嶽麓書院記

嶽麓志宏治九年知府四明王瑄同知鄞縣楊茂元重修書院郡人李東陽記文見嶽麓志

明劉汝楠讀禹碑歌題刻

讀神禹碑歌 吾聞响屨之山圖牒古神禹按之平水土元彝一夜發簡書海若天吳莫敢賭金符玉册奏成功天地成平四海同未向會稽藏簡字先勒名嶽播神工衡山古鏘今明滅弔古雄才空填咽千秋萬載不復聞七十餘字誰稱說近年至寶出人閒此碑乃落嶽麓山神物守護在蒼莽霜凌雨溜赤石斑

樵人亟見不相識太守聞之長太息披榛剔蘄歎大奇豈是蒼
冥移鬼力鬼力誰能移神理空自知鸞軒鳳舉翩然下虎攫龍
騰爭爲馳我管持之不能讀空堂一幅開岳瀆卽今倚石摹赤
文海水欲翻泰山覆山阿舍睇已無人洞庭蕭蕭落黃木 嘉
靖十有九年冬至湖廣按察司提學僉事閩中劉汝楠題

案右刻在嶽麓山禹碑左右壁八分書詩題款共十四行
考禹碑自宋嘉定中長沙賢良何致得之衡山岫嶠峯摹
刻於嶽麓世無知之者逮明嘉靖九年長沙太守婺源潘
鑑始得之榛莽中摸拓漸廣詩中太守聞之云云固紀瓊
玕之驟獲而寶禹碑徧刻之權輿也

明湛若水岫嶠書堂銘

以下衡州府

岫嶠書堂者衡州祝黃門詠之所治以俟異日同甘泉子居之
也岫嶠在衡嶽五峯之外其趾隆然實高出於五峯衡陽之勝
於斯爲最祝子請予作銘歸刻之崖石焉銘曰 高高衡嶽祝
融之墟紫蓋青玉可卜我居爰有岫嶠祝子治之左右雙泉匯
爲前池維彼岫嶠隆趾銳巔五峯拔地高卑較然堂開高曠坐
收洞庭俯瞰湘流仰摩仰星摩崖勒文以定我卜祝子從予振
衣濯足 嘉靖辛卯中夏湛若水撰並書

案右刻在衡州石鼓書院合江亭行書攷廣東通志湛若
水字元明號甘泉增城人從陳獻章學宏治乙丑進士官

南京吏禮兵三部尙書年九十餘猶來遊衡嶽且營菟裘
焉學者因建甘泉書院

明葉豐川從祀石鼓書院記

清泉縣志嘉靖四十二年湖廣巡撫徐南金撰案明史葉釗
字時勉豐城人宏治十五年進士除南京刑部主事進員外
郎武宗立應詔陳八事忤劉瑾逮下詔獄削籍歸瑾誅起禮
部員外郎未聞命卒學者祀之石鼓書院湖南通志載釗嘗
主石鼓講席四方從游者甚眾蓋正德五年庚午事也此碑
記從祀始末豐川其別號云

明吳悟齋像并贊

身不滿七尺志壯平千軍進則憂民退不忘君有胡澹菴之氣
節而濟之以王文成之學問非公也耶天下想望風采久矣
萬曆戊子季秋望日鶴樓贊衡陽縣知縣陳承刊衡州府知府
李安仁同知張存福

清泉縣志此碑與湛甘泉岫嶠書堂銘並嘉慶二十一年重
修石鼓書院得於土中嵌置合江亭左偏石壁閒皆行書案
衡陽志據劉堯誨凝齋文集及浙江通志謂作贊者廣西張
鶴樓悟齋爲仙居吳時來之號以時來嘗游衡州與堯誨暨
劉穩廖汝恆伍讓講學石鼓也考明史列傳時來字惟修嘉
靖三十二年進士授松江府推官禦倭有功擢刑科給事中

劫嚴嵩與張璠董傳策同下詔獄論成時來得橫州隆慶初復故官拜南京右僉都御史提督操江移廣東巡撫將行爲給事中韓楫所劾落職萬曆十二年起湖廣副使洊擢左都御史乞休歸其講學石鼓當在隆萬閒年次不可攷贊題戊子則萬曆十六年也

明張同儼書嶽屏秋碧四字

清泉縣志在花藥山巔

按張同儼號別山江陵人故大學士居正曾孫也少超雋尙忠義爲諸生有文名工詩歌善行草及八分書崇禎三年追錄居正功應同儼中書舍人後入閣奉使湖南越三年瞿式耜奏薦同儼忠勇負宿望乃以少詹事兼兵部右侍郎督師逾年兵敗與瞿式耜同殉難於桂林諡忠烈此所書字蓋在奉使湖南時也

明衡山縣重建文定書院記

按胡安國字康侯諡文定崇安人事蹟詳宋史文定隱居衡山舊有書院宏治丁巳監察御史鄭惟桓重建李東陽爲之記

明應欽蕭禎澹山巖題詩

以下永州府

進賢江口澹崑堆覽勝何妨得得來沈朗洞天雲作寶依稀肖像石爲臺安期食棗能千歲方朔偷桃定幾回欲覓仙蹤無路

入不關瓊鑰後時開 湖廣按察司副使黃巖應欽書 四山盤結石成堆一竅深從地底來瑞氣飄飄通紫府芝英燧燧映丹臺空崖有客題詩去曲徑何人採藥回莫謂蓬萊方丈遠洞門長爲古人開 成化九年歲次癸巳冬十月朔日余偕憲副應公遊澹崑因用沈憲副韻各賦詩一首以紀歲月云湖廣按察司僉事秦和蕭禎識

案蕭禎字彥祥天順八年進士

明陳東遊澹山巖題詩

游澹山崑 維南表離德仙洞屹炎方虛做雲生氣空明月透光昔賢耽隱遯古道迢嶢皇况與塵凡隔猶聞草木香世更千祀遠名共二儀長徧歷崑中景何須問渺茫 嘉靖三十七年八月三日前鄉進士郡人南塘陳東題

按陳東零陵人

明永州譙樓鐘贊

湖廣道永州府知府黃彬江西南城人同知 通判陳文進福建惠安人推官王民佐直隸邯鄲人道州知州梁祖堯四川溫江人零陵縣知縣 浙江海甯人邢陽縣知縣熊維卿江西南昌人東安縣知縣蔣鑄直隸含山人甯遠縣知縣楊載植貴州銅仁人永明縣知縣陳之京浙江鄞縣人江華縣知縣應世科浙江仙居人督工官照磨湯元忠江西南昌人縣丞劉公田江

西興國人右書贊曰知府黃彬今收八城金聲再振聖教常新
皇明萬曆二十九年歲次辛亥月唐寅立左書

湘僑聞見偶記今鐘虛懸鐘樓絕無擊者

明呂因游涪溪題詩

大明景泰辛未春三月予巡邊務至永郡適遇僉憲徽郡程公
志學遂同載而下是月八日舟抵涪溪相與登岫共讀元次山
中興頌碑因留題刻石以紀歲月云 共讀中興頌德碑千年
彷彿見當時兇邪穢行存亡口忠義芳名竹帛垂燦爛文光冲
斗漢縱橫筆勢走蛟螭行人莫比尋常看一段春秋斧袞辭
賜進士湖廣按察司副使前監察御史姑蘇呂因希顏識

明重修祁陽縣學記

李東陽記

案祁陽縣學成化甲午湖廣按察司僉事泰和蕭順重建
明楊瓚涪溪題詩
過涪溪讀磨崖碑 土精獨奇怪壁立涪溪尋我自祁陽來舍
舟試登臨水光漾林影魚鳥相浮沈摩空樹交翠當夏生秋陰
三復碑上文感慨因以深興衰固天意適見忠邪心文工字亦
工石老苔不侵前賢弗可作溪山同古今 成化丁酉孟夏湖
廣布政使司口參政蕭田楊瓚題
明應欽蕭禎九疑山謁舜廟題詩

成化癸巳冬十月吉日余偕憲僉泰和蕭君敬謁舜廟得覽九
疑山水之勝因留題以紀歲月云 公餘來訪九疑山獻秀呈
奇可悅顏舜帝靈祠今古在何候幻跡有無閒洞中勝水應難
渡雲外丹梯未易攀堪歎二妃揮淚處滿林尙染竹斑斑 湖
廣按察司副使黃巖應欽書 九疑天作鎮湖南虞廟巍巍儼
舜顏山列五官朝日表峰聯二女侍雲閒簫韶有象真難測鳳
鳥無蹤杳莫攀前史獨遺千載或細看碑篆眼成斑 湖廣按
察司僉事泰和蕭禎次韻

明新化遷建廟學記碑

以下寶慶府

新化縣志明楊守陳撰成化七年立守陳事蹟詳明史本傳

川鄭澧陽風井詩刻

新化縣志鄭澧陽撰並書嘉靖三十四年刻石俱行書末題
嘉靖乙卯秋中浙越萬坡僊吏鄭澧陽書詩云潮源洞風井
南國兩奇觀不謂人閒有誰知天壤寬風清寰宇霽洞遼望
雲寒地主慚迂拙山靈容我看

明武岡重修廟學記碑

案武岡州廟學天順元年丁丑知州嘉禾伍芳學正陶承
重修黎澆爲之記澆字太樸華容人天順丁丑進士第一
授修撰官南京禮部尙書諡文僖

明武岡新築外城記碑

案武岡外城隆慶元年丁卯州守全州蔣時謨新築三年
己巳呂調陽作記內城爲明太祖之子岷藩府文廟公署
商邸民居皆環列城外嘉靖丙寅嗣苗爲寇時謨因奉檄
築外城呂調陽字和卿臨桂人嘉靖二十九年進士官武
英殿大學士少保兼太子太保隆慶初以謫遷來楚至武
岡而有此記

明張元怵遊法相巖仙院記碑

武岡州志張元怵字子盡山陰人隆慶五年舉進士第一授
修撰萬曆初奉命使岷藩至武岡作此記

明朱壽琳趾巖詩刻

乙酉初秋同祥公殿下陸繩祖詞兄象乾迴瀾湖宸啟賢天縱
詞宗游麟趾巖分韻得書字 新涼微動正秋初共挹清光古
洞虛藤挂危巖分兔月后齒異跡憶麟書草深曲徑浮階嫩鳥
落高枝避客徐不是國家多難日於斯歸隱待何如 西狩獲
時風已矣空留一跡在人閒長吟倚劍魂俱冷憑弔敲詩意獨
關萬古君能留勝象千秋余卻倍愁顏悟時不欲分同異淚罷
尊歸露滿山 東魯朱壽琳桂林題書

案右刻在武岡州麟趾巖上正書二十九行祥公不見明
史諸王表殆福王所嗣封者攷明史諸王列傳及武岡州
志朱壽琳字桂林魯府宗人家兗州生時母夢麟至故小

字麟兒崇禎中爲雲南通判有聲績宏光改元秋月壽琳
奉陳賡督滇兵入衛取道武岡岷藩諸宗人邀遊麟趾巖
壽琳大驚異謂巖名與己同潛然有老此之意題詩刻石
鄭重流連而去桂王由榔在廣西以爲右僉都御史使募
兵雲南值沙定州亂兵不能集孫可望兵至壽琳知不免
張庵蓋往見之行三揖禮曰謝將軍不殺不掠之恩可望
曾之降不從繫他所使人誘以官終不從從容題詩於壁
遂遇害攷壽琳督兵入衛在乙酉募兵雲南在丁亥州志
以爲卽一時事誤也

明洞口雙壁巖詩刻

避秦簫鼓在漁船仙址猶存舊巖烟石壁未經人一語名山留
得月千年夜窺翡翠屏前鏡詩寫桃源洞裏天雞犬無聲爐燼
滅丹青難與世人傳

武岡州志方以知題

案方以知諸本皆作以智字密之桐城人湖廣巡撫孔炤
子崇禎庚辰進士北都陷以智閒行歸里南都陷徒步走
江粵瞿式和聞而迎館之已而擢左中允充經筵講官太
監王坤惡之爲寢經筵以智遂挂冠去就平樂之平西村
築室以居平樂陷乃舍妻子爲浮屠以去州志謂其鼎革
後爲僧居青原世稱大和尚此詩未詳作於何時其在

挂冠後無疑也

明岳州府儒學重修記

以下岳州府

巴陵縣志賜進士出身翰林院編修南昌張元楨撰文賜進士第中奉大夫山東左布政使巴陵鄧廷瓚篆額賜進士出身亞中大夫福建右參政華容劉大夏書丹宏治元年歲次戊申八月吉日立

縣志

案劉大夏字時雍孝宗朝官兵部尚書諡忠宣事詳明史本傳

明王守仁五星硯銘

平江縣志 國初縣東關掘井獲硯一正方石色青有白點

五高四寸廣兩寸有奇上刻小篆五星硯銘四字左傍署正

德年缺右署春王正月背面隸書銘曰五氣五行五常五府

化育紀綱無不惟五石涵五星上應天數其質既堅其方合

矩蘊藉英華包涵今古未署王守仁識小印曰陽明今其井

名硯池井硯尚存鍾氏

案王守仁字伯安號陽明餘姚人舉進士累官至僉都御

史巡撫南贛汀漳先是正德初忤劉瑾謫貴陽道經長沙

長沙接壞平江此硯殆其行囊所遺與

明鄒元標桃源洞歌碑

以下常德府

昔聞桃源勝今向桃源過芳草洲邊古桃花鋪地多蒼蒼閑對

瞿童樹秦人會此隱藤蘿道人手把種樹書自言生長巖之阿
笑我口口雲山住白面無端嬰網羅憐予本是悠悠者豈因生
死拂天和沽酒與君相酬勸駐馬解鞍共婆娑百年能得幾回
醉且聽尊前欵乃歌吁嗟乎前有千丈深潭又有萬仞嵯峨客
子心酸行路苦青鳥嘹唳七盤陂人生性命若朝露不知我生
還重來此地麼

行書鄒元標題並書萬曆四十八年庚申歲仲秋月吉常德
通判廬陵門人李一鳳立石桃源通家後學江禹疏薰沐拜
書

明鄒元標觀劉禹錫桃源洞書壁題詩碑

古今遷客長卿才大字猶存碧蘚隈我比朗川流更遠殘碑看

龍首重回 逸句元都誰為裁十年楚水倍堪哀夜郎此去迢

迢遠休訝劉郎後亦來

草書鄒元標撰萬曆四十八年庚申歲仲秋月吉常德通判

廬陵門人李一鳳立石桃源通家後學江禹疏摹勒

案鄒元標字爾瞻號南皋吉水人舉進士萬曆五年抗疏

論張居正父喪奪情事廷杖戍都勻直聲振天下此三詩

蓋作於是時而刻於庚申歲也又案金石文字後人或不

逮古且浩繁尤難備錄茲於明代所傳略存二十餘條以

見一朝之梗概云

明蔡忠烈公手書石刻 長沙府補遺

寄書多言楚事言必不能平讀叔詩至每度書來曉大都似言無計竟尊鱸啞然失笑竟落相逢夙語薦卿諸兄至道憲嘗爲之言今後亦但寄詩不寄書可省嘈雜臨箋復不自止闖賊破荆襄震陵寢郢中松柏樵牧蹊矣取荆門夷陵而斷我蜀道入常德據澧水割地而與其黨逆屬邑之傾陷者無算也獻賊取黃州漢陽渡江踞鄂遂取嘉魚咸甯蒲圻等地將逼岳陽而南矣星沙去賊各東西四百里賊以是爲親藩食稅之郡共耽耽也鄂之初陷北撫軍揚帆而南徑入瀟湘即撫軍尙有守岳陽之志及諸人皆勸北撫軍往岳協守治撫軍遂卸肩而行北撫軍鼓檝從之近萬騎卒擄之江干以小民爲雞豚供其宰割驕卒則留毒星沙二撫軍長往不顧矣南撫軍受命五閱月方自江右入境徘徊潭澤間五日不能爲百里之程諸眾初猶內畏謂撫軍至必有處此今尙未見丰采而觀其遲緩不速羣無所憚賊始驅馬上高山矣所以望節鉞者非爲賊也爲兵也賊尙能於殺戮之後假行仁義兵之慘毒十倍之故無節鉞而兵愈得志民望賊來凡未經兵之地民雖被戮尙有牛羊倉廩經兵之地則釜飯絮衣無一或免積勢至此聖人頓爲之不可反也星沙之民幸未如公石等處句賊爲亂今以驕卒驅之羣聚積腹不復知其長上楚事真不可爲矣親朋不遠數千里而來者

至則質質然去道憲之身付之極天怒濤不復知所際也我家近事亦不可問惟其如此足少幾分牽掛萬一玉門猶可生還真羞見吾叔毋論他人矣薦卿發熙若木猶拳然署中未忍棄去顛沛之日交道眞焉近多傷時之詩不足呈也叔前緘未到時道憲有洪少保詩中二句云馬革不能歸烈死虎頭今誤相書生及讀叔詩乃同此意盾則相近神不類耳何時得相見屏去世務懷古爲樂悠悠此生眞成醉夢爲此語知厭長者之覽顧不能強作佳話也堂上□□安樂更得吾老母無病所求止此臨此畏詞之多七月廿三日道憲再拜

右蔡忠烈公與某書墨蹟作於崇禎癸未七月二十三日距致命之日僅一月言楚事甚詳足證史傳行狀所未備其云北撫軍即本傳承天巡撫王揚基南撫軍即本傳湖廣巡撫王聚奎即撫軍則李乾德也案明史張鵬翼傳乾德西充人崇禎十六年撫治鄖陽未赴改湖南即偏沅巡撫也故又稱治撫軍其云經兵之慘則行狀所云岳帥孔全彬驅萬騎借撫軍來焚殺淫掠甚於賊是也薦卿姓蘇發熙姓吳若木姓許俱見公集即行狀有友三人欲與公存亡者其書稱吾叔而不字殆與父執之詞考公父與諸葛滬水友善集中於諸葛士年士倫稱父執執叔或逕稱諸葛叔不一而足其病中寄諸葛士年叔詩云時事今如此非公安敢言干戈尋眾起

名節抗孤存又云時事天何甚君才我不如證之書語悉合其爲奇諸葛士年無疑書凡七幅幅五行都六百六十四字其文敘次簡潔曲盡情事書法蒼秀道逸在元章香光之間真至寶也道光丙申春予時方纂輯公年譜續編遺集適從閩人李君行篋得見此蹟因屬甯鄉胡秀才萬本以油素雙鈎而善化令興國方君炳文亟爲上石并勒昔年所得公小像於前敬銜祠壁以垂久遠李君名崢嶸南安人之官雲南道長沙展轉紆迴萬里之遙出以相示得非精神感名中有憑之者耶異哉刻成敬識其緣起如此是歲夏四月癸丑朔甲子新化鄧顯鶴湘皋謹跋

長沙南門外理靈坡有蔡江門先生諡忠烈墓祠其在大西門內濯錦坊屈賈祠左者爲蔡周二公祠因周公二南表揚忠烈殉節事後亦死難故湘人并祀之予旣修屈賈祠慨慕江門先生之爲人詣廟拜遺像議重修適有以新化鄧湘皋學博所刻忠烈與某書見示者問碑在墓祠咸豐三年燬於賊所得搨本跋不全予爲補書完善屬汪君錄重摹上石藏城祠考忠烈致命之日屈賈祠有鬼哭之異嗚呼寒林秋草其能已我憑弔之思哉光緒四年戊寅夏四月湖南督理糧儲道新建夏獻雲謹跋并重書

湖南通志卷二百八十七

湖南通志卷二百八十八

藝文志四十四 金石三十

嶽麓山林曦臺古篆

以下長沙府

善化縣王志臺上懸崖有古篆字數十隱見不明

稠青泉碑

古今書刻泉傍有碑刻剝落止存有靈處三字在湘潭縣北

仙桃巖題刻

甯鄉縣會志在甯鄉縣相傳歐陽國輝遇仙女對奕處宋邑

合某手書刻其事於石今剝落

浮邱山石壁字

益陽志蕭恩卿記在益陽縣石壁上勒字曰仙蹟曰甘泉曰

拂拭曰枕流曰洗耳曰濯清曰養浩其畫盈半寸深五之二

又鐫識歲在庚申四小字於後朝代無攷

聚仙巖石刻

湘鄉縣新志在虞塘八仙橋側山有大石壁窠書斗壇二字

字極秀勁旁有小字不可辨蓋署款也其山峻嶒疊起中有

石洞洞有石床石几石棋枰游人會入而撫摩之洞口橫勒

聚仙巖三字又勒金華石三字字俱飛動相傳為飛仙指書

洞前有方竹矮桃俱鮮妍可愛

隱真巖古碑

長沙府呂志在攸縣即顯真巖古碑有宋治平年重開
攸縣志在寶相寺右

探山碑

以下衡州府

衡州府饒志在清泉縣城南七十五里昔有碑記云舜南巡

使使者登此山探望程塗故名今碑字漫滅不可辨

南嶽金簡峰石刻字

南嶽總勝集昔黃帝受戒經於此東有大禹巖禹王致齋帝

君授金簡玉書有斷石高可數丈而中斷其石崖上有石刻

字云玉砂之水如乳甘香人得一吸地久天長

南嶽赤帝峰石刻詩

南嶽總勝集赤帝峰後有石刻詩識字者不得見

講經臺天上山中四字

衡州府志金之俊記南嶽講經臺平廣數丈石上有天上山

中四字筆法奇古不計何年傳云梁海祖師說法處

定林祖師詩

衡州府志金之俊記湘南寺左泉上石壁有定林祖師題詩

云身健端須飽此心問山臨水極幽淨待予書徧湘南寺卻

向鐘山老定林風風雨雨幾老春秋而苔蘚已古筆痕猶新

真靈跡也

南嶽元明洞題刻

張元性遊南嶽記元明洞壁間題刻幾滿

望日臺后刻

南嶽記臺傍有后屋諸后刻存焉

洞靈源三字

未陽縣志譚可嘉記邑東水次上游九十里有巖洞古名曰鋤雲又名飛龍曲岸削壁鮮溼斑駁間盤結非繩簡勁似筋比以目治不得更手識之得筆穿三大字曰洞靈源三字在后壁東南列仙傳載蔡真人舊隱去洞靈源不遠者載聶師道傳內斯乃漢唐來真面目洞靈源三字之右並署有漢佐張良書殊為駭異

司馬懿古篆文

未陽縣張志在縣南四十里里人呼為寨下仙有石峰二峭壁于峰上有兩行大字古篆文不可識傳為司馬懿所題

奉國寺碑

未陽縣張志在縣治南元末火於兵有二碑字跡損壞莫辨

慶壽寺碑

未陽縣張志在新城市火於元僅存一碑

普通觀碑

未陽縣張志在興業鄉有碑

洪波寺碑

未陽縣張志在馬水鄉有碑載常住田畝甚多

金龍巖題刻

常甯縣葛志距城六十里巖崎空洞中有古寺寺前左右壁刻詩文十餘片漫漶不可識大抵皆宋名人題詠

塔山篆隸

常甯縣志段嶽生記望塔亭下二里許山麓陡絕土人云相傳從前一帶皆青珉瑛砌光滑色澤沿邊俱有篆隸字大率皆督工官吏姓名已苔蘚剝落不可辨今則閒有存者

仙嶺詩刻

常甯縣葛志縣東七里曲江之西嶺端有石巖內有荷池石棋枰外有仙人足跡詩刻一片

翠玉山字刻

以下永州府

宋董居誼記茶謫居永州訪宅仙洞洞之下舊有翠玉山漫莫省其處山中道士云僻在山之陰厓蘚中猶有字刻可辨荒蔽為甚人跡罕到

田山玉記在河西二里舊多題識

綠天庵觀泉二字

零陵縣志劉道著記綠天庵殿後怪石嶙峋上有觀泉二字大三寸許不知何代題刻

綠天庵后刻

劉道著記錄天庵殿右角有石正圓高二尺大四圍上有銘字磨滅不可辨識乃懷素筆冢之塔頂也

芝山題刻

蔣本厚紀在零陵縣西北二里洞中前人題識皆剝蝕

九巖亭題刻

零陵縣志在府城內巖出池中者凡九跨池為橋而擗亭池上先賢題識甚多

騰雲祖師碑

祁陽縣志唐時一鍊師居騰雲嶺得道術黃岡鋪旁今一冢巖然田中碑尚載騰雲祖師云

望岡奉天觀鐵金文

祁陽縣志望岡池有古觀昔有道士掘地得古鐵金可盛數斗刻文云望岡奉天觀然莫辨其年代

風雲洞古詩刻

祁陽縣志在縣北五里

井欄醴泉二字

祁陽縣志醴泉井在朝京門內城旁石欄上有醴泉二字甚古不識何年鐫刻

孔明字跡

東安縣志五峰巖相傳有孔明字跡

乾坤清氣四大字

格古要論松軒書高五尺在道州

道山二大字

王會濂溪故里圖說道州西一十五里安心寨濂溪先生實生於此西石壁上有古刻二大字曰道山

道州新志在安定山

斌山題刻

道州新志斌山在州治北上有石刻曰斌山下有池刻曰龍泓西南下有石井刻曰丹井其頂刻曰駕鶴峰旁刻詩文多漫滅不可讀

吳玉瑄巖爵碑

天下金石志天皇元年在甯遠縣

嘉慶通志按道州新志云去舜峰四里玉瑄巖前有天皇元年舜碑其文誕謬蓋咸通中羽流所作者不足信也又案九疑山志載何侯記無撰人姓名其略云有真元者隱居是山舜南巡止其家五老下降帝乃封真元為何侯帝昇遐後於天皇元年七月七日舉家同昇末云方輿勝覽及列仙傳皆載何侯遺跡則道州新志所謂天皇元年舜碑者蓋即此文也攷九疑有何侯石室丹井等古蹟已見宋以前人碑刻然並未言其為何代人即何侯記亦不云吳之天皇攷吳孫皓

紀元皆用天字獨無天皇年號惟唐德宗建中時朱泚僭號曰漢年曰天皇此外從無用天皇紀元者何侯記末尚引方輿勝覽則必南宋以後道家所偽託竝非唐咸通中也道州新志作舜碑固未妥天下金石志更以屬之吳又誤舜為爵尤荒謬可笑于奕正書宜乎不為金石家尊信

九疑山三峰石銅碑

九疑山志舊志謂三峰石上有冢以銅為碑字不可識

紫霞巖字刻

九疑山志紫霞洞平臺石案神座後有石刻剝落難識

甯遠縣志紫霞洞神座後古有三千年字刻今剝落

節侯墓碑

甯遠縣志春陵山一名洛陽山俗傳上有光武廟疑節侯墓在此下有大石碑三字磨滅不可識

道遙洞天四字

道遙洞天四字

道州新志在甯遠縣北五里古有道遙洞天字刻

大谷巖石刻

甯遠縣志在縣東二十里巖洞內多石刻皆剝落有營水

主簿題為小桃源

嘉慶通志渠水經注營水出營陽冷道縣又云營水又西徑

營道縣兩漢訖隋俱置營浦縣營道縣而營道縣宋元尚設

於道州為州治要皆以營水得名顧未有竟以營水名縣者此刻恐非舊物

永州府志案大谷巖居人傳其地為周子讀書處蓋其地近大陽溪有周氏祖墓因而附會也又傳有歐陽公碑蓋即元時官營水簿姓歐陽者非文忠公也俗人偽造文忠題刻贊美太極邨俚可笑營水簿即營道簿縣志特据石刻乘定閒詩載其別名耳不必疑其有是縣也

石門寺古詩刻

永明縣志在縣西南二十里久廢惟古詩存焉

桃花洞篆刻

以下寶慶府

寶慶府志謝省記在府城南七里崖間有昔人篆刻細辨點

畫皆可成誦

彩仙巖三字

寶慶府志在府治東南三十里明嘉靖間邑令張鳳儀以

勘田至彩塘見一石峭聳數十丈篆曰彩仙巖後題永嘉蕭

萼書

吐秀巖字

邵陽縣志萬歷何太謙吐秀巖記云正面依石成扁署曰

吐秀巖字畫蒼雅殆非凡筆末端有細字斑駁不可讀

圓通巖詩刻

寶慶府鄭志在邵陽城東五十里

法相巖洞開二字

武岡州許志在洞壁末書徐芳二字筆力道媚似山谷書

真法相三篆字

武岡州許志在法相巖洞壁旁有渠川陳三字其餘漫漶不

可識篆法精緻

法相巖古洞開三篆字

武岡州許志在洞壁末書張玟篆三字

法相巖四篆字十隸字

武岡州新志巖壁有洞天福地四字篆書又有芙蓉二字樓

真二字太保二字隱仙二字朝陽二字俱隸書無朝代年月

不知何人書

案棲真二字道光丙午新化鄧顯鶴椎拓與周昉所書桂

莊二字並摹刻於其縣之南村葉公山石壁

同保巖砵巖二字

武岡州許志在響洞壁上款似半山二字筆力鏡刻類山谷

書

古墨池三字碑

武岡州許志明萬歷庚申知州侯世延掘出一碑有古墨池

三字仍立石池上

麟趾巖三字

武岡州許志在城南四里石壁上隸書無朝代年月不知何

人書

芙蓉巖詩刻

武岡州許志篆書

秦人古道四字

武岡州新志隸書在雲山

鳶飛魚躍四字

武岡州新志石刻龍山書院無朝代年月不知何人書

公主廟古碑

寶慶府鄭志在新甯縣西新寨大冲口

靈應觀石壁詩

城步縣王志在石井靈應觀後石上題云僊去僊來不計年

壺形馬跡尚依然世人莫作尋常看兩取遺蹤作話傳字蹟

奇古晴隱雨見壺形倒於石上馬跡宛然雙蹄

桃仙巖詩刻

城步縣王志在縣東四十里一名下碁巖石碁子俱全又有

石田數坵有詩刻石上

嘉慶通志案府志桃仙巖下不載有詩刻後別出桃江巖云

有詩刻石壁上攷縣志並無桃江巖蓋府志誤也

剪刀池鼎文

以下岳州府

岳陽風土記池中有鼎耳高數尺可容人往來上有識文善
泐者嘗得見之

龍頭山石刻

平江縣志龍頭山一名九龍山長沙志作會龍山石壁上鐫
湘天一柱四大字

軒轅祠斷碑

華容縣狄志宋理宗時縣令趙希哲修建龍津橋掘地得斷
碑云軒轅帝祠字二十四間太傅胡公重修

太傅胡公碑

華容縣狄志漢太傅胡廣宅遺址在今學宮南數十步宋時
建廟掘得斷碑上有太傅胡公四字

春申君墓碑

以下常德府

方輿勝覽墓在開元寺春申坊即其故宅杜牧詩烈士思酬
國士恩春申誰與快幽魂三千賓客總珠履欲使何人殺李

園

常德府應志案墓在今府署東轅門外舊有殘碑字剝落不
可讀

裴公古井銘

常德府舊志在武陵縣盤古山旁裴家沖內其銘曰裴公古

井清泉皎冽盤古之靈液流不竭

小西山記岳字

以下辰州府

辰州府畢志有記岳記藏書之由字跡磨滅
烏速山字

辰州府畢志今名蟠桃與小西東西對峙上為對岳望之有
字大小橫直各自成章

紅旗洞石壁字

明統志在溆浦縣東二十里五代馬希範屯兵於上石壁閒
有義蓮塘及孝感橋刻字

泥溪衝碑

辰州府畢志在溆浦縣不知建於何時碑面字多殘缺不可
識其陰有八字云崇禎四年地皮轉動

芙蓉臺石壁大字

辰州府畢志鳳凰廳城南五里虎尾峰側冬月草枯石壁上
閒見大字尺餘蒼蚪古駁

仙人塘石壁古篆

以下沅州府

東還紀程續鈔未至沅州二里有仙人塘石壁森秀竹樹青
蔥壁上題四字似古文篆猶云是仙人所題人莫有識者

燕子巖石壁古篆

芷江縣閔志在縣北五里石壁上摩崖鏡有古篆

蟠龍山石壁篆籀并詩

黔陽志向文煥記在縣西石壁勒天台進步四字石洞壁間字皆篆籀又真武殿後石壁有詩點畫斷缺不可讀

謙巖題刻

以下郴州

宜章縣陳志石門上書古龍門峽四大字前人題詠甚夥皆繡蝕難辨旁右小石門書秀山門內大書湛室二字

題詩嶺蚪蚪文

郴州總志興甯縣十五里石上有蚪蚪文不可讀人傳仙蹟

油草潭二石字

郴州總志在興甯縣一都潭有二石相對類牛鬪狀其中分兩片如一石所分旁有字十餘俱不可識

了髻山古篆

桂東志何永清詩注在縣北三石特起數丈上有古篆風雨剝蝕不能悉辨

黃竹廟碑

靖州

綏甯縣志龍煙坡距縣一百里有名黃竹者不知何代人修鍊於此為神遺有石碑於廟內

靖州呂志黃竹隱於龍煙坡有道行成神遺有黃石碑於廟內

馬公墓碑

以下澧州

澧州志林新城大河有馬公洲相傳漢伏波將軍馬公葬此明季洲被水衝崩出一碑有馬公墓三字

嘉慶通志案馬援不應葬此州志已辨之

彭山廟碑

輿地紀勝澧州彭山廟碑曰崇山連天外界越梅阿阜靡迤如舞如馳過千里之勢於洞庭之野屹瞰郡治並為彭山蓋澧邦之所瞻也

大德寺宋之文碑記

澧州志林新州城北隅大德寺有羅漢像十七軸據刺史宋之文碑記為吳道子遺筆

涇陽古道碑

澧州志林在澧陽橋北

三愛銘古碑

石門縣許志正德開朝真觀掘出石碑一通曰三愛碑失其姓名

鬼谷洞篆文

澧州何志在慈利縣天門山下相傳鬼谷子居此學易今石壁上有甲子篆文

楊君石柱字

澧州志林慈利茅花界為楊轉祖居有八稜石柱二高一丈

許上鐫大字云楊君初封陝州閩鄉縣男又封安鄉縣子
嘉慶通志案岳州府志元楊勣由茶陵州同遷保寧總管有
治行徵為翰林待制此石柱蓋其先代墓表之類其名已不
可攷

蟠桃洞古碑

澧州志林慈利縣西南四十里零水之源北崖高山上有洞
入山者見古碑有顯應蟠桃洞數大字餘文滅沒

蔡倫石盆刻字

桂陽州張志蔡泉在州西南蔡倫造紙處有石盆刻蔡倫置
可驗

湖南通志卷二百八十八

湖南通志卷末之一

雜志一 紀聞一

參盧之封茶陵露水鄉有露水山予訪炎陵稽其始封字亦作
潞蓋商周間衍于河東北爾史路

蠻人龍苗之裔今湖南南北桂林等處皆是辰澧沅湘之閒尤盛

陳留風俗傳云資姓黃帝後姓纂云益州資中今資州資陽有

資川江然古資陽城在簡之陽安而潭之益陽有資水或其派

裔史路

驩兜以嬖臣狐攻專權亡國今宏農有地名兜志為驩兜之都

然意驩為國當如魯讎未必兜地其後竄之崇山則今澧之慈

利也有驩兜墓然嶺外驩州圖經記以為其竄所樂史亦記驩

州為所放處則去崇山遠矣驩隨為州是為驩朱國史路

三苗周景式云柴桑彭澤之閒古三苗國左洞庭右彭蠡負固

而亡者今衡岳潭之境而南海亦有三苗國史路

今茶陵有雲陽山有青陽氏墳蓋即青陽今長沙皆是今潭之

荆獻青陽以長沙昔

西于秦者

梧之蒼吾縣元始六年開蒼吾郡地廣東至湘潭史路

庸城許所遷定四年楚城今岳之華容史路

高陽師淶國或作淶圖今湘東醴陵有淶水或作淶非史路

路史云雲陽氏是爲陽帝蓋處於沙注沙長沙所謂萬里長沙今茶陵西南四十里雲陽山也舊志

王霍霖衡湘稽古隨縣屬鄉南有重山卽烈山也山下有穴神

農所生處都長沙號厲山氏以長沙爲厲山國或曰帝母安敦

氏將產野燒騰發萬山然烈其宅爲焚母奔厲山處穴中生帝

故名厲山氏秉火德長沙正南離火之地稱炎帝以火紀官後

葬茶陵至宋割茶陵地爲酃縣今隸衡州府以故酃縣康樂鄉

有炎陵自帝承以下俱兆於此兩錄

梅銷隨吳芮之國長沙以益陽縣梅林爲家遂世有其地自漢

至五代皆稱梅山焉後爲蠻王扶氏據之溪崗環列負險爲寇

宋熙甯六年章惇始開梅山地以下梅山置安化縣屬長沙以

上梅山置新化縣屬寶慶舊志

天文長沙一星在軫四星之側上爲辰象下爲郡縣遁甲所謂

沙土之地雲陽之墟可以逃難可以隱居者焉其山麓山其水

湘水其畜宜鳥獸其穀宜稻粳厥草惟繇杜若荃衡雷夷揭車

出焉厥木爲喬椅桐桂檉貞松文梓生焉篠簞蟬娟於原野砥

硠照耀於巖谷昔熊繹始在此地番君因之而後定王國焉漢

道陵遲董卓狼顧文臺以三湘之眾績著勤王梁朝覆沒侯景

虎視僧辨以一州之人勳成定國桓文之舉亦何加焉至於致

禮齒君請屍歸葬桓氏之子可謂忠矣殞身強寇有死無辱尹

氏之女可謂貞也式禁鄧之宅足以厚儒風表古初之墓足以

敦素行齊魯之風其何讓哉巨唐人葉元聖六載正言待罪湘

東郡臨江湖大抵卑溼修短疵病未違天常而云家有重龜之

人鄉無頽白之老談者之過也地邊嶺嶂大抵炎熱寒暑晦明

未愆時序而云秋有赫熙之日冬無凜烈之氣傳者之差也巴

蛇食象空見於圖經服鳥似鴉但聞於詞賦則知前古之善惡

凡今之譽毀焉可爲信哉因徵故老之言用紀仙山之石辭曰

舜去苦屋於焉遠游禹逢元夷於焉滯畱五嶺南指三湘北流

鄰聯滄浪邊通响嶺湘山之下青青眾草有蕙有蘭在江之島

煙雨冥冥波浪浩浩不采不擷棄捐遠道湘山之上青青眾木

有栝有松在巖之麓風雷淒淒柯葉沃沃不棗不棟老死空谷

陸有玉璞水有珠胎隋侯云亡卞氏不來湘雲莽蒼湘水徘徊

貞石紀事層城之隈唐張謂風土記

荆寇入湖有三道或由荆江順流直指城陵磯或由調絃口入

夏水經華容或由虎渡達會口下安鄉沂景港黃洋入赤沙故

成化中指揮卜馬祥劉震三面受攻身死士溺而盜賊莫獲也

顧炎武天下郡國利病書

概論經岳之略則石門慈利山岡崎嶇篁竿蒙茂是連九苗洞

庭汪浩達於九江建瓴而下揚帆風驚頃刻千里萑葦之盜時

或肆志焉故分澧守臣飭備九永江防專道弭壓洞用以抵

吭谿崗橫滿江湖而坐銷逆節也法曰恃吾有以備之漕之備
 曰虞其反側焉岌岌然矣江防上游得毋單弱之慮乎誠其勇
 敢益艤艘選地而署之令民又各以其族自為圖保諸夷者
 蘊寇者令伺察之軍衛之職守望也或懷懷偷惰以為市而縱
 其出沒者必實之法焉即有狡若楊么技如槃瓠不煩尺組縛
 矣若乃華容安鄉歲苦水患蓬蠖而處幾無人色巴陵江湖慮
 井不改彫瘵半之邦本之慮不當懷懷而預恤之乎郡國利病書論岳州
 常德之西南壤接五溪其諸蠻錯處慄慄樂禍自漢已然非可
 以禮義法制柔也至於泯江泛冒橫東洞庭辰沅諸水靡所注
 洩則逆而陸浮故龍陽武沅歲罹水患於是當事者為修槐花
 大圍小汛西湖諸隄捍之然後泉隴田廬不至為水腹吞沒者
 以防故也顧水之游至也民或先知為慮他徙以避即跋涉而
 猶能扶旄提倪以幸且夕而地無重兵脫諸蠻羣不逞泉張境
 內風馳雲駛鋌鏃相逼元元將何恃而捍禦之故防夷之策視
 防川猶宜慎固焉郡國利病書論常德
 夫五溪種落實繁有徒大率皆槃瓠後恣睢而驍桀上下山阪
 捷若猿升輕如鷲舉時出搖撼為齊民憂故歷代為戍守之區
 嘉靖中諸蠻嘯聚狶突蟻合數征之無功乃特簡命大臣開府
 於沅檄諸道軍采阻深入以次底定噫亦勤矣聞諸蠻初起處
 戍卒噍呵往往以利還或以所掠為謝久之益狎乃結諸奸

聚合先事為嚮導稍蠶食民之蓋藏以嘗我兵異時當事者慮
 激生變因幸一切予之撫苟免目前生事諸蠻有所恃愈益驕
 恣不逞矣此其蠶蓋華人階之豈盡蠻俗悍哉今威略震疊諸
 徼外皆奉約束齊民嬉然獲就社食無他慮第先事而設防則
 述諸前事察其所以階之者毋蹈覆焉可矣郡國利病書論辰州
 長沙土野沃衍下有洞庭之輸泉源漢出山陟故鮮水旱稱善
 郡其民穰稔而事錢鋪以殖衣食無所仰於四方乃他方游民
 徒手張頤就食其間居停之家一喜其強力足以任南畝往往
 僮僕畜之久而游民多智辯過其居停主人其主人亦遜謝以
 為不及因請諸賦役願與共治或就磽确荒蕪田予之墾而代
 繕租賦不以實於官及其久也游民或起家能自稼穡異時居
 停者或稍凌替致相傾奪開有田則游民業也而賦役皆主者
 任之故主戶強則役客客戶強則累主於獄與而不可已者其
 來漸也核其強弱而均之因業而定之籍毋使蒙冒而爭焉司
 土者其加之意哉郡國利病書論長沙
 邵陵地控谿崗其篁箬諸蠻荒悍弗率蓋自古患之國家分布
 戍卒遮列險要斷其出沒責以衛州而詰戎憲臣與郡邑長吏
 時謹視之為備蓋甚詳也顧其重趺累繭歷險捷飛來往颺怒
 莫可蹤蹟則吾所謂防禦者豈必逐逐然角技於山阪為武哉
 要務防吾之戍卒使其守望偵諜咸有實備毋事虛名其陽戍

而陰翼夷者必重繩之民有矯結不逞窺身荒微以循賦役或
半牟為奸利潛與引導令保伍以實聞於官不爾發且坐連獲
導夷者以獲夷之賞予之而又令各以便選地併力為團與成
卒伍則聲勢聯絡法度修明諸夷將懾息矣郡國利病書論寶慶
夫翼軫之精下當衡山據五清之上游跨兩粵之裔城故湖南
奧區稱衡州焉及其地雜三方地遷谿箐巖居谷飲之子狃習
窮僻憚於檢押聞官師則震懾望公府則惕息故多束手而聽
於里魁請以服勤所得其賦役佐以食飲道里用度諸費予里
魁代之輸願里魁非盡行誼人也開取而乾沒之急則以為己
輸而以連坐原子者官處齋閣按籍而責征則通貢臚列命操
綆而連之彼其人至亦不知謂何而積逋至此不已則飲泣稱
貸代之矣故甲之傲里者固十有四里之嗜甲者則十有九而
山谷之民為甚焉司牧者其儲神察之也郡國利病書論辰州
異時言者以永郡為古蒼梧之野當湘灘之交唇齒全桂請割
地粵西天子下其章令兩藩熟計以聞楚中議者以衡永壤接
永郡割則衡陽孤即酉陽邵陵將解屏蔽聲勢不相貫且永民
世楚已久一旦隸粵慮土俗弗宜請如故便故永之不改隸者
勢不可也若乃復嶺長林阻介蠻落時或不突以驚耘牧而馬
鞍嶺荆陝鎮尤稱要地嚴兵防戍及今宜為碩畫云郡國利病書論永州
負山之民質愚而多勁非獨習尚亦風氣然此修教設禮漢史

所以循衛風也今柔漸於熙化庶埒中外願其地遠京師七千
餘里主爵者類以荒僻擬之銓授之際無所選擇故州邑長吏
大抵皆循習故常輒託於孤遠往往無以自見蓋祖宗之所重
而時俗視之以為無當於緩急也即有不御之權將安施乎郡國利病書論郴州
國家之設守令也以州境山川險錯蠻落鄰接故不以屬郡而
直隸於藩司蓋竊以事權彈壓荒微為邊氓計也願諸蠻性習
雖椎髻侏儻悍弗制而指心為約刻木為契即終身不渝豈
盡與人類異秉畀哉所貴司牧者醜德震威先聲風馳制諸未
發而遮嶮列戍日提備之玩者必法彼荒悍之眾其不蟻伏而
屏息無幾也乃若州去藩司方千餘里歲時建白例必得請乃
按章行之固也藉令捍禦機宜暗於眉睫必候報可乃舉得毋
有日中弗及坐致失時之慮者乎誠急彼之專斷毋束以格例
甯獨渠陽守令便也即事功可冀矣郡國利病書論靖州
易云設險守國周禮職方氏掌天下之圖以掌天下之地彼在
德不在險之說豈通論與昔之人往往按圖籍爭險阻成竹在
胸有備無患其為未雨綢繆者至深遠矣長沙枕岡面山襟江
帶湖此郡城之大勢也統全郡而指之東則由醴陵而度萍鄉
抵袁州由瀏陽而越萬載至吉安矣西則左走滇黔右達荆襄
者有益陽鎮獨民通新化者有安化接邵陽出武岡者有湘鄉

矣南則泚攸二水合入於湘而發源於江右之安福則茶陵與攸亦與江右為隣也日南桂嶺過斗飛瀧自分水嶺以北泊泊滾滾由永州達衡山而湘潭實全匯之則為交廣之門戶者非湘潭耶北則岳州之平江崇山鳥道石徑天梯千嶂萬疊而長沙實與接壤洞庭八百巨浪蹴天順風揚帆不日而萬艘畢集維湘陰獨障蔽焉則北門鎖鑰全在湘陰已獨善化甯鄉二邑包裹腹內不與他省鈎聯然於長沙湘潭益陽安化諸邑固自犬牙相錯此又長沙十二邑形勢之大概也先事而籌水陸各有要害焉陸則於長沙之羅洋智度善化之嶽麓關山湘潭之龍王黃龍湘鄉之龍巖黃巢湘陰之玉筍神鼎甯鄉之大瀉嵇茄益陽之五溪白鹿安化之浮青芙蓉移風辰嶺四山梅子司徒二嶺黃羅一巖桃山一洞瀏陽之道吾大光大圍三山醴陵之太平姜嶺攸縣之司空茶陵之雲陽此中險峻插天則攻取者難拔坳阿伏地則嘯聚者易藏所謂陸地之要害者此也水則如草市之匯茶攸涿口之入醴陵澆塘河之入長沙亦入瀏陽昭潭新家河之抵湘潭湘河口之扼湘鄉喬口菱子口之通益陽亦通安化靖港之入甯鄉下泥港丁子灣之入長沙銅官對岸之達善化區擔夾樟樹港之逼湘陰達各鄉之舟楫通各處之咽喉轉輸百貨搬運餼糧此誠不可一日失守者也至郡城四面尤有當加意修治者則南關外之醴陵坡豹子嶺張

公嶺三處地勢高聳宜造敵樓百尺俯瞰長江遠窺山谷此瞭望之宜備者也大江在郡城西北別無港汊舟泊難停風濤猝起每有覆溺之危按城南有南湖港城北有新河向為沙泥淤塞每奉當事濬淪然往往未完其事必時加疏濬則運糧輸貨有急可資停泊可避風濤此津渡之宜備者也城下有水陸洲上之又有興馬洲古礪洲晚洲長互江心舟楫出其兩面承平既久往來者如入無人之境所當撥兵弁守汛以扼其吭以制其衝此江心之宜備者也洞庭為長沙戶牖中有磊石山琴岐望兩處高距全湖望周萬頃而銅盆萬石二汊為湖中棲泊要處南北有事勢在必爭今雖設立塘汛然地曠兵孤鞭長莫及似當撥武昌領兵駐劄此地大之樹藩籬之衛小之警客商之防此門戶之當備者也攬郡中之形勝循十二邑之脈絡運我臂指固我疆圉此皆存乎旬宣者保障之而已矣王文清長沙全郡形勝論

以上屬

南嶽姓崇名坐五嶽真形圖

南嶽衡山君神姓丹名靈峙河

南方衡山一名霍霍者萬物盛長垂枝布葉霍然而大風俗通

衡山洞名朱陵太虛之天即神農為赤帝泊南嶽者河

南嶽廟神樂有黃帝鹽鹽者如詩歌中吟行曲引之類是也全

白龍泉在南嶽九真觀其泉自崖竇迸出清泚甘冽其色早晚
 兩變飲之無疾而壽有白龜其大如錢其白如玉見之者吉祥
 傳云邈出仙來龜隱仙去昔有人題詩云太極分形狀若壇白
 雲深鎖路孱顏淵然萬古含春色光照吾皇祝壽山楚風
 衡山於宇宙爲南嶽盤繞八百餘里包絡七十二峯內有十洞
 十五巖三十八泉二十五谿九池九潭九井其峯惟祝融最高
 朱文公游此有詩云我來萬里駕長風絕壑層雲許盪胸濁酒
 三杯狂氣發明吟飛下祝融峯公好游山水每至會心處輒呼
 童浮白何其韻也五嶽游記
 岫嶽峯高一千五百丈上有禹碑明楊昇庵云古今文士稱述
 禹碑者不一然劉禹錫徒聞其名矣未至其地也禹錫詩云傳
 有神禹銘古石項韓退之至其地矣未見其碑也退之詩云碑
 碑字詩石赤形華奇又云千搜萬索何處有森森綠樹覆深悲融詩云於鍊大
 書圖刻朱晦翁張南軒游南嶽尋訪不獲夫韓與朱張求一
 見而不可得余生三公後乃得見三公所未見亦奇矣觀昇庵
 所言可見高人探奇攬勝千載一轍安知湛甘泉以九十之年
 昇棺拚死往游南嶽不爲訪神禹來乎履茲境彷彿與諸公接
 矣五嶽游記
 漢書地理志湘山在長沙益陽縣括地志湘山一名爛山正義
 秦始皇本紀引荊州記云青草湖南有青草山湖因山名湘山

〔光緒〕湖南通志 卷末一

者乃青草山一統志黃陵山一名湘山輿地廣記君山湘君之
 所游處卽湘山也合諸家說言湘山隸湘陰者二而今青草山
 適當湘口黃帝渡江而南入湘必登此矣距青草山十里曰鳳
 皇臺舊志黃帝南巡有鳳皇鳴集於此上應律呂足證舊說相
 沿至今必有所本通志以安化之浮青山當熊耳以益陽之修
 山當湘山距湘絕遠別無證據蓋沿地理志附會以成其說爾
湘陰志
 柳環山爲州居豫楚粵三省之險阨爲用武者所必爭故始皇
 以十五萬兵守五嶺今郴城深濠猶存項羽謂古之帝者必居
 上游因遷義帝郴更觀衛颯守桂陽郡鑿山開險遂通粵地五
 百里馬殷得郴州遂兼收嶺外號稱霸府宋將潘美南伐自湖
 南進兵先拔郴州而嶺南膽落其形勢豈淺鮮哉曩者吳逆叛
亂據衡州
 廟謨神算令將軍穆詹自長沙間道疾馳先據郴陽建瓴之勢
 成矣故不逾年而湖湘悉平陳照謀 疆域論
 沅州全郡延袤祇數百里耳三邑鼎峙鉉耳相銜類天造焉由
 西連東五驛聯絡實以芷江爲中遠自上而下一水汎駛又以
 芷江爲建瓴若夫匯眾流於當關阻重山於一面則黔陽有筦
 鑰之寄通一綫於鼉鼓倚諸營於肩背則麻陽有屏幃之資此
 全郡形勢之梗概也自其郡治而論則明山爲主山脈自西見

越五士坡迤邐入城為郡負展南面則榜山為之列案瀟水西下由北而南復數折而東紫紆澄澈環抱郡城而五郎溪界其左漁溪界其右合注於瀟如帶之有紳焉此郡治形勢之崖略也

朱景英沅州府形勢論

岳陽有酒香山相傳古有仙酒飲者不死漢武帝得之東方朔竊飲焉帝怒欲誅之朔曰陛下殺臣臣亦不死臣死酒亦不驗遂得免方朔數語圓轉簡明意其竊飲以發此論蓋風武帝之求長生也

鶴林玉露以上山

衡州岡隴將盡忽一峯特起如大磯浸江中蒸水自邵陽來繞其左瀟湘自桂林零陵來繞其右而皆會於合江亭之前大略如春秋霸主號令諸侯勤王蒸湘如兄弟同奔來會稟令載書乃同軌以朝宗蓋其形勝如此

范成大錄

江出岷山其源實自西羌萬山來自峽而西受大水凡八及出峽而下岳陽則會之者洞庭湖所受湖南北諸水是也

丹鉛錄

洞庭有山水之分吳中太湖內乃洞庭山產柑橘楚之洞庭乃太湖連互數洲邊湖亦產柑橘襄陽記李叔平教子曰龍陽洲有千頭木奴龍陽洲在洞庭側

雲麓漫鈔

洞庭天下大觀騷人墨客搜奇者尤眾如水涵天影隔山拔地形高四顧疑無地中流忽有山鳥飛應畏墮帆遠卻如閑皆見稱於世然莫若孟浩然氣蒸雲夢澤波撼岳陽城則洞庭空曠

無際氣象雄壯如在目前至杜子美吳楚東南坼乾坤日夜浮不知胸中吞幾雲夢也

西清詩話

郭仲產荆州記青草湖一名洞庭湖雲夢澤一名巴邱湖盛宏之荆州記巴陵南有青草湖劉澄之湘州記華容縣東南雲夢澤一名巴邱湖諸說紛紜稱名互異洞庭之名實始見國語及楚辭周官爾雅但謂之雲夢澤郭注爾雅雲夢今華容南巴邱湖是也水經注湘水北至巴邱山入於江巴邱以地名非湖名也不得析巴邱洞庭為二自唐以前但名青草湖晉書陶侃破杜弢於青草湖梁書河東王譽入援至青草湖南平陰鏗集有渡青草湖詩無言洞庭者是盛宏之所云巴陵南有青草湖最為得其實張舜民南行錄洞庭西岸有青草洲南名青草北名洞庭范致明岳陽風土記洞庭南連青草西互赤沙其說蓋沿於唐人而亦本之水經注湘水東北為青草湖口左會澧水又左沅水注之又左澧水注之凡此四水同注洞庭則洞庭實為總名爾范致明南連青草西互赤沙二語亦是而猶未分明赤沙湖亦見梁書蓋洞庭之西名赤沙今尚有東湖西湖之稱其東則青草也統言之為洞庭自周以前為雲夢之數萬畝為九江雲夢以地言九江以水言洞庭以湖言青草赤沙又據一湖分言耳

湖陰圖志

楚南水流入江西章江歸鄱陽而達長江者有七焉一日桂水

源自桂陽縣益將司由贛縣桂源司口入章江山海經所謂最
都之山諸水所出即源也一龍泉水源自桂東縣八面山陽至
萬安縣北龍泉河口入章江一永江水出茶陵州皇鵠山陽至
廬陵縣永河埠口入章江一曰琴亭水源於攸縣鳳嶺東至吉
安府城上十里安福河入章江一鈐江水出瀏陽縣首埠山頂
大湖至臨江府臨江河口對樟樹鎮入章江一曰錦水又曰蜀
水亦出瀏陽首埠山東由豐城縣小江口入章江又曰由南昌
縣市汊口入江或其歧汊也六水源流行五六百里不等惟南
昌府艾城縣之滸水為最長漢之艾城今南州也源有三一瀏陽首埠山
頂之大湖水東北流一瀏陽平江界大光山瀾泉一平江通城
界之天岳山東南麓水俱約長一百八十九里會於州前犀角
津下至新建縣入鄱陽湖由發源至此約計七百五十里又一
百八十里經青山汛大孤山汛至小孤山湖口縣入大江適得
千里焉故經名修水修長也又郭璞曰有水名修天下大亂此
處無憂是也孫良貴楚南水入江西章江水說

楚南水有流入楚北大江者更有流入他省者岳郡前有滄水
焉唐張說有詩志曰南津港當曰瀾青取湖米天源出江夏郡
雩邑天岳山雩通城也經九陵山列子禹斬巴蛇龍山至扁山
夾湖口下入江岳郡後有城陵水焉源出巴陵邱東嶺岡由磯
市口入江再下有雩水焉出楚北下雩今崇陽幕阜山之陰合過

城嘉魚之水又收巴陵雲溪驛水匯為白泥湖於臨湘縣治北
關入江又下為望江湖石頭關水源出豫章天岳北岡收臨湘
縣桃林土門司及長安驛各水又嘉魚縣東南鄉各溪水由赤
壁祭風臺口入江臺下北岸數武屬嘉魚汛地而楚南之地出
湖至此乃盡考此水當為水經之澌水此其流在大江者也其
澧州安福石門安鄉華容迤北之水歧汊不一皆流入楚北長
陽縣之洋溪口及宜都縣之三河口蘆花蕩張桓侯截松滋縣
之磨盤口蓮花蕩江陵縣之黃荆口石門縣之柳子口監利縣
之唐家洲瓦子口車水灣各處以達於江此大江迤西流水也
其四川重慶府涪州江西南源於貴州遵義平越二府東南源
於楚南永順府張壩永綏廳地葉壩至四川西陽州合巽灘郁
山司水屈曲而西經貴州思南府合發印涇囊諸水下彭水縣
北至涪州城下入江此又楚南水由川入江者也孫良貴楚南水入江說

岳州井邑舊皆瀕江郡城西數百步屢年湖水湫留今去城數
百步即江岸父老相傳今江心舊闕也瀕江沙磧地尚有稅
絹甚重云祖來宅稅今不會除改北津舊去城角數百步今過
近石嘴蓋荆江日湫而南湘江日湫而東也岳陽風土記

問九江聚訟一謂在荆之上游一謂在荆之下游而東陵匯澤
即隨九江而上下若謂大江水派別為九則一水之中沙水相
開橫列十有餘條將無以容若旁計橫入之小江則所受不知

當為幾千百江古今聚訟無所折衷者何曰荊州上下游各有
 九江尚書今古文各主一說而洞庭及鄱湖水皆不與焉蓋九
 江猶九河九河為河水自分為九則九江亦必一江自分為九
 而非九水之入乎江故淮南子言禹鑿江而分九路朱子所謂
 一水開當有一洲相開者是也其在上游者見山海經而水經
 山水澤地記宗之此桑欽所謂尚書古文說此西漢真古文荆
 州隄防考言古有九穴十三口今多淤廢其十三口乃外水之
 入江而非江水之泄於外與九江無涉惟九穴即古九江蓋江
 自百里洲而下江分南北北江為沱其南江正流東至於澧者
 則洲渚紛歧分為九派曰虎渡穴章卜穴郝穴皆在江陵又楊林穴
 宋穴調絃穴小岳穴皆在石首赤剝穴在監利皆昔時分泄江漲之
 地分布江陵石首監利之閒今惟江陵對岸之虎渡穴及石首
 之調絃穴尚存餘盡占為圩田計今江南岸公安石首華容安
 鄉四縣皆古九江洲渚故道漢許商言九河自禹津以北距大
 河中閒相去二百餘里今九江去澧亦二百餘里正與九河廣
 狹相等故水經言禹貢九江在長沙下雋縣西北下雋即巴陵不言
 在下雋之南也洞庭則正在南非北矣山海經澧沅瀟湘之浦在九江之
 閒不言九江在澧沅瀟湘之閒也自圩坑日興洲渚盡化民田
 設立城邑於是南岸大江距澧平陸二百餘里而禹貢大江至
 澧之文遂不可通自松溪至巴陵江九江亡其六七而諸水盡

鍾於洞庭於是以洞庭為九江而水經及山海經皆不可通其
 北岸則大江別出之沱自監利夏首受江逕沔陽州潛縣入漢
 謂之夏口今則北岸長隄亦互七百餘里夏首不復受江而東
 別為沱之文亦不可通北沱漸塞南岸九江亦塞惟存虎渡一
 口至澧遂反以南江至澧者為沱則下文曰過日至曰會曰迤
 豈皆承江沱言之而不及大江耶至以九江為洞庭無論洞庭
 是湖非江且入湖之水惟沅湘資澧故洞庭在古止謂之三湘
 謂瀟湘沅湘資湘其君山則謂之湘山湖口謂之湘江口見水
 國策又謂之五渚若五口然安得有九故欲明上游九江之是
 必先闢洞庭為九江之妄洞庭之妄明而九江故道明即古三
 湘七澤之說亦無不明九江既在荊州上游則東陵當從漢志
 水經注在今蘄州之東地名田家鎮兩岸石山抱折江曲有如
 巫峽正當尋陽上游此九江在荊州地界之說也魏源書古微
 南條九江按九江諸說載入辨論者率以洞庭為歸趣謂九
 水匯於洞庭故名九江也此說謂江自分為九即古之九文分
 布江陵石首監利之閒據經分疏確有所見雖論現今地勢皆
 在洞庭之北其實在江之南與華容安鄉接壤且禹貢所謂東
 至於澧者不得移而之他也
 也因錄於此以廣異聞
 洞庭所納之水沅湘二流為大其上流合川甚多無宜別擇為
 九所謂九江者當以旁近大小諸水口如沅湘資澧外以水經
 及注所稱名驗之今臨湖始合之水若油若滂若澆若汨若微
 計為九自足是水夏秋漲為一湖冬春派別各見而江自江陵

百里洲分流入湖鄒道元所謂枚迴洲江水自此分爲南北江

者故九水通得江稱吳敏樹九江樓記

山經言沅澧之風交瀟湘之浦瀟似宜爲一水鄒道元據說文

解字瀟水清深也不以爲水名而今零陵有瀟水源流甚小不

容獨配湘爲稱或瀟乃資水之本名則可不然竟當如說文也

水經油水出公安至孱陵入江孱陵今華容油水入江當是今

調絃口其通澧浦則今華容九都河是其道也沔澧二水入澧

皆近至湘中而沔陽見楚辭汨羅屈子自沈處古之名川也水

經又云湘水又東至長沙下雋縣微水又東來注之於今未知

微水所在以巴陵之水可名者獨新牆河耳而今湖東南岸接

湘陰磊石山處名曰微湖蓋自此以北皆巴陵水所被及也微

自宜爲九水之一矣梓湖文錄

朗州武陵東北八十九里有考功堰長慶元年刺史李翱因故

漢樊陂開又有右史堰二年刺史温造增修朝以尙書考功員

外郎造以起居舍人出爲刺史故以官名唐書地理志

岳陽門西下瞰洞庭每夏秋風濤激嶺城址又岳爲荆潭黔蜀

四會之衝舟之往來湖中者無所寓泊宋守滕宗諒築偃虹隄

於金鵝之右遠邇蒙利巴陵白荆隄宋慶曆間完築臨湘趙公

隄元秦定開縣尹趙憲築按禹貢九江孔殷謂沅漸元辰激西

澧資湘九水會合匯爲洞庭一湖是也今以明朝郡縣志考之

辰常衡永支河會流於洞庭者無慮數十水而其會眾流而注

之湖者則有三焉曰沅江湘江澧江而已沅發牂牁經辰溪合

麻陽諸溪崗水過常武出湖之北湘發自廣西興安海陽山至

分水嶺分爲二派一爲灘水一爲湘水至永州合瀟水汨羅過

長沙出湖之南澧發自武陵古充縣東流過武水口合焦溪茹

溪之水經慈利石門至澧州出湖之西而漸元辰激西資共合

流而會爲洞庭以故沅辰永衡長沙得免水患惟常武當沅江

之下流岳陽當江湖之會合故歲遭浸溺而隄防之設最宜亟

圖者也郡國利病書九江隄防考略

郡治與武陵龍陽二縣地皆濱江自古苦水患南朝齊永明十

六年沅靖諸水暴漲至常德沒城五尺宋瀋熙十六年沒城一

丈五尺漂民廬舍後唐同光初沈如常砌二石櫃禦水以保障

城垣至今賴焉元延祐六年郡監哈冊於府學前又砌石櫃一

座高二丈餘而水勢以殺迨明嘉靖元年大水決隄防十二年

江漲幾破城垣三十九年以來歲遭淹沒頻年修築郡治沿江

一帶及武陵龍陽二縣槐花宿郎堰大圍等隄民始有甯宇郡國利病書常德府隄考略

郡治城西岳陽樓一帶正臨洞庭湖春夏水漲波濤撼城勢甚

可慮宋守滕宗諒築偃虹一隄障之迨明初隄漸崩洗城漸退

縮近年移城於岡阜至嘉靖三十九年以後岡阜半摧而懸城

孤危岳陽樓亦將頽塌知府李時漸願募夫役取辦磚石繕修城垣自岳陽樓而南凡二百六十餘丈城下築土隄以障水其屬邑臨湖嘗苦水患者有四安鄉華容巴陵臨湘也但安鄉四面皆水勢難隄設臨湘平依山城猶可捍禦巴陵隄防低在江北諸里惟華容四十八垸之隄最為要害郡國利病書岳州府隄考略近年深山窮谷石陵沙阜莫不又闢耕耨然地脈易疏則沙磧易漬故每雨則山谷泥沙盡入江流而江身之淺澀諸湖之湮平職此故也今可盡心力以捍民患惟修築隄防一事是故備考古人營度之法而參以土俗布置之宜可經久而通行者蓋有十焉一曰審水勢東洗者必西污下注者必上湧築隄者審其勢而為之阻而最難禦者莫如直衝之勢議者退而曲防故荊州虎渡穴口之隄先年愈退愈決急而近日直逼江口以遇水衝乃得無恙他如順注之傾涯則隄勢宜迂急湍之迴沙則隄勢宜峻二曰察土宜一遇決口必掘浮泥見根土乃築隄根其所加挽者必用黃白壤三曰挽月隄洗在東涯則沙迴而西淤在南勝則波漩而北故往往古隄返抱江流者為水所囓即臨傾涯之上勢甚孤懸必先勘要害之地而預築重護之隄四曰塞穴隙窪屬蟻窠穴秋冬水涸徧察孔端極低而填塞之夏秋水漲巡視隄內有水浸透者即探其原而為之防五曰堅杵築木杵不如石樁石樁不如牛鞮六曰捲土壅塞決口為上

護成隄次之法埽以葦葦為衣以楊柳枝為筋以黃壤為心以穀草為紉纏因決口之淺深水勢之緩急而為長短大小者也若隄初成時土尚未實必以楊柳枝為埽橫棲於隄外則可以禦波濤而隄無恙七曰植楊柳八曰培草鱗九曰用石甃當衝放之要處若非石隄必不能固水怒而障狂濶十曰立排椿將大木長丈餘密排植於隄之左右聯以紉纏結以竹葦故風浪可及排椿而隄得以不傷也郡國利病書修築隄防總考略歷代以來有河患無江患河性悍於江所經堯豫徐地多平行其橫溢潰決無足怪江之流澄於河所經過兩岸其狹處則有山以夾之其寬處則有湖以瀦之宜乎千年永無潰決乃數十年中告災不輟大湖南北漂田舍浸城市請賑緩征無虛歲幾與河防同患何哉當明之季世張賊屠蜀民殆盡楚次之而江西少受其害事定之後江西人入楚楚人入蜀故當時有江西填湖廣湖廣填四川之謠今則承平二百載土滿人滿湖北湖南江南各省沿江沿漢沿湖向日受水之地無不築圩捍水成阡陌治廬舍其中於是平地無遺利且湖廣無業之民多遷黔粵川陝交界刀耕火種雖蠶叢峻嶺老林窳谷無土不墾無門不闢於是山地無遺利平地無遺利則不受水水必與人爭地而向日受水之區十去五六矣山無餘利則凡籌谷之中浮沙壅泥敗葉陳根歷年壅積者至是皆剝掘疏浮隨大雨傾瀉而

下由山入溪由溪達漢達江江漢達湖水去沙不去遂爲洲渚洲渚日高湖底日淺近水居民又從而圩之田之而向日受水之區十去其七八矣江漢上游舊有九穴十三口爲瀉水之地今則南岸九穴淤而自江至澧數百里公安石首華容諸縣盡占爲湖田北岸十三口淤而夏首不復受江監利沔陽縣亦長隄互七百餘里盡占爲圩田江漢下游則自黃梅廣濟下至望江太湖諸縣向爲尋陽九派者今亦長隄互數百里而澤國盡化桑麻下游之湖面江面日狹一日而上游之沙漲日甚一日夏漲安得不怒隄垸安得不破田畝安得不災然則計將安出曰兩害相形則取其輕兩利相形則取其重惟今日計不去水之礙而免水之潰必不得也欲導水性必掘水障或曰有官垸民垸大礙水道而私垸反不礙水道者將若之何且有官垸民垸而藉私垸以捍禦者並有藉私垸以護城隄者將若之何且私垸之多千百倍於官垸民垸私垸之築高固甚於官垸民垸私垸強而官垸弱私垸大而官垸小必欲掘而導之則廬墓不能盡毀且費將安出人將安置應之曰今昔情形不同自有因時因地制宜之法如漢口鎮舊與鸚鵡洲連漢水由後湖出江國初忍衝開自山下出江而鸚鵡洲遂化爲烏有又如君山自昔孤浮水面今則三面皆洲水涸不通舟楫岳州城外昔橫互大沙灘舟楫距城甚遠今則直泊城下又如洞庭西湖之布袋

口今亦冬不通舟此則乾隆至今已判然不同皆西漲東坍之明驗水既不遵故道故今日有官垸民垸當水道私垸反不當水道之事今日救弊之法惟不問其爲官爲私而但問其垸之礙水不礙水其當水已被決者卽官垸亦不必復修其不當水衝而未決者卽私垸亦毋庸議毀不惟不毀且令其加修升科以補廢垸之糧缺並請遴委公敏大員徧勘上游如龍陽武陵長沙益陽湘陰等地其私垸孰礙水之來路洞庭下游如南岸巴陵華容之私垸北岸監利潛沔之私垸及汀洲孰礙水之去路相其要害而去其已甚杜其將來而寬其既往毀一垸以保眾垸治一縣以保眾縣且不但數縣而已湖南地勢高於湖北湖北高於江西江南楚境之湖口日蹙日淺則吳境之江隄日高日險數垸之流離與沿江四省之流離孰重孰輕且不但以鄰爲壑而已前年湖南漢口大潦諸縣私垸之民人漂溺者亦豈少乎損人利己且不可况損人並損己乎乾隆間湖南巡撫陳文恭公劾玩視水利之官治私築豪民之罪詔書嘉其不示小惠苟徒聽畏勞畏怨之州縣徇俗苟安之藉友以姑息於行賄舞弊之胥役壟斷罔利之豪右而望水利之行無是理也欲興水利先除水弊除弊如何曰除其奪水奪利之人而已德源古徵堂集傍湘之民歲暮取江水一斛歲旦取江水一斛較其輕重則知

其年水勢高下云重則水大輕則水小甚驗 岳陽風土記
以上水

湖南通志卷末之一

湖南通志卷末之二

雜志二 紀聞二

九疑山碑自歐陽洪趙以下志金石文者罕及顧南原碑攷載舜廟碑名而碑字不收隸辨蓋亦未見碑本也獨鼎帖中摹勒八十八字方整流麗頗類延熹華山碑攷水經注九疑山之東北泠道縣界有舜廟縣南有舜碑碑即零陵太守徐儉立意卽是碑與然鼎帖直指爲中郎書則誤矣 朱景英摹舜廟碑漢隸跋甘棠渡在邵陽縣東相傳爲召伯聽政之地故郡表古南國歷建召伯祠載諸祀典詳先後記述中可按也萬厯間楊給事廷蘭謂棠樹之株明初猶存可坐數十人居人病游者之擾竊私伐去郡伯郭公聞於上置之重法則更非無據者矣或以爲不然者皆主扶風雍縣等說耳攷郡舊志據詩傳中今興元府湖北等路諸州卽今之辰沅等府也又楚地記云江漢之北爲南陽江漢之南爲南郡竝以古南國得名謂在豐鎬之南耳晉習鑿齒與伏元度論青楚人物鑿齒以伏羲生於黔中召南詠其美化楚固有甘棠之蹟焉周濂溪解邵州之名從水從召語在傳中可覆按也宋李劉賀寶慶李太守啟云鄴侯出守衍苦李之盤根召伯來宣新甘棠之美蔭惟此三湘壯哉二召輿地碑目直曰召伯渡在邵陽東三十里其古碑猶存益陽羅宗伯喻義曰召有邵音召亭甘棠渡在焉茲事或謂無予謂定有今人

行地者也古人天人其德主飛如凌倒景塊視下土以師兵爲營衛不必城郭也以菱舍爲訟庭不必官府也尙書五月南巡狩至於衡山而九江孔殷賁水固有禹蹟不得謂此履而彼眞亦將以釋疑而傳信矣由諸說以證殆將張楚也哉召乘

春申君宅一統志云在常德府城南方輿勝覽春申坊卽春申君故宅明統志今開元寺址其墓在焉按史記春申君楚人考烈王十五年請封於江東王許之因城於故吳墟以自爲都邑正義云墟昌門今蘇州也或疑歇旣就封於吳墓亦未必在楚攷考烈王蘭陵淮北之地皆析於楚則春申君之爲楚人與其宅墓之在鼎州皆無可疑耳舊志

水經注沅水又東夷水入焉水南出夷山山東接壺頭山高百里廣員三百里水際有新息侯馬拔征武谿蠻停軍處徑曲多險紆折于灘援就壺頭希效早成道遇瘴毒終沒於此忠公獲謗信可悲矣長沙周說注

陶淵明所記桃花源今鼎州桃花觀卽是其處自晉宋來由此上昇者六人山十里間無雜禽惟二鳥往來觀中未嘗有增損每於貴客來鳥輒先號鳴庭闌人率以爲占筆談

奇蹟之變幻耳目者不少概見余所歷甚隘而可爲傳說者有數事焉其一舟行沅江見萬仞壁立雖猿猴不能到而懸崖之上有小舟一隻望之約丈許此不可解者嘉善徐岳見聞錄

〔光緒〕湖南通志 卷末二

趙明誠金石錄第一千四百一唐唐亭銘元結撰留令問書大歷二年第一千四百四十九唐右堂銘元結撰篆書無姓名大歷三月第一千四百五十五六七唐中興頌上中下元結撰顏眞卿書大歷六月第一千七百七十一唐修涪溪記韋詞撰羅洵正書寶曆元年第一千九百七十七唐皇甫湜涪溪詩王士正云按唐右堂銘元結撰高重明書韋詞撰字蹟之與李翱同拜中書舍人終湖南觀察使

辰沅道中緣江皆峭壁高可百丈避兵者以修綆繫腰從山巔緦下距江面數十丈許度火攻弩箭皆不可到達於壁上鑿孔以巨木橫貫之卽於木上縱橫閒架欄楯葛飛簷承甍房廊四起鄰里交通殆成阡陌從江中逆數而上正得八十三層最上層距山巔亦數十丈虛無縹緲雖海市蜃樓無以加也麓蜀

顧公總管者唐人也其名與字遠莫可考唐季因寇猖熾民無所依遂起義師據寨以守寇逼寨下插石如雨退數里圍數月堅不可破寇以暮夜驅羊數十束火於首尾鼓譟上及曉矢石俱盡寨遂破公怒髮上指戎服跨馬率麾下數百人邀虜於寨下力戰斬首數百眾寡不敵乃下馬自刎復一躍上提首西奔路經金鳳坡遇汲婦告曰需爾水接首婦曰首已斷矣水何能接遂落馬而逝眾士卒葬之絮坻坡有坊上書唐朝顧公關西六字迄今呼金鳳坡爲落馬坡其宰殺湯池米日至今猶存相傳爲本里顧氏之祖子孫刻木以祀稱之曰顧公明洪武初釐

四七九

正神祀追封都督享祀南嶽祠舊刻公像戎服乘馬兩目怒睜鄉人猝覩而駭後畫像祀之遂為兩貌曰大公二公明季兵燹廟宇灰燼里人繪像重祠焉康應璠顧公傳

長沙實朱子游宦之地然其遺蹟問諸故老亦鮮有知其詳者若嶽麓書院亦其遺蹟之一吾友陳堅遠既重建之矣其後有隙地茂元構一閣以皮諸書榜曰尊經暨訖工乃考文公年譜遺事之有係於長沙者命為八題曰麓山講學衡岳同游安撫湖南諭降洞獠更建書院節制虎軍考正禮儀錄旌忠節每題書年譜於首命工分繪為圖而各為之贊合而名之曰紫陽遺蹟既成以授郡庠生楊劍陳大用揭於閣之四壁冀夫登而覽之者興起尊賢尚德之心而思讀其書以學其道是或風化之一助也楊茂元紫陽遺蹟序

三十六洞天在湖南者有五第三洞南嶽衡山周迴七百里名朱陵之天在衡州衡山縣第十三洞大圍山周迴三百里名好生元上之天在潭州醴陵縣按大圍山今在醴陽縣第二十四洞洞陽山周迴一百十里名洞陽隱觀之天在潭州第二十六洞大西山周迴一百里名大西華妙之天在辰州第三十五洞天桃源山周迴七十里名白馬立光之天在朗州武陵縣唐杜光庭洞天記七十二福地在湖南者十有四君山在洞庭湖中桂源山在桂州桂陽縣馬嶺山在郴州鸞羊山在潭州長沙縣洞真墟在長

沙縣西青玉壇在衡山祝融峯西洞靈源在南嶽招僊觀西光天壇在南嶽毛公壇在洞庭湖中綠羅山在武陵縣彭龍山在澧陽縣德山在武陵縣雲山在朗州武陵縣杜光庭福地記

大安寺一名福昌寺建自唐貞觀元年歷代住僧修造殿宇山門成大蘭若寺外竹樹蔭翳明吉藩天柱嘗游憇於此題句云只向此中成小隱更從何處問長生即今墨蹟猶存寺中上有印章四一曰皇帝宗胃一曰欽賜崇德書院一曰天柱之寶一曰吉國之章僧梵聲摹刻上石嵌佛殿東壁長沙縣志壽字石在臨湘都智度寺路旁大石平坦上鐫壽字徑五尺楷法雋妙凡來往觀者必臥其上以較其長短未有人身適與之齊者相傳語云有人睡得壽字倒直與壽字同到老今智度山有洞竇巖云壽字為純陽所書長沙縣志

天華勝境石碑在縣北九十里天華山寺內碑高七八尺鐫天華勝境四大字不署年月及書人姓氏寺前大石壁立明嘉靖辛亥青山楊廷相鐫壁窠望麓臺三大字摩崖跋云予嘗讀易此山每遇天朗氣清竝立石上南望嶽麓煙雲縹緲因思靈麓之下湘水之涯予師友在焉庸鐫斯石以志懷也長沙縣志仙人洞在大賢都三甲石仙庵後洞外摩巖書仙人洞三字皆高尺餘有國初舉人周烈跋語謂周真人福自心福庵來此入洞封墊九

月出而火化故名仙人洞又洞外有回頭是岸四大字草法一
筆書成四旁蕤蕤糾結苔蘚延緣而字蹟呈露誠仙蹟也長沙縣志
明萬曆十年夏六月鄧子龍登靖州之飛山題詩云南來倚劍
上岩巖滿眼烽煙坐裏消神器自知無鬼蜮嫖姚何處有天驕
嵐飛瀑氣披深洞風送鐘聲下遠苗西望六百八十八穴我欲一
掃歸天朝康熙丙戌之春古閩陳文昭泐諸石而敘之云飛山
離州城十里許每公餘閒暇輒與儲子林修登臨其上尋幽問
勝得故明鄧將軍題詩遺編一方讀其詩辭氣雄壯激烈書法
古勁有龍蛇飛舞之勢因日久微爛字畫模糊乃與儲子命工
鐫石以垂永久並附刻和章志景慕之意焉招尋緩步陟岩巖
俯看煙塵次第消古洞春融雲氣散空山人靜鳥聲驕得逢地
勝偷閒日幸救

天威靖遠苗才拙只應當

盛世憑他聚米說前朝宋時竊據屯兵聚糧至今米粒猶有存者土人常取以療心病者爭取之

一 飛山高聳鬱岩堯立馬峯頭曉霧消舊編摧殘詩欲泯新
碑鐫就字猶驕會宣忠烈安邊壤尙震神威服野苗敢藉佳章
傳勝蹟千秋俎豆祀

熙朝其林修儲三近和云將軍當日陟嶢峴朝染天葩墨未消
憑弔恍疑神氣在登臨猶覺馬嘶驕鞭雷勝蹟傳溪向公征毗陵一帶

馬鞭插地成竹方望紫色石載靈書格遠苗公征過溪洞書過

至今土人相傳爲馬鞭作

今苗民每年寒食以太牢祀之
粉填其宇否則患日靈爽宛然耿耿精忠垂信史洋洋血食顯
熙朝外簡溪周楨浙東瀟深雍皆有和作不具錄見登飛山詩

按上五條金石志
遺載補錄於此

乾隆乙丑九月啟文昌塔舊基得石碑二一詩云萬古江山誰
此詮柳公心記石中鐫機關不會探元秘祇繼先生一筆傳後
書無際主人題一游塔偈云念占定慧果外無因無緣爾緣無
覺爾心註我者往疑我者真誰生誰滅三教歸情瞬息菩提呼
吸惟深又啟塔底得方石小楷銘曰心生滅相於塵識名寄
卓卓廖太虛失理迷真據執迷遞識縛無有解脫義金液坎之
宮玉蘊石之闕元珠躍妙淵玻璃賁大地佛先天地立佛生天
地位因緣起浮屠不緣金玉最爲汝說傳衣傳衣今不試義復
亦如是不蕩不驚悸八萬四千井箇中丹心記分別別識迷無
分別識智西月兔涵輝影塔塔永瑞後書大明萬曆甲午年秋
七月二日祁陽縣志

楚北巡撫黔南王士俊云楚中故事有文人所宜重戒者二焉
一曰褻天一日侮聖宋玉高唐賦所謂巫山神女曰朝爲雲暮
爲雨此指神女之所司非指楚王行幸事也而後世以枕席當
之何其敢於褻天與屈原九歌中所謂湘君湘夫人不知何指
而秦始皇博士以爲堯之二女舜二妃焉後人以屈詞哀艷遂
加媾語其尤甚者酉陽雜俎所載李羣玉先之以詩繼之以夢

何其敢於侮聖與夫雲雨興於地降於天雖三尺童子皆知司令最尊者也堯女舜妃為聖嗣為聖后雖狂愚之夫皆知靈爽不磨也君子對青天而常懼敬鬼神而遠之赫赫明明臨之在上質之在旁人不畏天地鬼神獨不畏雷霆斧鉞乎奈何喪天侮聖之大戾偏出於學士大夫之筆而莫之省也其亦悖矣且宋玉諷其君之荒淫而託為謬悠不稽之論屈原翼其君之復用而發為美人香草之詞蓋有大不得已焉者所謂寓言什九非莊論亦非篤論也後人執其說而泥之是陷古人深也執其說而泥之而遂入於喪天侮聖是自陷益深也何弗思而蹈此古人作書遇天地等字則肅容遇聖賢名字則起立至於下愚則侮且褻焉何賢不肖相去一至於乎湖廣通志以

祝融氏都于會也故鄭為祝融之墟其治百年葬衡山之陽是以謂祝融峯也衡山記云祝融其陰非也今祝融峯下有舜頭圖焉荆州記云衡山之南有正重黎墓故思元賦有類衡阿睹有黎妃墳之語然張盛二子皆以為黎則不然矣今其祠廟記咸以謂高辛之臣且高辛時黎為祝融黎死吳回代之而黃帝時庸光亦為祝融何得指為黎哉且少昊四叔咸無葬處何獨於黎有墓此亦漢儒之臆說也 路史

炎帝神農氏崩葬長沙茶鄉之尾是曰茶陵所謂天子墓者炎今在麻陂林土茂密數里不可入兩杉蒼然逾四十圍兩杉而上陵也前正兩紫金嶺丁未春予至焉寓人云年常有氣出之今數載無矣所葬代云衣冠赤眉時人慮發掘夷之陵下龍潭傳石上古有銅碑陷入焉 五行書云神農丁亥日死丁未日葬 路史

鄙人言炎帝陵凡遇祭告則數里之內有聲殷殷若雷人皆聞之如此數日禮畢而後止守土春秋祀則否詢諸鄙令周君仕魁云泣任已兩遇祭告無不共聞殆猶孔子盛饌變色之意與神聖靈爽久而愈赫如此湘湖錄

衡山九疑皆有舜廟太守至官常遣戶曹致仕則如聞絃歌之聲羅含湘中記

九疑志唐僖宗朝邵州胡會權延唐令請於朝立舜廟於玉瑄山下有敕建禹廟碑異苑載衡陽山九疑山皆有舜廟太守誠敬則聞絃歌之聲寶慶府志載唐張謂虞帝廟碑稱九疑北麓三湘南滋帝之遺廟存焉攝邵陽縣令前御史宇文宣相岡樹移棟宇是邵陽亦有舜廟矣武岡又有堯王寺相傳堯曾巡狩於此而邵州大禹廟見邵州圖經其來已久寶慶府志

衡山縣吳集楊山祠碑云祀太古靈侯或謂是神農臣也神農崩葬茶鄉侯哭從至此疑即沒於此故後人祠之殆亦白阜赤冀之儔與開詳

後漢書蠻夷傳云夜郎初有女子游於遶水有二節大竹流入足間其中有號聲剖竹視之得一男歸而養之及長有武材自立為夜郎侯以竹為姓武帝元鼎六年平西南夷為牂牁夜郎侯迎降天子賜其王印綬後遂殺之夷獠以竹王非血氣所生甚重之求為立後牂牁太守吳霸以聞天子乃封其三子為侯

死配食其父華陽國志避水通鬱林有三郎祠皆有靈響又云竹王所捐破竹於野成竹林今王祠竹林是也王嘗從人止大石上命作羹從者白無水王以劍擊石出水今竹王水是也王阮亭詩竹公溪口水茫茫溪上人家賽竹王銅鼓蠻歌爭上日竹林深處拜三郎案乾州廳志竹王廟在州北五里雅溪俗所稱白帝天王是也紅苗極崇信尊奉之每歲於春分節前以辰日起已日止禁屠沽忌釣獵不衣赤不作樂獻牲後方弛禁稍有不謹則有疾疫瘴癘為災故其虔如此遇有冤忿必告廟誓神刺貓血滴酒中飲以盟心事無大小飲血方無反悔否則官斷亦不能治蓋苗人畏鬼甚於畏法如此

舊志

漢書昭陵注荆州記曰昭陵縣東余水旁有漁父祠唐張謂邵陵懷古詩云湘君祠對空山揜漁父亭低日暮歸

府志

義帝冢在郴州儒學之右冢頗高大有自生樹一二株前為祠

祠外有何文簡碑冢有白虎因而名郡詢之州人不知矣

湘南雜錄

劉巴章武二年出鎮荆州卒於岳陽葬於郡西後因巴墳遂號

岳陽為巴陵時人語曰生居三湘頭死葬湘江尾

輿地紀勝

杜少陵墓在邑治東小田近墓杜氏皆其裔明宏治間小田杜

昂獻誥敕二通一載宋紹興三十二年十一月二十日敕承節

郎杜邦傑一載唐至德二載五月十六日敕杜甫敕云敕襄陽

杜甫爾之才德朕深知之今特命爾為宣議郎行在左拾遺授職之後宜勤是職毋怠命中書侍郎平章事張鎬齋符告諭故敕後一行載年月日年月有御寶今其家世寥落墳墓隱然或疑其裔之是而墓之非余日皆可弗泥也詩以志之

陳宏亮平江訪杜少

詩引

朱子澧州約束榜伏覲紹興五年七月七日赦書內一項五嶽

四瀆名山大川歷代帝王忠臣烈士載於祀典者委所在長吏

精潔致祭近祠廟處並禁樵采如祠廟損壞令本州支係省錢

修葺謹按晉書南中郎將湘州刺史譙國司馬諱承當王敦作

亂之際與兵倡義為國討賊功雖不就志節可嘉今數百年未

有廟貌又按長沙圖志故通判州軍事贈直龍圖閣孟公諱彥

卿通判州事贈直龍圖閣趙公諱民彥將官贈武節大夫劉公

諱玠兵官贈右監門衛將軍趙公諱肅之皆以紹興初年金虜

侵犯或提兵出戰或督眾守城殉國捐軀忠節顯著本州從來

只於南嶽行宮設位祭享祠象不立無以慰答忠魂表勸節義

今準前項赦書令於城隍廟別置一堂塑象奉安永遠崇奉其

譙王長史虞悺司馬虞望參軍韓階主簿周崎鄧寯並是當時

協謀起義之人亦各行塑象配神從食牒州委官討論計度塑

造一統

頰元祠舊名元顏祠涪溪志載古有兩祠不詳所自始宋紹興

中郡守許承屬邑令劉獬修之合為一明成化中僧正禱重建於中宮寺右

國朝康熙乙亥知縣王啟烈移於嶧臺南畔嗣後屢修屢圮道光二十年知縣易學超重建不久又傾二十八年知縣王葆生改建以元主顏實且尊改為顏元祠並立配享竹食諸公東西

二龕祀唐觀察袁滋江華令瞿令問長史元友讓瀧水令唐節迴溪老人張子厚文學季康處士張子季秀宋黃文節公庭堅

蘇文忠公軾蘇文定公轍范忠宣公純仁范學士祖禹張忠獻公浚胡忠簡公銓蔡西山元定楊文節公萬里鄒忠公浩博士

楊長孺太學生蔣偉詔舉遺逸王繪鄧璋今祠更為宏敞左立僧舍接構官廳為游人憩息處繚以短墉極為壯麗同治元年

郡守楊翰建縣志

龍禹官原籍江南應天人宋哲宗五年奉命招討黔氛二年招討楚南屢著奇勳尋卒於任元配羅氏生五子長宗麻襲職哲

宗十年南蠻復叛時禹官父子俱卒楊沈繼之屢勦不利禹官願神助戰乃大勝事聞封王爵立廟伏一歲祀之其後裔分居

會綏常沅之閒會同縣志

道州字惠廟靈響甚著清熙己亥郴寇大作侵軼州境郡守趙公即中汝誼以郡無城池聽民避寇自使而自誓死守指使樊

謹請入賊說以禍福不從則死之即日見害賊進至江華距城

不一舍公益憂憤倦而假寐見二丈夫儒衣冠貌甚偉岸來謁且言毋恐公意其孚惠之神也即日冠帶往謁俄有燕數千自祠所隨公朱幡飛集黃堂上翔而為三起而復集噪皆外嚮如一漏盡數刻絲所從方陳而去是夕寇遁民有被俘逃還者聞賊言道州號令信明能使人不可犯乃舍而去郡教官張穎記其事刻石縣志

桂陽縣汝城鄉有文懿公廟公諱益唐相宋璟之孫天性神異仕唐以忠直卒朝忽多霧氣國師占之曰此宋益神氣也上賜謚文懿詔其子孫立廟祀之宋氏族譜

康熙十八年湖廣總督蔡毓榮疏言舟至新牆候遇暴風因虔禱君山龍神靈應甚著得旨封為洞庭湖之神遣官致祭

長沙府屬城隍神善化最靈父老相傳神係前署令李鳳生李

山西安邑人乾隆八年以舉人揀發湖南署善化事一夜見廟中書吏奉冥牘相逐遂抱微疾卒卒之日異香盈室空中有呵

道聲隱隱入城隍廟舊志

湘楚往往有水神丁三郎廟不詳其始末衡湘稽古所言極明略云春秋鉤命決神農氏之臣有丁謀華陽國志古有力士五

丁開蜀山衡湘傳聞以火紀官取干支六丙六丁分方治水鑿山通脈故道書尊陰官六丁神韓愈詩有天官敕六丁之語爾

雅歲在丁曰彊月在丁曰圍通水欲彊蓄水欲圍皆以水取義
 丁丑氏治東北丁卯氏治東丁巳氏治南丁未氏治西南丁酉
 氏治西丁亥氏治北蜀西方丁巳次三故今水神稱丁三郎民
 通道蓋其子孫衡湘南方為丁巳次三故今水神稱丁三郎民
 閒凡有疏鑿大役必椎殺九牛十八豕以丁巳日記丁三郎謂
 之怪犧春秋元命苞炎帝之臣曰怪犧是也按此亦志緯家說
 然如此確鑿固足立言不朽兩湖聽
 風雨神臨武縣之西山華陰深山中老枯藤所結者形如木偶
 附著藤蔓面目可辨鄉人遇旱往求之得即斷其藤急迎木偶
 歸為壇而祀之泥其身暴於壇上雨立至盡洗其塗而止仍送
 至本山若所得係風神大風隨至拔木石即投之於山不敢迎
 祭然遇之者亦罕舊志 以上
 誠徽州唐溪尚州宋初楊氏居之號十尚首領以其族姓散掌
 州尚太平興國四年首領楊蘊始來內附八年楊通寶始入貢
 命為誠州刺史淳化二年其刺史楊政巖復來貢是歲政巖卒
 其子通璽繼知州事熙甯八年有楊光寶者率其族姓二十二
 州尚歸附詔以光寶為右班殿直昌運五人補三班奉職餘十
 六人補三司運將繼有楊昌銜者亦願罷進奉出租賦為漢民
 詔補為右班殿直子弟姪十八人補授有差獨光借頗負固不
 從命詔湖南轉運使朱初平羈縻之未幾亦降乃與其子曰儼

〔光緒〕湖南通志 卷末二

請於其側建學舍求名士教子孫詔潭州長沙朴成為儼誠等
 州教授光僭皇城使誠州刺史致仕官為建宅置飛山一帶道
 路巡檢光僭未及拜而卒遂以贈之錄其子六人元豐三年知
 邵州關杞請於儼誠則融嶺擇要害地築城砦以絕邊害詔湖
 南安撫謝景溫轉運使朱初平判官趙揚商度以聞景溫等以
 為宜如杞言乃議置誠州以沅州貫保皆為渠陽縣隸之以儼
 州為蒔竹縣隸邵州又乾道十四年成忠郎充武岡軍都巡檢
 谿尚首領楊進京備方物求入貢十五年楊進禹復求入貢皆
 楊氏也宋史南
 楚王馬殷遣將鎮入番遂成土著多樓居衣青衣婦人被細指
 裙摺如蜚板古致可觀以六月六日為正且尚鬼善造蠶毒身
 帶刀弩多為盜賊亦有識字充胥役者苗而近漢者也喪食魚
 蝦而禁禽獸之肉葬則蓋屍以繖期年發而火之陸次雲尚
 扶氏蘇氏通志梅山五代時為蠻王扶氏所據宋史梅山有蘇
 方者數奪舒向二族後熙甯時蘇氏納土按宋時辰州南北江
 如舒氏彭氏田氏向氏楊氏之屬皆子孫承襲世據下谿懿是
 敘峽等州而扶氏蘇氏無間焉豈故苗獠之在郡西山尚中能
 出沒侵掠而不能久據其地者耶資慶
 太祖開寶八年梅山蠻寇潭邵二州供奉官李繼隆以雄武軍
 三月戌邵州梅山蠻截道繼隆力戰蠻敗太宗太平興國二年

左甲首領包漢陽右甲首領頓漢凌寇掠邊界朝廷累遣使招諭不聽命客省使翟守素調潭州兵討平之自是禁不得與民交通其地不得耕牧翟守素濟州任城人

宋史

蔡奔宋州人湖南轉運副使潭邵間有上下梅山其地千里馬氏以來徭人據之號莫徭有厲禁制其耕墾出入歲久公然冒法奔奏開其酋以禍福使爲土民口授其田略爲貸助使業其生建邑置吏使知有政上嘉納之章愔訪察本路卽付其事同奔經理檄入其境果大歡從授冠帶畫田畝分保伍列鄉里築二邑隸之籍其田以畝計者二十四萬增賦數十萬遂懷邵之武岡蠻三百餘族戶數萬輸米以萬計納其所畜兵仗以其地建二寨上遣使勞之賜邑名曰新化安化寨曰武岡關峽

楚寶增補

按蔡奔卽燈

紹熙三年臣僚言武岡嘗集人戶爲義保雖籍於官未嘗遠戍靖康開調之勤王其後湖南有事征斂百出義保困苦不勝乃廢世業依蠻崗聽其徭役州縣猶驗舊催科致挈家遠徙官失其稅蠻眾日強所屬二保悉爲蠻人所有遠戍之害已除而鄉戶弩手之名尙在眾取其值大戶怨恐乞擇本路監司詳議以聞詔從之

宋史

介於湖湘南北間有兩梅山焉廣谷深淵高巖峻壁繩橋棧道須係上下自五季棄而夷之食則燔肉飲則引藤衣製斑爛言

語侏儻出操戈戟居枕鐙弩刀耕火種摘山射獵不能自通於中華我神考經武聖謨制自廟幄乃遣中書檢正章惇經略其地惇以詔使往大瀉山使劉次莊因浮屠往諭其酋酋長扶氏解髮稽首曰惟命是聽於是啟禁焉天闢山川神相桴鼓斬茅而嘉林秀徙石而寒泉冽曠野平林可鋤可芸急瀧清瀨可漁可釣若有所待以成太平開遠之功也

宋吳致堯開德橋記

紹興十四年湖南安撫使劉昉表武岡徭人有父子相攻者宜出兵助其父俾還省地帝以問秦檜檜恐輕舉生事帝曰恩威不可偏廢彼不侵省地則已如有所侵奈何弗討使知所畏哉

宋史西南翁尚傳

孫覽高郵人字傳師神宗時荆湘開疆命往相其使覽言沅州所招谿崗百三十宜從本郡隨事要束勿建官置戍以爲民困從之

宋史

紹興六年荆湖北路帥司言營田澧辰沅靖四州舊置弓弩手九千一百一十人練習武事散居邊境鎮撫蠻夷平居則事耕作緩急以備戰守深爲利便靖康初調發應援河東全軍陷沒今辰沅澧靖等州乏力防守竊慮蠻夷生變巨測若將四方弓弩手減原額定爲三千五百人辰州置千人沅州置千五百人澧州靖州各置五百人分處要害量給土田訓練以時耕戰合度庶可備禦以所餘閒田募人耕作歲收其租於邊防財賦兩

得其便可為經久之計詔從之宋史

宋隆興時有正言尹穡言湖南州縣地界與谿峒蠻獠相接以故華民與蠻人交結往來擅易田產其間豪猾大姓規免稅役多以產寄蠻人戶下內虧國賦外滋邊釁宜詔帥臣遣吏清立封堠不許華民將田產典賣與蠻人及私以田產寄隱宋史

嘉泰中湖南安撫趙亮勵言湖南九郡皆與谿峒相接其地闊遠南接二廣北通湖右其人狼子野心不能長保無事或因饑饉或因警怨劫掠殺傷習以為常州縣稍失隄防則不安巢穴越界生事莫若選擇土豪為蠻人所信服者為總首以任彈壓之責潛以禦之凡細微爭鬪止令總首處分開諭勸解自無侵

陵之患蓋總首者語言嗜好皆與之同習知其利害審察其情偽而其力足以制之諸司以亮勵所言以蠻制蠻其策甚良宜從之宋史

嘉定中臣僚言熟戶山獠尚丁有田不許擅鬻任其耕種但以丁名繫籍每丁量納祿米三斗悉無他科既樂其有田之可耕邊界有警極力為衛蓋欲自保田業也今州郡漫不加恩山獠尚丁有田者悉聽其與民交易而丁米挂籍自如催督嚴峻多不聊生往往鋌而走險或邀徒伴或為嚮導出沒近地為害甚大宜明敕湖廣監司嚴禁從之宋史

苗之原始相傳出於高辛之世以為槃瓠種類其說荒遠難稽

按東方朔神異經西荒中有人面目手足皆人形而脣下有翼不能飛為人養養淫逸無理名曰苗民春秋所謂三苗書云竄

三苗於三危今苗性最淫且飲食無厭是殆其苗裔與宋史苗民不知文字父子遞傳以鼠牛虎馬記年月暗與歷書合有所控告者必倩土人代書性善記懼有忘則結繩為契券刻木以為信太古之意猶存近設苗學間亦有知命童子入學日負

維糧數升就師傅授句讀默記而歸其中亦甚有聰俊者因所曉而遂為解說久則漸通曉文義賢有司善育而時教之文風著而苗習無不改者矣永綏志

苗民入市與民交易驅牛馬負土物如雜糧布絹之類以趨集場糧以四小碗為一升布以兩手一度為四尺牛馬以拳數多寡定價值不任老少其法將竹篾箍牛前肋定其寬仄然後以拳量竹篾水牛以十六拳為大黃牛以十三拳為大名曰拳牛

買馬亦論老少以木棍比至放鞍處從地數起高至十三拳者為大齒少拳多價差昂反是者為劣統曰比馬屆期畢至易鹽易鹽種易器具以通有無初猶質直今則操權衡較錙銖甚於編氓矣與親黨權子母以牛計息利上加利歲長一拳至八拳則成大牛至數十年即積數千百倍有終身莫能楚者往往以此生鮮雖父子兄弟伯叔甥舅見利則爭且有愛重賄而相賣

爭財產而相殺者惟在司牧者善導之耳永綏志

苗人鳥鎗製作極精又有打石一技童而習之無事則羣聚指打某樹某枝中者為能送石捷而有力能於數十丈外取空中飛鳥故當接鬪之時子藥已盡即拾石擊人其傷亦重永統志詩曰矯矯虎臣又曰闕如虓虎貴州提督花連步驍勇異常赴援永綏所至苗畏避之號曰花老虎湖廣提督劉君輔守禦鎮筩及轉鬪隆園花園間皆身先士卒戰甚力軍中因其髯黑亦有黑老虎之稱永統志

明宣德間蕭總兵投築堡二十四座嘉靖間張總督岳加修十三營哨哨必有土垣繚之亦堡之意也自來設邊防莫不以堡為急務以其可限戎馬之衝突而為居民扞蔽也於苗疆中猶為緊要蓋有數利苗人所恃者鳥鎗施放可至數十步外而不能擊洞重垣土堡之固或用毛石砌成即薄者亦必築土二三尺可以遮蔽鳥銃一利也苗人驚駭聞左在乘夜放火就僻邨茅屋潛蹤一炬而數里內居民紛紛逃竄既築土堡則房屋皆在堡內無能縱火二利也百姓四散住居未免形勢單弱難以守望相助有堡以聚之則多者數百家少者亦有數十家比廬而居聚族而處聲勢自然雄壯三利也且散地難於守禦狹崖狻徑處處可踰越有堡可憑則荷戈登陴以數十百人分布一堡之內人數敷用自然嚴密四利也至民間所收糧食貯積堡中一應牛豕牲畜俱欄養於內則尋常鼠竊亦不至輕有窺伺

五利也夫數里之間前後左右各有堅堡一堡有警各堡互應或邀截或夾攻既有輔車之勢自有犄角之功六利也凡築堡者飭於堡旁取土之處即便挖成深濠則堡成而濠已具濠中令密栽棘刺及叢竹之類一二年後棘刺叢生是生成鹿角茨藜七利也嘉慶中永綏設營屯汛堡四十餘座居民安帖近日漸有坍塌隨時修治有備無患是在司牧者永統志

明紀遺聞載陳友諒亡後陳理被擒友諒尚有二子挈眷屬逃入楚中深洞自相婚配將一姓別為二姓弟仍陳兒將陳字易作鄭字名曰哥陳子孫繁衍或曰今梅花洞中種類即是尚志自海軍門失事之後賊勢日益披猖眾至七八千人蹂躪數邑分投四出各將領無一敢攖其鋒者於是將倚九疑山為久踞之策羅軍門設計誘入洋泉洞連日圍攻親率將士不避矢石刻期殲剿無一逃者雖古名將何以加茲而當時猶有挫辱之者幸而無瑕可擊得以自全吁亦危矣唐鑑五論

猺亦人也異視之則異同視之則同其種落不一男衣背有紅織文女頭裹紅布者謂之紅猺白曰白猺黑曰黑猺男衣負花織文女頭頂板者謂之花板猺女頭插箭三枝以藍布覆之謂之箭箠猺隨處遷徙逢山開墾者謂之過山猺居有定處與民人雜耕者謂之平地猺平地熟猺也較為馴擾富川之三犖倒水沙母平石龍窩烏源石鼓南源神源二九鳳溪谷塘大園都

家恭城之塘黃石盆仲家襄塘大源高略平源四邨垓里馬眼
平樂之大源小源九堡四哨連塘蘭洞蛇灘駝口荔浦之牛角
古累龍殿龍莫橋頭金波太平龍規龍田長漢黃桑假羊茨姑
栗木根長院坪規衝朝衝皆熟徭也修仁之六定六斷三片楊
柳寨堡江軍長二長灘金秀六那金邨流邨八沙六寺擲妹赤
地山徭也亦不遷徙永安之東平里八邨龍定里十六邨羣峯
里四十八邨與之同賀縣大凝五十衝大桂二十四衝皆過山
徭道光十二年六月大桂各衝滋事而大凝各衝安分守業其
所屬犁頭山爲衝十八曰如仁曰山坪曰湖廣洞曰仁喜坪曰
見蛇曰羊爛曰馬地曰大木萬曰小木萬曰銅羅曰大隘曰大
浪曰古那曰略板曰石坎曰龍隱曰小白棧曰鈞管過山徭也
合昭平所屬之銅羅山雞衝山楓木坪苦竹山文進山景亮山
屢衝暗衝茶子衝福安衝牛角山共二十九衝爲戶三百二十
有八當大桂山柑子金竹等衝起事往犂頭糾約者晝夜不絕
而訖不與從及官兵俘獲鞠訊點者挾憾誣叛幾致勞師幸以
安撫而定夫徭一也何以柑子等衝遂至畔離遠徙其平時豈
有隱忍不得於心聞江華趙逆之亂因相煽而趨其事耶可謂
愚妄無知矣文武官吏多方曉諭未出山者亦卽帖然莫又是
豈與居民異哉防徭五論

連山之八排萬山環聳其高逼天陰翳成雲霧嶺嶂若干戈險

不可測黎瓠之事遠而難稽卽以爲廖氏奴亦屬荒渺要之不
知詩書不辨禮義任其野性時起鬪心則自古爲然別之爲徭
洵不誣也其地東通連州東南接陽山西界賀縣西南入懷集
北連江華東北接藍山縱橫四百里而遙其曰大掌嶺火燒坪
里八崗軍寮馬箭此內五排也太平衝天塘尾藤鈎嶺八百粟
新寨茅田冷水衝龍水尾魚寨衝嶺尾六確衝盤血山雞公臂
牛路水水喪尾社下衝大竹山十五小排屬焉曰油嶺橫坑行
祥此外三排也香鑪山大鶩新寨鍋蓋小坪望溪嶺馬頭嶺七
小排屬焉其人猜忍好殺鋌險輕生非有嚴明之吏行恩於威
以刑弼教野心一肆獷悍難馴數十年必有一用兵之役及其
兵將旣集攻守兼施則又腰鼓焚香投誠效順故從來有事於
此者未有不先攻後撫先示之殺戮而仍與以生全者也然而
兔奸鼠伏明順暗乖劫掠乃其常情險詐逞其故智撫之不見
恩約之不爲信畏撤兵而夕復起父踐誓而子旋違以是攻勦
者無竟功拊循者無成德所賴一二文武員弁時以大義羈
縻之以重威懾服之使之不敢肆而已防徭五論
以上苗徭

湖南通志卷末之二

湖南通志卷末之三

雜志三 紀聞三

初彭彭與交阯牧鄧護厚善與護書陳國家威德又遣偏將軍

屈充移檄江南班行詔命於是讓與江夏太守侯登武陵太守

王堂長沙相韓福桂陽太守張隆零陵太守田翁蒼梧太守杜

穆交阯太守錫光等相率遣使貢獻悉封為列侯或遣子將兵

助彭征伐於是江南之珍始流通焉後漢書 岑彭傳

樂巴遷桂陽太守以郡處南垂不閑典訓為吏人定婚姻之禮

興立學校以獎進之雖幹吏卑末皆課令習讀程試殿最隨能

升授後漢書 樂巴傳

東觀記曰元和中荊州刺史上言臣行部入長沙界觀者皆徒

跣臣問御佐曰人無履亦苦之否御佐對曰十二月盛寒時並

多剖裂血出然火燎之春溫或膿潰建武中桂陽太守茨充教

人種桑蠶人得其利至今江南頗知桑蠶織履皆充之化也後漢書 茨充傳

零陵先賢傳曰鄭產字景載泉陵人也為白土膏夫漢末多事

國用不足產子一歲輒出口錢民多不舉子產乃救民不得殺

子口錢當自代出產言其郡縣為表上言錢得除更名白土為

更生鄉水經注

漢綏民校尉騎都尉桂陽曲紅灌陽熊君碑坳紀文春事行云

長沙茶陵長文春字季秋質操貞良慈仁汎愛治天官日度風

角列宿明知聖術在官修德民歌遺風春秋七十以道隕遷宗

嗣不紀故為昭宣又附紀杜暉云故桂陽陰山豫章缺長重安

侯相杜暉字慈明體質宏亮敦仁好道治易梁邱春秋公羊氏

綜覽百家無所不甄典歷三城居官清惠遺愛在民春秋六十

終族後缺述故因顯德以示來嗣金石 廣例

漢桂陽太守周府君功勳之紀銘案此周憬也金石 廣例

劉表為荊州牧命武陵太守劉叡集天文眾占名荊州占其雜

星之體有瑞星有妖星有客星有流星有瑞氣有妖氣有日月

傍氣皆略其名狀舉其占驗晉書 天文志

吳葛祚為衡陽太守境內有大槎橫水為妖百姓為立廟行旅

禱祀槎乃沈沒否則觸舟壞之祚命具斧斤明日當往伐其夜

聞江中洶洶有聲詰旦視之槎已移去幽明錄

晉應詹督南平天門武陵三郡軍事百姓歌之曰歲寒不離孤

境獨守拯我塗炭惠隆邱阜潤同江海恩猶父母晉書 本傳

裴昭明為長沙郡丞罷任刺史王繹曰卿清貧必無還資湘中

人士有須一禮之命者吾不愛也昭明曰下官忝為邦佐不能

光益上府豈以鴻都之事仰累清風齊書 本傳

顧憲之仕齊為衡陽內史刺史王奐初至惟衡陽獨無訟者乃

歎曰顧衡陽之化至矣若九郡率然吾將何事南史 本傳

蘇瓊遷南清河太守零陵縣民魏雙成失牛疑其村人魏子賓送至郡一經窮問知實非盜者放之瓊密走私訪別獲盜者從此畜牧不收多放散云但付府君有鄰郡富豪將財物將置界內曰我物已寄蘇公矣北齊書本傳

公孫景茂轉道州刺史悉以秩俸買牛犢雞豬散惠孤窮不自存者好單騎巡人家至戶入閱視百姓產業有修理者於都會時乃褒揚稱述如有過惡隨卽訓導而不彰也由是人行義讓有無均通北史本傳

羊侃初赴衡州於兩艇解起三閣通梁水齋飾以金玉加之錦積盛設帷屏陳列女樂乘潮解纜臨波置酒綠塘傍水觀者填咽梁書本傳

伏乞慧轉荆州總管又領潭桂二州總管三十一州諸軍事其俗輕剽慧躬行樸素以矯之風化大洽會見人以簪捕魚者出絹買而放之其仁心如此百姓美之號其處曰西河公筵隋書本傳

李峴天寶時遷京兆尹出爲零陵太守峴爲政得人心時京師米翔貴百姓乃相與謠曰欲粟賤追李峴唐書本傳

韓昌黎送李正字歸湖南序注正字卽仁鈞之子礎也貞元十年登進士第元和初爲秘書省正字湖南觀察推官公分司東都礎自湖南請告來覲其父於其還公以詩及序送之韓昌黎文集卷二十一

元次山父延祖爲春陵丞輒棄官去曰人生衣食可適飢飽不宜復有所需每灌園投薪以爲有生之役外此吾不思也余少觀此未嘗不三復其言今叨冒已過多乃得復行延祖之志自安一壑其愧深矣梁夢得避唐書本傳

劉禹錫貶朗州司馬地居西南夷土風僻陋舉目殊俗無可與言者禹錫在朗州十年惟以文章吟詠蠻俗好巫每淫祠鼓舞必歌俚辭禹錫或從事於其間乃依騷人之作爲新辭以教巫祝故武陵溪洞間夷歌率多禹錫之辭也舊唐書本傳

劉禹錫謫連州作畬田行云何處好畬田團團縵山腹下種暖灰中乘陽坼芽穰又作竹枝詞云銀釧金釵來負水長刀短笠去燒畬嘗觀辰沅亦然瘠土之民宜倍其勞而耕反凶葬也夢得蠻子歌云蠻語鉤輶音蠻衣斑斕布熏狸掘沙鼠時節祠盤瓠忽逢乘馬客恍若驚鷹顧腰斧上高山意行無舊路賓客謫居朗州而五谿習俗盡得之矣黃徹著漢詩話

賈至父名曾唐元宗爲太子時官太子舍人有奉和春月出花曠目應令詩後爲邵州司馬子至居洞庭有送于兵曹往江夏序寶慶府志

唐文宗太和二年十一月貶四川節度使杜元穎爲邵州刺史元穎以舊相鎮蜀文雅自高不曉軍務惟削兵衣糧致南詔寇叛邛州抵成都陷其外郭得貶尋再貶循州司馬太和九年貶

左金吾大將軍沈暉為邵州刺史均見通鑑紀事本末廣西

廣西臨桂縣華景洞有李珣題名云郴州刺史李珣桂管都防

禦巡官試秘書省校書郎元允會昌五年五月二十六日同

游時珣蒙恩移郡之任桂陽校書以京國之舊邀引尋勝男前

京北府參軍階進士潛譜楷從行廣西

臨桂虞山劉彥登題名碑有唐時按廣西文載云唐時全州人

政和二年進士初名時臣御筆為去臣字紹興中官鄂岳閩值

岳武穆將兵應副軍甚有勞績武穆薦之召見奏事任靜江理

定令官至澧州守廣西

李壽京兆人避地湖南事馬殷為衡陽令宋史

石曦太原人太祖時潭州鈐管開寶八年領兵敗南唐軍二千

餘於袁州平梅山板倉諸峒蠻寇俘馘數千人宋史本傳

今新化西南有石板田倉溪山巖谷深遂或即其地也

鼎澧道中有甘泉寺過客多酌泉淪茗天禧末寇萊公準南遷

題名寺壁天聖初丁晉公復南遷又題名而行其後范諷為湖

南安撫感二相連斥遂作詩云平仲酌泉方頓轡謂之禮佛向

南行層巒下瞰炎荒路轉使高僧薄寵榮隱居詩話

道余獨恨其語無別自古以直道見黜多矣豈皆貪寵榮者哉

又有人云此泉不洗千年恨留與行人戒覆車害理尤甚萊公

之事亦例為覆車乎因過之偶為數韻其間有云

已憐靜止鑿忠精史遺清泠洗讒味蓋指二公也

郭祥正言嘗從章惇辟入梅山溪洞中說諭其首領見洞主蘇

甘家有神畫像被服如士大夫事之甚嚴問之云此知桂府李

大夫也問其名曰此豈可名哉叩頭稱死罪數四卒不敢名徐

攷其年月本末則李公師中誠之也誠之嘗為提刑權知桂府

爾吾識誠之知其為一時豪傑也然小人多異議不知夷獠乃

爾畏信之彼其利害不相及耳林志

王文正公嘗宰平江令宅舊為山魃所據前令不敢復居一日

吏或夢見其告者曰宰相至吾當避之如有影響相率而去已

而文正下車處正寢無復驚動岳陽風土記

滕子京負大才為眾忌嫉自慶帥謫巴陵憤鬱頗形辭色文正

與之同年友善愛其才恐後貽禍然滕豪邁自負罕受人言正

患無隙以規之子京忽以書抵文正求岳陽樓記故記中云不

以物喜不以己悲先天下之憂而憂後天下之樂而樂其意蓋

有在矣過庭錄

張詠鎮永興有叟訴牛舌為人割詠詰之爾於鄉忤誰氏最隙

叟曰有某甲嘗貸粟不遂怨深詠遣遣去示云至家徑解其牛

叟如教却日有訴殺牛者詠曰爾割某氏牛舌以償貸粟怨而

反致訟耶其人遂伏罪苑

潭州巨賈私藏蚌胎為關吏所搜太守而下輕其估悉自售焉

唐公介時以言事謫潭倅分珠獄發奏方入仁宗謂近侍曰唐

介必不肯買案具奏覆覽之果然朱子名臣言行錄

臨桂雉山有蘇安世題名云轉運使蘇安世與進士趙揚來並
男台文祥文炳文侍行王安石蘇君墓志銘云子台文永州推

官宋史南蠻傳云趙揚嘗為湖南轉運判官廣西通志

臨桂龍隱巖許彥先題名有提舉常平關杞蔚宗廣西通志案

宋史南蠻傳云元豐三年知邵州關杞請於徽誠州融嶺擇要

害地築城砦以絕邊患詔湖南安撫謝景溫轉運使朱初平判

官趙揚商度以聞景溫等以為宜如杞言此杞之事著於史者

廣西通志

杜司空棕自忠武軍節度使出牧澧陽宏詞李宣古者數陪游

讌戲諱侮慢棕不能容欲辱之長林公主出而救之曰尚書不

念諸子學文待士如此那得平陽之譽遣易衣赴中坐公主請

為詩冀彌縫之也宣古詩曰紅燈初上月輪高照見堂前萬朵

桃鬢栗響清銀子管琵琶聲亮紫檀槽能歌妓女顏如玉解飲

蕭娘眼似刀爭奈夜深拋要令舞來按去使人勞悰賞之後悰

二子裔體儒林相繼登第人謂非其母不能成其子也雲漢友談

汪安行以武陵郡丞攝守澧陽移攝巴陵歸任道由安鄉阻風

五日禱於黃山祠夢烏巾紫欄者來謁云詰朝可行矣異日吾

邦使君也敢不告既寤風果息解維去秩滿還朝遂得澧守紹

興改元乃書其事於廟湖廣通志

范堯夫謫居永州閉門人稀識面客苦欲見者或出則問寒暄

而已僮婦榻奠枕於是揖客解帶臥良久鼻息如雷寤客自度

未可起亦熟睡覺常及暮而去冷齋夜話

朱子知潭州以年譜攷之紹興四年十二月除湖南安撫使辭

五年正月再辭二月詔疾之任會猗獠侵擾屬郡恐其滋熾遂

拜命四月起行五月至鎮八月即召入經筵是在潭甫兩月耳

楚寶壽皇一日燕居歎曰好一箇宰相但恐福薄耳蓋疑其相也一

老璫在傍徐奏曰官家所歎豈非周必大乎上曰爾何知曰臣

見所畫司馬光像亦如必大清臞上為之一笑未幾遂登庸為

太平宰相與聞揖遜之盛出鎮長沙退休享清閒之福十有餘

年鶴林玉露

朱子帥潭一日得趙丞相簡已立嘉王為上當首以經筵召公

朱子藏簡袖中竟入獄取大囚十八人立斬之纔畢而登極赦

至蓋恐赦至而大惡脫網也長沙府志

余文起主泮湘潭嘗宿嶽麓書院夢見朱晦翁與張南軒同在

郡庠作意主盟道學忽伊川橫渠先生從外來云政不須如此

這道理常使得何卹乎人言須臾聞東廊有人誦中庸大學二

篇覺來雞鳴遙想二公衛道如此之切螢雪叢說

紹興八年以李光參知政事光字泰發越州上虞人以不附和議謫瓊州

秦檜卒徙郴州尋卒追諡莊簡宋史

宋張復齋九齡以許忻聘來邵州邵人士始知論學上其啟有云文辭近古有子厚退之之風道學造微得子思孟軻之旨憫學人之長夜開吾道於中天云云府志

張九成從龜山楊時學有中興明道之功高宗時對策剴切擢第一累官祕閣修撰時秦檜主和議成上十事阻之出知邵州

其初至邵也廩藏空匱僚屬請督酒稅宿負苗絹充之成曰未能惠民其敢困民耶作詩題郡壁以見志由是以賦期後入落職檜使何鑄第劾之退居南安杜門謝客有手蹟勒於康濟廟

中黃冠不知以當事苦詢之遂投於水府志

李泰發忤秦檜貶海上雷州守王彥恭存問周餽甚至檜聞之貶彥恭辰陽鶴林

胡澹菴乞斬秦檜得貶瀘溪王廷珪字民瞻以詩送之曰癡兒不了公家事男子要為天下奇亦貶辰陽鶴林

張魏公貶零陵有書數笈自隨讒者謂其中皆與蜀士往來謀據西蜀之書高宗命遣人盡錄以來臨軒發視乃皆書冊雖有尺牘率皆愛國愛君之語此外惟葛裘布衾類多垢敝上惻然

曰張浚一貧如此哉乃遣使馳賜金三百兩鶴林

楊誠齋為零陵丞以弟子禮謁張魏公時公以遷謫故杜門謝客南軒為之介紹數日乃得見因跪請教公曰元符貴人腰金

紆紫者何限惟鄒志完陳瑩中姓名與日月爭光誠齋得此語

終身厲清直之操鶴林

楊誠齋丞零陵時有春日絕句云梅子流酸軟齒牙芭蕉分綠上窗紗日長睡起無情思閒看兒童捉柳花張紫巖見之曰廷

秀胸襟透脫矣鶴林

楊東山言某初筮為永州零陵主簿太守趙謚字安卿丞相元鎮子也初參之時客將傳言待眾官退卻請主簿客退趙具冠

裳端立堂上凡再請某不動三請某解其意遂庭趨一揖上階稟敘逐一還他禮數既畢立問何日交割稟以欲就某日答曰

可一面交割一揖徑入更不延坐某退而抑鬱幾成疾以書白誠齋欲棄官歸報曰此乃教誨吾子也他日得力處當在此某

意猶未平後涉歷稍深方知此公善教人尚有前輩典型鶴林

臨桂伏波巖有賦玩珠巖詩碑蓋潼川任續原唱而呂愿忠和之任續題左丞直郎新澧州州學教授時紹興甲戌孟秋十一

日廣西

吳信洛陽人紹興初為武岡尉劇賊曹成蹂躪湖湘聞守將黃君興避去信獨誓死捍禦寇迫城呼曰聞黃使君棄厚故來取

信曰去久矣成曰當為君全一城即去黃歸冒為己功受陞賞信後為全州清湘尉夢人告曰君守城有陰功子當及第起自東南第一州後官建康見驛壁有詩首云建節東南第一州廣西

真德秀草招安湖南草寇詔云自有天子至於今日未聞盜賊
得以全軀弄潢池之兵諒非爾志烈崑岡之火亦豈余心上稱
其得體隨意

真西山帥長沙宴十二邑宰於湘江亭作詩曰從來官吏與斯
民本是同胞一體親既以脂膏供爾祿須知痛痒切吾身此邦
素號唐朝古我輩當如漢吏循今日湘亭一杯酒便煩散作十
分春鶴林

西山帥長沙郡人為立生祠一夕有大書一詩於壁閒者其辭
曰舉世知公不愛名湘人苦欲置丹青西天又出一活佛南極
添成兩壽星幾百年方鍾開氣八千春願祝修齡不須更作生
祠記四海蒼生口是銘鶴林

宋真西山先生德秀湘亭諭屬檄律已以嚴凡士大夫萬分廉
便為大惡不廉即他美撫民以仁天地好生父母保赤何所不
莫屬故為政首廉云撫民以仁天地好生父母保赤何所不
忿亦非仁也如傷切身存心以公己主張不定是非易位
置腹然後可謂民之父母存心以公己主張不定是非易位
欲事之當蒞事以勤存心以公己主張不定是非易位
理得而疏曠者謂之高存心以公己主張不定是非易位
俗吏所以受害也謂之高存心以公己主張不定是非易位
民之所以受害也謂之高存心以公己主張不定是非易位
少私天聽訟不審存心以公己主張不定是非易位
純隨之矣聽訟不審存心以公己主張不定是非易位
在內不空廢業謂之實存心以公己主張不定是非易位
或如年若復淹延謂之實存心以公己主張不定是非易位
或以喜怒用甚以開節用存心以公己主張不定是非易位
紀不可逞怒用甚以開節用存心以公己主張不定是非易位
自持引之需有出官之費存心以公己主張不定是非易位
免卑值甚必至破家可派存心以公己主張不定是非易位

可引乎除巨奸聽人公舉首理重疊催科稅出於田一歲一收
若潛發陰私實封許害非法也重疊催科稅出於田一歲一收
輸民戶之罪也輸已而復責是誰之罪乎已納再追不勝其擾
甚至重納而後已破家蕩產妻賣子往往由之有人心者豈
忍為科罰取財民開自正供外毫毫不當妄取乃有科罰之條
此下鄉鄉村小民畏吏如虎吏下鄉虎出押也低價買物物同
同豈有公私之異今乃有市令司又有行戶每官買視市直
率減半或不即還民戶本幾何何以堪此右政害十戒
區於四事故不加勉若僚屬之賢固不待勉者矣亦豈無當勉
而未能者乎至十害有無所未詳知萬一有之當如拯溺救焚
不俟終日毋狂因循母牽利害抑官僚一體若長吏偃然自尊
下僚退然自默則上下痞塞政疵民隱何從理乎願請虛懷聽
受凡利病當知者願以告焉某行不當者願以告焉往復周悉
則湖湘九郡庶乎蒙賜而某亦庶可寡過矣志
紹興十二年知邵州吳精仲言湖南廣西聞田甚多若輕租召
佃取其所資權其贏餘可寬州縣詔戶部措置之宋史 舊志
淳熙十三年方俟彥中知武岡軍守代者李大聲見異聞總錄
寶慶府志
韓侂胄擅政設偽學之禁蔡元定請道州遠近來學者日眾有
名士挾才簡傲非笑前修者一心服謁拜執弟子禮甚恭時人
為之語曰初不敬今納命宋史 韓侂胄
青溪汪先生初筮仕長沙出錫器歸舟有錫熱水器每對之不
樂妻楊氏曰吾償其直而得之者庸何傷曰居官不欲為器皿

柰何以是污我楊令投之江中始無愧色隨隱漫錄
辛棄疾帥長沙士人訴考試官濫取第十七名春秋卷棄疾索
亞榜春秋卷兩易之啟名則趙鼎怒曰佐國元勳忠簡一人胡
為又一趙鼎擲之地次閱禮記卷曰此必豪傑士啟之乃趙方
也黃耳錄

方偕大卿為御史臺推直官時澧州逃卒與富民有仇誣以歲

殺人十二祭磨駝神逮捕繫獄而久不決記偕就鞫之偕命告

人疏所殺主名尋訪考驗尚多無恙事遂辨白見天聖案王珪

丞相撰唐介參政墓志言介為岳州沅江令案宋史唐介傳介

事今書中作沅江令考地理志岳州有平江縣沅江本隸常州

德乾道中始割隸岳州介係仁宗時人當從宋史作平江令州

民李氏有鉅貲吏數以事動之既不厭所求乃言其家歲殺人

祠鬼會知州事孟合喜刻深悉捕繫李氏家無少長榜笞久莫

伏以介治縣有能名命更訊之介按劾無他狀合怒以其事聞

朝廷詔遣殿中侍御史方偕徙其獄于澧州已而不異介所劾

其後州吏皆坐罪去偕以活死者得官介終不自言此與章類

驗治偽券而黃夢松擢用類矣皆篤厚君子也然則誣告者非

澧州逃卒而富民乃岳州人特徙其獄于澧州鞫之耳且偕是

時不為推直官也名臣傳所書不若此志本末詳備殆未得其

實與惟使告人具疏主名辨誣之術有足取者故特著之宋鄭

克折

微

錄

也

蘇渙郎中知衡州時耒陽民為盜所殺而盜不獲尉執一人指
為盜渙察而疑之問所從得曰弓手見血衣草中呼其儕視之
得其人以獻渙曰弓手見血衣當自取之以為功向何呼他人
此必為姦訊之而服他日果得真盜折獄

馬亮尚書知潭州屬縣有亡命卒剽攻為鄉村患或謀殺之在

法當死者四人亮謂其僚屬曰夫能為民除害而反坐以死豈

法意耶乃批其案悉貸之案剽攻之人於法許捕若非名捕者

輒以謀殺之則慮有誣枉法所不許也此四人者為民除害其

事有實其情可矜而必誅之非法意也然僚屬皆拘法之文則

郡將當原法之意故亮獨批其案而悉貸之若奏聽敕裁則尤

為得體也折獄

唐崔黯鎮湖南有惡少自髡鉗為傭隸依託佛教幻惑愚俗積

財萬計黯始下車恐其事敗乃持牒詣府云某發願焚修三年

今已畢請託鉗歸俗黯問三年教化所得幾何曰逐旋用不計

數又問費用幾何曰三千緡不啻黯曰給者有數約者不記豈

無欺隱命搜其室妻孥蓄積甚於俗人既伏矯妄即以付法案

矯妄幻惑乃妖民也與假鬼神以疑眾執左道以亂政者同矣

可不懲與折獄

李若谷參政知潭州時有盜上下洞庭間邀劫舟船殺人即投

于湖中沒其尸及捕獲輒蒙讞得減死黥配他州既而逃歸為

微

錄

也

患滋甚若谷潛使人擒到條前後殺人狀磔于市上同

任顯侍郎知潭州時儂智高陷嶺南九郡宣撫司移文稱宣毅

卒有功補為本軍校卒至顯察其色動曰必有姦即付所司搜

其家得細書文字記潭之軍伍兵仗城郭道路乃智高所用為

內應者顯令梟首以徇遂大為守備上同

劉沆丞相知衡州時有大姓尹氏欲買鄰人田莫能得鄰人老

而子幼乃偽為券及鄰人死即逐其子二十年不得直沆至又

出訴尹氏出積歲所收戶抄為驗沆詰之曰若曰不頃戶抄案

日不頃句有誤疑是苦田百頃豈特收此乎始為券時嘗問他鄰乎其人固多在者可以取為證也尹氏不能對遂服罪上同

李南公尚書初知長沙縣諸村各有詭名戶稅存而戶亡每年

戶長代納之南公悉召其豪右謂曰此田不過汝曹典賣耳與

汝一月限為我推究出不然汝曹均分輸納及期盡得其人使

之承稅案詭戶之稅非獨豪右作此弊也蓋其鄉司相與為姦

今專責豪右而鄉司獲免殆亦於理有未盡與覈姦者宜并案

之抑又有說焉若專令鄉司受責則豪右愈更得計必以厚賂

使填逋欠稅數之外物力所減固亦多矣內外相比以欺縣官

何由可得其實乎然則責豪右宜急責鄉司宜緩南公之意尙

在此也上同

歐陽華都官知端州有桂陽監民爭舟相毆死獄久不決華出

囚坐庭中去其桎梏而飲食之訖還于獄獨留一人留者色動
華曰殺人者汝也囚不知所以然曰吾視食者皆以右手持匕
汝獨以左今死者傷右肋此汝殺之明也因泣曰我殺之不敢
以累他人上同

唐呂元膺鎮岳陽因出游覽有喪輦駐道左男子五人衰服隨
之元膺曰遠葬則汰近葬則簡此必詐也亟令左右搜索棺中
皆兵刃乃擒之詰其情對曰欲過江劫掠故假為喪輦使渡者
不疑又有同黨數輩已在彼岸期集悉捕獲以付法上同

王罕大卿知潭州時有老嫗病狂數邀知州訴事言無倫理知
州卻之則又悖詈但命微者屏逐而已罕至復出訴左右欲逐
之罕令引歸廳事召之叩階徐問其意嫗雖語言雜亂無次然
時有可曉者乃本為人嫡妻無子其妾有子夫死為妾所逐家
貨妾盡據之屢訴不得直因忿恚發狂罕為直其事盡以家貨
還嫗凍水紀聞

王罕大卿知潭州民有與其族人爭產者辨而復訴前後十餘
年罕一日悉召立庭下謂曰諸家皆里富人無乃厭追逮之苦
今無狀子寒飢不能以自存況析產之券有不明以故久不決
人能少資之令其遠出後復何患乎皆泣聽罕命自言方對吏
時雖欲求為此願不可得於是遷所訴者於旁州獄訟為之衰
止上同

王延禧朝議初為岳州沅江令歲飢盜起親獲十餘人賊皆應死法得遷官延禧歎曰是皆良民窮而為盜今既無以業之又利其死以為己功亦何忍哉諭被盜者悉裁其贓盜得不死延禧王黃州孫也同上

廣西經略顯謨趙公德政之頌為修職郎新潭州善化縣主簿

張茂良紀時紹定四年石刻水月洞趙為丞相忠定之子名崇模字履規

莆田黃徹常明登宣和甲辰第授辰州辰溪縣丞就升令五年

以才譖稱辟差沅州軍事判官繼權麻陽縣遭巨寇曹成之擾

公率羣獠于敵禽其將賊眾宵遁尋辟鄂之嘉魚令復權岳之

平江南半歲帥漕交辟處之實募平江士民千餘人詣都督行

府乞遷任丞相張公浚止其事有詔即真時湖賊楊么抄掠數

郡遏絕水道軍屯岳陽而縣距州數舍地險藉於轉餉公預設

巨艦令民輸租其中得米千餘屏乘風而前賊引數十艘尾逐

會官軍至隻舟不得返遂降其眾官軍得以仰哺賊壘遂平秩

且滿有權貴寄產于縣境為民患者公按以三尺乃為排根自

以植節不善偕俗遂委官而歸揚邦黃善有碧溪詩話十卷

嘉泰三年孫從政郎黃燕官沅州教授刊於學官清祐十二年

澧陽縣某知沅州復序而梓之對陽縣志

魏了翁貶靖州六年閉戶讀書自如宋季三朝政要

知潭州曾從龍置惠民倉宋季三朝政要

理宗開慶元年韓兵破衡州圍潭州邊報轉急向士璧帥潭北兵至向親帥軍民且戰且守既置飛江軍又募斗弩社朝夕親自登城慰勞潭城固守斗弩之力居多會南來二哥元帥卒潭圖先解宋季三朝政要

理宗景定二年奪向士璧從官恩數令臨安府追究侵盜揜匿

情節從侍御史孫附鳳之言也士璧帥長沙北兵已圍鄂岳方

措置閒皮泉淥家居訪之問所以為城守之計士璧曰正為眼

中無可用之人皮患之北兵退皮入朝百計毀短似道忌其成

功竟坐遷謫至今邦人言之有垂涕者同上

參政皮龍榮上度宗東宮舊僚也居潭州知似道忌之杜門不

預人事一日上偶問龍榮安在似道恐其再相時李雷應憲湖

南陰諷雷應効之雷應至潭訪龍榮龍榮託故不出既退以小

鬼斥之或以語雷應雷應不能平遂疏其貪利營私之罪又謂

每對人言有擁至尊於膝上之語蓋龍榮曾為東宮也有自請

衡州衡州乃雷應治所皮懼自鳩死同上

度宗德祐二年潭州陷李芾命積薪樓下攜家人盡登樓大宴

積金銀於兩畔芾與館客坐中其餘列坐左右酒半酣命喚二

劊子至則令將此金銀去與爾家口取法刀來一不肯受一會

意徑受之攜去分付家人畢須臾將法刀至芾呼之至前分付

先從頭殺入到尾殺我待我點頭時下手復飲酒良久點頭推

館寶與一妾墜樓而走妾折一足最後李帥伸頸受刃此創子遂四面放火自刎其腹而死從死者七十餘人創子姓沈名忠亦可謂烈丈夫矣宋季三朝政要

薛弼改湖南運判進直秘閣時道確相望弼以聞帝惻然命給錢六萬緡廣西長平米六萬斛鄂州米二十萬斛振之且使講求富弼青州荒政民賴之甦宋史本傳

李允則知潭州會湖南饑欲發官廩先振之而後奏轉運使以爲不可允則乃願以家貲爲質由是全活數萬人李元綱厚德錄

省吏屠節嘗出知道州太守省割其本房書吏以避賈相之名遂書作某人知春陵州事實見之大怒欲黜之以諸省吏羅拜懇告遂從編置癸辛雜識

姚鏞爲吉州判官以平寇論功不數年擢守章貢爲人豪雋喜作詩自號雪筵嘗令畫工肖其像騎牛於澗谷之間索郡人趙東野題詩東野題曰騎牛無笠又無蓑斷隴橫岡到處過暖日暄風不常有前邨雨暗卻如何益規切之也居無何忤帥臣以貪劾之時端平更化之初施行特重貶衡陽人皆服東野之先見鶴林玉露

陳永嘉閩州人咸淳進士爲堯佐八世孫謫邵州通判以亂羈留未歸因家新化之橫陽山是爲節愍公之始遷祖今皆邊陳氏是也寶慶府志

袁吳菴以減鹽引有大功德於桂陽舊爲傳不言其出仕之由搜舊志得其舅陸循送果養袁甥赴桂陽任詩又訪州志舊碑詳載其事始知果菴父爲忠臣身爲孝子其循治特本所學少發十一耳亟補其事於本傳而存循詩云袁甥抱古道躬踐聖人書萬里尋親骨十年不出廬傳經求餬口攜族津門居寬旌駐瀛海省方及里閭念親死國事湮沒常歛歔叩馬一爲陳忠孝兩無虛卓哉青衿子爲親廣令譽褒贈固已加卹典亦勿疏今子除民牧孝施政有餘符竹分荆南言還就舟車余疴尙未痊不得與子俱暮年親愛別分手情何如行行樹佳政無忘孺慕初好音冀頻來使我鬱懷舒桂陽州志

江南通志崔桐海門人正德中湖廣參議備兵辰沅平安化寇賜金幣安化縣志

正德間監察御史邵陽唐鳳儀以州府遼闊具奏宜分藩臬二司堂上官守巡其地部署監司實昉於此見康熙志寶慶府志

江川榮懿王音塾恭惠庶一子成化十六年襲封宏治元年移府寶慶初恭惠王葬武岡塾改葬寶慶府城南十五里梅子井嘉靖元年薨膺燧榮懿庶一子嘉靖三年襲封愛郡境白雲巖景物之勝自號白雲道人萬歷二十五年薨壽九十三歲履被存問明史諸王世表子孫先卒封除舊志載子柱軒佚其名晉鎮國將軍寶慶府志

袁吳菴以減鹽引有大功德於桂陽舊爲傳不言其出仕之由搜舊志得其舅陸循送果養袁甥赴桂陽任詩又訪州志舊碑詳載其事始知果菴父爲忠臣身爲孝子其循治特本所學少發十一耳亟補其事於本傳而存循詩云袁甥抱古道躬踐聖人書萬里尋親骨十年不出廬傳經求餬口攜族津門居寬旌駐瀛海省方及里閭念親死國事湮沒常歛歔叩馬一爲陳忠孝兩無虛卓哉青衿子爲親廣令譽褒贈固已加卹典亦勿疏今子除民牧孝施政有餘符竹分荆南言還就舟車余疴尙未痊不得與子俱暮年親愛別分手情何如行行樹佳政無忘孺慕初好音冀頻來使我鬱懷舒桂陽州志

江南通志崔桐海門人正德中湖廣參議備兵辰沅平安化寇賜金幣安化縣志

正德間監察御史邵陽唐鳳儀以州府遼闊具奏宜分藩臬二司堂上官守巡其地部署監司實昉於此見康熙志寶慶府志

江川榮懿王音塾恭惠庶一子成化十六年襲封宏治元年移府寶慶初恭惠王葬武岡塾改葬寶慶府城南十五里梅子井嘉靖元年薨膺燧榮懿庶一子嘉靖三年襲封愛郡境白雲巖景物之勝自號白雲道人萬歷二十五年薨壽九十三歲履被存問明史諸王世表子孫先卒封除舊志載子柱軒佚其名晉鎮國將軍寶慶府志

袁吳菴以減鹽引有大功德於桂陽舊爲傳不言其出仕之由搜舊志得其舅陸循送果養袁甥赴桂陽任詩又訪州志舊碑詳載其事始知果菴父爲忠臣身爲孝子其循治特本所學少發十一耳亟補其事於本傳而存循詩云袁甥抱古道躬踐聖人書萬里尋親骨十年不出廬傳經求餬口攜族津門居寬旌駐瀛海省方及里閭念親死國事湮沒常歛歔叩馬一爲陳忠孝兩無虛卓哉青衿子爲親廣令譽褒贈固已加卹典亦勿疏今子除民牧孝施政有餘符竹分荆南言還就舟車余疴尙未痊不得與子俱暮年親愛別分手情何如行行樹佳政無忘孺慕初好音冀頻來使我鬱懷舒桂陽州志

江南通志崔桐海門人正德中湖廣參議備兵辰沅平安化寇賜金幣安化縣志

正德間監察御史邵陽唐鳳儀以州府遼闊具奏宜分藩臬二司堂上官守巡其地部署監司實昉於此見康熙志寶慶府志

郭維賢字哲卿晉江人萬歷閒以右僉都御史巡撫湖廣言長沙寶慶衡州三衛軍戍武岡而永州甯遠諸衛遠戍廣西瘴癘死無數請分番迭戍武岡罷其戍廣西者帝許之明史本傳

萬歷閒帝以楚地遼闊擢江鐸為僉都御史巡撫偏沅湖廣設偏沅巡撫自鐸始也明史李化龍傳

明伍袁萃長洲人萬歷二十六年分守寶慶時稅璫四出採訪金銀等鑛穴民不聊生人心恟恟幾致激變袁萃捕其來者寘之法其屬奔還而璫使詬罵之辭至不可堪袁萃不少動竟以是去官部民涕泣攀留者數萬人志

永明王奔靖州王太子走城步大學士吳炳吏部主事侯偉時被執械送常甯驛湘山寺均不食自盡尸棄城南萬人坑寺後盤龍嶺有池四時不涸自炳與偉死水復竭十餘年始復常甯縣志

岷王禮純顯王企鑾之子顯王遇變王陷賊中崇禎十五年八月黎平副將劉承允會同寶慶府同知田華國搗賊巢平之得王並獲王室請於朝十七年正月襲封

國朝順治四年王師開武岡劉承允挾王以降卒于武昌寶慶府志蔡公道憲閩人以進士為長沙推官數夢與李忠節公芾酬酢後流賊寇湖南蔡殉節潭人歲時報賽常見二公往來車騎甚盛全州謝石耀良琦記其事云池北偶談張熹宦字君爵為何閣部騰蛟部將屢功晉都督同知軍事代

胡一清駐劄武岡騰蛟有親書送張君爵總戎之武岡詩云江南江北望如雲嶺表孤峯帶夕曛報國惟馮心與力勤勞今日屬將軍熹宦本襄陽人以閣部殉難於湘潭流水橋槩葬其地親為負土封識歲時泣奠不去遂家湘潭今湘人所稱新張之祖也撫子文炳寶慶府志

邱繼武字起葉號昭茲嘉定人選醴陵縣主簿遷威遠府經歷未赴畱解糧道梗為張獻忠所執大罵不屈斷其舌支解之時崇禎癸未年六十有六按先生解糧之長沙道梗僦民倉儲之同事諷之去先生誓與糧俱存亡既而姦胥陳正光逆矜張清甫獻米於賊并執之居民感其忠贖三百金為營脫計先生不可賊知的好謂曰方缺永州道今日相從明日富貴矣罵如初遂遇害於龍灣寺民即於寺側葬焉練川名

劉熙祚南京人也崇禎癸未流寇張獻忠據衡州熙祚以死自誓題詩官署云倥偬戎馬已逾年家室迢迢久別顏南北骷髏同作壘湖湘宮殿倏成煙鵲血不成無冢骨鳥噉偏集有狐田死生遲速皆前定堅此丹心映楚天又云遠別鄉關又幾年今顏非復舊時顏山川草木俱含淚魏虎旌旗盡作煙老婦漫勞尋婕夢兒孫切莫種書田甚宏化碧非棄事耿此孤忠化九天湘湖聽

南中紀聞云湘鄉沭津渡渡夫最刁客擔經涉受其逼詐者無

不切商按孫君頗聞其故一日微服過此目擊橫慘狀行部
時令置十龜於渡頭俱架大鍋蓬蓋擒獲渡夫屏人密置一鍋
內各固封其外焚香禱天喚渡夫妻令隨意著火十鍋聽其信
手然薪竟焚渡夫一鍋骨肉糜爛自此遂不敢肆余已已秋赴
省村人爲余言然是時每客擔尚索銀一分餘風未盡殄也楚
中有走盡天下路難過洙津渡之謠按此書乃明天崇禎綏甯
知縣包汝楫所記當時或有此事今則其地易渡爲橋已成坦
途矣湘鄉縣志

邵陽之俗民貧棄子長沙趙侯與出守求訪民隱議以全活建
局曰慈幼提點刑獄高公以錢千緡佐費其後富川杜侯調來
監州事益廣其惠邦人喜而歌之曰漢黃頰川唐陽道州惠政
利溥孰如兩侯我民自全載生載育無大天闕左餐右粥長沙縣志
長沙郡刑曹郎吳寶忠確遵道法司理令詞人藏匿月餘不報
司理促之曰耳目徇人恐滋影陷甯自貽戾耳司理甚怒適有
十齡兒將以盜死復泣請曰稚子乳臭胡能盜邪司理愈怒遂
之出明日心感其端厚召綜稽課程有以例饋者峻卻之司理
遷秩語人曰功曹如某多隱德食報必隆願寶忠聞之益遜謝
退處惟務農課子長沙府志
永年王大參謙號橋齋由丁未進士任城步令城步故連粵西
崗苗楊應龍嘯聚千餘人誓以七月七日侵城步先是王陰募

鄉勇數百人祕授計屆期率精銳出城乘賊暮氣直搗巢穴有
左道演符咒皆不驗皆手戮之餘黨奔潰不二里伏兵四起生
禽數百人訊賊曷不奔竄僉云空中有赤面長鬚大將乘白馬
指揮神兵八面旋繞不得脫旋問我軍所見無異公大驚悚振
旅歸亟謁關帝祠仰見帝面汗浹如雨若甫釋甲狀邑人作平
妖傳及詩歌傳奇紀事苗患自此遂息每歲七夕必祀帝不忘
神助云鎮塘陳寶崖

康熙甲子夏邑有虎患傷人甚多竟至村落知縣顧奕芬具啟
城隍焚之五日內虎死北鄉易氏山連年苦旱公齋戒步行祈
禱不數日甘霖霑足年稱大有常甯縣志

江西陶適齋金諧宰淑浦時有劉姓狂人誣其族先升等十九
人謀不軌許訟川督督以聞調大兵勦之事機密諸軍已抵郡
始諭侯侯聞卽上狀中丞以百口保劉無反狀乞止兵星夜抵
劉居諭先升等無恐吾保汝皆良民決無害悉逮於中丞所就
訊時獄內有二人違備於外中丞令行文捕之侯曰無庸諭之
卽當來也其後卒隨諭自至事既白皆釋歸中丞歎曰吾不意
陶令之得民如此也時中丞爲陳公宏謀樂園文鈔
以上職官

湖南通志卷末之三

湖南通志卷末之四

雜志四 紀聞四

善卷者古之賢人也堯聞得道北面事之舜以天下讓卷卷曰予立宇宙之中冬衣皮毛夏衣葛絺春耕種形足以勞動秋收斂身足以休養日出而作日入而息逍遙天地之間而心意自得予何以天下為哉遂入深山莫知其處皇甫謐高士傳 案此條舊志收入武陵

白善春秋時白公勝之族為楚將家澧陽白公欲作亂召之善曰從子而亂其國則不義於君背子而發其私則不仁於族遂棄其椽築圃灌園以終其身姓譜 案此條舊志收入澧州人物

隋書地理志曰屈原以五月望日赴汨羅他書皆言五月五日此言望日亦異聞也楚

漁父者楚人也楚亂乃匿名隱釣於江濱楚頃襄王時屈原為三閭大夫名顯於諸侯為上官靳尚所譖王怒放之江濱被髮行吟於澤畔漁父見而問之曰子非三閭大夫歟何故至於斯屈原曰舉世混濁我獨清眾人皆醉我獨醒是以見放漁父曰夫聖人不凝滯於萬事故能與世推移舉世混濁何不揚其波汨其泥眾人皆醉何不舖其糟歟其醜何故懷瑾握瑜自令放為乃歌曰滄浪之水清可以濯吾纓滄浪之水濁可以濯吾足遂去深山自閉匿人莫知焉皇甫謐高士傳 案此條舊志收入長沙人物

申鳴楚士王欲授之相辭不受其父曰汝何不受鳴對曰舍父之孝子為王之忠臣何也其父曰吾欲汝之相也申鳴遂入朝楚王因授之相居三年白公為亂申鳴以兵圍之白公往取其父持之以兵告申鳴曰子不吾與子父則死矣申鳴流涕而應之曰始吾父之孝子也今吾君之忠臣也援桴鼓之殺白公其父亦死申鳴遂自殺也劉向說苑 案此條舊志收入澧州人物

黃歇黔中人游學博聞事楚頃襄王王卒太子完立是為考烈以歇為相封春申君客三千餘人其上客皆跋珠履史記春申君傳 案此條明統志收入武陵人物

長沙耆舊傳稱桓階為趙郡太守嘗有遺粟於路者行人挂囊粟於樹莫敢取之水經注

桓階長沙人為趙郡太守在郡時俸盡食醬麴上聞之數戲之曰卿家醬得不減邪乃詔曰昔子文清儉朝不謀夕而有脯糧之秩宣子守約軍食魚餐而有加梁之賜豈棟宇大臣而有蔬食非吾所以禮賢之意其賜射鹿師二人并弩桓階傳漢末多士其中刺史二千石卿長數十人朱軒華蓋同會於廟下荆州刺史行部見之雅歎其盛號為冠蓋里而刻石銘之此碑於永嘉中始為人所毀其餘文尚有可傳者其辭曰我錢南岳烈烈離明實敷偶又君子以生惟此君子作漢之英德為龍光聲化鶴鳴水經注

劉先主以蔣琬為廣都長先主嘗因游觀奄至廣都見琬眾事不治時又沈醉先主大怒將加罪戮諸葛亮曰蔣琬社稷之器非百里才也願重察之先主乃不加罪但免為丞相長史亮死推以自代遂為大將軍錄尚書事夫以琬與龐統之才而并不堪百里孔子所謂君子不可小知者也餘冬敘錄

蔣琬夜夢一牛頭在門前流血滂沱意甚惡之占夢趙直曰夫見血者事分明也牛角及鼻公字之象君位必至公乃大吉之徵也蜀志蔣琬傳

潘潛武陵人孫權數射雉潛諫權曰相與別後時時暫出耳不復如往日之好也潛曰天下未定萬機多務射雉非急弦絕括破皆能為害乞為臣故悉置之潛出見雉翳故在乃手自撤壞之權由是自絕不復射雉江表傳

武帝太康元年東平王楙上言相王昌父志本居長沙有妻息漢末使人中國值吳叛仕魏為黃門郎與前妻息死生隔絕更娶昌母今江表一統昌聞前母久喪求議服制朝議以昌之前母宜依叔隗為比若亡在昌未生之前則昌不應復服生及母存自應如禮以名服三年草下太常報楙奉行晉書禮樂志

虞惟長沙人也弟望字子都並有士操元帝為丞相招延四方之士多辟府掾時人謂之百六椽望亦被召恥而不應晉書虞

唐劉舍人蛻桐廬人早以文學應進士舉其先德戒之曰任與

進取窮之與達不望於汝吾若沒後慎勿祭祀乃乘扁舟以漁

釣自娛竟不知其所適紫微歷登華貫出典商於霜露之思於

是乎止臨終亦戒其子如先考之命蜀禮部尚書纂即其息也

嘗與同列言之君子曰名教之中重於喪祭劉氏先德是何人

斯苟同隱逸之流何傷菽水之禮紫微以儒而進爵比通侯遵

乃父之緒言素先王之舊制報本之故能便廢乎大彭通人抑

有其說時未諫也北夢瑣言按蛻以荆解及第

李邵延唐人為賀州刺史畱意吏事甚得人心州有甌山高千

餘丈舊名幽山邵更名曰丹甌賀人愛之至改丹甌為瑞雲以

永其思廣西名勝志

長沙日試萬言王璘詞學富贍非積學所致崔詹事廉問特表

薦之於朝先是試之於使院璘請書吏十人皆給几硯璘衫絺

捫腹往來口授十吏筆不停輟首題黃河賦三千字數刻而成

又鳥散餘花落詩三十首代毫而就時忽風雨暴至數幅為迴

飈所卷泥滓濺漬不勝舒卷璘曰勿取但將紙來復縱筆一揮

斯須復十餘篇矣時未停午已積七千餘言崔公語試官曰萬

言不在試限但請召來飲酒黃河賦復有僻字百餘請璘對眾

朗宣旁若無人至京時路巖方當軸遣一介召之璘意在沽激

日請俟見帝後巖聞之大怒亟命奏廢萬言科璘杖策而歸放

曠於杯酒聞雖屠沽無間然矣唐王保定據言

張復澧州人飽書帙作條山集三十卷論世外事此人兼得神

鬼趣隱不仕有文集行於世唐柳宗元

王全湘鄉人馬殷時為江華指揮使會與梅山獠戰乘勝逐北

孤軍無援力戰死吳致堯嘉應侯祠記

龐巨昭善星緯之學唐末為容州刺史惡劉隱戕虐乃歸長沙

與人言休咎多奇中或問湖南淮南國祚長短巨昭曰吾入境

來聞童謠曰三羊五馬馬子離羣羊子無舍自今以後馬主當

五羊主當三後皆如其言長沙府志

江處士忘其名為天策諸生工詩多麗句楚風補

熙甯五年辰州人張翹與流人李資詣闕上書言辰州之南江

乃古錦州地接施黔牂牁世為蠻人向氏舒氏田氏所據地產

硃砂水銀金布黃蠟糧田數千萬頃人路無山川之扼若朝廷

出偏師壓境上臣二人說之可使納地為郡縣東華錄

劉殿院次莊長沙人自幼喜書嘗寓於新淦所居民屋牆壁窗

戶題寫殆徧臨江郡庠有法帖十卷釋以小楷他法帖所無也

所善毛公弼何君表皆里中先達兩家碑志多其所書獨醒雜志

永州士人有登第者范忠宣識之一日問客曰某何故未歸對

曰將試教官公不悅曰初登第當勤吏事為教官是自怡也同上

臨桂雉山有張頴題名案宋史張頴傳云張頴字仲舉其先金

陵人徙鼎州桃源廣西轉運使罷歸未幾進直龍圖閣知桂州

又謝勳題名雉山中有長沙裴堯同上

臨桂龍隱巖王若愚題名若愚宗理亨伯正民按宋史忠義傳

陳邁字亨伯其先自江甯徙永州為廣西轉運判官蔡京啟蠻

獠地建平從允三州邊言蠻人幸安靜輕擾以召蠻不可京惡

之以佗事罷歸同上

臨桂伏波巖毛子嘉題名碑有巴陵黃師心時宜和庚子六月又呂成

之題名碑有長沙李服休湘潭吳芾時靖康初元季夏四日也

臨桂棲霞洞有偃蹇記紹興五年十一月醴陵張昱摹刻魯國書 廣西通志

陶弼永州人游吳中舟行忽雙鯉戲溪上伫觀之旁一老父曰

此龍也行且鬪君宜亟去去百步許雷大震而岸圯木拔溺二

十餘艘而弼舟獨免宋史

橫州學署有夫子行教圖贊記碑紹興乙亥三月權知橫州軍

州事郴江何先覺書廣西通志

臨桂棲霞洞紹興丁丑正月乙巳張好禮題名碑有長沙吳延

年永錫廣西通志

孔子後斯道至宋儒復明而周子實倡之先正有謂其得聖賢

不傳之祕於遺經者有謂其不由師傳默契道體者或問晦菴

周子之學是自得於心遺有所傳授否晦菴以為亦須有所傳

授濂溪乃陸詵婿溫公涑水紀聞載詵事乃篤實長厚之人周

子之學是自得於心遺有所傳授否晦菴以為亦須有所傳

有得於陸藍青水冰未可知朱亦是取魯君子意耳世俗相傳又有謂其太極圖說得之於潤州鶴林寺僧壽涯者証甚矣哉

敘錄

臨桂冷水巖宋淳熙五年閏六月張栻將北歸湖湘與賓客游水東諸巖題名碑有長沙李揆起宗吳獵德夫按宋史吳獵有傳稱獵字德夫潭州醴陵人登進士第初主潯州平南簿時張栻經略廣西檄攝靜江府教授劉焯代栻以獵薦辟本司準備差遣盜李接起陷容雷高化貴鬱林等州獵請賞勞誅罪焯於是錄鬱林功誅南流縣尉鬱林巡檢人人驚厲爭死關不踰時賊悉就擒尉宰相王淮錫也獵坐降官又嘉泰三年蔡戡題名隱山亦有吳獵名又廣西轉運判官方公祠堂記後書嘉定六年五月既望朝議大夫字九縣開國男食邑三百戶賜紫金魚袋字二吳獵記並書按此刻在臨桂龍隱巖之風洞廣西通志案云紹熙壬子後十年吳獵來桂是獵於嘉泰初為廣西運判其移守武昌獵傳云除戶部員外郎總領湖廣江西財賦韓侂胄議開邊獵貽書當路請號召義士以保邊場刺子弟以補軍實增襄陽信陽之戍以備衝突分屯陽羅五關以并武昌杜越境誘竊以謹邊隙選試良家子以衛府庫且謂金人懲紹興末年之敗今其來必出荆襄踰湖乃輸湖南米於襄陽凡五十萬石又以湖北漕司和糴米三十萬石分輸荆鄂安信四郡蓄銀

帛百萬計以備進討此即守武昌時事也當在開禧間傳又曰以數文開學四川安撫制置使兼知成都府嘉定六年召還卒此記正成於是時當是信孺求之於蜀也廣西通志

廣西通志

臨桂彈子巖張栻書論語問政章石刻為郡文學長沙陳邕題時淳熙甲辰長至日又淳熙十四年詹儀之題名隱山戊申題名水月洞皆有陳邕名又淳熙丁未劉愈題名隱山有長沙會倫長卿又慶元改元冬十一月蒲陽陳謙彈子巖題名有長沙李魯玉伯溫又慶元丁巳秋豫章王岳題名元巖有長沙陳堯仁壽卿廣西通志龔輿潭州人乾道四年冬偕鄉里六七人赴省試過宜春謁仰山祠祈夢夢至官府見柱揭紙一片書龔輿不得四字但不字稍聯接上下而中乃空既覺殊不樂自謂必下第及入試輿中選同祈夢者盡黜始以語人謂夢不驗好事者曰不字斷乃一個也神言龔輿一個得耳周禮夷堅志凌倚隱衡山往來自負書劍削竹為擔囊以烏理倚既死山僧取以供事馮贊雲仙雜記胡穎有威名每見淫祠即毀之人呼曰胡打鬼丙辰為廣東經略廣州僧寺佛像中有巨蛇藏於內時出享人祭祀僧託之題疏得錢數千緡穎至毀其佛擊死巨蛇而投諸江正僧人之罪籍其錢以沒官其怪遂息奏請禁淫祠上從之宋李三朝政事

趙葵長沙人嘗過靈壁道傍奇石林立一峯巍然峭崿秀潤葵立馬撫玩久之後家居偶有以片石獻者葵因以詫客昔年所見時趙邦永在旁聞言即退頃昇一石至植之庭問云昔年相公注視之際意謂愛此隨令部下五百卒輦歸而未敢獻適聞所言始敢以進葵為之一笑齊東野語

趙淮字靜齋長沙人被執於溧陽豐登莊至府辭家廟云祖父有功王室德澤沾及子孫今淮計窮被執誓以一死報君即登舟去至瓜洲被殺後降筆示其孫有死在瓜洲之句其兄潛自京口遷金陵元兵至棄家南徙不返死葬海旁山上山房隨筆

趙淮人衡州人趙淮潭州人席門蔭仕至江東轉運副使置司建康元兵臨城突圍趨深水民寨寨破被執不屈械繫詣揚州城下令淮呼城中官吏出降淮反其辭元兵怒復執歸建康殺之淮之出奔也

一妾與俱既及難為某萬戶所得與萬戶曰妾願事相公終身然趙運判既死無人收骨願與妾往殯殮畢即歸萬戶惻然如其言迨至死所尸棄江濱妾命與夫推尸入水水猶淺妾乃取

篤自推之入深水中即仰天大哭躍入水中而死宋季昭忠錄

云趙淮字靜齋衡山人歷官江東轉運判官李全之叛屢立戰功後被執於溧陽豐登莊自誓一死至瓜洲遇害無有收其尸者有寵姬被獲在焦倉省處泣訴於焦望欲收尸焚化焦允之

後以屍骨投江亦允之姬乃以髮包骨至江邊大勸抱骨投江而死後其孫享祭靜齋降筆得詩云生居四代將門家不幸遭逢被虜聲死在瓜洲無葬地幽魂夜夜到長沙按此載淮衡

州人與舊通志合昭忠錄載潭州人山房隨筆亦載長沙人恐誤且事實亦互有歧異茲存之以俟考

宋季昭忠錄云尹穀字耕叟潭州人登科入仕乙亥歲差知衡州返吏及門潭已受兵帥守李芾屈贊兵明年正月芾死城破穀取平安所受誥敕置庭中具衣冠望闕再拜謂其弟岳秀曰弟宜急走不可使尹氏無後吾受國恩義當死岳秀曰兄死弟安往願得俱死於是全家四十餘口老幼環坐婢僕席地鎖其門縱火自焚死長沙縣志 按舊志人物傳載

永綏沅州志中言有辰州人楊名瀨者兄弟三人皆為宋驍將當苗出沒為害領眾擊之知苗貪飲食多宰牛豕煮之懸林間苗爭相食啖出不意大破之遂開九溪十八崗僅留吳石龍麻

廖五姓殘苗後反命人忌其功遺以藥酒同時俱殞乃小暑節也今此節為蠻民所最重且楊墓在黔陽託口似實有所據而頗以他書楊產靖州墓在黔陽為疑不知沅靖二州宋時皆江

南地本羈縻於辰州且如辰志所言則忠在拒葬而於蠻無功如史記所傳則特蠻中祖先盤瓠廩君之屬亦不必為蠻畏如

此獨所謂楊氏兄弟者能捍大患而以死勤事為蠻民所憎服宜其歿而蠻猶懼之也保靖志

零陵唐肅有廣西融州新創貢士庫記庫為玉山劉繼祖振宗所建而麟記之麟稱門生文林郎融州司理參軍權教授時在

紹定改元孟春既望也廣西通志

融縣老君洞有唐容題名碑云零陵唐容可大以端平丙申清

明日攜二子亮元游真僊巖廣西通志

臨桂中隱山有鍾春伯范旂題名碑云長沙鍾春伯豫章范

旂叟端平丙申歲十月既望前三日同遊又嘉熙初元元巖題

名碑有長沙王濟美又嘉熙戊戌全州湘山寺有道州營道縣

進士蔣夢良捨錢記又清祐丙午臨桂伏波巖有長沙韓夢發

題名又清祐庚戌龍隱巖題名有長沙楊允恭謙仲清祐庚戌

臨桂元巖題名有長沙胡斌又寶祐乙卯伏波巖題名有長沙

胡德新盤叔又寶祐戊午臨桂華景洞開慶紀功磨崖有都統

制長沙朱煥又臨桂白龍洞題名長沙李勁正臣胡持正雅叔

唐嶸次山朱佐君轉蕭時仁元之景定甲子端陽憩此又咸淳

戊辰龍隱巖題名有長沙吳莊叟岳陽黃致虛又咸淳王申龍

隱巖題名有長沙嚴龕應之衡陽尹可繼子善廣西通志

廣西臨桂寶華山刻修桂州城圖記稱今在胡經略創築四處

新城共長四百一十一丈據廣西文載小傳胡經略即湘潭胡

穎自廣東移節廣右治踵曾伯李會伯先後在鎮拓鑿最盛足稱

金湯其事與圖刻北門寶華山廣西通志

宋汪立中建七十一雲峯閣於雲山芙蓉峯頂藏御書其中可

想見其人之風雅及居官善政矣明方于宣詩云弄玉不來仙

吹遠藏書無處舊壇敬即指此也于宣諂事孫可望其人至不

足數而郡中往往有其題詠不足存也廣西府志

宋嘉定八年莆田方信孺新桂林西漕臺廳事為世節堂長沙

易祓書三大榻磨厓於龍隱巖側廣西通志

陳文肅公大受生時父綵夢神人以緋衣兒授之兒時行市

中逸馬羣至止焉人以爲異朱珪撰傳

何元同瀏陽人以易學領延祐丁巳鄉薦楚紀

曹師孔茶陵人天歷己巳同尹謙孫尹貫道劉簡第進士楚紀

梁印孫瀏陽人以書學領鄉薦與武昌邱堂同列文苑楚紀

湯彌昌字師言長沙人授長洲儒學教諭歷從政郎溫州路瑞

安州判官致仕元詩

余嘉賓岳州平江人領至正丁亥鄉薦歷官監察御史元詩

白醉璣言攸縣張子雲身長八九尺為人擔米肩各一石首戴

五斗而行無窘步嘗臥石橋上其首去地數寸元末之亂鄉民

推為寨主所乘馬灰色日行千里鳴金未絕自山馳下已十里

矣歸附後為巡檢而卒同時有徐寨主鬚千餘莖以囊盛之舒

則其修二丈後亦歸附堅瓠集

洪武二十四年秋七月上微行口占虹霓詩云誰把青紅線兩

條和雲和雨繫天腰攸縣歲貢彭友信應聲曰玉皇昨夜變輿

出萬里長空架彩橋上大悅命翌辰候於竹橋同入朝及見上

曰此秀才有學有行命為北平布政使志

洪武間未陽鄭漢以儒士任本縣訓導永樂四年復召起以老

病辭許致仕賜竝頭牡丹一本如是歲盛則邑中多科目衡州府志

華容程萬里為給事卹刑山東閱招牘有夢神語斗穀三升米

寄語程萬里之詞萬里愕然曰殺人者得母康七乎廉得康七

不鞫而服蓋康七與囚婦私相謀囚誤殺其婦官反坐其夫也

事雪一時傳以為神姓

沈戶部名榜臨湘人嘗一再見予予癸巳春得罪歸戶部送之

郊予抵里未幾而使人來書曰夏季領俸念大賢家居而碌碌

如榜乃食祿於朝可恥也謹以原封上予受之趙忠毅公開居擇言

湘陰夏原吉德量寬宏嘗有從隸汚所服金織賜衣懼欲逃者

曰汚可澣何懼為吏壞所寶視匿不敢見原吉曰物皆有壞慰

遣之在部時吏奉文書押之因風為墨所汚吏懼肉袒以俟原

吉曰汝何與焉明日袖至上前自咎不謹上命易之一時卿大

夫雅量推原吉第一嘗與同列飲於他所夜歸值雪過禁門有

欲不下馬者曰大雪寒甚原吉曰君子不以冥冥墮行其敬慎

如此皇明通紀

夏忠靖公嘗以治水至岷山寓千墩禪寺不設儀從鄉民入寺

游觀公方坐室中觀書鄉民不知也雜坐其旁既而問僧云夏

尚書何在僧云觀書者是也民懼乃奔去公好食燻豬肝一日

供具飯盡而肝如故膳夫怪之已而分食乃知著鹽過多鹹不

可食也人服其量寶楚

李東陽父名清徵時為渡子日見一婦人早渡午歸追晚復然

詰其故曰有夫繫獄日往饋食復歸膳翁姑耳李聞言惻然遂

卻其渡值他日遇一叟告曰汝有善念汝親未葬吾當為擇吉

地瘞之手指一山曰是中有白狐臥處汝可潛舉親骨埋其中

李一夕果往見白狐眠不起李恐天明人知因折樹枝有聲狐

驚聳耳三立而去遂即其穴葬之明日以告叟叟曰俟狐起自

去乃佳耳今驚去當中衰然汝子不失三公後西涯果大貴子

兆先早卒公竟無嗣堯山堂外紀按李清本儒生有善述此云徵時為渡子非實說見藝文

李東陽四歲能作大書順天府以神童薦入見文華殿過門限

太監云神童腳短李高聲答云天子門高上命給紙筆作麟鳳

龜龍字抱置膝上賜上林珍果及內府鏗寶名世類苑

李西涯程篁墩少小時俱以神童被薦英廟親試之對句曰螃

蟹渾身甲冑程即應聲曰鳳凰徧體文章上加稱賞李尚伏地

徐對曰蜘蛛滿腹經綸上大異之曰是兒他日作宰相俱賜寶

鏘而出後李出館閣四十年兩湖塵談錄

李西涯與程篁墩過采石李得句云五風十雨梅黃節二水三

山李白詩一時服其巧麗神童集

茶陵李文正公清約之操出自性成冬月不鑪披冊操觚不勝

其標輒就日而暴之日移亦移其儉如此有興化守公門下士也
也賦一帕四扇饋公公曰扇以染翰固可多帕何為乃啟緘取
扇而歸其帕云芝園集

李文正公致政後窳巷楊閣老載酒過懷麓堂觴以金為之公
謂曰公近亦有此器邪窳巷有慚色自是不敢用以觴客先進
李西涯臨歿時其門生故吏滿朝盡以平日所用袍笏束帶硯
臺書畫之類分贈之說叢

李西涯當國時有士人投一絕句云才名真與斗山齊伴食中
書日又西回首湘江春草綠鷓鴣嗁罷子規嗁蓋譏其不能與
劉謝同去位也如其言是使朝廷有小人便無君子成何世界
且西涯受顧命不幸而當逆瑾時疏論廷辨無所避忌非伴食
者後生輕薄乃至於此後世豈無公論楚寶

郴州何文簡公孟春方童稚時其父刑部公說嘗夢擊諫鼓旁
有一人曰公勿擊公于當擊即見公隨後進而擊之人馬皆驚
及公議大禮直聲震闕廷其夢果驗何文簡行述

華容劉忠宣公大夏髫年從父憲副公任父按部歸履新鞞公
疑其出時無是即以請父示為餘廩所易乃退成肅州時將行
故人贈遺悉謝絕止受同年李文正一羊裘至肅無資諸司憚
劉瑾母敢致館殺者三學生徒輪食之參將某遣使致饋救其
使不受無返公曰吾老惟借一僕日食不過數錢若受此僕竊

以逃不將隻身陷此邪尋同成鍾尚書有囊貨果為僕竊而逃
人服公先識云先進

張少保治茶陵人母譚夢大鳥倏夏雲下朱顧縞羽止其庭忽
縮化入襟裯閒已而驚寤其父伯誠曰此鶴祥也其將有徵乎
踰年而少保生及少保將卒時夜夢乘鶴游戲飄飄若出九閩
覺而占之曰此吾始娠之祥也殆將反化以歸乎果以疾卒雷

衡陽劉大司馬堯誨總制兩粵時粵鹵八寨為梗先是新建伯
王守仁旋勦旋叛堯誨至調土兵定之酌善後七策磨崖紀功
汪道昆文周天球書楚人重之與中興頌竝滿湘誌

偶記載巴陵老人年百八十歲時觴客舉樂毛侍御過其地聞
之乃屏騎往觀見階前數人皓首蒼顏年可百歲不知孰為老
人也問之則皆老人子老人後出問客何姓名侍御云姓毛名
伯溫特來謁壽星耳老人愕然良久曰是矣侍御問所以老人
曰某幼時遇劉伯溫相言汝當百八十歲後有客與我同名者
來汝逝不遠矣觴罷客散老人果沐浴而卒堅風集

劉士祚字嘉貞崇禎朝考授雲南霑益州吏目以擒賊渠郭雷
公功擢府經歷權憲益知州事霑益故巖疆梟寇出沒士祚練
義勇防守嚴密賊戒不敢犯境遂擢本州知州甲申明亡
皇清順治二年流寇張獻忠餘部擁殘兵走滇攻曲靖及霑益

士祚植義旗哭泣誓師為死守計城中食盡賊攻益力遂陷妾
 蕭氏子淅及二女墜井死賊械士祚至曲靖拔刀擬頸脅降士
 祚罵不絕口賊怒磔之曲靖人哀其死裹骨以瘞於府城北門
 外廣佛寺後順治十八年子江奉衣冠歸葬邑之萬壽鄉長沙縣志
 劉清字若水七歲時讀孫子鬼谷書輒喜談兵與羣兒嬉戲每
 列營陣有法度八歲能挽強弓落飛雁明崇禎甲申獻賊剽掠
 長沙清為賊將獲賊將欲子之清罵曰我縉紳子而黨賊求活
 也奮拳欲毆賊大怒賊婦奇清貌問年幾何曰九歲問何能曰
 能挽兩石弓賊婦授弓抽矢去金令射百步外牆上鳥一發中
 之賊婦驚曰是兒非常人也賊乃改容禮清會
 王師進剿賊潰清乃單騎投大軍游擊某令領騎兵搗賊營有
 功授官都閫順治十五年從大軍討李定國等於雲南擢參將
 旋晉副將康熙十九年討吳世璠貴州世璠走雲南二十年師
 逼雲南城清獨昇紅彝擊賊傷斃以萬計賊大奔綏遠將軍
 蔡毓榮攻大東門城上發礮轟擊清躍馬揮大刀奮呼礮碎兜
 鍪神色不變賊驚為神勇咸呼鐵漢子城破世璠伏誅清晉總
 兵官都督僉事未履任乞假歸里卒長沙縣志
 正德十年湖廣道州致仕右都御史熊繡卒于家時春為太僕
 少卿在京上疏為表清節以勵庶僚事竊見繡存日事母能孝
 事兄能友居貴能貧居常能儉歷中外四十餘年守法奉公

推賢疾惡不要時譽不急近功言無爽於屬垣行弗虧於顯影
 田廬壹守先業未嘗少有所貽俸祿頌及同宗未嘗私其所入
 其在官也恆疏食以自勵故巡撫之日雖廩米有羨亦斥還官
 其在家也惟山居以自遠凡饋遺之物雖親戚至厚不容浼己
 鄉人嘗評其人可謂白首持清節終身無過舉之士矣事下戶
 部奏與其過繼孫熊瑞月米壹石至補蔭日住給諫莊簡敘錄
 凌國俊九人殉蔡忠烈公而死其事甚烈余作忠烈公廟碑記
 并列之以愧夫人臣懷二心者未幾國俊之子文志復號泣請
 曰父死時吾母朱氏年甚少守節撫孤語文志以父死難事甚
 詳文志遂遍頌於當事得以父主配食忠烈公廟更求海內賢
 士大夫褒揚之章以垂不朽而其八人者姓氏已不可考矣是
 國俊為盡忠文志不失為純孝也毛際可凌義士殉忠錄序
 常崇孔字漢字篤友愛有膽識明季獻賊寇湖南會城陷令斷
 居民家長右臂為識比戶搜匿及舍崇孔與兄仁孔爭稱家長
 代兄斷臂不死後兄嫂相繼歿單身隻臂撫姪成立長沙縣志
 未陽縣義四都民王謝兩姓族繁而好義時張獻忠據襄陽寇
 盜蜂起藍桂礦賊復猖獗邑令李國楨患之募民兵為保障三
 檄不至國楨率諸生徒步詣其地兩姓感激棄家守城礦賊千
 餘揚帆過東門秋毫不敢犯甫出境乘舟登岸劫掠衡湘間為
 害甚熾及還令曰賊可殲也遂堵截追殺幾盡兩姓由是著名

衡賊將入衡守道李嵩馳檄促王謝至郡國相餽之流連不忍去及逼城王謝首戰一人持鉞飾五采護以二鎗手進退作止俱有法賊見之皆眩亂斃數百人有王某者尤驍勇大呼殺入重圍所到皆披靡力盡戰死嵩親祭之時三戰三捷王謝之名益著及賊統大眾至多寡不敵兩姓之人十傷四五捐軀赴義殆所謂以死勤事者而當時不蒙優恤亦可哀矣乾隆湖南通志

彭錠字世資自號樸菴明兵部尙書澤謚襄毅父也明史稿載襄毅出爲徽州知府將遣女治漆器數十使吏送至其家公大怒輒焚之徒步詣徽襄毅驚出返目吏負其裝公怒曰吾負此行數千里汝不能負數武即既入杖襄毅堂下杖畢持裝逕去長沙縣志

張大銀字良寶敦內行家禮嚴肅正德十三年有過客止宿書舍晨興老僕負小兒過前大銀起立敬俟客問何爲曰子幼叔也客異之是歲十月邑主簿李璋齋送一代醕備榻額至家大銀不知所爲李曰吾奉邑侯萬轉奉巡按白牌開稱本院蒙特簡巡按湖廣詔曰武斷鄉曲者罰無赦才德著懋者加賞密訪得長沙明經張大銀卓有實行雖幼叔前亦能致敬用光榻額並題請奉旨授七品官始知前過客爲巡按也長沙縣志

張庚明字光衡富而好施與前明鼎革時楚南頻荒歉庚明與妻楊氏殫力振濟日煮糜粥以活飢民後同居里人有赴燕京

〔光緒〕湖南通志 卷末四

者道經河南旅店見店主書庚明姓字於祖堂焚香祝禱詢之曰子昔家長沙歲歉賴張公施粥以活奉之以志不忘耳長沙縣志

武陵傅氏家譜載作霖死難時恭順王孔有德欲生降之不屈王壯其忠命校卒拔頭刀刺右脇死以禮葬於武岡東塔寺旁丁亥八月永明王聞贈東閣大學士謚忠肅蔭子允漸秘書郎少子巖字夢臣兩走京師歷滇黔吳豫往返齊魯求作霖奏議詩文上之史館一時士大夫咸哀其志爲文以送之常德府志

杭州孤山巢居閣重建記爲江浙儒學提舉長沙李祁撰旌德觀重建先賢祠記浙江左布政使祁陽甯夏書寶梵寺記永樂元年尙書夏元吉撰開元宮清風堂記揭曼碩撰歐陽元爲後記重修寶極觀碑記侍講學士楚廖道南撰雙巖記宋太學博士岳陽鍾必萬撰靈岳寺記唐歐陽詢撰臨安廣惠廟二記一慶元丁巳監潭州南嶽廟求梓撰上虞水利記嘉熙丁酉五月監潭州南嶽廟陳謙記會稽禹廟碑文字磨滅嘉靖中季本守長沙從嶽麓書院攜歸知府張明道翻刻入石浙江首志

明宋光祿以方正德時人衣冠墓在黔陽縣東南安江鎮一統志載范孟瑄過安江尋墓詩瑞州太守常山節馬賊等耳死同烈何人解招瑞州魄到今惟說常山舌憶昔有明武皇時強藩敢爾神器窺樓船東下建瓴勢船中乃有囚繫繫彭蠡湖深波浪惡大旗日落風蕭索舟人指點黃石磯桃劫安能除此噩噩

五一一

識纒崗又罵聲纒囚豈復望偷生誰知九派分流水得遂千秋
 應識名丈夫要不惜肢體況肯回頭顧妻子可憐依舊石頭城
 褚淵不死袁粲死龍頭狗腳原須與僭號終為闕下俘獨苦江
 頭沈恨處游魂長是血模糊武陵中丞發忠氣一封入告狀死
 事專祠高并豫章城歲歲黃蕉與丹荔傷心一櫂竟無歸江水
 茫茫露未晞可堪孝子將枯淚徧灑忠臣舊著衣嗚呼常山尙
 留一束髮瑞州不見一片骨瑞州之烈甚常山故園云有衣冠
 窟我來艤舟沅江潯問人不答空沈吟母乃隔代晦名姓遺碑
 猶待窮搜尋蓬窗忽墮空江雨一編史傳如相語亦知往事足
 低回無數青山叫杜宇縣志

胡彥博道州人官學博受業王陽明之門毛奇齡陽明弟子錄
 陳薦字君庸號楚石為孝廉時公車北上客舍中夜有女子來
 奔薦峻拒之讀書不輟中隆慶辛未進士官至南吏部尙書荆
 南劉海營與以書云先生凡事求同理不求同俗求信心不求
 信跡時局變朝昏而若不知風波滿天地而若不聞功業炳垓
 挺而若不有踟躕容與冥飛千仞而若不知山中宰相之徒屬
 也可謂知言先生之自言則曰予生平不敢為過分事惟適當
 而已縣志

瀘溪劉金貴居辰溪白竹山與母弟入山收豆遇虎攫其母金
 貴號泣格虎虎遂置其母去時金貴年十四瀘溪縣志

杉樹堡賀昌言父允洋因醉墜深池昌言往援不能起僕王新
 保從其後援之并溺焉眾拯出之三屍相抱不釋常寧縣志
 沅江楊雲龍家兄弟友愛每歲燕子百雙翔集其家銜土成巢
 里人異之呼所居為百燕樓沅江縣志
 城步志楊氏系自漢關西楊伯起之後屢傳為楊再思徙居靖
 州之飛山十子各有分土其三子正修居赤水真良鄉歷宋太
 平興國四年納款內附明年敕差鄭律齋正權等兄弟誥一十
 一道并授光祿大夫傳至元末兵起有諱通貫者同父叔聚兵
 克復浙江授左丞總制浙江行省卒贈潭國公諡忠武叔正仁
 贈榮祿大夫諡忠烈至明朝其子孫忠洪忠漢歸附從征以功
 授總兵官宏正閒有分居荆州者其三世孫逢時登萬曆丙子
 解元壬辰進士其居邑里者郎官刺史代不乏人按通貫即完
 者其所稱忠洪即穎國公楊洪世疑明史洪六合人不言籍城
 步今以城步楊氏譜證之諸楊之為城步人非臆說也寶慶府志
 艾東鄉南英訪樊貞符旅寓城中與邑文士往來一日至李氏
 家熟時李千秋方數齡塾師命題耦而耕破云二人並耕出入
 相友也東鄉見之摩其頂曰此半邊舉人後登順治甲午副榜
 人服其衡鑒之神常寧縣志
 康熙中臨武貢生鄧應化讀書金泉菴攻苦忘休臥不親枕簟
 者十有三年一夕見伽藍衛將忽躍起應化恬不為異但搖手

止之曰母母神亦遂止其標度過人如此臨武縣志

孟啟謨字典光湘陰人雍正丁未進士通籍後讀書玉笥山夜

分燈施忽有青衣老人來前餌以棗糕曰天帝命汝校玉書於

九琳閣言訖不見未幾卒湘陰縣志

湘潭陳大令鵬年初任西安決獄如神一日閩中革職守備李

某歸籍坐江山舩至西安更江舩婦悍筆其婢一夕婢不見

訴於陳云是岸上人所匿又誣舟子語且不遜陳詰之李但云

絕無他故陳疑其舉止乖方訊居民舟子亦莫識其故益筆楚

時在江山舩負創後過江舩也李乘營弁勢欲大索居民攔阻

江舩水陸民皆憤恨是夜陳聞鬼哭聲從東來假寐似有人訴

冤苦狀醒起鬼哭聲如故次日陳命從治東潭中撈得屍而棒

痕盈體腹空無水蓋先斃而後拋棄者既欲雪後日之罪復欲

嚇水陸居民重為置婢也陳怒欲中以法乃涕泣叩首乞免陳

罰使厚其棺延僧資冥福以辱之是日水陸居民焚香謝者數

千人陳寶崖曠

益陽朱玉章與王翁某鄰相友善一日王語朱曰吾視吾子當

得奇既吾不及見非金無以活非子無可託也遂指識所瘞金

處及王歿後二十年其子果以葬母故罹於難議罪延五七載

匱乏欲售其腴產朱曰無庸而父有金曾語我為而兄弟今日

故也掘園隙得八百金數可金盡又欲售產朱又曰無庸更有

道者伐桃樹掘其下得一千三百金涕泣言曰而善為之吾可

報吾友矣還其父手書之冊朱後年至百歲臨澧縣志

乾隆開邨之西市人李方侯少讀書旋以目盲廢學家赤貧乞

食養母遇母暗號即跪請曰兒有歌可解憂因擊缶應節歌曰

君不見兒在朝中掛紫衣母在家中望門問貴雖好兮子母離

怎似丐兒時相依母兮母兮曷用憂為又不見子在江湖走商

旅母伏家中痛慈帷富雖足兮子母離怎似丐兒時相依母兮

母兮曷用憂為又不見一家兩三兒哺大分荆紫仲兒怨田瘦

季兒怨土瘠拋親無衣食供養互相推怎似我盲丐兒肉幸有

人糲米幸有人炊討得來進母膝蓮花歌解母頤母兮母兮曷

用憂為母聽之稍歡母年七十餘卒哭奠盡哀喪畢乃歎曰數

十年傍人門戶非不知恥徒以有母在耳今已矣遂縊於家樹

市人醵錢葬焉郴州志

王朝卿字希台以父病目棄官歸額天請代既而父目復明里

中以其孝感呈府轉申撫按額以孝思堂郡守鄧繼曾贈以聯

云解組若毛輕三公不換格天如響應雙替復明年逾八十考

終祀鄉賢子教諭王仁刻效烏集寶慶府志

善化郭昆甫煥好談時文酒酣耳熱痛詆時文雖資育不能掩

其口時方議更南北中卷禮臣有議以湖南人中阻者昆甫力

爭之乃列南皿楚人誦之沅州志

大學士劉文恪公貌豐美天姿穎異器宇宏深相傳年十四就傳董正楚家有召凡者文恪問前身曰鍾離權也遂名權之號雲房

長沙縣志

易文基太史年十二歲某家有孤患聞文基將至言易童子正人也謀所以避之至則書十六字於其室曰人靈於物秉氣之正渾然浩然羣邪退聽孤遂絕蹟將冠館邑周氏歲暮歸途有莫姓子走且哭問之曰葬母負債將鬻妻以償遂解館金畀之歸母氏羅太儒人聞之大喜以為不負義方也

長沙縣志

羅陰遠字萼亭淡於名利嗜書史詩花竹道光辛巳年園中生竹一莖長及尺許忽分爲二幹幹並十節忽又合爲一莖時蔭遠與兄臨遠年皆八十餘友愛無閒見者以為祥竹圖繪成冊名流題詠甚多擬之司馬溫公瑞竹云

長沙縣志

乾隆四十五年有乞婦年四十餘攜一子十歲過某家日哺矣其子號泣求食某母以孟飯與之頃聞子泣益悲問之子言曰日哺吾母得食無幾今蒙賜食母不食而推我我固耐餓母老不耐也今固不食婦含淚告曰吾與兒晨出得飯一孟耳兒不食吾食之今得食誠不忍復獨食兒聞母言手鼓其腹曰我不餓我不餓即舉飯進母於是某母謂婦食更取飯與子婦食子乃大喜某母慰婦曰若子孝不長貧也因叩其姓氏婦武陵于氏女歸于王夫死一子幼家貧歲饑送攜子乞于聘熊氏女熊

亦貧各趁食去某母聞而憫之乃以閒宅居婦令其子牧子母日再三自牧歸視牧有失者年餘子所聘熊氏女父自龍山來並母子迎之去

文壯學齋

沅湘耆舊集鄧獻璋傳云乾隆丙辰舉行博學鴻詞科大湖以南與徵者甚眾慎郡王舉湘鄉易宗瀛大學士嵇曾筠舉武陵胡期頤戶部左侍郎陳樹萱廣西巡撫楊超曾同舉武陵陳長鎮戶部右侍郎呂耀曾舉善化劉世澍四川巡撫楊祕舉長沙劉暉澤湖南巡撫鍾保舉湘鄉易宗澗南鄉王文清常甯段梧生巴陵許伯政華容王元祁陽陳世賢陳世龍其一即獻璋也都十三人視康熙己未湖南僅王山長一人相去遠矣然諸君著述除王九溪文清陳宗五長鎮易公申宗澗數君外不多見

湘鄉縣志

乾隆丙申王紳赴院試寓宋宅夜夢謁孔聖而顏子在側手以一物予之起告主人主人曰先生臥室置中舊藏有吳道子所繪聖像得母是乎紳請張於庭焚香禮拜謂主人曰是不可棄宜別爲位置主人躍然曰得付託如先生固所願也紳珍藏之

常甯縣志

廖某世居三都廬家坊徙桃源家赤貧父早逝母羸多病某常備於酒家以養一日母病危百計罔效醫者曰病在肝得人肝引藥可愈時桃源方被匪寇醫者謂可於兵死者求之某謀其

穢惡且不忍以此殘人尸骸夜五鼓焚香告天手持利刃剖其胸探之俾不得俄有星灼灼如斗光見肝處急取出和藥以進母病瘳而某亦無恙此咸豐閒事也桃源令上其事請旌焉化安

志 乾隆丙辰詹顯紳與其師李啟晨同榜其師弟甚相得也後顯紳銓南康知縣迎啟晨至奉養之啟晨將謁選顯紳以其老止

之不從執手牽衣涕泣遠送而別啟晨抵京病且死作書與訣悔不從其言語極慘痛顯紳得書哀號七日遂不起常南

劉祖祺性樸愿備力養親父歿母衰而多疾無力娶婦以養念備於外不得躬親奉養乃辭備負母以行乞寒暑晨昏一切瑣事皆先意承志三十餘年無閒母年垂九十而歿慕義者備棺

服以禮葬之祖祺後年八十餘體猶強健值親生忌日必具酒肉祭墓所號慟聲哀感行路長沙

柳先宦字文星父廷珍早逝母星氏目瞽兄嫂無子踵逝家赤貧宦隻身食力奉母因母喪明梳洗瑣事悉需人賃居省垣菜圃旁就近傭工養母主家稍暇即在母左右奉養四十年無懈

母壽臻九十忘其為瞽以天年終長沙

道光癸巳歲河南裕州知州謝興堯以卓異薦入都引見時唱

陳名貴畢

皇上問曰汝湖南人作京語何也興堯對言臣父謝振定歷官

翰林御史臣生長在京師

上忽悟曰爾乃燒和坤車謝御史之子耶因褒獎興堯家世勉以職事明日

上語閣臣朕少時聞謝御史燒車事心壯之昨見其子來甚喜未幾

命擢興堯敘州府知府方裕州入見時吾鄉人士在京師者盛傳天語以為謝氏父子之至榮也梓湖

黔陽孝子楊光洪道光己亥四月省母墓經灣溪木橋適為暴漲漂去忽見水面巨石橫互信步過之既登岸還顧無石大驚

異知其事者以為孝感題曰靈巖作詩紀之季水王繩祖云慈烏慈鳥集于林下終日終夜哀呼不息悲聲感路衢乃有孝子

楊福泉號泣省親墓出其途借問孝子安居乃是鄰梁下居民厥家曰灣溪人道孝子行杖藜呱呱哀嗥血淚如雨天地為之

悲哀鬼神為之傷摧不覺風雨悲泣助其酸嘶洪流乍振高五尺漲溢山溪耕者息其犁行者失其跡乃有巨石化梁渡孝子

孝子不知且行且過且悲嗥雲慘慘兮晝晦猿啾啾兮愴悽雷震震兮驚耳孝子卻迴顧乃見溪流浩淼一望迷東西孝子不

省所來不悟其中厥有神異乃以為心神恍惚若夢癡至今行路猶共指孝子所行處以為天地鬼神靈怪不可思會不是孝

子楊福泉精誠格蒼天黔陽縣志以上人物

湖南通志卷末之四

湖南通志卷末之五

雜志五 紀開五

顏延之之郡道經汨潭為湘州刺史張紀祭屈原文以致其意
 曰蘭薰而推玉貞則折物忌堅方人諱明潔曰若先生逢辰之
 缺温風待時飛霜急節羸羊邁紛昭懷不端謀折儀尚貞蔑椒
 蘭身絕郢闕迹徧湘干比物荃蕀連類龍鶯聲溢金石志華日
 月如彼樹芬寔穎寔發望汨心歛瞻羅思越藉用可塵昭忠難
 闕又為湘州祭虞帝文云惟哲化神繼天作聖藏器漁陶致身
 愛敬是以二妃嬪德九子觀命在麓不迷御衡以正唐歷既終
 虞道乃光吞堯授禹素俎采堂百齡厭世萬里陟方敬詢故老
 欽咨聖君職奉西湘虔屬南雲神之聽之匪酒伊章宋書本傳
 昌黎岳陽樓別賢司直詩集注賢司直名庠字冑卿韓舉出鎮
 武昌辟為幕府陟大理司直權領岳州刺史公自陽山赴江陵
 揀道出巴陵岳陽樓在州西門下瞰洞庭庠五昆弟皆工詞章
 有聯珠集庠嘗和公此詩劉禹錫亦有和篇昌黎先生詩集二
 昌黎八月十五夜贈張功曹詩注樊汝霖曰公與張以貞元二
 十一年二月二十四日赦自南方俱徙揀江陵至是俟命於郴
 而作是詩公在江陵祭郴州李使君云輟行謀於俄頃見秋月
 之三教連天書之下降猶低回以宿留此其證也昌黎先生詩集三
 昌黎李員外寄紙筆詩注韓醇曰公貶陽山過郴州謁李使君

明年以黃柑遺李李寄以紙筆公作此詩以謝其後祭郴州李使君文云包黃柑而敢辭穢紙筆之雙賢謂此也樊汝霖曰柳子厚在永州亦有楊尚書寄柳筆之作柳豈出筆耶昌黎先生詩集九昌黎湘中醜張十一功曹詩注湘中即郴州郴在江南西道於古為越地公祭張十一文云于出領中君埃州下州下即謂郴也公時自連州來張埃公于郴與之共離郴也故詩意及焉詩云休垂絕嶠千行淚共泛清湘一葉舟今日嶺猿兼越鳥可憐同聽不知愁昌黎先生詩集九

黃山谷移家南貶泊於零陵獨赴貶所時曾紆坐鉤黨先徒是郡先生留連逾月率游浯溪觀中興頌因賦詩書姓名曾急止之曰公詩文一出即日傳播某方為流人豈可出郊公又遠徙蔡元長當國豈可不為之防耶從之乃止零陵志

岳武穆飛領兵過茶陵鄉人尹彥德以牛酒謁軍門犒軍三日飛曰汝當以詩書教其子孫乃親書一經堂三大字遺之彥德如其言子伯正仲正後果登第湖廣通志

鄒志完南遷遺過永州澹山巖巖有馴狐凡貴客至則鳴志完將至而狐輒鳴寺僧出迎志完怪之僧以狐鳴為對至完作詩曰我入幽巖亦偶然初無消息與人傳馴狐戲學仙仰客一夜飛鳴報老禪命齋夜話

古山寺州南五里朱彭汝礪有長排二十八韻詩極古雅攷宋

史汝礪傳其歷官未至湖南不知因何事來武岡舊志失載多矣又寇準有邵州即事詩未審因何事至邵當是從崖山還荆州便道徑此詩見舊府志有二首均佚首存二句云冬葉扶疏碧撒團溪山環郭莫窮端一云蒼茫溪煙映靄山倏忽城郭起天端寶慶府志

宋南渡之際陳與義以避亂來湖湘寓郡久今簡齋詩鈔可歷按也其將至杉木鋪望野人居及別杉木詩所云數株蒼檜遮官道一樹桃花映草廬即今之黑田鋪土人所稱乾杉樹是也寶慶府志

周岑放於楚遇漁者與語因仰笠而歌者三云瀟湘秋水泛芙蓉落兮雁南賓期美人兮江渚歲暮兮蒼梧雲岑憑而聽之曰噫嘻乎噫嘻乎何楚聲之婉變也楚風補

曹石霞名允昌楚黃才士父為雲州佐卒於官石霞入滇扶輓抵常德疾作假寓德山古剎及病愈就道德山和尚元直送別曰居士筋斗不遠老僧亦隨後來及石霞病卒雲南柘過德山元直上堂說法次日圓寂見聞錄

示樂中有一人居洞庭湖之濱久而忽有兩人至聚處一室不輕出門戶風月之夕則掉小舟操酒榼泛湖而飲至醉叩舷而歌歌竟相持大慟而歸人莫測也居人時以錢米周之或受或否已而一人病革呼其鄰曰吾欲告汝以姓名恐為汝累不

船遊戲所澧州志

韓康伯母殷隨孫繪之之衡陽於闔廬洲中逢桓南郡卞鞠是其外甥時來問訊謂鞠曰我不死見此豎二世作賊在衡陽數年繪之遇桓景真之難殷撫尸哭曰汝父昔罷豫章徵書朝至夕發汝去郡邑數年為物不得動遂及於難夫復何言世說

李八座朝潭州席上有舞柘枝者匪疾而顏色憂悴殷堯藩侍御贈以詩曰姑蘇太守青娥女流落長沙舞柘枝滿座繡衣皆不識可憐紅臉淚雙垂詰之乃姑蘇臺章中丞愛姬所生之女也曰妾以昆弟天喪無以從人委身樂部恥辱先人言訖涕咽情不能堪亞卿為之吁歎曰吾輩與章族其姻舊矣命更其舞服飾以袿襦延與韓夫人相見顧其言語清楚宛有冠蓋風儀撫念如其所勝遂於賓榻中選士而嫁之舒元與侍郎聞之自京馳詩贈李公曰湘江舞罷忽成悲便脫繡鞋出絳幃誰是蔡邕琴酒客魏公懷舊嫁文姬雲漢

凝之妻梁州刺史郭銓女也遺送豐麗凝之悉散之親屬妻亦能不慕榮華與凝之共安儉苦夫妻共乘蒲策車出市買易周用之外悉以施人性好山水一旦攜妻子泛江湖隱居衡山之陽登高嶺絕人迹為小屋居之采藥服食妻子皆從其志宋書劉凝之傳

洞庭劉氏有夫葉正甫久客都門因寄衣作以詩云情同牛女

〔光緒〕湖南通志 卷末五

隔天河又喜秋來得一過歲歲寄郎身上服絲絲是妾手中梭
 剪聲自覺和腸斷綫腳那能抵淚多長短只依先去樣不知肥瘦近如何陶宗儀耕錄

武陵江畔古墓一所相傳某年月江漲淨女屍一軀洄漩隄下不去漲落停沙上數日面色如生居人異而斂之一手猶握小卷取出開視札縛絹片血書詩一首云潔守深閨十九春豈期竟作虜囚身夫生未補君王事妾死甯忘夫婦倫夜靜自甘沈弱質月明那管弔亡人恩深父母終難慰願作兒身來世親戚驚歎曰烈婦也奈何不留姓氏有識者曰若不觀詩意乎前後八句惓惓以死維君臣父子夫婦之倫此豈有心殉名哉遂厚斂擇高原葬之勒詩於石以風世焉歲久墓圯石漫滅詩遂失傳或指為貞女或指為節婦俱無左驗有某生者忽於墓所遇一叟須眉皓白指頰冢謂生曰此烈女墓也為具述頭末且云渠曾祖豫其事而有詩遂竝原詩錄出付生不顧而去生嗟呀久之持其詩詣采風者遂樹石重表其墓云楊宗烈女無名傳

衡陽周令喪妻娶後妻攜三女俱長矣周撫之如己出後妻兇妒周舊畜二婢有娠後妻用杖觸其腹二婢墮胎死時予任衡州倅常不平之後三女適人不四五年俱因產死每一女死妻必飯僧悔過為二婢看經自禮梁皇懺三女死必旬日號呼痛楚宛轉而後終妻亦憂惱成疾死吁報應昭昭若是俾妬悍者

聞之增懼亦勸戒之道也

張齊賢洛陽舊聞記

營道縣邨婦養姑二十年孝謹姑因食婦所進肉而死鄰人有小恨訴其置毒縣尉辭大奎往驗婦不能解願即死辭疑之反覆叩質婦曰得肉向置廚中柱穴辭詣其居視柱劈之見蜈蚣無數集其中具以白縣乃釋湖廣通志

衡陽少婦秦氏孀居有姿姑欲嫁之不聽鄰惡少焉小二欲挑之以姑在不得聞因計毒其姑佯為助喪求與婦合婦怒擲石

中之因許婦有所私為姑所禁置鴆焉陷於辟有鄰人管思易者以郵刑至疑之夜夢老婦牽二馬泣訴曰馬實殺我徧求馬

姓者不得視鄰佑為焉小二忽悟速呼訊之立承婦得釋湖廣通志

黃烈婦武岡易登衢妻遭兵亂義不受辱越龍塘死張別山同做弔以詩云曉旭初昇照紫霄流澄淨遠山遙偶橫一道煙

嵐起若為天人駕節橋接黃烈婦無傳據錄於此以傳之府志

馬友犯長沙向鄉林捍之不敵而潰道遇友別將方舟而來家人輩惶懼知弗脫矣賊指求鄉林愛妻妾聞命無懼色自語賊

曰必欲我當以車馬來賊許之妾即盛飾以待家人駭之然猶謂其往可以紆難頃刻肩輿至即奮而登既過河望賊舟不甚

相遠妾忽語輿卒欲少止羣卒乃弛轡妾一躍入水急援之已絕矣賊相顧不發鄉林亦悠然而去陳郁話映

巴陵韓氏希孟魏公琦之後嫁賈尚書子瓊元兵破岳州韓被

掠以衣帛書一詩投於江而死長興州判沈思安嘗託劉元履句趙松雪為書其詩元履諾而未行一夕夢一婦人云趣為我求書庶因大人君子之筆發據幽憤松雪聞而異之乃為寫一通歸之於沈兩山墨談

湘潭張九鉞道州女沈將軍祠行序云將軍名雲英蕭山人明道州遊擊沈至緒女獻賊寇州至緒戰死女率十餘騎斫賊營奪父屍還賊駭走武岡道州人德之建祠麻灘以祀

國朝猶著靈驅山賊慎葺為州司訓來都門為余言且曰非子長句不足表奇事乃賦是詩上馬莫歌木蘭詩下馬莫讀曹娥碑不見道州將軍雲英女柔翰日操窮訓詰息吹蘭蕙豔芙蓉

弱不勝衣纒一縷父守危城憑險阻斬將奪旗血戰苦國步艱難可奈何身委疆場日如炬將軍怒馬提長刀鷹聲奮呼闌虎

號悲風滾滾從之號手揮疾霆劃營入刈賊不啻蓬與蒿奪還父屍破賊膽鷹隼一撇秋昊高誓師再戰厲瓠齒黃虎西奔氣

披靡夢中只訝女天神武岡夜夜營猶徒朝廷襲職命釵裙半壁西南倚大勳真同晉室荀崧女不數唐家娘子軍將軍有夫

賈萬策勇冠荊州號無敵督師棄之以餒賊頭顱手向岷江擲報國復讐今已矣草疏陳情歸故里父喪夫樁哭雙扶指括臂

身蓮花座涌潮迎去道州人感全城功麻灘祠宇撐晴空明瓊

翠羽披龍裘巾帽千秋無此雄康熙年開山賊嘯轟然巨礮騰
神廟搏空泥馬簇珞艾兜蓋見出將軍貌抱頭棄刃紛竄逃靈
旗歸閃鳴金饒萬人羅拜聲喧嗷此州司訓吾外弟爲文再述
全城事長安把酒話英豪月彩凝窗花漾地芝龕樂府記非訛
墓銘曾讀毛西河筵前奇氣忽盪塵方寸飛涌營溪波爲君更
倒金叵羅淋漓橫寫將軍歌道州志

秋蟬武昌人逸其姓隨其夫僑縣中夫羅季兒蕩子也康熙戊
午大饑無所得食有豪某自京歸誘其夫執役挾以俱往心豔
秋蟬欲私之不從某寤辱之秋蟬憤極自裁季兒持刀索某不
獲亦自殺邑人弔以詩陳天放爲立傳攸縣志

道光丙戌六月茶陵州大水舟泊洪山塘方晨炊見一少婦裸
身隨水而至中流露其面舟子將援之婦厲聲曰我身不可登
舟且我夫與翁姑皆漂沒何以生爲遂伏水死州吏目譚澤愷
詩云女身裸登舟不可自沈可我有夫有翁白頭兼有姑翁姑
夫婿頃刻殂今我獨生何爲乎願赴清流葬魚腹我身我心潔
如玉茶陵州志

譚積林妻凌興鳳能詩年十九于歸夫力農興鳳嘗從耨饁田
閒諸生或誦之以才女偶俗子興鳳傷世俗之不達而專以佔
畢爲儒術乃因己之名作鳳歌以見志其詞曰鳳兮鳳兮何時
之衰翱翔干仞兮下而欲覽夫德輝燕雀羣游兮從容其毛衣

鮮啄徐飲兮自謂提提九韶動天兮短羽驚飛暗不敢翔兮獨
鳳來儀在田在天兮龍德有施息於林阿兮眾乃臬之鳳不汝
願兮曾不自知棲息蓬艾兮早暮吟吟切切味味兮又奚以爲
已而積林死無子諸富室子弟爭欲娶興鳳以利啗夫族給其
姑以新婦才女必不能事農媪赴官訴婦不孝當出母族持之
久不決興鳳傷已安命耐苦而猶被惡名生年不辰卒以才貌
自累遂飲堇死衡陽縣志

司空仙迹在攸縣司空山山有昇陽觀南齊司空張岳昇仙處
唐天寶七載卽其舊居建祠宋政和二年詔漕臣程元佐相視
敝陋徹而新之明統志

成武丁邨人爲郡主簿與眾人俱坐聞雀鳴而笑曰東市輦粟
車覆雀相呼往食之眾人遣視信然桂陽先賢畫贊
成武丁吾邨人神仙傳載其在長沙異人授以一書遂通天下
鳥語獸音然則古人於此益必自有理以知之不然如管如張
輩假之占候亦自有可推者高緯貽略和菟有鳥鳴書一卷王
喬有解鳥語一卷是事也蓋有著之書者矣不當全不信也錄敘

蘇耽與眾兒戲獵常騎鹿鹿形如常鹿遇險處行能超越眾兒
問曰何得此鹿騎而異常鹿邪答曰龍也列仙傳
蘇耽常住門庭有眾賓來招耽告母曰人招耽去已種藥在後

園梅樹下可治百病一藥愈一人賣此足供養矣便隨竇去母捉牽之四體如醉足不能舉桂陽先賢畫贊長沙醴陵縣有小水一處名梅花泉有一人乘船取樵見岸下土穴中水流出有新斫木片逐水流上有深山人迹樵人異之相謂曰可試入水中看何由雨一人便以笠自障入穴裁容人行數十步便開明朗然不異世上神記天監中有釋寶誌曰掘尾狗子自發狂當死未死嚇人傷須臾之間自滅亡起自汝際死三湘又曰山家小兒果猿臂太極殿前作獸視掘尾狗子山家小兒皆猴狀梁書傳嬾殘者唐天寶初衡岳寺執役僧也退食即收所餘而食性嬾而食殘故號嬾殘也書專一寺之工夜止羣牛之下曾無倦色已二十年矣時鄴侯李泌寺中讀書察嬾殘所為曰非凡物也聽其中宵梵唱響徹山林李公頗知音能辨休戚謂嬾殘經音悽惋而後喜悅必謫墮之人時將去矣候中夜李公潛往謁焉望席門通名而拜嬾殘大詬仰空而唾曰是將賊我李公愈加敬謹惟拜而已嬾殘正撥牛糞火出芋啗之良久乃曰可以席地取所啗芋之半以授焉李公捧承盡食而謝謂李公曰慎勿多言領取十年宰相公又拜而退居一月刺史祭岳修道甚嚴忽中夜風雷而一峰頽下其緣山磴道為大石所攔乃以十牛縻絆以挽之又以數百人鼓噪以推之力竭而愈固更無他途

可以修事嬾殘曰不假人力我試去之眾皆大笑目為狂人嬾殘曰何必見嚙試可乃已寺僧笑而許之遂履石而動忽轉盤而下聲如雷震山路既開眾僧皆羅拜一郡皆呼至聖刺史奉之如神嬾殘悄然乃懷去意寺外虎豹忽爾成羣日有微傷嬾殘曰授我箠為爾盡驅除眾皆曰大石猶可推虎豹當易制遂與之荆挺皆躡而觀之才出門見一虎銜之而去嬾殘既去之後虎豹亦絕蹤迹李公果十年為相也甘澤謠太和四年尚書劉遵古節度東蜀先是蜀有富人蓄羣書劉既至嘗假其數百編然未盡詳閱明年夏涪江大汎突入壁壘潰里中廬舍歷數日水勢始平劉之圖書器玩盡為瀑水濡汚劉始羅列於庭以曝之後數日於羣書中得周易正義一軸筆勢奇妙字體稍古蓋非近代書也卷末題云上元年三月十一日因讀周易著此正義從此易號十二三歲至一人八千口當有大水漂溺因得舒轉曬曝衡陽道士李德初劉閱其題歎且久召賓掾視之所謂歲至一人八千口者大和字也自上元至大和凡更號十有三矣與其記果相契然不知李德初何人耳五行記白玉蟾瓊州人或曰閩清人也姓葛名長庚嘗過邵留詩云仙境閒尋採藥翁草堂畱語數宵同欲知山下雲深處真是人間路不通泉引藕香來洞口月移松影過溪東求名心在閒難送

明日馬蹶塵土中後書三清選丈玉皇舉人雲外子書邵陽縣志
釋夢英號臥雲叟南嶽人與郭忠恕同時習篆皆宗李陽冰有
所書偏旁字源及集十八體書刻石於長安文廟書史會要
熙甯間章惇開梅山兵抵甯鄉入瀉山轉由徑路進兵失利退
軍瀉山密印禪寺餽餉缺乏寺為供應惇遣人入崗招諭不從
惇人篤信佛法乃遣長老穎詮三人入崗說之穎詮攜營中二
官先入見惇主給以從者惇一見遽曰此官人也穎詮曰主眼
高認之不差此官人之子乃使供茶失手因而故掌之二官作
惶懼狀惇主乃不疑穎詮說法勸諭惇悔悟率眾出降惇奏凱
賜名報恩特免本寺諸科差長沙府志
僧紹銑泉州人章惇開梅山與紹銑偕往梅人聞銑名合掌聽
其約束梅山平銑有力焉得法知住興化佛祖綱目
寰中蒲坂氏子於并州童子寺出家受心印於百丈海禪師結
第於南嶽後住大慈示眾云說得一丈不如行取一尺說得一
尺不如行取一寸山素缺水師擬飛錫夜夢神人告曰忽他之
我移南嶽小童子泉就師取用詰旦見二虎以爪跑地泉自湧
出味如飴有僧自南嶽至曰小童子泉涸矣五鏡會元西
法忠姓姚鄞縣人至廬山於同安枯樹中絕食清坐宣和間湘
潭大旱禱而不應師躍入龍淵呼曰當雨一尺雨隨至居南嶽
每跨驢出游儒釋望塵而拜上堂偈云今朝正月半有事為君

斷切忌兩眼睛被他燈火換後示寂塔於香原洞續傳錄
了演少依東山廣化聽秀禪師夜參即有省發趨衡陽投大慧
禪師宗杲一見器許杲謂其往曰若輩如鍼刺窗微見光影耳
演乃一踏鴻門兩扇開也會稽志
智顛荆州華容人姓陳氏七歲聞誦法華經即隨念之七卷之
文宛如宿習於果願寺出家齊乾明元年謁大蘇山慧思禪師
思一見謂曰昔靈鷲同聽法華今復來矣即示以普賢道場說
四安樂行師入觀三七日身心豁然以所悟白思思曰非汝潭
州石霜山性空禪師僧問如何是西來意師曰若人在于尺井
中不假寸繩你若出得此人即答汝西來意仰山後問耽源如
何出得井中人耽源曰癡漢誰在井中仰山再問澗山如何出
得井中人澗山乃呼慧寂寂應諾澗山曰出也仰山曰我在耽
源處得名澗山處得地傳錄
襄州居士龐蘊字道元世儒為業少悟塵勞家珍數萬沈棄洞
庭有女靈照常隨製竹渡籬令蠶之以供朝夕謁馬祖問曰不
與萬法為侶者是什麼人祖云待汝一口吸盡西江水即向汝
道居士言下頓領元要曾有偈曰有男不婚有女不嫁大家團
圓頭共說無生話一日因丹霞相訪見女靈照問曰居士在否
靈照放下籃子斂手而立霞又云居士在否靈照便提籃而去
居士將入滅令靈照出視日午否照曰日中矣而有蝕也居士

出看照登父坐合掌而逝居士笑曰我女鋒捷矣於是更延七日州牧于公頓問疾居士謂曰但願空諸所有慎勿實諸所無好住世間皆如影響枕公膝而化傳錄以上仙釋

舜葬零陵葬時冒以紺單衣唐蘇頌

驩兜生三苗高辛邦之北經云驩兜生三苗高辛之諸侯三苗大亂龍生

于廟犬哭于市墨子三苗之時三月不見日金匱三苗之亡五穀變

種鬼哭于郊論衡夏大觀議

屈原以五月望日赴汨羅土人追至洞庭不見湖大船小莫得

濟者乃歌曰何由得渡湖因而鼓權爭歸競會亭上習以相傳

為競渡之戲其迅熾齊馳權歌亂響喧振水陸觀者如雲諸郡

率然而南郡襄陽尤甚隋書地理志

大清一統志賈誼列湖南名宦之首今長沙善化志列於流寓

僅載渡湘作賦弔屈原及賦服自廣濯錦坊側有故宅及井牀

祠祀在焉其政蹟無可攷但治安策云欲諸王之皆忠則莫若

令如長沙王其時長沙二萬五千戶耳功少而最完勢疏而最

忠非輔導之力不及此又古文苑有賈誼賦二篇其一為旱雲

賦云竊託咎於在位又云何操行之不得兮政治失中而違節

意多自責之辭似非在京朝及為梁傅語氣必其以天子命傳

外藩王故以政治失中自咎賦中雖無湘衡南國之辭其乃心

民事懇誠形於言辭要可推見文帝移傅少子亦以克盡傅職

也賈太傅志

李義山潭州詩陶公戰艦空灘雨賈傅承塵破廟風目斷故園

人不至松醪一醉與誰同余初讀之以松醪酒名未究其出處

復讀杜牧之送薛種游湖南云賈傅松醪酒秋來美更香乃知

松醪為大傅所飲之酒想見痛哭太息時以杯酒澆壘塊胸後

來無與同之義山所詠良不誣也賈太傅志

唐人自劉長卿戴叔倫過故宅有題詠遷客來此多有詠懷之

作然賈島送人往湖南詩已云若尋吾祖宅寂寞在瀟湘李商

隱有破廟承塵之句唐以後詩甚少梅聖俞詩雖有宅邊寒井

之句文人用事不必攷据惟劉後村湖南道中詩廢宅草芊芊

是其躬歷明洪武時楊基詩云我本欲再拜祠宇久已傾則元

時祠宅久廢其明證也宜宋元人題詠之少乎賈太傅志

昔漢武愛騷令淮南作傳大概屈原事已盡於此故太史公因

之以入史記外有二三逸事見之雜記方志者尤詳屈原瘦細

美髯丰神朗秀長九尺好奇服冠切雲之冠甚潔一日三濯纓

事懷襄間蒙讒負譏遂放而耕吟離騷倚耒號泣於天時楚大

荒原墮淚處獨產白米如玉江陵志有玉米田即其地也嘗游

沅湘俗好祀必作樂歌以樂神其辭甚俚原因棲玉笥山作九

歌以諷諫至山鬼篇成四山忽啾啾若嘯嘯聲聞十里外草木

莫不萎死又見楚先王廟及公卿祠堂圖畫天地山川神靈琦

瑋僑僂與古聖賢怪物行事因書其壁呵而問之時天慘地愁
白晝如夜者三日晚益憤懣披蓁茹草混同鳥獸不交世務采
柏實和桂膏歌遠游之章託游仙以自適王遠逐之於五月五
日遂赴清冷之水其神游於天河精靈時降湘浦楚人思慕謂
爲水仙每值原死日必以筒貯米投水祭之至漢建武中長沙
區回忽見一人自稱三閭大夫謂曰聞君嘗見祭甚善但所遣
爲蛟龍所竊今有惠可以楸樹葉塞上以五色絲縛縛之此物
蛟龍所憚回依其言世俗作糶並帶絲葉皆其遺風晉咸安中
有吳人顏班者泊汨羅江夜深月明聞有人行吟曰曾不知夏
之爲邱兮孰兩東門之可蕪班異之前曰汝三閭大夫邪忽不
見其所之江陵志又載原故宅在秭歸鄉北有女嬃廟至今擣
衣石尙存時當秋風夜雨之際砧石隱隱可聽也噫異哉原以
忠死直古龍比者流何以沒後多不經事特千古騷魂鬱而未
散故鬻熊雖久不祀三閭之迹猶時彷彿占斷於江潭澤畔兼
護白露中耳唐沈亞之
屈原外傳

范式與汝南張邵爲友邵字元伯太學諸生長沙陳平子同在
學與式未嘗相見而平子被病將亡謂其妻曰吾聞山陽范巨
卿烈士也可以託死吾沒後但以屍埋巨卿戶前乃裂素爲書
以遺巨卿既終妻從其言式省見瘞愴然感之乃營護平子妻
兒自送喪于臨湘後漢獨

虞詡從弟遜客長沙詡迎與俱江水縣墮船詡投水中救之一
浮一沒遇沙得皆不死司馬彪
續漢書

成帝咸康二年零陵李繁姊先適南平郡陳詵爲妻產四子而
遭賊姊投身於賊請活姑命賊將姊去詵更娶嚴氏生三子繁
後得姊消息往迎還詵詵籍注領二妻及李亡詵疑制服以其
事言於征西大將軍庾亮府評議司王愆期議曰禮爲繼母服
而不爲前母服者如李比類曠世所希前母既終乃有繼母後
子不及前母故無制服之文然前祠蒸嘗未有以前母爲母
者亡猶母之況其存乎詵有兩妻非故犯法李鄙野人若能臨
危請活姑命可謂孝婦矣詵雖不應娶妻要以嚴則繼室本非
嫡也若能下之則趙姬之義若云不能官當有制先嫡後繼有
自來矣從愆期議晉書禮
樂志

高宗上元二年秋七月杞王上金澧州安置天后惡上金有司
希旨奏其罪故有是命唐書

童區寄郴州養牧兒也十一歲行牧且羸二豪賊劫持反接布
囊其口去逾四十里之墟所賣之寄僞兒唬恐慄爲兒恆狀賊
易之對飲酒醉一人去爲市一人臥植刃道上童微伺其睡以
縛背刃力下上得絕因取刃殺之逃未及遠市者還得童大駭
將殺童遠曰爲兩郎僮孰若爲一耶僮耶彼不我恩也耶誠見
完與恩無所不可市者良久計曰與其殺是僮孰若賣之與其

賣而分孰若吾得專焉幸而殺彼甚善即藏其屍持僮抵主人
 所愈束縛牢甚夜半童自轉以縛即爐火燒絕之雖創手勿憚
 復取刃殺市者因大號一墟皆驚童曰我區氏兒也不當為僮
 賊二人得我我幸皆殺之矣願以聞於官墟吏白州州白大府
 大府召視兒幼愿耳刺史顏證奇之畱為小吏不肯與衣裳吏
 護還之鄉鄉之行劫縛者側目莫敢過其門皆曰是兒少秦武
 陽二歲而計殺二豪豈可近邪柳河東集
 王定保光化三年及第為吳子華侍郎壻子華即世定保南游
 湖湘無北歸意吳女假緇服自長安來訪馬武穆王令引見定
 保吳隔簾謂之曰先侍郎重先輩以名行俾妾侍箕帚侍郎沒
 慮先輩以妾改適是以不遠千里來明侍郎之志定保慚乞為
 昏吳不許定保與盟畢世不昏矣郡閣雅言
 後漢隱帝乾祐二年馬希萼悉調朗州丁壯攻潭州既敗歸乃
 以書招辰澁州及梅山蠻欲與兵擊湖南梅山蠻長聞長沙之
 富大喜爭出兵赴之十一月長沙陷朗州兵及蠻兵大掠三日
 武穆所積金寶悉入蠻落通鑑紀事本末
 唐王國良武岡牙將也前觀察使辛京果以其家富使戍武岡
 而以死罪加之國良懼據縣聚眾侵掠州邑官兵討之不克詔
 曹王李皋率兵五萬討之皋奉王太妃之教以子詔之國良捧
 檄即歸撫之以信其後入禁中賜名維新乃曰爾來之生罔極

之恩也及王太妃薨哀請赴葬上嘉而許之其執禮致恭哀慕
 深於昔日文苑英華
 黃璠為馬殷水軍副指揮使吳將劉存攻殷璠以舟兵三百伏
 瀏陽口存等退走璠以瀏陽舟截江合秦彥暉擊之存敗戰死
 五代
 高郁揚州人為馬殷軍都判官勸殷尊王仗順內奉朝廷外誇
 鄰敵退修兵農而楚以疆湖南產茶郁請聽民自采賣於北客
 收其征以贍軍又產鉛錫請鑄為錢以境內所餘之物易天下
 百貨時民不事蠶桑郁命輸稅者以帛代錢民間機杼大盛荆
 南高季昌患之使謀者行閒希聲奪郁兵職矯殷令殺之是日
 大霧四塞初郁與殷俱起行陳郁貪且僭常以所居之井不甚
 清澈乃用銀葉護其四方謂之拓裏其奉養過差皆類此五代史
 通鑑史補案三楚新錄云殷命希範入朝莊宗悅之因曰
 比聞馬氏之國必為高郁所圖有子如此何能得耶郁為殷
 之謀臣莊宗將去其爪牙故以是言聞之希範不察及歸果使
 人構其罪郁竟棄市其時以爲其報又五代史補云希範方臨江觀競
 將死又書見之時以爲其報又五代史補云希範方臨江觀競
 渡置酒未及飲忽驚起曰高郁來血自鼻出是夜遂卒據此殺
 郁者乃希範也
 拓拔恆史避宋諱事馬殷為天冊府學士遷僕射殷子希範立
 性奢侈窮極土木國用不足用孔目官周陟議令常稅之外大
 縣貢米二千斛中千斛小七百斛無米者輸布帛恆上書曰殷
 下長深宮之中藉已成之業身不知稼穡之勞耳不聞鼓鼙之

音馳騁遊雕牆玉食府庫盡矣而浮費益甚百姓困矣而厚
斂不息今淮南為仇讎之國番禹懷吞噬之志荆渚日圖窺伺
溪洞待我姑息諺曰足寒傷心民怨傷國願罷輸米之令誅周
陟以謝郡縣去不急之務減興作之役無令一旦禍敗為四方
所笑希範惡其直召闇者勿納曰吾不欲見此人恆謂客將區
宏練曰王逞欲而復諫吾見其干口飄零無日矣希範益怒遂
終身不與見及臥病始思恆言為忠以弟希廣託之恆數勸希
廣以位奉其兄希尊不聽乾祐三年希尊殺希廣召恆欲用之
稱疾不起廣順元年希崇與希尊爭國請兵於唐唐命邊鎬擊
楚希崇遣恆奉牋請降恆歎曰吾久不死乃為小兒送降狀耶
五代史通鑑

明與勅同受希範命擊士愁者五代史綱柱文
王贊事馬希廣乾祐二年馬希尊攻長沙贊部署戰棹大破之
三年希尊攻岳州贊為刺史拒之希尊曰公非馬氏臣乎為人
臣而懷二心豈不辱其先人贊曰先父為先王將六破淮南兵
今大王兄弟不相容贊恐淮南坐收其敝一旦以遺體臣之誠
辱先人耳大王苟能釋憾罷兵贊敢不盡死以事大王兄弟希
尊慚引兵去通鑑
吳宏為馬希廣長樂門牙將希尊攻長沙宏引兵出戰於中門
自辰至午希尊少劔及長沙陷宏見希尊曰不幸為許可瓊所
誤今日死不愧先王矣希尊歎其忠釋之通鑑
孟駢事馬希廣希尊請兵於唐將攻潭州希廣遣駢說之曰公
忘父兄之讎北面事唐何異袁譚求救於曹公耶希尊將斬之
駢曰駢若愛死安肯來此駢之言非私於潭人實為公謀也乃
釋之使還報曰大義絕矣非地下不相見也通鑑
馬希瞻希廣弟為靜江軍節度使希尊與希廣交兵希瞻屢遣
使諫止不從知終覆族乾祐三年十月疽發背卒通鑑
黃損連州人事馬殷為兵部侍郎殷覽諸將議遣兵守四境損
曰吾喪君有君何備之有宜遣使詣鄰道告終稱嗣而已從之
後授永州團練判官未幾得足疾退居永州北滄塘湖上以詩
酒自娛通鑑岳史補

石文德連州人形質姪陋好學尤工詩馬希範以其寢陋未嘗禮待會希範妻彭夫人薨文德作輓詞云月沈湘浦冷花謝漢宮秋希範大驚謝之授水部員外郎充融州刺史文德撰大唐新纂十三卷多載遺事時以多聞許之陶岳

張少敵三楚新錄事楚王馬希範為天策都軍使希範卒少敵以武陵帥希範最長請立之學士李宏舉以希範庶出欲立希廣少敵曰國事不可拘於一塗變而能通所以為長久計也何嫡庶之云乎武陵與溪蠻通好公欲立嫡宜早為之備以制武陵不然社稷去矣宏舉不從希廣既立希範來會喪少敵曰王能與之則已不然宜早除之亦不聽未幾希範果以武陵叛引溪蠻攻長沙湖南大亂未逾年而國滅五代史

丁思觀史補為馬希範騎將以希範受契丹册命深恥之上書曰今天下分裂中原之地纔十數州而大王克紹先業為諸侯長未聞折一馬箠為天子計愚臣所以為恥也希範怒削其官三楚新錄

孟寶子字國儀連州人天福九年登第還鄉為馬氏從事又有邵陽伍柳江左劉章皆以文學事馬氏全唐詩傳

李鐸都統判官李莊徐牧一作收鎮南軍節度判官彭繼英澧州觀察判官孟元暉武安軍節度巡官鄧懿文靜江軍掌書記蕭洙一作洙武平軍節度推官彭繼助昭順軍觀察支使李松年武

平軍節度掌書記衛曦鎮南軍節度掌書記曹悅裴頊皆為天策府學士路振九國志

馬寶五代史楚王殷弟初從孫儒敗宣州為楊行密所執以為黑雲都指揮使行密愛之曰汝兄貴矣吾將歸汝寶謝曰臣孫儒敗卒免死為幸湖南鄰近朝夕得聞殷動靜足矣不願歸也行密歎曰昔愛子之貌今得之心矣免為吾合一國之歡亦所以報我也厚禮遣之殷表寶為節度副使後以為左相加靜江軍節度使五代史案孫光憲北夢瑣言云天成初桂州節度使云爾名尊四輔位冠三卿既非品秩升遷難以并田增益馬爾疑即馬寶也

馬希旺希聲母弟希範既嗣位怨希聲先立因遷怒於希旺其母袁德妃請納希旺官為道士不許奪其兵職使居竹屋草門不得與兄弟齒希旺以憂憤卒通鑑

張佶長安人為劉建鋒謀主建鋒據潭州為新息小吏陳贍所殺佶推馬殷為雷後佶為行軍司馬垂二十年殷立大勳甚德佶開平初表為永順軍節度使檢校太傅同平章事五代史

李璣三楚新錄初從馬殷攻永州唐行旻郴州陳彥謙皆克之及殷為潭帥遣瓊將數萬眾擊南越瓊勇壯絕倫號曰李老虎先是管桂兒童每聚戲呼曰大蟲來及瓊拔管桂十八城論者以為應唐書

秦彥暉馬殷將殷初入潭州遺彥暉等攻連邵郴衡道永六州皆下之淮南將劉存圍鄂州彥暉以舟兵大破之後殷遣彥暉攻雷彥恭於朗州報其子弟彥雄等七人五代史楊定真為馬殷靜江軍使淮南楊行密遣劉存陳知新等將水軍三萬擊楚殷甚懼定真賀曰戰懼則勝驕則敗今淮南兵直趨吾城是驕而輕敵也而王有懼色其必勝矣果如所言通鑑王環為馬殷六軍副使每戰身先士卒與眾同甘苦置械藥於座右戰罷索傷者於帳下自傅治之故士卒隸麾下者所向有功通鑑許德勳馬殷將與秦彥暉破劉存於鄂州荆南高季昌以兵邀殷貢使殷遣德勳攻其沙頭季昌求和乃止朗州雷彥恭召吳人攻平江德勳擊敗之殷以德勳為右相五代史宋紫定大理國入以其王段和譽命為進奉使人貢於宋過湖南聞學校人物之盛請於押伴求詣學瞻拜宣聖像邵州守張察許之謁見諸生出乞觀御書閣舉笏叩首府志宋宣和元年六月邢州民董世多進狀以英宗嘗為鉅鹿郡公又知岳州孫勰進言英宗嘗為岳州防禦使詔加討論時邢州已升安國軍遂以邢州為信德府岳州為岳陽軍日知錄巴陵陳氏累世孝謹鄉里以老雅陳目之謂為雅能反哺也錄

李琮為湖南觀察使漁者獻一鯉琮命烹之腹中得印一面文曰衡山縣印琮命吏查近日文書視其文似新鑄者乃召衡山令攜印來視之果新鑄屏人詰之伏罪曰舊印為盜竊去某畏刑戮潛命工人為之今惟俟死琮祕其事碎新印令齎舊印歸衡罕有知者尉遲中朝故事荆公少年不可一世士獨懷刺候濂溪三及門而三辭焉荆公悲曰吾獨不可自求之六經乎乃不復見鶴林玉露黃山谷晚年作日錄題曰家乘謫死宜州永州有唐生從之游為之收拾遺文獨家乘為人竊去了不可得後百餘年史衛王當國乃有得之以獻者衛王甚珍之後黃伯庸帥蜀以其為雙井之族乃以贖其行零陵縣志王鏐為辛京果下偏裨時果帥長沙甚易之一日擊毬馳逐既酣鏐仰天呵氣高數丈若白練上衝果謂妻曰此極貴相遂以女弟配之鏐終為將相獨異志陸士規布衣工詩秦檜喜之嘗挾秦書于臨川守餽遺不滿意升堂嫚罵守懼以書白秦自解秦怒陸甚陸請見不出猶令其子小相者見之問其近作陸誦其黃陵廟一絕云東風吹草綠離離路入黃陵古廟西帝子不來春又去亂山無主鷓鴣啼小相入誦之秦吟賞再四即命請見待之如初鶴林玉露張邦昌僭位國號大楚其坐罪始謫昭化軍節度副使潭州安

置既抵貶所寓居郡中天甯寺寺有平楚樓取唐沈傅師目傷
平楚處帝魂之句也朝廷遣殿中侍御史馬伸賜死讀詔畢張
徘徊退避不忍自盡執事者趣迫登樓張仰首急覩二字長歎
就縊揮塵餘話

胡澹庵十年貶海外北歸之日飲湘潭胡氏園題詩云君恩許

歸此一醉傍有梨頰生微渦謂侍妓梨倩也厥後朱文公見之
作詩曰十年浮海一身輕歸對梨渦卻有情世上無如人欲險

幾人到此誤平生文公全集載此詩但題自警云鶴林玉露

常德舟稍程亮殺巡檢宋國鎮一家十二口累歲始獲乃載甯

宗登極赦後吏受其賂欲出之刑部郎俞徵奏援太祖戮范義
超故事以為殺於異代既更開國大沛猶取不赦况亮乎遂正

典刑齊東野語

辛幼安在長沙欲於後圃建樓賞中秋時已八月初旬矣吏白

他皆可辦唯瓦難辦幼安命於市上每家以錢一百賃簷前瓦

二十片限兩月以瓦收錢於是瓦不可勝用鶴林玉露

安子文與楊巨源李好義合謀誅逆曦旋殺巨源而專其功朝

廷疑其跋扈俾帥長沙子文盡室出蜀嘗自贊云面目鄒搜行

步藉藁人言託住半周天我道一場真戲要今日道湖南又成
閒話靶在長沙計析秋毫設廳前豕成羣糞穢狼籍肥膈
則烹而賣之罷鎮捆載歸蜀鶴林玉露

開禧用兵畢再遇數有功敵常以水匱敗我再遇夜縛葉人數
千衣甲持械儼立成行味爽鳴鼓敵人即放水匱旋知其非真
也甚沮乃出師攻之敵大敗近時沅州蠻叛荆湖制司遣兵討
之蠻以竹為箭傳以毒藥略著人肉血濡縷無不立死乃祖再

遇之智裝束藝人羅列焜耀蠻見之以為官軍萬矢俱發伺其
矢盡乃出兵攻之直搗其穴一戰而平鶴林玉露

趙忠肅開京西間日鄭忠定丞相清之初任夷陵教官首詣臺

參鄭素癯瘁若不勝衣趙一見即異人待之延入中堂出三子

俾執師弟子禮鄭踴躅不自安旁官怪之即日免衙參等禮以

行復命諸子餞之前途且各出雲萍錄書之而去他日忠肅問

諸郎曰鄭教如何長公答曰清固清矣恐寒薄耳公笑曰非爾

所知縱寒薄不失為太平宰相後忠肅疾革諸子侍側願其長

疑曰汝讀書可喜然不過監司太守次語其仲范曰汝須開闢

恐無結果三哥蔡甚有福但不可作宰相耳時帳前提舉官趙

勝素與都統制扈再興不協泣而言曰萬一相公不諱趙勝必

死扈再興之手幸相公保全時京西施漕偶在旁笑謂施曰趙

勝會做殿帥扈再興安能殺之其後所言皆驗齊東野語

辰人以藤代篋酒名釣藤俗傳他處即不可用或謂但恐釀造
之法異耳所在皆可樂天忠州春至詩云閒拈舊葉題詩詠悶
取藤枝引酒嘗則巴蜀亦有之碧溪詩話

宋時鼎澧五州亂鍾蜚英見襄陽張惟孝而奇之謂曰今日正我輩趨事赴公之秋惟孝不答又叩之則曰朝廷負人明日蜚英宴之仲宣樓因酒酣曰有國而后有家天下如此將安歸乎惟孝躍然曰從公所命乃請空名帖三十而去逾旬與三十騎俱擁甲士五千至旗幟鮮明部伍嚴肅或請所統姓名惟孝曰朝廷負人福難禍易聊爲君侯紆一時之難耳姓名不可得也於是擊鼓耀戈不數日眾至萬人數戰俱捷江上平制使呂文德招之不就而遁物色之不可得此其人蓋必有以大過於人者矣今之時誰謂無其人也敘錄

趙南仲以誅李全之功見忌於趙清臣使揆每左右之遂畱於朝其後恢復事趙遂分委以邊圉赴鎮之日朝紳置酒以餞適有呈緣竿伎者曹西士賦詩云又被鑼聲送上竿這番難似舊時難勸君著腳須教穩多少旁人冷眼看未幾師果不競齊東野語仁壽虞道園集外祖楊文仲守衡州井齋依之時未有子文仲爲禱於南嶽遂生道園文仲夢一身兵持刺入曰真人來見既聞兒嘯聲因命小字曰衡道園自言少時曾夢游南嶽歷覽其勝頗能記憶焉記夢詩云夢行衡廬間千仞過蒼壁崇高仰神明深廣下不測雲雨蓄盤礴時至如欲出網緼尙回旋揮霍忽奔逸物怪匿岩穴樓若俛辟歷黑波汎高樹木葉走崩石升身登元間縱觀龍變迹俯視九州野草木有輝澤乃在風雨外手

畫素三尺揮毫極動盪落墨更沈鬱圖成示坐人共笑不可得顧瞻以脚躡恍惚增歎息因之命肩輿出門聊有適大術何舒舒白鶴從數客略經幽澗濱便上青松側憑高望遠水雙景盪虛碧拂石共客坐芳草藉尻膝忽然聞鐘聲睡覺北窗席雲樵館紀

朝士某還鄉賓至則鼓吹喧闐有執友來謁朝士云翁素好誦詩近日誦得何詩執友誦孫鳳洲贈歐陽圭齋詩云圭齋還是舊圭齋不帶些兒官樣來若是他人居二品門前簫鼓鬧如雷朝士聞詩默然長沙府志

建文元年正月遣翰林侍書史彬往衡山告卽位也上謂侍臣曰朕奉天地山川之靈以登大寶改元伊始將告五嶽神祇其命儒臣以往由是閣臣擬彬衡山致身錄

瀏陽有彭和尚能爲偈頌勸人常念佛遇夜然大炬名香念偈拜禮愚民信之其徒甚眾徐正本湖南人姿狀龐厚無他長生平以販布爲業往來蘄黃間時遇彭眾欲爲亂思得其主一日徐於鹽塘水浴眾見其身上毫光起皆驚異之遂立爲帝以蘄春反天下響應東南遂大亂湖廣江西浙江三省城池多陷沒關連臺省於蘄春然資性寬縱權在羣下擁空名耳後爲臣僞漢陳友諒率兵攻臺謀奪位遂死采石湖廣通志

交趾傘圓山有神祠曰媚娘爲民害祭必以人敵浦荆政芳任

僉事其地議除戒土人曰當祭必告及期政芳張公座廟中燃炬端坐二吏侍側子夜冷風颯至怪見於前政芳張目叱之怪作戰慄狀乃以朱點其額鏗然有聲而滅達旦見朱點鼓上破之則白骨充滿一巨蛇盤曲其中乃斬蛇積薪廟怪遂絕

志

耒陽人鄭重除浙江金華府司馬妻詹氏山東萊州掖縣人同之任而前妻子維嶽以會試卒於京重聞訃痛絕氏持柩扶柩回未與婿賀撫養孤孫不給夢神告曰汝祖居羅渡鎮桑樹園中量地三尺有一瓮是汝家舊物往取之可不貧詹如神所告啟土得之時土著豪族聞風攘取於邑令徐亮察族得一銀青几几底有五篆字乃掖縣詹氏製徐曰此以故物還故主也遂力追豪族銀給詹

縣志

明攸人劉仲達為真定令到任指水明心人稱為劉飲水以養母乞歸居家嚴正有少婦患祟仲達詣其室曰吾為一家長有冤當禍我言訖怪隨之出至廳作蝙蝠聲墮几案問形如蟬多足仲達禽之命家僮浮巨觥飲而噉之怪遂絕

攸縣志

聶翁山西人婦虞氏生一子翁又商於川主李氏李之婦新寡翁即贅於其家俗謂之坐門招夫承其香火改姓李亦生一子因張獻忠入川李氏子母散失翁流於滇黔為偽弁被俘時虜囚數十撫軍付沅州刺史聶熊臣鞠之詢其翁里居姓名甚異

之退問母母令復訊而已聽於後不數語呼其子曰真而父也起之囚中拜哭大痛洗浴更衣屬員咸將羔雁為賀刺史觸之翁亦在座客問其入滇之由翁言始末又與李吏目里居姓名合李賦甚歸述於母母令設醴邀翁翁至母窺見出曰尚識妾否為吏目者君之子也刺史聞之至與吏目序兄弟焉

湖南方伯楊公廷璋將陸見寮司公饒演劇為三多故事中應有五蝠時忽有真蝠獨大飛遠方伯冠上良久不去眾以為慶乃入都即有浙撫之命未幾陞浙閩制府且居端揆湘楚人至今傳其事

兩湖雜錄

趙士春用賢之孫崇禎十年舉進士及第授編修明年兵部尚書楊嗣昌奪情視事未幾入閣少詹事黃道周劾之下獄士春上疏曰嗣昌墨鏡視事既已罔效陛下簡入綸扉自應力辭新命乃閱其奏牘徒計歲月久近絕無哀慟惻怛之念何奸悖至此陛下破格奪情曰人才不足不知人才所以不振正由愛功名薄忠孝致之且無事不講儲材有事輕言破格非用人無弊之道也帝怒謫廣東布政司照磨

明史趙用賢傳

成化十年罷湖廣寶慶等州縣淘金時國費日侈帑金漸虛乃命寶慶府武陵等開金場淘煎以進撫按等官令所屬開二十一場役民夫五十五萬有奇而武陵之民傷於虎蛇死於水火者無算僅得金二十五兩撫按合奏以功多金少徒困於民詔

亟罷之紀通

明崇禎十六年八月獻賊破長沙在城之民殺虜逃亡者無算賊眾四掠名為討馬是年赤旱千里賊所過境血染枯禾推手如山立剛椿二三百無一椿未剛人

國朝順治四年潭民逃差者眾田地無人承買賤不可言冬月淮鹽八錢一包長起至三兩一包止五年吳楚不通米價賤至石五六百錢無買者腐壞不可食時呼為雞見退六年湘潭瘟疫大行四鄉傳染甚至一門瘟疫藥肆中大黃羌活黃芩俱賣盡烏梅二三分一兩蔥薑藥引二三分一劑噫此何等時也屠戮之骸不及埋而瘟疫之屍又徧積於河干矣汪輝湘澤脫難錄

孝節貞肅莊毅烈皇后周氏生東宮及定王貴妃田氏生永王及悼靈王貴妃寵日甚意圖奪嫡一日永和宮婢貴妃居永和宮於金獲猊下誤觸定王中宮銜之每上召貴妃妃例御鳳輿小瑞昇之是日昇以宮婢上問故曰小瑞多恣肆無狀叩其責曰聞坤

甫宮小瑞狎宮婢故違之耳上色動而搜其處大得狎具蓋宮人各侶其瑞所謂對兒也一名對食上驟怒立譴諸小瑞中宮因懣懣成疾嘔血有老宮人曰田氏宮中獨無對兒乎亦可搜也已而果然上疑始釋都督田宏遇聞之大恐嫉貴妃上章引咎上意解令省愆例閉中門從旁門出且以章示中宮明無嫌也其章出御史湖南劉興祥手蓋宏遇所屬云人海記

順治二年流賊牛萬才入澱浦掠兩了鄉鄉民周華宇率壯丁三十餘人夜襲之賊死傷甚眾乃遁越六日復至華宇單騎迎擊殺數十人馬蹟被禽華宇身長八尺膂力絕人頂有肉隆起高二寸許人呼為獨角龍至是賊欲降之笑曰獨角獸何健也華宇罵曰瞎眼牛敢無禮耶遂遇害萬才眇一目故華宇云然

澱浦縣志

康親王疏言大兵尙駐永興對壘之際雞公山神示豎旗列隊之異部議致祭允行池北偶談

妖人王和尚不知何處人康熙間自廣西來以禱雨惑眾愚民信之自築庵於道州營樂鄉其徒妄言為彌勒佛出世當以某時取城轉相煽惑無賴者遂與往來甲寅春滇寇為亂乃乘虛而起值大雨如注揮其黨梯城而上城守者拉而殺之如屠犬豕舊志

高念東侍郎珩以康熙戊申奉

命祭告南嶽在湖湘間有詩云未入衡州郭先看衡州城城門垂薛荔大抵似巴陵綠淨不可唾此語足千古天水澹相涵中有數聲櫓兩岸層層嶂孤城面面山橫襟憑一葉睥睨洞庭開南嶽雲中盡東流海上忙他年圖畫裏著我在瀟湘池北偶談平江縣居民半山半水前撫高公其倬密奏將漕糧改折委衡陽湘潭兩縣代輸本色既得

旨司道無如何強派之縣令縣令無如何私派之里民予下車
歎曰衡湘衝繁疲難之缺也地闕糧多民之山居者更多於水
次如之何李代桃僵也力請督院德公沛據實入 告乃復
其舊焉梅莊雜著

湖南有酒者長衡岳三府有船者岳州一衛以湖北荆州正左
右及沔陽武左諸衛之船運之明制丁分運操守城今既設
營兵操皆閒丁也諸衛惟荆左運操一體出費運丁力稍舒他
衛操量幫而已運丁既貧衛官逐年又擇其極貧者而僉之每
有中路逋逃者抵通挂欠者鬻子女以償者子詳漕院咨部僉
丁照他省十年長運之例出費照荆左運操一體之例操丁怨
甚子聞之曰變法以市恩吾所惡也避怨而尸位亦吾所恥也
半生守一恕字事無大小設身處地而後行使操丁亦設身處
糧道巡丁之地則無怨矣梅莊雜著

辛酉秋奉部文清屯軍田賣與民者准贖回贍運務有差必有
田有田方有差子獻議於漕院曰民買軍田多有築室安墳見
當軍差者一概准贖恐舊丁貧疲者為轉售之計新丁般實者
有失業之嗟是無益於漕而反害之也請分別田去差存者准
贖田去差去者不准贖其田去差去之中新丁不願當軍差者
准贖願當軍差者不准贖且請荆右沔陽有有差無田之赤腳
丁明初以軍籍為榮同父之子有一領軍田一領私田挂名軍籍者其後私田去而軍籍存也荆正有有田

無差之枝夷長遠四所明時守顯陵及夷陵口之軍國應令
四所出費赤腳丁出運以均苦樂院駁至再子守前議次年秋
漕院顧公琮始據詳咨部部復未至子去官矣梅莊雜著
陶文毅公撫吳草有夜宿太湖東山題古雪居詩云古翠標門
妙巖原注門額翠峰寺三字董香光書禪房深處徑通幽樹色雲生案
訝鴻無迹兩夜青山借枕頭文毅是時為查勘新開鵬鵝河工
程遂至東山信宿而去此詩即異日山中掌故故存之潘應生
戊辰六月二十九日余游東山兵燹之後翠峰寺燬殆盡香光
仍懸陶文毅公此詩立軸紙墨如新老僧慎言守此未嘗一日
去也再上六角石柱一亭係文毅供奉摹刻勒宸翰印心
石屋四字處亦完好鵬鵝河工
波餘話 以上紀事

湖南通志卷末之五

湖南通志卷末之六

雜志六 紀聞六

泰始二年青雀見京城內南徐州刺史桂陽王休範以獻宋書符瑞志

唐李嶠為納言姚璿等賀瑞石龜表臣某言伏見衡州所進瑞石其形似龜頂上有文曰大周并有乾坤卦字左邊有王武九千字又有水火金木土字各依其方北邊兼有井字臣等詳觀靈字伏觀奇文事實非常理同神契首列大周之字表元首之尊左有王武之名明左契之執合乾坤之兩卦分金木之五行五行展轉而不窮兩卦周流而無極并以養物而知渥澤之下覃石以補天乃顯貞文而上列將以九千之寶祚嗣七百之鴻基兆發靈心事符嘉運况復名為元武叶國姓而呈休出自炎方迎嚮明而發祉神祇之命受託於四靈感應之符實超於千載臣等叨延恩獎屢親嘉祥喜抃之情實百常品無任慶躍之至謹奉表陳賀以聞謹言全唐文

至道丁巳永州言零陵得六眸龜一以獻詔示近臣玉海

周仲元章曰予嘗為衡陽宰一日邑吏云甘露降視松竹間光潔如珠因取一枝示劉貢父貢父曰速棄之此陰之戾氣所成其名爵餽飲之令人致疾甲申雜記以上符瑞

瑪瑙甃至堯時猶有甘露在其中盈而不竭謂之寶露以班賜

羣臣舜遷寶甃於衡山之上故衡山之嶽有寶露壇舜於壇下起月館以望夕月東方朔作寶甃銘曰寶雲生於露壇祥風起於月館王嘉拾遺記

周夔祥玉池山樵集周銅鈺歌序鈺鐘形而扁兩欒稜然欒徑舞高七寸有半欒圍二尺三寸有半參分欒圍去一為舞圍鼓間凸起作鷹隼蛇虺狀質鏤文如篆籀甬其端長五寸圍六寸空中上下通甬近舞約寸許豐如鼓腰者寸腰有乳四厚五分重四十有二斤證諸博古圖蓋周鈺也土人於洞庭湖之青山掘得之藏營田易氏據古器物銘載漢平周金銅鈺重六斤八兩漢書地理志平周屬河西郡古彝器款識紀某氏紀年此亦紀地鈺本軍中器非常家有也博古圖有漢武鏡說文鏡小鈺周官鼓人以金錫節鼓以金鏡止鼓鄭注錫鈺也形如小鐘此重四十二斤用法不能詳然為周器無疑湘陰縣志

漢章帝時零陵文學史奚景於冷道舜祠下得玉律度以為尺相傳謂之漢官尺晉書律曆志案宋書樂志云奚景於舜祠得白玉瑄即此玉律也

辛酉秋舟過洞庭漁網中得古銅器青翠斑駁索而視之高五寸有奇口徑尺腹可容三數升許旁作兩獸耳口齧環環已失中有雙魚隆起銘曰宜侯王制作橫拙字兼分篆博古圖所傳漢雙魚洗類也裴古洗歌序

唐明皇銅像在芷江縣城西南元妙觀中舊傳天寶中鑄賜錦

獎等州者宋熙甯中移置今觀舊志

元和二年詔以湖南所獻古鼎付有司重一百十二斤玉海

馮山古錦祇唐大中天子以供大圓禪師之物而裴相國節度

荆南時手獻以鋪坐者也更五代宋元干戈改革之際失之於

民間至明崇禎間寺僧復購得之尙書李騰芳爲作馮山古錦

祇記馮山志

裴休尙古好奇曲阜土人墾田得古器曰盎腹容三斗樸素古

醜有篆字九邑宰不能辨兗州書生能八體書宰召至出示

之曰此大篆也文曰齊桓公會於葵邱歲鑄宰大奇其說乃輦

致裴公之門公以爲麟經時物可以言古矣寶之後公掌貢舉

出以示諸門生離立環觀迭辭以贊惟長沙劉舍人蛻以爲非

當時之物近世矯作也公不悅曰果有說乎蛻曰某幼專邱明

之書具載小白桓公九合諸侯葵邱是第八盟又案禮經諸侯

五月而葬同盟既至然後于然卒哭卒哭然後定諡則是葵

邱之役實在生前不得以諡稱公悟命擊碎乃舉爵盡歡而散

唐關

元相國之鎮江夏也嘗秋登黃鶴樓望沅江之湄有光若殘星

焉乃令親信往覘之遂棹小舟直至光所乃釣船中也詢彼漁

者云適獲一鯉光則無之親信乃攜鯉而來既登樓公令庖人

剖之腹中得古鏡二如古錢大一面相合背則隱起雙龍雖小

而鱗鬣爪角悉具既摩瑩後常有光輝公寶之置納巾箱中及

相國薨亦亡去光啟丁未歲于鄴下與河南元恕愚恩話焉唐柳

公權小說

玉海端拱二年六月二十三日潭州上言湘陰長樂九乳灘下

得鍾製作精妙上有古篆八十三字畫圖以進王氏應麟據宋

時實錄載入玉海不言此鐘流傳何地清祐圖經已失載矣其

古篆不可辨識蓋亦科斗之遺而不能證其爲何代之鐘以端

拱二年得之九乳灘取冠宋世金石之首湘陰志

海昌人家有古琴音韻清越相傳是單炳文名焯遺姜堯章

背有銘曰深山長谷雲入我屋單伯解衣作葛天氏之曲懷我

白石東望黃鶴觀北雜志

七寶鐘在君山七寶所鑄高六尺廣二尺五寸蜀孟昶以此鐘

爲馬希範壽希範以賜君山寺宋建炎中金人焚寺兵退寺僧

卽鐘樓基以求寶無銖兩存者明統志

朱丞相古碑在南鄉蟻珠洞刻丞相致邑人李鎬書宋建炎庚

戌六月星沙張履中爲之跋門人李森立石今字蹟尙能摹讀

俗稱牛丞相誤又南鄉石峯寨有古碑紀宋嘉熙己亥黃姓避

寇合族建寨事今字迹宛然興甯縣志

明洪武二十六年知縣高某鑄銅漏壺徑一尺高尺餘三足高

六寸教諭彭九思爲記刻其上縣令長洲宋翔鳳詩云寶與古

縣郴山裏官衙破側城欲圮蒼涼古物幾能留彭亨漏壺見可
喜細尋壺腹文字鐫彭九思記洪武年中言朝廷準古法更敕
郡邑形模傳圖經但載一壺式徐公歌詩但遙憶蓮花無葉渴
鳥飛鳥呼刻漏從何測今開庫藏更哀輯別有一壺無腳立劣
小一寸高略倍相連定是通呼吸宋代衙樸改四壺張衡祖常
俱不如昔游羊城見同制鑄治亦是從明初惟有此壺體獨殊
不知奚許安箭符摩掌數四增煩繡鏗然存此徒區區可供田
舍作獲盜難追往昔儕盤盂金鐘大鏞入塵土零落埋藏復誰
覩已分人閒失其用共緘斯憾成終古與南縣志
鄒周章紀事錄云順治九年曹永國志建舊部餘卒自粵下衡
陽道臨武屯於城東及去後民於屯所競拾釜瓶器之遺有
童子拾得磨稜研研背微有礪刃痕遇李生易以百錢滌視之
乃知岳侯武穆研也研闊約五寸長七寸高三寸色如豬肝堅
而瑩澤邊痕剝落面有池中一血鵝鵠眼珠爲日象墨香厚
積濯之不可去底下微琢空容一指許至池背則稍平實未琢
也研之邊右鐫四篆曰丹心貫日左鐫五篆曰湯陰鵬舉識右
側旁楷書鐫曰岳少保研向供宸御今蒙上賜臣達此古忠臣
手玩也臣何能堪謹矢竭忠貞無辱此研洪武二年正月朔臣
徐達謹記李君得此寶藏之臣侯吳從謙力求以去贈貴公子
云桂陽州志

道光九年瀏陽縣西樵子掘地得通甬鍾邑人邱之程購致樂
局其鍾爲鋪鍾式重三十九斤聲應倍應鍾又同治六年有樵
者入縣南黃峰尖山中見地裂尺許若有符出土壯掘之得鍾
重十六斤聲應黃鍾蓋卽鋪古鍾也又道光二十一年沙溪某
於文華書院側掘得牛乳鍾重二十餘斤聲中大呂瀏陽縣志

中興二十三載余忝守衡南鼓棰三江路次巴陵望君山而過
洞庭涉湘川而觀汨水臨賈生投書之川概以永懷矣及造長
沙觀其遺像喟然有感乃弔之云偉哉蘭生而芳玉產而潔陽
葩熙冰寒松負雪莫邪挺鏗天驥汗血苟云其雋誰與比潔是
以高明卓茂獨發奇秀道率天真不議世疾煥乎若望舒耀景
而焯羣星矯乎若翔鸞拊翼而逸宇宙也飛榮洛汭擢穎山東
質清浮磬聲若孤桐琅琅其璞巖巖其峰信道居正而以天下
爲公方駕逸步不以曲路期通是以張高弦悲聲急柱落清唱
未和而柔濮代作雖有惠音莫過韶濩雖有騰麟終仆一壑鳴
呼大庭既邈元風悠緬皇道不以智隆上德不以仁顯三五親
譽其軌可仰而標霸功雖逸其塗可翼而闡悲矣先生何命之
蹇懷寶如玉而生運之淺昔魯繇魯虞呂尚歸昌德協克符乃
應帝王夷吾相桓漢登蕭張草廬三顧吳若蘭芳是以道隱則
螻蛄數感則鳳觀若棲不擇木翔非九五雖曰玉折雋才何補

夫心非死灰智必存形託神司故能全生奈何蘭膏揚芳漢庭摧景颯風獨喪厥明悠悠太素存亡一指道來斯通世往斯

圮吾哀其生未見其死敢不敬弔寄之淥水晉虞翻弔張說為文屬思精壯長於碑志世所不逮既謫岳州而詩益悽

惋人謂得江山助云唐書本傳前進士沈堯有洞庭樂賦章八座岫謂朝賢曰此賦乃一片宮

商也孫光憲北夢瑣言張于湖嘗舟過洞庭月照龍堆金沙盪射遂得意命酒歌唱所

作念奴嬌詞呼郡吏而酌之曰亦人子也其坦率皆類此崔山

魏了翁跋此詞真迹云張于湖有英姿奇氣著之湖湘間未為

不遇洞庭所賦在集中最為奇特方其取江酌斗賓客萬象時

詎知世間有紫微青瑣哉四朝聞見錄何平仲合州人有聞周茂叔中年有嗣以詩賀之云慶門崇構

已多時五百年方是此期樹長瓊枝生較晚珠根驪領得來遲

桓溫貴骨天然別章相傳經道不衰衡嶽維高湘水闊共知長

與福為基宋詩紀事岳忠武湖南僧寺詩潭水寒生月松風夜帶秋風骨不減盛唐

蔣潤藝苑名言沅之上取湖南也湖南有難乞援於我至則拒焉我師取之沅

之上故王都今焉在空雲蕪勢危則嘯勢謚則叛背子德心翳

爾作難東屈巴邱西盡九疑蠻師委伏願還耕翠岩嶺山火

德之紀真人方興百神仰止姜白石聖宋單煒炳文沅陵人博學能文得二王筆法字畫遒勁合古法度

于歛書法尤精武舉得官仕至路分著聲江湖間名士大夫多

與之游自號定齋居士與堯章投分最稔亦韻士也齊東野語

侍讀直院易尚書真仙巖亭賦云融川太守鮑公作亭於真仙

巖之前長沙易祓為之賦其辭曰莽芝崑之萃立兮歷磴道之

委她慨曩日之曾閣兮訪危亭於故基迺迺迺別兮迺訊我龜

寄鍾鈎於心宰兮付匠石以成規奐輿欄以雲浮兮殆與古以

為期猗與異哉物與人之相求兮每扞扞而難逢苟襟度之弗

宏兮彼將隱伏而緘封何前節而後塵兮曾莫表其遺蹤倏楚

歌之噉咷兮迺指顧於從容匪斯亭之傑特兮羌邱壑於心胸

試登臨而馮步兮追昔人之勝游仰余瞻於峭壁兮俯獨瞰於

湍流旁一人之仿佛兮儼冠服以清幽恍陳前之萬象兮森舞

鳳與騰蜺宜斯亭之對峙兮若將迎而獻醜融川之民兮爾裝

爾衣從公於亭兮公不我違公朝而往兮山川煜乎晴暉公莫

而返兮煙雲藹其罪微樂其樂於吾民兮非公其誰與歸亂曰

天地鬼神之所祕兮不以古今為之在亡也紛宇宙之萬有兮

於人實為之低昂也翳達人之大觀兮固將蓋崑崙而隘八荒

也欽經綸於方寸兮聊杖屨以方羊也使後人登斯亭而懷感

今此吾融川太守之甘棠也此賦刻廣西融縣真仙巖從廣西通志采錄於此

度支員外郎朱迪工畫尤善為平遠山水其得意者有平沙落雁遠浦歸帆山市晴嵐江天暮雪洞庭秋月瀟湘夜雨煙寺晚

鍾漁村夕照謂之八景好事者多傳之夢溪筆談

瀟湘八景圖不知何人作乃元進士哈珊沙家物跋言至正己亥括城之變蒼黃避地舟覆惡溪此卷乃獨全遂贈同年陳用

中適易之題一詩云岳陽樓下船初泊歷岸黃蘆秋漠漠到羊

燒酒賽龍君高挂蒲帆晚風作白頭波裏君山青滿湖明月過

洞庭金銀臺殿出林麓疏鐘隱隱煙中聽小市人家茅緝緝山

翠濛濛客衣溼一聲漁唱浦口迴竹艇搖搖歸去急崖巖雲氣

暝不開夜深風雨如奔雷游子衣寒倚蓬看一雙白雁沙頭來

只今作客僧窗下白髮燈前空看畫謾吟詩句憶瀟湘少賦江

南未歸者孫退谷庚子錦夏記

余昔官辰州嘗借詩集於士人中有小編字云成都集乃天慶

中進士葉沆所作如聞居感懷云身間難報國語直易傷時村

墅云夜庭和月掃秋戶拂雲關亦可想見其胸襟矣詩話

谷音三卷皆宋末人詩上卷王澹以下凡十人下卷詹本以下

十五人鄱陽布衣瀟湘漁父以下五人不可得其姓字要之皆

宋之逸民也其詩慷慨激烈古澹蕭寥非宋末作者所及香齋筆記

案錄此條存瀟湘漁父也

元史五行志大定二年五月茶陵州暨諸郡旱陳奏有集民議

二首云苗青青東阡西陌苗如雲經年不雨過秋半苗穗不實

空輪困田家畱苗見雪霜免使糴歲難耕芸縣官催稅吏胥急

糴粟輸官莫論值勸農使不汝恤厥澄澄新春食蕨畱蕨根淺

展剛根暮春杵激澶大窶流黃渾常年春寒粉始凍誰信秋暑

霜翻盆窮通有數今已識為生為死尙難測獨立蒼茫面如雪

茶陵州志

抱朴子書作黃金法用赤土釜云長沙桂陽豫章南海土釜可

用耳彼鄉土之人作土釜以炊食云云今桂陽人家猶土不用

甌然用鐵釜或沙釜惟南海用白土釜臨武猶有之作金法具

在抱朴內篇十斤錫得金二十兩古錫今黑鉛也五金本氣化

作金之法殊非異術以不專精故爾不成太西夷人知作銅法

其用消黃強水與葛言丹沙赤鹽水略同明黃白之法不誣矣

桂陽州志

明屠隆贈祁陽孝子盧伯子詩序云余友人德玉盧伯子天性

真醇孝友純至父婢舉一弟而婢沒伯子撫之如同胞出入起

居如形影然稍長日授以書為之句讀講說夜則篝燈對讀無

間寒暑伯子業舉於鄉頗交游海內才彥士一日客至畱酌淹

延三朝頗廢少弟講課其父怒召伯子撻之流血伯子怡然受

之既而私念平居拘弟良厚以賓客故暫輟講亦無大過父疇昔未嘗有此恐發而悔悔則臥不帖席矣夜半往省父臥所低聲呼之父果未寐問爾來何為者伯具答所以父遂大感動持伯子泣嗟乎為人子無故而受父撻至流血怡然不怨而顧又慮父悔悔而夜臥不甯也夜分往而省候此其用心豈在曾閔祥覽下哉子父見背三十年母年高九十有七時以好游缺定省子其天壤間一大罪人乎陳孟博使君與予言而為感泣遂有此作賢哉盧伯子孝友敦天倫總角挺奇秀醇德含清真事親隆色養至性高古人父婢育少弟英英照瓊玖蘭夢既有徵花萼一何茂弟舉婢已亡熒熒日在疚伯也愛彌周拊之若同母數共姜肱被出人相左右稍長親授書文行兼醇厚妙理無不談疑義悉與剖示夜同篝燈昆弟為師友尊君有義方庭訓日嚴切客至訪伯子洞酌以時設雷連及三朝講課為暫輟父也嗃嗃怒撻之至流血有弟廢不教沈酣事翹槩伯時舉賢書海內推才哲受而何敢辭辭色轉怡悅既而內自省撫弟頗無缺罪輕而責重父悔恐不甯無乃妨夜臥子心良屏營宵分往省候下氣復柔聲父果不成寐展轉倚牀程問伯何為爾伯也道其情父子遂感悟相對涕淚零孝子受杖輕乃泣親衰暮伯今不怨親反慮妨夜臥為子洵如此古人豈能過縣志

衡湘稽古常甯王萬樹所作以古事為臆解言之不疑四庫全

書存其目不加駁正上湖南諸志多引之今仍載舊志三條以明其妄其一曰管子曰種五穀於淇田之陽九州之人乃知穀食淇田即騎田領也音同而字偶異秦成五領此其第二領也長沙地脈發於淇田領故謂淇田之陽桂陽北有淇江其陽有嘉禾縣嘉禾故倉禾也炎帝之世天降嘉穀神農拾之以教耕作於其地為禾倉後以置縣循其實曰嘉禾方帝之教稼也其子曰柱為農正躬勤耒耨與小民同糞殮按春秋傳曰烈山氏之子曰柱為稷舉其名也禮祭法曰厲山氏之有天下也其子曰農能植百穀舉其官也夏之衰以周棄繼柱而衡湘之間其民至今猶念柱凡一境數里共奉一社以春祈秋報焉其二曰舜典曰五十載陟方乃死所謂方岳是也家語曰死於蒼吾之野而葬焉禮記曰舜葬蒼吾司馬遷以蒼吾在廣西舜冢在九疑以為崩於蒼吾歸葬九疑此不攷九疑即蒼吾也山海經曰蒼吾之野蒼吾之淵其中有九疑山舜之所葬在長沙零陵界中水經注曰九疑山盤基蒼吾之野元結九疑圖記曰方二千餘里有九水出於山中四水南流入海五水合注會為洞庭今攷南流四水曰平水瀨水靈谿水湟水會而為鬱山海經鬱水出湘陵是也北流五水曰營水白水吳水宜水歸水會而為湘山海經湘水出舜葬東南陬西環之入洞庭是也自歸水入湘沿屬之南岸桂陽州嘉禾藍山臨武三縣沿湘水東岸常甯縣

祁陽縣西境永州府零陵縣南遠縣道州江華永明二縣全州
 西境下灘水東岸桂林府臨桂縣東境灌陽興安恭城平樂富
 川六縣梧州蒼吾縣封川懷集開建新安四縣德慶州肇慶府
 高要縣沿漓水南岸廣甯四會清遠三縣連州連山縣皆蒼吾
 之邱九水為蒼吾之淵也故郭璞曰古者總名其地為蒼吾而
 孟子曰舜卒於鳴條鳴條東地是年二月東巡守五月至南而
 病未及行巡守之禮孟子東岳人以事言卒也其三曰十道志
 曰臨武夏之綸邑山海經謂肆水出臨武者也衡湘傳聞曰女
 艾臨武之劍俠也居於林水少康聞其名往聘之餽以餅銀十
 食受之而出學於烏程氏之釀以往事澆澆寵置之左右澆淫
 宿於女岐氏室女岐楚辭謂為澆之嫂因夜襲其首誤及女岐
 澆亦不知為艾也復誘澆飲以千里酒使蒙獸皮而獵放犬喉
 澆醉頭隕艾陽救而斬澆以歸於少康復遁入深山少康使人
 覓之十歲未動因封其山為藍臺艾本臨武藍山之豪人也藍
 臺山在今廣東樂昌縣廣圓五百餘里巖嶺干天交柯雲蔚羅
 天晦景者也始興記曰林水源裏有室室前羅列十貧中悉足
 餅銀采伐遇之不得取取必迷悶晉大元初封驅之家僕密竊
 三餅歸發看有大蛇螫之而死湘州記曰其夜驅之夢神語曰
 君奴不謹盜銀三餅即日顯戮以銀相償覺視則奴死銀在矣
 附志

鍾水十八灘舟上下並須丁夫牽輓方過然今昔殊情故州有
 前後灘丁歌前歌田莘臣知州事時所作其詞曰灑灑瞿塘稱
 險阻十八灘頭足並武濤聲澎湃吼龍石勢縱橫眠怒虎逆
 輓扁舟如上天順流鼓柁迅於弩行人至此心轉寒歎血荒祠
 拜大禹峭崖未得五丁開灘水潺湲自終古數椽茅屋倚危巔
 磽瘠何曾有尺土男不耨耨女不織黃童白叟惟牽鰲終年送
 盡客往來勾得餘糧纔入釜觀風至此一泊帆揮毫擬作灘丁
 譜吁嗟世路多險艱更及民生多疾苦此言發丁轉運牽送之
 勞當康熙時賦役猶多商賈未通故以灘丁為苦至後則姦民
 因以為利客舟受害故州人吳東涓灘丁行云灘丁身手帶魚
 腥磐石作骨形拳鬻鼓帆側舵隨人意撇漩捎瀆行最能日日
 江頭牽百丈牒子浮沈只在掌有力不愁上水船無錢莫打下
 灘漿灘心船破泗兒喜身作魚鷹不畏死摩訶浮屍非男子裝
 囊捧出江頭洗奇貨可居藏沙底劍入延津龍在水前丁可閱
 後丁可誅亦猶粵鹽昔為害淮鹽今為累也采風之使以時陳
 詩有旨哉桂陽州志
 順治庚寅辛卯王馬為亂知縣朱金芝重過黔作七哀詩龍標
 巖邑殘無人我昨承乏垂朝紳勞心撫字如所親一錢莫受甘
 清貧畫鴻漸集雉且馴童叟樂只嬉青春一自解組旋車輪紛
 紛軍馬飛紅塵就中襄國兵最狠殺人如草搜金銀將軍大戟

標通津依然焚掠空倉困高居大宅摧為薪處處井里高荆榛
 滿城夜鬼勝青燐哀我重來城中憂如擣十家門巷九家倒空
 梁紫燕落芹泥長街白骨堆荒草一黔陽封落十萬家隨在耕
 種饒桑麻寒帷父老爭相遮靈輿載道迎歡辭自昨兵馬紛蘆
 茄擄掠兼之焚殺加砍人頭顱如落瓜燒人腸腎飼烏鴉穀菽
 狼藉猶泥沙廬舍傾圮生蕪蕪滿眼荒田嘆蝦蟇哀我重來鄉
 間痛欲哭爾民何辜遭百六兩暗夜燈鬼叫呼明月當照逃亡
 屋二我友我友彭職方品望金玉才琳琅三年交道成范張相
 遇羈旅倒衣裳有子仲方官玉堂詩筒往復爛夜光石修之水
 清且芳為公父子艤舟航無何世事行滄桑千騎萬步肆猖狂
 執之拷掠推且僵哲人云逝良足傷哀我重來寓館淚欲訴故
 友凋零泣孤兔撫棺腸斷難黍臺杖筇霄涕西川路三寨頭前
 去花洋溪中有任公坐然藜身衣不著安山棲耽詩好道如木
 雞送難反復凌昌黎妙析風雅悟菩提倏忽深山來鼓蕩蒼巖
 修竹踐馬蹏網羅且及風淒淒進退有若觸藩羝脫去溝壑藏
 深隄山鬼夜嘯元狐嘯哀我重來山中訪良友思君不見淚盈
 肘漂泊難逢柱下史委頓真憐喪家狗四黔陽女兒無嬌嬈閉
 門不敢露纖腰耕桑安穩度良宵朝暮暮杵其樂陶塲來兵丁
 猶且曉殺翁擄夫房屋燒燬之戎索歸其標空房兒女嗟無聊
 哀我重來并州淚如霰野花依舊無人面紅顏盡口口口口荆

釵狼籍為樵爨五嗚呼造物胡不祥大兵必復兼大荒老壯四
 方少者殤子遺幾人餓且僵傷哉徧地空倉箱赤仄千五買斗
 糧野菜挑絕燒作湯樹皮剝盡吞秕穰鴿面鳩形步郎當賣兒
 鬻女魂悵悵不敵屠牛填飢倉創夷難起終死亡哀我重來饑
 荒不可住見人立槁如枯樹飢塵吾昨冷莫顧分餐今誰作漂
 嫗六庚寅黔邑大被兵大荒大疫隨相迎三旬九食空鼎鑄疾
 病無乃飢寒生十人九臥相哀嗚無財得買良藥烹仰天開眼
 雙淚盈巨家大族無餘氓曾聞一姓百口贏今來饑病死亡并
 見之使人魂魄驚哀我重來疾疫不可對目擊心傷心欲碎安
 得手中萬斛糧坐使民間一豎退黔陽志
 蔡江門先生嘗賦湘水清懷堵牧游云湘水清紫藤花老鯉魚
 生使君歸來飲此水蛟龍汝引兒孫行君歸奈何遲夢君不似
 別君時一宵魂氣猶如此百年變態安可知送我通州君歎息
 通州欲去去不得前日君行誰送君使我江頭望顏色丈夫飄
 然七尺身今作蛾眉誤嫁人鏡中歌泣鏡中笑砍斷青銅千餘
 春湘水清清可掬脫君白霓衣自挂湘妃竹岳陽樓下好東風
 縱不相思歸亦速同為湘水吏不知湘水深人生各努力願君
 放我歸長林長沙縣志
 澧州試院廳事後有錢南園澧督學書刻用嚴說云寬則慢微
 獨無以警無良管因之詿誤善類故道莫尚於嚴且未有用嚴

而已敢偷情者自鞭之道亦在是矣南唐詩集
 關石可其相人品高潔工古詩清迥甫詩集有廚無米一首美
 邑宰劉禮章錄之以徵遺愛詩曰古之清官清徹底麥飯有餘
 差可喜我公之清乃至此我邑繁難無與比一切供張極難耳
 公皆悉心為辦已歲十二月且更始公且屢起為料理一奴請
 曰廚無米公曰典衣曰盡矣我公不語拈須起是日廚中冷如
 水鳴庫是日廚中冷如水又古壯士行一首序云有從軍還者
 為余言余遇恩死賊事甚悉為作古壯士行怪石龍從瘞霧黑
 惡嶺曲折道逼仄妖鳥亂呼樹亂塞眾賊驚馬馬足踏不者壯
 士甯生得賊目壯士則已驚曰吾與爾歃血盟壯士揪髮笑如
 此若屬當從我驅使壯士母年七十殊自言是夜三更初分明
 見之牀前立如其家時問起居已而注視失頭顱從頸至踵血
 模糊呼之不應乃大哭寒燈幢幢光有無始賊劫盟壯士時眾
 獲敵問何用為壯士不願但微笑他日賊乃請發之壯士給賊
 適立已從之一發鐵飛起不知羣賊誰居前三百餘人同日死
 當時怒雷山根裂大石橫擊當者穴號風從樹十里所飢鳥亂
 下喋人血其餘賊眾力怒抽憾不生咽壯士頭壯士大笑到不
 仆手猶握刀炯雙眸復就賊禽死且羞賊驚下馬羅拜起曰古
 壯士古壯士以刀刷土為葬已長沙縣志 按余遇恩家慶成
 實武寧榜名梓龍 以上藝文
 成王將加元服周公使人來零陵取文竹為冠古今注

〔光緒〕湖南通志 卷末六

說文芙蓉也味苦江南食之以下氣名醫別錄云漢人謂豫章
 長沙為江南字文解
 周禮曰饋食之邊其實乾稊後漢長沙王始煮艸為稊說文
 鵬鳥六月三庚日來賈誼庭時謂鵬鳥為南方毒惡以助太陽
 銷鑠萬物人皆避之今來誼庭因作賦焉漢書
 吳都賦鵲鶴劉淵林注出桂陽按爾雅鴝鵒說文作鵲郭
 景純云似鳧脚高毛冠江東人家養之以厭火災玉篇云似鴨
 淵林以鵲鶴為一鳥則非鵲鶴青鶴即鶴耳以色名之後加鳥
 旁如振鷲之比賦家常法也賦云鵲鶴鶩鶴鷓鴣鷓鴣淵林必
 以青鶴為鶴亦未為通論鵲鶴蓋今洋鴨臨武藍山山中往往
 有之述州賦不及鵲鶴失之目前矣桂陽州志
 晉太康七年召陵扶夷縣檻得一獸似狗豹文有角兩足郭璞
 注璞注山海經亦引此條云有二角無前兩脚時人謂之狡其
 說稍詳爾雅注召陵當以山海經注作邵陵為是又晉五行志
 云太康七年南陽獻兩脚猛獸當即此物郭云邵陵志云南陽
 傳聞異也三長物
 梁元帝竹林堂中多種薔薇康家四出薔薇白馬寺黑薔薇長
 沙千葉薔薇多品葉並以長格校其上使花葉相連其下有十
 閒花屋枝葉交映芬芳襲人樂史 太平廣記
 武陵郡記白雉山有木名交讓眾木敷榮後方萌芽亦更歲迭

五四三

榮也西陽雜俎

韋絢云湖南有靈壽花數蒂簇開視一曰日如槿紅色春秋皆

發非作杖者又言衡山祝融峯下法華寺有石榴花如槿紅花

春秋皆發西陽雜俎

零陵出石燕舊傳雨過則飛嘗見同年謝郎中鳴云向在鄉中

山寺為學高巖石上有如燕狀者因以筆識之石為烈日所暴

忽有驟雨過所識者往往墜地蓋寒熱相激而遁非能飛也游

岳陽茶名曰含膏乘

洞庭以種橘為業者其利與農畝等宋政和元年冬大雪積尺

餘河水盡冰橘皆凍死明年伐而為薪雜志

橘洲李衡種甘橘處在龍陽縣西四十里其洲長二十里謂之

汜洲又謂之甘洲楚舊志亦稱橘洲然非長沙橘洲也長沙橘

洲在長沙縣西四十里上多美橘或曰即今興馬洲也馬殷王

長沙時故名長沙府志

竹有黑點謂之斑竹非也湘中斑竹方生時每點上有苔錢封

之甚固土人斫竹浸水中用艸積洗去苔錢則紫暈爛斑可愛

此真斑竹也韓愈曰剝苔弔斑林角黍餌沈冢是也按胡仔漁

斑竹惟清湘有之鮮紫倒暈如血色天生如此未嘗每點上苔

錢封之若廣右麻栲之開別有一種斑竹極大而斑色紫黑不

甚佳開有苔錢封之非盡有也魏泰臨漢隱居詩話

竹之異亦頗多成都古今記云對青竹竹黃而溝青故每節若

間出云此竹今湘中亦有之惟竹稍多彼人呼黃金間碧玉

辰州有一種小竹曰龍孫竹山谷間高不盈尺細僅如鍼凡

所以為竹無不具前輩詩有小竹如鍼能具體即此也武陵桃

源山有方竹四面平整如削堅勁可以為杖子頃在湖湘間見

有以竹為橋者其徑幾二尺東志

安福西鄉地名下莊有周俊叔者嘗得十二時竹一根於其州

植之家庭以非土地所生風氣所宜也久不符及筍矣又多種

萃不竹故歷有年所筍而竹者纔得三竹繞節自生子丑寅卯

辰巳午未申酉戌亥凡十二字點畫可數陽谷

大芥即蕪菁又名葛菁一名諸葛菜溪蠻叢話云苗獠猪地

方產馬王菜相傳馬殷所遺廣西志

零陵香出猺狗及靜江融州象州凡深山水陰沮洳之地皆可

種也逐節斷之而栽其節隨手生矣春暮開花結子即可割蕪

以煙火而陰乾之商人販之好事者以為座褥臥薦相傳言在

嶺南不香出嶺則香謂之零陵香靜江舊屬零陵郡也廣西志

霹靂琴零陵湘水西震餘枯桐之為也始枯桐生石上說者言

有蛟龍伏其窟一夕暴震為火之焚至日乃已其餘碎然倒臥

道上震旁之民稍柴薪之超道人聞取以為三琴琴莫良於桐

桐之良莫良於生石上石上之枯又加良焉火之餘又加良焉

震之於火為異是琴也既良且異合而為美天下將不可敵焉
 微道人天下之美幾喪余作贊辭識其越之左與右以著其事
 辭曰惟淵之涯惟石之危龍伏之靈震焚之奇既良而異爰合
 其美超實為之贊者柳子柳宗元靈琴贊引
 炎陵諸山中多梓木中琴材沈栗仲道寬宰鄙得舊梓七尺餘
 陵開千歲物也琢為琴名炎陵文梓銘曰青牛文梓生自沫泉
 千歲可偃霜凋露鑄布以金徽緹以朱絃流聲奕祀為木延年
 又嘗春祀至陵過溪橋諦視橋木曰此梓也遂命購他木易之
 製為數琴各繫以銘一伊溪橋架文梓違其材木之恥取為琴
 中宮徵歷百世配君子二炎陵之梓中含希音棄置原野日炙
 雨淋我取其材斲為雅琴山空水清鶴淚猿吟三千年妙質佳
 且久用違其材乃速朽文軫朱絃木之壽四伊良材棄邨曠走
 埃堪踐雞犬極宋絃設文軫收其用未為晚客隨筆
 蘭生陵間暨近陵山澤有四時四種春夏開花者葉細而長秋
 開花者葉大而澤冬開花者葉差大其花芬馥異常開時有露
 珠一滴在蕊間曰蘭膏仙家謂之沆瀣昔有飲此者輒仙去云
炎陵
初志
 陵間舊產綬文雞卽鷓也項有嘖囊內藏肉綬如幅錦采色煥
 爛可愛頭上兩翠角二寸許俗呼為角雞又有白鷓形似山雞
 白質黑章尾長三四尺距鶩純丹爾雅所釋白鷓也炎陵
初志

〔光緒〕湖南通志 卷末六

薯本音庶甘蔗也無平聲今所食薯土音呼殊古無紀載大約
 產鷓越有赤白二種皆蔓生藤紫葉青根肥大者或如瓶甕種
 於夏收於秋冬生熟皆可啖味甘美煨食尤佳今吾楚處處種
 之而濫源平江粵東陽山孝廉謝公仲沅之賜也陳宏亮平江
 明洪武十七年以湖廣辰永寶衡等處宜種桑而植者少命淮
 徐取種二千石給其地令民種之兼禁天下種秫以不種桑而
 私造酒者罪之以足人民衣食史
 雍正癸丑聞先君子曾游澧陽見於筆記者有孟氏家山繡竹
 葉皆縷解云是杞梁妻鍼蒞時念遠所為至今蕃茂然登山延
 眺初與常竹無異必凝神注睇良久葉漸有散者既而彌望竹
 葉皆散多分為五縷當風策策亦不復見其合矣王敬繡
 衡州南鷓鴣解嶺南野葛諸菌毒及辟瘟瘴又一名鷓多對
 嘯廣志言鷓鴣鳴云但南不北古今注云其鳴自呼南越志云
 其鳴自號杜薄州食之亡厲惟本草說鳴云鈞輅格磔唐路公
錄
 雞狗坊卒長未詳其姓氏當馬氏時善種子母蔗灌時有法繁
 殖蔓衍遂為湖南圃人冠蔗凡三種曰蠟蔗曰扶蔗曰赤崑崙
 蔗一時稱絕盛焉春十國
 辰地早煖正月初杏花大放元宵節桃李貼梗海棠盛開正月
 杪梨花齊吐二月望卽見牡丹至二月盡三月初花事翻寥落

五四五

矣詩中有燈夕桃花雪裏桃花映雪海棠帶雪梨花諸詠皆實錄也明史惜痛餘雜錄以上物產

湖南通志卷末之六

湖南通志卷末之七

雜志七 述異一

洞庭之山其上多黃金其下多銀鐵其木多相梨橘柚其草多薜蘿蕪芻藥芎藭帝之二女居之是常遊於江湖澧沅之風交瀟湘之淵是在九江之間出入必以飄風暴雨是多怪神狀如人而載蛇左右手操蛇多怪鳥山海經

桂陽貞女峽相傳秦世有數女取螺於此遇風雨一女化為石形高七尺狀如女子王叔之始與記

長沙西南有金牛岡漢武帝時有一田父牽赤牛告漁人曰寄渡江漁人云船小豈勝得牛田父曰但相容不重君船於是人牛俱上及半江牛糞於船田父曰以此相贈既渡漁人怒其汚

船以橈撥糞棄水欲盡方覺是金訝其神異乃躡之但見人牛入嶺隨而掘之莫能及也今掘處猶存湘中記 來金牛岡在善化縣西十里

元嘉初武漢蠻人射鹿逐入石穴纔容人蠻人入穴見其傍有梯因上梯豁然開朗桑果蔚然行人朝翔亦不以怪此蠻於路斫樹為記其後茫然無彷彿異苑

澧城西北隅內有池淺而狹相傳昔有牛臥池內毛皆金色居民逐之穿城而出至彭山大風門前牛背上有一兒與凡牧兒戲奪所持竹筒溲溺其中傾之皆成金珠兒歸告其父追之至

覆船洲踏一牛跡於石上至今顯然遞追五十里至山邊不見

因卽牛穿之穴爲城門名池曰金牛池門曰牛穿門又曰金穿

門比至堰曰金見堰山曰牛伏山以紀異澧州志

今集靈觀傳爲蘇仙故宅前有橋井嘗浚之得石碑泉遂涸碑

係青石右側有白紋如橘桃相離形通眞有篆書橘桃仙瑞四

字後知州范禱之泉復出郴州志

衡州府羊角山石在府治譙樓前有人自蜀青城山來尋羊角

山石鄉人指示之其人叩石云青城山有書石忽開書入石復

合人亦不知所往天都

臨武縣之榜山山勢雄峙石壁如斬不可上下有一石函世傳

中有祕書明嘉靖時歲大旱徧祭於神鄉民勇捷者援壁而上

取之接以飛梯未至風雨大作一時山谷響應惡蟲飛蔽卒不

能至臨武縣志

南嶽道人李皓白與孝廉李叔晦游觀山麓時夕陽在樹忽見

水簾洞口有棟宇三四重如殿閣廊廡狀前後松杉森挺歷歷

可數注視久之乃不見南嶽志

余見衡州府少女邨土人報官一詞云掘土見一棺長三丈餘

不知何物在內不敢啟視當事但令掩埋而已見聞錄

衡嶽名峯七十有二祝融稱首近祝融之前爲芙蓉峯其巔有

巨石廣丈餘表三倍之以崎石抵兩脇若挾脇而行下虛一竇

可通往來名曰飛來船順治庚寅七月南陽彭而述游此題曰

此物飛來會當飛去歟然風雨不知所處次年辛卯三月十二

日晡時風雨大作雷霆怒號夜半小沙彌見緋衣人無數次早

飛來船失去道人胡碧陽拾得雷楔一枚長四寸寬一寸六分

似鐵非鐵似石非石其上腦亦毀去少許南嶽志

潯陽曇橋世居長沙宅有古井每夜輒聞有如爆竹聲承謂之

龍吒吳苑

湘水窰中有石牀牀上有石棺和蓋宛然色如青銅鏡莫之能

測吳苑

岳州啞潭在白荆隄側歲壞邦人方完築忽有大鯉魚躍其中

役夫殺而食之往往皆死然瀕江漁人不以魚之長大爲奇怪

但釣網不能制者皆殺之不知此又何也岳陽風土記

石屋在臨湘縣大雲山故老相傳神所造也其製下柱上覆皆

用石有殿有廳有門有廊有望江樓皆巨石琢成制亦高廣歲

久勢將傾故土人環棘以阻行者一夕大雷雨忽端整如故又

有石曰石鼓之屬其上有通判祠舊志

清熙丙午立夏余游南嶽至密雲峯徘徊禹溪橋下上愛其幽

絕卽屏置僕馬獨尋溪源行且吟哦顧見茅屋蔽虧林木間若

士坐大石上肩宇闊爽年可四五十心知其異人卽前揖之相

接甚溫便邀入舍內煎苦茶共食從容問從何來適吟何語余

以實告且舉似昨日望嶽小山不能雲大山半爲天之句若士

喜謂余可人遂探囊出書一卷云是詩說老夫頃者常留意茲
事故有此書今無作矣徑以付君余益異之然恩恩不暇觀但
袖藏致謝而已問其年則慶歷間生始大驚意必得長生不老
之道再三求教笑而不言亦不道姓名再相留噉黃精粥余辭
以與人偕來在官道上相候告別出至橋上馬徧詢土人無知
者惟一老父歎曰此先生久不出今猶在耶欲與語忽失所在
悵然而去晚解鞍細讀其書甚偉常置枕中時時翫味好事者
有聞閒來取觀亦不靳也昔軒轅彌明能詩多在南山若士豈
其偉哉白石道人詩說序

桃源潼坊鋪有勸善寺寺前漳江夜月為桃源八景之一傳聞

江上漁人常於晦日見水底映月著日窺之即不見漁行紀程

益陽縣在長沙郡界益水在其陽縣治東望時見長沙城隍人

馬形色悉可審辨或停眸覽矚移晷乃漸散滅縣去長沙尚三

百里跨越重山將是山嶽炳靈真像所傳者乎昔光武中元元

年封太山禪梁父是日山靈炳象構成宮室昔漢武帝遣方士

徐宣采藥於波中見漢家樓觀參差宛然備矚公侯第宅皆滿

目班超在渾邪國平旦雲霞鮮朗見天際館宇嚴列侍臣左右

悉漢家也如斯之類難可審論錄異

茶陵雲陽山紫微峯瀑布泉畔有石人長六尺四肢柔潤宛類

天成髮長七尺如今之石髮也道士張元同嘗叩之曰汝何人

也石人云秦時玉工也昔因小過得罪遂逃此化為石湖廣通志

邑西錦雞崖有石滾江形如獅漁人常繫舟其處康熙三十五

年六月二十六夜星斗燦爛夜半忽大雷雨風狂浪湧沙石有

聲晨起視之獅石不復見矣辰縣志

乾隆五十八年六月十八日大雷雨城南鄉石溪溶有石長丈

餘寬五尺厚尺許自山頂飛下越田數畝直插溪間田禾不損

人呼為太平石辰縣志以

潞溪北有冷水井陳文帝時處士穆和為太常博士及北隋繼

統和隱居教學不倦開皇三年屢徵不起遂以鎔鐵錮其門歲

餘猶聞朗誦之聲唐武德二年少詹事杜淹為著其事勒碑銘

誌感裴叔糾之遂仆其碑明初於灰塵蔓草中得之茶陵州志

辭大圭禹玉本河東簡肅公之裔為人倜儻俊快不拘小節而

深負吏材淳熙中為湘潭令新牧王宣子侍郎臨鎮詣府參謁

時湘陰縣有富家女子夜為人戕於室迨曉父母方覺之但尸

在地而失其首告於都保訴之郡縣歷數月不獲凶身府招諸

邑宰宴集坐問及此事辭奮請効力乃假吏卒數十輩枉道過

彼縣境每一程減去五人或十人唯留四卒荷轎殊不曉其意

漸近女家下而步行過三四道人聚野店各有息氣竹拍從而

求之且脫巾換其所戴緇布解衫以易布道服與錢兩千許多

能部事遂獨前進戒從者曰緩緩相隨視我所向俟拋息氣出

外則悉趨而集望路次小民舍一老媪在焉入坐將買酒媪曰此開村酒二十四錢一升耳我家卻無辭取百錢求買兩升媪利其所贏挈瓶去少頃得酒來與媪共飲媪喜甚獻熟牛肉一盤酒斟辭云村居安靜想住得好媪曰正為一件公事連累無限平民我兒子也遭囚禁問何事曰某家小娘子與東家第三箇兒子姦通後來卻被殺了斫頭去埋於屋背樹下此即日前累次手殺人凶惡無比他有錢有勢更不到官鄉人怕他如虎都不敢認辭徐徐詢其姓氏狀貌居住往造之唱詞乞索兩後生與之十錢棄於地曰何得相待如此增至五十及百錢皆卻之曰遠遠到來須要一千足數若九百九十九錢亦不去兩主蓋凶子之兄也疑為異人或有道之士遜言慰謝凶子在內窺見忿怒不能忍趨出擬行拳辭就門擲竹拍從卒爭赴遂執之凶子咆哮辭批其頰曰汝殺了某家女子卻將頭埋樹底罪惡分明如何諱得我是本縣捕盜官那得抗拒凶子無語即縛住發地取頭送於府鞠治伏辜宜予嘉賞無已率諸臺交薦因改

京秩

賜璫自負才氣年六十餘始為河北相衛間一宰居常慷慨在縣唯尋術士曰者問將來窮達或言部下伍伯判冥暢叩之伍伯曰當今幽冥主者鄰縣令某公自求之乃具簪笏再拜陳乞懇切宰令灑掃一院凡有孔隙悉塗塞之嚴戒家人勿窺堂上

設一庸置案筆視紙七八幅其夕宰入之令暢躬自扇鏤天明持編相迂於此暢拂巨乘簡啟戶見之喜色被面而出遙賀暢曰官祿甚高不足憂也乃遺一書曰慎不可先覽但經一事初改一官即開之後自此縣辟從事拜殿中侍御史入為省郎諫議大夫發其書則除授時日皆不差及貶辰州司馬取視之曰為某事貶也微為左丞終工部尚書所記事無有異辭或幕唐段成式言景德中因事到岳州曾見一婦人無兩臂但用兩足刺繡鞋片織緻與巧手相若服飾頗潔而止之處觀者如堵人競以錢投之宋上融友

鍾錫齡須長至地尚長尺餘壽八十九歲通判楊世福左目重瞳武生吳大慶身長八尺力挽七百為程學使恩澤所賞拔又有姓廖者身長與吳大慶埒李侍郎宗瀚督學時拔入武庠

府志

陳圭有九十六篙灘詩序云灘在資夷二水合流處險絕難上有負其勇者曰此何難能為我娶婦百箇可耳眾許諾及上灘止九十六篙眾為之娶其人不數月竟亡婦他適舟人述之如此九十六篙人壯哉誰家少婦堂前來九十六篙人已故堂前少婦誰家去資夷水匯成危灘青天可上上灘難至今水急風聲寒寄語灘前名利客莫使九十六篙力志唐大巖巖泉淙淙伏流入石中有石鼓牀几請雨尤效明正德

時巫文法旺得禁劾異術因旱取水深窮其穴手鼓腰劍束火牽犬者各一人行數百步一續麻女子端坐盤石見人不顧法旺乞水彈指予之其徒危愕知是神女咸勸出洞法旺自恃其術牽犬再進可數里大蟻當道拔劍斬之殺犬注血以厭焉穴泉湧出急如飛瀑徒眾返走波濤逐人法旺左鼓右劍水不能灑既而聲若震霆地出冰雹鼓被漂去僅及巖門乃刺劍巖中劍陷水消僵死巖口至今水不外溢猶云法旺之靈也東安縣志

宋世裔縣東北排山民乾隆十四年九月百齡初度遠近稱人瑞醮錢為壽約六百餘人室狹不能容布席野岸世裔列上座歡甚因云昨有一人貌甚古美鬚髯贈予長篋內有白扇無字投案即辭去追送至門已失所在遂出以相示照之內藏十字云待看四公到即便早登程眾亦莫解俄有他縣典史羅光泗過門見沿岸布席問知為飲百歲酒遂往謁世裔延入肅坐遽起入內謀別設席忽昏仆急扶之則氣已絕矣眾乃悟曰四公者典史也且其姓與名皆有四字百歲之老預有神人告其死期亦一奇也祁陽縣志

邱大業明季隱君子士琳季父也生平不解持籌而自饒於財居常見白衣人往來業斥之去逾年復歸曰走遍天涯無如君家可止耳命樓別室中詰旦視之銀人也業由此益富然急公好義每數千金不惜至今稱之黔陽縣志

歐陽紹桂陽郡人為雷州長史城西臨大池常出雲氣居者多死紹至決其水於是雷電大至紹持弓矢與雷戰獲之南人呼之歐陽獲雷桂陽縣志

寶歷初長沙有王叟者營田為業一日耕於野為蚯蚓螫其臂痛楚甚遂馳以歸其痛益不可忍夜呻而曉晝吟而夕如是者凡旬月有醫者云此受毒之甚者也病之始庶幾有及壯且深矣則吾不得而知也後數月病益甚忽聞臂中有聲幽然而微若蚯蚓吟者又數日其聲益響如合千萬音其痛亦隨而多焉是夕果卒宣室志

湖南益陽州每有人夜半忽自相打莫曉所謂名之曰沙塵土人知此證者唯以冷水澆潑稍定以湯水飲之徐徐方醒二三日只如醉中不知者殊相驚駭上海縣達魯花赤兀訥罕至正月初為本州同知因造漆器匠者八人一夕作鬧親歷此事嘗與余言之山居新話

段生既遠字公亨黔陽人其生平行篤而文優生二子長正宸次正斌順治己丑邑為亂兵所據賊獲生將殺之正斌從山上呼賊緩父死辭母與兒嫂趨賊以代父賊義之釋其父令正斌為負擔送至河與之衣與鹽釋令歸後正宸天死正斌有子而幼生負其孫嬉於宅後廟中宅至廟可三里許為癸卯三月朔日也日過午負孫歸塗次生長兒正宸自後至代生負至宅後

正宸以所負見還付生生忽驚悟曰見已死何得至此正宸忽不見紀異

邑北村毗董元保忽為風吹去七日墮雲南一寺中十年後遇袁州人始得相隨歸家時康熙三十五年也邑明經蔡來徵作詩紀其事依縣志以

始皇還過彭城齋戒禱祠欲出周鼎泗水使千人沒水求之不得乃西南渡淮登衡山南郡浮江至湘山祠逢大風幾不得渡上問博士曰湘君何神博士對曰聞之堯女舜之妻而葬此於是始皇大怒使刑徒三千人皆伐湘山樹赭其山史記秦

菴山廟神姓李秦時人性至孝早孤賣薪以供母每飯必得母歡然後退秦築長城孝子以獨子當役哀請於官不許竟往得盧侯丹服之役還母亦無恙世傳靈異明初汰淫祀孝子以孝獨存廟舊在儒學內後改為書院祀孝子於前萬曆戊申大水祠圯孝子像隨水東下忽逆流上至蕭公廟神嘗附人言還我故處里人潘一桂等為立專祠祀之以六月十三日為孝子生日即所稱墩祭公者也志

有車騎將軍馮緄桂陽太守李温冢二子之靈常以三月還鄉水暴長郡縣吏民莫不於水上祭今所謂馮李也水經

魏書慕容暉傳有神於鄴自稱湘女有聲與人相接數日去晉王僧虔秉政使從事竇統作長沙城忽見一傳教官語曰君

何敢壞吾宮室司命官相誅尋時宗寶乃墜馬其夜僧虔夢見一貴人來通賓從鮮盛語僧虔曰吾是長沙王吳君此所居之處公何意苦我若為我速料理當位至三公僧虔於是立廟自後祈禱無不應湘中

義熙四年盧循在廣州陰規逆謀潛遣人到南康廟祈請既奠牲奏鼓使者獨見一人武冠朱衣中筵而坐曰盧征虜若起事至此當以水相送六年春循遂率眾直造長沙遣徐道覆踰嶺至南康裝艦十二艘樓十餘丈舟裝始辦大雨一日一夜水起四丈道覆凌波而下與循會巴陵至都而循戰敗不意神速其誅洪潦之降使之自送也述異

章駒者明五音善長嘯自稱逸羣公子舉進士一不第便已曰男子四方之志豈屈節於風塵哉游岳陽岳陽太守以親知見辟數月謝病去駒親弟隸舟行溺於洞庭湖駒乃水濱痛哭移舟湖神廟下欲焚其廟曰千金估胡安穩獲濟吾弟窮悴乃罹此殃焉用爾神為忽於舟中假寐夢神人盛服來謁謂駒曰幽冥之途無枉殺人者明公先君昔為城守方直謹正鬼神避之撤淫祠甚多不當廢者有二二神上訴帝初不許固請十餘年乃許與後嗣一人謝二廢廟之主然亦須退不能知其道進無以補於時者故賢弟當之耳倘求喪不獲即我之故當令水工送屍湖上駒驚寤其事遂止遂命漁舟施鉤緝果獲弟之屍於

〔光緒〕湖南通志 卷末七

是夕又夢神謝曰鬼神不畏忿怒而畏果敢以其誠也君今為大果敢昔洞庭張樂是吾所司願以至音酬君厚惠所冀觀成池之節奏釋浮世之憂煩也忽覩金石羽籥鏗鏘振作騁甚歎異曲終乃寤唐袁郊甘澤謠

許漢陽名商汝南人貞元中舟過洪饒間遇風尋小浦避之行三四里至一處竹木叢茂亭宇壯麗有二青衣雙鬟若鷗素面如玉迎舟而笑許悅之登岸投謁青衣延入見庭前池中荷葉芬芳虹橋兩道傍一閣白金書額云夜明宮青衣引入閣見女郎六七人貌若天仙許具述來歷女郎云客中一宵亦有少酒願供歡飲閣前花萼滿樹青衣捧一鸚鵡置闌干上甫一鳴百花齊放每花中現一美人長尺餘歌舞盡態俄頃滅女郎出一卷示許覽之乃江神賦令許讀之並請自讀又出感懷詩一章曰海門連洞庭每去三千里十載一歸來辛苦瀟湘水嗣取諸卷帖許錄之卷中皆有人名押署有名仲方有名王者有名朝陽者許擬和韻書卷中女郎曰不可此卷歸呈父兄不欲雜耳俄而青衣促許退恨恨而別及曉視之但見空林而已解纜行至昨遇風處岸人云昨曉遭風溺死四人二更後撈出一人微有氣而似醉救活之乃言曰昨夜海龍王諸女過洞庭宿於此取我輩四人作酒幸客少不多飲我故得免許問客為誰曰一措大耳不記姓名但記青衣云諸娘子苦愛人間文字當欲

得窮措大以供談論許追憶其事及感懷詩皆可驗歸舟覺腹中膨脹吐出鮮血數升三日方平始知所飲皆人血耳集異記廬山書生張環乾甯中以所業之桂州欲謁連帥張相至衡州犬嗅灘損船上岸寢於江廟為廟神所責生以素菜對之神為改容延坐從容云有王立仁者罪合族誅廟神為其分理奏於嶽神無人作奏環為草之既奏蒙允神喜以白金十餅為贈劉山甫與廖騰校書親見環說其事甚詳北夢瑣言咸通中有姓余朱者家於巫峽每歲賈於荆益瞿塘之壩有白馬神祠余朱嘗禱焉一日自蜀回復祀之忽聞神語曰愧子頻年相知吾將舍此境故明言與君別耳客驚問神安適耶曰吾當為湖南城隍神上帝以吾有薄德於三峽民遂此升擢耳楚南

謝公昨夜拜梁山神袁中郎阻風安鄉之黃山句也謝公謂黃山神梁山謂梁山神考梁山志略唐時武陵旱禱於梁山其神梁王請於上帝得雨欲作表謝帝而無其人時有洛陽書生史松寓常城乃夜攝其魂令作表稿成須善書者有僧亦居城內善楷書并攝其魂書之王申表畢遂開燕大陳歌舞王謂史生曰汝名犯子諱可改慮方知王乃梁松也請生賦詩生援筆云南國賢王夜宴時殿前高下正威儀鸞簫細逐歌喉轉鼙鼓輕敲舞袖垂煙曩金鑪香旖旎紗籠銀燭影參差今宵得遇希奇事

深愧全無絕妙詞僧亦賦詩有醉筆頻揮彪走虎須臾數字大
如斗之句生覺口中尚帶酪香天明急謁僧僧亦宿醒未解與
生夢無異中郎之詩蓋指此澧州志
楊大方者岳州人爲人耿介有操守好學負氣見稱鄉里紹熙
三年赴漕臺試於江陵道中過一廟望其像貌頗雄整衣冠入
謁焚香致禱因擲案間杯箸咨決得失凡三擲得陰筮以爲神
不賜許時以被酒遂發怒取筮毀之神之側塑兩判官所謂善
惡二部者楊控惡判官仍批其頰大聲叱之曰教汝作判官略
無靈驗虛受香火享奠可謂失職何似請我做我一生留意文
章十分準擬科第何爲不報我耶語罷引足蹴仆之乃去纔出
門行十數步酒微醒覺渴悶令僕汲水未及而蹙蹙呼弗應僕
掖往近處村邸啟榻少憩移時覺起謂僕曰酒之累人如此吾
適入彼廟實爲無禮且觸威怒遭二卒追詣庭下神王言責甚
峻將痛加囚治賴善判官力爲分解曰此子是岳州一箇好秀
才志行不凡前程儘未可量只彼一醉所誤別無罪愆若實之
重罰卻成大猛不如令便充惡部使晨夜祇役於王前庶得謝
過亦爲用賢也王首肯再三押去卻來觀此事勢我定不免急
索紙作書與妻詞意悲哽封遞授僕投筆而逝夷堅志
有客舟泊湘妃廟前夜半不寐見輿衛入廟中置酒鼓瑟心悸
不敢窺至明方散隱隱浮空而去因入廟見遺詩四首墨色未

乾詩云渺渺三湘萬里程淚篁幽石助芳貞孤雲日斷蒼梧野
不得攀龍到玉京碧杜紅蕪縹緲香冰絲彈月弄清涼峯巒一
一俱相似九處堪疑九斷腸玉盤金根去不回湘川秋晚楚絃
哀自從泣就江籬血夜夜悲風怨雨來少將風月怨平湖見盡
扶桑水到枯相約杏花壇上去畫闌紅子闌擗許彥周詩話
彭介字榮之宋大中祥符乙卯進士時年十有四官至簽書樞
密院事以元豐六年卒於家居平宅心仁厚祿入之餘必徧及
族黨閭里待以舉火者眾每歲令人拾無主遺骨收葬高原嘗
中夜起遙見廚中有光跡之一烏衣朱冠吏前拜曰某卽龍神
凡被饑餓之鬼每至人家竊食以公盛德特來相護第公見
吾當有微恙急服牛黃以生犀內鼻中卽無患介由是春秋設
厲祭水濱意以澤餓鬼也及卒輅車所過空中聞有泣聲湖廣通志
袁州仰山有二王神祠其靈甚著士大夫往來者多祈夢於祠
下淳熙十一年長沙湯琦經過亦將乞靈始至宿於山下是夜
夢一貴人姓蕭者召與之談貴人自歎年老若羨琦者琦曰琦
賤不足道公由布衣而位至此尙不滿邪貴人俯首曰否少焉
有徒御擁琦登車曰召公赴宴至則客主凡六人明日伏謁祠
庭見廡間有碑記讀之始知王蕭姓也琦遂再禱乃夢被旨使
高麗琦挾矢負弩躍馬而行方十餘步忽聞後有歎聲回顧視
之見二士一王氏一歐陽氏琦復前行道險偶一矢墮地琦亟

下取之矢已隨流水過前矣須臾見故仰山寺主僧本然揖瑞
 少憩僧擁爐而坐傍一侍者欲撞鐘而復止瑞問何為而不聲
 鐘答曰未遇順風擊之聲只聞一方待遇順風聲可聞四方瑞
 因謂僧曰是鐘未用邪僧曰鐘亦未用瑞曰洪鐘之用足下
 爾僧笑而止翌日且復得夢讀省閣前列文卷殊莫曉其意
 瑞十三年瑞預薦名在第三其上則王與歐陽也次年試禮部
 知貢舉乃洪邁景盧遂為首選雲谷雜記
 南嶽廟神蓋唐勇士張怵也有盜夜剽神腹方舉刃神轉首怒
 目顧盜盜怖死吳致堯令衡山日神語以徙廟吳從之畚土得
 銅戟三事案怵孝感人怵曾副南壽雲請師於賀蘭進明雷而
 覆之壽雲斷一指示不雷怵亦斷一指及死節數日怵見夢家
 人曰吾得請於帝為南嶽司錄行人間賞罰未幾進門暴死嶽南志

宋高熙中南嶽廟火詔潭州重修以湘潭令薛大圭督役所用
 皆瑰材山谷既盡缺正殿梁須長五丈徑六七尺或言境內白
 馬大王廟前有巨杉其高夏雲但廟神猶無敢往取者薛令具
 文牒遣尉王以甯焚廟下領工匠百輩厲斧斤至見長蛇蟠樹
 根工匠股栗尉馳報薛策馬親詣廟致牲醴敬禱云此方壤地
 皆嶽帝所司今崇建宮宇出於制敕區區一木當以為棟梁之
 獻無吝惜也取杯瓊卜之吉於是百斧並下樹杉鏗然如鉤戟

聲匠懼欲止薛不聽未幾斧瘡汁出如血迸流滿地樹既斷反
 騰空盤搶不墮薛磨眾趨避復白神曰既已許我願勿以光響
 靈異怖人如是踰時方仆還謁廟真神像徧體拆裂蛇邪樹邪
 白馬大王邪夷堅志

臨江蕭氏之祖五代時仕於湖南為將校坐事當斬與其妻亡
 命馬王捕之甚急將出境會夜阻水不能去匿於人家齏槽中
 湖湘間謂齏為笕天將旦有叩笕語之曰君夫婦速去捕者且
 至矣因亟去遂得脫卒不知告者何人以為神物乃世世奉祀
 謂之笕頭神今參政照鄰乃其後也老學庵筆記

衡嶽廟之四門皆有侍郎神惟北門主兵最靈驗朝廷每有軍
 旅之事則前期差官致祭用盤上食開北門然亦不敢全開以
 尺寸計兵數或云其主司乃張子亮也張為湘南運判死於官
 丁卯戊辰之間南北之兵未釋朝廷降香以借陰兵神許啟門
 三寸泉使遂全門大啟之兵出既多全無捷告而廟旁數里民
 居皆罹風災壞屋近千家最後有聲若雷震者民喜曰神歸矣
 果遂帖息後使按行民有愬者乃厚給之癸辛雜識按沈作
 之數凡出兵幾萬則啟門若千尺寸法甚嚴不得少差事畢又
 遣使告謝舉鐵礎塞門如故自衡嶽廟志

蕭復親弟少慕道不仕服食芝桂能琴尤善南風因遊衡湘維
 舟江岸見一老人負書攜琴蕭生揖坐曰父善琴得南風邪曰

素善此因請撫之尤妙絕遂盡傳其法飲酒數杯問其所居笑而不答及北歸至沅江口上岸理南風有女子雙鬟挈一小竹籠曰娘子在近好琴欲走報也俄有蒼頭棹畫舸至蕭登之行一里餘有門館甚華召生升堂見二美人於上前拜美人曰無怪相迎知君善南風某亦素愛久不習理忘其半願得傳受生遂為奏問生授於何人乃言老父具言其狀美人流涕曰舜也此亦上帝遣君子受之傳於某某即舜二妃舜九天為司徒已千年別受此曲年多忘之遂畱生啜茶數碗生辭去曰珍重厚惠然亦不欲言之於人遂出門復乘畫舸至彈琴之所明日尋之都不見矣史逸

黔南軍校姓奢者不記其初名性饒直所居鄰宣父廟家每食必先薦之如是累年咸通二年蠻寇侵境廉使閱兵擢將未獲奢復夢宣父謂曰君每傾心於吾吾當助若仍更名宗儒自此富貴矣既覺喜而請行兼請易名是時人盡難之忽聞宗儒請行遂遣之一戰而大破蠻寇餘孽皆遁黔帥表上其功授朗州刺史秩滿詣京師累遷司農卿南楚新聞

沈警字元機吳興武康人美風調善吟詠為梁東宮常侍後入周為上柱國奉使秦隴過張女郎廟歌曰靡靡春風至微微春露輕可惜關山月還成無用明吟畢忽見二女郎大女郎適盧山夫人長男小女郎適衡山府君小子就坐具酒散酒酣大女

郎歌曰人神相合兮後會難迨邂逅相遇兮暫為歡星漢移兮夜將闌心未極兮且盤桓小女郎歌曰洞簫響兮風生流清夜關兮管絃適長相思兮衡山曲心斷絕兮秦隴頭又題曰隴上雲車不復居湘川斑竹淚沾餘誰念衡山煙霧裏空看雁足不傳書異聞錄

賈知微寓舟洞庭因吟懷古詩曰極目煙波是九疑吟魂愁見暮鴻飛二妃有恨君知否何事經旬去不歸即岳陽賦詩曰湖平天遠草如雲偶泊巴陵舊水濱可惜仙娥差用意張碩不是有才人俄見蓮舟有數女郎鼓瑟而下生目送之舟通西岸即會城夫人京兆君宅生趨堂見備筵饌有三女郎一稱會城夫人一稱湘夫人一稱湘君夫人酒行各請吟詩生曰偶棹扁舟泛渺茫不期有幸跡仙鄉玉堂久照星辰聚雪扇雙開日月長豈只恩憐為上客又容歡笑宴中堂預愁明發分飛去衣上人聞有異香湘君曰南望蒼梧慘玉容九疑山色互重重須知暮雨朝雲處不獨陽臺十二峯湘夫人曰夜唱蓮歌入洞庭采蓮人履著青萍長歌一權空歸去莫把蓮花讓主人京兆君曰一解征鴻下蓼汀便隨仙馭返會城傷心遠別張生去翻得人閒薄倖名詩畢二湘夫人別去京兆君邀生止宿明日以秋羅帕裏定年丹五十粒贈生既受以詩謝曰丹是會城定年藥帕為織女秋雲羅勤拳致贈東行客以表相思恩愛多乃拜別去

離岸百步回視夫人宅已失矣異聞

湖南武穆王巡邊迴船至洞庭宜春江口暴風忽至波如連山

乃見波中快詭怪蛟螭出沒雲霧昏蒙有如武夫執戈戟者

有如文吏具襴簡者有如捧盤盂者或緋或綠倏閃睚眦莫知

何物左右大駭衣服器皿悉投之舟人欲以姬妾為請王不聽

移時風定僅獲存焉後數年武穆王薨於位北夢

洞庭湖神過客祈禱必驗分風送船志林

洞庭山浮於水上其下有金堂數百間玉女居之四時聞金石

絲竹之聲徹於山頂楚懷王時與羣才賦詩於水湄故云瀟湘

洞庭之樂聽者令人難老雖咸池簫韶不能比焉每四仲之節

王嘗繞山以遊宴各舉四仲之氣以為樂章惟仲春律中夾鐘

乃作輕風流水之詩宴於山南時中韃寶乃作皓露秋霜之曲

其後懷王好進奸雄羣賢逃越屈原以忠見斥隱於沅湘披蕪

茹草混同禽獸采柏實以和桂膏用養心神被王偏逐乃赴清

冷之淵楚人思慕謂之水仙其神遊於天河精靈時降湘浦楚

人立祠漢末猶在其上又有靈洞入中常如有燭於前采藥石

之人入中行十里迴然天清霞耀花芳柳暗丹樓瓊宇見眾女

霓裳冰顏豔質與世人殊別來邀采藥之人飲以瓊漿玉液延

入璇室奏以簫管絲桐饒令還家贈之丹醴之訣卻還洞穴還

若燈燭導前便絕飢渴而達舊鄉里戶各非惟尋得九代孫問

之遠祖人洞山采藥不還今經三百年也拾遺

洞庭每冬必有舟涸於渚開百千人移之不可動須俟來歲聽

其自流謂湖神出巡救令守洲舟子夜宿舟中輒聞怒濤急湍

檣檝如飛曉仍涸於故處如此者為吉徵賈客尤利之舟移之

日視其式造一小舟獻於神廟異聞

洞庭君相傳為柳毅其神像赤面獠牙朱髮猶如夜叉以一手

遮額覆目而視一手指湖旁從神亦然舟往來者必致祭舟中

人不飲一字妄語尤不可以手指物及遮額不意犯之則有風

濤之險惟郴州人則無恙郴州士子赴省試者至廟拜祝焚鄉

眷晚生帖雖遇風濤無不安然而渡述異

明參政龍誥解組歸經九江孀有一人欲寄舟涉楚舟子弗應

次日復然誥見其貌瑰瑋詢其姓曰甘氏詢何往曰適長沙因

寄焉踰月泊舟長沙遂不見時誥尚未抵家邑中忽有人狂呼

於市曰我吳甘甫也寄參政龍誥舟來當廟食於攸邑人大駭

及詰歸語其故迺捐貲建廟於東城祀之初工肖像不得夜夢

甘見身以示狀如誥因塑像入廟時嘉靖二十九年六月六日

也是日誥無疾逝攸縣志

洞庭東山有井云是當年柳毅時所游周迴橘樹參差月夜常

見龍女與毅雙雙出游天啓辛酉田子執與王子同游酒酣賦

詩云橘花垂蔭碧闌干此地曾經柳毅傳卿亦有書吾肯寄轍

轆腸斷碧絲煙時林月漸明隱隱見橋樹中美人掩映若隔煙
霧卻前遙吟云橋花如雪晚風清迢遞關山春夢驚明月一天
涼似水不堪重省舊時情集

省北關內三官殿西文昌殿諸生讀書其中適扶鸞殿中監香
神降神自言周姓名學濂字勤甫號蓮峯湖北蒲圻人明天啓
時諸生人成均會聞魏闕污配 孔廟憤率學中何光面等十

二人擊禮部鼓闕黨崔呈秀捕公及何入獄毒斃公長子德華
亦死時次子德耀任南昌經歷而崔賊門下用事王廉任南昌
府崔信至即計遣耀往聽伊犁差中途被刺餘一孫國變後亦

死兵難又聞公難作時同謀者見事急因首公及何自脫問諸
人姓名公默不語屢請乃云何必多問如鄭子僑江南人文齊
翟京都人皆文名震當世者餘竟卒不具告柳廷方文昌閣
監香神碑記

明江夏令樊尙環諸生時夢神人赭袍異相語之曰吾洞庭水
神也君異時成進士必牧余土後筮仕江夏下車之日值肇建
柳毅廟因割舟中裝十金以助入廟瞻拜神像宛如夢對段然

錢希言龍陽書生曾壽貴過洞庭風浪甚猛同船擾亂貴壽獨
蒙被臥忽夢至一宮殿堂上坐如王者狀趨召貴入賜之坐謂
曰如此風波少年何故冒險舟中得毋有黃卷通否非此人舉

舟葬魚腹矣吾乃水府之神爾可言於人世也既寤風定得濟
推驗果有黃卷通者乃其同學諸生事父廣文極孝故感格至

此卷通後登仕版古云孝通於天信哉湖庭

伍佐歸過洞庭舟人索祭水府神白之佐辭云伍佐爲官徹
底清那有猪羊祭洞庭平生若有虧心事船到江中任爾沈夫
人聞之以鬻上一簪買魚以祭復至湘潭買一魚剖之簪在魚

腹中雖近誕然清白之吏固宜爲鬼神陰佑也按此事與王昌
齡同寶慶府志

康熙甲寅吳三桂叛於滇南駐兵衡州衡山嶽神廟有小白龜
大僅如錢多歷年所土人以爲神之使也敬而祀之藏之幃中
藉以占卜三桂妄希神器擇吉祀神鋪天下輿圖於神座之前

默祝求視龜之所向龜蹠蹠循走總不出於長沙常岳之間後
至雲南而止三桂再三禱祝白龜三復如之三桂君臣相顧失
色故不敢輕出湖南神告之神阻之也集

南岸大路口舊濟庵外廳奉關帝聖像乾隆五十一年滇南貢
象過此將濟河象遂去不得制及至庵門見帝像遂躡伏不動
貢使異之虔禱於帝象帖然渡河至今貢象過此必致祭焉辰

明永樂間王道令耒陽舟至洞庭夜夢一女曰吾潯江神也汝
明晨勿渡湖醒異之詰且停舟規之前行者至湖中遇大風皆
覆溺道以夢獲免抵任後遍詢諸人無知者及謁觀音殿見其

湖南通志卷末之八

雜志八 述異二

漢武帝上嵩山見仙人長二丈耳出領下垂肩帝禮而問之仙人曰吾九疑也聞中嶽有石上葛蒲一寸九節食之可以長生故來采之言訖不見神仙傳

姚祖湘東人太元中為郡吏經衡山望殿下數少年竝執筆作書祖謂行旅休息乃過之未至百步少年相與飛馳遞一紙書

在坐處前數句古時字自後皆鳥蹟異苑及謝靈運賦下見一老翁

四五年少與姚祖事略同惟多一老翁及以爲采藥衡山人所遇爲少異耳

魏夫人以杖代尸而升天扶桑大帝君授夫人青瓊之版丹錄

蘇航桂陽人宋賜號冲素真人少以孝稱一日白母曰道果已

圓升舉有日母曰吾獨恃爾爾去吾何依航乃留一櫃封鎖甚

固告母曰若有所須告之如所願也又植橘壑井值郡人大疫

食橘葉飲泉水即愈其後化爲一鶴降郡屋久而不去郡僚子

弟彈之鶴乃舉足畫屋若書字焉其詞云鄉原一別重來事非

甲子不記陵谷遷移白骨蔽野青山舊時翹足高屋下見嬰兒

我是蘇仙彈我何爲翻身雲外卻返吾居楚風補

龍陽縣汎洲義興寺有古柏華州回道人題詩二句於上勒馬

問船牛鼻渡釣魚望月橋林洲好事者鋸之片片皆字常德府志

乾隆四十年乙未溧陽王鳴來守長沙時方督工修鐵佛寺一

夕夢有人請爲城隍夢中答以寺工未畢可請衡州府邱某去

寤而異之至三日邱恩榮果以疾卒豈冥官交代不異陽官邪

越七年王亦卒於長沙似亦受邱交代者善化縣志

周芳異少孤事母孝母病垂危朝夕視湯藥倏見金甲神自窗

入持刃刺母芳驚撲地及甦母病若失詢之似有物槌其胸汗

出遂清醒云攸縣志

府志盛有德常豐人康熙丙子鄉試舟過洞庭忽大風漂沒湖

船甚眾德舟有白蛇數丈繞之得不覆即於是年舉賢書德因

題恩波浩蕩四字於洞庭神廟今額猶存安化縣志
宋牧仲犖言其鄉梁中翰遂奉使西粵時道出洞庭風日晴明
呼風而渡忽雷雨驟至雲氣晝晦舟中人共見一神人美須髯
戴烏紗巾騎異獸行水上獸身半在波濤中僅露頭角後一人
形貌怪偉銜獸尾而行其速如飛去船里許人獸皆漸騰上雲
雨晦冥遂不復見舟人以爲洞庭之神也池北偶談
以上神異

湖南通志卷末之七

逸史載唐南嶽僧有人綠毛覆體來僧前云是晉姚泓當時我
國爲劉豫所滅求我不得遂假一人形貌類我者斬之以立威
我實泓也因陳晉末歷代事如指諸掌野客叢書
長慶初山人楊隱之在郴州常尋訪道者有唐居士土人謂百
歲人楊謁之因畱楊止宿及夜呼其女曰可將一下弦月子來
其女遂帖月於壁上如片紙耳唐卽起祝之今夕有客可賜光
明言訖一室朗若張燭西陽雜俎
劉元靖游名山入南嶽峯鑿石穴以居絕粒鍊氣唐敬宗召入
思政殿武宗復召入禁中賜號廣成後仙去惟杖履在焉江夏志
岳陽樓上有呂先生畱題云朝遊北海暮蒼梧袖裏青蛇膽氣
粗三入岳陽人不識朗吟飛過洞庭湖今不見當時墨蹟但有
石刻耳先生名巖字洞賓河中府人會昌中兩舉進士不第去
遊廬山遇異人授劍術得長生不死之訣多遊湘潭鄂岳間或
寫紙墨於市人莫之識也慶曆中天章閣待制滕宗諒坐事謫
守岳陽一日有刺謁云回巖客子京曰此呂洞賓也變易姓名
耳召坐置酒高談劇飲佯若不知者密令畫工傳其貌既去來
日使人復召之客舍曰先生夜半去矣畱書以遺子京默然不
知所言何事今岳陽樓傳本狀貌清俊與俗本特異岳陽土風記
唐呂仙人故家岳陽今其地名仙人邨呂姓尚多藝祖初授禪
仙人自後苑中出畱語良久解赭袍衣之復不見今岳陽仙人

像羽服下著赭袍云閩見後錄
呂洞賓遇鍾離翁如岳陽授以仙訣遂不復之京師應舉今岳
陽飛吟亭有人題絕句云覓官千里赴神京得遇鍾離蓋便傾
未必無心唐世業金丹一粒誤先生余酷愛其旨趣蓋夫子告
沮溺之意也鶴林玉露
白鶴老松古木精也李觀守賀州有道人陳某自云一百三十
六歲因言及呂洞賓曰近在南嶽見之呂云過岳陽日憩城南
古松陰有人自杪而下相揖曰某非山精木魅幸先生哀憐因
與丹一粒贈之以詩後年餘李守岳陽果城南有老松以問寺
僧曰舊題詩壁久已摧毀但能記其詩曰獨自行來獨自坐無
限世人不識我惟有城南老樹精分明知道神仙過後爲亭松
前日過仙亭舊松枯槁今復鬱茂得非丹餌之力耶岳陽風土記
呂仙遺蹟在寶慶府城中宋賈宗奭倅郡有古鏡甚寶之時聞
有回處士善磨召見風骨軒昂乃取藥堆鏡上處士曰藥少須
歸取去不復還遣人詢其處乃見太平寺門上有詩云手內青
蛇凌白日洞中仙果豔長春須知物外煙霞客不是城中磨鏡
人詩後題回道入宗奭驚歎其鏡上藥已化惟所堆處一點表
裏瑩徹明統志
何仙姑在世間時一主簿忽得天書字不可識以問仙姑姑曰
天書字言主簿受金十兩折祿五年樂善錄

橋齋史右丞夙病眉瘡初至岳陽樓夢仙拭面而痛脫既覺往
 謁呂仙亭物色如所見平章忽刺解夫人禿滿倫氏患頭風日
 夜望仙禱祈已而聞笛聲皆曰仙笛也公曰仙有靈當再聞及
 夜笛聲起牆外自是夫人起居如初呂仙亭記
 成武丁即羅道成漢桂陽郡臨武縣人補漢為桂陽郡臨武屬焉生靈帝時
 年十三為縣小吏疏節大度時方嚴刑武丁愍之竊謂行杖者
 曰人同皮肉何苦如此遂令以法藏雞豚血於杖中每行杖官
 見血乃已郡人多陰受其賜後武丁被使至京過長沙郡遇仙
 與藥二丸服之遂有仙術詳前一日忽詔其弟曰七月七日織
 女渡河吾當被召上為從事遂卒太守自殯之後數日有人從
 臨武來於武昌岡上見仙君乘騾西去問何之曰暫別迷溪即
 返又屬云我行時恩有舊鳥一隻在雞枳上大劍一握在屋
 側為令家人收之至其家聞號咷聲且驚且告家人劍與鳥俱
 入棺矣乃於其處索之果然啟棺視之但有一鳥一竹杖而已
 蓋尸解也後至宋慶曆中有處士游東嶽謁主簿郭及甫既坐
 見其刺乃羅道成詢其鄉里郴州人也及甫畱飲處士借紙筆
 書詩一絕因思靈秀偶來游碧玉寒堆萬疊秋直上泰山高處
 望根蟠連接十餘州復自和曰水雲蹤蹟日間游夏谷陰涼冷
 勝秋後鳥性情猶戀舊翻身卻過海邊州及甫遣人送之至邸
 又為詩一首付吏曰白驪代步若奔雲閒游所至畱詩蹟欲知

名姓問源流請看郴陽山下石今武昌閩石岳上有麻蹠蹟存
 焉羸品之左腋郡人為立麻穴觀祀之臨武縣城東亦有成仙
 觀郡人袁子讓按成武丁為麻蹠道成蓋真人以麻蹠成道而世無麻蹠姓故假於麻耳 與南縣志
 宋狄青奉命討儂智高道經零陵問何仙姑姑云汝誤殺人有
 素爾命者青求解姑與膏藥一貼囑曰逢瘡便貼瘡破膿出遂
 行至道州宿龍母廟畱甲冑而去至廣攻邕城青悟仙姑隱語
 遂將前授膏藥貼邕城上邕城遂破智高果出奔大理後柳寇
 流劫營樂望見旌旗遁去傳云狄將軍屯兵於此問之無蹤人
 始知為青英靈焉今有廟祀之道州志
 宋彭天益重修司空山陽昇觀三奇碑記略云按仙記司空將
 受上帝之命告諸侍人曰願主吾舊壇者謂之虞瓊謂今山
 北有盧氏夫人祠是也時荆湖南路轉運使程元佐適奉詔修
 觀前期夢至小洞宇有一女子出告曰吾居此已久請勿徒公
 頗異之未幾執事者咨公是山北有廟像者請徙於觀公然之
 因至盧氏祠視其像乃昨所夢者遂無徙而為新之此一奇也
 是年八月十八日向晡時工徒數百人見有星冠絳衣而朱履
 者升殿禮謁焚香鑪中鑪初無火而香煙芬馥久之復升真人
 祠熱香如前而失其人矣此二奇也觀功成公卜日集道士依
 仙科而讚揚者七晝夜行醮禮上祝天子萬壽用展臣下歸美
 報上之誠始事於九月二十九日時雨彌旬倏而開霽諸峯之

閒雲日五色珍禽翔集和聲關關步虛聲音清徹林表日之夕
矣星輝煥然松風湍流若羽衣珠佩徘徊而上下也安知非真
人鶴駕遙臨歎聖天子崇衰之盛典邪此三奇也依縣志
熙甯辛亥聞李侯事忘其名以供奉官爲汾州管界巡檢一日
捕盜入九疑山深歷巖洞遙見嶺中有青煙一點了然可辨邨
民居常見之樵牧皆不能到李識其處歸告同姓李彥高李君
業文志不就嘗以養生不死爲意聞之即尋煙處攀緣而上有
草堂三間一老人燕坐其中李問老人姓名言唐末人避世來
此姓邢名字不必問指面前一小池乃有竹筒作刻漏狀曰從
來甲子日辰吾盡知之所不知者國姓年號耳李因告以熙甯
天下姓名傳序年月老人頷之而已數日復往因授李以內丹
真訣臨別書一詩題曰詩贈晚學李君玉照新志
儀真報恩長老子照紹興間嘗與同輩三人行腳至湖南經山
谷迷惑失道暮抵一古廢蘭若投宿一室掩戶若有人居中惟
土榻地墟灰掩微火視糊窗乃消化中故綾紙度牒室中有數
大瓊貯芋栗山積俄一人自外歸被髮體皆黃毛衣敗僧稱直
入坐土榻見客不交一談夜既深皆倚牆坐睡天曉已失其人
所在惟火旁置四瓦缶其一已空蓋其人食之餘三缶皆芋栗
若似餉客者食之出又行巖谷中二十餘里乃得路映車志
呂誨爲御史直言正色傾動朝野以言事出知新州與安州士

朱明復雅相善神宗立復知諫院劾王安石罷知德安府一日
燕坐見一碧衣云上帝南游炎洲命子隨行糾正羣仙炎洲苦
熱賜公清涼丹一粒吞之若冰雪下咽尋卒又數年明復舉進
士及第自湖北渡湘江道見吏卒數百人前導次見誨跨玉角
青鹿左右皆青衣童子明復前謁拜問曰公何之公其已仙乎
誨笑曰吾侍上帝南游不復敘衷曲口占一篇爲別吳興錄
宣和崇尙道教林靈素爲之宗主官至大中大夫宣和末死於
温州後數年內侍劉太尉之姪避地長沙於酒肆見一駝裘之
夫負壁而坐熟視乃靈素也劉叩先生何爲至此靈素曰而亡
命爾向不早爲此身首異處矣俟失所在清波雜志
宋宣和二年有儒生衣冠甚偉醉登譙樓歎曰佳哉山水踰五
百年後無兵戈可避亂也乃大書止戈二字於壁市井訝其狀
異問之曰爾莫是呂洞賓邪中有舉其裾求長生藥者生笑曰
都梁人輕躁如此忽不見後有人自紫陽來以青錢百餘擲城
南賣漿家姥曰此呂先生遺舊酒債問其所見即前日登譙樓
之人也郡人因即其地立止戈坊又仙筆巖亦有洞賓神仙從
此經過八字墨蹟深入如刻剜痕筆畫遒勁亦仙蹟也府志
寶慶有曹漉者居城中家貧好施無以繼常斷朝食一日有道
人過之問其貧以米三粒遺之使投於井井水皆變爲酒家遂
富三年道人復過之問曹漉近況曹漉曰水可當酒曹漉惜無糟

可餒豬耳道人笑曰天高甚歷高人心轉計高井水當酒賣又說豬無糟自是汲井皆水無復酒氣矣今曹漉井故址即育嬰堂此事郡縣志多有載者或云道人即羅隱十國春秋載隱多幻術能前知今里巷婦人女子稱羅隱秀才是也而常德府志訛為羅陰桂林乃有羅陰祠甚矣俗里傳聞之不經也府志衡山九疑皆有舜廟每太守修祀潔敬則聞絃歌之聲吳苑張君猷為湖南漕過南嶽自肩輿中見路左一道觀甚麗榜曰朱陵宮遙望其中一羽衣立殿上君猷意欲下而從騎半已過明日再經其地求朱陵宮無之父老云旁近有朱真人祠至其下乃前所見朱陵宮之處才小屋一二楹其變異如此聞見錄政和間人

過常德府三十里高吾山山下有崔婆泉相傳有崔婆釀酒飲仙人張虛白處續行

賣履道人不知何許人也一日持草履一雙向應人某求售索銀九兩某蓋學仙者也知甚異欲市之其妻不欲道人擲履於地化雙飛去道人亦不見但見壁間留詩曰草履一雙新打成白金九兩價原輕若教不聽聞中語攜爾蓬山頂上行承毅陳純不詳何時人慈利志載純至桃源愛其山秀絕乃裹糧沿路行凡九日至萬仞絕壁下夜聞石壁人語純糧盡困臥聞有美香視之水流巨花十餘片其去甚急純速取一花面盈尺

五乃食之渴甚飲溪水數斗下痢三日步行愈疾有青衣采蘋岸上曰此桃花三夫人之地上有玉源中有靈源下有桃源後夜三仙將會於此其夕水際樓閣相望有童子曰玉源坐絳殿中眾樂并作玉源謂純曰近世中秋日詩可舉一二句純曰莫辭終夕看動是隔年期桃源夫人曰意思雖佳但中元亦可玉源乃詠曰玉兔步虛碧冰輪碾太清靈源和曰不是月華別都緣秋氣平桃源曰九秋今又半萬里一輪懸純曰秋靜夜方靜月圓人更圓玉源笑曰此書生好莫與仙葩食教異日作枯骨如何敢亂生意思純曰和韻偶然耳將曉同舟而下有頃至鎖窗朱閣非人世所有玉源戒純慎勿入南軒當不利於子純竊往焉軒中有玉笛純取吹之忽見人物山川乃其鄉里子呼他人為父妻呼他人為夫燕聚笑語久之不見純嘔一卵於地化為紅鶴飛去三仙見純責曰不聽吾戒今不能救莫非命也後三十年當復來此宜內養真元外崇善行以舟送陳歸禮州

小西門內昔相傳一家得洞竇像懸之壁其子幼每自館回則揖之於視良久一日塗遇道士宛然畫像遂牽其衣曰爾吾家洞竇也道士敲石與之歸獻其父視之乃精金父隨至石處合之仍為石惟中留一縷金色燦然故名金縷巷又名呂仙巷長沙

于梓人武岡州人因其父藝以梓命名幼聰慧及長有俊才且

多異術成進士歷官登州郡守府部有訴其家人傷於虎者守命卒持牒入山捕虎卒泣不肯行守咎之更命兩卒曰第焚此牒山中虎自來卒入山焚牒火息而虎至弭耳帖尾隨行入城虎至庭下伏不動守厲聲叱責杖之百而舍之虎復尋故道去尋爲部民告許以爲妖術惑眾有詔遣治數月瘐死獄中棄其尸家人發喪成服忽一夜聞叩門聲問知爲梓人咸驚怖曰吾竇逃去死者詐也家人不信謂鬼衣無縫驗之不然遂納之梓人不自晦匿日與故人游宴或泛舟不用楫逆水而上以爲樂里人劉氏怨家也執白知州伍芳請奏聞芳不許劉詣闕告朝命法官推按未至一日忽失梓人所在但存鐵索而已劉無以自明竟坐欺罔得重譴梓人自是亦不復見梓人號七十一峯道人詞翰道逸可觀梓人卽子仁之謫寄國寄

華容諸生張召洛字邇伊康熙中侍父官廣西宣化知縣舟過靖州之洪江夜臨水拯援不可得越日有樵子持書至發之爲召洛筆言駭浪餘生無復與人閒事自是音問頓絕後數十年有佃在四川遇道士年二十許攜童十餘人止佃宿清虛宮言余友張伊邇託寄一函佃持歸發函得詩又召洛筆也詩云年來枕傍黃雲臥寄與兒曹莫浪尋其子攜佃赴川至留宿處空山滴翠宮觀渺然張德安撰

衡嶽西原近朱陵洞其處絕險多大木猛獸人到者率迷路或

遇巨蛇不得進長慶中有頭陀悟空常裹糧持錫夜入山林越兜倭虎初無所怖至朱陵原遊覽累日捫蘿垂躡無幽不跡因是辟厭憩於巖下長吁曰飢渴於此不遇主人忽見前巖有道士坐繩牀僧詣之不動遂責其無賓主意且告以飢困道士歛然指石地曰此有米乃持鑊刷石深數尺令僧探之得陳米升餘卽善於釜承瀑敲火煮飯勸僧食一口未盡辭以未熟道士笑曰君殆止此可謂薄分我當畢之遂吃硬飯又曰我爲客設戲乃處木巖枝投身危石猿懸鳥跂其捷閃目有頃又旋繞繩牀效步漸趨以至蓬轉渴急但覩衣色成規候忽失所僧尋路歸寺數日不復飢渴西陽雜俎

老君巖宏治閒好事者以鐵鑄老君像置其中山峻險不能舉以上眾莫知所計忽有青衣人自山下來遂昇上之茶陵志

雲陽子閩中人卽州守林君紹用也爲茶陵守時方弱冠赴任之三日郡謁士大夫道經雲陽山下忽輿中見二力士中道迎謁意惡之引佩刀相擊遂自斷其喉昇至署中謂僚佐曰吾雲陽仙子也有過謫人世今數已滿吾將返雲陽耳言畢而歿其家人於書篋中得石印一顆文曰雲陽子乃業鉛槧時所鐫以是信其前定後有扶乩者仙子屢降後立祠祀於雲陽山巔茶陵志

彭學本萬曆時以糧務繫府獄值大旱太守禱雨不應學本言

於獄吏曰太守若用我禱能致雨獄吏白於守召之曰汝能致
 兩神與我見乎曰能當假公座一刻即登座運掌心雷法堂上
 雷聲吼然俄而陰雲蔽暑有神見一足鞞長丈餘其大彌墀隨
 登臺披髮約三日後大雨至日果驗臨雨有妖虹互天學本手
 劍斬之西向擲劍去後於長壽堰拾得焉澧州志
 教諭姜子萬孫女每晨盥見盆內有掌扇影或夜坐見天上人
 誓修清潔其兄強之適人後歸甯忽夜卒焚其尸烈燄中有一
 蝶飛去燼骨內得石子數十枚杵之不散或者以為謫仙安化志
 易煥樗遇仙橋仙濟亭記云柳賢舉業治病哽不食者累日矣
 歸過烏塘遇癩叟鬚髮隆臂赤足科頭敝襟短襦柳詢姓字
 答以乞人行且語謂曰若病噎耶吾能治之柳喜邀與俱歸叟
 曰無庸至彼橋上可也因折行至橋命出百錢錯綜布橋端起
 囊中銀杯注藥醪田水令服服訖如寐覺則身臥錢上叟已渺
 矣起納錢歸病若失且健飯人驚其異僉以遇者為仙又黃起
 貴酬塘人患廢躄掌據地暴面醫行丐里市忽蹀躞市中類尋
 常人見之交愕詰之不言固問乃曰昨歲除行遇老人藍縷曳
 杖立橋畔問予癱也止授丸藥曰服此必痊無為他人告也歸
 臥兩日行即堪步履矣柳事在嘉慶二十五年四月十七日黃
 事在道光二年正月二日湘陰圖志
 晉書曹毗傳曰毗為太學博士時桂陽張碩為神女杜蘭香所

降因以二篇詩嘲之並續蘭香歌十篇甚有文彩杜蘭香洞庭
 漁家女父漁聞號聲四顧無人惟三歲女子在岸憐而舉之十
 餘歲天姿奇麗忽有青童自空而下集其家攜女去臨昇謂其
 父曰我仙女杜蘭香也有過謫人間會期有限今去矣其後降
 張碩家授以舉形飛仙之術碩仙去漁父亦學道不食後不知
 所之仙傳作包山張碩誤以洞庭為震澤耳毗字輔佐譙國人
 官至光祿勳所著文筆十五卷唐咸通時桂州曹唐字堯賓有
 玉女杜蘭香下嫁於張碩詩曰天上人間兩渺茫不知誰識杜
 蘭香來經玉樹三山遠去隔銀河一水長怨入清塵愁錦瑟酒
 傾元露醉瑤觴遺情更說何珍重壁破雲鬟金鳳皇桂陽志
 南城陳光道字不矜宋嘉祐進士自桂林罷官歸過洞庭夢綵
 衣童子言是洞庭龍子奉命告君勿食蒜韭及犬三年當有所
 遇及期六月如商州宿藍田驛夢向童子執節來曰仙子候君
 道以行峻巖峭壁以節扣之聞鏗然擊鎖聲入內棟宇華煥金
 碧絢赫進抵中堂見一女方笄姿標綽憑几寫書顧客至喜延
 對席談說如雲陳乘閒調之曰獨居無悶乎對曰神聖無悶既
 而置酒同飲人間方酷暑陳但覺清涼如秋深因言吾本禁員
 外女名嬉字清娘小名次心幼時善秦箏母更字曰箏娘君仙
 才也得與君遇幸矣因出白玉版授之請曰君既游方外不可
 無紀陳遂成十絕句寫畢復飲歡洽終宵曾不及亂女命侍兒

以簫度離騷之曲曲終而寤夷堅志

劉商少游湘中秋月方皎見一盞水輿中有七八女郎若爲呼
盧戲其具俱希世寶前有紅熾擊以金盤商駭訝問舟中語曰
紫陽真人昨給劉商黃精二斤乃玉帝餌餘食之爲地仙一女
子曰此人不遠可邀致之商聞呼即登舟一女子命侍兒楊孟
珠斟雲母漿飲商一女子笑曰此人不固者無丹元氣耳因曰
慎自精修去爾貪忍靈餌漸近天爵宜修送至岸商覘之直至
舜妃廟側落帆黎明廟中得已賦詩句後果得至人遺精服餌

樹萱

乾隆丙申八月粵西清湘諸少年扶乩於湘山精舍一女仙降
壇賦一律曰裙布荆釵尚有家可憐隨宦喪天涯湘春門外波
千頃洗鉢崖前路幾又怪石空留寒月掛青山長伴夕陽斜風
皇臺上難迴首何劫能開並蒂花叩厥姓氏自言蜀女吳氏小
字碧蓮年及笄隨父任之全未字而歿葬於湘山洗鉢巖前與
此爲鄰詞甚悽惋見者異之清湘俞明府爲作傳一時題詠甚
多號吟壇佳話湖南謝太史振定云粵峯縹緲橫青天湘水冷
泠悽鳴絃巫峯千里雲綿綿靈風夢雨來飛仙驚沙走筆何廟
翩吟魂杳杳凌蒼煙自云埋玉湘江邊東風何處思華年怨魄
天涯悲杜鵑二十三絲驚四筵有客臨清懷芳荃青山怪石意
拳拳碧招幽香撫遺編曹娥碑冷鮫綃傳琵琶聲斷紅珠漣珊

瑚鐵網迷重洲他時銀管貞珉鐫置身玉鼎秋華頭我生弔古
沅江孺美人芳草遺真詮飲飲東海呼成連萍蹤迢迢幽絲聯
詞壇百戰供清研讀君佳傳清且妍碧城迢遞哀嬋娟閣筆浩
歎迴雲軒翔風淒冷吹歸船漫空雪點飄花牋我醉長歌君叩
船回首春山空惘然錦里新編

天授時清河張鎰因官家於衡州無子有女倩娘端麗絕倫鎰
外甥太原王宙幼聽悟美容範鎰器之曰他日當以倩娘妻之
後各長成常私感想於夢寐嗣有寶篋之選者求之鎰許焉倩
娘聞而鬱悒宙亦恚憾鎰厚遺之宙含憤登舟夜半不寐忽聞
岸上有人行甚速須臾至船乃倩娘宙驚喜問其從來曰與君
寢夢相感是以亡命來奔宙遂倍道至蜀凡五年生二子與鎰
絕信女思父母常涕泣宙與俱歸至家首謝其事鎰曰倩娘病
在閨中數年何其詭說也宙曰見在舟中鎰使人驗之見倩娘
顏色怡暢鎰即命與至室中病女聞喜而起飾妝更衣笑而不
言出與相迎翕然合爲一體後二子孝廉擢第羅魂
垂拱中駕在上陽宮太學進士鄭生晨發銅蛇里乘曉月度洛
橋橋下有哭聲甚哀生下馬察之見一豔女翳然蒙袂曰孤養
於兄嫂嫂惡苦我今欲赴水故爾哀須臾生曰能隨我歸乎應
曰婢御無悔遂載以歸號曰汜人能誦楚辭九歌招魂九辨之
書亦嘗擬辭賦爲怨歌其詞豔麗因撰風光詞曰隆往秀兮昭

盛時播蕪綠兮淑華歸故室莫與處焉兮潛重房以飾妾見烟
 愁之韶華兮蒙長露以為離醉容光兮渺渺淵淵遠千里兮酒
 煙眉晨陶陶兮莫熙熙無姝娜之禮條兮媿盈盈以披運隣遊
 顏兮倡曼卉般流倚電兮髮隨旄生居貧汜人嘗出輕綰一端
 賣之有胡人酬以千金歲餘生將遊長安是夕謂生曰我湖中
 鮫室之妹謫而從君今歲滿當與君訣留之不可去後十餘年
 生兄為岳州刺史會上巳日與家徒登岳陽樓望鄂渚張宴樂
 酣生愁思吟曰情無限兮蕩洋洋懷佳期兮屬三湘聲未終有
 畫舫浮漾而來中為綵樓高百尺其上帷帳簾櫳彈絃鼓吹內
 有一女起舞含暈怨慕形似汜人舞而歌曰沂青春兮江之隅
 拖湖波兮裊綵裾意拳拳兮情莫舒匪同歸兮將焉如舞畢歛
 袖索然須臾風濤奔怒遂不知所往異聞

福清諸生韓夢雲投徒於邑之藍田偶過石湖嶺見遺幣哀而
 掩之是夕有麗人來謝掩幣之事問其家曰妾楚人也姓王名
 玉英一作秋英宋德祐間父為閩守將兵禦元戰歿妾亦同死
 嶺下一作入閩妾從在遇寇石湖山投崖而死今與君遇夙緣也遂
 薦枕席亡何生一子女曰兒受陽氣淺未可遽令人見乃抱兒
 歸湘潭棄之河旁書衣帶閒曰十八年後當來歸湘潭有黃公
 者富而無子拾之名曰鶴齡黃旋生二子曰鶴算二齡共習舉
 子業頗有聲二子皆授室獨鶴齡泥衣中語未決然已攜金四

十委禽於其里人易氏矣久之女謂韓曰兒生已符衣帶之期
 可往視之韓遂往湘潭訪黃得之乃更韓姓女能詩落筆皆有
 理致其冬日寄韓生詩云朔風震撼似瀟湘滿樹歸鴉噪夕陽
 不見王孫停駟馬惟聞牧豎喚牛羊荒山野水悲長夜懶鬢疏
 容怯凍霜漠漠陰雲愁黯黯幾時相對一爐香又歸楚畱別詩
 云兩年歡會夢魂中聚散人間似轉蓬歲月無情催去燕關河
 有信寄來鴻劍沈延浦光終合瑟鼓湘靈調自工他日扁舟尋
 舊約夕陽疏影楚雲東又憶生三絕云洞裏仙人路不遙洞庭
 煙雨畫瀟瀟莫教吹笛城頭閣尚有銷魂烏鵲橋莫訝鴛鴦會
 有綠桃花結子已千年塵心不釋藍橋路信是蓬萊有謫仙朝
 莫雲騖關楚關青鸞信不斷塵寰乍逢仙侶拋桃杖笑我清波
 照秀髮耳談 以上仙女

西晉永興年中長沙城河陸地生青蓮兩朵官司掘得一瓦棺
 開見一僧形貌儼然其花從舌根頂顯生出父老曰昔有一僧
 誦法華經萬餘卷臨終葬以瓦棺搜神

周平國判鼎州於紹熙壬子重陽日題詩刻石德山詩曰因念
 叢林宛如舊當年有願幾時還自注周金剛曾有願云塔高三
 寸再為來今果高一寸餘矣若非願力安能及此此語甚奇公
 豈怪語者邪明時榮藩初封至德山鍾鼓自鳴寺僧驚謂金剛
 再來王急掃塔以袖拂碣認之則已先有自將衣袖掃灰塵之

句爲歎息移時斯又奇也又傳潭底白龍化老翁數參周金剛
周亦時時至龍宮與龍弈一日睹龍宮壯麗心偶動龍已知之
曰五百年後還君此樂其後榮藩果應此語因果輪迴在金剛
猶不免邪武陵舊事

閱微草堂筆記載宛平何華峯官寶慶同知時山行疲困望水
際一草庵投之暫憩榜曰孤松庵門聯云白鳥多情留我住青
山無語看人忙有老僧應門延入具茗頗香潔而落落無賓主
意室三楹亦甚朴野中懸畫佛一軸有八分書題曰半夜鐘聲
寂滿庭風露清琉璃青黯黯靜坐古先生不署姓名印章亦模
糊不辨旁一聯曰花幽防引蝶雲懶法隨風亦不題款指問師
自題耶漠然不應以手指耳而已歸途再過其地則波光嵐影
四顧蕭然不見向庵所在從人記遺煙筒一枚尋之尚在老柏
下竟不知是佛祖是鬼魅也英水錄聞
王鞏湘山無量壽佛碑略云全州湘山祖師者姓周名全真郴
縣人也幼負超然之志出家受具足戒年十六參徑山道欽妙
契佛乘不數年道成後遊羅浮還郴繼走衡陽來茲湘山分身
揚化莫紀其數永州太守韋氏辨齋爲供遣使走迓師令先還
朔辰使未返命師已至矣至則四門關吏互報其入守出導迎
合爲一體其神異大概類是廣西通志
夾山本僧善會道場世傳善會未入山時荒谷無人有周野人

者廬於其中貌極獷惡人至輒食之師入求宿野人外出其妹
云公速去吾兄食人善會云不妨有頃野人歸欲加害師以水
喫之遂粘壁不得脫野人告哀求釋師令回心野人歸命遂釋
之今爲夾山伽藍尙有塑像在去此數里許紫和山有紫金娘
娘其妹也澧州志

岳州廟有一竈甚靈遠近祭祀一僧杖敲三下咄云只是泥土
合成聖從何來又打三下竈乃墮落須臾一青衣人拜僧曰我
是竈神久受業報蒙師說無生法得脫此處特來致謝僧因號
破竈和神見聞錄

澧州守道蘇參議賈言荆有僧故江南人澧境有揭家河界中
苦旱僧自言能行雨眾延之祈數日不效乃絕食欲積薪自焚
土人恐扶之去僧曰姑留得雨即行矣土人不可臨行日月望
日必雨我雖去請雷一驗是日當大雨尺餘雷始發必先擊某
大樹方爲我所請否則非我功也至十五日果大雨盈尺雷果
擊此樹如僧言眾始神之雨竟雷伯雷母不能去或焚牛牢或
燒民舍轟聲走繞不休眾大懼奔至州復延此僧遣雷雷乃去

濟行紀程
蓮堂寺觀音素著靈異近寺側有錫礦掘窟深十餘里猶進不
止一日約三千人盡入掘礦前故距大河忽有女子見水上袒
肩跌坐光豔若朝霞姿容絕世於是三千人競出城觀俄而礦

崩窟壅而女子亦不見羣謂菩薩化身顯靈不然三千人皆生瘞矣未陽縣志

縣署左有真武殿鑄像屢不成忽一道士至云如我像鑄之當成乃披髮跌坐於側令工睇視之一鑄遂成宛然曲肖俄失道士所在故昔人有顯靈在武當真像在未陽之謠未陽縣志僧慧勇姓譚渥田人幼出家得佛氏旨一日自方丈回母見其羸以雞黍食之勇弗逆也既食往前溪剖其腹出腸而淨之人呼其溪曰淨溪以思大禪師在淨福寺往依焉後母喪勇誦華嚴經薦之有金甲神現而前曰聞君誦經特來聽受勇曰母今安在神曰已生天矣勇曰汝有何能神曰惟師所命勇曰寺前灘聲聒耳如何神曰甚易回頭喝之灘下五里茶陵州志嘉慶四年四月有僧居蓬崗新寨庵一日有三頭陀來寺僧款之甚恭止宿一室數夜僧具茗招談叩戶寂無人聲窺之但見鏡光熒熒而已僧疑之及曉頭陀復自室中出他日竊探其被中有毛一撮長數寸僧持示人或曰此虎毛也僧大懼一日頭陀謂僧曰子知我乎吾虎神也天帝命我收此地孽人畜子亦在所噬中以子待我厚故不忍早噬耳出一簿示之皆載所被噬之名己名亦在列僧乃叩頭求免頭陀曰此劫數也吾不能以私廢公法僧益堅求頭陀徘徊久之願僧曰吾噬人畜必以血塗其名然後可復上帝命吾縱不噬子不可不以子血塗子

名也乃命僧脫衣咬其肩取血塗冊上名遂化虎吼而去嘉慶府志

湖南通志卷末之八

湖南通志卷末之九

雜志九 述異三

南平國今澧州蠻兵義熙初隨眾來姑熟便有鬼附之聲叻叻細長或在簷宇之際或在庭樹上若占吉凶輒先索琵琶隨彈而

言於時

郡尉予為國郎中親領此上荆州俗語云是老鼠所作名曰鬼侯

志 隆安初陳郡殷氏為臨湘令縣中一鬼長三丈餘肢上屋猶垂

脚至地殷入便來命之每搖屏風動窗戶病轉甚其弟觀亦見

恆拔刀在側與言爭語云勿為罵我當打汝口破鬼忽隱形打

口流血後遂嗚偏成殘廢人

晉新楚庾紹之小字道覆湘東太守與南陽宗協中表昆弟情

好綢繆紹之元興末病亡義熙中忽見形詣協形貌衣服具如平

生而兩脚著械既至脫械置地而坐協問何由得來顧答云暫

蒙假歸與卿親好故相過也協問鬼神之事言輒漫略不甚諧

對唯云宜勤精進不可殺生若不能都斷可勿宰牛肉食之時

勿暗物心協云五藏與肉乃有異邪答曰心者藏神之宅也其

罪尤重具問親戚因談世事末復求酒協時與某奠酒因為設

之酒至杯不飲云有某奠氣協曰為惡邪答曰下官皆畏非獨

我也紹之為人語聲高壯比言論時不異恆日有頃協見窺之

來紹聞展聲極有懼色謂協曰生氣見陵不復得佳與卿三年

別耳因貫械而起出戶便滅協後為正員郎果三年而卒

岳州刺史李俊舉進士連不中第貞元二年有故人國子祭酒

包信者通於主司援成之榜前一日當以名聞執政初五更俊

將候信里門未開立馬門側旁有賣糕者其氣蠱蠱有一吏若

外郡之郵檄者小囊鴉帽坐於其側頗有欲糕之色俊為買而

食之客甚喜哈數片俄里門開眾竟去客獨附俊馬曰願請問

俊下聽之曰某乃冥之吏送進士名者君非其徒邪俊曰然曰

送堂之榜在此可自尋之因出視俊無名垂泣曰苦心筆硯二

十餘年借計者亦十年今復無名豈終無成乎曰君之成名在

十年之外祿位甚盛今欲求之亦非難但於本祿耗半且多屯

剝纒獲一郡如何俊曰所求者名名得足矣客曰能行少賂於

冥吏即於此取其同姓者易其名可乎俊曰幾何曰陰錢二萬

貫某感恩而以誠告其錢非某敢取將遺贖吏來日午時送可

也復授筆使俊自注上有故太子少師李夷簡名俊欲指之客

遽曰不可此人祿重未易動也又其下有李温名客曰可矣乃

指去温字注俊字客遽卷而行曰無違約及榜出俊名果在前

所指處然筮仕之後追勘貶降不絕於道才得岳州刺史未幾

而終錄元柳及河南人貞元中進士家於澧陽嘗客游至南海元帥以其

父有名於搢紳士林父名殊俾假掾於廣未幾娶會長岑氏之
 女生一男名甌甌及以親老還家不克迎候乃攜妻子歸甯於
 澧陽後以家給不足單車重游南中至則假邑於蒙再娶沈氏
 會公事之郡獨沈氏與母孫氏在縣解時當秋夜天晴月皎忽
 於牖中見一小兒手招沈氏曰無懼某幾郎子也告說事狀沈
 氏以告其母母乃問是何人有何所請答曰某甌甌也自去年
 七月身死故來辭別凡人天逝未滿七歲者以生時未有罪狀
 不受業報縱使未即託生多為天曹權錄驅使某使當執役但
 送文書來往地府耳天曹記人善惡每月一送地府其間有暇
 亦得閒行俄及歸沈氏具告及固不信其夕即又於牖間招及
 知非他鬼乃獻歎涕泗因詢其天橫之由答曰去年七月中戲
 弄遂得痢疾醫藥不效以至於此亦命也今為天曹收役亦未
 有託生之期及曰汝既屬冥司即人先定之事可知也試為吾
 驗窮達性命亦來相告諾之後夕至曰冥間有一大城貴賤等
 級咸有本位若暮布焉世人將死或半年或數月內既先於城
 中呼其名時甌甌已聞呼父名也輒給而對既而私謂沈氏曰
 翁之名已被呼矣非久在人閒他日有人求娶沈氏者慎勿許
 之若有姓周職在軍門者可許後四月及果卒沈氏葬泊南
 海有求納者輒不就後有長沙小將姓周者部本郡錢帛貨買
 於廣州求娶沈氏一言而許之至今在焉平昌孟洪徵與及相

識具錄其事唐鍾輅前定錄
 梁璟者開元中自長沙將舉孝廉途次舍館亭中時八月十五
 夕天雨晴霽風月高朗璟偃而不寐至夜半忽見三丈夫衣冠
 甚古皆被朱絲徐步而來至庭中且吟且賞從者數人璟心知
 其鬼也然素有膽氣因降階揖之三人亦無懼色自稱蕭中郎
 王步兵諸葛長史即命席坐庭中曰不意良夜遇君於此因呼
 其僮曰玉山取酒酒至環席遞酌已而王步兵曰值此好風月
 況嘉賓在席不可無詩也因舉題聯句以詠秋月步兵即首為
 之曰秋月圓如鏡蕭中郎曰秋風利似刀璟曰秋雲輕比絮次
 至諸葛長史默然久之二人促曰幸以拙速為事長史沈吟又
 食頃乃曰秋草細同毛二人皆笑曰拙則拙矣何乃遲乎長史
 曰此中郎過耳為僻韻而滯捷才既而中郎又曰良會不可無
 酒佐命玉山召蕙娘來玉山去頃有一美人解衣自門步來笑
 而拜坐客諸葛長史戲謂女郎曰自赴中郎召耳與吾何事美
 人曰安知不為眾人來步兵曰欲自明無如歌以送長史酒蕙娘
 起曰願歌鳳樓之曲即歌之清吟怨慕環聽之忘倦久而歌闌
 中郎又歌曲既終曰山光漸明願更綴一篇以盡歡也即曰山
 樹高高影步兵曰山花寂寂香因指長史曰向者僻韻信中郎
 過今願續此以觀捷才耳長史應曰山天遙歷歷一坐大笑遲
 不如速而且拙捷才如是邪長史色不能平次至璟曰山水急

湯湯中郎泛言賞之乃問環曰君非舉進士者乎環曰將舉孝
麻科中郎笑曰孝廉安知為詩哉環因怒叱之長史亦奮袂而
起坐客驚散俄失所在而杯盤亦無見矣環自是被疾恍惚往
往夢中郎步兵兵來心甚惡之後至長安遇術士李生辟鬼符佩
之遂絕也宣室志

零陵太守趙子元出行見一女子年可十五姿容甚美子元詰
之答以寄居城外詰以能製衣否答曰能乃使人宅中每作一
衣與錢百文往來凡三年大小懸之或多與之錢一日來辭云
明日必歸鄉里不復來矣子元乃與金鑷子一枚金釵一隻細
絹二疋使人送之城外行數里倏不見送者怪而跡之約二百
餘步有一家訪之近鄰云是一女子墓不旬日其父母來取女
屍歸葬開棺改殮見銅錢及金釵金鑷細絹諸物甚異之太守
方知製衣女子之為鬼也搜神記

武陵充縣婦人李娥年六十卒埋城外已十四日比舍有蔡仲
者謂娥富殯當有金寶乃盜發家聞娥於棺中言曰蔡仲汝護
我頭仲驚遁為縣吏所執法當棄世武陵太守聞娥復生召問
狀娥曰為司命所召過西都見外兄劉伯文語以誤為所召今
得遣歸既不知道不能獨行為我得一伴否又我在此已十餘
日形體為家人所葬那得自出伯文遣門卒與屍曹相問答曰
武陵西界有男子李黑亦得遣還便可為伴兼敕黑過蔡仲使

發出娥於是娥與伯文別伯文曰書一封以與兒佗娥遂與黑
俱歸太守聞之乃表以為蔡仲雖發冢為鬼神所使宜加寬宥
詔書報可太守遣馬吏於西界推問李黑得之與娥語協乃致
伯文書與佗佗識其紙是父亡時送箱中文書而書不可曉乃
請費長房讀之曰告佗我從府君出案行部當以八月八日日
中時武陵城南溝水畔頓汝是時必往到期待之果至但問人
馬隱隱語溝水有呼聲曰汝得我所寄李娥書邪死生異路不
能數得汝消息來春大病與此一丸藥以塗門戶則辟妖厲矣
言訖忽去來春武陵果大病白日見鬼惟伯文之家鬼不敢向
費長房視丸藥曰此方相腦也搜神記

山人劉方元自漢南抵巴陵宿江岸古館之廳其西有芭蕉所
隔又有一廳常扇鏤云有怪物使客不安已數十年不開矣中
間廳廊崩摧州司完葺至新淨而無人敢入其夜方元都不知
之至二更後月色滿庭江山清寂聞廳西有家口語言嘯詠之
聲殆不多辨惟一老青衣語聲稍重而帶秦音者言曰往年阿
郎貶官時令老身常騎偏面騾抱阿荆郎阿荆郎嬌不肯穩坐
或偏於左或偏於右墜損老身左膊至今天欲陰時使我患酸
痛今又發矣明日必大雨如今阿荆郎官高也不知道有老身
無復聞有相應答者俄而有歌音者歌清細若曳緒之不絕復
有吟詩者吟聲切切如含酸和淚之詞幽音良久亦不可辨久

而老青衣又云昔日阿荆郎愛念青青河畔草今日亦頗謂縣
縣思遠道也僅四更不聞其聲明日果大雨呼館吏訊之吏云
此西廳空更無人方言此中賓客不曾敢入之由方元因請開
院視之則秋草滿地蒼苔沒階中院之西則連山林無人跡也
啟其廳新淨了無所有惟柱上有詩一首墨色尚新其詞曰爺
娘送我青楓根不記青楓幾回落當時手刺衣上花今日為灰
不堪著視其書則鬼之詩也館吏云此廳成來不曾有人入亦
迴無此題詩處乃知夜來人也復以此訪於人終不能知其由
來耳博異記

番禺鄭僕射嘗游湘中宿於驛樓夜遇女子誦詩曰紅樹醉秋
色碧溪鳴夜絃佳期不可再風雨杳如年頃刻不見樹萱錄

釋令超遊南嶽將至祝融峯遇赤幘紫衣人同憩道側超問其
所之因密語曰我豈人也凡舉子入試天命俊鬼三番護之欲
以振發其聰明其中為名第及時運未偶者則無所護衛君以

一第為兒戲邪我即其數也隸蓬萊下宮西臺此來南嶽關會
一人陰德增減耳清異錄

袁州瀘蕭市之東有銀匠姓郭年三十餘隻身獨處市西有把
賣嫗常詣郭買賣釵環之屬嫗女年十五六一夕奔郭曰願為

君妻郭駭之女曰妾慕君久矣適祥死母殮我於棺中妾啟而
出復掩之母將空棺瘞之矣不復我索也郭置之密室月餘母

偶闕郭亡窺其室見女所殮紅履在焉推戶取之呼告鄰里曰
郭某盜開女墳郭歸鄰告之故大駭女曰母卒至即避之忘收
履焉我姑避之君勿慮也女去郭遂逃往潭州行數十里女亦
追至同至潭州久之囊竭女曰妾善歌宮調當有賞音遂開場
於平里坊下歌聲遏雲觀者如堵日數百券豪門爭延致之一
日有鬚角道人身長九尺撫郭背曰千萬人觀此鬼傀郭悟
挽之僻處拜求濟度道人令祝之東嶽廟郭詣廟拜至二更見
急走枷鎖女至東嶽後宮忽仆地則一死屍乃知鬼投女屍也
遂傾資修廟以贖女罪厚禮焚殯之夜夢女感謝泣別而去異錄

淄州人田穀姪女嫁攸縣劉郎中之子劉下世數年田氏病瘵
僕至衡山招表姪張敏中欲託以後事未克往而田不起初田

有兄娶衡山廖氏女女死又娶其妹兒亦亡獨後嫂在乃與敏
中同往弔寓於張故居沒山閣時隆興甲申冬也是夕廖嫂暴

心痛醫療小愈過夜半欲起坐語言不倫張往省候則其姊憑
焉咄咄責妹曰何處無婚姻必欲與我共一壻死又不設位祀

我使我歲時無所依非相率同歸不可張諫曉之曰皆是田叔
所為非今媿過既一家姊妹甯忍如此少頃忽拱手曰叔翁葛

稚子也皆亡矣蓋羣鬼滿室左右盡悚俄頃聞自變貌作田氏

音聲願張曰知縣其為姑來姑前生有欲言者今當具以告邀使稍前歷道始死時夫兄侵牟及婢妾竊攘事主名物色的的不差且屬立所養次子為劉氏後復切切屏語似不欲他人預聞良久灑淚曰我無大罪惡不墮地獄道中但受生有程未能便超脫耳嗚咽而去方附著時廖氏眼頰笑渦及十指纖長全如田姑在生容貌如是繼日來訖於廖歸明年春將附於劉塋張與廖送葬宿其家次方寒雨淒淒松風簞響皆悻怖意廖復為所憑張謙之曰必是野怪假託若真田三姑何為容貌不與去冬等隨聲而變宛然不少異申言曩事丁甯委曲然後已迨廖氏還家又來請有禱於張旁人口張知縣居不遠盍徑往白之曰宅龍遮我欲入不能後一年廖卒始絕鬼附生人多矣獨能形狀如之為可怪也異聞錄

浙人張端叔其父為鎮遠府曾泛洞庭舟覆溺死二僕越二十一年復游洞庭夜夢其僕二人偕至云某為洞庭君使者聞主人至故來候但連日應大風惟某日某刻可渡至期當趨送及期風稍定見檣上有二鳥對船中叫噪張怪之仰面呼曰汝是某某否二鳥作答狀又曰既係某某可飛集余几果翔而下與之食輒飲啖因促舟師放船食頃已達岸其二鳥猶盤旋不去再三諭之哀號飛去復還者數四若不勝其悲感者然述異記

益陽曾欽掾家於廬山下遂號廬山子為人正直好施既沒之

八年其子德泗病篤一日復強起衣冠出大門揖云大人幸臨入門作怪馬狀設上席呼家人羅拜具酒食尋云大人賜我藥取梳注水飲訖碎梳於庭藥氣達於戶庭日暮忽出深揖還就寢氣絕移時乃甦云大人示我某日愈果然述異記

桂陽人李經與朱平帶鼓逐馬行百餘步忽見一鬼長丈餘止之曰李經有命豈可殺之無為必傷汝手平乘醉直往經家鬼亦隨之平既見經方欲奮刃忽屹然不動如被執縛果傷左手指焉遂立庭間至暮乃醒而去鬼曰我先語汝云何不從言終而滅幽明錄

衡陽太守王矩為廣州矩至長沙見一人長丈餘著白布單衣將奏在岸上呼矩奴子過我矩皆奏為杜靈之人船共語稱敘希闕矩問君京兆人何時發來答矩朝發矩怪問之杜曰天上京兆身是鬼見使來詣君耳矩大懼因求紙筆曰君必不解天上書乃更作折卷之從矩求一小箱盛之封付矩曰君今無開比到廣州可視耳矩到數月悒悒乃開視書云令召王矩為左司命主簿矩意大惡因疾卒太平廣記引幽明錄

長沙王思規為海鹽令忽見一吏思規問是誰吏云命召君為主簿因出板置牀前吏又曰期限長遠在十月若不信我到七月十五日中時視天上當有所見思規救家人至期看天聞有哭聲空中見人垂旒羅列狀如送葬異記

郭家睽車志衡嶽劉先生香山行遇雨視道旁一冢有穴遂入以避會暮雨止月明見北壁白骨一具近視之白骨倏起抱劉劉極力擊之乃零落墜地不復動矣劉與人談此此非怪也劉真氣壯足以翕附枯骨耳令兒童拔雞羽置懷以手指上下引之隨應羽折斷即不應亦此意也餘冬錄

龍氏農家婦也夫馬簡元貧情客游不返氏年二十四有一子操作養姑姑愛之歷二十年姑病且死謂婦曰吾與汝久居不忍別死必為飛鳥以伴汝視有朱趾綠羽者則我至矣於是姑歿既葬一日居室中有鳥入窗投懷鳴聲啾啾龍氏悟姑言泣曰姑果歸邪鳥若頷首遂日供以米月餘婦獨念心動祝鳥曰姑伴我甚善然以兒故使姑不能去又為異物兒罪大矣姑雖伴兒兒每念心常怖悻非所以安幽明也言時涕泣不能仰鳥亦悲鳴回翔頃之振翼去衡陽縣志

鬼孝子者衡陽王尚樸也從父徙居新化之高平家絕貧孝子幼即竭力以養未嘗與羣兒戲也未幾父卒益無以為生有所親賢於瀛者孝子請於母偕之往至則習竹工為人製器堅良倍羣匠人爭買之歲時以備值寄母將歸忽遭疾死母聞慟甚一夕夜分聞叩門聲母知為孝子驚出啟門泣曰兒鬼耶孝子答曰兒死後念母得請歸養大人自是母利其奉養之勤竟忘其子之非人也方孝子初歸人間之第於戶內酬答不見形影

後漸與人相習居數年以所蓄為母購棺一日徧辭諸鄉鄰以老母身後託音甚哀楚聞者皆泣下已詣母辭曰兒去矣慟哭而別母悲鬱不食七日卒蓋又聞孝子臨去時預為母留七日糧云鄧瑤忠孝子傳

湘湖有大校周請者居常與同門生姻好最厚每以時人不能理家致不肖子爭財紛詬列於訟庭慨此為鑑乃相約曰吾徒他年勿違其轍倘有不諱先須區分俾其不露醜惡貽責後人也他日同門生奉職襄陽一夕周校夢見揮霍告訴曰姨夫姨夫某前言已乖今為異物矣昨在通衢急風所中已至不救但念家事今且歸來略要處理周校急然驚覺通夕不寐寢明抵其家說之家人亦夢不旬日凶問至矣自是傳靈語均財產戒子辭妻言善意勤始一月而去不復再來北華瑣言

宋袁炳字叔煥陳郡人泰始末為臨湘令亡後積年友人司馬遜於將曉聞如夢見炳來陳敘別訊問安否既而謂遜曰吾等平生立意著論常言生為馳役死為休息今日始知定不然矣恆患在世有人務馳求金幣共相贈遺爾途此事亦復如之遜問罪福應報定復何如炳曰於我舊見與經教所說不盡符同將是聖人抑引之談耳如今所見善惡大科略不異也然殺生固最為重禁慎不可犯也往返可數百語辭去遜下牀送之暗見炳脚間有光可尺許亦足照其兩足餘地猶皆備云真祥記

辰州淑浦縣西四十里有鬼葬山黃閣沅州記云其中巖有棺木遙望可長十餘丈謂鬼葬之墟故老云鬼造此棺七日晝昏惟聞斧鑿聲人家不覺失器物刀斧七日霽所失之物悉還其主鎚斧皆有肥膩腥臊見此棺儼然橫據巖畔記

新化李玉蓉殉夫死後降神於湘鄉彭宅詩云諧得笙簧數十月傷哉夫子遭離別梅城千古頌清操一點丹心凝白雪是夕為九月初八又書云金風飄綠柳玉露燦黃花擬作登高賦明朝笑孟嘉事與陳岐陽大使錫周同大使死後降乩於長沙士人家自序生平出處甚悉其族有紹周者生時與之密就問之乩答多為外人所不知者此事郡人前輩皆能言之亦一奇也

府志新甯唐子華明洪武中任工部主事卒葬新塞邨西山坪後人失其墓之所在乾隆間忽降神於其十二代孫紹華華初識詩書非能文之士乃援筆濡墨作五百餘字疾若風雨詞句古雅且所言多明初時事尤非後人所能偽造大意嚴戒子孫浮薄勸令讀書為善文見唐氏族譜因叩求墓地答在西山坪某處某山向試蹤蹟之果有子華墓碑斷埋土中三百餘年矣府志

成化中永州知府楊誠赴任途有永州太守來拜問其故云是新除楊疑之彼言各行其事無相妨也楊心知為城隍及抵郡泊舟其舟亦至彼此相拜如前吏卒不之見也在任每行香則

神遊於二門僚屬皆不見一日見廊下有婦懸一足問之神意羅三守之婦也天命譴責吾不敢違問何可解神言燒解冤結經千卷可也楊以告羅從之即愈人號打鬼楊佳話

歐古愚與莊冲虛學士同肄業寺中至夜分未寢窗外有人出對云半夜三更半莊逡巡未對歐應聲云中秋八月中秋窗外人笑曰一翰林乃不如進士二公愕然蓋神告以一功名定數也陶丙壽笙樓三蕉餘話子應童子試時偕一友僦居黃氏宅其前後左右地明藩殿基也宅鄰一廢園短垣隔之秋雨垣壞主人邀往遊觀棘刺攔帽長過人頭紫荊三五株為宮樹由壁假山半角頽臥地上小草數叢點綴石側幽華沁露泣不勝情主人因吟駱苑游詩友愛其永巷無人吹玉笛斷牆有鬼泣香囊句洛誦太息不已是夕友歸寢耿不成寐忽距牆外幾步有往還低唱者急起伏欄開諦聽得七絕句曰十五學吹笛高樓明月多清霜裂紫玉長罷踏雲歌暮鴉寒有聲風螢澹無影夢倚玉闌干卻愁羅袖冷梁稅珊瑚毀簾櫳翫拋可憐舊宮燕各處定新巢拾得後庭瓦片片鴛鴦偶飛去萬春池東西回首不省舊顏色弓鞋印井苔謾言儂善記粉鏡不將來太恨西風急新涼蚤晚加吹儂裙上蝶飛散作秋花勸客莫哦詩哦詩令儂苦星前一箇行石罅草蟲語節拍酸楚不可卒聞開戶即之餘音歷歷越垣而去遙望前徑陰慘逼人不敢尋而返促子醒

挑燈錄其詞明日告主人主人曰此不怪也每漏沈月黑園內
青燐如豆閃閃出但未聞一唱鮑家詩耳游因出詩詳說主人
曰萬春池吉王鑿即今大四方塘惟踏雲歌不審何典想是宮
中逸事也長沙縣志

順治七年庚寅巴陵市人見兩長人騎白馬渡江人爭目之飄
然而去莫知其異岳州府志

魯男字一男桃源選貢少孤為文高古尤工詩以黨錮沒於獄
著作散失順治十七年九月既望死已十三年矣忽一士人唐
巾道袍叩僧扉入烹茶坐談索紙筆作詩云黃葉落空際蛩聲
遽然止我來叩方丈燈輝白如水霜茗啜夜涼秋魄寄素紙嗚
咽不成聲肅肅若有情久為腐儒誤兜響不能生嗟哉佛榻懸
高燭日月光輝相吞浴人天一座獨正襟閑弄煙雲意自深願
藉梵唄破幻相鏡前花影鏡中身後注魯男題書畢僧轉盼遂
失所在舊志 案縣志載魯男死狀 賊之難事與此異詳人物門

某省一士子雪中過蘆溝橋憩小茶肆見壁開小軸題詩云騾
綱對對響銅鈴侵曉衝寒過驛亭我欲停鞭玩殘雪馬蹏忙踏
亂山青款識羅洋山人四字疑焉勒馬迴望竟不見有茶肆一
日遇紀曉蘭先生告之紀曰此近日湖南名士郭燦別號也君
未讀羅洋草乎善化縣志

湖南糧道署有崇子出輒作一夕憑病婢訴而求食子歸使人

賞以酒肉給以路引焚而遣之曰李楊氏汝失身於懦夫而斃
命於悍婦懦夫死歸悍婦生歸汝爾此何也豈死夫死妾猶長
生妻不敢相從抑吾土地之神誤騫廢汝耶人情有警思報有
家思歸汝不歸揚當往蜀此官舍非地獄也崇遂絕謝梅莊雜著

出湘春門外五里開福寺者馬希範會春園舊址也後有山曰
紫薇佳木蔭鬱虬枝攪擊旁有湖曰碧浪橋通湘水彌望皆荷
花菱芡乾隆開平大金川徵省兵會勦催辦火藥於寺之旁舍
火起焚斃多人嘉慶丙辰五穀苗未靖仍造藥其地一老僧夜
聞牆外鬼忽哭忽笑雖鐘聲不覺鐘曰幽明午起子止四時不
聞者也云昔有士人驅馬過天昏黑鬼出捉馬尾令不得行寺
內捕牢一吼鬼即一合掌拜馬可走數步及連撞十數杵士脫
身而去後因捐金令寺僧長叩馬遠是僧告典務者請停三日
然羽書馳促不容緩火果又起慘較前少殺而頭額焦爛活亦
眇矣長沙縣志 以上鬼

桂陽太守汝南李叔堅少時為從事在家狗人立行家言當殺
之叔堅云犬馬喻君子狗見人行效之何傷叔堅見縣令避解
冠榻上狗帶之走家大驚時復云誤觸冠冠纓挂著之耳狗於
窻前蓄火家益怔忡復云兒婢皆在田中狗助蓄火幸可不煩
鄰里此有何惡遂不肯殺復數日狗自斃死卒無繼并之異叔
堅辟太尉掾固陵長原武令終享大位風俗通

零陵太守史滿有女悅門下書佐乃密使侍婢取書佐盥手殘水飲之遂有妊已而生子至能行太守令抱兒出使求其父兒匍匐直入書佐懷中書佐推之仆地化為水窮問之具省前事遂以女妻書佐

搜神記

漢建安初華容有女子忽啼呼云有大喪言語過差縣尹以為妖繫獄百餘日忽於獄中哭曰劉荆州今日死矣華容去州數日即遣馬吏驗視表果死縣乃出之續又歌吟曰不意李立為貴人未幾曹操平荆州以掾李立建為荆州刺史

搜神記

零陵太守廣陵劉興道罷郡住齋中安牀在西壁下忽見東壁邊有一眼斯須之間便有四漸漸見多遂至滿室久乃消散不知所在又見牀前有頭髮從土中稍稍繁多見一頭面出奄忽自滅劉憂怖沈疾不起

續異記

唐開元中燉煌李鶴為邵州刺史挈家之任泛洞庭泊舟登岸因鼻血飀沙上江龍舐之幻為鵝形繫鵝於水中將其妻子抵任州人亦不能覺數載郡邑大旱召江西河沙道士葉靜祈禱靜能浮山赴水朝過洞庭忽見沙上繫一人詢之則鶴也具以狀對靜書符貼巨石上石即飛起空中毘方擁案晨衙為巨石所擊復其本形時張說為岳州刺史具奏送鶴補官今舟行相戒不憑鼻血於波中以此故也

獨異志

李適之既貴且豪常列鼎於前以具膳羞一旦庭中鼎躍出相

闕家僮告適之乃往其所酌酒自誓而闕亦不解鼎耳及足皆落明日適之罷知政事拜太子少保時人知其禍猶未止也俄為李林甫所陷貶宜春太守適之男鸞為衛尉少卿亦貶巴陵

郡別駕

明皇雜錄

唐進士趙顏於畫工處得輒障圖一婦人甚麗顏曰如何令生願納為妻畫工曰余神畫也此名真真呼其名百日晝夜不歇必應應則以百家採灰酒灌之即活顏如其言婦果下障言笑飲食如常逾年生一子其友曰此妖也余有神劍可斬之其夕真真泣曰妾南嶽仙也為人畫形君又見呼既不奪君願君復疑妾不可更住攜其子即上輒障嘔出前所飲百家酒觀其障惟添一子

松窗雜記

陳光問長沙人讀書靈巖山年近六十忽雙鶴舞鳴於庭友沈彬以為登雲兆後僧曹松五人登第時稱五老榜天復中歸居舊廬每月夜橫笛冷然有御風意一夕有美婦婆娑入其庭倚笛而歌折旋應節問知其為妖也吹笛自若曲罷引板與之因進擊焉其婦俯仰而去問從月夜遙識其所早起訪之則方氏宅也方言其家有老犬夜忽傷足犬見問至即自投水死

長沙縣志

方侯彥中以瀉熙十三年為武岡守一女年十許歲未適人驟得迷罔之疾厭厭困悴若醉夢中師巫祈禱考攝無所不至皆弗效母趙氏尤以為念其生朝在六月至是日彥中謂女星運

殃厄或當退舍家人正聚堂上舉酒俄一小梓從空際冉冉而下置於地眾爭往視乃一故漆梓一瓦瓶一泥杯三果櫟貯荔枝龍眼而瓶內物則穢濁也有牋紙小片書云勸小六娘子壽酒彥中不憚召僚吏道妖異本末曰身為民社主願遭淫厲玩侮如其為不職大矣欲上章丐辭官歸筠諸僚以為不可乃止後十餘日轉運使林黃中劾疏下罷去代者李大聲至訪其故或言郡圃大木下舊有祠宇廢徹五十年必其作崇於是即其處作之怪乃息衡陽曹進之時以永州東安主簿攝司理親見此事及梓瓶之屬云異聞錄

古層冢在武陵縣北一十五里二百步周迴五十步高三丈亡其姓名古老相傳云昔有開者見銅人數十枚張目視俄聞冢中擊鼓大叫竟不敢進後看冢上遺合如初朝州圖經

武陵郡有浮圖高數百尋下瞰大江人無敢登者有賈人朱峴女失所在尋之不獲一日雨霽郡民見浮圖上若有人立者峴聞往觀衣服甚肖己女即登取之果女也訊其故女曰向為一夜又挾至浮圖上初沈沈若甚醉者數日方稍寤夜又率以將曉則下取飲食一日俟其去覘之見其行里中遇白衣人輒退避及歸詰之夜又曰向者白衣人自少不食牛肉牛耕田為君民之本不食其肉上天所佑故我不敢近因默念吾人也去父母與異類為伍願終身不食牛肉三祝已夜又忽謂曰汝何為

有異志使我再不得近汝從此別矣遂去不知所之宜室志

吉水縣人張誠以乾道元年八月往潭州省親故次醴陵界投宿村墟客店主人一見如素交延接加禮夜具酒飯對席張謂無因而得此疑有他意辭以不能飲且長塗倦困遂就寢良久堂上燈燭照耀起而窺竊見主人具衣冠設茶酒拜禱於靈幃前聽其詞屢言張客知必以已祭鬼不敢復睡主人既退望幃像一神眼睛如蓋大雖料已墮惡境而無由可脫嘗聞大悲呪能辟邪平時誦息於是發心持念及數過觀大眼者自軸而下盤旋几上須臾有聲刺刺進作小眼無數其狀甚可畏乃閉目坐於牀誦呪愈力時聞敲戶擊搏欲入不能已而鴉噪天且明張亟走出不暇顧囊篋但聆店主聚哭無追逐者行二里少歇問途中來人則云彼店主翁中夜暴死徐叩其實蓋三世事妖鬼歲以一人祭之往過遺害不可勝舉其法若無外人則禍及家長斯其驗也夷堅志

湖南風俗淫祀尤熾多人祭鬼或村民負餞買人以祭或捉行路人以祭聞說有一寒士被捉縛諸廟柱半夜有大蛇張口欲食之其人識一呪只管念呪蛇不敢食漸漸退縮而去明早士人得脫訴諸官人以為呪之靈所至是不然凡虎獸等食人者多是挑之使神色變動方食神色不動則不敢食若此人者心自以為必死無可逃不復有懼死之念只一味靠著呪心全

在况上更無復有變動之色故蛇無由食之亦由虎不食潤邊

嬰兒之類非關况之謂也

陳北溪遺集

石首王珠琦丁元末紅巾之亂家族盡罹賊禍孑然一身奔走

於鼎澧之間逐獵為生獲一田犬一頭九耳奇而畜之每出獵

一耳動則獲禽獸一倍兩耳動則獲禽獸兩倍三耳四耳動則

獲禽獸如動數五六七八耳動者所獲盈庖無算至九耳齊動

則逐獸歷年從未一見俄一日九耳皆動心竊喜遂馳入山竟

日無所獲俄然而返經石塢犬竟奔其中見一石大如斗為之

迴環狂吠尾爪搖搖起伏僕僕始則石上薛苔搔之成痕久之

爪跡深寸許琦思石必奇珍負歸置神几間一夕風雨疾作迅

雷入室破其石一乳女在中呱呱而泣始以為不祥欲棄之又

不敢棄也鄉里觀者如堵遂聞之官官以為神物令哺之言笑

飲食無異尋常家處子鄰人以其怪異莫肯與之議婚及笄琦

遂配焉字曰雷氏温惠淑慎賢德內助若素嫻於師氏之訓者

後生子三俱鄉薦孫四俱登甲第至今屢葉相傳孫子繩繩號

為雷母其九世孫敬軒憶祖詩曰禍慘紅巾十八門春風何意

有兒孫澧陽奔命無高祖奇媾當年裕後昆高世泰母傳

辰州有射豬者入石室見老翁問何故射吾豬對以傷禾翁即

呼一童責之曰何不謹門令豬出射豬者問翁是何人童子答

曰此河上翁帝使為諸生講易我即王翹受易未通遂罰守門

錄怪 攸縣龍氏劉克虞妻年十七忽迷所在數日得之橫塘壘壘若

夢覺即屏食強使啜曰頃視喪殮多故耳飲之茶則溢然精神

充溢晝夜勤作息生二子蓋歷二十餘年不復憶諸一切食味

云攸縣志

東梁衝毛某操奇贏術攜貨至辰谿遺金而不知其處自後鐵

綫衝恆有蛇患行客持挺自衛毛復過之拾布包啟視所遺金

也蛇患始絕辰谿志

清泉雁峯下畫圖巷洪姓妻為狐所祟生一子狀若獼猴頭尖

身長三尺無胸膈渾淪如員木僅有左耳右目左鼻右手左足

手足指甲尖長如狐爪欲棄之狐空中言曰汝家豐裕賴此子

棄之使汝敗亡爰懼而乳之長飼以飯不知飢飽不能行走聞

亦跳躑其家以布絡之矢溺皆母提抱不能言語但呼叫若貓

聲見生人輒大叫惟母是依極畏犬生後其家畜犬無故死蓋

狐制之也此物閱三十餘年而後死狐亦絕跡湘湖誌

城隍廟神座左為雷火赫其壁焦黑中有堯水主三字其義理

莫能曉觀者無心往往見之時或一二字見無定也又座前地

上隱隱作龍形鱗爪尾蟠曲宛然亦不可解石門志

邑北鄉毗董元保忽為巨風吹去七日墮雲南一寺中十年後

遇袁州人始得相隨歸時康熙三十五年也邑貢生蔡來徵有

詩紀其事攸縣志

俗供神像有頭而無軀者名擺神一于思紅面號東山聖公一珠絡窈窕娘號南山聖母兩人兄妹為婚不知其所自始楚黔皆崇祀之痛錄

永州通判廳員毛景得奇疾每語輒有物作聲相應有道人令學誦本草藥名至藍而默遂取藍搨汁飲之少頃嘔出肉塊人形悉具湖廣通志

土人種薑每掘地藏之謂之薑窖乾隆中有地名劉必富劉氏有薑窖頗深邃一日族眾偶語其旁忽一犬入窖中或疑其為逐兔一人遽從之入久不出點者疑有異獲亟下窺之及不出

先後入者凡七人最後一人有弟乍至訝曰嘻兒死矣遂取繩自繫與眾約曰我縊下視繩動則合力急挽甫下見其兄氣未絕急挽繩挾之上縋未及半兄已死其人亦垂絕出之良久乃甦言其故始掘地出眾屍乾隆十五年事父老言人跡罕到之處有瘴毒勿輕往古法淘井必先試以雞毛其毛回旋不下或反吹上者決不可入即此類也而點者每以貪利殘生可哀也已然犬何為入乎是亦有數焉已寶慶府志

康熙戊午秋九月嘉禾縣東鄉板橋有七女子竝及笄未嫁約以登山采栗為名同赴水死半道有二女各遇其兄阻之令歸卒乘閒至水次見遺五帶二女相謂曰今欲赴水恐不得伴不

如歸告伊親而別自作計五女父母往視則駭沈水底於是一女之父母恐為鬼祟所致急各令婿入贊且遷居避焉或曰赴水時女子尚多有託辭旋歸者及水次赴沒者實七女起其屍相聯為一其或慮世變而先自潔則貞女也桂陽州志

省城北關外四十里有麻潭山距湘岸二里許濱湘一帶如丁字灣大字橫連延數里居民鳩工鑿石日數百人臨水磯頭壁立今刻成平地更深入尋丈利之所在人競趨之邇年鑿及麻潭山麓形家言麻潭峙立湘東城外望之如在湘西蓋其迴屈曲抱特為省會保障大有關繫儻不禁止鑿石地脈傷殘亦形勝之憂矣山中有白雲庵福興庵觀音寺和尚洞靈仙洞諸勝靈仙洞口石門正方窺之中空上生異木秋深葉落從龍潭浮出知此洞與龍潭通龍潭湘水最深處也邑人鄒南英石湖有游靈仙洞述異詩云何處見靈仙洞中有石室奇木生洞口洞深不可測秋高葉落時遠自龍潭出彷彿巴陵道包山通地脈又如昭潭水旋渦常濼濼伏流連洞庭時見昭潭葉昔聞一奇士欲窮洞深入防患先戒徒鳴鉦慎勿息又真草履二鉦鳴當躍躍叶但當有此戒雖凶亦化吉裝束入洞去洞門蓋已闕豁達虛無人歧脈蛇跡遞連數十里躡步漸逼仄鉤心復闕角稜稜列奇石石戶次第開別有靈仙宅白玉鋪作堂黃金疊為壁牀列珊瑚枝室圍錦繡帶入室見美人對客邊巡立風微羅

帶飄髮酒寶釵植舒腕掠雙鬢含睇若羞澀久久乃出語吹氣
 芳蘭襲天孫幸有耦匏瓜尙無匹耶自世間來此與天台一治
 蕩獻百媚撩人不惟色妖術固已窮斯人弗可逼忽然見怪異
 睽睽目光射變幻不一態變魘互騰擲倏如渾沌鑿頭大洞欲
 塞抖擻運神力化鴨生羽翼趁罅達洞底水聲聽激激遠與龍
 潭通遂免窮途泣既出問其徒胡為鉦罷擊爭言見履躍轟然
 哭啞啞頓忘師所戒乃致師受厄此事甚怪誕宛然搜神述迄
 今白雲洞門長寂寂游者但裴回孰是探奇客湖陰筆記 以上怪
 宋帝義熙中商靈均為桂陽太守夢人縛其身將去形神乖散
 復有一人云且置之須作衡陽太守當取之耳商驚寤永初三
 年除衡陽守知其理難逃辭不得免果卒於官吳苑
 歐陽大春湖南人元祐初為廣東幕官嘗夢入一僧舍稍新潔
 有大榜大題其西室曰宰相蔡確死於此室既寤不曉其旨時
 持正尚在相位未幾聞外補而大春以漕檄權知新州一日入
 僧舍宛然夢中所見又有西室亦如夢也方歎息與同官言之
 未幾持正入新州竟居於此寺而所卒之地悉如前夢又何異
 也王銍 默記
 周宗喬音字本世家安吉之烏程蚤歲以筆力自備游學旁郡
 至天台適報恩長安了清有同里之好留憩精寺時嘉熙丁酉
 仲夏也嘗以是年八月出城北歸薄暮足倦神憊呼童整榻而

寢夢至兜離國為文籍監賜第一所從侍數十名姬不下十餘
 輩一國之事皆參決焉荏苒約半載官況益美忽一日報相國
 木契子齡病卒以右丞屈曲蓋拜相國蓋性險復貪汚罕倫一
 聞敕下人皆側目周卽上疏諫王怒叱曰卿疏賤下士何得輒
 議吾大臣黃爾一死放卿東歸且曰卿雖狂悖亦無固惡歲在
 班文更當召卿顧宮殿取玉合三枚署甲乙其上賜之卿歸日
 首開其一脫或遇難次第啟視周再拜泣謝而出少頃至台城
 過報恩寺門下馬入齋房顧己身偃臥榻上周驚悟時約五鼓
 視袖間玉合儼存因啟其一題曰人生無百年世事如一夢可
 往衡山中峯尋五官子問之及曉訪了清言之卽往衡岳訪異
 人呼童攜牽而去吳苑
 蔡承向字葵心生時父夢家塾懸聯云屋漏見天一點文光射
 牛斗無耦句稍長就傳父示以夢中語卽應聲云家貧徹骨幾
 行書債付兒孫後登賢書赴萬歷戊戌會試榜發獲雋居停主
 人一書室局閉多年蛛網垂垂戶牖閒詢知爲主人亡兒讀書
 處向強求啟之入視壁上聯卽前語檢閱塵几遺棄入泮鄉會
 墨皆在焉駭然汗下急鍵戶而出是夜疾作自知不起遺急足
 歸里寄家人詩云蔡不靈兮疾不瘳功名事業兩皆休生前姓
 字標金榜死後文章付玉樓流水落花隨我去夕陽芳草使人
 愁可憐子幼親年老恨殺英雄不到頭發雨時恐傷親心改親

年老作妻年少父開緘讀之怒觸而罷哀湘潭李尚書騰芳長
 沙莊侍郎天合為文悼之歸其喪依縣志
 吳公受茲名晉錫司理永州崇禎壬午入闈校士夜夢一婦人
 攜饌餉吳指魚羹曰此桃花魚也因出詩相貽中一聯云桃花
 魚漾桃花水濯錦人吟濯錦詩尋獲一卷其二場表聯乃有此
 二句因薦之入殼及榜發則江陵姚士升也以上夢
 大曆中彭偃未仕時嘗有人謂曰君當得珠而貴後且有禍尋
 為官得罪謫為澧州司馬既至以江中多蚌偃喜以為珠可即
 得命人采之獲蚌甚多而卒無以應及朱泚反召偃為偽中書
 舍人偃方悟得珠乃朱泚也果誅死宣室志
 柳州張通直舟泊潭州新婦死七日而體溫既還魂云初見二
 人如弓手追去甚急至一河次一人云解衣婦曰我婦人衣不
 可去其一人止之呼舟而渡入大城市井喧鬧聞呼聲二人
 引婦立城砌上二人立其下見一金紫人導從甚嚴婦識之乃
 其舅程之邵之元父也連呼舅舅金紫者亦識之曰七娘來來
 遂貯馬取文檄視之曰誤矣急呼衣箱取紙一番令婦執之候
 至戒石但執紙而立既去二人失色相顧低頭不復語至府門
 人開大官府也婦立戒石南俄見金紫人至次衣綠人次衣朱
 人皆坐金紫人即呼婦取紙語二同坐曰誤句此人來矣綠衣
 人曰已來將奈何朱衣人曰莫須放回金紫人曰合如此只是

二人得徒罪矣即引二人如弓手者取狀杖脊二十下令虞候
 引婦出至一寺大廈修廊寂無一人虛堂屏開坐一僧虞候未
 前又一吏人至詣僧致語僧移榻俯階問婦曰識字否曰識字
 僧指手中經題問之婦曰金剛經也僧展卷教誦之又曰歸則
 誦之遂令婦執堂下幡脚用力引之幡起驚悟而甦雜錄
 王蓋縣丞福州長溪人嘉定初宦游京湖時方經虜亂殺人至
 多積骸如山數層之下復加搜索擊以鐵鎚乃去有未絕者夜
 見炳爛呵殿而來以為虜也懼甚屏息窺之旋聞按籍呼名死
 者輒起應已復仆次至其人亦起應之則又聞其有人言云此
 人當未死乃舉籍唱曰二十年後當於辰州伏法既得免投僧
 舍乃為行者適郡倅眉山家坤翁來游寺中喜其樸謹而文曰
 肯從我乎欣然而就家人亦愛之家有女適史植齋之子使從
 之以往遂居史家已而史得辰州欲以自隨王猛憶前事具白
 辭行史曰吾為郡守豈不能庇汝乃勉從之至郡逾年史幼女
 戲後圃為蛇所繞王因擊蛇竝女斃之史怒竟致之法距聞神
 言恰二十年癸辛雜識
 高郢夜課於湘潭之豐亭有一鎮紙石髓忽能動視之真髓也
 郢以為神取百十題散置箱中祝令銜之髓乃舉頭得沙洲獨
 鳥賦其年郢果以賦首選雲山雜記
 宣和開平江羅孝芬居側有大柿樹雷折之火燬其文成羅狀

元字下有三點人莫能測明年孝芬舉甲科第三始悟其兆湖廣

志通晉邵陵郡高平縣黃秀以宋元嘉三年入山經月不還其子招生尋覓見秀蹲坐樹中從頭至腰毛色如熊詢其故曰天謫我如此汝但自去生哀痛而歸逾年伐木人見其形盡為熊矣太平

永樂中祁陽縣張志高妻申氏夫亡守志朝夕誦老子經不食

有足物惟啖魚蔬而已己酉清明日忽雷電震灼雲霧晝晦俄

神堂中紅光照耀稍開霽見龕前懸一帶三縷白物長三尺博

一寸光澤溫潤如水桐肉有道士見之曰此天上柳旛也天將

以旛善人懸之垂四十餘年如新撓之不折舊志

明時瀏陽庠生陳大用與友周金者相濟為惡大用素不孝乃

詐為廬墓挾所司以聞自立綽楔表之將豎扁周金疫死極過

其門輿折不行大用恐曰吾不免矣越三日暴死湖廣通志

羅仕親素喜施捨康熙己酉運漕赴岳經鹿角磯風急舟為石

破舟人驚懼無措俄而風定泊岸啟視糧米如故初未嘗漬也

驗破處有巨蝦鉗護水不得入人以爲好善之報湘澤縣志

藍田市譚姓佚其名販牛爲業老瘠不售者則殺之以此家小

康一日病狂作牛吼與之粒食輒怒而時取薦草嚼之氣垂絕

而不瞑其家以屠刀血盆擲其旁乃吐舌捲鼻而卒安化縣志

彭必化字育萬年二十患瘵疾百藥罔效一日同母氏范倚於

門有句者過范手勺漿盂飯食之句曰君家固善人有善氣願

指必化曰此太瘦生爲誰范含淚曰吾兒也病不可瘵奈何句

曰我能治之必化謝句解衣角授藥匕許曰善藏之待覓白毛

綠耳紅冠烏骨雞內藥烹服必化受藥入范亦入取飯出則不

知句所在眾驚爲神三日後適得雞益神之如囑烹服僵臥一

日夜不甦忽汗出淋漓牀褥病以霍然長沙縣志

釋聲隱武岡紫陽梁氏子初以重利致富有鄰人某家盡爲所

傾怨之將死爲棺命匠人曰我怨梁某甚死願爲蛇以報之棺

下必作孔使我得出入匠以告聲隱聲懼置酒延鄰人盡籍

其產還之鄰人意解酒半酣忽大嘔一蛇自口中蜿蜒出須臾

死聲隱曰害人終必自及何苦作孽致富以遺子孫耶遂棄家

從釋顛與披薙嘗問解冤釋罪之術顛與曰汝但心心求利人

無私自己遇橫逆事恬然忍受暇則誦佛號以養心自然冤解

罪銷聲隱遵其言久之忽有省能知未來事卓錫望雲山石佛

寺資慶府志案長沙開其相石可詩有蛇行事與聲隱相

連之語云嗚蛇行志惡毒也友人丁六取忠語余如此里有豪

起爲啖此賊無何翁疾病將死家竟黑仰天大呼拋胸膈誓生

置日酒大會而田而屋社書券付而親署尾就飲而家一釋此是

彭眼昏燭之蛇也具甲鱗張目索豪猶怒嗚嗚嗚嗚嗚嗚嗚嗚嗚嗚

某令初納姬周賢繼納駱豔而狡令璧之以爲繼室適令以

艱歸畱眷屬長沙路日嬉歌僮於室周規之駱怒以計馘周而逐之令返主駱言穿於室幽周其中斷殮七日未絕生瘞之桌使徐公發其事論如律方獄時有蛇見廳事前公曰若為是獄來則左之蛇應而之左公又曰其然曷折而右焉蛇應而之右一時莫不以為神云武陵楊彝珍記蛇獄

曹鎮清妻李氏幼從父受經識大義于歸善尊章能減縮衣食佐夫濟急妯娌中或病氏親調藥餌不倦臨卒贈以愛婢曰此以志感也生平無疾聲遽色婢嘗滌器座右誤翻區水沈衣竟體一笑置之夫諸弟弱好弄樂氏和易常嬉室中匱具率顛倒狼籍一日中饋畢入房見寢衣人立牀上異之然以為諸叔所為不較也既復如是亦終不復問俄里中一戶怪大作禳之益甚聞空中語云爾能如曹某妻吾自去矣自是始知前異乃鬼物相試鬼物者俗所謂靈仙湖南多有之每至人家變幻莫測或露雙趺檐隙繡屐宛然或拋磚石中人或火其物見煙燄起撲之物卒無損或幘幘扇鏢如故啟視所藏物盡灰然見正人輒避如氏所遇雖由見怪不怪其怪自敗實氏之貞靜能服妖邪故卒不能為害云食德堂聞見錄以上徵應

湖南通志卷末之十

雜志十 述異四

魏長沙郡久雨太守呂虔令戶曹掾齋戒在社三日三夜祈晴夢見白頭翁曰汝來遲明日當霽果然長沙傳

唐開元二年衡州五月頻有火災其時人盡皆見物大如礮赤如燈籠所指之處尋而火起百姓咸謂之火殃甘澤

開元五年洪潭二州復有火災晝日人見火精赤燉燉所詣即火起東晉時王宏為吳郡太守亦有此災宏撻部人將為不慎後坐廳事見一物赤如信幡飛向人家舍上俄而火起方知變不復由人遭熱人家遂免笞罰朝野僉載

何致雍賈人子也幼而英爽好學常隨從父泊舟皖口從父夢有人若官吏狀乘馬冠蓋數往來岸側點錄舟中人物之籍俄有一人自後呼曰何僕射在此勿遽驚之對曰諾不敢已而從父寤訪舟中人無一何姓者翼日風濤大作舟多覆沒惟致雍舟如故從父謂致雍曰我家世貧賤吾復老矣何僕射必汝也善自愛未幾致雍受知武穆王起家節度判官及王開國除致雍戶部侍郎翰林學士文昭王為武安節度使復改致雍判官累官檢校僕射卒於官竟如皖口神之言致雍善文章所著天策寺碑銘楚人常稱道之今傳者有日乃克桂林乃襲荆渚被岳之陽全師而取云云

春

熙甯初予爲岳之巴陵令春月忽天雨白毛長二三尺許取而焚之臭如馬鬃是歲戊申也然京房亦有占上巳日蛙鳴則蠶善也王得臣

沅州火神不祀祝融而祀凌霄女一不虔則神女立遣火鴉銜火丸置茅屋之上兩翅扇風發火居民屢屢見之故州多火災

雲開許續曾
滇行紀程

康熙庚戌臘月二十有四日余將抵辰州積雪萬山馬疲不前薄暮大雨雷電交作繼復飛雪雜以冰雹夫雷電雪上天喜怒之象生殺之權至各有時是爲和氣非時而見卽爲不祥况一日竝見乎見聞錄

州城東百八十里有董母窰窰之上爲觀音閣俗傳董母者家於石山之麓一日舍旁地圻生角董母以爲竹筍也用浙米水灌之俄而炊熟方食遺箸墮地犬銜著急走董母追之百餘步不可及忽聞霹靂聲回顧其廬已覆壓不可見矣後遂以此名其窰云已而里人常遙見一婦人棲坐亂石之上山上有大石平正如砥廣徑各二丈餘橫互二石間四旁奇嶮峭厲殊非塵境因作臺其上曰仙蹟臺後改爲觀音閣而新化所傳之東澤龍池亦類此寶慶府志

同治三年五月十四日黔陽蛟出山溪暴漲爲從前所未有每山腰水溢處寬廣僅逾尺而巨石高大盈數丈者皆破空飛出

無慮數十百莫知所從往往壘聚一處或曲避邨落或直衝人家所過蕩然水立而行高不旁泛常有低平無水而高原峻岸反被毀壞者惟石一里灣溪尤奇灣溪印上垣後駭浪駕巨石

數十洶湧而來至楊光洪屋背石忽撐架而止餘石飛越兩旁繞出宅數百步屹立如山洪蓋孝子且多陰德也又邑東北界龍潭有李氏老嫗年七十餘屋壞坐片板浮巨浪中行數里忽

橫至韓氏祠後穴牆入坐神龕高處衣不沾濡水退人問何以得木穩坐竟不知行水上亦奇也黔陽縣志

高辛時丹邱國獻瑪瑙磬以盛甘露舜遺之衡山之上故嶽有寶露壇舜於壇下起月館以望夕月舜南巡至嶽百辟皆得露

泉之賜時有雲氣生於壇拾遺記

黃帝時瑪瑙磬時猶存甘露尚盈而不竭以賜羣臣謂之寶露至舜時漸減秦始皇通汨羅之流掘地得赤玉磬可容八斗

置於舜廟漢東方朔識之乃作舊銘曰寶雲生於露壇祥風起於月館望三壺如盈尺視八方如紫帶六觀齋

太元中桂陽臨武徐孫江行見岸有錢溢出卽輦著船中須臾化成土苑

周必大在京師茶店具紙畫岳州圖譙樓上十二時牌亦時時自換此神仙之筆也續志

有人采藥暮宿衡山石室中見一銅銚是煮藥處蠻人聞之取

姚還用舉却盡病返乃已太平御覽

蔣道支於水側見一浮槎取為硯製形象魚有道家符讖皆置

魚硯中常以自隨二十餘年忽失之夢人曰吾暫遊湘水為二

妃所留後有人過湘君廟見此魚硯在二妃側異苑

徐仲寶長沙人所居道南有大枯樹一日僕夫灑掃其下獲錢

百餘以告仲寶自往亦獲數百每需錢即往掃其下必有所獲

如是積年凡得數十萬後選舒城令暇日與家人共坐地中忽

有白氣斜飛向外而去其妻以手攬之得一玉蛺蝶製作精妙

復為平樂令家人復於廁廚鼠穴中得錢甚多仲寶即率人掘

之深數尺有一白雀飛出止於庭樹其下獲錢至百萬錢盡白

雀乃去不知所之稽神錄

湖南提刑唐桂字碩夫過高郵謂余曰治平二年九月自吉州

作邑過長沙一老人以扁舟載竹几子就舟貨見其竹如白牙

因買之至四年攝事京局因上馬馬蹶其几壞竹脚中破內有

雕刻字曰某年月日造某年月日破王押與破之日無差其字

以朱塗之既駭前識之異而竹未破時其心安得而書之竹工

必異人也甲申雜記

長安任中宣家素蓄寶鏡謂之飛精識者謂是三代物後有八

字僅可曉然近猶篆云水銀陰精百鍊成鏡詢所得云商山樵

者石下得之後中宣南渡洞庭風濤洶然因泊舟夢一道士赤

衣乘龍詣中宣言此鏡乃水府至寶出世有期今當歸我矣中

宣因問姓氏但笑而不答持鏡而去夢回即視篋中已失所在

寶應中西陽人見釣魚師有魚腦貫黃文愛而買歸食至脊上

出金釵一隻長六寸馮纂記

湘潭劉氏子浴於溪得小白石圓潔可愛攜置案頭石面有針

大孔冒水不止承以盤須臾水滿劉異之擊以槌見小蝦躍出

石裂水止遍覓此蝦無有也攷醫書石之中空有水者曰空青

能治瞽目此石乃蝦得水石精華凝結而成殆希世之寶也以

之治目當使世無瞽人惜為無識者所毀然天下至寶出非其

時率遭此劫可慨也三長物齋長說

萬曆時益陽有童謠曰要得發張選選要得死賀馬子崇禎初

掘得一石硯刻識賀馬子置未幾而張獻忠之亂嗣是牛李王

馬宋戴諸賊十餘年間焚劫殺虜之慘甚於他邑益陽縣志

乾隆戊寅知府鄭之僑修文昌閣卜地得周子舊址開土得甃

器有狀元二字因名閣曰雙奇又臘之九日漏雨下奎光騰遠

上燭雲霄次日有鳥集閣上大如雞身黑首類雉邵陽縣志

桂陽太守江夏張遼叔高去郡令家居買田田中有大樹十餘

圍扶疏蓋數畝地播不生穀遺客伐之木中血出客驚怖歸具

事白叔高大怒老樹汁出此何等血因自嚴行復斫之血大流

灑叔高使先斫其枝上有一空處白頭公可長四五尺忽出往赴叔高高乃逆格之凡殺四頭左右皆怖伏地而叔高恬如也徐熱視非人非獸遂伐其木其年應司空辟侍御史兗州刺史以二千石之尊過鄉里薦祝祖考白日繡衣榮美如此其禍安居春秋國語曰木石之怪夔罔兩物惡能害人乎風俗通辛巳年十月辰溪東門十里亭桐樹上生一大刀狀如偃月又生一劍共一蒂其狀各肖卽刻畫有不如者解貯府庫痛錄衡山白槎廟古老相傳昔有神槎皎然白色禱之靈無不應晉孫盛臨郡不信鬼神乃伐之斧下流血其夜波流神槎向上但聞鼓角之聲不知所止開皇九年廢今尚有白槎村在湘中記巴陵有寺僧房牀下忽生一木隨伐隨長外國僧見曰此婆羅也元嘉初出一花如蓮唐天寶初安西進婆羅枝狀言臣所管四郡有拔汗那最為密近木有婆羅樹特為奇絕不庇凡草不止惡禽聳幹無慚於松栝成陰不媿於桃李近差官拔汗那使令採得前件樹枝二百莖如得託根長樂擢穎建章布葉垂陰鄰月中之丹桂連枝接影對天上之白榆西陽雜俎唐荆南有富人嚮導者家初貧乏偶種橘約千餘株每歲大獲其利忽一日有一株化為一丈夫長丈餘求見嚮導導初怪之不敢出丈夫苦求之導遂出見丈夫曰我前生欠君錢百萬未償而死我家人復自欺君乃上訴於天是以令我合門為橘計

備於君僅能滿耳今上帝有命哀我族屬復我本形兼我自省前事止如再宿耳君幸為我置一敝廬我自耕鑿以卒此生君仍盡翦去橘樹端居守常則能自保不能者天降禍矣何者昔百萬之資今已足矣導大驚乃皆如其言後五年而導卒家復貧其人亦不知所在湘湖錄嘉靖中湘潭有桂結實大如棗甘如蔗陳令應信作亭紀之後人每見數青衣女郎出入樹根中遂以為怪伐之李宗伯騰芳云聞泰山之北有桂實如橘有青腰玉帶三千人守之食之者一年仙去殆此種與長沙府志城步縣有松姓百齡名者某歲應童子試學使奇其文取冠曹耦報者至其家庭字宏傑類右族槁之金款以盛僕越宿而行回顧所宿處老松一章耳陶莊雜錄湘潭劉寶門太史元熙余伯外祖也能文章而享壽性喜詩花一日池蓮盛開盡成五色見者咸以為瑞太史學箋圖其狀徵詩紀異是秋太史棄世余家有雙桂道光二年桂下產芝一本大如槃其一桂遂槁園中向植五色蜀葵花時盡變白色明年春家華耘棄世此雖草木之妖亦文人精華發洩所感召也三長物嘉定張東墅修府木鳴行序云金縷湖古枏數本咸豐辛酉春夕忽有聲如人病呻或太息然未幾羣木皆應是冬里民遭賊

難焚掠幾半而木鳴如故頃予行部至聞其異夜俟之月高風
悽毛髮浙瀝山鬼嘯咭巖谷聞殆有物憑耶抑蟲沙劫塵妖
識未已耶子懼夫不才天年將以喋喋買禍也為詩紀之亦以
自警鬼火宵青蠻霧黑老木陰森作人立空山風雨愁呻噎瘦
猿孤嘯怪鴟泣或言下有陳死人魂歸宰樹千年春又疑木客
解唵趣把臂山魃夜深語晉石能言毫鳥鳴反常為妖理則平
窮鄉兵燹殘劫嗷嗷如助哀鴻聲俗耳驚疑縱尋斧爨下勞
薪行及汝木兮木兮慎勿聲高節堅心自終古小雅環園詩鈔
蟹笑集 以上

永初中都梁馮恭醉臥山路夜有虎來遂枕其背恭中夜展轉
以手搏之復大寢向曉始醒虎猶蹲其側紀異
長沙居民作檻捕虎檻發明日眾往格之見一亭長赤幘大冠
在檻中坐大怒曰昨被縣召夜避雨誤入此中急出我民曰君
見召當有文書即出懷中文書於是出之尋化為虎走矣搜神
記
武陵龍陽虞德流寓滄陽止主人夏蠻舍中忽見有白紙一幅
長尺餘標蠻女頭乃起扳取俄頃有虎到戶而退尋見何老母
標如初德又取之如斯三返乃具以語蠻於是相與執杖伺候
須臾虎至即格殺之異苑
梁衡山侯蕭恭鎮襄陽時虎甚暴邨門設檻機發邨人炬火燭
之見老一道士自陳云從邨告乞還誤落檻中共開之出檻即

成虎奔而去廣古今
五行記
宋孝宗乾道五年衡湘開趙生妻李氏素悍如首忽化為虎見
宋史五行志又十都虎穿橋相傳有崔生赴任夜將投宿月下
見一虎人立爪其腹皮俄脫乃一美婦因以皮夾樹中步入市
店崔取其皮納井中壓以石至婦所戲以言挑之婦去索皮不
得還入店同崔宿崔挈之任三年後移官復宿此婦問皮何在
崔以情好日久不復疑忌出井中皮以示婦負皮復化虎去崔
詩末句云三載真成抱虎眠湘潭
縣志
江陰軍食判趙不易妻得奇疾煙火食不向口惟啖生肉服食
起居與平生異而與夫別室寢處趙秩滿調知桂陽監妻疾愈
有一婢供其使令便覺瘦瘁短氣面如蠟色不半年輒死又一
人復然凡如是死者三每老兵持肉來或從戟門入必怒曰何
得經鼓角樓下過棄而不納若自後圃入則受之其後趙待知
封州闕寓居衡州常甯泊到官妻白晝化為虎騰呼而出趙妻
乃中官家女不知本何人容貌姝美未嘗妊娠性好潔夫每至
其室坐椅上才去即命洗滌三婢之亡皆遭其乘夜吮血故浸
淫絕命續太平
廣記
藍山有孝婦與姑同居一夜有虎繞室三匝謹閉戶不敢出其
姑欲出力阻之有頃姑欲強出告以遺矢婦遂以瓢盛其遺門
終不開也虎遂大吼而去比明視之其遺則豬糞也居民有知

者欲聞之官婦不允恐彰其姑非人類事遂止故其姓名今亦不傳也府志

嘗於辰州道上買虎皮一張云虎攫人家所畜母彘妻追之虎釋彘撲妻拳毆斃之眾以為奇又云妻往年曾連斃二虎見

彭以慶字君奇方十二歲時獨行深山中遇虎爪撲之吻試左右肩未即啗以慶張目與語曰老虎我係而口中食即吞我否

則舍我母嚇我為也如是者三虎似領其語躍去一時驚為語虎奇童遂以君奇字之後遇人橫逆者多置不校曰余樂與虎

語耳其裔孫申甫為之圖以傳長沙縣志

湖南武岡山中多虎康熙癸丑官督獵人窮其穴母虎方乳子出與獵人鬪傷數人虎亦斃山中人王樵入山采薪見子虎

如稚狗餓將斃抱歸而飼之數月虎漸大毛色赤樵縱之逸自此日銜野兔之屬置樵扉間而去一日樵遇斑虎攫之行忽赤

虎大吼至與斑虎鬪樵得奔歸傷流血不止虎來舌舐之遂愈廣慶初

五王冷多猛獸康縣中有姦民斃虎皮以恐行人掠奪衣物行者相戒鳴金腰矢以過後此人因醉溺言鄰有鬱者乃持刀伺

之謂可白殺俄而遇虎直前揮刀則真虎奮爪攫就徑行前遇蒙皮者視知非類爪皮刷牙焉既而山民呼噪兩人皆免各各

灑心咸以為山君之懲教矣東安縣志

明英宗正統元年州有虎患知州盛祥禱之一虎渡河一虎自道州志

瘦嶺林木青淺嫩松雜生道光二年縣令田詔金肩輿經此虎躍出吼怒令端坐語虎曰為民父母不德宜飼虎虎曳尾躍而

去東安縣志

湖南常寧藍山嘉禾三縣交界有大虎獵人斃之剝其皮長三丈剖腹得礫子粗如卵在腸胃間上有雲南某汛字樣馮晟譚

舜葬蒼梧之野有鳥如雀自丹州來吐五色之氣氤氳如雲名曰鸞雀雀能羣飛銜土成邱墳此鳥能返形變色集於峻林之

上在木則為禽行地則為獸變化無常常游丹海之際時來蒼梧之野銜青砂珠積成壘阜名曰珠邱其珠輕細風吹如塵起

名曰珠塵今蒼梧之外山人采藥時有得青石圓潔如珠服之不死帶者身輕故仙人方迴游南嶽七言讚曰珠塵圓潔清且

明有道服者得長生拾遺記

洮陽縣東有華山去縣九十里迴跨峙堞峯嶺參差昔有人因獵見二鹿其一霜毛純素照耀山谷一五彩成文煥爛曜日獵

人驚其奇異而不射前行數里見一人訶責云使君何來不見二馬邪答曰惟見雙鹿曰吾為虞帝所使至衡山與安邱道士

相聞君所見鹿是吾馬也錄異
郴州相山之巔有池鳥多能哺其間人往取其雛亂迷路置之
乃可去名勝志
衡山舊有仙雞報曉因食仙草不死樵人聞見之而不能捕石

晉時營道縣令何涓之於縣界得鳥大如白鷺膝上腴下自然
有銅鑽貫之西陽雜俎

隋開皇九年吳興柳歸舜自巴陵泛舟遇風吹至君山維舟登
岸行四五里忽道傍有大石表裏俱徹上盡生翠竹闊大如蓋
高百餘丈風吹若絲竹音石中穴一樹高幹茂蔭花徑尺異香
成煙有鸚鵡數千丹雘翠衣尾長二三尺皆能人言相呼姓字
有武游郎武仙郎阿蘇兒者又有自在先生踏蓮露鳳凰臺戴
蟬兒多花子亦有能歌者音調清麗鸚鵡見歸忽呼曰阿春看
客忽一青衣乘雲而下相見幽怪錄

道光三年有象涉江入縣城中直過關華容縣志
茶陵之南地名大田無源泉待澤於天決旬不雨土輒地圯後
唐長興初未陽蕭叟嘗陰行善一日督輸里賦假宿民舍樹近
驚棚間有聲悽切出棚中似作離別語蕭怪之起而伺頃之主
人至將執蕭付庖以款蕭蕭力止之曰幸丐生者黎明攜蕭去
中道山水大至屢避而水輒沒其踝正驚遽聞驚忽鼓與迫就

負蕭翔天半覺長懸震耳飛至大田始盤旋而下日方卓午距
未陽已四百餘里矣蕭惴惴憑虛鬚髮盡落宛然行脚僧也遂
通語語渴甚遇邨媪求飲媪曰此間水濁夫他往無從得新泉
驚引吭長鳴蕭語媪曰得新泉易耳索大小盃七視驚所啄覆
之碗即入石寸許戒媪曰七日泉當至無亟發也言已乘鸞高
竊媪異之夫歸具告其事夫以為誕遠至覆碗處發其二已有
飛泉涓流駭而止至期地底如萬牛齊吼中霄雷電大作石泐
山摧聲聞數十里及曙石壁忽開七竇大者如車輪清流迸湧
其先發二碗處竇微小亦灑灑流不息環崖間噴雪碾雷激為
巨浸溉田數萬頃自是大田無旱歲彭維新雪泉記按大田在

蕭業徙湘州零陵舊有二猛獸為暴無故相枕而死郡人唐睿
見猛獸旁一人曰刺史德感神明所以兩猛獸自斃言訖不見
嘗過沅州見石上血痕儼然赤馬相傳崇禎初年有賊驍甚殺
傷兵卒頗多及敗鬻而食之馬即剖分於此血跡遂不泯見開
道州有舜祠凡遇正月初吉山狙羣聚於廟傍以百計跳跟奮
擲狂奔疾超如是者五日而後去次狙亦如之三日乃去土人
謂之狙猖朝廟史碑
馮乘虞蕩夜獵見一大鹿射之鹿便云虞蕩汝射殺我邪明晨

得一塵即時蕩死搜神記

甯遠縣民畜一犬甚恩一日主人跣足坐垂堂犬忽嚙其履置

諸門主人訝而逐之復嚙而前乍逐再前既里許乃止及回顧

則其家陷矣湖廣通志

縣前磅礮岳下相傳有犀潛其中守城門卒嘗夜見一物如獅

形越城出與犀鬪於河亟白諸令令詢知米氏家有二石獅往

視果目光閃灼有溼痕令擊斷之怪乃滅辰縣志

廳鼠首尾如鼠色青黑短足有指形大重千餘斤出零陵郡界

不知所來民有災及為惡者鼠輒入其田中振落毛衣皆成小

鼠食其苗稼而去錄異記

常德鄭氏買婢九歲初甚羸瘠住鄭氏七八年白皙而肥頗黠

慧為主翁所嬖主翁多蓄地黃嘗為鼠盜嚼雖加鎖鑰弗能禁

偶戲語婢曰白瓠乃爾何須更食地黃婢不覺面赤神沮即走

入牀後泣曰相隨數載一旦見疑命也請從此辭主人怪而就

視已變成大白鼠跳躑至梁穿屋而去夸蛾氏至常德詢之曰

此婢狀貌更無他異但每食避人喜於闇處坐亦後來追憶如

此當時初不疑也續太平廣記

巫師甯均在飛霜崖見一鼠盤旋道上忽入地穴其下得銅印

一上篆扶蠶王印用以署符咒能呼召風雷後損其柄遂不驗

甯恃其術救焚不避死於火安化縣志

豐城袁守定宰芷江有神馬行序云康熙間沅鎮牛某患背瘡

幾危以所愛紅叱撥獻之北城關廟病旋愈馬入廟弗羶弗芻

隨意出入晝行郊外不踐田禾夜臥神前絕無糞穢每過市糞

米者爭以筐就口飼恆不顧去得其齒及之者米盡售或旬日

出不知所之歸來汗雨身無纖塵如是三十年定菘猶及見

之手骨僞異望而知非牝牡驪黃閒物後馬死廟僧斂葬北門

野碛曰神馬墓芷江縣志

靖州觀音寺與副將某署相鄰一日廚人宰鷄鷄忽飛上寺殿

鷄尾翎異之因乞施寺中每朝夕課誦鷄輒上殿諦聽日食蔬

飲水而已自順治中至今二十餘年尙在又明宇寺有一雞亦

在佛前晨夕聽經如是四十年化去一夕見夢老僧曰弟子已

往生武岡王府三年後師可來一相視僧異其言及期往武岡

郡王生子適三歲矣不能言見老僧至忽問訊曰別師三載無

恙乎僧歸紀其事於石有吳君者從軍湖南至寺親見之蠢動

俱含佛性信然池北偶談

康熙甲寅前攸縣有鳥百萬自西南來鼓翼蔽天如雲若雷散

落山邨半屬湖雁杜工部詠雁詩云是物關兵氣不數年滇黔

兵變邑為戰壘舊志

康熙十六年有大鳥人面集於岳州府學宮植立如人越時飛

出城外忽不見巴陵縣志

嘉慶丙寅永興縣十四都有弄猴戲者死猴為倩人具棺且以
身殉葬邑人馬步青為作戲猴行以弔之猴能戲猴有義猴戲
猴之常猴義人所異人仗猴戲作生涯猴隨人兮到人家猴忽
幻作人態度衣曳錦繡帽烏紗人歌猴舞猴得粟人澆盃人食
猴食不自由人遺猴兮去黃土猴見人來猴拜塵埃猴牽人衣
人趨起人見人死人徘徊猴向人出涕手作買棺勢人謂苦無
錢猴出錢盈千錢少人弗受猴復牽來狗狗在昔時作馬騎今
向人家去吠守復作手勢煩丁寧慎母喪狗充腹口須與棺買
至觀者盡人類猴以杖授人人莫解猴意猴意依故主死生不
可棄寧隨故主死羞向新主媚杖在人手人嘗嘗猴自奮軀納
棺中人驅猴去猴復來猴聲倍哀氣倍雄一似俠客赴難烈一
似孤臣報國忠嗚呼人生齋猴戲嗚呼人死賴猴義嗚呼猴戲
祇像人嗚呼猴義人非易郴州志

道光七年夏四月茶陵溪貧婦子二歲偶微病臥於牀而已
出采藥鄰有母養入臥所嚼小兒手指足趾俱盡他無傷比歸
養始奔出兒已斃矣新陽縣志

大江之南蘆荻之間往往燒起睡龍朱梁末辰州民向氏因燒
起一龍四面風雷急雨不能撲滅尋為煨燼而角不化瑩白如
玉向氏寶而藏之湖南行軍高郁酬其值而強取於時術士曰
高司馬其禍乎安得不祥之物以速之俄而被誅北夢瑣言

澧州龍潭寺唐睦州黃明遠居此善誦度人經每晚有一叟來
聽及問姓名輒不見一日叟跪告曰吾橫山屏水洞白龍也有
過見責上帝藉託宅西小池一年矣旦夕荷君經功今得解脫
復歸故洞明年當大旱有符篆一道以酬君德以此祈禱當得
感應次年果旱明遠設壇祝禱持符篆往洞取水遂得大雨是
夕夢叟謂曰今歲天旱上帝敕閉江河溪洞吾昨於官陂堰取
水以應君求母再瀆也明旦視堰果涸小池尚存水極清冷夏
月生金蓮花可供玩賞湖廣通志

楚王馬希範修長沙城門壕畢見一物長有丈餘無頭尾手足
狀若土山自北岸出游泳水上久之入南岸而沒出入俱無蹤
跡或謂之土龍無幾何而馬氏亡稽神錄

周濂溪判合州時嘗與人對弈有一老人旁觀口吐涎香氣襲
人公驚曰汝龍也何故來此老人曰何以知之吾聞龍涎極香
汝口中所落者是須臾大雨雷電老人化龍從溪而去公取方
石二十四片鎮溪口今通曉橋是也附錄

寧遠縣志載明成化中有龍墜於丹桂鄉田野間宋時亦有此
異見姜白石昔游詩蓋寧宗嘉定十四年辛巳歲也詩云青草
長沙境洞庭渺相連洞庭西北角雲夢更無邊後有白湖沌渺
莽里數千豈惟大盜窟神龍所盤旋白湖辛巳歲忽墮死蜿蜒
一鱗大如箕一鼻大如椽白身青鬚鬣兩角上捎天半體臥沙

上半體猶沈淵里正聞之官使吏致虔作齋為禳祓觀者足
闐闐斂席覆其體數里聞腥羶一夕雷雨過此物忽已遷遺迹
陷成川中可行大船是年虜亮至送死江之壩或云祖龍識說
異非偶然近日山陽人采菱不知還望見三龍浮目若電火然
見龍多見尾少見四體全一龍已為異三者亦罕傳又因漁湖
側水中忽生煙煙中一驢出繞身步踟躕俄隨霹靂去欲語無
由緣我聞語此事乘舟往觀焉徑往枯葭浦白露爭相先湖有
劉備廟實司浩渺權徘徊無所見歸權月明前詩見白石道人集
荆湘有僧寺背山近水水中有龍時或雷雨大作損壞樹木寺
中有撞鐘張老者術士也而僧不知張老惡此龍損物欲殺殺
之密為法此龍已知化為人潛告僧曰某寶龍也住此水多年
或因出風雨損物為張老所禁性命危急非和尚救之不可倘
救其命奉一寶珠相報某即移於別處僧諾之夜喚張老求釋
之張老曰莫受此龍獻珠否此龍其窮惟有此珠性又怪惡今
若受珠他時悔無及僧不之信曰君但為我放之張老不得已
乃放龍夜後送珠於僧而移出潭水張老亦辭僧去後數日復
大雷雨壞此僧舍奪其珠果如張老之言原化記
明天啟間雲湖居民老叟夢白衣美髯翁告曰有青衣子欲破
湖予與之角勝庶保此靈源君素善獵其助一臂力叟不允因
忧以不助將及禍遂強諾之次日叟攜鳥鎗至湖畔見二牛相

鬪不休因憶夢中語舉鎗攻青牛誤中白牛二牛沒水轉胸風
雷大作浪湧翻居民震駭遙望青龍濱隄而去湖水盡涸從
此滄桑改觀矣土人因立白龍寺至今猶存數十年前湖旁掘
地者間得龍骨皆白衣美髯之遺魄也湘潭縣志
煙塘在永州府城東北十里其深莫測相傳昔有人得一白鱧
將烹之有老叟曰此湘江之龍恐禍及民怒以為虛誕排之翼
日一郵俱陷志一統
潭州道吾山有湫毒龍所蟄墮葉觸波必雷雨連日過者不敢
喘慈明與泉大道同游泉牽其衣曰可同浴慈明掣肘徑去泉
解衣躍入霹靂隨至腥風吹雨林木掀播慈明蹲草中大驚意
泉死矣須臾晴霽忽引頸出波開笑曰日因或問正風雷震蕩
時泉大道躲在何處曰躲在龍鼻孔裏龍鼻孔裏
瀏陽道吾山有龍湫廟前池產水蟲長二三寸色金黑而有鱗
土人目為龍種值旱禱則取數枚置壇所得雨仍送還或云不
還亦自去也嘉慶間浙友沈氏游此自取一枚反覆撥視仍投
池中是夕得暴疾自言誤損其鱗不可遣矣數日竟卒三長物齋長說
唐刺史陽公城左遷州時行至襄陽有五老人來迎問其所居
曰在州城西北五里與以帛各一公至問之無其人但云西北
有五龍井往視之有五帛乃昔所與者為立廟祀焉大觀中賜
廟號崇應政和中封五侯爵曰壽靈壽通壽甯壽成壽應道州志

今道州昔為春陵郡永明縣屬春陵曩時天旱不雨道士陳惟靜者坐於石巖旦夕莊誦龍王經有老媪詣巖問誦經何由陳答以禱雨媪曰諸神受上帝命鎖河不得擅施雷雨陳聞言知媪不凡端簡懇求雨澤以魁枯槁媪曰吾施雷雨有違帝命必遭天罰他日子可於巖前後尋吾遺屍以葬言訖以經案上筆蘸硯池水面北一灑須臾陰雲四合雨下如注俄失媪所在越三日震雷數聲雨霽陳以媪言尋屍至巖西之里許見一巨蛇繞梅樹而死遂葬之時見小蛇繞墳三匝盤旋入塘悉化為龍

永州府志

鷓鴣山中鷓公泉廣周一里東有木柱即人家屋柱也居人傳云自其高會聞見已歷二三十年此柱曾無少損昔有龍女被謫為民家婢一家酷虐惟一與時加憐護一日地中生雙玉筍女乃取飯瓢擲地犬銜遽走呼曳急追去數十武此家悉陷於潭故畱木柱以示奇迹潭泉猶深不可測也東安縣志以上龍武陵記曰壺頭山邊有石窟即援所穿室也室內有蛇如百斛船大云是援之餘靈也後漢書馬援傳注晉時長沙德潤門外白鶴觀有高樓與麓山之抱黃洞隔江相對洞有妖蟒能吐舌為長橋每七月望夜飛瞰樓上兩目炯炯如紅鏡羽流惑之以為導引升仙歲以一人齋戒登橋徒取拜而送之時陶侃鎮長沙知為妖引毒矢射之中其目鏡橋即時

散滅明日跡之蟒斃於洞剖其腹得羽衣法器郡人於洞側建射蟒臺以頌侃德郡志

白鶴池在巴陵郡東南三里山陽有兩池潛巨蟒唐呂巖過此招之出化而為劍方輿

宋天聖中丁少連得大鯉命膾之庖人驚報魚頂生角魚已濱死少連曰魚若變化分當再活試以水圍圍如初遂放於青石潭廬載為作送角鯉文因以名池明統志按角

衡州某司戶之妻盛年有姿色與同官家往來和柔待下皆得其歡心但每睡時常開口伸舌而舌表兩歧夫積以驚異密言於曹椽椽曰吾聞蛇舌如是今賢室亦然何也因晝寢以引使視之妻似覺為人所窺至暮泣語夫曰與君緣分止此行當永訣明日而病頃刻即沈篤遺言我死後殮斂了切莫開棺方盛

暑天恐形容亦敗空招憎惡耳再三申約遂亡翼日就木其家近在旁郡走介報越三日父母來云初不聞有疾何為遽爾必欲觀其尸夫以所戒告母疑非善終固啟之則一蛇蟠屈於中衣裳冠履如蛻悲駭慟絕亟昇出野寺焚之趙彥遷儒林時在衡實所親見夷堅志

長壽寺僧言他時在衡山村人為毒蛇所噬須臾而死髮解腫起尺餘其子曰魯老若在何處遂迎魯至乃以灰圍其尸開四門先曰若從足入則不救矣遂踏步握固久而蛇不至魯大

散滅明日跡之蟒斃於洞剖其腹得羽衣法器郡人於洞側建射蟒臺以頌侃德郡志

白鶴池在巴陵郡東南三里山陽有兩池潛巨蟒唐呂巖過此招之出化而為劍方輿

宋天聖中丁少連得大鯉命膾之庖人驚報魚頂生角魚已濱死少連曰魚若變化分當再活試以水圍圍如初遂放於青石潭廬載為作送角鯉文因以名池明統志按角

衡州某司戶之妻盛年有姿色與同官家往來和柔待下皆得其歡心但每睡時常開口伸舌而舌表兩歧夫積以驚異密言於曹椽椽曰吾聞蛇舌如是今賢室亦然何也因晝寢以引使視之妻似覺為人所窺至暮泣語夫曰與君緣分止此行當永訣明日而病頃刻即沈篤遺言我死後殮斂了切莫開棺方盛暑天恐形容亦敗空招憎惡耳再三申約遂亡翼日就木其家近在旁郡走介報越三日父母來云初不聞有疾何為遽爾必欲觀其尸夫以所戒告母疑非善終固啟之則一蛇蟠屈於中衣裳冠履如蛻悲駭慟絕亟昇出野寺焚之趙彥遷儒林時在衡實所親見夷堅志

長壽寺僧言他時在衡山村人為毒蛇所噬須臾而死髮解腫起尺餘其子曰魯老若在何處遂迎魯至乃以灰圍其尸開四門先曰若從足入則不救矣遂踏步握固久而蛇不至魯大

怒乃取飯數升搗蛇形詛之忽蠕動出門有頃飯蛇引一蛇從

死者頭入往吸其瘡屍漸低蛇炮縮而死村人乃活西陽雜俎

宋夏應辰為潭州書局時温江縣申本處蛇一條長百餘丈神

光照三百餘步口吐香蕪約二十餘里殺啖人畜無數差甲士

二千人收捕為其掉尾捲去五百人命天師法力治之方殺死

骨如山古今集記

道州營陵中龜甲長八尺下自然有文字前後四足各踏一龜

有時行或踰山越水眾莫敢犯錄異

武德三年老君見羊角山秦王令吉善行入奏善行告老君曰

入京甚難無物可驗老君云汝到京日有獻石似石龜者可驗

矣既至朝門果有邵州人獻石龜者下有六字文曰天下安于

萬日召乘

由桃源山攀蹬而上至桃花洞又曰秦人洞石壁峭立洞口縱

廣丈餘洞外有瀑布千尺挂絕壁而下瀉潭中潭在洞門外深

不可測內有潛龜身長而窄鉤吻類鸚鵡背生鬚尾帶甲如龍

鱗名曰黃靈漢行

元熙中桂陽郡有一老翁以釣為業一日出釣遇大魚食餌擊

綸甚急船人奄然俱沒家人尋於釣所見老翁與魚並為釣綸

所纏而死魚腹下有丹字文曰我聞會潭樂故從櫓潭來磔死

樊老翁持釣數見欺好食鯉魚膾今日得汝為幽明錄

柳宗元為永州司馬至荊州驛舍夢黃衣婦人曰某之命如敗

縷之懸風危危將斷且將飄矣君能活之戴恩何可喻也明且

以諭荆帥召吏訊之曰前一日漁夫網得一魚巨而黃鱗為勝

今已斷其首遂命投江中是夕夢前婦人來而亡其首荆州志

飛魚朗山朗水有之魚長一尺能飛飛即凌雲空息即歸潭底

西陽雜俎

乾隆間有魚大如船自縣前米家灘逆流而上鬚鬚畢現諸小

魚從者無數漁人尾其後至大湫潭漁人以巨網截之不能獲

後聞是魚至湫浦界始不見是年湫浦水災或云發蛟或云即

巨魚所為也辰縣志

未陽縣東北有蘆塘八九頃其深不可測中有大魚常至五日

一奮躍出水大可三圍其狀異常每出水則小魚奔避隨水上

岸不可勝計又云此塘有蛟魚五日一化或為美婦人或為美

男子至於變亂尤多郡人相戒不敢有害心後為雷電所擊此

塘遂乾辰縣志

長沙女子清次浣紗覺身中有異遂娠生三物皆如鯢魚著藻

繁水中養之三月遂大乃是蛟子字大者為當洪次者為破阻

小者為撲岸一日天暴雨三蛟俱去不知所之每天欲雨輒來

望母良久方去經年女亡三蛟至墓所哭之竟日聞其聲如犬

聲搜神

成應元事統云車武子好學常聚螢光讀書時值風雨武子欺
曰天不使我成其志業邪言訖有大螢傍書窗比常螢數倍讀
訖即去如風雨即至獨異志

國初都督李名山微時家忽見蛙大如斗拔劍斬之變為二復
斬隨變小如指色青耀室掌有朱點印文五爪李怪而捉之馴
服不去隱見莫測見則其家必有吉祥善事及征臺灣蛙亦隨
往每將戰蛙立巖巖視所向皆勝李由是多獲奇功以狀聞
敕封為青蛙使者李沒蛙亦去桂東縣志

蜈蚣洞新化縣東九十里水從洞中流出昔有孝婦汲水為蜈
蚣所傷忽一劍飛斬之今橫蹟崖上光銳耀日傍石有水桶痕
二及履迹府志

晉義熙中零陵施子然雖出自單門而神情辨悟家大作田至
穫時作蝸牛廬於田側守視恆宿在中其夜獨自未眠見一丈
夫來長短稱中人身著黃練單衣袷造席與子然語子然問其
姓名答云姓盧名鉤家在粽溪邊臨水復經半旬中其作人掘
田塍西溝邊蟻垤忽見大坎滿中蟻姑將近斗許而有數頭極
壯一箇彌大子然自是始悟曰近日客盧鉤反音則蟻姑也家
在粽溪即西坎也悉灌以沸湯於是遂絕續異記 以上

湖南通志卷末之十一

雜志十一 摭談一

黃帝以四嶽皆有佐命之山而南嶽孤特無輔乃章詞三天命
霍山為儲君潛山為衡嶽之副以輔佐之躬寫形象為五嶽真
形圖黃帝傳

洞庭君山帝之二女居之曰湘夫人帝女遺精衛至王母取西
山之玉印印東海北山博物志

衡山朝日峯昔殷先王負暄於此徐靈期記
衡山之岡有石室內有刀鋸銅銚及瓦香鑪藝文類聚

太常博士崔頊言常盧潘云衡山石名懷西陽雜俎
衡嶽水簾洞石方平可坐可眠隱見於水中下刻冲退醉石四
大字昔有人題詩二絕云水簾洞前一片石畱與仙人醉後眠

珍重何人書四字風雲重護鬼神憐斯人胸次闊如海石上畱
書使出塵只恐清風明月夜此間真有醉仙人南嶽

衡山桂英巖上鑿石作日有鐵杵倚置巖畔石曰邊有兩人腳
蹟衡山

衡山有懸泉滴瀝巖開聲泠泠如絃有白鶴迴翔其上如舞湘中

南嶽之雲變態百出時而一縷來去時而滾滾入室時而鋪海
則眾山俱沒一望平洋真屬奇觀謝靈運詩

南嶽頂有泉一處山僧不與人飲謂飲此泉者即生癩瘡全楚

長谿縣左岸稍西有巨石外貌雄渾而虛其中曰鐘鼓洞洞中

有藏書室相傳穆天子藏書處正統中樵父入石室見書報縣

縣令往取之書皆隨風飄滅無存邑中有大西山爲穆天子藏

書處而沅陵之小西亦稱藏異書處一曰小西即大西之後門

然實無據東遠紀程

由沅水驛向西過江西橋橋長半里上鋪大板下有十六洞每

洞基上構木爲屋列肆貿易兩旁成市中爲長街入楚以來此

橋最爲宏廠漢行紀程

辰邑山溪最爲奇勝自船溪至邑四十里一望巖石林立態色

之妙彷彿太湖靈壁車馬都從石罅開行或高如削壁或砌如

欄階或如馬馳虎踞或如祥鸞奇鬼或如樓閣或如煙雲種種

駭歎居民皆藏石隙中短竹周遭時見煙升從風卷散似朝川

岡中北坵意景至於辰溪城市四圍俱石骨奇擎謂之五城山

楚威王使將軍莊躡定黔中至此因山築城是也城南一帶則

有石屋巉空臨江數仞與疾流奔響互爲吐吞尤出人耳目之

外○明制萬曆中設偏沅衙門以撫苗半年駐沅州半年駐偏

橋關爲黔楚重鎮近爲言路建議割湖南七府並郴靖二州設

湖南巡撫駐長沙置藩臬而偏沅遂廢舊署之東舍有古柏纓

絡垂綠翠色可挹數百年物也州治元妙觀中有唐明皇像治

銅爲之相傳天寶中上方所頒也漢行紀程

洞庭湖白泥窖長十餘里湖水淺不及尺舟行須水尺五不得

已盪舟膠泥中螺蚌碎石與舳板相軋聲刺刺不休適以風猛

甚瞬息而過舟人以爲此乃神窖非風不行數里之地水涸時

人力推挽行一二日者有之篙頭皆綴橫木形如卜字其銳者

一入膠泥不能復出過此即入柘木窖洞庭夾未至夾數里四

天陰霾舟行黑風濁浪中舟子驚相耳語剪牲焚楮色甚惡遽

初不解其故少頃見神木直逼舟旁不及一丈而返舟子色稍

定乃曰此柘木神每遇暴風晝晦輒出游湖中神首色沈綠如

螺髻往來於神木窖之前後左右終古於斯故稱神木云東遠紀程

桃源後洞巨石蹲踞江澗洞門當其中雙扉宛然終古長局稍

前即桃花溪纜船洲爲漁郎鼓櫂處繞行三里可至前洞按淵

明記云林盡水源便得一山山有小口無所謂前後洞也且後

洞在大江之濱戰國時楚師入滇以來久爲通衢與林盡水源

之義不甚相似或好事者爲之耳記又云既出處處志之後尋

向所志遂迷不復得路後遂無問津者則不獨後洞之說杳然

難稽即今所謂前洞也者亦未詳何代何人於漁郎迷路之後

復表而出之遂致今古名賢詩文盈帙然其地山溪草木自非

常境故黃洞源瞿柏庭崔婆張虛白輩接踵而出又宋史載建

炎初桃花洞大水浮出一石其文曰無爲大道天知人情無爲

窈冥神見人形心意語鬼聞人聲犯禁滿盈地收人魂讀之
高古簡奧必非西漢以下文字由此觀之避秦人也近於仙矣

東遷紀
程續錄

布袋口之名不知起於何時蓋洞庭一湖合九江五瀦之水奔
趨於此稍下則三湘之水率西南一帶支流匯為東湖西向入
口與九江水合流過州至城陵磯入於岷江實有括囊之象其
名俚其義確也同上

新隄為魚米積聚之地沿江廬舍綿亙十五里有小江通沙湖
上下洪湖及沔陽仙桃荊州安陸諸路商旅雲集并陌成行余
過時近元夜老穉少壯各鬪龍燈於江汭金鼓喧闐歌呼竟夜
豐亨之象可想見焉同上

雲夢澤寰宇記曰半在江南半在江北其水中土邱半出杜預
所謂雲夢藪巴邱湖也酈道元謂自江陵東界為雲夢藪孟浩
然詩氣蒸雲夢澤然則夾江南北皆其地也岳陽風
土記
華容地皆面湖夏秋霖潦秋水時至建甯南隄決即被水患中
民之產不過五十緡多以舟為居處隨水上下漁舟為業者十
之四五所至為市謂之潭戶其常處即湖地也岳陽風
土記

岳陽城據湖東北湖面百里常多西南風夏秋水漲濤聲喧如
萬鼓晝夜不息激蓄城岸歲常傾頽滕子京待制欲為偃虹隄
以捍之屬移郡不果岳陽風
土記

舟中有硃砂過洞庭多為風濤所苦相傳以為神龍所寶也風
土記

湘水中有穴名大漫不知通何許每春夏江漲皆奔入穴中其
聲如雷聞空中有崑崙奴沈水視之但見歷年所沈枝木縱橫
其間兩蚌如車輪長沙
府志

洞庭者雲夢之下游淵藪也山海經洞庭之山帝之二女居之
郭景純註君山有地道潛通吳之包山按包山亦名洞庭山在
吳越太湖中君山有地道與相通故亦曰洞庭山湖因以名焉
戰國策謂之洞庭五渚蓋澧沅資湘會於江而納厥稱湖在數
水之間資水入湘在洞庭之南北行出其東沅水入江在洞庭
之西東行逕其北少逸而南湘水入焉夏漲則江湖混茫冬涸
則洞庭為陸郭景純註爾雅十藪謂之巴邱湖而徑以之當雲
夢隘矣長江圖
雜說

風土記樂史言大江在巴陵縣東北流入洞庭荆江出巴蜀自
高注下濁流洶湧夏秋暴漲則逆泛洞庭瀟湘清流頓皆混濁
岳人謂之翻流水南至青草或三五日乃還俗又云水神朝君
山洞庭
湖志

寰宇記云洞庭洞府之庭也三茅君云天無謂之空山無謂之
洞人無謂之房山腰空虛是謂洞庭人頭空虛是謂洞房由斯
以言洞庭視寰宇之說更覺暢盡雅俗
稽言

海水中高而四垂未詳其理及過洞庭四望湖水亦復如是始
悟地包於天則其體圓則山河較澤亦隨之而圓水者天地
中五行之一有不為氣之所轉旋耶向謂水勢平遠者特未嘗
於數百里平闊處觀其大勢耳或問地體之圓因何而驗曰試
觀各省太陽出地時刻分秒遠近不同其理顯然先儒言之詳
矣東遷紀程

後唐莊宗滅梁楚王馬殷遣希範修貢莊宗問洞庭廣狹對曰
車駕南巡纒堪飲馬莊宗嘉之五代史

長沙古語有駱駝背斷狀元出之謠駱駝者山也其形似之在

洲北正值水口其下曰麻潭皆巨石屹立清熙七年辛幼安作

守創始營作廣辟衝陌許僧民得以石贖罪皆鑿於潭中所取

不勝計後帥林黃中又增益南街取石愈多迨丙午之夏駱駝

中斷為兩不一歲而王南強容應之容潭州湘鄉人原名午改

名容之繼復除去之字夷堅志按今潭水人謂地名容口亦

今鑿石處正在麻潭山下丁字灣大字嶺一帶皆有石頭時湖

濱久已鑿去知夷堅志所謂駱駝背即此是也若駱口則並無

石可鑿矣

秋坪新語云余侍先大父自瀘入覲舟行沅陵江中水碧如油

兩岸青山壁立萬仞雖後後所不能攀援下瞰江波最舫絕處
見如木植者參差懸綴約以十數積圍闕不一或如書牒風翻
或微塵簸出若灑掃之傾棄其土也仰觀之皆高不踰尺舟人

曰此仙人屋也山青水碧中塵世斷絕仙人寄蹟理或然與伯
兄積厚有句云石室雲中出仙人或此居誰人探絕頂祕錄一

傳余沅陵志

省城河水自晏公碼頭起訖水符廟每歲冬至後桶水多重三

斤他水則百凡釀紹酒者多取汲於此當亦地氣使然縣西長

衝坳係嶽脈過峽處有泉伏出兩旁南風泉北出北風泉南出

則又因風而異又天鵝塘山麓有洞平遠約十餘丈與老龍塘

通水亦利於釀酒但其流甚細耳善化縣志

白沙泉在善化縣東南二里廣僅尺許味甘冽足供全城汲飲

或云泉眼上應長沙子星汲之桶底浮於桶面參以他水則否

三長物齋長說

甯鄉縣西南九十里有湯泉亦名灰湯三穴竝湧上沸可燻雞

鴨中熱可澣衣下熱可濯足溢流合注於塘塘水一邊冷一邊

熱冷處有魚其地產鵝極肥美縣志

綠水池在醴陵縣學前酌而澄之其色深綠可以書字明統志

瀟水在永州西三十步自道州營道縣九疑山來亦名營水湘

水在永州北十里出自桂林海陽山中經靈渠北流至零陵北

與瀟水合二水皆清泚一色雖丈餘可以見底自零陵合流謂

之瀟湘經衡陽抵長沙入洞庭秦韜玉有詩云女媧羅裙長百

尺搭在湘江作山色又云嵐光楚岫和空碧秋氣湘江到底清

沈彬湘江行云數家漁網疏雲外一片殘陽細雨中僧齋已詩
云二水遠難論從離到坎奔冷穿千嶂陌清過幾州門又云月
來無夜底雲度見秋痕皆曲盡其妙零陵總記

卷簾水即漣水出龍山在邵陽縣山頂有池池中多五色鯉嘗
有煙霞人以爲龍其山高峻千巖萬壑分四十八面其水別爲
一源沿流縈迴九十餘里過定勝江東側水市經朱津渡至縣

學前府志 零陵縣有溫泉泉中有伏石分流其陰清水常寒其陽溫泉沸
湧飛霧如煙霜雪無以敗其氣零陵總記

圓泉水在郴州城南二十里會勝寺側張又新煎茶記自述於
僧舍得一書見陸羽與李季卿論水之目二十而此其第十八
者也張舜民謫郴時求是水不得而以永慶寺泉當之是水既

出永慶寺雖美不足復稱後人特緣張愛名浮休泉永慶寺基
今入學宮浮休泉已就湮圓泉水春親對其上信有異脈茶記
不虛著也獨念盛洪之荆州記云桂陽縣有圓水一邊冷一邊

暖冷處清且綠暖處白且濁吾郡圓泉水外別無圓水水今無
此異豈水脈今與昔不同耶餘冬錄

郴州之西南有燕泉者在桂林坊東而春先人故居之西相去
數十步泉仰噴沙石間寒冽而甘四時不涸傍泉居人取汲焉
謂之燕者春燕來時汎濫東流合三川水過游魚案入通波堰

有灌田之利燕去則否南天秋雨多燕之去泉與農無功矣宋
折樞密彥質謫郴時所居考郡志殆即春所居之地折寓郴號
葆光居士嘗作引春亭於泉上爲流觴曲水又作春和堂日游

宴其間今遺址具存春頃就故居之南隙展鑿一塘得青石數
段合之則昔人之所爲流觴者其折之遺物與塘引泉流種荷
養魚自春徂秋弗盈弗縮方茲泉之急田利春不敢專及其贖

於農也春獨有之而人不以爲嫌春故於茲泉託是號焉餘冬錄
以上 嶽麓書院忠孝廉節四大字善化縣學明倫堂三字皆晦翁朱
子親筆長沙府志

城南書院四大字臨湘門三字俱魏公張紫巖得意之筆格古論
余嘗見長沙故官家有小銅器形如桶可容一合號右軍硯水
孟其底內有永和字此必晉人貯水以添硯池者也洞天清錄

長沙九鼎俗傳多妄然明末嘗見散置文廟及郡土地祠等處
范銅爲之高四尺餘三足兩耳質素無款識各重二百餘斤勦
光可鑑古物也長沙府志

郡庭有大鐵鑊六各衙門有之獄中亦有約可貯水數十石當
是積水備災之具非官司煮鹽者亂後多爲奸胥所毀舊府治
大門內尙存其二長沙府志

湘水上出印石大小皆方巒如印今湘鄉盤環嶺有石方如琢

成光采可愛水經注

湘潭縣懸石山有巨石如鼓俗傳石鼓鳴則兵興明統志

湘潭縣南二十里下攝鎮江中有巨石儼然牛臥其形類鐵水

澗則見明統志

湘潭縣西南六十里石潭市前瀕江巨石上有仙人足蹟長一

尺五寸指跡儼存明統志

大瀉山石龍視從毘盧峯接水入僧廚有池蓄之承以螭首約

二里許傳為唐裴相夫人施計石四百二十塊今缺其半瀘山志

益陽縣志云蜀志黃忠南陽人長沙太守未云產益陽也而今

桂香橋有忠祖墓荆棘成叢人或犯之則蜂蟻虺蛇立至舊志

黃忠故宅府志今為長沙衛署其盔甲器械貯北門城樓上明

時巡按查驗登報後燬於兵長沙府志

鐵械在長沙德潤門外河邊重數千斤相傳許遜逐蛟以此鎮

之舊志

陶公祠自晉至明俎豆弗替宏治間邑令以其地太廣析其半

與一貧孝廉為居方釘扁於門大風碎扁孝廉懼卽還之嘉靖

間改為惜陰書院增堂樓號舍祠公於中萬曆三十九年推官

陳大繡改為公館今重建舊志

長沙開福蘭若故為馬氏避暑之地所謂會春園者今荒郊中

時得磚甃皆為鸞鳳之形而奇石林立二百年來供城中官府

及人家亭館之玩何可數記也而傲於榛莽臥於泥池者尚多

有之當時不知載致何所用民之力又何可量哉馬氏父子乘

時盜據一方竭澤聚斂以自封而又以資其侈靡之用旋踵而

衰兄弟相讐敵魚肉惟恐不及亦其理與勢宜然今湘岸有淫

祠江中有誓洲及其交兵詛誓之所小家自為蠻觸祇足以

千載之一慨然被禊亭下臨湖光舉目平遠自為此邦登覽勝

處不足用馬氏為汗也張南軒題長沙開福寺

興甯縣東十里有石巖如竈四面壁立下有深潭其氣上騰如

炊水深而黑雲翳生寒凡榔衡屬境歲旱能精潔禱此則雲霧

四合必有小魚躍出急以器盛之雨卽至否則變異交作泉

湧沸宋邑令郭夢升作亭其上扁曰致雨明統志

安鄉縣西有巨石枕澧水其形如龜居人歲首剖羊以祭石潤

則豐焦則歉明統志

繫馬柱在澧州澧在隋為崇州有驩兜廟石室在焉下有相公

潭左有立石三皆數十丈野人呼為相公繫馬柱明統志

炎陵有古杉二株大數十圍明初人多斧其屑為香有患風熱

者煎水飲之輒效正統間忽大風雷遂焚其木衡州府志

空樟在鄱縣炎帝陵前橫互水中半枯空中若洞舊志

舜陵有古杉十五左十一連理而三者一連理而二者二各植

者四右四連理而二者一各植者二圍可八尺次亦六七尺高

可三百尺勢俱參天先是杉凡十六甯遠以修孔廟伐其一伐

之日風雷震動聲聞數十里工師奔仆欲絕府志

車武子貧時取五龍山下烏石作墨至今田家無墨有取之者

手稿

澧州車渚市有聚螢臺即車武子讀書處也其墓在州東

三十里新城鎮今建書院實楚

武岡州有銀杏樹一株相傳晉陶侃為武岡令時手植今尚存

一統志

晉時營道縣令何潛之於縣界得鳥大如白鷄膝上髀下有銅

環貫之西陽雜俎

武陵縣東北九十里有學書池乃晉高士伍朝別墅也其池水

色微墨故名實楚

邵陽縣有桃花源實字記云武陵地實在斯郡按漢郡國志此

源有夫人祠在焉明紀

齊時零陵安明寺有古木伐以為薪木理自然有法火德二字

零陵縣志

永州署依山廳事之東隅太守黃叔豹因其地稍露山骨除治

積壤十餘尺得石山一凡八十九峯巖洞相通翠潤可喜徧

有唐人刻字於諸峯之側甚奇古有一石橫尺餘聯綴石上全

若水禽因引泉出水瀦滿巖竇其石正淨水而亦有唐人刻字

目之為灘鵝石雲林石譜

靈妃廟有銅鼓元豐中永慶莊耕者得之圓口方耳下有方跌

皆古篆雲雷文色正青綠形制精巧非近世所能為取置於寺

太守李觀用耆舊之說以為陸賈使南越嘗以銅鼓獻廟歲久

失之意即此也時又獲銅鐸一枚輦至禮部今藏祕書省岳陽風土記

岳陽江岸沙磧中有冶鐵數枚俗謂鐵枷重千斤古人鑄鐵如

燕尾相向中有大窾徑尺許或云以此厭勝辟蛟龍之患或以

為植木其內編以為柵以禦風濤皆不可知岳陽風土記

岳陽瀕江水退漁人於沙磧得箭鏃甚多形制不一皆銅為之

歲有得十數枚者足以見前代爭戰之衝也岳陽風土記

汎州古柏在龍陽縣西北義興寺華州回道入過此題詩二句

於柏上云勒馬問船牛鼻渡釣魚望月橋林洲好事者鋸其柏

片片成字今所存枯枿亦復踰抱岳陽風土記

平江石橋潘氏於古冢中得石刻為宋祥符開賜福州三歲念

詩童子授將仕郎試祕書省正言蔡伯稀詩曰七閩三水多才

俊三歲奇童出盛時家世應傳清白訓嬰孩自得老成姿初當

學步來朝闕方及能言會誦詩更勵孜孜圖進益青雲千里有

前期平江縣志

毛著作開梅山頌縣尉劉次莊書立石刻於縣東八里潭磨巖

上後經兵火石燬著作孫毛恕知衡陽刻於石長沙府志

道州西開元觀前江濱甚深寇準謫此嘗升郡譙望水際騰騰

有光使人沒水求之有鼎兩耳可通人百方取之不能舉永州府志

石屏出白鶴山紹興閒有宗子於水中得一石光采絢異其文

若峯巒聳秀煙雲雪月之景波瀾龍鳳之象渾然天成方廣四

五尺雖巧工畫之妙莫能及也零陵縣志

清熙十四年澧州慈利周叔王墓旁五里山摧蓋古冢也其中

藏器物甚多余玠宰是邑得一罇高一尺三寸上徑長九寸五

分闊八寸下口長徑五寸八分闊五寸虎鈕高一寸二分闊寸

一分并尾長五寸五分重十三斤容齋筆

武岡幙官名武孟者太倉人因鑿渠得一瓦枕枕之聞其中鳴

鼓起插一更至五更鼓聲次第更轉不差既聞雞聲亦至三唱

而曉武孟怪而碎之見其中設機局以應夜氣識者謂為諸葛

武侯雞鳴枕也客座新聞

歐陽慶甫咸淳中道州處士有白魯井石刻詩宋詩紀事

道州民於春陵侯冢得古鏡於背上作菱花四朵極精巧其鏡

面背用水銀即今磨鏡藥也鏡略昏而不黑竝無青綠色剝蝕

處此乃西漢時物入土千餘年其質竝未變信知古銅器有青

綠剝蝕者非三代時物無此也洞天清錄

麻陽有銅鼓蓋江水中掘得如大鐘長筭三十六乳重百餘斤

今入天慶觀竝有銅像二相唐明皇像餘散他處鼓尤多其文

環以甲士空中無底辰溪縣志

永州蘇山多石人取以水淋之鋸破其像有觀音彌勒寒山拾

得又有天下蘇山四字辰溪縣志

桃源縣豆青山相傳元時溪上女子姓豆名青聘人未娶因對

此山晝夜泣遂卒至今山有淚石又有豆家衝居人每夜聞琴

大瀉山密印寺有銀杏樹唐靈祐禪師手植大十圍明代嘗枯

崇禎五年大圓禪師來寺復活一枝今全樹皆活寄生香檀一

枝復長桃樹一枝號曰靈樹邑人陶汝節有靈樹圖贊瀘山志

崇禎十二年岳陽樓燬有童子於樓基得一石上有梅形枝幹

隆然而起摩之反無痕石長二尺餘厚二寸遂於樓左立仙梅

亭司李周宗孔為之記岳州府志

明孝宗時平江縣民人杜富家被告救二通前朝織錦墨蹟甚

古御寶猶新迺唐肅宗二載及宋紹興二十二年杜甫暨其裔

孫杜邦傑告救二通平江縣志

嘉靖初桂陽教諭翁繼榮得馬坎嶺斷碑首截郴州路三字有

紹聖三年桂陽縣尉柳宗傑修路詩前二句云煙嵐深僻縣窮

隅蜀道雖難恐不如餘字皆模糊不可辨及攷舊志宋時縣尉

原無柳宗傑名且元時始置郴州路而紹聖為宋哲宗年號殊

不可解桂陽縣志

湖廣土司彭九霄之母有玉跳脫一隻中有一蟻歷歷分明自能蠕動香祖筆記

郴州支邑邨民圃地昔之仕官故宅基其畔有池常見雙鯽比翼而嬉經數歲無他鱗民投網取之不可得後澤竭於泥內獲

一銅盆中鑄兩魚形與向見者不異注水潑刺如前湖廣通志

同人李生為子言順治九年曹永國志建舊郡餘卒自粵下衡

陽道臨武屯於城東及去後民於屯所競拾釜甑瓶罍之遺有

童子後至見一磨稜研背微有礪刀痕拾歸李生易以百錢滌

視之乃知為岳忠武硯也闊約五寸長七寸高三寸色如猪肝

堅而瑩澤邊痕悉剝落面有池池上正中一血鵲眼琢為日

象墨香厚積濯之不可去底下微琢空容一指許至池背則稍

平實未琢也硯之邊右鐫四篆曰丹心貫日左鐫五篆曰湯陰

鵬舉識右側旁楷書鐫曰岳少保研尚供宸御今蒙上賜臣達

此古忠臣手玩也臣何能堪謹矢竭忠貞無辱此研洪武二年

正月朔日臣徐達謹記李君得此藏弄甚寶邑侯吳從謙乃力

求之李不能卻竟歸於吳聞吳以遺其門人之最嗜古者為時

相公子云秘意周紀事錄

岳州城門左側有鐵牛一蹲踞西望而張其口若有吞湖之意

想亦五行克制之理與黔省銅牛制水之義同門外沙磧中置

鐵鈕五其一較小不知起於何代俗稱鐵柳長八九尺廣五尺

餘厚尺許度其輕重每一鈕不下萬斤形如又字其交叉處廣

二尺中有圓竅徑一尺每又平分四端廣尺許其兩端復有

兩竅大如栝製度甚工其一小扭交叉處無大竅而旁有小竅

四竟不知何用強名之曰扭耳或以為厭勝辟蛟蜃之類庶乎

近之不然得非繫舟之具古人所以備風濤者邪東通志

常德倒水巖仙蛻石石皆壁立水濱透迤高廣上鑿石竅者十

下臨絕壑內一竅中藏木樁五舊傳為沈香棺土人云水漲時

健兒引繩上棺朽遺蛻尚存舟人戲以竿撩之雷輒怒擊亦未

知何代所置東通志

池建司有山產石可製屏硯其文備花木山水之勝色微黃質

堅而肌細不減礪礪石昔有人得一段琢為硯寶之今失其處

不可復得沅陵縣志

紫陽遺蹟在嶽麓書院原刻八月有譜像詩記明末書院圯壞

寺僧竊砌溝渠康熙開巡撫馬召南追取僅得四片今嵌崇道

祠壁間舊志

沈香船在瀘溪縣南十五里桐木坳陟崖半壁船架其間舊志

未至沅州二里有仙人塘江左石壁森秀竹樹青蔥壁上題四

字似古文篆籀云是仙人所題莫有識者東通志

仙人舟在永順縣東南渭州河岸石壁嶙峋中懸一舟一棺世

傳為仙人蹟舊志

慈利縣北二十都石壁千仞上懸一劍其白如銀約長一丈萬年椿在瀏陽縣東余家灣木樛如林大者連抱綠萍駢之水
 洞則縱橫然蓋昔人障水以衛城者自鳴鐘在常甯縣東湘山寺重千餘斤為唐代遺物每霜晨扣
 之聲聞數十里有兵警輒自鳴飛來鐘在臨湘縣大雲山相傳自洞庭湖飛來不擊自鳴
 飛來鐘在桂陽州北四十里古社繫古樹上至今尚存鐵香鑪燭臺在臨武東金三鄉六十里金仙嶺頂上各重數百
 斤兩侵日炙字蹟剝落不知年代相傳為金仙修真之處臨武馬侯嶺下伏波廟有大鼓徑可四尺許鼓之匡係全木空
 成周繚約數抱相傳為石嶺樟枝所製今其鼓音亮則天必晴明闔然沈抑則必雨以此占之歷歷不爽農家謂之信鼓
 蜈蚣洞在新化縣南五十里水從洞中流出昔有孝婦汲水為蜈蚣所傷忽一劍飛斬之今橫蹟崖上光鑑耀目
 兵書匣在東安縣東沈香潭崖上木匣宛然不可攀取王龍澤麗澤書院記麗澤書院乃呂東萊與朱晦庵張南軒三
 先生講道之所瀟湘中建祠以祀東萊先生至至元中復修之而龍澤為之記今城南書院 部頒麗澤風長四字之扁額當
 本此善化羅潭在庵堂坪之下深不可測有巨鐘一座沈入沙中僅露一

環約大十圍善沒者皆見之宋杜綰雲林石譜永州出石燕相傳遇雨則飛頃余陟高巖石
 上如燕石者頗多因以筆識之石為烈日所暴偶驟雨過凡所識者皆墜地蓋寒熱相激迭落不能不爾土人有石板其上磊
 塊如燕形者不一杜綰石譜永州祁陽縣浯溪山巖之側有立石一片廣數尺色
 深青潤光可照物數十步土人謂之石鏡焉東泉雜錄中興頌刻南崖石鏡江之南北數里草木人物毫髮
 畢見僧云昔有人鑿取去行數驛夢神人追取即載還籠置屋上方二尺許
 府志云石魚屏出縣西南山石黑色理若雌黃破之有魚宛然又云山嶺有石臥生土中凡穴地數尺見青石即揭去謂之蓋
 石自青石之下色微青或灰白青重重揭起兩邊石面有魚形類鯢鱗鱗悉如墨描穴深二三丈復見青石謂之載石石下
 即著沙上然選擇數尾如相隨游泳或石紋斑剝處全然藻荇凡百十月中無不可觀大石中魚形反側無序者頗多間有石
 中兩面如龍形作蜿蜒勢鱗鬣爪甲悉備尤為奇異土人多作偽以生漆點綴成形但刮取燒之有魚腥氣乃可辨
 桂陽朱君尚仁為予談龜鶴石之異曰縣南之壽江有二石狀類龜鶴石延頸而石鶴石曳尾而東鶴石稍高昂首舒翼翼

以上皆出水跌甲毛羽皆具若削剛搏而成者相與游泳乎江中攝衣而登其上可容十數人深而探之背中空下洩水入其腹者過半信湖南一異也

李東陽題

東望培塿迤連林薄曰鹿角巡檢司又十餘里西岸有沙洲堆阜隆起即青草廟下有一湖湖之中有此洲南名青草北名洞庭所謂重湖也廟居洲上南向門內一排三殿中曰勸善太師乃一僧像西曰安流大王東曰昭靈大王勸善即泗洲大聖也昭靈馬援也安流者莫知其為誰小碣一乃梁開平中馬殷所建然堂廡頽圯湫隘為甚西殿有一鐵鍋可容五斗許下有木刻龍頭三鍋上有字云准宣鑄利州黑龍船上鐵鍋祝云此二物自川峽流下自湖中汭流至廟廟外有巡檢司居民十餘家以漁釣為業樟木數百株徑數圍徧覆洲上冬青可愛是夜船上不敢打更提舉舟人云廟中自打更報牌也夜深傾聽亦有

所聞

離騷涉江章云乘船船余上沅兮齊吳榜以擊汰船容與而不進兮淹迴水而凝滯朝發枉渚兮夕宿辰陽苟余心其端直兮雖僻遠亦何傷入激浦余儻何兮迷不知吾之所如深林杳以冥冥兮乃獲狝之所居山峻高以蔽日兮幽晦以多雨霰雪紛其無垠兮雪霏霏而承宇由沅而辰而激經行歷然沅曰上激曰入確不可易深林杳其以下狀冬日舟行入江口之景皆神

似激有招屈亭不可謂之傳會也

激浦縣志

大潭亦名廟潭雍正七年大旱鄉人車水潭竭有石刻云雍正七年車水至此又顏家隴中度橋下有潭是年亦竭有碑刻大石水三字

激浦縣志

厓門石壁鏡宇雲蘿主人舒巡檢兄弟四人開砌此路經月餘畢工時延祐四年歲次丁巳六月吉日記蓋元仁宗在位之六年此石刻之最古者

激浦縣志

順治八年續順公沈永忠鎮寶慶府部多左良玉降將奉旨就地安插編入民籍凡三十五姓兵有中左路之別以路分里故名路里或訛六里非也北江大悲林故址舊有彭克濟園亭明末兵燬

國朝布政使孫宗軻以其地與僧開悟募路里五房建又城內

白衣庵聽月庵均路里建又有路里公館三十五姓子孫

蕭向陳余廖管丁羅劉胡居楊孫吳賈會鄧黃何朱周時姜張尚藍覃毛魏鄭顏是為路里三十五姓歲時祭享

大悲林寺梁舊載鎮守湖廣中路都司楊大鵬游擊孫國治馬

天秀李天才向文奇漆起鳳李如茂守備孫才李寄生鎮守湖

廣左路守備徐如昇城守都司劉啟奇蓋當時領兵官也乾隆

開重修路里諸生李梅碑記咸豐己未燬路里王樹葵朱召棠

李開甲等修復

崇藩金印重十七斤今寄辰州府庫

張果唐開元中賜號洞元先生辰州父老言其嘗隱沅陵小酉

洞又言辰谿大酉山有鍊丹池其遺蹟也唐書本傳

近又掘土得碑云遠望迢迢露骨多壯士紛紛把劍磨水居燕

國歸南土血染滇黔入北河馬尾羊頭猶是可難猴相對奈時

何若得太平無事日金雞銀犬息干戈對陽縣志以金石古蹟

張衡思元賦云流目頽夫衡阿兮覩有黎之圯墳注引荆州記

云衡山南有南正重黎墓楚靈王時山崩毀其墳得營邱九頭

圖焉楚靈王時

陳圭重修楚大夫宋玉墓詩序云墓在澧州安福縣長樂鄉左

舍水石浴水唐時碑文風雨剝蝕玉旁缺點人遂呼為宋玉墓

今土人且慮其上矣澧人詳考志乘及李羣玉詩嗚於官得修

復豎碑徵詩以紀其盛登毬門兮清秋月西極兮悠悠浴之水

兮奮之流中騷人兮靈邱靈何適兮故楚魄焉化兮故土海生

塵兮桑田山吹巖兮棟宇拔古木兮叫雲鬼幽篁兮嘯雨昔炎

炎兮大言今弈弈兮墓門鶴來歸兮自詔朝東出兮清曠澧有

蘭兮香霏霏氣氤氳兮降靈旂蕙散蕙兮瑞席士遷房兮依依

哀吾生之焉薄兮懼荒穢之沒芳草刻吾舟以求劍兮名虛託

而身老賦楚些以歎歎兮惜風流之文藻羌冥冥以相余兮策

余馬於中道設不忤前修兮又何有乎枯槁巖君山兮荃櫂抱

仙酒兮木瓢臨下風兮酌之一碧兮汶汶汶汶

桃源有蘇溪上有蘇武祠相傳昔曾至此因悟俯觀江漢流之

句子卿實經南游故有斯吟原非塞北語也足釋前人之疑徐謙

舊志伏波廟在縣西二百五十里四都圭溪坪相傳有農起牧

馬者遇沙帽朱衣人詢之曰征五溪蠻者明旦復遇乃為立廟

以祀府志載伏波征五溪蠻會駐於此居民立廟以祀有禱輒

應康熙五十年廟圯有館師數見紅袍人甚偉倏忽往來恍惚

與語眾重新廟宇乃不復見安化縣志

陳之駭韓元墓詩序云韓元墓在府治北階下按舊府治今新

守者必祀或疑元應罪而誅豈在祀典况衙為藏骨官為守冢

子應之曰彼特失於見義不精識人不蚤此春秋責備賢者元

豈得已者哉後世有國者並存此一坏土教人臣守禦當死生

以之子讀蕭鞮曰子委質於狄之鼓未委於晉之鼓中行穆子

無得而辭焉當曹操託名漢相則凡與曹爭者與漢爭也背曹

者即背漢也元既受命漢相則長沙固漢郡耳守土之任固其

所也况先主因董承泄機連名而逃未嘗親受討賊之詔元安

得以長沙予之到此祇因用武無地聊為掠奪之計心知元無

罪非同賊臣抗順所以容其官禮成葬即葬於朝署之後無嫌

漢家王氣盡為誰守岷城阿瞞託漢相猶狹天子名所以荀文

若初見不勝情帝號幾曾改天下非縱橫雖是中山後太守豈

私迎曹劉俱客閩長沙自浮萍人人託扶鼎皇路乃夷庚樓堞
 觀城日惱殺角弓鳴老將甘受戮穿揚故貫纓匹夫何為者血
 劍逞不平幕府來先主軍禮修孔明憐伊齋溝壑孤邱封土成
 退步得尺寸畫地分死生宿草年年長華磚箇箇榮幾能作墓
 鬼猶聞鈴閣聲至今二千石拜掃非不榮攸縣志
 湯陰至性人也觀其歆享周同得古人師友之義君山其用武
 地也容城與物無競臨事有為一言而福被蒼生君山其登臨
 處也南城山陰理學名臣流連君山而不能去殆有夙根者與
 公安矯開元之濫觴如張楚一呼豪傑響應當時待文王而後
 興者何其無特操也雖戲題君山增綺語業然廣莊一書堪與
 人天為師至為諸孫留一日於易簣之際又豈尋常男子耶武
 彝黃冠歸故鄉襄陽緇服游名嶽皆信宿君山賦詩而去所謂
 伊人於焉嘉客矣北海連公曰是皆可祠於君山者也祠成置
 木主大書湯陰岳先生鵬舉容城劉先生時雍山陰張先生陽
 和公安袁先生中郎南城羅先生近谿襄陽嚴先生橋園武彝
 李先生磊英神主五十一字奉祀其中榜其門曰七先生祠蓋
 康熙六年仲春事也李晉之君山七先生祠堂記
 劉宏化長沙衛人墓在飛來橋康熙中湘潭庠生羅仙夜夢明
 衣冠人來謁曰我東林黨人劉宏化也以墓見託請旦聞飛來
 橋有墓為盜所發仙素服往哭鳴之官置盜於法為修復其墓

案湖廣通志宏化為南大理卿請減長沙例外派銀五千餘兩
 潭人至今懷之而飛來橋今在湘潭其墓見存或長沙衛改屬
 湘潭抑長沙別有飛來橋而此偶同與存以俟攷舊志
 醴陵坡因有忠烈江門先生墓故改為理靈坡墓前歷有祭忠
 烈祠道光初年許萊山學士邦光題廟聯云共日月以爭光吟
 太古梅花已為離騷廢一曲有奸雄會過此拜空山墓草須知
 浩氣薄三霄咸豐壬子燬於兵善化縣志
 湘潭縣志云新安程青來黃希債負賤至湘潭郭外夜聞遠近
 億萬蛙聲次日詢之土人云鬼聲也邑人為流寇殺戮至今骨
 積如山無人收葬故常夜哭二人因誓云如買獲利當來收瘞
 後贏利三倍即託一僧任之於高阜建冢六百餘所收瘞骨骸
 千八百麓又建小庵延僧居之朝夕諷經施食哭聲始絕舊志
 世傳澧有畜狗者常隨之出入一日其人醉臥山腰野燒適至
 狗急奔山下水中濡尾溼草如此數回得不死逮其人醒而狗
 斃矣乃以人禮葬之其冢至今巋然名狗冢山澧州志
 湖南通志卷末之十一

湖南通志卷末之十二

雜志十二 摭談二

南嶽西永年鄉有鳳凰峯昔祝融君祭南嶽感碧雞鳳凰集其上徐登

巴陵縣清水山得白鹿一頭白者正色鹿者景福嘉義晉殷仲堪上白

至正間華容八都民鄧姓者馬產龍駒後復產於其鄰華容縣志

宏治三年九月平江民曹孟謙家產石榴六顆八顆同一蒂又

二槐連理而生平江縣志

茶陵州有龍化湖故有識龍湖榜元出正德己卯湖忽暎涸

龜裂明年州人張治遂舉進士第一名山錄

呂覽楚之衰也作為巫音注女曰巫楚辭九歌巫以事神其女

妓之始乎漢曰總章曰黃門倡然齊人歸魯而孔子行祭穆遺

戎而由余去又不始於楚矣湖廣通志

楚俗信巫尚鬼皆虛中堂供佛獨不置竈突炊煙冒屋而不得

出蒸而為煤薰而為涕更可歎者門廡廊樓櫺宇逼湊不露一

隙光明城外曠處亦然補錄

楚人作門戶檻最高門最低長者必俯首出入偶一忘懷必遭

磕擊比戶皆然上

辰俗動以強姦誣人教其妻堅執所訟者首尾捏造若有粉本

及視其妻則秀頂黧面顴腹巨變滿堂匿笑而長舌益厲痛泊

一二乃絕上

僧袁寂澄抱牒訴云急救妻命事牒陳施主公助娶妻蔡氏與

鄰人爭田被毆訊之果禿而有室者也此地髮而巾禿而娶不

一而足上

辰溪生女多溺死故女最貴再昏者亦須三十餘金前夫久而

復訟謂之求敷訟牒中十有六七有男子僅三四十而女人已

六七十者其老死不娶又比比也上

辰俗迎春糜生二十人皆公服乘馬前導迎新官亦然禮生亦

糜生為之上

有叔訟姪者稱其夫婦曰蛙夫蠶婦亦新上

辰字多訛不問字義一人而自寫姓名往往前後矛盾有富民

熊孟魁投牒再為孟奎三為孟達後則以孟為夢以魁為虧其

可笑如此上

夫巫陽禱召自古有之而未有如湖南近日之信鬼魅竟習染

而成風者彼夫祀典所載無論已搜神之說亦所固然外此稱

神或被封敕或受居民戴奉事必有所由始而近地除土穀神

外每里稱廟者以百計每家奉華畜者曰家壇其三五里無煙

火曰冷廟曰壇曰廟依草附木過腫大樹輒神之而側破裂

瓦缶以屋之神焉如是何以自立於靈明然神未嘗自道而父

老竟莫道所從來此一惑也疾病之家除祈禳外有出神拘魂之法以木爲像而人舉之名曰打神是人打非神打也又以人爲神名曰附體東奔西竄向前所謂壇廟者祝之仍是人走非神走也人得暴疾者恨不及待出神爲憾然往往見魂歸而人莫問者亦恬不之怪若有若無吾未嘗有無之祇覺造物生死之權俱任其爭鬪而莫之自主此二惑也又其甚者有致鬼之術簾幃中似唧唧有言及審聽之則莫辨其音與其字又其甚者有通陰之術運符咒詛能令人身灰冷夢中囁語作鬼物聲嗟嗟人鬼之閒竟可彼來而此往九重泉地無界限無鎖鑰亦何幽明生死之分此三惑也說至此而人尙駸駸乎慕之其不率人而鬼也幾何哉○縑流羽士挂紫披金非扮佛仍扮鬼也其中科白多不近情姑舉其甚不可解者言之一日頒赦吾見朝廷之赦朝廷主之上帝之赦而每每可頒也斯亦奇矣豈天宮時時有赦而死者適逢其會與抑欺上帝無言而作佛者自赦之與雖然縱上帝有赦而死者仍不免則頒之亦徒然此一不可解 一日贖罪人死受罪之說宋儒辨之詳矣人之生也有形軀血肉則形有所施及其既死而體魄亦歸於無柎楊柳索將施之於何處爲人子者不能於生前揚親善而反於歿後彰親惡獨何心與吾見作法事者除懺悔外又造冥府錢作十王衣爲贖罪具審爾則是閻羅王亦愛錢財冥冥之中公行賄

賂一衣一楮所費無幾而天下之爲惡者幸矣此二不可解 一日破獄地獄之設正爲斯人曹操秦檜何惜數十萬金而破之耶以獄爲真有則必不可破以爲真可破則又何貴乎其有幽泉重禁反不若監盜者一牢卒彼獄雖嚴又何畏也此三不可解 一日血盆爲女人而設爲其生育子女汙穢世界聚血爲牢以罪之天地以好生之意寄之男女女有牢而男獨無恙乎天地欲不生則亦已矣天地而欲生不自咎而咎人則亦惑之甚者也昔日健連持戒而其母犯葷犯葷之罪未必若是之甚而釋氏遂歸大惡於其母則其孝亦可知矣今剖盆者無問母氏之聖善女子之賢淑而總以己爲目連以其母爲忤帝利豈非忍心而害理耶況夫天地惡其污穢而所聚之湖所剖之盆此物豈歸於天地之外與此四不可解 一日還受生錢世人謂南嶽注生還錢者必至嶽始效是錢也天地得之耶抑嶽神得之耶錢可通神果有之矣造物且然而况人乎未生且然况既生之後乎閻羅愛錢嶽愛錢天地愛錢又何怪於世之人耶吾不知其何所取用獨其生時不需現錢而身後乃索舊帳人身不惟可買而并可賒世之難於嗣續者何不現錢買之反覺易耶又不知羽毛鱗介受生於造物而誰爲還錢者此五不可解 一日行鍊元門家二候采藥四候溫養三載鍊已十月成胎而彼以瞬息扮演遂曰拔死者以升天欺人耶抑自欺

耶若云擲絲書符是行鍊也則神仙滿世界矣此六不可解之數者固非釋家老子之意而為之徒者莫識何時衍為科白俾駭聽聞人皆曰子智而不覺習見習聞中為其所愚者久矣

志

辰常之間人多尙鬼祭必巫現如離騷所載九歌名號稱神稱鬼不一而足所謂習俗移人賢者不免故祀典所不載而廟貌巽然者比比而是如蠡山廟祀越相而山畔復有武陵娘子祠云乃大夫之妻載在府乘得非謂蘇臺歌舞沼吳有功當日黃金鑄像兼及若耶丰度耶

東定

辰俗巫作神戲搬演孟姜女故事以醮金多寡為全部半部之分全者演至數日荒誕不經縣學教諭向兆麟有神巫行云汝有病何須藥神君能令百病卻女祈福有嘉告神君福汝萬事足走迎神巫吹角鳴巫來降神牲醴具陳牽牛執豕神其至止殺豕封羊神保是康坎坎擊鼓備極媚嫉神憑巫語翁病行愈錫汝以純嘏拜送神巫剛出門阿耶哭耶已聲吞走過東鄰還歌舞今年高廩富禾黍明年多財復善賈事事稱意惟憑汝願唱一部孟姜女

辰俗

籍尚有相思曲云妹相思不作相思到幾時只見風吹花落地不見風吹花上枝妹相思妹有真心弟也知蜘蛛結網三江口水推不斷是真絲按籍尚初不知歌有劉三妹游戲得道侏儸

之音無不通曉就其聲作歌為諧嬉跳月之辭苗入奉以為式同時有白鶴秀才亦善歌與三妹登七星巖絕頂相倡和音如鸞鳳流連往復聽者忘返已而歌聲寂然兩人亭亭相對則已化為石矣諸苗遂祀三妹於崗中勿替

集

楚苗多聚於鳳乾永晃諸廳其在辰沅永屬者十之一性情風俗大都相似嘉定張東墅修府守承順時以事至鎮鎮經行苗寨數百里購得畫冊十二幀各以小樂府詠之爰錄其題并小序於此一日調年鼓每歲正月各寨擇平陽高阜地置鼓其上數人互擊之跳躍騰擲狀如猿猴孺環觀歌聲唱和不絕名曰調年又曰打猴兒鼓猶有小雅祈年遺意焉 二曰秋千戲秋千狀如紡車每架可容四人或二人春初於寨前後設之苗人云習此可卻病男婦相偕戲且歌有少年因以妃偶者殆亦周禮仲春會男女之制與嗚呼苗矣 三曰鑿山耕田皆鑿山而成高下層累多種雜糧春夏之交夫婦合作與土人無異雨不荷蓑日中不戴笠勤苦尤數倍焉自乾隆以來均田歸公歲課屯種閒遇水旱歉收或官弁腹削之苗不聊生輒有變司牧者歸咎於苗噫豈盡苗之咎與 四曰采桑歌苗俗婦女每於二三月閒負籠執筐采桑陌上鄰寨少年歡謔無禁桑葉稍薄飼蠶諸法多未備故織作不逮漢人然匹婦效功王政所向官斯土者勤課之而化其陋習抱布之譏踰牆之刺庶幾免夫

五凶織錦機婦女項圈手釧皆以銀爲之寒暑繫五色錦裙乃其自織他衣被屬麗諸華樣有梅華十二度三串柳迴文格雲馭華等名斑爛陸離文彩溢目攷漢法蠻人輸賫布又西南夷傳稱細布織成文章如綾錦知昆俗習勤由來久矣喜無漢人奢麗之風又殊西洋淫巧之技官中爭購之相餽遺云 六曰釣梳上苗民不知卜筮有疑則決之巫巫手執梳絲繫焉其端著指而釣以嚮僂規吉凶凡欲釣梳來者入門不必與巫語但向空默禱禱畢巫隨口判答輒如其意而去事雖不經尙合洪範稽疑之義古有某卜瓦卜皆佐著龜所不逮此亦其一與 七曰躲五月俗以五月子丑二日祭鬼忌青草樹葉入屋所畜雞豚貓犬必先期驅納巖洞中謂聞其聲則不利名曰躲五月其餘祭鬼事甚多鬼有保洞破茶簋箕等名不可勝紀愚蠢者無知意在徼福是可嗤也 八曰上刀梯苗俗業巫者稱爲陰紗帽將老則傳之徒是日號召鄉里然燭燒香鳴鐘擊鼓師冠妙善冠衣赭衣迎神跳舞地設一梯梯列刀數十刃皆向上徒左手執劍右手持角而吹跣足登梯旋轉上下不懼亦不傷師乃以法授之按史記封禪書有秦巫晉巫梁巫荆巫九天巫河巫南山巫名既不同法亦各異苗所爲頗近左道然以之決疑療疾亦治苗之一助未可以幻術例視之矣 九曰椎牛祭苗俗祭鬼最重椎牛凡椎牛之家邀集賓客數十百人堂上設

高座三座居中至戚二人居左右皆衣文繡如傀儡然置牛於堂下巫禱祝已羣苗以槍刺牛其殺斃之狀有目不忍觀者迭經當事懲戒未能盡革非法戕害惻然傷之 十曰遮羞織塔家遣牙郎訂期女父母姊妹皆送女往助嫁之物犁鋤牛羊成備女冠銀冠手執繖半掩以羣首名曰遮羞及婿家女獨從後戶入戒左右視則婿憎之謂有異心也既成婚明日婿設盛筵邀牙郎及女父母等列坐凡助嫁物悉陳於外視物多寡與女父母錢是日孃錢或爭競數日乃已遐荒習俗固不得以禮法繩也至黔粵諸苗有以跳月爲婚者有婚後仍歸母家名做後生者風斯下矣 十一曰喫血誓鄉鄰有曖昧事碎無以白者相約至曠野中繫一貓鳴鈺聒耳扶貓取血盛以筭各跪飲之默訴於神無情者不敢飲謂神將降之罰焉飲畢而羣疑渙矣有訟至官庭或官不能理亦令喫血蓋苗地以苗法治之未始非神道設教之一端也若夫飲人變驢咒蠶飛蠱烏可同日語乎 十二曰打冤家苗之悍者性喜修怨同類相忤則聚眾執械攻劫不已名曰打冤家或有漢人誤入苗寨者拘擊擄楚之索贖錢如其意始釋數十年來凶頑漸化矣治苗者結以恩信因而用之前代平倭多得苗兵之力豈今遂異於古所云耶若激而生變燎原易烈請無遠徵卽道光丁未款苗之事可鑒焉

小環環園詩
錄續笑集

翁洞搖歌云石頭大牛大陷到石頭邊牛大陷到石頭面念娘

不到娘身邊俗人呼魚為又要娘記要娘把筆寫行書寫書便

寫因巨葉思著萬看巨葉書要娘記要娘把筆寫行書寫書便

寫因衫背思著萬看衫背書此國風之遺也志餘

老學菴筆記辰沅靖州蠻男女未嫁娶者聚而踏歌曰小娘子

葉底花無事出來喫盞茶按俗以女子許嫁曰喫茶有一家女

不喫兩家茶之諺通俗

長沙謂隄為帶道致經者長沙謂隄為塘俱舍經音義引坤

仁和杭世駿續方言羌楚人語詞也楚人名滿曰憑名轉曰適

名住曰際地見王遠楚名園曰搏上逸九承音懲蓋楚言

謂遺為蹟許慎淮南子楚人名命為曹許慎淮南子楚人

皆云還郭注楚人名火曰燥詩汝墳吳楚謂火滅為燔襄二

年及昭二十三年擗拔取也南楚語吳楚俗謂牽引前卻為根

格漢書注楚人曰滬考工記楚人謂治魚也讀若禦說

古切楚人謂藥毒曰痛痲文說兩足不能相過楚謂之蹶穀梁昭

楚人謂寐曰寢文說南楚之外謂好曰嬌吳楚之間謂好曰娃

楚謂小兒懶說文尼齊楚謂信曰訐文說楚人謂恨不得為

杯治許慎淮南子楚人以精進為精搖澤濁為眵擊許慎淮南

楚人謂慚曰愧文說楚謂兒泣不止曰噉文說楚人謂噉極無聲

為嘔莊子庚楚東謂相笑為哈吳都賦注王逸九章章楚人

謂跳躍曰蹠文說楚人謂倨為倦許慎淮南子楚謂疾行為逞文說

吳楚謂瞋目顧視曰眊南楚謂眊曰睇文說楚人曰誑郭注釋言

楚人謂寡婦為孀文說楚人謂娣為類文引賈古謂之娣吳

楚俗呼為妯娌音軸里師古注漢書郊祀志楚人名巫為靈子

楚人謂之麟許慎淮南子楚謂之聿說文楚謂之聿吳謂

人名結草折竹卜曰筮王逸九章章楚人謂扇為箠許慎淮南子

翼扇楚人謂之翼許慎淮南子陳楚謂積為柿文說紙甌小畏長

沙謂之馭郭注籥答也可熏衣宋楚謂竹籥文說楚人謂刃頓為

銖許慎淮南子長劍楚人名曰長鈇王逸九章章南楚謂禪衣曰襍

文許慎淮南子荆州謂禪衣曰布襜釋名楚謂無緣衣也文說楚人謂袍為桓

齊俗許慎淮南子楚謂大巾曰帟文說麻屨雜履之名也南楚江淮

間通謂之屨顏師古楚名被為扈王逸九章章統候風也楚人

謂之五兩許慎淮南子南人謂整船向岸曰橫漢書項陳楚開

相謁食麥飯曰養楚人相謁曰餽文說楚人名羹敗曰爽王逸九章

荆楚人呼牽牛星為擔鼓郭注天腹楚俗以二月祭飲食也文說一曰

祈穀食新曰離文說楚人謂卜問吉凶曰叙讀若贊文說楚人謂

冢為琴水經山形狹長者荆州謂之樹郭注楚人名澗曰潭王

九章章楚人名澤中為夢中名池澤為中瀛王逸九章章堞土塵楚人

將赴所任抵於湘川謁凝凝召預宴於賓佐王啟凝云某是侍郎諸從子姪合受拜凝遽問曰既是吾族小名何也答曰名通郎凝乃謂左右曰促召郎君來逡巡其子至凝詰曰家籍中有通郎者乎其子沈思少頃曰有之合是兄矣凝始命邀王君則受以從姪之禮因從容問云前任何官昨罷職北海監院旋有此授凝聞之不悅既退凝復召其子謂曰適來王君資歷頗雜的非吾之枝葉也遂徵屬籍尋其派乃有通郎已於某年某日物化矣凝睹之怒翌日廳內備饌招之王君望凝欲屈膝忽被二壯士挾而扶之鞠躬不得凝前語曰使君非吾宗也昨日誤受君之拜今謹奉還遂拜之如其數訖二壯士退乃命坐與贊復謂之曰當今清平之代此後不可更亂入人家也在庭吏卒悉笑王君慚報飲食爲之不下斯須踉蹌而出唐詩補注皮日休曾謁歸融尚書不見因撰夾蛇龜賦譏其不出頭也而歸氏子亦撰皮靴鞋賦遞相謗訕皮生後爲湖南軍倅亦甚傲誕自號閒氣布衣莊布以長書責之行於世北夢瑣言亂離以來官爵過濫封王作輔狗尾續貂天成初貴州節度觀察使馬爾卽湖南馬殷之弟本無功德品秩已高制詞云爾名尊四輔位冠三師既非品秩陞遷難以井田增益此要語也議者以名器假人至此賈誼所以長歎也北夢瑣言柳宗元爲呂溫誄云唐元和六年八月日衡州刺史東平呂君

卒君由道州以陟爲衡州君之卒二州之哭者逾月湖南人重社飲酒是日上戊不酒去樂會哭於神所而歸余居永州在二州中聞其哀聲交於北南舟船之下上必呱呱然蘇子瞻謂宗元敢爲妄誕居之不疑如誄呂溫云云雖子產不至此溫何以得之蓋以溫特八司馬之一耳柳又其黨其言不足取信於世也予觀溫知衡州時送毛令絕句曰布帛精粗任土宜疲人誠信每先期今朝臨別無他屬雖是蒲鞭也莫施其愛民之心發於言語乃如此其政必有可觀者餘冬錄柳員外宗元自永州司馬徵至京意望錄用一日詣卜者問命且告以夢曰余柳姓也昨夢柳樹仆地其不吉乎卜者曰無苦但憂爲遠官耳徵其意曰夫生則柳樹仆則柳木木者收也君其收柳州乎卒如其言因話錄劉禹錫曲江序云張九齡爲宰相建言放臣不宜與善地悉徙處五溪然九齡自內職出始安有瘴癘之歎罷政守荊州有拘囚之思身處遐陬一失意不能堪矧華人士族必致醜地然後快意哉議者以爲開元良臣而卒無嗣豈忮心失怨陰責最大雖他美莫贖耶堅瓠鄭德璘巴陵令貞元中任湘潭尉家長沙每歲省親江夏會遇老叟鸞髮笑者璘擊松醪春飲之一日涉洞庭將赴江夏有巖賈韋氏女美豔夜與鄰舟女知詩者同泊鄰舟女聞江舟有秀

方吟所作拾芙蓉詩云物觸輕舟心自知風恬煙靜月光微夜
 深江上解愁思拾得紅葉香惹衣鄰舟女取紅牋書之置草奩
 中及旦分舟去德璘自江夏歸適與韋舟同宿洞庭韋女於水
 窗中垂釣璘見而悅之以紅綃題詩曰纖手垂鉤對水窗紅葉
 秋色豔長江既能解珮投交甫更有明珠乞一雙戲投之惹其
 鈎女拾之珍重繫臂愧無所報遂以鄰舟女所書紅牋投之已
 而韋舟張帆先發遭風沒於洞庭德璘聞而悲惋為弔江妹詩
 二首曰湖面狂風且莫吹浪花初綻月光微沈吟暗想橫波淚
 卻共鮫人相對揮洞庭風輕荻花秋新沒青娥細浪愁淚滴白
 蘋君不見月明江上有輕鷗詩成醉而投之遂感水神持詣水
 府府君曰德璘曩有義相及且異日是吾邑明宰不可不曲活
 此女查同溺輩問誰為鄭生所愛有主者按臂得紅綃府君命
 攜韋女送璘舟時已三更璘覺有物觸舟秉燭拯之乃韋女繫
 臂紅綃尚在遂納為室後璘當調遷謀醴陵令韋女曰不過巴
 陵耳璘曰何以知韋曰水府君已言之矣璘果遷巴陵使人迎
 韋女舟至洞庭逆風挽舟見一老篙工即水府君也韋氏拜謝
 府君以詩書韋氏巾曰昔日江頭菱芡人蒙君數飲松醪春酒
 君家室以為報珍重長沙鄭德璘書畢而去璘詳詩意方悟即
 昔日瀉菱芡者歲餘有崔希周投詩卷於璘內有江上拾芙蓉
 詩因知韋氏所投德璘紅牋詩是希周所作耳楚風補

宋元徽二年湘州刺史王僧虔以巴峽流民多在湘土表割益
 陽羅湘西三縣緣江民立湘陰縣見楚書按南齊書王僧虔傳
 巴峽流民多在湘土僧虔表割益陽羅湘西三縣緣江民立湘
 陰縣不言建自何時據宋書太始七年以王僧虔行湘州刺史
 元徽二年江州刺史桂陽王休範舉兵向闕僧虔起義兵赴京
 師加平南將軍其冬以侍中王蘊為湘州刺史是元徽二年僧
 虔在湘州亦無幾暇矣本傳稱僧虔領侍中入齊遷湘州刺史
 以時計之僧虔兩任湘州刺史相距僅亦數年晉書元康中李
 特亂蜀巴蜀流人數萬家布荆湘間杜弢乘之稱亂其後義熙
 中譙縱復據蜀久乃定巴峽流民處湘土不復能還郡僧虔表
 立湘陰縣沿江安插立之令長以法約束之流民乃安史言僧
 虔所在以寬惠著稱而不知其幹濟如此湘陰志
 杜弢公棕位極人臣富貴無比嘗與同列言平生不稱意有三
 其一為澧州刺史其二貶司農卿其三自西川移鎮廣陵舟次
 瞿塘左右為駭浪所驚呼喚不暇渴甚自潑湯茶喫也北夢
 唐襄州趙康凝令公世勳嗣襲往往以家諱刑人相國崔公允
 出鎮湖南由峴首趙令逢迎開宴崔相從容而規之曰聞令公
 以文字刑人甚無謂也聞名心瞿但有輦轡豈可咎責及人耶
 北夢

文昌雜錄云鼎州通判柳應辰傳治魚鯁法以倒流水半蓋先

問其人使之應吸其氣入口中而東誦元亨利貞七遍吸氣入水飲少許卽差按應辰官都官員外郎常書其字符於涪溪磨厓碑旁卽其人也香履年記

過太平州見郭祥正言嘗從章惇辟入梅山谿洞中說論其首見洞主蘇甘家有神畫像被服爲士大夫事之甚嚴問之云此桂府李大夫也問其名曰此豈可名者哉叩頭稱死罪數四卒不敢名徐考其年月本末則李公師中誠之也誠之嘗爲提刑權桂府耳吾識誠之知其爲一時豪傑也然小人多異議不知辨獠乃爾畏信之彼其利害不相及耳蘇軾年記

源溪先生令郴時郡守李初平聞先生論學欲讀書先生曰公老無及矣請爲公言之初平聽先生語二年卒有得唐彥思記伊川先生謂古人有言曰共君一夜話勝讀十年書若一日有所得何止勝讀十年書耶賢師益友化人之速有如此者永州志蔡元定謫居道州一日謂其子沈曰可謝客吾欲安靜以還造化舊物聞三日卒永州志

河南孔尹溫裕任補闕日諫討党項事貶郴州司馬久之得堂兄尚書溫業書報云憲府欲取爾作侍御史日望敕下忽又得書云宰相以右史處之皆無音耗一日有鵲噪於庭直若語狀孩稚拜且祝云願早得官鵲旣飛去墜下方寸紙有補闕二字極異之無幾卻除此官起錄

安愔處厚初謫潭州過儀真見河亭丐者贈詩曰佳人如玉酒如油醉臥鴛鴦帳裏頭咫尺洞庭君不到長生不死最風流後安將過洞庭之日被命鐫銷官資放歸田里乃悟前詩之異錄

蔣世基述夢記云至和三年八月知永州職方員外郎柳拱辰受代歸關祁陽縣令齊術送行至白水夢一儒衣冠者曰我元結也今柳公遊涪溪無詩而去子盍求之覺而心異之遂獻一詩柳乃依韻以和容齋五筆

景祐中故觀文殿學士孫沔謫知永州夢道士以田爲託後徙湘潭因祀嶽至九仙觀見王真人像與向所夢道士適肖遂檄縣勾稽其觀田果爲鄰觀侵占乃釐而歸之南嶽志去年今日從鶴游西苑彩仗壓金波看水戲魚龍曼衍寶津南殿宴坐近天顏金杯酒君王勸頭上宮花顏六軍錦繡萬騎穿楊箭日暮翠華歸擁鈞天笙歌一片如今關外千里未歸人前山雨西樓晚望斷思君眼此陳清翁驀山溪也昔張孝祥知潭州因宴客妓有歌此至金杯酒君王勸頭上宮花顏其首自爲之搖動者數四坐客忍笑指目者甚眾而張竟不覺也能改齋漫錄

舊志載魁雲崖寺詩四年兩度此山過座上其如歲月何莫問春光誰管領且將老眼自摩挲靈巖也當紅蓮社天府甯須錦繡刻燭不妨成短句明朝馬上爲公歌魁出王陽明之門嘉

請初通判寶慶作愛蓮亭景濂堂以志崇慕先賢之意後以工部員外郎上疏請停雷壇工程受廷杖疏入命家人鬻棺以待

其峭直敢爭如此固宜其詩之嶽寄歷落吐屬不凡也寶慶府志

吳江陸朗夫曜巡撫湖南傳其夢中自贈詩云能開衡嶽千里

雲只飲湘江一杯水至今楚人受德者揮泪誦之隨園詩話

謝梅莊濟世廣西全州人甫作御史即劾奏河東總督田文鏡

朝廷疑有指使交刑部嚴訊先生稱指使有人問為誰曰孔子

孟子問何為指使曰讀孔孟書便應盡忠直諫

世宗憐其駭謫軍前效力時雍正丙午十二月初七日也先生

次東坡獄中寄子由韻寄從弟佩蒼云嚴霜初隕陡回春雷得

衝寒冒雪身綸綽乍傳渾似夢親朋相慶更為人敢愁弓劍趨

戎幕已免銀鐙禮獄神早晚扶歸君莫痛嫠嫠勃窣亦前因向

方藉劍心何壯贖背書辭氣漸低已分黃泉埋碧血忽聞丹闕

放金雞花看上苑期吾弟護樹高堂仗老妻且脫南冠北庭去

大宛東畔賀蘭西

今上登極赦還原職先生疏求外用授湖南糧道長沙士人感

其遺愛片紙隻字俱珍重之故傳此二首先生不信風水之說

題金山郭璞墓云雲根浮浪花生氣乘何處尚有古碑存葬師

郭公墓曉世之意隱然言外隨園詩話

藩司張燦臬司王玠與子坐於官廳張枚舉世俗讀別之字以

問子子條答之張顧王曰撫臺卻不講此君不聞鼻鈕鈕字作崇錯讀之言乎語畢而悔曰吾失言王顧子曰天日在上吾二

人者聞之何害壬戌冬十月許撫臺容以揭報善化令樊德貽

故銜子刺骨將下手甘心焉謀於幕友幕友曰是為田文鏡復

警也公何面目見河南人弗聽謀於兩司藩司無款臬司曰欲

加之罪何患無辭且是人也居下訕上嘗於官廳笑大人讀別

字移張冠以戴之張惶恐不能言許怒而起計遂決焉梅莊雜著

子之被劾也長沙人大謗許撫臺歌謠載路沈同子開明者續

參判民款內證也畏威逃其祖子先年八十餘矣出聽審承審

官長沙張守琳澧州王牧邦胤暗以利不可遂改其供總督會

審至前參款盡虛至此款不問證子先號呼於轅門外不得入

竟坐實擬子以杖徒

欽差至子先偕百姓數千人焚香迎訴於道左一訊而案反長

沙人感倉署道德胡御史定阿司農里袁李郎中鍾份四君子

之德公送萬民衣四襲織四柄旌子先之門曰古之遺直且謀

所以送許撫臺者許聞之夜遁梅莊雜著

子自軍營被

召還補原官鄉人董孝廉才捷北上過岳陽夢樓下有鹵部傳

呼而過者曰糧道也問其姓名子也至京以告子疑其戲笑而

謝之越二年果奉督糧湖南之

命既之任數日夢甲士圍其署覺惡之筆之且命家人咸記之
久乃漸忘之越四年果遭虞城許容之難梅莊雜著
以上職官

湖南通志卷末之十二

湖南通志卷末之十三

雜志十三 摭談三

自來詩人多漫浪湖湘間如少陵退之柳州及劉夢得王龍標
輩皆託迹沅澧柳湘衡永間絕無有至邵者有之自簡齋始而
邦之人無能稱道方志且誤入名宦俗子又稱爲鄙俚詩詞以
附會之集中名作如貞牟羅江遠軒之類不一而足皆郡中掌
故絕不知及今於其地作石闌以圍兩杉且建陳參政祠而簡
齋遺蹟乃兩蠹湖湘間與少陵草堂並稱事之顯晦有時如此

寶慶府志

山谷南遷與余會於長沙留碧湘門一月李子光以官舟借之
爲憎疾者腹誹因攜十六口買小舟余以迫窄爲言山谷笑曰
煙波萬頃水宿小舟與大廈千楹醉眠一榻何所異道人謬矣
卽解絳去聞衡陽作詩寫字因作長短句寄之曰大廈吞風
吐月小舟坐水眠空霧空春曉翠如惹睡起雲濤正湧往事回
頭笑處此生彈指聲中玉牋佳句數驚鴻聞到衡陽價重其和
詞曰月曉金盆墮水雁回醉墨書空君詩秀絕而圓應相見納
衣寒擁蟻穴夢魂人世楊花蹤蹟風中莫將社燕笑秋鴻處處
春山翠重冷齋

丙午歲留長沙登祝融因得其祠神之曲曰黃帝鹽蘇台香又
於樂工故書中得商調霓裳曲十八闕皆虛譜無辭按沈氏樂

律寬裳道調此乃商調樂天詩云散序六闕此特兩闕未知孰是然音節閑雅不類今曲子不暇盡作中序一闕傳於世子方羈游感此古音不自知其辭之怨抑也見中序第一亭皋正望極亂落江蓮歸未得多病卻無氣力况執扇漸疏羅衣初索流光過隙歎杏梁雙燕如客人在一簾淡月彷彿照顏色幽寂亂蛩吟壁動庾信清愁似織沈思年少浪跡笛裏關山柳下坊陌墜紅無信息漫暗水涓涓潤碧漂零久而今何意醉臥酒鐘側白石道人歌曲

丙午人日子客長沙別熊之觀政堂堂下曲沼沼西負古垣有盧橘幽篁一逕深曲穿逕而南官梅數十株如椒如葑或紅破白露枝影扶疏著展蒼苔細石閒禁與橫生亟命駕登定王臺亂湘流入麓山湘雲低昂湘波容與興盡悲來醉吟成調紅一古城陰有官梅幾許紅萼未宜簪池面冰膠牆腰雪老雲意還又沈沈翠藤共闌穿逕竹漸笑語驚起臥沙禽野老林泉故王臺樹呼喚登臨 南去北來何事蕩湘雲楚水目極傷心朱戶黏雞金盞簇燕空歎時序侵尋記會共西樓雅集想垂楊暈盡萬絲金待得歸鞍到時只怕春深白石道人歌曲長溪楊聲伯典長沙橄欖居瀕湘江窗間所見如燕公郭熙畫圖臥起幽適丙午七月既望聲伯約子與趙景魯景望蕭和父裕父時父恭父大舟浮湘放乎中流山水空寒煙月交映淒然

其為秋也坐客皆小冠練服或彈琴或浩歌或自酌或援筆搜句于度此曲即念奴嬌昂指聲也於雙調中吹之昂指亦謂之過腔見晁无咎集凡能吹竹者便能過腔也湘五湖舊約問經年底事長負清景暝入西山漸喚我一葉夷猶乘興倦網都收歸禽時度月上汀洲冷中流容與畫橈不點清鏡 誰解喚起湘靈煙鬢霧鬢理哀絃鴻陣玉塵談元歎座客多少風流名勝暗柳蕭蕭飛星井井夜久知秋信鱸魚應好舊家樂事誰省白石道人歌曲

蔡元長南遷道出長沙卒於城南五里東明寺遂草殯於寺中觀音殿後有蜀僧游方過之慨然題壁曰三十年前鎮益州紫泥丹詔鳳池游大鈞播物心難一六印懸腰老未休佐主不能如傳說知幾那得似雷侯功名富貴今何在寂寂招提一土邱梁新

海陵徐神翁好寫字與人多驗蔡京得東明二字皆謂東明乃向日之方可卜富貴未艾後京貶死潭州城南五里外東明寺適潭守乃其仇數日不得殮隨行使臣輩葬於漏澤園清波而廢法按宋史徽宗崇寧二年置漏澤園以瘞死者計其時正蔡京當國是以亭林謂起於京然考之前代月令已有拾骨埋為設祠祭則後漢早有此制而宋初又已著令貧無葬地者許以官地安葬天禧中於京城外置地瘞無主骸骨仁宗嘉祐七年詔開封府市地給錢瘞貧民之不能葬者神宗元豐二年詔給地葬畿內詩數之喪無所歸者官瘞之是義冢之法蔡京前

已有之不自京始也蓋京特種其法徧行州郡以法書耳法書
豕法雖不始於京而取名爲法書則或自京始况能推此法徧
行州郡一節之善自不可沒宜其死猶
兼葬於此以食其報也 以上流寓

王中郎坦之令伏元度洎習鑿齒論青楚人物洎集載其略曰
鑿齒以神農生於黔中召南詠其美化春秋稱其多材漢廣之
風不同雞鳴之篇子文叔敖羞與管晏比德接輿之歌鳳兮漁
父之詠滄浪漢陰丈人之折子貢市南宜僚屠羊說之不爲利
回鶴仲連不及老萊夫妻田光之於屈原鄧禹卓茂無敵於天
管幼安不勝龐公龐士元不推華子魚何鄧二尙書獨步於魏
朝樂令無對於晉世昔伏羲葬南少昊葬長沙舜葬零陵比其
人則準的如此論其地則羣聖之所葬考其風則詩人之所歌
尋其事則未有赤眉黃巾之賊此何如青州耶世說新語
長沙鄧粲與南陽劉麟之南郡劉尙公友善並以高潔著名後
粲應桓冲聘二劉笑之粲曰足下可謂有志於隱而未知隱夫
隱之爲道朝亦可隱市亦可隱隱初在我不在於物二劉無以
難之而粲亦名譽減半矣集
任煥益陽人當蕭綜之奔魏也煥有騅馬乘之退走被鈔卒傷
脚人馬俱疲歇於橋下鈔復至煥脚痛向馬泣曰騅子我死此
矣馬因跪其前脚煥得上馬遂免難長沙府志
唐荆州衣冠藪澤每歲解送舉人多不成名號曰天荒解劉蛻
舍人以荆解及第號爲破天荒爾來余知古關圖常脩乃荆州

之居人也率有高文連登上科關卽衙前將校之子也及第歸
鄉都押已下爲其張筵乃指盤上醬甌戲老校曰要校卒爲者
其人以醋樽進之曰此亦校卒爲者也席人大噱關圖妻卽常
脩妹才思婦也有祭夫文行於世北夢瑣言

唐李紳性剛直在中書與李衛公相善爲朋黨者切齒鎮淮海
日吳湘爲江都尉時有零落衣冠顏氏女寄寓廣陵有容色相
國欲納之吳湘強委禽焉於是大怒因其昏娶聘財甚豐乃羅
織執勘准其俸料之外有陳設之具坐賦奏而殺之懲無禮也
宣宗初在民間備知其屈登極後與二李不協者導而進狀訴
冤衛公以此出官朱崖路由澧州謂寄寓朝士曰李二十誤我
也馬植會爲衛公所忌出爲外任吳湘之事鞠於憲臺扶風時
爲中憲得行其志焉吳湘乃澧州人頗尋歸澧陽孀獨而終北夢瑣言

唐李羣玉校書字文山澧州人有詩名散逸不樂應舉親友強
之一上而已嘗受知於相國河東裴公休爲其延譽因進詩授
宏文館校書終於荆襄間然多狎酒徒疑其爲張祐之流李少
逢善夷謫官澧陽備知其行止因爲記之乃清介高節之人非
輕率之士疑爲同人所謗或曰會爲荆之幕下假書題謁澧吏
艾使君李謂艾侯曰小子因甚幸使君痛救之州將以其輕脫
所濟不厚也北夢瑣言

謝楚長沙人與柳宗元善嘗為岳州聖安寺無姓和尚作行狀

乞宗元文志其墓

東集

韓退之送廖道士序柳子厚送廖有方序皆出一時文不相襲而議論符合歐陽永叔送廖倚序又合於韓柳所言所送皆南人其人皆廖姓殊可異韓序柳之為州當中州清淑之氣蜿蜒扶輿磅礴而鬱積其水土之所生神氣之所感白金水銀丹砂石英鍾乳橘柚之包竹箭之美千尋之名材不能獨當也意必有魁奇忠信材德之民生其間而吾又未見也其無乃迷惑沒溺於佛老之學而不出耶廖師郴民而學於衡氣專而容寂多藝而善游豈所謂魁奇而迷溺者耶柳序交州多南金珠瓊瑤瑁象犀其產皆奇怪至於草木亦殊異吾嘗怪陽德之炳耀獨發於紛葩瓊麗而罕鍾乎人今廖生剛建重厚孝弟信讓以質其中而文乎外為唐詩有大雅之遺夫固鍾於陽德者耶歐序元氣之融結為山川山川之秀麗稱衡湘其蒸為雲霓其生為杞梓人居其間得之為俊傑秀才生衡山之陽而秀麗之精英者得之為多故其文則靈覽其材則杞梓三文窻見地理家說理不外此

餘冬敘錄

李唯字宗古零陵居士一妻一女垂老病足養鵲鷓鴣以樂餘年嘗出謝李道人替帶杖從蔣彥回乞葬地二頌示黃庭堅贈以詩云提攜禪客扶衰杖斷當嫺家葬骨山因病廢棋仍廢

酒鵲鷓鴣伴清閑詩書傳女似中郎杞菊同盤有孟光今日鵲鷓鳴蹇蹇他年鵲鷓恨堂堂

黃庭堅集

周琬湘中人贛舟長沙夢二吏引入南嶽廟內王起接之曰欲奉辟在此琬曰名官未達且欲赴銓王曰如此則不敢奉糜作詩送琬曰住此既非樂舍此去何圖若問青氈事惟留一角書至京調中牟尉臥病旅中作妻子書一角封畢而卒

天定錄

相如文君用鵲鷓裘賞酒長沙浪士王渲與名倡董和仙客為麗服塗鵲鷓狀號相如

清異錄

劉必榮武岡人永樂間交阯黎季犛叛成祖命榮安撫之至境季犛已竄榮即促船過東都踰虞江四十八砧直抵其穴犛出迎首諭以朝廷恩意詞令婉切季犛革心向化隨遣人以表及金人布服至京謝罪贈榮黃金綺帛諸物卻不獲悉獻之於朝自是凡三使焉復往哈麻諸國皆稱旨十六年乞兒乞恩使至復命榮使其國克宣恩威遠人納貢居官四十二年歷事四朝而其後黃旒字尚美舉天順己卯鄉試官吏部司務性敏達有守陞刑部員外郎伸理冤獄歲出死罪數十人時日本貢使久不至數出為寇旒奉使宣諭稱上意未幾乞歸詔免其家徭役時高其行茶陵李文正東陽稱其賢贈以詩今志黃旒傳不載使日本事以於史無徵也然天順詩尚未絕使旒之使或在是時未可知也茶陵詩未見集中

府志

羅星字二嶽攸人正德丙子第一名舉人自謂學未淹貫不赴公車益好學以授徒為業寶慶邵陽自嘉靖乙酉朱昇中鄉試後歷戊子辛卯甲子丁酉四科無中式者郡守禮聘之俾能文者執經焉至庚子遂連舉康正宗李承恩高岡鳳三人皆名宿也已遭李承賢之亂為賊傷右手習左手書不官而終志城步舊志載楊達時以荆州籍成進士官御史進士楊喬亦然謂元籍屬城步武岡志羅尚綱以閩籍登鄉薦王舟州別集縉紳奇姓有某運使某知府者悉載寶慶人李衷一景璧王時齋長君誌銘云其始祖參知毅齋公故湖之寶慶人以言事謫閩因家焉郡文獻寥寥然見於他書歷歷可數惜出身年榜皆無考故附錄以俟後之采補而安福萬歷解元乙丑進士王績官御史其祖父墓皆在武岡今其孫王謙言舉江西壬子鄉試後成進士官御史寶慶府志

偶閱錄中自隆萬至啟禎五朝為斷則人文僅五朝五朝以上不書然矣然何以明初之詹同文又入也五朝以下不書然矣然何以死節之堵允錫又入也列傳為十六門則每門必備其人詳其事方為信書三楚五朝不乏人如武陵總制楊鶴師相楊嗣昌皆以事功著零陵陳純德以待御死關難京山楊文薦以巡撫死南昌江陵張同敞以督師死於粵死之最著者何也以不書也其官於楚者如粵西何騰蛟督師死於湘潭吳中章

曠巡撫死於湘陰王翥知州死於隨州又何以不書也十五郡之闕不遑悉載即長沙一郡如大司寇胡應台少冢宰羅喻義大司農周堪慶生有文采事業死為全人又何以不書其閒理學孝友文章經濟烈女義士又不勝屈指也王岱與高節培論三楚文獻夏忠靖原吉先世德興人大父以官寓湖南遂家湘陰母夢三閩大夫入其室已而生原吉德量汪洋人莫測其際時同事有性褊急者嘗書吉姓於座右以自警少忘之性如舊歎曰夏公真不可及也或問公量可學乎吉曰某幼時人有犯者未曾不怒始忍於色中忍於心久則自熟殊不與人校何曾不自學來又曰處有事當如無事處大事當如小事若先自張皇則中便無主矣及卒贈太師仰山性錄衛民姜茂富者生於正統間至嘉靖二十八年一百四歲矣郡守蔡汝楫召見之資以粟帛題額旌曰禮養高年司理舒化賜以杖銘曰履吉而康後二年乃卒湖廣通志劉忠宣公大夏嘗至岳某通判家見其婦以漆箱飼豕自後歷官所凡器用之類一不製曰無為豕謀也廣東歸惟攜木椅二小藤牀一他無有也孫權芳劉東山傳無錫縣志云益陽郭都賢撫江西一日出巡至清江縣縣令秦鏞無錫人也屢報若弗聞者竟未出迎及已過境吏懼更白鏞乃驚起追謁於途面自陳謝都賢詢其故對為一文實未省旌

節之至也問其文何在則出諸袖中都賢閱之大加稱賞相與歡笑劇談而別乾隆湖

黃回字子德性孝有勇明鼎革初邑為賊藪盧舍荒墟深林密箐時多虎暴回年十四隨父叔出黎家洞忽遇虎攫父叔去回格之虎傷左目奔伏回亟負父叔歸則父傷而叔死矣回誓殺虎入山尋藥遇老人告以故老人曰虎傷人未有不死者子之藥且傳搏虎法歸以藥傳父創旋愈習其法逕入虎穴遇瞎虎斃之取其血祭叔墓而以肉饌父年七十卒計斃九十九虎邑自是無虎患楚志

先君子幕游楚南舊主人高公名清者在衡陽九年亡後以虧帑故妻子下獄先君子出全力援之竟得歸殯有楊朗溪太史贈詩云袁夫子當今真義士一雙冷眼看世人滿腔熱血酬知己余時尚幼讀而記之今忘其全首矣太史名緒武陵人權奇倜儻雍正間苗民蠢動王師征之未捷公學耶生單身入洞說之羣苗羅拜乞降亦奇士也楚志

湖南張少廷尉名璘字豈石紫髯偉貌議論風生能赤手捕盜與魯觀察亮俱權奇自喜題所居云南軒北牖又東扉取次園林待我歸當路莫栽荆棘草他年免挂子孫衣言可風世又謂人云見鬼莫怕但與之打人問打敗奈何曰我打敗才同他一樣以上人物

善卷山堯時善卷讓位避居於此今孤峯絕頂有善卷先生古壇及楚望臨睥仰止二古亭旁有白龍井傳有白龍蟠伏於其內與山下潭水相通一名枉山其下為枉渚即楚辭所稱朝發枉渚夕宿辰陽者也枉渚為善卷先生釣灣其村亦曰善卷村山容聳秀曲渚依流令人有出塵之想沅江至此如一砥柱過此則百里平疇直趨洞庭矣○善卷山之東半里有大石在竹林中曰茱莉夫人鬼磨傳稱宣鑑和尚德山參證時夫人以磨磨麵供養大眾其說甚迂誕郡乘及袁中郎集皆載之查茱莉夫人無考或云即諸天中有摩利所稱鬼子母者或云張三丰集有茱莉元君即夫人未知孰是東還紀程

屈原天問吳獲迄古南嶽是止獲得也迄至也古謂古公直父也言吳國得賢君至古公直父之時而遇太伯陰讓避王季辭之南嶽之下采藥於是遂止而不還也楚辭章句

永和初有采藥衡山者道迷絕糧遇一老翁三四少年對坐執書問答其人告以飢老人食之物如薯蕷指以去路六日至家自是不復飢餓湘中記

馮乘縣有歌父山傳云有老人不娶室而善歌聞者莫不灑淚年八十餘而聲逾妙及病將困命鄉里六七十人與上山穴中鄰人辭歸老人歌而送之聲振林木響過行雲音傳林中數日不絕荆州記

李正字宏卿學道見東王公教之十七年後忽身死家人埋之於武陵冢上生花樹高七尺有人遇見此花皆聰明盛文章武陵

仙傳

華容令宅東北有老子祠曰大皇觀門之左右有二神像道家

所謂青龍白虎也捏塑精巧非常人所能形質甚大可動搖游

觀者往往驗之以爲異其實胎素中虛如夾紵作也岳陽風

邵州城下大江南面潭中昔開元開天師申元之藏道書三石

函於潭底元之善三五禁呪之法至今邵州猶多能此術者爲

南法焉錄異

李泌在衡山事明瓊禪師瓊云欲學者先將碑硯碎卻明瓊北

宇大照之門人性懶羣僧令看鹽兩至流於池羣僧殿之不忍

冬月臥於甕前不起以粥灑其頭因就頭取喫號懶瓊作明心

論續傳

雲笈七籤九疑山仙女魯妙典擣藥鐵臼重二百五十斤延唐

令王翺嘗令人強取之行未及縣翺舉家皆病其曰今在潭州

麓山寺有犯之者輒病極靈驗楚

摩頂松在桃源縣南三十五里瀟湘池左壘童飛昇於此志

法華寺在永州東南一里高阜之上城郭岡澗交相掩映唐咸

通中有頭陀蔣氏愛其地乃拖鉗行丐獲金帛鉅萬勸建名士

多畱詠焉沈彬云地隈一水巡城轉天約羣山附郭來又孟賁

云市地人家憑檻見遠山秋色卷簾青雲陵

尚書郎李觀自言爲進士時往游南嶽道過潭州忽有一人荷

竹奩持釘校具徑問觀曰聞君將之南嶽頗識養素先生藍方

否觀曰固將往見之其人曰奉煩寄聲云劉處士奉問先生十

月懷胎如何出得言訖徑去觀至南嶽訪方具道其言方怒然

驚異因問曰其人眉間得無有白志乎方大驚曰此所謂劉海

蟾者也吾養聖胎已成患無術以出之念非斯人不足以成吾

道今聲聞相通而不得接吾之道不成矣觀急回訪於潭州已

亡所在是年方卒東軒

常德郡北百步有丹砂井其泉色赤或云此海蟾翁煉丹處有

仙人黃秦常以丹砂置井中病者取水服之輒愈井旁舊有耆

壽坊後入府第東還紀程按此

桂陽先賢畫讀成子爲郡主簿聞雀鳴謂在座人曰東市盤粟

車覆雀相呼往食之眾人遣視信然成子名武丁按後一條云

鍾大夫忘其名曾在湘潭與同行數輩就嶽麓寺設齋寺僧新

合知命丹云服此丹者大期將至助下微痛此丹自下便須指

揮家事以俟終焉遂各服一丸他日入蜀遇同服丹者來報助

下痛其藥果下急區分家事後凡二十日卒鍾神其藥沐浴吞

之面色紅潤強啗之似得藥力他日不知其所終北夢

長沙獄掾任福祖擁騶吏出行有賣藥道人行吟曰無字歌呵
 呵亦呵呵哀哀亦呵呵不似荷葉參軍子人人與介拜木大作
 廳上假閻羅福祖審思豈非異人急遣訪求已出城矣清異錄
 至聽禪師居祝融峯修行十年自以為戒行具足無所誘掖也
 一日下山於道旁見一美人號紅蓮一瞬而動遂與合歡至明
 僧起沐浴與婦人俱化有頌曰有道山僧號至聰十年不下祝
 融峯腰間所積菩提水瀉向紅蓮一葉中侍兒小名錄
 金剛與臨濟同得法於江西傳達磨第十一世每遇僧到多持
 拄杖便打臨濟遣侍參教令若打汝便接取拄杖當心一拄杖
 侍者如言將至金剛便歸方丈臨濟曰從來疑這漢故名德山
 棒德山志

羅道人者棄家游江湖開十餘年後結茅於衡嶽之麓宅不築
 垣堂不設戶亦無牀羅辟穀兀坐而已如是者又十餘年身長
 青毛望而知非煙火中人也客至談論惟云為忠臣為孝子即
 是大道辟穀修鍊其末也人餽以衣食多卻之堅請畱則以食
 飼猿鳥衣置石上朽腐而已其所居虎狼窟也荆棘蔽塞其徑
 訪之者披蒙茸而入雖遇虎狼不為害其山為熊羽經業羽經
 多病嘗衰槁從之數日病果瘳羽經云道人夜半後不知何往
 及日高方歸身沾雨露聞近日訪之者絕不與言訪者亦日稀
 云見開錄

崔瑒晚泊湘江澹煙微月有客歌而過之云高枕形骸外空江
 何限情落葉不成調半夜起秋聲追問居與名置其釣竿長嘯
 而去谷音集

昔與希真游衡山朱陵洞天過古蘭若基野客畱宿庵下有聞
 類狗吠希真曰此非人境安得有是客笑曰巖腹枸杞生而酷
 似此其音也黎明拉客欲識其處未至百步皆曰彼婆婆出眾
 榮者是希真將前客急止曰此神物也側常有蛇虎守護必待
 有道之士以歸若等無得輒近墨莊漫錄

李澄之子源自以父死王難不仕隱洛陽惠林寺年八十餘與
 道人圓觀游甚密老而約自峽路入蜀觀見錦襦女子浣泣曰
 所以不欲此來者以此女也然業隱不可逃明年某日君還可
 相臨以一笑為信吾三生為比丘居湘西嶽麓寺寺有巨石林
 間嘗習禪其上遂不復言已而觀死明年如期至其家則兒生
 始三日源抱臨明檐兒果一笑冷齋夜話

南嶽有住山僧每夜必秉燭造檀林眾僧打坐者數百人或拈
 竹篋痛垂之或袖中餅果置其前蓋以窺其中之靜不靜而為
 是懲勸也鶴林玉露

潭州城北開福寺五代馬氏時所建殿宇宏麗惟經藏未作轉
 輪邦人前後欲營之輒不果政和四年甲午住持僧文玉始折
 舊藏一新之於棟間得一板題四十五字云吾造此藏一新之

多初欲為轉輪眾不可後二百年當有成吾志者是時住院者
荆山璞化緣者中秋月匠人弓長玉傳示於眾莫能曉有識者
解之曰荆山璞即文玉也中秋月即化緣僧智圓也弓長塔匠
張其姓也推攷立寺之歲當梁正明元年己亥正馬氏有國時
恰二百年矣夷堅志

嗣清禪師上饒人安參政帥湖南迎致大瀉山有夢覺者安公
鄉人自蜀來見幕客及子姪交譽之安公不勝眾論使覺來為
代師出寓邸舍覺遣侍者以狀邀飯師書其尾云己非瀉山僧
不喫瀉山飯不過兩旬餘岳州卻相見不盈月副寺與勸舊僧
爭忿蹴其脇立死覺以累入獄時安公已去漕使攝郡事素惡
覺不待獄竟編置於岳陽如師言聖

彭月庵少年病勞瘵一道士踵門家人告病臥狀道士脉之曰
此非醫藥可為令扶病者坐牀上道士踞對之終日默然旬
餘病者自起又旬餘飲食漸加久之愈道士辭去約至南嶽後
山當有以相授至期父母止之不果往常甯縣志

鍾妖人自名洞雲結庵邑東芙蓉寨以佛教聚徒著妖言成帙
煽誘遠近積金不貲一夕風雷大作電火自窗櫺飛入旋繞其
身膚盡裂其徒競分所有散去故縣志
水西流多出仙佛宋牧仲筠廊偶筆云黃梅志載邑有西流水
三十餘里故歷代篤生五祖十三仙王西樵亦云萊子水皆西

流故憶萊詩有溪水盡西流之句金元開邱劉等七真皆生其
地攸水自鳳嶺而下至草市西流幾二百里漢蘇隱真人劉宗
嚴起兄弟南齊張岳唐杉山皆於此修煉沖舉今邑中司空嚴
仙明月諸山舊蹟猶存攸縣志

桃源縣福慶山又名覆磬老人云其山內有金常蓮蓬如釜氣
上出射日雨夜吐光如火居民禱之焚貨券必如數子金或如
瓜子如蝶翅如荷錢凡冠婚伏臘宴飲每從其山借杯盤壺勺
鼎彝卮豆一切器皿皆五色金雕鏤冶鑄奇麗工巧迥非人間
所有農夫樵子往借刀斧錢鏹皆然但假者必歸不敢隱匿後
一士泊舟山下疏禱之忽山大開有一童子延之入亭堂楹廡
金色照人不敢逼視復引入內則百寶陳列黃金不啻糞土問
客貧則命其自取袖滿即止曰此可足客用多則非福也客出
而告之居賈亦往焉賈貧過期不償後竟傾其所藏而敗自此
山遂不與人通源拾遺

湘上癡江輝暮年築精舍誦經一日忽來白鵝伏几下若聽誦
狀輝起鵝亦隨之日餐秀草夜宿花園輝因自號白鵝道人三
年輝跌坐逝鵝乃繞寢長鳴殮後伏棺下一夕黎明莫知所去
或曰鵝乃靈鶴化身也湘源縣志
桃源縣西三十里燕巖崇禎初年春雷電暴作木石倒飛巖放
舍利光十丈許光斂若刀斧直削昔釜覆今壁立矣巖腹忽見

一佛像長丈許眉目全備頭若披巾面作梨花色兩手俯垂隱見衣表衣紋折宛然縫絨足半露若將舉步狀過方山數里西下山如馬肝潭水澄碧為諸溪匯聚邨人曰此月潭也潭水放光近人每驚火起即之似百千萬明珠水底照耀雨夜更甚日中往捕潭底惟纍纍小白石取之一顆如一小月山河影畢具但可一夜越宿光失擲潭水如故若移他處則與常石無異溪頭有水月庵桃源拾遺以上仙釋

湖南通志卷末之十三

湖南通志卷末之十四

雜志十四 據談四

長安女紹蘭適巨商任宗宗為賈湘中數年不歸蘭覩梁燕語曰我聞燕自海東來往必經由湘中欲憑爾附書於增言訖泣下燕頰頰若有所諾復語曰爾若允當泊我懷燕遂棲膝上蘭以詩繫足云一自去重湖臨窗泣血書殷勤憑燕翼寄語薄情夫宗時在荊州忽燕泊於肩解足書視之感泣遂歸開元天譚意歌者喪親流落長沙八歲寄養竹工張文家官妓於婉卿見其資豔乃厚贖求售年未笄獨步一時車馬如市尤工詩筆會汝州張正字為潭茶使相得甚歡意乃歸之後張調官意餞別曰子本名家我乃倡類今之分袂決無後期腹有君之息數月矣君宜念之別後寄詩曰瀟湘江上探春回消盡寒冰落盡梅願得兒夫似春色一年一度一歸來張內偏慈親外畏物議約孫殿丞女為姻不敢作書報意後三年孫氏謝世有客自長沙來云意掩戶不出買田百畝自給親教其子張乃如長沙意不肯見日子已有室宜去毋挽我張曰吾妻已亡矣意云通媒約行六禮乃敢聞命張如其請擊歸京師意闔門有禮法其子以進士及第唐百家小說

劉夢得秦娘歌云秦娘本韋尚書家主謳者尚書為吳郡得之誨以琵琶使之歌且舞攜歸京師尚書薨出居民間為蘄州刺

史張恂所得總謫居武陵而卒秦娘無所歸地荒且遠無有知其容與藝者故日抱樂器而哭為歌其事云繁華一旦有消歇題劍無光履聲絕斬州刺史張公子白馬新到銅駝里自言買笑擲黃金月墮雲中從此始山城少人江水碧斷雁哀絃風雨夕朱絃已經為知音雲鬢未秋私自惜舉目風煙非舊時夢尋歸路多參差如何將此千行淚更灑湘江斑竹枝容齋三筆
尼妙寂景氏初嫁任華父鼎與華往賈長沙廣陵間貞元十一年春之潭州不復過期數月妙寂忽夢父被髮裸形洗血滿身泣曰吾與汝夫湖中遇盜皆已死矣以汝心似有志者天許復讐但幽冥之意不欲顯言故吾隱語報汝殺我者車中猴門東草俄夫形亦見泣曰殺我者禾中走一日夫妙寂撫膺而哭念其隱語杳不可知於是緇衣上元捨身瓦棺寺以俟識者已有李公佐罷嶺南從事而來攬衣至閤神采俊逸頗異常倫妙寂前拜泣以前事問之公佐思之嘿行數步喜曰殺汝父者申蘭殺汝夫者申春耳妙寂掩涕拜謝乃男服易名士寂備於江湖之間數年聞蘄黃間有申蘭者往求傭輒貶其價蘭喜召之俄又聞其從父弟有名春者於是勤恭執事蘭器之關鎖啓閉悉委焉因驗其櫃中半是已物亦見其夫及父常所服者垂涕而記之而蘭春叔季出處未嘗偕在慮其擒一而驚逸其一也銜之數年永真年重陽二盜飲既醉士寂奔告於州乘醉而獲一

問而辭伏就法得其所喪以歸盡奉母而請從釋教師洪州之天宮寺尼洞微即昔時受教者也唐王惲幽怪錄
衡陽王夫人楊氏長沙人武穆王時父謚為節度行軍司馬夫人蓋其中女也按薛氏舊五代史楊謚衡陽王夫人因夫人故擢衡州刺史自以地連戚里積財貨建大第二子俱為牙內都將少長豪富任氣凌下士大夫多惡之及長沙兵亂指揮使陸孟俊怒曰楊氏怙寵滅義為國患久矣於是族滅其家夫人竟不知所終十國春秋
陸孟俊滅昭憚之族而取其財時楊氏有女美獻於王弟希崇及周將韓令坤入揚州希崇以楊氏女遺令坤令坤嬖之後孟俊仕於唐為令坤所擒將械送於周主楊氏女在簾下忽垂膺慟哭曰孟俊在潭州殺妾家二百口今日請復其寃令坤乃殺之十國春秋
文昭王順賢夫人彭氏當上香報恩禪院報恩僧問曰夫人何家婦女夫人以其辭之忽也連索擗子疾歸且以其言告文昭王王笑曰此釋氏禪機耳何不答以彭家女馬家婦則禪機立解矣夫人慚服曰是妾無見性之過也其通達多此類十國春秋
恭孝王夫人苑氏桃源人相傳齊大夫苑何忌之後夫人素有賢行廢王時恭孝王調朗州丁壯為鄉兵且造戰艦將攻潭州夫人諫曰兄弟相攻勝負皆為人所笑恭孝不聽已而王贊等

大破朗兵於僕射河恭孝王輕舟遁歸夫人泣曰禍將至矣余不忍見也赴井而死十國春秋

小東長沙妓人以能詩得幸於馬氏後國入為郡窮於京師人詢長沙宮中事則必南望涕泣而後言侍兒小名錄

義倡長沙人雖流落樂籍而性好文墨尤嗜秦觀樂府觀南謫道經長沙偶訪及見几上有己詞戲曰願見其人否曰使得見秦學士願奉箕帚已而知為觀乃大驚喜臨別屬曰妾誓潔身以報因杜門謝客後觀卒於藤州倡夢觀來別泣曰秦學士其死乎遂衰服赴撫棺一慟而絕王會新編

名勝志載萍鄉縣宣風鎮驛壁間有西題曰奴本蜀郡越王之裔一年良人及第二年邵陽獄吏三年輒學衛世子之天遂擊遠孤還故里舉目無親投止何地作小詩以書於壁士君子莫謂焉清和季華書男季男捧硯其詩云淚痕拭盡懶梳妝遙向西風憶故鄉昨夜夢魂畱不住暗隨流水下錢塘按此固尉於邵者也不著其名官師莫得而紀然此詩此女不朽而良人亦不泯於邵矣又府志文山吟嘯集上冢吟序云湘人有登科初授武岡尉單車赴官名家初擇婿尉本有室隱其實而取焉官滿隨婦翁入京自是捨桑梓去墳墓終身不歸後官至侍從其糟糠妻居母家不復嫁歲時為夫家上冢婦禮不廢友人作古詩一首曰上冢某讀之為之感慨因更廣其意賦五言一篇

詩曰余昔從君時堂上拜姑嫜相攜拜祖家歲時持酒漿姑嫜相繼沒馬鬣不在鄉共君甌盃飯清涕流襦裳君貧初起官有家不得將妾無應門兒松柏自成行君別久不歸歲月何茫茫長安擁朱綬執雁事侯王豈無一紙書道路阻且長年年酬寒食妾心良自傷君家舊中櫛至今藏且藏君霜露心白首遙相望按此與前所錄皆實尉之尉前惜其名之不著此又當為諱其名矣乃兩婦之貞順孝敬又何同也兩詩哀而不傷怨而不怒亦足為理性情敦彝教之功因並錄之府志

項四郎泰州鹽商常販自荆湖歸至太平州中夜聞有一物觸船視之似人遂呼救之乃一女子年十五六云徐姓北人澧州寄居父自辰倅解官舉家赴臨安至此逢劫驚墮水中漂流至此項以貴人家女欲畱為子婦其妻不可欲貨得錢由是富家倡家競來索買項曰彼一家人遭劫畱得餘生今我既不畱為子婦亦須嫁一本分人豈可更教他作妓妾一生無出頭耶適項鄰里有金官人受得澧州安鄉尉新喪妻見項求娶項執前言不肯金尉求之不已女謂項曰兒受阿爹厚恩死無以報阿爹許嫁我與好人不知來歷亦不肯娶我今此官人是尉職或能獲賊報仇兼差遣在澧州亦可到彼知得家存亡遂許之徐氏既歸金尉以行第呼為七娘擊之安鄉任後權一邑事有一過往徐將仕借脚夫七娘自屏後窺之甚類其兄比去乃與

古詩一首曰上冢某讀之為之感慨因更廣其意賦五言一篇

金尉說金尉具食召將仕因問其父歷任經由將仕具告之且曰曾在太平州遭一大劫財物賊無甚大失但一小妹落水死累日尋屍不得因淚下金尉乃引將仕入中堂見七娘相持大哭既謀收贖金尉笑曰某與令妹有約矣豈可復令嫁他人七娘乃與將仕說及頂四郎高義將仕泣曰彼商賈乃高見如此士大夫色重禮輕有不如也父母生汝不免有難終汝者頂君也於是將仕發書告父母遂擇日告祖成昏七娘畫項像爲生祠終身奉事宋王明清摭青雜說

長沙女子王素音題良鄉琉璃河館壁詩并序妾生長江南摧頹冀北豺狼當道強從毳帳偷生烏鼠同居何啻將軍負腹悲難自遣事已如斯因夜夢之迷離寄朝吟之哀怨嗟乎高樓墜紅粉固自慚石崇院內之姝比首耀青霜當舊作兀兀帳中之婦天下好事君子其有見而憐予乎許虞侯可作沙叱利終須斷頭陷胸崑崙客重生紅拂妓不難衝垣破壁是所願也敢薄世上少奇男其亟圖之應有俠心憐弱質愁中得句失長途女伴相攜聽鷓鴣卻是數聲吹去角醒來依舊酒家胡朝來馬上淚沾巾薄命輕如一縷塵青冢莫生殊域恨明妃猶是爲和親多慧多魔欲問天此身已判入黃泉可憐魂魄無歸處應向枝頭化杜鵑和者甚眾蒼書叔父次韻哀之云楚山行盡總征途誰向黃陵唱鷓鴣煙火不禁愁日暮江鄉憶舊雕胡新城王

阮亭士禎贈之以詞調寄減字木蘭花離愁滿眼日落長沙秋色遠湘竹湘花腸斷南雲是妾家掩喉空驛魂化杜鵑無氣力鄉思難裁楚女樓空楚雁哀集

王子夏五子北上夜宿雄縣旅店見壁間武陵十五齡難女三詩和者甚眾原韻云生小盈盈翡翠中那堪多難泣途窮不禁弱質成囚繫衣自珊瑚首自蓬垂垂紺髮未瓜期錦帳羅幃夢已稀魂化杜鵑應有日壁間先寫斷腸詩一絲殘息自淹淹淚落衣裳血色鮮謾託禿豪空寫怨有心人見定相憐集

益陽張氏劉某妻劉從吳三桂爲逆戰死張氏年十八遺腹生子文維氏苦志勵節織維自給年七十餘邑長者謀曰夫雖有罪妻自有德不妨請旌也氏謂不嫁人耳有何奇異而煩此擾擾爲孫一名堅雍正初入泮益陽縣志

吳逆爲亂時長沙朱氏女被營兵所掠氏堅志眾莫敢犯舟至小孤山投江死尸逆流三日浮至故居水濱夢訴於父母驚起迹之獲其尸懷間得絕句十首有云少小伶仃畫閣時詩書曾奉母爲師濤聲向夜悲何極猶記鏡前讀楚辭又云狂帆慘說過雙孤掩袖潛潛淚欲枯葬入江魚浮海去不留羞冢在姑蘇此人此詩載筆者豈容遺之耶國朝詩話

西鄉某氏乾隆六十年因苗變被擄脅之去氏給曰我夫不肖願從女又何強焉遂先行且曰我但從女若他苗犯之有死而

已須由僻徑往既又曰我攜有金既從女即女金也可併付女苗喜曰我亦掠有金且行且語至一僻處氏出金付苗令裹為一苗愈喜蹲地置刀從容檢金氏出不意連執刀連砍斃之併取其金而還辰裕縣志

洋湖楊海芳羅氏貧婦也澣衣溪邊拾銀一封懷以歸有頃見一人至溪邊左右顧甚蒼黃婦飭子詢之則遺金者詢其數亦符遂還之遺金者心感願少分給卻之知縣光某表其閭善化縣志斬江河柏姓聚族而居乾隆時祁陽陳文肅夫人舟泊於此夜夢白龍繞船異之次早見一女子年十七八澣衣舟傍夫人愛之詢其姓曰柏以尙未字人配其子輝祖後輝祖官至湖廣總督柏氏一品夫人善化縣志

賀氏名綠嬌明經瓊珠之女幼好吟詠年十七許字文某未嫁而殞同懷兄對颺搜其遺草有清明日聞諸兄試畢將歸詩云嶺外人家半踏青一年一度喜重經天涯尙有思歸客芳草萋萋雨不停感燕云底事秋來燕語頻烏衣國裏認前身明年社日重相見記取妝樓舊主人他如隔岸柳開黃鳥路沿溪人訪白鷗家暗調脂粉羞巾幗閒演圖書繕性情皆佳句也沒後妝閣中如聞吟詠聲三載乃已依縣志農婦邵郭氏桃源人歲荒隨父母乞食長沙字邵氏季子既嫁而父母歿年十八温淑纖弱諸妯以其懦而無母家虐遇之

氏委曲承順會大旱邵田有塘水為武弁某所據邵兄弟懼弗與爭苗就稿氏憂之謂其夫曰君為男子何怯也彼可理諭以辭曉之否則用武耳明日妾同君往二者必以一勝夫弗許請益力遂入房著鐵頭弓鞋袖兩鐵椎出夫及伯氏隨往至則召武弁及其家斛水者隔岸語之曰水固吾家所共有何獨據也誠如分分濟則已否且爾非若等利也武弁等目其秀弱故為游辭以慢之氏怒橫椎直前從塘東超西岸椎下桔槔中斷如截武弁等愕然懼不敢鬪請如約邵苗乃得水以蘇自是諸妯皆改容禮之而氏仍委曲承順如故長沙縣志

桓帝延熹五年艾縣賊焚燒長沙郡縣見後漢書本紀時賊乘刺史車屯據臨湘殺長吏見東觀漢記於是拜太常馮緄為車騎將軍討之軍至長沙賊請營之降荆州平見後漢書馮緄傳案漢艾縣為唐分甯縣明置甯州今為義甯州西與羅境接壤其焚燒長沙郡縣必往來羅境史略其文耳漢昌縣始見吳志周瑜傳後漢書不載建安十五年吳分長沙立漢昌郡拜魯肅漢昌太守建安二十二年呂蒙復拜漢昌太守以後無聞疑漢昌立縣在此時漢末羣盜之起兆端於艾縣以天岳山為之阻其西則羅境也中閒地曠遠馮緄既平賊因析羅縣地立漢昌以鎮之蜀既據有荆州襲取長沙吳因東據漢昌為守又立漢昌郡屯戍為重鎮以防蜀旋與蜀畫湘水為界長沙改屬之吳羅與漢昌諸縣仍隸長

沙漢昌郡遂廢建安二十五年魏文帝受禪吳亦旋有荊州於時漢祚已終改名吳昌當在是時東漢之季羅縣亦為要防矣

湘陰志

漢和帝永元五年竇瓌徙封羅侯永元十年梁棠兄弟徙九真路由長沙逼瓌令自殺見後漢書案後漢書梁竦傳女為貴人

生和帝竇后養以為子遂譖殺梁貴人竝構梁竦死獄中家屬徙九真竇憲亦與謀焉永元九年竇太后崩竦兄松子屬遣從

兄種奏記三府和帝感悟追封竦親愍侯自九真徵遺孀妻以報其父讐也瓌至羅有弔屈原文其詞哀艷悽惋動人史稱

竇瓌好經術節約自修其死也固非其自致之咎悲哉湘陰志晉書殷仲堪傳云仲堪鎮荊州桂陽人黃欽生父歿已久而詐

服衰麻言迎父喪府曹先依律詐取父母卒棄市仲堪曰欽生父實終沒詐服迎喪比之父存言亡相去遠矣遂活之桂陽志

大業十三年岳州校尉董景珍雷世猛旅帥鄭文秀許元微萬瓚徐德基郭華沔州人張繡等同謀叛隋郡縣官屬眾欲推景

珍為主景珍曰吾素寒賤雖假名號眾必不從今若推當從眾望羅川令蕭銑梁氏之後寬仁大度有武皇之風吾又聞帝王

膺錄必有符命而隋氏冠帶盡號起梁斯乃蕭家中興之兆今請以為主不亦應天順人乎眾乃遣人喻意銑大悅唐書蕭

傳

山海經海內東經肆水今非出臨武西南而東南注海入

香禺西潢水出桂陽西北山東南注肆水入敦浦西顏氏家訓曰或問山海經夏禹及益所記而有長沙零陵桂陽何也曰史

之闕文久矣加以秦人滅學董卓焚書典籍錯亂非止如此譬猶爾雅作於周公而云張仲孝友仲尼修春秋而經書孔某卒

世本左邱明所書而有燕王喜漢高祖皆由後人所屬非本文也桂陽志

劉晏與元載書云浮於淮泗達於汜西循砥柱硤石少華楚帆越客直抵建章長樂又云涉榮郊浚澤遙瞻淮甸步步探討則

潭衡桂陽必多積穀關輔汲汲只緣兵糧漕引瀟湘洞庭淪波挂席西指長安三秦之人待此而飽士安意欲以楚粟資秦食

由淮而溯河也水功至難故望中書助之然事既迂遠又令柳桂皆無餘粟楚米產潭衡諸郡耳士安計精當時必可收實功

或今昔殊情桂陽實多粟乎杜預亦通零桂之漕桂粟自古饒矣桂陽志

賈生獲罪於漢投文汨羅以弔屈原皮日休不用於唐投文沅湘以弔賈誼賈之見讒似屈之忠日休不用似賈之投閑長沙

洩其忠憤可悲已柳宗元特叔文輩為冰山設為天對投文弔湘有二子之才無三閭之忠甯不發屈賈之笑隨隱錄

耒陽縣龍口寺有韓退之所作木居士詩疑自有意其謂便有

無窮求福人蓋當時已尸祝之矣元豐初邑久不雨縣令力禱不驗怒而焚之蘇子瞻在黃州聞而喜曰木居士之誅固已晚矣後邑人復以木彷彿而刻之歲仍以祀張芸叟謫郴州過見之題詩於壁曰波穿水透木無奇初見潮州刺史詩當日老翁終不免後來居士又奚為山中雷雨誰宜主水底蛟龍自不知若使天年俱自遂如今已復有孫枝謝詩

菱源場蓋漢唐銀場也以菱源巖得名今謂之焦源巖在洲北七十里因謂鍾水口為焦源口入湘之口也唐肅宗時增阡治十餘所其利甚盛故改郴州治平陽元次山大厯丁未為道州刺史以軍事詣都使還州逢春水舟行不進作款乃曲五首其二云湘江二月春水平滿月和風宜夜行唱棹欲過平陽戍守

吏相呼問姓名嘗疑平陽戍所在今履此路知平陽戍即菱源口因置銀場改州府故設成於此疑當時津邏亦權稅如今釐稅矣自釐稅興而東南江路公私煩擾次山廉吏清節出守方面唱繞過舟猶遭吏問柳子厚所云春風無限瀟湘意欲採蘋花不自由者其亦感亂離之從官乎桂陽州志

桂陽自谷儉以策試冠湘州至唐數百年間人漸趨登高第者尤不可得高逵夫集有送桂陽孝廉詩云桂陽年少西入秦數經甲科猶白身即今江海一歸客他日雲山萬里人此亦下第舉子其即李襄耶李舟耶桂陽州志

權載之德輿當德宗時嘗為郴州刺史時州府在平陽其詩有郴州換印絨遺之際率成三韻寄李二兄員外使君云絨題桂陽印持寄朗陵兄刺舉官猶屈風謠政已成行看換龜紐奏最謁承明所云桂陽印雖通用古地實在桂陽監唐時刺史交替乃先寄印李員外稱朗陵兄蓋刺鼎州新故相代印早出境惟刺史可耳縣令必不宜然載之相業經術卓然名臣史不言其刺郴故郴志不知引權公也桂陽州志

劉夢得度桂領歌云桂陽領下下復高高人稀鳥獸駭地遠草木聚寄言千金子知余歌者勞所謂桂領蓋都龐嶠今南風坳也夢得重至衡陽詩自序云元和乙未與柳子厚臨湘水為別柳浮舟過柳州余登陸赴連州後五年余從故道出桂領云云則夢得往來州地比退之尤徧今臨武祠退之藍山及州不祠夢得豈以無地主故耶夢得有再授連州詩末云桂江東過連山下乃真桂水非唐詩人所言桂水也桂陽州志

零陵之氓咸善游一日水暴甚有五六氓乘小船絕湘水中濟船破皆游其一氓盡力而不能尋常其侶曰汝善游最也今何後為曰吾腰千錢重是以後曰何不去之不應搖其首有頃益怠已濟者登岸上呼且號曰汝愚之甚蔽之甚身且死何以貨為又搖其首遂溺死柳河東集永有某氏者畏日拘忌異甚以為己生日值子鼠子神也因愛

鼠不畜貓犬禁僮勿擊鼠倉廩包厨悉以恣鼠不問由是鼠相告皆來某氏飽食而無禍某氏室無完器施無完衣飲食大率鼠之餘也數歲某氏徙居他州後人來居鼠爲患如故其人曰是陰類惡物也盜暴尤甚且何以至是乎哉假五六貓闔門撤瓦灌穴購值羅捕之殺鼠如邱棄之隱處晷數月乃已嗚呼彼以其飽食無禍爲可恆也哉柳河東集

江陵有郭七郎者其家資產甚殷乃楚城富民之首江淮河朔間悉有賈客仗其貨貿易往來者乾符初年有一賈者在京師久無音信郭氏子自往訪之既相遇盡獲所有僅五六萬緡生就悅煙花迷於飲博三數年後用過大半是時唐季朝政多邪生乃輸數百萬於鸞爵者門以白丁易得橫州刺史遂決還鄉時清宮新罹王仙芝之亂里閭人物與昔日殊生歸舊居都無舍宇訪其骨肉數日方知弟妹遇兵亂已亡獨母與一二奴婢處于數間茆舍之下囊囊蕩空旦夕以紉鍼爲業生之行李閒有一二千緡緣茲復得蘇息乃備舟與母赴秩過長沙入湘江次永州北江岸有佛寺名兜率是夕宿於斯結繩於大楠樹下夜半忽大風雨波翻岸崩樹臥枕舟舟不勝而沈生與梢工拽舟登岸僅以獲免其餘婢僕生計悉漂於怒浪遲明投於僧室母氏以驚得疾數日而殞生章皇馳往零陵告州牧州牧爲之殯葬且得贈遺之既丁憂遂寓居永郡孤且貧又無親識日夕

厄於凍餒生少小素涉於江湖頗熟風水閒事遂與往來舟船執梢以求衣食永州市人呼爲捉梢郭使君自是狀貌異昔與篙工之黨無別矣南楚新聞

唐世士大夫重浮屠見之碑銘多自稱弟子此已可笑柳子厚道州文宣廟記云春秋師晉陵蔣堅易師沙門凝安有先聖之宮而可使桑門橫經於講筵哉此尤可笑者齊辛雜識

岳陽舊隸武安軍日有天策府戶部下免楚興寺科率帖開運三年二月二十四日文字係書吏人稱典稱副樞史官簽書官桂管觀察處官王天府學士鎮南軍節度判內諸司馬武穆亦自係天策府將軍江南諸道都統尚書令楚王銜後書押益五代時藩鎮行移百餘紙如郡掾曹縣令長皆攝至祥符已後始書正官稱有稱天策府知客元監州發運使序銜在知軍之下監州恐今通判職發運使蓋藩鎮轉輸之官耳亦恐是監州之類已上簽書官稱乃開運一年帖也岳陽風土記

劉先生河朔人年六十餘居衡山閒出市從人丐得錢則市鹽酪歸盡則更出日攜一竹籃中貯筆椽帚麻拂徧游諸寺拂拭神像鼻耳竅有塵土卽以筆擦出之縣市一富人嘗贈一袍越數日見之則故褐如初問之云吾幾爲子所累吾常日出庵有門不掩歸就寢亦不閉自得袍後出則鎖之歸則牢閉以備盜數日營營不能自在今日偶衣至市忽自悟以一袍故使方寸

如此亦大可笑適遇一人即脫與之吾心方坦然無復係戀矣常至上封歸路遇雨視一冢有穴遂入避雨止月明遠照穴中見甃甃甚光潔惟白骨一具自頂至足俱全倏然而起急前抱

劉劉擊之乃零落墮地劉出每與人談此異志車

巴陵以南漁者皆用連網罩水中延袤可一二百步有如城郭

謂之闌灘網郴州行

宋咸平時郡有太守某仁愛民人年八十尚無子士民旦夕禱

祝踰年侍妾舉一子盡郡之人歡呼傳誦云八十老翁生一娃

笑殺長沙十萬家太守聞其言訝之至晚微行徧里巷又無不

誦此語偶一老嫗疾聲呼眾曰語云不怕天乾只要地潤而輩

何笑焉太守遂撫掌續之曰果是老夫真血脈他年仍舊鎮長

沙越三十餘年其子果官長沙郡人士交相慶喜第歲久逸其

名與鄉貫長沙縣志

蔡京南竄道中市食飲之類問知蔡氏皆不肯售至於詬罵無

所不至州縣吏為驅逐不稍息京於轎中獨歎曰京失人心一

至於此至潭州作詞曰八十一年住世四千里外無家如今流

落到天涯夢到池閣下玉殿五回命相形廷幾度宣麻止因

貪戀此榮華便有如今事也後數月卒門人呂川卜老陳錢葬

之清波雜志云蔡京死潭州數日不得斂葬滿澤圍以青布

條裹尸初宣和年開京師染坊有名大師青者茲其識也長沙縣志

張筠松為太守李唐卿得宰執之地於武岡山夜夢神人語曰李守刻覆不應得此吉地未幾且當死非命矣後果如其言世劉

潭州有清淨覺地宋咸淳間游士胡天俊寓焉月夜撫琴梅樹

下遙見美人欲前且卻胡作意三弄女逸邈近前胡迎揖之女

日聲雖和哀怨多有所欲不能直遂耳胡執其手曰舉世無知

音今夕相逢豈天假緣耶女曰後夜月明當赴子約翌日朋友

拉入城游飲忘歸者兩日大悔失期亟歸於樹下得一白羅帕

上題詩云蕭蕭風起月痕斜露重雲環壓玉珈望斷行雲凝立

久手彈珠淚滿梅花異聞錄

吳少穎在長沙萍鄉作館親見胡屠愛小便宜多於眾人未知

之際攪開牛口偷割其舌一日主家市大牯牛復又行盜削一

竹刺穿其舌矣其牛奔突亟呼胡屠襲逐胡恐拋下為他人所

竊急將竹刺咬定拔出其肉以酒嚥下不覺自斷半舌更不能

飯彊以粥飲一月作牛吼而死叢書

南嶽李巖老好睡眾人食罷下基巖老輒就枕閱數局乃一展

轉云我始一局公幾局矣東坡曰巖老常用四脚碁盤只著一

色黑子昔與邊韶敵手今被陳搏饒先著時自有輸贏著了全

無一物百解

湘人陳誥登第授岳陽教官與妓江柳得孟之經守岳召江柳

杖之文其銜間以陳誥二字押隸辰州陳且泣且悔幣其所有
贈柳餘付監押吏卒令善視且以詞餞別會陸雲西以荆湖制
司至岳陳以情告陸謂孟曰聞籍中有江柳者善謳誰是也孟
即呼至柳花細隱眉間所署陸呼柳問其事柳出誥送別詞陸
大嗟賞舉以示孟且誦之曰君試目此作可謂不知人矣遂除
柳名且將誥如江陵薦充買秋堅幕僚山房
宋仁宗慶曆中桂陽監判章侁作烹丁歌上之朝詔免烹戶爲
平民歌云我生幸遇聖明君何爲獨作桂陽民官中逐月催科
稅不徵穀粟只徵銀不問田園多少地供給之數惟計人盡將
古來什一稅移在貧兒六尺身自從天福徵銀後田籍毀除不
復存迄今已及百餘載其間興替何紛紛五年升降由鑑首欺
蔽官司焉得聞某生不幸居北鄉南去寶山七十里兒孫盡是
賣炭夫從小不諳烹採事本戶大小係七丁只是賣銀供納稅
更值今年正月來雨多人少坑鑑在四城炭入無人收炭價轉
低銀價貴三兩三錢零九分火耗秤餘猶未係幾回奔走入城
來了納身丁一月計夜來犬吠鑪首過舉家驚悸心膽破手把
歷頭一卷來頂戴三柳挽被鎖自道新年科稅嚴身有杖創行
路跋此歌辭語里質然猶有古法其言手把歷頭者宋史職官
志云監當官凡交割必置歷以稽其贖欠亦可見當時之制又
以炭價較銀價知銀未絕昂也若今納銀三兩三錢九分當買

〔光緒〕湖南通志 卷末一四

炭五六千斤非但煩一月奔走矣初宋天禧三年桂陽置九院
曰大湊岡大版源龍圖毛壽九鼎小白竹水頭石筍大富九鼎
卽壇山也大富今大富口小白卽焚源場餘五院未詳所在銀
卅以大湊焚源大富爲最久也唐銀院在平陽縣南三十里蓋
今長富坪以南諸山元和志云所出銀至精好俗謂之僞子銀
別處莫及然通志但云桂陽監上貢銀五十兩元和志云郴州
桂陽監在城內每年鑄錢五萬貫郴州人爭郡治莫知引監在
城內以爲郴州治在今桂陽州治之據信考證之難也董道錢
譜云會昌中揚州節度使李紳鑄開元錢於背加昌字以爲別
識有敕各監錢背並加字桂陽監錢用桂字在穿右又咸通十
一年桂陽監官王彤進新鑄錢文曰咸通元寶尋廢不行宋制
鄧州郴州各監屬少府少府罷鄧郴監各益五鑪以刺史判之
後別置提點官桂陽州志
梁謝舉聞家諱必哭近世如趙南仲亦然周密齊東野語
元順帝自靜江入都史稱燕帖木兒出迎帝不敢交語故遲疑
不欲立之臨武志載陳楚春爲道州學官順帝過州楚春上詩
有紅日馬頭天已近青雲雁背雨初晴之句帝召見面諭云此
等老儒當大用何乃居此職命充扈從官至京賦神州八景詩
稱旨擢湖南廉訪使楚春固辭不拜劉凝參亦云楚春巷遇庚
申帝由此言之帝年十三已能知詩重文其在道得自選扈從

六三七

帝制自為不容至京方復有疑蓋史文駁誤也桂陽州志

輟耕錄載楊完者所統苗軍異服異言為五溪遺種尅復諸州

慘苦莫甚而其論有曰完者榮寵過分豈有異志忠君愛民之

道頗亦有見諸行事則完者之有功於元明矣而元史甚稱其

能致為達識鐵睦爾所圖而張士誠遂不可制完者固人傑也

哉而武岡曾華鎮浦江兵至安堵總部完者檄之移鎮一夕去

不聞人馬之聲則紀律之嚴又見於部下而完者之死楊維禎

張昱等皆哭之以詩獨劉青田基紀事詩甚不滿之則古今人

之不盡諧於人口也類然寶慶府志

歐陽圭齋論風雅取名最有理前輩說詩者之所不及也其言

曰風即風以動之之風雅即雅鳥之雅以其聲能動物也又曰

風雅惟其聲不必惟其辭故有聲而無辭者有之無聲而有辭

者無有也圭齋南詞中有龍袖嬌民之語想是元時方言不知

是何等也漫筆

章惇開梅山即今安化縣五寨自宋臨甯至今無蠻獠患亦秦

之長城也不然長沙之害豈減於廣西搖獠乎史無特書以章

惇為小人故也但其善處亦不可掩安化縣志

明史余繼登傳繼登居家廉約學士曾朝節嘗過其里蓬蒿滿

徑及繼登病革視之擁粗布衾羊毳覆足而已蓋文恪以講學

植節自厲推獎廉士遂成其名史特引以為重知文恪立朝為

能主持清議也文恪之清望劉尚書之事功皆有可傳然史不

為傳史傳諸人往往以一疏攻擊即為佳傳兩公皆不尚攻訐

故見遺也桂陽州志

世傳明鈔用大學生課本做紙為之其青黎色是紙墨雜合所

致按宋孝宗造湖廣會子亦下江西湖南漕司根刷舉人落卷

及毀抹茶引應副鈔造以宋例明當不誣張爾岐語

明初武職多拔於勳胄後乃開保舉將材之例往往循名而不

責實華容劉忠宣為大司空始議行武舉疏請仿唐宋故事每

遇文舉鄉試之年亦將武舉預期行移各省試可取者送兵部

會萃數目請於次年四月開科初較騎射以發十矢中三矢以

上者為合式次較步射發九矢中三矢以上者為合式三試策

二道論一篇優者列職推授若非全材則斥而不用查慎行

獅子狀近厓盤石如欲銜狀古諺云獅子含球出狀元明成化

十六年庚子水泛狀口經兩日始退沙壅如園珠時桃江王華

館於邑甯方伯哀家明年辛丑廷對第一遂符其兆祁陽縣志

衡陽周令失其名蜀川人喪妻再娶亦蜀川人後妻攜三女俱

長矣周撫之如己女後妻兒如周舊畜數婢內二人姪娠後妻

加以他事鞭撻之無虛日二婢各為懷妊常以背或臀腿受其

挺妻多方用杖觸其腹欲其不全二婢竟以鞭箠墮胎而死後

妻既殺二婢其後三女相次適人因權寓衡陽不四五年其三

女俱因產而死每一女死妻必飯僧悔過為先鞭撻墮胎死者
二婢看經自禮梁皇懺三女俱因產死未死間必旬日號呼痛
楚宛轉而後終妻涕泣憂惱而得疾女亡後歲餘亦死洛陽舊
明嘉靖中大學士張璠奏文廟塑像類異教請更木主諸道如
其議時論趨之獨楚沅陵將易之先日設饌致祭香煙騰空吐
竭誠饗祭四字眾以為異遂不改云山史
按一統志載郴州桂陽宜章永興產銀鐵銅錫無賴奸徒遂稱
郴有坑冶輒思開採竊思天下利之所在害必隨之况有害無
利其可忘從前之殷鑒貽後此之利階乎敢將流弊略陳焉郴
界在嶺表山多田少一歲之收不足供一歲之食今增萬千之
夫役則增萬千人之口糧米價騰貴窮民奚堪害一煎淘惡水
一入田疇竟成廢壤不但衣食無資併國賦何辦害二穿求砂
苗深入無底舉數十里之屋廬墳墓皆有斬龍絕脈之虞害三
鑛炭無出即伐人禁山而不惜斫人家樹而不顧居民風水悉
遭敗壞害四且本地居民從無辨鑛火識砂色者率皆臨藍嘉
桂常新各處奸徒及四方亡命晝則橫肆搶奪夜則公行剽劫
令雞犬不甯婦女遠竄害五凶黨糾聚千百成羣少有忿爭便
肆戕殺訟獄繁興牽連拖累害六惡水一出數十里溝湖溪河
皆成穢濁民間飲之輒生疾病害七河道半被泥沙壅滯時為
遷改鄉民恐壞田苗拚命力爭屢致爭鬪害八萬山環聚瘴氣

本深更加掘發瘴雨嵐煙染者多疫害九窩逃藪盜例禁素嚴
今夫役俱屬遠方即有逃人巨盜藏匿其間孰從稽查害十凡
此皆害在官民共見共知者也嶺南十善論
開採坑冶十害之外更有一莫大隱憂姑以明事言之洪武末
杜回子作亂將宜章四十九里屠戮十之七八今止存八里固
藍山之砂賊也正德間猺寇大作兵連三省征勦數年始定固
溪崗諸蠻也崇禎丁丑砂賊結連猺獠聚數萬犯郴桂衡湘
併袁吉昌韶諸郡邑致四省大兵雲集宜章尚不能遏其狂鋒
固臨藍嘉桂之坑徒也戊寅年聲言來州開挖王癩子等統眾
近萬於二月內連攻州城二次索庫銀千餘兩犒賞始退固新
田牛頭寨等處之賊首也至癸未年砂賊公然發牌張示率眾
萬餘來州開挖兩載奸人朱儼銜因乘機煽誘招集砂賊自號
遼王盤據州城至今瘡痍未起元氣未復固皆坑冶招禍砂夫
釀亂歷歷可數者也總之郴在百里山內板嶺尚寇虎視眈眈
鄰壤礦徒日逐環伺無罅可乘遂隱未發若開之以隙令其糾
集少則是夫多即為賊其播毒流毒非自今始故宋於建炎後
即廢坑場歷明二百餘年從未開採雖嘉靖間因殿工需材議
開坑場賴兵憲程公守憲宋公激切披陳為民請命亦遂中止
至明末坑徒猖獗為禍遂焚結而不可救由是以觀則坑冶之
為害官民不待智者能辨之矣郴州礦廠十善論

桂東山高水淺物產最薄俗傳桂東流源雙坑產錫製裝嶺亦產錫大都所產不多前朝開採殆盡今實無有也

國朝雍正年間兩經攻利之徒引誘外人挾貨充商呈準創試聚眾數月銷費資本礦砂顆粒無獲而民間日月亦因以騰貴皆嗜利者階之厲也夫利之所在害必隨之况有害而無利乎憶康熙五十一年江廣亡命始聚眾數十繼而累百盈千潛挖偷淘既無所獲日食難供即行剽劫民壯歐之不得繼以官兵官兵不足繼以鄉團適時知縣聞世魁干總郭開泰召募土兵演習銃礮四鄉居民入城守義勇羅蔡龍等皆犯賊鋒而死團總李俊傑等日夜巡邏沿山追勦始得鼠狼奔竄境賴以安邑令閻城守郭并後令張公寬皆因此後先註誤此皆前事之可監者也後之人其母為利所惑使閩邑受坑冶之害焉可也

桂東縣志

沅陵楊溪舒溪邨民迎春日各繫土鼓一面於齋左擊其兩頭繞行官長前又沿門擊鼓和歌謂之打春鼓其鼓長三尺許以木為匡以革為面用黃土泥其面一寸許其聲聲然清而不揚案周禮籥章擊鼓以瓦為匡以革為面籥中春晝擊土鼓吹豳詩以逆暑中秋夜迎寒亦如之凡國祈年於田祖吹豳雅擊土鼓以樂田畯國祭臘則吹豳擊土鼓以息老物沅之土鼓其猶倣古制與

沅陵縣志

青蓮社在德山為武陵人詩社龍膺嘗攜酒飲袁中郎於此

德山志

桃源名縣以縣南有桃花源明崇禎中議更天下州縣同名請改桃源未果

常德府志

楊武陵奪情事後人論之過刻聞之山長教授云其父客嚴

首昇華容人周聖楷湘潭人輩為武陵所抑遂騰謗書又當時與黃

石齋先生矛盾故論者多少之耳池北偶談

閻邱編修泳言往年遊宦湖湘舟行江上有客子附舟尾至暮

吹笛閻邱正飲賞其音命以酒勞之未幾聞然有聲甚厲訝而

問之皆不對少頃稍稍進云某官且聽聲勿復問舟尾橫笛者

乃賊也以此為號嘯其徒耳適已撲殺矣須臾有一舟笑呼而

前以為已有應援則無應之者果詢云吹笛船安在舟人皆答

已過前去矣俟其過急投岸獲免長沙府志

魏廓園即大自序年譜云萬曆四十八年庚申余年四十六歲

奉使岷藩掌喪岷固楚之南境黔粵鄰壤暑雨中跋涉萬山事

竣以六月十有七日登衡山絕頂蒙雨而上至頂開霽少頃復

兩信宿而下碧血錄

明益陽知縣汪淮立城隍誥命碑覆之以亭時當亢旱亭成得

雨而喜請以喜雨記之未有應者邑人郭守元善降乩淮使叩

之乃降筆為之記所言皆憂君愛國之辭末一行云正統十三

年秋七月七夕後一日蓬萊虛靜元默道人馬勝記淮竝勒石而詳志焉益陽縣志

偏沅李乾德行檄至縣言近日蜀山崩出石碑有字云今日流明日流流到如今方斷頭張也敗李也敗敗出一箇好世界時

李炎張獻忠二賊正熾一名李炎

癸未冬末賊勢張甚忽童謠云勸你休時不肯休死在兩縣夾

一州若還要取沅辰靖鐵樹開花水倒流公安石首夾澧州賊

正退屯其地痛餘雜錄

楚中之變億兆被劫肝腦塗地不必言矣惟天潢一派分封楚

地最多如武昌則有楚府衡州則有桂府長沙則有吉府常德

則有榮府寶慶則有岷府襄陽則有襄府荆州則有惠府岳陽

則有華陽府永州各縣則有岷府蕪陽分封承天則有顯陵各

有守兵一聞賊至望風而潰何嘗與賊一交手致金枝玉葉塗

炭流離如惠桂兩藩係帝親叔而所至迫逐無容身地更可閔

也痛餘雜錄

楊氏四世墓俱被發大司馬修齡公及其祖父骸骨皆燔而粉

之雜草判以飼馬閣部公獨葬沅江縣天星河之濱距武陵三

日被發蟒玉肢體如生賊支解其屍龍陽宋百戶收其元及一

手宋其懿親認定不謬 修齡公葬已四十年癸未冬盜發其

冢其貌如生刀斫其頸鮮血噴出賊異之墳丁親見逃歸說

甲申春勦撫無山為叛兵所斫中五刀重傷不死楊氏生死咸遭酷毒豈非劫運使然痛餘雜錄

長沙既陷桂藩護衛一空王出走百姓奔散賊遂隨之永與衡

鄰衝陷永必不全潰兵四五萬奔永州騷擾民間先竄一空九

月十九日賊至僅五六百人而四五萬兵望風奔潰自相踐踏

死者無算直指劉熙祚武進人被執不食六日自縊或云被殺

於甯鄉宗師廟署永府節推吳晉錫吳江人先奔歸籍後居省

城痛餘雜錄

劉勗思自永州被陷為賊所執於癸未九月二十七日殉節於

永陽臨絕賦詩二章題於署中曰倥傯軍旅已逾年家室遙遙

久別顏按洪武正韻并南北骷髏驚作蠟湖湘宮殿倏成煙鵲

血不沾無冢骨烏號偏傍有孤田死生遲速皆前定堅此丹心

映楚天又故園隔別已經年今顏非復舊時顏山川草木皆含

淚貔虎旌旗盡化煙老婦漫勞尋蝶夢兒孫切勿種書田葛宏

化碧非奇事此孤忠向九天痛餘雜錄按舊志載劉熙祚

後人修飾此蓋其原本也

長沙與衡州接壤守長沙江口賊不得渡八月間桂府募兵六

千將尹先民頗驍勇統兵據浮渡施礮設柵業有次第而撫治

王聚奎臨郡縣人辰必欲調兵守城尹痛言守江為上守城非

策王剛復自用不用其謀賊偵無備果一擁而入王先遁尹戰

死道臣馮雲起長洲人_丑遁免節推蔡道憲晉江人_丑殉難邑令吳應恂宜興人_丑亦先遁蔡罵賊不屈被磔楚撫王聚奎隨惠桂兩藩奔廣西梧州_{痛餘雜錄}按舊志引殉節錄等書皆云尹戰死豈傳聞異辭耶存之以俟考

長沙史可鏡登戊辰進士為工垣長艱歸被察扼腕不平賊到即降授偽巡撫賊去團兵獲之以獻偏沅治院得其致劉鐵棍書勸劉降賊乃痛杖五十發沅州詳審獄具又杖二十欲其速斃而頑鈍不死想天厭其惡也劉鐵棍時為副將駐武岡州有勇名靖州一帶賴以全隨陞總兵_{痛餘雜錄}

偏沅撫臣李乾德聞澧州克復統兵至澱浦聞常澧復陷即引兵而還不發一援不動一矢奇哉左帥_良曾三擒張賊張賊說之曰公爵未尊橐未厚不若釋我以為外懼賂之數萬金左領之遂殃及全楚趙公子無瑕曾陷賊中言賊實畏官兵夜不釋甲不離馬而官兵無一與敵者綫索暗通遵左令也_{痛餘雜錄}

常德屹然巨鎮為全楚之咽喉滇黔門戶楊文弱請加雉堞金湯甚固道臣潘士彥宛平人_辛忽於正月十七日倡逃夜半開門走出為榮藩宗室掠其輜重道臣及家眷僅以身免其寵人睡鞋為眾掠得跣而出門潘守常德甚久有潘打劫之號甫晉兵巡值分守兵備俱缺手握三篆而以勤王募兵為名公然遁走致民無固志重地瓦解寸磔不足贖也_{痛餘雜錄}

常德自三月破後賊去而逃民漸復吾鄉徽蘇大賈紛紛重載而下有五百人作夥附大海舟鐵鎗桅竿忽作吼聲徽商溪南吳姓者亟以桐油賤售販豆還浦市不數日常復陷四百九十人無一免者_{痛餘雜錄}

溫總戎_明兵過辰邑約三千人內婦女不及百人其妍麗者不過二三人聞其在益陽擄江右巡撫郭天門女勒索五千金贖女方有娠溫竟置幕中至宴客呼令佐酒客有泣下者溫弁自奉僭侈動用什物皆金銀製造妾近二三十人為賊擄去十二人又有女優一班未動也_{痛餘雜錄}

常武賊再破後楊仲丹遣人偵之民家家門供一牌上書西府萬萬歲順民某人左鄰某人右鄰某人而其家則屠戮無遺聞賊審是官兵則斷其手城中手幾百擔日盡鬼嘯不見人影_{痛餘雜錄}

元墓山僧旭初以募緣至常武王府供養冬月之變隨願奔走踰桃源追者躡其後僧登崖避之見官兵四五千人失魂喪魄爭先恐後頃刻間落崖墮澗死者不計其數僧以為賊大隊至矣及數之止十六騎耳而四五千人望風急遁相踐相踏烏用是起者為_{痛餘雜錄} 貴督遣副將羅姓者統兵三千剿賊二月二十日到辰州停泊三月不行閱其行牌尙是十月二十九日貴省距此僅十餘日

而逍遙四月俟賊既遍屬厭而去援兵方下常武以恢復為名

近日可歎之事大都如此痛錄

辰州節推胡會賓桐城籍雲南人慷慨任事加銜兵巡統兵復

澧州益陽近常德再破則已殉節真烈丈夫哉後於節溪崖墜

得屍已喪其元其子認曲指腿痕而得之痛錄

張獻忠令票云西府平南先鋒張云云其辭悖逆不能悉舉總

為楊閣老部而發有云楊某調動天下兵馬與之為難其子又

到處團聚鄉勇敢行抗拒楊某已中我刃今掘其墳墓燬其房

屋有孳得楊族一人者賞銀十兩有孳得其親子孫兄弟者賞

銀一千兩後書癸未十二月日上有平南先鋒印楊公子仲丹

親取出看痛錄

楊氏本南直建平縣籍國初以尺籍隸武陵今族亦僅百指裂

冠者二十餘人甲科尙存二人前撫無山公其一也修齡之祖

痛錄

常德夏秋賊退民居重構十已七八仲冬再破恣行焚燬齧

不遺屍山血海聞者傷心故相楊文弱三子及其弟侍御無山

一子幸而得脫案楊開部戊子生庚戌成進士年二十三歲庚辰死封爵年五十三歲痛錄

中書舍人歐陽蕙圃名始泰地之著姓其尊人炤秦中副憲物

故未幾即遭寇變闔門殲盡蕙圃從烈焰中逸出先是蕙圃

翻里中一日出郊外見被髮而爭鬪者勢不欲生訊其故則其

人姓萬川客販椒為牙僧負其十四金有急欲歸索不得耳蕙

圃慨然如數與之其人感激識姓名而去歐當避寇時一子僅

七歲以為死矣乃為寇擄入川中恰過萬姓之地方殺賊而

其稚各詢所自子能言其祖父姓名萬姓抱持泣曰此吾恩人

子也乞養之無何其土官須姓者無子轉字為子蕙圃不知也

偶其宗人入川邂逅萬姓附一信至從須索之須不能諱然百

計畱難蕙圃因其年伯陳鹿萃時為偏沅巡撫持令箭令牌聞

關數千里始得父子重聚已十八歲矣嘗出其手示人右手兩

指半削則以初擄去時馬上罵賊賊以刀斫之故也痛錄

明季司理蔡江門殉賊之難義役裹骸葬之醴陵披其後太

守堵公牧遊聞之朝賜諡忠烈堵因易醴陵為理靈重司理也

而地以人顯矣於時賊黨四出剽掠善化義民楊仕儒被執亦

死於東山市藁葬長沙羊殺腦山土人易其名曰楊古老事迹

略與忠烈同豈不以貴賤雖殊而臣民之義固無二致哉蔡忠

化縣志

易之復十一月之卦也象為雷伏地中鳴則非宜父老以鳴日

所值支干占之往往有驗如甲寅乙卯為饑饉丙丁巳午為旱

庚辛申酉為兵戈之類方位亦以此斷甲寅年冬月庚申日雷

鳴占者謂西南邊地恐有事至次年正月而苗變天心仁愛預

示以象不可不先事知防矣永綏

邊老言歲值甲寅乙卯南方轍有事康熙十三年甲寅吳逆初於滇次年彌熾雍正十三年黔中台拱苗亂乾隆六十年三廳苗復不靖皆乙卯也又謂苗地甯謐無過六十年竊嘗思其故苗民滋息極易至六七十歲已三世食指繁多莠良不齊苗地瘠薄不能生活必浸淫而成事變須大加芟除始得相安無事此非有他占驗亦就人事論之耳永綏志

沅陵北河粟姓一戶係秦時老籍今其家臘猶從秦時令族丁甚繁多工匠藝其真秦人之後與辰州志

康熙六年洞庭層樓見有車馬城郭樓臺之狀八年復見順流至城陵磯二十三年復見有小山十二及城郭寶塔之屬自申至酉乃滅岳州志

岳州太守包元辰曰康熙九年庚戌五月十八日洞庭君山側見層氣有樓閣旗旗人物牛犢無一不備觀者傾國食頃者再乃散因著君山層樓行東還紀程

乾隆間錢塘吳修撰鴻督學湖南壬午科湖南主試為嘉定錢辛楣大昕韓城王偉人杰皆負重望闈後諸生以墨藝呈吳吳最賞者丁姓丁正心張德安石鴻壽陳聖清五人決其必售填榜日吳亟使走探自第六名至末僅聖清一人方駭詫問俄五魁報至則四人各冠其經姓為解首正心次之一時傳為佳話隨園詩話紀其事並載吳志喜詩云天鼓喧傳昨夜聲大宮小

微盍含鳴當頭玉筍排班出到眼珠光照乘明喜極轉添知己淚望深還慰樹人情文昌此日欣連曜誰向西風訴不平四香室雜記

黔陽縣西南龍陽洲為濞水入沅處中夾沙洲隨水高下洲尾高出水面數尺必為邑人登科之兆諺云鐵樹花開科甲發龍陽洲去狀元來按州乾隆四十二年知縣葉夢麟修署適成乃題龍瑞堂三字於廳事以示期望道光十七年桂林龍光旬來知縣事于啟瑞隨侍黃本驥學師謂姓名符合決其必元己亥由邑北上辛丑果冠南宮卓海帆相國遂以此事入奏是年殿撰有寄題龍瑞堂詩二首云六十年前蹟尚新徵祥如待後來人歌謠若識原非謬山水鍾靈信是真敢道佳名符兩字聊憑妙墨照于春他年莫負留題意俚語曾經達

紫宸隨侍棠陰信宿絲歸來路隔五溪煙璇題憶向高堂煥花韻曾分彩筆妍天巧從知非偶合地靈端欲藉人傳殷勤寄語龍標彥事業科名勵後先黔陽縣志

自衡山以南通用夷錢夷錢以銀上影一女子坐象云是英吉利女王也近通改畫鷹每錢七錢不假剪槌便於行使百年來領南盛行謂之花錢亦曰花邊花錢之名通於四海然文字鮮有引用令垂後來衡山聶蓉峯嘉慶中成進士來州以試卷投人例有餽贈花錢初用多以相貽蓉峯賦詩有云甯醉百草醇

不愛一花錢記其名也百草醉州中好酒以牛藉草壓之令暖而成者惟家釀有之桂陽州志

華容張復齋令晉江時民有生子三日不能自存活而界人養以爲子者子年十二矣一日忽不知所在於是生子者與養子者皆來訟於公公察生子者貌驚而言辯養子者訴且泣問之無他狀獨兒兄以三日前持餅來啗兒良久乃去公遽曰是矣生子者色動公叱之曰若貧且無賴人爲若養兒若自使人給兒去將鸞以得金而又行詐乎乃語塞不能對遂杖之而令以兒來且云吾與若期生兒不期死兒越三日果以生兒至公復以界養子者而諭生子者以情皆叩頭泣謝羅洋文集

咸豐甲寅髮賊踞靖港湘西蹂躪殆徧日數百渡湘以東剽掠貨物一戶兄妹守舍一賊入焉仆其妹兄突至取厨刀出不意斫之立斃又賊方遁時不暇待其黨有數賊捆載至水次乃覺覓舟以濟適漁艇撥擢波間賊呼焉漁人曰吾畏汝不敢渡也無已請用兩舟人與兵器分載乃可賊從之載人者至中流覆舟沈賊又一巨艦爲賊擄銀錢重物充焉行至江中落後賊皆熟睡舟人手鐵椎入船擊之斃有逸出者亦死於水會北風起轉舵張帆而上得脫歸長沙縣志以上述事

湖南通志卷末之十四

湖南通志卷末之十五

雜誌十五 撫談五

歐陽通善書修飾文具其家藏遺物尙多皆就刻名號研室曰紫方館金旂盛研滴曰金小相鎮紙曰套子龜小連城千鈞史界尺曰由準氏芒筆曰蛙宗郎君夾槽曰半身龍清吳錄歐陽詢子通竝工書所摹古法帖爲潭帖潭人無知者禹碣北海碑巍然峙嶽麓皆宋人重刻而北海碑摹手甚佳丞相劉沆帥潭日以消化官帖命錢希白摹刻於郡齋者亦稱潭帖又有長沙別本私第本新刻本俱稱墨妙蜀人秦子明摹之練兵長沙日買石摹刻個寶月古法帖十卷載歸傳者絕少不可復觀楚寶

劉蛻文冢銘自評其文粲如星光如貝氣如蛟宮之水此喻最妙文冢在今潼川州子康熙壬子過之爲賦一詩唐末古文竝稱樵蛻文泉子子所手錄也香祖筆記進士曹唐游仙詩才情縹緲岳陽李遠員外每吟其詩而思其人一日曹往謁之李倒屣而迎曹生人質充偉李戲之曰昔者未觀標儀將謂可乘鸞鶴此際拜見安知壯水牛亦恐不勝其載時人聞而笑之北夢瑣言

唐詞客李節過耒江弔子美詩云耒陽浦口繫扁舟紅蓼灘頭宿白鷗半夜青燈千里客數聲寒雁一天秋蚤吟隔岸情如訴

斗柄橫江勢落流惆悵杜陵老詩伯斷碑古木繞荒邱焚之祠
前是夜夢子美於沙隄和詩有若遇故鄉王永日便將清淚灑
荒邱之句王永日子美故人也湖廣通志

三閭廟在岳州唐未有洪州衙前軍將統隊卒過岳陽題一絕
於廟云蒼藤古木幾經春舊日祠堂湘水濱行客漫陳三酌酒
大夫原是獨醒人湖廣通志

李濤長沙人篇詠甚著如水聲長在耳山色不離門又埽地樹
留影拂牀琴有聲膾炙人口全唐詩話

唐李白聞汜水尉王昌齡左遷龍標尉遙寄以詩曰楊花落盡
子規啼聞道龍標過五溪我寄愁心與明月隨風直到夜郎西
太白集

王重攸人爲湘幙書記釋齊已寄詩云拋擲湘江舊釣磯日參
籌畫廢吟詩可能有事關心後得似無人識面時官好近聞如
茜服藥靈曾說換霜髭高才直氣平生志除卻徒知卽不知齊集

僧貫休晚泊湘江懷古云煙浪漾秋色高吟似得鄰一林湘渚
月千古獨醒人全唐詩話

沈光有洞庭樂賦華岫曰此賦乃一片宮商北夢瑣言
張迥湖南人有句云夜長燈影滅天遠鶴聲孤見吟窗雜藁全唐詩話

石恪西蜀人善畫亦工歌詩孟蜀亡入汴供奉乞歸道卒後殿
直雷承吳任衡陽遇恪與同宿恪贈詩云衡陽此去正三年一
路程途甚坦然深遠門牆三楚外清風池館五峯前西邊市井
來商客東岸汀州簇釣船公退只應無別事朱陵後洞看神仙
別後始悟其已死及到任公字一如恪言全唐詩話

蔣鈞字不器營道人戎昱詩有一夜不眠孤客耳主人門外有
芭蕉之句鈞代爲答曰芭蕉葉上無愁雨自是多情聽斷腸全唐詩話

中書令白敏中鎮荆南杜蘓廉問長沙請從事盧發致聘焉發
酒酣傲睨公少不懌因改著詞令曰十姓胡中第六胡也曾金
闕掌洪鑪少年從事誇門第莫向尊前氣色粗發答曰十姓胡
中第六胡文章官樣勝崔盧暫來關外分憂寄不稱賓筵語氣
粗公極歡而罷唐書

咸通十二年禮部侍郎高湜知舉榜內許棠有洞庭詩九工時
人謂之許洞庭唐書

憲宗朝以北狄侵邊大臣奏議古者和親有五利而無千金之
費帝曰此聞有一卿能爲詩而姓氏稍僻是誰宰相對曰恐是
包子虛冷朝陽皆不是也帝遂吟曰山上青松陌上塵雲泥豈
合得相親世路盡嫌良馬瘦唯君不棄臥龍貧千金未必能移
姓一諾從來許殺身莫道書生無感激寸心還是報恩人侍臣

張迥湖南人有句云夜長燈影滅天遠鶴聲孤見吟窗雜藁全唐詩話

對曰此是戎豈詩也京兆尹李變擬以女嫁豈令其改姓豈固
辭焉帝悅曰朕又記得詠史一篇此人若在便與朗州刺史武
陵桃源足稱詩人之興詠聖旨如此稠疊士林之榮焉其詠史
詩云漢家青史上計拙是和親社稷依明主安危託婦人豈能
將玉貌便擬靜胡塵地下千年骨誰爲輔佐臣帝笑曰魏絳之
功何其懦也大臣公卿遂息和戎之論唐范摠雲
唐蔡京假節邕州道經湘口泊浯溪中興頌僂俛不前題詩曰
停棹積水中舉目孤煙外借問浯溪人誰家有山賣此詩未收
浯溪志子昔撰浯溪攷亦遺之偶讀雲溪友議追錄於此用補
向來之闕香祖
沈存中謂楚辭之些蓋楚人舊俗卽梵語薩縛訶三字之合也
蘇卽菖蒲蕙卽零陵香蕙卽白芷又云杜衡卽馬蹏香今僞作
細辛用香祖
宋閻秀李清照號易安居士吾郡人詞家大宗其集名漱玉而
詩不概見陳士業寒夜錄乃載其和張文潛浯溪碑歌詩一篇
未言出於何書子撰浯溪考因錄入之詩云五十年功如電掃
華清花柳咸陽草五坊供奉鬪雞兒酒肉堆中不知老胡兵忽
自天上來逆胡亦是姦雄才勤政樓前走胡馬珠翠踏盡香塵
埃何爲出戰輒披靡傳置務支多馬死堯功舜德本如天安用
區區紀文字著功銘德眞陋哉乃令神鬼磨山厓子儀光弼不

自猜天心悔禍人心開夏爲殷鑒當深戒簡策汗青今具在君
不見當時張說最多機雖生已被姚崇賣香祖筆記 按
衡州蔣道士有詩云石壓筍斜出崖懸花倒生後因太守怒不
掃地辱之守見詩愛而召之乃上詩曰春來不是人傭掃爲惜
莓苔觀落花青瑣
全唐詩話云洞庭湖詩許棠題後無繼者僧齊已駐錫巴陵欲
吟詩竟未得意有都押衙蔡姓者戲謂已公曰題洞庭者某詩
絕矣已公堅請之押衙抑揚朗誦曰可憐洞庭湖恰似三冬無
髮鬢原注湘江北流至岳陽達蜀江夏潦後蜀漲勢高過住湘
一條波瀾而退溢爲洞庭湖闊數百里秋水歸壑湖底漸出惟
面寬闊三冬北風寒勁可以斷人髮鬢亦一說也
蔣彥回零陵人黃庭堅玉芝園詩序云去年三月清明蔣彥回
喜太守監郡過其玉芝園作詩十六韻二侯皆有報章今年三
月余到玉芝園記錄一詩次其舊韻黃庭堅集
龍眠畫五馬圖空青老人會紆公卷跋之曰元祐庚午歲以方
閣科應詔來京師見魯直九丈於醜池寺魯直時爲張仲達筭
題李伯時畫天馬圖魯直謂余曰異哉伯時貌天廐滿川花放
筆而馬殂矣蓋神駿精魄皆爲伯時筆端取之而去實古今異
事當作數語記之後十四年當崇甯癸未余以黨人貶零陵魯
直除籍徙宜州過余瀟湘江上因與徐端國朱彥明道伯時畫
殺滿川花事云此公卷之所親見余曰九丈當踐前言記之魯

直笑曰只少此一件罪過後二年魯直死貶所又二十七年余將漕兩浙當紹興辛亥至嘉禾與梁仲謨吳德素張元覽汎舟訪劉延仲於真如寺延仲遽出是圖開卷錯愕宛然時苦撫掌念往逾四十年憂急除生巋然獨存彷徨弔影殆若異身也因詳敘本末不特使來者知伯時一段異事亦約直遺意云浩然齋雜

沅州道間有古驛曰幽蘭鋪有徐秘者凡兩經過書二詞於其壁一云秋欲暮路入亂山深處撲面西風吹霧雨驛亭欣暫駐可惜國香風度空谷寂寥誰顧已作竹枝傳楚女客愁推不去其二云春欲半重到寂寥山館修竹連山青不斷誰家門可款紅暈花梢未半綠蘸柳芽猶短金縷香消春不管素蟾光又滿乾道中先君曾寓是館愛其語意悽惋每舉似於人秘字公飾不知何許人也雲谷雜記

王荆公送吳仲庶守潭詩云自古楚有才醜醜多美酒不知尊前客更得賈生否蓋賈誼初為河南吳公召置門下而後謫長沙其用事之精如此王直方詩話

張舜民芸叟從軍高遵裕有詩曰白骨似沙沙似雪勸君莫上望鄉臺神廟見詩責郴州稅椰多碧蓮根大如盃張嘗以墨印於詩臺上以詫北人也孫公談圃王以甫湘潭人有和人云人情千里白頭浪世事幾番黃葉風

若溪漁隱叢話

汪彥章為中書舍人試潭州進士何烈卷子內稱臣及聖問不舉覺坐罷職謝表曰謂子路使門人為臣雖誠悖理而徐邈云酒中有聖初亦何心又曰畫馬者與尾而五常負譴憂網禽而去面之三永銜生賜容齋三筆

廬陵劉叔儼名儼才豪甚其詩往往不肯入格律有題岳陽樓詩曰八月書空雁字聯岳陽樓上俯晴川水聲軒帝鈞天樂山色玉皇香案烟大船駕風來島外孤雲銜日落吟邊東南無此登臨地遣我飄飄意欲仙程史

狄侍郎棐之子遵度有清節美才年二十餘忽夢為詩兩句曰夜臥北斗寒挂枕木落霜拱雁連天有邱墓閒意不數月卒補筆

章惇梅山亭二詩筆甚遒勁不可以人廢言但首章稱熙甯天子之聖追神堯而陋漢武次章自序其績一則曰臣情入奏陳地圖再則曰臣情專持使命車小人面目和盤託出矣通志祁陽路振所作伐棘篇可擬老杜桃竹諸作祭戰馬文體識亦在六朝之上楚寶

丁謂既竄朱崖路由湘潭佛寺飯僧為文以自序其略曰補仲山之衰雖曲盡於片心和傳說之變實難調於眾口苑談卓彥恭嘗過洞庭月下有小漁舟過其旁卓呼問有魚否應曰

無魚有詩卓喜曰願聞一篇可乎其人鼓柁高吟曰八十滄洲
一老翁蘆花江上水連空世間多少乘除事良夜月明收釣筒

夷堅志

志

朱子和張敬夫城南納湖麗澤堂書樓蒙軒卷雲亭月榭琮瑤
谷聽雨舫采菱舟南阜二十詠墨迹字法俊逸大有晉人風致
而詩之清遠亦非宋人所及元尚書千文傳得之於婺源以贈
常熟錢伯廣錢氏居於城南遂構城南齋刻詩其中而黃文獻
潛爲之記至楊廉夫又錄敬夫原詩於其後惜不得當日張宣
公手書與文公書合成一卷耳

善化縣志

北夢瑣言載江陵在唐世號衣冠薈澤琵琶多如飯飯措大多

如鯽魚退之酬崔少府伊陽詩云下言人吏稀惟足彪與戲余

官辰溪時士人皆可喜而不多得近城人虎雜居戲爲對云圓

冠思多得如鯽刻木惟宜少似虎黃微碧溪詩話

湘鄉王容赴省試過袁州禱仰山神夜夢人歌玉樓春詞半闕

云玉堂此處春風暖正飛絮馬前撩亂嫦娥翦就綠羅衣待來

到蟾宮與換後狀元及第

范文正公作岳陽樓記用對語記時景世以爲奇尹師魯讀之

曰傳奇體耳傳奇唐裴劍所著小說也

滕子京守巴陵修岳陽樓或贊其落成答以落甚成只待憑闌

大慟數場閔已傷志固君子所不免亦豈至是哉張芸叟元豐

閒從高避裕環慶出師失律且爲轉運使李察其詩語謫監

郴州酒舟行以小詞題岳陽樓木葉下君山空水漫漫十分斟

酒斂芳顏不是渭城西去客休唱陽關醉袖撫危闌天淡雲閒

何人此路得生還回首夕陽紅盡處應是長安樓上久踟躕地

遺身孤擬將憔悴弔三閭自是長安日下影流落江湖爛醉且

消除不醉何如又看暝色滿平蕪試問寒沙新到雁應有來書

亦豈無去國流離之思殊覺哀而不傷也

巴零樂府舊傳臨江仙一闋滕子京所作其辭曰湖水連天天

連水秋來分外澄清君山自是小蓬瀛氣蒸雲夢澤波撼岳陽

城帝子有靈能鼓瑟淒然依舊傷情微聞蘭芷動芳馨曲終人

不見江上數峯青

桃花源記以避秦爲言乃寫意耳近時胡宏仁一詩屈折有味

大略云靖節先生絕世人奈何記僞不考真先生高步窘末代

雅志不肯爲秦民故作斯文寫幽意要似寰海離風塵其說得

之矣

朱陵洞口巨石橫峻壁立千仞有泉自洞飛出如絞簾之狀曰

水簾畢田詩云洞門千尺挂飛流玉碎珠聯冷噴秋今古不知

誰捲得綠羅爲帶月爲鉤

古今憐直說淺露不若右丞送楊少府貶柳詩結語云長沙不
久留才子賈誼何須弔屈平為含蓄有味唐詩別裁

五代馬殷據潭州時建明月園徐仲雅詩云鑿開青帝春風圃
移下嫦娥夜月樓王德野客叢書

會春園湖南馬氏所作開宴處徐東野作詩有數聯為當時所
稱云珠璣影冷偏枯草蘭麝香濃卻損花山色遠堆螺黛雨草

梢春翼麝香風衰蘭寂寞含愁綠小杏妖嬈弄色紅長沙府志

趙葵嘗避暑水亭作詩云水亭四面朱闌繞簇簇遊魚戲萍藻

六龍畏熱不敢行海波煎徹蓬萊島身眠七尺白蝦鬚頭枕一

枚紅瑪瑙六句成葵遂睡去有侍婢續二句云公子猶嫌扇力

微行人多在紅塵道昨非庵日集

趙葵官同知樞密院朝罷歸私第而諸姬不在葵往迹之乃羣

聚摘青梅有一姬善詩葵責令賦詩云柝聲默報早朝回滿院

春風繡戶開怪得無人理絲竹綠陰深處摘青梅舊志

毛憲守長沙謝韓平原云湖南之地二千里序詩幸託於昌黎

平原之客十九人脫穎願同於毛遂湖廣通志

宋南渡後以詩齊名者四家楊廷秀所稱尤蕭范陸是已干巖

詩學於曾吉甫授之美堯章當時劉潛夫稱爲誠齋敵手顧其

詩曾刊於永州歲久散失僅見數首論者遂易之曰尤楊范陸

於是蕭愈湮晦蕭西江人名德藻字東夫詠梅絕句有云百千

年辭著枯樹一兩點花供老枝造句奇崛可傳曝書亭集

舊志載陳秀民元至正時爲城步寨巡檢後歷行中書省參知

政事人明不知所終元制巡檢從九品與行中書省名位未免

懸殊及閱舊志所載詩篇有秀民至武岡及五月九日調軍入

綏甯二詩格律高老於諸作中亦可謂荒年之穀矣元史既無

秀民傳而舊志詩選又列之宋代豈其爲宋之都巡檢耶要之

爲一代詩人無疑矣文章自傳後不仗史筆垂信然亟標出之

以俟考資慶府志

洪漢字春江嘗集古次馮海粟梅花百詠原韻憶梅云故園東

望路漫漫遙憶枝頭料峭寒自恐迹孤無與對吟人瘦倚曲欄

干夢梅云宿雨恹恹睡起遲冰魂常與此心期醒來卻憶尋花

處野水晴山雪後時友梅云家是江南友是蘭梅花與我最相

識人生離合關交誼珍重清香爲歲寒寄梅云未有瓊瑤報好

音相思春水若爲深卻憐迢遞南來使片片梅花片片心驅使

古句如出已手攸縣志

李西涯當國時有門生告歸省兼養病西涯集同門餞之卽席

賦詩爲贈汪石潭詩先成中一聯云千年芝草供靈藥五色流

泉洗道機人皆以爲絕唱呈稟西涯西涯抹後一句言此二句

單說養病不及歸省便是合盤眾請易之西涯援筆曰五色宮

袍當舞衣眾皆歎服褚氏雜說

邵寶督學江西李西涯臨行贈以詩曰職在文章官在憲政宜
嚴肅教宜寬邵語人曰某在江西深得其力皇明世說
傳忠節公作霖殉難武岡舊志載絕命詩一首武陵傅氏家譜
作二首見新化鄧顯鶴湘皋沅湘耆舊集二十四卷詩云天乎
人事本難留眉鎖湘江不流支廈有心嗟一木驂鸞無計到
三洲河山戀關風悲角冠冕懷人雨溢秋盡瘁未能時已逝年
年鵝血染宗周戎馬崎嶇問道來殘花猶伴戰場開麻鞅兩載
奔天淚白髮孤臣搶地哀莽莽故園何處問滔滔逝水幾時回
鍾山風雨依如舊夜夜銅駝泣草萊而慶安傳玉書竹莊黔風
舊聞錄載何忠誠騰蛟詩二首其一誓死詩與傅忠節絕命詩
同但四五六三句小異耳詩云天乎人事苦難留氣結湘江水
不流鍊石有心嗟一木臥薪何計雪三仇窮山放虎誠非策集
澤哀鴻憾莫收盡瘁未能時已逝年年鵝血染林邱傳云得之
共鄉宋氏舊家與錢開少喜李少白自楚歸詩同錄且云忠誠
二詩或少白自楚攜歸而開少得之宋氏又得之於開少故兩
人詩並見云云知當日戎馬蒼黃展轉傳寫不定誰作要之二
公氣壯河山光爭日月不必藉一詩以傳而後人景仰芳徽必
欲求其片言隻字以光簡策斯亦秉彝之同好弔古之同情也
已開少名邦芭後爲僧號大錯和尚康熙壬子終於寶慶志館
寶慶府志

明辭尚書這黔陽山中詩曰最好爾知是異邦竹籬茅舍枕滄
江吏情更有山林趣綠樹門前畫數雙河汾集
明文待韶徵明送凌毅訓導黔陽詩短棹沅湘路不迷黔陽更
在武陵西平生志業輕千里晚歲文章到五溪荏苒雪泥鴻雁
迹陰深雪木鷓鴣嘯莫言遊宦傷行役剩有江山入品題甫田集
三洲歌者商客帆數遊巴陵三河口往還因作此歌古三洲歌
云三洲斷江口水從窮宛河旁流歡將樂共來長相思晉三洲
歌三首送歌板橋灣相待三山頭遙見十幅帆知是逐風流風
流不暫停三山隱行舟願作比目魚隨歡千里游湘東鄒醴酒
廣州龍頭鑄玉椀金鏤碗與郎雙杯酒宋無名烏夜啼曲巴陵
三江口蘆荻齊如麻執手與歡別痛切當奈何陳後主估客樂
詞三江結儔侶萬里不辭遙恆隨鷓鴣首舫屢逐雞鳴潮又三洲
歌春江聊一望細草徧長洲沙汀時起伏畫舫屢淹留古今樂府
有貴人子邀客盡飲岳陽樓酒酣賦詩一乞丐見而微哂眾怒
之曰而能詩乎丐曰如諸君詩有何不能遂潯筆大書壁上一
笑而去詩云千載危樓俯逝波紛紛詞客漫經過記無文正同
憂少詩有襄陽閣筆多放眼爭看湖水闊低頭無奈古人何湘
山蘆葉巴山酒依舊漁翁一釣蓑沅湘耆舊集
石綜詩鈔有得東山翁書病不能答口占四絕句奇意詩云萬
里東山一札來病餘雙眼爲君開老臣無限憂民意三復微言

利溥故君在湘南吾勸北首將心事託書郵怪來雙鬢多成雪
 不盡平生種種憂傳來一札自涯翁二地儀型兩地同化日者
 英圖繪裏可容倦翼付雲鴻一臥空齋兩月餘聖恩未許賦歸
 與錦衣肉食渾無補慚負江東舊草廬又閱涯翁為方石東山
 所作詩三公皆予同志友也文章節概高步一世今安得復見
 若人者哉此卷崔世興尚寶以贈毛給事用成子悵然感之有
 作詩云指點交游感慨頻年來多事益傷神乾坤落落幾老大
 歲月悠悠三古人敢謂仕途全節少亦知公論蓋棺真黃門解
 領同聲意不是崔卿不自珍按縣人曾景鑑好為詩曾及茶陵
 之門其官中書歸涯翁為序送之末云曾生勉乎哉歸而語之
 東山先生其以余言為然否也東山謂余事楊廷芳也即張文
 憲公邦奇贈詩所云東山先生南極星九十朝朝讀五經不可
 邵陵無此老即看使者謁朝廷者也其答曾舍人書亦云黃尚
 美人歸自都門云西涯先生將致政歸晉謁有詩云云文襄與
 文正交最密與僉事亦必結識此數詩見石淙詩集第三首云
 傳來一札自涯翁意其為寄贈僉事之作然劉忠宣亦以東山
 稱未知果屬誰也邵陽縣志

貴筑方子宣以編修使岷藩為邵陽簡瀨生作柏園詩序其人
 有才名而諂事孫可望言井鬼聞有天子氣勸可望立史官後
 可望投誠於寶慶府封義王即其地立義王府時錢開少為僧

往來邵陵于宣以故舊投謁錢不見示以詩云修史當年筆削
 餘帝星井度竟成墟秦宮火後收圖籍猶見君家勸進書義王
 府在城內府學旁後更為儲英義學邵陽縣志

衡山多詞人樵夫舟子往往能詩有廣州從事舟行聞人諷詠
 云野雀灘前一雁孤月光遙接洞庭湖堪憎迴雁峯前過望斷
 家山一字無六現齋二筆

易檢討西泉舉宏治乙丑進士覆試前一夕上夢青衣童子誦
 詩云魚無驚戲影鴉失舊棲枝及覆試御河烟柳詩則西泉詩
 中第三聯也上驚異選入翰林攸縣志

彭湘南廷梅寓京師為慎郡王上客有 賜園紀事詩云高臥
 華軒慵起遲日移花影上窗時二三宦豎輕傳語王到牀前自
 檢詩與湘潭陳恪勤交好年七十時過袁簡齋大史隨園即席
 賦詩袁極賞其落日紅未盡遙山青欲來之句又秦淮口占詩
 云秦淮河畔亂沙汀芳草魂生六代青春去雨中人不惜杜鵑
 啼與落花聽袁採入詩話攸縣志

黃周星字九煙崇禎庚辰進士性簡傲嘗遊嘉善遇一人負薪
 過市口作吟哦聲揖入詢其名氏曰崔姓名金友出其詩五言
 云花落無人徑雲飛到處山七言云因風去住憐黃蝶與世浮
 沈笑白鷗又云吟思日墮傾家釀坐對青山讀異書自號樵影
 黃鷲異因與定交香祖筆記

康熙己巳庚午間在京師每從朱錫鬯黃喻邵借書得宋元人詩集數十家就中以長沙陳泰志同爲冠因鈔其所安遺彙一卷以周弼伯弼汝陽襄臨江鄧林性之皇琴曲金華杜旃仲高癖齋小集附之數子者名不甚著而其詩實足名家香祖筆記陳恪勤公鵬年文章事業彪炳一代而詩極瀟灑絕句云隔簾幽韻上焦桐一曲湘靈奏未終略記年時春雨後海棠初試小鴈籠抑何旖旎也熙朝新語景玉巖知州事招聶蓉峯來州蓉峯集中桂陽詩詠多矣其爲詩文皆不極思自以敏捷多所誇詡在翰林宣廟初卽位召見問汝翰林耶對曰非也臣以部屬蒙仁宗睿皇帝特賞轉入翰林宣廟爲之起立既而謂大臣聶銑敏好自標置故不大用後出爲浙江遺缺知府署紹興府事卒於官然詩文賦彙行海內名幾與袁枚埒今錄其題州署後園詩二律以見其概云衙齋靜處接花關四面烟蘿入望閒鑿得心池真樂水自注署園有池名小心池移來卷石便成山晚來魚戲青蘋外落日禽鳴碧樹間惆悵胡公遺墓在每懷直節重追攀經營亭榭本天然閒處登臨便是仙滿院綠陰朝放鶴四山紅燄夜燒鉛幾年種樹高於屋有客編茅小似船他日暮城傳勝蹟此閒草石亞平泉桂陽州志宋牧仲太宰巡撫江南日夢余屬賦洞庭雁云岸闌水無際月

明春雁翔徘徊念儔侶清影落瀟湘余報書曰此又一鮑孤雁也漁洋詩話竹枝詞敘述風土昔人以爲九歌之遺故東坡遂作七言歌詞道光中陸費春帆巡撫湖南課書院士以湘中竹枝詞嫌諸生並作莊語無述情之作自作十餘章頒示皆靡曼之音其佳句云儂在合江亭子上但教湘合不湘離如此甚眾自此湘中竹枝詞不尙樸質矣曹友白敘諭前作蓉城竹枝詞十數章猶存古意今錄其五篇云帶水盈盈繞翠崖賣鹽運米足生涯莫愁艇子送郎去一葉輕浮紅繡鞋風波險處妾心寒賊浪驚濤十八灘禹帝祠前過歸客憑將兩字報平安網得鮮鱗向酒家蒙泉煎取大灘茶街前幸遇同心侶平伙歸來日未斜紅繩椎髻大銀環洞裏猺娃賣藥還莫羨深閨嬌養慣小姑須數帥家灣采茶未了又蠶桑蘿婢荆妻鎮日忙聞道鄰家新嫁女花延約伴唱嚶嚶桂陽州志詠桃源詩古來最多意義俱被說過作者往往有疊牀架屋之病最難出色朱礪東來誦黃岱洲其仁過桃源一絕云桃源盤曲小山河一洞深深鎖薜蘿行過溪橋雲密處但聞花外有漁歌淡而有味滄浪詩話所謂作詩不貴用力而貴有神韻卽此是也隨園詩話湘江東岸包爺殿有安南貢使阮光瑩題詩云勝蹟在湘南崇

祠留禹穴龍孫縛裏圓鴨脚枝頭缺棋局閱乾坤江聲迴日月
邨僧凭几閒寶鼎祥雲結今泐嵌壁閒善化縣志

方潮聽撫洞庭秋思曲云曾放扁舟泝楚天清猿淚竹思悽然
廿年夢裏湘山月今夜分明在七絃只末句寫聽曲作法最工

今詩別裁

鄒君西苓素嫻醫理見庸醫用藥誤世者之多也齷然傷之撰
勿藥自壽編爲目五一曰閑嗜慾以葆本原二曰調性情以禦

感觸三曰審居處以避燥溼四曰慎飲食以養沖淡五曰均勞
逸以時節宜其自序云藥之性無不偏勝雖平常之品混用之

亦足殺人壽之權人可自操雖薄弱之稟善培之皆可永命允
哉斯言與班氏有疾不治常得中醫之說朱子置火風中室中

易化難化之喻若合一轍矣彭維新勿藥自壽編序
唐盧楞伽畫世人罕見余於道州見所作羅漢十六衣紋真如

鐵綫惟崔白作綸綫頗得緒餘至伯時方不及也洞天清錄
長沙富民收水鳥蘆花六幅乃唐人手筆妄題作韋偃押字後

人題也畫史
武岳長沙人工畫人物尤長於天神星像用筆純熟其子洞清

能世其學過父遠甚凡世閒天神星像藥王等像傳流甚多神
妙不俗大抵與宗元相上下而神采勝之宗元作朝元仙仗圖
皆藏張君錫家後歸杭人崔氏儘一匹絹作五帝朝元人物仙

仗背項相倚大抵如寫草書然亦奇物也長沙縣志

冷謙讀書學道畫畫蓬萊仙奔卷大類李思訓徐有貞亦有秋
山圖自賦詩句題之筆力極其豪放今載吳中一大姓勝國詞

人以詩賦名家者往往兼工書畫如張羽徐賁陳植陳惟允等
問學之外皆以山水著聞此尙游方之內者也獨冷謙以世外

高真而其仙奔卷丹青特立一世政如王謝家子弟自有一種
風致清河書畫助

衡州畫家工於染而皴者殊少二十年前劉瑣以兩景著名今
一幅索值數千錢煙雲浩渺頗覺逼真近者蕭老人慧周用乾

皴略具筆法至陳次公士德在康熙閒名振一時則工筆人物
研朱調粉又當別論湘湖雜錄

黔陽縣西二十餘里有古松一株大數抱高數丈鐵幹連蟠柯
葉蔥蒨其畫工日夕規撫每一紙成諦視不肖輒復爲之遂坐

化土人憐而瘞諸樹下至今遺冢猶存黔陽縣志
周鳴謙六皆善畫名噪一時嘗謂畫鴨大者易小者難畜羣雜

池中日日玩之下筆如生又嘗畫蒼蠅羣集成國略觀之一片
青綠閱以朱點細玩頭足鬚羽一一畢露纖毫無混亦絕技也

他如山水獼猴皆極工妙得者寶之長沙縣志
雁定之善畫山水人物尤工翎毛一時大家爭延致館之或數
月成畫一軸嘗見畫雞鬪者鳴者啄者爭啄一物相持者逐者

見飛蟲引頸向者極有生趣時聞雞聲傲自畫中出也又畫
雀羣集梅梢立者拳者背者擱者逐羣飛者飛來抱枝集未定
者下集聳身欲上者躍過別枝者啄梅蕊墮俯而睇者闕墮地
者駭而顧者一一什什窮神盡態無一相似神乎枝矣長沙縣志

上談祝融峯有紫梨高三百餘丈傳爲夏禹所植實大如斗食之長
生衡嶽

西王母謂上元夫人曰共造朱陵山食靈瓜其味甚美漢武帝外傳
洞靈宮前有古楓一株高聳數丈根腳隆起盤結成龜首尾足
甲宛然見者畏懼南嶽志

湘妃竹其斑如淚痕出古幹者佳出陶虛山中次之竹譜
貴州苗崗出沙板然彼中不甚貴重其最重者曰桂板有金桂
水桂二種一如黃金開碧玉竹一如沈香之色嗅之如沈速香

其木在地中橫生長或丈餘短或三五尺大者或至數圍更無
枝葉其生多在山根其上土色皆黃庶草不殖以鐵刷之堅而
難入苗人解爲板售之直較沙板數倍與宋人談數所記大同

小異談數謂湖南皆然湖南與苗蠻風壤相接理合有之香祖筆記
漢春陵故祠前有白竹夾道生遇風則梢自掃地如或爲之揮
霍者南嶽志

長沙茶器精妙甲天下每副用白金三百星或五百星凡茶之

具悉備外則以大纒銀合貯之趙南仲丞相帥潭日嘗以黃金
千兩爲之以進尙方穆陵大喜蓋內院之工所不能爲也癸辛雜識
陸展見楊梅歎曰此果恐是日精者無蜂兒采香誰勝雜和之
味卽以竹絲籃貯干枚并茶花密送衡山道士湘澤記

上品光明砂出於辰錦山石之中白牙石牀之上十二枚爲一
座生色如未開紅蓮花光明曜日亦有九枚七枚五枚三枚一
枚爲牀座者十二枚九枚者最靈七枚五枚生者爲次每一座

當中有大珠可重十餘兩爲主君四面小者亦重八九兩亦
有六七兩以下者爲臣周遶朝揖中心大者於座四面又有雜
砂一二斗相抱其玉座珠牀外揀得芙蓉頭成夜安紅絹中光

明透徹者亦入上品又有如馬牙成白浮光明者是上品馬牙
砂有如雲母片白光者是中品白馬牙砂圓長似筍生而紅紫
色者卽上品紫靈砂若是白片棱角生青光者是下品紫靈砂

如衡邵所出總是紫砂打破石中得紅光者亦是下品之妙如
溪砂顆粒成而通明者伏鍊餌之亦得長生留世如土砂生於
土石溪砂養於溪水之內土石相雜不中服食若得座中中心

主君砂一枚伏鍊入五內則功動便著名上丹臺更服至七返
九還自然魂鍊尸滅神怡體輕永爲上真之飛仙也唐李文饒
著芙蓉砂論最爲精核六硯齋二筆

巴陵有君山在洞庭之中巖然可居者地方百里地宜橘柚芋

粟居人采給焉然山多沐猴每八九月時則百十為羣攘鈔挽
 斄林果幾盡居人苦之會舟賈於巴中得一猿體趨而雄山之
 居人素知沐猴之畏也因而以財厚謝舟賈致以如山俟沐猴之
 來縱猿以當之猿初亦攀柯而上噉然一嘍羣猴稍稍引去如
 是日三四來益狎猿之聲而不聳且恃已眾而驕猿獨也乃悉
 引其類謹猿而逐之或瓦石抵擲或條蔓縷縛猿不勝其憤而
 逃猴乃大暴圍木而去鄉人語以相嗤焉宋祁君山養猿記
 湖南李玉獵深山見豺數隻逐之其豺合爪人立而號若乞命
 狀玉遂舍弓弩更業府錄
 耒陽廖習之家有一黃犬識人喜怒頤指可使名曰黃奴習之
 嘗作歌云我家黃奴類黃耳清異錄
 郴州刺史王琚刻木為獺沈於水中取魚引首而出蓋獺口中
 安餌為轉關以石繩之則沈魚取其餌關即發口合則銜魚石
 發則浮出矣朝野僉載
 岳忠武董師過茶鄉之秩塘向有東青樹大數尺橫生梗道過
 者難之忠武師至之夕樹忽植立茶陵州志
 臨湘縣引路松雲溪長安二驛皆有之宋岳飛行軍時所植也
 政和中潭州益陽縣蓮荷場掘得金四塊總計一千七百八兩
清波雜志

政和中長沙益陽山溪流出生金數百斤其間大者一塊至重
 四十九斤齊東野語
 丁晉公南遷過潭州雲山海會寺供僧致獼猴無數滿山谷林
 木皆折畫境錄
 巴陵雅不畏人除夕婦女各取一雅以米果食之明旦以五色
 縷繫於雅頸上放之視其方向卜一歲吉凶甚驗又元旦梳頭
 先以櫛理其羽毛祝曰願我婦女鬢髮髟髟惟百斯年似其羽
 毛故楚人謂女髻為雅髻潛居錄
 武陵一孤山嶺有池魚鼈無不備有七月七日乃出遊嶺族
 類各別神境記
 鬼車俗稱九頭鳥陸長源辨疑志又名渠逸鳥李壽翁守長沙
 日常募人捕得之身圓如箕十脰環簇其九有頭其一獨無而
 鮮血點滴每脰各生兩翼當飛時十八翼霍霍競進不相為用
 至有爭拗折傷者齊東野語
 沅芷黎溪硯紫者類端石而無眼有金束腰眉子紋間有潤者
 其初甚發墨久而復滑或磨以細石乃仍如新有色綠而花紋
 如水波者有色墨而金星者有生自然銅於石中琢以為北斗
 三臺之類者有生白綾當中而為琴樣者其類不一慶元開單
 路公煒字丙文始創為硯以遺故舊今遂盛行游宦紀聞
 五溪記云山犀者食竹木小便竟日不盡夷獠以弓矢采取故

曰黔犀游宦紀聞

許智老為長沙有木芙蓉二株可庇畝餘客有王子懷者值花時與宴言花朵不踰萬數若過之願受罰智老許之子懷因指所攜妓賈二英胡錦鼎文帔以酬值智老乃命厮僕羣采凡一萬三千餘朵子懷褰帔納主人而遁石林燕語

寇宗奭常官於澧州公廨後有一大木上有三四十鷓鴣巢日夕視之既能交合又有碧色卵殼布地則吐雛之說誤也本草正誤

臨武縣西山有獸長丈許腳跟反向健走披髮好笑山海經謂之贛人即周成王時州靡國所獻者舊志

攸縣北門劉氏少年子畜一驢朝夕出入少年暴卒驢繞屋長鳴殉於靈前邑令為作義驢冢其家伐石表之長沙府志

楊西厓翰林嘗於永州道中見古松數萬株是宋判史柳開所植亘數百里有蘭寄生長松杈極閒可徑丈葳蕤四垂時正作花香聞遠近其地曰奇蘭鋪草木寄生理固有不可解者池北偶談

善化縣東湘江鋪石灘之上流有株糜冒灘沙出杈柯水底歲患破舫傾橋舟人目為木妖康熙五十年桐溪寺僧應適鳩工以巨纜拔之出木四五株株長五丈圍徑合抱堅不可斧自是灘水乃無遏流載烟刊木記

長沙有長鬚老猿極大毛色蒼白項餘金索一截傳為明時藩邸逸出至今尚在暮夜則出亦不為擾見人則上牆屋捷走不

知所之蔗畦判長沙時曾一至署中蕭湘聽雨錄

麻陽江口有桐坡寨其山多桐樹常有雲覆其上雲向外飛則天晴向內飛則天雨居民以此課晴雨焉麻陽縣志

空心杉在桃源縣桃川宮南圍三丈餘中空可容數十人皮青枝茂傳植不知年所舊志

黃岑嶺古杉高十餘丈六人合抱八尺以上劈分雙幹亭亭直上撐空擎雲旁枝蚴蟻香葉深黑殆千餘年樹也左右有子杉九株皆合圍七八尺宜章縣志

甯鄉縣南八十五里赤楊橋旁有赤楊一株圍丈有五尺高四丈根露蟠大如斗從橋東橫過橋西甯鄉縣志

巴陵烏鴉甚多土人謂之神鴉無敢弋者穿堂室入庖廚略不畏避園林果實未熟耗啄已半故土人未嘗見成實之果半生半熟采之岳陽風土記

岳州人以兔為地神無敢獵取者岳陽風土記

洞庭君山有神鴉客舟過迎之舞噪以肉投之接食百不失一相傳為湖神使者余嘗往來湖中驗之良然但有一種惟食飯米相傳有量素二類舟將過必預備之岳陽偶筆

岳州交秋水漲即生飛蛾蔽空而飛夜見明即投至不可然燭雖尊俎之間須與徧滿久之復投水俗謂天蝦岳陽風土記

柳筆有詩見柳子厚集中雪霏錄載吳人稱雪庵居士謁趙松

雪出柳筆兩枝王右丞雪裏芭蕉一幅公曰爾欲吾題此耶吾
 柳之筆在元猶重今豈無嗣其藝者錄冬錄
 宋祥符中封祀泰山按禹貢荆及衡陽惟荆州包匭菁茅遣使
 徧求至沅江者民王皓年踰八十能辨其茅一莖三脊芬芳殊
 甚奉敕賜王皓雙帛擢授岳州助教其茅遂成額貢亭曰楚貢
 每歲於亭內拜獻春祀秋嘗備供王祭焉元王儒真楚貢亭記
 梁書劉杳傳云杳在任昉坐有人餉昉松酒而作楨字昉問杳
 此字是否杳對曰葛洪字苑作木旁杳昉又曰酒有干日醉當
 是虛言杳對曰桂陽程鄉有千里酒飲之至家而醉亦其例也
 昉大驚曰吾自當遺忘實不憶此杳曰出楊元鳳所撰置郡事
 元鳳是魏代人此書仍載其賦云三重五品商溪探里時即檢
 楊記言皆不差杳字士深平原人楊書不見著錄或曰郡志類
 也楊亦疑即郡人程鄉在漢甯今興甯西境州舊有漢甯城在
 東北三十里然今酒了無佳者三重五品作酒之法商溪探里
 產酒之地探玉篇云挑取也桂陽州志
 過辰陽船溪驛此站稍平溪邊見農家取水灌田巧而且逸其
 法先於溪旁築石成隘上流水至隘勢極奮迅乃設竹車二圍
 製如車輪大可二丈縛數節竹筒緣於兩輪其筒向內一面截
 口受水每筒相距三尺許兩筒中間編縛竹板一扇以遏流水
 所以激輪使旋者全在此蓋水勢迅則衝扇行而輪乃隨之以

轉每激一扇後扇繼來旋而上升則筒中滿水已至車頂筒口
 向下水即下傾於其傾處剗大竹受之接入田雖遠可到所
 謂農者坐而觀之無舉手之勞而田已畢溉矣大江以南水勢
 平衍不可用也其有潮汐之地似亦可做而為之漢行紀程
 臨武山多田少地瘠民貧余自幼惟知讀書承祖父分業并自
 置田僅三石零附郭可督耕之田僅石有奇餘發佃耕收一半
 庚寅早收穀缺額辛卯夏又旱心為驚懼不得已戴酷日往探
 田水鬢髮枯燥面目黧黑遇老農於田塍問既為余惋惜禾稼
 之黃問余家幾口耕幾畝撫膺歎曰先生長復如是其能免困
 陪哉因授予以力田之法曰耕田就大段論清明前三日浸穀
 種每田一畝需淨穀三升是先年選收者桂東黏為上穀淨米
 白大油黏次之米香滑綫長但惹白遲數日收種數畝可免收
 成急遽他如無名黏需肥非糞多難耕近有旱種禾米之香滑
 一類晚種與桂東黏齊收宜種一二畝倉內雜十分之一米俱
 香晚種俗呼大禾近臨少耕若要接荒則南京早藍山禾百日
 黏俱早收此是田之缺水者不得已耕之要肥犁耙早猶少收
 也蓋日不足以力勝之糯則大糯為上遲則作酒多醇又不惹
 酸作糍亦潔白冷水糯次之三百顆又次之又有有鬚糯無鬚
 糯此穀之種類也凡穀種要浸三日又取上三日始播於秧田
 秧田先要肥透人糞為上割青次之有肥魚塘作秧則不須肥

糞而秧更好又有用桐枯肥者諺云闊肥秧田窄肥園然必糞多而後可擴擴則播種疏秧必大管謂之扇骨秧時下田長亦扶疏窄則播種擠長必小管謂之絲毛秧時下田長亦緊促播種後早則退水浪秧夜則上水灌秧不記上水浪硬泥則秧難長難分如此經七八晝夜看秧已青出則不必退水晝夜如秧之高低酌量上水要露出青苗受陽氣長快者二十餘日緩者一月即可分耳亦尚有不能如法者遇春寒甚雨則穀芽不可退水在水中猶耐守幾日浸穀種之前要早事犁抄臨分秧時逼迫爲之則泥不爛所以有力者於先年收成後即犁一輪謂之冬田有水者水冬無水者乾冬有力者全冬無力者半冬諺云冬田當層淤蓋冬則草根枯也已冬之田春犁不費力未冬之田春耕好健牛一日可犁二三畝犁要仔細泥深者深犁淺者淺犁犁畢耨膝角抄田每日可抄四畝要去高補低抄得平已抄復回抄使爛抄畢便鏟膝再抄日可抄六畝抄畢割膝面草厚扶泥作膝面光滑一以點豆一以穩田水他日不滋漏耐旱也抄後下淤灰謂之落腳淤灰此亦加倍肥田法使秧時下即受用不及下淤下灰亦可更宜兩件並下免他日人要過水方下淤灰不得停蓄也淤不爲量自先年四五月積淤勤墊牛欄牛欄宜低陷則潤溼易爛又要早起勤給糞淤屋要寬廠高燥寬廠則便翻淤過風易乾高燥則不浸水走肥淤乾肥濃

且易挑一可當二也每畝淤多則十石以下至四五石亦可先要冬燒出貯好不宜浸溼溼則如無灰矣春間燒灰多是石慎之每畝得灰一百斤已足多則礙凝泥次年減穀落腳淤灰要在分秧之先一二日方妙下久又無大益也抄田後臨分秧加一橫抄即可分秧時矣如黃泥田深者加一抄復加木抄一長分秧時法扇骨秧少時兩管稍疏些絲毛秧多時兩管稍密些又肥田疏些瘠田密些不參差均亭成行行列可喜時下三日水視秧之高矮爲深淺要露一半謂之長秧有死者有淨者以田內蔭積之秧婆補之謂之補秧牛路田夾牛路要堅密五日後落葉長新葉謂之翻玉時下二十日或一月即可蒔矣每人一日可蒔畝半爛者可蒔兩畝蒔之力要去草鬆根根爛泥融蒔得到長得快且要於此時隨便揀去田中之稗種易蕃上農夫蒔種時揀稗分秧時揀蒔時又揀方可淨蒔畢割淨膝面未下淤灰者及此時下淤宜水淺深則攪淡灰則深亦可俱要晴日如遇水田則宜下淤後方蒔蒔畢下灰敵兩日過水則不走肥矣自蒔下秧或宜水深水淺而總不宜缺水或水或乾浪出浪入草亦長泥亦硬不走禾根枉費前功矣凡犁與耙下淤灰蒔一回兩回俱要及時且一件要趕做完不及僱工幫則有益不可展延過時可放魚之田量放魚自此後無餘事但要檢點不缺水少水者多貯以禦旱坐待收成秧好苗好犁

好淤灰及時苗受用得法泥爛無草無稗兜兜是禾則禾長
 大疏散青蔥見禾不見水生意不緊促則每兜多抽七八穗每
 穗多結十餘粒而粒又大顆顆實無秕所以每畝比人多
 收已收成不止收穀且要收稿人食穀牛食稿糞亦出此冬日
 無稿又無草牛缺食於心安乎稿要收得乾淨愈多愈好有餘
 春閒農忙不及采薪亦可代收成選收各項穀種擇大粒有實
 色者或曰穀種收時暴烈陽七日則播種時耐得凍至於耕田
 之暇兼及田塍面點黃黑豆塍上棉花黃瓜蠶豆之類各有
 所宜而蠶豆易蠶豆未長種夏菜收了夏菜蠶豆長於蔞過插
 豆竹牽豆索不時澆水不時檢藤葛使達上則蠶豆多收此蔞
 基收成也春蔬有萵苣菜蛾眉豆蒲蓬絲瓜之類諺云三兜
 絲瓜當園菜至東瓜南瓜春種秋收便貯藏秋冬園蔬青白芥
 菜為上宜多栽收之不盡諺云八月栽菜有干皮蔥蒜韭冬莧
 蒼蓬菠稜之類不可缺諺云園是小禾倉豈可輕視葢鮮食醃
 食乾久食無不利益余言止此先生做而行之不避晴雨自督
 率勤而且儉可致豐裕余聆其言懍恍若失夫恆產王政所重
 素餐伐檀所譏天子躬推親稼穡余何人而為不勤不分乎或
 曰稼圃之學聖人譏為小人嗟乎學大人之學而僅拾其糟粕
 致投閒置散等於無用敢辭小人之譏乎且陶靖節先生勸農
 有詩不可不卒讀焉也

李晉與稼圃初學記

山薑花莖葉與薑無異根不堪食葉開吐花作穗如麥粒輒紅
 色嵇含草木疏煎服之治冷疾出九真交趾按此物吾柳有之
 鄉人醋浸作菜茹柳州志

柳之桂陽縣廉風葉充茗飲能愈頭風故名亦可浸酒性微熱
 前人志記不載范石湖集蠻茶出修江治頭風南人今無所謂
 蠻茶者風葉豈蠻茶之謂邪柳之土蛹石湖所謂地蠶是也地
 蠶中州亦有之謂之甘露子柳州志

吾州制字柳以多木名其木楮為貴其為樹四時無改柯易葉
 質性堅於檜柏伐而材之雖百歲雨淋日炙弗蠹弗腐作屋置
 以當風雨之衝棺在土與石椁敵此楮之所以為貴也楮樹歲
 結子其子小者小於榛味如之大者大於榛而味苦土人取為
 果實謂小實者為員珠楮大者苦珠楮以此分二種其材固無
 異也按山海經前山其木多楮注謂其樹多子可食冬夏恆青
 作柱難腐豈即此楮耶錄冬錄

桂丁茶出邵陽白雲巖衲子采之歲不可多有微苦而香特
 清酷暑以一葉入茶甌至隔宵不變味其葉似桂或以此得名
錄聞

唐人詩云猿啼洞庭樹蓋君山多猿也今山無一猿古今之異
 如此惟西山多鷹日常數十蔽飛鳥雀驚伏亦可厭事湖上客談

國子朱司業言南方柑橘雖多然亦畏霜每霜時亦不甚收惟

洞庭霜雖多亦無損彼人云洞庭四面皆水水氣上騰尤能避

霜所以洞庭柑橘最佳歲收不耗正謂此耳文昌雜錄

游宦紀聞載慶元間單路公煒字丙文始以沅芷黎溪石製為

硯以遺故舊今遂盛行對陽縣志

巴陵之產有名者布初邑之山中多作小布幅裁尺許紅之可

巾且以張綵飾館柱青者以為鞋帶長沙有巴陵小布行以此

其後二三都及冷鋪三港皆諸處產棉而一都人工作布絕精

勻謂之都布二三都謂之三都布男婦童稚皆紡織布稍麤而

多吳客在長沙湘潭益陽者來鹿角市之鹿角孫塢童橋皆有

莊莊皆吳客蚤起收之飯而止歲會錢可二十萬緡蓋巴陵之

布盛矣其後布差偽而巧造者有粉石米漿機碾石之事收

者喜之高其價工益竄布不耐穿著他鄉弗向莊錢減吳客落

孫塢無一莊而布歸新牆客為衡州長沙人矣初產棉號山花

其絨鬆干錢可卅斤後於湖北取檢子種之其絨緊易紡不及

山花卅斤干錢棉秋薄干錢減斤四之一又取檢子種手去其

毛種之則為鐵子其絨又鬆買者欲之願減斤而如價蓋棉上

者斤三而一絨中三又六分之一而一下四而一布精者疋不

盈五丈闊尺四寸重斤不盈三羅者幾四長闊稍加後秋益荒

蘇花至千錢斤十二蘇花出天倉後乃用洋花錢千而斤者八

矣此其極也巴陵縣志

長沙之酒自古著名謝莊雪賦所謂飲湘吳之醕耐是也近日

商賈以碧湘門外江水造酒不減吳中佳釀三長物

吾邑峽山有旅人舊居宅前塘值旱水涸得蚌珠無數有巨蚌

一珠大如蠶豆五顆合成一顆絕類梅花先兄十歲時嵌作帽

纈後為堂女弟摘去三長物

衡山萬年松草類也生嶽頂巖石間高僅寸許采之曝乾見水

土即活以小資栽置案頭頃刻開濃翠欲滴枝幹盤屈宛然偃

蓋松也又拔置書葉中收之雖歷十年其立活如故五嶽皆有

之蓋靈壽所鍾不死草也三長物

冬省乾法用筍連殼切開置籠內蒸一炊許取出褪殼炭火燒

乾每鮮筍二十斤得乾片一斤瓷器收貯臨用時以熱水發之

色味與鮮無異可為終歲之用亦可寄餽遠方三長物

寄生蘭生古樹上或巖石間不需水土雨露得風即活謂之風

蘭亦謂之桂蘭黔中最多土人嘗貨於沅郡以竹絡懸置簷口

當春作花一莖一萼其色微紫香亞於蘭葉長可二尺即湯西

崖翰林所見也偶談謂長可徑丈則傳聞誤耳三長物

湖南方物志橘洲在善化縣西上多橘故名宋鮑照詩橘生湘

水側菲陋人莫傳逢君金華髮得在玉几前唐李德裕橘賦貞

枝凝露蔚湘岸之夕陰釋齊已謝人寄橘詩洞庭栽橘似湘瀟

綠遠人家帶夕陽楚記稱長沙橘洲在長沙縣四十里或曰即

今之興馬洲在善化縣南四十里因馬殷王長沙故易今名云

善化縣志

數金出產或云在南門外馬巷口之沙洲或云在西門內明山書院前之金子溪蓋久為絕產即昔年所產之地今亦未能詳也觀元時蔡明淘金歌知昔之為害烈矣歌云淘金戶淘金大江側水深沙淺淘不得夜聞追呼來打門官司追科如追魄呼童挑鐙取金看囊中祇有分毫積科多金少輸不及里胥怒噴遭拘執賣金買寬限金盡限轉急往來坐牀頭妻子相對泣徒為輸官難再遲南莊有田尚可鬻莫教過限遭鞭笞君不見西家賣金仍賣屋戶戶連金猶不足

江縣志

攸邑山中產蕨正二月閒苗初生如小兒拳可供蔬食饑歲山民掘其根搗為粉入釜煮成團充飢明初彭方伯友信有烏糯歌即蕨根也歌曰天厯二祀千里赤雷令不頒老龍蟄深潭大宅禱不售輒向首陽最高覓翻然覓得蟄龍膏斬斫持歸聊足食金刀石杵爛玉脂瑤瓊銀缸取瓊液鼎鑪百煉紫霜丸水晶明潤葡萄碧初服便覺回垢顏再嚙清風健雙翼泰山空傳松有苓華井徒誇藕如蜜紫芝朱草不救饑甘露醴泉竟何益天生靈物故自奇誰與耕耘誰與植萬人采采爭後先青山不問囊中錢嗚呼我生知有命在天凶荒得此成豐年

攸縣志

俗傳南天燭能辟火災竇門太史家舊植一叢本大如小兒臂

蓋百年物也一夕太史獨坐齋中月色入戶忽見天燭影縱橫滿地天燭植在牆陰距戶甚遠影所不能到也心已異之耳中轟然似聞無數足音正驚詫聞忽報內宅火起幸不成災蓋天燭感氣而影移且能作聲以相驚辟火之說信不虛矣

長物齋說

談物以上

湖南通志卷末之十五

湖南通志卷末之十六

雜志十六 辨誤一

晉書載桂陽入軫六度長沙入軫十六度案古桂陽郡今之州治也今之郡治故屬長沙國鄴亦長沙茶鄉舊地非軫六度屬因其方隅辨其躔次大約郡及諸州邑入軫六度者十之六入軫十六度者十之四然攷驗度分細極微茫觀漢賈直蔡邕魏陳卓及唐書所分軫度起止未有以楚屬軫十六度者似軫十六度猶在壽春界次為鄭分也惟譙周京房張衡所論與晉書略同

湖廣通志

荆楚分野詳攷總在鶴尾之已以今所用授時歷為準起張十四度三十分至軫十度八分則長沙當在軫九度內矣乃諸說紛然淆亂攷長沙府志及星歷諸書已之分星張翼軫張十四入已何待十七十八也軫十度入辰為鄭其地在京東西路夷陵間長沙豈能飛越至一十六度邪况晉書以武陵入軫十六攷世紀載一度為二千九百三十二里武陵去長沙僅五百里豈至差五度乎大率新舊唐書俱云起張十五終軫九自房陵等處消正燾之西得長沙實直起張十三終軫七以唐有袁李二大史精星歷費直精易理其說與授時歷相近即各差一度亦歲差之法宜然此其說可據也至張衡云長沙星明主多壽世即相長沙為壽星壽星屬辰與主壽之說不同星經以熒

惑主荆楚癸卯應長沙但火為熒惑出沒不常何以主楚案大撓甲子癸卯在大火之分非應長沙攷太乙書則云長沙丁巳城也又長沙星史記謂是軫旁小星通志云四星中次小者唐書云其中一星攷軫宿歌曰中央一箇長沙子謂為軫旁與其

舊志

中者俱非府志又以長沙子即軫四星中一星然軫四星左右兩轄星長沙子實在中央比四星差小今其圖具在斷非四星中之一星矣姑辨著之如此

志

翼軫在已自張十六度至軫九度屬楚分荆州長沙府翼軫楚分軫旁有小星曰長沙應其地衡州府星分翼軫之次桂陽州楚之分野永州府翼軫之分道州楚越之分翼軫之星岳州府以翼軫為楚之分常德府為翼軫鶴尾之次澧州楚分翼軫鶴尾之次辰州府翼軫之分沅州鶴尾楚分靖州鶴尾楚分郴州翼軫之分寶慶府鶴尾楚分武岡州翼軫之分

清類天文分野之書

軫為楚南分野桂陽入軫六度長沙入軫十六度然桂陽地距長沙六百里山水迂折以句股法得弦四百四十餘里而度數相懸逾其十未陽古桂陽屬衡陽古長沙屬縣今未陽與衡陽接壤何至未陽入於六度衡陽即入於十六度乎

湘湖錄

世言分野所屬惟翼軫之地極遠余以為不然九州之域保章氏所分特就中國言耳六合以外不與焉自後世幅員日廣紀地者必聚宿以為準遂舉兩粵之廉韶鬱林胥隸鶴尾之次而

翼軫之地廣矣不知當保章氏時粵尙未入職方安能預定所繫何宿而分之故漢志以翼軫楚之分野爲確不可易但其間有兼張宿言者有麗司命下星言者有麗北斗玉衡與天璇者有主熒惑與司空者有主天市垣南第十星女宿十二國第九星者諸說紛紛要以十二次分配十二野爲正而雜占特附焉者耳郴處荆南舊隸長沙星縣著軫旁軫宿峯現居南岳天垂象地示形顯然可證今之郴古桂陽也晉書天文志翼軫楚荊州零陵入軫十一度桂陽入軫六度武陵入軫十度長沙入軫十六度唐書亦云負五嶺而南爲桂陽則今之郴也入軫六度是二書者夫豈無據云然今攷鶉尾度數費直起張十三度至軫七度蔡邕起張十二度至軫六度世紀自張十八度至軫十一度吳道行起張十四度三十分至軫十度八分蓋費氏始評度數至吳氏又詳分數矣雖其間度數多寡之不同以十二次分三百六十五度推之大約三十度有奇而當一次不宜鶉尾所隸獨廣以地準天約二三百里有奇而當一度若如世紀謂二千九百三十二里始爲一度統全楚計之不下三千餘里只一度而已賅何用張翼軫之分隸哉袁景揆度之論似屬無稽或疑桂陽入軫六度之說以今地與攷之兼郴一屬及衡之耒陽常甯桂陽州之臨武藍山胥隸焉所入僅軫六度計地二三百里有奇似地天之廣狹未盡脗合第攷晉志所云翼至北而

軫主南惟舉七大郡以概全楚而餘度未立主名安在桂郡所屬之地不已包在軫之餘度閒耶刻舟之見亦太拘矣陳昭謀星野論舊謂長沙之名起於周又曰星沙以星名案通甲記沙上之浦雲陽氏之墟路史曰沙爲長沙乃少昊氏生於土於長沙故軫宿之中有長沙世紀亦曰其開國也於長沙湘川記秦分黔中以南長沙鄉爲長沙都是長沙之名始於洪荒之世而以之爲鄉爲郡則在後世耳星以沙而得名非沙以星而得名也湖廣通志以上

邵陵郡吳析零陵北部置郡領昭陽夫夷都梁高平建興隸荊州案楚紀先王建武二年零陵北部都尉習珍聞孫權襲殺關羽舉兵弗克吳將潘濬招降死之事聞先主贈珍爲邵陵太守則是置郡當不自吳寶鼎始也通攷

後漢書地理志秦置昭陵縣漢隸長沙國平帝時析昭陵置昭陽封長沙刺王子賞東漢昭陵仍屬長沙郡而昭陽與都梁夫夷隸零陵郡舊志載昭陵於東漢屬零陵郡者非是舊志

史記年表洛陵侯章爲長沙定王子索隱注曰漢書作路近時遂以洛陵易邵陵爲美稱及攷漢書年表章爲路陵侯地理志云都梁有路山資水所出乃知史記洛乃路字之誤舊志

或問山海經夏禹及益所記而有長沙零陵桂陽何也曰史之闕文久矣加以秦人滅學董卓焚書典籍錯亂非止於此譬猶

爾雅周公所作而云張仲孝友仲尼修春秋而經書孔邱卒世本左邱明所書而有燕王喜漢高祖皆由後人所屬非本文也

顏氏家訓

一縣之事沿革為大湘陰故與羅並建梁陳以後凡兩建州一建郡又廣建諸縣皆在羅地湘陰亦割羅與益陽湘西三縣地而水經注稱磊石山西對縣城口是即所割羅地也通典重華城亦名虞舜古城在沅江縣東舜南巡涉湘重華置縣必近距湘宋時尚未置縣所割益陽縣地當西及重華古城宋書州郡志吳太平二年分長沙西部都尉地立衡陽郡兼置湘西縣宋即移郡治湘西九域志湘西故城在湘潭縣南一百二十里是距劉宋湘陰縣城遠至四百五十里當時增立郡縣不應割地四百里外元和郡縣志長沙西北七十里故尉城孫權使程普為西部都尉建城於此西部都尉地實界湘陰西境知宋時徙衡陽郡治湘西亦當更有建置也賴齊書王僧虔傳敘及湘陰立縣緣始知湘西益陽犬牙相錯當時皆與湘陰毘連臨湘縣地盡於湘水以東不及湘西也湘陰志

周景王八年當春秋昭公五年楚伐吳遺射軍於夏汭楚子以駟至於羅汭吳子使其弟蹶由犒楚師濟於羅汭左傳案水經注汭水又西經汭羅戍南西注湘春秋之羅汭矣即指此杜注羅水名春秋地里攷實謂楚之東境別有羅水不確指為羅地而

夏汭下引荊州記夏水入江處謂之夏汭即今漢口距汭羅五百里並吳楚相持要害地蔣氏所謂別有羅水者果何在耶當春秋楚境西至於羅左氏傳吳公子慶忌出居於艾為今義甯州與羅接壤襄昭以後吳數深入楚地而江南雲夢為楚境之隩區楚子之軍羅汭蓋自上游出奇以拊吳之背遙與夏汭之師為聲援以地勢求之正今汭羅口蔣氏僅據楚東境為言殆亦未深攷耳湘陰志

宋高宗紹興五年以奉議郎李植知湘陰縣縣經楊么蕩析植披荆棘立縣治見宋史李植傳案府志古治在白鳥潭五代許可崇徙今治即羅縣之白茅村舊志又載白茅城縣東四五十里今其址尚存疑白茅城即隋唐故城元豐九域志湘陰縣潭州東北百六十五里正與白茅城相值今縣治在長沙北百二十里或宋時仍徙故城一遷赤竹再遷今治李廷龍城地記至宋徙今治蓋自是而縣治相沿至今舊志前令胡昭避楊么遷赤竹城赤竹城距縣十七里瀕江不應避寇如此之近史稱縣經楊么蕩析明謂赤竹城既毀乃徙今治如舊志所載則前後徙治裁三四年亦不得云立縣治矣湘陰志

前志以桑欽水經有劉陽疑漢時已有劉陽置縣不自吳始然水經一書若濟水之壽張臨濟荷水之湖陸汾水之永安皆成帝以後更名杜佑嘗力辨之以其書為詭誕王應麟復舉武侯

煥歐陽元復舉永安宮並證其非漢人作元又言其書言北縣
 名多曹氏置南縣名多孫氏置水經蓋久不足據矣列志
 案三楚其說不一以徙都言則以楚文王都郢楚昭王都鄂楚
 攻烈王都壽春為三楚以分王言則以淮以北沛陳汝南南郡
 為西楚彭城以東大廣陵為東楚衡山九江江南長沙豫章為
 南楚以地言則以江陵為南楚吳為東楚彭城為西楚攷通鑑
 文韻引史記主分王說孟康引舊名主楚記說師古曰孟說是
 並未及徙都也三楚之名皆以師古為斷湖廣通志 按方以
非宋之楚州東楚今蘇州西
楚今徐州南楚即今荊州府
 唐貞元文仙祠載邵陽令韓謹輝莊齊而新化志亦載韓莊為
 高平縣令蘇靖府志以其誤而正之謂高平貞觀省入邵州貞
 元貞觀猶或互訛乃至元和猶稱高平安得貞觀時已省乎今
 據隋書已無高平則新化志言莊齊為高平令者誤新化志言
 元和有高平令者亦誤邵州之立也自貞觀以來耳按長沙志
 隋開皇時改湘州為潭州大業三年改長沙郡並邵陵都梁武
 岡夫與來屬兼領衡山益陽邵陽唐改長沙郡為潭州故傳鐙
 錄稱潭州龍山和尚則以邵陵龍山會屬潭州也今按長沙志
 論云南岳龍山為宗門祖印而前代衡山亦隸於長沙故禪書多
 稱長沙南岳相潭志載龍王山流葉橋當是附會則龍山在邵
 陽何疑府志

水經注高平水出沅陵首望今高平水出縣南望雲山一統志
 漢沅陵故城在今沅陵縣西南今沅陵南隔澗浦不與新化接
 壤攷澗浦前漢為義陵縣後漢晉宋齊皆無義陵縣則鄧道
 元時沅陵轄今澗浦故首望得為沅陵界又晁補之云梅山壘
 是槃瓠種按後漢書注惟今沅陵武陽上就二鄉是槃瓠種武
 陽即今武溪首望為沅陵界上就或即是梅山壘亦未可知府志
 五代蠻獠辨府志及安化縣志云新安及安化後五代時為蠻
 獠所據此誤也攷五代史楚王馬殷世家殷在梁時兼侍中澧
 州向瓊辰州宋鄴澧州昌師益等率溪洞諸蠻皆附殷又呂師
 周為邵州刺史辰州蠻酋宋鄴寇湘鄉潘金盛寇武岡楚王遣
 師周討之入飛山峒擒金盛尋移兵破宋鄴是湖南在殘唐五
 代時皆屬馬氏殷方強盛蠻酋盡附豈反容其侵據內地即如
 師周傳以邵州兵力能搜擒遠酋顧不能力庇近屬耶況今攷
 宋立五寨皆在縣地既可置寨守禦則非蠻據可知但二縣名
 自宋熙寧章惇肇置宋史云惇經制南北江梅山蘇氏之屬或
 有其人在筍崖元溪開舊志遂因之而云邑地盡為蠻獠所據
 正不可以不辨也府志
 都梁得名以蘭水經注所謂縣西小山上有一潭水既清且淺其
 中悉生蘭草綠葉紫莖芳風藥川是也香譜亦引荊州記都梁

縣有山山上有水中生蘭草因名都梁香形似蘼香古詩云博
山爐中百合香鬱金蘇合及都梁按郢注原文俗謂蘭爲都梁
山因以號縣受名焉因蘭有都梁之號故謂山爲都梁而縣名
因之文義自明與武岡名縣同皆取義於山也寶慶府舊志仍
謂武岡有小山有淳水不知郢注所稱小山卽都梁山又譌淳
爲淳舛謬至此可發一嘆寶慶府志
按舊府志新甯在漢爲夫夷侯封後爲夫夷縣地則侯封在前
建邑在後新甯志云漢孝景時以巫黔中地爲夫夷縣孝武時
封長沙定王子羨爲夫彝侯則建邑在前侯封在後與府志不
同豈別有所攷與寶慶府志
夫夷水出全州之南少延山東北流十里至蕭地名蕭溪按山
海經每以瀟與湘沅並稱而無資水至漢書地理志有資而無
瀟水經因之或云夫夷水者乃古瀟水今土人猶名蕭溪其源
長於城步之資水且金紫爲江鬱間之幹山非若茅坪坳僅爲
資沅間之幹山也漢時西延地爲蠻人所據尋源者不復尋夫
夷之少延而尋都梁之路山以其上游名資水而以既合夫夷
之後亦統名資水不復知瀟水所在矣後世求瀟水而不得柳
子厚乃以營道之營水爲瀟水不知營水長不過數百里湖南
之水如營者以十數計何得與沅湘並列又與沅澧之風交瀟
湘之浦皆在洞庭不合近時巴陵方苞注水道攷主是說而邵

陽魏源謂瀟水恐是邵水之譌音相近也邵水長不過百里其
源甚近不足當瀟水之稱也寶慶府志
周之羅子國漢之羅縣皆合平江湘陰言之也自漢末析羅縣
東境置漢昌縣吳改吳昌於是平江有事屬而湘陰仍自爲羅
縣至唐乃省羅縣自南朝劉宋置湘陰至唐時與羅並列者百
餘年矣梁以湘陰爲岳陽郡吳昌屬焉隋廢吳昌併入羅縣唐
又廢羅併入湘陰縣神龍中始析湘陰地置昌江縣後唐改爲
平江遂相傳至今是平江與湘陰互爲出入分合必須詳攷湘
陰之源流而平江之源流始晰也舊志因晉書地理志長沙郡
領縣十有吳昌又有羅宋書長沙內史領縣七有羅又有吳昌
南齊書州郡志長沙郡領縣七有羅有吳昌又有湘陰遂謂前
人未經分別無可攷據不知兩漢以前之羅係合平湘言之至
析置漢昌改爲吳昌而兩縣並列析置湘陰而三縣並列矣漢
昌吳昌既析羅遂專屬湘陰其後吳昌併入羅縣又併入湘陰
則時分時合矣平江在湘陰東故云析羅縣東境置漢昌縣羅
縣故城在湘陰境內無疑舊志稱在縣南三十里之故縣鄉誤
也在故縣鄉者乃漢昌後改吳昌之故城耳郢道元水經注云
縣是吳王孫權立足見其爲吳昌非羅縣也若以故縣鄉爲故
羅城則距瀏陽長沙界均止二十里何能再析東竟爲漢昌乎
此謝志所以云揆之地理不相符合也使知羅城在湘陰漢昌

吳昌在故縣鄉則相去百餘里正可析置兩縣疑可渙然釋矣然此不獨平江舊志未能分晰也即湘陰舊志亦未了然彼謂三國中析羅為吳昌自是縣有兩名及割置湘陰而羅與吳昌尚並存其名豈知判然兩地何止兩名迨後則三縣並列又豈止並存其名總由地志家各主一縣而專屬之故不能觀其通耳又案漢未有漢昌縣又有漢昌郡郡城所在無確據而魯肅為漢昌太守則確見吳書以今攷之殆因縣置郡即以縣為負郭邑耳岳陽風土記云平江本漢羅縣後分為漢昌縣孫權於縣立漢昌郡以魯肅為太守後改為吳昌縣此其確徵也然則漢昌郡縣皆在今縣城明矣至隋開皇中廢吳昌縣併入羅縣據湘陰新志謂即以吳昌縣治為羅縣治今攷平境舊稱有古羅城正隋時之羅縣城也唐廢羅縣併入湘陰時平境無縣治後又析置昌江縣平境始立縣治耳又案一統志漢昌故城在平江縣東漢未置縣屬長沙郡三國吳改曰吳昌隋省入羅縣唐改置昌江縣五代後唐改平江通志舊縣址在今縣南故縣鄉後遷縣東太平鄉唐元和遷今治可見在故縣鄉者實漢昌吳昌非羅縣也括地志元和郡縣志均謂羅縣故城在湘陰縣東北六十里是其明徵方輿紀要玉山縣故址在湘陰縣北玉筍山汨羅之閒案之方位皆合又方輿紀要云羅縣城與岳州府平江縣接界春秋羅國地秦真縣漢晉皆屬長沙郡宋齊

因之梁置羅州陳罷為羅縣亦謂之羅川隋末蕭銑為羅川令郡人董景珍奉銑起兵處也據此則古羅城與平江接界其不在平境益明而故縣鄉之為漢昌吳昌故縣無疑矣惟方輿紀要又云羅城在平江縣南三十里本羅子國則尚沿舊誤殆因隋開皇中改吳昌縣治為羅縣治遂疑羅國古城向本在平而未之分晰也今合湘陰新志參攷源流而本末較然矣平江志龍標在今沅州西南五十里有龍標山故名梁於此置縣隋屬辰州唐為敘州治王昌齡左遷縣尉即此廣輿記以貴州黎平府龍里司為龍標誤也楚實漢書地理志曰桂陽郡高帝置領縣十一本書曰項羽徙義帝長沙郴縣令衡山王吳芮擊之江中是年漢元年漢五年詔以長沙豫章象郡桂林南海立芮為長沙王十一年立趙佗為南越王與長沙接境若高帝立桂陽郡長沙南越不得相接一也高后稱制五年佗發兵攻長沙還敗數縣七年南越侵長沙文帝賜佗書曰佗請罷長沙兩將軍佗上書言疑長沙王讒臣故敢興兵以伐其邊若中有桂陽郡深入天子郡縣乃及長沙不得言伐長沙王邊二也賜佗書曰長沙苦之南郡尤甚地六牙相入者高皇帝所以介長沙土也若有桂陽郡當正名言桂陽尤甚及高皇帝所置郡也今虛號南郡以介長沙明兩王甌脫之地初無郡縣三也武帝元鼎四年始將兵屯桂陽明郡為文

帝所置疑在長沙國除後故應劭言景帝以桂陽益定王發四也後漢書循吏傳言含滙三縣越之故地武帝平之內屬桂陽領縣十一本班氏要終之詞非言高帝時郡已有十一縣但班氏誤以桂陽屬之高帝時置令其本書皆不可通故今定為文帝置郡領縣七也桂陽州志

漢書地理志桂陽郡領縣有陽山侯國陰山侯國應劭注陽山今陰山也師古曰下有陰山應說非也斯乃師古之謬耳應氏數十一縣而不知有陰山將何以著書案班氏王子侯年表元朔三年立長沙定王發子訢為茶陵侯下列其地在桂陽桂陽統四縣晉興之名蓋以煬帝起自晉王至於唐代先省復置改晉為資隋志郡領三縣特據開皇之制宋歐陽志作輿地廣記亦以晉宋二志無平陽為疑然不疑劉書未為善據又晉甯故城在郴之東舊州志以為在郴西亦誤也水經言鍾水過魏甯縣東魏甯治近晉平山辨見水道志也桂陽州志

臨武志省志通志一統志皆列周廣順時臨武駱仲舒登第其誤顯矣而人不察臨武自石晉時已省入監宋高宗時始復置縣周代尚無臨武何有進士然宋羅源進士田記稱案桂陽志周廣順元年有以父子世科者則仲舒安世及第不誤方志傳譌不足加辨以此條易忽而噉點無窮聊附論焉餘則逕改其支明非虛作舊以韓策游騰謂公仲與楚解中封小令尹以桂

陽明桂陽名自周代此誤據俗本口說耳策言為公仲謂向壽曰禽困覆車公破韓辱公仲公仲收國復事秦自以為必可封今公與楚解中封小令尹以杜陽秦楚合復攻韓韓必亡史記韓世家以為蘇代之言索隱云杜陽秦地以封楚令尹是相合也若桂陽本楚地秦不得以封人或令封人不得言中蘇代之言亦非游騰本謂向壽何云公仲但俗本通行恐復謬引以著其原學者察焉不為大雅君子道也桂陽州志

寶慶志云新化本益陽縣舊梅山地即連道縣也按漢書地理志長沙國有連道縣後漢書同晉書衡陽郡有連道縣之地廣矣由今永興至茶陵攸皆郡地及衡永皆有郡地故分桂陽武陵置零陵陽山前在領外後移侯入領內在今攸茶陵之地置陰山國陽山廢矣後漢書數領外三縣不及陽山是其證也桂陽縣亦在領外然長沙甌脫故地文帝時以內屬故道桂陽伐南越陽山則後屬為侯封水經泅水篇泅水出茶陵縣西北過攸縣又西北過陰山縣注曰縣本陽山縣也縣東北猶有陽山即長沙孝王子宗之邑也言其勢王故壘山堙谷改曰陰山縣泅水篇注亦引者舊傳言聖鼓之事掘斷連岡城因傾圮云云二注相違鄙尉偶誤其實陽山勢王在領外故掘其岡移封攸北因改名陰山陽山城圯遂即傾敗明不復有縣也應氏以時無陽山陰山又非陽山之地故下此注師古妄譏何其不審

志州

李吉甫元和郡縣志曰平陽本祁縣地東晉陶侃於今理南置
縣屬平陽郡至陳俱廢舊唐書因其說曰晉分祁置平陽郡及
縣陳廢蕭銑復置晉書了無其證宋書沈約所修地志亦不言
有此晉隋二志唐初御定曾不載及平陽斯乃李氏之謬劉昫
承而為說耳陳文帝改汝城為盧陽加以郡名以寵侯氏郡領
一縣本非善制士行名臣何取於此單辭說說未知所由前無
所承後無祖述恐學者反據以補晉志輒明其誤以盧陽為平
陽耳元和志又云隋省資興開皇又置改為晉興隋時桂陽宜
宋齊二書無水經漣水出連道縣西郡注漣水出邵陽縣界南
連道故城在湘鄉縣西一百六十里今漣水出邵陽縣東龍山
東流經湘鄉縣南又東經湘潭縣西南注於湘水一統志連道
故城在湘鄉縣西今湘鄉疆域西六十里西北百六十里皆界
邵陽以鄒氏道里推之連道故城未出湘鄉境又邵陽縣志漣
水出龍山行三十里入湘鄉則古連道所轄地不過少侵邵陽
東境亦不得至新化也鄭既云益陽復云連道誤按寶慶志辨
新化非連道故境所及然攷宋開梅山得其地南止縣境佛子
嶺東抵邵陽白沙岩旋立新化安化二縣又割縣地以益之而
縣境始隘是宋未開梅山以前今安化新化邵陽三縣東南境
皆故連道境也何得云不過少侵邵陽東境亦不得至新化也

湘鄉縣志

舊志疆域志稱於後唐清泰二年馬殷割縣之安鄉九里玉潭
鎮溫泉里立南鄉按五代史漢乾祐三年馬希廣遣指揮使崔
洪連屯湘之玉潭其時去唐清泰已越十有五年而玉潭猶為
縣地若據清泰割地之說則玉潭已立南鄉何得更云屯縣之
玉潭耶意唐清泰時馬氏嘗立南鄉而旋廢之耳故至宋太平
興國六年沿馬氏舊迹析置南鄉仍治玉潭而玉潭乃屬南鄉
又按唐清泰二年馬殷子希範已嗣為楚王舊志誤以割地屬
馬殷偶未攷耳故今志改作馬氏而附辨於此湘鄉縣志
岳州稱岳陽樓曰岳陽名於天下而巴陵為附郭縣亦蒙岳陽
之稱矣其實古郡巴陵也岳陽之為郡也自隋也其為縣自梁
蓋置於湘陰玉山之間在天岳山之南今平江之西境而屬之
巴陵郡隋廢縣名郡岳陽而居天岳之北名實不相應世莫能
辨云巴陵縣志
三國吳置天門郡後更名石門皆指全澧地云天門郡治在永
定衛城者以天門山近衛也後羅郡置澧州石門之名遂加於
一邑志以天門郡專稱今石門澧州志
綱目質實云南平晉郡名南安其屬縣本漢孱陵縣地屬武陵
郡建武間置作唐縣陳又析置安鄉為義陽郡隋改作唐曰孱
陵與安鄉俱屬澧州唐省孱陵入安鄉宋元仍之明一統志於

安鄉書如前於澧書晉置南平郡又析置義陽郡明岳州府志於安鄉書曰晉南平於澧州止書義陽郡則安鄉之爲南平郡治有徵況驛曰南平村亦曰南平沿名至今非無自矣又水經注晉分房陵縣立南安志作安南屬南平郡隋志廢南平入澧陽郡統縣六無安南有安鄉而華容漢縣安南晉縣舊華容縣注梁置南安湘郡郡廢改名焉南安湘郡卽南安縣地改名自是改安南爲安鄉若華容本漢舊名安得云安南所改也房陵地則漢時舊置已於隋開皇九年省入南郡之公安其澧陽所統房陵實東漢以來作唐耳澧州志

漢壽杜氏通典以爲安鄉縣名故岳志因之按漢書順帝改索爲漢壽乃漸水入沅處昔人記作今龍陽常德志漸水出漢壽縣西陽山今武陵東北四十里有崆嶺城古漢壽城也其地仍名漢壽鄉城塹猶在縣西之陽山則今梁山是也時安鄉號作唐不得以漢壽混之容齋隨筆云安鄉縣從無漢壽名色廣輿於畢節安南多稱壽亭侯正字通謂曹操封關公爲壽亭侯不受加漢字皆俗說也其謂漢壽亭侯乃蜀之嚴道非漢壽縣者近是澧州志

兩漢荆州七郡而江南居其四曰長沙零陵桂陽武陵上世統謂之江水山海經祝融降處江水今衡之祝融峯是矣大戴禮記曰元斟降處江水是爲青陽案始皇本紀荆獻青陽以西於

秦漢書鄒陽傳越水長沙還舟青陽今茶陵是也虞夏謂之九江書曰九江納錫大龜山經曰洞庭山在九江春秋謂之江南劉向書申無字爲江南令左氏春秋楚子田江南之夢皆目是也戰國謂之洞庭之野亦謂之洞庭五都亦謂江旁十五邑而貨殖傳項羽本紀揚子方言諸書又謂之南楚江中江沅之間沅澧之間九疑之野江潭之間一江南之地而數易其名學者幾無從而攷證漢興始置四郡其名最著其地皆可攷也案漢書地理志長沙郡秦置漢爲國莽曰填蠻縣十三逸周書長沙國周成王時獻鼈國策亦有長沙之目知長沙之由來久矣其十三縣臨湘今長沙及善化羅今臨湘連道今湘鄉益陽今益陽下雋今巴陵攸今攸縣酃及承陽皆今衡山湘南今湘潭昭陵今邵陽茶陵今茶陵州安成今吉安府後漢書無酃承陽有醴陵今醴陵容陵兩漢皆有沈志無晉書亦無左氏春秋許遷於容陵杜元凱注地闕解者以爲今華容則此容陵亦當爲華容矣零陵郡武帝九年置莽曰九疑縣十太史公書舜葬蒼梧曰零陵山海經亦載其事則零陵之目自舜起也其十縣零陵今全州及湘源營道今道州始安今興安及臨桂夫夷今新甯營浦今永明都梁今武岡冷道今甯遠泉陵今零陵史表作眾陽洮陽今東安鍾武今衡陽後書爲重安別有湘鄉昭陽蒸陽蒸陽故屬長沙湘鄉今湘鄉昭陽今邵陽前書表湘鄉侯昌封

十一年免昭陽侯賞封四年免故志不著後漢乃常為國云桂陽郡高帝置莽曰南平縣十一應劭曰桂陽以桂水名或曰桂山即水經注所云桂水出桂陽縣北界山者山海經亦有桂山則桂陽雖仿於漢而桂山之名自伯益時已然矣其十一縣郴今鄱縣及郴州臨武今臨武便今永興南平今藍山來陽今耒陽桂陽今連州陽山今陽山曲江今曲江含涯及滇陽皆今翁源陰山今攸縣後書無陽山有漢甯今興甯武陵郡高帝置莽曰建平縣十三續漢郡國志曰秦昭王置曰黔中高帝五年更今名勳謂史記秦昭王三十年拔楚巫黔中三十一年秦所拔江旁十五邑反復為楚則昭置黔中僅一年耳故班黜之楚辭曰朝發辰陽兮夕宿杆渚又曰入澁浦兮余適回則武陵之關久矣其十三縣索今武陵及龍陽屏陵今公安臨沅今武陵沅陵今沅陵鐔成今靖州無陽今芷江遷陵今保靖辰陽今辰溪及麻陽西陽今永順義陵今澁浦俱山今長陽零陽今澧州充今西陽州後漢無無陽義陵改索為漢壽刺史治焉別置沅南今桃源作唐今安鄉俱山度屬南郡又前漢書表路陵侯章史記作洛陵侯章其邑即今澁浦縣城側之洛陽城也龍陽侯陳置署即晉地道記龍陽縣亦今之龍陽縣也二邑皆當屬武陵志志不著者無久即廢耳此四郡地之大略也而疆域亦可按而知云重安故城在今衡山縣西水經云湘水北過重安縣又

北過鄱縣是二縣接壤也鄱縣故城在今衡山縣西十里是長沙之南垂與零陵之北界皆在今衡山也昭陵故城在邵陽縣城北二里是長沙之西略兼有今寶慶地也昭陽故縣在今邵陽縣南五十里俗謂之故州都梁故城在今武岡東而二縣皆隸零陵知長沙之西亦不越今邵陽矣水經湘水至巴止入江猶屬下雋知長沙之北境包今岳州也零陵之地為今永州南兼全桂內薄衡陽西該武岡城步新甯與今靖州鄰東盡甯遠與桂陽州接壤桂陽之地該郴桂之全北入攸縣南越嶺有連韶諸州皆幅員近千里而武陵則又最廣漢書辰水出三山谷今銅仁之梵淨山無水出無陽行八百九十里則今都勻鎮遠皆屬無陽矣沅水出鐔成西則今黎平盡屬鐔成矣充縣西源山西水出今在四川西陽州則武陵之地西踞貴州半省北規湖北施南四川西陽南盡嶺內有辰沅靖永順常德澧州永綏鳳凰乾州晃州四廳二州四府故武陵為雄郡南北之瓜分也且為武州矣此其疆圍之大較也鄱漢勳漢長沙零陵桂陽武陵四郡地攸興甯舊志曰興甯本郴縣地晉改曰晉甯縣隸桂陽郡陳廢入郴縣近年邑令雍邱耿公念劬重修縣志曰郴志稱漢高五年分長沙南郡為桂陽郡領郴便耒陽臨武南平含涯曲江陰山滇陽十一縣云云又稱晉天福間改郴州為敦州郴縣為敦化邑志謂晉改曰晉甯無敦化名且又謂陳廢入郴縣則別有郴

縣又按史記項羽徙義帝於長沙之郴縣則縣疑不自漢始矣
庶閩彼縣志耿說如此蓋未知時地之兩有別也漢高帝分長
沙南郡為桂陽郡是吾蓉城也其十一縣中之郴縣即今郴州
也今興甯縣當日為郴縣地非為郴縣官治也郴縣自漢及兩
晉皆屬於桂陽在唐則合桂陽總為郴州以城內為附郭郴縣
至五代晉天福開始於我境分為兩境以東境為敦州以附郭
郴縣為敦化以我西境立為桂陽監自郴人不服言前屬於我
郡作郴志以漢晉言我郡名使人疑今郴城為當日桂陽郡城
一不明也而我郡東北立晉甯縣在前西晉武帝太康元年庚
子蓋縣亘至今興甯縣地與今常甯縣地而立之也其地甚闊
故得立王於其中及陳乃廢如天福則在唐後之五代石晉也
相去六百五十七年與甯之改晉甯在前晉郴縣之改敦化在
後晉而地亦非一定耿志未察五代晉之後無陳而誤以天福
為前晉又未知郴志之冒名自諱宜乎論辨之弗明也何文庶
興甯縣志

漢時常甯即耒陽地隸桂陽則漢費直蔡邕及魏太史令陳卓
所分度數皆從桂陽無疑至晉則三國吳時早已分長沙地為
衡陽湘東二郡又割桂陽之耒陽西南徼地以立新甯新平二
邑矣而亦沿魏志止載長沙入軫十六度桂陽入軫六度不
及湘東衡陽者誠以衡陽內史今衡山縣及湘東郡所治臨蒸

今衡陽縣皆漢長沙之東西二部地故仍從魏志而新平新甯
二邑今常甯地地雖分屬於湘東星實同度於桂陽也今之桂
陽州即漢之桂陽郡常甯雖與桂陽同隸於衡而星野則仍入
軫六度當太微五諸侯三公上相之間其衡陽衡山等處應仍
與長沙同入軫十六度蓋雖分隸代殊星度則亘古不易而舊
志以分野從郡者誤矣段嶽生文集

杜甫送王十五判官扶侍還黔中詩黔陽信使應稀少覆舟詩
黔陽貢物秋云云唐書黔州黔中郡本黔安郡杜氏通典黔州
理彭水縣通謂之五谿今重慶府彭水縣有黔江下通黔州上
通烏峽唐黔江縣本名石城以天寶元年更名是時以蜀江為
外江此為內江故送王十五詩亦有白白江魚入饌來之句而
覆舟詩明以巫峽盤渦曉發端說杜詩者妄指此為沅州之黔
陽不知沅之黔陽宋始有之在唐為龍標縣與此遠不相涉然
則不行萬里路者豈可與注杜詩邪杜注辨

夜郎壤地最闊人多通稱唐初屢以名郡縣貞觀七年置珍州
夜郎郡治營德縣亦理夜郎縣乃李白長流處也元和二年州
廢縣隸溱州終唐之世溱有夜郎縣宋陳顯云今隸溱州唐凡四夜郎珍
溱郡縣之名三而沅州之夜郎縣自貞觀八年析龍標置初隸
巫州再隸沅州又隸舞州鶴州終隸業州至天寶元年更名峩
山白之流珍州夜郎郡也在肅宗乾元元年是時沅州夜郎久

不得疑李白謫居黔之夜郎即沅之夜郎也余嘗攷粵西梧州之藤縣有李白岩相傳李白流夜郎憩此靖州之會同東李白流夜郎於此結社爲白社山貴州之正安城南有懷白堂亦猶西谿之有太白亭其足徵信與否好古者當有以辨之胡禮篤夜郎縣

攷以上緬城沿革

湖南通志卷末之十六

湖南通志卷末之十七

雜志十七 辨譌二

衡山五嶽之南嶽也黃帝以潛霍爲山之副爾雅云霍山爲南嶽至漢武以衡山道遠徙祭於廬江潛山或曰衡山即霍山山海經衡山即岫嶺山續博物志

容齋隨筆云衡山有唐開元二十年所建南嶽真君碑衡山司馬頤貞撰荆府功曹蕭成書末云別駕賞魚袋上柱國光大晁賞魚袋之名不可曉他處未之見也余案唐會要開元二十五年五月三日敕緋紫之服班命所崇以賞有功不可逾濫如聞諸軍賞藉八數甚多曾無甄別自今已後除灼然有戰功餘不得輒賞又自永徽以來正員官始佩魚其離任及致仕即去魚袋員外判試並檢校等官並不佩魚至開元八年九月十四日中書令張嘉貞奏請致仕官及內外五品以上檢校判試及內供奉官見占闕者聽準正員例許終身佩魚自後恩制賞緋紫例兼魚袋謂之章服則賞魚袋正唐制也蓋公偶不曾攷及雲谷

雜

岫嶺音訓作去聲子向有金山寄友人詩憶君楚澤佳風日也上岫嶺九面山或以爲誤案常熟顧充仲達字義總略云岫嶺一字三音平聲鈎樓上聲莒旅去聲勾陋又案無可和尚通雅岫共于居侯果羽古后四切嶺龍朱郎侯隴丑郎豆四切史記

音苟樓猶言龍從龍從可平可上也又張謂長沙風土碑五嶺南指三湘北流鄰連滄浪邊遙岫嶺亦平讀也池北偶談越絕書云岷山從西南巫微包夷落過施州辰沅入常德寶慶而東崛起為衡嶽自辰州漵浦西四百五十里為寶慶府又天台王士性曰余鄉應先生遊衡山記所自起謂自岷發滇貴歷廣右象郡之北桂林之西經武岡寶慶又自南趨北江與鎮靖江夾從而來直至衡陽漸起岫嶺諸峯峙為嶽頂然後散為諸郡以止於洞庭今案衡所自起自廣西至新甯及武岡之白倉四尖峯其一支北下為寶慶府一支穿東安雷家館三把嶺崛起為四望山穿狗爬嶺起為邵祁二界諸山排擁其右一支出中鄉長樂而東為衡州府中一支穿邵之黃洞館五里牌亦東行起為南嶽下為衡山縣丞水夾其右盡於衡之青草橋連水夾其左而盡於湘潭縣之西易俗河口丞連二水皆源於邵陽也其自黃洞鋪分一支北行至牛客祖褚塘鋪透遷岫起為龍山過梅砦一支西南盡於邵之水口茱萸灘一支東北行散結為安化湘鄉甯鄉湘潭四縣而盡於洞庭之西蓋衡嶽為南龍中一支之盡脈未嘗散為諸郡也而謂從施州常德辰漵西為寶慶者尤誤舊志

城步巫山江東經威溪入資水西經南江入綏甯洪江一曰雄溪凡九曰朗曰澗曰雄曰辰曰龍曰漵曰武曰酉曰楠而雄特

為眾水之匯顧無所謂巫者惟都梁山有水流合巫水唐王昌齡所云流水通波接武岡其在此與而馬貴與通攷則云五溪辰西巫武沅也寶慶府志羅人琮辨正名蹟書云桃源梁山廟祀梁松明嘉靖間郡守陸瑛以松曾請馬新息議毀之時海鹽錢給諫被經桃源致書李源野云適至貴郡聞毀梁祠以為譖援之松攷梁嵩乃唐狀元治武陵曾奏減郡稅母病歸養郡人追之及渡雷所乘白馬因以名渡志思也所祀必此人以為松誤矣又世傳白鹿禪師居梁山中見神人乘馬數輩云梁嵩得上帝旨血食茲土奉遣開山師弗與爭止議勿犯靜室此梁祠所由建也鬼神幻渺安知禪師之無所見聞松嵩二字果無錯譌邪而人習聞松名未悉嵩事則以譌傳譌未可知也舊志

梁山在武陵府北三十里志云即陽山脈由浮山左發來四時常有雲氣可占晴雨有廟祀其神唐時以漢梁松配饗故名梁山據前漢書地理注義陵縣有郎梁山後漢注有松梁山水經注有嵩梁山即天門山又名壺頭則梁山之名其來自遠不始於唐之祀松義陵即武陵而漢壽縣西不十里有陽山則陽與梁實一山也澧州志

澧州志載澧水出葛山蓋本山海東次二經葛山之首澧水出焉注澧音禮攷葛山尾有流沙三百里至首三百八十里地勢

既不侔而正字通作澧乃古扶風郿縣南東北過上林苑禹貢所稱澧水攸同者是又中十一經雅山澧水出焉雅去衡山九十里雖道里未必確而地差近當以雅山之澧為澧州之澧而葛山之澧為澧字之譌但據見在澧源山無名雅者而慈利志援出葛山為荆州澧水未有確見也舊志

崇山有二其一在辰之瀘溪為苗老腹中地其一在慈利上有巨壘土人指為驩兜冢尚書所云放驩兜於崇山舊據丹鉛錄引沈佺期崇山向越裳詩其地有崇山越裳四十里杉谷以為在交廣之域為是攷通攷澧陽注有崇山蔡傳云崇山南裔山在今澧州朱子云在澧州慈利縣諸說歷有本據沈序誤矣湖廣通志

山海經中山經洞庭山之首曰篇遇之山東南五十里曰雲山有桂竹郭注今始興郡桂陽縣出筴竹大者圍二尺長四丈吳都賦注引異物志桂竹生於始興小桂縣中山經又言丙山多筴竹在雲山東南二百里自此益東南而至洞庭之山河庭東南五百三十里而至堯山堯山又在始興案經地形雲山決非桂陽山也郭精圖學無容不察特引桂竹以證其類耳又洞庭在始興北千里而遙堯山在洞庭南何但五百餘里鄉來注家各望文附會其蔽甚矣南山經曰南山經之首曰維山其首曰招搖之山臨於西海之上多桂自招搖益東行至箕尾之山踐

〔光緒〕湖南通志 卷末一七

於東海二千九百五十里呂覽本味篇和之美者招搖之桂高注云山在桂陽案其形勢維山十山正五嶺耳數五嶺者從東自西今此十山數西至東西海東海皆南海也故為南山經之首招搖之桂今肉桂也交趾及桂陽皆有之今州地徭山所產謂之徭桂桂水之名起自桂樹桂竹甚毒傷人必死不宜以號山川且為郡號然郭注桂葉似枇杷長二尺餘廣數寸味辛白參叢生山巒冬夏長青開無雜木爾雅棧木桂亦取此為說蓋山經舊圖也注桂竹則本其時所見以名同誤合之雲山丙山不在桂陽堯山亦非桂陽山也桂陽州志 以上山

周禮揚州其浸五湖國語史記吳三江五湖之利張勃吳錄五湖太湖之別名王勃文襟三江而帶五湖則總言南方之湖洞庭一也青草二也鄱陽三也彭蠡四也太湖五也案周禮專就揚言指言荆之浸曰潁湛耳而總南方之湖則太湖特五湖之一洞庭青草居其二矣通攷岳州洞庭青草在焉注二湖相連青草在南洞庭在北荆州記巴陵有青草湖周圍數百里日月出沒其中一名巴邱湖又名重湖北連洞庭南接瀟湘湘東納汨羅之水每夏秋水泛與洞庭為一水涸則此湖先乾青草生焉杜甫詩洞庭猶自在青草續為名又云蛟室圓青草龍堆隱白沙舊志

通典州郡錄云巴邱湖中有曹洲即曹公為吳所敗燒船處在

六七七

今縣南四十里案縣西有曹公渡攷之地理與周瑜曹公相遇處絕不相干不知何所據而言也岳陽風土記

史記稱黃帝南至於江登熊湘注熊湘山在長沙益陽縣或云周封熊繹於湘故名熊湘攷繹封在周成王時何得黃帝時便稱之且繹封丹陽未聞封長沙熊湘本山名非以水名也益陽即今益陽縣莫知山所在水經注縣在益水之陽今無益水亦或資水之殊目也案漢地理志長沙國益陽注湘山在北應劭曰在益水之陽零陵郡都梁注侯國路山資水所出東北至益陽入沅益陽縣志熊湘乃二山一為熊耳一為湘山封禪書桓公伐楚至召陵登熊耳山以望江漢注益陽東北有熊耳山東西峯如熊耳狀或曰熊耳即浮青山湘即修山輿地廣記唐糾山資水出焉蓋路山別名會夫夷水東北至益陽又益陽北郊外十里許地名馬渡西灣其水自縣後過城山橋一帶繞城左臂一二里至青草港達於資江據此則益陽固有熊山湘山益水而益水入資非即資也志

水經注汨水西經羅縣本羅子國也故在襄陽宜城縣西楚文王移之於此秦立郡長沙因以為縣謂之羅水汨水又曰西經玉筍山湘中記曰屈潭之左有玉筍山此福地也汨水又西為屈潭即羅淵也屈原懷沙自沈於此故淵潭以屈為名今湘陰縣即古羅子國地汨羅江名亦猶湘江之統稱後漢地理志南

郡宜城注侯國杜預曰縣西舊羅後徙枝江則羅自宜城徙枝江自枝江再徙湘陰羅故侯國江名汨羅以水得名羅以國得名也志

湘州記云岳州有昭潭其下無底湘水最深處今岳州無昭潭昭潭自屬潭州岳陽風土記

三湘之稱俗以湘鄉湘潭湘陰當之此皆後世縣名徵之不古朱子以瀟湘蒸湘沅湘易之而蒸湘之名亦不的蒸本細流湘水所納如郴如淦如澧如澗如汨不下數十水何獨言蒸且古無是說也竊謂湘水在九江最長且著必綜其首尾核之而後三湘之名可定也湘出廣西之全州北至永州城外而瀟水自西北來入之謂之瀟湘此舊說也及至長沙過湘浦而資水東流入之謂之資湘地名湘陰一名臨資口古黃陵廟也又北入湖與沅水合於湖中謂之沅湘此則水經之原文也以瀟湘資湘沅湘為三湘當為不易之論陶文毅資江考舊集序

水經注湘水北逕三石戍為二水之合西北對瀏江謂之三湘口又湘紆流西北水東承太湖西通湘浦故有三溪之目亦名三湘巴邱湖在湘水右岸西對長洲南湘浦北對大江故曰三江三水所合名三湘南史侯景敗三湘之浦一統志云湘浦在岳州境內一名侯景浦其說眾多大抵洞庭以南皆可謂之三湘不必實求其地也張汝大三湘攷

楚南水數百派統約之於三湘九江攷寰宇記以湘潭湘陰湘鄉爲三湘而區以上中下之目狹而陋矣輿地志以瀟蒸沅會湘爲三湘是又并湘而四弊由泥湘水以求三湘而不知楚南之無非三湘也釋湘之義爲合湘納千流以入江合中原百瀆以與河爭盟近事則河淮同導入江以南紀而受北條之全矣觀其同源而南趨入海者曰瀟知其不與中原盟會而離異嶺南北粵之區也故愚意以瀆沅二水源流皆二千里外與湘相埒併湘爲三湘雖各入湖濬行百餘里而後沅引漸辰二江自湖心之黃鈞潭合瀆以趨於湖腹又行二百里許由小布袋口入湘若朝宗然而澧則西引荆江眾沱左會於大布袋口東對巴陵微江口來而咸入焉以爲湘之門故長沙之宜爲省會也先仁皇帝洵先天而弗違矣偶閱唐末通臣楊益金璧元文云南龍湘水涌波瀾不知多少枝葉緜悠悠地軸洞庭關又曰荆楚元來是霸圖分明九派入湘流雖形家言亦可以證楚南總名爲湘矣是以岳州城北有三湘浦今爲臨湘巨治雖出湖口百餘里大江東去猶以湘名自岳郡對岸大江西浦爲湖北荆郡監利縣安陸沔陽州地方即古左而江東則由城陵磯達石頭關祭風臺爲巴邱赤壁慶兵地非黃州之赤鼻山越三站二百七十里而湖南之邊界乃盡故漢曰江東唐曰湘南至趙宋始稱荆湖南路蓋三湘所由稱有如此者而宋人張君房湘山野錄全

載楚南故事斯得之矣孫良貴攷定三湘說七澤之說始自司馬相如子虛賦楚有七澤小者曰雲夢方九百里夸誕之言無足深信小者九百里大者必踰千里楚無此疆界也或曰七澤雲夢之別名如昭餘所一澤而名九澤洞庭一湖而名九湖皆不可以數求也張汝大七澤攷朱子謂九江孔殷正以見其吞吐壯盛浩無津涯之勢非尋常分派小江之可當繼此而後及夫沱潛雲夢則又見其決非今日江州甚遠之下流九江云者九水之所匯耳九河主其分九江主其合河自一而分爲九故曰播江自九而合於一故曰殷當其未合非獨九河不得冒江之名即漢與彭蠡亦不得冒江之名也非洞庭其能有此大觀乎王泉之九江攷九江之名古今聚訟如孔穎達李宗諤羅泌者以潯江爲九江起郭璞一人之說夫潯陽即今江西九江府歷號江州一水散爲九派如江有沱渚之類非實在有九水也稽楚南古爲江西項羽弑義帝於江南即今郴州常郡人先起兵應高帝故武陵本壽陵改爲義陵檄曰發九江兵南浮江漢以下可證九江之爲洞庭矣又東漢光武初宋均爲九江太守猛虎渡河今虎渡口在大江南岸荆澧之交是又一證也而可以隋以後之九江冒之乎況潯陽地居吳頭已在揚州之域於荆州無與也自蔡氏遵朱子注九江孔殷正以爲即今之洞庭而羣喙息矣近世

猶有為騎牆之說與朱蔡發難者是欲翻禹貢三有明文之案也觀其先曰九江孔殷乃曰沱潛既道雲土夢作又江西之無沱潛彰彰矣猶序於孔殷之下明其為在楚南也又曰至於衡山過九江至於敷淺原夫過而後至是九江在敷淺原之上也今敷淺原在饒郡洪家關一帶以地勢較之九江府反在其西下二百里即地輿志以為德安縣之博山為敷淺原亦在九江府之上百二十里愈見今之九江非禹貢之九江矣又曰東至於澧過九江至於東陵澧即澧州東陵即巴陵東西相對洞庭匯其中故列子屈子以東陵為巴蛇九陵而唐張說澧湖寺詩雲開東嶺千重出樹裏南湖一片明是也而可以九江德化縣晉興始創之東林一禪刹指為東陵以實之乎而且柏翳山海經及漢初桑欽所出古本水經係周秦以上之書山海經云澧沅之風瀟湘之淵是在九江之間酈道元本之以注水經事不信古秉經而翻成案妄引強解佐其荒誕惑後進而欺天下其得為著信攷義之醇儒乎顧九江即洞庭不創自朱子也先之者有胡旦晁說之但正郭孔之謬而皆未有水名以實之九峯始師曾彥和始據九經圖注拈出源長者創為元辰酉激沅漸澧瀆之名而終之以湘訂於朱子朱子以元辰酉激皆入沅之水湘流浩大所入大水多水經有名者而亦無取未免偏枯遂以元為无字之譌疑無是水採鄭氏至於澧為紀江水所

經流遂去沅澧二水進湘瀆之瀟水蒸水為執中調停之說以按九峯作傳注九峯終以瀟蒸源短仍主曾說於是湘潛聞人祖朱沅浦聞人祖蔡交訂迄今而靡有定其實蔡據曾氏未行攷實若據實情形終非胎合夏后刊奠謨購者也爰是全去朱子所取之瀟蒸二水又去蔡氏之元激二水訂酉水之亂辰水者析為大小二酉水而咸去之改正辰水之祇在辰溪者而去之別得湖漑龍陽縣之辰水以補之收回三大源之澧水流近二千里者而特列之以埒於湘沅瀆三湘新拈出微羅漑三水之汎濫於洞庭上游者以補之凡皆入於湖之滯經行湖之弊而後入君山之蛟室蜃腹焉非若瀟蒸沅激西五水之遠在二千里外與洞庭無涉也觀夫旱乾涸落湖心宛然九派各私一泓皆有沙嶼隔越趨於布袋口而後莫度其淺深之尋丈焉諺曰九條龍落君山口其即九江之說乎孫良貴攷定九江說禹貢荊州稱九江孔殷九江即巴陵之洞庭九非數目字莊子天下篇禹親操璣以九離天下之川九通糾糾亦音九與論語桓公九合諸侯同義計湖南九郡四州湘水繞其東沅水繞其西自沅州而下瀆水界其間自寶慶而下澧水橫其北自永定慈利而下各因所過諸水以同入於洞庭而洞庭受之故洞庭謂之九江又江西有九江郡以彭蠡得名與洞庭為對而禹貢不明稱九江者於洞庭正其名於彭蠡著其義恐後之讀者

或執九爲數目字耳導漢曰東匯澤爲彭蠡謂漢自大別入江而東有匯澤名爲彭蠡者在其南此漢之所由東爲北江也以隔於中江不言會導江曰東迤北會於匯謂江至於東陵而東迤而北以匯澤之爲彭蠡者自南入江而江會之以是而東爲中江耳彭蠡言匯其義卽爲九洞庭稱江其實亦爲澤也會與匯二字宜辨凡水在南者以江爲大故汀水多從江稱在北者以河爲大故諸江多從河稱據九江以解九河亦爲糾合眾水之河云爾江攷

九江者湘江也環衡嶽之四面而九水會於一江者也禹貢九江孔殷繫於荊州其下乃云沱潛既道雲土夢作又江別爲沱荊州之沱入江在岳州府下游城陵磯之北周官職方荊州其澤藪曰雲夢則九江不越荊州之境明甚且必在沱潛雲夢上游可知乃漢人旣以尋陽爲九江以鄱陽當彭蠡劉歆又以彭蠡爲九江王莽因改豫江爲九江鄭康成云九江從山谿所出孔傳云江於此州分爲九道孔鄭義異而皆未言其地似鄭亦主劉歆湖漢九水孔主尋陽之說太平寰宇記總記南條九水爲九江夫尋陽鄱陽皆禹貢揚州之域而南條諸水則又兼荆揚二州言之顯與經違不知尋陽乃禹蹟之北江卽如若說是九江卽江身之分合不得云過其失俱不待言矣山海經之辭雖離奇恠恍而瀟湘之淵在九江之閒其說終爲近古水經云

九江在長沙下雋縣西北下雋縣在今湖北武昌府通城縣西湖南岳州府巴陵縣東南湘水入江在巴陵西南適當下雋西北蔡傳據之是矣而以爲卽今洞庭又用曾氏彥和之說謂沅水漸水先水辰水敘水酉水澧水資水湘水皆合於洞庭意以是名九江也則其說亦未盡善也導江云又東至於澧過九江則澧不在九江之數明矣五水入沅敘水在辰州澧浦縣境其流不遠辰河之半漸水出常德府武陵縣梁山流又最小明一統志略而不載不足與沅湘並匹而自爲一江惟酉辰先三水源較長辰自辰州辰谿縣西南入沅酉水二原合流自沅陵縣西入沅經沅陵桃源武陵龍陽四縣境入湖而死水尤上自貴州之鎮遠縣入沅則一沅江而已謂之沅江五水而可矣並沅而爲六猶可矣與沅澧湘資匹而爲九則不可且導山云至於衡山過九江至於敷淺原果沅水之列於九江則何以由衡山東北而過之乎衡山在湘水之西敷淺原在衡山東北中阻湘水經所云過九江乃過湘江也湘則何以爲九江曰入湘之大水九析其派曰九江統於一則湘江而已九水者瀟也沅也耒也沅也澧也漣也澗也資也汨羅也瀟春耒衡山南面之水也沅澧衡東之水也澧衡西之水也汨羅衡北之水資江衡西北之水也然則九江非今洞庭乎曰非也洞庭者古夢澤也九江雲夢一澤一壑一水一土經兩言之水經兩釋之不可以爲

一也然則導江何以云至於澧過九江曰導山之過九江過其源也導江之過九江過其委也導山之過人過之導岍及岐至於荆山逾於河之逾是其例也導江之過江過之東過洛汭北過洛水是其例所謂小水會大水曰入大水經小水曰過也沅與澧近會於洞庭之西距湘江北入大江處已二百里而遙故沅不可與湘為一也經言澧不言沅者自虎渡河以下澧先入江舉之以見江之經流在此所以別於荆江之為沱也澧沅支絡相通言澧而沅舉矣水經注曰澧水又東南注於沅水曰澧口蓋其枝瀆爾離騷曰沅有芷兮澧有蘭長江圖說或曰資與沅皆自為一水資又入沅有漢志水經之可據茲乃統沅於澧則既聞之矣而納資於湘者何也曰資自茱萸江東下逕益陽之南又東出臨資口入湘此資之幹水也右分枝水東南順流出喬口入湘水經注謂之高水左分枝水西北逆流入湖水經注曰入湖之處謂之益陽江口漢晉益陽縣在今益陽東八十里應劭曰縣在益水之陽是入湖之水為益水非資水正流明甚酈氏既知有益陽江之名而乃曰今無益水是自為矛盾者矣且酈於湘水自汨羅口西北逕磊石山西之下云湘水左會清水口資水也世謂之益陽江是並西北逆流入湖之水亦入於湘矣安在其入沅也漢志謂資入沅者誤也水經調停其說以為合於湖中則未知資之入沅與沅之入資與于

故斷以資水為湘江九派之一長江圖說水經瀟湘之浦瀟者水清深也湘中記曰湘川清照五六丈下見底石如檣蒲矢五色鮮明是納瀟湘之名矣胡氏渭因謂古無瀟水瀟湘猶言清湘非別有瀟源隋唐以後始謂瀟水出九疑山合湘水曰瀟湘今按漢志零陵郡冷水道縣有冷水水經及注入湘之水出深水一篇冷水並是清深之意攷其源委適當瀟水之處然則古謂之瀟漢志謂之冷水經謂之深其地同其義同名有小異酈氏偶未察耳且酈氏又引呂忱云深水一名遼水水之異名亦多矣安得據此謂古無瀟水也又按漢志湖漢豫章異源同流皆得為九水之統稱今此瀟湘亦異源同流然則瀟湘並九水之統稱與長江圖說禹貢三江當以鄭注為是鄭氏云左合漢為北江右合彭蠡為南江岷山居其中為中江確不可易集傳以三江既入為揚州之文遂以庾仲初吳都賦注三江之名實之不知吳都三江起於近代非禹時之三江也禹時三江皆起於荊州之域揚州其下流也袁氏仁曰岷江在梁漢江在荆而其入海皆在揚故於揚言之此論是也但鄭氏右合彭蠡為南江當云右合九江為南江耳何以言之山海經云洞庭之山二女居之洞庭之名堯時已有禹貢不言洞庭而言九江所以備三江之一也禹貢江之名有中江有北江有九江他無以江名者孔氏傳云有中

北南可知其說誠然但禹貢究不言南江而必曰九者何也蓋北之入江者惟漢故以漢爲北江而無所混南之入江者不止九江故必曰九江而不曰南江不使凡水之南來者得混也水之南來者莫大於洞庭其次惟彭蠡然彭蠡名澤不名江洞庭名江不名澤則南江之爲洞庭而非彭蠡也明矣萬年醴鄒道元水經注最稱精博其敘湘水尤莫詳於湘陰一縣至今可以推尋者曰高口水曰上鼻浦曰下鼻浦曰陵子潭曰錫水曰望屯浦曰三陽逕曰門逕曰黃陵水曰太湖曰白沙戍曰東町口曰羅淵曰汨羅口其於地道無徵舊志不能敘錄曰玉池口曰東湖曰三谿水曰大對水曰決湖曰西陂曰荷導逕皆不詳所在湘陰東湖上承玉池山水舊志亦據水經注爲言而鄒道元自僞玉水東南流注錫浦謂之玉池口錫水又東北東湖水注之謂之三陽逕則所謂玉水玉照山之水東南流者是也東湖之玉池口當爲今橫嶺湖南會錫江爲錫浦東出欽港爲望屯浦名之東湖者玉水東流匯爲湖今東湖以在縣治東爲名宋以前未立縣治不得有東湖之名就今地道縱橫曲折證以鄒氏所述無一不巧合而後知古圖籍之精其纂述爲有據依也其有誤者混汨於羅以東甸口屬之澗水而失澗水之委又併汨羅爲一而奪澗水之名以與汨並失羅水之源高口別爲一水源出益陽東南益陽西北則資水經流也東徑三里

橋與高水相出入又東逕高口與湘水相出入鄒氏以高水止於陵子潭自陵子口以下皆屬之湘水則高口一水源流並失此志於縣境山水窮搜極討允足補水經之缺而發先儒之覆湘陰志水經注黃水又西流入於湘謂之黃陵口昔王子山有雋才年二十而得惡夢作夢賦二十一溺死湘浦卽斯川矣張華博物志王文攷從父師叔到泰山就鮑子眞學算到魯賦靈光殿歸渡湘溺死據後漢書王逸傳南郡宜城人子延壽字文攷一字子山因攷靈光殿賦序云客自南郡觀藝於魯李善文選注南郡荆州南郡本荆州治子山自魯歸南郡不應遠渡湘水又稱客自南郡不言家世南郡而言客尤非事也疑南郡正謂長沙郡地子山流寓長沙是以自魯歸而渡湘道所必經也李注於此實有未審湘陰志盛宏之荆州記云羅縣北帶汨水水源出豫章艾縣界西流注湘沿汨西北去縣三十里名爲屈潭司馬遷記屈原自沈汨羅處是爲汨羅水蓋汨以水名羅以國名也漢桑氏水經云湘水北過羅縣西澗水從東來流注之鄒善長注自黃陵口以下湘水又北右會東甸口澗水也澗卽汨水又作澗音并同經後十條詳言澗水所出所過又西磊石山人湘者是已惟下文言又北汨水注之字不作澗後注亦言澗水又在羅水南遂滋後人

疑議總由不明澗汨同音故也周嘉細澗水

報王三十七年秦與荆人戰取洞庭五渚江南見戰國策秦策五渚史記策

按秦昭王二十九年取洞庭五渚當楚襄王二十文作五渚

一年襄王四年遷屈原江南楚時名洞庭以南皆曰江南鮑氏補高注證五都之誤當從燕策五湖索隱五湖具區洮漏彭蠡

青草洞庭據史記楚世家洞庭江南巫黔中皆今湖南及黔蜀地中出五湖於文為不類當從史記五渚與地廣記澆沅澧湘

同注洞庭北會江名之五渚水經注增入微水謂之麋湖口益皆以水名渚毛詩故訓傳渚水洲也水歧成渚巴陵吳舍人云

楚辭湘夫人帝子降兮北渚湘水至君山北會江北渚當即君山史記連洞庭五渚為文五渚皆湖中島也君山當北渚磊石

山當南渚矣湘陰圖志

鄱水之大者三其一曰洙水水經所謂洙水出茶陵上鄉者是

也其一曰泥水前漢地理志所謂茶陵泥水西入湘行七百里

者也其一曰洮水輿圖所謂洙水自茶陵州南入境西北流至

州西南又東會洮江者是也洮水發源縣東萬陽山之洮源西

有團蒼羊橋斷了嶺等山隔之故其水合沔渡水從瑞口東北

出境又北六十里而後入於洙泥水則不出縣境而與洙合前

人志水者或略洙水而記泥水或以為洙水即泥水而不知其

源固有二也洙水出縣南猿團根索嶺下過杉箕寮而飛湍瀑

流米珠歎灘土人謂之白米下鍋是為洙泉洙之源最遠北距

雙江合流處一百四十五里泥水上源距雙江口一百二十里

兩源相去五十里鄺道元注洙水出江城郡廣興縣太平山地

理志所謂泥水據此以洙水即泥水道元之誤也不知洙水別

有一源自當別有一名如謂一水二名則根索嶺下之水流百

餘里而後合者詎無名稱耶桑欽漢成帝時人下迄班固幾百

年道元北魏太和時人魏之太和即為宋之昇明上逮班固四

百餘年孟堅稱泥水入湘亦舉其源之異者而言非以泥水為

洙水也趙宗文洙水攷

水經曰洙水出茶陵上鄉西北過其縣南注云水出江州安城
郡廣興縣太平山西北流逕茶陵縣南經曰又西北過攸縣注
云攸水入焉經曰又西北過陰山縣南注云縣上有容水自侯
雲山下注洙謂之容口洙水又西逕歷口縣有歷水下注洙謂
之歷口洙水又西北與洋湖水會水出縣西北樂敷下洋湖湖
水下注洙謂之洋湖口洙水東北有義山縣東北又有武陽龍
尾山並仙者羽化處上有仙及龍馬迹於其處得遺詠端牘抽
札詮之其略曰登武陽觀東藪峩嶺千蕤洋湖口命飛螭駕白
駒臨天水心踟躕千載後不知如經曰又西北入於湘據此則
若鄱若茶若攸若安仁合四邑之水皆可以洙水概之顧指溝
壑閒而曰其源在是豈不褻哉按鄱舊為茶陵東南鄉宋始析

茶置縣經所稱上鄉即今鄱邑地鄱道元注稱廣興太平山者蓋經指上游之近者為源如舊稱黃河出崑崙之謂而鄱注則又探源星宿窮極其所自出耳然則泚水之名固非鄱所得專而源出於鄱實據水經茶陵上鄉一語不得概指為鑿空妄語

明矣

鄱志

沅州府志清水黔江辨云方輿紀要及黔陽縣志大旨皆謂自芷江縣流入縣西者為沅水自清江口流出縣南者為黔水沅與無固自有辨獨不知黔江之名何自而昉夫既指沅水為黔水則不得不指無水為沅水顧氏茫然所自於沅水曰縣城南於黔水曰縣西南見既昧於一定說乃出於兩歧已屬鶻突而縣志竟謂沅水至沅州與無水合試問沅水之合無水也其地安在則豈能措一辭耶其云自西南來會者為渠水是已至謂渠之西為清水江則又何據總之渠水之會於托口者會同西南來之沅水也無所為清水也其會於七寶山下者芷江縣西來之無水也至是而後無水之名不復見而沅水之稱直至於洞庭無所為黔江也謂予不信山海經水經注具在可攷而知也況九域志於黔陽下云有沅水又有無水輿地廣記亦同蓋以縣西北而上則為無水而縣東南以下則為沅水皆未嘗涉黔江一字為尤可信也至於黔江之譌實始於宋之名縣而其先已有黔江城之號然皆宋時事也若唐之名為黔江縣者則

為今西陽州之黔江縣凡唐世稱為黔中黔州黔陽者皆指彼地於今之黔陽縣何與焉若夫沅水之名實自黔陽始有唐之設州以沅名義取諸此至宋始移其名於今郡治已違其實而更名沅水為黔水可乎哉

黔陽縣志

吳松江有洞庭山韋蘇州詩皮陸唱和所言洞庭及近時子美詩曰笠澤魚肥人膾玉洞庭橘熟客分金皆在吳江矣今岳州之南所謂洞庭者即鄒善長注水經云洞庭之陂乃湘水非江水蓋斥此湖耳比見岳州集古今題詠刻石龕於岳陽樓如蘇州皮陸子美之屬皆在焉乃知地志不可不攷也

史

山海經每以瀟與湘沅並稱而無資水漢書地理志有資而無瀟水經因之或云夫夷水者乃古瀟水今土人猶名瀟溪後世求瀟水而不得柳子厚乃以營道之營水為瀟水不知營水長不過數百里湖南之水如營者十數計何得與沅湘並列而魏源謂瀟水恐是邵水之譌音相近邵水長不過百里其源甚近尤不足當瀟水之稱

邵陽縣志 按黃宗義今水經云瀟水源出永州甯遠縣南六十里九疑山四水流灌於南海五水北注於洞庭至三江口與湘水合又東北流至永州府城外至湖口入湘

禹貢導江曰過九江至於東陵後人皆不知其處以九江亂之也自知九江即洞庭而東陵之為巴陵審矣巴陵也曷為而東之對西而名之也夷陵為西陵巴陵為東陵夷陵巴陵後世郡縣之名也禹時固前有郡縣名乎非也曰天岳名州以其高大

東陵當即天岳天岳非岳州山也曷為東之乎或曰江過九江
 乃至東陵而東迤是二江之會城陵是也然余觀城陵皆平阜
 無陵焉者孰至乎然則東陵孰謂苟有目者皆知其為君山矣
 江自西來無山至是而陵陵而遂止而九江流其前大江合其
 後名而指之萬世不能易其處東陵也曷為而巴陵後人之所
 稱也岳州之山東南北皆自粵嶺來惟湖中一山西自巴中來
 故又以云也蓋禹時未有巴子國云其郡縣曰巴陵何也羨也
 吳時郎閣巴邱成疑皆置之城陵羨之曰巴陵也若山經拜屠
 巴地之說妄哉巴陵縣志

東陵之說有二一曰東陵鄉漢處江郡尋陽縣地其陵蓋即今
 黃州府廣濟縣南龍坪山也龍坪東陵聲相近後人藉便為稱
 耳一曰巴陵漢長沙國下雋縣地今岳州府治巴陵縣也二者
 孰從曰視九江之說為從遠謂九江為湘江者則曰東陵為巴
 陵謂九江在尋陽者則曰東陵在東陵鄉今九江主湘江則東
 陵主巴陵矣巴陵何以為東陵曾氏彥和曰巴陵與夷陵相為
 東西夷陵為西陵則巴陵為東陵可知今按巴陵之名起於山
 海經淮南子拜屠巴蛇之說孫吳時始為巴邱郎閣古無是稱
 謂之東陵而已長江圖說

湖北上游有五溪水經注以為雄溪楠溪西溪澗溪辰溪是也
 土俗雄作熊楠作朗澗作武今攷諸地志雜書蓋其源有出於

西陽石隄蠻界流經辰州府城西為北江者名西溪有出於銅
 仁蠻界流經麻陽縣城南為錦江者名辰溪有從湖南界城步
 縣巫水出流經關峽而下為若水洪江者名雄溪有出自鎮遠
 界流經沅州城西而下為盈口竹寨江者名澗溪有出於靖州
 西南黎平府流為亮寨江者名楠溪此五溪也俱各下入於沅
 大抵沅為五溪正派首先受楠次受澗次受雄又次受辰最後
 受西而通稱之曰沅世傳春秋時楚子滅巴巴子兄弟五人流
 入五溪各為一溪之長至秦昭襄王伐楚取其地總謂之五溪
 蠻故自來五溪之間頗與巴渝同俗如隋地理志所云者至今
 猶然杜甫詩水散巴渝下五溪又可見五溪本與巴渝錯壤也
 又世傳楠澗雄辰西五溪之外別有龍溪敘溪桂溪姑勿論也
 惟五溪之名鄙道元以為土俗澗作武謂是一水耳攷之他書
 及一統志則澗溪縣西別有武溪且有武山溪自山出即今鎮
 筓蠻界之閒二水合流而下至澗溪縣治前入於沅江者是也
 故五溪水驛置於此然此溪去澗水絕遠原委各異豈水經注
 亦或未免有差誤耶渠陽邊防攷

水經注謂楚有五溪澗楠雄西辰也按集韻韻會及九溪志又
 有龍敘桂武是為九溪皆下注洞庭以達於江攷諸溪之水惟
 澗最上源出鎮遠府由玉屏縣東入楚界經沅州城西下盈口
 竹寨江是為澗水唐曰沅溪又曰龍檨鄙道元以澗作武者是

也又二百里至黔陽縣合於楠楠一作朗源出黎平府經靖州西南為亮寨江又六十里至會同縣界乃與雄溪合雄之源自城步縣出經關峽下為若水洪江行百八十里與漵浦縣之漵溪合漵源甚淺六十里至辰谿縣與辰水合辰出銅仁府經麻陽縣城南是為錦江越辰谿縣四十里至浦市而桂溪出俗以為浦溪源亦在百里內灑楠雄敘辰桂六溪之水始合流由辰谿縣八十里至漵溪縣之西則武溪出焉源發於武山漢馬援所謂滔滔武溪一何深者是也七溪匯流下六十里至辰州府又與酉溪龍溪合二源同出西陽州界經辰州府西名曰北江九溪咸注於斯以趨洞庭導江而朝宗於海也其源之遠出於黔者灑楠辰三溪發於蜀者酉龍二溪若雄敘桂武則皆境內之水無不可指掌而陳也劉鴻泰九溪分合攷

沅江一水為今滇黔孔道常德舊志云源出牂牁辰志云源出播州有議其未確者且不注經行會合之地則源委難稽近攷常德新志云沅水出牂牁且蘭縣為旁溝水又東至鍾城縣為沅水漢鍾城今黔陽縣以上述水經其支從黃平州由牂牁分其說未詳出諸葛洞下鎮遠府為灑水非灑始通舟流平溪與思州水合經洪江過沅州與黎平水合水大過黔陽城下與渠又過江口與漵水合又過辰溪與錦水合即麻陽東至漵溪及辰州與酉水合又東下壺頭經怡望過常德府城南東注龍陽與滄浪水合有漸水一

名澹水出漢壽顧開雅曰攷鎮遠以下澹沅二水桑欽氏言沅水出牂牁且蘭縣為旁溝水至鍾城為沅水而鄺道元又言無水出故且蘭南流至無陽故縣又東南入沅謂之無口無水即灑水無陽即鍾城桑派始言沅鄺析流言無而皆出於且蘭總一水也不猶濟瀆出王屋山伏名沈見名濟乎或謂其支從黃平州者抑末矣東邊紀程續鈔

古稱五溪者皆隸辰境為辰陽眉目西溪楠溪武溪辰溪雄溪是也西溪在郡西北二十里小西山山下石穴即小西妙華洞穆天子藏異書處溪水出焉合北江而入沅楠溪即明溪在郡西北一百里武溪古作濞溪在漵溪縣西一百五十里辰谿攷縣志云辰谿源出龍門山歷獨母水北入辰水辰水又經縣北合流縣前之沅水則辰谿與辰水早從辰谿縣入沅矣又攷沅陵縣志云辰水在沅陵縣城東一里流入沅水豈辰水在沅陵不從下流入沅復逆流一百四十里會辰溪之水然後入沅耶存之以備參攷雄溪源出黎平至洪江入沅而辰志不載原委蓋五溪之水皆入沅江故楠溪之下十里曰會溪取五溪相會之義顧開雅云黔中郡五溪辰志闕雄溪不敘今攷靖之會同本黔中故地所屬洪江承黎平下流其為雄溪故在焉辰人以非其所轄逸之謬已東邊紀程續鈔

山海經載大時之山陽多銀陰多白玉潯水出焉北流注於涓

清水出焉南流注於漢水是可知與九澧之涪同名異水若廬其之山涉水出焉南流注於涪水未悉澧壤沙水何指廬其何山其涪水亦未知即為涪澧否也水經注亦但云涪水出西北天門郡界南流經涪陵評評屯屯澧水入作唐縣乃左合涪水不詳其郡界所出之地所稱涪陵亦與澧所出之葛山歷山均難質實石門志又以涪水為岷江別派從虎渡南流經公安入澧不知此禹貢所謂沱也岳志謂涪水在州北七十里源出龍洞潭今里人傳有兩源一由龍洞趨石馬堰一出謝峯隘趨龍神潭會於兩河口出老灣流逕澧北皆為涪水楚辭之所謂望涪陽極浦者是至峽口始為岷江分來之水以為從虎渡南流何其不攷也

澧州志 按長江圖說屈子九歌云望涪陽兮極水之別派江涪自非一水水經澧水又東過唐縣北注澧水入縣左合涪水出西北天門郡界又東南流注於澧按唐縣在今澧州安鄉縣西北天門郡即今澧州石門縣治今公安縣西南百里有涪陽鎮在涪水之陽涪水入澧之口在澧州之東蓋所謂六總口也胡氏誤從澧州志之說以為南江東流注於澧同入洞庭即所謂涪水又何其縱橫轉也

水經云澧出武陵充縣西歷山東過其縣南今按充城在慈利西二百四十里循澧湖之桑植與龍山兩縣抵界之所有栗山坡實為澧源或歷栗音同而字誤其即水經所云歷山耶

栗或音亦 前五代南平王劉鐸有過歷山湛長史草堂詩則水經所指澧源自是不謬特後人失其名實耳

澧州志 漢地理志武陵即充縣歷山澧水所出北經臨澧零陽水經注

澧出充縣歷山東過其縣南又東過零陽縣北零陽自漢歷陳改為慈利充則分為澧中又併入澧中陳以臨澧澧中置崇義縣澧水出崇義西北今水由永定西北下與澧會於慈之鴛鴦浦永在二水間正與西北桑植界南來繞永定城南向東北下慈利之澧流相合參證各說永定多得充地慈得零陽地為多武陵特以郡言以天門山辨之充在天門東北茅岡在天門西北也

澧州志 慈利志按余闕天門書院記度地於澧水之陽謂當在永定大庸之閒故志註其城即今大庸所等處攷水經注澧水又東逕臨澧縣右會澧水澧水出建平郡逕澧陽縣右合黃水同流注於澧謂之澧口今在石門縣治上石門縣有臨澧澧陽二鄉則謂臨澧城在永定大庸閒非也

澧州志 漢志武陵郡充縣下云歷山澧水所出東至下雋入沅過郡二行一千二百里水經澧水出武陵充縣西歷山東過其縣南按充在今澧州慈利縣西二百四十里蓋仍在永順府桑植縣之西地理志今釋云在安福縣西誤也

長江圖說注 水經注引庾仲初言嶠水分南北流今澧鍾是也而沅深同出盧聚明亦分流鄒氏乃以淮水為桂水疑淮即沅遂云深水出桂陽縣如注所言乃是入湘之流更為入海鄒氏又引應劭言桂水入湘使二桂水幾合為一余既攷其審著於各篇推其致

誤之由蓋不知盧聚所在且嶠亘千里南北流分盧聚之名所
賅廣矣溱鍾涇深皆出盧聚欲圖水道所宜覈諸自班氏不記
深水之名後世圖經更無足論惟許叔重知深源所在焉應氏
以涇入沅共曉其誤疑亦以涇灌爲一誤湘爲沅不然不至此

桂陽州志

顧祖禹方輿紀要曰舜源水出九疑山中舜源峯在甯遠縣南
六十里流至縣東西折而北與瀟水合顧氏所本蓋明代地理
圖近時圖經了無斯水州舊志及藍山志皆以鍾水爲舜水理
不合瀟若以深水當舜源水又不出九疑蓋謬以大橋西一小
溪爲舜源耳其水出交子冲亦九疑支麓西屬甯遠東隸藍山
水出山東不屬甯遠一誤也自交子冲東流六十二里入深水
不得自南而至縣東有六十里二誤也水直入深深乃絕瀟呂
氏所云亂流營波非舜源水合瀟三誤也然顧此說猶存深水
鬚鬣之迹後有行水案圖可索雖參差舛互愈於並沒其流故
余於齊次風之書一無取焉苟有不知不可刊以滅迹後之達
者宜深監茲顧氏之謬更其善爾

桂陽州志以上水

湖南通志卷末之十七

湖南通志卷末之十八

雜志十八 辨論三

有自辰沅來者云溇溪縣之西百八十里有武山焉其崇千仞
遙望山半石洞鑄起一石貌狗人立乎其旁是所謂槃瓠者今
縣之西南三十里有槃瓠祠棟宇宏壯信之天下有奇術也予
曰是黃閔武陵記所志者然實誕也

記云山半石室可容數萬
人中有石狀槃瓠形迹今
山麓前石獸石羊奇迹尤多辰州屬經云石窟如三間屋一
居飲食類俗云槃瓠之像今其中種有四一曰七村歸明戶起
日花猿類自爲區別而衣服趨向大略相似土俗以歲七月二
十五日種類四集扶老攜幼宿於廟下五日祠曰然則所謂槃
瓠者非與曰非也何以言之予稽夏后氏之書知之也伯益經
云卞明生白犬是爲蠻人之祖卞明黃帝氏之曾孫也白犬者
乃其子之名蓋若後世之烏鷄犬子豹奴虎狔云者非狗犬也
雖然世之誕妄厥有形影其言之不典亦實自於經也按經又
言卞明生白犬白犬有二自相牝牡郭氏以爲自相配合蓋若
今之波羅門半釋迦者半釋迦者其種有五有具男女二而應
體者有半月爲女者皆偏氣所孕而應
勅書遂以爲高辛氏之犬名曰槃瓠妻帝之女乃生六男六女
自相夫婦是爲南蠻則知其說原衍於此是殆以白犬爲危爾
至郭璞張華干寶范蔚宗李延壽梁載言樂史等各自著書枝
葉其說人以喜聽而事遂實矣且其說曰高辛氏慕有得犬戎
吳將軍首者黃金千鎰邑萬家妻以少女杜君卿固疑其誕謂

黃金古以斤計至秦始皇曰鎰一也三代分土漢始分人古安得萬家之封二也將軍周末之官三也吳姓宜周始有四也佑之難亦當矣又引其獄中與諸甥書證之然不知其說之不出乎

伯岐同吳權之妻而羿之友有吳賀不可謂吳姓至周
伯益為百蟲將軍元女立五
軍之將不可謂將軍周未之官謂夷
狄古無官號可也其說本出應氏書
夫人畜之交通世益每有

蔚宗也伯岐同吳權之妻而羿之友有吳賀不可謂吳姓至周
 昔元嘉中孟慧度之婢蠻與犬通處者且逾年然高辛之事嘗竊誕之槃瓠者特獾狐之轉耳大尾按元中記槃瓠浮之東南海中是為犬封氏蓋因本風俗通然亦不謂蠻人之祖記云高

戎為亂帝曰有討之者妻以美女封三百戶帝之狗曰槃瓠去
三月而殺犬戎以其首來帝以女妻之不可教訓浮之會稽東
有海中得地三百里封之生男為狗女為美人是為犬封氏元
中之書崇文總目不知撰人名氏然書傳所引皆云郭氏元中
記而山海經注狗封氏事
與記所言一例知為景純

耶曰見石西俯則以為惠遠點頭見石東僕則以為秦皇赴海木石之象物厥類多矣偶然喚作木居士豈特一槃瓠而已耶不然犬戎國之神哉經亦有云犬戎國有犬戎神人面而獸身非蠻人之祖也史路

史以妻犬誣高辛氏羅氏辨之詳矣夫古所謂帝者皆聰明聖知者也不能制犬戎至以女配犬其何以為帝可辨者一所謂吳將軍者既能侵暴中國則必勇略兼人而從衛匪鮮矣犬縱能伺其不備嚙殺之亦焉能銜其頭而遠詣闕下哉可辨者二自高辛氏之墟至南山石竇道里非一日即使虎負一女子人

猶將競逐而奪之何有於一犬乎可辨者三而南蠻傳固覲然道之吾不知作史者果何心乎徒令千載有識笑耳後加地

岳州府志軒轅臺在君山上一名鑄鼎臺按史記黃帝采首山金鑄鼎荆山之下其事已不足信况荆山首山據漢地理志荆山在馮翊懷德縣首山在河東蒲坂而廣輿記荆山在河南閔鄉縣首陽山在偃師縣俱距君山甚遠附會顯然考莊子有黃帝張樂洞庭之野一語後人因此建亭於君山尚非無因然亭之別名宜云張樂不宜云鑄鼎矣洞庭

劉知幾史通疑古篇曰虞書舜典云五十載陟方乃死注云死蒼梧之野因葬焉按蒼梧者於楚則川號汨羅在漢則邑稱零桂地總百越山連五嶺人風嫫劃地氣歆瘴雖使百金之子猶憚經履其途况以萬乘之君而堪巡幸其國且舜必以精華既竭形神告勞捨茲寶位如釋重負何得以垂沒之年更踐不毛之地兼復二妃不從怨曠生離萬里無依孤魂溘盡讓王高蹈豈其若是者乎歷觀自古人君廢逐若夏桀放於南巢趙嘉遷於房陵周王流彘楚帝徙郴語其艱棘未有如斯之甚者也斯則陟方之死其殆文命之志乎其疑三也本驥案史記云舜巡守崩於蒼梧之野周氏據孟子駁之固已精矣周氏洪漢曰舜

倦於勤命禹居攝豈以百有九歲之壽其衰已甚而又南涉大
江深入蠻夷之地哉為此說者惑於陟方乃死之文耳竹書紀
年云帝王之崩曰陟師古云攝土為院曰方蔡沈集傳云陟
方猶言升遐也要之舜都蒲坂距鳴條二百餘里孟子云卒於

鳴條是可據也于元然禮檀弓篇亦云舜葬於蒼梧之野然則
 爲此說者似不始於史記水經注曰營水西流逕九疑山下大
 舜窆其陽商君葬其陰其說原難憑信今零陵舜冢固巋然在
 也朝廷致祭歷代因之曾無一人辨其孰爲真贗者而孟子又
 曰卒於鳴條亦必非無根之言或因南巡而崩葬於蒼梧又改
 葬於鳴條如太公之返葬於周也鳴條之墓歲久失傳惟蒼梧
 舊冢猶存故因之不廢孟子言卒是對上生字而概論之耳子
 元謂汨羅零桂舜不堪巡幸其國周氏亦謂舜不當深入蠻夷
 之地然則中國豈少名山衡嶽何以列於蠻服王者不治夷狄
 貢賦何以及於荊州且五月南巡守至於南嶽又何以載於虞
 書耶自古謂楚爲蠻夷皆惑於公穀諸家有春秋攘夷之說若
 詩書所載固未嘗謂衡山等處概以蠻夷處之也書曰荆及衡
 陽惟荊州禮曰自江至於衡山又曰南不盡衡山則衡山以內
 皆中國也詩曰蠢爾蠻荆易曰高宗伐鬼方皆謂南方有苗之
 國非概指全楚也古之萊夷在今山東陸渾之戎在今河南若
 謂青州皆夷而豫州皆戎也可乎余楚人也不以楚爲蠻夷說
 近於私近日蔣春巖先生紹宗著春秋見心力闢攘夷之說其
 辨楚非夷條云考之封域荆及衡陽惟荆楚都其間至周已千
 有餘年猶畀夷狄居之而不使通將所謂包匭菁茅納錫大龜
 者豈皆虛語楚之君納頓平陳視桓文之事業何如楚之臣能

〔光緒〕湖南通志 卷末一八

忠善任視管趙之功名何異襄公如楚不聞以屈於夷狄諱之
 孔子謂管仲相桓公一匡天下民到於今受其賜此固定昭後
 之言其時楚狎主齊盟已數百十年矣陳蔡楚屬國也孔子何
 以嘗往來其間葉公楚臣也孔子何以嘗與之問答接與丈人
 沮溺楚之隱者也孔子何以嘗與之遭逢是孔子嘗眷眷於楚
 也有明微矣家語書社之封檀弓先以子夏申以母有之說不
 爲無據矣使其爲夷孔子何以欲仕之殷武之詩曰居國南鄉
 是在商時卽不聞以楚爲夷以春秋證之吳楚稱子爵在諸男
 之上會盟聘伐簡策頻書與齊晉宋衛無異不類山戎白狄之
 屬概以遠之者略之也或曰三傳非無據也曰采芑謂蠢爾蠻
 荆詆其叛耳闕宮謂荆舒是懲矜其功耳孟子謂用夏變夷未
 聞變於夷爲許行言之耳不核其實不溯其端據以爲說果春
 秋之義乎先生是說雖非論唐虞之楚地因駁子元周氏之論
 而附錄之以見楚非蠻夷非一人之私說也至子元疑舜之巡
 方爲禹所廢逐則爲謬悖無理之論不足與之深辨矣黃本驥
 楚辭湘君湘夫人亦謂湘水之神有后有夫人也初不言舜之
 二妃王逸章句始以湘君爲水神湘夫人爲二妃記曰舜葬於蒼梧之野蓋三妃未
 之從也山海經洞庭之山帝之二女居之郭璞注曰天帝之二
 女而處江爲神卽列仙傳江妃二女也九歌所謂湘夫人稱帝
 子者是也而河圖玉版曰湘夫人者帝堯女也秦始皇浮江至

湘山逢大風而問博士湘君何神博士曰聞之堯二女舜妃也死而葬此列女傳曰二女死於江湘之間俗謂之湘君鄭司農亦以舜妃為湘君說者皆以舜陟方而死二妃從之俱溺死於湘江遂號為湘夫人按九歌湘君湘夫人自是二神江湘之有夫人猶河雒之有虞妃也此之為靈與天地並安得謂之堯女且既謂之堯女安得復總云湘君哉何以攷之禮記云舜葬蒼梧二妃不從明二妃生不從死不從葬且傳曰生為上公死為貴神禮五嶽比三公四瀆比諸侯今湘川不及四瀆無秩於命祀而二女帝者之后配靈神祇無緣復下降小水而為夫人也原其致謬之繇繇乎俱以帝女為名名實相亂莫矯其失習非勝是終古不悟可悲矣此辨甚正又按遠游之文上曰二女御九招歌下曰湘靈鼓瑟是則二女與湘靈固判然為二即屈子之作可證其非舜妃矣後之文人附會其說以資諧諷其瀆神而慢聖也不亦甚乎

顧亭林
日知錄

湘君湘夫人蓋楚俗所祀湘山神夫妻二人如後世祀泰山府君城隍神之類必有一夫一妻以及蓼花洲閒錄所載杜拾遺訛為杜十姨而以之配伍子胥也屈原湘君篇明言望夫君兮未來夫君即指湘君也若女子則不應稱夫君也下云揚靈兮未極女嬋媛兮為余太息則原自言布精靈以求感格而尚未應故姊嬋為我太息喻己之忠誠不能悟君而姊規之非指湘

君為女也湘夫人篇帝子降兮北渚曰帝子者猶云天帝之女並未確指為堯女也天問篇所述舜夷羿等事鋪張最多若以湘君湘夫人為堯女則歌中必亦引用南巡蒼梧之事以為波瀾乃兩篇中並無一字以此知屈原本未指為堯二女也山海經云洞庭之山帝之二女居之其曰帝女亦謂天帝之女並未指為堯女也曰居之亦謂帝女之所居而非以為死而葬此也山海經所附會舜事甚多使以堯二女為葬於洞庭必又有幾許鋪綴而其書並無一字則山海經亦尚無堯女葬洞庭之說也自玉叔師注楚辭湘君湘夫人謂堯二女娥皇女英妻於舜舜往征有苗二女從而返死於沅湘之間因而張華博物志等書皆承此說湘君湘夫人遂為堯二女矣古來惟郭景純識其謬而未識其致謬之由且亦以湘君為女神故特辨之

陸餘
叢考

史記云舜崩於蒼梧之野而孟子謂卒於鳴條者何居蓋卒之為言終也非謂死也不然天子曰崩大夫曰卒孟子何以不言崩而言卒哉

何文應
文集

有庫之在今永州府零陵縣已成千古定所而集注云未知是否此最朱子妙處蓋一以經文為案也經文欲常常而見之故源源而來不待一年之貢期五年之朝期以伸吾親愛情豈有兄居蒲坂弟居零陵陸阻太行水絕洞庭較諸驩兜放處尤遠千里之理蓋有庫之封必近在帝都而今不可考耳或曰然則

今零陵曷為傳有是名也按括地志云舜亭神在營道縣北六十里故老傳言舜葬九疑象來至此後人立祠名為舜亭神此為得之爾雅釋地

道州之舜亭非封象故國也蓋帝陟位以來五載一巡狩五月至於南嶽其時象扈從偶至或遂卒於此當時為立廟後世遂流傳第不知卒於何年耳若謂帝巡狩崩於蒼梧之年不獨象無此遐齡帝亦不必於是年巡狩何也虞書老期倦勤帝年九十三歲禹已攝位總師矣天子四海為家葬於九疑固有之倦勤已十七載崩於蒼梧者謬耳立廟志其死者帝之愛弟也永厥廟之明禋者民之愛帝以愛其弟也故鼻亭所由以不替也陳其揚有鼻辨

禹碑釋文楊慎最先出他如沈鎰楊時喬郎瑛王朝輔杜壹皆有釋文或託鬼神或假夢寐舉無確證時喬所釋故誕不經識者知其偽郎瑛因游宦紀聞有癸酉字遂改楊慎而明發爾為祁明癸酉其出於附會可知顧黃公謂諸家釋文惟杜壹近古其文載說字中外聞罕見今按其文云維帝曰獻翼將賊亂水澤壑谷島澗西行禹身度畎畝高深與真長蛇封豕空嶽麓巴伯益刊析道罔違庶邱阜既宅華恆乘衡帝念功舉虔柴申禋冠佩僉從南氣豐食眾刑昆吾豈物命正民鮮鼠喪按此辭雖近古而意實淺直似故作艱深者朱子信石鼓文而不信禹碑

東坡云岫嶼何須到韓公浪自悲可為好奇者戒應城程大中季順坊在長沙治右學宮左相沿以為黃香故居有井曰黃香放香江夏人未嘗居長沙當是元時為翊刺氏建者湘故多蘭香稱王者或井名王香訛音附會耳長沙縣志

射蛟屋在君山上水經注漢武射蛟於是山按漢書武帝本紀元封五年冬南巡狩至於盛唐里祀虞舜於九疑登瀛之天柱峯自瀟陽浮江親射蛟於江中獲之舳舻千里薄縱陽而出則射蛟當在今安慶九江之間此屋亦屬附會耳湖庭志

昌黎桃源圖詩注洪興祖曰淵明記桃源事初無神仙之說梁任安貧為武陵記亦祖述其語耳淵明云先世避秦時亂而安貧云曩以避秦之亂邑人相率攜妻孥隱此厥後絕不外通何人世之多遷賈也後人不深攷因謂秦人至晉猶不死遂以為地仙洪駒父云荆公桃源行東坡和桃源詩皆得之王摩詰退之劉夢得諸人以為神仙皆非是淵明載漁人所遇時稱晉太元中任安貧云大康中退之詩云自說經今六百年按始皇三十四年築長城燔詩書明年坑儒生三十七年胡亥立三年而滅於漢二漢四百二十五年而為魏魏四十五年而為晉晉武帝即位至是凡四百九十二年明年改元太康自太康元年至孝武帝時甯康三年凡九十六年通五百八十七年明年改元太元至太元十三年乃及六百年夢得詩亦云金行太元歲安

貧之記誤也 昌黎先生詩集三

桃花源實有其地淵所記實有其事非寓言明今湖南常德府有桃源山大元漁人為黃道真見常德志所詣之太守為劉歆見淵明集註欲往之劉子驥名驥之見晉書據史傳驥之志隱遜嘗採藥至衡山深入忘返見有一澗澗南二石因一困閉一困開水深廣不得過欲遺失道遇伐木人問徑僅得還家或說困中皆仙靈方藥諸雜物驥之欲更尋索終不復知處此與漁人事正相類則淵明所云迷不得路欲往未果者亦實事也予以是知天地之大無所不有也天地之藏不能盡洩而人不能盡窮也世之所謂靈渺秘異而不可即者或一旦遇之而終身失之又往往愚者得之而智者失之蓋將留其不盡者以貽之無窮儲則善藏者置之不經意之處而人自不覺及其既覺而已不可復得予是以信斯記之不誣而攷其略而論之以告夫後之問津者 在山堂集

昭烈帝還公安道關壯繆爭長沙零桂三郡時魯肅住益陽與壯繆相拒魯肅單刀赴會今云壯繆單刀赴會誤也 楚

陸抗傳拜鎮軍將軍都督西陵自關羽至白帝於文難曉按甘肅傳曰隨魯肅鎮益陽拒關羽羽號有三萬人自擇選銳士五千入投縣上流十餘里淺瀨云欲夜涉渡肅以兵千人益肅甯乃夜往羽聞之住不渡而結柴營今遂名此處為關羽瀨據此

則當云自益陽至白帝也 日知錄

陶志於諸葛城云在縣南百二十里龍潭司後引水經注云義陵縣城劉備之秭歸焉出五溪綏撫蠻夷亮率諸蠻所築下復案以水經江水又東過秭歸之南依山即坂南臨大江古老相傳謂之劉備城是此城為今湖北所屬之歸州無疑而澁城之築於諸葛有無不可知矣前據省志所引水經注作劉備自秭歸出五溪綏撫蠻夷諸葛亮率諸蠻築城綏溪以自易之刪去焉字意謂行至秭歸遣人來澁築城非謂澁城為秭歸其說尚通然究非水經原文又注無諸葛字但一亮字亦非古行文法茲依 武英殿校正水經注沅水東與澁溪合水出武陵郡義陵縣鄜梁山西北流逕義陵縣王莽之建平也治澁溪其城劉備之秭歸馬良出五溪綏撫蠻夷良率諸蠻所築云云謂焉字為馬字之譌又謂下脫去良字亮率之亮亦係良為亮語尤近是然不知其何所據竊念益陽縣有馬良屯亦稱馬良堡傳為馬良所築武侯當昭烈時總理庶政恐不暇及此役而使白眉者來亦事或有邪 澁浦縣志

王士正窟尊考按山谷題壁有所謂右堂銘者今次山文編不載金石錄僅列其目皆無可考而墨池編以為高重明書不知何據右五銘之外又有窟尊一銘載涪溪志考次山自序云道州東有左湖湖東二十步有小石山山巔有窟石可以為尊乃

爲亭尊上刻銘爲志宸尊詩云若以形勝論坐隅臨郡城則宸尊在道州不在涪溪甚明祝睦方輿覽勝云在道州城中報恩寺西一統志在下津門外北岸溪志誤收按石之宸者不必道州當年兩地應俱有宸尊今觀溪上石宛然尊也抑道州濂溪且移廬山下矣祁陽縣志

乾隆元年臨武人掘土築牆拾銀十餘錠錠鑄文天祥字縣志案宋史本傳李恆將兵攻天祥於興國天祥走永豐至空院妻妾子女皆見執天祥收殘兵奔循州駐南領至元十五年十一月進潮陽天祥方飯五坡領宏範兵突至蒼黃被獲吞腦子不死數年之間奔竄嶺徼郴桂一路皆所經歷銀錠之遺當在是時以爲信國刻名銀錠其說非也無論信國不涉楚徼自來藏寶未聞刻名銀錠之用盛於明季商賈舖戶多刻店名此自文姓店中銀記而以託信國省志信之誣矣近年州人於大湊山掘得箭鏃謂趙雲所遺猶差近事理也桂陽州志乾隆中有人於土中掘得舊銅印一方背有大德年號其文係蒙古書或以印本質予外舅錢少詹少詹譯其文曰瀏陽州蒙古教授印印方八寸八分作三行前二行皆三字後行二字考元時瀏陽州屬潭州路舊爲縣元貞元年陞爲中州元制路府皆設儒學教授一員學正學錄各一員蒙古教授一員諸州上中州設教授一員下州設學正一員史不言諸州有蒙古教授

據此印則知中州亦設蒙古教授矣可以補史志所未詳古泉山館

小司馬稱神農氏以火德王故曰炎帝崩葬長沙在今衡州府鄱縣康樂鄉史多誤稱炎帝葬於茶鄉茶鄉卽今茶陵州其地有雲陽山遁甲記所謂雲陽氏之墟也其上有少昊金天氏冢路史云於雲陽山得少昊之墟是也楚寶岳之黃陵癸北氏之墓也湘之二女虞帝子也歷世以爲堯女舜妃者繇秦博士之妄對始癸北氏虞帝之第三妃而二女者癸北氏出也一日霄明一日燭光見諸汲簡皇甫氏之世紀山海經言洞庭之山帝之二女居之是也若九歌之湘君湘夫人則又洞庭山之神爾而羅含度尙之徒遽斷以爲堯之二女舜之二妃而以黃陵爲二妃之墓鄭元張華酈道元輩且謂大舜南巡二妃從征溺死湘江神游洞庭之山而出入乎瀟湘之浦爲是說者徒見堯典有二女之文卽以爲堯之女而舜之妃不復致攷厥妄甚矣郭景純云堯之二女舜之二妃豈應降小水而爲夫人當爲天帝之女斯亦謬者夫使天帝之女尤不當降小水而爲夫人王逸韓愈從而辨之得其情矣且虞帝晚年亦既遐聽而禪禹矣南狩之舉總之伯禹而二妃者俱過期頤豈有從狩之事哉案帝王世紀云虞帝二妃娥皇無子女英生商均封於商今女英之家在商則此黃陵顯非二女之窆而湘祠

決非堯女之靈皆昔人之妄說可知矣山海經云舜之二女處河大澤光照百里夫大澤者洞庭之謂而光照者威靈之所暨也迄今湘神所保靈止百里所謂分風送客者乃止圍一同之閒然則湘祠為虞帝之二女復何疑邪沈存中云陟方之時二妃皆百餘歲豈得俱存而且謂之二女乃復不知位既久禪匪復陟方之事耶黃伯思輩雖能以退之之辨為非然猶以天帝之女與翁養源於湘江圖志述之斯亦惑矣紛紛失據以為舜女蓋自今始路

世皆以舜南巡狩而死二妃從之不及溺死於湘江君山今為湘神郭景純云禮記曰舜葬蒼梧三妃不從明二妃生不從征死不從葬義可知矣觀按韓昌黎黃陵廟記引王逸離騷注云二妃從舜南征三苗不及道死沅湘之間因謂舜死葬蒼梧於時二妃從之不及而溺死者皆不可信二妃既日以謀語舜脫舜之厄成舜之聖堯死而舜有天下為天子二妃之力宜當為神食民之祭云云是謂二妃之得為湘神蓋道死於從征三苗之日非溺死於舜葬蒼梧之日也昌黎好古考究自精錄之俟博洽者詳參焉夏大觀識

舜陵本始於尙書詳核於禮記雜見於墨子離騷史記諸書書舜典曰陟方乃死禮祭法則曰舜勤眾事而野死檀弓又曰舜葬於蒼梧之野墨子則曰舜道死南紀之市史記則曰舜南巡

狩崩於蒼梧之野葬於江南九疑朱子注離騷九疑亦曰九疑舜以葬蓋歷三千年無一異辭者自唐昌黎韓子孤據竹書紀年云帝王之崩曰陟因謂陟為上升如舜南巡則地勢東南下宜言下方不應言陟方乃斷陟為讀而以方乃死為釋文蔡氏傳尙書采其說後儒又援孟子卒於鳴條一語遂置經傳中確然可據者不信而揣測乎無何有之鄉羣謂九疑不必有舜陵而陟方斷非南巡矣然姚似典謨簡古渾噩從無贅文自釋之例而商書有陟遐自邇之文則陟亦不盡訓升而訓行方則省方之方是廷燦竊謂五十載書其年猶堯典二十有八載云爾乃死書其崩猶堯典乃殂落云爾中錯陟方二字書其事則是年適巡行南方有事於苗民爾何以知之以呂刑皇帝清問下民鯀有辭於苗而知之也夫舜豈徒垂拱蒲坂而遠徵發洞庭彭蠡之鯀竄走數千里外一問苗情於殿陛乎吾知其必不然矣蓋自苗民弗用靈已竄於堯世敘於三危而其後畱而未竄者又頑弗即工可知三苗在虞直至末年南巡而後靖舜於時適百有十歲而死焉葬焉吾蓋讀呂刑而得舜典禹謨之通證并得五十載陟方之確證陟方之解定則舜陵定矣長沙余廷燦存吾

一統志辰州有善卷先生墓在大西山巔又沅浦縣志載善卷嘗居廬峯山絕頂有臺臺上有土阜三旁有石鼎竈各一為卷

鍊丹臺及稱卷朝游盧峯暮宿大酉二山相距百里疑為神仙之流此說亦沿襲之謬耳志

讀書質疑屈原自投汨羅乃從來傳習之誤秭歸有清烈廟過

者必弔其自沈不知其非也其所謂自忍而沈流者乃已然之

辭豈得先沈而後為文蓋懷沙雖作之後文辭尚多豈真絕筆

於此哉其言吾將從彭咸之所居又謂葬江魚之腹中此亦乘

桴浮海之意孔子豈遂入海不返乎夏大觀識

宋玉墓宋玉城澧州志云舊志岳志及各記皆云在澧之長樂

鄉有宋玉廟又載歸州舊治東五里有宋玉宅杜子美詩江山

故宅空文藻宋玉歸州宅是也宜城有宋玉墓在城東南二十

里清宮故事則云宋玉宅在江陵城北三里庾子山賦誅茅宋

玉之宅穿徑臨江之府杜子美詩曾聞宋玉宅每欲到荆州陳

明卿謂承天府學泮池則有宋玉井楚舊志楠木山下井楚宋

玉鑿玉本歸州人仕宦游歷所在或以人傳而墓不應有數處

據指浴溪河南岸有墓碑人或稱宋玉墓李羣玉辨之因有兩

蝕玉文旁沒點至今錯認宋王墳之句然宋玉亦不應有墳在

此且玉詞客所居不應名城或者古有此城玉嘗居之故後人

以名猶新城有車武子宅後人遂名車城凡古名流軼事輒多

影響附會好辨者又未免迂鑿矯異俱不足以存真也志

范蠡墓舊傳在華容縣西南湖濱按王隱晉書地道記曰陶朱

冢在華容縣碑云是越之范蠡晉太原地記盛宏之荆州記首

言在縣之西南及考水經注夏水入華容逕范西戎之墓南而

郭仲產亦云縣東十里碑題故西戎范君之墓碑文剝落范西

戎不詳其人稱蠡是其先也碑立永嘉二年觀其所述最為究

悉云乃知蠡墓即西戎墓之訛傳也後世多不察不獨有其墓

竝有蠡湖廣輿記蠡湖在龍陽縣沉於此釣洲述異記范蠡嘗釣以

附會之且多稱范蠡為華容人致祀諸鄉賢謂非王隱諸人紀

載失實之貽誤也與湖志

錢遵王讀書敏求記云世傳孟姜女為范杞梁之妻非也據孟

姜女集云女姓姜楚澧人行一故曰孟姜秦始皇築長城夫范

郎往赴其役久不歸女製寒衣躬往送之至則范已死痛哭城

崩瀝血求夫骨而歸行至銅官山力竭死土人葬其二骸立祠

以祀自元至明詩文盈帙盡略杞梁之名而稱為范郎必有所

攷而云然與春秋杞梁妻的為二事不得以范姓加杞梁亦不

得以孟姜稱杞梁之妻此不讀書攷古者因俱哭城崩附會為

一事耳今千百年來廟貌猶新靈爽如昨一種貞烈之氣自在

天壤于故錄而存之讀疑

吳芮宅容齋隨筆云漢高祖五年以長沙豫章象郡桂林南海

立番君吳芮為長沙王十二年以三郡封吳劉濞而豫章亦在

其中又趙佗先有南海後擊并桂林象郡則芮所有但長沙一

郡耳案內本為秦番陽令故曰番君項羽已封為衡山王都邾
 今黃岡之邾城也復侵其地故高祖徙之長沙而都臨湘則邾
 之去番也久矣今猶指郡正廳為吳王殿謂邾為王時所居及
 引牛僧孺元怪錄載唐元和中饒州刺史齊推女止州宅誕育
 為神人擊死後有仙官云是西漢番陽王吳芮今刺史宅是芮
 昔時所居皆非案豫章會封吳王濞則吳王宅恐指濞為王時
 所居吳以國言非以姓言矣饒州刺史宅芮曾為番陽令則為
 芮所居未可知也舊志

白馬廟舊供漢景帝像故老傳漢景南征騎白馬過此山前三
 里有走馬岡東南三十里有漢景廟又有高山廟與皆于山俱
 供漢景大王神主石門慈利二縣亦兼有漢高景廟蓋漢初遠
 郡國皆起國廟江陵志餘景帝子臨江哀王閔王死國除無封
 故景無廟今鄧城諸倪化港多景帝廟以昭烈出帝後故凡駐
 蹕之地皆令祀焉非必高景親歷也澧州志

湘鄉東漢屬零陵郡晉屬衡陽郡至隋始屬潭州將琬生於湘
 鄉葬於涪本傳甚明四川省志華陽縣東七里有將琬宅又犀
 浦縣有將橋益州志琬宅於此因以為橋

修郡縣志者或辨琬墓在湘鄉或爭琬為今零陵縣人又總志
 云營道南三十里有琬墓此何異說楚

楚王廟隋末校尉董景珍率鄭文秀共立蕭詵為梁後乃封景
 珍為晉王文秀為楚王今北廟為董王廟南廟為鄭王廟也圖

經以鄭王廟為巴陵令鄭德璘昔遇洞庭君者非也岳陽風
 土記

紅拂傳奇本唐張說虬髯傳蓋託筆也不然衛公本朝將相紅
 拂既為夫人燕公豈不知其姓字而但稱紅拂女子乎衛公屯
 兵長沙固有之醴陵縣因靖興寺有衛公祠遂指山上高冢曰
 紅拂墓甚無謂也胡氏筆談云攷史書李百藥嘗在楊素幕中
 素愛其才百藥竊其愛姬素怒并命斬之及解衣就縛百藥體
 如玉神色不變素遂釋去命為匱具以姬贈之今以百藥為藥
 師由虬髯傳誤之也舊志

舊唐書杜甫本傳載公嘗遊衡嶽為暴水所阻旬日不得食未
 陽令知之自權舟迎公而還永泰二年當是大啗牛肉白酒一
 歷五年夕卒於耒陽時年五十九子宗武流落湖南而卒元和中宗武
 子嗣業自耒陽遷公柩歸葬於偃師首陽山前宋徐得記舊序
 謂公死葬耒陽縣北二里類苑云公終耒陽葬葬之元和中其
 孫嗣業始改葬肇縣元微之為志考黃鶴杜詩年譜云唐元宗
 幸蜀還詔求公耒陽尋令乃積土江上曰死葬於此皆誤也元
 宗崩於寶應元年公卒於大曆五年後元宗已十年焉得有詔
 求之事乎江縣志公卒於潭岳之間旅殯岳陽長子宗文卒於
 耒陽次子宗武貧病不克葬公孫嗣業啟公柩歸葬偃師則耒
 陽之殯實公子宗文考大曆四年公有瘞犬近潘岳之句是耒
 陽之殯必葬于宗文者後世因牛酒之說從而附會之也無錫

浦氏起龍詳考公於大歷五年夏過衡山呈耒陽令二詩知公此行本由衡而耒由耒而郴將依舅氏崔緯經耒之方田阻水聶令聞之致書饋酒肉公作詩至縣呈謝詩中云禮過宰肥羊愁當置清醪可知饋者非牛肉受饋後又作詩至縣呈謝可知無一夕醉死之事矣是年秋冬間又抵長沙以長沙送李十一有詩可證想是由郴而返也秋冬時將謀歸故又有暮秋將歸秦畱別湖南親友及風疾舟中伏枕呈湖南親友二詩後於洞庭得石刻有過洞庭湖五律一首不著姓名酷似公詩論者疑似相半然考元微之爲公所撰墓志有旅殯岳陽之語又無自耒陽遷柩之說則五年秋冬間當有北向入湖之事雖公之卒不敢定其何時何地以公詩與墓志考之若耒陽阻水時斷非公遺蛻之日也公孫嗣業遷公柩歸葬偃師路出江陵微之爲江陵士曹故嗣業乞爲墓志豈尙有不實之語乎又一統志載韓昌黎詩今春偶客耒陽路悽慘去尋江上墓竊疑昌黎亦誤傳宗文之殯與聶令之葬耳類編

杜文貞公生唐睿宗先天元年壬子至大歷三年正月去衡州三月至江陵冬杪之岳州四年正月自岳之潭州未幾入衡州夏回潭州五年春在潭州四月避臧玠亂入衡州欲如郴州依舅氏崔緯因至耒陽泊方田驛秋扁舟下荆楚竟以寓卒年五十九旅殯岳陽此平江縣南三十里小田所縣有杜墓也又按

宋呂氏大防作杜詩譜謂夏遷襄陽卒於岳陽唐詩紀事亦謂公卒於岳陽魯氏嘗作年譜王氏得臣塵史並謂公卒當在潭岳之交秋冬之際吾平正在潭岳之交也平爲岳陽屬縣唐曰昌江治在中縣坪絲洞庭源流一舟可達小田距昌江治十里公殆卒於舟而渴葬於此與元誌稱扁舟下荆楚間竟以寓卒旅殯岳陽岳屬別無杜墓遺蹟在小田無疑且公之子孫因流寓家於平今小田有杜家洞公裔猶存其家藏至德三載授公爲左拾遺敕及宋紹興二十三年授杜邦傑爲承節郎敕明參政陳壇僉事張景賢並爲之跋錢氏謙益亦謂今岳州平江縣民杜富家猶藏拾遺敕不允信而有徵哉案塵史又云陽翟徐示于有古人風其過杜工部墳云水與汨羅接天心深存遠移工部死來伴大夫魂流落同千古風騷共一源江山不受弔寒日下西原據此則工部墳宋時猶在平江也 節天岳山館文鈔

張丞相墓岳州府志云明宏治平江縣志云張詠丞相墓在張相源石人石獸形跡見在惜無碑志可證張詠漢州郾城人不應葬平江而宋史載詠卒於陳陳於楚爲近亦不爲無因也按宋人仕宦者多不歸葬故鄉如蘇文忠之葬宜興張魏公之葬甯鄉是也然乖崖未嘗爲相或以爲張昉亦無據故志中闕其名舊志

章愔墓在邑古塘案愔傳愔卒於睦州而古塘人相傳掘地得愔墓志故老猶能言之此嚙語也同上

舊志有李儁傳考儁年九十八卒有墓誌在縣龍田鄉上賢里
 康熙十二年八月出土縣人蔣我錄其文封石於墓載其文入
 康熙府志志又據誌誤傳編入仙釋新舊湖南通志皆因之當
 時誌石殘泐府志據首行希鄭二字為名且以為宋大理卿李
 傑之父考原文首行闕六字名當闕處希鄭蓋其字爾希鄭之
 父亦闕其名字曰中大蓋希鄭為中大第三子傑乃中大第五
 子也傑單名而從个旁其兄希鄭當是取法于產之義故名為
 儁而府志則誤以為傑父矣一統志載李傑熙甯進士據墓誌
 以皇祐五年第進士則統志誤也詳甯鄉黃本 驢古誌石華今檢舊志李儁
 李希鄭兩傳並著一入仙釋一入行誼殆誤以一人為兩人耳
 黃氏考析甚辨惟以希鄭卒為熙甯二年尙未的墓誌於希鄭
 卒無紀元年號卒曰元年葬曰二年考侯延慶李氏同莊記作
 於宣和六年稱金部公已歿二十有六年則為元符二年希鄭
 壽最高應後金部公卒故墓誌於希鄭卒言是夕其姪進士楷
 永州軍事判官楊甯鄉主簿榛皆侍而不及金部公以其時約
 之當在大觀政和間新通志金石門並斷為治平元年則誤而
 又誤也墓誌載希鄭母鄧贈清源郡太君黃氏謂郡當作縣宋
 無清源郡又謂書志時傑官未顯母不應封郡君今考墓誌傑
 自金部郎中出為荆湖南路安撫使未為不顯黃氏又以明正
 統間新甯禦寇之李俊臆斷為中大五子之一則尤大謬其原

亦誤於府志以李俊列入宋末故也邵陽縣志按道光府志謂
 謂楷為傑姪光緒乙亥冬傑妻茹宜希鄭即儁字斷為傑兄又
 子益徵儁為傑兄云宋故朝散大夫宜人墓誌出土乃知楷實係
 郎致仕賜緋魚袋彭天益撰朝散大夫宜人茹氏墓誌銘朝奉
 學事兼管內勸農事借紫金魚袋鄭中立篆蓋朝奉大夫新差
 知州軍州事勸農事借紫金魚袋鄭中立篆蓋朝奉大夫新差
 甚恭泣且言日詢薄祐祖母宜人棄祿養而逝日月於道行歸
 幽室欲記其德納銘於坎重惟教事昔使湘外詢於益陽為
 屬史慰籍良厚特茲雅於坎重惟教事昔使湘外詢於益陽為
 朝散大夫尙書金部郎中李公之妻宜人茹氏世居岳北曾祖
 壽慶州合肥今因家郡邑之舒城遂為舒城人祖隱養高弗仕
 父宗元以子孝標顯累贈尚書都官郎中母田氏封長安縣君
 宜人之婦不逮事其姑金部中進士第歷長沙陳雷二縣主判
 利縣令國子監主簿武安軍節度判官湖南轉運判官提點本路刑
 獄公事入為金部郎中知州擢梓州路轉運判官提點本路刑
 由選入至連率由薄俸至厚祿以孝謹事其舅以誠純供祭祀
 荆湘士族以宜人為宗族計人而給悉著承規厚書萬卷置有思
 之地日同田歲闕宗族計人而給悉著承規厚書萬卷置有思
 俗皆宜人相之也全郡宗族計人而給悉著承規厚書萬卷置有思
 下州人崇之以夫貴果封仁壽萬壽寺君金部夫人高年執
 喪如禮崇初郡國建天寧萬壽寺君金部夫人高年執
 日吾家累葉荷國恩受祿賜儀華封之祝願聖人之壽此其子
 也遂出私錢千緡以佐營繕郡守石不月大聞詔賜冠被以旌之
 會新正命婦之名孫曰臨終一命後事不違因俾姪楷出旌其
 散給之七日不茹葷日勿復我後事不違因俾姪楷出旌其
 書其語二十日不茹葷日勿復我後事不違因俾姪楷出旌其
 歿無愧無作可謂賢矣李公諱傑字伯穎世為邵陽人其生其
 宣教郎致仕前卒女適左司馬諱傑字伯穎世為邵陽人其生其
 司錄事孫女二人長適秉義郎高總次適承節郎馬元公衡州
 新女皆幼以八年七月庚申二十五日乙巳葬於縣之上賢村
 潤德源金部公之恩源誰其宅此女之賢柔靜好禮自妙年作
 君子德容全祭祀先祖欣吉獨事舅睦族禮無愆由夫而貴乘
 魚南里閭敬善教與肩書俾共讀食共田兩曹學問宜勉旃

李得請... 華封然守臣上奏當殿前... 脫去故宅如蛻蟬死生不動無攀援一性了了常光... 圓種德之本豐其源報爾子孫如長川 以上祠墓

湖南通志卷末之十八

〔光緒〕湖南通志 卷末一九

湖南通志卷末之十九

雜志十九 辨譌四

漢馬援為武陵太守時有蝗患援振貧窮薄賦稅蝗入水化為魚蝦考後漢書馬援傳無為武陵太守事乃馬援為廣陵太守振貧羸薄賦稅東觀記又言援在廣陵蝗入江海化為魚蝦何乃譌校為援譌廣陵為武陵禮州志

漢書建武三十一年以第五倫為夫夷長倫未到官追拜為會稽太守而甯鄉志載倫治績甚誣舊志

姓譜頓子獻頓肅於漢時為邵陽長者考邵陽於兩漢時皆為昭陵侯國見漢書王子侯表及續漢書郡國志漢制凡縣建為侯國者但有侯相無令長是漢時既無邵陽又無長姓譜甚不足據舊志皆誤邵陽縣志

舊志職官漢順帝朝有任嘉考後漢書儒林傳嘉為邵陵令續漢書郡國志南郡有召陵召音邵一作邵即齊桓伐楚所至之地而長沙郡之昭陵其時尚未改稱邵陵嘉之所治決非長沙屬縣邵陽縣志

晉書陶侃與太守呂岳有嫌遂棄官歸舊志誤為呂岱岱三國人建安間去晉甚遠乾隆湖南通志

武陵志有樂令園云晉樂藹為武陵令時治園植桃李去後百姓愛之不忍翦伐案晉書本傳藹未嘗為武陵令但遷龍陽相

時齊豫章王巽為武陵太守雅善謫為政後人遂因而謫傳之

與楚寶舊志所載太守劉歆往尋之語合太守子驥為一人與淵明所

記不合誠屬謬誤明暨陽陳公性學作八方亭記謂歆為漢人

以證其誤而引隱逸傳劉歆之子驥采藥衡山一說以為淵明

所指必此人夫劉歆典領五經卒父向前業在漢成綏和之年

去晉太元時已四百餘年矣安有其子尚存者且劉歆不產南

陽與淵明所記亦不合南昌人物載晉劉麟之都昌人字子驥

直指為桃源記中劉子驥麟之雖與周續之淵明為潯陽三友

於記中南陽二字無涉並非余攷晉劉麟之字子驥南陽人桓

沖聘為長史不就其時其地其名其人俱無可疑永為定論至

所稱太守原無指名不論可也羅人琮劉子驥辨

隋邵國公楊繹滕穆王子也文帝受禪封邵國公明年拜邵州

刺史初繹父穆王從幸栗園暴卒人皆以為遇鴆至是繹嗣以

穆王故每不自安煬帝即位尤被猜忌有人告繹怨望司徒楊

素議從重治罪帝以王族不忍除名徙邊郡見湖廣通志前志

誤為楊綸今正之寶慶府志

楊巨源有陪邵州王使君宴詩源曾為邵州醫學博士後遷虞

部員外郎王建賀以詩豈王建曾知邵州耶闕之以俟考同上

湘潭舊志稱褚遂良因爭立武氏左遷潭州都督登陶公山過

石塔寺顧瞻長安愀然不樂命易石塔為唐興攷高宗永徽六

年乙卯遂良貶潭州順慶二年丁巳再貶桂州又貶愛州戊午

卒貶所嗣聖元年甲申中宗始立未幾廢為廬陵王二年遷房

州是時去遂良貶潭州之日已三十一年何得遂良時帝在房

州邪楚寶

唐王子安勝王閣序云宇文新州之懿範解者謂宇文鈞新除

澧州刺史道過洪州故云然按唐都長安即今西安府至澧焉

得過洪且唐地理志并無新州之名通鑑代宗十四年以李泌

為朗澧峽團練使非為新州刺史明一統志亦言泌築新城元

因置新城鎮未嘗言新州又德宗建中四年貶盧杞為新州司

馬貞元二年詔拜饒州刺史以諫官及李勉言乃詔為澧州別

駕二三年間書法互異是新與澧為二也宋時鄒志完胡澹菴

胡致堂俱安置新州乃廣東肇慶之新興縣唐乾元及朱梁時

皆名新州安知所指新州之非彼而志以澧州有新城因附會

註名耶澧州志

韓昌黎荆潭裴均楊憑唱和詩序注樊汝霖曰均字思齊貞元

十九年五月為荆南節度使憑十八年九月為湖南觀察使荆

卽荆南潭卽湖南也公以承貞元年佐均為江陵法曹河南同

官記一本作裴均非也唐藝文志有裴均荆潭唱和集一卷則

知決非均矣昌黎先生文集二十

知決非均矣昌黎先生文集二十

第一冊 丹黃參日 卷五 反之下

五代周太祖廣順三年以大理評事許可崇攝湘陰令舊治在白烏潭可崇遷今治奏減縣租見一統志案湘陰徙縣今治通志言廣順間一統志言廣順三年據五代史南唐保大九年併湖南為周廣順元年二年冬朗州留後劉言遣王逵等十指揮擊走邊鎬盡復馬氏故地三年秋王逵遣潘叔嗣殺劉言顯德三年叔嗣復殺王逵湖南始為周行逢所據計廣順三年中南唐邊鎬及劉言王逵迭相吞併許可崇何時攝縣事於史無徵以事揆之疑為南唐所置史稱南唐收湖南租賦以贍戍兵務為苛刻人皆失望許可崇奏減縣賦當在是時十國春秋百官表惟南唐設官甚備閩王審知亦置大理卿此外無有大理評事攝縣事實宋制或係宋初或南唐已有此制必非劉言王逵等所置無疑一統志所云廣順三年疑屬二年之誤湘陰志

舊志徐經孫有傳考宋史經孫傳不著籍貫四庫全書總目別集類有朱徐經孫矩山存彙五卷提要載經孫字仲立豐城人家在洪撫之間有山方正因號曰矩山竝以名集舊志節其官瀏陽時剖牙契錢一事載入人物追尋其誤始由長沙府志載經孫寶慶初為瀏陽主簿刻本偶訛初為人遂相沿誤載康熙府志湖南通志楚寶增輯並同邵陽志

宋劉愚以安鄉人俗傳范文正公隨母適安鄉令朱輒其地有公讀書臺遂立公祠繪像祀之置祭田四十餘畝自是士大夫

登覽者以為勝蹟澧州又移建近城為溪東書院廣輿記亦稱澧為公遊歷之所攷公文集及年譜家傳史傳歐陽公之神道碑富鄭公之墓誌銘皆言公母改適池州長山朱氏不言適安鄉亦無朱氏之名公集有與朱氏手帖二十無一字及安鄉公舉進士名朱說父名朱輒公甯不諱嫌名邪澧州志林載朱輒為澧州長山人而紹定二年丁黼為池州范公祠堂記乃言長山在池州青陽縣十五里於朱氏得公續譜遺墨及公與母謝夫人畫像云公公元配陳氏繼室謝氏謝改適朱文翰亦不言朱輒文翰以景德初任澧州長史後以公贈得太常博士文集家傳亦稱公母改適池州長山朱氏輒耶文翰耶澧州人與澧州官其執信耶年譜載公生端拱二年己丑其明年庚寅為淳化元年丁父憂各文所載未二歲而孤也志林稱朱輒以端拱中泣任安鄉公隨母赴輒署攷端拱止有元年二年其二年己丑公母隨父范墉在徐州節度掌書記署中生公如之何其隨朱輒來安鄉耶壘粥讀書在長山醴泉精舍及南都學舍宋南都應天府即今歸德府睢州公師事戚同文自二十歲至二十七始釋褐今乃移之於安鄉豈朱輒宰安鄉幾三十年耶公年二十始知為范姓感念家世去之南都離其親甚遠窮苦不給故斷壘畫粥若朱輒以端拱中泣安鄉公始襁褓必不能讀書與國觀且讀書去縣署僅一港其母為令長妻已二十年必不

令其兒輩粥公性至孝亦必不以母之食為不義而甘藟粥也
孫繼魯碑攷南都為南郡誤亦甚矣王士禎作長白山錄力辨
丁黼之非今固不能決而安鄉欲藉公讀書為榮竝榮及於澧
州遂誣公母以隨夫范墉生公之日即為改適朱輒隨任安鄉
之日恐立祠置田五百年之歌頌皆得罪於公者也而要始於
劉愚愚亦賢者多著述何謬誤至是竊意朱姓之宰安鄉雖年
分不可知要非鑿空豈本為青陽長山之朱文翰先宰安鄉其
後遷澧州長史始娶公母耶公隨之讀書醴泉精舍又讀書南
都為宋代第一人物安鄉人以公繼父實先宰是邑遂附會其
說繼傳百有餘年劉愚宰安鄉時不詳攷其端末為之建祠置
田宋史據愚家傳以建祠置田為愚美政明嘉靖修縣志傳聞
異辭不知公舉進士之為朱說妄謂朱說為繼父名又以說為
輒妄載朱輒於端拱中泣任公隨其母來安鄉謗以傳謗益多
附會至

國初范氏刻公文集無所裁別竟以澧州長山池州長山安鄉
書臺澧州東溪皆為公隨母讀書之地亦敢於誣其祖矣事友錄
會子固元豐類彙中有本朝政要策內南蠻一篇宋興嘗設廣
捷之兵習標牌之器其後又益澄海之師皆以備蠻之為疆場
害也蓋及其輒動而我之所以威附之術可得而談者有用兵
深入伐而克之興國之初翟守素之平梅峒是也云云據此則

翟守素之平梅峒固嘗深入而克之惜史缺有間不可得而詳
耳其命翟守素之語則玉海亦載之從來談吾邑掌故者皆以
章愔開梅山為稱首而不及翟守素之績故書此以備修邑志
者之稽考焉梅山考

益陽縣志云宋史張頡木傳頡字仲舉其先金陵人徙鼎州桃
源第進士調江陵推官歲旱饑朝廷遣使安撫頡條獻十策活
數萬人知益陽縣縣接梅山溪崗多蠻獠出沒頡按禁地約束
召徭人耕墾上其事不報累遷開封府判官提點江西刑獄廣
東轉運使熙甯中章愔取江南地建沅懿等州克梅山與楊光
偕為敵頡居憂於鼎移書朝貴言江南殺戮過甚無辜者十八
九浮屍蔽江民不食魚者數月愔疾其說欲分功啖之乃言頡
昔令益陽首建梅山之議今日成功權輿於頡賜絹三百匹尋
擢江淮制置發運副使累官至戶部侍郎後以寶文閣待制為
河北都轉運使知瀛洲湖北獠判朝廷託其威望復徙荆南至
都門暴卒按朱志不著府判三官及言章愔虐殺之事似惇不
掩人功頡以知縣受賞也江志稱轉江陵歲饑條陳十事又前
後倒置大抵朱氏之文好簡不知大簡之弊事實不明江氏之
心多疑疑初任不當言調而府佐在縣令上不當先為江陵推
官而後為益陽知縣故改之不知此二例宋史往往有之也通志

宋史楊業并州太原人明一統志載業墳在古北口顧亭林日知錄笑明人不學之陋今俗云楊令公守山海關尤為鄙俚可笑又論業為寶慶人考宋史業之子延昭驍勇善戰在邊防二十年契丹憚之即世所稱楊六郎者也延浦延訓延環延貴延彬並貴顯官供奉殿直昭子文廣為廣西鈐轄知宜邕二州英宗曰文廣名將後且勇擢成州團練使時稱楊氏世將而誠徽諸楊十崗首領亦以其時率其族姓二十二州崗歸附詔補為右班直三班奉職子弟補授有差而楊通寶又為誠州刺史時稱楊氏世勳其時同其姓同其授官同其官之地又略同則流俗論傳有自來矣又宋景濂集言播州諸楊實出於業則又一說也寶慶府志

陶志辨正有康熙十九年提學批云奉祀生不問其祖父功德言若何一例準給殊非政體宜行裁革如謂舒致和以為明科甲任知縣又以為宋進士任辰陽刺史不知宋時無刺史官等語夫以為明人又以為宋人誠妄然謂宋無刺史則非也宋太祖嘗以猛人秦再雄為辰州刺史又以彭斌為漢州刺史安守忠平湖南為永州刺史張勳克桂陽為郴州刺史王景刺唐州張亢刺忠州後則不稱刺史而稱知某州安得云宋無刺史耶自熙甯間章惇經略南北江向永晤舒光銀納土其為刺史者或如今廣西雲南之士知州又或謂唐舒元與遭甘露禍其昆

弟元道元襄等皆編管遠州後多為土刺史然紀傳無徵不敢臆斷至彝頓旗山之舒姓本由江西進賢宋理宗時遷居潯浦非假先世之宦游以榮其族姓者也潯浦縣志

朱輅州志稱其紹聖間登第通判邵陽累治疑獄人以不寃後知郴州終任獄無一死罪甘露降於州署前之松逾月松下猶潤人謂善政所感按輅歷官湘陰尉邵陽倅辟廣西機幕未幾差知柳州甘露降於州廡明秀堂之松人以爲善政所感後授桂陽監使挂冠養母未嘗知郴州蓋郴州字相似而誤耳桂陽縣志

武岡志宋德祐二年武岡教授羅開禮起兵應文天祥復永豐縣死之按武岡去吉水永豐縣越數郡隔千餘里無起兵復應之理及考吉安志開禮吉水人與永豐為鄰邑蓋故為武岡教授史不沒其官也乾隆湖南通志

宋靖康時以趙野為北道總管見通鑑紀事舊志載其失援謫譴安置而同時又載趙舒以與王襄論勤王事為汪伯彥所忌同得貶亦詔安置邵州且誤野為舒殆以舒野字近誤再見也寶慶府志

楊慎丹鉛錄嘗過岳陽樓見一詩云樓上元龍氣不除湖中范蠡意何如西風萬里一黃鶴秋水半江雙白魚鼓瑟至今悲二女沈沙何處弔三閭朗吟仙子無人識騎鶴吹簫上碧虛乃視其姓名則元人張翥字雄飛作不知何地人也岳志採其詩註

為澧州守按元澧州安撫使張雄飛字鵬舉郟臨沂人茲名
翔字雄飛不著其爵里或非一人而岳志意即字鵬舉者也

舊志載武岡丞有崑山周後叔者以哭楊椒山見惡嚴世蕃坐
謫末云見王世貞所作墓志銘而元美集中有贈武岡丞周嗣

昌時以考功法坐浮薄詩三首中一首云蒼蒼千秋色沈沈何
時且一與王生游遂為浮薄冠乃知嗣昌即後叔之名而舊志

誤書其字耳玩詩意嗣昌之謫由與元美交好見惡於世蕃故
以浮薄坐謫不止哭椒山一事也

報王二十年楚頃襄王遷屈平江南平至江濱作懷沙之賦於
是懷石自投汨羅以死

當楚宣王二十七年屈原生案甲子會紀周顯王二十六年戊寅
二十六年戊寅正月二十又四年威王立又十一年懷王立張

儀詐楚在懷王十六年屈原年三十二已前被絀懷王三十年
入秦而頃襄王立立三年懷王卒原作天問招魂

王四年報王之二十年也於時原年五十頃襄王立六年秦楚
平哀郢云外承歡之約至十九年秦伐楚割上庸漢北地

明年拔西陵又明年取郢江南更五十六年而楚滅本傳其後
楚日以削實始頃襄王之十三年國事日非矣懷沙蓋繼哀郢

而作楚辭通釋辨哀郢為傷楚棄故都遷陳頃襄王二十一年
秦拔郢襄王東北保於陳秦遂收洞庭江南明年盡取巫黔中

郡如通釋說則自沈為殉楚難義尤正矣荆楚歲時記屈原五
月五日投汨羅隋書地理志云五月望日今荆襄競渡以望日

羅含湘中記屈潭之左玉笥山屈原之放棲於此山而作九歌
訖今二千餘年相沿以為屈原宅離騷九歌九章天問招魂蓋

皆作於南遷以後錄楚辭可也經取以冠人物之首則不可周
察以前遠而難徵得一屈子歷漢唐數百年無廢續以起者

已覺不倫况明明為遷謫者乎彭襄毅實出自湘陰而入蘭州
衛籍已歷數傳明史列傳亦不著本籍屈子已列湘陰祀典不

待鋪陳襄毅一代偉人由湘陰外徙著之彭氏譜沅湘耆舊集
亦錄其詩而不敢援舊志列之人物以紀實也

前漢書谷永傳永長安人父吉為衛司馬使送郢支單于侍子
為郢支所殺陳湯傳初元四年郢支遣使奉獻因求侍子願為

內附漢議遣衛司馬谷吉送之既至郢支單于怒竟殺吉等按
永傳稱為長安小史本長安人而陳湯傳又並未載吉為何處

人則永之為長安人明矣乃湖廣通志及衡州府志俱列入衡
州人物未審何據如永由衡徙長安則應自吉始雖吉傳未詳

亦應先吉而後及永豈因谷府君之名連類及之乃以誤耶抑

別有所考而未及具載耶又城步縣志載明頴國公楊洪爲本縣大竹坪人而明史稱其祖已籍六合則洪之居江左已三世矣今據漢書及明史闕之以俟後之稽考焉乾隆湖南通志
車武子岳州志載安鄉人荆志載公安人故安鄉公安志各載之安鄉有車公山車公亭車公橋云武子所生處今車姓皆認爲後裔而澧州新城有囊螢臺武子宅基武子墓城門石額有車城二字城東有車家溪子姓蕃衍稱述源流井井蓋由晉書稱南平人公安安鄉皆昔時屏陵嘗爲南平郡縣安鄉又有南平村云古立南平縣治處故岳志載之安鄉縣然澧地時亦半屬南平屏陵未可云車溪非其桑梓也澧州志
昌黎送區宏南歸詩注區如字祝充曰姓也後漢末有長沙區景政音謳古善劍區治子之後洪興祖曰區區治子之後集有送區冊序說者謂卽宏也故張籍送宏詩曰韓君國大賢道德赫已聞昨出爲陽山爾區來趨奔韓官遷法曹子隨至荆門韓入爲博士崎嶇從羈輪今本皆作歐宏誤矣樊汝霖曰公自陽山徙江陵尋召拜國子博士區生實從之至是南歸公作詩送之張籍孟郊亦皆有詩元和元年也昌黎先生詩集四
潼川府兜率寺唐劉蛻文冢銘在焉按文冢銘紀年大中在宣宗時而流寓志載蛻爲左拾遺疏指令狐瀉之惡貶華陰令山陽此則懿宗時也又云後寓潼川年老瘞文於南山作銘與從史

本銘大中丁卯戊辰年代不合則寓梓而瘞文或其未達以前事也四川省志
宋三賢墓在南川縣北七十里石龍廟側有石墓一列三函額題濂溪明道橫渠墓所八字俗號夫子墳今旁住居民姓多周程者諮訪世系亦弗能辨按濂溪先生道州營道人初爲分甯主簿調南安司理參軍累遷廣運判官提點刑獄後以疾求知南康軍因家廬山蓮花峯下是先生未葬斯土也不知何以與程張均有墓在其或三賢遺蹟後人思之爲之冢於斯與四川通志
按明道先生洛陽人橫渠先生大梁人家於陝西郿縣其卒皆不在四川亦無由葬此
嘉靖府志載武岡蔣欽通志載孫欽而近志遂以爲周儀之孫周湛之子曰周欽三世成進士而嘉靖志亦不載爲進士今從舊志仍爲蔣欽以備參稽寶慶府志以上人物
昌黎謁衡嶽廟遂宿嶽寺題門樓詩注樊汝霖曰唐衡山隸潭州神龍五年來屬衡州有南嶽衡山祠蘇內翰登州觀海市詩云潮陽太守南遷歸喜見石廩堆祝融過太行詩序云予南遷其必返乎此退之登衡山之祥也又潮州廟記云公之精神能開衡山之雲皆取此事觀蘇公海市詩則公此詩疑自潮州還作然永貞元年公自陽山徙據江陵嘗有委舟湘流往觀南嶽之語詩當是此時作時年三十八故其辭豪以放潮州還後則簡節嚴重無復此作矣補注公前後兩謫南方初自陽山北還

過衡在永貞元年八月至潭適當殘秋陪杜侍御游湘西寺詩云是時秋向殘是也今云我來正逢秋雨節故知此詩自陽山還時作後自潮州移刺袁州則元和十五年十月蓋未嘗過衡據袁州謝上表云去年正月貶授潮州刺史其年十月准例量移云云即自潮徑當來袁又未嘗遇秋雨節時也蘇公海市詩中所云蚺言之耳昌黎先生詩集三

昌黎洞庭湖阻風贈張十一署詩注孫汝聽曰署河間人與公及李方叔同貶南方樊汝霖曰永貞元年自陽山徙掾江陵十月過洞庭湖作或云赴陽山時作公江陵途中詩敘初赴陽山云春風洞庭浪而此詩則首云十月陰氣盛可知其非矣祭柳州李使君文其略云俟新命於衡陽祭張十一云避風太湖詳此可見昌黎先生詩集三

江季共說杜甫贈李龜年詩非甫所作蓋岐王與崔滌死時年尚幼又甫天寶亂後未嘗至江南范攄雲溪友議言明皇幸岷山伶官奔走龜年奔泊江潭甫以詩贈之又云龜年曾於湘中采訪使筵上唱紅豆生南國春來發幾枝願君多采擷此物最相思歌闕莫不望行在而慘然時甫正在湘潭或有此詩西溪叢話

黃山谷宜州家乘前有范寥信中序文自言崇甯乙酉三月十四日始達宜州翼日謁先生於傲舍自此日奉杖履至五月七日同徙居於南樓跬步不相舍至九月先生忽以疾不起子弟

無一人在側獨余為經理其後事方悲慟不能已所為家乘倉卒為人持去紹興癸丑忽有友錄寄因鏤板以傳云云而羅大經鶴林玉露乃云山谷謫死宜州時有永州唐生從之游為之經紀後事收拾遺文獨所作家乘為人竊去了不可得考今本家乘中崇甯四年正月朔即有元明自永州與唐次公俱來居四日矣之語二月十日又云唐次公自柳州來前後皆同游數日次公疑即鶴林玉露之唐生鮑氏跋謂唐即范之傳訛語甚含糊至明人刻山谷集其年譜中亦載范寥相訪及同住南樓事似即本之家乘而附刻周季鳳所為別傳則云初謫宜州與零陵蔣漳友善士大夫畏禍不敢往還獨漳日陪杖履疾革漳往見之大喜握手曰身後事委君矣及卒漳為棺斂送歸此與家乘序中之言大異與鶴林玉露亦不合又近時新化鄧顯鶴增輯楚寶一書獨行門有蔣漳傳載漳侍送山谷事與別傳同且及其後來從游鄒志完一事其人決非漫無可徵信者而按諸家乘則自乙酉正月朔至八月二十九日止每日所書絕不見蔣漳姓名不知何故蓋寥本傾險之士揣之家乘之失當即寥所藏匿而託言他人持去其藏匿者正為作計削去唐蔣之名獨攘其美也吹網錄以上流寓

舊志載岳飛獲楊再興於邵州奇其狀釋之諭以忠義使勦其黨後同徐慶等破淮西及克光蔡陳諸州從飛破兀朮拐子馬

軍元尤憤甚聚兵十二萬於臨穎再興以三百騎出哨遇於小商橋騎與之戰殺其將卒千百人而死獲其屍得箭鏃二升飛
勳惜之詳宋史及通鑑紀事本末而新甯志載再興從楊業討粵寇身被箭鏃二升而死又按一統志楊邦父子再興從飛破金人幾殪元
尤身被數十鎗而還在新甯志固屬傳聞不確而統志亦不詳其所終豈當時有兩人同姓名者耶反覆詳之其為臨岡楊再興而戰死於小商橋者是已又南蠻傳紹興二十四年禽楊正修及其弟正拱送理寺獄斬之初正修待其父再興入覲獻還省民置土遂命以官建炎後與弟正拱率九十團猶人出武岡軍縱火殺掠民財為亂紹興開潭州帥司嘗招徠之後復作亂屢抗官軍至是伏誅乾道十年全州上言本州密邇谿崗交相鼓扇深為邊患如武岡楊再興桂陽陳尚相繼為亂考再興獻還省民置土入覲命官已在建炎之前矣豈命官後又叛應曹成又降飛後其子又以叛誅耶其為兩人姓名無疑特以再興本傳既無里居而姓名時代正復相同故不能辨其必非一人也今仍鄭府志入列傳中而復辨論於此以免竄取之議云實慶

府志明史載大兵入武岡作霖冠帶坐堂上劉承允勸之降不從遂被殺妾鄭有殊色被執驅之過橋躍入水中死舊志載作霖戰敗斗溪被獲諭降之不從羈月餘賦絕命詩死當事為之殮葬

封其墓府志云作霖冠帶自縊諸說不一應以傅氏家譜為信詳紀又張同做有夢傅忠烈公詩則家傳載當日忠肅之諡亦不確

國初諡忠毅敕建昭忠祠乾隆間通諡忠節實慶府志邵陽軍毓秀作神勇將軍傳言州人劉中砥死難事甚悉中砥少為岷王審理以勦斗寇功授游擊桂王時以援桂林功封神勇將軍丁亥一門死者十四人舊志遺載府志劉大幹亦死斗溪之難大幹亦少為岷府道典以勦土寇功授副總兵竊疑中砥即大幹傳聞異辭耳然車傳作於戊子五月距中砥之死僅十閱月當日目擊時事宜可信且傳中載死事日月甚確惟稱八月望後三日壬戌大兵逼城中砥欲戰承允誘之降中砥憤不從與其妻周氏及家人死者十四人裨將周縉殞中砥夫婦於城隍廟側八月二十日癸巳歸葬於祖塋白竹山癸巳上距壬戌三十日不應同在八月當是傳寫之訛耳康熙志成於潘氏應斗之手應斗身歷國變中砥為其里人何得無一言或曰應斗固言之矣其序州志云兵有主客事有名實殉義有正變服官有本末所聞異辭所見異辭疏略之咎實所不免後之讀書猶諒今日憂患之心焉則當日之殉義捐軀未見紀載者多矣豈獨一中砥哉一陌紙錢挂墓臺淚痕滿地染蒼苔山河不
卿詩也妙卿州學生詩為
吳中砥作 實慶府志

武岡破後總兵王景熙戰敗不屈死之長沙僉事趙廷璧內鄉人率妻古氏子燦子婦馬俱自盡布政司參議嶧劉佐荊州僉事邱懋樸俱遇兵死案王景熙趙廷璧俱見從臣廷璧妻作吉氏景熙一云攸人劉佐邱懋樸或不定在武岡今並據錄於此以備考府志

關賊之死野史所載不一有云自西安追奔至辰州將合張獻忠張已入蜀遂至武昌居五十日謀南下取宜歛將發旗鎗盡折乃由金牛保安走咸甯蒲圻沿道殺掠過通城命其下四十八部先發羅公山村民正謀捍禦相與盟於山之元帝廟自成二十騎過呵止從人單騎上山伏謁帝像若有物擊之不能起村民疑為劫盜取荷鋤碎其首死又有云自成屯黔陽羅公山乏食出鈔掠為何騰蛟伏兵所逐村民殺之李過勒兵奪其屍滅一村而還結草為首以表其葬於羅公山下明史載為我兵所逼部眾多逃降走咸甯蒲圻竄於通城之九宮山秋九月雷李過守寨自率二十騎略食山中為村民所困不能脫遂縊死又載有或曰村民方築堡見賊少爭前擊之入馬俱陷泥中自成腦中鉏死說各不一其以為死於村民手一也野史則載村民不知為自成也截其首獻何騰蛟驗左臚傷鏃始知為自成明史則云剝其衣得龍衣金印眇一目村民乃大驚謂為自成雖死於中鋤說各不一其以為果死亦一也湖廣通志載羅公

山在黔陽縣東南一百六十里周迴五百里四面險絕九宮山在通山縣南八十里皆不云在通城而明史野史皆屬之通城其山名則九宮羅公互異今按羅公山實在黔陽俗名羅孔八面山與激浦綏甯武岡連界稱在通城者誤明史稱通城九宮豈九宮山在通山縣又與通城相附與余以澧志不備周諮遺事有孫教授為余言李自成實竄澧州因旁詢故老聞自成由公安奔澧其下多叛亡至清化驛隨十餘騎走牯牛壩在今安福縣境復乘騎去獨竄石門之夾山為僧今其墳尚在云余訝之特至夾山見寺旁有石塔覆以瓦屋塔面大書奉天玉和尚前立碑乃其徒野拂所撰文載和尚不知何氏子夫奉天豈和尚所稱曰玉曰何氏子蓋寓言之亦諱言之也徧問寺僧對不甚詳悉內一老僧年七十餘尚能記夾山舊事云和尚順治初年入寺事律門不言來自何處其聲似西人後數年復有一僧來云是其徒乃宗門自號野拂係江南人事和尚甚謹和尚卒於康熙甲寅歲二月約年七十和尚臨終有遺言於野拂彼時幼不與聞奉天和和尚為其自號野拂即以名其塔寺尚藏有遺像命取視之則高顛深顴目蜷鼻狀貌猙獰與明史所載相同其為自成無疑自成之構亂也初僧號奉天倡義大元帥後復僭號曰新順王其曰奉天玉和尚蓋以奉天王自寓加點以諱之而玉又璽質天子之所寶殆訖死不去僧號與秦山賊王

始同一行徑可笑也自成受我兵迫蹙由襄陽分路南奔時何騰蛟在長沙尙爲明守料其痛君父之仇必不容已故令妻姪乞降而已由公安別竄蓋欲走辰沅從黔入川與張獻忠兵合而常德又爲騰蛟別將所扼進退不能從者相繼叛亡乃舍騎入山削髮亡命亦勢所不得不然而我師與騰蛟彼時皆以得自成爲首功因而設疑代斃以爲緩追脫身計此又其腹心謀臣之所共爲安知後至夾山之野拂非卽其逸黨耶昔黃巢伏誅已數十年後天津橋上有題詩僧識者以爲卽巢則脫匿空門竟成巨賊末路故套而一時咸爲其所欺不重可憤哉或曰奉天適所產籍也瀋陽爲奉天猶前代以江甯爲應天安陸爲承天云爾賊匿跡方恐不深安敢以奉天侈然自號且賊屬盤踞澧境六七年甯無一物色故頭目而奉爲依歸者然自成道誅兩朝死灰焉敢偷焰抑安知賊屬之不忘澧非卽以自成尙在夾山寺故耶况明史於九宮山鉏死之自成亦言我兵遣識者驗其尸朽莫辨而老僧親聆警教其西音又迥異也爰臆訪聞備書傳尾俾後之怪史傳異辭者亦有所參考云何璘澧州兵難通寇

周九煙和楚女詩序云楚女初不知姓名邑里有燕客游於楚者云甲午之夏此女遭兵掠至漢江赴水死其屍逆流千里越洞庭湖而南爲漁人所獲玉貌如生年可十四五有素帨繫在

臂甚固發視得詩十首詩見列女傳人爭傳寫遂連金陵余得之於林子扇頭讀其詩咸意爲湘江女子也詩中有夢到瀟湘何日歸及東流直繞洞庭西之終恨其姓氏無傳嘗與林子謀請於乩仙而不得至仲冬長至夜夢與數友閒談偶詢及此女姓字一友遽答云姓李余亦唯唯傍一友云此女自姓盧名佛蓮余不覺恍然因援筆就案書盧佛蓮三字自此楚女無姓字而有姓字矣至乙未春日忽有林生鳳鳴過鵲江生爲楚之安陸人適友人談及楚女事生云此吾同里黃氏閨媛也其尊人諱以泰爲鄉先達女小字青蓮因避亂僑居長沙之益陽突遭兵掠赴江盡節前所傳一不妄但十詩題油楮上非素帨詩中所云母兄者則母之長兄某女幼所師事者也余聞之快然直以楚女爲黃青蓮矣越三載戊戌冬偶晤衡陽徐生於鳩茲復談及此徐生慘然曰此吾妹也以甲午春在衡州被掠至漢江赴水死時畱十詩於紙適見擔水童子乃抽銀釵并詩授之屬云煩寄與讀書相公童子以呈其主人瞿生遂盛傳於武昌藩臬聞之遣人順流收其屍不獲因鑿碑鏡十詩其上植之漢陽門外余問女年幾何曰十三曾許字否曰許字王氏女何名曰青鸞卽詩中所謂青鸞有意隨王母者也余聞之亦慘然蓋徐生之父立階爲楚丙子孝廉第六人曾與余有舊以女故亦憤鬱而死噫一楚女也初夢得之既妄得之至是始得其真焉乃繇佛蓮而青蓮繇青蓮

而青鸞若郵遞然亦奇矣因為六詩識之吳楚乾坤候不同祝融粉碎洞庭空那知萬古貞魂宅卻在湘帆九面中亂離誰問孝廉船絳帳旖旎各一天痛殺文姬生死別從今休拂四條絃青鸞王母是前因濕榼塵絲總未真瓊珞若歸明月夜應隨南嶽魏夫人幾行清淚漲瀟湘花落黃陵更斷腸縱道峯高無雁到化為精衛過衡陽天遣奚童表孝貞讀書種子定鍾情脫簪頻死殷勤屬祇為高堂不為名千秋墮淚說遺蹤片石今看巖女宗漫道朱陵峯七二直應添作七三峯周九煙集以上列女甯遠志謂舜昇天仙去今舜廟之陰有玉瑯巖為舜時何侯煉丹處其前有何侯宅謂皆舜一時仙侶以至甯邑南道有帝舜過化處五大字碑此尤不經之論宜斥而不存者也不獨此也甯邑城東五里許黃馬祖下有秦伯仲雍祠傳采藥而逃於此後人即其地而祠之然則斷髮文身之處此其是耶而史書缺載何也又邑城六十里踰坪田而北山上有光武城謂光武始起兵春陵地吾考光武南陽人當年起兵南陽或南陽別有春陵而論傳此耶乃傳載漢王買封楚為春陵侯人謂光武則王子買之苗裔也故起兵於此諸如此類稽古者宜闕之以俟攷焉曹維新集

昌黎石鼎聯句詩序元和七年十二月四日衡山道士軒轅彌明自衡山來補注吳安中云石鼎聯句皆退之作如毛穎傳以

文滑稽耳所謂彌明即愈侯喜師服皆其弟子故云蒼溪漁隱曰公與諸子嘲戲見於詩者多矣皇甫湜不能詩則曰持掠糞壤間孟郊苦思則曰腸肚鍊煎煨樊宗師詩澀則曰辭怪義卓關止於是矣不應談詡輕薄如此之甚也且序云衡山道士云云此豈亦退之自謂耶按仙傳拾遺有彌明傳雖祖述退之之語亦必有是人矣昌黎先生文集二十一唐書載呂諲按治妖人申泰芝事可稱快絕近聞廣輿記及楚中諸志猶傳泰芝為白日冲舉然則俗子之譌傳妄附又何止此楚賢以上仙釋

離騷九歌之數至山鬼已滿國殤禮魂似多二篇五臣云九者陽數之極取籥韶九成之義涉於穿鑿姚寬謂如七啓七發不論篇數但九章又何以恰符耶竊謂山鬼與正神不同國殤禮魂乃人新死為鬼者物以類聚雖三篇實止一篇合前共得九也九章王逸謂放江南作而何以一則稱造都為南行稱朝臣為南人又一以思君為西思耶按惜頌思美人抽思當是懷王時作涉江以下方是頃襄放江南作原初被讒不復在左徒之位未嘗不在朝也故有使齊諫張儀二事再諫被遷於外尋召回又有諫入武關一事如惜誦乃見疏懷王後又進言得罪然亦未放次則思美人抽思乃進言得罪後懷王置之漢北故其視造都與朝臣俱在南也若江南之野則謂東遷此哀郢篇所

以云西思也漢志原賦二十五篇漁父以上既滿其數招魂大招兩篇未有著落遂一歸宋玉一歸景差李善又以以大招篇改招魂爲小招試問皆原之徒何以見差之招當爲大玉之招當爲小乎且九歌十一篇淮南劉向皆定以九漢志因之而韓昌黎云屈原離騷二十五篇與原賦二十五篇之漢志合若不收二招僅二十三篇耳當以此足其數可也又王逸以大招或言景差招原爲疑知爲原作乃謂作於放流九年自招其魂宋晁補之決其爲原作又不知其招何人蓋原自放流念念不忘懷王斷無客死歸葬寂無一言之理謂之爲大尊君之辭所以別於自招也舊認定景差招原不得不硬添楚王舉用等語遂致文義難通矣按朱子楚辭集註云招魂者宋玉之所作也古者人死以其衣招之而荆楚之俗乃或以是施之生人又曰大招不知何人所作或曰屈原或曰景差自王逸時已不能明矣其謂原作者則曰詞義高古非原莫及其謂不然者則曰漢志定著原賦二十五篇今自騷經以至漁父已充其目矣其謂景差則絕無左驗是以讀書者往往疑之然以宋玉大小言賦考之則凡差語皆平淡醱古意亦潔淨閒逸不爲詞人墨客浮誇豔逸之態然後乃知此篇決爲差作無疑也雖其所言有未免於神怪之惑逸欲之娛者然視小招則已遠矣其於天道之誠信動靜益若祖識其端倪於國體時政又頗知其所先後要爲

近於儒者窮理經世之學予於是竊有感焉因表而出之以俟後之君子紛紛之說要當以此爲正湖廣通志以上藝文楚南永州郡出斑竹世傳舜崩蒼梧葬九疑山二妃從之哀嗟淚染林竹成斑精神所感至今竹上斑痕不滅人稱爲淚竹又曰湘妃竹按禮記云舜葬蒼梧三妃未從其事原屬荒渺竹之有斑地氣使然種類各判考劉美之續竹譜云蕙竹皮上有文殆卽其類然則竹之有文又係何人所感乎類編小楚國先賢傳孟宗母好食竹筍宗入林中哀號方冬筍爲之出因以供母人以爲孝感所致今楚湘中徧地皆有冬筍豈皆孟宗哀泣所感耶觀按楚湘中冬筍皆掘地而得之非筍自生也孟宗供母之筍必地自生故足爲異耳類編小沈存中忘懷錄云蘭有二種黃花者最香紅者次之麤牖間評云蘭皆紫花無黃紅二種殊不知閩浙出素心蘭象牙黃色楚南桂陽州與粵東連界諸處出紅蘭花此余所目觀者類編小麤牖間評沈存中忘懷錄云蕙俗謂之鈴鈴香廣志云蕙草綠葉紫花陳藏器云此卽是零陵香生零陵山谷乃用此零陵二字蓋存中誤認零陵以爲鈴鈴也而忘懷錄又注云呼零陵者非則是存中真以鈴鈴爲是然蕙本非鈴鈴而鈴鈴香自別有一種草耳類編小坤元錄言澈浦無射山多茶樹而無射山不可考一統志言澈

212217

S
Z121.5
15a

續修四庫全書 史部 地理類

浦出漆又言茜草今激浦並無漆茜草亦少瀟湘聽雨錄言激
浦出桃花紙既薄而潔足供臨摹今學書者所用未知其為桃
花與否而名則甚美激浦縣志
以上物產

湖南通志卷末之十九



ZW 21101000692832